

მართლმადიდებელი ეკლესიის კანონები
ეპისკოპოს ნიკოლოზის (გილაში)
ბ ა ნ მ ა რ ტ ე ბ ე ბ ი თ

II ტომი

თარგმანი შესრულებულია წიგნიდან:
„Правыла Православной Церкви.
Столкованиями Никодима,
епископа Далматинско-Истрийского“ Издательство
„Отчий Дом“
москва 2001

ბუნუსაყენი კლდე
თბილისი 2011

გამოცემა ეკლვნება

**საქართველოს სამოციქულო მართლმადიდებელი
ეკლესიის ავტოკეფალიის აღღბენის 90-ე წლისთავს
და სრულიად საქართველოს კათოლიკოს-პატრიარქის
ილია II აღსაყდრების 30-ე წლისთავს**

რეცენზენტი

ღვთისმეტყველების მეცნიერებათა დოქტორი მღვდელი ალექსი ქუჭუტაშვილი

ტიქსტის რედაქტორი


ფილოლოგიის მეცნიერებათა დოქტორი ია გრიგალაშვილი


მარბმნა გლადიმერ ჩხიკვაძე

დანმარებისთვის მადლობას ვუხდით ვასილ ბურკაძეს

კომპიუტერული მომსახურება ვექტორ დავითაშვილისა

რეცენზირებულია და ნებადართულია გამოსაცემად საქართველოს სამოციქულო
ავტოკეფალური მართლმადიდებელი ეკლესიის გამოცემლობის და რეცენზირების
დეპარტამენტის მიერ. დეპარტამენტის თავჯდომარე
ფოთისა და სობის მიტროპოლიტი



	სსაგპრდ	სრ
	10.02. 2011	№378

წიგნი დაიბეჭდა
საქართველოს საპატრიარქოს სტამბაში
„ბიზნესპრეს“ იყრ სიტყვა“

**მპისკოპოსო ნიკოლოზი (მილაუი)
მართლმადიდებელი ეკლესიის კანონები
განმარტავებითურთ**

წმინდა აღგილობრივი კრებების კანონები*

მხოლოდ იმ ადგილობრივი კრებების კანონებია სავალდებულო ყველა ეკლესიისათვის, რომლებსაც ასეთი მნიშვნელობა მსოფლიო ეკლესიამ მიანიჭა. ასეთი კრება სულ თერთმეტია, სახელდობრ: ანკირიის, ნეოკესარიის, ღანგრის, ანტიოქიის, ლაოდიკიის, სარდიკიის, კონსტანტინოპოლის (394 წ.), კართაგენის (419 წ.), კონსტანტინოპოლის (861 წ.), კონსტანტინოპოლის (879 წ.) და კართაგენის კრება, რომელიც მწვალებლების ნათლობის საკითხთან დაკავშირებით შედგა კვიპრიანეს მთავარეპისკოპოსობის დროს (255 წ.). ყველა ამ თერთმეტი კრების კანონები შეტანილია ათენის სინტაგმასა და პიდალიონში. სლავურ და რუმინულ კანონიკურ კრებულებში შედის მხოლოდ ათი ადგილობრივი კრების კანონები [ასევე, ქართულ „დიდი სჯულისკანონში“]; მათში არ არის შეტანილი კართაგენის 255 წლის კრების კანონი. ამის მიზეზია მისი დადგენილება, რომელიც მართლმადიდებლობაში მოქცეული ყველა მწვალებლისა და სქიზმატიკოსის აუცილებელ მონათლვას გულისხმობს, რაც არ არის სავალდებულო ყველა ეკლესიისათვის, რადგან ამ განწესებას, – ტრულის კრების მე-2 კანონის სიტყვებით, – სავალდებულოა მხოლოდ ამ კრებაზე მოხსენებულ წინამძღვართა მოღვაწეობის ადგილებში, მაშინდელი დროისა და ადგილობრივ წეს-ჩვეულებების გათვალისწინებით, ანუ კართაგენის ამ კრების დადგენილება იყო არა საყოველთაო-სავალდებულო, არამედ ადგილობრივი მნიშვნელობის შემცველი. მისი განმარტებისას, ბალსამონი ამბობს: „ეს კანონი მოითხოვს, რომ ყველა, ვინც მართლმადიდებელი ეკლესიისაკენ მოექცევა, გინდ მწვალებლობაში და გინდ განხეთქილებაში მყოფი, თავიდან უნდა იქნეს ნათელღებული, თუნდაც მანამდე მონათლული ყოფილიყო; მაგრამ II მსოფლიო კრების მე-7 კანონი სრულიად სხვაგვარად განაჩინებს ამ საკითხის შესახებ; ის უსუსტად განსაზღვრავს ვისი გადანათვლაა საჭირო და ვისი არა. წაიკითხე კანონები და მიჰყევი იმას, რომელიც უფრო გვიან არის მიღებული, წაიკითხე ტრულის

*შესავალი ნაწილი, სადაც გადმოცემულია ცნობები წმინდა ადგილობრივი კრებების შესახებ, თარგმნილია ამავე გამოცემის I ტომიდან, გვ. 25.

კრების მე-2 კანონიც და იხილავ, რომ რის შესახებაც ეს ეპისტოლე საუბრობს (ანუ კვიპრიანეს კრების კანონი), არ არის ყველა მამის მიერ მიღებული, რადგან აქ ნათქვამია შემდეგნაირად: „კანონი, გამოცემული აფრიკის სამთავროს მთავარეპისკოპოსისა და მოწამის კვიპრიანეს მიერ, სავალდებულოა მხოლოდ ამ კრებაზე მოხსენიებულ წინამძღვართა მოღვაწეობის ადგილებში, თანახმად გადმოცემული წეს-ჩვეულებისა“. აქედან შეიძლება დავასკვნათ, რომ თავიდან ეს კანონი არ პასუხობდა ყველა იმ ადგილის წეს-ჩვეულებას, ხოლო იმის გამო, რომ II მსოფლიო კრების მე-7 კანონი სრულიად სხვას მოითხოვს მოქცეულთაგან, რომლებმაც მანამდე მწვალებლობასა და განხეთქილებაში დაჰყვეს, ვიდრე აღნიშნული ეპისტოლე, ამიტომ უკანასკნელის განწესება უზულებელყოფილ იქნა“.*

დანარჩენი ათი ადგილობრივი კრების კანონები აღიარებულია ყველა მართლმადიდებელი ეკლესიის მიერ.

*ათენის სინტაგმა, III, 19.

ანპირიის წმინდა ალგილოზრივი კრების კანონები*

კანონი 1

იმ მღვდლების შესახებ, რომლებიც მსხვერპლს სწირავდნენ კერპს და შემდეგ განაასლეს სარწმუნოებისათვის ღვაწლი, — თანაც, არა ვინმესათვის მოსაჩვენებლად, არამედ ჭეშმარიტად, რადგან წინასწარ განზრახ არ მომზადებულან და არავისთან შეთანხმებულან იმისათვის, რომ სხვების თვალში მრავალი ტანჯვის დამთმენლებად გამოჩენილიყვნენ, რომ თითქოს ტანჯვის შედეგად განუდგნენ ეკლესიას და ამ მიზნით თავისთვის სათვალთ-მაქცო სატანჯველი არ მოუწყვიათ, — განეაჩინებთ: შეუნარჩუნდეთ მათ დასაჯდომელის პატივი, მაგრამ ჩამოერთვათ წირვის, დამოძღვრისა და, საერთოდ, რაიმე სამღვდელო მოქმედების უფლება.

მრავალ პირთა შორის, რომლებიც მაქსიმიანეს დროს განხორციელებულ ქრისტიანთა დევნილობისას კერპებს მსხვერპლს სწირავდნენ, მღვდლებიც იყვნენ; სწორედ მათ შესახებ საუბრობს წინამდებარე კანონი. იმ მღვდლებთან დაკავშირებით, რომლებიც ქრისტიანულ სარწმუნოებას ადამიანთა წინაშე შიშის გამო განუდგნენ, მოციქულთა 62-ე კანონი განაწესებს, რომ ეკლესიიდან განიკვეთონ, მონაწილების შემთხვევაში კი, მხოლოდ ერისკაცის ხარისხით იქნენ ეკლესიაში კვლავ მიღებული. ანკირიის კრების წინამდებარე კანონი დამატებას აკეთებს მოციქულთა კანონის აღნიშნულ განწესებაზე და იმ მღვდლებსაც მოიხსენიებს, რომლებმაც მონაწილეობა განდგომა, დათრგუნეს ტანჯვის ყოველგვარი შიში და აჩვენეს ჭეშმარიტი მოშურნეობა ქრისტეს სარწმუნოებისათვის, ანუ აშკარად გადაიტანეს სატანჯველი და, დაითმინეს რა მხნედ, საზეიმოდ აღიარეს ქრისტეს სახელი. ასეთი მღვდლების მიმართ, კანონი განაწესებს, რომ მათ შეუძლიათ ატარონ სამღვდელო წოდება და მღვდელმსახურთა შორის დასაჯდომელის პატივით ისარგებლონ, მაგრამ, ამასთან, რადგან ისინი სულმოკლეობითა და შიშით ცოცხალში მანც ჩაგარდნენ, რაც კონკრეტულ შემთხვევაში კერპებისთვის მსხვერპლის შეწირვით გამ-

*მაქსიმიანეს დევნილობის შემდეგ, როდესაც მშვიდობა დაეყარა, ბევრი ქრისტიანი — დევნილობის ვაჟს შიშით, ან სხვა რამე მიზეზით ეკლესიისგან განმდგარი — დაბეჯითებით მოითხოვდა კვლავ მიეღოთ ეკლესიაში. საკითხი იმის შესახებ, უნდა მიეღოთ თუ არა ისინი ეკლესიაში და თვით წესი მათი მიღებისა, რომელიც იმ მდომარეობების ფარდა იქნებოდა, რომელთა გამოც ისინი განდგნენ, საერთოდ არ იყო ნათელი ეპისკოპოსებისათვის. ამიტომ შეიქმნა ეს კრება, რომ ემსჯელათ და მსგავსი დანაშაულისათვის შესაბამისი სასჯელი განეჩინათ.

კრება შეიქმნა ვალატიის ანკირიაში, 314 წელს; ესწრებოდა 18 ეპისკოპოსი მცირე ასი-დან და ხირიიდან; თავმჯდომარეობდა ანტიოქიის ეპისკოპოსი ვიტალი. კრებამ 25 კანონი გამოსცა. მათგან, პირველი ცხრა და მე-12 ეხება უშუალოდ იმ საკითხს, რის გამოც შეიკრიბნენ; სხვა დანარჩენი კანონი საუბრობს საერთო საეკლესიო დისციპლინის შესახებ.

ოიხატა, და თუნდაც წამიერად შეიბილწეს სული განდგომილებით, გახდნენ, ამგვარად, უღირსნი, რომ საკურთხეველში როდესმე მსხვერპლი შესწირონ და მღვდლის ხარისხით ემსახურონ იმ ღმერთს, რომელსაც უღალატეს; ამიტომაც ართმევს მათ კანონი წმინდა მსხვერპლის შეწირვის, ქადაგებისა და, საერთოდ, რაიმე სამღვდელო მოქმედების აღსრულების უფლებას. თუმცა, ამ მღვდლებს შეუძლიათ ისარგებლონ დასაჯდომელის პატივით სხვა მღვდლებს შორის, მაგრამ მხოლოდ იმ შემთხვევაში, თუკი მოშურნეობა სარწმუნოებისათვის გამოავლინეს ჭეშმარიტად და არა მზაკურული ხერხით. ხდებოდა, რომ ზოგიერთნი მღვდელთაგან, რწმენაში ასეთი მოშურნეობა რომ ეჩვენებინათ და, შესაბამისად, მიტევენაც მიეღოთ იმისათვის, რომ კერპებს შესწირეს მსხვერპლი, წამების დროს გაიძვერობას მიმართავდნენ: შეთანხმებაში შედიოდნენ მღვენელებთან და წინასწარ, სანამ სატანჯველად გადასცემდნენ, ქრთამავდა მათ. ასე რომ, როდესაც მათი ჯერი დგებოდა, მღვენელები შეთანხმებისამებრ ექცეოდნენ და არავითარ ზიანს არ აყენებდნენ, აწამებდნენ მხოლოდ მოჩვენებითად, სხვების თვალის ასახვევად. სწორედ, მსგავსი მზაკურება აქვთ მხედველობაში ანკირიის კრების მამებს და, მიუთითებენ რა კანონში ამაზე, აღნიშნავენ, რომ წყალობის გაღება შეიძლება მხოლოდ მათთან მიმართებით, რომლებმაც გულწრფელად მოინანიეს, რაზედაც მტკიცებულება არსებობს, და არ ინებეს, რომ წყალობა მზაკურული გზით მიეღოთ.

ის, რასაც კანონი მღვდლებთან მიმართებით განაწესებს, ესება, აგრეთვე, განდგომილ ეპისკოპოსებსაც. მართალია, კანონი ამის შესახებ არ საუბრობს, მაგრამ ეს დასტურდება ძველი დროის ეკლესიის პრაქტიკით, რასაც ეს კრებაც უეჭველად იწყნარებს. კეპრიანეს ერთ-ერთ ეპისტოლეში, მოიხსენიება ორი ესპანელი ეპისკოპოსი – მარტიალი და ვასილიდი, რომლებსაც ხარისხი აპყარეს სარწმუნოებისგან განდგომის გამო. შემდგომში ორივე ეს ეპისკოპოსი თვალთმაქცურად ცდილობდა მოშურნეობა გამოეჩინა და სიცრუის გზით ხარისხში აღდგენილიყო. ამ მიზნის მისაღწევად პაპი სტეფანეც (253-257) გადაიბირეს. კეპრიანემ, როდესაც ეს ამბავი გაიგო, ერთ-ერთ თავის კრებაზე დაადასტურა მათი განკვეთა და მათ მიმართ გამოტანილი სასჯელი, და უსაყვედურა ყველას, ვინც მათ იცავდა, მათ შორის – პაპ სტეფანესაც.*

კანონი 2

მსგავსადვე, დიაკვნებს, რომლებიც მსხვერპლს სწირავდნენ კერპს და შემდეგ განაახლეს სარწმუნოებისათვის ღვაწლი, მინიჭებული პატივი შეუნარჩუნდეთ, მაგრამ აეკრძალოთ ყოველგვარი სამღვდელო მსახურება, პურისა და ბარძიმის ამალღება, ლოცვების ხმამაღლა წაკითხვა. ამასთან, თუკი ეპისკოპოსები დაინახავენ მათ შრომას, სიმდაბლეს, სიმშვიდეს და მონდომებენ სასჯელის მომატებას ან მოკლებას, მათ ხელმწიფებაში იყოს ეს.

(მოციქულთა – 62; I მსოფლიოს – 10, 12; ტრულის – 102; ანკირიის – 1, 3, 5, 12; პეტრე ალექსანდრიელის – 10, 14; ბასილი დიდის – 3; გრიგოლ ნოსელის – 4, 5).

*ამ კრების გადაწყვეტილება შეტანილია კეპრიანეს 68-ე ეპისტოლეში.

ყველაფერი, რაც ამ კრების I კანონში ითქვა მღვდლებთან დაკავშირებით, წინამდებარე კანონში დიაკვნებზეც ვრცელდება, რომლებიც, საუბედუროდ, განდგომილების ცოდვაში ჩაეარდნენ, მაგრამ შემდგომში გულწრფელად მოინანიეს. კანონი ასეთ დიაკვნებს უფლებას უტოვებს მომავალშიც ისარგებლონ დიაკვნის პატივით, მაგრამ საშუალოდ უკრძალავს ეკლესიაში სადიაკონო მსახურებას, განსაკუთრებით – წმინდა ძღვენის შეწირვას და ღვთისმსახურებისას დაწესებული ღირსების წაქეზებას. განაწესებს რა ამას, როგორც ზოგად ნორმას, კანონი ნებას რთავს რწმუნებულ ეპისკოპოსს, რომ ასეთ დიაკვნებს მოექცეს თავისი შეხედულებისამებრ, მათი ცხოვრების წესებისა და რწმენისადმი ერთგულების გათვალისწინებით, რის შედეგადაც მას შეუძლია იმაზე ნაკლები ან მეტი სასჯელი შეუფარდოს, რასაც კანონი ზოგადად ითვალისწინებს, რამეთუ „ყოველგვარი სულიერი მკურნალობის გზები ეპისკოპოსის ხელმწიფებაშია“.*

კანონი 3

ვინც მღვდენლებს გაექცნენ, მაგრამ შეიპყრეს, ან თავისმა შინაურებმა გასცეს, ან ქონება ჩამოერთვათ, ან სატანჯველი გადაიტანეს, ან საპყრობილეში ჩაცვივდნენ, მაგრამ მაინც ღალატდებდნენ, რომ ქრისტიანები არიან; ამასთან, თუ ტანჯულებს იძულებით ჩაუდეს ხელში შემაჭირებლებმა რაიმე კერპისთვის შეწირული, ან ძალით მიაღებინეს ასეთივე საჭმელი, მაგრამ, მიუხედავად ამისა, ისინი განუწყვეტლივ აღიარებდნენ, რომ ქრისტიანები არიან, – და, თუ ისინი ამ სამწუხარო შემთხვევას თავმდაბლობით, შემოსილობით და მშვიდი ცხოვრებით უპასუხებენ, ასეთები, როგორც ცოდვისაგან უცხონი, ზიარებისგან ნუ განიყენებიან. ხოლო თუ ვინმესგან (ზიარება) აეკრძალათ, – ზედმეტი სიფრთხილის ან უმცირების გამო, – დაუყოვნებლივ შეწყნარებულ უნდა იქნენ. ეს განჩინება ერთნაირად ეხებათ როგორც კლირიკოსებს, ისე დანარჩენებსაც, ანუ ერისკაცებს. ამასთანავე, გამოკვლეულ იქნა: – შეუძლიათ თუ არა ერისკაცებს, რომლებმაც ასეთი ძალადობა გადაიტანეს, აყვანილ იქნენ სამღვდლო ხარისხში, და განვსაჯეთ: ასეთებიც იკურთხოვს, როგორც უცოდველები, თუკი მათი წინანდელი ცხოვრების წესი მართალი აღმოჩნდება.

(მოციქულთა – 62; I მსოფლიოს – 10, 11, 12; ანკირიის – 4, 12; პეტრე ალექსანდრიელის – 2, 10, 13, 14).

წინამდებარე კანონის პირველი ნაწილი ეხება ყველა ქრისტიანს, როგორც კლირიკოსს, ისე ერისკაცს. კრების მამები პირველ რიგში საუბრობენ იმ პირთა შესახებ, რომლებიც ღვენილობას გაექცნენ და ამისათვის მათ არ განიკითხავენ. ამ კანონის განმარტებაში ზონარას მოჰყავს სახარების ის ადგილი, სადაც იესო ქრისტე თავის მოწაფეებს ეუბნება, რომ როდესაც ერთ ქალაქში დაუწყებენ მათ ღვენას, სხვა ქალაქში უნდა გაიქცნენ (შდრ. მთ. 10, 23). მოიხსენიებს, აგრეთვე,

*ბალსამონის განმარტებიდან, ათენის სინტაგმა III, 23

გროგოლ ლუთისმეტყველის სიტყვებსაც იმასთან დაკავშირებით, რომ მოწამეობის კანონია — საჭიროების გარეშე არ წავიდეს წამებასზე. ამგვარად, ზონარა აჩვენებს, თუ რატომ არ განსაჯეს კრების მამებმა ისინი, ვინც მღვწეულებს განერიდნენ* იგივეს ამბობს თავის მე-13 კანონში პეტრე ალექსანდრიელიც, სადაც ამტკიცებს, რომ მცირედითაც არ არიან დამნაშავენი ისინი, რომელნიც საკუთარი სულის გადასარჩენად, ანუ რწმენის შესანარჩუნებლად, თავის მღვწეულს გაექცნენ. ამრიგად, კანონი არ განიკითხავს დევნის თავიდან ამცილებლებს; არ განიკითხავს მაშინაც, როდესაც ხდება ისე, — როგორც სახარება ამბობს, — რომ „მისცეს ძმამან ძმა მსიკუდილად, მამამან — შეილი“ (მთ. 10, 21), ანუ როდესაც ისინი გასცეს საკუთარმა შინაურებმა, ან შეიპყრეს რაიმე სხვა გზით და აწამეს, რა თქმა უნდა, მხოლოდ იმ შემთხვევაში, თუკი წამებისას რწმენაში შეურყეველობა შეინარჩუნეს და, მიუხედავად ყველანაირი წამებისა, მაინც ხმამაღლა და საზეიმოდ აღიარებდნენ თავს ქრისტიანებად. თუკი ასეთ პირს რომელიმე ეპისკოპოსი სჯიდა, როგორც კანონი ამბობს — ან ზედმეტი სიმკაცრით ან მის საქმეში გაუცნობიერებლობით, მაშინ მამები ბრძანებენ, რომ მსგავსი სასჯელი უნდა გაუქმდეს და მათ უფლება აქვთ სრული ლოცვითი თანაზიარება იქონიონ დანარჩენ ერთგულ მორწმუნეებთან, რადგან დანაშაული არ მიუძღვით.

ასეთი განწესების შემდეგ, კანონში ნათქვამია, რომ განსახილველად გამოტანილი იყო შემდეგი საკითხი: შეუძლია თუ არა ერისკაცს, რომელმაც მსგავსი ძალადობა გადაიტანა, შევიდეს სამღვდელო დასში? კანონი იქვე პასუხობს, რომ შეუძლია, როგორც უდანაშაულოს, მაგრამ ცხადია, იმ შემთხვევაში, თუკი ყველა იმ საჭირო თვისებას ფლობს, რაც სამღვდელო კანდიდატს მოეთხოვება. სხვათა შორის, აქედან კარგად ჩანს, თუ რაოდენ მკაცრად ხდებოდა პირველი საუკუნეების ეკლესიაში სასულიერო დასში მისაღები კანდიდატების შერჩევა, რაც ფრიად სასწავლებელია ჩვენი დროისთვის, როდესაც ამ საკითხს საკმაოდ იოლად უყურებენ. ქრისტეს რწმენისათვის ასეთ მებრძოლებსაც კი, ან, უკეთ რომ ვთქვათ, ასეთ დიდებულ ქრისტეს მოწამეებსაც კი, კრების მამები სასულიერო დასში არ უშვებდნენ, თუ მათ წინანდელ ცხოვრებაში ადგილი ჰქონდა გარკვეულ შეცოდებებს, მიუხედავად იმისა, რომ თავიანთი მოწამეობით ქრისტეს ამ მხედრებს სავისებით შეეძლოთ ძველი ცოდვები წარეხოცათ.

კანონი 4

იძულებით მსხვერპლშემწირველთა შესახებ, — მით უფრო კერპების წინაშე მონადიმებისა, რომლებიც მიიყვანეს და იქ მხიარული სახით შევიდნენ, სამოსელიც ჩვეულებრივზე უფრო ძვირფასი ჩაიცვეს და უდარდელად მიიღეს მონაწილეობა მომზადებულ ნადიმში, — განვაჩინებთ: ერთი წელი წმინდა წერილის მსმენელებად დაჰყონ, სამი წელი — შევრდომილებად, ორი წელი მხოლოდ ლოცვითი ერთობა იქონიონ მრევლთან და მხოლოდ ამის შემდეგ შევიდნენ სრულ თანაზიარებაში.

*ათენის სინტაგმა, III, 25.

(მოციქულთა - 62; I მსოფლიოს - 11; ანკირიის - 5, 8, 9; ლაოდიკიის - 2; კართაგენის - 43; გრიგოლი ნეოკესარიელის - 2, 11; ბასილი დიდის - 73, 75, 81, 84; პეტრე ალექსანდრიელის - 2, 3; გრიგოლ ნოსელის - 2).

წინამდებარე კანონში საუბარია იმათ შესახებ, ვინც იძულებით შესწირა კერპს მსხვერპლი და ამის შემდეგ, უკვე, ქრისტიანული სარწმუნოების საწინააღმდეგოდ ყველაფერი მოიმოქმედა, რასაც მისგან მღვწეულები მოითხოვდნენ; და თუ ყველაფერ ამას ისინი მხიარული სახით აღასრულებდნენ და არავითარ სინანულს არ გრძობდნენ იმის გამო, რომ თავიანთი სარწმუნოება შებღალეს, მაშინ კანონი, - მათი მოქცევის შემთხვევაში, - განუწესებს მონანულად ყოფნას ექვსი წლის განმავლობაში ზიარების გარეშე, რომლის ღირსნიც ისინი შეიძლება გახდნენ მხოლოდ მეშვიდე წელიწადს. სინანულის პერიოდში კანონი მათ განუწესებს, რომ პირველი წელი დაჰყონ მეორე საფეხურზე მსმენელებთან ერთად, შემდეგი სამი წელი მესამე საფეხურზე - შევრდომილებთან ერთად, ამისი შემდეგი ორი წელი კი ბოლო, მეოთხე საფეხურზე, რომელსაც ეწოდებოდა „თანამდგომარეყოფა ერისა“.* სინანულის საფეხურების შესახებ ჩვენ დაწერილებით ვისაუბრობთ I მსოფლიო კრების მე-11 კანონის განმარტებაში.

კანონი 5

ხოლო, რომლებიც სამგლოვიარო სამოსლით მივიდნენ, ინახით დაჯდნენ, მაგრამ ცრემლით ჭამდნენ სუფრასთან, ისინი, თუკი შეასრულებენ სამწლიანი შევრდომის ეპიტიმias, შეწყნარებულ იქნენ, - გარდა წმინდა საიდუმლოს ზიარებისა. ხოლო ვინც არ ჭამდა, ორი წელი შევრდომილ იყოს, მესამე წელიწადს კი თანაზიარებაში მიიღებოდეს, - გარდა წმინდა ზიარებისა; ასე რომ, სრული ზიარება მხოლოდ სამი წლის შემდეგ მიიღოს. მაგრამ, ამასთან, ეპისკოპოსებს უფლება ეძლევათ გამოსცადონ მათი მოქცევა და შეუმოკლონ სინანულის ვადა კაცთმოყვარეობით, ან გაუგრძელონ. განსაკუთრებით უნდა იქნეს გამოკვლეული მათი ცხოვრება ცდუნებადღე და ცდუნების შემდეგ, და კაცთმოყვარეობაც შესაბამისი საწყაოთი მიეწყო. (მოციქულთა - 62; I მსოფლიოს - 11; ანკირიის - 4; ლაოდიკიის - 2; გრიგოლ ნეოკესარიელის - 2, 11; ბასილი დიდის - 73, 75, 81, 84; პეტრე ალექსანდრიელის - 2, 3; გრიგოლ ნოსელის - 2).

კანონის პირველივე სიტყვებიდან ჩანს, რომ ის არის ამავე კრების მე-4 კანონის გაგრძელება. მე-4 კანონში იმათ შესახებ იყო საუბარი, როლებიც მხიარული სახეებით აკეთებდნენ ყველაფერს, რასაც მღვწეულები უწესებდნენ, მაშინ, როდესაც

* „ამ საფეხურზე მონანულნი იდგნენ და ლოცულობდნენ მორწმუნეებთან ერთად მთელი ლიტურგიის განმავლობაში (ამბიონის ჩრდილო და სამხრეთ მხარეს), მათ არ ჰქონდათ ეპარისტისა და მსხვერპლშეწირვის უფლება“ (მონანულთა შეწყნარებისა და დაგების შესახებ). „დიდი სჯულისკანონი“, გამოქვეყნებულია „მეცნიერება“, 1975, გვ. 596.

ამ კანონში საუბარია იმ პირების შესახებ, რომლებიც ყველაფერ ამას ასრულებდნენ წუხილითა და სინანულით. ამ უკანასკნელთა შორის, კანონი განასხვავებს იმათ, ვინც მსხვერპლისათვის შენაწირი* შეჭამა, იმათგან, ვისაც ეს შენაწირი არ უხმევია: პირველებს განუწესებს, რომ სამი წელი დაჰყონ სინანულის მესამე საფეხურზე და შემდეგ კიდევ გარკვეული დრო – მეოთხეზე და მხოლოდ ამის შემდეგ შეიძლება ისინი დაუშვან წმინდა ზიარებაზე, ხოლო მეორეებს – მხოლოდ ორ წელიწადს მესამე საფეხურზე ყოფნას, და ერთ წელიწადს – მეოთხეზე; მეოთხე წელიწადს უკვე შეუძლიათ წმინდა ზიარება მიიღონ. კანონი ხელმწიფებას აძლევს მმართველ ეპისკოპოსს, რომ ასეთი პირების მიმართ დიდი კაცთმოყვარეობა გამოიჩინოს, თუკი ისინი გულწრფელად მოინანიებენ და, ამასთან, დამტკიცებული იქნება, რომ მათი წინანდელი ცხოვრება ზნეობრივად მოსაწონი იყო; წინააღმდეგ შემთხვევაში ეპისკოპოსს შეუძლია გაუგრძელოს მათ სინანულის ვადა.

კანონი 6

იმათ შესახებ, რომლებიც მხოლოდ ტანჯვის, ქონების წართმევის ან გადასახლების მუქარით ცდუნდნენ და კერპს მსხვერპლი შესწირეს, და ამ დრომდე არ მოუნანიებიათ, ახლა კი, კრების დროს, მოვიდნენ და მოქცევა განიზრახეს, განჩინებულია: აღდგომის წმინდა დღემდე წმინდა წერილის მსმენელთა რიგებში იქნენ მიღებულინი, ხოლო დიდი დღიდან სამი წელი იყვნენ შევრდომილთა შორის, შემდეგ კიდევ ორი წელი წმინდა ზიარების გარეშე დარჩნენ ერთგულ მორწმუნეთა ერთობაში და ამ გზით მივიდნენ სრულ ზიარებამდე, სანამ არ ამოიწურება ექვსწლიანი სინანულის სრული ვადა. ხოლო, თუ ვინმე ამ კრებამდე იქნა სინანულად მიღებული, მას იმ დროიდან დაეწოს ექვსწლიანი ვადის ათვლა. ამასთან, თუ ვინმეს სიკვდილის საფრთხე შეექმნება სნეულებით ან სხვა რაიმე მიზეზით, ასეთები შეწყნარებულ იქნენ გარკვეული პირობით.

(მოციქულთა – 62; I მსოფლიოს – 11, 12, 13; ანკირიის – 4, 5, 7, 8, 9; ნეოკესარიის – 2; კართაგენის – 7; გრიგოლ ნოსელის – 2, 5).

წინა კანონებთან თანახმიერად, ეს კანონი იმ პირთა შესახებ საუბრობს, რომლებიც მხოლოდ და მხოლოდ შიშის გამო სცემდნენ კერპებს თაყვანს, რათა მღვწეულებს რაიმე სახის ზიანი არ მიაყენებინათ მათთვის და, შესაბამისად, ქრისტეს რწმენა სულმოკლეობით უარყვეს. ხოლო, მოინანიეს არა მაშინვე, როგორც ეს უნდა გაეკეთებინათ, არამედ მხოლოდ დევნილობის დასრულების შემდეგ, როდესაც გაიგეს, რომ ანკირიის კრება დაკავებულია გადაწყვეტილებების მიღებით, თუ როგორ მიიღონ ეკლესიაში ის პირები, რომლებიც ინანიებენ ეკლესიიდან განდგომას. კანონი მათ უწესებს ექვსწლიან სინანულს, თანაც, მოქცევის პირველივე დღიდან ვიდრე აღდგომის დღესასწაულამდე, რომელიც კანონში „დიდ დღედ“ იწოდება, ისინი სინანულის მეორე საფეხურზე უნდა იდგნენ. ამგვარად, თუკი კრება,

*საკერპევი.

მოციქულთა 37-ე კანონის განწესებით შედგა სულთმოფენობიდან მეოთხე კვირას და ამ დროს მიმართეს მას კანონში მოხსენიებულმა განდგომილებმა, მაშინ პირველ პასექამდე თითქმის ერთი წელი რჩებოდა, რაც ეთვლებოდა კიდევ მათ სინანულის პირველი წელიწადად.* ამის შემდეგ სამი წელი სინანულის მესამე საფეხურზე უნდა გაეტარებინათ, შემდეგი ორი სრული წელიწადი – მეოთხეზე და მხოლოდ ამის შემდგომ შეეძლოთ წმინდა ზიარებას მიახლებოდნენ. იმათ კი, რომლებმაც სინანული დაიწყეს ამ კრების მოწვევამდე, კანონი განაწესებს, რომ სწორედ იმ დროიდან დაიწყოს მათთვის ექვსწლიანი სინანულის ვადის ათვლა. თუ ისე მოხდება, რომ მონანულთაგან ვინმე სიკვდილის პირას აღმოჩნდება, კანონი განაწესებს, რომ არსებული დადგენილების თანახმად, დაუშვან ისინი წმინდა ზიარებაზე. ეს დადგენილება, ზონარას სიტყვებით თავის განმარტებაში, იმაში მდგომარეობდა, რომ გამოჯანმრთელების შემთხვევაში, მონანულნი უნდა დაბრუნებოდნენ სინანულის იმავე საფეხურს და შემდეგი ზიარების მიღების უფლება მხოლოდ სრული ექვსწლიანი ვადის გასვლის შემდეგ ექნებოდათ.** ანკირიის კრების ამ დადგენილების შესახებ ჩვენ ვისაუბრეთ I მსოფლიო კრების მე-13 კანონის განმარტებაში.

კანონი 7

იმათ შესახებ, რომლებიც წარმართულ დღესასწაულზე წარმართების მიერ მიჩენილ ადგილზე ნადიმობდნენ, მაგრამ მიიტანეს და ჭამეს საკუთარი საჭმელი, განჩინებულია შემდეგი: შეწყნარებულ იქნენ ორწლიანი შევრდომის შემდეგ, მაგრამ ყველანი უნდა იქნენ თუ არა შეწყნარებულნი წმინდა საიდუმლოთა ზიარებით, ეს ეპისკოპოსის გადასაწყვეტი საქმეა; გამოძიებულ იქნეს, ასევე, თითოელი მათგანის ცხოვრების სხვა მხარეც.

(მოციქულთა – 62; I მსოფლიოს – 11).

ხდებოდა, რომ დევნილობის ჟამს, ზოგიერთი ქრისტიანი, წამების თავიდან ასაცილებლად, წარმართების მიერ კერპების საპატივცემულოდ მოწყობილ ნადიმს ესწრებოდა, მაგრამ სინდისის დასამშვიდებლად თან მიჰქონდა საჭმელი და მხოლოდ იმას ჭამდა, რათა არ ეხმია კერპისთვის შეწირულიდან. როდესაც ასეთების შესახებ საუბრობს, კანონი მათ იმაში ადანაშაულებს, რომ წარმართებთან ერთად ნადიმობდნენ და, მაშასადამე, მათ დღესასწაულში იღებდნენ მონაწილეობას, რისთვისაც უწესებს ორი წლით სინანულის მესამე საფეხურზე ყოფნას. ამ ვადის გასვლის შემდეგ, კანონი მმართველი ეპისკოპოსის გადასაწყვეტად ტოვებს საკითხს: შეუძლიათ მათ მიეახლონ წმინდა ზიარებას თუ კიდევ დაჰყონ გარკვეული დრო სინანულში.

*ვან ესპენი, „კომენტარები კანონებზე“, პ. 110.

**ათენის სინტაგმა III, 34.

კანონი 8

ვინც ოჯერ და სამჯერ იძულებით შესწირა მსხვერპლი, ოთხი წელი შევრდომილად დაჰყოს, ორი წელი — ერთგულ მორწმუნეებთან ლოცვით ერთობაში — წმინდა ზიარების გარეშე, და მხოლოდ მეშვიდე წელს მიიღოს სრული შეწყნარება.

(მოციქულთა — 62; I მსოფლიოს — 11; ანკირიის — 4, 5, 9; ლაოდიკიის — 2; კართაგენის — 43; გრიგოლ ნეოკესარიელის — 2, 11; ბასილი დიდის — 73, 75, 81, 84; პეტრე ალექსანდრიელის — 2, 3; გრიგოლ ნოსელის — 2).

ეს კანონი, მსგავსად მე-4 და მე-5 კანონებისა, იმათ წინააღმდეგ მიიღეს, ვინც ძალდატანებით ამსახურეს კერპებს. იმათთან დაკავშირებით, ვინც ვერ შეძლო საცდურის გადაღახვა, და თუმცა ძალდატანებით, მაგრამ მაინც ორ-სამჯერ თაყვანისცა კერპებს, კანონი განაწესებს ექვსწლიან სინანულს, კერძოდ: ოთხი წელი სინანულის მესამე საფეხურზე, ორი წელი — მეოთხე საფეხურზე და მხოლოდ მეშვიდე წელიწადს აძლევს მათ წმინდა ზიარების მიღების უფლებას.

კანონი 9

ხოლო, რომლებიც არამართო თავად განდგნენ, არამედ ძმებზეც აღდგნენ და განდგომას აიძულებდნენ, ან იძულების მიზეზი გახდნენ, მათ სამი წლით მსმენელთა ადგილი დაიკაონ, შემდგომი ექვსი წელი შევრდომილთა შორის დაჰყონ, კიდევ ერთი წელი წმინდა ზიარების გარეშე იყვნენ ერთგულ მორწმუნეთა ერთობაში და, ამდენად, ათწლიანი ეპიტიმიის შემდეგ მიიღონ სრული ერთობა. გარდა ამისა, მთელი ამ დროის განმავლობაში ყოველმხრივ უნდა ხდებოდეს მათ ცხოვრებაზე დაკვირვება.

(მოციქულთა — 62; I მსოფლიოს — 11, 12, 13; ანკირიის — 4, 5, 6, 7, 8; ლაოდიკიის — 2, 19; კართაგენის — 43; გრიგოლ ნეოკესარიელის — 2, 11; ბასილი დიდის — 73, 75, 81, 84; პეტრე ალექსანდრიელის — 2, 3; გრიგოლ ნოსელის — 2).

წინამდებარე კანონი, ისევე როგორც I მსოფლიო კრების მე-11, საუბრობს თავის შეხედულებაში დარწმუნებული განდგომილების შესახებ, რომლებიც არამართო თავად ქელავდნენ სარწმუნოებას, არამედ სხვებსაც იგივეს აიძულებდნენ, თანაც, ასეთებს უწესებს სინანულში ყოფნის ათწლიან ეპიტიმიას, კერძოდ: სამი წელიწადი სინანულის მეორე საფეხურზე, ექვსი — მესამეზე და ერთი — მეოთხეზე. მხოლოდ ათი წლის შემდეგ უშვებს კანონი მათთვის წმინდა ზიარების უფლებას, და ესეც იმ შემთხვევაში, თუკი მთელი ამ ხნის განმავლობაში გამოავლენენ გულწრფელ სინანულსა და კეთილმსახურებას.

კანონი 10

ღიაკენად დასადგენლებმა, თუ მათი დადგინების დროს დაამოწმეს და განაცხადეს, რომ ქორწინებას საჭიროებენ და უიმისოდ არ შეუძლიათ, ქორწინების შემდეგაც გააგრძელონ თავიანთი მსახურება, რადგან ეპისკოპოსისგან ჰქონდათ ნებართვა. ხოლო, ვინც დუმდა ამის შესახებ და ხელდასხმა იმ პირობით მიიღო, რომ უქორწინებელი დარჩებოდა, მაგრამ შემდეგ იქორწინა, მან უნდა დატოვოს ღიაკენის მსახურება.

(მოციქულთა - 5, 26, 51; IV მსოფლიოს - 14; ტრულის - 3, 5, 13, 21, 30; ნეოკესარიის - 1; კართაგენის - 16; ბასილი დიდის - 69).

ამ კანონიდან ჩანს, რომ IV საუკუნის გალატიაში, რომლის მთავარი ქალაქი ანკირია იყო (ახლანდელი ანგური, თურქეთის მცირე აზიაში), არსებობდა ჩვეულება, რომლის თანახმადაც ზოგიერთ უქორწინებელ ღიაკონს შეეძლო ხელდასხმის შემდეგაც ექორწინა, თუკი, მხოლოდ, ხელდასხმის დროს მმართველ ეპისკოპოსს განუცხადებდა, რომ თავის დროზე შეირთავდა ცოლს, რადგან ქალწულებრივი მოღვაწეობა არ შეეძლო. ეს ღიაკენები, დაქორწინების შემდეგ, კვლავ აგრძელებდნენ ეკლესიაში მსახურებას. იმ შემთხვევაში კი, თუკი ხელდასხმისას ასეთ სურვილს არ გამოთქვამდნენ, მაშინ მთელი ცხოვრება უქორწინებელი უნდა დარჩენილიყვნენ, ხოლო თუ დაქორწინდებოდნენ, მაშინ ღიაკენობა უნდა დაეტოვებინათ. გალატიის ეკლესიის ამ ჩვეულების შესახებ - ხელდასხმის შემდეგ ქორწინების უფლებაზე - „კანონთა წიგნი“* არის სპეციალური შენიშვნა, რომ ის უნდა ჩაითვალოს „როგორც ადგილობრივი გამოყენებისათვის დაშვებული გამონაკლისი, მოციქულთა 26-ე კანონიდან“. მიუხედავად იმისა, რომ ეს იყო მიღებული პრაქტიკა მხოლოდ ერთი ადგილობრივი ეკლესიისთვის, ჩვენ მაინც გვაქვს იმის მაგალითები, რომ მას სხვა ეკლესიებიც ბაძავდნენ. ტრულის კრებამ თავისი მე-6 კანონით გააუქმა ეს ჩვეულება და თავის ძალაში აღადგინა მოციქულთა 26-ე კანონი. სხვა დანარჩენი, ამ ჩვეულებასთან დაკავშირებით, ჩვენ მიერ ნათქვამია ტრულის კრების აღნიშნული კანონის განმარტებაში.

კანონი 11

დაწინდული ქალწულების შესახებ, რომლებიც შემდეგ სხვებმა მოიტაცეს, განვაჩინებთ: ისინი უნდა დაუბრუნდნენ თავიანთ დამწინდველებს, თუნდაც მომტაცებლებისგან ძალადობა განეცადათ.

(მოციქულთა - 67; IV მსოფლიოს - 27; ტრულის - 92, 98; ბასილი დიდის - 22, 25, 26, 30, 49, 69).

ამ კანონში განხილულ საკითხთან დაკავშირებით, საკმაოდ ითქვა მოციქულთა 67-ე და ტრულის კრების 98-ე კანონების განმარტებებში. აქ მხოლოდ იმას დავამატებთ, რომ შემდგომში, ბასილი დიდის 22-ე კანონით, განიწესა, რომ დამწინდ-

*1862 წ. გამოცემა, გვ. 223. შდრ. 1901 წლის გამ., გვ. 147.

ველის უფლებაში შედის მიიღოს თუ არა თავისი დაწინდული, – სხვის მიერ გატაცებული და შეურაცხყოფილი.

კანონი 12

ვისაც ნათლისღებამდე შეუწირავს კერპისთვის მსხვერპლი, შემდეგ კი მოინათლა, განვაჩინებთ, რომ სამღვდელო წოდებაში მისი აყვანა შეიძლება, როგორც ცოდვისაგან განბანაილის.

(I მსოფლიოს – 14; ნეოკესარიის – 5; კირილე ალექსანდრიელის – 5).

წინამდებარე კანონი პირდაპირ კავშირშია ამ კრების მე-9 კანონთან, სადაც საუბარი იყო სასულიერო პირებსა და მორწმუნე ერისკაცებზე, რომლებმაც კერპს შესწირეს მსხვერპლი. ამ კანონში საუბარია იგივე საკითხზე, ოღონდ ჯერ კიდევ მოუნათლავე პირების, ანუ კათაკმეველობის საფეხურზე მყოფთა მიმართებით. ქრისტეს რწმენისგან განდგომილ კათაკმეველთა შესახებ, რომლებიც ნათლისღებისთვის ემზადებოდნენ, საუბრობს I მსოფლიო კრების მე-14 კანონი, რომლის განმარტებაშიც უკვე ვისაუბრეთ, თუ ვინ იყვნენ ეს კათაკმეველები, როგორ დაიყოფოდნენ ისინი და რა სასჯელს ექვემდებარებოდნენ განდგომილებისათვის. მას შემდეგ, რაც სინანულის გამოცდას გაუძლეს და ნათლისღების ღირსნი შეიქმნენ, გადასაწყვეტი დარჩა, შეიძლება თუ არა ასეთი პირების მიღება სასულიერო დასში. ანკირიის ეს კანონი ამ საკითხს დადებითად წყვეტს. ამის საფუძველად კი მოჰყავს ის საყოველთაო დოგმატური ჭეშმარიტება, რომ ნათლისღება ადამიანს განბანს ყველა იმ ცოდვისგან, რაც მას ნათლისღებამდე ჩაუდენია.*

კანონი 13

ქორეპისკოპოსებს არ ხელეწიფებათ მღვდლებისა და დიაკვნების დადგინება; არც რომელიმე ქალაქის ეპისკოპოსს სხვა ქალაქში, – თუ არა ცალკეული ეპარქიისათვის იქაური ეპისკოპოსის წერილობითი ნებართვით.

(I მსოფლიოს – 8; VII მსოფლიოს – 14; ნეოკესარიის – 14; ანტიოქიის – 8, 10; ლაოდიკიის – 57; ბასილი დიდის – 89).

ჩვენ ეს კანონი გადმოვთარგმნეთ ბერძნული ტექსტიდან იმ სახით, როგორც ის დაბეჭდილია ათენის სინტაგმაში (III, 46). რუსულ თარგმანში ის შემდეგს ნიშნავს: ქორეპისკოპოსებს არ შეუძლიათ სხვა ეპარქიაში ადასრულონ მღვდლებისა და დიაკვნების ხელდასხმა, და მით უფრო ნაკლებად – ქალაქის მღვდლებისა, მმართველი ეპისკოპოსის წერილობითი ნებართვის გარეშე. „კანონთა წიგნში“ მოცემული ტექსტის მიხედვით, მოცემული კანონი განაწესებს, რომ როგორც ქორეპისკოპოსებს არ შეუძლიათ საკუთარი ხელისუფლებით მოახდინონ თავის ეპარქიაში მღვდლებისა და დიაკვნების ხელდასხმა, ზუსტად ასევე, ეპისკოპოსებს არ შეუძლიათ

*ათენის სინტაგმა, III, 43.

თავიანთ კლირიკოსებს ხელი დაასხან სხვისი ეპარქიის ქალაქებისათვის, იმ ეპარქიების მმართველი ეპისკოპოსების წერილობითი სიგელის გარეშე. თუმცა, ასეთი აზრი მხოლოდ დახლოებით შეიძლება გამოტანილ იქნეს „კანონთა წიგნის“ აღნიშნული ტექსტიდან, რადგან თვით ტექსტი, როგორც სიტყვებით, ასევე ინტერპუნქციით არ იძლევა საშუალებას კანონის განწყობის ზუსტი აზრის მისაწვდომად. საიდან განჩნდა მსგავსი ტექსტი „კანონთა წიგნში“, ჩვენ არ ვიცით, მაგრამ „ათენის სინტაგმის“ ეს ტექსტი რომ უფრო ზუსტი არის და, თავისთავად, აზრიანი – ეს ცხადია.

ქორეპისკოპოსები, ვიკარული ეპისკოპოსები (სოფლის ეპისკოპოსები) პირველად მოიხსენიება ანკირიის კრების წინამდებარე კანონში, ანუ IV საუკუნის დასაწყისში, მაგრამ ისინი რომ ადრეც არსებობდნენ, ამის შესახებ გვაქვს ორი, საკმაოდ დამაჯერებელი, მოწმობა; პირველი, ეს არის კლიმენტი რომაელის მოწმობა, რომელიც კორინთელთა მიმართ თავის ეპისტოლეში, მოციქულთა შესახებ ამბობს: „ქადაგებდნენ რა [სხვადასხვა] ქვეყნებსა და ქალაქებში, ისინი თავიანთ პირმშობებს [მორწმუნეთაგან] სულიერი გამოცდის შემდეგ ადგენდნენ ეპისკოპოსებად და დიაკვნებად მომავალი მორწმუნეებისათვის“.* მეორე მოწმობას ვხვდებით ეგვიპტის „ეკლესიის ისტორიაში“, სადაც საუბარია პავლე სამოსატელის წინააღმდეგ ანტიოქიაში 269 წელს შემდგარი კრების შესახებ; ამ კრების ოქმებში მოიხსენიება „ახლომდებარე ქალაქების ეპისკოპოსები“, ანუ მიმდებარე ადგილების და ქალაქების, და მღვდლები. ეგვიპტის ისტორიის მოხსენიებული ადგილის შესახებ გამომცემელი შენიშნავს, რომ „აქ, როგორც ჩანს, იგულისხმება ქორეპისკოპოსები, რადგან მათი ეპისტოლენი განსხვავებულია ქალაქების ეპისკოპოსთა ეპისტოლეებისაგან“. იქიდან, თუ როგორ საუბრობს ქორეპისკოპოსების შესახებ ეს კანონი და IV საუკუნის პირველი ნახევრის სხვა კანონები, ჩანს, რომ ქორეპისკოპოსების შესახებ იმ დროისათვის კარგად იყო ცნობილი, რომ მათი მოქმედების სფერო უკვე გარკვეული იყო და, მაშასადამე, თვით ქორეპისკოპოსების დადგინების დრო მიეკუთვნება ეკლესიის პირველ საუკუნეებს. ეს დადგინება გამოწვეული იყო თვით იმ პირობებით, რომელშიც იმდროინდელი ეკლესია იმყოფებოდა. იმისათვის, რომ რაც შეიძლება უფრო გავრცელებულიყო ქრისტიანობა და განსაკუთრებით კი წინააღმდეგობა გაეწიათ გნოსტიკური სწავლების განვითარებისთვის, პირველ ხანებში მართლმადიდებელ ეპისკოპოსებს ადგინებდნენ ყველგან, უმნიშვნელო ადგილებშიც კი; მათ ქრისტეს სარწმუნოება უნდა ექადაგათ და მასში ერი განემტკიცებინათ, გაემხნევებინათ მართლმადიდებელი კრებული მწვალებლებთან ბრძოლაში, რისთვისაც ყველგან ადგენდნენ მღვდლებსა და სხვა კლირიკოსებს. ამის გამო იყვნენ ეპისკოპოსები სოფლის და ეპისკოპოსები – ქალაქის. თავიდან ყველა ამ ეპისკოპოსის ძალაუფლება, როგორც ქალაქის, ისე სოფლის, სავსებით ერთნაირი იყო. შემდგომში, როდესაც ეკლესიაში იერარქიული ურთიერთობის ზუსტი განსაზღვრა დაიწყო, განისაზღვრა ურთიერთობა ქალაქებისა და სოფლების ეპისკოპოსებს შორისაც. თავიდან ეს ურთიერთობა დაახლოებით იმ ფორმით გამოიხატებოდა, როგორც ეს განსაზღვრული იყო მოციქულთა 34-ე კანონში ეპარქიის უპირველეს ეპისკოპოსსა (მიტროპოლიტს) და სხვა ეპარქიალურ ეპისკოპოსებს

*აქ, ციტატაში მოყვანილი კვადრატული ფრჩხილი ავტორისაა. – მთარგ.

შორის. ანკირიის კრების წინამდებარე კანონი აჩვენებს, რომ უკვე იმ დროს ეს ურთიერთობანი ზუსტად იყო განსაზღვრული, რაც ნიშნავს, რომ ქორეპისკოპოსებს შეეძლოთ დამოუკიდებლად მოეხდინათ მღვდლებისა და დიაკვნების ხელდასხმა მათი მსახურების გარკვეულ ადგილებში. ამ ადგილებს გარეთ კი, ანუ სხვა სამთავროში, ამის გაკეთება შეეძლოთ მხოლოდ ქალაქის მმართველი ეპისკოპოსის ნებართვით; ასეთი ნებართვის არსებობის შემთხვევაში, მათ შეეძლოთ ქალაქისთვისაც დაედგინათ მღვდელი, ანუ იმ ადგილისათვის, სადაც რეზიდენცია ჰქონდა იმ ეპისკოპოსს, რომელსაც შეეძლო მასზე დაქვემდებარებული ქორეპისკოპოსებისათვის აღნიშნული ნებართვა მიეცა. იმ უფლების ძალით, რომლის თანახმადაც ქორეპისკოპოსებს შეეძლოთ გარკვეულ საზღვრებში დამოუკიდებლად განეხორციელებინათ მღვდლების ხელდასხმა, კანონი მათ უწოდებს ეპისკოპოსის თანამწირველებს* საეკლესიო იერარქიაში ქორეპისკოპოსის იმ მდგომარეობამ, რომელიც IV საუკუნის პირველ წლებში კანონებმა აღიარა, მათში ნელ-ნელა აღძრა ამპარტავნების სული და დაიწყეს განცხადების გაკეთება ქალაქის ეპისკოპოსებთან თანასწორობის შესახებ, და უკვე მათდამი დაწესებულ დაქვემდებარებაზე უარის თქმა. ამას მოჰყვა მათი მხრიდან თვითნებური ხელდასხმა დიაკვნებისა და მღვდლების – ქალაქის ეპისკოპოსისათვის ყოველგვარი შეტყობინების გარეშე; უწესრგობებმა, რომლებიც ამ მიზეზით წარმოიშვა, ანტიოქიის კრების (314 წ.) მამები განსაკუთრებული კანონის მისაღებად აღძრეს, რომელიც განაწესებს, რომ ქორეპისკოპოსები მკაცრად უნდა იყვნენ დამოკიდებულნი ქალაქის ეპისკოპოსებზე და მხოლოდ იპოდიაკონისა და მასზე დაბალი ხარისხის კლირიკოსის დადგინება შეუძლიათ, ხოლო მღვდლისა და დიაკონის ხელდასხმა – მხოლოდ ქალაქის ეპისკოპოსის ნებართვით (მე-10 კან.). მათ არ შეუძლიათ, აგრეთვე, რაიმე კანონიკური სიგელის გაცემა, გარდა „სამშვიდობო ეპისტოლესა“ („мирная грамота“) და ისიც მხოლოდ იმ შემთხვევაში, თუკი მათი ქცევა კანონებთან შესაბამისობაში იქნება (მე-8 კან.). რამდენიმე წლის შემდეგ, ლაოდიკიის კრება იძულებული გახდა ემსჯელა ქორეპისკოპოსებთან დაკავშირებით, რათა საბოლოო წერტილი დაესვა განუწყვეტელი დავისთვის ქალაქების ეპისკოპოსებსა და ქორეპისკოპოსებს შორის. კრებამ განსაკუთრებული კანონი (57-ე) მიიღო, რომლის თანახმადაც საერთოდ აიკრძალა მომავალში სოფლის ეპისკოპოსების დადგინება, რითაც სურდათ გაეუქმებინათ ქორეპისკოპოსის ინსტიტუტი. თუმცა, ეს მიზანი ვერ იქნა მიღწეული და ქორეპისკოპოსები კვლავ აგრძელებდნენ საქმიანობას და ისევ ბოროტად იყენებდნენ თავიანთ ხელისუფლებას. ამის შემდეგ, უკვე, ბასილი დიდი გახდა იძულებული გაეგზავნა საგანგებო ეპისტოლე (89-ე კან.) თავისი ქორეპისკოპოსების მისამართით, სადაც დაწვრილებით განუსაზღვრა მათ მოქმედების არეალი და ქალაქის ეპისკოპოსებთან დამოკიდებულება. ამის შემდეგ, მათი მნიშვნელობა ეკლესიაში ნელ-ნელა დაიმცრო და, მაშინ, როდესაც IV საუკუნის პირველ მეოთხედში ისინი კრების აქტებზე აწერდნენ ხელს ქალაქის ეპისკოპოსების თანასწორად, ასი წლის შემდეგ კრებებზე მათ უკვე სულ სხვა მდგომარეობა უკავიათ, კერძოდ, ესწრებიან

**„сслужители; „ღიდი სჯულისკანონში“ (გამომცემლობა „მეცნიერება, 1975) ეს წოდება აღნიშნულია სიტყვით: „თანამღვდელი“; – იხ. ნეოკესარიის კრებ. მე-14 კან.*

როგორც ქალაქის დამოუკიდებელი ეპისკოპოსის თანაშემწენი.* დროთა განმავლობაში, აღმოსავლეთში საერთოდ გაუქმდა ქორეპისკოპოსის ხარისხი და ბალსამონი ანკირიის ამ კრების განმარტებაში ამბობს, რომ კიდევ დაწვრიდი რაიმეს ამ კანონთან დაკავშირებით, მაგრამ „რადგან ქორეპისკოპოსის ხარისხი სავსებით გაუქმდა, ამიტომ არც ჩვენ მოვისურვეთ ზედმეტი შრომა გაგვეწია“.**

კანონი 14

კლირიკოსების – მღვდლებისა და დიაკვნების მიმართ, რომლებიც ხორცის ჭამას ეკრძალებიან, განწესებულია: იხშიონ, მერე კი, თუ მოისურვებენ, კვლავ შეიკავონ მისგან თავი. ხოლო, თუ ამას არ გააკეთებენ და ხორცთან დართულ მხალსაც არ შეჭამენ და, ამდენად, ამ კანონს არ დაემორჩილებიან, განპატივებულ იქნენ თავიანთი პატივიდან.

(მოციქულთა – 51, 53, 66; ღანგრის – 2, 21; ბასილი დიდის – 28, 86).

ეს კანონი უმთავრესად იმ საკითხებს ეხება, რომელთა შესახებაც საუბარია მოციქულთა 51-ე და 53-ე კანონებში, რომელთა განმარტებაც წინამდებარე კანონის განმარტების საფუძველს წარმოადგენს. ეს კანონი ზოგიერთ მღვდელსა და დიაკონს მიემართება, რომლებსაც სურდათ ყოველთვის ემარხულათ და ხორცს არასდროს ჭამდნენ. კანონი, ძირითადად, არ განიკითხავს ასეთი კრძალულებას, რადგან ეს კეთილმსახურების საქმედ მიაჩნია. მაგრამ, იმისათვის, რომ ეს კრძალულება მათ მართლაც დამსახურებაში ჩაეთვალოთ, და არ გახდეს იმის მიზეზი, რომ ვინმემ იფიქროს, თითქოს ისინი ამას აკეთებენ გნოსტიკური ცრუსწავლების მიმდევრობით, და ხორცისგან თავს იკაებენ მის მიმართ სიძულვილის მიზეზით, – როგორც მწვალებლები, – კანონი განაწესებს, რომ ყველა შემთხვევაში მათ უნდა იხშიონ ხორცი გარკვეულ დროს, რის შემდეგაც, თუკი სურვილი ექნებათ, შეუძლიათ კვლავ მოეკრძალონ. ეს გარკვეული დრო, ზონარას სიტყვებით ამ კანონის განმარტებიდან, იყო ის დრო, როდესაც ქრისტიანები საღაპოდ იკრიბებოდნენ.*** თუ მღვდლები და დიაკვნები მაშინაც არ შეჭამენ ხორცს და თავშეკავებით იქამდე მივლენ, რომ არ მოინდომებენ ხორცთან ერთად მოხარშული მწვანეხლის (მხალის) ჭამასაც კი, მაშინ კანონი არ აძლევს მათ შემდგომში თავიანთ ხარისხში დარჩენის უფლებას.

კანონი 15

თუკი ეპისკოპოსის არყოლის პერიოდში**** მღვდლებმა რაიმე გაყიდეს ეკლესიის საკუთრებიდან, ეკლესიამ უკან უნდა მოითხოვოს. ამასთან, ეპისკო-

*მსოფლიო კრებათა საქმენი, III, 547.

**ათენის სინტაგმა, III, 47.

***მორწმუნეთა ტრაპეზი, სიყვარულის სერობა.

****როდესაც ეკლესია დაქვრივებულ მდგომარეობაშია.

პოსის გადასაწყვეტია, ღირს თუ არა თანხის დაბრუნება მყიდველისთვის; რადგან ხშირად ხდება, რომ გაყიდულიდან მიღებულმა შემოსავალმა, ნამეტავით გაისტუმრა უკვე მყიდველის მიერ მისთვის გაღებული ფასი.

(*მოკოქლეა* – 38, 39, 40, 41, 73; *IV მსოფლიოს* – 22, 24, 25, 26; *ტრულის* – 35, 49; *VII მსოფლიოს* – 11, 12, 13; *ანტიოქიის* – 24, 25; *ლაოდეციის* – 57; *კართაგენის* – 22, 26, 33, 81; *კირილე ალექსანდრიელის* – 2; *თეოფილე ალექსანდრიელის* – 10).

ზემოაღნიშნული პარალელური კანონების განმარტებებში, ჩვენ ძირითად უკვე ვისაუბრეთ ამ კანონში განხილული საკითხის შესახებ. კერძოდ, საეკლესიო ქონების ხელშეუხებლად დაცვის აუცილებლობაზე ვისაუბრეთ VII მსოფლიო კრების მე-12 კანონის განმარტებაში.

წინამდებარე კანონში განიხილება ის შემთხვევა, როდესაც რომელიმე ეპარქიის დაქვრივების შემთხვევაში, მღვდლები გაყიდიან ეკლესიის კუთვნილ რაიმე ნივთებს, და თვლის რა ამ საქციელს უკანონო ყიდვა-გაყიდვის აქტად, როგორც სინამდვილეში არის, კანონი ბრძანებს, რომ უნდა მოითხოვონ გაყიდულის უკან, ეკლესიაში დაბრუნება. ბერძნულ ტექსტში ორჯერ არის გამოყენებული სიტყვა „ο Κυριχόν“, თანაც ორივეჯერ მესაკუთრის ან, უფრო ზუსტად – საეკლესიო ქონების სუბიექტის აღმნიშვნელად, რაც ჩვენ მიერ თარგმნილია სიტყვით: *ეკლესია*. სინამდვილეში, ეს ბერძნული სიტყვა ნიშნავს: „უფლის“; აქედან, Κυριχόν βίον – უფლის სერობა. პირველ შემთხვევაში ეს სიტყვა იმიტომ გამოიყენება, რომ ყველა ნივთი, რომელიც ეკლესიას ეკუთვნის, ანუ მთელი საეკლესიო ქონება, არსებითად ითვლება უფლის ქონებად, უფლისთვის შეწირულად. მეორედ ეს სიტყვა გამოიყენებულია ეკლესიის საკუთრების წარმომადგენლის აღმნიშვნელად, ესენი კი ის ერთგული მორწმუნენი არიან (მათი მდგომარეობის განურჩევლად), რომლებიც ეკლესიას შეადგენენ, სხვაგვარად – უფლის ერი [მრევლი]. კანონში მხოლოდ *მღვდლები* მოიხსენიებიან, რომლებმაც უკანონოდ გაყიდეს ეკლესიის ქონების გარკვეული ნაწილი, მაგრამ ამ შემთხვევაში აღნიშნული სახელის ქვეშ ზოგადად კლიროსი უნდა მოვიანზროთ, რომელზედაც, უპირატესად, მიხედობლია დაქვრივებული ეპარქიის საეკლესიო ქონების მმართველობა (IV მსოფლიო კრებ. 22-ე და 25-ე კან-ბი). კანონი კი მხოლოდ მღვდლებს მოიხსენიებს მათი წოდების ამაღლებულობის გამო.

კლირიკოსთა მიერ გაყიდული საეკლესიო ნივთების დაბრუნების შესახებ განკარგულებას, კანონი ეპისკოპოსს გადასცემს, როდესაც იგი ჩაიბარებს დაქვრივებული ეპარქიის მმართველობას და დაეკისრება საკითხის გადაწყვეტა: უნდა დააბრუნოს თუ არა გაყიდულ ნივთში აღებული თანხა, რადგან, როგორც კანონი მიუთითებს, შეიძლება ისე მოხდეს, რომ გაყიდულიდან მიღებულმა შემოსავალმა გადააჭარბოს მის ნამდვილ ღირებულებას* თუმცაღა, საეკლესიო ქონების გაყიდვასთან დაკავშირებით, ჩვენ მიერ საკმარისად ითქვა VII მსოფლიო კრების მე-12 და კართაგენის 26-ე კანონების განმარტებებში, ამიტომ, ამჯერად, ამ საკითხზე სიტყვას აღარ გვაგაგრძელებთ.

*ანუ ნაყიდი ქონებიდან, მაგალითად, მიწიდან, მყიდველს შეიძლება უკვე გაცოცხლებით მეტი სარგებელი აქონდეს მიღებული, ვიდრე ყიდვისას საფასურის სახით გადაიხადა; ამიტომ, ცხადია, ასეთ შემთხვევაში, უფასოდ უნდა დაუბრუნოს ეკლესიას.

კანონი 16

პირუტყვთმავალთა შესახებ. ვინც ამ ცოდვაში ოცი წლის ასაკამდე ჩავარდა, თხუთმეტი წელი შევრდომილთა შორის გაატაროს და ამის შემდეგ მიიღოს ლოცვითი თანაზიარების უფლება; ხუთწლიანი ასეთი ერთობის შემდეგ კი, წმინდა საიდუმლოსაც ეზიაროს. გამოიცადოს მისი ცხოვრება იმ დროს, როდესაც შევრდომილთა შორის იქნება და იმისდა მიხედვით გაეწიოს კაცთმოყვარობა. ვინც დიდხანს დაჰყო ამ ცოდვაში, შევრდომილობაშიც დიდხანს უნდა იყოს. ხოლო, ვინც აღნიშნულ ასაკს გადააბიჯა, ცოლიც ჰყავს და ასეთ ცოდვაში ჩავარდა, ის ოცდახუთი წელი უნდა დარჩეს შევრდომილთა შორის და მხოლოდ ამის შემდეგ შევიდეს მართლებთან ლოცვით ერთობაში. ხუთიწლიანი ლოცვითი თანაზიარების შემდეგ კი წმინდა ზიარების მიღების ღირსად ჩაითვალოს. ხოლო, რომელთაც ცოლიც ჰყავთ, ორმოცდაათ წელზე მეტი ასაკისანიც არიან და ასეთ ცოდვაში ჩავარდნენ, მხოლოდ სიკვდილის წინ მიეცეთ წმინდა ზიარების უფლება.

(ანკირიის - 17; ბასილი დიდის - 7, 63; გრიგოლ ნოსელის - 4).

ამ კანონის პირველი სიტყვები „πίνα ἀλογοῦσθῆναι“, სინამდვილეში აღნიშავენ: „რომლებიც უგუნურად იქცეოდნენ“. მათი განმარტებისას, ზონარა ამბობს: „οὗτος ἄλογοις ὑμῶν ἐστίν“, ანუ პირუტყვებთან დაეცნენ* ვეთანხმებით რა ზონარას ამ განმარტებას, ჩვენც კანონის აღნიშნული სიტყვები მასთან შესასიტყვისად გადმოვთარგმნეთ. ხოლო, თუ რას განუწესებს კანონი ესოდენ ბილწ ცოდვილებს, ეს ნათლად ჩანს კანონის ტექსტიდან.

კანონი 17

პირუტყვთმავლებსა და კეთროვნებს, ან განკეთრებულთ, წმინდა კრება უბრძანებს: შეპყრობილებთან ერთად ილოცონ.

(ანკირიის - 16; ბასილი დიდის - 7, 63; გრიგოლ ნოსელის - 4).

ამ კანონში საუბარია იმ პირების მსგავსთა შესახებ, რომელთაც წინა (მე-16) კანონი მოიხსენიებს, მაგრამ, რომლებმაც, გარდა ამისა, თავიანთი საძაგელი ცოდვა სხვებსაც გადასდეს. ასეთებს, კანონი შენდობას არ აძლევს და განუწესებს ილოცონ მხოლოდ შეპყრობილებთან. ამ კანონის განმარტებაში ზონარა ამბობს, რომ არაფერი შეუძლია თქვას იმის შესახებ, თუ რას ნიშნავს: „ილოცონ შეპყრობილებთან“. მაგრამ ეს განმარტა ბელსამონმა, რომელმაც თქვა, რომ შეპყრობილები იმათ ეწოდება, რომლებიც სტოაში დგანან და იქიდან ისმენენ საღვთო წერილს, უკაეიათ რა შეპყრობილების ადგილი და არა აქეთ უფლება შევიდნენ ეკლესიის საცხოვნებელ ნავთსაყუდელში** მიგვაჩნია, რომ ეს განმარტება სწორად უნდა

*ათენის სინტაგმა, III, 57.

**ათენის სინტაგმა, III, 57.

ჩათვალოს. ადგილი, ეკლესიის წინ, სადაც ბაღსამონის სიტყვებით ეს ცოდვილები იდგნენ, ღია იყო, მაგრამ სამი მხრიდან შემოზღუდული; ასე რომ, სახეში ქარი ურტყამდათ და იძულებით იქ მდგომარენი, სიცივეს განიცდიდნენ. ამას ტერტულლიანეც მოწმობს, რომელიც ამ უბედურების ცოდვებს *შეცოდებებს* კი არ უწოდებს, არამედ *საშინელ საქციელებს*, და ამბობს: „ვინც ბუნების კანონების საწინააღმდეგო უწმინდურ ვნებებს ეძლევა, ჩვენ მათ არამარტო კარის ზღურბლიდან ვდევნით, არამედ ეკლესიის ჭერქვეშიდანაც“. უფრო ნათელი წარმოდგენისათვის, თუ სად იყო განთავსებული მოხსენიებული ეკლესიის წინა ადგილი, უნდა მოვიხილოთ ძველი ტაძრის სურათი, რომელიც წარმოდგენილია ამ გამოცემის პირველ ტომში*

კანონი 18

თუ ეპისკოპოსად დადგინებულს არ მიიღებს ის ეპარქია, რომლისთვისაც არის დადგინებული და იგი შეეცდება სხვა ეპარქიის მიტაცებას და იქაური ეპისკოპოსის შევიწროების მიზნით მის წინააღმდეგ შფოთის მოწყობას, ეკლესიის ერთობიდან განიყვნოს. თუკი მოისურვებს მღვდლებთან ჯდომას იქ, სადაც ადრე მღვდლად მსახურობდა, არ წაერთვას მას მისი პატივი. ხოლო, თუ იქაური ეპისკოპოსის წინააღმდეგ შფოთს წამოიწყებს, მაშინ ჩამოერთვას მას სამღვდელო პატივი და განკვეთილად გამოცხადდეს.

(მოციქულთა - 14, 16; I მსოფლიოს - 8; III მსოფლიოს - 9; IV მსოფლიოს - 29; ტრულის - 37; ანტიოქიის - 17, 18; ორგზისის - 17; კირილე ალექსანდრიელის - 1, 2, 3).

მოციქულთა 36-ე კანონის განმარტებაში ჩვენ უკვე ვისაუბრეთ იმის შესახებ, თუ როგორ უნდა ვიქცეოდეთ კანონთა შესაბამისად, როდესაც კანონიერად დადგინილი ეპისკოპოსი არ სურთ მიიღონ მისთვის განკუთვნილ ეპარქიაში. მოცემული კანონი, იღებს რა მხედველობაში იმ შემთხვევას, როდესაც ასეთი ეპისკოპოსი (რომელსაც არ შეუძლია მისთვის განკუთვნილი კათედრის დაკავება) შეეცდება ძალით წაართვას ეპარქია სხვა კანონიერ ეპისკოპოსს, განაწესებს, რომ ასეთი ეპისკოპოსი უნდა განიკეთოს, ანუ, კარგავს უფლებას შემდგომში ისარგებლოს ეპისკოპოსებისათვის შესაფერისი პატივით. ხოლო, თუკი ის ცუდს არაფერს ჩაიფიქრებს და კათედრის შესახებ (რომლისთვისაც გამოირჩიეს) კრების გადაწყვეტილების მიღებამდე დაკმაყოფილდება მღვდელთა რიგებში ყოფნით, მაშინ კანონი აღიარებს მის სრულ უფლებას. აქ არ უნდა ვიფიქროთ, თითქოს ასეთი ეპისკოპოსი კარგავდეს ეპისკოპოსის ღირსებას იმის საფუძველზე, რომ კანონი მას განუსაზღვრავს მღვდლების თანაბარი პატივით სარგებლობას; კანონი ამას განუსაზღვრავს მხოლოდ უფრო მაღალი ადგილის, ვიდრე სამღვდელოა, არ ქონის გამო. სხვაგვარად, მკრეხელობა იქნებოდა კანონიერად დადგინებული ეპისკოპოსის დამცრობა სამღვდელო ხარისხამდე, როგორც ამას IV მსოფლიო კრების 29-ე კანონი ამბობს. ნაგრამ თუკი ასეთი ეპისკოპოსი შეთქმულებას მოაწყობს იმ ეპისკოპოსის წინააღმდეგ

*I მსოფლიო კრების მე-11 კანონის განმარტების ბოლოში.

საეპისკოპოსო საბჭოზე, რომელთანაც მას ადგილი უკავია, მაშინ იგი ამ პატივსაც კარგავს და ეკლესიიდანაც განიკეფება.

კანონი 19

ვინც ქალწულობის აღთქმა დადო და მერე დაარღვია, მეორედ ქორწინებულთა ეპიტიმია უნდა შეასრულოს. ქალწულებს კი, რომლებმაც გადაწყვიტეს სხვა მამაკაცებთან, როგორც ძმებთან, ერთ ჭერქვეშ იცხოვრონ, ჩვენ ამას ეუკრძალება.

(მოციქულთა - 5, 26; I მსოფლიოს - 3; IV მსოფლიოს - 16; ტრულის - 5, 12, 13, 40, 44, 46, 47; VII მსოფლიოს - 18, 22; კართაგენის - 3, 4, 25, 38, 44, 70; ორგზისის - 3, 4; ბასილი დიდის - 6, 18, 19, 20, 60, 88).

ეს კანონი ერთნაირად ეხებათ ქალწულობის აღთქმის შეურაცხმყოფელ როგორც მამაკაცებს, ისე დედაკაცებს. დედაკაცი, რომლებიც ასეთ აღთქმას აძლევენ, წმინდა ქალწულებად იწოდებოდნენ და თავისი აღთქმის შესახებ საჯაროდ აცხადებდნენ ეკლესიაში ეპისკოპოსის წინაშე (IV მსოფლიო კრებ. მე-16 კან.; კართაგენის კრებ. 44-ე კან.); ზოგიერთი მათგანი დედათადაცხად დგინდებოდა (IV მსოფლიო კრებ. მე-15 კან.). მამაკაცი, ასევე, სასიძოვად დებდნენ აღთქმის ეპისკოპოსის წინაშე და ქალწულებად იწოდებოდნენ. ისინი უმთავრესად კლირიკოსები ხდებოდნენ და ეკლესიაში მაღალ ადგილებს იკავებდნენ (ტრულის კრებ. მე-12 კან.). დანაშაული, რომლის შესახებაც კანონი საუბრობს, ანუ ქალწულობის აღთქმის დარღვევა, არ უნდა გაეიგოთ, როგორც სიძვის ცოდვა, არამედ - კანონიერი ქორწინება, რაც, რა თქმა უნდა, შეწირული ქალწულებისათვის ცოდვა იყო, რის გამოც კანონი მათ განუწესებს მეორედ დაქორწინებულთათვის დაწესებულ სასჯელს. ეს სასჯელი ითვალისწინებდა ერთი წლით წმინდა ზიარებიდან განაყენებას (ბასილი დიდის მე-4 კან.); რადგან სიძვის ცოდვის შემთხვევაში, დაქვემდებარებოდნენ მეძვეობისათვის დაწესებულ სასჯელს, რაც, უკვე, ოთხი წლით ითვალისწინებდა წმინდა ზიარების მოკლებას (ბასილი დიდის 22-ე კან.). კანონში მოხსენიებულ პირებში არ უნდა ვიგულისხმოთ მონოზონი მამები და მონოზონი დედები, პირველ რიგში იმიტომ, რომ ამ კრების დროს მონოზონობა ჯერ კიდევ არ იყო დაფუძნებული და ამიტომ არ გააჩნდა თავისი გარკვეულად განსაზღვრული და დამტკიცებული წესები; მეორეც, იმიტომ, რომ კანონები, რომლებიც IV საეკუმენის მეორე ნახევარში იქნა მონოზონებისათვის მიღებული და იგივე საკითხებს ეხება, გაცილებით უფრო მკაცრ სასჯელს განაწესებენ (ბასილი დიდის მე-60 კან.; შდრ. IV მსოფლიო კრებ. მე-16 და ტრულის კრებ. 44-ე კანონებთან).

როგორც ამ კანონის მეორე ნაწილიდან ჩანს, ისეთ შემთხვევებსაც პქონდა ადგილი, როდესაც ზოგიერთი ქალწული ქალწულობის აღთქმას დებდა და, იმავდროულად, უცხო. მამაკაცთან როგორც და ცხოვრობდა, რათა, მათივე სიტყვებით, ერთად ვაწვრთნილიყვნენ სიკეთესა და კეთილმსახურებაში. ბუნებრივია, რომ ახალგაზრდა ქალწულების ასეთი ერთობლივი ცხოვრება უცხო მამაკაცებთან ერთ ჭერქვეშ, 'აცდურის მიწეზია და კანონიც ამიტომ კრძალავს. იმის შესახებ, თუ რავგარი

შეხედულება არსებობდა მსგავსი ცხოვრების წესის მქონე ქალწულებზე, ჩვენ ვისაუბრეთ I მსოფლიო კრების მე-3 კანონის განმარტებაში.

კანონი 20

თუ ცოლი იმრუშებს, ან ქმარი იქნება მემრუშე, ასეთებს შვიდი წელი სჭირდებათ სრულ ზიარებაში მოსასვლელად, - მისკენ მიმავალი სინანულის საფეხურების გავლით.

(მოციქულთა - 48; ტრულის 87, 93, 98; კართაგენის - 102; ბასილი დიდის - 9, 21, 31, 35, 36, 46, 48, 58, 77, 80; გრიგოლ ნოსელის - 4).

კანონი ნათელია. სხვა ქალთან ურთიერთობით ცოლის მიმართ ერთგულების დამრღვევი მამაკაცი შვიდი წლით განიყენება წმინდა ზიარებიდან; ასევე, ცოლიც - მსგავსი ლალატისათვის. მემრუშეთათვის ეს კანონი ტრულის კრებამაც დაამტკიცა თავისი 87-ე კანონით, თანაც, განმარტა სინანულის ის საფეხურები, რომლებიც, ანკირიის ამ კანონის საფუძველზე უნდა გაიაროს ცოდვილმა, სახელდობრ: ერთი წელი დაჰყოს პირველ საფეხურზე, ორი - მეორეზე, სამი - მესამეზე, ერთი - მეოთხეზე, და მხოლოდ მერვე წელს შეუძლია მიიღოს წმინდა ზიარება.

კანონი 21

დედებს, რომლებმაც მრუშებაში ჩასახეს და ნაყოფი მოიშორეს, და რომლებიც ჩვილთა მოსაკვდინებელ საწამლავს ამზადებენ, ძველი განწესებებით სიკვდილამდე ეკრძალებოდათ წმინდა ზიარების მიღება, და დღემდე ასეა. ვეძებეთ რა უფრო რაიმე ღმობიერი, ასეთებს განვუწესეთ ათწლიანი სინანული, დადგენილი საფეხურების გავლით.

(ტრულის - 91; ბასილი დიდის - 2, 8).

ზოგიერთი უბედური დედაკაცი (როგორებიც, სამწუხაროდ, დღესაც გვხვდებიან), რომლებიც ფარულად ვინმესთან მრუშებაში ცხოვრობდნენ და ფეხმძიმდებოდნენ, იმის შიშით, რომ ყოველივე ეს არ გამოაშკარავებულყო და საქვეყნოდ არ შერცხვენილიყვნენ, თავისსავე წიაღში ცდილობდნენ ნაყოფის ჩაკვლას; ამ მიზნით მუცელზე ათასნაირ თასმებსა და საბელებს იჭერდნენ, ან კიდევ, ისეთ წამალს ამზადებდნენ და სვამდნენ, რომელიც ჩანასახს აზიანებდა და კლავდა. ასეთი ქალების მიმართ ამ კრებამდეც არსებობდა განჩინება, რომლის ძალითაც, სიცოცხლის ბოლომდე, მათ არ შეეძლოთ მიახლებოდნენ წმინდა ზიარებას. დასავლელი კომენტატორების აზრით, ასეთ დადგენილებას წარმოადგენს 306 წელს შემდგარი ელეირის კრების 63-ე კანონი, მაგრამ ამ დასახელებული კანონის თანახმად, მსგავს ცოდვილებს სიკვდილის ჟამის დადგომისასაც კი არ ჰქონდათ წმინდა ზიარების მიღების უფლება. ამიტომ ეს უკანასკნელი წინააღმდეგობაში იქნებოდა ამ კრების მე-8 და I მსოფლიო კრების მე-13 კანონებთან, რომელთა მიხედვითაც, „თუ ვინმე კვდებოდეს, ბოლო და აუცილებელი საგზლის გარეშე არ უნდა

დარჩეს“. როგორც არ უნდა იყოს, ზემოთ მოხსენიებული განჩინება საეკლესიო პრაქტიკაში ყოველთვის არსებობდა და, როგორც კანონი ამბობს, მას მუდამ იცავდნენ. ამ კრების მამებს სურდათ ამ შემთხვევაში ლმობიერება გამოეჩინათ, თუმც კი მიიჩნევდნენ მსგავს ქმედებას განზრახ მკვლელობად, რისთვისაც დამნაშავე სიკვდილამდე უზიარებლობით ისჯება (ანკირიის კრების 22-ე კან.), და მაინც, ასეთ ცოდვილ ქალებს განუწყესებენ ათწლიან სინანულს, რის შემდეგაც წმინდა ზიარების მიღების უფლებას აძლევენ. ანკირიის კრების მამების ასეთი ლმობიერების მიზეზს, ბასილი დიდი თავის მე-2 კანონში იმით ხსნის, რომ დედაკაცი, რომელიც თავისი ჩანასახის მოკვდინებას ცდილობს, ამით საკუთარ სიცოცხლესაც საფრთხეს უქმნის და, მსგავსი მცდელობისას, უმეტეს შემთხვევაში, თვითონვე იღუპება. ასეთივე ეპიტიმიას ექვემდებარება ის დედაკაციც, რომელიც სხვას აძლევს წამალს მუცლის მოსაწყვეტად (კურთხევანის 73-ე კანონი).

კანონი 22

განზრახ მკვლელობაში დამნაშავენი, სიცოცხლის ბოლომდე შევრდომილთა შორის უნდა იყვნენ და მხოლოდ სიკვდილის წინ მიეცეთ სრული ზიარება.

(ბასილი დიდის – 8, 56; გრიგოლ ნოსელის – 5).

თავის მე-8 კანონში, ბასილი დიდი განმარტავს, თუ ვინ უნდა ჩაითვალოს განზრახ მკვლელად. განზრახ მკვლელობისათვის კანონები სხვადასხვა ეპიტიმებს აწესებენ. წინამდებარე კანონი, ამ მხრივ, ყველაზე მკაცრია: იგი ბრძანებს, რომ დამნაშავემ მთელი ცხოვრება სინანულის მესამე საფეხურზე გაატაროს და მხოლოდ სიკვდილის წინ მიეცეს მას წმინდა ზიარების უფლება.

კანონი 23

უნებლიე მკვლელობაში დამნაშავეებს, ადრინდელი განწყება უბრძანებს შეიდწლიან ეპიტიმიას სრულ ზიარებამდე, შესაბამისი სინანულის საფეხურების გავლით. ახალი განწყებით კი მათ ხუთწლიანი სინანული ეფარდებათ.

(ბასილი დიდის – 8, 11; გრიგოლ ნოსელის – 5).

კანონი მოხსენიებს ამ კრების დროს უნებლიე მკვლელობისათვის ძალაში არსებულ ორ განწყებას: პირველსა და მეორეს; პირველის თანახმად დამნაშავეს სასჯელად ეფარდებოდა შეიდწლიანი სინანული, მეორეს მიხედვით – ხუთწლიანი. ეს განწყებები, როგორც ჩანს, იგივეა, რაც ამ კრების 21-ე კანონში მოხსენიებული, რადგან კანონებს შორის არ ჩანს, თუ რომელი კანონია ანკირიის კრების ამ კანონზე უფრო ძველი. ბასილი დიდი, თავის 57-ე კანონში, ადგენს ეპიტიმიას უნებლიე მკვლელობისათვის და სასჯელად ათწლიან სინანულს აწესებს.

კანონი 24

მისნობის მოქმედნი და წარმართა ჩვეულების მიმდევარნი, ან სახლში გრძნეულებისა და ჯადოს ამხსნელთა შემომყვანნი, ხუთწლიანი სინანულის კანონს ექვემდებარებიან: სამი წელი შევრდომილობა და ორი წელი ლოცვითი ერთობა წმინდა ზიარების გარეშე.

(ტრულის - 61, 65; ლაოდის - 36; ბასილი დიდის - 7, 65, 72, 81, 83; გრიგოლ ნოსელის - 3).

ამ კანონში განხილული საკითხის შესახებ, გაცილებით უფრო დაწვრილებით საუბრობს ტრულის კრების 61-ე კანონი. წინამდებარე კანონი ხუთწლიან ეპიტიმიას ითვალისწინებს იმ პირებისათვის, რომლებსაც მისნობის სწამთ, თანაც, განუწესებს სინანულის მესამე საფეხურს სამი წლის ვადით, მეოთხე საფეხურს - ორი წლის ვადით, და მხოლოდ მეექვსე წელს აძლევს წმინდა ზიარების უფლებას.

კანონი 25

მავანი ყმაწვილ ქალზე დაიწინდა, მანამდე კი მისი და გახრწნა და დააორსულა; შემდეგ დაწინდულზე დაქორწინდა, გახრწნილმა კი თავი ჩამოიხრჩო. მსგავსი დანაშაულის ჩამდენთა მიმართ ვებრძანებთ: ათი წლის განმავლობაში იარონ დადგენილი სინანულის საფეხურებით, ვიდრე მოვიდოდნენ მართლებთან ლოცვაზე თანამდგომარეთა რიგში.

(ტრულის - 54; ნეოკესარიის - 2; ბასილი დიდის - 78).

ამ კანონის მიღების მიზეზი გახდა განსაკუთრებული შემთხვევა. თუ რა შემთხვევა იყო ეს, ნათელია თვით კანონის ტექსტიდან. ყველა დამნაშავეს, მსგავსი დანაშაულისათვის, კანონი ათწლიანი ეპიტიმით სჯის - სინანულის პირველ საფეხურზე განწესებით - და მხოლოდ ამ ვადის გასვლის შემდეგ რთავს მეოთხე საფეხურზე გადასვლის ნებას. კანონი არ ამბობს, თუ რამდენ ხანს უნდა დარჩეს დამნაშავე სინანულის მეოთხე საფეხურზე და, ამგვარად, მმართველი ეპისკოპოსის გადასაწყვეტად ტოვებს ამ ვადის განსაზღვრას, როგორც ეს არაერთხელ ყოფილა გამოხატული სხვადასხვა კანონში. ამ კანონით განსაზღვრული ეპიტიმის სიმკაცრის მიზეზს, ზონარა საესვებით სწორად ხედავს იმაში, რომ აღებულ შემთხვევაში რამდენიმე დანაშაული ერთიანდება: ქალწულის გაუპატიურება, უკანონო ქორწინება პირისა, რომელსაც ორ დასთან ჰქონდა ხორციელი კავშირი, დაბოლოს, მკვლელობა, რომელიც ამ უკანასკნელი დანაშაულის შედეგი გახდა.*

ნეოპესარიის წმინდა ალბილობრიძი კრების კანონები*

კანონი 1

თუ მღვდელი დაქორწინდება, განიკეთოს თავისი ხარისხიდან, ხოლო თუ მრუშებას ჩაიდენს, დაე, სრულიად განიდევნოს საეკლესიო ერთობიდან და დამდაბლდეს მონანულთა რიგში.

(მოც. 5, 26, 51; IV მსოფლ. 14; ტრულ. 3, 6, 13, 21, 30; ანკირ. 10; კართ. 16; ბასილი დიდის 32, 69).

სასულიერო პირთათვის ქორწინების აკრძალვა ძველი დროის ბევრი ეკლესიის პრაქტიკაში შედიოდა; შემდგომში, ეს აკრძალვა, კანონიკურად დამტკიცდა ტრულის კრებაზე (მერ კან.). წინამდებარე კანონი, ამასთან დაკავშირებით, მხოლოდ მღვდლების შესახებ საუბრობს, მაგრამ ეს განწესება რომ ყველა კლირიკოსს ეხება, დაწყებული იპოდიაკონიდან და ზევით, აჩვენებს ერთ-ერთი უძველესი – მოციქულთა 26-ე კანონი. ამრიგად, სასულიერო პირს, რომელიც ქორწინებაზე გაკადნიერდება მას შემდეგ, რაც მისი სახელი სასულიერო პირთა დაეთარში შევიდა, სასულიერო ხარისხი უნდა ჩამოერთვას, ანუ – განიკეთოს. ხოლო, თუკი დაქორწინებული მრუშობას ჩაიდენს, ან დაუქორწინებელი სიძვის ცოდვაში ჩაეარდება, მაშინ ასეთი სასულიერო პირი, წინამდებარე კანონით, კიდევ უფრო მძიმე სასჯელს ექვემდებარება, სახელდობრ: განიკეთება ეკლესიაში მართლებთან ერთობლივი ღოცვიდან და გადაიყვანება მონანულთა რიგში. ზონარასა და ბალსამონის განმარტებების მიხედვით, მრუშობაში ან სიძვაში მხილებულმა სასულიერო პირებმა სინანულის ყველა საფეხური უნდა გაიარონ – პირველიდან მეოთხეს ჩათვლით (I მსოფ. 11), და მხოლოდ მათი გავლის შემდეგ დაიშვებიან ისინი წმინდა ზიარებაზე – რა თქმა უნდა, მხოლოდ ერისკაცებთან ერთად.

კანონი 2

დღედაკაცი, რომელიც ქორწინებით შეუერთდება ორ ძმას, დაე, განიდევნოს საეკლესიო ერთობიდან სიკვდილამდე, მაგრამ სიკვდილის წინ, თუ აღთქმას დადებს, რომ გამოჯანმრთელების შემთხვევაში განქორწინდება, მაშინ, კაცთ-მოყვარეობის მიზეზით, დაშვებულ იქნეს სინანულისათვის. ხოლო თუ კაცი ან დღედაკაცი მოკვდება ასეთ ქორწინებაში, დარჩენილს მძიმე სინანული მოეღოს.

(მოც. 19; ტრულ. 54; ბასილი დიდის 23, 68, 76, 78, 87).

*ნეოპესარიის კრება ანკირიის შემდეგ შედგა, 314 და 325 წლებს შორის. კრებას 24 ეპისკოპოსი ესწრებოდა; მიიღეს 15 კანონი. თავმჯდომარეობდა იგივე ეპისკოპოსი – ვიტალი ანტიოქიელი, რომელიც მანამდე ანკირიის კრების თავმჯდომარე იყო.

წინამდებარე კანონის განწესება იმასთან დაკავშირებით, რომ ერთი და იგივე დედაკაცს არა აქვს უფლება ჯერ ერთ ძმას გააკყვეს ცოლად, მერე – მეორეს, ზუსტად ისევე, როგორც მამაკაცს არ შეუძლია ორ დაზე იქორწინოს, – თავიდან ერთზე და შემდეგ მეორეზე (ბასილი დიდის 23, 78), ეყრდნობა საღვთო რჯულს, როგორც ეს ვნახეთ მოციქულთა მე-19 და ტრულის 54-ე კანონების განმარტებებში. დედაკაცს (ან მამაკაცს), რომელიც თავისი პირველი ქმრის (ან ცოლის) სიკვდილის შემდეგ მის ძმასთან (ან დასთან) დაქორწინდება, კანონი სიცოცხლის ბოლომდე განაყენებს ეკლესიაში მართლებთან ერთობლივი ღოცვიდან, – თუ არ მონაწილეს და არ გააუქმებს უკანონო ქორწინებას. თუკი ასეთი პირი, სიკვდილის პირას მისული, აღთქმას დადებს, რომ გამოჯანმრთელების შემთხვევაში აღარ იცხოვრებს უკანონო ქორწინებაში, მაშინ კაცთმოყვარეობიდან გამომდინარე, შეიძლება მღვდელთან აღსარებაზე მისი დაშვება და წმინდა ზიარების მიცემა; მაგრამ შეიძლება თუ არა მისი ზიარება სიკვდილის წინ, თუ ის ასეთ აღთქმას არ იძლევა? სვამს რა ბალსამონი ასეთ შეკითხვას ამ კანონის განმარტებისას, თავადვე პასუხობს: „კანონი ამაზე არაფერს ამბობს, მაგრამ, ვგონებ, უმოწყალობა იქნება არ აზიარონ იგი სულის აღმოსვლის წინ ბოლო საგზაღს, თუკი, რა თქმა უნდა – მართლმადიდებელია. ამიტომ, თუნდაც არ მისცეს უკანონო ქორწინების დარღვევის პირობა, იგი მაინც უნდა იქნეს წმინდა ზიარებით გასტუმრებული; თუ გამოჯანმრთელდება და უკანონო ქორწინებას დაუტევებს, მაშინ უნდა მიიღებოდეს მონაწილეთა რიგში, ხოლო თუ კვლავ გააგრძელებს უმსგავსო ქორწინებაში ცხოვრებას, ასეთ შემთხვევაში სრულიად უნდა განიღვენოს ეკლესიიდან, როგორც ბოროტებაში გაჯიუტებული“.* შემდეგ, კანონი განიხილავს შემთხვევას, როდესაც ასეთ უკანონო ქორწინებაში გარდაიცვლება ქმარი ან ცოლი და, ამბობს, რომ ცოცხლად დარჩენილ მეორე ნახევარს, მძიმე სინანული მოელის, რაც ნიშნავს, რომ მთელი დარჩენილი ცხოვრება უნდა დაჰყოს მინანულთა შორის და მხოლოდ სიკვდილის წინ დაიშვება იგი წმინდა ზიარებაზე.

კანონი 3

სინანულის ვადა, განსაზღვრული ბევრი ქორწინებით დაცემულთათვის, ცნობილია; თუმცა მათი მოქცევა და რწმენა ამოკლებს ამ ვადას.

(ანკე. 19; ნეოკეს. 7; ბასილი დიდის 4, 50, 80).

კანონში საუბარია იმ პირთა შესახებ, რომლებიც დაქვრივდნენ მეორე ქორწინების შემდეგ და კვლავ ახალ ოჯახს ქმნიან. ამასთან, ნათქვამია, რომ ასეთი საქციელისათვის განსაზღვრული სინანულის ვადა – ცნობილია. რადგანაც, ამასთან დაკავშირებით არ არსებობს უფრო ძველი კანონიკური განწესება, ამიტომ ზონარა და ბალსამონი ვარაუდობენ, რომ ნეოკესარიელი მამები ამ შემთხვევაში გულისხმობენ ჩვეულებას, რომლითაც მაშინ ხელმძღვანელობდნენ, თანაც, დამნაშავენი ყოველთვის ერთი და იგივე ეპიტიმით ისჯებოდნენ.** ჩვენ ამის შესახებ დაწვრი-

*ათენის სინტაგმა, III, 73.

**ათენის სინტაგმა, III, 74, 75.

ლებით ვსაუბრობთ ბასილი დიდის კანონების (მე-4, 50-ე და მე-80) განმარტებებში. წინამდებარე კანონი ასეთებისთვის უშევს სინანულის ვადის შემცირებას, — თუკი ისინი სათანადოდ იცხოვრებენ და სარწმუნოებაში მოშურნეობას გამოიჩენენ.

კანონი 4

თუ ვინმე დედაკაცის ნლომით აღივება და გადაწყვეტს დაწვეს მასთან, მაგრამ მისი განზრახვა არ იქნება სისრულეში მოყვანილი, ცხადია, რომ იგი მადლის მიერ იქნა გამოხსნილი.

(ბასილი დიდის 70).

ზონარა ამბობს, რომ წმინდა მამები გამოყოფენ ცოდვის განვითარების ოთხ საფეხურს: კვეთება (прилог, атака, ро бѣлѣ, impressio, როდესაც ცოდვა წარმოსახვებით, შთაბეჭდილებით ახორციელებს შემოტევას, ენების აღძვრას), ბრძოლა (борьба, ᄅღღ, luctatio, მომხდური და დამხედური აზრების არგუმენტირებული ჭიდილი, უხილავი საუბარი), თანხმობა (изволение, укъ ѓъ ѓ, assensio, დანებება ანუ ბრძოლის წაგება გულისთქმით) და ქმედება (дѣйствие, ρ ჳღ, actus, ცოდვის საქმით აღსრულება, დაცემა). ამათგან პირველი ორი მდგომარეობის გადატანისას ადამიანი ეპიტიმიას არ იმსახურებს, სხვა ორისას — იმსახურებს; რადგან არ განიკითხება ქრისტეს მხედარი არც მტრის შემოტევის და არც მასთან ბრძოლის გამო, — თუკი გულისთქმამ (помысли, λογισμός, ratio, ზრახვამ), გაუძლო კვეთებას და უარყო რა შთაბეჭდილება ნებისყოფით, დასძლია ის. თანხმობა კი განიკითხვასა და ბრალდებას ექვემდებარება, ხოლო ქმედება — ისჯება. ამგვარად, თუკი ვინმე ქალის მიმართ ენებით აღიძრა და დამარცხდა, ანუ დათანხმდა მასთან ხორციელ ურთიერთობაზე, მაგრამ საქმემდე არ მისულა — ქმედება არ შესრულებულა, ფაქტიური დაცემა არ მომხდარა, მაშინ, აშკარაა, რომ ცოდვით დაცემისაგან იგი საღვთო მადლმა დაიფარა.*

კანონი 5

თუ ეკლესიაში შემსვლელი კათაკმეველი, რომელიც კათაკმეველთა რიგში დგას და ცოდვაში მხილებული იქნება, შემდეგ მუხლმოდრეკილთა შორის გადაყვანილიც არ შეისმენს, რომ არ უნდა სცოდოს და მსმენელობის დროსაც შესცოდავს, დაე, განიდევნოს ეკლესიიდან.

(I მსოფ. 2, 11, 12, 13, 14; ტრულ. 96; ლაოდ. 19; ბასილი დიდის 20; ტიმოთე ალექსანდრიელის 4, 6; კირილე ალექსანდრიელის 5).

კათაკმეველებთან დაკავშირებით, ყველაფერი ნათქვამია I მსოფლიო კრების მე-14 კანონის განმარტებაში.

*ათენის სინტაგმა, III, 75, 76.

პანოცო 6

ორსული დედაკაცი ჯერ-არს განათლდეს ნათლისღებით, როცა კი მოისურვებს, რამეთუ აქ დამბადებელს არანაირი ერთობა არა აქვს დასაბადებელთან, რადგან საკუთარ აღმსარებლობაში წარმოჩნდება თითოეულის ნება.

ნეოკესარიის კრების მუშაობაში ზოგიერთი ისეთი პირი იღებდა მონაწილეობას, რომლებიც ამტკიცებდნენ, რომ ორსული ქალი არ უნდა მონათლოს, რომ აუცილებელია დალოდება, ვიდრე იმშობიარებდეს, რადგან, თითქოს, ასეთი დედაკაცის მონათვლისას, მასთან ერთად მონათლებოდა მის წიაღში მყოფი ჩვილი, რომლის მონათვლაც დაბადების შემდეგ ვეღარ მოხდებოდა, რამეთუ მაშინ მეორედ ნათლობა გამოვიდოდა. სწორედ, მსგავსი მტკიცებულების წინააღმდეგ არის მიღებული წინამდებარე კანონი, რომელიც განაწესებს ორსული ქალის ნათლობას მაშინ, როდესაც ის ამას თავად მოისურვებს. არგუმენტის სახით კანონი ამბობს, რომ მშობელს, როგორც პიროვნებას, ზნეობრივად საერთო არაფერი აქვს ჩვილთან და თავისი ნათლისღებისას მხოლოდ თვითონ ინათლება, ჩვილი კი, რომელსაც იგი მუცლით ატარებს, ამით არ ინათლება; თითოეულმა პირმა ნათლობის წინ პირადად, საკუთარი თავისთავის უნდა აღიაროს სარწმუნოება და სარწმუნოების ეს აღმსარებლობა უნდა იყოს მისი თავისუფალი ნებიდან მომდინარე.*

პანოცო 7

მღვდელი ნუ დაჯდება მეორედ დაქორწინებულის საქორწილო ღხინში, რადგან ორგზის დაქორწინებულს სინანული ესაჭიროება. როგორი იქნებოდა ის მღვდელი, რომელიც ღხინში თავისი მონაწილეობით მოიწონებდა ასეთ ქორწინებებს?

(მოც. 17; ტრულ. 3; ანკირ. 19; ნეოკეს. 3; კლაოდ. 1; ბასილი დიდის 4, 12).

ლაოდიკიის კრების 1 კანონის განმარტებაში, ჩვენ ვისაუბრეთ მეორედ დაქორწინებულთა შესახებ და აგრეთვე, იმაზე, რომ ვინც პირველი ცოლის გარდაცვალების შემდეგ მეორედ იქორწინა, კანონის თანახმად ეპიტიმიას იმსახურებს. ამგვარად, რაკი მეორედ ქორწინება შესაბამისი ეპიტიმის გარეშე აკრძალული იყო, ხოლო ეპიტიმები მღვდლების შეხედულებით განისაზღვრებოდა იმ შემთხვევაში, როდესაც მეორედ დაქორწინებულნი თავად მიდიოდნენ ამისთვის მათთან, ამიტომ კანონი განაწესებს, რომ მღვდლებმა არ უნდა მიიღონ მონაწილეობა საქორწილო ღხინში, რადგან – კითხვას სვამს კანონი – რაგვარი იქნებოდა მღვდლის მდგომარეობა, რომელიც ვინმეს ეპიტიმიას დაუნიშნავდა იმის გამო, რასაც ის თავისი დასწრებით მიესალმებოდა?

*რასაც, ჩველი ბავშვების შემთხვევაში მათი სახელით მათი ნათლიები აღასრულებენ.

კანონი 8

თუ რომელიმე ერისკაცის ცოლი იმრუშებს და აშკარად იქნება მხილვე-
ბული ამასში, ამ ერისკაცს არ შეეძლება ეკლესიის მსახურად გახდომა.
ხოლო თუ ქმრის ხელდასხმის შემდეგ დაეცემა მრუშობით, ქმარი უნდა
გაეყაროს მას. იმ შემთხვევაში კი, როცა ცოლთან თანაცხოვრებას აგრ-
ძელებს, მას აღარ აქვს უფლება დაკისრებული მსახურება აღასრულოს.

(მოც. 87; ტრულ. 3, 6, 13, 26; ბასილი დიდის 27).

კანონი განიხილავს ისეთ შემთხვევას, როდესაც ცოლი შემჩნეულია მრუშობა-
ში და, აჩვენებს, როგორი შედეგი მოჰყვება ამას მისი ქმრისათვის, რომელსაც
სამღვდელო ხარისხის მიღება სურს ან უკვე მღვდელია. პრინციპი, რომლითაც ამ
შემთხვევაში ნეოკესარიის კრების მამები ხელმძღვანელობენ, არის ქორწინებაში
ქმრისა და ცოლის ერთიანობა (იხ. დაბ. 2, 24) და მათ შორის მჭიდრო კავშირის
არსებობა. ხოლო, რადგან ცოლი, რომელსაც ქმარი ჰყავს და მრუშობაში იქნება
შემჩნეული, შებილწულად ითვლება, მამაკაცი კი, ქალთან ხორციელი კავშირით
შეერთებული, მასთან ერთად ერთჯორც არს, ამიტომ ეს ბიწი მასზეც გადადის და
შედევად ისიც შებილწული ხდება. ამ პრინციპიდან გამომდინარე, კანონი კრძალა-
ვს სასულიერო დასში ისეთი მამაკაცის მიღებას, რომლის მეუღლეც ცოლ-ქმრულ
ღალატსა და მრუშობაშია შემჩნეული. ამ კანონით მტკიცდება მოციქულთა მე-18
კანონის განწესება, რომლის თანახმადაც სასულიერო დასში შეიძლება მიღებულ
იქნეს მხოლოდ ისეთი პირი, რომლის მეუღლეც ყოველმხრივ პატიოსნებითა და
კაცებით ა.წ.ა. გამორჩეული. აქვე უნდა აღინიშნოს, რომ ცოლის მრუშობა ცხადად
უნდა იყოს დამტკიცებული. ბევრი კანონი ყოფილა ბერძნულ-რომაულ კანონმდე-
ბლობაში, რომლებიც განაწესებდნენ, რომ მრუშობისათვის ქალი შეიძლება გასა-
მართლდეს მხოლოდ იმ შემთხვევაში, თუ ეს დამოწმებული იქნება აშკარა მტკიცე-
ბულებებით. სწორედ ეს კანონები აქვთ მხედველობაში ნეოკესარიის კრების მამებს
წინამდებარე კანონის მიღებისას; სახელდობრ: მემრუშედ ნამდვილად შეიძლება
იწოდოს მხოლოდ ის დედაკაცი, რომლის მიმართაც ბრალი დასტურდება უჭკველი
მტკიცებულებებით და არავითარ შემთხვევაში ის, ვის მიმართაც მხოლოდ ეჭვი
არსებობს. იმის საფუძველზე, რომ ვინმეს შეხვდა, ესაუბრა და მისთანები.

აღნიშნულ დადგენილებაში კანონს მოჰყავს შემთხვევა, როდესაც მრუშობა
წაღწეულია მღვდლის ცოლის მიერ. მღვდელმა, განწესების თანახმად, დაუყოვნებლივ
უნდა განაძეოს ასეთი მეუღლე და გაწყვიტოს მასთან ქორწინებითი კავშირი. თვით
წინადაწერილი განუწესებს მღვდლის ცოლს იყოს ერთგული და ღვთისსათნო
(შდრ. 1 ტიმ. 3, 11); ცხოვრებაში მას ისეთივე სიფრთხილე და სიბრძნე მართებს,
როგორც მის ქმარს – მღვდელმსახურს, მათ უმეტეს, რომ ქორწინებით შეეკრა რა
საკუთარ ქმარს, რომელმაც თავისი მსახურებისათვის საღვთო კურთხევა მიიღო,
იგი ქორწინების გზით თავადაც ხდება ამ კურთხევის თანახმარი. თუკი მღვდელმ-
სახურის ცოლი ისე არ ცხოვრობს, როგორც მას შეეფერება და მრუშობით იბილ-
წება, ამით ის თავის ქმარსაც ბილწავს – რადგან ორივენი ერთად ერთ სხეულს
შეადგენენ – და მის სამღვდელო მსახურებას იმ სიწმინდეს ართმევს, რომელიც,
სიუაღადავად, ამ მსახურებას სხვა მსხურებებისაგან გამოარჩევს. ამიტომ, სავსებით

სამართლიანია როგორც რელიგიური, ისე კანონიერი თვალსაზრისითაც, წინამდებარე კანონის დადგენილება, რომელიც განუწესებს ქმარს დაუყოვნებლივ გაყაროს მრუშ ცოლს. შესაბამისად, განქორწინების ეს საბაბი უადრეს მნიშვნელობას იძენს მღვდელმსახურთა ქორწინებით ცხოვრებაში. ამ ბოლო განწყობასთან დაკავშირებით, კანონი ითვალისწინებს იმ შემთხვევას, როდესაც ქმარი-მღვდელი, მიუხედავად ცოლის ღალატისა, არ მოისურვებს მასთან გაყარას და გააგრძელებს მასთან ქორწინებაში ცხოვრებას. ასეთ შემთხვევაში, კანონი მას მღვდელმსახურების დატოვებას განუწესებს, რადგან თავისი სურვილით – იცხოვროს მემრუშე ცოლთან, იგი აჩვენებს, რომ არ გააჩნია ადამიანური ღირსება, არ ესმის თავისი მსახურების მთელი მნიშვნელობა და გულგრილი რჩება იმის მიმართ, რომ ცოლის ბიწი მასზეც გადადის, – „როგორღა შეიძლება ეგ ზომ შებილწული ადამიანის დაშვება რაიმე ღვთაებრივის აღსასრულებლად?“ – კითხულობს ზონარა ამ კანონის განმარტების დასასრულს.* წინამდებარე კანონის განწესებებს, გვიანდელი დროის კანონებიც ხშირად ამტკიცებდნენ, სადაც ვხვდებით, რომ ასეთ პირებს ეკრძალებათ სამღვდელო მსახურება მაშინაც კი, როცა ისინი უმეტრებით შეიბილწნენ უკანონო ქორწინებაში (იხ. ბასილი დიდის 27; ტრულ. 26).

კანონი 9

მღვდელი, რომელმაც სხეულით შესცოდა, მაგრამ ხელთადასხმა მიიღო, მერმე კი აღიარებს, რომ ხელდასხმამდე შესცოდა, დაე, ნუ იმღვდელმოქმედებს, მაგრამ მას შეუნარჩუნდეს დანარჩენი უპირატესობანი სხვა სათნობათა გამო. რამეთუ სხვა ცოდვები, როგორც მრავალნი ამბობენ, ხელდასხმის ძალით მიეტივება. ხოლო, თუკი თავად არ აღიარებს, სხვებისგან კი ცხადად ვერ იქნება მხილებული, მაშინ თვითონ რჩება თავისი გადაწყვეტილების პასუხისმგებელი.

(მოც. 25, 61; I მსოფ. 2, 9, 10; II მსოფ. 4, 21, 23; ანკე. 12; ნეოკეს. 1, 8, 10, 12; ბასილი დიდის 3, 32, 51, 70, 82, 89; თეოფილე ალექსანდრიელის 3, 6).

საზოგადოებაში მღვდელმსახურის პატიოსან სახელთან დაკავშირებით, მოციქულთა 61-ე კანონის განმარტებაში ჩვენ ვისაუბრეთ იმ თვისებების შესახებ, რომლებითაც უნდა გამოირჩეოდეს სამღვდელო კანდიდატი; აგრეთვე, სამღვდელო ხარისხში იმ პირთა მიღების აკრძალვის შესახებ, ვინც შემწინეულია გარკვეული სახის ცოდვებში. ამის გამო, I მსოფლიო კრების მე-9 კანონი განაწესებს თითოეული სამღვდელო კანდიდატის მკაცრ გამოცდას, – ხელდასხმის ღირსად მის აღიარებამდე. წინამდებარე კანონი კი საუბრობს იმ მღვდლების შესახებ, რომლებსაც აღნიშნული გამოცდა არ გაუვლიათ და, ამასთან, თავის ხელდასხმამდე, ერისკაცობაში, ხორციელად შესცოდეს, ანუ სიძვის ცოდვით დაეცნენ. იმ შემთხვევაში, როდესაც მღვდელი თავად აღიარებს ჩადენილ ცოდვას, კანონი მას განუწესებს მსხვერპლშეწირვის აკრძალვას, ანუ – მღვდელმოქმედებას, მაგრამ სხვა დანარჩენ

უფლებას უნარჩენებს, კერძოდ, სამღვდელო ღირსებას, მღვდელმსახურთა შორის დასაჯდომელის პატივს და საკურთხეველში ზიარების უფლებას; ეს ყველაფერი მას უნარჩუნდება იმიტომ, რომ თავად მოინანია საკუთარი ცოდვა და მოშურნეა სხვა სათნოებებთან მიმართებით. რაც შეეხება იმ ნაკლები სიმძიმის ცოდვებს, რომლებიც შეიძლება მას ჩაედინა ამ მთავარი ცოდვის პარალელურად, კანონი ამბობს, რომ ბევრის აზრით (ბევრი ამტკიცებს; რადგან ამასთან დაკავშირებით არ არის რაიმე საყოველთაოდ აღიარებული სწავლება) ისინი ხელდასხმით წარისოცებიან. თუკი გარკვეული ეჭვი არსებობს იმასთან დაკავშირებით, ნამდვილად ჩაიდინა თუ არა მღვდელმა სიძვის ცოდვა თავის სამღვდელო კურთხევამდე, მას კი არ სურს ამის აღიარება და არც სანდო მოწმენი ჩანან, ვინც ბრალდებას დამტკიცებდა, ასეთ შემთხვევაში კანონი თვით მღვდლის სინდისს ანდობს გადასაწყვეტად, არის ის ღმერთისთვის მსხვეპრპლშეწირვის ღირსი თუ არა. თუკი ცოდვა დამტკიცებულია, ის კი მაინც უარზეა, მაშინ ასეთი მღვდელი დაუყოვნებლივ უნდა განიკვეთოს და ჩამოერთვას პატივი და უფლება, რომლითაც წინააღმდეგ შემთხვევაში, მას შეეძლო ესარგებლა. თუმცაღა, ამ კანონით სარგებლობისას, აუცილებელია დამატების სახით ყურადღება მიექცეს, თუ რას განაწესებს I მსოფლიო კრების მე-9 და სხვა გვიანდელი დროის კანონები (იხ. პარალელ. კანონები), და მათთან შესაბამისობაში განისაჯოს მღვდელმსახური, რომელიც გამოცდის გარეშე იქნა ხელდასხმული და შემდეგ მის მიერ ჩადენილი რაიმე ცოდვა გამოაშკარავდა ან თავად აღიარა.

კანონი 10

მსგავსადვე დიაკონიც, თუ იმავე ცოდვაში ჩაეარდება, დაე, დამდაბლებულ იქნეს ეკლესიის უბრალო მსახურის წოდებამდე.

(მოც. 25, 61; I მსოფ. 2, 9, 10; II მსოფ. 6; ტრულ. 4, 21, 23; ანკირ. 12; ნეოკეს. 1, 8, 9, 12; ბასილი დიდის 3, 32, 51, 70, 82, 89; თეოფილე ალექსანდრიელის 3, 6).

წინამდებარე კანონი წარმოადგენს ამ კრების მე-9 კანონის გაგრძელებას და იგივეს განუწესებს დიაკონებს, რასაც – მე-9 კანონი მღვდლებს: დიაკონს უნდა ჩამოერთვას დიაკეობა და დარჩეს ეკლესიის მსახურად.

კანონი 11

მღვდლად ნუ იქნება დადგინებული ვიდრე ოცდაათი წლამდე ასაკის ადამიანი, თუნდაც ის ყველაფრით ღირსეული იყოს; არამედ მოიცადოს, რამეთუ უფალმა ჩვენმა იესო ქრისტემ ოცდაათი წლისამ ნათელილო და დაიწყო მოძღვრობა.

(ტრულ. 14).

ეს კანონი სიტყვასიტყვით შევიდა ტრულის კრების მე-14 კანონში, რომლის განმარტებაშიც (ასევე, აღნიშნული კრების მე-15 კანონის განმარტებაშიც) ყველაფერი აუცილებელი არის ნათქვამი ამ საკითხთან დაკავშირებით.

პანოცო 12

თუ ვინმე სნეულებაში იქნა განათლებული ნათლისღებით, იგი არ შეიძლება ხელდასხმულ იქნეს მღვდლად; რამეთუ მისი რწმენა იყო არა ნებსითი, არამედ იძულებითი; თუმცა, ეს შესაძლებელია მის მიერ შემდგომში გამოვლენილი სათნოებებისა და სარწმუნოების გამო, ან ღირსეულ კაცთა ნაკლებობის მიზეზით.

(მოც. 46, 47, 49, 50, 61, 75, 80; I მსოფ. 2, 9; II მსოფ. 7; ტრულ. 95; ლაოდ. 3, 13, 47; სარდ. 10; კართ. 45; ორგ. 17; ბასილი დიდის 1, 5, 89; კირილე ალექსანდრიელის 4, 5; გრიგოლ ნოსელის 1, 4).

ზოგიერთი პირი, როგორც ზონარა ამბობს ამ კანონის განმარტებაში, გაურკვეველი დროით გადადებდა ხოლმე თავის ნათლობას იმის გამო, რომ არ უნდოდა სახარებისეული მცნებების მოთხოვნისგან თავი და საკუთარ ნებაზე ცხოვრებას ამჯობინებდა, და მხოლოდ ავადმყოფობაში, სიკვდილის შიშით, ინათლებოდა.* კანონის განწყობით, ასეთი პირები სამღვდლო ხარისხში არ უნდა მიიღონ, რადგან მათი სარწმუნოება საკუთარი ნებიდან კი არ გამომდინარეობს, არამედ — საჭიროებიდან. ამ კანონის მიღების უშუალო მიზეზი ის აზრთა შეუთანხმებლობა აღმოჩნდა, რომელიც ქრისტიანობის პირველ საუკუნეებში წარმოიშვა ნათლობის საკითხთან დაკავშირებით: შეიძლება თუ არა ჭეშმარიტად ჩაითვალოს ნათლისღება, თუ ის აღსრულებულია ავადმყოფობის დროს, და საჭიროა თუ არა ნათლობის გამეორება — თუ ის გამოჯანმრთელდა — ან, უკიდურეს შემთხვევაში, რაიმე დამატებითი ქმედებით მისი სრულყოფა. ეს დავა იმდენად შორს წავიდა, რომ ავადმყოფობისას მონათლულთა აღიარებაც კი არ უნდოდათ ჭეშმარიტ ქრისტიანებად; სხვა მიზეზთა შორის იმასაც ასახელებდნენ, რომ მათ წყლის გადასხმით ნათლავდნენ და არა შთაფლვით. ამ დავაში პირველი გადაამტრელი ხმა კვიპრიანემ აიმაღლა. კეთილმსახური მაგნუსის კითხვაზე: „უნდა ვაღიაროთ თუ არა ჭეშმარიტ ქრისტიანებად, ვინც საღვთო მადლი ავადმყოფობისა და განრღვეულობის დროს მიიღო, ისინი ხომ მთლიანად არ ყოფილან გამოსხნის წყლით განბანნილნი, არამედ მხოლოდ დაღვთობილნი?“ — კვიპრიანემ უპასუხა, რომ მისი აზრით ასეთები აღიარებულ უნდა იქნენ ჭეშმარიტ ქრისტიანებად.

კვიპრიანეს აზრს ეკლესიის სხვა მამები და მასწავლებლებიც იზიარებდნენ. ეს საკითხი დაუყოვნებლივ უნდა გადაწყვეტილიყო აუცილებლად სწორედ ამ აზრით, რადგან ახალშემოიღებული იყო ბავშვთა ნათლობა და პედობაპტიზმი დამყარდა ეკლესიაში. უთანხმოება მაინც გრძელდებოდა იმასთან დაკავშირებით, რომ ღიად რჩებოდა საკითხი: შეიძლება თუ არა ავადმყოფობაში და, მასშასადამე, საწოლზე და, შესაბამისად, მხოლოდ სხურებით მონათლულის მიღება სასულიერო დასში. პირველ მწვინელოვან შემთხვევას აღგვიწერს ვესები თავის „ისტორიაში“ რომის ეპისკოპოსის, კორნელის სიტყვებით, რომელიც საუბრობს ცნობილ კართაგენელ მღვდელ ნოვატზე. მოგვითხრობს რა ნოვატის უპატიოსნობაზე, კორნელი იხსენებს, თუ როგორ მიიღო ნოვატმა მოტყუების გზით სამღვდლო ხელდასხმა,

*ათენის სინტაგმა, III, 89.

რადგან, გარდა სხვა მიზეზებისა, მას, როგორც ავადმყოფობაში საწოლზე და წყლის გადაღლებით მონათლულს, არ ჰქონდა ამის უფლება. ეს იყო III საუკუნის ნახევარში, მაგრამ დაეა გვიან დრომდე გაგრძელდა. წინამდებარე კანონით ნეოკესარიის კრების მამებმა ეს დაეა გადაწყვიტეს კაპადოკიის ეკლესიისათვის. მსგავსი განწყობა გამოსცა პირველმა მსოფლიო კრებამაც თავისი მე-2 კანონით. ხოლო, რადგან ნეოკესარიის ეს კანონი მიიღო მსოფლიო ეკლესიამაც (ტრულ. 2), ამიტომ მისი განწყობა აღნიშნულ საკითხზე გახდა საყოველთაო-საეკლესიო. კანონი გამონაკლისს უშვებს მხოლოდ იმ შემთხვევაში, როდესაც ავადმყოფობაში მონათლული პირი მოშურნობას გამოიჩინეს საღვთო მცნებების მიმართ, აგრეთვე – სარწმუნოებაში სიმტკიცესა და მცოდნეობას (იხ. მოციქულთა მე-80 კან. და მისი განმარტება), და როდესაც წარმოჩნდება ისეთი ადამიანების დანაკლისი, რომლებსაც სამღვდელო კანდიდატისათვის კანონით განსაზღვრული ყველა აუცილებელი თვისება უნდა ჰქონდეთ.

კანონი 13

სოფლის მღვდლებს არ შეუძლიათ ქალაქის ეკლესიაში მღვდელმოქმედება ეპისკოპოსის ან ქალაქის მღვდლების თანდასწრებით, ასევე – პურისა და ბარძიმის (სასუმელის) მიცემა. ხოლო თუ ისინი არ არიან და სოფლის მღვდელი მარტოა მიწვეული ლოცვისთვის, მაშინ მისცეს წმინდა ზიარება. (მოც. 15; I მსოფ. 15, 16; IV მსოფ. 6).

როგორც ეპისკოპოსები იყოფოდნენ ქალაქისა და სოფლის ეპისკოპოსებად, ასევე მღვდლებიც – ქალაქისა და სოფლის მღვდლებად; და როგორც სოფლის ეპისკოპოსებს ჰქონდათ შეზღუდული უფლებები ქალაქის ეპისკოპოსებთან მიმართებით, ასევე იყო სოფლისა და ქალაქის მღვდლებს შორისაც. IV მსოფლიო კრების მე-9 კანონის თანხმად, არ შეიძლება ვინმეს ხელდასხმა მოხდეს მისთვის მსახურების ადგილის განსაზღვრის გარეშე. აღნიშნული კანონის განმარტებისას, ვიხილეთ, თუ რაოდენ კატეგორიულად იკრძალება და გაუქმებულად ითვლება ამის საწინააღმდეგო ყველა ქმედება. თითოეული მღვდლის მსახურება მხოლოდ იმ ადგილას ითვლებოდა კანონიერად, რომელი ადგილისთვისაც მას ხელი დაასხეს. მსახურების ადგილებში სოფლის მღვდლებს უფრო შეზღუდული უფლებები ჰქონდათ, ვიდრე ქალაქისას. ამიტომ კანონი მათ განუწყესებს, იცოდნენ საკუთარი საზღვრები და არ მიითვისონ ქალაქის მღვდლების უფლება იმ დროს, როდესაც გარკვეული მიზეზით ქალქში მოუწევთ ღვთისმსახურების ჩატარება, თანაც ეპისკოპოსისა და ქალაქის მღვდლების თანდასწრებით. რადგან, ამ უფლებათა დაუცველობა, ბაღსამონის განმარტებით, იწვევს ეპისკოპოსებისა და ქალაქის მღვდლების უპატივცემულობასა და შეურაცხყოფას, – თითქოს ისინი იყვნენ რაიმეში დამნაშავენი, – და ზოგადად, უწყსრიგობას.* სოფლის მღვდელს ქალაქში მხოლოდ იმ შემთხვევაში შეუძლია მსახურება ჩაატაროს, თუ მას მიიწვევენ ქალაქის მღვდლის

*ათენის სინტაგმა, III, 91.

არყოფნის გამო, და ისიც, მხოლოდ, მმართველი ეპისკოპოსის ნებართვით. მაგრამ ამ შემთხვევაშიც მარტო იმავე ეპარქიის მღვდლებს შეუძლიათ იმსახურონ და იმავე ეპისკოპოსის დამორჩილებაში მყოფთ, ვისაც აღნიშნული ქალაქის მღვდელი ემორჩილება. სხვა ეპარქიაში კი, როგორც ეს საერთო წესებით არის დადგენილი, მათ მხოლოდ გარკვეულ, განსაკუთრებულ შემთხვევებში შეუძლიათ ღმერთისმსახურება ნაატარონ.

კანონი 14

ხოლო ქორეპისკოპოსები, დადგინებულნი სამოცდაათთა მოციქულთა სახედ, როგორც ეპისკოპოსის თანამწირველნი, მღვდელმოქმედებენ ქალაქის ეკლესიაშიც, მიიღებენ რა გლახაკებზე ზრუნვის პატივს.

(I მსოფ. 8; VII მსოფ. 14; ანკირ. 13; ანტიოქ. 8,10; ლაოდ. 57; ბასილი დიდის 89).

რასაც მე-13 კანონი უკრძალავს სოფლის მღვდლებს ქალაქის მღვდლებთან მიმართებით, იმის ნებას აძლევს წინამდებარე კანონი ქორეპისკოპოსებს ქალაქის ეპისკოპოსებთან მიმართებით, კერძოდ: მათ თავისუფლად შეუძლიათ იმსახურონ ქალაქის (საეპისკოპოსო) ეკლესიაში, რადგან ისინი ეპისკოპოსის თანამწირველნი არიან და სარგებლობენ საეკლესიო იერარქიაში მათი მდგომარეობიდან გამომდინარე კუთვნილი პატივით, ასევე იმიტომაც, რომ, როგორც კანონი ამბობს, დადგინებულნი არიან *სამოცდაათთა მოციქულთა* მსგავსად. ამ უკანასკნელ განსაზღვრებასთან დაკავშირებით, არქიმანდრიტი იოანე* აკეთებს სრულიად საფუძვლიან შენიშვნას: „ასე იწოდებიან, რა თქმა უნდა, მთავარ ეპარქიალურ ეპისკოპოსებისაგან განსასხვავებლად, რომლებიც ითვლებიან თორმეტ მოციქულთა მემკვიდრეებად, მაგრამ ეს განსხვავება უნდა მოვიაზროთ მხოლოდ საეკლესიო მმართველობასთან დაკავშირებით, სადაც ქორეპისკოპოსები იყვნენ ეპარქიალურ მღვდელთმთავრებთან შედარებით დაბალ მდგომარეობაში, ხოლო, რაც შეეხება სამღვდელო წოდებასა და სასულიერო საეპისკოპოსო უფლებებს, ამაში არ არსებობს რაიმე მიზეზი ქორეპისკოპოსების გამოყოფისა სხვა ეპისკოპოსებისაგან, რადგან მათ იგივე ეპისკოპოსის ხარისხი ჰქონდათ, როგორც სხვებს: ყველა ეპისკოპოსი, არსებითად, წმინდა მოციქულების მემკვიდრეა“.

კანონი 15

თავდაპირველი კანონით, თუნდაც ქალაქი ძალზე დიდი იყოს, მასში მხოლოდ შვიდი დიაკვნის დადგინება შეიძლება. ამაში დარწმუნდები მოციქულთა საქმეების წიგნიდან.

(I მსოფ. 18; ტრულ. 7,16; ლაოდ. 20)

ტრულის კრების მე-16 კანონში განმარტებულია, თუ როგორ უნდა მოვიაზროთ წინამდებარე კანონი.

*შემდგომში სმოლენსკის ეპისკოპოსი.

ღანბრის წმინდა ადგილობრივი კრების კანონები*

კანონი 1

თუ ვინმე გმობს ქორწინებას და სძაგს ერთგული და კეთილმორწმუნე ცოლი, თანამცხოვრები თავის ქმართან, ან ძრახავს მას, როგორც ცათა სასუფეველში ვერშემსვლელს, – დაე, შეჩვენებულ იყოს.

(მოც. 5, 51; ტრულ. 13; ღანბ. 4, 9, 10, 14)

როგორც ცნობილია, ეს კრება შედგა სებასტიის ეპისკოპოს ევსტათის მიმდევართა საწინააღმდეგოდ; იგი სახარების საპირისპირო ასკეტიზმს ქადაგებდა, რის გამოც ამ კრების ყველა კანონი განიკითხავს ცალკეულად მისი ცრუსწავლების თითოეულ პუნქტს და ყველა მის მიმდევარს ანათემას გადასცემს, ანუ განაჩინებს მათ დაუყოვნებლივ და საბოლოო განკვეთას ეკლესიიდან.

ეს 1 კანონი გმობს ევსტათელთა ცრუსწავლებას ქორწინების შესახებ. მოციქულთა 51-ე კანონის განმარტებაში ვნახეთ, რომ ეკლესიის დასაბამიდანვე, ზოგიერთი გნოსტიკური სექტა, გამოდიოდა რა მატერიის შესახებ ცრუსწავლებიდან, თავისი დუალისტური პრინციპების ძალით (ბოროტებისა და სიკეთის შესახებ), სხვათა შორის, ქორწინებასაც გმობდა. ასე, მაგალითად, სატურნინი ასწავლიდა, რომ ქორწინება, თითქოს, სატანის გამოგონილია. გნოსტიკების მსგავსად ევსტათიანელებიც ასწავლიდნენ, რომ ქორწინება ცოდვაა და ყოველი ქრისტიანი უნდა განერიდოს მას. სწავლების გადმოცემაში ისინი ეფუძნებოდნენ არა გნოსტიკურ დუალიზმს, არამედ კრძალულების შესახებ წმინდა წერილის ცნობილი ადგილების თავისებურ, შერყვნილ განმარტებას.

კანონი 2

თუ ვინმე განიკითხავს იმ ადამიანს, რომელიც მოწიწებით და რწმენით ჭამს ხორცს (გარდა სისხლისა, კერპისთვის შეწირულისა და დამხრჩვალისა), როგორც სასობას მოკლებულს მისი ჭამის გამო, – დაე, შეჩვენებულ იქნეს.

(მოც. 51, 53, 63; ტრულ. 67; ანკირ. 14; ბასილი დიდის 86)

ამ კანონით მტკიცდება მოციქულთა 51-ე და 53-ე კანონების განწესებანი.

*ეს კრება შედგა IV საუკუნის ნახევარში, დაახლოებით 340 წელს, პაფლაგონიის მთავარ ქალაქ ღანგრაში. შეკრების მიზეზი ნახევრადარიანელი ევსტათი სებასტიანელისა და მისი მიმდევრების მწვალებლური სწავლების დაგმობა იყო. ისინი უგუნურ ასკეტიზმს ქადაგებდნენ და შედეგად ეკლესიაში დიდი უწესრიგობა გამოიწვიეს. კრებას თავმჯდომარეობდა ევსევი ნიკომიდიელი, ესწრებოდა 13 ეპისკოპოსი. კანონიკურ კრებულებში შეტანილია ამ კრების 21 კანონი, კერძოდ: 20 ევსტათიანელების წინააღმდეგ, 21-ე კი შეადგენს ყველა კანონის ეპილოგს.

კანონი 3

თუ ვინმე კეთილმსახურების საბაბით ასწავლის მონას ბატონის მოძაგებას, მისი მსახურებისაგან თავის არიდებას და არა გულმოდგინებითა და ყოველგვარი პატივით მსახურებას, — დაე, შეჩვენებულ იყოს.

(მოც. 82; IV მსოფ. 4; ტრულ. 85; კართ. 64, 82; ბასილი დიდის 40, 42)

ეს კანონი იმ პერიოდს ეხება, როდესაც მონობა არსებობდა და ამტკიცებს მოციქულთა 82-ე კანონის განწესებას.

კანონი 4

ვისაც მიაჩნია, რომ არ შეიძლება წმინდა ზიარების მიღება დაქორწინებული მღვდლის მიერ აღსრულებული ლიტურგიის შემდეგ, — შეჩვენებულ იყოს.

(მოც. 5; I მსოფ. 3; ტრულ. 13; ლანგ. 1, 9, 10; კართ. 4)

ეესტათიანელები თვლიდნენ რა ქორწინებას ცოდვად და ასწავლიდნენ მისგან განრიდების აუცილებლობას, სასულიერო პირთათვისაც იგივეს ფიქრობდნენ, და თუ ასეთი ცოდვილი პირი, როგორც მათი აზრით დაოჯახებული მღვდელი იყო, ლიტურგიას აღსრულებდა, მაშინ ასეთი ლიტურგია მათი მხრიდან წმინდად არ მიიჩნეოდა, როგორც მის მიერ შეწირული მსხვერპლიც. ამიტომ, ასეთი მღვდლისგან, მიიჩნევდნენ, რომ არ შეიძლებოდა წმინდა ზიარების მიღება. მღვდელთა ქორწინების კანონიერების შესახებ ჩვენ საკმაოდ ვისაუბრეთ მოციქულთა მე-5 და ტრულის კრების მე-13 კანონების განმარტებებში, ხოლო ლანგარის წინამდებარე კანონი გმობს როგორც ეესტათიანელებს, ასევე ყველა იმას, ვინც მღვდელთა ქორწინებას არ აღიარებს კანონიერ ქმედებად.

კანონი 5

თუ ვინმე ასწავლის, რომ არ არის აკრძალული ღვთის სახლისა და მასში მოწყობილი შეკრებების უზულუბელყოფა, — დაე, შეჩვენებულ იყოს.

(ტრულ. 80; ლანგ. 20; სარდ. 11)

იმის საფუძველზე, რომ წმინდა წერილის სიტყვები — ღვთის მიმართ ლოცვა ნებისმიერ ადგილზე შეიძლება (შდრ. 1 ტიმ. 2, 8), ეესტათიანელებმა სიტყვასიტყვით გაიგეს და ასწავლიდნენ, რომ ტაძრები და იქ აღსრულებული მსახურება საჭირო არ იყო; სწორედ ამის წინააღმდეგ არის ეს კანონი მიღებული.

კანონი 6

თუ ვინმე ეკლესიის გარეთ აწყობს განსაკუთრებულ შეკრებებს და უგელებელყოფს რა ეკლესიას, საეკლესიო საქმეების შესრულება ეპისკოპოსის ნებთ დადგინებული მღვდლის გარეშე სურს, — დაე, შეჩვენებულ იყოს.

(მოც. 31, 47; II მსოფ. 6; III მსოფ. 3; IV მსოფ. 18; ტრულ. 31, 34; ანტიოქ. 2, 5; სარდ. 14; კართ. 10, 11; ორგ.ზ. 13, 14, 15; ბასილი დიდის 1)

ევსტათიანელები, უარყოფდნენ მართლმადიდებელი საღვთო ტაძრის მნიშვნელობას და საკუთარ თავს მიიჩნევდნენ რჩეულებად და წმინდანებად, და თვითონვე დამოუკიდებლად აწყობდნენ რელიგიურ შეკრებებს; ღვთისმსახურების შესახებ საკუთარი შერყენილი გაგებით ატარებდნენ მსახურებებს და ეგონათ, რომ ამ შეკრებებზე ასრულებდნენ სწორედ იმას, რის შესრულებაც ეკლესიას მართებდა. ამ თავყრილობებზე ევსტათიანელებს თავიანთი მღვდლებიც ჰყავდათ, რომლებიც აუცილებლად უცოლონი უნდა ყოფილიყვნენ ან ცოლებთან გაშორებულნი ზოგადად ქორწინების მოაქვლების მიზეზით, მღვდელთა ქორწინებისა კი – განსაკუთრებით (ლანგ. 1, 4); მაგრამ ეს მღვდლები იყვნენ არაკანონიერი (ცრუმღვდლები, იხ. მოც. 47-ე კან.) და, შესაბამისად, უკანონოდ ასრულებდნენ მსახურებას, რამეთუ არ გააჩნდათ ამაზე მართლმადიდებელი მმართველი ეპისკოპოსის კურთხევა (იხ. მოც. 31-ე და პარალ. კანონები). საეკლესიო მსახურების მსგავსი აღსრულება ცალკე, ანუ უმადლესი საეკლესიო ხელისუფლებისაგან დამოუკიდებლად, კანონებში იწოდება თვითნებურ თავყრილობად (იხ. ბასილი დიდის 1) და სწორედ მის წინააღმდეგ არის მიმართული წინამდებარე კანონი.

კანონი 7

თუ ვინმეს სურს მიიღოს ან დაარიგოს ეკლესიაში შემოწირული ნაყოფი ეკლესიის გარეთ, ეპისკოპოსის ან იმ პირის ნებართვის გარეშე, ვისაც ეს დავალებული აქვს, და სურს ყოველივე მისი ნების გარეშე შეასრულოს, — შეჩვენებულ იყოს.

(მოც. 4, 38, 41; IV მსოფ. 26; ტრულ. 35; ანკირ. 15; ლანგ. 8; ანტიოქ. 24, 25; კართ. 26, 33; ორგ.ზ. 7; თეოფილე ალექსანდრიელის 10; კირილე ალექსანდრიელის 2)

კანონი 8

თუ ვინმე გასცემს ან მიიღებს შემოწირულ ნაყოფს ეპისკოპოსის ან იმ პირის გვერდის აგლით, ვინც დადგინებულია წარმართოს ქველმოქმედებანი, მაშინ გამცემიცა და მიმღებიც შეჩვენებულ იყოს.

(მოც. 4, 38, 39, 41; IV მსოფ. 26; ტრულ. 25; VII მსოფ. 11, 12; ანკირ. 15; ლანგ. 7; ანტიოქ. 24, 25; კართ. 26, 33; ორგ.ზ. 7; თეოფილე ალექსანდრიელის 10; კირილე ალექსანდრიელის 2)

ორივე კანონი (მე-7 და მე-8) აღადგენენ და ამტკიცებენ მოციქულთა მე-4, 38-ე, 39-ე და 41-ე კანონების განწესებას იმის შესახებ, რომ არ შეიძლება საეკლესიო ქონების განკარგვა ეპისკოპოსის კურთხევის გარეშე და გამოეწიეს ევსტათიანელებს, რომლებიც ამ განწესების საწინააღმდეგოდ მოქმედებდნენ.

კანონი 9

თუ ვინმე ქალწულობდეს, ან ქორწინებისაგან განშორებით თავს იკავებდეს, როგორც მისი მომხაგებელი, და არა როგორც თვით ქალწულობის სიკეთისა და სიწმინდისათვის ამის მოქმედი, — შეჩვენებულ იყოს.

(მოც. 5, 51; I მსოფ. 3; IV მსოფ. 16; ტრულ. 13, 40, 48; ღანგ. 1, 4, 10, 14; კართ. 4)

კანონი 10

თუ ვინმე უფლისთვის ქალწულობას იმარხავს და ამით თავს აღიმაღლებს დაქორწინებულებზე, — შეჩვენებულ იყოს.

(მოც. 5, 51; I მსოფ. 3; IV მსოფ. 16; ტრულ. 13, 40, 48; ღანგ. 1, 4, 9, 14; კართ. 4)

ამ კრების I კანონში ვნახეთ, რომ ევსტათიანელები განიკითხავდნენ ქორწინებას, როგორც ქრისტიანებისათვის რაღაც უწმინდურს. ამ თვალსაზრისიდან გამომდინარე, ისინი ყველას მოუწოდებდნენ ეცხოვრათ ქალწულებაში და სამუდამოდ უარი ეთქვათ ქორწინებაზე. ქალწულება თავისთავად წმინდაა და მისასაღმებელი, მაგრამ ის შეზავებული უნდა იყოს კეთილმსახურებასა და მორჩილებასთან, და არა — ქედმაღლობასთან, როგორც ეს ევსტათიანელების შემთხვევაში ხდებოდა. სწორედ ამასთან დაკავშირებით არის მიღებული ეს ორი (მე-9 და მე-10) კანონი.

კანონი 11

ვინც შეურაცხყოფს იმათ, რომლებიც რწმენით აწყობენ სიყვარულის სერობებს, უფლის საპატივცემულოდ ძმებს კრებენ და უმასპინძლებიან, და არ სურს თანაზიარი იყოს ასეთი წვეულებებისა, რადგან მდაბლად მიაჩნია, — დაე, შეჩვენებულ იყოს.

(ტრულ. 74; ლაოდ. 27, 28; კართ. 42)

აღაპი, რომელიც წინამდებარე კანონში მოიხსენიება, არ იყო ის სიყვარულის სერობა, რომლის შესახებაც ლაოდის კრების 27-ე და 28-ე კანონები საუბრობს; ეს იყო უფლის საპატივცემულოდ მდიდრების მიერ ლატაკებისთვის მოწყობილი ტრაპეზი, ყველა შესაძლებელი ნუგბარი კერძებით. ევსტათიანელები განიკითხავდნენ ასეთ ტრაპეზს და არ მიიჩნევდნენ მას უფლის საპატივცემულოდ გამართულ ტრაპეზად. ამიტომ უკრძალავდნენ თავიანთ მიმდევრებს ამგვარ წვეულებებზე დასწრებას, რადგან მათ ქრისტიანებისათვის დამამცირებელ გამასპინძლებად თვლიდნენ. მოხსენიებულ ტრაპეზთან დაკავშირებით ევსტათიანელების ასეთი დამოკიდებულების საწინააღმდეგოდ არის სწორედ მიმართული წინამდებარე კანონი.

კანონი 12

თუ ვინმე მამაკაცთაგან, მორჩენებითი ღვაწლისათვის უხეშ ზედა წამოსასხამს ატარებს და ამით, ვითომცდა, მართლობის (კეთილმსახურების)

შემძენი, განიკითხავს იმათ, ვინც კდემით ატარებს აბრეშუმის შესამოსელს და იყენებს ზოგადად და ჩვეულებრივად მიღებულ სამოსელს, — დაე, შეჩვენებულ იყოს.

(ტრულ. 27; VII მსოფ. 16)

ქრისტიანული მოღვაწეობის (მოსაგრეობის) შესახებ შერყენილი შეხედულების საფუძველზე, ევსტათიანელები ქადაგებდნენ უხეში სამოსლის ტარების აუცილებლობას, რომელსაც კანონში წამოსახსამი ეწოდება და რომელსაც ზოგიერთი ფილოსოფოსი სხვა სამოსის ზემოდან იცვამდა, რათა ყოველგვარი ფუფუნებისადმი ზიზღი გამოეხატა; სწორედ ამის გამოხატვა სურდათ ევსტათიანელებსაც. განუწესებდნენ რა ამას თავის მიმდევრებს, იმავდროულად ასწავლიდნენ, რომ აუცილებლად უნდა მოეძულებინათ ისინი, ვინც აბრეშუმის შესამოსელს ატარებდა; ამ შესამოსელს, ჩვეულებრივ, მართლმადიდებელი ეპისკოპოსები და მღვდლები იცვამდნენ საზეიმო შემთხვევებში; იგი არ განიკითხება წინამდებარე ლანგრის კანონით, თუკი მას სიმდაბლითა და სამღვდლო წოდებისათვის დამახასიათებელი კდემით ატარებენ, პირიქით, იგმობა ევსტათიანელები და ყველა ისინი, ვინც ციხხავს და ცოდვილებად მიიჩნეეს სამოსლის ღვთისმოშიშებით მატარებლებს.

კანონი 13

თუ რომელიმე დედაკაცი მოჩვენებითი ღვაწლისათვის შეიცვლის სამოსელს და ნაცვლად ჩვეულებრივი საღვდაკაცო შესამოსელისა, მამაკაცისას ჩაიცვამს, — შეჩვენებულ იყოს.

(ტრულ. 62)

მიანდათ რა ქორწინება ცოდვად (ლანგ. 1, 4, 9, 10, 14), ევსტათიანელები მამაკაცებსა და დედაკაცებს შორის განსხვავებას არ აკეთებდნენ და მათ თანასწორუფლებიანებად მიიჩნევდნენ. ამის გარეგნულად გამოსახატავად, ისინი თავიანთ დედაკაცებს ურჩევდნენ ეტარებინათ მამაკაცის სამოსი, — მოჩვენებითი მოსაგრეობისათვის, — რომელსაც თვითონ ატარებდნენ და რომელიც ამ კრების მე-12 კანონში წამოსახსამად იწოდება. ლანგრის კრების მამები გმობენ ასეთ შეხედულებას და ამის საფუძველად მოჰყავთ ეკლესიის სწავლება იმის შესახებ, რომ ეს ცოდვაა ღმერთის წინაშე და დაგმობილი იყო ჯერ კიდევ წმინდა წერილის ძველადოქმისეულ წიგნებში: „*ნუ უკუშ შეიმოსს დედა-კაცი სამოსელსა მამაკაცისასა, ნუცა მამა-კაცი შეიმოსს სამოსელსა დედა-კაცისასა, რამეთუ საძაგელ არს წინაშე უფლისა ღვთისა შენისა ყოველივე რომელი იქმს ეგვითარსა*“ (მეორე შჯულ. 22, 5). ასეთივე იყო ეკლესიის ყველა მამის სწავლება.*

*ამ კანონის განმარტებაში ბალსამონი შენიშნავს: „მამებმა სწორად დასძინეს: „მოჩვენებითი მოსაგრეობისათვის“, რადგან თუკი რაიმე მსგავსი სრულდება არა პირმოთხოვითა და სიცრუით, არამედ ჭეშმარიტებით და, წმინდა და ჭეშმარიტი მოსაგრეობის მაგალითისამებრ, მაშინ ამისთვის არამყოფი ანათემირება არა უნდა მოხდეს, პირიქით, ქების შესხმის ღირსადაც კი უნდა იქნეს მიჩნეული. რამეთუ არავით დედაკაცს უმოღვაწეცა მამაკაცის სამოსლით და ცხონების სიმაღლეებისათვის მიუღწევია. ასეთები იყენენ, მაგალითად, წმინდანები: მელანია, ევეგნია და მრავალი სხვა“. ამის შესახებ არქიმანდრიტ იოანესთანაც ვკითხულობთ, დასახ. თხზ., I, 381, შენიშ. 432.

პანონი 14

თუ რომელიმე დედაკაცი მიატოვებს ქმარს და მასთან განშორებას მოისურვებს იმ მიზეზით, რომ ქორწინებას მოიძაგებს, – შერვენებულ იყოს. (მოც. 5, 48, 51; ტრულ. 13, 87; ღანგ. 1, 4, 9, 10)

ეგსტათიანელთა შეხედულების თანახმად, ცოლებს უნდა მიეტოვებინათ საკუთარი ქმრები და მათთან ქორწინებითი კავშირი გაეუქმებინათ. ასეთი საქციელისათვის კანონი გმობს დედაკაცს; საფუძველი კი ამისა, მოყვანილია ტრულის კრების 87-ე კანონის განმარტებაში.

პანონი 15

თუ ვინმე უტევებს თავის შვილებს, არ არჩენს მათ, შეძლებისდაგვარად არ ზრუნავს ღვთისმოსიებაში მათ აღზრდაზე და განდევნის საბაბით ყოველგვარ მზრუნველობას აკლებს, – შერვენებულ იყოს.

(კართ. 35)

ბავშვი, თავის მშობლებთან მიმართებით, მათი სიყვარულის ნაყოფია და სისხლია მათი სისხლისგან. ამიტომ, თვით საღვთო რჯული ავალდებულებს მშობლებს საკუთარ შვილებზე ზრუნვას და მათთვის ყოველმხრივი განათლების მიცემას (იხ. ეფ. 6, 4; 1 ტიმ. 5, 4, 8, 10; დაბ. 18, 19; მეორე შჯულ. 4, 10; 6, 7). მიუხედავად ამისა, ეგსტათიანელები ამას ყურადღებას საერთოდ არ აქცევდნენ და ასწავლიდნენ, რომ მშობლებს მხოლოდ საკუთარ თავზე უნდა ეფიქრათ, შვილები დაეტოვებინათ და ასკეტურ ღვაწლს მისცემოდნენ. ამის გამო, დამსახურებისამებრ, კრება მათ ანათემას გადასცემს.

პანონი 16

შვილები, რომლებიც კეთილმსახურების საბაბით მიატოვებენ საკუთარ მშობლებს, განსაკუთრებით – ერთგულ მორწმუნეებს, და არ მიაგებენ მათ ჯეროვან პატივს, – დაე, შერვენებულ იყვნენ. თუმცა, მათი მხრიდან მართლმორწმუნეობა უპირატესად უნდა იქნეს დაცული.

(ღანგ. 1, 14, 15)

რამდენადაც საღვთო რჯულისათვის მიუღებელია, რომ მშობლებმა საკუთარი შვილები მიატოვონ მოჩვენებითი მოსაგრობისათვის, რაზედაც ამ კრების მე-15 კანონი საუბრობს, იმდენადვე მიუღებელია ამავე რჯულისათვის, როდესაც შვილები იგივე საბაბით ტოვებენ მშობლებს და არ მიაგებენ სათანადო პატივს. „ღმერთმან თქვა: „პატიე-ეც მამასა შენსა და დედასა შენსა“; და: „რომელმან თქვას ბოროტი მამისათვის გინა დედისა, სიკუდილით მოკუდინ“, – ვკითხულობთ წმინდა წერილში (მთ. 15, 4; მარკ. 7, 10; ეფ. 6, 2; გამოს. 20, 12; 21, 15, 17; რიცხვ. 20, 9). შვილები მშობლების მიმართ ასეთ პატივისცემას უნდა იმარსხვდნენ

არამარტო იმ შემთხვევაში, როდესაც მათ მართლმადიდებელი მშობლები ჰყავთ, არამედ მაშინაც, თუ მათი მშობლები სხვა სარწმუნოებისანი არიან, რადგან კანონის სიტყვები: „განსაკუთრებით ერთგულ მორწმუნეებს“, ნიშნავს, რომ იგი ურწმუნოებსაც გულისხმობს. ამის გამო, შეილებმა პატივი უნდა მიაგონ მშობლებს და დაეხმარონ მათ მიუხედავად მათი სარწმუნოების გეარობისა, და ვერავითარი კეთილმსახურების მომიზეზება ვერ უშეელით მათ უპატივცემულობის შემთხვევაში, თუ თავის გამართლებას ისინი მშობლების ურწმუნოებით შეეცდებიან. რამეთუ, მშობლების მიმართ სიყვარული მარადიულ კანონს ეფუძნება, კეთილმსახურება კი, რომელიც ამ კანონს უარყოფს და ამით მას თრგუნავს, არის ცრუკეთილმსახურება. ეგსტათიანელებს, — მშობელთა პატივისცემის გამოხატველი ამ ღვთაებრივი კანონის უარყოფელებს, — კრება ანათემას გადასცემს.

წარმოდგენილი კანონის ასეთი განმარტება, ბუნებრივია, თვით კანონის ტექსტიდან გამომდინარეობს. ზონარასა და ბალსამონს კანონის სიტყვები: „*πρωτάμωτος θεοσιμωτος παρ' αὐτοῖς τις μεοσέβεια*“, სხვანაირად ესმოდათ და ამბობდნენ, რომ მართლმორწმუნეობა (მეოსέβεια) უნდა ჩაითვალოს მშობლების სიყვარულზე უპირატესად, რადგან, თუკი მშობლებს მართლმადიდებლურად არ სწამთ, მაშინ შეილები მათ უნდა განეშორონ და საკუთარი კეთილმსახურება მშობლების პატივისცემაზე წინ დააყენონ. ამ კომენტატორების საფუძველზეა სწორედ გადათარგმნილი მოხსენიებული სიტყვები „კანონთა კრებულში“ და თანაც მიწერილია სპეციალური დამატება: „თუმცა, მათი მხრიდან მართლმორწმუნეობა უპირატესად უნდა იქნეს დაცული“.* ამ სიტყვებთან დაკავშირებით ჩვენ არ ვიზიარებთ მოხსენიებულ კომენტატორთა აზრს უმთავრესად იმიტომ, რომ მაშინ ჩვენ არ გვეცოდინებოდა როგორ შეგვეთავსებინა მსგავსი განმარტება კანონის სიტყვებთან: „მით უფრო ერთგული მორწმუნენი“, რომელიც აჩვენებს, — როგორც ეს ზემოთ აღვნიშნეთ — რომ მართლმორწმუნეობა არასდროს ათავისუფლებს შეილებს მშობლების პატივისცემის ვალდებულებისაგან მხოლოდ იმიტომ, რომ ისინი შემთხვევით მართლმადიდებლები არ არიან. ამ შემთხვევაში „კორმჩაიას“ თარგმანი, რომელიც ქვემოთ მოგვყავს, უფრო შეესიტყვება კანონთა პირველწყაროს ტექსტს, ვიდრე „კანონთა კრებული“: „შეილები, რომლებიც თავიანთ მშობლებს, მით უფრო ერთგულ მორწმუნეებს, დატოვებენ კეთილმსახურების საბაბით და შესაბამის პატივს არ მიაგებენ, ასეთ შემთხვევაში მათ მიერ აღსრულებული კეთილმსახურება ცრუდ უნდა ჩაითვალოს და თავად ისინი შეჩვენებულ იყვნენ“.**

კანონი 17

თუ რომელიმე დედაკაცი, მოჩვენებითი ღვაწლისათვის, თმას შეიკვეცს, რომელიც ღმერთმა მისცა მას მორჩილების შესახსენებლად, მაშინ ესეცითარი, როგორც მორჩილების მცნების დამრღვევი, შეჩვენებულ იყოს.

(ღანჯ. 1, 13, 14)

*დასახ. გამოც., გვ. 241.

**დასახ. გამოც. 1787, I, 59.

კანონი ამბობს, რომ დედაკაცებმა თმა არ უნდა შეიჭრან, რადგან თმა მათი მორჩილების გამოხატულების ნიშანია. ასე გვასწავლის პავლე მოციქულიც კორინთელთა მიმართ პირველ ეპისტოლეში (11, 3 და შემდგომ). იმდენად, რამდენადაც ევსტათიანელები ასწავლიდნენ, რომ დედაკაცს ქმართან არ უნდა ეცხოვრა, რადგან, თითქოს ქორწინება ცოდვაა, და ამით თავისთავად უარყოფდნენ ცოლის ქმრისადმი მორჩილებას, აქედან გამომდინარეობდა, რომ დედაკაცებს თავისუფლად შეეძლოთ თმის შეჭრა ისევე, როგორც მამაკაცებს, რამეთუ თავს მათ თანასწორებად თვლიდნენ. სწორედ ამის წინააღმდეგ არის მიმართული წინამდებარე კანონი.

კანონი 18

თუ ვინმე, მოჩვენებითი ღვაწლისათვის, კვირადღეობითაც მარხულობს, – დაე, შეჩვენებულ იყოს.

(მოც. 66; IV მსოფ. 16; ტრულ. 55; ანკირ. 14; ლაოდ. 29, 49, 51)

ევსტათიანელების სწავლებით, კვირა დღესაც საჭირო იყო მარხვის დაცვა. ეს დღე, მათი აზრით, ემსახურებოდა სამწუხარო მოვლენის ხსენებას, კერძოდ, მატერიის გათავისუფლებას, რომელიც ამ გათავისუფლების შედეგად, კიდევ უფრო ცოდვილი გახდა. თუ როგორია ამის შესახებ ეკლესიის სწავლება, ჩვენ ვნახეთ მოციქულთა 66-ე კანონის განმარტებაში, რომლის დამადასტურებელიც არის დანერგვის კრების წინამდებარე კანონი.

კანონი 19

თუ ვინმე მოსაგრეთაგან სხეულებრივი საჭიროების გარეშე, ქედმაღლობით არღვევს ყველასთვის სავალდებულო და ეკლესიის მიერ დაცულ მარხვებს და ამავე დროს სრულ გონებაზეა, – დაე, შეჩვენებულ იყოს.

(მოც. 69; ტრულ. 29, 56, 89; ლაოდ. 49, 50, 51, 52; დიონისე ალექსანდრიელის 1; პეტრე ალექსანდრიელის 15; ტიმოთე ალექსანდრიელის 8, 10)

ევსტათიანელები ფიქრობდნენ, რომ უკვე მიაღწიეს სრულყოფილებას ცხოვრებასა და მოღვაწეობაში და ამიტომ აღარ უნდა იმარხულონ იმ დღეებში, როდესაც ეკლესია მარხვას გვამცნობს სინანულისა და ცოდვების შენდობისათვის. გმობს რა ევსტათიანელთა ასეთ სწავლებას, წინამდებარე კანონი ამით ამტკიცებს მოციქულთა კრების 69-ე კანონის განწესებას.

კანონი 20

თუ ვინმე, ქედმაღლურად განწყობილი, მოძაგებით განიკითხავს მოწამეთა საპატივცემულოდ მოწყობილ შეკრებებს და იქ აღსრულებულ მსახურებებსა და ხსენებებს, – დაე, შეჩვენებულ იყოს.

(მოც. 31; IV მსოფ. 4; ტრულ. 31; ლანგ. 5; ანტიოქ. 5; სარდიკ. 11; კართ. 83)

წინამდებარე კანონი პირდაპირ კავშირშია ამ კრების მე-5 კანონთან და განიხილავს მოწამეების ხსენებას და მათთვის აღსრულებულ მსახურებასთან დაკავშირებულ საკითხს, რადგან, ჩვეულებრივ, საეკლესიო მსახურებები ტარდებოდა ზედ მოწამეთა საფლავებზე.

კანონი 21

ამას ეწერთ არა იმათ შესაზღუდად, რომელთაც ღმერთის ეკლესიაში წმინდა წერილისამებრ მოსაგრეობა სურთ, არამედ იმათთვის, რომელნიც იღვწიან ამპარტავენების მიზეზით, თავს აღიმაღლებენ უბრალოდ მცხოვრებლებზე და საღვთო წერილისა და საეკლესიო წესების საწინააღმდეგო სიახლეები შემოაქვთ. ამგვარად, ჩვენ ქალწულებასაც, შეერთებულს სიმდაბლესა და მორჩილებასთან – პატივს ვცემთ; კრძალულებასაც, პატიოსნებითა და კეთილმსახურებით აღსრულებულს – შევიწყნარებთ; თავმდაბლურ განშორებას საერო (ქვეყნიურ) საქმეთაგან – ვიწონებთ; ქორწინებით პატიოსან თანაცხოვრებას – პატივს მივაგებთ; სიმდიდრეს, შერწყმულს სიმართლესა და ქველმოქმედებასთან – არ ვაქნიებთ; სამოსელის უბრალოებასა და არაპიჯიფასობას, თუ ის არანაპატიებ სხეულზე ზრუნვით გამოიყენება – ვაქებთ, ხოლო რბილ სამოსში სიარულით ნაპატიებს – განვეშორებთ; ღვთის სახლებს თავყვანს ვცემთ და – მასში მოწყობილ შეკრებებსაც, ვითარცა წმინდასა და სასარგებლოს – ვაღიარებთ; არ შემოვფარგლავთ ეკოილმსახურებას მხოლოდ შენობებით და პატივს მივაგებთ ყველა იმ ადგილს, სადაც კი ღმერთის სახელი იდიდება; ღვთის ეკლესიაში საზოგადო შეკრებას კი შევიწყნარებთ ვითარცა საერთო სარგებელს; ძმთა უხვ ქველმოქმედებას, როცა ის გლახაკთათვის აღსრულება გადმოცემის თანახმად ეკლესიის მეშვეობით, ფრიად სათნოდ მივიჩნევთ; და მოკლედ ვიტყვი: გვნებაჲს, დაე, ყოველივე ისე ყოფილიყოს ეკლესიაში, როგორც ეს წმინდა წერილითა და სამოციქულო გადმოცემებით არის მიღებული.

(მოც. 31, 51, 53; IV მსოფ. 4; ტრულ. 27, 80; VII მსოფ. 16; ლანგ. 5, 20; ანტიოქ. 5; სარდიკ. 11; კართ. 83)

წინამდებარე კანონი წარმოადგენს საერთო დასკვნას ამ კრების ყველა ზემოთ გადმოცემული (20) კანონისა. დაწვრილებით გადმოგვცემენ რა ევსტათიანელთა და მათ მიმდევართა ცრუსწავლებას, ლანგრის კრების მამები კიდევ ერთხელ თანმიმდევრობით მოიხსენიებენ აქ ამ სწავლების ცალკეულ პუნქტებს. თაიანთ 20 კანონში ისინი საგანგებოდ გადასცემენ ანათემას თითოეულს ამ პუნქტთაგან, ხოლო ამ (21-ე) კანონში კი, განსახილველ სწავლებასთან დაკავშირებით, გადმოგვცემენ საერთო კანონებს თითოეული მართლმადიდებელი ქრისტიანისათვის.

რადგან ევსტათიანელები ქადაგებდნენ უმკაცრეს ასკეტიზმს და, ამასთან, თვით ასკეტიზმი ესმოდათ ცალმხრივად და ეკლესიის სწავლების საწინააღმდეგოდ, ამიტომ ლანგრის კრების მამები თავიდანვე, კანონის დასაწყისშივე ამბობენ, რომ მ.წ.საგრი.წ.ა შეიძლება შედგეს მხოლოდ ქრისტეს ჭეშმარიტ ეკლესიაში და არა

მის გარეთ, რომ ის ისეთი უნდა იყოს, როგორც ამას წმინდა წერილი წარმოგვიდგენს, და რომ მხოლოდ ასეთი მოსაგრეობა არის წმინდა და ღმერთისთვის სათნო. ამგვარად, რამდენადაც კრების მამები პატივს სცემენ და აფასებენ იმათ, ვინც ჭეშმარიტი კეთილმსახურებით მოღვაწეობენ, იმდენად გმობენ იმათ, ვინც წმინდა წერილისა და ეკლესიის განწესებების საწინააღმდეგოდ მოქმედებენ, რამეთუ მოსაგრეობის ნილაბქვეშ მაღავენ ადამიანურ ამპარტავენებას, არღვევენ ეკლესიური ცხოვრების დამტკიცებულ წესრიგს და შემოაქვთ ეკლესიაში სიახლე. უპირისპირებენ რა ყველაფერ ამას ეესტათიანელთა შეხედულებას მოსაგრეობის (საეკლესიო მოღვაწეობის) შესახებ, წინამდებარე კანონში კრების მამებს მოჰყავთ რამდენიმე შეგონება, რომლებმაც, შემდგომში, კანონების მნიშვნელობა უნდა იქონიონ, სახელდობრ:

1) აუცილებელია პატივი მიეგოს ქალწულებას, როდესაც იგი განზავებულია სიმდაბლით და არ წარმოიჩინება სხვების წინაშე, როგორც ერთგვარი განსაკუთრებული, პირადი დამსახურება;

2) მისასაღმებელია კრძალულება, როდესაც ის იმარხება ღირსეულად და კეთილმსახურებით, და როდესაც აღესრულება სიწრფელითა და ქრისტიანული განწყობით;

3) კარგია საერო ცხოვრების საზრუნავს განშორება და დაუქუდებულ ცხოვრებას შედგომა, მაგრამ ყოველივე ეს უნდა აღესრულოს სიმდაბლითა და კეთილი განზრახვით;

4) ქორწინება ღმერთის მიერ არის დადგენილი და პატიოსანია, ამიტომ მისი პატივისცემა გემართებს;

5) სიმდიდრის დაგმობა არ არის მართებული, თუკი ის პატიოსნად არის მოპოვებული და განზავებულია ლტაკების მიმართ ქველმოქმედებით;

6) სამოსელში უბრალოება და გამოურჩევლობა მოსაწონია;

7) სამოსელში ყოველგვარი ფუფუნება და ზედმეტობა გაკიცხვის ღირსია;

8) აუცალღველია სრული პატივისცემა ვიქონიოთ წმინდა ტაძრების მიმართ, რაზე, როგორც ყველა სხვა ადგილის მიმართ, რომელიც ღმერთისთვის არის მიძღვნილი და მის პატივს ემსახურება. ამიტომ იქ გამართულ სამო შეკრებებს აუცილებლად უნდა მივაგოთ პატივი და მასში მონაწილეობა მივიღოთ;

9) სათანადო პატივი უნდა მივაგოთ თითოეულ ტაძარში ჩატარებულ საზოგადო მსახურებას, რომელიც ადამიანებისა და მთელი მსოფლიოს საკეთილდღეოდ აღესრულება;

10) პატივი უნდა ვცეთ მდიდარ ადამიანებსაც, რომლებიც თავიანთი ქონებით ლტაკებს ეხმარებიან, თუკი ისინი, ამას, გადმოცემის თანახმად, ეკლესიის მეშვეობით აკლდებენ.

ჩამოაჯღიბეს რა ყველაფერი ეს წინამდებარე კანონში, კრების მამებმა ბოლოშეაჯღიბეს ის, რაც მათ მიერ დასაწყისში იყო ნათქვამი, კერძოდ, აუცილებელია წმინდა ეკლესიის დაცვა სიახლეებისაგან და ზრუნვა იმაზე, რომ ყველაფერი, რაც განწესებულია წმინდა წერილებითა და მოციქულების გადმოცემებით, ეკლესიაში იმარხებოდეს წმინდად და დაურღვეველად, რადგან წინააღმდეგ შემთხვევაში გზა გაესხნება ეესტათიანელებს და სხვა მსგავს რელიგიურ საზოგადოებებს, რომლებიც არ შეიძლება ეკლესიად იწოდებოდეს.

ანტიოქიის ჟმინდა აღგილობრივი კრების კანონები*

კანონი 1

ყველა, ვინც კადნიერდება დაარღვიოს ნიკეაში, კეთილმსახური და ღვთის-მოყვარე მეფე კონსტანტინეს თანდასწრებით ჩატარებული წმინდა და დიდი კრების განსაზღვრება წმინდა დღესასწაულის – მაცხოვრებელი აღდგომის შესახებ, – განყენებულ იქნეს თანაზიარებიდან და მოიკვეთოს ეკლესიიდან, თუკი გააგრძელებენ ცილობისმოყვარეობით გამოსვლას კეთილი დადგენილების წინააღმდეგ. და ეს ნათქვამია ერისკაცთათვის. ხოლო თუ ვინმე სამღვდელთაგან – ეპისკოპოსი, მღვდელი ან დიაკონი ამ განწესების შემდეგ გაკადნიერდება და ერის გასარყენელად და ეკლესიაში შფოთის აღსაძვრელად განკერძოვდება და იუდეველებთან ერთ დროს აღასრულებს პასექს, ესევითარს წმინდა ეკლესია ამიერიდან რაცხს ეკლესიისთვის უცხოდ, როგორც ცოდვის მიზეზად ქმნილს არამხოლოდ საკუთარი თავისთვის, არამედ მრავალთა გარდაქცევისა და გარყენისათვის. კრება მარტო ამათ არ განაყენებს ღვთისმსახურებისაგან, არამედ ყველას, ვინც გაკადნიერდება ერთობაში დარჩეს მათთან მღვდლობისაგან მათი განკვეთის შემდგომ. განკვეთილნი კი, დაე, გარეგან პატივსაც მოაკლდნენ, რასაც ისინი წმინდა წესებითა და ღვთაებრივი მადლით იღებდნენ.

(მოც. 7, 64, 70, 71; II მსოფ. 7; ტრულ. 11; ლაოდ. 7, 37, 38; კართ. 34, 51, 73, 106)

ის, რომ ებიონიტელები (II საუკუნის იუდეველ-ქრისტიანული სექტა) პასექის დღესასწაულს იმ დღეს აღნიშნავდნენ, როდესაც ეს შეჩვენების მუქარით ნამცენები ჰქონდათ იუდეველებს (გამოს. 12, 6, 14, 18; ლევ. 23, 5; მეორე შჯულ. 27, 26), ანუ პირველი თვის (ნისანი) მე-14 დღეს, ჩვენ ვიხილეთ მოციქულთა მე-7 კანონის განმარტებაში. ებიონიტელების იმ აზრს, რომ სწორედ ამ რიცხვში, შეიდეულის რა დღესაც ის არ უნდა დამთხვეოდა, უნდა ედღესასწაულათ ქრისტეს აღდგომა, ბევრი აღმოსავლელი ქრისტიანი ისიარებდა მცირე აზიის ეკლესიებში, რომლებიც ყველა სხვა წესებთან მიმართებით, ზოგადად რომ ეთქვათ, მართლმადიდებლები იყვნენ. დასავლეთში, განსაკუთრებით რომის ეკლესიაში, გარკვეული პერიოდი ეს აღდგომა იდღესასწაულებოდა იგივე თვის თოთხმეტი რიცხვის შემდგომ კვირ-აკეს. მცირეაზიელი ქრისტიანები, ეყრდნობოდნენ რა მოციქულების – იოანეს, ფილიპესა და სხვა ზოგიერთთა სწვლებას, თვლიდნენ, რომ უნდა მიჰყოლოდნენ

*ანტიოქიაში, ახალი ტაძრის კურთხევაზე, 341 წელს შეიკრიბა 100 ეპისკოპოსი. ტაძრის კურთხევის შემდეგ, იქ შეკრებილმა ეპისკოპოსებმა, ადგილობრივი ეკლესიის ერთიანი მმართველობის ინტერესებიდან გამომდინარე, შეადგინეს კრება ზოგიერთი დადგენილების მისაღებად. კრებას თავმჯდომარეობდა ანტიოქიის ეპისკოპოსი პლაკენტი; მიიღეს 25 კანონი და ყველა მათგანი შევიდა საყოველთაო საეკლესიო კანონიკურ კრებულში. ბევრი მათგანი განსაკუთრებული პატივით შეიწესაწესეს როგორც აღმოსავლურ, ისე დასავლურ ეკლესიაში.

ქრისტეს მაგალითს და მისი სიკვდილის მოსახსენებლად ედღესასწაულათ იმ დღეს, როდესაც ქრისტემ თავის მოწაფეებთან ერთად იდღესასწაულა პასექი, თანაც ისეთნაირად, როგორც ეს ქრისტემ გააკეთა. ამ მიზნით ისინი განსაკუთრებულ სერობას აწყობდნენ, რასაც უფლის საიდუმლო სერობასთან აკავშირებდნენ და აწყობდნენ სწორედ იმ დღეს, როცა იუდეველები დღესასწაულობდნენ თავის პასექს – პირველი თვის მე-14 დღეს. ამასთან, ამავე დღეს იხსნილებდნენ ვნების შვიდეულის მარხვას. ამის შემდეგ ანახლებდნენ მას მესამე დღის დადგომამდე და ამ დღეს უკვე ქრისტეს აღდგომას დღესასწაულობდნენ, მიუხედავად იმისა, თუ შვიდეულის რა დღეს მოუწევდა – კვირა იქნებოდა ეს თუ სხვა ნებისმიერი დღე. სწამდათ რა, რომ ამ შემთხვევაში საეცებით სწორად იქცეოდნენ, ისინი დასავლური ეკლესიის ჩვეულებას ისტორიული ჭეშმარიტების საწინააღმდეგო სიახლედ მიიჩნევდნენ. თავის მხრიდან, დასავლური ეკლესია საკუთარ ჩვეულებას საერთო ქრისტიანული თავისუფლებით ხსნიდა, რომლებმაც არ უნდა მისდიონ იუდეველთა საწეს-ჩვეულებო კანონს. მისი მტკიცებით, თუკი ქრისტიანები არ არიან ვალდებული იდღესასწაულონ იუდეველთა შაბათი, მაშინ მით უფრო ნაკლებად იყვნენ დავალებულნი ედღესასწაულათ იუდეველთა პასექი, რადგან მოციქულმა პავლემ არამცოთუ, საერთოდ, თავისუფლება მისცა ქრისტიანებს გარკვეული დღეების დღესასწაულობასთან დაკავშირებით, არამედ განსაკუთრებით გამოთქვა ეს პასექთან მიმართებით (იხ. 1 კორ. 5, 7). გარდა ამისა, ქრისტიანებისათვის შეუძლებელია ყველაფერში მიჰყვნენ იუდეველთა პასექს, როგორც შეუძლებელია შეინარჩუნონ ყველა ის წეს-ჩვეულება, რომლებიც მასთანაა დაკავშირებული და რომლებსაც არც მცირეაზიელი ქრისტიანები იცავდნენ. დაბოლოს, დასავლეთის ეკლესია თვითნებურ ნაბიჯად და აკრძალულ საქმედ მიიჩნევდა ვნების შვიდეულში მარხვის დროებით შეწყვეტას, როგორც ამას მცირეაზიელი ქრისტიანები აკეთებდნენ, რადგან ამ მარხვის გახსნილება, მოციქულთა გადმოცემის თანახმად, ქრისტეს აღდგომამდე არ შეიძლებოდა და მის დროებით შეწყვეტაზე საუბარიც არ შეიძლება ყოფილიყო (იხ. ტრულ. 89; დიონისე ალექსანდრ. 1). აღნიშნულ აზრთა სხვადასხვაობის გამო, მცირე აზიისა და დასავლეთის ეკლესიებს შორის დიდი დავა წარმოიშვა, რომელიც რამდენიმე საუკუნე გაგრძელდა. ამასთან, ყველას, ვინც ქრისტეს აღდგომის დღესასწაულს მცირეაზიური ჩვეულების თანახმად აღნიშნავდა, მეთოთხმეტეანელები უწოდეს (მათ შესახებ ჩვენ ვისაუბრეთ II მსოფლიო კრების მე-7 კანონის განმარტებაში).

ამ საკითხის დარეგულირების შესახებ, პრაქტიკული ნაბიჯები პირველად II საუკუნის მეორე ნახევრის დასაწყისში გადაიდგა, როდესაც სმირნელმა ეპისკოპოსმა, პოლიკარპემ, რომში ყოფნისას დაპირა შეთანხმებულიყო რომის ეპისკოპოს ანიკეტუსთან საეკლესიო ცხოვრების იმ სხვადასხვა საკითხების თაობაზე, რომელთა შესახებაც აზიისა და დასავლეთ ეკლესიებს განსხვავებული აზრი ჰქონდათ. სწორედ მაშინ შეეხნენ საკითხს ქრისტეს აღდგომის დღესასწაულის თარიღთან დაკავშირებით, მაგრამ როგორც პოლიკარპე, ისე ანიკეტუსი, თითოეული თავისი მხრიდან, იცავდა საკუთარი ეკლესიის ჩვეულების სამართლიანობას და, ამდენად, შეთანხმება მიღწეული ვერ იქნა, რადგან დათმობაზე არც ერთი არ მიდიოდა და როგორც ერთი, ისე მეორე მხარე, მიუთითებდა მოციქულთა იმ

გადმოცემაზე, რომელიც სწორედ იმ სახით იყო მათ ეკლესიაში დაცული, რომლის შესაბამისადაც ჰქონდათ დაწესებული აღნიშნული დღესასწაული. მიუხედავად ამისა, ეპისკოპოსები ერთმანეთს ძმური სიყვარულით დაშორდნენ და თითოელი თავისი ჩვეულების ერთგული დარჩა. მალე ეს საკითხი კვლავ წამოიჭრა, თანაც საკმაოდ მწვავედ. დავამ თავი იჩინა ლაოდიკიასა და მელიტინში. სარდიკიის ეპისკოპოსმა (ლიდიაში) ამასთან დაკავშირებით დაწერა თხზულება მცირეაზიური ეკლესიის ჩვეულების დასაცავად. ეს გახდა მრავალი კრების მოწვევის მიზეზი, რომელთა უმრავლესობამაც თავის აზრი დასავლური ეკლესიის სასარგებლოდ გამოთქვა. გაიგო რა ამის შესახებ, რომის ეპისკოპოსმა ვიქტორმა (189-199) რამდენიმე წერილი დაწერა მცირეაზიური ეკლესიების მისამართით, რომლებშიც ზოგიერთი მათი ეკლესიების ეპისკოპოსებს განკვეითთ ემუქერებოდა, თუ ისინი არ მიიღებდნენ და აღიარებდნენ დასავლეთ ეკლესიის პრაქტიკას. ამ მუქარამ ყველა მცირეაზიელი ეპისკოპოსი განარისხა და ეფესელმა ეპისკოპოსმა პოლიკარპემ ყველას სახელით საკმაოდ მკვეთრი პასუხი მისწერა ვიქტორს, სადაც ატყობინებდა, რომ ისინი არ აპირებენ მოციქულთა გადმოცემის დარღვევას და ზიზღით ეკიდებიან მის მუქარას. პოლიკარპეს პასუხის შემდეგ მდგომარეობა უაღრესად დაძაბა და საეკლესიო სამყაროს ფრიად სამწუხარო შედეგები ელოდა, რომ არა, საბედნიეროდ, ლიონის ეპისკოპოს ირინეოსის ჩარევამ, რომელიც პოლიკარპეს მოწაფე იყო და მცირე აზიიდან გამოდიოდა. მან ვიქტორს წერილი გაუგზავნა, რომელშიც დასავლეთ ეკლესიის ჩვეულებას ემხრობოდა, მაგრამ, ამასთანავე, კეთილ რჩევას აძლევდა, რომ წეს-ჩვეულებებთან დაკავშირებით არსებული მსგავსი განსხვავების გამო, რომლებსაც ეკლესიის დაარსებიდანვე ჰქონდა ადგილი სხვადასხვა საკითხებთან დაკავშირებით, არ დაერღვია საეკლესიო მშვიდობა და ძმური ერთობა. ირინეოსის ავტორიტეტულმა ხმამ შესძლო ვნებათა დაცხრომა და ეკლესიაში მშვიდობის შენარჩუნება.

ამით, პასექის დღესასწაულობასთან დაკავშირებული კამათი დიდი ხნით შეწყდა; თითოეული ეკლესია თავისი ჩვეულებით აგრძელებდა ქრისტეს აღდგომის აღნიშვნას. ეს საკითხი კვლავ წამოიჭრა 325 წელს, I მსოფლიო კრებაზე. კრების მამებმა გადაწყვიტეს ერთხელ და სამუდამოდ განესაზღვრათ დღესასწაულის თარიღის გამოთვლის წესი, რათა თავიდან აეცილებინათ ყველა შესაძლო პაექრობა, რომელიც შეიძლება მომავალში ამ საკითხთან დაკავშირებით წამოჭრილიყო, და ერთი საერთო გადაწყვეტილებით დაემყარებინათ ეკლესიაში ერთაზროვნება მასთან მიმართებით.

უპირველეს ყოვლისა, მოციქულთა მე-7 კანონის საფუძველზე, I მსოფლიო კრების მამებმა გადაწყვიტეს, რომ ქრისტიანული პასექი არ უნდა იდღესასწაულდეს იმ დღეს, როდესაც იუდეველები თავიანთ პასექს აღნიშნავენ, შემდეგ, მეშვიდე დღესთან დაკავშირებით ახალაღთქმისეული სწავლების საფუძველზე, მიიღეს, რომ აღდგომა უნდა იდღესასწაულდეს მხოლოდ კვირა დღეს, დაბოლოს, გადაწყდა, რომ წლის დროის განსაზღვრისათვის ყურადღება უნდა მიექცეს ბუნიობის [დღისა და ღამის ტოლობა] შემდგომ პირველ სავსემთვარობას. ყოველივე ამის გათვალისწინებით, მიიღეს შემდეგი განწესება: 1) ქრისტიანული აღდგომა ყველამ კვირა დღეს უნდა იდღესასწაულოს; 2) იგი უნდა მოდიოდეს გაზაფხულის ბუნიო-

ბის შემდგომი სავსემთვარობიდან პირველ კვირა დღეს; 3) თუკი ისე მოხდება, რომ იმავე კვირას იუდეველთა პასექი დაემთხვევა, მაშინ ქრისტიანული პასექი მის შემდგომ კვირა დღეზე უნდა გადაიწიოს. ბლასტარი, თავის ალფაბეტურ სინტაგმაში, ამასთან დაკავშირებით წერს: „ჩვენს პასექთან დაკავშირებით, აუცილებლად უნდა მიექცეს ყურადღება ოთხ განწესებას, რომელთაგან ორი მოციქულთა კანონიდან გამომდის, სხვა ორი კი დასაწიის იღებს დაუწერელი გადმოცემიდან. პირველი – აღდგომა უნდა ვიდღესასწაულოთ გაზაფხულის ბუნიობის შემდეგ; მეორე – არ უნდა ვიდღესასწაულოთ იუდეველებთან ერთსა და იმავე დღეს; მესამე – არამხოლოდ ბუნიობის შემდეგ, არამედ პირველი სავსემთვარობის შემდეგაც, რომელიც ბუნიობის შემდგომ დადგება, და მეოთხე – სავსემთვარობის შემდეგ, მხოლოდ და მხოლოდ შვიდეულის პირველ დღეს [ანუ კვირას]“* ნიკეის კრების ეს გადაწყვეტილება მთელი ეკლესიისათვის სავალდებულო გახდა და ახლაც ჩვენი მართლმადიდებელი ეკლესია აღნიშნული გადაწყვეტილებით ხელმძღვანელობს.**

იმისათვის, რომ მომავალში აღარ წარმოქნილიყო ძველებური უწესრიგობანი იმის განასახლურავად, თუ როდის უნდა აღინიშნოს ქრისტეს აღდგომის დღესასწაული და, შესაბამისად, მთელ ეკლესიას ერთ დღეს ედღესასწაულა, ნიკეის კრების მამებმა განაწესეს, რომ ალექსანდრიის ეპისკოპოსმა ყოველი წლის გარკვეულ დროს უნდა გამოაცხადოს, მიმდინარე წლის თუ რომელ კონკრეტულ დღეს უწევს ქრისტეს აღდგომის დღესასწაული.***

ალექსანდრიის ეპისკოპოსს ეს იმიტომ დაევალა, რომ ეგვიპტე მაშინ ცნობილი იყო დროის გამოთვლის საუკეთესო მეცნიერებით**** გასაღები იმისა, თუ კერძოდ როდის უნდა იდღესასწაულებოდეს ქრისტეს აღდგომა, არის ცხრამეტწლიანი თეი-

*ათენის სინტაგმა, VI, 420.

** „პაპმა გრიგოლმა XIII 1582 წელს რომის ეკლესიას გადასცა ახალი კალენდარი, თითქოსდა გასწორებული და, შესაბამისად, ახალი პასქალიაც. თუმცაღა, ამ „გასწორებული“ კალენდრით ლათინები ისეთ ცდომილებაში ვარდებიან პასექის დღესასწაულის თარიღის გამოთვლასთან დაკავშირებით, რომელშიც მართლმადიდებლები არასდროს ჩაეარდებიან თანაოთი გაუსწორებელი კალენდრით. ამგვარად, ლათინები პასექს ხშირად დღესასწაულობენ იუდეველებზე ადრე ან იუდეველებთან ერთად, რაც აშკარად ეწინააღმდეგება ნიკეის კრების ნებას“, – აღნიშნავს ჰეველე. მაგალითისათვის ავიღოთ XIX საუკუნე: ლათინებმა იუდეველებთან ერთად პასექი იდღესასწაულეს 1805, 1825, 1853, 1854 წლებში, ხოლო იუდეველთა პასექამდე – 1839, 1840, 1842, 1845, 1846, 1849, 1850 და 1856 წლებში.

*** III საუკუნეში ჯერ კიდევ იყო ჩვეულება, რომლის თანახმადაც ალექსანდრიის ეპისკოპოსი განასაკუთრებული ეპისტოლეით უცხადებდა მასზე დაქვემდებარებულ ეპისკოპოსებს ეგვიპტეში ქრისტიანული პასექის დღეს და მასთან დაკავშირებით, ატყობინებდა დიდმარხვის დაწყების თარიღსაც. ასეთ ეპისტოლეებს სადღესასწაულო ეპისტოლეები ეწოდებოდათ. ეცესები, იერონიმე და სხვები, მოხსენიებენ დიონისე ალექსანდრიელისა და ათანასე დიდის ასეთ ეპისტოლეებს, რომლებსაც, სამწუხაროდ, ჩვენამდე არ მოუღწევია. კირილე ალექსანდრიელისგან ასეთი ეპისტოლე შემოგვრჩა 29. სხვა სამთავრო ეკლესიებს, ამის შესახებ, ყოველწლიურად უცხადებდა რწმუნებული საეკლესიო კრება (იხ. კართ. 34-ე, 51-ე, 73-ე კან-ები).

**** ლეონ დიდი იმპერატორ მარკიანეს წერს, რომ ეს საქმე ნიკეის კრების მამებმა ალექსანდრიის ეპისკოპოსს დააეაღეს, რადგან ითვლებოდა, რომ ეგვიპტელებს ძველთაგანვე უკინდათ ასეთი სახის გამოთვლების გამოცდილება.

ური ციკლი, სწორედ ის, რომელიც მიიღეს ალექსანდრიაში და რომლის შემდეგაც საესქმთვარობა და მთვარის ფაზები მოდიოდნენ თვის იგივე დღეებზე, როგორც წინა. გაზაფხულის ბუნიობის შემდეგ, საესქმთვარობა ამ ცხრამეტწლიანი ციკლის განმავლობაში, მოდიოდა თვის სხვადასხვა დღეებზე – მარტიდან აპრილამდე, თანაც, ყოველთვის 21 მარტიდან 18 აპრილამდე.*

ამ ორ თარიღს შორის რომელიღაც დღეზე მოდის იუდეველთა პასექი, ანუ ამ 39 დღიდან (21 მარტი – 18 აპრილი), რომელიმე დღე იქნება პირველი თვის (ნისანის) მე-14 დღე, – გაზაფხულის პირველი საესქმთვარობა. ხოლო, რადგანაც დადგენილია, რომ ქრისტიანული პასექი არ უნდა დაემთხვეს იუდაურს და თანაც უნდა იყოს საესქმთვარობის შემდგომ პირველივე კვირა დღეს, ამიტომ შეიძლება მოხდეს, რომ ქრისტიანული პასექი მოუწევს 18 აპრილის შემდეგაც. ხოლო თუ ისე მოხდებოდა, რომ იუდეველთა პასექი სწორედ ამ დღეს დაემთხვეოდა, ე. ი. 18 აპრილს, რომელიც ამასთანავე, კვირა იქნებოდა, მაშინ ქრისტიანული პასექი იდღესასწაულებოდა მის შემდგომ კვირას – 25 აპრილს. მაგრამ ხდება ისეც, რომ იუდეველები მას შემდეგ, რაც თვე (ნისანი) რამდენჯერმე მოტრიალდება, სათანადო ყურადღებას უკვე აღარ აქცევენ ზედმეტი (დაგროვილი) დღეების რაოდენობას, რის შედეგადაც თავიანთ პასექს დღესასწაულობენ ხანდახან ადრე, ანუ სანამ პირველი თვის სრული 14 დღე დადგებოდეს, ე. ი. 21 მარტამდე. ასეთ შემთხვევაში, – ამბობს ბლასტარი, – საღვთო კანონი ბრძანებს ამ თვის საერთოდ დატყვევას და შემდეგი თვის საესქმთვარობაზე გადასვლას და უკვე მასთან შეთანხმებას ქრისტიანული პასექისა, რათა იუდეველებთან ერთად არ ვიდღესასწაულოთ და გაეწმინდოთ და გავათავისუფლოთ ჩვენი პასექი იუდეველთა დღესასწაულისგან, – ასე იყო ადრე და ასეა ამჟამადაც, რათა დიდი შუალედი იყოს ჩვენსა და იუდეველთა პასექებს შორის.

ნიკეის კრების განწესების თანახმად, ალექსანდრიელმა ეპისკოპოსებმა მაშინვე დაიწყეს განსაკუთრებული ეპისტოლეებით მთელი ქრისტიანული სამყაროსათვის ყოველწლიურად პასექის დღის შეტყობინება. დროთა განმავლობაში ისინი სპეციალური კანონიონით – პასქალით შეიცვალა, სადაც რამდენიმე წელიწადზე წინასწარ იყო გაწერილი აღდგომის დღე. პირველი ასეთი კანონიონი შეადგინა და გამოსცა ტიმოთე ალექსანდრიელმა 888 წელს. შემდეგ კირილე ალექსანდრიელმა გამოსცა კანონიონი გათვლილი 95 წელზე (436 წლიდან 531 წლამდე), და ასე გრძელდებოდა შემდგომშიც.

ნიკეის კრების დადგენილება, პასექის დღესასწაულის დროსთან დაკავშირებით, მართალია, მსოფლიო კრების დადგენილება იყო, მაგრამ, მიუხედავად ამისა, მან ვერ შესძლო აეძულებინა ყველა მცირეაზიური ეკლესია დამორჩილებოდა მას და, ამდენად, ამ კრების შემდეგაც ვხვდებით ზოგიერთ ისეთ ეპისკოპოსს, რომელიც არღვევდა მსოფლიო კრების ამ დადგენილებას და ძველებურად აგრძელებდა პასექის აღნიშვნას იუდეველებთან ერთად. სწორედ, ასეთი გაჯიუტებულების წინააღმდეგ არის მიღებული ანტიოქიის წინამდებარე კანონი, რომელიც, რაც შეიძლება მძიმე საეკლესიო სასჯელს ადებს ყველას, – იქნება ის სამღვდელთა თუ საერო

*აქ და ყველგან, მთელ ტექსტში, თარიღები მოყვანილია ძველი სტილით.

პირი, — ვინც არ მოისურვებს დაემორჩილოს ნიკეის კრების აღნიშნულ განწყობას. ამასთან, საერონი ექვემდებარებიან განყენებას და ეკლესიიდან განკვეთას, სამღვდელონი კი — ეპისკოპოსები, მღვდლები და დიაკვნები — განკვეთას, ანუ ამ პირებს არამხოლოდ სამღვდელო მსახურების უფლება ერთმევათ, არამედ ასევე, სამღვდელო წოდებაც და წარიხოცებიან სასულიერო აღრიცხვიდან (დაეთრიდან), რის შემდეგაც ერისკაცებს უტოლდებიან. თუმცა კანონი არ მოიხსენიებს კლირიკოსთა დაბალი იერარქიის წარმომადგენლებს, რომლებიც ამ დადგენილებას დაარღვევენ, მაგრამ მათთვის განსაზღვრული სასჯელი იგივე უნდა ვიგულისხმოთ, როგორც ერისკაცების მიმართ დაწესდა: ზიარებიდან განყენება და ეკლესიიდან განკვეთა. კანონი ასეთ სასჯელს განუსაზღვრავს არამხოლოდ იმათ, ვინც აღნიშნული დანაშაული ჩაიდინა, არამედ იმათაც, ვისაც სულიერი თანაზიარება ექნება ასეთ განკვეთილ სამღვდელეობასთან. ამ კანონში ჩვენ ვხედავთ საეკლესიო სასჯელის გამოტანისას ერთ განსაკუთრებულ იურიდიულ ნორმას: დანაშაულის ჩადენისათვის, მართლმადიდებლური საეკლესიო სამართლით შესაბამისი სასჯელის გამოტანა ხდება ან დამნატორული (ბრალდებითი) ან დეკლარატორული (განმარტებითი) განაჩენით. დამნატორული განაჩენის დროს, აუცილებელ მოთხოვნილებას წარმოადგენს ის, რომ რწმუნებულმა საეკლესიო სასამართლომ შეასრულოს სასამართლო პროცესთან დაკავშირებული ყველა დაწესებული პროცედურა, რათა ამ გზით მოხდეს იმ საქმის სრული შესწავლა და გამოკვლევა, რომელიც ბრალდების დამტკიცებას საჭიროებს და ჩატარებული გამოძიების შედეგის გათვალისწინებით მოხდეს უკვე დამნაშაულის მიმართ სასჯელის შეფარდება. მაგრამ ხდება ისეც, რომ გარკვეული დანაშაულისათვის დამნაშავე ასეთი განაჩენის გარეშეც ექვემდებარება სასჯელს; ეს იმ შემთხვევაში ხდება, როდესაც თვით დანაშაულის ჩადენის მომენტში დამნაშავე უკვე მოხვდა კანონით განსაზღვრული სასჯელის ქვეშ. ამ დროს სასამართლოს აღარ სჭირდება შეუდგეს ჩადენილი დანაშაულის გამოძიებას, რადგან უკვე მისი ჩადენით მიიღო დამნაშავემ შესაბამისი სასჯელი და, ამიტომ, რჩება მხოლოდ კონსტატირება იმისა, რომ მოხდა დანაშაული და აღსრულდა ამ დანაშაულით გათვალისწინებული სასჯელი. ასეთ შემთხვევაში სასამართლო განაჩენიც მხოლოდ დეკლარატორულია (განმარტებითი). განაჩენებში არსებული ამ განსხვავებების გამო, შესაბამისი სასჯელებიც სხვადასხვაგვარად იწოდება. დამნატორული ხასიათის განაჩენის გამოტანისას სასჯელს ეწოდება სასამართლო სასჯელი. თუ განაჩენი დეკლარატორული ხასიათისაა, მაშინ — იურიდიული, ანუ კანონიერი. ამ უკანასკნელ შემთხვევას მაშინ აქვს ადგილი, როდესაც დანაშაული დამნაშავეს აყენებს ისეთ მდგომარეობაში, რომ სასამართლოს აღარ სჭირდება მისი გასამართლება გარკვეული უფლებების ჩამოსართმევად სასჯელის სახით, რადგან თვით დანაშაულია დაკავშირებული ამ უფლებების ჩამორთმევასთან და როგორც კი ეს დანაშაული შედგა, თავისთავად მოჰყვა მას უფლებების ჩამორთმევა. ზოგიერთი მძიმე დანაშაულისათვის, განსაკუთრებით, რომელიც საეკლესიო ერთობას ან აღებული პირის უფლებაუნარიანობას ეხება, შეასრულოს ეკლესიურ მოწყობაში გარკვეული მოვალეობა, — ასეთი სასჯელი თავისთავად ედება საეკლესიო სამართლით. ასე, მაგალითად, თუ ქრისტიანმა აშკარად უარყო ქრისტიანული სარწმუნოება და გადავიდა რომელიმე არაქრისტიანულ

რელიგიურ საზოგადოებაში, მაშინ ასეთმა ადამიანმა თვით განდგომის აქტით დაკარგა ყველა ის უფლება, რომელიც მას ეკუთვნოდა, როგორც ქრისტიანს. რის გამოც, საეკლესიო სასამართლოს განაჩენი, რომელიც მისთვის ამ უფლებების ჩამორთმევას გამოაცხადებდა, ზედმეტია. ან, თუკი ეკლესიის წევრი რაიმე სამოქალაქო ხასიათის დანაშაულისათვის შესაბამისი სამოქალაქო სასამართლოს მიერ გასამართლებულია და სასჯელს იხდის (საპატიმროში თუ მის გარეთ, არსებითი მნიშვნელობა არა აქვს), მაშინ ეს პირი ექვემდებარება კანონიერ ინფამიას (უბატივობა), თანაც, საეკლესიო სასამართლოს მხრიდან აღარ არის საჭირო ამ განაჩენის ოფიციალურად გამოტანა, რადგან თვით ამ დანაშაულისათვის გათვალისწინებული სასჯელი, უკვე ძალაშია. ასეთ და მსგავს შემთხვევებში, სასჯელი თავისთავად შედის ძალაში, როგორც დასასჯელი საქმის ჩადენის უშუალო შედეგი. სწორედ, აქედან შევიდა საეკლესიო სამართალში იურიდიული ანუ კანონიერი სასჯელის ცნება, განსხვავებით იმ სასჯელისაგან, რომელიც გამოიტანება დამნაშავის მიმართ რწმუნებული სასამართლოს განაჩენით მხოლოდ და მხოლოდ სათანადო სასამართლო გამოძიების ჩატარების შემდეგ.

საფუძველს, მსგავსი სახის სასჯელისათვის, ეპოულობთ წმინდა წერილში. პავლე მოციქული ტიტესადმი ეპისტოლეში მოიხსენიებს მწვალებელს, რომელსაც არ სურს შეისმინოს შეგონება მართლმადიდებლური სარწმუნოებისკენ მოქცევაზე და ჯოჯუტად რჩება თავის აზრზე. პავლე მოციქული ამბობს, რომ ასეთი ადამიანი გაიხრწნა, რადგან „*არს იგი თუთ დაშვილ*“ (ტიტ. 3, 10, 11). იგივე მნიშვნელობისაა ღანგრის ყველა კანონი, რომლებიც განაწესებს, რომ ეკლესიიდან განკვეთილად ჩაითვალოს ყველა ის პირი, რომლებმაც ჩაიდინეს ერთ-ერთი იმ დანაშაულთაგანი, რომლებიც კანონებშია მოხსენიებული. ღანგრის კრების კანონები არ ამბობენ, რომ მხოლოდ სასამართლომ უნდა გამოაცხადოს ჩადენილი დანაშაულისათვის სასჯელი, არამედ თითოეული ასეთი დამნაშავის მიმართ, — პავლე მოციქულის მსგავსად, — ამბობს: „*შეჩვენებულ იყოს*“, რაც ნიშნავს, რომ ასეთი გაჯიუტებული ცოდვილი უკვე დასჯილია. ანტიოქიის ეს (1) კანონი ყველაზე უკეთ ჰფენს ნათელს ამ სახის სასჯელს. ადგენს რა ამ კანონით თუ როდის უნდა იდღესასწაულონ ქრისტიანებმა ყოველწლიურად ქრისტეს ბრწყინვალე აღდგომის ხსენება, კრება იმავდროულად ბრძანებს, რომ ეკლესიიდან განკვეთილებად ჩაითვალონ ის ეპისკოპოსები, მღვდლები და დიაკვნები, რომლებიც გადაწყვეტენ, იმოქმედონ მისი განწესების საწინააღმდეგოდ. შესაბამისად, სასამართლო აღარ საჭიროებს მათ მოწვევასა და გასამართლებას, რამეთუ ისინი უკვე დასჯილნი არიან ამ კრების კანონით იმ მომენტიდან, როგორც კი განწესება დაარღვიეს. ასეთ შემთხვევაში, საეკლესიო სასამართლოს, — თუ მას საერთოდ ექნება საქმე იმ დამნაშავესთან, რომელიც საკუთარი ქმედებით მოჰყვა სასჯელის ქვეშ, — შეუძლია მხოლოდ იმ სასჯელის კონსტატაცია გააკეთოს, რომლითაც დამნაშავე უკვე დაისაჯა და შესაბამისი განაჩენი მხოლოდ დეკლარატორული (განმარტებითი) მნიშვნელობის იქნება. თუმცა, უნდა ვიცოდეთ, რომ ყველაფერს, რაც ზემოთ ითქვა, მნიშვნელობა აქვს, მხოლოდ გარკვეული სახის დანაშაულისათვის, რომელთა მიმართებითაც ასეთი იურიდიული სასჯელი კატეგორიულად არის კანონებში ასახული. რაც შეეხება სხვა საეკლესიო დანაშაულებებს, განაჩენი ყოველთვის უნდა იყოს დამნატორული

(ბრალდებით) ხასიათის, ყველა იმ კანონიერი წესის გათვალისწინებით, რომლებიც დადგენილია ოფიციალური საეკლესიო-სასამართლო პროცესის ჩასატარებლად.

კანონი 2

ყველა, ვინც ეკლესიაში შედის და ისმენს საღვთო წერილს, მაგრამ წესისაგან ერთგვარი განდრეკით არ მონაწილეობს ლოცვაში მრევლთან ერთად ან განერიდება წმინდა ევქარისტის მიღებას — ზიარებას, დაე, განყენებულ იქნენ ეკლესიიდან მანამდე, ვიდრე აღსარებას არ ჩააბარებენ, სინანულის ნაყოფთ არ წარმოაჩინენ და შენდობას არ ითხოვენ, — და ამგვარად შეეძლება მისი მიღება. დაე, ნურავის მიეცეს თანაზიარების უფლება საეკლესიო ერთობისაგან განყენებულებთან, ნურც სახლებში შეკრებისა და ლოცვისა საეკლესიო ერთობისაგან გარე მყოფებთან; გაუცხოებული ერთი ეკლესიის ერთობისაგან არ უნდა მიიღებოდნენ მეორე ეკლესიაში. ხოლო თუ რომელიმე ეპისკოპოსი, მღვდელი, დიაკონი ან სხვა რომელიმე კლირიკოსი აღმოჩნდება (საეკლესიო) ერთობისაგან განყენებულების თანამოზიარე, მაშინ, დაე, თვითონაც დარჩეს საეკლესიო ერთობის გარეთ, როგორც შფოთვის შემომტანი საეკლესიო წესრიგში.

(მოც. 9, 10, 11, 12, 13, 28, 32, 33, 45, 48, 65; I მსოფ. 5; IV მსოფ. 11, 13; ტრულ. 17, 66, 80; ანტიოქ. 4, 6, 7, 8, 11; ლაოდ. 41, 42; სარდ. 9, 11; კართ. 9, 10, 23, 106)

როგორც უკვე აღვნიშნეთ, ანტიოქიის კრების კანონების უმეტესობა შედგენილია მოციქულთა კანონების მიხედვით და ამიტომ, მოციქულთა შესაბამისი კანონების განმარტებები, იმავდროულად, ემსახურებიან ანტიოქიის კრების იმ კანონების განმარტებას, სადაც იგივე საკითხებზეა საუბარი, რომლებიც მოციქულთა კანონებში განიხილებოდა. ანტიოქიის კრების წინამდებარე კანონში განხილულ საკითხზე, უკვე ითქვა მოციქულთა მე-9, მე-10, მე-11 და მე-12 კანონების განმარტებებში.

კანონი 3

თუ რომელიმე მღვდელი, დიაკონი ან საერთოდ ვინმე, სამღვდლოთაგან, დატოვებს თავის საზღვრებს, გადავა სხვისაში, და შემდეგ სრულიად გადასახლებული, გადაწყვეტს დიდხანს დარჩეს იმ საზღვრებში, მაშინ ესეითარი ნუ იმღვდელმოქმედებს, და განსაკუთრებით მაშინ, როცა თავისი ეპისკოპოსი მოუწოდებს მას და შეაგონებს დაუბრუნდეს საკუთარ მრევლს, ის კი არ ემორჩილება. ხოლო თუ ჯიუტად განაგრძობს ყოფნას ამ უწესობაში, დაე, სრულიად იქნეს განყენებული მღვდელმსახურებისაგან, უწინდელ წოდებაში აღდგენის შესაძლებლობის გარეშე. თუ ამ მიზეზით განგდებულს, სხვა რომელიმე ეპისკოპოსი მიიღებს, მაშინ ისიც ექვემდებარება ეპიტიმისას საერთო კრებისაგან, როგორც საეკლესიო წესების დამრღვევი.

(მოც. 15, 16; I მსოფ. 15, 16; IV მსოფ. 5, 10, 20, 23; ტრულ. 17, 18; სარდ. 15, 16; კართ. 54, 90)

წინამდებარე კანონი იმეორებს მოციქულთა მე-15 და მე-16 კანონების განწესებებს. კანონი მოიხსენიებს „საზღვრებს“ (παραια, პაროქია), საიდანაც გადავიდა მღვდელი ან დიაკონი. ძველ კანონიკურ წყაროებში ამ ტერმინით აღინიშნებოდა ეპისკოპოსის სამთავრო (საეპისკოპოსო) ანუ ახლანდელი ეპარქია. ამჟამად ამ ტერმინს იყენებენ სამხრეთ-დასავლეთის მართლმადიდებელ ეკლესიებში მღვდლის მსახურების ადგილის აღსანიშნავად (приход, სამრევლო). წინამდებარე კანონი რომ ტერმინით: „παραια“ ნამდვილად ახლანდელ ეპარქიას აღნიშნავს, რომელსაც ეპისკოპოსი მართავს, ეს თვით კანონის კონტექსტიდან ჩანს. მოციქულთა კანონში იგივე „საზღვრების“ აღსანიშნავად გამოყენებულია სიტყვა: επαρχια (ეპარქია).

იმ ეპისკოპოსთან მიმართებით, რომელიც ამ კანონს დაარღვევს, კანონი ამბობს, რომ ის უნდა განსაჯოს საერთო კრებამ. როგორია ეს კრება, რომელსაც რწმუნება აქვს ასეთ ეპისკოპოსს სასჯელი განუსაზღვროს, ნათქვამია ამ კრების მე-16, მე-17 და მე-18 კანონებში, სახელდობრ: ეს ის კრებაა, რომელიც შედგება მმართველი სამიტროპოლიტო სამთავროს ეპისკოპოსებისგან მიტროპოლიტის თავმჯდომარეობით (რომელსაც განსასჯელი ეპისკოპოსი ექვემდებარება) და რომელსაც სხვაგვარად კიდევ სრული კრება ეწოდება, ჩეულებრივ, ეს არის ეპარქია, ამ სიტყვის ძველი მნიშვნელობით, ანუ მიტროპოლიტის სამთავრო (სამიტროპოლიტო).

კანონი 4

თუ რომელიმე ეპისკოპოსი, ხარისხიდან განკვეთილი კრების მიერ; ან მღვდელი თუ დიაკონი – თავისი ეპისკოპოსის მიერ, გაკადნიერდებიან აღასრულონ რამე წმინდა მსახურება, ეპისკოპოსი თავისი უწინდელი ჩვეულებებისამებრ, და მღვდელიც ან დიაკონიც – ამგვარადვე, მაშინ ესეითარს არც იმის იმედი უნდა ჰქონდეს, რომ უწინდელ წოდებაში იქნება აღდგენილი სხვა კრებაზე, არც იმისა, რომ დაშვებული იქნება თავის გასამართლებლად. ყველა მისი თანაზიარიც, დაე, განკვეთილ იქნეს ეკლესიიდან, და განსაკუთრებით იმ შემთხვევაში, როცა ეცოდინება რა ზემოთ დასახელებულთა წინააღმდეგ გამოტანილი სასჯელი, გაკადნიერდება თანაზიარება იქონიონ მასთან.

(მოც. 26; I მსოფ. 5; II მსოფ. 6; IV მსოფ. 29; ანტიოქ. 12, 15; სარდ. 3, 4, 5; კართ. 29, 65; ბასილი დიდის 88)

ეს კანონი, აღორძინებს და აესებს მოციქულთა 28-ე კანონს და მიზნად ისახავს უსრუნველყოს და განამტკიცოს კრებისა და ეპისკოპოსის სასამართლო ხელისუფლება: კრების, როდესაც ეპისკოპოსს ასამართლებენ, და ეპისკოპოსისა – როდესაც იგი ასამართლებს მღვდელს, დიაკონს და სხვა კლირიკოსს. ამასთან, კანონი განაწესებს, რომ თუ ეპისკოპოსი, კანონიერად გასამართლებული და განკვეთილი, – ანუ კრების მიერ, – მღვდელი და დიაკონი კი თავისი ეპისკოპოსის მიერ, გაკადნიერდება და კვლავ ჩაატარებს რამე წმინდა მსახურებას, მაშინ ასეთი განკვეთილი პირი კარგავს ყოველგვარ უფლებას აპელაციით მიმართოს გამართლებისა და თავდაცვისათვის უმაღლეს სასამართლოს და, ამასთან, აღარ რჩება

მას უკვე წინანდელ ადგილზე დაბრუნების არანაირი საშუალება. იგივე განაჩენს კანონი ავრცელებს ყველა იმ პირზეც, ვინც იცოდა რომელიმე სამღვდელს პირის მიმართ გამოტანილი განაჩენი და, მიუხედავად ამისა, მაინც შევიდა მასთან თანახმარებაში და კანონიერად ჩათვალა ის, რისი მოქმედებაც მას აკრძალული ჰქონდა. ამ კანონში მოხსენიებული წმინდა მსახურება (святая служба, λειτουργия, ლიტურგია, საერთო საქმე, საზოგადო მსახურება), არ უნდა გავიგოთ როგორც მღვდელმოქმედება ამ სიტყვის ზედმიწევნითი მნიშვნელობით: წირვა (исповиав) ანუ უსისხლო მსხვერპლის შეწირვა; არამედ იგულისხმება ყველა ის მოქმედება, რასაც მოიცავს ამ პირის მღვდომართობა საეკლესიო იერარქიაში და ყოველივე ეს მას ეკრძალება იმის შედეგად, რომ სასჯელად განკვეთა გამოუტანეს.

თუკი ეპისკოპოსი ან სხვა რომელიმე სასულიერო პირი მის მიმართ სასამართლო განაჩენს არასწორად მიიჩნევს, ასეთ შემთხვევაში მას შეუძლია მიმართოს სხვა, უმაღლეს სასამართლოს ანუ – როგორც ეს მოციქულთა მე-12 კანონშია ნათქვამი – დიდ კრებას, მოითხოვოს თავისი საქმის ხელმეორედ გადასინჯვა და ახალი განაჩენის გამოტანა. მაგრამ ვიდრე ეს უმაღლესი სასამართლო თავის განაჩენს გამოიტანს, ბრალდებული რჩება იმ სასჯელის ქვეშ, რომელიც მას დაბალი რანგის სასამართლომ გამოუტანა. წინააღმდეგ შემთხვევაში, მას მოელის წინამდებარე კანონით განსაზღვრული სასჯელი (შდრ. კართ. 29; სარდ. 14).

ეს კანონი განუწესებს სასჯელს ეპისკოპოსს, მღვდელსა და დიაკონს, რომლებიც განკვეთის მიუხედავად, მაინც ასრულებენ რომელიმე ისეთ სამღვდელს მოქმედებას, რომელსაც მანამდე ასრულებდნენ და ახლა უკვე აკრძალული აქვთ. ამასვე ამბობს მოციქულთა 28-ე კანონიც, მაგრამ არც ერთი და არც მეორე კანონი არ ლაპარაკობს იმის შესახებ, თუ როგორი უნდა იყოს დამოკიდებულება თვით იმ სამღვდელს მოქმედების მიმართ, რომელიც განკვეთილია პირმა შეასრულა, და რა მნიშვნელობას იძენს საკუთრივ ეს ქმედება იმ პირთათვის, ვისთვისაც ან ვისზეც იქნა ის შესრულებული. ეს საკითხი განსაკუთრებული მნიშვნელობის შემცველია იმ შემთხვევაში, როდესაც რომელიმე კანონიერად განკვეთილი ეპისკოპოსი და, ამდენად, ახლა უკვე ერისკაცი, ახდენს ხელდასხმას სასულიერო დასის კანდიდატზე მღვდლად ან დიაკვნად ისე, როგორც ამას განკვეთამდე აკეთებდა. ვინაიდან კანონი ამ საკითხს არ ეხება, ამიტომ ეს ისეთი დასკენის გამოტანის შესაძლებლობასაც იძლევა, რომლის თანახმადაც განკვეთილი ეპისკოპოსის მიერ ხელდასმული მღვდელი ან დიაკონი მაინც შეიძლება ჩაითვალოს ხელდასხმულად ზუსტად ისე, როგორც ეს იმ შემთხვევაში იქნებოდა, მისი კურთხევა რომ კანონიერ და სრულყოფილებიან ეპისკოპოსს მოეხდინა. ეს საკითხი რამდენიმე საუკუნის განმავლობაში არ წამოჭრილა არც აღმოსავლეთ და არც დასავლეთ ეკლესიის საეკლესიო-კანონიკურ პრაქტიკაში, რამეთუ ყველსათვის სავესებით ცხადი იყო, რომ ასეთ ხელდასხმას არ უნდა ჰქონოდა არც კანონიკური და არც დოგმატური ძალა. ეს საკითხი პირველად წამოჭრა დასავლურ ეკლესიაში VII საუკუნეში და მის შესახებ დავა დიდი ხანი გაგრძელდა, თითქმის XI-XII საუკუნეებამდე, როდესაც საბოლოოდ გადაწყდა იმ აზრის სასარგებლოდ, რომ ხელდასხმა უნდა იქნეს აღიარებული იმ შემთხვევაშიც კი, როცა მას უკანონოდ ჩაატარებს განკვეთილი ეპისკოპოსი. ეს ჩამოყალიბდა რომაულ-კათოლიკური ეკლესიის საეკლესიო სამა-

როლის სწავლებად, რომელიც აღნიშნულ ეკლესიაში დამტკიცდა ტრიდენტის კრების შემდეგ, როცა კანონმა მღვდლობის განუყოფლობის შესახებ, — რომელსაც ნეტარი ავგუსტინე თავის დროზე მღვდლობის საიდუმლოს წარუხოცველი თვისებით ასაბუთებდა, — მიიღო ძალა, რომლის თანახმადაც, კანონიერად ქიროტონირებული ეპისკოპოსის ყველა ქმედება, ინარჩუნებს თავის შინაგან ძალას (მადლს) იმ შემთხვევაშიც კი, თუ ეპისკოპოსმა ის თავისი განკვეთის, ან განდგომის (აპოსტასიის) შემდეგ ჩაატარა. ამ სწავლების თანახმად, რომელიც ფორმულირებული და დამტკიცებული იქნა XVI საუკუნეში რომაულ-კათოლიკურ ეკლესიაში, გამოდის, რომ მღვდლობის საიდუმლო, რომელიც გარკვეულმა პირმა ხელდასხმით მიიღო, მის სულში სულიერების ისეთ ბეჭედს ტოვებს ან ისეთ თვისებას, რომელიც ვერასოდეს წარიხოცება ამ ადამიანში, რაგვარი დანაშაულიც არ უნდა ჩაიდინოს მან და რაგვარი სიმძიმისაც არ უნდა იყოს ის სასჯელი, რომელიც მან დაიმსახურა, რამეთუ მასში, ნათლისღების ბეჭედის მსგავსად, სამუდამოდ რჩება მღვდლობის ბეჭედი და ის ვერასოდეს გახდება ერისკაცი. ამის გამო, კანონიერი სინოდის მიერ განკვეთილი და ერისკაცობაში გადასული ეპისკოპოსი, არსებითად მაინც არ არის განკვეთილი, რადგან მასში სულიწმიდის წარუხოცველი მადლი მკვიდრობს და ამიტომ ყოველივე, რასაც ეს განკვეთილი ეპისკოპოსი აღასრულებს მასში მარადიულად მყოფი მადლის ძალით, ყოველივე, თუნდაც უკანონო, თავისთავად კანონიერ ძალას იძენს. აქედან გამომდინარე, ასეთი ეპისკოპოსის მიერ ხელდასხმული მღვდელი ეკლესიამ ისევე უნდა აღიაროს, როგორც იმ შემთხვევაში აღიარებდა, მისი კურთხევა რომ ყველაზე ღირსეულ ეპისკოპოსს ჩაეტარებინა.

აღმოსავლეთ ეკლესიაში საკითხი იმის შესახებ, აქვს თუ არა კანონიერი ძალა განკვეთილი ეპისკოპოსის მიერ შესრულებულ ხელდასხმას, უკანასკნელ დრომდე არ წამოჭრილა, მაგრამ ბოლო ხანებში ეს საკითხი დღის წესრიგში დადგა, და რადგან გამოთქმული იყო ისეთი აზრიც, რომ ასეთი ხელდასხმა ნამდვილია იმის საფუძველზე, რომ ეპისკოპოსი, თუნდაც განკვეთილი, მაინც ატარებს თავის თავში იმ მადლს, რომელიც მან ქიროტონიის გზით მიიღო, ამიტომ ჩვენ საჭიროდ ჩავთვალეთ მოკლედ გადმოგვეცა რომაულ-კათოლიკური საეკლესიო სამართლის სწავლება ამ საკითხის შესახებ. აღმოსავლეთში მოხსენიებული მოსაზრება გამოითქვა 1874 წელს, როდესაც კონსტანტინოპოლის საპატრიარქოში დადგა საკითხი იქაური მღვდლების ხელდასხმის ნამდვილობის შესახებ, რომელთა ქიროტონია აღსრულებული იყო ბულგარელი ეპისკოპოს-უგზარქოსების მიერ, რომლებიც კონსტანტინოპოლის საპატრიარქო სინოდის აზრით განკვეთილები იყვნენ. საკითხი არაერთხელ განიხილეს საპატრიარქო სინოდში 1874-1881 წლებში, მაგრამ ვერანაირ საბოლოო დასკვნამდე ვერ მივიდნენ. ამიტომ ისეთი აზრი რჩებოდა, თითქოს კონსტანტინოპოლის საპატრიარქოს შესაძლებლად მიაჩნდა ისეთი ხელდასხმის აღიარება, რომელსაც განკვეთილი ეპისკოპოსი აღასრულებდა. ყოველივე ამის გათვალისწინებით, აუცილებლად მიგვაჩნია ამ მნიშვნელოვანი საკითხის შესახებ მოვიყვანოთ განუყოფელი ეკლესიის სწავლება.

პაველ მოციქულის ქადაგების საფუძველზე, იმასთან დაკავშირებით, თუ როგორი უნდა იყოს ეპისკოპოსი იმისათვის, რომ წმინდა საიდუმლოებებში საღვთო მადლის გადაცემისას შუამავლობა შეასრულოს, წმინდა კვიპრიანე კართაგენელი ამ-

ბობს, რომ ეპისკოპოსი, ისევე, როგორც სხვა მღვდელმსახური, აუცილებელია, რომ არაფრით იყოს შებილწული: „მღვდლებსა და ეკლესიის მსახურებს, რომლებიც საკუთარ თავს საკურთხეველსა და საიდუმლოებებს უძღვნიან, სიწმინდესა და უბიწოებაში მართებთ ყოფნა“, – წერს იგი ერთ-ერთ თავის ეპისტოლეში; თანაც, კატეგორიულად უარყოფს მძიმე ცოდვაში მხილებული და ამისთვის ეკლესიის მიერ გასამართლებული ეპისკოპოსის ან, საერთოდ, მღვდელმსახურის მიერ რამენაირი სამღვდლო მოქმედების შესაძლებლობას. წმინდა კვიპრიანე გვასწავლის, რომ ღვთის საიდუმლოებებში აკურთხებს არა ეპისკოპოსი, არამედ სულიწმიდა და ამიტომ, ვისაც უკვე არა აქვს თავისთავში სულიწმიდის მადლი, იმას თავისთავად არ შეუძლია ეს მადლი სხვებს გადასცეს. თავის სხვა ეპისტოლეში, იგი წერს: „რადგან ნათქვამია, „*ცოდვილისაჲ არა ისმინის ღმერთმან, არამედ უკუეთუ ვინმე არნ ღმრთის-მსახურ და ნებასა ღმრთისასაჲ ჰყოფნ*“ (ინ. 9, 31). მაშ, ვის შეუძლია გასცეს ის, რასაც თვითონ არ ფლობს, ან რაგვარად შეუძლია სულიწმიდის საქმენი აღასრულოს იმან, ვინც თავად განუდგა სულიწმიდას?“ კიდევ ერთ თავის ეპისტოლეში საუბრობს იმათ შესახებ, ვინც მძიმე ცოდვაში ჩავარდა, ამის შედეგად სულიწმიდის მადლი დაკარგა და ამის გამო ხარისხი აეყარა, და თვლის, რომ არამცთუ მათ მიერ ჩატარებული ხელდასხმა, არამედ ლოცვაც კი არ შეიწირება მათგან: „არავის ეხმარება უფალი იმის ლოცვებით; ვინც უფალი თავად განარისხა“. წმინდა კვიპრიანეს ეს მოძღვრება მთელმა ეკლესიამ მიიღო და აღმოსავლურ ეკლესიაში მას ყოველთვის ჰქონდა კანონის ძალა, როგორც ჰქონდა მას ეს ძალა, ზოგადად, დასავლურ ეკლესიაში XVI საუკუნემდე. ამის კლასიკურ მაგალითს ვხედავთ ქალკედონის IV მსოფლიო საეკლესიო კრებაზე, რომელზედაც განკვეთეს იბა, ედესელი ეპისკოპოსი, სხვათა შორის იმისთვისაც, რომ მხილებული იყო სიმონიურ ხელდასხმაში. ასეთ ხელდასხმებთან დაკავშირებით მიიღეს განსაკუთრებული კანონი (მე-2): ხელდასხმისათვის სიმონიაში მხილებული ეპისკოპოსი ხარისხიდან უნდა განიკვეთოს; რაც შეეხება თვით ხელდასხმას, მას არ გააჩნია არანაირი – არც სულიერი და არც იურიდიული – ძალა და ასეთი ხელდასხმის მიმღებელი „ნაყიდი ხელდასხმისა და დადგინების გარეშე დარჩეს“. ეს ეხება ხელდასხმას, რომელიც ეპისკოპოსმა ჩაატარა, სანამ ის ხარისხში იყო ჯერ კიდევ გასამართლებამდე. აქედან, ამ შედეგის მაგალითზე, თავისთავად ცხადია, რომ ასეთივე ხასიათს იძენს ყველა სხვა ხელდასხმა, რომელიც ამა თუ იმ დანაშაულისათვის გასამართლებულმა ეპისკოპოსმა შეასრულა. წმინდა გრიგოლ დიოლოლოსი, 694 წლის ერთ-ერთ თავის ეპისტოლეში საუბრობს განკვეთილი ეპისკოპოსის მიერ ჩატარებული ქიროტონიის შესახებ და ამბობს: „არ შეიძლება ხელდასხმა ეწოდოს იმას, რაც შესრულებული იყო ხარისხიდან განკვეთილი პირის მიერ“. ხოლო, ეს რომ წმინდა გრიგოლის კერძო აზრი არ იყო, ამას მოწმობს ის ფაქტი, რომ ეს მოსაზრება ცალკე კანონადაა შეტანილი დასავლეთის საერთო კანონიკურ კრებულში. მსგავსადვე გამოთქვამს კონსტანტინოპოლის პატრიარქი ტარასიცი, რომელიც არ აღიარებდა განკვეთილი ეპისკოპოსის მიერ ჩატარებულ ხელდასხმას, განსაკუთრებით, თუ ის სიმონიისთვის იყო ხარისხაყრილი, „რადგან, – ამბობს, – ასეთებს სულიწმიდის მადლი არ გააჩნიათ“, ანუ ზუსტად იმას, რაც ნათქვამია ტრულის კრების 21-ე კანონში. კონსტანტინოპოლის პატრიარქი ფოტი,

ერთ-ერთ თავის თხზულებაში სპეციალურად იხილავს საკითხს იმ პირების მიერ ჩატარებულ ხელდასხმასთან დაკავშირებით, რომლებიც არ მიეკუთვნებიან მართლმადიდებელ ეკლესიას. ამ თხზულებაში იგი მრავალ ერეტიკოსსა და სქიზმატიკოსს მოიხსენიებს, რომელთა მიერ შესრულებული ხელდასხმა გარკვეულ პირობებში შეიძლება აღიარებული იყოს, მაგრამ ერთი სიტყვითაც არ ეხება საკითხს იმის შესახებ, შეიძლება თუ არა აღიარებულ იქნეს განკვეთილი ეპისკოპოსის მიერ შესრულებული ხელდასხმა, თუმცა თვით ასეთ პირებს საკითხის განხილვისას მოიხსენიებს.

ზემოთ უკვე ითქვა, რომ კანონი არაფერს ამბობს იმასთან მიმართებით, შეიძლება თუ არა განკვეთილი ეპისკოპოსის მიერ აღსრულებული ქიროტონია ეკლესიამ აღიაროს, მაგრამ არის რამდენიმე ისეთი კანონი, რომლებსაც შეუძლიათ ირიბად დამტკიცონ ის აზრი, რომ მსგავსი ქიროტონია არაფრით შეიძლება ჭეშმარიტად ჩაითვალოს. ასე, მაგალითად, სარდიკიის კრებაზე (343 წელი), განიხილებოდა ვინმე ეგვიპტიანესა და მუსეის საკითხი, რომლებმაც მიითვისეს ეპისკოპოსობის უფლება და სხვადასხვა ადგილებში რამდენიმე პირი მღვდლად აკურთხეს. კრების ზოგიერთი წევრის აზრით, ეს მღვდლები უნდა ეღიარებინათ, რადგან „ისინი არაფერში არიან დამნაშავენი“, ანუ დამტკიცებულ იქნა, რომ სამღვდელო კანდიდატებმა არაფერი იცოდნენ იმის შესახებ, რომ ამ ეპისკოპოსებს ხელდასხმის უფლება არ ჰქონდათ. მიუხედავად ამ არგუმენტისა, კრება არ დათანხმდა ასეთი ღმობიერება გამოეჩინა მოხსენიებული მღვდლების მიმართ, რადგან გამოვიდა იმ პრინციპიდან, რომ არავის შეუძლია მისცეს სხვას ის, რაც თავად მას არ გააჩნია, და ვინაიდან ეგვიპტიანე და მუსეი არ იყვნენ კანონიერი ეპისკოპოსები, ამიტომ, შესაბამისად, არავისი კურთხევა მათ არ შეეძლოთ, იმიტომ რომ, კანონიერ მღვდლად შეიძლება მხოლოდ იმ პირის აღიარება, რომელიც სრულუფლებიანი ეპისკოპოსის მიერ არის ხელდასხმული. თუ კი ეს სრულუფლებიანი ეპისკოპოსი ამის შემდეგ რამე დანაშაულისთვის განკვეთეს, რომელ დანაშაულშიც მის მიერ ხელდასხმული მღვდლები შემწნულნი არ ყოფილან, მაშინ ეს მღვდლები რჩებიან კანონიერ და ჭეშმარიტ მღვდელმსახურებად. სწორედ, ეს დასკვნა გამოჰყავთ ზონარასა და ბალსამონს თავის კომენტარებში სარდიკიის კრების მე-19 კანონზე, როგორც საერთო კანონიკური ნორმა.* აქედან, ბუნებრივად გამომდინარეობს, რომ თუ რომელიმე ეპისკოპოსი თავისი განკვეთის შემდეგ მოახდენს ვინმეს მღვდლად კურთხევას, მაშინ ასეთი პირი არამცთუ მღვდელი ვერ გახდა, არამედ ვერც ვერავითარ უფლებას მოიპოვებს სამღვდელო იერარქიაში, ვინაიდან ვისაც უნდა მიეცა მისთვის ეს უფლება, მას უკვე თავად ჰქონდა ის ჩამორთმეული.

სარდიკიის კრებიდან მოყვანილი მაგალითის მსგავს შემთხვევას, ჩვენ შემდგომში ვხვდებით II მსოფლიო კრებაზე. ვინმე ეგვიპტელი ფილოსოფოსი მაქსიმე, კონსტანტინოპოლში არასწორად იყო აყვანილი ეპისკოპოსის ხარისხში, რაც კონკრეტულად იმაში გამოიხატებოდა, რომ ის, მართალია, ყოველმხრივ კანონიერმა ეპისკოპოსებმა აკურთხეს, მაგრამ მათ ამის უფლება არ ჰქონდათ კონსტანტინოპოლის ეკლესიაში, რადგან არ გააჩნდათ ამ ეკლესიაში იურიდიქცია, რამეთუ მიეკუთვნებოდა-

*ათენის სინტაგმა, III, 276.

ნენ სხვა (ალექსანდრიის) ეკლესიას. გახდა რა არასწორი გზით ეპისკოპოსი, მაქსიმემ, თავის მხრივ, რამდენიმე კლირიკოსს დაასხა ხელნი. აღნიშნულმა კრებამ განიხილა ეს საქმე და თავისი მე-4 კანონით გამოაცხადა მაქსიმე ეპისკოპოსობის უღირსად, ხოლო მის მიერ შესრულებული დადგინებები – გაუქმებულად.

მოხსენიებული კანონებიდან დამოუკიდებლად, ეს მტკიცდება, აგრეთვე, იმ კანონიკური კავშირის საფუძველზე, რომელიც არსებობს სულიერ ხელმწიფებასა და ხელდასხმის საიდუმლოს შორის. მღვდლობის საიდუმლოს შესახებ მართლმადიდებელი ეკლესიის კანონიკური სწავლებით, რამდენადაც მნიშვნელოვანია მისი სულიერი მხარე (დასადგინებელი პირისთვის საღვთო მადლის გადაცემა), იმდენადვე მნიშვნელოვანია მისი იურიდიული მხარეც, ანუ ის სულიერი ხელმწიფება, რომლის მეშვეობითაც ეს მადლი გარდამოდის სამღვდლო კანდიდატზე. ეს ხელმწიფება არის საჯარო უფლებამოსილებაში, და როდესაც ის ვინმეს ეძლევა, ანუ ხდება სულიერი ხელმწიფების ჩაბარება (შდრ. მთ. 10, 1; საქმ. 8, 16, 19) ამით იგი (სულიერი ხელმწიფება) იძენს საჯარო უფლებამოსილების სახეიმო აქტის სახეს. სანამ გარკვეული პირი ამ ხელმწიფებას ფლობს, მას შეუძლია სრულუფლებიანად იმოქმედოს მისით და მის მიერ ამ სულიერი ხელმწიფების ძალით აღსრულებული ქმედებები კანონიერი იქნება, მიუხედავად იმისა, რომ თვით ეს პირი შეძლება იყოს ბიწიერი და არ იყოს სასულიერო ხელისუფლების ღირსი. მისი უღირსობა, თავისთავად არ ართმევს მას ხელისუფლებას, არამედ შეუძლია მხოლოდ მიზეზი აღმოჩნდეს იმისა, რომ ის სასულიერო ხელისუფლებიდან დაითხოვონ, ანუ ჩამოართვან სულიერი ხელმწიფება. ჩამორთმევა კი, ასევე, შეიძლება მხოლოდ საჯარო უფლებამოსილების სახეიმო აქტით – (სხვა ეპისკოპოსების) სულიერი ხელმწიფებით, რომლის ძალითაც უქმდება მისთვის მინიჭებული უფლება (მიბარებული სულიერი ხელმწიფება), ყველა მისი იურიდიული უპირატესობით, და განსაკუთრებით უქმია და ძალას მოკლებული მის მიერ მომავალში ჩატარებული ნებისმიერი სამღვდლო ქმედება. ამიტომ, თუკი ეპისკოპოსმა დაიწყო მწვალებლობის ქადაგება ან განხეთქილებისათვის საზოგადოების ორგანიზება, ის ამის გამო ჯერ კიდევ არ კარგავს ხელდასხმის უფლებას, მაგრამ თუ მას ამისათვის ან სხვა რამე მიძიმე დანაშაულისთვის კრება გაასამართლებს და საბოლოოდ განკვეთს თავისი ხარისხიდან, ის დაკარგავს ყველა იერარქიულ უფლებას, რადგან, ამით, უკვე, კარგავს მღვდლობის მადლს და ამ მადლის სხვისთვის გადაცემის შუამავლობის უფლებას, რაც იმას ნიშნავს, რომ მას უკვე არავის დადგინება აღარ შეუძლია, რადგან განკვეთა, – ვგულისხმობთ, რა თქმა უნდა, საბოლოო განკვეთას, – არის ის კანონიკური აქტი, რომლის თანახმადაც გარკვეული პირი კარგავს თავის აქამდე კუთვნილ წმინდა უფლებას და იქცევა ერისკაცად იგივე უფლებებით, როგორც მას ხელდასხმამდე ჰქონდა. მღვდლობის „წარუხოციელი თვისების“ საფუძველზე რომ მოენდომებინათ კანონიერად განკვეთილი ეპისკოპოსისათვის ხელდასხმის უფლების შენაჩუნება, მას მაინც არ ექნებოდა იურიდიული ძალა იმ პირისთვის, ვინც ის მიიღო, რადგან ამ ხელდასხმით ვერ მიიღებდა იმას, რაც კანონიერი ხელდასხმის შედეგს წარმოადგენს და, შესაბამისად, იურიდიული მნიშვნელობით ეკლესიასთან იმავე დამოკიდებულებაში რჩება, როგორც ჰქონდა თავის უკანონო ხელდასხმამდე. რაიმე სასულიერო-იერარქიული ქმედების სისწორისა და კანონიერებისათვის, აუცილებე-

ლია, რომ პირი, რომელმაც ეს ქმედება უნდა აღასრულოს, მიეკუთვნებოდეს კანონიერ იერარქიას, ანუ იყოს ამ ქმედების უფლებით მოსილი. შესაბამისად, ვინც უკვე აღარ მიეკუთვნება აღნიშნულ იერარქიას, მას არ შეუძლია ისარგებლოს და სხვებს გადასცეს ის უფლებები, რაც მას ჩამოერთვა. ტრულის კრების 21-ე კანონი ბრძანებს ყველა იმ ეპისკოპოსის ხარისხიდან განკვეთას და ერისკაცთა რიგში გადაყვანას, ვინც მძიმე დანაშაულში იქნება მხილებული, ხოლო მოციქულთა 28-ე კანონი, ანტიოქიის კრების ამ კანონის მსგავსად, განაწესებს, რომ ასეთი ყოფილი ეპისკოპოსი ეკლესიასთან თანაზიარებიდანაც განიკვეთოს, რაც იმას ნიშნავს, რომ თუკი ის ეპისკოპოსობისაგან განკვეთის შემდეგ ისეთ სამღვდელო ქმედებას ჩაატარებს, რომლის ჩატარების უფლებაც მას ადრე, ეპისკოპოსად ყოფნისას ჰქონდა, მაშინ ის ეკლესიის წევრობიდანაც იკვეთება. შეიძლება, განა, ამის შემდეგ ვივარაუდოთ, რომ რამეს, ამ პირის მიერ გადაცემულს, რომელსაც თავადაც არ ფლობს, ჰქონდეს იურიდიული ძალა? რა თქმა უნდა არ აქვს და არც შეიძლება ჰქონდეს რაიმე სულიერი ძალა ეგრეთ წოდებული მღვდლობის საიდუმლოს წარუხოცელი თვისების საფუძველზე. რაც შეეხება მღვდლობის საიდუმლოს „წარუხოცელ თვისებას“, მართლმადიდებელი ეკლესიის სწავლებით ეს მხოლოდ იმას ნიშნავს, რომ ეს საიდუმლო არ შეიძლება ერთი და იგივე ხარისხში განმეორდეს ერთი და იმავე პირზე (შდრ. კართ. 29; სარდ. 14).

პანონი 5

თუ რომელიმე მღვდელი ან დიაკონი, უგულბებელყოფს რა თავის ეპისკოპოსს, თავად განიყენებს თავს ეკლესიისაგან და საგანგებო შეკრებების აღსრულებას დაიწყებს და საკურთხეველს აღმართავს, ხოლო ეპისკოპოსისაგან მოწოდებული, არ დაემორჩილება მას და არ ისურვებს მისი ისმინოს, და იქნება რა მოწოდებული მის მიერ ერთგვის და ორგზის, არ შეისმენს, — ესევეთარი, დაე, სრულიად განიკვეთოს თავისი ხარისხიდან; იგი არ შეიძლება დაშვებულ იქნეს მსახურებისათვის და არც უწინდელი პატივის დაბრუნება შეიძლება მისთვის. ხოლო თუ გაჯიუტდება, შოთს მოაწყობს ეკლესიაში და აღდგება მის წინააღმდეგ, მაშინ როგორც მემბოხე, დაშომშინებულ იქნეს სამოქალაქო ხელისუფლების მიერ.

(მოც. 31; II მსოფ. 6; III მსოფ. 3; IV მსოფ. 18; ტრულ. 31, 34; ლანგ. 6; სარდ. 14; კართ. 11, 13, 15; ბასილი დიდის 1)

იხილეთ მოციქულთა 31-ე კანონის განმარტება, რომელიც ანტიოქიის ამ კანონში მეორდება. ერთადერთი რაც აქ დამატებულია, ეს არის ის, რომ განკვეთილი დანაშაუვ გადაეცემა სამოქალაქო ხელისუფლებას, რომელიც მას დასჯის, როგორც მემბოხეს. ეს კანონიკური განწესება მეტად საყურადღებოა, რამეთუ აჩვენებს, რომ სამოქალაქო ხელისუფლებას არ შეუძლია დასაჯოს არც ერთი მღვდელი ან დიაკონი, სანამ ის სასულიერო ხარისხშია; ეს მხოლოდ ეკლესიას შეუძლია თავისი საშუალებებით (ამის შესახებ იხ. მოციქულთა მე-5 კანონის განმარტება). როდესაც ეკლესიის სასჯელი უშედეგოა, მაშინ საეკლესიო ხელისუფლება მას ხარისხი-

დან განკვეთს და დამნაშავე პირი გადაჰყავს ერისკაცთა რიგში, რის შემდეგაც მას უკვე სამოქალაქო ხელისუფლებას გადასცემს, რომელიც მას სჯის როგორც ერისკაცს და არა როგორც სასულიერო პირს. ასეთი კანონიკური განწესების საფუძველი დევს თვით სასულიერო წოდების ცნებასა და სასულიერო პირის მნიშვნელობაში, ვიდრე ის ხარისხში იმყოფება. რამდენადაც დიდად მნიშვნელოვანია ეს კანონიკური განწესება მღვდლებისა და დიაკვნებისათვის, იმდენად უფრო მნიშვნელოვანია იგი ეპისკოპოსებისათვის, რომლებიც უბედურმა შემთხვევამ ისეთ მდგომარეობაში ჩააყენა, რომ საჭირო გახდა დასასჯელად მათი გადაცემა სამოქალაქო ხელისუფლებისათვის. ამის შესახებ ჩვენ ვსაუბრობთ კართაგენის 48-ე კანონის განმარტებაში.

კანონი 6

თუ ვინმე განყენებული იქნება თავისი ეპისკოპოსის მიერ საეკლესიო ერთობისაგან, — ესევეთარს მანამდე ნუ მიიღებს სხვა ეპისკოპოსი თანაზიარებაში, ვიდრე მას თავისი ეპისკოპოსი არ შეიწყნარებს, ანდა როცა კრება შედგება და ის, იქ წარმდგარი, თავს გაიმართლებს და დაარწმუნებს რა კრებას, მისგან გამართლებას მიიღებს. იგივე განწესება იქნეს დაცული ერისკაცების, მღვდლების, დიაკვნებისა და ყველას მიმართ, ვინც კი საეკლესიო დასის წევრია.

(მოც. 12, 13, 16, 32; I მსოფ. 5; II მსოფ. 6; სარდ. 13; კართ. 11, 29, 133; სოფ. 1)

იხილეთ მოციქულთა 32-ე კანონის განმარტება.

კანონი 7

უცხოთაგან არავინ იქნეს მიღებული სამშვიდობო ეპისტოლეს გარეშე.
(მოც. 12, 13, 32, 33; IV მსოფ. 11, 13; ტრულ. 17; ანტოქ. 8, 11; ლაოდ. 41, 42; სარდ. 7, 8, 9; კართ. 23, 106)

IV მსოფლიო კრების მე-11 კანონის განმარტებაში ნათქვამია, თუ რას ნიშნავს ამ კანონში მოხსენიებული სამშვიდობო ეპისტოლე.

კანონი 8

სოფლის მღვდლები არ აგზავნიან კანონიკურ ეპისტოლეებს, მხოლოდ წერილის გაგზავნა შეუძლიათ მეზობელი ეპისკოპოსებისადმი. ხოლო უმწიკვლო ქორეპისკოპოსები, დაე, სამშვიდობო ეპისტოლეებს გასცემდნენ.

(მოც. 12, 13, 33; IV მსოფ. 11, 13; ტრულ. 17; ანკირ. 13; ანტოქ. 10; ლაოდ. 42, 57; კართ. 32, 106)

კანონიკური ეპისტოლე ეწოდება ყველა ოფიციალურ მოწმობას, რომელიც გარკვეულ პირს ეძლევა მმართველი სასულიერო ხელისუფლების მიერ. მოციქულთა

მე-12, IV მსოფლიო კრების მე-11 და ტრულის კრების მე-17 კანონების განმარტებებში ჩვენ უკვე ვისაუბრეთ იმის შესახებ, რომ კანონებში მოიხსენიება სამი სახის ეპისტოლე, რას აღნიშნავს თითოეული მათგანი და რა შემთხვევაში გაცივმიან. კანონიკური ეპისტოლეს გაცივმის უფლება აქვს მმართველ ეპისკოპოსს. რაც შეეხება ქორეპისკოპოსებს, კანონი აღნიშნავს, რომ მათ მხოლოდ სამშვიდობო ეპისტოლეს გაცივმის უფლება აქვთ და ისიც მხოლოდ იმ შემთხვევაში, თუ თავად არიან უმწიკვლონი. სხვაგვარად ისინი ამას ვერ გააკეთებენ. სოფლის მღვდლებს კანონი უკრძალავს კანონიკური ეპისტოლეების გაცივმას. სოფლის მღვდლებში არ უნდა ვიგულისხმეთ ჩვეულებრივი მღვდლები, რომლებიც სოფლის სამრევლოებში მსახურობენ, რადგან მაშინ გაუგებარი იქნებოდა, თუ რატომ არ მოიხსენიებს კანონი ქალაქის მღვდლებს, რომლებიც, როგორც ვიცით, უპირატესობას ფლობენ სოფლის მღვდლებთან მიმართებით. კანონში მოხსენიებული მღვდლების შესახებ არისტინე, ამ კანონის განმარტებაში ამბობს, რომ ისინი იყვნენ უპირატესნი სოფლის მღვდლებს შორის, ბალსამონი მათ პროტოპოსებს (პროტოპრესვიტერებს, πρωτοπρεσβυτεροι)* უწოდებს. რუსულ ეკლესიაში მათ „ბლაგოჩინებს“ უწოდებენ. შესაბამისად, ეს სოფლის უფროსი მღვდლები, როგორც ჩანს, ამ კრებამდე გაცემდნენ კანონიკურ ეპისტოლეებს, კანონი კი ამას არაკანონიერ ქმედებად აფასებს და შემდგომში მათ უკრძალავს ასეთი ეპისტოლეების გაცივმას. თუკი რომელიმე კლირიკოსი მეზობელი ეპისკოპოსის სამთავროში მოისურვებს გადასვლას, მაშინ მოხსენიებულ მღვდლებს უფლება აქვთ გაუგზავნონ ამ მეზობელ ეპისკოპოსს თავისი შეფასება ანუ ჩვეულებრივი წერილი (ἐπιστολήν, ეპისტოლე), რომლითაც დაამოწმებენ, რომ აღნიშნული პირის პიროვნება, როგორც კლირიკოსის, მათთვის ცნობილია და წერენ ერთგვარ დახასიათებას. ასეთ წერილებს არ ჰქონდათ ფორმალური კანონიკური ეპისტოლეების მნიშვნელობა, რადგან კანონიკური ეპისტოლეების გაცივმა, კანონის თანახმად, მხოლოდ მმართველ ეპისკოპოსებს შეუძლიათ ან მათი კურთხევით – ქორეპისკოპოსებს.

კანონი 9

ყოველ სამთავროში ეპისკოპოსები უნდა სცნობდნენ სამიტროპოლიტოში მმართველ ეპისკოპოსს, რომელსაც მთელ სამთავროზე მზრუნველობა აქვს დაკისრებული, რადგან სამიტროპოლიტოში თავს იყრიან სხვადასხვა საქმეზე ყველა მხრიდან ჩამოსულები. ამიტომ განვაწესებთ, რომ იგი პატივითაც უპირატესი იყოს და სხვა ეპისკოპოსებმაც მის გარეშე განსაკუთრებულად მნიშვნელოვანი არაფერი მოიმოქმედონ, – ჩვენი მამების მიერ ძველთაგანვე მიღებული წესისამებრ, – გარდა იმ საქმეებისა, რომლებიც მხოლოდ თითოეული მათგანის ეპარქიასა და მათ საზღვრებში არსებულ დაბა-სოფლებს ეხება. რამეთუ ყოველ ეპისკოპოსს თავის ეპარქიაში აქვს ხელმწიფება, და დაე, განაგებდეს კიდევ მას თითოეულისათვის შესაფერისი წინდახედულობით, და მთელ იმ მხარეზეც იზრუნოს, რომელიც მის

*ათნის სინტაგმა, III, 40.

ქალაქზეა დამოკიდებული; დაადგინოს მღვდლები და დიაკვნები, და ყველა იქაური საქმე გონივრულად განაგოს. ხოლო ამის ზევით ნურაფრის ქმნას ნუ განიზრახავს სამიტროპოლიტოს ეპისკოპოსის (მიტროპოლიტის) გარეშე; ასევე, ესეც (მიტროპოლიტი) – ეპისკოპოსთა თანხმობის გარეშე.

(მოც. 34; I მსოფ. 4, 6, 7; II მსოფ. 2, 3; III მსოფ. 8; IV მსოფ. 28; ტრულ. 36, 39)

ეს კანონი წარმოადგენს მოციქულთა 34-ე კანონის დამატებას და უფრო დაწვრილებით მოიხილავს მასში განხილულ საკითხს. მოციქულთა კანონში ნათქვამია, რომ ყოველი ერის ეპისკოპოსი, ანუ ეპისკოპოსები თითოეული ცალკეული ადგილობრივი ეკლესიისა, თავის უხუცესად (უპირატესად) უნდა მიიჩნევდნენ იმ ეპისკოპოსს, რომელსაც მათ შორის პირველი (მთავარი) კათედრა უპყრია. ანტიოქიის წინამდებარე კანონში იგივეა გამოხატული, ოღონდ სხვა სიტყვებით – შესაბამისობაში პირველი მსოფლიო კრების შემდგომ დამტკიცებული ტერმინოლოგიისა საეკლესიო მოწყობის შესახებ. აქ ნათქვამია, რომ თითოეულ ეპარქიაში ეპისკოპოსები უნდა სცნობდნენ სამიტროპოლიტოში მთავარ ეპისკოპოსს, ანუ უნდა აღიარებდნენ და თვლიდნენ უპირატეს მიტროპოლიტად აღებულ სამიტროპოლიტო სამთავროში. სამიტროპოლიტო სამთავრო, ეკლესიის ძველ დროში შეესაბამებოდა ადგილობრივ ეკლესიას და თავის შინაგან მოწყობაში სრულიად დამოუკიდებელი იყო. ეს მტკიცდება პირველი ოთხი საუკუნის (V საუკუნის პირველ ნახევრამდე) ეკლესიის ისტორიით, როდესაც IV მსოფლიო კრებამ ამასთან დამოკიდებულებით მოახდინა ერთგვარი გადაწყობა, რის შესახებაც ბალსამონი მსოფლიო კრების მე-2 კანონის განმარტებაში საეხებით სწორად შენიშნავს, რომ ძველ დროში ყველა ეპარქიის მიტროპოლიტი დამოუკიდებელი იყო და დგინდებოდნენ მხოლოდ თავისი კრებების მიერ.*

კანონი 10

წმინდა კრებამ კეთილად განაგო, რომ დაბეზსა და სოფლებში მოღვაწე ეკლესიების წინამძღვრებმა, ანუ ეგრეთ წოდებულმა ქორეპისკოპოსებმა, იცოდნენ თავიანთი ხელმწიფების საზღვრები, – თუნდაც მათ ეპისკოპოსობის წესით ჰქონდეთ მიღებული ხელდასხმა, – რომ მხოლოდ თავიანთ დაქვემდებარებაში მყოფი ეკლესიები უნდა განაგონ და ამით შემოიფარგლონ მზრუნველობასა და განკარგულებებში; დაადგინონ წიგნის მკითხველები, აზოდიაკვნები და მათუცებელნი, და დაკმაყოფილდნენ მხოლოდ ამ წოდებათა კურთხევით, ხოლო მღვდლის ან დიაკვნის დადგინებაზე არ გაკადნიერდნენ იმ ქალაქში მოღვაწე ეპისკოპოსის ნებართვის გარეშე, რომელსაც ქორეპისკოპოსი და მისი განსაგებელი მხარე ემორჩილება. ხოლო თუ ვინმე გაბედავს ამ განწესების დარღვევას, დაე, იმ პატივსაც მოაკლდეს, რომელიც აქვს. თავად ქორეპისკოპოსი კი დგინდება იმ ქალაქის ეპისკოპოსის მიერ, რომელსაც მისი მხარე ექვემდებარება.

*ათენის სინჯავმა, II, 171.

(I მსოფ. 8; VII მსოფ. 14; ანკ. 13; ნეოკეს. 14; ანტიოქ. 8; ლაოდ. 57; ბასილი დიდის 89)

ქორეპისკოპოსების შესახებ ჩვენ ვისაუბრეთ ანკირიის კრების მე-13 კანონის განმარტებაში, სადაც ენახეთ, რომ ისინი ხშირად ცდილობდნენ მიეთვისებინათ მთავარი ქალაქების ეპისკოპოსების უფლებამოსილება. სწორედ ამის წინააღმდეგ არის მიღებული წინამდებარე კანონი, რომელიც დაწერილებით განსაზღვრავს ქორეპისკოპოსების სამოღვაწეო ასპარეზს მათი მსახურების ადგილებში და ქორეპისკოპოსობის პატივის ჩამორთმევით ემუქრება მათ იმ შემთხვევაში, თუ ისინი გაკადნიერდებიან და გასცდებიან ამ კანონით მათთვის განსაზღვრულ სამოქმედო ფარგლებს.

კანონი 11

თუ რომელიმე ეპისკოპოსი, ან მღვდელი, ანდა საერთოდ, დასის სხვა რომელიმე წევრი, სამთავროს ეპისკოპოსების ნებართვისა და მათ მიერ გაკეცილი კანონიერი ეპისტოლეს გარეშე, და მით უფრო – მიტროპოლიტის ნებართვის გარეშე, გაბედავს მეფესთან მისვლას, ესევეთარი, დაე, განყენებულ იქნეს და მოაკლდეს არამხოლოდ თანაზიარებას, არამედ იმ ღირსებასაც, რომელიც ჰქონდა, ვითარცა გაკადნიერებული – ეკლესიის წესების საწინააღმდეგოდ – ჩვენი ღვთისმოყვარე მეფე შესმენით შეეწუხებინა. ხოლო, თუკი ვინმეს აუცილებელი საჭიროება აიძულებს მეფეს მიმართოს, მაშინ ესევეთარმა, დაე, მიტროპოლიტისა და თავისი სამთავროს ეპისკოპოსების განხილვითა და ნებართვით მოიმოქმედოს ეს, და სათანადო ეპისტოლეებიც მიიღოს მათგან.

(II მსოფ. 6; სარდ. 7, 8, 9, 21; ანტიოქ. 12; კართ. 104, 106)

უწესრიგობანი, რომლებსაც IV საუკუნის პირველ ნახევარში ეკლესიაში არიანელები და ნახევრადარიანელები ქმნიდნენ, განსაკუთრებით კი იმით, რომ ეს მწვალებელი ეპისკოპოსები და სხვა კლირიკოსები – მართლმადიდებელი ეპისკოპოსების მიერ განკეცილნი – უშუალოდ მეფეს მიმართავდნენ და მის მფარველობას ეძებდნენ, გახდა ამ კანონის მიღების მიზეზი. ის მკაცრად უკრძალავს ეპისკოპოსებსა და სხვა კლირიკოსებს მეფის სასახლეში გამოცხადებას განსაკუთრებული საჭიროების გარეშე, ამასთან, კანონი განაწესებს, რომ ამ კანონის დამრღვევი არა მხოლოდ განიყენება, არამედ განიკეცილება კიდევ თავისი ღირსებიდან. იმ შემთხვევაში კი, თუ ვინმეს გადაუდებელი საქმე აქვს და აუცილებლად საჭიროებს მეფის სასახლეში მისვლას, კანონი განაწესებს, რომ ეს მან უნდა გააკეთოს მხოლოდ და მხოლოდ მმართველი მიტროპოლიტის ან ეპისკოპოსთა კრების ნებართვით, რომელიც მასზე შესაბამის სიგელს* გასცემს. თუკი რომელიმე ეპისკოპოსი ადგაქალაქში იმყოფება სამსახურებრივი მოვალეობით, მისი ზემდგომი

*სათანადო სახის ეპისტოლე – „განსატყეპელი წიგნი“.

ხელისუფლების კურთხევითა და რწმუნებით, ასეთ შემთხვევაში, – როგორც ბალსამონი აღნიშნავს ამ კანონის განმარტებაში, – მას არავინ უშლის მივიდეს მეფესთან მის მიმართ პატივისცემის გამოსახატავად და, იმავდროულად, უთხრას რაც ნებავს.*

პანოცო 12

თავისი ეპისკოპოსის მიერ ხარისხიდან განკვეთილი მღვდელი ან დიაკონი, ან თუნდაც ეპისკოპოსი, კრების მიერ განკვეთილი, არ უნდა გაკადნიერდეს მეფე შესმენით შეაწუხოს, არამედ, მართებულია მიმართოს ეპისკოპოსთა დიდ კრებას, და ის, რაშიც პკონებს რომ მართალია, შესთავაზოს ეპისკოპოსთა უმრავლესობას და მათ მიერ გამოძიებულსა და განჩინებულს დასჯერდეს. ხოლო თუ მათ უგულვებელყოფს და მეფეს შეაწუხებს, ესევეთარი, დაე, ნუ იქნება ღირსი რაიმენაირი შენდობისა, და ნურც თავის მართლების საშუალება მიეცემა მას, და ნულარც ხარისხში აღდგენის იმედი ექნება.

(მოც. 28, 74; II მსოფ. 6; IV მსოფ. 9, 17, 29; სარდ. 7, 8, 9, 14, 21; ანტიოქ. 4, 11, 15; კართ. 29, 65, 104, 105, 106)

მოციქულთა 28-ე კანონისა და, აგრეთვე, ტრულის კრების მე-9 და მე-17 კანონების განმარტებებში, ჩვენ ვისაუბრეთ საეკლესიო-სასამართლო ინსტანციების შესახებ. იგივე საკითხზე საუბრობს წინამდებარე კანონიც და მოიხსენიებს ეპისკოპოსთა კრებას, როგორც უმაღლეს ინსტანციას, რომელსაც შეუძლია მიმართოს ნებისმიერმა პირმა, ვინც უკმაყოფილო იქნება მის მიმართ დაბალი ინსტანციის მიერ გამოტანილი განაჩენით. თავისი ეპისკოპოსის მიერ გასამართლებულ მღვდელს ან დიაკონს შეუძლია მიმართოს ეპარქიალურ კრებას მმართველი მიტროპოლიტის თავმჯდომარეობით, ხოლო ეპარქიალური კრების მიერ გასამართლებულ ეპისკოპოსს, როგორც კანონი ამბობს, შეუძლია მიმართოს უმაღლეს კრებას, ანუ ამის რწმუნების მქონე საეკლესიო სამთავროს ყველა ეპისკოპოსისგან შემდგარ კრებას (ანტიოქ. მე-15), რომელიც ზოგ შემთხვევაში შეიძლება გაძლიერებული იყოს მეზობელი სამიტროპოლიტო სამთავროს რამდენიმე ეპისკოპოსით (ანტიოქ. მე-14). ასეთი დიდი წარმომადგენლობითი კრების მიერ გამოტანილი განაჩენი, საბოლოო იყო და მის შემდეგ აღარ რჩებოდა გზა სხვა რომელიმე სასამართლოსათვის მიემართათ. ანტიოქიის კრება ამტკიცებს იმას, რაც დადგენილი იყო ჯერ კიდევ მოციქულთა კანონებით (28-ე და 74-ე), და თავის ყურადღებას იმაზე აჩერებს, რომ ზოგიერთი მღვდელი, დიაკონი და ეპისკოპოსიც კი, უკმაყოფილონი რწმუნებული საეკლესიო სასამართლოს მიერ გამოტანილი განაჩენით, მიმართავდნენ მეფეს და მისგან ითხოვდნენ შუამდგომლობას გამოტანილი განაჩენის შესაცვლელად. ამ კანონით ანტიოქიის კრება მთელი კატეგორიულობით გმობს მსგავს ქმედებებს და აცხადებს, რომ გამოტანილი განწესების ყველა დამრღვევი პირი ყოველგვარ

*ათენის სინტაგმა, III, 145.

უფლებას კარგავს იქონიოს შემდგომი გამართლების მცდელობა და მიტევების მიღების იმედი. წარმოდგენილ კანონში ლაპარაკია საეკლესიო ხასიათის სასამართლო საქმეებზე და ამგვარი საქმეების გადასაწყვეტად იგი კრძალავს მეფისადმი მიმართვას, ანუ სამოქალაქო სასამართლოსადმი. კანონი სასულიერო პირებს უკრძალავს სამოქალაქო სასამართლოსადმი მიმართვას სამოქალაქო ხასიათის საქმეებთან დაკავშირებითაც და ბრძანებს, რომ ამ სახის საქმეებიც საეკლესიო სასამართლომ უნდა გადაწყვიტოს, თუმცა, გამონაკლისი დაშვებულია რაიმე განსაკუთრებული შემთხვევისათვის (იხ. IV მსოფლიო კრების მე-9 კან. და მისი განმარტება).

კანონი 13

ეპისკოპოსთაგან ნურავინ გაკადნიერდება ერთი ეპარქიიდან მეორეში გადავიდეს, ან იქ ვინმე ღვთისმსახურების აღსასრულებლად დაადგინოს, ან სხვებიც თან წაიყვანოს უნებართვოდ, როცა იქ ჩავა ექაური მიტროპოლიტისა და ეპისკოპოსების ეპისტოლარული მიწვევით. ხოლო, თუ ყოველგვარი მიწვევის გარეშე გადავა სხვა ეპარქიაში და, მაშასადამე, წესის დარღვევით, — ზოგიერთთა ხელდასახმელად და იქ საეკლესიო საქმეთა მოსაწყობად, რაც მის ხელმწიფებაში არ შედის, — ასეთ შემთხვევაში, ყოველივე, მის მიერ აღსრულებული, უქმია; თავად კი, თავისი უწესობისა და უგუნური წამოწყებისათვის, დაე, შესაფერისად დაისაჯოს წმინდა კრების მიერ, რაც ხარისხიდან მის დაუყოვნებლივ განკვეთაში მდგომარეობს.

(მოც. 14, 35; I მსოფ. 15; II მსოფ. 2; III მსოფ. 8; IV მსოფ. 5; ტრულ. 17; ანკე. 13; ანტიოქ. 21, 22; სარდ. 3, 15; კართ. 48, 54)

იხილეთ მოციქულთა 35-ე კანონის განმარტება.

კანონი 14

თუ რომელიმე ეპისკოპოსი განისჯება რაიმე ბრალდებით და ისე მოხდება, რომ იმ სამთავროს ეპისკოპოსებს უთანხმოება ექნებათ მის გამო: ერთნი უდანაშაულოდ აღიარებენ მას, მეორენი კი — დამნაშავედ, მაშინ ყოველგვარი ეჭვის გასაფანტავად, წმინდა კრებას სათნოდ უზანს, რომ სამთავროს მიტროპოლიტმა მოიწვიოს მახლობელი სამთავროდან ზოგიერთი სხვა ეპისკოპოსი, რომლებიც ხელახლა განიხილავენ საქმეს და აღმოფხვრიან ეჭვებს, რათა მათ ამ სამთავროს ეპისკოპოსებთან ერთად დაამტკიცონ ის, რაც დადგენილი იქნება.

(მოც. 28, 74; II მსოფ. 6; III მსოფ. 1; IV მსოფ. 9, 17; ანტიოქ. 4, 12, 15; სარდ. 3, 4, 15)

ანტიოქიის კრების ზოგიერთი კანონის მიღების მიზანი იყო ეპისკოპოსთა კრების ავტორიტეტის უზრუნველყოფა და განმტკიცება თითოეულ, ცალკე აღებულ სასა-

მართლო საქმეში; განსაკუთრებით იმ საქმეებში, რომლებიც ეპისკოპოსების მიმართ იყო აღძრული (მე-4, მე-12, მე-15). თუკი საჩივარი განიხილებოდა რომელიმე ეპისკოპოსის მიმართ და კრების ყველა წევრი, ანუ ეპარქიის თითოეული ეპისკოპოსი თავიანთ მიტროპოლიტთან ერთად თანახმიერნი იყვნენ და მათი განაჩენი ერთაზროვნების შედეგს წარმოადგენდა, მაშინ, ასეთ შემთხვევაში, განაჩენი შეუცვლელ ხასიათს იღებდა და მის წინააღმდეგ აპელირება შეუძლებელი ხდებოდა (ანტიოქ. მე-15). ხოლო თუ ეპისკოპოსებს შორის ერთაზროვნებას აღგილი არა აქვს და კრების მიერ ბრალდებულ ეპისკოპოსზე საჩივრის განხილვისას მათი შეხედულება განსხვავდება, მაშინ კანონი მიტროპოლიტს განუწესებს სადავო საკითხის გადასაჭრელად მოიწვიოს ახლომდებარე სამთავროებიდან რამდენიმე ეპისკოპოსი – ამა თუ იმ მხარისათვის მათი ხმების მისამატებლად, რის საფუძველზეც კრება უკვე საბოლოო გადაწყვეტილებას იღებს და თავისი განაჩენი გამოაქვს. კანონით ეს განიწესება სასამართლოში პირუთენელობის დასაცავად და განაჩენის სა-მართლიანობასთან დაკავშირებით ყოველგვარი ეჭვის გასაფანტავად.

კანონი 15

თუ რომელიმე ეპისკოპოსი, დადანაშაულებული რაღაც ქმედებებში, განიხილება იმ სამთავროს ყველა ეპისკოპოსის მიერ, და ყველა ისინი თანახმიერად გამოუტანენ მას ერთ სასჯელს, – ესევეთარს, დაე, ნუ განსჯიან სხვა ეპისკოპოსები, არამედ მტკიცე იყოს სამთავროს ეპისკოპოსთა ერთაზროვანი გადაწყვეტილება.

(მოც. 28, 74; I მსოფ. 5; II მსოფ. 6; IV მსოფ. 9, 17; ანტიოქ. 4, 12, 14; სარდ. 3, 4, 5; კართ. 29, 65; ბასილი დიდის 88)

წინამდებარე კანონი ამბობს, რომ განაჩენი, რომელიც კრებაზე ყველა ეპისკოპოსისა და მათი მიტროპოლიტის მიერ ერთხმად არის მიღებული, – კანონიერად ამ კრებას დაქვემდებარებული რომელიმე ეპისკოპოსის მიმართ საჩივართან დაკავშირებით, – უნდა იყოს მტკიცე და შეუცვლელი. ამით ეს კანონი აკეთებს დამატებას და ასრულებს ამ საკითხის განხილვას, რომელსაც კრება მანამდე შეეხო თავის მე-4, მე-12 და მე-14 კანონებში. მსგავსი განაჩენის შემდეგ, რომელიმე სხვა საამართლოს წინაშე აპელაცია დაუშვებელია.

კანონი 16

თუ რომელიმე უეპარქიო ეპისკოპოსი შეიჭრება ეკლესიაში, რომელსაც ეპისკოპოსი არ ჰყავს და მიიტაცებს მის საყდარს (კათედრას) სრული კრების ნებართვის გარეშე, ესევეთარი განკვეთილ იქნეს, თუნდაც იგი მთელი იმ ერის მიერ იყოს არჩეული, რომლის მმართველობაც მან მიიტაცა. სრული კრება კი არის ის, რომელსაც, სხვებთან ერთად, მიტროპოლიტიც ესწრება.

(მოც. 14; I მსოფ. 15; IV მსოფ. 5; ტრულ. 20; ანტიოქ. 21; სარდ. 1, 2, 17; კართ. 48)

ზოგადად, თავისუფალი ეპისკოპოსი კანონებში ეწოდება იმ ეპისკოპოსს, რომელიც კანონიერად არის დადგინებული რომელიმე გარკვეული ეკლესიისათვის, მაგრამ, რომელშიც იგი, რაიმე ობიექტური მიზეზების გამო ვერ ახერხებს შესვლას და, მაშასადამე, არ შეუძლია იქ თავისი საეპისკოპოსო მსახურება აღასრულოს. ზუსტად ასევე, დაქვრივებული ეკლესია ეწოდება ისეთ ეკლესიას, რომელსაც იერარქიული მოწყობის თანახმად შეეძლო ჰყოლოდა თავისი ეპისკოპოსი, მაგრამ არ ჰყავს ან მისი გარდაცვალების გამო ან სხვა რამე ობიექტური მიზეზიდან გამომდინარე, წინამდებარე კანონი ლაპარაკობს თავისუფალ ეპისკოპოსზე, რომელიც თვითნებურად იკავებს რომელიმე ეკლესიაში გათვისუფლებულ საეპისკოპოსო კათედრას და იქ იწყებს ეპისკოპოსის უფლებებით სარგებლობას. ასეთი თვითნებური ქმედებისათვის კანონი განაწესებს მისი ხარისხიდან განკვეთას და ამას მოითხოვს იმ შემთხვევაშიც კი, თუ იმ დაქვრივებული ეკლესიის მრევლი გამოხატავს სურვილს იყოლოს იგი თავის ეპისკოპოსად. ასეთი აკრძალვის საფუძველი ის არის, რომ გარკვეული ადგილისათვის ეპისკოპოსების გამორჩევისა და დადგინების უფლება უპირველეს ყოვლისა აქვს ეპისკოპოსთა კრებას, თანაც კრებას სრული შემადგენლობით და მმართველი მიტროპოლიტის თაემჯდომობით. მხოლოდ ასეთი სრული კრების უფლებამოსილებად თელის კანონი იმის განსაზღვრას, საჭიროა თუ არა მმართველობაში გადაეცეს თავისუფალ ეპისკოპოსს გათავისუფლებული საეპისკოპოსო კათედრა მთელი თავისი იერარქიული უფლებებით.

პანოვო 17

თუ რომელიმე ეპისკოპოსი, რომელმაც ეპისკოპოსობის ხელდასხმა მიიღო და განწესებულ იქნა მრევლის სამართავად, არ მიიღებს ამ მსახურებას და არ დათანხმდება წავიდეს მისთვის რწმუნებულ ეკლესიაში, — ესევეთარი, დაე, განყენებულ იქნეს საეკლესიო ერთობისაგან, სანამ, იძულებული, მსახურებას არ შეუდგება, ანდა სანამ იმ სამთავროს ეპისკოპოსთა სრული კრება მის შესახებ რაიმე განჩინებას არ გამოიტანს.

(მოც. 36; I მსოფ. 16; IV მსოფ. 29; ტრულ. 87; ანკირ. 18; ანტიოქ. 18; ორგ. ზ. 17; კირილე ალექსანდრიელის 1, 2, 3)

პანოვო 18

თუ ვინმე, ეპისკოპოსად დადგინებული, არ წავა მსახურებისათვის მისთვის განწესებულ საზღვრებში არა თავისი მიზეზით, არამედ — ან ერის მიერ მისი არმიღების, ანდა სხვა რამ, მისგან დამოუკიდებელი მიზეზის გამო, — ესევეთარი, დაე, მონაწილე იყოს საეპისკოპოსო პატივისა და მსახურებისა, მაგრამ ოდნავადაც არ ჩაერიოს იმ ეკლესიის საქმეებში, სადაც იმყოფება და დაელოდეს, თუ რას გადაწყვეტს მის შესახებ იმ სამთავროს სრული კრება მას შემდეგ, რაც მისი საქმე წარედგინება.

(მოც. 36; I მსოფ. 16; IV მსოფ. 29; ტრულ. 37; ანკირ. 18; ანტიოქ. 17; ორგ. ზ. 17; კირილე ალექსანდრიელის 1, 2, 3)

ორივე ეს კანონი (მე-17 და მე-18) იმეორებს მოციქულთა 36-ე კანონის განწესებას, რომლის განმარტებაც ამ კანონების განმარტებასაც ემსახურება. ორივე მათგანი ამატებს მხოლოდ იმას, რომ საბოლოოდ, ეპისკოპოსის საქმის გადაწყვეტა, რომელსაც არ სურს ჩაიბაროს მისთვის განწესებული საეპისკოპოსო კათედრა, ან რომელსაც არ იღებს მისთვის მინდობილი ეკლესიის მრევლი, ეკუთვნის სრულ ეპარქიალურ კრებას (ანტიოქ. მე-16).

კანონი 19

ეპისკოპოსის დადგინება დაუშვებელია კრებისა და სამთავროს მიტროპოლიტის გარეშე, და როცა კრებას მიტროპოლიტი ესწრება, უმჯობესი იქნება, თუ მასთან ერთად კრების მუშაობაში სამთავროს ყველა თანამწირველი ეპისკოპოსი მიიღებს მონაწილეობას; ჯეროვანია, მიტროპოლიტმა მოუწოდოს მათ ეპისტოლეს მეშვეობით, და თუ ყველა შეიკრიბება – უმჯობესია. ხოლო, თუ ეს გაძნელებდა, მაშინ მათი უდიდესი ნაწილი, მაინც, უსათუოდ უნდა ესწრებოდეს, ან სიგელებით გამოხატავენ საკუთარ თანხმობას. ამგვარად, ეპისკოპოსთა დიდი ნაწილის დასწრებით ან მათი თანხმობით აღსრულდეს ეპისკოპოსად დადგინება. ხოლო თუ ეს სხვაგვარად, ამ განჩინების საწინააღმდეგოდ მოხდება, მაშინ ხელდასხმას არ ექნება კანონიერი ძალა. ხოლო, თუ დადგინება აღსრულდება განჩინებული წესით, ზოგიერთნი კი შეეწინააღმდეგებიან მას თავიანთი ცილობისმოყვარეობის მიზეზით, მაშინ, დაე, გადასძალოს უმრავლესობის გადაწყვეტილებამ.

(მოც. 1; I მსოფ. 4,6; VII მსოფ. 3; ლაოდ. 12; სარდ. 6; კონსტ. 1; კართ. 13,49,50)

ამ კანონში ძირითად მეორდება I მსოფლიო კრების მე-4 და მე-6 კანონების განწესებანი, რომელთა განმარტებაც, იმავდროულად, ამ კანონის განმარტებასაც ემსახურება.

კანონი 20

საეკლესიო საჭიროებებისა და საეკვო შემთხვევების გადასაწყვეტად, სასიკეთოდ იქნა მიჩნეული შემდეგი: თითოეულ სამთავროში წელიწადში ორჯერ ჩატარდეს ეპისკოპოსთა კრება: პირველი – აღდგომის დღესასწაულის შემდეგ მესამე შვიდეულის განსრულებიდან, ისე რომ, სულთმოფენობიდან მეოთხე შვიდეულში დასრულდეს კრება, და ამის შესახებ, დაე, მიტროპოლიტი შეახსენებდეს ეპარქიის ეპისკოპოსებს; ხოლო მეორე კრება მოწვეულ იქნეს ოქტომბრის თვის მეთხუთმეტე დღიდან, რომელიც არის იპერევრეტეს* მებათე დღე. ამ კრებებს მიმართონ მღვდლებმა, დიაკვნებმა და ყველამ, ვინც თავს დაჩაგრულად თვლის, და დაე, კრებისგან მიიღონ მსჯავარი. მაგრამ არავის მიეცეს უფლება თავადვე მოაწყოს კრება იმ ეპისკოპოსთა გარეშე, რომელთაც მინდობილი აქვთ სამიტროპოლიტო.

(მოც. 37; I მსოფ. 5; II მსოფ. 2; IV მსოფ. 19; ტრულ. 8; VII მსოფ. 6; ლაოდ. 40; კართ. 18, 73)

*აღნიშნული თვის დასახელება სირია-მაკედონური კალენდრით.

ეს კანონი იმეორებს მოციქულთა 37-ე კანონის განწესებას; ამატებს მხოლოდ იმას, რაც მოიხსენიება ამ კრების რამდენიმე კანონში, სახელდობრ, სრულ ეპარქიალურ (სამიტროპოლიტო) კრებად ითვლება მხოლოდ ის კრება, რომელიც მოწვეულია მმართველი მიტროპოლიტის მიერ. სხვა დანარჩენთან დაკავშირებით იხილეთ მოციქულთა 37-ე და I მსოფლიო კრების მე-5 კანონების განმარტებებში.

კანონი 21

ერთი საზღვრის ეპისკოპოსი, დაე, ნუ გადავა მეორეში ნურც თვითნებური შეჭრით, ნურც ხალხისაგან მიმძლავრებით, ნურც ეპისკოპოსთა მხრივ იძულებით, არამედ, დაე, იმ ეკლესიაში იყოს, რომელშიც დასაწყისში მიიღო თავისი წილხვედრი მსახურება ღმერთისგან, და ნუ გადავა იგი იქიდან, თანახმად ამის შესახებ უწინ უკვე გამოტანილი განწესებისა.

(მოც. 14; I მსოფ. 15; IV მსოფ. 5; ტრულ. 20; ანტიოქ. 16; სარდ. 1, 2, 17; კართ. 48)

იხილეთ მოციქულთა მე-14 და I მსოფლიო კრების მე-15 კანონების განმარტებები.

კანონი 22

ეპისკოპოსი, დაე, ნუ გადავა სხვა ქალაქში, რომელიც მას არ ექვემდებარება, ნურც სოფელში, რომელიც მას არ ეკუთვნის – ვინმეს ხელდასახსმელად, და ნუ დაადგინებს მღვდლებსა თუ დიაკვნებს სხვა ეპისკოპოსისადმი დაქვემდებარებულ ადგილებში, გარდა იმ შემთხვევებისა, როცა ამას იმ მხარის ეპისკოპოსის ნებით იქმს. ხოლო თუ ვინმე გაკადნიერდება ამის საქმნელად, დაე, მისი ხელდასხმა გაუქმებულად გამოცხადდეს, თავად კი კრებისმიერ ეპიტიმისა დაექვემდებაროს.

(მოც. 35; I მსოფ. 15; II მსოფ. 2; III მსოფ. 8; IV მსოფ. 5; ტრულ. 17; ანკირ. 13; სარდ. 3, 15; კართ. 48, 54)

იხილეთ მოციქულთა 35-ე კანონის განმარტება.

კანონი 23

ეპისკოპოსს უფლება არა აქვს თავის სანაცვლოდ სხვა დაადგინოს მემკვიდრედ, თუნდაც სიცოცხლის დასასრულს იყოს მიწვეწული; ხოლო თუ რაიმე ამგვარი მოხდება, მაშინ ეს დადგინება, უქმად ჩაითვალოს. უნდა იქნეს დაცული საეკლესიო წესი, რომელიც განაჩინებს, რომ ეპისკოპოსი უნდა დადგინდეს არა სხვაგვარად, თუ არა კრების მიერ და ეპისკოპოსთა განწესებით, რომელთაც აქვთ ხელმწიფება ღირსეული გამოირჩიონ შესვენებული ეპისკოპოსის შემდეგ.

(მოც. 1, 30, 76; I მსოფ. 4; VII მსოფ. 3; კართ. 22, 49)

იხილეთ მოციქულთა 76-ე კანონის განმარტება.

კანონი 24

კეთილი საქმეა საეკლესიო ქონების მთელი გულმოდგინებითა და კეთილსინდისიერებით დაცვა ეკლესიისათვის, — ყოვლისმხედველი და ყოველთა მსაჯული ღმერთის რწმენით; მისი გონივრულად და ხელმწიფებით განკარგვა კი ეპისკოპოსს შეჰფერის, რომელსაც ეკლესიის წიაღში შეკრებილი ყველა ადამიანი და მათი სული აქვს მინდობილი. დაე, დაუფარავი და განცხადებული იყოს ეკლესიის ქონება მისი მღვდლებისა და დიაკვნებისათვის, ისე რომ, მათ იცოდნენ და უმეცრებაში არ რჩებოდნენ ყოველივე იმის შესახებ, რაც საკუთრივ ეკლესიას ეკუთვნის, და არაფერი იყოს მათგან დაფარული. ამდენად, თუ ეპისკოპოსი ამა ცხოვრებისაგან მიიცვალება, მაშინ ეკლესიის კუთვნილი ქონება, მისი განცხადებულობის წყალობით, აღარ იქნება გაფლანგული და დაკარგული, და არც ეპისკოპოსის საკუთრება იქნება ხელყოფილი ეკლესიის კუთვნილობის საბაბით. რამეთუ სიმართლეა და სათნოც, ღმერთისა და ადამიანთა წინაშე, რომ ეპისკოპოსის საკუთრება იმას დარჩეს, ვისთვისაც თვითონ ნებაგს დატოვება, ხოლო ეკლესიის ქონება შენარჩუნებულ იქნეს ისე, რომ არც ეკლესიას ადგებოდეს ზარალი და არც ეპისკოპოსმა დაკარგოს თავისი საკუთრება ეკლესიის კუთვნილობის საბაბით, ანდა მისმა ახლობლებმა არ დაიწყონ ცილობა, და ამით თავად იგიც უპატიო არ იქმნას გარდაცვალების შემდეგ. (მოც. 38, 39, 40, 41; IV მსოფ. 22; ტრულ. 35; კართ. 22, 26, 81)

იხილეთ მოციქულთა 38-ე და მე-40 კანონების განმარტებები.

კანონი 25

საეკლესიო ქონებაზე ხელმწიფება ეპისკოპოსს უნდა ჰქონდეს და მთელი წინდახედულობითა და ღვთის მოშიშებით განაგებდეს მას, — ყოველთა შეკრებულთა სასარგებლოდ; და თავადაც იღებდეს მისგან სათანადო ნაწილს, თუ ამის საჭიროება ექნება, თავისი აუცილებელი მოთხოვნილებებისა და, აგრეთვე, მწირთშემწყნარებელი ძმების საჭიროების დასაკმაყოფილებლად, რათა მათ არაფერში ჰქონდეთ ნაკლულევანება, ღვთაებრივი მოციქულის სიტყვისამებრ: „მაქუნდეს თუ საზრდელ და საფარ ქორცთა, ამათ კმა-ვიყოფდეთ ჩუენ“ (1 ტიმ. 6, 8). ხოლო, თუკი ამით არ დაკმაყოფილდება და თავისი სახლის საჭიროებისათვის მიაქცევს ნივთებს, და ეკლესიის შემოსავლებსაც ან მისი მიწების ნაყოფებს მღვდლებისა თუ დიაკვნების თანხმობის გარეშე განკარგავს, ძალაუფლებას კი მათზე თავის სახელულებსა და ნათესავეებს გადასცემს, ან ძმებს, ან შეილებს, რის გამოც საცნაური ხდება არეულობა საეკლესიო ანგარიშებში, — ესეეთთარმა, დაე, ანგარიში წარუდგინოს თავისი სამთავროს კრებას. მაგრამ, თუკი შეასმენენ ეპისკოპოსსა და მის დაქვემდებარებაში მყოფ მღვდლებზე იმის შესახებ, რომ ისინი თავიანთი სარგებლობისათვის მიაქცივენ ეკლესიის კუთვნილებას — მიწის ნაყოფებსა თუ სხვა საეკლესიო საკუთრებას, შეაჭირებენ რა

ამით ღეთის გლახაკებს, და საყვედურებსა და შეურაცხყოფას შეამთხევევენ საეკლესიო მოწყობასა და მის მმართველებს, – მაშინ ესევეითარმა მღვდელმსახურებმა, დაე, შესაფერისი გამოსწორება მიიღონ წმინდა კრების განწესებისამებრ.

(მოც. 38, 39, 40, 41; IV მსოფ. 26; VII მსოფ. 12; თეოფილე ალექსანდრიელის 10, 11; კირილე ალექსანდრიელის 2)

იხილეთ მოციქულთა 41-ე კანონის განმარტება.



ლაოდიკიის წმიდა აღბილობრივი კრება

ეს კრება შედგა დაახლოებით 343 წელს, ფრიგიის მთავარ ქალაქ ლაოდიკიაში. ესწრებოდა მცირე აზიის მრავალი ეპისკოპოსი. მიღებულ იქნა სხვადასხვა ხასიათის 60 კანონი. ყველა ისინი შესულია კანონიკურ კრებულებში.

ლაოდიკიის წმიდა აღბილობრივი კრების კანონები

კანონი 1

თავისუფალი ნებითა და კანონის დაცვით შეუღლებულთ მეორე ქორწინებით, და არა ფარულად შეერთებულთ, მცირე დროის გასვლის შემდეგ, რომელსაც ლოცვასა და მარხვაში გაატარებენ, სულგრძელებიდან გამომდინარე, უნდა მიეცეთ ზიარების უფლება.

(მოც. 17; I მსოფ. 8; ტრულ. 3, 87; ანკირ. 19; ბასილი დიდის 4, 12, 87, 99)

მეორე ქორწინებაში, რომლის შესახებაც წინამდებარე კანონი ლაპარაკობს, ისეთი ქორწინებითი კავშირი უნდა ვიგულისხმოთ, რომელშიც შედის რომელიმე პირი თავისი პირველი მეუღლის გარდაცვალების შემდეგ, რომელმაც, თავისი გარდაცვალებით, გაათავისუფლა იგი (ქორწინების კავშირით შეკრული). ეს მეორედ დაქორწინება, რომელიც ორივე მეუღლის თავისუფალი ნებითა და კანონის დაცვით არის შემდგარი, საღვთო კანონებითაც ნებადართულია (იხ. რომ. 7, 3; 1 კორ. 7, 39), თუ მანამდე მათ შორის ფარულ ქორწინებას არ ჰქონია ადგილი, ანუ – ზონარას სიტყვებით ამ კანონის განმარტებიდან, – თუ დასაქორწინებულ პირებს ჯვრისწერამდე არ ჰქონიათ ერთმანეთთან ხორციელი კავშირი.* თუმცა, დროთა განმავლობაში, როდესაც ეკლესიაში დაიწყო უქორწინებლობის ისეთ სათნოებად მიჩნევა, რომელიც ქორწინებით ცხოვრებაზე უფრო აღმატებულია, მეორე ქორწინებასთან დამოკიდებულებაც უფრო გამკაცრდა; ბასილი დიდის სიტყვებით, მისი დაშვება მოხდა მხოლოდ, როგორც სიძვის საწინააღმდეგო წამალი (ბასილი დიდის 87-ე კან.). ლაოდიკიის ეს კანონი სწორედ ეკლესიის ამ აზრის გამოხატველია მეორედ დაქორწინების შესახებ, რომელიც, თუმც არ იკრძალება ეკლესიის მიერ, მაგრამ დაიშვება მხოლოდ შესაბამისი ეპიტიმის პირობით. კერძოდ, კანონი განაწესებს, რომ მეორედ დაქორწინებულებს ჯვრისწერის შემდგომ შეუძლიათ წმინდა ზიარება მიიღონ მხოლოდ გარკვეული ვადის გასვლის შემდეგ, ეს ვადა კი მათ ლოცვასა და მარხვაში უნდა გაატარონ. ბასილი დიდის მე-4 კანონის თანახმად, აღნიშნული ეპიტიმია ერთ წელიწადს უნდა გაგრძელდეს. ეკლესიის ასეთი მკაცრი შეხედულება მეორე ქორწინებაზე სხვა კანონებშიც არის გამოხატული: ა) მეორედ დაქორწინებული არ შეიძლება აყვანილ იქნეს სასულ-

*ათენის სინტაგმა, III, 170.

იერო ხარისხში (მოც. მე-17; ტრულ. მე-3; ბასილი დიდის მე-12), ბ) მღვდელს ეკრძალება მეორედ დაქორწინებულთა საქორწილო ღვინზე დასწრება (ნეოკეს. მე-7) და გ) მეორედ დამქორწინებელი იმავე წესით ვერ დაიწერენ ჯვარს, როგორც პირველად ქორწინებულნი (ნიკიფორე აღმსარებლის მე-2 კან.).

კანონი 2

სხვადასხვა ცოდვებში შთაგარდნილნი, რომელნიც არ ცხოვრობენ ღოცვით, აღსარების ჩაბარებითა და სინანულით, მაგრამ ბოროტ საქმეებს სრულიად არიან განშორებულნი, ღმერთის მოწყალებითა და სახიერებით დაშვებულ იქნენ ზიარების მისაღებად მას შემდეგ, რაც შეცოდების ზომისამებრ მიეცემათ დრო სინანულისათვის.

(მოც. 52; I მსოფ. 12; ტრულ. 43, 87; ანკირ. 2; ბასილი დიდის 74)

რადგანაც არ არსებობს ისეთი ცოდვა, რომელიც ღვთის მოწყალებას გადაწონიდა, ამიტომ წინამდებარე კანონი, ისევე, როგორც მოციქულთა 52-ე, განაწესებს, რომ ყოველი ცოდვილი, რომელიც გულწრფელად მოინანიებს და ცოდვას დაუტევებს, შეწყნარებულ უნდა იქნეს და მიეცეს მას წმინდა ზიარების უფლება, ამასთან, — ბალსამონის სიტყვებით ამ კანონის განმარტებიდან, — არა იმდენად ცოდვილის გულმოდგინე მონანიების შედეგად, რამდენადაც ღვთის მოწყალებისა და სახიერების გამო.*

კანონი 3

არაჯეროვანია მცირე ხნის წინ მონათლულების სამღვდლო ხარისხში კურთხევა.

(მოც. 61, 75, 80; I მსოფ. 2, 9; ნეოკეს. 9, 10; სარდ. 10; ორგ. ზ. 17; ბასილი დიდის 89; გრიგოლ ნოსელის 1, 4)

იხილეთ I მსოფლიო კრების მე-2 კანონის განმარტება.

კანონი 4

სამღვდლონი არ უნდა გასცემდნენ ფულს სარგებელით და არ უნდა იღებდნენ ვახშს, და ეგრეთ წოდებულ იმიოლიებს, ანუ აღნადგინებს.**

(მოც. 44; I მსოფ. 17; ტრულ. 10; VII მსოფ. 19; ლაოდ. 4; კართ. 5, 16; ბასილი დიდის 2, 14; გრიგოლ ნეოკესარიელის 3; გრიგოლ ნოსელის 6)

იხილეთ I მსოფლიო კრების მე-17 კანონის განმარტება.

*ათენის სინტაგმა, III, 173.

**ბეელი რომაული კანონებით ნებადართული ვახშის ყველაზე მძიმე სახე: „იღება ერთისა და ნახევრისა“, როდესაც მთელ გასესხებულ თანხას ემატებოდა მისი ნახევარი, ანუ წლიური 50%. იხ. „იდილი სჯულისკანონი“, გამომცემლობა „მეცნიერება“, 1975, გვ. 591. — შთარგ.

კანონი 5

საეკლესიო ხარისხებში გამორჩევა არ უნდა ხდებოდეს მსმენელთა თანდასწრებით.

(I მსოფ. 4; VII მსოფ. 3; ანტიოქ. 19, 23; ლაოდ. 12, 13; სარდ. 6; კონსტ. 1; კართ. 13, 49, 50)

სიტყვაში: „χειροτονία“ (ქიროტონია), რომელიც გამოყენებულია ტექსტის დედანში, გემართებს – როგორც ზონარა ამბობს ამ კანონის განმარტებაში* – ვიგულისხმობთ „გამორჩევა“ (φρῶς). იმის შესახებ, რომ ძველ დროში ეს სიტყვა ხშირად გამოიყენებოდა *გამორჩევის* მნიშვნელობით, ჩვენ უკვე ვისაუბრეთ მოციქულთა პირველი კანონის განმარტებაში, – იმავე ზონარას სიტყვების საფუძველზე.

ამგვარად, კანონის თანახმად, სასულიერო პირთა გამორჩევისას, არავის ეძლევა ნება მოისმინოს, თუ რას ამბობენ სხვადასხვა კანდიდატის შესახებ და, საერთოდ, უყურონ თუ რა ხდება იქ. კანონში გამოყენებულ სიტყვაში „ἀκροῦμαι“¹, რომელიც ლათინურ ენაზე თარგმნილია სიტყვით „audientes“², ხოლო, „კანონთა კრებულში“³ სიტყვით – „αὐθιχῶς“ (მსმენელნი), ძველი ლათინი კანონისტები გულისხმობდნენ მეორე საფეხურის მონაწილეებს – „ἀκροῦμαι“ (მსმენელებს), – რომელთა შესახებაც ჩვენ ვისაუბრეთ I მსოფლიო კრების მე-11 კანონის განმარტებაში, – ზოგიერთები კი (მაგ., *ისიდორე*) მათში კათაკმეველებს გულისხმობენ** (კათაკმეველების შესახებ იხ. I მსოფლიო კრების მე-14 კან. და მისი განმარტება). შესაძლოა, ეს კანონი ნიშნავდეს, რომ სასულიერო პირთა გამორჩევას მხოლოდ ეკლესიის სრულყოფილებიანი წევრები უნდა ახდენდნენ, და არა ისეთები, რომლებიც საკუთარი ცოდვების გამო მონაწილეთა რიგებში არიან განწესებულნი, ანუ რომლებიც კათაკმეველთა (ἁπλοῦς) მსგავსად, ასევე არ ითვლებოდნენ ეკლესიის სრულყოფილებიან წევრებად; განსაკუთრებით, თუ მხედველობაში მივიღებთ, რომ სიტყვა „ἀκροῦμαι“ ჩვეულებრივ აღნიშნავდა „მონაწილეებს“ – ამ შემთხვევაში, პირველი რიგის კათაკმეველებს [რომლებიც სინანულით მოექცნენ ქრისტიანობაში სხვა სარწმუნოებიდან]. თუმცა, თუ მხედველობაში მივიღებთ ამ კრების მე-12 და 33-ე კანონების განწესებებს, განსაკუთრებით მე-13 კანონისას, რომელიც კრძალავს „ხალხის თავშეყრას“ სასულიერო პირთა გამოსარჩევად, მაშინ უფრო ბუნებრივი იქნება ვივარაუდოთ, რომ ლაოდიკიის კრების ამ (მე-5) კანონით მამებს სურდათ აეკრძალათ საერთოდ ყველას დასწრება განურჩევლად, როდესაც სასულიერო პირთა გამორჩევა ხდებოდა და მხედველობაში არ ჰქონდათ არც *მონაწილნი* და არც მით უფრო *კათაკმეველნი*. საეკლესიო სწორად გადმოსცემს ამ კანონის აზრს ბალსამონი, როდესაც ამბობს: „რადგანაც გამორჩევის დროს ხშირად ხდება, რომ გამოსარჩევი პირის შესახებ ზოგჯერ რაღაც უარყოფითსაც იტყვიან, ამიტომ არ უნდა ხდებოდეს გამორჩევა ყველა მსურველის გასაგონად“***

*ათენის სინტაგმა, III, 173.

**იმავე აზრს ემხრობა ვან ესპენიცი და არქიმანდრიტი იოანეც.

***ათენის სინტაგმა, III, 175. ზონარაც ამავე აზრისაა.

პანონი 6

მწვალებლებს, რომლებიც ჩაფლულნი არიან მწვალებლობაში, არ უნდა მიეცეთ ღვთის სახლში შესვლის ნება.

(მოც. 10, 45, 54; III მსოფ. 2, 4; ლაოდ. 9, 32, 33, 34, 37; ტიმოთე ალექსანდრიელის 9)

„რომელი არა არს ჩემ თანა, მტერი ჩემი არს“ – ამბობს იესო ქრისტე (ლუკ. 11, 23; მთ. 12, 30), ხოლო ვინც ქრისტეს მტერია, ის მისი ეკლესიის მტერიც არის. ყოველი მწვალებელი გარეშეა ეკლესიისათვის, რაკი უარმყოფელია ქრისტიანული სარწმუნოების ამა თუ იმ საფუძვლისა. რაკი თრგუნავს გაცხადებულ ჭეშმარიტებას, მაშასადამე, იმასაც, ვინც ეს ჭეშმარიტება გააცხადა, ესე იგი, იესო ქრისტეს – ეკლესიის დამფუძნებელს. აქედან გამომდინარე, საესებთ ბუნებრივია, რომ ასეთ პირს აეკრძალოს ეკლესიური ღოცვა და ის მადლი, რომელიც მხოლოდ მართლმადიდებელი ეკლესიის საშუალებით შეუძლია აღამიანს მიიღოს; ასეთ პირს, როგორც ამას კანონი განაწესებს, უნდა აეკრძალოს ეკლესიაში შესვლა, – სადაც ეს მადლი მიიღება. შეკითხვაზე, შეიძლება თუ არა საღვთო ლიტურგიის აღსრულება, როდესაც ეკლესიაში ვინმე მწვალებელი დგას (განსაკუთრებით არიანელი), ტიმოთე ალექსანდრიელი პასუხობს, რომ ამის დაშეება შეიძლება მხოლოდ იმ შემთხვევაში, თუ მოხსენიებულმა მწვალებელმა იმის პირობა დადო, რომ განუდგება მწვალებლობას და მართლმადიდებლობას იწამებს (იხ. მისი მე-9 კან.).

პანონი 7

მწვალებლობათაგან მოქცეულნი, ანუ ნოვატიანნი, ფოტინიანნი თუ მეთოთხმეტეანნი: კათაკმეველნიც და მართალნიც – როგორც თავად ჰგონიანთ, – მანამდე არ უნდა მივიღოთ, სანამ არ დაგმობენ ყოველგვარ მწვალებლობას, განსაკუთრებით კი იმას, რომელშიც თავად იყვნენ შთავარდნილნი, და მხოლოდ ამის შემდეგ, მათგან მართლებად წოდებულნი, შეისწავლიან რა სარწმუნოების სიმბოლოს, ცხებულ იქნან წმინდა მირონით და ასე ეზიარონ წმინდა საიდუმლოებებს.

(მოც. 46, 47, 68; I მსოფ. 8, 19; II მსოფ. 1, 7; ტრულ. 95; ლაოდ. 8; ბასილი დიდის 1, 5, 47)

პანონი 8

ეგრეთ წოდებული ფრიგიელთა მწვალებლობისაგან მოქცეულნი, დაე, თუნდაც მათი არაჭეშმარიტი სამღვდლო დასის წევრები იყვნენ და უდიდესებადაც იწოდებოდნენ, მთელი გულმოდგინებით დამოძღვრონ განსამზადებლად და ისე მონათლონ ეკლესიის ეპისკოპოსებმა და მღვდლებმა.

(მოც. 46, 47, 68; I მსოფ. 8, 19; II მსოფ. 1, 7; ტრულ. 95; ლაოდ. 8; ბასილი დიდის 1, 5, 47)

ამ ორ კანონთან (მე-7 და მე-8) დაკავშირებით იხ. II მსოფლიო კრების 1 და მე-7 კანონების განმარტებები.

პანონი 9

არ მიეცეს ნება ეკლესიურებს მივიდნენ მწვალებელთა საფლავებზე ან მათგან სამარტილოდ წოდებულ ადგილებში, — არც სალოცავად და არც კურნებისათვის. ხოლო ვინც დადის, თუკი მართალნი არიან, გარკვეული დროით იქნენ განყენებულნი საეკლესიო ზიარებიდან. მაგრამ თუ მოინანიებენ და აღიარებენ, რომ შესცოდეს, შეწყნარებულ იქნენ თანაზიარებაში.

(მოც. 10, 11, 45, 46, 64, 70; III მსოფ. 2, 4; ლაოდ. 6, 32, 33, 34, 37; კართ. 83; ტიმოთე ალექსანდრიელის 9)

მართლმადიდებელთა მსგავსად, მწვალებლებსაც ჰყავდათ თავიანთი მოწამენი და განადიდებდნენ მათ, განსაკუთრებით — მონტანისტები და ფრიგიელები. ასეთ მოწამეთა შესახებ საუბრობს ევსების „ისტორიაში“ აპოლინარიოს იეროპოლელი. ესევეთარნი სინამდვილეში არსებობდნენ, რადგან, მიეკუთვნებოდნენ რა ამა თუ იმ მწვალებლობას და სწამდათ თავიანთი სწავლების შესაბამისად, საერთო ღვენილობის ჟამს სიამოვნებით მიდიოდნენ წამებაზე; მღევნელები მათ აწამებდნენ და სიკვდილით სჯიდნენ მართლმადიდებლებთან ერთად. იმ ადგილებს, სადაც მწვალებელ მოწამეებს ასაფლვეებდნენ, ისევე ეწოდებოდა „განსასვენებელი“, „სასაფლაო“, როგორც მართლმადიდებლებთან. ასე ეწოდებოდა იმ ადგილებს და ასე ეწოდება ახლაც, რადგან ქრისტიანებს სწამთ, რომ სიკვდილი სხვა არაფერია, თუ არა დროებითი განსასვენებელი, რომელშიც ადამიანი იმყოფება საყოველთაო აღდგომამდე. მოწამეთა სასაფლაოები „სამარტილოებად“ იწოდებოდნენ (წამების ადგილებად, μαρτυρια), მათში დასვენებული მოწამეების წმინდა ნაწილების გამო. პატრიისციუმის ნიშნად, ქრისტიანები ხშირად დადიოდნენ მათ საფლავებზე, ლოცულობდნენ და აღასრულებდნენ საღვთო მსახურებებს.* შემდგომში კი, მათ საფლავებზე ნამდვილი ტაძრებიც ააგეს. ქრისტიანების მაგალითისამებრ, თავინთ სამარტილოებაში იგივეს აკეთებდნენ მწვალებლებიც. ლაოდიკიის წინამდებარე კანონი უკრძალავს მართლმადიდებლებს, ან როგორც კანონის ტექსტშია ნათქვამი — „ეკლესიურებს“, ანუ ვინც ეკლესიას მიეკუთვნება, მივიდეს ლოცვისა და ღვთისმსახურებისათვის ასეთ მწვალებელურ ადგილებში, რადგან წინააღმდეგ შემთხვევაში შეიძლება მასში ეჭვი შეიტანონ როგორც ამა თუ იმ მწვალებლობის მიმდევარში და არ მიიჩნიონ სარწმუნოებით მართლმადიდებელ ქრისტიანად. ამ განწყობების დამრღვევი, თუკი ის მართალია, ესე იგი, ნათელბებული, გარკვეული დროით უნდა განიყენოს წმინდა ზიარებიდან და საზიარებლად დაშვებულ იქნეს მხოლოდ მას შემდეგ, რაც მოინანიებს და აღსარებაში იტყვის თავის ცოდვას. ხოლო კათაქმეველისთვის, რომელიც ამ ცოდვით შესცოდავდა, კათაქმეველობის ვადა გრძელდებოდა მმართველი ეპისკოპოსის შეხედულებისამებრ.

*ბევერეგას ამ კანონის განმარტებიდან.

კანონი 10

ეკლესიურები განურჩევლად არ უნდა შეაუღლებდნენ თავიანთ შვილებს ქორწინებითი კავშირით მწვალებლებთან.

(მოკ. 26, 45, 65; IV მსოფ. 14; ტრულ. 6, 72; კართ. 21)

შერეულ ქორწინებებთან დაკავშირებით, რომელთა შესახებაც ლაპარაკობს წინამდებარე კანონი, ჩვენ ვისაუბრეთ IV მსოფლიო კრების მე-14 და ტრულის კრების 72-ე კანონების განმარტებებში. ასეთი სახის ქორწინებები რომ აკრძალულია, ეს ჩანს მართლმადიდებელი ეკლესიის ყველა კანონიდან, რომელიც კი ამ საკითხს ეხება. კანონში ნათქვამია, რომ ეკლესიურები – ვინც ეკლესიას მიეკუთვნება (τους τῆς εκκλησίας, qui sunt ecclesiae)* ანუ ἱεροί, (верные, fideles, მართლმორწმუნენი), განურჩევლად არ უნდა აქორწინებდნენ თავიანთ შვილებს მწვალებლებთან. ეს არ ნიშნავს, რომ ერთი სახის მწვალებელთან შეიძლება ქორწინება და მეორესთან არა – ამა თუ იმ მწვალებლობის მნიშვნელობიდან გამომდინარე. რამეთუ მწვალებლობა ყოველთვის მწვალებლობად რჩება, მიუხედავად იმისა, ასწავლის ის, მაგალითად, რომ ძე ღვთისა არ არის ერთარსი მამისაო, თუ იმას, რომ სულიწმიდა მამისგანაც გამოდის და ძისგანაცო, რადგან ყველა შემთხვევაში ერთნაირად შეურაცხყოფს სახარების სწავლებას სარწმუნოების ძირითადი დოგმატების შესახებ, რის შედეგადაც ყველა მწვალებელი შეჩვენებულია მართლმადიდებელი ეკლესიის მიერ (იხ. II მსოფ. 1; ბასილი დიდის 1). აქედან გამომდინარე, მართლმადიდებელი ვერ უნდა გაკადნიერდეს ისეთ მჭიდრო კავშირში – როგორც არის ქორწინებითი – შევიდეს იმ პირთან, რომელიც თავისი რწმენით ეკლესიასათვის შეჩვენებულია. რაც შეეხება სიტყვას – „განურჩევლად“, რომელიც ამ კანონში არის გამოყენებული, აუცილებელია, გავიგოთ ის ამავე კრების 31-ე კანონთან კავშირში, რის შემდეგაც ნათელი გახდება, თუ რას ფიქრობდნენ ლაოდიკიის კრების მამები შერეული ქორწინების თაობაზე. წმინდა ეკლესიის სწავლების თანახმად, ლაოდიკიელი მამები საერთოდ კრძალავენ შერეულ ქორწინებებს, და მხოლოდ იმ შემთხვევაში მიიჩნევენ მას შესაძლებლად, როცა უცხო რწმენის პირი, რომელსაც მართლმადიდებელთან შეუღლება სურს, პირობას დადებს, რომ მიიღებს მართლმადიდებელურ სარწმუნოებას, ესე იგი, გახდება მართლმადიდებელი ქრისტიანი (იხ. ლაოდ. 31-ე). ის მართლმადიდებელი, რომელსაც სურვილი აქვს სხვა სარწმუნოების აღამიანთან დაქორწინდეს და მხედველობაში იღებს ამ პირობას, – მოქმედებს მართლმადიდებელი ეკლესიის კანონიკური სწავლების თანახმად; ხოლო, ვინც ამას ყურადღებას არ აქცევს, ის „განურჩევლად“ მოქმედებს, – ასეთია ამ სიტყვის მნიშვნელობა ლაოდიკიის კრების წარმოდგენილ კანონში.

*მაშასადამე, არა „ecclesiastici“ (საეკლესიონი), როგორც ეს ვან ესპენთან არის ნათქვამი (პ. 160), რომელიც ამ კანონს მხოლოდ სასულიერო პირებთან მიმართებით განიხილავს, რადგან, თუკი „οἱ τῆς εκκλησίας“ ნიშნავს „ecclesiastici“-ს („კლირიკოსებს“), მაშინ შეუძლებელია გავიგოთ თუ ვინ არის ამ კრების მე-9 კანონში მოხსენიებული „πιστοί“ („fideles“, „верные“, „ერთგული მორწმუნენი“), და ვინ – „οἱ τῆς εκκλησίας“, „ვინც ეკლესიას მიეკუთვნება“.

პანო 11

ეკლესიაში არ უნდა დაიდგინებოდნენ ეგრეთ წოდებულნი პრესვიტერიოები (მოხუცი დედაკაცები), ანუ წინამსხდომარედ წოდებული დედაკაცნი.

პრესვიტერიოების (მოხუცებული დედების), ანუ წინამსხდომარეთა შესახებ, უახლესი დროის საეკლესიო მწერლები სხვადასხვა აზრისანი არიან. ერთთა აზრით, ესენი იყვნენ წინანდელი დედათღვინები, და ამ კანონში მოხუცებულ დედებად იწოდებან ხანდაზმული ასაკის გამო. ხოლო პირველმსხდომარედ – იმიტომ, რომ ეკლესიაში მათ მინდობილი ჰქონდათ დედაკაცებზე გარკვეული ზედამხედველობა. მეორეთა აზრით, ესენი იყვნენ „უფროსნი დედათღვინებზედ“, რომლებიც სხვა დანარჩენ დედათღვინებს ხელმძღვანელობდნენ. ორივე ეს აზრი, იმასთან დაკავშირებით, რომ მოხუცებული დედები ანუ წინამსხდომარენი თითქოს იგივეა, რაც დედათღვინები, თუმც გამაგრებულია შესაბამისი მტკიცებულებებით უქველესი ეკლესიის უმინშენელოვანესი ნაშრომებიდან, მაინც არ შეიძლება მიღებულ იქნეს; საქმე იმაშია, რომ კანონის მიზანი რომ იყოს თავისი განწესების დედათღვინებზედ გავრცელება, რომელიც უკვე I მსოფლიო კრების დროსაც კი ძველი და საყოველთაოდ ცნობილი ინსტიტუტი იყო (იხ. I მსოფლიო კრების მე-19 კან), მაშინ იგი მათაც მოიხსენიებდა, რასაც არ აკეთებს და მხოლოდ იმას განაწესებს, რომ შემდეგში არ დადგინდნენ ეკლესიაში პრესვიტერიოები ანუ წინამსხდომარენი. გარდა ამისა, უფრო გვიანდელი კრებების კანონები (მაგალითად, ტრულის, რომელიც ამ, ლაოდის კრების მოწვევიდან სამი საუკუნის შემდეგ შედგა) არამცთუ არ მოიხსენიებენ იმის შესახებ, რომ ოდესღაც აკრძალული იყო დედათღვინების დადგინება, არამედ საუბრობენ მათ მსახურებაზე, როგორც სრულიად ჩვეულებრივ და ნორმალურ მოვლენაზე (იხ. ტრულის კრების მე-14 და 48-ე კანონები). წარმოდგენილი კანონის უკეთ გასაგებად, აუცილებელია ისე მოვიქცეთ, როგორც რომელიც კორექტორები მოიქცნენ გრაციანუს დეკრეტის გამოცემისას, როდესაც მკითხველის ყურადღება მიაპყრეს ბალსამონის მიერ ამ კანონის განმარტებას.

როდესაც პავლე მოციქული ტიმოთესა და ტიტუს მიმართ თავის ეპისტოლეებში (1 ტიმ. 5, 2; ტიტ. 2, 3) მოიხსენიებს მოხუცებულ დედებს (პრესვიტერიოებს), სხვათა შორის, მათ შესახებ ამბობს, რომ ისინი უნდა იყვნენ „*კეთილის მოძღუარ*“. ამით პავლე მოციქული მიუთითებს მათ ვალდებულებაზე გარკვეულ ფარგლებში შესასრულონ ეკლესიაში სამასწავლებლო საქმიანობა. მათი მოღვაწეობის ამ ფარგლებზე ჩვენ ვსაუბრობთ ტრულის კრების 70-ე კანონის განმარტებაში. ამასთან შესაბამისობაში, მათ არ შეეძლოთ ეკლესიაში შეესრულებინათ მქადაგებლური საქმიანობა, ანუ საჯაროდ ექადაგათ ტაძარში, მაგრამ მათ შეეძლოთ კატეხიზატორული საქმიანობით დაკავებულიყვნენ ტაძრის გარეთ. ისინი რომ ამ მოვალეობას ასრულებდნენ, ამას სხვა მტკიცებულებათა გარდა, რომლებიც ჩვენ თავის ადგილზე მოგვყავს, მოწმობს აგრეთვე პავლე მოციქულიც, როდესაც იგი პრისკილას შესახებ საუბრობს (იხ. საქმ. 18, 26). მართალია, დედათღვინები აგრეთვე იყვნენ დაკავებულნი დედაკაცთა კატეხიზაციით, განსაკუთრებით ქალთა საერთო საცხოვრებლებში, მაგრამ ეს არ იყო მათი მთავარი მსახურება: ისინი

სხვადასხვა ვალდებულებას ასრულებდნენ დედაკაცების ნათლობისას (იხ. IV მსოფლიო კრების მე-15 კან. განმარტება). ხოლო დედაკაცების სწორი კატეხიზაციის საქმე, მათი შეგონება-განსწავლა, თუ როგორ უნდა იქცეოდნენ ქრისტიანული სწავლების თანახმად და, განსაკუთრებით, მათი მომზადება ნათლობის ღირსეულად მიღებისათვის, ეკუთვნოდათ პრესვიტერიდებს – მოხუცებულ და ქრისტიანულ სწავლებაში გამოცდილ დედეებს, რომლებიც, როგორც ზედამხედველნი დედაკაცებზე ზოგადად, და მათ ქრისტიანული სწავლებაზე თვალყურის მიმდევნელნი კერძოდ, ასევე იწოდებოდნენ პირველმსხდომარე დედაკაცებად.* ეს მოხუცებული დედები დგინდებოდნენ განსაკუთრებული წესით, მსგავსად იმისა, როგორც – დედათლიაკენები და მათთვისაც, როგორც დედათლიაკენებისათვის, ეკლესიაში საგანგებო დაუთარს აწარმოებდნენ. ლაოდიკის კრების დროს, კრების მამებმა შენიშნეს, რომ მოხუცებული დედები კეთილად არ იყვნებდნენ მათთვის მინდობილ სიკეთებს; ერთი მხრივ, – როგორც ბალსამონი განმარტავს, – ქედმაღლობის მიზეზით, მეორე მხრივ, იმიტომ, რომ მსახურებაში, ყველაზე მეტად მატერიალურ სარგებელს აქცევდნენ ყურადღებას. ამის საფუძველზე კრების მამებმა კანონით აკრძალეს მომავალში პრესვიტერიდების დადგინება.

კანონი 12

ეპისკოპოსები საეკლესიო მმართველობაში უნდა დგინდებოდნენ მიტროპოლიტებისა და მახლობელი ეპისკოპოსების განსჯით, ამასთან ისეთები, რომლებიც დიდი ხანია გამოცდილნი არიან სარწმუნოების სიტყვაში და მართალი სიტყვის შესაბამის ცხოვრებაში.

(*მოც. 58, 80; I მსოფ. 2, 4; ტრულ. 12, 19; VII მსოფ. 2, 3; ანტიოქ. 19; ლაოდ. 5, 13; სარდ. 6, 10; კონსტ. 1; კართ. 13, 49, 50; ორგ. 8, 17*)

იხ. მოციქულთა 58-ე, I მსოფლიო კრების მე-4, II მსოფლიო კრების მე-19 და VII მსოფლიო კრების მე-2 კანონების განმარტებები.

კანონი 13

ხალხის თავყრილობას ნუ მიეცემა უფლება აირჩიოს სამღვდელეობაში დასადგინებელნი.

(*I მსოფ. 4; ანტიოქ. 19; ლაოდ. 5, 12; სარდ. 10; კართ. 50*)

სიტყვაში „სამღვდელეობა“ (святенство, ιερατερον, sacerdotium), ზონარას სწორი განმარტების თანახმად, აუცილებლად უნდა ვიგულისხმოდ უმაღლესი იერარქიუ-

*კართაგენის კრება ამ პრესვიტერიდებს უწოდებს „ქვირებს“ ანუ „კეთილმსახურ დედაკაცებს“. თავის მე-12 კანონში, აღნიშნული კრების მამები ამბობენ: „მათი გამორჩევა ხდება ქალების ნათლობისას დახმარების გასაწევად, ამიტომაც მზად უნდა იყვნენ იმისათვის, რომ სათანადო და კეთილგონიერი სიტყვით განსწავლონ გაუნათლებელი სოფლის ქალები იმ დროისათვის, როდესაც ისინი ნათლობას მიიღებენ – როგორ უნდა უპასუხონ ნათლობის ჩამტარებელთა კითხვებზე და როგორ უნდა იცხოვრონ ნათლისღების შემდეგ“.

ლი ხარისხის სასულიერო პირები და არ უნდა გამოერიცხოთ, შესაბამისად, ეპისკოპოსებიც.* მე-5 და მე-12 კანონების განწესებებთან კავშირში, ლაოდიკის კრების მამები წინამდებარე კანონით უკრძალავენ „ხალხის თავყრილობას“ მონაწილეობა მიიღოს სასულიერო პირის გამორჩევაში. ბერძნული სიტყვა „ბჯღიჯ“ (ხალხი, ერის სიმრავლე, სიტყვასიტყვით – ბრბო), რომელიც ამ კანონშია გამოყენებული და ჩვენ გადმოვთარგმნეთ სიტყვით „ხალხის თავყრილობა“ („сборище народа“), თავისი მნიშვნელობით ნიშნავს ხალხის ბრბოს – შერეული, სხვადასხვა და გაურკვეველი შეხედულებების ადამიანების საკმაოდ დიდ თავშეყრას და, როგორც წესი, გამოიყენება „ერის“ – მთელი მოსახლეობის გამორჩეული და საპატრიარქოული ნაწილის აღმნიშვნელი სიტყვის – საპირისპირო სიტყვად (ამ მნიშვნელობითაა წმინდა წერილში სიტყვა „ერი“ გამოყენებული ზოგიერთ ადგილას, მაგალითად: მთ. 14, 5; 21, 26, 46; 27, 15 და სხვა) და აღნიშნავს უბრალო, მდაბიო ხალხის თავშეყრას ამბოხისა და უწესრიგობის მოსაწყობად (მაგალითად, საქმ. 24, 18); ლათინურად ეს არის „urbis“, ან უფრო ზუსტად – tumultus, tumultuosa plebs, რუსულად – „сборище людей“ (მდაბიოთა ბრბო). ხალხის ასეთ თავყრილობასაც სურდა თავისი ხმა პქონოდა სასულიერო პირის გამორჩევის საქმეში და ყოველთვის, როცა ის ამას ახერხებდა, შფოთსა და უწესრიგობას პქონდა ადგილი, რომელიც გარდაუვლად ხდება ხოლმე, როდესაც საქმეში აქტიურ მონაწილეობას იღებს გაუცნობიერებელი ადამიანების ბრბო.** სწორედ, ამის წინააღმდეგ იქნა მიღებული წინამდებარე ლაოდიკის კანონი. იმასთან დაკავშირებით, რომ კანონი არ ართმევდა უფლებას ერს, გარკვეულწილად, განსაზღვრულ ფარგლებში, მიეღო მონაწილეობა სასულიერო პირების გამორჩევაში და განსაკუთრებით – ეპისკოპოსების, ჩვენ უკვე ვისაუბრეთ I მსოფლიო კრების მე-4 კანონის განმარტებაში, სადაც მოვიყვანეთ დამოწმება როგორც იმ საუკუნის ისტორიიდან, როდესაც ლაოდიკის კრება იმართებოდა, ასევე მისი შემდგომი საუკუნეების ისტორიებიდანაც.

კანონი 14

აღდგომის დღესასწაულზე სხვა სამრევლოებში ნუ გააგზავნით წმინდა საიდუმლოს კურთხევის სახით.

(მოც. 9, 10; ანტიოქ. 2; ლაოდ. 32)

ამ კანონში მოიხსენიება *τα αγία* (sancta, სიწმინდე) და *ευλογία* (benedictiones, ევლოგია)***, და განიწესება, რომ არ გაიგზავნოს პირველი მეორის ნაცვლად. სიწმინდე – აღნიშნავს ექვარისტულ მსხვერპლს, წმინდა საიდუმლოს. ზონარა წინამდებარე კანონის განმარტებაში ამბობს, რომ „*τα αγία*“ ამ კანონში აღნიშნავს

*ათენის სინტაგმა, III, 183.

**სხვათა შორის, ამის გამოხატველ სურათს იძლევა ნეტარი ავეუსტინეს ეპისტოლე (კ. 126.

***კურთხევა, დალოცვა – ეკლესიაში ნაკურთხი სეფისკვერი, წყალი და სხვა, რომელსაც აძლევენ მორწმუნეებს სახლში წასალებად. – საქართველოს მართლმადიდებელი ეკლესიის ენციკლოპედიური ლექსიკონი, თბილისი 2007.

ქრისტეს ყოვლადწმინდა ხორცისა და სისხლის ნაწილებს. ჩენს საღვთო ლიტურგიაში იგი შეესაბამება სიტყვებს „წმიდათა წმიდას“ (СВЯТАЯ СВЯТЫМ, та чыя тое чыю). ქრისტეს ეკლესიის დაარსების პირველ ხანებში არსებობდა ჩვეულება, რომლის თანახმადაც ერთგული მორწმუნენი, — განსაკუთრებით ქრისტეს აღდგომის დღესასწაულთან დაკავშირებით, — ერთი სამრევლოდან მეორეში ერთმანეთს წმიდა მსხვერპლის ნაწილებს უგზავნიდნენ — საეკლესიო თანაზიარებისა და ძმური სიყვარულის ნიშნად. როგორც ჩანს, ამით ბაძადნენ იუდეველებს, რომლებიც ასევე ერთმანეთს უგზავნიდნენ სადღესასწაულო ძღვენს (იხ. მოციქულთა 70-ე კან.)* ნახეს რა, რომ ეს ჩვეულება არაფრით იყო გამართლებული, მით უმეტეს, რომ ამით ადვილად შეიძლებოდა მომხდარიყო სიწმინდეთა პროფანაცია (შებლალვა), კრების მამებმა აკრძალეს შემდგომში ამგვარი ქმედება. თუმცა, ამასთან, ნებას იძლევიან წინანდებურად გაიგზავნოს ევლოგია (სლოცი), ანუ ამ მხრივ შენარჩუნდეს ეს ჩვეულება. წმინდა მამების ენაზე, ამ სიტყვას ბევრი მნიშვნელობა აქვს. ამ კანონში იგი აღნიშნავს კურთხეულ პურს, ანუ პურის იმ ნაწილს, რომელიც სეფისკვერიდან რჩება (დიდი კურთხევანის 213-ე კანონით, სეფისკვერი უნდა იყოს ხუთი) მას შემდეგ, რაც მისგან კეთაში ამოიღება წმინდა ტარიგი, რის შედეგადაც ეს პური იწმინდება და ეწოდება ევლოგია (სლოცი, კურთხევა). საღვთო ლიტურგიის შემდეგ, ეს ნაკურთხი სეფისკვერი ნაწილდებოდა იმათ შორის, ვინც ზიარებას არ იღებდა, — ნიშნად ეკლესიასთან მათი თანაზიარებისა, და ამავე თანაზიარების ნიშნად, ამ ნაკურთხი სეფისკვერის ნაწილები სახლებში ეგზავნებოდათ იმათ, რომელთაც ავადმყოფობის ან სხვა რაიმე მიზეზით ვერ შეძლეს ეკლესიაში ღვთისმსახურებას დასწრებოდნენ. ასეთი კურთხეული პური და მისი ამგვარი გამოყენება პირველად მოიხსენიება მოციქულთა განწყესებებში (VIII, 31); ამ კურთხეული პურს (ნაკურთხ სეფისკვერს) ეწოდებოდა, ისევე, როგორც ახლა — „ანტიდორი“ (αντιδωρον) და რიგდებოდა წმინდა ექპარისტის ძღვენის ნაცვლად. მაგრამ თავიდან, როგორც უკვე ითქვა, მას ლიტურგიის შემდეგ ურიგებდნენ იმათ, ვინც არ ეზიარებოდა. შემდგომში ეს ჩვეულება შეიცვალა და დაიწყეს ლიტურგიის შემდეგ ყველა ერთგული მორწმუნისთვის დარიგება, როგორც ეს ამჟამადაც ხდება.

კანონი 15

გარდა ამბიონზე ამსვლელი და საეკლესიო მსახურთა შორის შერაცხილი მგალობლებისა, რომლებიც წიგნის მიხედვით გალობენ, ეკლესიაში სხვამ არავინ იგალობოს.

(მოც. 26; I მსოფ. 16; ტრულ. 4, 33, 75; VII მსოფ. 14; ლაოდ. 59; კართ. 103)

ეკლესიაში თავიდანვე არსებობდნენ მგალობლები, რომლებიც ეპისკოპოსის მიერ დგინდებოდნენ და როგორც ასეთები, საეკლესიო დასს მიეკუთვნებოდნენ. ისინი შედიოდნენ ეკლესიის მსახურთა რიცხვში და ამიტომაც მათ კანონიერ

* ევსების „ისტორიაში“ მოყვანილია ირინოს ლიონელის წერილი პაპ ვიქტორის მიმართ, სადაც ამ საკითხთან დაკავშირებით წერს, რომ ეს იყო ეკლესიაში საყოველთაო ჩვეულება.

მგალობლებს უწოდებდნენ. მათ შეეძლოთ ამბიონზე მდგარიყვნენ და დაწესებული საგალობლები ეგალობათ წიგნიდან, რომელსაც დიფთერს (απὸ διφθέρας, кожаная книга, ტყავის წიგნს. – იხ. 2 ტიმ. 4, 13) უწოდებდნენ. მასში ყველა ის საგალობელი შედიოდა, რაც კი ეკლესიაში ღვთისმსახურების დროს იგალობება (იხ. ლაოდ. 59-ე; კართ. 103-ე).* როგორც ჩანს, კანონიერი მგალობლების ეს უფლება სხეებმა მიითვისეს და იმისათვის, რომ ყველაფერში დაეცვათ საეკლესიო კეთილკრძალობა და წესრიგი, ლაოდიკიის მამები, თუმც თავიანთი ამ კანონით არ უკრძალავენ მრევლს იგალობონ ეკლესიაში საღვთო საგალობლები, მაგრამ კრძალავენ, რომ მან ეს გააკეთოს თვითნებურად, და ამბიონიდან იგალობონ საღვთო საგალობლები იმ ადამიანებმა, რომლებიც საეკლესიო დასს არ მიეკუთვნებიან, რისი უფლებაც მხოლოდ და მხოლოდ კანონიერ მგალობლებს აქვთ. ერისკაცებს უფლება აქონდათ გალობაში აპყოლოდნენ კანონიერ მგალობლებს, როცა ისინი ამა თუ იმ საეკლესიო გალობას იწყებდნენ.** ეკლესიაში კანონიერი მგალობელის დადგინების წესი კი იგივე იყო, როგორიც მკითხველის (მედავთინის) დადგინებისა.***

კანონი 16

შაბათს წაკითხული იქნეს სახარებაც, სხვა საკითხავებთან ერთად.
(მოც. 66; ტრულ. 55, ლაოდ. 29, 49, 51)

იმ შეხედულების გამო, რომელიც ეკლესიაში მისი დაარსების პირველ ხანებში არსებობდა შაბათ დღესთან დაკავშირებით (იხ. მოც. 66-ე კან.), აგრეთვე იმის გამო, რომ ამ კრების მიმდინარეობის პერიოდში ბევრი ქრისტიანი შაბათთან მიმართებით ოულაურ წესებს მისდევდა (იხ. ლაოდ. 29-ე კან.), ზოგიერთ ეკლესიაში ამკვიდრებდნენ ჩვეულებას, რომლის თანახმადაც, შაბათობით არ აღესრულებოდა საღვთო ლიტურგია, ანუ – როგორც ბაღსამონი ამბობს – იკრძალებოდა საეკლესიო შეკრებები.**** შესაბამისად, ამ დღეს არ იკითხებოდა წმინდა სახარება, როგორც ეს სხვა დღეებში ხდებოდა და, საერთოდ, შაბათს არაფერი იკითხებოდა. ამ ჩვეულებას კიცხავენ ლაოდიკიის კრება და განაწესებს, რომ შაბათ დღესაც, სხვა დღეების მსგავსად, უნდა აღესრულოს ეკლესიაში მსახურება და იკითხებოდეს წმინდა სახარება და სხვა წმინდა წიგნები.

*ასე განმარტავენ სიტყვა „ნიფთერა“-ს ზონარა და ბაღსამონი. არისტინე კი ამ სიტყვას სხვა მნიშვნელობას აძლევს და ამბობს, რომ მგალობლები ამბიონზე ვერ იგალობებდნენ სხვაგვარად, თუ არა ტყავის ტანსაცმლით შემოსილნი, ანუ ფელონით; მისი აზრით ეს სიტყვა ნიშნავს ფელონს (ტყავის ტანსაცმელს), რომელიც თითქოს უნდა ჩაეცვათ კანონიერ მგალობლებს ამბიონზე გალობის წინ. შესაძლოა, არისტინეს აზრი სწორი იყოს, რადგან, მართლაც არსებობდა ჩვეულება, ახლანდელის მსგავსი, რომლის თანახმადაც ყველა დაბალი რანგის კლირიკოსი რომლებსაც ეპისკოპოსი ადგინებდა [ქიორტესით], ღვთისმსახურებისას იცვამდნენ ამისთვის საგანგებოდ დაწესებულ საეკლესიო შესამოსელს, რომელსაც ფელონი ეწოდებოდა, რადგან ეს სიტყვა ბერძნულად აგრეთვე ნიშნავდა ტყავს, რისგანაც ამაზღებდნენ ამ შესამოსელს თუდაპირველად. თუმცა, წინამდებარე კანონი ამაზე არ ლაპარაკობს, არამედ – წიგნზე.

**ბაღსამონის განმარტება, ათენის სინტაგმაში, III, 184, 85.

***მოთავარებისკოპოსი ბენიამინი, „ახალი ფიქალი“, III, 5. § 2-6.

****ათენის სინტაგმა, III, 185.

კანონი 17

არაჯეროვანია საეკლესიო შეკრებებზე ფსალმუნების მიჯრით განუწყვეტლოვ გალობა, არამედ ფსალმუნთა შუალედში ჩართული იყოს საკითხავები.

(ტრულ. 75; ლაოდ. 15)

ძველი გადმოცემის თანახმად, — ამბობს ბალსამონი ამ კანონის განმარტებაში,* — დავითის ფსალმუნნი ეკლესიაში უწყვეტად იგალობებოდა; ეს მრევლს ღლიდა და ისინი ტაძრიდან გარეთ გამოდიოდნენ. ამის გამო, მამები ამ კანონით განაწესებენ, რომ არ იგალობებოდეს ფსალმუნები შეუწყვეტლოვ, არამედ მათ შორის ჩართული იყოს საკითხავები, რათა დასვენებულ მრევლს ამის შემდეგ კვლავ შეეძლოს განაახლოს გალობა. ამ მიზნით მთელი ფსალმუნნი დაიყო რამდენიმე კანონად (ბერძნ. — კათიზმა).

კანონი 18

ლოცვების წესი ყოველთვის ერთი და იგივე უნდა იყოს, მეცხრე ჟამზეც და მწუხრზეც.

(ლაოდ. 15, 59; კართ. 103)

იყვენ ისეთი პირები, რომლებიც თავიანთი დაუდგრომლობითა და მოუსვენრობით თავადვე ადგენდნენ ლოცვებს და მათ ეკლესიაში მწუხრის ლოცვაზე კითხულობდნენ. ისინი ამბობდნენ, რომ ამით მხოლოდ საკუთარი ღვთისმოყვარეობის გრძნობას გამოხატავდნენ და სრულებითაც არ აკნინებდნენ იმ ლოცვების ღირსებას, რომლებიც დაწესებული იყო მეცხრე ჟამზე საკითხავად. კრების მამები განაწესებენ, რომ საესებით საკმარისია უკვე არსებული ლოცვები მწუხრისთვის და მეცხრე ჟამისთვისაც, ამიტომ არაუის მიეცეს უფლება შეადგინოს ახალი ლოცვანი და იკითხოს ისინი ეკლესიაში (შდრ. კართ. 103-ე კან.)**

კანონი 19

ეპისკოპოსთა სამოძღვრო საუბრების შემდეგ, საგანგებოდ უნდა აღესრულოს ლოცვა კათაკმეველთათვის, კათაკმეველთა განსვლის შემდეგ კი იყოს ლოცვა მონანულთათვის; როცა ესენიც მივლენ ხელის ქვეშ (კურთხევისათვის) და განვლენ, მაშინ აღსრულდეს მართალთა სამი ლოცვა: ერთი, ანუ პირველი — მღუმარედ, მეორე და მესამე კი — ხმამაღლა. ამის შემდეგ მიეცეთ მშვიდობა, — და როცა მღვდელნი მისცემენ მშვიდობას ეპისკოპოსებს, მაშინ ერისკაცებსაც მიეცეთ მშვიდობა და ასე აღსრულდეს წმიდა ძღვენის შეწირვა. მხოლოდ სამღვდელოდ კურთხეულთ აქვთ უფლება საკურთხეველში შესვლისა და იქ ზიარებისა.

(ტრულ. 69; ლაოდ. 44)

*ათენის სინტაგმა, III, 186.

**ბალსამონის განმარტება ათენის სინტაგმაში, III, 187.

ამ კანონში გადმოიკვება ძველი ლიტურგიის წესი, მსგავსი იმისა, რომელიც გადმოცემული იყო მოციქულთა დადგენილებებში და რომელიც შემდგომში შეიცვალა ბასილი დიდისა და იოანე ოქროპირის ლიტურგიებით. კანონის ბოლოში განთავსებულ განწესებასთან დაკავშირებით, რომელიც სასულიერო პირთა გარდა ყველას უკრძალავს წმინდა საკურთხეველში შესვლას, იხ. ტრულის კრების 69-ე კანონის განმარტება.

კანონი 20

დიაკვნისათვის დაუშვებელია მღვდლის თანდასწრებით ჯდომა, ხოლო თუ აკურთხებს, შეუძლია დაჯდეს. მსგავსადვე, დიაკვნებსაც ჰქონდეთ პატივი იპოვდიაკვნებისაგან და ეკლესიის ყველა სხვა მსახურისაგან.

(*მოც. 15, 39; I მსოფ. 15, 18; ტრულ. 7, 16; ანტიოქ. 5*)

იხ. I მსოფლიო კრების მე-18 და ტრულის კრების მე-7 კანონების განმარტებები.

კანონი 21

იპოვდიაკვნებისთვის უჯეროა დაიკავონ დიაკვნის ადგილი და ეხებოდნენ წმინდა ჭურჭელს.

(*ტრულ. 4, 6, 15; ლაოდ. 20, 22, 24, 25, 43*)

ამ კანონის პარალელური ლაოდიკის კრების სხვა კანონებში, იპოვდიაკვნები არსად მოიხსენიებიან ამ სახელით, არამედ – მსახურნი (σπῆραι, ministri, слуги); სწორედ ამ სახელქვეშ უნდა ვიგულისხმოთ იპოვდიაკვნები, – ამბობენ ზონარა და ბალსამონი. ეს უკანასკნელი, ამ კანონის განმარტებაში წერს: „მსახურები ეწოდებთ იპოვდიაკვნებს“*. იპოვდიაკონის ხარისხის შემოღება უკავშირდება ეკლესიის დაარსების პირველივე ხანებს. მათ მოვალეობაში შედიოდა: ღვთისმსახურებისას უნდა მდგარიყვნენ ტაძრის კარიბჭესთან და თვალყური ედევნებინათ, რომ ვინმე უღირსოვანი არ შესულიყო, მოემზადებინათ და წესრიგში ჰქონოდათ წმინდა (საღვთისმსახური) ჭურჭელი, შემოსათ მღვდელთმთავრები, როდესაც ისინი ღვთისმსახურებისათვის ემზადებოდნენ და, ზოგადად, ეკლესიაში დიაკვნებს დახმარებოდნენ.** თავიდან იპოვდიაკვნებს ეპისკოპოსი ადგინებდა, „მცირე შესვლის“ შემდეგ სადიაკენეში იმ მაგიდასთან, რომელზეც წმინდა ჭურჭლები იდგა. კონსტანტინოპოლის პატრიარქ მანუილ I-ის (1217-1222) დროს, ეს წესი შეიცვალა. მიზეზი ის გახდა, რომ იპოვდიაკვნები, რაკი მათი კურთხევა სადიაკენეში სრულდებოდა, მას უკვე თავის ადგილად მიიჩნევდნენ და დიაკვნებს უთანაბრებდნენ თავს. ამის აღმოსაფხვრელად, პატრიარქმა დაადგინა, რომ იპოვდიაკვნების ქიროტესია აღსრულებულიყო ლიტურგიის დაწყების წინ, როგორც ეს ახლა ხდება, და თანაც არა

*ათინის სინტაგმა, III, 190.

**თავარეპისკოპოსი ბენიამინი, „ახალი ფიქალი“, III, 11, § 4.

სადიაკენეში, არამედ ტაძარში.* თელიდნენ რა თავიანთ თავს დიაკენების თანასწორად, იპოდიკენები უგულუბელყოფდნენ ღვთისმსახურებისას თავიანთ მთავარ მოვალეობას და ლიტურგიის დროს დიაკენებს შორის იკავებდნენ ადგილს საკურთხეველში. სწორედ ამის საწინააღმდეგოდ მიუთითებს კანონი: „უჯეროა დაიკავონ დიაკენის ადგილი“. ლაოდიკიის კრების მამები უწესრიგობის თავიდან ასაცილებლად ადგენენ ამას, და თავიანთი 22-ე და 43-ე კანონებით განუწესებენ, რომ მსახურების დროს ისინი უნდა იდგნენ ტაძრის კარიბჭესთან და ერთი საათითაც კი არ დატოვონ მსახურების ადგილი. ამ (21-ე) კანონით მამამები მათ, აგრეთვე, უკრძალავენ წმინდა ჭურჭელთან შეხებას. ამ აკრძალვაში უნდა ვიგულისხმოთ წმინდა ბარძიშთან და წმინდა ფეშუმთან შეხება მხოლოდ იმ დროს, როდესაც შეიწირება წმინდა ძღვენი, ან მათი გადაბრძანება ხდება „დიდი შესვლის“ დროს; მაგრამ არ ეკრძალებათ სხვა დროს შეხება, რადგან, – როგორც ბალსამონი შენიშნავს ამ კანონის განმარტებაში,** – სწორედ მათ ევალებათ ამ ჭურჭლებზე ზრუნვა, მსახურების შემდეგ გაწმენდა-გასუფთავება და თავიანთ ადგილზე გადბრუნება (ჭურჭელთსაცავში).

კანონი 22

ეკლესიის დაბალი რანგის მსახურებმა არ უნდა ატარონ ოლარი, არც კარები მიატოვონ.

(ტრულ. 4, 6, 15; ლაოდ. 20, 21, 24, 25, 43)

ამ კანონის მიღების მიზეზი, ისევე როგორც წინა, 21-ე კანონისა, იყო იპოდიკენების მიერ იმაზე მეტი უფლების თავის თავზე აღება, ვიდრე ეკუთვნოდათ. ამჯერად კრების მამები გამოდიან მათ მიერ ოლარის ტარების წინააღმდეგ და ამ (22-ე) კანონით განუწესებენ, რომ შემდგომში აღარ უნდა ატარონ ოლარი (სადიაკონო გინგილა), ბალსამონის სიტყვებით, ამ კანონის განმარტებიდან,** და ზუსტად ასევე, ბლასტარის განმარტებითაც, ეს სიტყვა წარმოშობილია სიტყვიდან „ἀρά“ (внимаю, наближаю, გულისხმასვეყოფ, თვალყურს ვადევნებ). ღვთისმსახურების დროს დიაკენები მას მარცხენა მხარზე ატარებდნენ და იმით მღვდლებს ნიშანს აძლევდნენ, თუ როდის უნდა წაეკითხათ გარკვეული ლოცვები. იპოდიკენად დადგინებისას, მათაც ეძლეოდათ ოლარი, მაგრამ არა ამ მნიშვნელობით. ამიტომ ისინი მას, დიაკენებისაგან განსხვავებით, წელზე ირტყამდნენ.*** უკრძალავს რა კანონი იპოდიკენებს ოლარის ტარებას, იმავდროულად, შეახსენებს მათ ღვთისმსახურებისას ტაძრის კარიბჭესთან მოუშორებლად დგომის მოვალეობასაც (ლაოდ. 21-ე კან. განმარტება).

*მთავაერეპისკოპოსი ბენიამინი, „ახალი ფიქალი“, III, 1, § 1.

**ათენის სინტაგმა, III, 190.

***ათენის სინტაგმა, III, 191.

****მთავაერეპისკოპოსი ბენიამინი, „ახალი ფიქალი“, III, 2, § 2. 19.

კანონი 23

წიგნის მკითხველებმა ან მგალობლებმა არ უნდა ატარონ ოლარი და ოლარით შემოსილებმა არ უნდა იკითხონ და იგალობონ.

(მოც. 26, 59; I მსოფ. 16; IV მსოფ. 4; ტრულ. 4, 33, 75; VII მსოფ. 14; ლაოდ. 22, 59; კართ. 103)

ის მიზეზები, რომლებიც 22-ე კანონშია მითითებული, ლაოდიკის მამებს აღძრავენ წინამდებარე კანონით ოლარის ტარება აუკრძალონ მკითხველებსა და მგალობლებსაც, რომლებიც არ ასრულებდნენ არაერთარ სადიაკონო მოვალეობას და ეკლესიაში მხოლოდ უნდა ეკითხათ და ეგალობათ.

კანონი 24

შეუფერებელია ნაკურთხი პირისთვის, — იქნება ის მღვდელი თუ დიაკონი, ან ეკლესიის სხვა რომელიმე მსახური, თუნდაც იპოდიაკონი, ან მკითხველი, ან მგალობელი, ან მათეოსეელი, ან მეკარე, ან ვინმე სამონოზენო წესთაგანი, — სამიკიტნოში შესვლა.

(მოც. 54; ტრულ. 9; კართ. 40)

იხ. მოციქულთა 54-ე კანონის განმარტება.

კანონი 25

იპოდიაკონისათვის უჯეროა პურის დარიგება ან ბარძიმის კურთხევა. (ტრულ. 4, 6, 7, 15; ლაოდ. 20, 21, 22, 24, 43)

როგორც ჩანს, იპოდიაკონებმა ისეთი მსახურებების მითვისებაც დაიწყეს ღვთისმსახურების დროს, რომლებიც მხოლოდ ეპისკოპოსებსა და მღვდლებს უნდა აღესრულებინათ დიაკონის მონაწილეობით. საუბრობს რა ამის შესახებ, წინამდებარე კანონი განიკთხავს იპოდიაკონებს ასეთი კადნიერებისათვის და უკრძალავს მათ მრევლისთვის წმინდა ზიარების გაცემას*

კანონი 26

ეპისკოპოსისაგან უკურთხებლებმა არ უნდა დააფიცონ არც ეკლესიებში და არც სახლებში.

(III მსოფ. 7; ანტიოქ. 10)

მაფუცებლობა, რომლის შესახებაც საუბარია ამ კანონში, უნდა გაეფიქროს როგორც ურწმუნოთა კატეხიზაცია, მათი განსწავლა-განმზადება ნათლისღებისთვის (оглашения,

*ზონარასა და ბალსამონის განმარტება ათენის სინტაგმაში, III, 193.

κατιχηζιασίων νεβεργηκων, κατηχησ. ἀπιστοσ), რასაც განსაკუთრებული წესით ასრულებდნენ ამისთვის დადგენილი პირები, რომლებიც საეკლესიო დასის წევრები იყვნენ და მაფუცებლებად იწოდებოდნენ. ნათლისღებისას მათ მოვალეობაში შედიოდა მოემზადებინათ კათაკმეველნი ბოროტი სულის უარსაყოფად, რომლის ტყვეობაშიც იმყოფებოდნენ თავიანთი ცრურწმენის შედეგად.* ამ მოვალეობას მაფუცებლები ასრულებდნენ ორ ჯერზე: პირველად, სანამ კათაკმეველთა მხოლოდ მზადება მიმდინარეობდა ნათლისღებისათვის, ისინი, როგორც კანონი ამბობს, ამზადებდნენ მათ კერძო სახლებში; მეორედ უკვე ეკლესიაში, თვით ნათლისღების საიდუმლოს აღსრულებისას, როდესაც მოსანათლავ პირს შეკითხვას აძლევდნენ: „განუდგები სატანას?“ რის შემდეგაც ეპისკოპოსი ან მღვდელი აღასრულებდა მის ნათლობას. მაფუცებელთა პირველი მოვალეობა შეწყდა საყოველთაოდ პედრობატიზმის [ბავშვების ნათლობა] შემოღებასთან დაკავშირებით, მეორემ კი შეინარჩუნა თავისი ადგილი წმინდა ნათლისღების ჩვენს ახლანდელ თანმიმდევრობაშიც. მაფუცებელთა პირველი და უმთავრესი მოვალეობის შეწყვეტასთან ერთად, ამისთვის განსაკუთრებული პირების დადგენის აუცილებლობა უკვე აღარ იყო. თუმცა, ლაოდიკიის კრების დროს, ისინი ჯერ კიდევ არსებობდნენ და ეკლესიაში გარკვეულ მსახურებას ასრულებდნენ. როგორც ჩანს, ამ მსახურებას ისეთი პირებიც იღებდნენ საკუთარ თავზე, რომლებსაც კანონიერი დადგინება არ ჰქონდათ მიღებული, რის გამოც კანონი უკრძალავს მაფუცებლის მოვალეობის შესრულებას ყველა იმ პირს, ვინც დადგენილი წესით არ არის ამ საქმისთვის ეკლესიაში დანიშნული ეპისკოპოსის ან ქორეპისკოპოსის მიერ (იხ. ანტიოქ. მე-10).

კანონი 27

უჯეროა სიყვარულის ტრაპეზე მიწვეული ნაკურთხი პირებისათვის, ან ეკლესიის მსახურთათვის თუ ერისკაცთათვის, თან წაიღონ მისგან ნაწილი: რამეთუ ამით შეურაცხყოფილ-იქმნება საეკლესიო წესი.

(ტრულ. 74; ღანგ. 11; ლაოდ. 28; კართ. 42)

კანონი 28

უჯეროა უფლის ტაძრებსა და ეკლესიებში ვერეთ წოდებული სიყვარულის ტრაპეზების მოწყობა და ღმერთის სახელში ჭამა-სმა და ინახით-ჯდომა.

(მოც. 73; ტრულ. 74, 76, 97; ღანგ. 11; ლაოდ. 27; კართ. 41, 42)

ორივე ეს კანონი შეიცავს განწესებას ალაპის ანუ სიყვარულის ტრაპეზის (სერობის) შესახებ. პირველი სახელწოდება წარმოიშვა სიტყვიდან: *αγάπη* – სიყვარული. ეს სახელწოდება საერთო ტრაპეზმა იმიტომ მიიღო, რომ წარმოიშვა

*მათ მოვალეობაში შედიოდა, აგრეთვე, მოსამზადებელი პირისათვის ფიცის ჩამორთმევა ძველ სარწმუნოებაზე უარის თქმის შესახებ.

სიყვარულის შედეგად და წარმოადგენდა მის სიმბოლოს, რაც გამოიხატებოდა ტრაპეზის საერთო ძმურ განიარებაში.* ქრისტიანულ ეკლესიაში ამ სიყვარულის ტრაპეზის წარმოშობის მრავალ ვერსიათა შორის, ყველაზე საფუძვლიანი და ბუნებრივია ის, რომ ეს ტრაპეზი შემოტანილ იქნა ქრისტეს საიდუმლო სერობის ხსენების შესანარჩუნებლად, სადც დადგინდა წმინდა ევქარისტის საიდუმლო; აგრეთვე, ერთგულ მორწმუნეთა შორის მჭიდრო ურთიერთობის დასამყარებლად. ტრაპეზის დროს გვერდზე რჩება განსხვავება ყველა იმ მდიდარსა და ლატაკს შორის, რომელიც ქრისტეს მიმდევარია, – ცალკეული პიროვნების ქონება ხდებოდა ყველას საერთო მონაგარი. მოციქული იუდა ამ სიყვარულის ტრაპეზებს მოიხსენიებს, როგორც ჩვეულებრივ მოვლენას მოციქულთა დროში (მე-12 მუხ.), პავლე მოციქული კი საყვედურობს კორინთოელ ქრისტიანებს იმას, რომ ისინი ჭამენ და სვამენ თითოეული ცალ-ცალკე, არ ელოდებიან ძმებს, რითაც ამცირებენ უქონლებს და უგულბებლყოფენ საღვთო ეკლესიას (იხ. 1 კორ. 11, 21, 22). პირველ ხანებში ალაპი ლიტურგიასთან ერთად იმართებოდა, თანაც, ჩვეულებრივ, მის დაწყებამდე და, მაშასადამე, ზიარებამდე, – მოსახსენიებლად იმისა, რომ იესო ქრისტემ ჯერ სერობა გამართა თავის მოწაფეებთან და შემდეგ აზიარა ისინი თავის ხორცსა და სისხლს. შემდგომში, როდესაც დადგინდა ზიარების უზმოზე მიღება, ალაპების მოწყობა დაიწყეს ლიტურგიის შემდეგ. უწესრიგობანი კი დაიწყო მაშინვე, სიყვარულის ტრაპეზის წარმოშობისთანავე, რაც იმაში გამოიხატებოდა, რომ მდიდრები ხშირად ავლენდნენ თავიანთ უპირატესობას ლატაკთა წინაშე; ადგილი ჰქონდა, ასევე, ნაყოფანებასა და სიმთურაღესაც კი.** ამის გამო, II საუკუნიდან სიყვარულის ტრაპეზი ლიტურგიისაგან სრულიად ცალკე ტარდება და უმეტესწილად საღამოობით ეწყობოდა თვით ტაძარში ან ტაძრის ეზოში. ამ ტრაპეზებში ეპისკოპოსთან ერთად მონაწილეობას იღებდა კონკრეტული ტაძრის საეკლესიო დასი და მრევლი; ისმინებოდა ქადაგება და იკითხებოდა წმინდა წერილი. თუმცაღა, ამ ტრაპეზებზეც ხდებოდა ძველებური უწესრიგობანი, დამსწრენი „წამოწოლებსაც“ კი აწყობდნენ [ქრისტეს დროინდელი „ინახით ჯდომის“ მაგალითზე]. ამიტომ, ამ კრების 28-ე კანონით აიკრძალა ტრაპეზების მოწყობა საუფლო სახლებში, ანუ ტაძრებში, ხოლო ამავე კრების 27-ე კანონით, კერძო სახლებში მოწყობილი ტრაპეზის მონაწილეებს აიკრძალათ თან წაეღოთ იქიდან საჭმელი, როგორც ეს ჩვეულებად იყო გადაქცეული ეკლესიის წესების საზიანოდ. დროთა განმავლობაში, ევქარისტული მსხვერპლიდან ალაპის ანუ სიყვარულის ტრაპეზის გამოყოფამ, გამოიწვია

*ხონარას განმარტება ტრულის 74-ე კანონზე, ათენის სინტაგმაში, II, 476.

**ამ სიყვარულის ტრაპეზისათვის ქრისტიანები განიკითხებოდნენ წარმართების მხრიდან, რადგან ისინი ამას ქიფად და დროს ტარებდნენ (გარყენილობად) მიიჩნევდნენ. ტერტულიანე თავის „აპოლოგიაში“ (39) ამ ბრალდებაზე შემდგენიარად პასუხობს: „ჩვენი ტრაპეზი... არ უშვებს რაიმე სიბილქეს, რაიმე კადნიერებას; დასხდომა მანამდე არ ხდება, ვიდრე ღვთის მიმართ ლოცვა არ აღველინება; ჭამენ იმდენს, რამდენიც ერგებათ კეთილკრძალოვლთ. საზრდელს იღებენ, მაგრამ, ამასთან, არ ვაიწყებთ, რომ ღამე ღვთის მიმართ ლოცვაში უნდა გაატარონ; საუბრობენ და იცაან, რომ მთ საუბარს უყალი ისმენს. ხელების დაბანვის შემდეგ, ყოველი, ვისაც შეუძლია ივალდობს ღმრთის წინაშე წმინდა წერილიდან ან თავისი ნიჭით, შუაში გამოიწვევა. ლხინს, შიგადაშიგ, ქადაგებაც წყვეტს ხოლმე“.

თვით აღაპის სიმბოლური მნიშვნელობის დაკარგვა და იგი ჩვეულებრივ ტრაპეზად იქცა, რომელიც ეწყობოდა უკვე მიცვალებულის დაკრძალვასთან დაკავშირებით (ჩვენი ახლანდელი ქელები, საკურთხი), ან ჯვრისწყერისა და დაბადების დღის აღსანიშნავად, ან კიდევ, ისეთ ტრაპეზად, რომლის შესახებაც ვისაუბრეთ ღანგრის კრების მე-11 კანონის განმარტებაში, ანუ – რომელსაც მდიდრები ღატაკებისთვის აწყობდნენ.

კანონი 29

ქრისტიანებისთვის უჯეროა იუდეველთა წესების აღსრულება და შაბათის დღესასწაულობა; ამ დღეს უნდა შრომობდნენ, კვირა დღეს კი, ვითარცა ქრისტიანენი, უპირატესად დღესასწაულობდნენ და უქმობდნენ, თუ შეუძლიათ. ხოლო თუკი იუდეველთა წესის აღმსრულებლები აღმოჩნდებიან, შეჩვენებულ იყვენენ ქრისტესგან.

(მოც. 7, 64, 66, 70, 71; ტრულ. 11, 56, 66; ლაოდ. 16, 37, 38; კართ. 51, 73, 106)

რამდენიმე კანონის განმარტებაში, ჩვენ უკვე ვისაუბრეთ იმის შესახებ, რომ ქრისტიანებმა არ უნდა დაიცივან იუდეველთა რელიგიური წეს-ჩვეულებანი (იხ. პარალელური კანონები). წინამდებარე კანონი გამოდის იქიდან, რომ იმ დროსაც (IV საუკუნის ნახევარი), ზოგიერთები იზიარებდნენ იუდეველთა აზრს შაბათის დღესასწაულთან დაკავშირებით, და განიკითხავს რა ამ ქრისტიანობის საწინააღმდეგო ჩვეულებას, განაწესებს, რომ ქრისტიანებმა განსაკუთრებულად უნდა გამოჰყონ კვირა დღე. ზოგადად, ამ დღის მნიშვნელობასა და დღესასწაულობასთან დაკავშირებით, ჩვენ უკვე ვისაუბრეთ მოციქულთა 66-ე კანონის განმარტებაში. როდესაც სადღესასწაულო დღეებს აღგენდნენ, პირველქრისტიანთა მთავარი აზრი, რომელიც ემსახურება და, საერთოდ, ამოსავალია მთელი ქრისტიანული ცხოვრებისა, იყო ის, რომ ყველაფერში მიჰყოლოდნენ ჯვარცმულ ქრისტეს: მის სიკედილში მას იმით უნდა მიჰყოლოდნენ, რომ სინანულის გზით ამ სიკედილის ნაყოფის ღირსნი გამხდარიყვნენ; უნდა მიჰყოლოდნენ მის აღდგომას, რომ მის მიმართ რწმენითა და მისი ძალით ადამიანმა შეძლოს აღდგეს ახალი, წმინდა ცხოვრებით, რომელიც იწყება აქ, მიწაზე და დაუსრულებლად გრძელდება ზეცაში. აქედან, ბუნებრივია, რომ ქრისტიანულ ცნობიერებაში ქრისტეს აღდგომის დღე წარმოადგენდა ზემისა და სიხარულის დღეს. ამ აზრმა გამოხატულება უკვე ქრისტეს ეკლესიის არსებობის პირველივე დღეებში ჰპოვა. „საქმენი მოციქულთაში“ საუბარია იმის შესახებ, რომ ქრისტეს მოწაფენი მუდმივად იკრიბებოდნენ შეიდეულის პირველ დღეს საერთო ლოცვისა და „განტეხად პურისა“ (20, 7; შდრ. 1 კორ. 16, 2 და გამოცხ. 1, 10). ბარნაბას ეპისტოლეში მთელი კატეგორიულობით არის ნათქვამი კვირა დღეზე, როგორც სიხარულის დღეზე, როდესაც ერთგული მორწმუნენი აღნიშნავენ ქრისტეს აღდგომის ხსენებას. მაგნეზიელთა მიმართ ეგნატეს ეპისტოლეში მოიხსენიება იმის შესახებ, რომ ქრისტიანობაში მოქცეულმა იუდეველებმაც უნდა შეცვალონ შაბათი – კვირა დღეზე. როგორც იუდეველთათვის შაბათი ნიშანი იყო, ასე გახდა კვირა ახალი ცხოვრების სიმბოლო, რომელსაც

საფუძველი ქრისტეს აღდგომამ დაუდო. კვირას – როგორც სიხარულის დღეს – არ მარხულობდნენ (მოც. 66-ე), და ლოცვის დროს მუხლებზე არ დგებოდნენ (I მსოფ. მე-20), ბასილი დიდი კი, თავის 91-ე კანონში ამბობს, რომ ამას ჩვენ იმიტომ ვაკეთებთ, რომ აღუდგეთ ქრისტესთან ერთად. ძველი კანონი, რომელიც შაბათობით მუშაობას კრძალავდა, მაშინვე, ეკლესიის დასაწყისში, გადავიდა კვირა დღესთან მიმართებით, და ტერტულიანე ესაყვედურება ყველას, ვინც ამ დღეს მუშაობს.* მაგრამ გარდა კვირა დღის დღესასწაულობისა, როგორც ქრისტეს აღდგომის ხსენებისა, სოგიერთ ისეთ ეკლესიას, – რომელიც იუდეველობიდან ქრისტიანობაში მოქცეულთაგან შედგებოდა, ანუ მაშინდელ დროში ეგრეთ წოდებულ ოუდეველ-ქრისტიანებისაგან, – სურდა გარკვეულწილად შაბათიც ედღესასწაულა, ჩაეტარებინა ამ დღეს სადღესასწაულო ლიტურგია და მისი წევრები ზიარებულ იყვნენ წმინდა საიდუმლოს. ეს ჩვეულება, რომელიც IV საუკუნეშიც იყო შემორჩენილი, აჩვენებდა იუდეველობისადმი აშკარა მიმდევრობას და ბერის დაბრკოლებას ემსახურებოდა. ამის გამო, ლაოდიკიის კრების მამები იძულებული გახდნენ მიეღოთ ეს (29-ე) კანონი. ისინი კრძალავენ დასვენებას შაბათ დღეს, როგორც სხვა დღეებში, და შეჩვენებით ემუქრებიან ყველას, ვინც სხვაგვარად მოიქცევა. შემდეგ, განიწესება განსაკუთრებული პატივის მიგება კვირა დღისთვის – მუშაობისგან დასვენება და ამ დღის ქრისტიანულად გატარება. ამ უკანასკნელთან დაკავშირებით, კრების მამები დასძენენ: „თუ შეუძლიათ“, ანუ – როგორც ბალსამონი ამბობს ამ კანონის განმარტებაში – არავის აიძულებენ უპირობოდ რაიმეს გაკეთებას, რადგან, თუ ვინმე სილატაკის მიზეზით ან რაიმე აუცილებლობიდან გამომდინარე, კვირა დღესაც იმუშავეს, იგი ამისთვის სასჯელს არ დაექვემდებარება.**

კანონი 30

დაუშვებელია ნაკურთხი პირისთვის, ან ეკლესიის მსახურისთვის, ან მონოზენისთვის აბანოში ბანაობა დედაკაცებთან ერთად, ასევე ყველა ქრისტიანისა და ერისკაცისთვის, რამეთუ ეს არის პირველი ბრალდება წარმართთაგან.

(ტრულ. 77)

წინამდებარე კანონი გამოერებულ იქნა ტრულის კრებაზე (77-ე), თანაც, სასჯელი განეწესა ყველა მის დამრღვევს. საუბრობს რა ისეთ სისაძაგლეზე, რასაც ეს კანონი კრძალავს, ზონარას, ტრულის კრების მოხსენიებული კანონის (77-ე) განმარტებაში, მოჰყავს პავლე მოციქულის სიტყვები, რომელიც ამბობს, რომ ქრისტიანებმა არ უნდა მისცენ საცდურის საბაბი არც იუდეველებს, არც ელინებს, არც საღვთო ეკლესიას (იხ. 1 კორ. 10, 32), არამედ იზრუნონ სიკეთისთვის როგორც

*მხოლოდ საუფლო დღეს, კვირა დღეს, უნდა მოვერიდოთ არა მხოლოდ ამას (მუხლდრეკებს), არამედ ყოველნაირ მშფოთვარე მდგომარეობას და ყველა ვალდებულებას, განვიდევნოთ ჩვენგან საქმენი, რათა არ მივცეთ ადგილი ეშმაკს“.

**ათენის სინტაგმა, III, 197.

უფლის, ისე ადამიანების წინაშეც (იხ. 2 კორ. 8, 21); აქედან ჩანს, თუ რამდენად უწესო და მიუღებელია ქრისტიანისათვის, და მით უფრო სასულიერო პირისათვის, ამ კანონის განწესების საწინააღმდეგო საქციელი.

კანონი 31

უჯეროა ქორწინებითი კავშირის შეკერა ნებისმიერ მწვალებელთან, ანდა ესევეითართათვის ძეთა და ასულთა მიცემა, უფრო ჯეროვანია მათგან მოყვანა, თუკი აღთქმას დადებენ, რომ ქრისტიანებად მოიქცევიან.

(მოც. 26, 45, 65; IV მსოფ. 14; ტრულ. 6, 72; ლაოდ. 10; კართ. 21)

ეს კანონი წარმოადგენს ამ კრების მე-10 კანონის დამატებას შერეული ქორწინების შესახებ და საერთოდ კრძალავს ამ სახის ქორწინებებს, ანუ მართლმადიდებელი პირის დაქორწინებას სხვა, არამართლმადიდებელი სარწმუნოების პირთან. ამასთან, ეს კანონი შეახსენებს, რომ ასეთი ქორწინება დასაშვებია მხოლოდ იმ შემთხვევაში, თუ არამართლმადიდებელი პირი მართლმადიდებლური სარწმუნოების მიღების პირობას დებს. ამის შესახებ დაწერილებითაა საუბარი ტრულის კრების 72-ე კანონის განმარტებაში.

კანონი 32

უჯეროა მწვალებელთაგან კურთხევათა მიღება, რაც ამოღმეტყველება უფრო, ვიდრე კურთხევა.

(მოც. 10, 11, 45, 46, 64; I მსოფ. 19; II მსოფ. 7; III მსოფ. 2, 4; ტრულ. 11, 95; ლაოდ. 6, 7, 8, 9, 10, 14, 31, 33, 34, 37; ბასილი დიდის 1, 47; ტიმოთე აღუქსანდრიელის 9)

იმის შესახებ, რომ მართლმადიდებლებსა და მწვალებლებს შორის არავითარი რელიგიური თანაზიარება არ უნდა არსებობდეს, სხვათა შორის, ამ კრების მრავალი კანონიც საუბრობს (იხ. პარალელური კანონები). წინამდებარე კანონში იკრძალება მწვალებლებისაგან ევლოგიის (ἀγιολόγια) მიღება, ანუ ნაკურთხი პურის (ნაკურთხი სეფისკვერის ნაწილის). მწვალებლებს, მართლმადიდებლების მსგავსად, ჩვეულება ჰქონდათ ქრისტეს აღდგომის დღესასწაულზე ერთმანეთისთვის გაეგზავნათ ნაკურთხი სეფისკვერი, — ძმური თანაზიარების ნიშნად (იხ. ლაოდ. მე-14). რადგანაც ლაოდიკიის კრებამ ეს წეს-ჩვეულება მართლმადიდებლებს აუკრძალა, ამიტომ მით უფრო უნდა აეკრძალა მას ასეთი ძღვენის მიღება მწვალებლებისგან. ეს პური ხდება „კურთხეული“ მასზედ წაკითხული ლოცვების შედეგად, მაგრამ, რადგანაც მწვალებლებს შეუძლებელია ჰქონოდათ ჭეშმარიტი ლოცვა, რამეთუ არ ჰყავდათ ჭეშმარიტი სამღვდელეობა, არამედ, მხოლოდ — ცრუსამღვდელეობა (იხ. მოც. 47-ე), ამიტომ, ცხადია, ის მწვალებლური ლოცვა-კურთხევა, რომლითაც ისინი ფიქრობდნენ წმინდა ეყთ პური, ამ საქმისთვის ამოღმეტყველებაა, — როგორც ამას კანონი ამბობს.

კანონი 33

უჯეროა მწვალებელთან ან განხეთქილებაში მყოფებთან ერთად ლოცვა. (მოც. 10, 11, 45, 46, 64; I მსოფ. 19; II მსოფ. 7; III მსოფ. 2, 4; ტრულ. 11, 95; ლაოდ. 6, 7, 8, 9, 10, 14, 31, 32, 34, 37; ბასილი დიდის 1, 47; ტიმოთე აღექსანდრიელის 9)

ამ კანონში მეორდება მოციქულთა 45-ე კანონი; ამასთან, ემატება, რომ არავითარი რელიგიური თანახმარება არ უნდა არსებობდეს მართლმადიდებელსა და განხეთქილებაში მყოფს შორის (οὐσιαστικῶς, სქიზმატიკოსი)

კანონი 34

უჯეროა ქრისტიანისათვის მიატოვოს ქრისტეს მოწამეები და ცრუ მოწამეებს მიეკცეს, ანუ იმათ, რომლებიც მწვალებლებს ჰყავთ, ანდა თავადაც მწვალებლები იყვნენ. რამეთუ ისინი განშორებულნი არიან ღმერთისგან. ამისთვის მათთან მისულნი, შეჩვენებულ იყვნენ.

(მოც. 10, 11, 45, 46, 64, 70; III მსოფ. 2, 4; ლაოდ. 6, 9, 32, 33, 37; კარტ. 83; ტიმოთე აღექსანდრიელის 9)

წინამდებარე კანონი პირდაპირ კავშირშია ამავე კრების მე-9 კანონთან და ორივე კანონი, უმთავრესად, ერთსა და იმავე საკითხზე საუბრობს. კერძოდ, ცრუ მოწამეებზე, რომლებსაც ზოგიერთი მართლმადიდებელი პატივს მიაგებდა. განსხვავება მხოლოდ იმაშია, რომ მე-9 კანონში ლაოდიკიის კრების მამები გულისხმობენ იმ მართლმადიდებლებს, რომლებიც ამას უმეცრებით აკეთებდნენ ან ვინმეს ზემოქმედებით, რის გამოც მათთვის განაწესებენ წმინდა ზიარებიდან დროებითი განწყენის სასჯელს. ამ კანონში კი ისინი საუბრობენ იმათ შესახებ, რომლებიც განზრახ მოქმედებდნენ ასეთნაირად, — როგორც ბალსამონი ამბობს ამ კანონის განმარტებაში, — „მთელი გულითადი განწყობით“. ამიტომაც გადაეცემიან ისინი ანათემას, როგორც ღმერთისგან განდგომილები.*

კანონი 35

უჯეროა ქრისტიანთათვის მიატოვონ ღმერთის ეკლესია, წავიდნენ და ანგელოზებს ხმობდნენ და შეკრებები მოაწყონ. ეს უარყოფილია. თუ ვინმე აღმოჩნდება ასეთი ფარული კერპთმსახურების აღმსრულებელი, შეჩვენებულ იყოს, რამეთუ მოუტოვებია უფალი ჩვენი იესო ქრისტე და მიახლება კერპთმსახურებას.

ძველ დროში, — ამბობს ზონარა ამ კანონის განმარტებაში, — იყვნენ ისეთი მწვალებლები, რომლებიც ამტკიცებდნენ, თითქოს ადამიანი არ არის იმის ღირსი,

*ათენის სინტაგმა, III, 201.

რომ შემწვობისათვის იესო ქრისტე მოიხმოს, რათა ამით ღმერთს არ მიეღაროს, ამიტომ შესაწევნელად ანგელოზებს უნდა მიმართოსო. საესეებით შესაძლებელია, რომ მწვალებლები ამას ამბობდნენ ცრუსიმდაბლიდან გამომდინარე, რასაც მათში ბოროტი სული აღძრავდა. მოიხსენიებს რა ამ მწვალებლობას კოლასელთა მიმართ ეპისტოლეში, პავლე მოციქული ამბობს: „*ნუინ თქვენ მძლე გექმნებინ, უნდეს თუ სიმდაბლითა და წესითა ანგელოზთათა*“ (2, 18). წმინდა მოციქულის ეს სიტყვები აღნიშნავს, რომ ვერავინ შეძლებს მოგვაკლოს ჯილდო ჩვენი რწმენისა და მართალი ცხოვრებისათვის, როგორც არ უნდა იცდილონ განგვაყენონ მართალი სარწმუნოებისაგან და გეაიძულონ ცრუ თვითდამცირების ძალით, პატივი მივაგოთ ანგელოზებს, ანუ მათ პატივსაცემად ჩავატაროთ მსახურებები და, ამასთან, უღირსად მივიჩნიოთ თავი მოვიხმოთ ძე ღვთისა – ზეციერი მამისკენ ჩვენი მეგზური. ამ მწვალებლობის მიმდევრები ანგელოზებს უხმობდნენ და მათ საპატივცემლად შეკრებებს მართავდნენ. განიკითხავს რა ამ მწვალებლობას, კანონი ამბობს, რომ ყოველი, ვინც ამ საიდუმლო კერპთაყვანიმცემლობის ერთგულებაში იქნება მხილებული, შეჩვენებულ იყოს. ეს, – *პავლე მოციქულის სიტყვებით*, – ანგელოზების წინაშე მსახურება, კანონში იწოდება კერპთაყვანიმცემლობად; არა იმიტომ, რომ ანგელოზების პატივისცემა ნამდვილად კერპთაყვანიმცემლობას ნიშნავს, არამედ იმიტომ, რომ ამით ბოროტი სული, აწორებს რა ადამიანს იესო ქრისტეს მოხმობისაგან, თანდათანობით, თვით მისთვის შეუშრნეულად, ითრევს მას კერპთაყვანიმცემლობაში.

კანონი 36

უჯეროა ნაკურთხი პირისთვის ან ეკლესიის მსახურისთვის იყოს გრძნეული, მსახრვალი, რიცხვთამკითხავი ან ვარსკვლავთმეტყველი, ან დაამზადოს ეგრეთ წოდებული საცო, რომელი არს სულის კრულებანი. ვინც მათ ატარებს, იმათ განკვეთას ვბრძანებთ ეკლესიიდან.

(*ტრულ. 61; ანკირ. 24; ბასილი დიდის 7, 65, 72, 83; გრიგოლი ნოსელის 8*)

ჩვენთვის ცნობილია ტრულის კრების 61-ე კანონის განწესება იმ ერისკაცთა მიმართებით, რომლებიც მკითხაობით არიან დაკავებულნი. წინამდებარე ლადიკიის კრების კანონი იგივე საკითხზე საუბრობს, ოღონდ – კლირიკოსებთან მიმართებით, რომლებსაც სწამთ მკითხაობის ან თავად მკითხაობენ. კანონი მთელი კატეგორიულობით განიკითხავს მსგავს ქმედებებს და დამნაშავეს ეკლესიიდან განკვეთით სჯის. ნიკიტა, XII საუკუნის კანონისტი, ამ საკითხის შესახებ შეკითხვაზე პასუხის გასაცემად, მიმართავს ანკირიის კრების 24-ე და ლადიკიის ამ (39-ე) კანონებს; მკითხაობით საქმიანობას იგი წარმართულ საქმეს უწოდებს, – ქრისტიანული სამყაროსათვის მიუღებელს და კიდევ უფრო ნაკლებად მისაღებს მართლმადიდებელი ეკლესიისათვის.* წინამდებარე კანონი განიკითხავს, აგრეთვე, განსაკუთრებულად „საცოს“ (დასაცავი, თილისმა, предохранитель, φυλακτήρια) დამზადებას. თა-

*ათენის სინტაგმა, V, 384.

ვად „საცოს“ უწოდებს „სულის კრულებანს (ბორკილებს)“, და განაწესებს ყველა იმათგანის ეკლესიიდან განკვეთას, ვინც მას ატარებს. წმინდა წერილში მოხსენიებულია ეს „საცოები“; მათ იუდეველები ლოცვის დროს იყენებდნენ (იხ. მთ. 23,5), კერძოდ, მათ ჰქონდათ ორი სახვევი, რომლებზეც ეწერა ღმერთის სახელი და 4 მუხლი წმინდა წერილიდან. ერთი მათგანი ისინი თავს იკრავდნენ, მეორეს – მარცხენა ხელზე იხვევდნენ, და სჯეროდათ, რომ ყოველი, ვინც ამ სახვევებს ატარებდა, ამით თავისგან ბოროტებას დევნიდა და იღებდა ყოველგვარ სიკეთეს. თავისთავად ცხადია, რომ ეს აშკარა ცრურწმენაა, საწინააღმდეგო იმ სწავლებლისა, რომ ცხოვრებაში, ადამიანმა, თავისი თავი ღმერთის განგებას უნდა შესწიროს, თავად კი კეთილი საქმეები აკეთოს და სიკეთეს მხოლოდ განმგებელი ღმერთისგან ელოდოს. „საცოს“ ტარების ჩვეულებას, რა თქმა უნდა, მკითხაობის მნიშვნელობა ჰქონდა, და ამიტომ ბუნებრივია, რომ იგი შედის ჩამონათვალში რიცხვებით, ვარსკვლავებით და ა. შ. მკითხაობასთან ერთად. იუდეველებიდან „საცოს“ ტარების ჩვეულებამ ზოგიერთ ქრისტიანშიც მოიკიდა ფეხი; ისინი მას კისერზე ატარებდნენ ან ავადმყოფობის დროს იხვევდნენ სხეულის სხეულ ადგილზე. იმ მნიშვნელობიდან გამომდინარე, რაც მაშინ (IV საუკ.) ამ „საცოებს“ ჰქონდათ, საესებით გასაგებია სასჯელის სიმკაცრე, რომელსაც კანონი ადებს ყველას, ვინც კი ამზადებს ან ატარებს მათ.

კანონი 37

უჯეროა იუდეველთა ან მწვალებელთაგან გამოგზავნილი სადღესასწაულო ძღვენის მიღება, ან მათთან დღესასწაულობა.

(მოც. 64, 70, 71; ტრულ. 11; ანკირ. 9; ლაოდ. 6, 9, 29, 33, 34, 38, 39)

კანონი 38

უჯეროა იუდეველთაგან ხშიადების (უფუარი პურების) მიღება, ან მათ უკეთურებასთან ზიარება.

(მოც. 7, 64, 70, 71; ტრულ. 11; ანკირ. 9; ლაოდ. 6, 9, 29, 33, 34, 37, 39)

კანონი 39

უჯეროა დღესასწაულობა მწვალებლებთან ერთად და ზიარება მათ უღმერთობასთან.

(მოც. 71; ტრულ. 71, 94)

ამ სამ კანონთან დაკავშირებით იხ. მოციქულთა 70-ე და 71-ე და მათი პარალელური კანონების განმარტებები.



კანონი 40

ეპისკოპოსმა არ უნდა უგულვებლყოს კრებაზე მიწვევა, არამედ უნდა წავიდეს და თავისი აზრი გამოთქვას ან სხვისი მოისმინოს ეკლესიის კეთილმოწყობისა და სხვა საქმიეების შესახებ. ხოლო თუკი უგულვებლყოფს მიწვევას, მაშინ თავადვე იქნება საკუთარი თავის ბრალმდებელი; წაუსვლელობის მიზეზი მხოლოდ ავადმყოფობა იყოს.

(მოც. 37; I მსოფ. 5; IV მსოფ. 19; ტრულ. 8; VII მსოფ. 6; ანტიოქ. 20; კართ. 18, 76, 95)

იხ. მოციქულთა 37-ე და სხვა პარალელური კანონების განმარტებები.

კანონი 41

უჯეროა ნაკურთხი პირის ან ეკლესიის მსახურისთვის მოგზაურობა ეპისკოპოსის მართებული სიგელის გარეშე.

(მოც. 12, 13, 32, 33; IV მსოფ. 11, 13; ტრულ. 17; ანტიოქ. 6, 7, 8, 11; ლაოდ. 42; სარდ. 7, 8, 9; კართ. 23, 106)

კანონი 42

უჯეროა ნაკურთხი პირისთვის, ან ეკლესიის მსახურისთვის ეპისკოპოსისგან მასზე გაცემული კანონიერი სიგელის გარეშე მოგზაურობა.

(მოც. 12, 13, 32, 33; IV მსოფ. 11, 13; ტრულ. 17; ანტიოქ. 6, 7, 8, 11; ლაოდ. 42; სარდ. 7, 8, 9; კართ. 23, 106)

ამ ორი (41-ე და 42-ე) კანონისთვის იხ. მოციქულთა მე-12 და სხვა პარალელური კანონების განმარტებები.

კანონი 43

უჯეროა ეკლესიის მსახურთათვის თუნდაც მცირე ხნით მიატოვონ კარი ლოცვების კითხვის მიზეზით.

(ტრულ. 4, 6, 15; ლაოდ. 20, 21, 22, 24, 25)

იხ. ამ კრების 21-ე და 22-ე კანონების განმარტებები.

კანონი 44

დედაკაცისთვის დაუშვებელია საკურთხეველში შესვლა.

(ტრულ. 69; ლაოდ. 19)

შესახსენებს რა ამ კანონის განმარტებაში ზოგადად ყველა ერისკაცს საკუროთხვეულში შესვლის აკრძალვის თაობაზე (იხ. ტრულ. 69-ე; ლაოდ. მე-19), ზონარა დასძენს, რომ მით უფრო უნდა აეკრძალოს ეს დედაკაცებს, რომლებსაც მათი ნებისგან დამოუკიდებლად, ემართებათ თეოური სისხლდენა (течение месячных кровей, ή των εμμήνων αιμάτων ρύσις)*

კანონი 45

დიდმარხვის დაწყებიდან ორი კვირის შემდეგ მოსანათლავად არავინ მიიღებოდეს.

(I მსოფ. 14; ტრულ. 78; ლაოდ. 46)

ამ კანონში საუბარია კათაქმეველთა შესახებ ზოგადად, და კერძოდ იმათ შესახებ, რომლებიც საკმაოდ განისწავლნენ ქრისტიანულ სარწმუნოებაში, და ამის შემდეგ გარკვეული დრო უნდა დაეთმოთ სულიერი წვრთნისათვის, რათა სრულიად განმზადებულიყვნენ ნათლობისათვის, ანუ „ნათლისღების საიდუმლოსათვის“. ესენი იყვნენ ის კათაქმეველები, რომლებიც მოიხსენიებიან პირველშეწირულის წირვაზე, იმ დროს, როდესაც ჯვართთაყვანისცემის შვიდეულის ოთხშაბათიდან ეკლესია ლოცულობს *ნათლისღებისთვის განმზადებულ ძმათათვის*. იმასთან დაკავშირებით, თუ რაოდენ ხანგრძლივი იყო კათაქმეველობის დრო იმ პირთათვის, ვინც მოწიფულ ასაკში გადაწყვიტა გაქრისტიანება, ჩვენ უკვე ვისაუბრეთ I მსოფლიო კრების მე-14 კანონის განმარტებაში. როდესაც ქრისტიანობაში განსწავლის შემდეგ (კათაქმეველობის დასრულების შემდეგ, по окончании отпашения) მათზე მიმაგრებული კატეხიზატორები განაცხადებდნენ, რომ მათი კატეხუმენები საკმარისად არიან ქრისტიანულ სწავლებასთან გაცნობილნი, მაშინ უკვე ეს უკანასკნელნი უნდა წარმდგარიყვნენ მმართველ ეპისკოპოსთან და გაეცხადებუნათ მისთვის წმინდა ნათლისღების მიღების სურვილი. ჩვეულებრივ, დრო, როდესაც კატეხუმენები ინათლებოდნენ, იყო დიდი შაბათი, იმ დღის მოსახსენიებელი, როდესაც ქრისტე საფლავად იდო, ნიშნად იმისა, რომ „ძველი-იგი კაცი“ მაშინ ქრისტეს თანადეფლო იმისათვის, რომ ქრისტეს აღდგომით ახალი ცხოვრებისათვის აღდგეს (იხ. რომ. 6, 4). სწორედ იმ დღეს რომ მიეღოთ წმინდა ნათლისღება (დიდ შაბათს), კატეხუმენებს ამის შესახებ ეპისკოპოსისათვის უნდა გაეცხადებინათ ჯერ კიდევ ხორციელი კვირის ბოლო დღეებში. ასეთი განცხადების შემდეგ, ეპისკოპოსი მათთვის იწვევდა დიდმარხვის პირველ დღეს და თავად სცდიდა, და თუ ქრისტიანობის ღირსად ჩათვლიდა, აძლევდა კუროთხევას, ქრისტიანულ სახელს და განკარგულებას იძლეოდა მათი ჩარიცხვის შესახებ განსანათლებელთა („φωτισμένοι“) რიგებში, ე.ი. იმათ რიგებში, ვინც წმინდა ნათლისღებისთვის ემზადებოდა, რათა დიდ შაბათს შეძლებოდათ უკვე ნათლობის მიღება. ქრისტიანული სახელის მიღების დღიდან, ანუ დიდმარხვის პირველი დღიდან, მთელი „ორმეოცის“ განმავლობაში, კატეხუმენები მკაცრ მარხვაზე უნდა ყოფილიყვნენ, გამუდმებით ელოცათ

*ათენის სინტაგმა, III, 212.

და ყოველდღე ეკლესიაში ევლოთ. თუ რომელიმე კატეხუმენი არ განაცხადებდა თავის დროზე ნათლობის სურვილს, და ამას მოგვიანებით გააკეთებდა, განსაკუთრებით კი, როგორც კანონი ამბობს „დიდმარხვის დაწყებიდან ორი კვირის შემდეგ“, მაშინ იგი ვერ მონათლებოდა დიდ შაბათს, რადგან არ იმარხულა დადგენილი წესით „რომელიც“. თუმცაღა, — ამბობს ზონარა ამ კანონის განმარტებაში, — მას შეეძლო მოგვიანებით მონათლულიყო, რადგან კანონის სიტყვები „არ უნდა მიიღებოდეს“, უნდა გაევიოთ არა სრული შეზღუდვით, არამედ, დიდ შაბათთან დაკავშირებით.*

კანონი 46

მოსანათლავებმა უნდა შეისწავლონ სარწმუნოება და შეიდეულის მეხუთე დღეს პასუხი მისცენ ეპისკოპოსს, ან მღვდელს.

(I მსოფ. 2, 14; ტრულ. 78, 96; ლაოდ. 19, 45)

ამ კანონის ტექსტში ნათქვამია მხოლოდ „შეიდეულის მეხუთე დღეს“ (ἡ πέμπτη ἡμέρα ἐπιδομῆς), ჩვენ კი ასე გადმოთარგმნეთ: „ყოველი შეიდეულის მეხუთე დღეს“; ** რადგან გესურდა მიყოლოდი ბერძენ კომენტატორებს — ბალსამონსა და ზონარას, რომელთა განმარტებებშიც არის სიტყვები: „ყოველი შეიდეულის“ (ἐκάστη ἐπιδομῆς), *** რაც საესებით სწორად მიგვაჩნია. აქედან გამომდინარე, არ შეგვიძლია დავეთანხმით არისტინეს, რომელიც ამბობს, რომ სიტყვებში: „ἡ πέμπτη ἡμέρα ἐπιδομῆς“ („შეიდეულის მეხუთე დღეს“), უნდა ვიგულისხმით მხოლოდ დიდი ხუთშაბათი: „ἡ πέμπτη ἡμέρα ἐπιδομῆς καθ' ἕν μᾶλλε φαινομένη“ („გაბრწყინების წინა შეიდეულის მეხუთე დღეს“). **** ჩვენ საესებით სწორად მიგვაჩნია დასახელებულ კომენტატორთა განმარტება, რადგან ცნობილია, რომ კათაქმეველთა კატეხიზაცია საკმაოდ ინტენსიურად მიმდინარეობდა, თანაც ეს უკანასკნელნი ვალდებული იყვნენ პერიოდულად ჩაებარებინათ ეპისკოპოსისთვის ანგარიში სარწმუნოებაში თავიანთი გაცნობიერების შესახებ. გარდა ამისა, ეკლესია უნდა დარწმუნებულიყო კათაქმეველთა ურყევობაში, რომ მათ ქრისტიანული სარწმუნოების მიღება მტკიცე დაჯერებულობით სურდათ, ხოლო ამაში დარწმუნება ეკლესიას შეეძლო, — როგორც ზონარა შენიშნავს წარმოდგენილი კანონის განმარტებაში, — იმით, რომ ისინი კათაქმეველობის მთელი პერიოდის მანძილზე, ყოველ ხუთშაბათს აბარებდნენ ანგარიშს ეპისკოპოსს ან მღვდელს იმის თაობაზე, თუ რა გაიარეს ქრისტიანული სწავლებიდან ერთ კვირაში, — ეს იმისთვის, რომ ვინმეს, რწმენაში არასრულად განმტკიცებულს, ნათლისღება არ მიეღო და არ ზიარებულიყო ჩვენს წმინდა საიდუმლოებას.

*ათენის სინტაგმა, III, 212, 213.

**თეთი კანონის ტექსტი, რომელსაც ეს განმარტება ახლავს, როგორც ჩანს, არ არის განმარტების ავტორისეული (ეპისკოპოს ნიკოდიმის) ტექსტი, რადგან სიტყვა „ყოველი“ კანონის ტექსტში არ გვხვდება. — მთარგმ.

***ტრულის კრების 78-ე კანონის განმარტება, ათენის სინტაგმაში, II, 486.

****ათენის სინტაგმა, II, 486.

კანონი 47

ავადმყოფობის დროს მონათლულებმა, რომლებიც შემდეგ გამოჯანმრთელდნენ, უნდა შეისწავლონ სარწმუნოება და შეიცნონ, თუ როგორი ღვთაებრივი საუნჯე მიუღიათ.

(I მსოფ. 2, 14; ტრულ. 78, 96; ნეოკეს. 12; ლაოდ. 19, 45, 46; კართ. 45)

თუკი ვინმე კათაკმეველთაგანი ავად გახდება კათაკმეველობისათვის განწესებული დროის გასვლამდე (I მსოფ. 14; ლაოდ. 46), მაშინ კანონი მისი მონათელის ნებას იძლევა, თუცაღა, მოითხოვს, რომ თავისი გამოჯანმრთელობის შემთხვევაში, მან ნათლობის შემდეგ გააგრძელოს ქრისტიანული სწავლების შესწავლა იმისათვის, რომ გაიგოს, თუ რაგვარი ღვთაებრივი საუნჯის ღირსი შეიქმნა.

კანონი 48

ნათელღებულნი ცხებულ უნდა იქნენ ზეციური საცხებელით და ღმერთის სასუფეველის თანაზიარნი გახდნენ.

(III მსოფ. 7; ტრულ. 95)

მირონცხება რომ ახალი აღთქმის საიდუმლოა, ამის შესახებ მართლმადიდებლური დოგმატიკა გვეუბნება, ისევე, როგორც იმის შესახებ, რომ მირონცხების საიდუმლოს აღსრულება შეუძლია ეპისკოპოსსაც და მღვდელსაც, და რომ აღსრულება ის ნათლისმომღებელზე მაშინვე, ნათლობის დასრულებისას.* ამ კანონიდან ჩანს, რომ ზოგიერთები არ ასრულებდნენ მონათლულზე მირონცხებას მაშინვე, როგორც კი მონათელას დაასრულებდნენ, რის გამოც კანონი აღორძინებს იმ დროისათვის უკვე არსებულ დადგენილებას, რომელიც განაწესებდა ნათლობის დასრულებისთანავე ყველა მონათლულის ცხებას წმინდა მირონით, ან, როგორც კანონი იტყვის – ზეციური საცხებელით, რათა გახდეს იგი საღვთო სასუფეველის თანამემკვიდრე და ეკლესიის ჭეშმარიტი, მოღვაწე წევრი.

კანონი 49

უჯერობა დიდმარხვაში წმიდა პურის შეწირვა, გარდა შაბათისა და კვირა დღისა.

(მოც. 66, 69; ტრულ. 52; ლაოდ. 50, 51, 52)

იხ. ტრულის კრების 52-ე კანონის განმარტება.

*მიტროპოლიტი მაკარი, „დოგმატური ღვთისმეტყველება“, §§ 208-213.

კანონი 50

დიდმარხვის უკანასკნელი შვიდეულის ხუთშაბათს არაჯეროვანია მარხვის გახსნილება და მთელი დიდმარხვის უწყსოდ გატარება, არამედ საჭიროა მთელი დიდმარხვის განმავლობაში მარხვის შენახვა ხმელი საჭმელით.

(მოც. 66, 69; ტრულ. 29, 89; დიონისე ალექსანდრიელის 1; ტიმოთე ალექსანდრიელის 8, 10)

იხ. მოციქულთა 66-ე და 69-ე და მათი პარალელური კანონების განმარტებები.

კანონი 51

უჯეროა დიდმარხვაში მოწამეთა დღესასწაულების აღნიშვნა, არამედ აღესრულოს წმინდა მოწამეთა ხსენება შაბათობით და კვირადღეობით.

(მოც. 66, 69; ტრულ. 52; ლაოდ. 49, 50, 52)

კანონი 52

უჯეროა დიდმარხვაში დაქორწინება, ანდა დაბადების დღეების გადახდა (დღესასწაულობა).

(მოც. 66, 69; ტრულ. 52; ლაოდ. 49, 50, 51)

იმ მნიშვნელობასთან შესაბამისობაში, რომელიც ეკლესიაში დიდმარხვას აქვს მინიჭებული (იხ. ტრულ. 52-ე), ლაოდიკიის კრების მამები კრძალავენ მის მთელ პერიოდში წმინდა მოწამეების ხსენების აღნიშვნას (51-ე კან.), – გარდა შაბათი და კვირა დღეებისა (მოც. 66-ე); ასევე, გვირგვინის კურთხევას (ჯერისწყერას) ან დაბადების დღის ზეიმს (52-ე კან.).

კანონი 53

უჯეროა ქორწილში მისული ქრისტიანებისთვის ხტუნვა და როკვა, არამედ თავმდაბლად ივახშმონ და ისადილონ, როგორც ეს ქრისტიანებს შეეფერებათ.

(ტრულ. 24; ლაოდ. 54)

კანონი 54

უჯეროა ნაკურთხი პირისთვის, ან ეკლესიის მსახურთათვის სახილველი წარმოდგენების ყურება ქორწილებსა და სხვა წვეულებებზე; არამედ სამამ მსახიობები შემოვიდოდნენ, უნდა აღგნენ და წავიდნენ.

(ტრულ. 24; ლაოდ. 53)

მხედველობაში იღებენ რა ქორწინების სიწმინდეს, ეს კანონები (53-ე და 54-ე) მოითხოვენ, რომ ქრისტიანული ქორწინებები ტარდებოდეს კდემითა და მოკრძალებით, ამიტომ უკრძალავენ როგორც სასულიერო პირებს, ისე ერისკაცებსაც ისეთ

ქორწილებში მონაწილეობის მიღებას, სადაც ისეთი რამეები ხდება, რაც, ჩვეულებრივ, მხოლოდ წარმართებს ახასიათებთ.

კანონი 55

უჯეროა ნაკურთხი პირისთვის, ან ეკლესიის მსახურთათვის და თვით ერისკაცთათვისაც კი, ერთობლივად, საერთო სახსრებით მოაწყონ ღრეობები.
(*კართ. 60*)

ისწრაფვიან რა იმისკენ, რომ ქრისტიანული ცხოვრება წმინდა წერილს შესაბამისი იყოს, კანონი მოითხოვს, თითოეულმა იცხოვროს სიმდაბლით და ღვთისმოთნედ. კანონი ამას მოითხოვს როგორც თითოეული ქრისტიანი ერისკაცისგან, ასევე, განსაკუთრებით იმ პირთაგან, ვინც საეკლესიო დასს მიეკუთვნება და ვალდებულინი არიან სხვებს მისაბაძ მაგალითად ემსახურონ.

კანონი 56

უჯეროა მღვდლებისთვის ეპისკოპოსის შესვლამდე საკურთხეველში შესვლა და დაჯდომა, არამედ შევიდნენ ეპისკოპოსთან ერთად, გარდა იმ შემთხვევისა, როცა ეპისკოპოსი უძღვრებაშია ანდა სხვაგანაა წასული.
(*მოც. 2, 31, 39, 55; IV მსოფ. 8, 23; ტრულ. 17*)

რამდენიმე კანონის განმარტებაში (მოც. მე-2, 31-ე და ა. შ.), ჩვენ უკვე ვისაუბრეთ ეპისკოპოსისადმი მღვდლის კანონიკურ მორჩილებაზე. როგორც ლაოდიკიის კრების ამ კანონიდან ჩანს, ზოგიერთი მღვდელი, განსაკუთრებით ფრიგიაში, ივიწყებდა ეპისკოპოსისადმი თავიანთი დაქვემდებარებას და თავს ვალდებულად არ თვლიდა მიეგო მისთვის ეკლესიაში მისი წოდებისათვის შესაფერისი პატივი. ასეთი უწესრიგობის წინააღმდეგ მიიღეს ლაოდიკიის კრების მამებმა წინამდებარე კანონი, რომლის განწესების აზრიც ნათელია თვით ტექსტიდან.

კანონი 57

უჯეროა ეპისკოპოსთა დადგინება მცირე ქალაქებსა და სოფლებში, არამედ დადგინილ იქნენ პერიოდეგტები, ხოლო მანამდე უკვე დადგინებულებმა არაფერი მოიმოქმედონ ქალაქის ეპისკოპოსის უნებურად. ამგვარადვე, ნურც მღვდლები მოიმოქმედებენ რაიმეს ეპისკოპოსის ნებელობის გარეშე.
(*I მსოფ. 8; ანკირ. 13; ნეოკეს. 14; ანტიოქ. 8, 10; სარდ. 6*)

„მღვდელმთავრის ხარისხი პატივის ღირსია; ხოლო, როდესაც დაბაში ან სოფელში ხარ ეპისკოპოსი, იქ, სადაც არ არის ქალაქი და საკმაო რაოდენობის მრევლი, ამას ადვილად შეუძლია მღვდელმთავრობის ხარისხის დაკნინება გამოიწვიოს“, – ამ-

ბობს ზონარა ამ კანონის განმარტებაში.* სწორედ ასეთი დასკვნა იყო ლაოდიკიის მამების მიერ ამ კანონის მიღების მიზეზი, რომელიც, თავის მხრივ, განაწესებს, რომ მცირე დასახლებების ადგილებსა და სოფლებში დადგინდეს არა ეპისკოპოსები, არამედ – პერიოდევტები (περιόδευται, „მიმომხილველი“). პერიოდევტები ეკლესიაში განსაკუთრებულ მსახურებას ასრულებდნენ და მათი ინსტიტუტი ქრისტიანობის პირველივე ხანებიდან არსებობდა. ესენი იყვნენ უმაღლესი ხარისხის მღვდლები, რომლებიც უშუალოდ ქალაქის ეპისკოპოსთან მსახურობდნენ. მათი მოვალეობა იყო ზედამხედველობითი მსახურება; ეპისკოპოსის სახელით უნდა მოეველოთ (περιόδευσαι) წლის გარკვეულ დროს ეპარქიის დაბა-სოფლების ეკლესიები და მათი მღომაგრობის შესახებ ეპისკოპოსისთვის ანგარიში ჩაებარებინათ. დროთა განმავლობაში, როდესაც ეკლესიების ეპარქიალურმა მმართველობამ სრულ მოწყობილობას მიაღწია, პერიოდევტების სამსახურმა თავისი ფუნქციონალური მნიშვნელობა და დამოუკიდებლობა დაკარგა, თავად ისინი კი სხვა პირებმა შეცვალეს. ამჟამად, ამ მოვალეობას, უმთავრესად, პროტოპრესვიტერები ასრულებენ, ანუ მთავარხუცეცები (მაგ., სერბეთში,** და კეთილმოწყენი („ბლაგოჩინოსნები“) – რუსეთში. გამოსცა რა ასეთი განწესება პერიოდევტების შესახებ, ლაოდიკიის წინამდებარე კანონი იმ ეპისკოპოსებთან მიმართებით, – რომლებიც იმ დროისათვის უკვე მსახურობდნენ დაბებსა და სოფლებში, – განაწესებს, რომ მათ არაფერი გადაწყვიტონ ქალაქის მმართველი ეპისკოპოსის ნებართვის გარეშე, ისევე, როგორც მღვდლებმა (იხ. მოც. 39-ე).

კანონი 58

უჯეროა ეპისკოპოსათვის ან ხუცესათვის სახლებში შესწირავდნენ ძღვენს (აღასრულებდნენ ლიტურგიას).

(მოც. 31; IV მსოფ. 18; ტრულ. 31, 34, 59; VII მსოფ. 7, 10; ღანგ. 6; ანტიოქ. 5; კართ. 10; ორგ. 12)

იხ. ტრულის კრების 31-ე კანონის განმარტება.

კანონი 59

უჯეროა ეკლესიაში იმ ფსალმუნების ან წიგნების კითხვა, რომლებიც არ არის განსაზღვრული კანონით, არამედ – მხოლოდ კანონში აღნიშნული ძველი და ახალი აღთქმის წიგნები უნდა იკითხებოდეს.

(მოც. 60; ტრულ. 63; კართ. 103)

ეკლესიის პირველ საუკუნეებში იესო ქრისტესთვის პატივის მისაგებად ბევრი კეთილმსახური ადამიანი ადგენდა განსაკუთრებულ საგალობლებს (οἱ ἁγιοὶ ψαλμοὶ, ἰδαυτικὸς ψαλμὸς, psuatos psalmos), და სწორედ ამ საგალობლებს გალობდნენ ეკლესიებში ღვთისმსახურებისას. მაგრამ შემდგომში საგალობლების შედგენა

*ათენის სინტაგმა, III, 22, 223.

**1985 წლიდან საქართველოშიც.

მწვადლებლებმაც დაიწყეს და ეკლესიაში ხშირად განურჩევლად ასრულებდნენ სხვადასხვა საგალობელს, რის გამოც ლაოდიკიის კრების მამებმა აკრძალეს ეკლესიაში ასეთი „განსაკუთრებული საგალობლების“ კითხვა, ანუ – „არაკანონიკური წიგნების“, და განაწესეს, რომ გამოყენებაში უნდა იყოს მხოლოდ ძველი და ახალი აღთქმის „კანონიკური წიგნები“, რომლებიც შემდგომ (მე-60) კანონშია ჩამოთვლილი.

კანონი 60

უნდა იკითხებოდეს შემდეგი წიგნები:

ძველი აღთქმისა – 1. დაბადებისა (ქვეყნის შექმნათა). 2. გამოსვლათა ეგვიპტიდან. 3. ლევიტელთა. 4. რიცხვთა. 5. მეორე შჯულისა. 6. ისუ ნავესი. 7. მსაჯულთა, რუთისა. 8. ესთერისა. 9. მეფეთა პირველი და მეორე წიგნები. 10. მეფეთა მესამე და მეოთხე წიგნები. 11. პარალიპომონონი (ნეშტთა) პირველი და მეორე წიგნები. 12. ეზდრასი პირველი და მეორე წიგნები. 13. წიგნი ას ორმოცდაათი ფსალმუნისა (დავით მეფისა). 14. იგავნი სოლომონისა. 15. ეკლესიასტე (სოლომონისა). 16. ქებათა ქება (სოლომონისა). 17. წიგნი იობისი. 18. წიგნი თორმეტი წინასწარმეტყველისა. 19. ესაიასი. 20. იერემიასი, ბარუქისა, გოდებისა და ეპისტოლე. 21. ეზეკიელისა. 22. დანიელისა.

ახალი აღთქმისა – ოთხი სახარება: მათესი, მარკოზისა, ლუკასი და იოანესი; საქმე მოციქულთა; შეიდი კათოლიკე (საზოგადო) ეპისტოლე: იაკობისა – ერთი, პეტრესი – ორი; იოანესი – სამი; იუდასი – ერთი; პავლეს ეპისტოლენი – თოთხმეტი: რომაელთა მიმართ – ერთი; კორინთელთა მიმართ – ორი; გალატელთა მიმართ – ერთი; ეფესელთა მიმართ – ერთი; კოლასელთა მიმართ – ერთი; თესალონიკელთა მიმართ – ორი; ებრაელთა მიმართ – ერთი; ტიმოთეს მიმართ – ორი; ტიტეს მიმართ – ერთი და ფილიმონის მიმართ – ერთი.

(მოც. 85; კართ. 24; ათანასე დიდის „დღესასწაულების შესახებ“; გრიგოლი ღვთისმეტყველის „წმინდა წერილის წიგნების შესახებ“; ამფილოქეს „წმინდა წერილის წიგნების შესახებ“)

იმის გამო, რომ თავიანთი 59-ე კანონით ლაოდიკიის კრების მამებმა აკრძალეს არაკანონიკური წიგნების კითხვა და განაწესეს, რომ უნდა იკითხებოდეს მხოლოდ კანონიკური წიგნები, ამიტომ წინამდებარე (მე-60) კანონში ისინი აკეთებენ ამ წიგნების რიგითობით ჩამონათვალს; ითვლიან ძველი აღთქმის 22 წიგნს, რომლებიც ახლაც ძალაშია კანონიკურ მართლმადიდებელ ეკლესიაში. ახალი აღთქმიდან კი ჩამოთვლილია ყველა კანონიკური წიგნი, გარდა აპოკალიფსისა (გამოცხადება). ეს იმით აიხსნება, რომ მოციქულთა ყველა ნაშრომი ერთდროულად ვერ აღწევდა ყველა ადგილობრივ ეკლესიამდე და, ადვილი შესაძლებელია, რომ ამ კრების მიმდინარეობის დროს „გამოცხადება“ არ იყო ცნობილი ფრიგიაში, როგორც ახალი აღთქმის კანონიკური წიგნი.

სარღიპის წმინდა აღბილობრივი საეკლესიო კრება

ეს კრება შედგა სარღიპიაში (ახლანდელი სოფია) 343 წელს, ბერძნულ-რომაული იმპერიის აღმოსავლეთ და დასავლეთ ნახევრების საზღვარზე; კრება მრავალრიცხოვანი იყო. შეკრების მიზანს წარმოადგენდა, ათანასე დიდთან დამოკიდებულებით შეთანხმებისათვის მიეღწიათ აღმოსავლელ და დასავლელ ეპისკოპოსებს, რადგან არიანელთა ინტრიგების შედეგად, მათ შორის განხეთქილება ჩამოვარდნილიყო. კრებას 300 დასავლელი და 76 აღმოსავლელი ეპისკოპოსი ესწრებოდა. თავმჯდომარეობდა კორდუბის ეპისკოპოსი ოსიოსი, ცნობილი ჯერ კიდევ ნიკეის კრებიდან. მას შემდეგ, რაც უსაფუძვლოდ მიიჩნიეს ათანასეს წინააღმდეგ წაყენებული ყველა ბრალდება და დაამტკიცეს ნიკეის სიმბოლო (მრწამსი), კრება საკანონმდებლო საქმიანობას შეუდგა; მიიღო 21 კანონი საეკლესიო დისციპლინასთან დაკავშირებით. ყველა ეს კანონი შეტანილია საყოველთაო საეკლესიო კანონიკურ კრებულში.

სარღიპის წმინდა აღბილობრივი საეკლესიო კრების კანონები

კანონი 1

ოსიოსმა, ქალაქ კორდუბის ეპისკოპოსმა, თქვა: ჯერ არს საფუძველშივე აღმოიფხვრას არა იმდენად ცუდი ჩვეულება, რამდენადაც უდიდესი ზიანის მომტანი წესრიგის დარღვევა საეკლესიო საქმეებში. ეპისკოპოსთაგან ნურავის მიეცემა ნება პატარა ქალაქიდან სხვა ქალაქში გადავიდეს. რამეთუ ამ საქმეში აშკარაა მიზეზი, რისთვისაც ეს ხდება: იმიტომ, რომ არასდროს ყოფილა შესაძლებელი თუნდაც ერთი ეპისკოპოსის პოვნა, რომელიც დიდი ქალაქიდან პატარა ქალაქში ეცდებოდა გადასვლას. აქედან, ცხდია, რომ ესევეთარნი მრავლის მოხვეჭის ვნებით აღენთებიან და უმეტესად ამპარტავნებით იღვწიან იმისთვის, რომ აშკარად მეტი ძალაუფლება მიიღონ. ამრიგად, თუკი ყველას ნება იქნება, დაე, უფრო მკაცრად დაისაჯოს ასეთი გარდაქცეულება; ხოლო მე ვპავონებ, რომ ესევეთართ არ უნდა პქონდეთ თანაზიარება ერისკაცების თანაზწორადაც კი. ყველა ეპისკოპოსმა მიუგო: სათნოდ გვიჩანს.

(ანკე. 14; I მსოფ. 15; IV მსოფ. 5; ტრულ. 20; ანტიოქ. 13, 16, 18, 21; სარღიკ. 2, 17; კართ. 48)

კანონი საუბრობს იმ სახის საეკლესიო მმართველობის დარღვევაზე, რასაც, ზოგადად, გამხრწნელი შედეგები მოჰქონდა ეკლესიისათვის. საქმე ეხება ზოგიერთი ეპისკოპოსის მიერ თავისი კათედრის დატოვებას და სხვა საეპისკოპოსო

კათედრაზე გადასვლას. მიზეზი, რისთვისაც ეპისკოპოსები ასე იქცეოდნენ, დიდი მატერიალური სარგებლის მიმართ ლტოლვა და მეტი პატივის სურვილი იყო, რადგან, როგორც კანონი ამბობს, ვერასდროს ნახაეთ ისეთ ეპისკოპოსს, რომელიც მონდომებდა დიდი ქალაქიდან უფრო პატარაში გადასვლას, მდიდარი ეპარქიიდან – ლატაკში, არამედ ყოველთვის პირიქით ხდება. ეპისკოპოსების მსგავსი გადასვლები ამ კრებამდეც ყოფილა განსჯის საგანი (იხ. მოც. 14; I მსოფ. 15), მაგრამ, როგორც ჩანს, ზოგიერთი ეპისკოპოსი ცუდად იცავდა კანონიკურ დადგენილებებს, რის გამოც სარდიკიის კრების მამებმა აუცილებელ ზომად მიიჩნიეს გაეძლიერებინათ ისინი და განაწესებენ, რომ ამგვარი ქმედებისათვის ეპისკოპოსები არამხოლოდ ხარისხიდან განიკვეთონ, არამედ მათ ეკლესიაში ერისკაცების უფლებებიც უნდა ჩამოერთვან, ანუ აეკრძალოთ ერთგულ მორწმუნეებთან თანაზიარება.*

კანონი 2

თუ აღმოჩნდება ვინმე ისეთი უგუნური ან კადნიერი, რომ მოიგონებს რაღაც გამართლებების მოტანას ასეთ საქმეში და დაიწყებს მტკიცებას, რომ ხალხმა გამოუგზავნა მას მიწვევის წერილი, მაშინ ცხადია, თუ როგორ შეეძლოთ მავანთ, არამრავალთ, სამაგიეროს მიგებითა და სასყიდლით მოხიბლულებს თავყრილობა მოეწყოთ ეკლესიაში თითქოსდა იმის სურვილით, რომ იგი ჰყოლოდათ ეპისკოპოსად. ამიტომ ვპოვნებ სრული სასჯელით დაისაჯოს ეს ხრიკები და აშკარა სიცრუე, რათა ესევეითარათგან არავინ, თვით თავისი სიკვდილის ჟამსაც, არ იქნეს ღირსი თანაზიარობისა, ერისკაცების თანასწორადაც კი. მისაღები თუ არის ეს შეხედულება? მიპასუხეთ. და მიუგეს: ნათქვამს ვიწყნარებთ.

(მოც. 14; I მსოფ. 15; IV მსოფ. 5; ტრულ. 20; ანტიოქ. 13, 16, 18, 21; სარდიკ. 1, 17; კართ. 48)

ეს კანონი წარმოადგენს პირველი კანონის გაგრძელებას. მაშინ არსებული კანონიკური პრაქტიკით, ეპისკოპოსის გამორჩევაში ერი აქტიურად მონაწილეობდა და, საერთოდ, ეპისკოპოსად დგინდებოდა ის პირი, ვინც ერს სურდა და ვისაც ის ითხოვდა (იხ. I მსოფ. მე-4 კან. და მისი განმარტება). იმ მიზნით, რომ კანონიერი სასჯელი თავიდან აერიდებინათ, ეპისკოპოსები, რომლებსაც სურდათ მცირე ეპარქიებიდან უფრო მდიდარ ეპარქიებში გადასულიყვნენ, ამის მიზეზად იმ ეპარქიიდან საეკლესიო ერის მიერ წერილობით მიწვევას ასახელებდნენ. კანონი არ ითვალისწინებს ასეთ დასაბუთებას, რადგან სავესებით შესაძლებლად მიიჩნევს, რომ ასეთ შემთხვევაში რამდენიმე მოსყიდულ პირს შეუძლია ერის სახელით მიიწვიოს ესა თუ ის ეპისკოპოსი. ასეთ საქციელს კანონი უწოდებს აშკარა სიცრუეს, რის გამოც მისი ჩამდენი ექვემდებარება უმკაცრეს განკითხვასა და სასჯელს, სახელდობრ, ასეთი დამნაშავე ვერ ეღირსება თუნდაც საერისკაცო

*იხ. ზონარასა და ბალსამონის განმარტება ათენის სინტაგმეში, III, 228-230.

თანაზიარებას სიკედილის ჟამსაც კი. არისტინე ასეთ სასჯელს საშინელს უწოდებს, რადგან ადამიანს არ შეუძლია წმინდა ზიარებას ელრსოს სასიკედილო სარეცელზეც, ამასთან, არ არსებობს სხვა რომელიმე კანონი, რომელიც ასეთ სასჯელს ითვალისწინებდეს რაიმე ცოდვისთვის.* ამ კანონით განწესებული სასჯელის სიმძიმე იმით აიხსნება, რომ იმ ქმედებაში, რაზედაც კანონშია საუბარი, ერთმანეთს ერწყმის რამდენიმე დანაშაული: გამოორჩენის სურვილი, ამპარტაუნება, მოსყიდვა, სიცრუე და ყველაფერ ამის ზევით – სიმონია. თუმცა, ამასთანავე, მხედველობაში უნდა ვიქონიოთ I მსოფ. კრების მე-13 კანონის განწესება, რომლის თანახმადაც სიკედილის წინ წმინდა ზიარება აუცილებლად უნდა მიეცეს ყველა მონანულ ქრისტიანს.

კანონი 3

ეხეც უნდა დავსძინოთ, რომ, დაე, ეპისკოპოსთაგან არავინ გადავიდეს თავისი სამთავროდან სხვა სამთავროში, სადაც თავიანთი ეპისკოპოსები ჰყავთ, გარდა იმ შემთხვევებისა, როცა მოწოდებული იქნება იქ მყოფი ძმების მიერ, – რომ არ გამოგვივიდეს სიყვარულის კარების დახშვა. ამასთან, გათვალისწინებულ უნდა იქნეს შემდეგიც: თუ რომელიმე სამთავროს ეპისკოპოსს სადავო საქმე აქვს თავის ძმასთან და თანაეპისკოპოსთან, დაე, ნურც ერთი მათგანი ნუ მოიწვევს შუამავლად სხვა სამთავროს ეპისკოპოსებს. ხოლო თუ ვინმე ეპისკოპოსთაგან დადანაშაულებული აღმოჩნდება რაიმე საქმეში, მაგრამ მიიჩნევს, რომ მისი საქმე უსამართლო კი არ არის, არამედ მართალია, და უნდა, რომ ხელმეორედ დაინიშნოს სამსჯავრო, მაშინ, თუკი თქვენი სიყვარული ინებებს, პატრივი მივაგოთ პეტრე მოციქულის ხსოვნას და, დაე, მიეწეროს ამ მოცილეთაგან რომის ეპისკოპოსს იულიუსს, რათა განახლდეს, თუ საჭიროა, სამსჯავრო იმ სამთავროს უმახლობელეს ეპისკოპოსთა მონაწილეობით და, დაე, მან დანიშნოს საქმის განმხილველნი. ხოლო თუ ბრალდებული ვერ შესძლებს თავისი საქმის ისეთად წარმოდგენას, რომელიც მეორედ განსჯას მოითხოვს, მაშინ ერთხელ განჩინებული, დაე, ნუ დაირღვევა, არამედ რაც იქმნა, მტკიცე იყოს.

(მოც. 35; I მსოფ. 5; IV მსოფ. 5; ანტიოქ. 13, 16, 21; სარდით. 2, 4, 5)

დასავლელი კანონისტები ამ კანონს სამად ყოფენ, რაც საეცებით გამართლებულია მისი შინაარსით, რადგან, სინამდვილეში ის საუბრობს სამ საკითხზე, რომელთაგან თითოეული მათგანი შეიძლება სრულიად დამოუკიდებლად იქნეს განხილული. კანონის პირველ ნაწილში საუბარია იმის შესახებ, რომ არც ერთ ეპისკოპოსს არ აქვს უფლება გადავიდეს სხვა სამთავროში რაიმე მღვდელმოქმედების აღსასრულებლად, თუ ამისთვის იმ სამთავროს ეპისკოპოსის მიწვევა არ გააჩნია. მეორე საკითხი, რაზედაც ეს კანონი საუბრობს, არის ის, რომ ეპისკოპოსებს შორის წარმოქმნილი დავა უნდა განიხილოს იმ სამთავროს კრებამ, რომელ სამთავროსაც

*ათენის სინტაგმა, III, 233.

ეს ეპისკოპოსები მიეკუთვნებიან და ამ განხილვაზე არ უნდა იქნეს მიწვეული სხვა სამთავროს ეპისკოპოსი. კანონის მესამე ნაწილში საუბარია ისეთ შემთხვევაზე, როდესაც დადანაშაულებული ეპისკოპოსი თავს მართლად მიიჩნევს და უკმაყოფილებას გამოთქვამს იმ განჩინების მიმართ, რომელიც თავისი სამიტროპოლიტო სამთავროს ეპარქიების ეპისკოპოსების გადაწყვეტილებით იქნა მის მიმართ გამოტანილი. მსგავს შემთხვევებში კანონი განაწესებს, რომ მან უნდა მიმართოს რომის ეპისკოპოს იულიუსს, რომლმაც უნდა გადაწყვიტოს, განახლდეს თუ არა სამსჯავრო, და დადებით შემთხვევაში თავად დანიშნოს სასამართლოს შემადგენლობა მეზობელი ეპარქიების ეპისკოპოსთა შემადგენლობით. ხოლო, თუკი რომის ეპისკოპოსი იულიუსი სასამართლოს განახლებას არ ჩათვლის საჭიროდ, მაშინ პირველი სასამართლოს გადაწყვეტილება უცვლელი რჩება. სარდიკიის კრების ამ კანონის ასეთ დაყოფას ჩვენ ვხვდებით ბალსამონთანაც, რომელსაც მისი განმარტებისას, პირველი ნაწილის განხილვის შემდეგ, მოჰყავს კანონის მეორე თავი, ანუ ზემომოხსენიებული მისი მეორე ნაწილი, რის შემდეგაც საუბრობს მესამე ნაწილზე, ანუ იმ შემთხვევაზე, როდესაც ეპისკოპოსი უკმაყოფილოა პირველი სასამართლოს გადაწყვეტილებით.*

კანონის პირველ ნაწილში განხილულ საკითხთან დაკავშირებით, ჯერ კიდევ ანტიოქიის კრების მიერ იქნა გამოტანილი დაწვრილებითი დადგენილება (მე-13 კან.) მოციქულთა 35-ე კანონის საფუძველზე, და მათი განმარტება (ანტიოქ. მე-13 და მოც. 35-ე კანონების) სარდიკიის კრების წინამდებარე კანონის ამ ნაწილის განმარტებასაც ემსახურება.

კანონის მეორე საკითხი მანამდე განხილულ იქნა I მსოფლიო კრებაზე და მისი მე-5 კანონის განწესება, ზოგადად, ამ კანონშიც მეორდება.

მესამე ნაწილი კი, ამ კანონისა, საეხებით ახალია და თავისი არსით გამორჩეული. მასზე, ამ კანონის გარდა, საუბარია აგრეთვე სარდიკიის მე-4 და მე-5 კანონებში, იმდროინდელ რელიგიურ ურთიერთობათა გამო და გარკვეული პირის ინტერესებიდან გამომდინარე. ეს (მე-3) კანონი, როგორც მომდევნო ორი, თავისი არსით არ მიეკუთვნება ძირითად (ანუ საერთო) კანონებს, ე. ი. იმ სახის კანონებს, რომლებსაც მნიშვნელობა აქვთ ყველა დროის მთელი მსოფლიო ეკლესიისათვის,** არამედ არის სპეციალური, ან, უფრო ზუსტად, კერძო მნიშვნელობის და მოქმედებს გარკვეულ, კონკრეტულ პირობებში. ამ ნაწილში კანონი განაწესებს, რომ იულიუსს, რომის ეპისკოპოსს, უფლება აქვს გადაწყვიტოს, განახლოს თუ არა სასამართლო ეპისკოპოსების მიმართ, შესაბამისად, აღიარებს რომის ეპისკოპოსისადმი სააპელაციო გადაწყვეტილების უფლებას გარკვეული ეპარქიალური კრების მიერ გამოტანილ განაჩენზე. იმისათვის, რომ უკეთ გავიგოთ მსგავსი დადგენილება, აუცილებელია გავითვალისწინოთ ის ვითარება, რომელიც სარდიკიის კრების დროს არსებობდა და რის გამოც იქნა აღნიშნული კრება მოწვეული. როგორც ცნობილია, სარდიკიის კრება მოიწვიეს ათანასე დიდის საქმესთან დაკავშირებით, რომელიც

*ათენის სინტაგმა, III, 235-236.

**იხ. ათენის სინტაგმაში, III, 239, 518, ბალსამონის განმარტება სარდიკ. მე-4 და კართ. 88-ე კანონებზე.

უკანონოდ განკვეთეს ნიკეის სარწმუნოების სიმბოლოს მოწინააღმდეგეებმა, რაშიც მთავარი როლი ევსევიანელებმა შეასრულეს (საშუალო არიანელთა პარტია, რომელიც ამ სახელით იწოდებოდა მისი საკმაოდ გავლენიანი ხელმძღვანელის, ნიკოდემიის ეპისკოპოსის ევსევის სახელთან დაკავშირებით). კრების მიზანი, ერთი მხრივ, ათანასე დიდის თავის ხარისხში აღდგენა იყო, მეორე მხრივ, არამართლმადიდებელთა განსჯა, რომლებიც გაკადნიერდნენ აღმდგარიყენენ ამ „მართლმადიდებლობის ბურჯის“ (ათანასე დიდის) წინააღმდეგ. ეს ამოცანა კრებაზე უნდა შეესრულებინათ დასავლელ ეპისკოპოსებს, რომის ეპისკოპოს იულიუსის ხელმძღვანელობით (337-352) და დასავლეთის იმპერატორის კონსტანტის მფარველობით. ეს ამოცანა მათ იმიტომ დაეკისრათ, რომ აღმოსავლელთა უმრავლესობა ნიკეის სარწმუნოების მოწინააღმდეგეთა ზემოქმედების ქვეშ იმყოფებოდა და, ამასთან, სარგებლობდა აღმოსავლეთის იმპერატორის კონსტანტიოსის მფარველობით, რომელიც ათანასე დიდის მძევნარე მტრად მოიაზრებოდა. ამის შედეგად, ამ კრების მოწვევის ადგილად შეირჩა ქალაქი სარდია, რომელიც დასავლეთ და აღმოსავლეთ იმპერიების საზღვარზე მდებარეობდა და იმ დროს „რომის ეპისკოპოსის იურისდიქციაში“ შედიოდა. ამით აიხსნება კრებაზე დასავლელ ეპისკოპოსთა სიმრავლე და, ასევე, ის, რომ კრების თავმჯდომარე იყო დასავლელი, კორდუბელი (ესპანეთის ქალაქი) ეპისკოპოსი ოსიოსი. იმ მიზნით, რომ ასეთ გარემოებაში, რომის საპატრიარქოს დამორჩილებული მართლმადიდებელი ეპისკოპოსები არიანელთა თვითნებურობისგან დაეცვათ, სარდიკიის კრების მამები იძულებული გახდნენ გამოეკლესი დაეშვათ საერთო კანონიკური ნორმიდან, რომელიც არსებობდა ეპარქიალური ეპისკოპოსების კრებების სასამართლოთა დამოუკიდებლობასთან დაკავშირებით და რომელიც გამოხატულია I მსოფლიო კრების მე-5 კანონში, და შეეზღუდათ ამ კრებების უფლებები რომის საპატრიარქოში შემავალი სამთავროს ეკლესიებისათვის. ეს ეკლესიები, თავის მხრივ, მეტ-ნაკლები დოზით ყველა არიანელობით იყო მოწამული; განსაკუთრებით ეს ეხებოდა და კეთდებოდა უპირატესად აღმოსავლეთ ილირიკში განლაგებული ეკლესიებისათვის. კრების თავმჯდომარე ოსიოსი, ათანასე დიდისა და სხვა მართლმადიდებელი ეპისკოპოსების ერთგული იყო; მან, რომელმაც გამოცდილებით იცოდა, თუ როგორ ხშირად ხდებოდა მართლმადიდებელი ეპისკოპოსების უმიზნოდ, განსაკუთრებით კი არიანელთა ღვარძლით, თავიანთი კათედრიდან დამხობა, კრებას შესთავაზა ვინმესთვის მიეცათ ისეთი ხელმწიფება, რომელის დაქვემდებარებაშიც იქნებოდა სამთავრო კრებების მიერ მათი ეპისკოპოსების მიმართ გამოტანილი გადაწყვეტილებების გადახედვა და ახალი სასამართლო მოსმენის დანიშვნა, თუ პირველი გადაწყვეტილება მისგან არ იქნება სამართლიანად შეფასებული. საესებთ ბუნებრივია, რომ ის ეპისკოპოსი, რომლისთვისაც კრებას შეიძლება აღნიშნული ხელმწიფება მიენდო, იყო იმ საპატრიარქოს უზუცესი ეპისკოპოსი, რომელსაც ქალაქი სარდია მიეკუთვნებოდა, კერძოდ – რომის ეპისკოპოსი, განსაკუთრებით კი მაშინდელი რომის ეპისკოპოსი იულიუსი; ეს უკანასკნელი ღიად იცავდა ათანასე დიდს და ევსევიანელებისადმი მიწერილ ერთ-ერთ თავის წერილში აფიქსირებს თუ რაზომ კიცხავს ათანასე დიდისა და სხვა მართლმადიდებელი ეპისკოპოსების მიმართ მათ დამოკიდებულებას. თუმცა, ოსიოსს არ ეჩვენებოდა იოლი აქტულებინა მთელი კრება ეპარქიალური კრებების

სასამართლოების უკვე დამტკიცებული დამოუკიდებლობების შეზღუდვა და, ამიტომ, იმისათვის, რომ მაინც მიეღო ამ საკითხზე კრების მამების თანხმობა, იგი მათ თხოვნით მიმართავს („თუკი თქვენი სიყვარული ინებებს“), და ამბობს, რომ ასეთი საკციელი იქნება პატივის მიგება წმინდა პეტრე მოციქულისადმი. ოსიოსის ეს წინადადება კრებამ მიიღო და მის საფუძველზე იქნა წინამდებარე კანონი მიღებული, რომლის შინაარსიც ახლა უკვე ჩვენთვის ნათელია და კიდევ უფრო ნათელი გახდება, როდესაც განვიხილავთ ამ კრების მე-4 და მე-5 კანონებს. უფრო მეტი სიჯანსაღისთვის, აქვე მოვიყვანოთ „კანონთა კრებულიდან“* ამ კანონის სქოლოსი: „მსოფლიო კრების მე-6 კანონით, ძველი ჩვეულების შესაბამისად, რომის ეპისკოპოსს დაქვემდებარებაში გადაეცა დასავლეთის ბევრი ეპარქია, ისევე, როგორც აღმოსავლეთისა და ანტიოქიის ეპისკოპოსებს სამხრეთისა და აღმოსავლეთის ბევრი ეპარქია. ამ დაყოფასთან შესაბამისობაში, ესპანეთის ქალაქ კორდუბის ეპისკოპოსს ოსიოსს, რომელიც რომის ეპისკოპოსის სამთავროს შემადგენლობაში შედის, წინადადება შემოაქვს, მის განხილვას დაუქვემდებაროს დასავლეთ ეპარქიების საეკლესიო შემთხვევები, და ამ აზრით მიიღო მისი (ოსიოსის) მიერ შემოთავაზებული წინადადება სარდიკიის ადგილობრივმა კრებამ ისე, რომ არ დაურღვევია I მსოფლიო კრების მე-6 კანონი“.

პანოგო 4

თუ რომელიმე ეპისკოპოსი მეზობელი ეპისკოპოსების სამსჯავროთი განკვეთილი იქნება წოდებიდან და იტყვის, რომ კვლავ შეუძლია წარმოაჩინოს თავის გასამართლებელი საბუთი, მაშინ მის ადგილას მანამდე ნუ დადგინდება სხვა ეპისკოპოსი, ვიდრე რომის ეპისკოპოსი, გამოიკვლევს რა საქმეს, თავის განჩინებას არ გამოიტანს ამის შესახებ.

(მოც. 14, 74; სარდიკ. 3, 5; ორგ. ზ. 16)

ეს კანონი მჭიდრო კავშირშია ამავე კრების მე-3 კანონის ბოლო ნაწილთან. იგი ეხება იულიუსის, რომის ეპისკოპოსის უფლებას, დაუქვემდებაროს ახალ სასამართლო განხილვას ეპისკოპოსთა შორის სადავო საკითხზე გამოტანილი სამთავროს კრების გადაწყვეტილება. კანონი ამბობს, რომ თუ სამთავროს კრების განჩინებით უკმაყოფილო რომელიმე ეპისკოპოსი მიმართავს იულიუსს რომაელს და ეს უკანასკნელი საჭიროდ მიიჩნევს ამ განაჩენის ხელახლა გადახედვას, მაშინ შესაბამისი განაჩენის გამოტანამდე, ანუ ხელმეორე სასამართლო განხილვამდე, არ უნდა დადგინდეს ახალი ეპისკოპოსი ძველის ადგილზე. კანონის სიტყვები: „მეზობელი ეპისკოპოსების სამსჯავროთი“, მისი ორმაგი განმარტების საბაზად იქცა. ერთ-თა აზრით, ეს აღნიშნავს სასამართლოს, რომელიც მეზობელი ეპარქიების ეპისკოპოსებისგან შედგება, სახელდობრ ისეთ სასამართლოს, რომელზედაც ამ კრების მე-3 კანონშია საუბარი: „იმ სამთავროს უმახლობელეს ეპისკოპოსთა“. სხვათა აზრით, იგივე სიტყვები აღნიშნავენ ეპისკოპოსთა კრებას, რომელიც შედგება იმავე

ეპარქიის (სამიტროპოლიტო სამთავროს) ეპისკოპოსებისგან, საიდანაც არის თვით ბრალდებული ეპისკოპოსი, ანუ მისი უშუალო მეზობელი ეპისკოპოსებისგან და რომლებიც მასთან ერთად ერთი და იმავე მიტროპოლიტს ემორჩილებიან. ამ ორ აზრთა შორის არსებითი განსხვავება იმაში მდგომარეობს, რომ პირველთა აზრის თანახმად იულიუს რომაელის სასამართლო ასეთ შემთხვევაში იქნებოდა მესამე ინსტანცია, ხოლო თუ მეორეთა აზრს მიეყვებით, მაშინ — მეორე ინსტანცია. ჰეფელე და სხვები ამ მეორე აზრს უფრო მართებულად მიიჩნევენ. ჩვენც ასე მიგვაცნინია სწორად, რადგან ასეთი განმარტებისას სრულ კავშირს და თანმიმდევრობას ინარჩუნებს ეს კანონი ამავე კრების მე-3 და მე-5 კანონებთან, რომელებიც ერთი და იგივე საკითხებზე გარკვეული თანმიმდევრობით საუბრობენ. ამავე მნიშვნელობით განმარტავს ამ კანონს არისტინეც, რომელიც საუბრობს მხოლოდ „სამთავროს ეპისკოპოსებზე“, რომლებმაც განკვეთეს რომელიმე ეპისკოპოსი, და არ მოიხსენიებს მეზობელი ეპარქიის (სამიტროპოლიტო სამთავროს) ეპისკოპოსებს, რომელთა შესახებაც, როგორც მეორე ინსტანციაზე, საუბრობს ამ კრების მე-3 კანონი.* ამ ურთიერთსაწინააღმდეგო სიტყვების ასეთი განმარტების შემდეგ, წინამდებარე კანონი სავსებით გასაგები ხდება. ის არის სხვა არაფერი, თუ არა დამატება და განმარტება მე-3 კანონისა იმ ეპისკოპოსთან დაკავშირებით, რომელიც გასამართლებულ იქნა რწმუნებული კრების მიერ და მიიჩნია რა მისი ეს განაჩენი უსამართლოდ, შუამდგომლობით მიმართა იულიუს რომაელს ახალი სასამართლოს დანიშნის თხოვნით. ამასთან, კანონი განაწესებს, რომ მისი კათედრა დაუკავებელი დარჩეს იქამდე, ვიდრე რომის ეპისკოპოსის გადაწყვეტილებით არ იქნება გამოცხადებული ახალი განაჩენი ამ სამიტროპოლიტო სამთავროს მეზობელი ეპისკოპოსების მიერ.

კანონი 5

თუ რომელიმე ეპისკოპოსზე შესმენა შემოვა, და მეზობელი სამრევლოების ეპისკოპოსები შეიკრიბებიან და ჩამოართმევენ მას ხარისხს, ის კი, გადაიტანს რა საქმეს რომის ეკლესიის უნეტარეს ეპისკოპოსს მიმართავს, ხოლო ეს თუ ისურვებს ისმინოს მისი და სამართლიანად აღიარებს მისი საქმის გამოძიების განახლებას, — მაშინ ესეც უნდა დავადგინოთ, რომ კეთილად ინებოს და მისწეროს იმ სამთავროს მოსახლვრე ეპისკოპოსებს, რათა გულმოდგინედ და ხედმიწევნით გამოიძიონ ყველა გარემოება და ჭეშმარიტებაში დარწმუნების შემდეგ წარმოთქვან მსჯავრი საქმეზე. ხოლო თუ ვინმე მოითხოვს, რომ მისი საქმე კვლავ იქნეს მოსმენილი, და მისი თხოვნით კეთილად განსჯის რომის ეპისკოპოსი თავისი ხუცეხები წარგზავნოს, — ასეთ შემთხვევაში, დაე, ამ ეპისკოპოსის ხელმწიფებაში იყოს, რასაც უმჯობესად და საჭიროდ ჩათვლის, და დაადგინოს: ეპისკოპოსებთან ერთად საქმის განსჯისათვის წარგზავნოს გამომგზავნის ადგილის მო-

*ათენის სინტაგმა, III, 239.

ნაცვლენი. ანდა თუ საკმარისად მიიჩნევს უკვე ჩატარებულ განხილვას და მიღებულ გადაწყვეტილებას ამ ეპისკოპოსის საქმეზე, დაე, ის განაჩინოს, რასაც თავისი უკეთილგონიერეხი მსჯელობით სასიკეთოდ მიიჩნევს. ეპისკოპოსებმა მიუგეს: ნათქვამს ვიწყნარებთ.

(მოც. 14, 74; I მსოფ. 5, 6; II მსოფ. 2, 6; IV მსოფ. 9, 17, 28; ანტიოქ. 14, 15; კართ. 23, 28, 105, 125)

ეს კანონი წარმოადგენს იმის დასკვნას, რაზედაც საუბარია მე-3 და მე-4 კანონებში. უკეთ რომ ვთქვათ, იგი წარმოადგენს იმის დაწვრილებით ახსნას, რაც ნათქვამია მე-3 კანონში ხელახალი სასამართლოს შესახებ, რომელსაც აწესებს იულიუს რომაელი სათანადო საეპარქიო სასამართლოს მიერ გასამართლებული ეპისკოპოსის მიმართვის საფუძველზე. კერძოდ, კანონი ამბობს, რომ თუ თავისი კრების მიერ განკვეთილი რომელიმე ეპისკოპოსი მიმართავს იულიუს რომაელს, მაშინ ეს უკანასკნელი, იმ შემთხვევაში, თუ მართებულად მიიჩნევს შეიწყნაროს მისი თხოვნა, უნდა განუწესოს შესაბამის სამიტროპოლიტო სამთავროს ეპისკოპოსებს, — უახლოესებს იმ სამთავროსი, რომელსაც გასამართლებული მიეკუთვნება, — რომ შემოსული საჩივარი მხოლოდ მათ უნდა განიხილონ ან იულიუსის მიერ გაგზავნილ რომელიმე მღვდელან ერთად და გამოიტანონ სამართლიანი განაჩენი. სარდიკიის კრების მამების მიერ იულიუს რომაელისათვის გადაცემული უფლება, — რომელიც ითვალისწინებდა თავის სასამართლო დაქვემდებარებაში აეყვანა რომის საპატრიარქოს ეპარქიალური კრებების გადაწყვეტილებები, იმ შემთხვევებში, როდესაც შეიძლებოდა ეჭვი გამოეწვია არიანელების ან არიანელობისაკენ მიდრეკილი ეპისკოპოსების მიერ გამოტანილ განაჩენს რომელიმე მართლმადიდებელი ეპისკოპოსის მიმართ (რაც მიზნად ისახავდა დაემცირებინათ ათანასე დიდი და მართლმადიდებლობისთვის ზიანი მიეყენებინათ), — რომის ეპისკოპოსებმა მოინდომეს მიეთვისებინათ თავიანთი საპატრიარქოს საზღვრებს გარეთაც, და ყველა შემთხვევაში. მათ ჩათვალეს, თითქოს მხოლოდ მათ ეკუთვნოდათ სააპელაციო უფლება მთელი მსოფლიოს ეპისკოპოსებისა, და უკანასკნელ ინსტანციაში შეეძლოთ თითოეულზე განაჩენის გამოტანა. ამის დამახასიათებელ მაგალითს წარმოგვიდგენს რომის ეპისკოპოსი ზოსიმე (417-418), აპიარიოსის, აფრიკის პროკონსულატის სიკსელი მღვდელმსახურის ცნობილ საქმესთან დაკავშირებით; იგი თავისმა ეპისკოპოსმა ურბანმა ხედასხვა დანაშაულისათვის განკვეთა. ამით უკმაყოფილო აპიარიოსმა საჩივრით რომს მიმართა და დაცვა ითხოვა. აფრიკის პროკონსულატი, რომლის მთავარი ქალაქი კართაგენი იყო, დამოუკიდებელ საეკლესიო სამთავროს წარმოადგენდა, სავსებით ავტონომიურს თავის შინაგან მმართველობაში. ზოსიმე რომაელმა მშენივრად იცოდა, თუ რაზომ პატივისცემას იმსახურებდა ჯერ კიდევ პირველ მსოფლიო კრებაზე დამტკიცებული ეკლესიების პრივილეგიები (იხ. I მსოფ. მე-6), თუმცა, ამის მიუხედავად, მაინც მიიჩნია შესაძლებლად მიეღო აპიარიოსის საჩივარი და თავისი სასამართლოსათვის დაექვემდებარებინა გადაწყვეტილება მიღებული სათანადო ხელმწიფებით იმ ეკლესიაში, რომელიც მის იურისდიქციაში საერთოდ არ შედიოდა. ამის საფუძველად მას უნდა

აელო რომელიმე მსოფლიო ეკლესიის ერთ-ერთი კანონი. ასეთი კანონი მან იპოვა I მსოფლიო კრების კანონებში. მაგრამ, რადგანაც, ამ კრების კანონების სარწმუნო კრებულში ასეთი კანონის ნახვა შეუძლებელი იყო, ამიტომ მან იგი მოიძია მის ხელთ არსებულ კრებულში და ასეთი საფუძვლიანობით დამაყოფილებელმა, არამხოლოდ განკეთილი აპიაროსი მიიღო საკუთარი დაცვის ქვეშ, არამედ, როდესაც აფრიკელმა ეპისკოპოსებმა შეახსენეს მას, რომ მისი ქმედება, ამასთან დაკავშირებით, არსებულ კანონის დარღვევა იყო, მან საპასუხოდ სპეციალური ლეგატები გაგზავნა კართაგენში, რომლებიც, თითქოსდა, ეკლესიის უმაღლესი უზუცესის ხელმწიფებით უფლებამოსილი იყვნენ თავიდან განეხილათ ყველა ის გადაწყვეტილება, რაც იმ კრებაზე კრების აფრიკელი ეპისკოპოსების მიერ იყო მიღებული. ეს გახდა მიზეზი ცნობილი კართაგენის კრების მოწვევისა (419 წ., VIII ადგილობრივი კრება), სადაც დამტკიცდა, რომ კანონი, რომელსაც ზოსიმე თავისი უფლებების გამოსავლენად იყენებდა, სრულებითაც არ იყო ნიკეის კრების, არამედ — სარდიკიის სწორედ ეს (მე-5) კანონი, რომელსაც რომში ნიკეის კრების კანონად თვლიდნენ, ანუ მსოფლიო კრების დადგენილებად. ამის შემდეგ რომში აღიარეს თავიანთი შეცდომა და მრავალი ხნის განმავლობაში აღარ წარმოუდგენიათ რომის ეპისკოპოსის უმაღლესი უფლება იმ საქმეებში, რომლებიც მათ მართვა-განგებულებას არ ექვემდებარებოდა. ძირითადად ასე გაგრძელდა ნიკოლოზ I-ის პაპობამდე (858-867), ან, უფრო სწორედ — ცრუსიდორემდე, როდესაც რომის ეკლესიაში ყველაფერი მთლიანად შეიცვალა და სულ სხვა კანონები გაბატონდა.

კანონი 6

თუ რომელიმე სამთავროში, სადაც ბევრი ეპისკოპოსია, ეპისკოპოსთა შეკრებაზე დასასწრებლად ჩამოსვლას შეაყოვნებს რომელიმე ეპისკოპოსი და რაღაც დაუდევრობით არ ისურვებს მონაწილეობა მიიღოს შეკრებაში და დაეთანხმოს ეპისკოპოსთა დადგინებას, ხოლო ადამიანთა სიმრავლე ითხოვს, რომ დადგინდეს მათ მიერ მოთხოვნილი ეპისკოპოსი, — მაშინ, პირველ ყოვლისა, სამთავროს ეგზარქოსის წერილის მეშვეობით (ვგულისხმობ სამიტროპოლიტოს ეპისკოპოსს), შეახსენდეს ამ შეყოვნებულ ეპისკოპოსს, რომ ერი მისთვის მწყემსის დადგინებას ითხოვს. სასიკეთოდ მივიჩნევ დაცდას, რათა იგიც ჩამოვიდეს. ხოლო თუ წერილითაც შევედრებული არ ჩამოვა და არც მოიწერება, მაშინ ჯერ არს დამაყოფილდეს ხალხის სურვილი. გასათვალისწინებელია ისიც, რომ სამიტროპოლიტოს ეპისკოპოსის დასადგინებლად მახლობელი სამთავროებიდანაც უნდა იყვნენ მოწვეული ეპისკოპოსები. და პირიქით, სრულიად არ მიეცეთ ნება ეპისკოპოსის ხელდასახმელად რომელიმე სოფელში ან პატარა ქალაქში, რომელთათვისაც ერთი ხუცესიც საკმარისია. რამეთუ არ არის საჭირო ეპისკოპოსის დადგინება იქ, რათა არ დაკნინდეს ეპისკოპოსის სახელი და ხელმწიფება. ხოლო სამთავროს ეპისკოპოსებმა, როგორც ზემოთ ვთქვი, იმ ქალაქებში უნდა დაადგინონ ეპისკოპოსები, სადაც ადრეც ყოფილან ეპისკოპოსები. ხოლო თუ აღმოჩნდება რომელიმე ქალაქი, ხალხის მრავალრიცხოვნობით ისე

გაზრდილი, რომ აღიარებულ იქნება ღირსად ეპისკოპოსის ყოლისა, დაე, მიიღოს. თანახმანი თუ ხართ ყველანი ამაზე? – ყველამ მიუგო: თანახმანი ვართ. (მოც. 1; I მსოფ. 4, 6; ანტიოქ. 16, 19; ლაოდ. 12, 57; კართ. 53, 56)

არისტინესთან, ასევე, „კორმზაიაში“ (საჭეთმპყრობელი), ეს კანონი სამი ქვედანაყოფისგან შედგება. შეცდომა ამაშია არაფერია, რადგან სინამდვილეში ეს კანონი, ჩვენი ტექსტის (ანუ „ათენის სინტაგმის“) მიხედვით თუ ეიმსჯელებთ, სამ საკითხზე საუბრობს: ა) ეპისკოპოსის გამორჩევაზე, ბ) მიტროპოლიტის დადგინებაზე, გ) და იმის შესახებ, რომ ეპისკოპოსები არ უნდა დადგინდნენ უმნიშვნელო ადგილებში. ამ კანონის პირველ ნაწილში არსებითად იმაზეა საუბარი, რაზედაც I მსოფლიო კრების მე-4 კანონში, და მისი განმარტება, ზოგადად, ამ კანონის პირველი ნაწილის განმარტებასაც ემსახურება. მოხსენიებული კანონის (I მსოფ. მე-4) განმარტებაში ჩვენ ვისაუბრეთ და დაეამტკიცეთ, რომ ეპისკოპოსების გამორჩევაში ერსაც პქონდა ხმის უფლება და მისი სახელით გამორჩევაში მონაწილეობას იღებდნენ ერის წარჩინებული და პატივცემული პირები. ამის ახალ მტკიცებულებას წარმოადგენს სარდიკიის კრების წარმოდგენილი კანონი, რომელიც მთელი კატეგორიულობით აცხადებს, რომ ერმა უნდა გამოიჩინოს, უფრო სწორედ, შესთავაზოს ეპისკოპოსთა კრებას გარკვეული პირი თავის ეპისკოპოსად, თუმცა, იმავე ეპარქიის ერთ-ერთი ეპისკოპოსის გამოუცხადებლობის მიზეზით, ეს გამორჩეული პირი არ შეიძლება დაუყოვნებლივ დადგინდეს. ამ მტკიცებულობას რომ დიდი მნიშვნელობა აქვს, საკმაოდ კარგად ჩანს არისტინეს სიტყვებიდან, რომელიც ამ კანონის განმარტებაში ამბობს: „ამუჟამდ (XII საუკ.) ძალა დაკარგა დადგენილება, რომლის თანახმადაც ეპისკოპოსის გამორჩევა ხდებოდა კლირიკოსებისა და ქალაქის წარჩინებულთა მიერ“.*

მიტროპოლიტის დასადგინებლად, ამბობს შემდეგ კანონი, აუცილებელია მოწვეულ იქნეს ეპისკოპოსები მეზობელი ეპარქიებიდანაც. ასე ხდებოდა, – ამბობს ბალსამონი ამ კანონის განმარტებაში, – მიტროპოლიტის ხარისხის დიდმნიშვნელოვნებიდან გამომდინარე.**

ამ კანონის მესამე განწესება ძირითად იმეორებს ლაოდიკიის კრების 57-ე კანონს იმასთან დაკავშირებით, რომ არ არის საჭირო ეპისკოპოსების ხელდასხმა დაბებსა და სოფლებში, იმ მიზეზით, რომ „არ დაგნინდეს ეპისკოპოსის სახელი და ხელმწიფება“; ხოლო, თუკი რომელიმე ადგილმდებარეობის მოსახლეობა გაიზრდება და თვით ხალხიც ეპისკოპოსის ყოლის ღირსი აღმოჩნდება, მაშინ კანონი უშვებს, რომ იქ მის დადგინებას.

კანონი 7

ეპისკოპოსმა ოსიამ თქვა: ჩვენმა უდროო, მეტად ხშირმა და უსამართლო თხოვნებმა ქმნეს ის, რომ ჩვენ არა გვაქვს ისეთი მაღლი და კადნიერე

*ათენის სინტაგმა, III, 247. შდრ. ბალსამონის განმარტება ათენის სინტაგმაში, III, 245.

**ათენის სინტაგმა, III, 246.

ბა, როგორც უნდა გვქონდეს. რამეთუ ეპისკოპოსთაგან ბევრი არ ანებებს თავს სამხედრო ბანაკში (ხელმწიფესთან) მისვლას, განსაკუთრებით აფრიკელები, რომლებიც, როგორც ჩვენი საყვარელი ძმისა და ეპისკოპოსის — ღრატოსაგან შევიტყვეთ, არ იღებენ სასარგებლო რჩევებს და იმდენად უგულვებელყოფენ მათ, რომ ერთ ადამიანს ბევრი და სხვადასხვა თხოვნა მიაქვს სამხედრო ბანაკში; ეს ვერ მოუტანს სარგებლობას ეკლესიას, რადგან ხელს უწყობენ და მფარველობენ არა ღარიბ-გლახაკთ და უბრალო ადამიანებს, ან ქვრივებს, როგორც ჯეროვანი და შესაფერისია, არამედ მხოლოდ საერო, ქვეყნიურ ღირსებებსა და თანამდებობებს ეძიებენ ზოგიერთთათვის. ასეთი უმეცრება ზიანს გვაყენებს ჩვენ, საცთურსაც და გარკვეულ სირცხვილსაც მოგვაწევს. უფრო შესაფერისად მივიჩნევ, რომ ეპისკოპოსი თავის შეწვევას იმას აღმოუჩენდეს, ვინც შევიწროებულია სხვისგან, ან თუ არის ქვრივი, რომელიც წყევას ითმენს, ანდა თუ რომელიმე ობოლს თავის კუთვნილს ართმევენ, თანაც იმ შემთხვევაში, თუ ამ საგანზე თხოვნა სამართლიანი იქნება. უკეთეს ეს ყველას სათნოდ გიჩანთ, საყვარელო ძმებო, მაშინ დაამტკიცეთ, რომ არც ერთი ეპისკოპოსი არ მიდიოდეს სამხედრო ბანაკში, იმათ გარდა, რომელთაც ჩვენი კეთილმსახური მეფე თავად მიიწვევს საკუთარი წერილით. მაგრამ, რადგან მრავალგზის ხდება, რომ ზოგიერთნი, თავიანთი დანაშაულის გამო საპყრობილემისჯილნი ან კუნძულზე გადასახლებულნი ან სხვა რაიმე სასჯელს დაქვემდებარებულნი, ეკლესიას მომართავენ შეწვევისათვის და მოწყალებას ითხოვენ, — ესევეთართათვის უჯეროა უარის თქმა შეწვევაში, უეჭველია, რომ მათთვის დაუყოვნებლივ უნდა ვითხოვოთ ღმობიერება. უკეთეს ესეც სათნო გიჩანთ, ამაზე ყველამ მიბოძეთ თანხმობა. ყველამ მიუგო: დაე, ესეც იქნეს დადგენილი.

(ანტიოქ. 11; სარდ. 8, 9, 20, 21; 19; კართ. 104, 106)

კანონი 8

ესეც განესაჯოთ: რათა ეპისკოპოსთაგან ვინმე არ იქნეს განკითხული სამხედრო ბანაკში (ხელმწიფესთან) მისვლის გამო, ამისათვის, თუ რომელიმე მათგანს ისეთი სავედრებელი ექნება, რომლებიც ზემოთ მოვისხენიეთ, მაშინ ისინი თავიანთი დიაკვნების მეშვეობით გააგზავნონ. რამეთუ მსახური პირი გაკიცხვას არ ექვემდებარება და უფრო სწრაფად შეუძლია იმის მიტანა დანიშნულების ადგილზე, რასაც დააუბლებენ. ყველამ მიუგო: დაე, ესეც იქნეს დადგენილი.

(ანტიოქ. 11; სარდ. 8, 9, 20, 21; 19; კართ. 104, 106)

კანონი 9

თუ რომელიმე სამთავროს ეპისკოპოსები სავედრებელს მიუტანენ თავიანთ ძმასა და თანაეპისკოპოსს, მაშინ დიდ ქალაქში, ანუ მიტროპოლიაში მყოფმა (ეპისკოპოსმა), დაე, წარავლინოს მათი დიაკვანიცა და მათი საეე-

დრებელი წიგნიც, მისცემს რა მას დასამტკიცებელ ეპისკოპოსსაც, ანუ მისწეროს თანამიმდევრულად ძმებსაც და ჩვენს თანაეპისკოპოსებსაც, მყოფთ ამ დროს იმ ადგილებსა თუ ქალაქებში, სადაც კეთილმსახური მეფე პირადად განაგებს საზოგადოებრივ საქმეებს. ხოლო თუ რომელიმეს ეპისკოპოსთაგანს მეგობრები ჰყავს მეფის კარზე და ისურვებს რაიმე შესაფერი სი თხოვოს, დაე, ნუ აეკრძალება მას თავისი დიაკვნის მეშვეობით თხოვოს და ამცნოს კიდევ მათ, რათა კეთილი შეწყვენა აღმოუჩინონ თავის თხოვნაში. ხოლო რომში მისული სავედრებელნი, როგორც ზემოთ აღვნიშნე, რომლებიც მეფისადმი არის გაგზავნილი, უნდა წარედგინოს ჩვენს საყვარელ ძმას და თანაეპისკოპოსს იულიუსს, რათა პირველად მან განიხილოს — ხომ არ არის მათგან რომელიმე სამარცხვინო, და ამის შემდეგ გაგზავნოს სამხედრო ბანაკში (ხელმწიფესთან), თან აახლებს თავის წარდგინებასა და მზრუნველობას. ყველა ეპისკოპოსმა მიუგო, რომ იწონებენ ამას და ჯეროვნად მიაჩნიათ ეს აზრი.

(ანტიოქ. 11; სარდ. 8, 9, 20, 21; 19; კართ. 104, 106)

ყველაფერი, რაც ჩვენ მიერ ნათქვამია ანტიოქიის კრების მე-11 კანონის განმარტებაში, საქმარისია ამ სამი კანონის განმარტებისთვისაც.

კანონი 10

ჯერ არს ზედმიწევნით და გულმოდგინედ დაუჟეკირდეთ იმას, რომ მდიდარი ან განსწავლული კაცი ვინმე, საერო მსახურებიდან ეპისკოპოსად არჩევისათვის ღირსქმნილი, მანამდე არ დადგინდეს ეპისკოპოსად, სანამ არ აღასრულებს წიგნის მკითხველის, დიაკვნის და ხუცესის მსახურებებს, რათა გაივლის რა თითოეულ ამ საფეხურს და ღირსეულად იქნება მიჩნეული, შეეძლოს ეპისკოპოსობის სიმამლღეზე ასვლა. ამასთან, ცხადია, რომ წოდების თითოეული ამ საფეხურისათვის არ უნდა იქნეს განაკუთვნილი მეტისმეტად მცირე დრო, რომლის განმავლობაში უნდა წარმოჩინდეს მისი რწმენა, კეთილზნეობა, ურყევობა და სიმშვიდე, და მანაც, აღიარებულმა ღირსად ღვთაებრივი მღვდელმსახურებისა, უდიდესი პატივი მიიღოს. რამეთუ არ არის ჯეროვანი, კადნიერად და დაუფიქრებლად გადაეწყვიტოთ ეპისკოპოსის, ხუცესისა თუ დიაკვნის ნაჩქარევად დადგინება; და არც ცოდნა, არც საქციელი (კანდიდატისა) არ არის საქმარისი ამ უფლების მისაღებად. რამეთუ ესვეითარს სამართლიანად ჩათვლიდნენ ძალზე ახლად — „ახალნერგად“ (1 ტიმ. 3, 6), და არა განმტკიცებულად, მით უფრო, რომ უნეტარესი მოციქულიც, რომელიც ენათა — ერთა მოძღვარი იყო, საეკლესიო ხარისხებში სწრაფად დადგინების ამკრძალავად გვევლინება, რადგან გამოძიებას სათანადო დროის განმავლობაში შეუძლია უფრო უტყუარად წარმოგვიჩინოს თითოეულის ზნე და საქციელი. ყველამ თქვა, რომ ესეც სათნოა მათთვის, და ეს არ უნდა დაირღვეს.

(მოც. 80; I მსოფ. 2,9; ტრულ. 14,15; VII მსოფ. 2; ნეოკეს. 9,10,11,12; ლაოდ. 2, 3, 12; კართ. 16; ორგ. 17; კირილე ალექსანდრიელის 4)

მოციქულთა მე-80 და I სოფლიო კრების მე-2 კანონების განმარტებებიდან ჩვენ ვნახეთ, თუ რაოდენ მკაცრად იკრძალება უმაღლეს იერარქულ ხარისხებში იმ პირების დადგინება, რომლებსაც არ გააჩნიათ საკმარისი შუამდგომლობა იმისა, რომ ურყევნი არიან რწმენაში, შესწევთ თავიანთი სიტყვით სხვისი განსწავლის უნარი და შეუძლიათ საკუთარი ცხოვრებით სხვებს მაგალითად ემსახურონ. აღორძინებს რა ძირითად ყველაფერ ამას, წინამდებარე კანონი ზემოთ მოყვანილი ორი კანონის მსგავსად, მოიხსენიებს მოციქულთა განწესებას იმასთან დაკავშირებით, რომ საეკლესიო მსახურებაზე არ უნდა დადგინდეს პირი, რომელიც წარმართობიდან სულ ახლახან მოექცა და მოინათლა (იხ. I ტიმ. 3, 6). მოიხსენიებს, ამასთანავე, მოციქულთა სხვა განწესებებსაც, რომლებიც კრძალავენ ნაჩქარევად ხელდასხმას (იხ. I ტიმ. 5, 22)* ამ კანონის მიზანია, ეპისკოპოსად ვინმეს დადგინებისას მკაცრად იქნეს დაცული წმინდა წერილის მოხსენიებული განწესებანი, განსაკუთრებით როცა ეს ვინმე მდიდარს ან სამოქალაქო წოდების მეცნიერს ეხება. მდიდარი, რაკი მას ცხოვრების საკმარისი ხასხრები აქვს, ჩვეულებრივ, განებიერებულია და ღატაკზე მეტად არის წუთისოფლის სიტკობებს მიცემული და მეტი ვნება აქვს, რის გამოც კანონი განაწესებს, რომ განსაკუთრებული სიზუსტითა და მზრუნველობით მიექცეს ასეთ პირს ყურადღება და გამოძიებულ იქნეს, ნამდვილად არის თუ არა იგი ღვთისმსახურებისათვის მზად და, საერთოდ, წარმოადგენს თუ არა საამისოდ შესაფერის კანდიდატურას. იგივეს განაწესებს კანონი სამოქალაქო წოდების სწავლულთა მიმართაც. აქ ის ადამიანები უნდა ვიგულისხმოთ, რომლებმაც საერო განათლება მიიღეს, სიტყვით გამოდიან საჯარო-საერო შეკრებებზე ან როგორც ადვოკატები, ან კიდევ – საზოგადოებრივი საქმეების ხელმძღვანელები, რის გამოც ნათელია, რომ ნაკლებად გამოდგებიან სამღვდელთა მსახურებისათვის. „კორნთაია“ ამ შემთხვევაში გულისხმობს ვაჭრობით დაკავებულ ადამიანებს და ზოგადად მდიდარ ვაჭრებს.** თუკი ისე მოხდებოდა, რომ ასეთი ადამიანი, ერის სურვილით, ეპისკოპოსის კანდიდატად იქნებოდა წარდგენილი, მაშინ კანონი უშვებს ამ სურვილის აღსრულებას მხოლოდ იმ შემთხვევაში, თუ ეს ადამიანი ღირსია ეპისკოპოსობისა და თანმიმდევრული წესით გაიარა ყველა სასულიერო წოდების ქვედა საფეხური: მკითხველის, დიაკვნის, მღვდლის და ყველა ამ ხარისხში თავისი მოქმედებით აჩვენა, რომ ღირსია ეპისკოპოსობისა. იმისათვის, რომ ამაში სრულიად დარწმუნდნენ, ანუ, რომ მისი რწმენა ურყევია, ქმედებები მოსაწონია, რომ იგი თავის შეხედულებებში მტკიცეა, ხასიათით არის მშვიდი, მიუკერძოებელი, აუღელვებელი, ანუ ფლობს ყველა იმ თვისებას, რაც ეპისკოპოსისათვის აუცილებელია, მაშინ კანონი განაწესებს, რომ მან ყველა მოხსენიებულ სასულიერ ხარისხში უნდა დაჰყო სათანადო დრო, ან, როგორც IX (კონსტ. 861 წ.) ადგილობრივი კრების მე-17 კანონი ამბობს – კანონით დაწესებული დრო.

*პაელე მოციქულის მიერ ნათქვამი: „ახალწერგ“ (I ტიმ. 3, 6) – ანუ ახალნათელღებული (ახალმოქცეული) არ უნდა ვაგვიოც – როგორც ამას ზონარა და ბალსამონი შენიშნავენ (ათენის სინტაგმა, III, 257, 258) – ამ კანონში პირდაპირი მნიშვნელობით, არამედ – გადატანითი, რადგან ის, ვინც სულ ახლახან საერო საქმეებით იყო დაკავებული, სასულიერო პირთათვის „ახლად“ ითვლება ისევე, როგორც ქრისტიანობისთვის ის, ვინც ახლახან მოინათლა.

**1787წ. გამოც., I, 112, 11.

კონკრეტულად რამდენია ეს დრო, ანუ თითოეულ ხარისხში რა დრო უნდა დაჰყოს საეპისკოპოსო კანდიდატმა, ან, სხვაგვარად, რომის საეკლესიო სამართლის ტერმინი რომ გამოვიყენოთ – დროის რა ინტერვალით უნდა მოხდეს ერთი ხარისხიდან მეორეში გადასვლა, კანონში ზუსტად არ არის განსაზღვრული. თუკი მხედველობაში მივიღებთ კანონიკურ განწესებას ასაკთან დაკავშირებით, – თუ რა ასაკში რომელ საეკლესიო ხარისხში შეიძლება გარკვეული პირის აყვანა, მაშინ ვიხილავთ, რომ რადგანაც მკითხველისათვის საჭიროა 18 წლის ასაკი, იპოდიაკონისთვის – 20, დიაკონისთვის – 25, მღვდლისთვის – 30 და ეპისკოპოსისთვის 35 წელი (იხ. ტრულის კრების მე-14 და მე-15 კანონები და მათი განმარტებები), ამიტომ ამის საფუძველზე შეიძლება ითქვას, რომ მკითხველობასა და დიაკვნობას შორის დროის ინტერვალი დაახლოებით 7 წელი უნდა იყოს, დიაკვნობასა და მღვდლობას შორის – 5 და ასევე მღვდლობასა და ეპისკოპოსობას შორისაც 5 წელიწადი; შესაბამისად, პირს, რომელიც ეპისკოპოსად დადგინდება, ღვთისმასხურებაში გატარებული უნდა ჰქონდეს 17, უკიდურეს შემთხვევაში – 15 წელი (თუ დაეუშვებთ, რომ ეს პირი ერთდროულად გახდა მკითხველიც და იპოდიაკონიც). ეს თხუთმეტწლიანი ვადა დაწესებული იყო აგრეთვე იმპერატორ იუსტინიანეს მიერ იმ პირათვის, რომლებიც მანამდე სახელმწიფო სამსახურში იდგნენ (ეს დრო მათ მონასტერში უნდა გაეტარებინათ, უსაყვედურო მონოზენური ცხოვრებით). თუმცადა, გარკვეული პირის რომელიმე ამა თუ იმ იერარქიულ ხარისხში ყოფნის ხანგრძლივობა განისაზღვრება საეკლესიო ხელისუფლების შეხედულებისამებრ (იხ. მოც. მე-80; I მსოფ. მე-2; ტრულ. მე-14 და მე-15 კანონები და მათი განმარტებები). ყოველ შემთხვევაში, ეს დრო არაფრით არ უნდა იყოს ძალიან ხანმოკლე, მით უმეტეს ისეთ შემთხვევაში, რომლის შესახებაც სარდიკიის წინამდებარე კანონი საუბრობს, რადგან, როგორც მასში არის აღნიშნული, არც ცოდნა და არც ბრწყინვალე საქციელები რომელიმე ადამიანისა, არ იძლევა იმის უფლებას, რომ ნაჩქარევად მოხდეს მის შესახებ გადაწყვეტილების მიღება და მაშინვე დადგინდეს იგი ეპისკოპოსად, მღვდლად ან დიაკვნად, საფუძვლიანად იმაში დარწმუნების გარეშე, თუ როგორია მისი რწმენა, ზნეობა და ქმედებანი.

ქანონი 11

როცა ეპისკოპოსი ერთი ქალაქიდან სხვა ქალაქში გადადის, ან ერთი სამთავროდან – მეორეში, პატივმოყვარეობის გამო იღვწის რა საკუთარი ქება-დიდებისათვის ან ღმრთისმსახურების აღსრულებისას ქედმაღლობით გამოირჩევა, და სურს დიდხანს დაჰყოს იქ, მაშინ, როცა იმ ქალაქის ეპისკოპოსი არ არის დახელოვნებული დამოძღვრასა და ქადაგებაში, – დაე, ნუ უგულვებელ-ჰყოფს მას და ნუ იქადაგებს ხშირად, ნუ ეცდება შეარაცხინოს და დაამციროს ადგილობრივი ეპისკოპოსის პიროვნება. რამეთუ ამ საბაბით, ჩვეულებრივ, შფოთი აღმოცენდება ხოლმე, და ასეთი ხრიკებით ცდილობს ეპისკოპოსი სხვის საყდარს დაეწინდოს და მიიტაცოს იგი, მზად არის უყოყმანოდ მიატოვოს მისთვის მინდობილი ეკლესია და სხვაში გადავიდეს. ამრიგად, ჯეროვნად გეიჩანს ამისთვის განისაზღვროს გარკვეული

დრო: რადგან, ეპისკოპოსის საესებით მიუღებლობა არაკაცთმოყვარეობისა და სისასტიკის გამოვლინება იქნებოდა. ამასთან გაიხსენეთ, რომ უწინდელ დროშიც ჩვენმა მამებმა განაჩინეს: თუ რომელიმე ერისკაცი, ქალაქში ყოფნისას სამ კვირა დღეს, სამი შვიდეულის განმავლობაში არ მივა საკრებულში (ეკლესიაში), - დაე, განყენებულ იქნეს საეკლესიო თანაზიარებლად. ამრიგად, თუკი ეს ერისკაცთათვის არის დადგენილი, მაშინ მით უფრო უჯგერა ეპისკოპოსისთვის, არ შეეფერება მას და არც სასარგებლოა მისთვის, თუ რაიმე მნიშვნელოვანი საჭიროება არ აიძულებს და არც რაიმე სამძიმო საქმე აწუხებს, რომ მიატოვოს თავისი ეკლესია უფრო ხანგრძლივი დროის განმავლობაში და დაამწუხროს მისდამი რწმუნებული ერი. ყველა ეპისკოპოსმა თქვა: ეს აზრიც მეტად მოსაწონია.

(მოც. 8, 9, 14, 15, 33, 35; I მსოფ. 8, 15; IV მსოფ. 5; ტრულ. 20, 66, 80; ანტიოქ. 2, 13, 16, 18, 21; სარდ. 1, 2, 3, 12, 17; კართ. 48, 71; ორგზ. 16)

ამ კანონის განწესებას იმასთან დაკავშირებით, რომ ეპისკოპოსმა არ უნდა დატოვოს თავისი ეპარქია და გადავიდეს სხვა ეპარქიაში ქადაგების ან მსახურებისათვის, ძირითად შეიცავს მოციქულთა მე-14 კანონი. როგორც ამის შესახებ უკვე ვისაუბრეთ რამდენიმე კანონის განმარტებაში, საღვთო ერს უფლება ჰქონდა თავისი სურვილი გამოეთქვა ეპისკოპოსის დადგინებასთან დაკავშირებით და როგორც წესი, ზოგადად, სწორედ ერის მიერ გამორჩეულ პირს ადგინებდნენ ეპისკოპოსად. ამის გამო, ის პირი, რომელსაც სურდა გარკვეული საეპისკოპოსო ადგილი, ამისთვის, უპირველეს ყოვლისა, იმ ადგილზე მცხოვრებთა კეთილგანწყობის მოპოვებას ცდილობდა. ასევე იქცეოდა ზოგიერთი ისეთი ეპისკოპოსი, რომლებსაც ლატაკი და ნაკლებ საპატრიცემულო საეპისკოპოსო კათედრები ეკავათ და ესწრაფოდნენ გადასულიყვნენ უფრო მდიდარ და საპატრიცემულო კათედრაზე, მიუხედავად იმისა, რომ ამ დროს იმ კათედრის მმართველი ეპისკოპოსი ცოცხალი და სრულიად სალსალამათი იყო. თავისი განზრახვის სისრულეში მოსაყვანად, ასეთი ეპისკოპოსი - განსაკუთრებით, თუ მისთვის სასურველი ეპარქიის ეპისკოპოსი ღვთის სიტყვის ქადაგებასა და საეკლესიო მსახურებაში საქმარისად დახელოვნებული არ იყო - გადადიოდა იქ ყოველგვარი მიწვევის გარეშე და ამა თუ იმ ხერხით ცდილობდა ძირი გამოეთხარა ადგილზე კანონიერი ეპისკოპოსის გავლენისათვის და ყოველმხრივ დაემცირებინა იგი, და ამ გზით თავისკენ მიეზიდა იქაური მრევლი, რათა მას უარი ეთქვა კანონიერ ეპისკოპოსზე და მის ადგილზე ამ ეპისკოპოსის დადგინება მოეთხოვა. მსგავსი ბოროტების აღმოსაფხვრელად, კანონი განაწესებს, თუ რა დროით შეიძლება ეპისკოპოსმა დატოვოს თავისი ეპარქია და დაჰყოს სხვა ეპარქიაში, რადგან, როგორც კანონი ამბობს: „ეპისკოპოსის მიუღებლობა არაკაცთმოყვარეობისა და სისასტიკის საქმეა“. იმისათვის, რომ უფრო ზუსტად განსაზღვროს ეპისკოპოსის არყოფნის შესაძლებელი დრო თავის ეპარქიაში, კანონი იხსენებს ერისკაცთათვის გამოცემულ ძველი დროის კანონიკურ განწესებას, სახელდობრ: თანაზიარებიდან განყენებას ექვემდებარება ყოველი ქრისტიანი, ვინც სამი კვირის განმავლობაში არც ერთ კვირა დღეს არ მივა ეკლესიაში, რისთვისაც მას საფუძელიანი მიზეზი არ გააჩნდა. თუკი მსგავსი განწესება

ერისკაცთათვის არსებობს, მაშინ მით უფრო მეტი მნიშვნელობა უნდა ჰქონდეს მას სასულიერო პირთათვის ზოგადად და განსაკუთრებით ეპისკოპოსებისათვის, რადგანაც საკმაოდ საზიანო და მიუღებელი, რომ ეპისკოპოსმა ხანგრძლივი დროით დატოვოს თავისი ეკლესია და ამით დაამწუხროს მასზე რწმუნებული ერი. შემდგომში IX (კონსტ. 861 წ.) ადგილობრივი კრების მე-16 კანონით, ეს დრო მთელი სიზუსტით იქნა განსაზღვრული, კერძოდ განიწესა, რომ არც ერთი ეპისკოპოსს არა აქვს უფლება 6 თვეზე მეტი ხნით დატოვოს თავისი კათედრა.

წინამდებარე კანონში მოხსენიებული კანონიკური განწესება, ერისკაცთა ეკლესიაში დასწრების ვალდებულებასთან დაკავშირებით, არის ელვირის (ქალაქი ესპანეთში) 307 წლის ადგილობრივი კრების 21-ე კანონი, რომელზედაც ერთ-ერთი გამორჩეული პირი იყო იგივე ოსიოსი, სარდიკიის კრების თავმჯდომარე, რომლის წინადადებითაც იქნა სწორედ ეს კანონი მიღებული. ტრულის კრებამ ააღორძინა ეს კანონი (თავისი მე-80 კანონით), და განავრცო იგი ყველა სასულიერო პირზე – ეპისკოპოსიდან და ქვეით.

კანონი 12

ზოგიერთი ძმათა და ეპისკოპოსთაგანს ქალაქებში, რომლებშიც ისინი დაიდგინებიან ეპისკოპოსებად, როგორც ჩანს, ძალზე მცირე საკუთრება აქვთ, ხოლო სხვა ადგილებში დიდი მოსახვეჭელია, საიდანაც შეუძლიათ ღარიბ-გლახაკთ შეეწიონ. ვგონებ, რომ თუ ისინი მოისურვებენ თავიანთ სამემკვიდრეო მამულებში მისვლას და იქ ნაყოფთა შეკრებას, მაშინ შეიძლება ამის ნება მიეცეთ, ისე, რომ სამ კვირას, ანუ სამი შვიდეულის განმავლობაში იმყოფებოდნენ თავიანთ მამულებში, ოღონდ უახლოეს ეკლესიაში, სადაც ხუცესი აღასრულებს მსახურებას, დაესწრონ და იმსახურონ, რათა არ აღმოჩნდნენ საეკლესიო ღმრთისმსახურებას მოკლებულნი, და რომ ხშირად არ ჩადიოდნენ იმ ქალაქში, სადაც ეპისკოპოსია. თუ ამგვარად მოიქცევიან, მაშინ მათი საკუთარი საქმეებიც არ დაზარალდება მათი არყოფნით და, ცხადია, ამპარტავენებასა და პატივმოყვარეობაში ბრალდებებსაც აიცილებენ თავიდან. ყველა ეპისკოპოსმა თქვა: ეს განწესებაც სათნო გვიჩანს.

(მოც. 36, 58; ტრულ. 19, 80; ლანგ. 5, 20; სარდ. 11; ორგ. 16; კართ. 71, 120, 121)

ეს კანონი წარმოადგენს მე-11 კანონის დამატებას, და როგორც ის შეიცავს განწესებას ეპისკოპოსთა მიმართ, რომლებიც სხვა სამთავროებში მიემგზავრებიან, ასევე ეს კანონიც განაწესებს, რომ ეპისკოპოსებს, რომლებსაც სხვის სამთავროებში საკუთარი მამული და მიწები აქვთ, შეუძლიათ თავისუფლად გაემგზავრონ იქ საკუთარი მოსავლის ასაღებად, რათა ამით უქონლებს შეეწიონ; მაგრამ, ამასთან, იქ შეუძლიათ დარჩნენ არაუმეტეს სამი კვირისა, რის შემდეგაც თავიანთ ეპარქიებს უნდა დაუბრუნდნენ. თავის მამულში ყოფნისას, ეპისკოპოსს უფლება აქვს თავიდან აირიდოს ხშირი მგზავრობები ქალაქში, სადაც ადგილობრივი ეპისკოპოსის რეზიდანცია მდებარეობს, რათა არ მოხდეს ის, რაზედაც მე-11 კანონშია საუბარი, ანუ

რაიმე უსიამოვნება არ მიადგეს ადგილობრივი ქალაქის ეპისკოპოსს. საკუთარ მამულში ყოფნისას, ეს ჩამოსული ეპისკოპოსი ყოველკვირეულად უნდა დაესწროს წრვა-ლოცვებს იმ სამრევლო ეკლესიაში, რომელიც უახლოესი იქნება მის სამემკვიდრეო მამულთან და მასში იმსახუროს. ეს „იმსახუროს“, – ზონარას სიტყვებით ამ კანონის განმარტებიდან, – არ ნიშნავს, რომ მან უნდა შესწიროს უსისხლო მსხვერპლი, ანუ ლიტურგია აღასრულოს არამედ – დაესწროს ლიტურგიას, რომელსაც ადგილობრივი მღვდელმსაური აღასრულებს და სხვებთან ერთად ილოცოს, რადგან, თუკი ის ლიტურგიას ან სხვა რაიმე მღვდელმთავრულ მსახურებას აღასრულებდა სხვის ეპარქიაში ადგილობრივი ეპისკოპოსის ნებართვის გარეშე, ასეთ შემთხვევაში ის ამით მოციქულთა 36-ე კანონის წინაშე შესცოდავდა.*

კანონი 13

ეპისკოპოსმა ოსიამ თქვა: თუ რომელიმე დიაკვანი ან ხუცესი, ან ვინმე სხვა ეკლესიის მსახურთაგან განყენებულ იქნება საეკლესიო თანაზიარებისაგან და მის ნაცნობ სხვა ეპისკოპოსს მიმართავს, რომელმაც ისიც უწყის, რომ იგი განყენებულია მისი ეპისკოპოსის მიერ თანაზიარებისაგან, – არაჯეროვანია აწყენინოს ეპისკოპოსს, თავისი ძმას და თანაზიარებისთვის დაუშვას იგი. ხოლო თუ გაკადნერდება და იქმს ამას, იცოდეს, რომ პასუხი უნდა მისცეს ეპისკოპოსებს, როცა ისინი შეიკრიბებიან.

(მოც. 12, 13, 16, 32, 33; I მსოფ. 5; ანტიოქ. 6; კართ. 11, 29, 133; კონსტ. სოფ. 1)

იხ. მოციქულთა 32-ე კანონის განმარტება.

კანონი 14

თუ აღმოჩნდება რომელიმე ეპისკოპოსი, მიდრეკილი მრისხანებისაკენ (რასაც ასეთ კაცში ადგილი არ უნდა ჰქონდეს), და ანაზდად განარისხებულ მღვდელზე ან დიაკონზე, მოისურვებს მის გაძევებას ეკლესიიდან, – ჯერ-არს სიფრთხილედ გამოვიჩინოთ, რათა ესევეთარი მაშინვე არ იქნეს განსჯილი და თანაზიარებიდან განყენებული. ყველა ეპისკოპოსმა თქვა: დაე, გაძევებულს უფლება ჰქონდეს იმ სამთავროს სამიტროპოლიტოს ეპისკოპოსს მიმართოს, ხოლო თუ სამიტროპოლიტოს ეპისკოპოსი ადგილზე არ იმყოფება, მიმართოს მეზობელ ეპისკოპოსს და ევედროს, რომ გულმოდგინედ იქნეს გამოძიებული მისი საქმე. რამეთუ არ უნდა დავხშათ სასმენელნი მთხოვნელის წინაშე. ხოლო იმ ეპისკოპოსმა, რომელმაც სამართლიანად თუ უსამართლოდ განაძევა ესევეთარი, სულგრძელად უნდა დაითმინოს, რომ საქმე გამოძიებულ იქნეს, და მისი განაჩენი ან დამტკიცდეს, ან გამოსწორდეს. მაგრამ სანამ გულმოდგინედ და მართებულად იქნება გამოძიებუ-

*ათენის სინტაგმა, III, 263.

ლი ყველა გარემოება, საქმის განხილვამდე თანაზიარებიდან განყენებულმა არ უნდა მიითვისოს ზიარება. ხოლო თუ ზოგიერთნი შეკრებილ სამღვდელთაგან მასში საეკლესიო ხელისუფლების უგულებელყოფასა და ქედმაღლობას დაინახავენ, — მაშინ (რადგანაც უჯეროა დაუშვათ წყენინება თუ უსამართლო გაკაცხვა), მოვალენი არიან რაოდენმე მკაცრი და სამძიმო სიტყვებით მოაქციონ იგი წესრიგისაკენ, რათა ეპისკოპოსოსის ბრძანებისადმი ჯეროვანი მორჩილება და დამჯერებლობა იქნეს დაცული. რამეთუ როგორც ეპისკოპოსია ვალდებული გულწრფელი სიყვარული და კეთილგანწყობა იქონიოს ქვეშევრდომების მიმართ, ასევე არიან მსახურნიც ვალდებული შეუორგულებელად აღასრულებდნენ ეპისკოპოსისადმი მსახურების მოვალეობას.

(მოც. 12, 16, 28, 32; I მსოფ. 5; ანტიოქ. 4, 6, 20; სარდ. 13, 15; კართ. 9, 10, 11, 20, 29, 132)

ამ კანონის მიზანია დახმარება აღმოუჩინოს იმ მღვდლებსა და დიაკვნებს, რომლებიც თვლიან, რომ ეპისკოპოსმა, რომლის მმართველობაშიც იმყოფებიან, განრისხებისას სრულიად უსაფუძვლოდ განკვეთა და განაყენა ისინი. ამიტომ კანონი მათ უფლებას აძლევს საჩივრით მიმართონ ეპარქიალურ მიტროპოლიტს. ამის შესახებ უმთავრესად საუბარია I მსოფლიო კრების მე-5 კანონში. სარდიკიის კრების ეს კანონი კი ამბობს, რომ თავიანთი მიტროპოლიტის არყოფნის შემთხვევაში, განკვეთილთ შეუძლიათ მიმართონ სხვა უახლოეს მიტროპოლიტს, საქმის დაწვრილებითი გამოძიებისათვის. თუმცა, ეს უკანასკნელი სიტყვასიტყვით არ უნდა იქნეს გაგებული, რადგან სხვა ეპარქიის მიტროპოლიტი ვერასდროს იქნება სათანადო მსაჯულის როლში ეპიკოპოსსა და მღვდელს შორის, როცა ისინი იერარქიულად მის დაქვემდებარებაში არ არიან (იხ. IV მსოფ. მე-9, მე-17 და სხვ.), არამედ — ამ კანონის ბალსამონისეული განმარტებით — ეს იმ აზრით უნდა გაეგოთ, რომ შემთხვევით სხვაგან გამგზავრებულმა ეპარქიალურმა მიტროპოლიტმა უფლება მისცა მეზობელ მიტროპოლიტს სადავო საკითხის გამოსაძიებლად, ან კიდევ, ეპიკოპოსი და მღვდელი, რომელთა შორისაც დავა არსებობს, თავად ირჩევენ მსაჯულად — შუამავლად ერთ-ერთ მეზობელ მიტროპოლიტს. შემდეგ კანონი აღნიშნავს, რომ მმართველი ეპიკოპოსი, რომელმაც სამართლიანად თუ უსამართლოდ დასაჯა რომელიმე კლირიკოსი, მშვიდად უნდა შეხედეს იმას, რომ მისი დადგენილება გამოძიებას გაივლის და მისი განჩინება ან დამტკიცდება ან გაუქმდება. რამეთუ ამას მოითხოვს როგორც მიუკერძოებლობა, რომლითაც ეპიკოპოსი უნდა გამოირჩეოდეს მასზე დაქვემდებარებულ კლირიკოსთა საქმეების განხილვისას, ასევე, ზოგადად, საეპისკოპოსო სამსჯავროს ღირსება და მნიშვნელობა (იხ. მოც. 74-ე; I მსოფ. მე-5; VII მსოფ. მე-4 და სხვ.). მთელი გამოძიების განმავლობაში, სანამ მიტროპოლიტი გამოტანილ განჩინებასთან დაკავშირებით თავის გადაწყვეტილებას გამოიტანდეს, ის სასულიერო პირი, ვის მიმართაც ეპისკოპოსმა ბრალდებით განჩინება გამოიტანა, უნდა დარჩეს ამ მსაჯულის ქვეშ, წინააღმდეგ შემთხვევაში, ანუ ახალი სასამართლოს — აპელაციის განხილვის მოლოდინში, დაირღვეოდა საეკლესიო წესრიგი და არ შესრულდება თვით ყველაზე სამართლიანი

განჩინებაც კი, — ეპისკოპოსის ხელმწიფებით მისდამი დაქვემდებარებულ კლირიკოსთა მიმართ გამოტანილი. თუკი ამგვარად გასამართლებული კლირიკოსი რაიმე საუბარს წამოიწყებს ეპისკოპოსის წინააღმდეგ, უხეშად დაიქადნის საკუთარი სიმართლით და იმის მტკიცებას მოჰყვება, რომ არასწორად იქნა შეურაცხყოფილი და დასჯილი, მაშინ, ასეთ შემთხვევაში, კანონი ამბობს, რომ ეს კლირიკოსი მწვავე შენიშვნით უნდა იქნეს გაჩერებული და შეგონებული, რომ მას მორჩილება მართებს და იმ პირის დაქვემდებარება, ვისაც ბრძანების უფლება აქვს, და შეუკამათებლად უნდა ასრულებდეს ეპისკოპოსის ყველა განწყებას.

კანონი 15

თუ რომელიმე ეპისკოპოსი სხვა საზღვრების ეკლესიის უცხო მსახურის დადგინებას მოისურვებს თავისთან რომელიმე ხარისხში მისი ეპისკოპოსის თანხმობის გარეშე, — მაშინ ასეთი დადგინება, დაე, გაუქმებულად და დაუმტკიცებლად ჩაითვალოს. ხოლო თუ ზოგიერთი ამის უფლებას მისცემენ საკუთარ თავს, მაშინ ისინი ძმათა და თანაეპისკოპოსთაგან შეგონებულ იქნენ, და გამოსწორებულნი. ყველამ წარმოთქვა: ეს განწყებაც დაე, შეურყეველი იყოს.

(მოც. 35; I მსოფ. 16; II მსოფ. 2; III მსოფ. 8; IV მსოფ. 5, 20; ტრულ. 17; ანკორ. 13; ანტიოქ. 13, 22; კართ. 48, 54, 90)

იხ. მოციქულთა 35-ე კანონის განმარტება.

კანონი 16

ეპისკოპოსმა აეტიოსმა თქვა: თქვენთვის უცნობი არ არის, თუ როგორია და რაოდენ დიდია თესალონიკის სამიტროპოლიტო. ხშირად ჩადიან იქ სხვა ეპარქიებიდან მღვდლები და დიაკნები, და არ კმაყოფილდებიან რა მცირე ხნით ყოფნით, რჩებიან ხოლმე მასში, მუდმივი საცხოვრებელი აქვთ იქ, ანდა მეტად ხანგრძლივი ყოფნის შემდეგ ძლივს იძულებიან თავიანთ ეკლესიებს დაუბრუნდნენ. ამათ შესახებაც ჯერ-არს ასეთი განჩინების გამოტანა. ოსიოს ეპისკოპოსმა თქვა: ის განჩინებანი, ეპისკოპოსთა მიმართ რომ იქნა დადგენილი, დაე, ამ პირთათვისაც შენარჩუნდეს.

(მოც. 8, 9, 14, 15, 33, 35, 36, 58; I მსოფ. 8, 15; IV მსოფ. 5; ტრულ. 5, 20, 66, 80; ანტიოქ. 2, 13, 16, 18, 21; ღანგ. 5, 20; სარდ. 11, 12; კართ. 48, 71, 120, 121; ორგ. ზ. 16)

ამ კრების მე-11 და მე-12 კანონების განწყებანი, — თავიანთი სამთავროებიდან ეპისკოპოსების გამგზავრებასთან დაკავშირებით, — ამ კანონით მიესადაგება მღვდლებსა და დიაკნებს.



კანონი 17

თუ რომელიმე ეპისკოპოსის მიმართ ძალადობა იქნება გამოყენებული და უსამართლოდ განკვეთენ, ან თავისი ცოდნის ან კათოლიკე ეკლესიის აღიარებისათვის, ანდა იმისთვის, რომ ჭეშმარიტებას იცავდა, და სხვა ქალაქში წავა, — უდანაშაულო და ბრალდებას დაქვემდებარებული, ასეთ შემთხვევაში, კეთილად განვსჯით, თუ მას არ აეკრძალება დაბრუნებამდე იქ ყოფნა, ანუ სანამ არ შეძლებს მისთვის მიყენებული შეურაცხყოფისაგან თავის დახსნას. რამეთუ სასტიკი და მეტად სამძიმო იქნებოდა ჩვენთვის, თუკი არ შევიწყნარებდით უსამართლოდ დევნილს; პირიქით, განსაკუთრებული კეთილგანწყობითა და ძმური სიყვარულით გემართებს ასეთის მიღება.

(მოც. 15; I მსოფ. 15, 16; IV მსოფ. 5, 10, 20, 23; ტრულ. 17, 18; VII მსოფ. 10, 15; ანკირ. 18; ანტიოქ. 3; სარდ. 11, 12, 16; კართ. 30)

ეს კანონი წარმოადგენს ამ კრების მე-11 და მე-12 კანონებიდან გამონაკლისს, იმასთან დაკავშირებით, რომ ეპისკოპოსს არ შეუძლია სამ კვირას მეტი ხნით დატოვოს თავისი კათედრა. დასაუღლებელი კანონისტების შენიშვნით, ეს კანონი მიიღეს ათანასე დიდის გამო, რომელიც ევსევთანელებმა, სარგებლობდნენ რა იმპერატორ კონსტანტიოსის მხარდაჭერით, ეკლესიიდან განდევნეს იგი და იძულებული გახადეს სხვა ადგილებში ეძებნა თავშესაფარი. სხვა მხრივ კანონი თავისთავად სავესებით ნათელია.

კანონი 18

ეპისკოპოსმა ლავდენტოსმა თქვა: უწყი, შენ, ძმაო აეტოს, რომ ეპისკოპოსად შენი დადგინებისას მშვიდობა სუფევდა. იმისთვის, რომ ეკლესიის მსახურებზე აზრთა სხვადასხვაობის რაიმე კვალი არ დარჩეს, კეთილად მიმანჩია, რომ მოსეს და ევტევიქიანეს მიერ დადგინებულნიც ყველანი მივიღოთ, რადგან მათში არანაირი ბრალეულობა არ აღმოჩნდა. ეპისკოპოსმა ოსიამ თქვა: ჩემი სიმდაბლის აზრი ასეთია: რადგან ჩვენი ვალაია მშვიდობისმოყვარენი და დამთმენნი ვიყოთ და ყველას მიმართ საკმარის გულმოწყალებას ვიჩენდეთ, ამიტომ ჯერ-აღს სავალდებულო დასში ზოგიერთი ჩვენი ძმის მიერ ერთხელ დადგინებულნი, მხოლოდ მაშინ არ მივიღოთ, თუ არ ისურვებენ თავიანთ ეკლესიებს დაუბრუნდნენ, რომლებშიც განწესებულ იქნენ. ხოლო ევტევიქიანე, დაე, ნუ მისაკუთრებს ეპისკოპოსის სახელს; და ნურც მოსე ჩაითვლება ეპისკოპოსად. მაგრამ თუ თანაზიარებას როგორც ერისკაცნი ითხოვენ, ამაში არ უნდა ეთქვას მათ უარი. ყველამ წარმოთქვა: თანახმანი ვართ.

(II მსოფ. 4; სარდ. 19)

ეს კანონი, რომელიც ათენის სინტაგმაში ორ ნაწილად არის გაყოფილი მე-18 და მე-19, ერთი და იგივე საკითხე საუბრობს. იგი ეხება კრების თანამედროვე მომენტისათვის თესალონიკის ეკლესიას მდგომარეობას. როდესაც აღნიშნული ეკლესიის ეპისკოპოსად დაადგინეს აეტოსი, ორმა მღვდელმა, მოსემ და ევტე-

ქიანემ, ერთდროულად დაიწყო საკუთარი უფლებების წამოყენება იმავე თესალონიკის კათედრის მმართველობაზე. ორიემ, მიუხედავად იმისა, რომ ქიროტონია არ პქონდათ მიღებული, მაინც, — ამბობს ბალსამონი, — როგორც ეპისკოპოსებმა, დაასხეს ხელნი ზოგიერთ კლირიკოსს. როდესაც სარდიკიის კრებაზე ეს საკითხი აღიძრა, ღავდენტოსმა, ნაისელმა ეპისკოპოსმა, მშვიდობის შენარჩუნების მიზნით, წინადადება შეიტანა, რომ ჭეშმარიტ კლირიკოსებად შეერაცხად ყველა ის პირი, რომლებიც მოესა და ეგტეკიანეს მიერ იყენენ ხელდასხმულნი, რადგან თავად კლირიკოსებმა მათი უკანონო ეპისკოპოსობის შესახებ არაფერი იცოდნენ და, მაშასადამე, ბრალი არაფერში მიუძღოდათ. ღავდენტოსის წინადადება არ იქნა მიღებული, რამეთუ კრების თავმჯდომარემ, ოსიოსმა, განაცხადა, რომ მართალია, აუცილებელია სულგრძელობა და ზომიერება, მაგრამ ჭეშმარიტ კლირიკოსებად მაინც მხოლოდ ის პირები უნდა იყენენ აღიარებულნი, რომლებიც ჭეშმარიტი ეპისკოპოსების მიერ არიან ხელდასხმულნი. ეპისკოპოსები რომ შემდგომში რაიმე დანაშაულისთვის განეკვეთათ და, თანაც, მათ მიერ (ჯერ კიდევ კანონიერების) ხელდასხმული კლირიკოსები არ ყოფილიყვნენ შემჩნეულნი მათივე დანაშაულში, მაშინ ისინი აუცილებლად უნდა ეღიარებინათ კანონიერ კლირიკოსებად, გარდა ისეთი შემთხვევებისა, როდესაც კლირიკოსები არ ემორჩილებიან თავიანთ ხელისუფლებას და ეწინააღმდეგებიან მის დადგენილებებს. ხოლო, რაც შეეხება მოსესა და ეგტეკიანეს შემთხვევაში მათ მიერ ხელდასხმულ კლირიკოსებს, ოსიოსმა განაცხადა, რომ მათ შეიძლება შეუნარჩუნდეთ საერისკაცო თანაზიარება, ანუ იყვნენ ეკლესიასთან ერთობაში როგორც მხოლოდ და მხოლოდ ერისკაცები, რადგან მათი ხელთდამსხმელნი არამცთუ ეპისკოპოსები, არამედ ეპისკოპოსის სახელის ღირსნიც კი არ ყოფილან. კრებამ მიიღო ოსიოსის ეს წინადადება. ამის მსგავს განწესებას ვხვდებით II მსოფლიო კრების მე-4 კანონშიც, მაქსიმე ცინიკოსთან დაკავშირებით.

კანონი 19

ეპისკოპოსმა ღავდენტოსმა თქვა: ეს მაცხოვრებელი და კეთილად განსჯილი დადგენილებები, ჩვენი სამღვდელო ღირსებისთვისაც შესაფერისი, და სათნონი ღმერთისა და ადამიანებისთვისაც, ვერ შეინარჩუნებენ თავიანთ ძალმოსილებასა და სიმტკიცეს, თუ წარმოთქმული გადაწყვეტილებები თანხლებულნი არ იქნებიან შიშით. რამეთუ ჩვენ თავადაც ვიცით, რომ არცთუ იშვიათად მცირედთა ურცხვობის მიზეზით, შეურაცხყოფა მიეყენებოდა მღვდლობის ღვთაებრივ და პატივმისაგებელ სახელს. ასე, რომ თუ ვინმე, ყველას მიერ აღიარებულის საწინააღმდეგოდ გაკადნიერდება რაიმე სხვა მოიმიქმედოს, ეცდება რა უფრო მეტად თავის ამპარტავენებასა და პატივმოყვარეობას აამოს, ვიდრე ღმერთს ეყოს სათნოდ, ასეთმა, დაე, იცოდეს, რომ საკუთარ თავს სამსჯავროზე პასუხისგების წინაშე აყენებს და კარგავს ეპისკოპოსის პატივსა და ღირსებას. ყველამ მიუგო: ეს აზრი შესაფერისია და ჩვენც სათნოდ გვიჩანს.

(ანტიოქ. 11; სარდ. 7, 8, 9, 21; კართ. 104, 106)

ქანონი 20

ხოლო ეს უფრო მეტად იქნეს მოკვლეული და ამგვარად აღსრულებული: თუ თითოეული ჩვენგანი, ეპისკოპოსად დადგინებული, ხმელეთით თუ ზღვით მიმავალ ეპისკოპოსს იხილავს, აუცილებლად გამოჰკითხოს მგზავრობის მიზეზი და გზის მიმართულება. და თუ შეიტყობს, რომ იგი სამხედრო ბანაკში მიდის (ხელმწიფესთან), მაშინ, დაე, შეეკითხოს ზემდგომთ თანრიგთა მიხედვით.* და თუ ის მიწვეულია (ხელმწიფისაგან) და ამის გამო მიდის, მაშინ ნურანაირი დაბრკოლება ნუ ექნება მიმავალს. ხოლო თუ ის თავისი პატივმოყვარეობით ან ზოგიერთთა თხოვნების გამო ისწრაფვის სამხედრო ბანაკში მისვლას, როგორც ეს ადრე უკვე მოეხსენა თქვენს სიყვარულს, მაშინ ნურც მის სიგელებზე მოვაწერთ ხელს და ნურც თანაზიარება გვექნება ესევეთართან. ყველამ მიუგო: დაე, ესეც განწესებულ იქნეს.

(ანტიოქ. 11; სარდ. 7, 8, 9, 20; კართ. 104, 106)

ეს კანონი, როგორც მისი დასაწყისი სიტყვებიდან ჩანს, წარმოადგენს წინა, მე-19 კანონის გაგრძელებასა და დამატებას. ორივე კანონი ამ კრების მე-7, მე-8 და მე-9 კანონების განწესებებთან არის მჭიდრო კავშირში, რომლებიც იმ ეპიკოპოსების წინააღმდეგ არის მიმართული, ვინც ყოველგვარ საქმეზე იმპერატორის სასახლეს ეშურებოდა. ყველა ამ კანონის მიზანი ერთია: ეპისკოპოსის ღირსებისა და მნიშვნელობის დაცვა.

*იხ. ამავე კრების კანონები: მე-7, მე-8, მე-9.

კონსტანტინოპოლის წმინდა აღგილობრივი კრება

394 წელს კონსტანტინოპოლში შედგა კრება სადავო საკითხის გადასაწყვეტად ორ ეპისკოპოსს, ალაბისა და ვალადის შორის; ორივე მათგანი თავის უფლებას ამტკიცებდა არაბეთის ბოსტრიის სამიტროპოლიტო კათედრაზე. კრებას ესწრებოდნენ ნექტარიოს კონსტანტინოპოლელი, თეოფილე ალექსანდრიელი, ფლაბიანე კონსტანტინოპოლელი და კიდევ 17 ეპისკოპოსი. თავმჯდომარეობდა ნექტარიოსი. განაჩინეს, რომ ეპისკოპოსის განკვეთა შეუძლია მრავალი ეპისკოპოსისგან შემდგარ კრებას და არა მხოლოდ სამ ეპისკოპოსს. ეს განჩინება გამოიცა, როგორც განსაკუთრებული კანონი და შემდგომში შევიდა საყოველთაო საეკლესიო კანონიკურ კრებულში.

კონსტანტინოპოლის წმინდა (მეშვიდე) აღგილობრივი კრების კანონი

განეჩინებთ: აღარ მოხდეს მომავალში განსასჯელი ეპისკოპოსის განკვეთა სასულიერო ხარისხიდან ორი და არც სამი ეპისკოპოსის მიერ, არამედ დიდი კრების განაჩენით, და თუ შესაძლებელი იქნება, მისი სამთავროს ყველა ეპისკოპოსის მონაწილეობით, როგორც ეს მოციქულთა კანონებით არის დადგენილი; დაე, ამრიგად წარმოჩნდეს კეთილგანხილულად განკვეთის ღირსი პირის გასამართლება — მრავალთა მიერ გამოტანილი და განსასჯელის თანდასწრებით გამოცხადებული განაჩენის გზით.

(მოც. 1, 34, 37, 74; I მსოფ. 4; VII მსოფ. 3; ანტიოქ. 14, 15, 19, 20, 23; კლოდ. 12, 40; სარდ. 4, 6; კართ. 8, 10, 11, 12, 13, 15, 18, 19, 49, 50, 59, 104, 107, 128, 129, 130, 132; ორგ. 13; თეოფილე ალექსანდრიელის 9)

ბოსტრიის საეპისკოპოსო კათედრაზე დაადგინეს ეპისკოპოსად ვალადი. გარკვეული დროის შემდეგ, სხვადასხვა დანაშაულისათვის, ვალადი, მისი არყოფნის დროს, ორი ეპისკოპოსის მიერ განკვეთილ იქნა. მათ შემდგომში არ მოისმინეს მის მიერ წარმოდგენილი თავის გასამართლებელი არგუმენტები და მის ადგილზე ალაბი დაადგინეს. ვალადიმ ამას საჩივრით უპასუხა, სადაც თავისი განკვეთის უკანონობას ამტკიცებდა. როდესაც საქმე განსახილველად კონსტანტინოპოლის კრებას გადაეცა, ანკირიის ეპისკოპოსმა არაბიანემ წინადადება შეიტანა გამოეკვლიათ ეს საქმე და განჩინება კანონის სახით დაემტკიცებინათ მომავალი დროებისათვის. I მსოფლიო კრების 1 და მე-4 კანონების საფუძველზე, უპირველეს ყოვლისა, დაადგინეს, რომ როგორც ორ ეპისკოპოსს არ შეუძლია გამოირჩიოს და დაადგინოს მესამე, ზუსტად ასევე, ორ ეპისკოპოსს არ შეუძლია დამოუკიდებლად რომელიმე ეპისკოპოსის განკვეთა. ხოლო, რამდენადაც ვალადი ისე გაასამართლეს, რომ არც კი მოუსმინეს, მაშინ, როდესაც ყოველ განაჩენს მტკიცე საფუძველი სჭირდება და

ამას გარდა ის უნდა მტკიცდებოდეს ხმების უმრავლესობით, ამიტომ კრებამ ორი ეპისკოპოსის ქმედება, ვადადისთან მიმართებით, უკანონოდ სცნო და მოციქულთა 74-ე კანონის საფუძველზე განაწესა, რომ ეპისკოპოსის განსაკვეთად სამართლიანი სამსჯავრო უნდა შედგეს, რომელზედაც მოწვეული და მოსმენილი იქნეს ბრალდებული; ამასთან, განაჩენი უნდა გამოცხადდეს მხოლოდ სრული კრების შემთხვევაში, ანუ სამთავროს ყველა ეპისკოპოსის თანდასწრებით, უკიდურეს შემთხვევაში კრება უნდა შედგეს სამ წევრზე მეტი შემადგენლობით, და „აუცილებლად მიტროპოლიტის მონაწილეობით“, დასძენს „კორმჩაია“.

პართაგენის წმინდა ალბილობრივი კრება

კართაგენის ეს დიდი კრება შედგა 419 წელს; ესწრებოდა 217 ეპისკოპოსი, მათ შორის რომის ეკლესიის წარმომადგენლებიც. კრებას თავმჯდომარეობდა კართაგენის მთავარეპისკოპოსი აფრილიოსი. შეკრების მიზეზი იყო, გაერკვიათ, რამდენად სამართლიანი იყო რომის პაპის პრეტენზიები კართაგენის ეკლესიის კრებების გადაწყვეტილებებზე აპელაციების მიღების უფლებასთან დაკავშირებით. გაიმართა ორი მთავარი სხდომა: პირველი — 25 მაისს, მეორე — 30 მაისს.

მას შემდეგ, რაც მთავარი საქმე განიხილეს და საზეიმოდ უარყვეს რომის პაპის ყოველგვარი უფლება კართაგენის ეკლესიის ეპისკოპოსთა კრების გადაწყვეტილებებზე აპელაციის მიღებისა, კრების მამებმა რამდენიმე კანონი გამოსცეს საეკლესიო დისციპლინის შესახებ. შემდეგ გადაიხედა ყველა კანონი, რომელიც გამოცემული იყო აფრიკული ეკლესიის წინანდელ კრებებზე, მოყოლებული 348 წლიდან. არც ერთ სხვა ეკლესიაში, როგორც ეს აფრიკულში, არ იყო ეგზომ მკაცრად დაცული ყოველწლიურ შეკრებებთან დაკავშირებით მიღებული საყოველთაო წესი. ისტორიამ ბევრი მონაცემი შემოგვინახა ქრისტიანობის პირველ საუკუნეებში საკანონმდებლო მიზნებით მოწვეულ ამ ეკლესიის მრავალი კრებისა და მისი მუშაობის შედეგების თაობაზე. შესაბამისად, უნდა გამოჩინილიყო მრავალი საეკლესიო-დისციპლინარული კანონი, რომლებიც ყველა ამ კრებაზე მიიღებოდა. ამ სახის კანონებში ბევრი ერთმანეთის მსგავსი იყო და ერთი და იგივე საკითხზე საუბრობდა, ბევრიც ადგილისა და დროის გათვალისწინებით იყო გამოცემული, ამიტომ მხოლოდ ადგილობრივი და დროებითი მნიშვნელობის შემცველი იყო და, შესაბამისად, ყველასათვის სავალდებულო დატვირთვა არ გააჩნდა. 419 წლის კართაგენის კრების მამებმა განიხილეს ყველა წინანდელი კანონი, და მათ შორის მიიღეს და მთელი აფრიკული ეკლესიისთვის სავალდებულოდ დაამტკიცეს შემდეგი თოთხმეტი კრების კანონები: ა) 348 წლის კართაგენის; ბ) 390 წლის კართაგენის; გ) 393 წლის იპონის; დ) 397 წლის კართაგენის; ე) 401 წლის 16 ივნისის კართაგენის; ვ) 401 წლის 13 სექტემბრის კართაგენის; ზ) 402 წლის მილევიანის; თ) 403 წლის კართაგენის; ი) 404 წლის კართაგენის; კ) 405 წლის კართაგენის; ლ) 40 წლის კართაგენის; მ) 409 წლის კართაგენის; ნ) 410 წლის კართაგენის; ო) 418 წლის კართაგენის. სულ მიიღეს ამ კრებების 121 კანონი. თვით, 419 წლის კრებამ, მათ კიდევ დაუმატა თავისი 12 კანონი და, ამგვარად, ამ კრებაზე მიღებულ და აღიარებულ იქნა ყველასათვის საერთო-სავალდებულოდ 133 კანონი, რომლებიც ამჟამად ცნობილია კართაგენის კრების კანონების სახელწოდებით.

ზოგიერთ კანონიკურ კრებულში, გარდა დასახელებულისა, შედის კიდევ ხუთი,* თუმცა ისინი პირდაპირი გაგებით კანონები კი არა, კართაგენელი მამების ეპისტოლეებია, ან ამა თუ იმ მამის პასუხი თვით კრების მიერ

*მათ შორის ჩვენს „დიდი სჯულისკანონში“. — მთარგ.

მათთვის დასმულ შეკითხვებზე. ამათგან, პირველი კანონი ეს არის კრების ეპისტოლე პაპ ბონიფაციუსის მისამართით, იმ მთავარი საკითხის შესახებ, რომლის გამოც ეს კრება შედგა; მეორე და მესამე — ესენია კირილე ალექსანდრიელისა და ატიკე კონსტანტინოპოლელის პასუხები, რომლებიც ნიკეის კრების ნამდვილ აქტებს ახლავს თან; მეოთხე — ეს არის ეპისტოლე ნიკეის კრების სიმბოლოთი და კანონებით, რომელიც გაეგზავნა კართაგენის კრების მამების მიერ პაპ ბონიფაციუსს, და მესუთე — იმავე მამების 424 წლის ეპისტოლე, რომელიც გაეგზავნა პაპ კელესტინეს იგივე საკითხთან დაკავშირებით, რის გამოც შედგა 419 წლის კრება. ამ ბოლო ეპისტოლეს წარმოშობის მიზეზი ის იყო, რომ ერთმა მღვდელმა, სახელად აპიარიოსმა, რომელიც ადგილობრივი აფრიკული ეკლესიის კრებამ გაასამართლა, დაცვისათვის პაპ კელესტინეს მიმართა. პაპმა შესაძლებლად მიიჩნია თავისი დაცვის ქვეშ აეყვანა ეს მღვდელი და ამასთან შესაბამისობაში მისწერა კართაგენელ მამებს. მამების პასუხი კელესტინეს ამ წერილზე, სადაც ისინი პაპს მღვდლის შესახებ შუამდგომლობაზე უარს ეუბნებიან, შეადგენს წორედ დასახელებულ ეპისტოლეს. ის იმიტომ დგას კართაგენის 419 წლის კრების კანონების გვერდით, რომ შინაარსობრივად და მნიშვნელობით უშუალოდ ამ კრებას უკავშირდება და წარმოადგენს კრების მთავარი საკითხის შესახებ დასკვნით განწყევლას.

პართაგენის წმინდა აღბილობრივი ბრძობის კანონები

კანონი 1

(1)* ნიკეის კრების განსაზღვრებანი, დაე, ყოველმხრივ იქნეს დაცული. აფრიკოს ეპისკოპოსმა თქვა: ეს განსაზღვრებანი როგორცაა დაცული ჩვენს ხელნაწერებში, რომლებიც ჩვენმა მამებმა მაშინ თან მოიტანეს ნიკეის კრებიდან, და შემდგომში, ჩვენ მიერაც მიღებული განწყევლბანი, ზედმიწევნით შესატყვისი ამ კრებისა, ამის დადასტურების შემდეგ, დაე, შესრულებულ იყოს.**

(IV მსოფ. 1; ტრულ. 2; VII მსოფ. 1)

*ძირითადი ნუმერაცია მიჰყვება ათენის სინტაგმას, ხოლო ფრჩხილებში ნაჩვენებია, თუ რა ნომრით არის ესა თუ ის კანონი შეტანილი კანონთა კრებულის წიგნში. რადგან მრავალი კანონი, მისი შინაარსიდან გამომდინარე, დაყოფილია ორ ან მეტ ნაწილად, ამიტომ საერთო რიცხოვნობა აღნიშნულ წიგნში გაცილებით მეტია. ქართულ დიდი სჯულისკანონში ნუმერაცია მიჰყვება ათენის სინტაგმას (რადგან ის შევიდა ფოტის ნომოკანონში, რომლის ქართული თარგმანსაც წარმოადგენს დიდი სჯულისკანონი), იმ განსხვავებით, რომ დამატებითი ხუთი კანონი, ანუ ეპისტოლენი, ქართულ სჯულისკანონში საერთო ნუმერაციაში შედის და, ამდენად, სულ გამოდის 138 კანონი. — მთარგ.

**ეს არის კართაგენის 419 წლის I კანონი. რადგან ეს კანონები ფაქტობრივად სხვადასხვა კრების კანონების კრებულაა, ამიტომ მიუთითებთ მათ წარმომავლობას.

ეს კრება შედგა კართაგენში 419 წელს. შეკრების მიზეზი იყო საკითხი იმის შესახებ, შეეძლო თუ არა რომის ეპისკოპოსს მიეღო აპელაცია აფრიკული ეკლესიის კრებების გადაწყვეტილებების წინააღმდეგ. რომის ეპისკოპოსი თავის უფლებას აფუძნებოდა სარდიკიის კრების ერთ-ერთი კანონზე (მე-5), რომელსაც იგი I მსოფლიო კრების კანონად მიიჩნევდა. კართაგენის კრების მამებს ხელთ ჰქონდათ ნიკეის კრების საქმეთა ასლები, რომლებშიც ვერ მოიძიეს რომის ეპისკოპოსის მიერ მოყვანილი კანონი. იმისათვის, რომ უკეთ ეჩვენებინათ რომის ეპისკოპოსის მტკიცებულების უსაფუძვლობა და მისი შეცდომა იმასთან დაკავშირებით, რომ იგი ერთი კრების კანონს სხვა კრების კანონად თვლიდა, მათ მიმართეს კონსტანტინოპოლის, ალექსანდრიისა და ანტიოქიის ეპისკოპოსებს, — გამოეგზავნათ მათთან დაცული ნიკეის კრების ნამდვილი აქტები. თხოვნაზე პასუხის მოლოდინში, კრებამ თავისი სახელოვანი თავმჯდომარის — ავრილიოსის წინადადებით დაადგინა, უცვლელად დაეცვათ ნიკეის კრების განწესებანი, ანუ იმ სახით, რა სახითაც იყო ეს განწესებანი გადმოცემული კრების მამების ხელთ არსებულ ხელნაწერებში, რომლებიც თავის დროზე ნიკეის კრებიდან ჩამოეტანათ იმ კრების მონაწილე აფრიკელ ეპისკოპოსებს. კრებამ ასევე დაადგინა, დაეცვათ ნიკეის კრების შემდგომ გადმოცემული ყველა კანონიკური განწესება ისევე, როგორც ის განწესებები, რომლებსაც თავად მიიღებდნენ, მაგრამ იმდენად, რამდენადაც ისინი შესაბამისობაში აღმოჩნდებოდნენ ნიკეის კრების განწესებებთან. სწორედ ამ შინაარსის შემცველია ამ კრების პირველი კანონი.

იმის შესახებ, თუ როგორი პასუხი გასცეს კართაგენის კრების მამებმა რომის ეპისკოპოსს მის მიერ წამოყენებულ უფლებაზე, რაც ითვალისწინებდა სხვისი საეკლესიო სამთავროებიდან აპელაციების მიღება-განხილვას, ჩვენ ვგებულობთ ავრილიოსის მიერ კრების სახელით რომის ეპისკოპოს ბონიფაციუსისადმი 419 წლის 31 მაისს გაგზავნილ ეპისტოლედან. ხუთი წლის შემდეგ, 424 წელს, როდესაც რომის ეპისკოპოსმა ეკლესტინიმ კვლავ წამოაყენა თავისი უფლება აპელაციების მიღების შესახებ, აფრიკელმა მამებმა ავრილიოსის თაოსნობით კვლავ გაგზავნეს რომში ახალი ეპისტოლე, რომლითაც, თუმცა დროებით, აიძულეს რომის ეპისკოპოსი აღარ გამოსულიყო განცხადებებით თავისი უფლებების შესახებ.*

*ამ კანონამდე კრებაზე წაიკითხეს ნიკეის კრების სარწმუნოების სიმბოლო და კანონები. ხოლო ამის გარდა, პიკენის ეპისკოპოსმა ფავსტინემ, რომის ეპისკოპოს ბონიფაციუს ადგილმონაცვლემ, წარმოადგინა მისთვის წერილობით მიცემული დარიგება, რომლითაც კრებისთვის შემოთავაზებული იყო კანონები სამსჯავრო საქმეების გადატანის შესახებ საეპარქიო ეპისკოპოსისაგან რომის ეპისკოპოსთან და მეზობელ ეპისკოპოსებთან; ეს კანონები ამ ჩანაწერში წოდებული იყო ნიკეის მსოფლიო კრების კანონებად, მაგრამ სინამდვილეში წარმოადგენდნენ სარდიკიის ადგილობრივი კრების მე-5 და მე-14 კანონებს. ამაზე კართაგენის კრების მამებმა მიუგეს, რომ მათთან დაცულ ნიკეის კრების ნუსხებში ისინი ვერ აოულოებენ ამ კანონებს, და ეჭვის გასაფანტავად დაადგინეს ნიკეის კრების კანონების ნამდვილი ასლები გამოეყოფათ ანტიოქიის, ალექსანდრიისა და კონსტანტინოპოლის ეპისკოპოსებისაგან. ხოლო იმისთვის, რომ არანაირი ეჭვი არ დაეტოვებინათ თავიანთ მორჩილებაში ნიკეის კრების კანონებისადმი, კართაგენის ეპისკოპოსის ავრილიოსის წინადადებით, მიიღეს კიდევ ეს კანონი.

კანონი 2 (2)*

ღმერთის ნებით თავდაპირველად გემართებს, თანახმიერი აღმსარებლობით ვალდარებდეთ ეკლესიის სარწმუნოებას, რომელიც ამ დიდებულ კრებას ჩვენ მიერ გადმოვცა. მერმე, კვალად თითოეულისა და ყველასი ერთობლივი თანხმობით უნდა იქნეს დაცული საეკლესიო წეს-განგება. ხოლო ჩვენი მცირე ხნის წინ დადგინებული ძმებისა და თანაეპისკოპოსების ზრახვათა განსამტკიცებლად, უნდა დავსძინოთ ისიც, რომ ჩვენ მამებისგან გვაქვს მიღებული, მტკიცე განჩინება იმისა, რომ სამების ერთობას, ანუ, — მამისას და ძისას და სულიწმინდისას, არავითარი შეცნობადი განსხვავება არ გააჩნია. ეს წმიდად გვიყრია გონებით და, როგორც გვისწავლია, იმგვარადვე ვასწავლოთ ღვთის ერს.

(II მსოფ. 1; III მსოფ. 7; ტრულ. 1)

ეს კრება შეახსენებს იმის შესახებ, თუ რამდენად მტკიცედ და ურყევად უნდა იქნეს დაცული წმინდა მამების მიერ გადმოცემული სარწმუნოების აღმსარებლობა. იმედროულად, კანონი აჩვენებს, რომ მთავარი მიზანი, რისთვისაც კრებები დგება, ეს არის წმინდა სარწმუნოების სახეიმო აღმსარებლობა, რომლის საფუძველზეც მიიღება მაშინ კანონები, რომლებიც, თავის მხრივ, ამტკიცებენ საეკლესიო წესრიგს, რომლის დაცვაც ყველასათვის მკაცრად სავალდებულოა.

კანონი 3 (3)**

კრძალულებისათვის აერილიოს ეპისკოპოსმა თქვა: უწინდელ კრებაზე, როცა კრძალულებისა და უბიწოების შესახებ კითხულობდნენ, კეთილად იქნა განგებული, რომ ამ სამ ხარისხში დადგენილნი (ანუ ეპისკოპოსები, მღვდლები და დიაკნები), რომელნიც თვით კურთხევის ძალით არიან მოვალენი შეიკვრებოდნენ უბიწოების საკრველებით, როგორც ეს წმინდა ეპისკოპოსებს, ღმერთის მღვდლებსა და ლევიტელებს შეჰყვებით, და ასევე საღმრთო მღვდელმოქმედებათა დროს მათ მსახურებასაც, — განკრძალულნი უნდა იყვნენ ყოველივეში; დაე, მიეღოთ, რასაც უბრალოებით ითხოვენ ღმერთისგან, რათა მოციქულთაგან გადმოცემულსა და უძველესი დროიდან შენარჩუნებულს ჩვენც მსგავსადვე ვიცავდეთ.

(მოც. 5, 17, 26, 51; I მსოფ. 3; IV მსოფ. 14; ტრულ. 5, 6, 12, 13, 30; VII მსოფ. 18; ანკირ. 19; ნეოკეს. 1, 8; ღანგ. 4; კართ. 4, 25, 35, 70; ბასილი დიდის 12, 27, 88)

ეს კანონი მიღებულ იქნა კართაგენის 390 წლის კრებაზე, ეპისკოპოს გენეთლის დროს. [ქადაგებისათვის წმიდისა სამებისა] *აქ და შემდგომ ამ კრების კანონების ქვეშ მათი შინაარსის ამსახველი მინაწერები დაესხებულა ქართული „დიდი სჯულისკანონიდან“, სუ-მოდასახ. გამოც.

**კართაგენის 390 წლის მე-2 კანონის პირველი ნახევარი.

[კრძალულებისათვის]

კანონი 4 (4)*

განვაჩინეთ, რომ ეპისკოპოსიც, მღვდელიც და დიაკონიც, და ყველა, ვინც კი სიწმინდესთან შეხებაშია, უბიწოებას იცავდეს და ცოლს განეკრძალოს. (მოც. 5, 17, 26, 51; I მსოფ. 3; IV მსოფ. 14; ტრულ. 5, 6, 12, 13, 30; VII მსოფ. 18; ანკირ. 19; ნეოკეს. 1, 8; ლანგ. 4; კართ. 3, 25, 35, 70; ბასილი დიდის 12, 27, 88; ტიმოთე ალექსანდრიელის 5, 13)

ეს ორივე კანონი ლაპარაკობს სასულიერო პირთა მხრიდან თავშეკავების შესახებ. პირველი მათგანი (მე-3 კან.) განაწესებს, რომ ეპისკოპოსებს, მღვდლებსა და დიაკვნებს, როგორც საღმრთო მსახურებისა და უსისხლო მსხვერპლშეწირვისათვის დადგენიებული, ყველაფერში თავშეკავება მართებთ; არ უნდა მოიქცნენ ისე, რომ რამე ერთსგან თავი შეიკავონ, მეორის მიმართ კი გულგრილობა გამოიჩინონ, არამედ ყველაფერში უნდა მიაქციონ საკუთარ თავს ყურადღება, უნდა გამოირჩეოდნენ სათნოებებით, რათა საშუალება ჰქონდეთ, — როგორც კანონი ამბობს, — ღმერთისგან მიიღონ შევედრებული, რადგან, — ზონარას სიტყვებით ამ კანონის განმარტებიდან, — ისინი შუამავლები არიან ღმერთსა და ადამიანებს შორის, და გულმოწყალე უნდა ჰყონ ღმრთეება ადამიანთა მიმართ, გამოითხოვონ ხსნა ერთგული მორწმუნეებისათვის და მშვიდობა მთელი ქვეყნისათვის.** მეორე (მე-4) კანონი განუწესებს იმავე ეპისკოპოსებს, მღვდლებსა და დიაკვნებს თავი შეიკავონ ცოლებთან ხორციელი კავშირისაგან. იგივეს ამბობს ამ კრების 25-ე კანონიც და განმარტავს, რომ ეს თავშეკავება მათ უნდა დაიცვან გარკვეულ დროს, კერძოდ — როდესაც ემზადებიან სიწმინდეებთან მისახლებადად. სხვა დანარჩენის შესახებ იხ. ტრულის კრების მე-12 და მე-13 კანონების განმარტებები.

კანონი 5 (5)***

თავშეკავება გემართებს მომხვეჭელობის გულისთქმისაგან, რომლის სახელდებაშიც „ყველა ბოროტების დედად“, ვერაინ დაეჭვდება; დაე, ნურაინ შეიჭრება სხვათა საზღვრებში, და ანგარებისმოყვარეობით ნუ გარდავა მამათა მიერ დადგენილ საზღვრებს, და სამღვდლო დასის წევრთაგან, დაე, ნურავის მიეცემა ნება ვახში აიღოს რაც არ უნდა იყოს ნივთისაგან. თუ რამე იქნება კელავ წარმოდგენილი, როგორც არაცხადი და სრულიად დაფარული, ჩვენ მიერ განიხილება და მის მიმართ განჩინება შედგება. ხოლო, რაც საღმრთო წერილმა საესებით ცხადად დაგვიდგინა, მათ შესახებ შეხედულებებს კი არ უნდა განვიხილავდეთ, არამედ მეტადრე მივსდევ-

*კართაგენის 390 წლის მე-2 კან.-ის მეორე ნახევარი.

[ცალკეული დასისათვის, რომელთა უხმს (მართებთ) განწყენება მეუღლეთაგან]

**ათენის სინტაგმა, III, 301.

***ეს კანონი შედგენილია კართაგენის 348 წლის კრების მე-10 და მე-13 კანონებიდან, რომელიც შედგა ეპისკოპოს გრატის დროს.

[უძლებებისათვის (მომხვეჭელობისათვის)]

დეთ და აღვასრულებდეთ. რაც ერისკაცთა შორის გასაკიცხია, რაზომ უფრო დაგმობის ღირსია იმათ შორის, რომელნიც სამღვდელო დასს განეკუთვნებიან. მთელმა კრებამ თქვა: არცა წინასწარმეტყველთა, არცა სახარების წინააღმდეგ, არავის უმოქმედია დაუსჯელად.

(მოც. 44; I მსოფ. 17; ტრულ. 10; VII მსოფ. 19; ლაოდ. 4; კართ. 16; ბასილი დიდის 2, 14; გრიგოლ ნეოკესარიელის 3; გრიგოლ ნოსელის 6)

წინამდებარე კანონი უპირველეს ყოვლისა ლაპარაკობს იმ ეპისკოპოსების წინააღმდეგ, რომლებიც ანგარების მიზნით გადადიან თავიანთი სამთავროების საზღვრებს და იტაცებენ სხვის ეპარქიებს; ამის შემდეგ – ზოგადად იმ სასულიერო პირების შესახებ, რომლებიც მევახშეობას ეწევიან. მოციქულთა 44-ე, I მსოფლიო კრების მე-17 და სხვა პარალელური კანონების განმარტებები ამ კანონის განმარტებასაც ემსხურება.

ქანონი 6 (6)*

მირონის მომზადებასა და ქალწულთა კურთხევას მღვდელი ნუ აღასრულებს. ასევე, ნუ მიეცემა მას ნება განცხადებულად, ლიტურგიაზე შეარიგოს ეკლესიასთან მონანულნი. ყველას სათნო გვიჩანს ეს.

(მოც. 52; I მსოფ. 12, 13, 19; III მსოფ. 7; IV მსოფ. 16; ტრულ. 4, 31, 95, 102; VII მსოფ. 7; ლაოდ. 48; კართ. 7, 43, 44)

წინამდებარე კანონი მღვდლებს უკრძალავს შემდეგს: 1) მირონის მომზადებას, 2) ქალწულების შეწირვას, 3) ტაძრების კურთხევას და 4) მონანულთა ეკლესიასთან შერიგებას, და ყველაფერ ამას მხოლოდ ეპისკოპოსის ხელმწიფებას უქვემდებარებს.

1) წმინდა მირონის მომზადება, – როგორც ამ კანონის განმარტებაში ზონარა და ბაღსამონი აღნიშნავენ, – ნიშნავს წმინდა მირონის კურთხევას, რომელიც მირონცხების საიდუმლოში გამოიყენება. ეკლესიის პირველ ხანებში მირონცხებას ცვლიდა მოსანათლავ პირზე ნათლობის პროცესში ხელდასხმა, რომელსაც თვით მოციქულები აღასრულებდნენ და ამ გზით ნათელღებულს სულიწმიდის მადლს გადასცემდნენ. „მაშინ დაასხამდეს ჭელთა მათ ზედა, მიაქუნდა სული წმიდა“ – ვკითხულობთ „საქმე მოციქულთაში“ (8, 17). მოციქულები ამას აკეთებდნენ მათ მიერ მაცხოვრისგან მიღებული განსაკუთრებული ხელმწიფებით. მაგრამ უკვე იმავე მოციქულთა დროში ჩვენ ვპოულობთ მირონცხების საიდუმლოს ახლანდელი დროის ფორმის საფუძველს, კერძოდ, ვპოულობთ, რომ ნათელღებულებს ცხებდნენ მირონს.** ამის ზუსტი მოწმობა წმინდა წერილში არ არის, მაგრამ ამას ეხედებით იმ წმინდა მამებისა და ეკლესიის მოძღვრების ნაშრომებში, რომ-

*კართაგენის 390 წლის მე-3 კანონი.

[რათა საცხებელი (მირონი) ხუცისა მიერ არა შეიქმნებოდის]

**იხ. მიტროპოლიტ მაკარის (ბულგაკოვი) „დოგმატური ღვთისმეტყველება“, § 209.

ლებიც მოციქულთა დროსთან ასლო პერიოდში მოღვაწეობდნენ. რაც შეეხება მოციქულთა განწესებებს, იქ არამცთუ ხშირად მოიხსენიება მირონცხება (მაგალითად, III, 17; VII, 22), არამედ მირონცხებისათვის სამადლობელი სრული ლოცვაც კი არის შეტანილი, რომელიც ნათლისღებას მოსდევს. კირილე იერუსალიმელი ამის შესახებ დაწვრილებით დარიგებას იძლევა, ადარებს რა წმინდა მირონს (მირონცხების საიდუმლოში) პურის კურთხევას ევქარისტიაში და ამბობს, რომ წმინდა მირონის გამოყენება სათავეს იღებს მოციქულთა გადმოცემიდან. ამგვარად, როგორც ნათლისღებისას ხელდასხმის უფლება მოციქულთაგან გადაეცათ მათ მემკვიდრეებს — ეპისკოპოსებს, ასევე გადაეცათ მათ მირონცხებისათვის წმინდა მირონის მომზადებისა და კურთხევის უფლება (ტაძრებისა და ოდიკის კურთხევისათვის და სხვა). ეპისკოპოსის ეს უფლება ეფუძნება საეკლესიო იერარქიაში მის მდგომარეობას, როგორც მღვდელთმთავრისას, მით უფრო, რომ ეპისკოპოსის ხარისხი თავისთავში მოიცავს მღვდელმსახურების სავსებას და ითავსებს ყველა სამღვდელმოქმედო უფლებას, რომლისგანაც გამომდინარებს სასულიერო იერარქიის სხვა დანარჩენი ხარისხი. მღვდლებს ეკლესიაში აქვთ უფლება, რომელიც განპირობებულია ეპისკოპოსის ხელისუფლებით, თანაც, სამღვდელო მოქმედებებს მღვდელი აღასრულებს მხოლოდ იმ საშუალებათა მეშვეობით, რომლებიც ნაკურთხია ეპისკოპოსის სამღვდელთმთავრო ხელმწიფებით. ამდენად, მღვდლებს ეკლესიაში ყოველგვარი ქმედების ჩატარება შეუძლიათ, გარდა იმისა, რაც წარმოადგენს თვით საფუძველს ამ ქმედებებისას. გარდა ამისა, მღვდლებს უფლება აქვთ საიდუმლოთა გზით ადამიანებს გადასცენ სხვადასხვა სულიერი ძღვენი, მაგრამ თვით ამ საშუალებათა მომზადების უფლება, რომლის წყალობითაც ადამიანი ამ ძღვენთა მიმღებუნარიანი ხდება (კერძოდ, მირონცხების საიდუმლოსათვის წმინდა მირონის მომზადების უფლება), მხოლოდ მღვდელთმთავარს აქვს. მართლმადიდებელი ეკლესიის სამართლის ეს მთავარი პრინციპია სწორედ საფუძველი კართაგენის კრების წინამდებარე კანონის განწესებისა იმასთან დაკავშირებით, რომ მხოლოდ ეპისკოპოსს შეუძლია აკურთხოს წმინდა მირონი; მღვდელს კი ამის გაკეთება არ შეუძლია. დროთა განმავლობაში წმინდა მირონის კურთხევის უფლება გადაეცათ პატრიარქებს და მხოლოდ ზოგიერთი, პრივილეგირებული ეკლესიის ეპისკოპოსებს.

2) მეორე, რაც ამ კანონით მღვდლებს ეკრძალებათ, ეს არის ქალწულების შეწირვა, რაც ასევე ეპისკოპოსის უფლებამოსილებაში შედის. აქ, — როგორც ამ კანონის განმარტებაში **ზონარა** აღნიშნავს, — არ უნდა ვიგულისხმოთ დედათდიაკენები (დიაკონისები). აქ საუბარია იმ დროს არსებულ ჩვეულებაზე, რომლის თანახმადაც ზოგიერთი ქალწული ეკლესიაში მიდიოდა და იქ დებდა აღთქმას, რომ ღთვლ ცხოვრებას ქალწულობაში გაატარებდა. ასეთ ქალწულებს, როგორც **ღნერ.ღი.სთვის** შეწირულებს, ეპისკოპოსები განსაკუთრებული ლოცვით აკურთხებდნენ და **ჰაფეანთი** მარუნეელობის ქვეშ იტოვებდნენ, რადგან ამის შემდეგ ისინი უკნე **საკუფა.რ. მშო.სლებს** ეთხოვებოდნენ.*

3) **წემღვეგ**, კანონი მღვდლებს უკრძალებათ ტაძრების კურთხევას, რადგან ეს მხოლოდ და მხოლოდ ეპისკოპოსის ხელმწიფებაში შედის. ამის საფუძველი იმავე

*ათენის სინტაგმა, III, 310.

პრინციპში დევს, რომელიც ჩვენ ზემოთ აღვნიშნეთ მირონის კურთხევის უფლებასთან დაკავშირებით. თუმცა, აქ ზედმეტი არ იქნება გავიხსენოთ ისიც, რაც ნათქვამია ტრულის კრების 31-ე და VII მსოფლიო კრების მე-7 კანონების განმარტებებში.

4) დაბოლოს, წინამდებარე კანონი მღვდლებს უკრძალავს მიიღონ მონანულნი და საჯაროდ, საღმრთო წირვის მიმდინარეობისას, შეუწოდონ მათ ცოდვები. რამდენადაც ძველ ეკლესიაში ეპისკოპოსებს ჰქონდათ ეპიტიმის დადების უფლება და, შესაბამისად, შეეძლოთ მიეღოთ მონანულნი და მათთვის განესაზღვრათ სინანულის ხარისხი და ვადა, ზუსტად ასევე, მათ განსაკუთრებულ უფლებას წარმოადგენდა საჯაროდ და საზეიმოდ მიეღოთ ეკლესიაში და მიეცათ წმინდა ზიარება იმ განყენებულ მონანულთათვის, რომლებმაც მათთვის დაწესებული ეპიტიმია გაირეს. შემდგომში, ამასთან დაკავშირებით ბევრი რამ შეიცვალა, როდესაც შემოღებულ იქნა ცოდვების აღსარების საიდუმლო და მათი შენდობა, რისი უფლებაც, ჩვეულებრივ შემთხვევებში, მღვდლებსაც მიეცათ.

კანონი 7 (7)*

თუ ვინმე, ვის სიცოცხლესაც საფრთხე ემუქრება, წმინდა საკურთხეველთან შერიგებას ითხოვს ეპისკოპოსის არყოფნისას, მაშინ მღვდელმა ეპისკოპოსს უნდა ჰკითხოს, როგორც წესიერება მოითხოვს, და ასე, მისი ნებართვით შეარიგოს საფრთხეში მყოფი.

(მოც. 52; I მსოფ. 11, 13; ანკირ. 6, 22; ნეოკეს. 2; კართ. 43; გრიგოლ ნოსელის 2, 5)

მომაკვდავი ადამიანი უნდა ეღირსოს წმინდა ზიარებას, — განაწესებს I მსოფლიო კრების მე-13 კანონი. ამ კრების წინა კანონში (მე-6), ნათქვამია, რომ მღვდელს არა აქვს უფლება საღმრთო წირვის დროს, ანუ საჯაროდ, გარკვეული ცოდვების გამო წმინდა ზიარებიდან განყენებულ პირს შენდობა მისცეს. ეს კანონი კი განაწესებს, რომ ეს არ უნდა მიემართოს იმ შემთხვევას, როდესაც ვინმე სიკვდილის პირასაა ე.წ. უფიქრო, რადგან ასეთს შეიძლება მღვდელმაც მისცეს შენდობა და იმავდროულად — წმინდა ზიარებაც, თუკი მმართველი ეპისკოპოსი იმ დროს ადვილზე არ იმყოფება. კანონი დასძენს, რომ ასეთ შემთხვევაში მღვდელმა წინასწარ ღია უნდა ზიარების ეპისკოპოსს და მხოლოდ მისი თანხმობით შეუწოდოს მომაკვდავს, ან როგორც კანონი ამბობს „შეარიგოს“ (საკურთხეველთან) ის, ვისაც სიკვდილი ემუქრება. აქედან ჩანს, რომ საუბარია იმ მონანულთა შესახებ, რომლებსაც ჯერ არ გასულიათ სინანულისათვის დადგენილი ვადა, მაგრამ იმყოფებიან რა სიკვდილის პირას, სურთ ეღირსონ წმინდა ზიარებას („უკანასკნელ საგზაღს“). თუმცა, არის შემთხვევები, როდესაც ეპისკოპოსი შორს არის აღებული ადგილიდან და მღვდელს ასე სწრაფად არ შეუძლია მისგან ნებართვის მიღება, — დასაშვებია

* კანონი 390 წლის კრების მე-4 კან.

[კანონი 7 კართ. და შინა სიკვდილისასა შინა იყენენ, მათისა დაკებისათვის (ეკლესია-სა და სწრაფობათვის)]

თუ არ ასეთ შემთხვევაში, რომ მონანული ადამიანი უზიარებლად გარდაიცვალოს? – ასეთ შემთხვევაში მღვდელს შეუძლია, არ დაელოდოს ეპისკოპოსს და თვითონ შეუნდოს ცოდვები, როგორც ამას ამავე კრების 43-ე კანონი განაწესებს.

კანონი 8 (8)*

მრავალნი არიან არაკეთილზნობისანი, რომელნიც მართებულად მიიჩნევენ, რომ როგორც კი რამე ხელსაყრელი შემთხვევა მიეცემათ, მაშინვე ბრალი დასდონ მამებსა და ეპისკოპოსებს. უნდა მივიღოთ თუ არა ესევი-თარნი? ყველა ეპისკოპოსისგან ითქვა: თუ სახელგატეხილი იყოს, არ შეიწყნარებოდეს.

(მოც. 34, 37, 74, 75; II მსოფ. 6; IV მსოფ. 9, 17, 19, 21; ტრულ. 8; ანტიოქ. 14, 15, 20; ლაოდ. 40; სარდ. 4; კართ. 128, 129, 130; ორგ. 13; თეოფილე ალექსანდრიელის 9)

ამ კანონთან დაკავშირებით იხ. II მსოფლიო კრების მე-6 კანონის განმარტება; კიდევ უფრო დაწვრილებით ლაპარაკობენ წარმოდგენილ საკითხზე ამ კრების 128-ე, 129-ე და 130-ე კანონები.

კანონი 9 (9)**

თუ რომელიმე ეპისკოპოსი ან მღვდელი თანაზიარებაში მიიღებს დანაშაულისათვის სამართლიანად განკვეთილს ეკლესიიდან, დაე, თავადაც იმის თანაბარ სასჯელს დაექვემდებაროს, ვისაც თავისი ეპისკოპოსის მართებული განაჩენისათვის თავი აურიდებია.

(მოც. 11, 12, 13, 32, 33; I მსოფ. 5; IV მსოფ. 11, 13; ტრულ. 17; ანტიოქ. 6, 7, 8, 11; ლაოდ. 41, 42; სარდ. 13; კართ. 23, 106)

იხ. მოციქულთა მე-11, მე-12 და I მსოფლიო კრების მე-5 კანონების განმარტებები, ასევე, სხვა პარალელური კანონებისაც.

კანონი 10 (10)***

თუ რომელიმე მღვდელი, თავისი ეპისკოპოსის მიერ დასჯილი, ერთგვარი ქედმაღლობითა და ამპარტავნებით გადიდგულებული, საჭიროდ ჩათვლის, რომ ცხალკე უნდა შესწიროს ღმერთს წმიდა ძღვენი, ანდა მოისაზრებს

*კართაგენის 390 წლის კრების მე-7 კან.

[მათ შესახებ, რომელნიც ბრალს სდებენ მამებს და ეპისკოპოსებს; არ უნდა შევიწყნაროთ ბრალმდებლად ბოროტებაში შემსწეული]

**კართაგენის 390 წლის კრების მე-7 კან.

[მათთვის, რომლებიც თავისი უწყნობის შესაბამისად, საეკლესიო დასიდან განიკვეთებიან]

***კართაგენის 390 წლის კრების მე-8 კანონის პირველი ნახევარი.

[ეპისკოპოსის მიერ დასჯილი ხუცესისთვის, რომელსაც განხეთქილება შემოაქვს]

სხვა საკუროსხეველი აღმართოს ეკლესიის სარწმუნოებისა და წესდებულების საწინააღმდეგოდ, — ესეეთიარი, დაე, ნუ დარჩება დაუსჯელი. კრებამ წარმოთქვა: თუ რომელიმე მღვდელი თავის ეპისკოპოსს აუხმედრდება და განხეთქილებას შემოიტანს, დაე, შეჩვენებულ იყოს.

(მოც. 31; II მსოფ. 6; III მსოფ. 3; IV მსოფ. 18; ტრულ. 31, 34; ლანგ. 6; სართ. 14; ანტიოქ. 5; კართ. 11; ორგ. 13, 14, 15; ბასილი დიდის 1)

კანონი 11 (11)*

თუ რომელიმე მღვდელი თავისი რამე საქციელის გამო დასჯილი იქნება, ესეეთარამა მეზობელ ეპისკოპოსებს უნდა აცნობოს ამის შესახებ, რათა მათ მოისმინონ მისი საქმე და მათი მეშვეობით შეურიგდეს თავის ეპისკოპოსს. ხოლო თუ ამას არ მოიმოქმედებს, არამედ (ღმერთმა დაიფაროს ამისგან!), ამპარტყენებით აღზევებული, თავადვე განიშორებს თავს თავის ეპისკოპოსთან თანაზიარებისაგან, და ზოგიერთებთან ერთად განხეთქილებას შემოიტანს, წმინდა ძღვენს შესწირავს ღმერთს, — ესეეთიარი, დაე, შეჩვენების ქვეშ მყოფად იქნეს მიჩნეული და თავის ადგილს მოაკლდეს, თუმცაღა, გამოკვლეულ იქნეს — სამართლიანი საჩივარი ხომ არ აქვს ეპისკოპოსის მიმართ.

(მოც. 31; I მსოფ. 5; IV მსოფ. 18; ტრულ. 31, 34; ანტიოქ. 4, 5, 6; ლანგ. 6; კართ. 10, 29, 107; ორგ. 13, 14, 15)

ამ ორ კანონთან დაკავშირებით (მე-10 და მე-11) იხ. მოციქულთა 31-ე, ლანგრის კრების მე-9 და ანტიოქიის კრების მე-4 კანონების განმარტებები. იმასთან დაკავშირებით, რაზეც საუბარია მე-11 კანონში იმის შესახებ, რომ თავისი ეპისკოპოსის მიერ გასამართლებულმა მღვდელმა მეზობელ ეპისკოპოსებს უნდა მიმართოს, რათა მათი დახმარებით შეძლებისდაგვარად გათავისუფლდეს ბრალდებისაგან, არქიმანდრიტი იოანე შენიშნავს, რომ ძველი დროში საერთო წესი არსებობდა — ყველა მსგავსი საქმე ოფიციალურ სასამართლო განხილვამდე გადაეცემოდა ჩვეულებრივ საშუამავლო სასამართლოს, რომელიც შეთახმებისამებრ შედგებოდა გამორჩეულ პირთაგან, რომლებიც ცდილობდნენ და არცთუ იშვიათად ახერხებდნენ კიდევ, შეერიგებისათ მოდავე მხარეები, და მხოლოდ საშუამავლო სასამართლოს წარუმატებლობის შემთხვევაში გადაეცემოდა საქმე ფორმალურ გამოძიებას და სამთავრო კრებების სასამართლოებს**

* კართაგენის 390 წლის კრების მე-8 კანონის მეორე ნახევარი.

[ეპისკოპოსთა თვისთა მიერ ბრალდულქმნილთა ხუცესთათვის]

** დასახ. თხზ., II, 138.

კანონი 12 (12)*

ეპისკოპოსმა ფელიქსმა თქვა: დაე, წესად იქნეს შემოღებული ძველი კრებების მიერ განწესებულის თანახმად ესეც: თუ რომელიმე ეპისკოპოსი (ნუ იყოფინ!) რაიმე ბრალდებას იწვევს და დიდი სიძნელეების გამო შეუძლებელი იქნება ბევრი ეპისკოპოსის ერთად შეკრება, მაშინ, რათა დიდი ხნით არ დარჩეს იგი ბრალდების ქვეშ, დაე, თორმეტმა ეპისკოპოსმა მოუსმინოს მას სამსჯავროზე; მღვდელს, ასეთივე შემთხვევისათვის — ექვსმა ეპისკოპოსმა და თავისმა; დიაკონს — სამმა.

(მოც. 74; I მსოფ. 5; II მსოფ. 6; IV მსოფ. 9; ანტიოქ. 4, 6, 14, 15, 20; სარდ. 13, 14; კონსტ. 1; კართ. 14, 15, 20, 96, 107)

კანონის განწესების თანახმად, სადავო საკითხის გადასაწყვეტად და, ზოგადად, სასამართლოს წარმოებისათვის, ყველა ეპარქიაში (აქ: რამდენიმე საეპისკოპოსოს-აგან შედგენილი საეკლესიო სამთავრო, იგივე სამიტროპოლიტო) აუცილებლად უნდა შედგეს გარკვეულ დროს ეპისკოპოსთა საერთო კრება მმართველი მიტროპოლიტის თავმჯდომარეობით (მოც. 37; I მსოფ. 5; IV მსოფ. 19; ტრულ. 8; VII მსოფ. 6; ანტიოქ. 20; ლაოდ. 40; კართ. 18). კანონი ითვალისწინებს ისეთ შემთხვევასაც, როდესაც რამე სიძნელეების გამო შეუძლებელი ხდება ჩვეულებრივი კრების მოწვევა აღებული ეპარქიის ყველა ეპისკოპოსის დასწრებით, მაგრამ, ამავე დროს, სასურველი იქნებოდა დროულად გადაწყვეტილიყო საქმე ეპისკოპოსის, მღვდლის ან დიაკონის წინააღმდეგ შეტანილ საჩივართან დაკავშირებით. კანონი განაწესებს, რომ ასეთ შემთხვევაში შეიკრიბოს განსაკუთრებული სასამართლო, რომელიც უნდა შედგებოდეს ეპისკოპოსისათვის — 12, მღვდლისათვის 6 და დიაკონისათვის — 3 ეპისკოპოსისაგან.

ჩვენ ვიხილეთ კონსტანტინოპოლის 394 წლის ადგილობრივი კრების განწესება, რომლის თანახმადაც ეპისკოპოსი შეიძლება განიკეთოს მხოლოდ დიდი კრების და, შესაბამისად, ეპარქიის ყველა ეპისკოპოსის ერთობლივი გადაწყვეტილებით. ეს წესი ყოველთვის დაცული იყო ეკლესიაში და უცვლელადვე უნდა დარჩეს. რაც შეეხება ეპისკოპოსთა რაოდენობას, აუცილებელს იმისათვის, რომ ეპისკოპოსს განკვეთა მიესაჯოს, ეს უკვე განპირობებულია აღებული საეკლესიო სამთავროს ეპისკოპოსთა რიცხოვნობით (იხ. მაგალითად, ამ კრების მე-14 კან.). დიდ საეკლესიო სამთავროებში კი, სადაც მრავალი ეპისკოპოსია, ერთი მათგანის განკვეთისათვის აუცილებლად ითვლებოდა 12 ეპისკოპოსის შეკრება. ამაში გვარწმუნებს შემთხვევა, რომელსაც ამ კანონის განმარტებისას აღწერს ბალსამონი. ამატუნის ეპისკოპოსი (კვიპროსის კუნძულზე) იოანე განკვეთეს 11 ეპისკოპოსის შემადგენლობითი კრებით და მთავარეპისკოპოსის თავმჯდომარეობით. მსჯავრდებულმა ეპისკოპოსმა საჩივრით მიმართა კონსტანტინოპოლის პატრიარქ ლუკას (1156-1169), ამ, მისი აზრით, უკანონო განაჩენზე. საპატრიარქო კრებამ განაჩენი გააუქმა; პირველ რიგში იმის საფუძველზე, რომ არ იყო სრულად შეკრებილი კვიპროსის ეკლესიის მთელი საეპისკოპოსო კრება, რაც აღებულ მომენტში ფაქტიურად შესა-

*კართაგენის 390 წლის კრების მე-10 კან.

ძლებელი იყო, მეორეც, იმიტომ, რომ არ იყო 12 ეპისკოპოსი მთავარეპისკოპოსის გარდა, და იყო მხოლოდ 11 ეპისკოპოსი და მთავარეპისკოპოსი.*

ამ კანონის მეორე განწესება იმის შესახებ, რომ მღვდლის განსაკვეთად 6 და დიაკვნის განსაკვეთად 3 ეპისკოპოსია საჭირო, სიტყუასიტყუით არ უნდა გავიგოთ. ეს განწესება მოიაზრება სხვა კანონებთან კავშირში, რომლებიც ასევე ლაპარაკობენ მღვდლებისა და დიაკვნების განკვეთის შესახებ. ის კანონები (ანტიოქ. მე-4 და სხვა მისი პარალელური) საუბრობენ და განაწესებენ, რომ მხოლოდ მმართველ ეპისკოპოსს აქვს ხელმწიფება მღვდლისა და დიაკვნის განკვეთისა და ეს წარმოადგენს ზოგად ძირითად ნორმას. ხოლო ის, რომ წინამდებარე კართაგენის კრება მოიხსენიებს 6 და 3 ეპისკოპოსს, ეს იმ შემთხვევას უნდა მიეწეროს, როდესაც განკვეთილი მღვდელი ან დიაკონი თელის, რომ არასამართლიანად მოექცნენ, რის გამოც უნდა, რომ უმაღლეს სასამართლოს მიმართოს, როგორც მეორე ინსტანციას. სწორედ ეს მეორე სასამართლო უნდა ყოფილიყო შემდგარი ეპისკოპოსთა დასახელებული რიცხოვნობით, აგრეთვე იმ ეპისკოპოსის მონაწილეობით, ვისაც ეს მღვდელი ან დიაკონი ექვემდებარება. თავისთავად ცხადია, რომ ეს მაშინ ხდება, როდესაც არ არის საშუალება ჩვეულებრივი ეპარქიალური კრების მოწვევისა.**

კანონი 13 (13)*

ეპისკოპოსის გამორჩევა უნდა აღესრულოს ერთად შეკრებილი ბევრი ეპისკოპოსის მიერ. ხოლო ამის შეუძლებლობის შემთხვევაში, სამმა ეპისკოპოსმა, რა ადგილასაც არ უნდა იმყოფებოდნენ, უპირატესი ეპისკოპოსის ბრძანებით, დაე, გამორჩიონ ეპისკოპოსი. და თუ ვინმე თავისი თანხმობისა და ხელმოწერის საწინააღმდეგოდ მოიქცევა რამეში, ამით თავადვე მოაკლებს საკუთარ თავს პატივს.

(მოც. 1; I მსოფ. 4; VII მსოფ. 3; ანტიოქ. 19, 23; სარდ. 6; კონსტ. 1; კართ. 49, 50)

ამ კანონის ბერძნულ ტექსტში გამოყენებულია სიტყვა: *χειροτονήσασιν ἐπίσκοπον*, რაც პირდაპირი მნიშვნელობით ნიშნავს ეპისკოპოსის ხელდასხმას (ქიროტონირებას), როგორც ეს მოციქულთა 1 კანონით არის განწესებული, სადაც ასევე ეს სიტყვაა გამოყენებული, მაგრამ სიტყვა: *χειροτονία* (ქიროტონია), კანონებში ზოგჯერ გამორჩევისა და ნიშნავს, როგორც ეს ჩვენ უკვე აღვნიშნეთ მოციქულთა მოხსენიებული კანონის განმარტებაში. კართაგენის წინამდებარე კანონში რომ ეს სიტყვა (ქიროტონია) სწორედ ამ აზრით (გამორჩევა) არის ნახსენები, ეს ჩანს კანონის დასკვნითი ნაწილიდან, სადაც ნათქვამია, რომ პირი, რომელიც ეპისკოპოსის დადგინებისას თავისი ხელმოწერის საწინააღმდეგოდ მოიქცევა, კარგავს საეპისკოპოსო

*ათენის სანტაგმა, III, 324.

**ზონარას განმარტება ათენის სიტაგმაში, III, 322, 323. აფრიკულ ეკლესიაში V საუკუნის დასაწყისში ყოველთვის იყო შესაძლებლობა დიდი რიცხოვნობით შემადგენლობით მოეწივათ ეპისკოპოსთა კრება, რადგან ეს ეკლესია 466 საეპისკოპოსო კათედრას აერთიანებდა.

*კართაგენის 390 წლის კრების მე-12 კან.

პატივს. ხელმოწერას კი, ეპისკოპოსის ხელდასხმისას ადგილი არა აქვს, არამედ მხოლოდ – ეპისკოპოსის გამორჩევისას, როდესაც წმინდა სინოდის სხდომაზე სინოდის წევრები ხელმოწერით ადასტურებენ, რომ ხმა მისცენ გარკვეულ კანდიდატს. წინამდებარე კანონში მთლიანად მეორდება I მსოფლიო კრების მე-4 კანონის განწესება, ეპისკოპოსის გამორჩევისთან დაკავშირებით, და მისი განმარტება ამ კანონის განმარტებასაც ემსახურება. ნიკეის მოხსენიებულ კანონში (I მსოფ. მე-4) ნათქვამია, რომ ეპისკოპოსები, რომლებიც სხვადასხვა ობიექტური მიზეზით ვერ ესწრებიან ეპისკოპოსის გამოსარჩევ კრებას, შეუძლიათ ხმა მისცენ სიგელის საშუალებით (через грамоты; διά γραμμάτων). კართაგენის ამ კანონში მოყვანილია შემთხვევა, როდესაც რომელიმე ეპისკოპოსი კრებაზე პირადად ვერ გამოცხადდება და თავის თანხმობას, კანდიდატის გამორჩევისთან დაკავშირებით, მისცემს ზეპირად ან გამორჩევის აქტზე ხელმოწერით დაადასტურებს, შემდგომში კი უარს იტყვის და ამით საკუთარ თავთან წინააღმდეგობაში მოვა. კანონი განაწესებს, რომ ასეთი ეპისკოპოსი თვითონ ართმევს თავის თავს ეპისკოპოსობის პატივს, ანუ ხდება განკვეთილი, – ამბობს ზონარა ამ კანონის განმარტებაში, – თუკი, ამასთან, ვერ გაამართლებს თავის ქმედებას და ვერ დაამტკიცებს ცხადად და საფუძვლიანად, რომ ის, ვისაც მანამდე ხმა მისცა, არ არის ეპისკოპოსობის ღირსი*.

კანონი 14 (14)**

განვაჩინეთ, რომ ტრიპოლიდან, ქვეყნის სიმწირის გამო, ერთი ეპისკოპოსი მოდიოდეს კრებაზე ადგილისმცველად,*** და რომ იქ, სამსჯავროზე, მღვდელს უსმენდეს ხუთი ეპისკოპოსი, დიაკონს – სამი, როგორც ზემოთ ითქვა; ხოლო ის ცხადია, რომ თავმჯდომარე თავისი ეპისკოპოსი იქნება.

(*მოც. 74; I მსოფ. 5; II მსოფ. 6; IV მსოფ. 9; ანტიოქ. 4, 6, 14, 15, 20; სარდ. 13, 14; კართ. 12, 15, 20, 96, 107*)

წინამდებარე კანონი ორ განწესებას შეიცავს: პირველი, ყოველწლიურად უნდა შედგეს კრებები, რომლებზედაც თითოეულმა საეკლესიო სამთავრომ უნდა წარგზავნოს თავისი წარმომადგენლები; ამასთან, ტრიპოლს, რადგან მცირე რიცხოვნობის ეპისკოპოსი ჰყავს, შეუძლია გამოგზავნოს ერთი წარმომადგენელი. მეორე – იმავე მიზეზით, თუ ტრიპოლში მღვდელი ან დიაკონი თავისი ეპისკოპოსის განაჩენს გაასაჩივრებს, მაშინ ასეთი მღვდელი მეორე ინსტანციაში უნდა გაასამართლოს მმართველმა ეპისკოპოსმა ხუთ სხვა ეპისკოპოსთან ერთად, დიაკონი კი – ასევე მმართველმა ეპისკოპოსმა სამ სხვა ეპისკოპოსთან ერთად. წინამდებარე კანონი გამონაკლისს წარმოადგენს ამ კრების (419 წ.) მე-12 კანონიდან და ამ უკანასკნელის განმარტებას მის განმარტებასაც ემსახურება.

*ათენის სინტაგმა, III, 326.

**ეს კანონი შედგენილია იპონის მე-5 და მე-8 კანონებიდან.

***წარმომადგენელი.

კანონი 15 (15-18)*

15. განვაჩინეთ, ასევე, რომ თუ ვინმეს, — ვინც არ უნდა იყოს იგი: ეპისკოპოსი, მღვდელი, დიაკონი თუ ეკლესიის მსახური, — ბრალდების ან ცილობის საქმე აქვს აქვს ეკლესიაში და იგი უარს იტყვის საეკლესიო სასამართლოზე და საერო სასამართლოების წინაშე მოინდომებს თავის გამართლებას, — ესეითარი, დაე, მოაკლდეს თავის ადგილს, თუნდაც მის სასარგებლოდ იქნეს გამოტანილი გადაწყვეტილება. და ეს დადგენილ იქნა ბრალდების საქმის გამო, ხოლო ცილობის საქმეზე, დაე, მოაკლდეს იმას, რაც საქმის გადაწყვეტით შეუძენია, თუკი თავისი ადგილის შენარჩუნება სურს.

16. განვაჩინეთ ასევე, ესეც: რომელ საეკლესიო მსაჯულთაგანაც არ უნდა მივიდეს საქმე სხვა საეკლესიო მსაჯულებთან, რომელთაც უფრო მაღალი საეკლესიო ძალაუფლება აქვთ, დაე, ნურანაირ გაკიცხვას ნუ დაეკვემდებარებიან ისინი, ვისი განაჩენიც გაუქმდება, თუკი არ იქნებიან მხოლეულები იმაში, რომ ან მტრობით, ანდა მიკერძოებით განუსჯიათ საქმე, ანდა რაღაც მათმებლობით და ქრთამით ყოფილან ცთუნებულნი.

17. ხოლო თუ ორივე განსჯადი (სამსჯავროზე წარმდგარი) მხარის თანხმობით იქნებიან არჩეულნი მსაჯულნი, მაშინ, თუნდაც მათი რიცხვი კანონებში დადგენილზე ნაკლები იყოს, ნუ მიეცემათ იმის ნება, რომ სამსჯავრო საქმე სხვებთან გადაიტანონ.

18. მღვდელმსახურთა შვილები ნუ წარმოადგენენ საერო სამარცხვინო სანახაობებს და ნურც თავად უყურებენ. ეს ყოველთვის ექადაგებოდა ყველა ქრისტიანს, დაე, ნუ შევლენ იქ, სადაც ღმერთს გმობენ.

(მოც. 74; I მსოფ. 5; II მსოფ. 6; IV მსოფ. 9, 17; ტრულ. 24, 51, 63, 66; ანტიოქ. 5, 12, 14, 15; ლაოდ. 54; სარდ. 3, 5, 14; კართ. 12, 28, 61, 97, 104, 122; ორგ. 9)

კართაგენის ეს კანონი ლაპარაკობს ორ სრულიად განსხვავებულ საკითხზე: პირველი საკითხი ეხება სისხლის სამართლისა და სამოქალაქო დანაშაულის საქმეებთან დაკავშირებულ სასამართლო განხილვებს, მეორე — სასულიერო პირთა შვილების ყოფა-ქცევას. პირველ საკითხთან დაკავშირებით რუსულ კანონთა კრებულში სამი კანონია მოცემული (მე-15, მე-16, მე-17), ასევე ბერძნულ პიდალონშიც (მე-14, მე-15, მე-16). მეორე საკითხს კანონთა კრებულში ეძღვნება განსაკუთრებული მე-18 კანონი; პიდალონში — განსაკუთრებული მე-17 კანონი. ათენის სინტაგმაში ორივე ეს საკითხი ერთ (მე-15) კანონშია გადმოცემული, ამიტომ ჩვენც ყველა აღნიშნული განწესება ერთ კანონში მოგვყავს.

1) კან. კრებ. 15; პიდ. 14. ყველა სასულიერო პირისათვის კანონიერ სასამართლოს წარმოადგენს იმ ეპისკოპოსის სამსჯავრო, რომელსაც ეს პირები ეკვემდებარებიან; ეპისკოპოსისათვის კი — მმართველი მიტროპოლიტის სამსჯავრო. ეს წარმოადგენს მართლმადიდებელი ეკლესიის კანონიკური სამართლის საერთო ნორმას. ამ ნორმის საფუძველზე კანონი განაწესებს, რომ არც ეპისკოპოსს არც სხვა სასულიერო პირს უფლება არა აქვს გვერდი აუაროს სათანადო სასულიერო

*აბონის 393 წლის კრების მე-9, მე-10 და მე-11 კანონები.

სასამართლოს და თავის გამართლების ძიებაში საერო სასამართლოს მიმართოს (შდრ. II მსოფ. მე-6 და მისი პარალელური კანონები). კანონი მათ ამას უკრძალავს იმ შემთხვევაშიც, როდესაც საქმე ეხება სისხლის სამართლის სფეროსაც, ან თუნდაც სამოქალაქო სამართალს და მოითხოვს, რომ ყველა მსგავსი საქმე ასევე განიხილებოდეს მხოლოდ და მხოლოდ საეკლესიო სასამართლოში. თუ ვინმე უფლებელყოფს საეკლესიო სასამართლოს და სამოქალაქო სასამართლოს მიმართავს, კანონი ასეთი პირისთვის განაწესებს ადგილის ჩამორთმევას, ანუ სამღვდელო ხარისხის ჩამორთმევასა და განკვეთას, — თუნდაც, საერო სასამართლომ განაჩინი მის სასარგებლოდ გამოიტანოს. ხოლო, თუკი საქმე სამოქალაქო სამართლის ხასიათის იქნება, — ანუ, როგორც ზონარა ამბობს, — ფულთან დაკავშირებული, მაშინ ასეთი პირი საეკლესიო სასჯელის გარდა იმასაც კარგავს, რასაც საერო სასამართლოს გადაწყვეტილებით მიიღებს. თუმცადა, ეს სრულებითაც არ ნიშნავს, რომ ეკლესიას თითქოს სურდეს ყოველთვის და ყველაფერში გაათავისუფლოს თავისი მსახურები სამოქალაქო სასამართლოს დამოკიდებულებიდან და არ აღიარებდეს, რომ ისინი აღნიშნულ სასამართლოსაც ექვემდებარებიან. რამეთუ არის ისეთი საკითხები, რომლებიც თავისი ხასიათით სამოქალაქო სასამართლოს განხილვას ექვემდებარებიან. მაგალითად, ისეთები, როგორიცაა მძიმე სახელმწიფო დანაშაული, რომელთანაც დაკავშირებით ეკლესიას არასდროს მიუთვისებია სასამართლო უფლება, — პირიქით, ეკლესია თვითონ გადასცემდა ხოლმე სამოქალაქო სასამართლოს მსგავს, მძიმე დანაშაულში ბრალდებულ სასულიერო პირებს (იხ. ანტიოქ. მე-5 და ორგ. ზ. მე-9 კანონები). ეკლესია უკრძალავს თავის მსახურებს მიმართონ საერო სასამართლოს მხოლოდ იმ საქმეებთან დაკავშირებით, რომლებიც თავიანთი ხასიათით საეკლესიო სასამართლოს გადაწყვეტილებას ექვემდებარება, რადგან საერო სასამართლოში თავიანთი მიმართვით ისინი დაარღვევდნენ ამ სასამართლოს უფლებამოსილებას, და იმავდროულად — ეკლესიის კანონიკურ განწესებას; ამასთანავე, თუ ეს პირები საერო სასამართლოს წინაშე გამართლდებოდნენ, ამით დააკნინებდნენ საეკლესიო ხელისუფლებას და სამღვდელო წოდების უღირსნი გახდებოდნენ, ხოლო თუ საერო სასამართლო მათ მიმართ ბრალდებით განაჩინს გამოიტანდა, მაშინ ისინი, მსგავსად ყველა სხვა ერისკაცისა, შესაბამის სასჯელს მიიღებდნენ და ამით დაამცირებდნენ სამღვდელო წოდების ღირსებას. აღნიშნული აკრძალვა ასევე ეხება ისეთ სადავო საკითხებს, რომლებიც შეიძლება ორ სასულიერო პირს შორის წარმოიშვას. ხოლო, როდესაც ერთი მოდავე მხარე სასულიერო პირია, მეორე — ერისკაცი, ძალაში შედიოდა საეკლესიო-სამოქალაქო კანონმდებლობის დადგენილებები; როდესაც საქმე ეხება კერძო ხასიათის დავას სასულიერო პირსა და ერისკაცს შორის, ასეთ შემთხვევევაში შესაძლებელია სასულიერო პირი დაექვემდებაროს საერო სასამართლოს, ისევე, როგორც ერისკაცი — საეკლესიო სასამართლოს. ამ დროს, ზოგადად, გამოიყენებოდა ნომოკანონის მიერ მიღებული ბერძნულ-რომაული კანონები. სისხლის სამართლისა და მძიმე სახელმწიფო დანაშაულებებში სასულიერო პირის ბრალდება ორივე (სასულიერო და საერო) ხელისუფლების მიერ უნდა იქნეს აღიარებული და ამ შემთხვევაში სამღვდელო პატივჩამორთმეული პირები, ანუ საეკლესიო ხელისუ-

ფულებს მიერ განკვეთილები, გადაეცემოდათ ხაერო ხელისუფლებას, რომელსაც გამოპქონდა უკვე მათთვის შესაბამისი სასჯელი.*

2) კან. კრებ. 16; პიდ. 15. კანონები არაერთხელ აღიარებენ იმის უფლებას, რომ პირველი ინსტანციის სასამართლოს მიერ გამოტანილი განაჩენით უკმაყოფილების შემთხვევაში, მსჯავრდებულს შეუძლია მიმართოს უმაღლეს სასამართლოს (იხ. I მსოფ. კრების მე-5 და მისი პარალელური კანონები). იგივე უფლება არის ამ კანონითაც აღიარებული, რომელიც, კერძოდ, ამბობს, რომ პირველი ინსტანციის მსაჯულებისათვის არაფერია იმაში შეურაცხყოფელი, თუკი უმაღლესი სასამართლოს მიერ, ანუ მეორე ინსტანციაში, მათი განაჩენი შეიცვლება, გარდა იმ შემთხვევებისა, როდესაც დამტკიცებული იქნება, რომ ამ მოსამართლეებმა უსამართლოდ განსაჯეს – ან ბრალდებულთა მიმართ ბოროტი ანგარიშისწორებით; ან მიკერძოებით იმასთან მეგობრობის გამო, ვინც გაამართლეს; ან კიდევ, მოსყიდვის შედეგად. თუ დამტკიცდება, რომ პირველი ინსტანციის საეკლესიო მსაჯულებმა უსამართლო განაჩენი გამოიტანეს, მაშინ ისინი თავადვე, – როგორც ზონარა აღნიშნავს, – კარგავენ თავიანთ წოდებას** და VII მსოფლიო კრების მე-6 კანონის თანახმად, იმავე სასჯელს იმსახურებენ, როგორც უდანაშაულოებს გამოუტანეს.

3) კან. კრებ. 17; პიდ. 16. თუმცა, ეს კანონი, როგორც სხვა, მისი მსგავსი კანონები, უშვებს დაბალი რანგის სასამართლოდან უმაღლეს სასამართლოში აპელირებას, მაგრამ, ამასთანავე, ის კრძალავს აპელაციას იმ განაჩენის წინააღმდეგ, რომელიც გამოტანილია შეთანხმებით გამორჩეული მსაჯულების მიერ. IV მსოფლიო კრებამ (მე-9 კან.) საზეიმოდ აღიარა შეთანხმებით გამორჩეულ მსაჯულთა სამსჯავროს კანონიერება. ასეთ სასამართლოს ეკლესიის დაარსებიდანვე ენიჭებოდა უდიდესი მნიშვნელობა და საეპარისი იყო, რომ სამ ღირსეულ სასულიერო პირს, ორივე – ბრალმდებელისა და ბრალდებულის – მხრიდან გამორჩეულებს, განაჩენი გამოეტანათ, რომ ის უკვე შეუცვლელად ითვლებოდა. იღებს რა ამას მხედველობაში, კანონი თმობს ნორმას მსაჯულთა რიცხოვნობის შესახებ, რომელიც ფორმალური სასამართლოსათვის ამ კრების მე-12 კანონით იქნა დამტკიცებული, და უშვებს, რომ ასეთ შემთხვევაში მსაჯულთა ნაკლები რიცხვიც დასაშვებია, თუმცაღა, აპელაციის შეტანა ამ გამორჩეულ მსაჯულთა მიერ გამოტანილი განაჩენის წინააღმდეგ ისევე ისე შეუძლებელია.

4) კან. კრებ. 18; პიდ. 17. ამ კანონის ბოლო განწესებასთან დაკავშირებით, იხ. ტრულის კრების 24-ე და 51-ე კანონების განმარტებები. ეს კანონი უკრძალავს სასულიერო პირთა შეილებს ისეთ სანახაობებზე დასწრებას, სადაც მკრეხელობას აქვს ადგილი, რადგან სამღვდელოებამ, პავლე მოციქულის სიტყვებით, თავიანთი შეილები უნდა აღზარდონ მორჩილებასა და ღვთის მოშიშებაში, და როგორც მოციქულ ტიტეს ახსენებს, მღვდელი შეძლება იყოს მხოლოდ ისეთი პირი, რომელსაც „*შვილინმცა უსხენ მორწმუნენი, ნუმცა შესმენილ არიან ბილწებისათჳს გინა ურჩებისა*“ (1, 6; შდრ. 1 ტიმ. 3, 4), ხოლო ვინც თეატრებსა და სხვა მსგავს ადგილებში დადის, იოლად შეიძლება მრუშობისაკენ ლტოლვაში იქნეს

*ათენის სინტაგმა, I, 164.

**ათენის სინტაგმა, III, 332.

დადანაშაულებული, და მის შესახებ უკვე არ შეიძლება თქმა, რომ ქრისტიანული თავმდაბლობით გამოირჩევა. თუკი კანონი, ზოგადად, ყველა ერთგულ მორწმუნეს ურჩევს, არ გამოჩნდნენ ისეთ ადგილებში, სადაც ღვთის გამოხატვას აქვს ადგილი (ტრულ. 51-ე), მაშინ მით უფრო არ უნდა მიეცეთ ამის ნება ისეთი პირების შეილება, რომელთა მთავარი მოვალეობაც ღვთის პატივისცემისა და ქრისტიანული თავმდაბლობის ქადაგებაა.*

კანონი 16 (19-23)**

19. განვაჩინეთ, რომ ეპისკოპოსები, მღვდლები და დიაკვნები არ უნდა იყვნენ მეიჯარეები ანდა რამე საერო საქმის განმგებელი, და არ უნდა მოიპოვებდნენ სარჩოს უპატიო და საძრახისი საქმიანობით. რამეთუ გვმართებს მივხედოთ დაწერილს: „არავინ მოღუაწე შეეყოფვის სოფლისა საქმეთა“ (2 ტიმოთე, 2, 4).

20. წიგნის მკითხველნი, რომელნიც სრულყოფილ ასაკს მიაღწევნენ, აღვძრათ, რომ ან შეუღლდნენ, ან უბიწოების აღთქმა დადონ.

21. განვაჩინეთ, აგრეთვე, რომ სამღვდლო დასის წევრმა რამდენიც სესხად გასცა ფული, იმდენივე მიიღოს უკან; ხოლო ნივთების გამცემამაც იმდენივე დაიბრუნოს, რამდენიც გასცა.

22. დიაკვნებად, დაე, ნუ იქნებიან დადგინებულნი უცდახუთ წელზე ადრე.

23. წიგნისმკითხველნი ღვთისმსახურების დროს, დაე, ნუ აღასრულებენ თავყვანისცემას მორწმუნე ერისადმი.

(მოკ. 5, 6, 20, 26, 44, 51, 81, 83; I მსოფ. 17; IV მსოფ. 3, 7, 14; ტრულ. 6, 9, 10, 13, 33; VII მსოფ. 10, 14, 15; ანკირ. 10; ლაოდ. 4; კართ. 5, 25, 126; ორგ. ზ. 11; ბასილი დიდის 14, 69; გრიგოლ ნოსელის 6)

ეს კანონი შეიცავს ხუთ სხვადასხვაგვარ განწესებას.

1) კან. კრებ. 19; პიდ. 18. პირველ განწესებასთან დაკავშირებით, რომელიც სასულიერო პირებს საერო საქმიანობებს უკრძალავს, იხ. IV მსოფლიო კრების მე-3 და მისი სხვა პარალელური კანონების განმარტებები. ამასთან, კანონი ამატებს კიდევ იმას, რომ არც ერთ სასულიერო პირს არა აქვს უფლება თავის გამოსაკვებად გამოიმუშავოს თანხა რაიმე სასირცხო ან უწესო საქმიანობით; ასეთ საქმიანობებს შორის ზონარა მოიხსენიებს – დუქანს.***

2) კანონთა კრებ. 20; პიდ. 19. მოციქულთა 26-ე კანონის თანახმად, წიგნის მკითხველებს (მედავითნეებს) უფლება ჰქონდათ თავისუფლად დაქორწინებულიყვნენ,

*იხ. ზონარას ქადაგება ათენის სინტაგმაში, III, 333.

**იპონის 393 წლის კრების 1, მე-15, მე-18 და მე-22 კანონები.

***ამ კანონის განმარტება იხ. ათენის სინტაგმაში, III, 343. ბალსამონი მოიხსენიებს კონსტანტინოპოლის პატრიარქ ლუკას დადგენილებას, რომლის თანახმადაც სასულიერო პირებს ექიმობაც კი ეკრძალებოდა. – ათენის სინტაგმა, III, 344.

როგორც კი ამას მოისურვებდნენ. ამიტომ ამ კანონის განწესებას, რომლის თანახმადაც, ზრდასრულ ასაკს მიღწეული მკითხველები აუცილებლად ან უნდა დაქორწინებულიყვნენ, ან სამუდამო ქალწულობის აღთქმა დაედოთ, მხოლოდ აფრიკული ეკლესიისთვის ჰქონდა მნიშვნელობა.*

3) კანონთა კრებ. 21; პიდ. 20. ამ კანონის შესამე განწესებასთან დაკავშირებით, იმის შესახებ, რომ სასულიერო პირმა არ უნდა აიღოს გასესხებული ფულისთვის პროცენტები, იხ. მოციქულთა 44-ე და I მსოფლიო კრების მე-17 კანონების განმარტებები.

4) კანონთა კრებ. 22; პიდ. 21. ასევე იხ. ტრულის კრების მე-14 და მე-15 კანონების განმარტება, რომ არავის აქვს უფლება 25 წლამდე ასაკის პირი დიაკვნად დაადგინოს.

5) კანონთა კრებ. 23; პიდ. 22. წინამდებარე კანონის ბოლო განწესებასთან დაკავშირებით, იმის შესახებ, რომ მკითხველებმა თაყვანი არ უნდა სცენ ერს (ეკლესიო მრევლს), ზონარა ამბობს, რომ ღვთისმსახურების დროს ისინი მხოლოდ ეპისკოპოსებსა და მღვდლებს უნდა სცემდნენ თაყვანს, და არა ეკლესიაში მყოფ მრევლს, რადგან მათ კურთხევა მიიღეს (ქიროტესია), მრევლი კი, თავისი მდგომარეობით, შორს დგას სამღვდლოებისაგან, ამიტომ მრევლმა თვით იმათ (მკითხველებს) უნდა მიაგოს პატივი, მით უმეტეს ღვთისმსახურებისას.**

კანონი 17 (24)**

კეთილად იქნა განჩინებული, რომ სიტყვენის მავრიტანიას თავისი უპირატესი ეპისკოპოსი ჰყავდეს, რადგან მან ამის შესახებ ნუმიდიის მხარის უპირატეს ეპისკოპოსს სთხოვა, რომლისგანაც კრების მიერ არის გამოყოფილი. აფრიკის სამთავროების ყველა უპირატეს ეპისკოპოსთა და ყველა ეპისკოპოსის თანხმობით, მას ნება დაერთო, მისი მოშორებულობის გამო, ჰყავდეს თავისი უპირატესი ეპისკოპოსი (მთავარეპისკოპოსი).

(I მსოფ. 6; კართ. 86, 96, 127)

აფრიკის ძველებური დაყოფა IV საუკუნის მეორე ნახევარში ძირეულად შეიცვალა; ჩამოყალიბდა ექვსი ცალკეული პროვინცია: Africa proconsularis (მთავარი ქალაქი – კართაგენი), numidia, Byzacium, Tri pollis, Mauritania Sitifensis et Mauritania Caesariensis. მიწების პოლიტიკურ დაყოფასთან შესაბამისობაში უნდა მოსულიყო საეკლესიო სამთავროების დაყოფაც, რაც გაკეთდა კიდევ ერთ-ერთ კრებაზე – რომელიც არ არის ამ კანონში მოხსენიებული – და იქვე მოხდა სიტყვენის მავრიტანიის ეკლესიის გამოყოფა ნუმიდიის ეკლესიისგან, რომლებიც ადრე ერთ საეკლესიო სამთავროს წარმოადგენდნენ. მოხსენიებული კრების ეს გადაწყვეტილება

*ზონარასა და ბალსამონის განმარტება ათენის სიტაგმაში, III, 343, 345.

**ამ კანონის გამარტება იხ. ათენის სიტაგმაში, III, 343.

***იონის 393 წლის კრების კანონი.

უმაყოფილოდ მიიღო ნუმიდიის პრიმასმა* და როგორც ჩანს, პრაქტიკულად არ სრულდებოდა სიტყფენსის მავრიტანიის ეკლესიის დამოუკიდებელი მართვა, რის გამოც ეს საკითხი კვლავ წამოიჭრა იპონის 393 წლის კრებაზე, და განსაკუთრებული (მე-17) კანონით დადგინდა, რომ უნდა შეწყდეს ყოველგვარი დავა და ამიერიდან სიტყფენსის მავრიტანიას უნდა ჰქაედეს თავისი „პრიმასი“. შემდგომში მართლაც ასე მოხდა და კართაგენის 407 წლის კრებაზე სხვა წარმომადგენლებთა შორის ვხედავთ სიტყფენსის მავრიტანიის წარმომადგენელსაც (იხ. კართ. კრების 96-ე კან.), ასევე – კართაგენის 418 წლის კრებაზეც (კან. 127).

კანონი 18 (25-27)

25. კეთილად განვაჩინეთ, აგრეთვე: ეპისკოპოსად დასადგინებელთ, ანდა სამღვდელთ ხარისხებში საკურთხებელთ, ხელთდამხმელნი ჯერ, დაე, ასმენინებდნენ (ჩააგონებდნენ) კრებების დადგენილებებს, რათა არ იქცეოდნენ კრებების განწყობების საწინააღმდეგოდ და შესანანებელი არ გაუხდეთ.

26. განვაჩინეთ, არ მიეცეს ექპარისტია გარდაცვლილთა სხეულებს, რამეთუ წერილ არს: „მიიღეთ და ჭამეთ“ (მათე 26, 26), ხოლო მკვდართა სხეულებს არც მიღება, არც ჭამა არ შეუძლიათ. ასევე, დაე, ნუ აღიძრება მღვდელთა უცნობლობა იმად, რომ უკვე გარდაცვლილები მონათლონ.

27. გვმართებს ამ წმიდა კრებაზე დაეამტკიცოთ, რომ ნიკეის კრების კანონების თანახმად, საეკლესიო საქმეების გადასაწყვეტად, რომლებსაც ხშირად გადადებენ ხოლმე ერისათვის საზიანოდ, ყოველწლიურად იქნეს მოწვეული კრება, რომელზეც სამთავროების პირველ კათედრებზე დადგინებულნი თავიანთი კრებებიდან გამოაგზავნიან ორ, ან რამდენსაც აირჩევენ, იმდენ ეპისკოპოსს თავიანთ წარმომადგენლებად, რათა ამგვარად შემდგარ კრებას შეეძლოს სრულყოფილი უფლებამოსილება იქონიოს.

(მოც. 37; I მსოფ. 5, 9, 13; IV მსოფ. 9, 19; ტრულ. 8, 83; VII მსოფ. 2, 6; ანტიოქ. 20; კართ. 76, 77, 95)

წინამდებარე კანონი შეიცავს სამ ცალკეულ განწყობებას:

1) კანონთა კრებ. 25; პიდ. 24. VII მსოფლიო კრების მე-2 კანონის გამარტებიდან ვიცით, რომ ეპისკოპოსობის კანდიდატმა კარგად უნდა იცოდეს წმინდა წერილი და კანონიკური სამართალი, თანაც, თავისი ცოდნა გამოცდაზე უნდა დაამტკიცოს. იგივეს გვეუბნება მღვდლობის შესახებ I მსოფლიო კრების მე-9 კანონიც. ამასვე ამბობს წინამდებარე კანონიც ყველა იმ პირთან დამოკიდებულებით, ვინც სასულიერო დასში შესვლას აპირებს, ანუ ვინც ხელდასხმისათვის (ქიროტონისათვის) ემზადება, ამასთან, ნათქვამია, რომ მათ ყოველთვის უნდა ახსოვდეთ იმის შესახებ, რომ თავიანთი ცოდნის გამოვლენა მოუწევთ შესაბამის გამოცდაზე, ასევე, ფრთხილად უნდა იყვნენ, რომ შემდგომში, სამღვდელთ ცხოვრე-

*საეკლესიო სამთავროს მთავარი ქალაქის ეპისკოპოსი, საეკლესიო კრების თავმჯდომარეობის უფლების მქონე; შემდგომში – მიტროპოლიტი.

ბაში, არ მოიქცნენ განწესების საწინააღმდეგოდ, რათა მონანიება არ მოუხდეთ, ანუ, – როგორც ზონარა ამბობს, – რათა შემდგომში სასჯელი არ შეხვედეთ.*

2) კანონთა კრებ. 26; პიდ. 25. ამ კანონის მეორე ნაწილში, უპირველესად საუბარია იმის შესახებ, რომ წმინდა ზიარების მიცემა არ შეიძლება გარდაცვლილთათვის და ამის დასამტკიცებლად მოყვანილია იესო ქრისტეს სიტყვები მათეს სახარებიდან (26, 26). კანონის ტექსტში ნათქვამია ταν τελευτωνταν (morientium). ეს პირდაპირი თარგმანი ნიშნავს, რომ წმინდა ზიარება არ უნდა მიეცეთ მომაკვდავებს (умирающим), მაგრამ კანონში რომ საუბარია არა მათზე, არამედ გარდაცვლილთა გვამებზე, ამის ნათელი დასტურია – როგორც ზონარა შენიშნავს – კანონში მოყვანილი წმინდა წერილის ტექსტის შემდგომი სიტყვები „გარდაცვლილთა გვამებს არც მიღება შეუძლიათ და არც ჭამა“, მაშინ, როდესაც თითოეულს, ჯერ კიდევ ცოცხალს, თუნდაც რომ მისი გადარჩენის იმედი აღარ იყოს და სულს ღაფავდეს, მაინც ეკუთვნის წმინდა ზიარება (იხ. I მსოფლიო კრების მე-13 კან.)** ოდესღაც არსებული ჩვეულება, რომლის თანახმადაც მიცვალებულს პირში უდებდნენ წმინდა ზიარებას, განპირობებული იყო კეთილმორწმუნეობრივი სურვილით, გაცვილებინათ მიცვალებული წმინდა საგზლით და ამგვარად, ერთგვარი სიწმინდე გადაეცათ გვამისთვის. ეს ჩვეულება რომ საკმაოდ ფესვგადგმული აღმოჩნდა, ეს იქიდან ჩანს, რომ VII საუკუნეში ტრულის კრების მამები იძულებული გახდნენ აელიოძინებინათ კართაგენის (უფრო სწორად – იონის) ეს განწესება თავიანთი 83-ე კანონით.

შემდეგ, ამ კანონის (მე-18) მეორე ნაწილი ამბობს, რომ არ შეიძლება მიცვალებულის მონათლვა. ეს ჩვეულებაც რელიგიური მოშურნეობის ნიადაგზე არსებობდა იმის ღრმა რწმენით, რომ ნათლისღება ახალდაბადებას აძლევდა გარდაცვლილის სხეულს. იგი (ჩვეულება) ქრისტიანობაში მონტანისტებიდან გადმოვიდა, რომლებიც მკედრებსაც ნათლავდნენ და გავრცელდა არამარტო აფრიკულ ეკლესიებში, არამედ ბერს სხვა ქვეყანაშიც.

3) კანონთა კრებ. 27; პიდალიონი 26. ამ კანონის მესამე ნაწილი შეიცავს განწესებას ყოველწლიურად საეკლესიო კრებების მოწვევის აუცილებლობის შესახებ, სადაც ყველა ეპარქიის პირველმოსაყდრის, ანუ მიტროპოლიტის დასწრება სავალდებულოა. თუკი თავად მიტროპოლიტებს, გარკვეული საპატიო მიზეზების გამო, პირადად დასწრება არ შეეძლებათ, მაშინ კანონის განწესების თანახმად, მათ თავიანთი ეპარქიებიდან (სამიტროპოლიტო სამთავროებიდან) უნდა წარმოაგზავნონ ორ-ორი ეპიკოპოსი – თავიანთი ეპარქიების წარმომადგენლები – ადგილისმცველების (პოტირიტასების) სტატუსით, რათა ამ საყოველთაო კრებას ესწრებოდეს საეკლესიო ხელისუფლების სრულყოფილებიანი წარმომადგენლობა. აქედან ჩანს, რომ აქ საუბარი არ არის ჩვეულებრივ ეპარქიალურ ან საეპისკოპოსო კრებებზე (იხ. მოციქულთა 37-ე კან.; IV მსოფლიო კრების მე-19 კან. და სხვა), არამედ, საუბარია დიდი საეკლესიო სამთავროების კრებების შესახებ, ანუ დიეცეზალურ კრებებზე (იხ. IV მსოფლიო კრების მე-9 კან.). კართაგენელ (ან იონელ) მამებს ასეთი

*ათენის სინტაგმა, III, 352.

**ზონარას განმარტება ამ კანონზე, ათენის სინტაგმაში, III, 353.

კრების შესახებ განწყობა შეეძლოთ გამოეცათ მხოლოდ თავიანთ სამთავროსთან დამოკიდებულებით, რამეთუ აფრიკის საკონსულოს დამოუკიდებელი მმართველობა ჰქონდა და ექვესი პროვინციისგან შედგებოდა, რომლებიც ჩვენ მიერ მოხსენიებულია ამ კრების მე-17 კანონის განმარტებაში. ამასთან, მისი მთავარი ქალაქის, კართაგენის მიტროპოლიტი იყო „პირველმოსაყდრე სრულიად აფრიკისა“ (Primas universae Africae). თუმცაღა, აქვე უნდა აღინიშნოს, რომ ყოველწლიურად საყოველთაო კრების შესახებ მოწვევის განწყობა, შეიცვალა ამავე კრების 95-ე კანონით, რომლის თანახმადაც დაადგინეს, რომ მსგავსი კრებები მოეწვიათ მხოლოდ უკიდურეს, განსაკუთრებულ შემთხვევებში; ხოლო, ჩვეულებრივ – ეპარქიალური, სამიტროპოლიტო კრებები.

კანონი 19 (28)*

თუ ვინმე ეპისკოპოსთაგანს ბრალს დასდებენ, ბრალმდებელმა, დაე, წარუდგინოს საქმე იმ ოლქის უპირატესს (ეპისკოპოსს), რომელსაც ბრალდებული ეკუთვნის, და ნუ განეყენება ბრალდებული ზიარებისაგან, თუ არ იმ შემთხვევაში, როცა, სიგელით (წერილით) მიხმობილი პასუხისგებისათვის, დანიშნულ დროს არ გამოცხადდება მის განსასჯელად შეკრებილთა სამსჯავროზე, ანუ ერთი თვის განმავლობაში იმ დღიდან, როცა, მოკვლევის მიხედვით, მან სიგელი მიიღო. ხოლო თუ წარმოადგენს ჭეშმარიტ და აუცილებელ მიზეზებს, რომლებმაც ხელი შეუშალეს მას პასუხის მიგებაში იმის წინააღმდეგ, რაც წარდგენილია მასზე, – მაშინ განუკითხავად ჰქონდეს თავისუფლება გამართლებისათვის მეორე თვის განმავლობაში, და ნუ იქნება თანაზიარებაში, ვიდრე არ განიწმენდს თავს მტკიცებულებებით საქმეზე. ხოლო თუ იმ წლის სრულ კრებაზე გამოცხადებას არ ისურვებს, რათა უკიდურეს შემთხვევაში ამით მაინც დასრულდეს მისი საქმე, მაშინ უნდა განისაჯოს როგორც განაჩენის გამომტანი საკუთარი თავის წინააღმდეგ. ხოლო იმ დროის განმავლობაში, როცა ის განყენებული იქნება ზიარებიდან, დაე, ნუ შეერთდება ნურც თავის ეკლესიას და ნურც სხვას მთელ (იმ) საზღვრებში. ამის საწინააღმდეგოდ, მის შემასმენელს, თუკი არსად წასულა მისი საქმის განხილვის დღეებში, სულაც ნუ აეკრძალება თანაზიარება. ხოლო თუ წაება და მიეფარება, მაშინ ეპისკოპოსი დაბრუნებულ იქნეს თანაზიარებაში, თავად შემასმენელი კი განყენებულ იქნეს ზიარებიდან, ოღონდ ისე, რომ არ წაერთვას თავისუფლება თავისი ბრალდების დასადასტურებლად, თუკი შეძლებს დაამტკიცოს, რომ შეუძლებლობის გამო არ წარუდგა სამსჯავროს, და არა იმის გამო, რომ არ სურდა ეს. თუმცა, ეს კი ცხადია, რომ თუ საქმის მოძრაობის დროს ეპისკოპოსთა სამსჯავროში, ჩირქი მოეცება შემასმენელ პირს, მაშინ მისგან არ უნდა იქნეს მიღებული ბრალდება, გარდა იმ შემთხვევისა, როცა ის საკუთარი საქმის განხილვას ისურვებს, და არა – საეკლესიოს.

*ოპონის 393 წლის კრების მე-6 და მე-7 კანონები.

(მოც. 34, 37, 74; II მსოფ. 6; IV მსოფ. 9, 17, 19, 21; ტრულ. 8; ანტიოქ. 14, 15, 20; ლაოჯ. 40; სარჯ. 4; კართ. 8, 10, 11, 12, 15, 18, 59, 104, 107, 128, 129, 130, 132; ორგ. 13; თეოფილე ალექსანდრიელის 9)

წინამდებარე კანონი, რომელიც თავისი შინაარსით სამ ნაწილად იყოფა, გაღმოგეცემს სასამართლო პროცესის მსვლელობას, რომელიც განიხილებოდა ერთ-ერთი ეპისკოპოსის საჩივრის საფუძველზე. ეს პროცესი მსგავსია იმისა, რომლის შესახებაც საუბარია მოციქულთა 74-ე კანონის განმარტებაში.

რომელიმე ეპისკოპოსის ბრალმდებელი, ვაღდებულია თავისი საჩივარი ამ ეპისკოპოსის ზემდგომი ხელისუფლების სამსჯავროს გადასცეს, ანუ იმ ეპარქიის მიტროპოლიტს, რომლის იურისდიქციაშიც შედის ბრალდებული ეპისკოპოსი. ბრალდებულსა და წინამდებარე ეპისკოპოსს შორის კიდევ არ კარგავს თავის უფლებებს და აგრძელებს ამ უფლებებით სარგებლობას მანამ, ვიდრე არ იქნება გამოტანილი შესაბამისი გადაწყვეტილება. ეს წესი ძალას კარგავს იმ შემთხვევაში, როდესაც ბრალდებული ეპისკოპოსი მიწვეულია სასამართლოზე და ის იქ არ გამოცხადდება მთელი თვის განმავლობაში, – დღიდან წერილობითი მიწვევის მიღებისა. ასეთ შემთხვევაში, იგი, სასამართლოსადმი დაუმორჩილებლობის გამო, უკვე იმსახურებს შესაბამის სასჯელს. თუკი დამტკიცდება, რომ სასამართლოში არ გამოცხადდა და არც გამოუცხადებლობის მოტივაცია წარმოუდგენია ნამდვილად მნიშვნელოვანი და საპატიო (და არა გამოგონილი) მიზეზების გამო, მაშინ მას კიდევ ერთი თვის ვადა ეძლევა, რათა არ წაერთუვას სასამართლოს წინაშე თავის გამართლების შესაძლებლობა. ხოლო თუ იგი არც მეორე თვის განმავლობაში გამოცხადდება სასამართლოში, მაშინ კანონი მას ეკლესიასთან ერთობიდან აყენებს იქამდე, ვიდრე არ დამტკიცდება, რომ არაფერშია დამნაშავე და მის წინააღმდეგ შეტანილი საჩივარი უსაფუძვლოა.

და მაინც, ამ ეპარქიალურ კრებას ჯერ კიდევ არ გამოაქვს თავისი ბრალდებით განაჩენი ბრალწაყენებული ეპისკოპოსის მიმართ, მიუხედავად მისი სასამართლოში გამოუცხადებლობისა: იგი ელოდება – ხომ არ მიმართავს ეს ეპისკოპოსი აპელაციით დიდ საყოველთაო კრებას. თუ ამას არ იქმს, მაშინ – კანონის სიტყვებით – მას თავად გამოაქვს საკუთარი თავისთვის განაჩენი, და სანამ ეკლესიასთან ერთობა შეჩერებული აქვს, ვერ უნდა გაბედოს საღმრთო მსახურების ჩატარება ვერც თავის ეკლესიაში, ვერც სხვა რომელიმე ადგილას, მაგალითად, მასზე დაქვემდებარებულ რომელიმე სამრევლო ეკლესიაში.

რაც შეეხება ბრალმდებელს, როგორც კანონი განაწესებს, მას შეუძლია სრულ ერთობაში დაჰყო ეკლესიასთან, თუკი ყველაფერში ემორჩილება სასამართლოს დადგენილებებს. ხოლო, თუ ბრალმდებელი სასამართლოს თავს არიდებს იმდენად, რომ მას ვერ პოულობენ, და მსაჯულებს აქვთ იმის საფუძველი, რომ მისი საჩივარი ეპისკოპოსის ცილისწამებად შეაფასონ (რომელიც სასამართლოში გამოუცხადებლობის მიზეზით განყენებულია), მაშინ ბრალდებული ეპისკოპოსი კვლავ მიიღება ერთობაში, თავად ბრალმდებელი კი განიყენება ეკლესიის ერთობიდან და ისჯება როგორც ცილისწამებული. ხოლო იმ შემთხვევაში, თუ დამტკიცდება, რომ განსასღვრულ დროს სასამართლოში ბრალმდებლის გამოუცხადებლობის მიზეზი

ნამდვილად საპატიოა, მაშინ ის სასჯელს არ დაექვემდებარება და უფლება მიეცემა თავისუფლად დაიცვას სხვა დროს სასამართლოს წინაშე ეპისკოპოსის წინააღმდეგ შეტანილი საჩივარი.* რაც შეეხება სხვა დანარჩენს, რაც კანონში ბრალმძღვლის პიროვნებასთან დაკავშირებით არის ნათქვამი, იხ. II მსოფლიო კრების მე-6 და IV მსოფლიო კრების 21-ე კანონის განმარტებებში.

კანონი 20 (29)**

თუ მღვდლებს ან დიაკვნებს ბრალს დასდებენ, მაშინ მახლობელ ადგილთაგან არჩეულ ეპისკოპოსთა დაკანონებული რაოდენობის კრების შემდეგ, რომელთაც ბრალდამდებულნი მოითხოვენ, — ანუ მღვდლის ბრალდების შემთხვევაში — ექვსი ეპისკოპოსისა, ხოლო დიაკვნის ბრალდების შემთხვევაში — სამისა, და მათთან ერთად ბრალდადებულთა საკუთარმა ეპისკოპოსმაც, გამოიკვლიონ მათზე მოტანილი ბრალდებები იმავე წესების დაცვით, რაც დღევანდელსა და ვადებს, გამოძიებას, ბრალმძღველ პირებსა და ბრალდადებულებს შეეხება. ხოლო ეკლესიის სხვა მსახურების მიმართ აღძრული საქმეები, ადგილობრივმა ეპისკოპოსმა განიხილოს და დაასრულოს.

(მოც. 14; IV მსოფ. 9; ანტიოქ. 4; კართ. 14, 15)

როგორც მე-19 კანონი შეიცავს განწესებას ბრალდებულ ეპისკოპოსებთან დამოკიდებულებით, ასევე, წინამდებარე კანონი შეიცავს მსგავს განწესებას მღვდლებთან, დიაკვნებთან და სხვა კლირიკოსებთან დამოკიდებულებით. რომ გავიგოთ ამ კანონის განწესება იმის შესახებ, რომ მღვდლებს ასამართლებს — 6, დიაკვნებს კი — 3 ეპისკოპოსი, უნდა მივმართოთ იმას, რაც ნათქვამია ამ კრების მე-12 და მე-14 კანონების განმარტებებში.

კანონი 21 (30)***

კეთილად იქნა განჩინებული, რომ სამღვდლო დასის წევრთა შვილები არ უნდა დაქორწინდნენ წარმართებსა და მწვალებლებზე.

(IV მსოფ. 4; ტრულ. 72; ლაოდ. 10, 31)

ჩვენთვის უკვე ცნობილია ტრულის კრების 72-ე კანონის განწესება, რომელიც ზოგადად კრძალავს მართლმადიდებლის ქორწინებას მწვალებელთან. თუ ასეთი ქორწინება მანამდე იყო შემდგარი, მაშინ ის უნდა დარღვეულიყო, და ის გაუქმებულად ითვლებოდა. ასეთი განწესების საფუძვლად წინამდებარე კანონი ასახელებს იმას, რომ მსგავსი ქორწინების ნებადართულობა გოლფასი იქნებოდა ისეთი სურვილისა, ვინმეს რომ მოენდომებინა ცხერის მგელთან შეერთება, და ცოდვილის

*ზონარას განმარტება ათენის სინტაგმაში, III, 359.

**იონის 393 წლის კრების მე-8 კანონი.

***იონის 393 წლის კრების მე-12 კანონი.

ხვედრისა – ქრისტეს საქმესთან. ამდენად, თუკი ამ სახის ქორწინება ეკრძალებოდა მართლმადიდებლური აღმსარებლობის მქონე ნებისმიერ ქრისტიანს, მაშინ მით უფრო უნდა აეკრძალოს ეს სასულიერო პირთა შვილებს. სწორედ ამაში მდგომარეობს კართაგენის (იპონის) კრების ამ კანონის განწესება.

კანონი 22 (31)*

ეპისკოპოსები და სამღვდლო დასის წევრები ნურაფერს მიაკუთვნებენ იმათ, რომელნიც არ არიან მართლმადიდებელი ქრისტიანები, დაე, თუნდაც მათი ნათესავები იყვნენ; ნურაფერს თავიანთი ნივთებიდან, როგორც ითქვა, ნუ დაუმტკიცებენ ჩუქების სახით ეპისკოპოსები და სამღვდლო დასის წევრები.

(მოც. 38, 40; IV მსოფ. 22; ტრულ. 35; ანტიოქ. 24; კართ. 81)

წინამდებარე კანონი უკრძალავს ყველა კლირიკოსს, განურჩევლად მისი იერარქიული ხარისხისა, გადასცეს რამე თავისი ქონებიდან არამართლმადიდებელ ქრისტიანს – ანდერძით, ჩუქებით, ან სხვა რამე ნებისმიერი გზით, – თუნდაც ისინი მისი ნათესავები იყვნენ. თავიანთი პირადი ქონების განკარგვა, რომელიც საეკლესიო მსახურებიდან დამოუკიდებლად აქვთ შექმნილი, კლირიკოსებს თავისუფლად შეუძლიათ საკუთარი შეხედულებისამებრ განკარგონ, მაგრამ ყოველთვის მხოლოდ და მხოლოდ მართლმადიდებლური სარწმუნოების აღმსარებელს შეუძლიათ გადასცენ, რა გზითაც არ უნდა მოხდეს ეს – მემკვიდრეობითი, ჩუქებითი თუ სხვა რამე სახით. ასეთი ნორმა დადგენილია მოციქულთა მე-40 და ანტიოქიის კრების 24-ე კანონებით. კლირიკოსებისათვის ნებადაურთველობა საკუთარი ქონების არამართლმადიდებელი ქრისტიანებისათვის დათმობის შესახებ, რაც კართაგენის (იპონის) წინამდებარე კანონით არის განწესებული, ასევე იყო დადგენილი ბერძნულ-რომაული კანონმდებლობითაც, რომელიც მოყვანილია ზონარას მიერ წინამდებარე კანონის განმარტებაში.** კლირიკოსთა ღვიძლი შვილებიც კი, მართლმადიდებლობიდან განდგომის შემთხვევაში, ვერ გახდებოდნენ საკუთარი მართლმადიდებელი მშობლების მემკვიდრენი, და იმათი ქონება – თუ სხვა მართლმადიდებელი მემკვიდრე არ ჰყავდათ – უნდა გადასულიყო ადგილობრივი ეკლესიის საკუთრებაში.

კართაგენის 81-ე კანონი, რომელიც მჭიდრო კავშირშია ამ კანონთან, ეპისკოპოსებთან დაკავშირებით განაწესებს, რომ თუ ვინმე თავის მემკვიდრედ გამოაცხადებს მწვალებელს ან წარმართს, მაშინ იგი სიკვდილის შემდეგაც ექვემდებარება შეჩვენებას, და მისი სახელი წმინდა ეკლესიაში არ უნდა იქნეს მოხსენიებული (იხ. 81-ე კანონის განმარტება).

*იპონის 393 წლის კრების მე-14 კანონი.

**ათონის სინტაგმა, III, 365.

კანონი 23 (32)*

ეპისკოპოსები, დაე, სხვაგვარად ნუ გაემგზავრებიან ზღვის გაღმა, თუ არა მხოლოდ თითოეული თავისი სამთავროს პირველმოსაყდრე ეპისკოპოსის ნებართვით, ანუ მიიღებენ რა უპირატესად თვით პირველი ეპისკოპოსისგან ვერეთ წოდებულ განტევების სიგელს, ანუ დამადასტურებელ მოწმობას.

(მოც. 33; IV მსოფ. 13; ანტიოქ. 11; კართ. 28, 89, 105)

აფრიკის ადგილმდებარეობიდან გამომდინარე, სიტყვა „ზღვის გაღმა“ ნიშნავს იტალიას და უფრო ზუსტად – რომს. ეპისკოპოსები აფრიკიდან სიხარულით მიდიოდნენ იქ, როდესაც იმპერატორის სასახლეში წარდგომა სჭირდებოდათ, ან – საჩივრის შეტანა რომის ეპისკოპოსთან აფრიკის კრებების გადაწყვეტილებებზე. თუ რაოდენ დიდი სიამოვნებით ხვდებოდნენ რომის ეპისკოპოსები ასეთ საჩივრებს, ამაზე, სხვათა შორის, ის მიზეზიც მიუთითებს, რა მიზეზითაც იქნა მოწვეული კართაგენის ეს კრება (419 წელს). წინამდებარე კანონი, ზოგადად, არ უკრძალავს აფრიკელ ეპისკოპოსებს რომში გამგზავრებას, თუ მათ ნამდვილად აქვთ ამის საჭიროება, მაგრამ განაწესებს, რომ ამის ნებართვა მათ უნდა აიღონ მმართველი მიტროპოლიტის, ანუ, როგორც კანონშია ნათქვამი, თავიანთი სამთავროს პირველმოსაყდრე ეპისკოპოსისგან. როდესაც ეპისკოპოსი მიტროპოლიტს შეატყობინებს თავის განზრახვას „ზღვის გაღმა“ გამგზავრების შესახებ, მიტროპოლიტი, თუ მისი გამგზავრების მიზეზს საპატიოდ ჩათვლის, ასეთ შემთხვევაში აძლევს მას გამგზავრების წერილობით ნებართვას ვერეთ წოდებულ განსატევებელ წიგნს (სიგელს). ეს წიგნი კანონში იწოდება, აგრეთვე, დამადასტურებელ მოწმობად, რადგან მას მიტროპოლიტი ბეჭდითა და ხელმოწერით ადასტურებს; ეწოდება აგრეთვე შუამდგომლობა (შეწყნარება, *οδοιπνηση*), რადგან ამასთანავე ემსახურებოდა გამგზავრებული ეპისკოპოსის რეკომენდაციას იმ პირებისათვის, რომლებთანაც ის მიემგზავრებოდა და ამტკიცებდა და იწყნარებდა ყველაფერს, რაც ამ ეპისკოპოსის პიროვნებას შეეხებოდა.* შემდეგ, კანონში ნათქვამია, რომ ეს განსატევებელი წიგნი ეპისკოპოსმა უნდა მიიღოს აუცილებლად მიტროპოლიტისგან, ეს იმიტომ არის ხაზგასმული, რომ ანტიოქიის კრების მე-11 კანონის თანახმად, ეპისკოპოსს, რომელიც თავისი ეპარქიიდან გამგზავრებას განიზრახავდა, თან უნდა ჰქონოდა სამთავროს ყველა ეპისკოპოსის ნებართვის დამადასტურებელი წერილობითი მოწმობა, ისევე, როგორც მიტროპოლიტისგან. ამიტომ, ამ კანონის აზრი ის არის, რომ ეპისკოპოსს ეს ნებართვა უნდა ჰქონდეს ყველა ეპისკოპოსისგან, განსაკუთრებით კი მიტროპოლიტისგან.

კანონი 24 (33)

დადგენილ იქნა აგრეთვე, რომ ეკლესიაში არაფერი იქნეს წაკითხული საღმრთო წერილის სახელით, გარდა კანონიკური წიგნებისა. ხოლო კანონ-

*იონის 393 წლის კრების მე-27 კანონი.

**ზონარას განმარტება ათენის სინტაგმაში, III, 37.

იკური წიგნები შემდეგია: დაბადება, გამოსვლათა, ლევიტელთა, რიცხვთა, მეორე შჯულისა, ისუ ნავესი, მსაჯულთა, რუთი, მეფეთა ოთხი წიგნი, პარალოპომენონი (ნეშტთა) – ორი წიგნი, იობი, ფსალმუნნი, სოლომონის ოთხი წიგნი, წინასწარმეტყველთა თორმეტი წიგნი, ესაია, იერემია, ეზეკიელი, დანიელი, ტობია, ივდიითი, ესთერი, ეზდრას ორი წიგნი. ახალი აღთქმისა – ოთხი სახარება, საქმე მოციქულთა – ერთი წიგნი, პავლეს ეპისტოლეები – თოთხმეტი; პეტრე მოციქულისა – ორი ეპისტოლე, იოანე მოციქულისა – სამი, იაკობ მოციქულისა – ერთი, იუდა მოციქულისა – ერთი, იოანეს გამოცხადება – ერთი წიგნი. ამ კანონის სიმტკიცისათვის ეუწყეთ ამის შესახებ ჩვენს ძმასა და თანამწირველს ბონიფაციუსს (რომის ეპისკოპოსს) და იმ ქვეყნების სხვა ეპისკოპოსებს; რამეთუ ჩვენ მამებისაგან გადმოგვეცა, რომ ამ წიგნების კითხვა ჯეროვანი ეკლესიასი.

(მოც. 60, 85; ლაოდ. 60; ათანასე დიდის „დღესასწაულების შესახებ; გრიგოლ ლეთსმეტყველის „წმინდა წერილის წიგნების შესახებ“; ამფილოქესი იგივე წიგნების შესახებ)

ეს არის იპონის 393 წლის კრების კანონი, და იმ სახით, როგორითაც ამ (კართაგენის) კრებაზეა ის ჩამოყალიბებული, – ანუ წმინდა წერილის წიგნების ჩამონათვალი, რომლებიც კანონიკურად უნდა იქნეს აღიარებული, – სრულად შეესაბამება ლათინური ეკლესიის კანონს წმინდა წიგნების შესახებ, რომელიც შემდგომში იქნა მიღებული ტრიდენტის კრებაზე. კართაგენის კრების (419 წ.) ამ კანონის ჩვენ მიერ წარმოდგენილ ტექსტში, ესე იგი, ათენის სინტაგმის ტექსტში, იპონის კრების კანონისაგან განსხვავებით არ არის მოხსენიებული მაკაბელთა წიგნები, მაგრამ, სამაგიეროდ მოხსენიებულია შემდეგი წიგნები: „სიბრძნე სოლომონისა“, „სიბრძნე ისო ძისა ზირაქისა“,*, „ტობია“, და „ივდიითი“, შესაბამისად, ოთხი წიგნი, რომლებიც მართლმადიდებელი ეკლესიის მიერ არ არის შეტანილი ძველი აღთქმის კანონიკურ წიგნთა შორის. ასეთი ჩამონათვალი, ანუ წმინდა წერილის წიგნების ასეთი ნუსხა წარმოადგენს კართაგენის ეკლესიის განსაკუთრებულობას და, ის, რომ კართაგენის კრების წინამდებარე კანონი ყველა ამ წიგნს მოიხსენიებს კანონიკურად, უნდა გავიგოთ უფრო ფართო მნიშვნელობით, კერძოდ, როგორც სასარგებლო და დასამოძღვრავი წიგნები კანონით დაშვებული ეკლესიასი კითხვისათვის. მოციქულთა 85-ე კანონის განმარტებაში ჩვენ ვნახეთ, რომ წმინდა წერილის როგორც მკაცრად კანონიკური, ისე არაკანონიკური წიგნები (თუკი ისინი დაშვებული იყო გამოყენებისათვის) ყოველთვის ითვლებოდა პატივსაცემ და წმინდა წიგნებად და, მაშასადამე, კეთილმსახურ ადამიანთათვის სულის სასარგებლო საკითხავად. სხვა დანარჩენთან დაკავშირებით იხ. ათანასე დიდის ეპისტოლე დღესასწაულების შესახებ და ამფილოქეს კანონი.

*თუმცა ეს წიგნი კანონში პირდაპირ დასახელებული არ არის, მაგრამ ის იგულისხმება სოლომონის წიგნებს შორის, რადგან მის ავტორად სოლომონს მიიჩნევენ.

კანონი 25 (34)*

აგრილოს ეპისკოპოსმა თქვა: უპატიოსნესო ძმებო, მსჯელობისას, ცოლებთან კავშირისაგან თავშეკავების შესახებ ზოგიერთი კლირიკოსისათვის, წიგნის მკითხველთა გარდა, მე კიდევ დაუშმატებ სხვადასხვა კრებებზე დამტკიცებულს: იპოდიაკვნებს, რომლებიც წმიდა საიდუმლოთ ეხებიან, დიაკვნებსა და მღვდლებს, ასევე ეპისკოპოსებსაც. თითოეული ამ წოდებისათვის დამახასიათებელი წესის შესაბამისად, დაე, ყოველი ზემოდასახელებული განეკრძალოს თავის ცოლს და იყოს ისე, როგორც უცოლო; და ვინც ამგვარად არ იმოქმედებს, განკვეთილ იქნეს საეკლესიო წოდებიდან. ხოლო ეკლესიის სხვა მსახურთ ნუ აიძულებენ ამას, თუ არა, მხოლოდ, ხანდაზმულ ასაკში. მთელმა კრებამ თქვა: თქვენი სიწმინდის მიერ სამართლიანად განსჯილს, ვითარცა შესაფერისს სამღვდელოებისთვის და სათნოს ღმერთისთვის, ვამტკიცებთ.

(მოკ. 5, 17, 26, 51; I მსოფ. 3; IV მსოფ. 14; ტრულ. 5, 6, 12, 13, 30; VII მსოფ. 18; ანკირ. 19; ნეოკეს. 1, 8; ღანგ. 4; კართ. 3, 4, 25, 35, 70; ბასილი დიდის 12, 27, 88; ტიმოთე ალექსანდრიელის 5, 13)

წინამდებარე კანონი მჭიდრო კავშირშია ამავე კრების მე-3 და მე-4 კანონებთან. რადგანაც ეპისკოპოსები, მღვდლები, დიაკვნები და იპოდიაკვნები შეიძლება იყვნენ დაქორწინებულები, ესე იგი, ჰყავდეთ კანონიერი ცოლები, ამიტომ ეს კანონი განაწესებს, რომ მათ თავი უნდა შეიკავონ ცოლებთან ხორციელი კავშირისაგან იმ დროს, როდესაც მათი მსახურების რიგი დგება, ანუ წმინდა საიდუმლოს აღსრულების წინ, და იმ დროსაც, როდესაც პავლე მოციქულის სიტყვებით, ვისაც ცოლი ჰყავდეს, უნდა იყოს ვითარცა უცოლო (1 კორ. 7, 29). კართაგენის კრების წინამდებარე კანონის განწესება სიტყვასიტყვით არის მოყვანილი ტრულის კრების მე-13 კანონში, რომელიც, როგორც ჩვენთვის ცნობილია, მიღებულ იქნა რომის ეკლესიის ჩვეულების საწინააღმდეგოდ, რომელიც ყველა სასულიერო პირისგან ცელიბატობას მოითხოვდა.

ეპისკოპოსების, მღვდლებისა და დიაკვნების გვერდით კანონი მოიხსენიებს იპოდიაკვნებსაც და მათ შესახებ ამბობს, „რადგან ეხებიან წმინდა საიდუმლოს“, ამიტომ მათაც თავი უნდა შეიკავონ გარკვეულ დროს ცოლებთან ურთიერთობისაგან. ლაოდიკიის კრების 21-ე კანონში იპოდიაკვნებთან დაკავშირებით ნათქვამია, რომ ისინი არ უნდა შეეხონ წმინდა ჭურჭელს, მაგრამ, რა თქმა უნდა, ეს მხოლოდ წმინდა ევქარისტიის საიდუმლოს აღსრულების დროს, როგორც ჩვენ უკვე ვისაუბრეთ ამის შესახებ აღნიშნული კანონის განმარტებაში. ამის მიხედვით თუ ვიმსჯელებთ, ეს ორი კანონი (კართაგენის 25-ე და ლაოდიკიის 21-ე) ერთმანეთთან წინააღმდეგობაში მოდის, რადგან ერთი მათგანის თანახმად იპოდიაკონს უფლება ეძლევა წმინდა ჭურჭელს შეეხოს უსისხლო მსხვერპლის გადაბრძანებისას, მეორეს მიხედვით კი – ამის უფლება არ აქვთ. ჩვენი აზრით, უფრო სწორად უნდა მივიჩნიოთ ლაოდიკიის კრების კანონის განწესება, რადგან მართლმადიდებელი

*კართაგენის 401 წლის კრების მე-4 კანონი.

ეკლესიის სამართლის საერთო სწავლებით იპოვდებიან არ იღებენ ქიროტონიას და არ ფლობენ სასულიერო იერარქიის ხარისხს, და როგორც ასეთები, უშუალოდ არ მონაწილეობენ ეპარქიის საიდუმლოს აღსრულებაში და, შესაბამისად, ამ დროს ვერ შეეხებიან წმინდა ჭურჭელს. თუ ყველაფერ ამას გავითვალისწინებთ, მაშინ ძნელია მოიძებნოს საფუძვლიანი მიზეზი იმისა, რომ კართაგენის წინამდებარე კანონი იპოვდებიან განუწესებს თავშეკავებასთან დაკავშირებით იმასვე, რასაც ეპისკოპოსებს, მღვდლებსა და დიაკვნებს, რომლებსაც ხელდასხმა (ქიროტონია) აქვთ მიღებული და მიეკუთვნებიან სასულიერო იერარქიას, და არ ათანასწორებს ამასთან დაკავშირებით მკითხველებსა და სხვა დაბალი რანგის კლირიკოსებთან, რომლებიც ასევე არ მიეკუთვნებიან სასულიერო იერარქიას. მოხსენიებულ კანონებს შორის წინააღმდეგობრივობას შუასუკუნეების ბერძენმა კომენტატორებმაც მიაქციეს ყურადღება. ამასთან დაკავშირებით, ზონარამ გამოთქვა აზრი, რომ კართაგენელმა მამებმა შესაძლებელია იმის საფუძველზე გამოსცეს მსგავსი განწესება იპოვდებიან მხრიდანაც თავშეკავების აუცილებლობაზე, რომ იმ ადგილების ჩვეულების თანახმად, იპოვდებიანც ეხებოდნენ „წმინდა საიდუმლოებს“. საერთოდ, საეკლესიო-მართლმადიდებლურ წყაროებში გვხვდება ხოლმე ერთგვარი გაურკვეველობა იპოვდებიან მიმართებით, — ღვთისმსახურებისას მათ მსახურებასა და მოვალეობასთან დაკავშირებით, — რითაც აიხსნება ის, რომ ზოგიერთი კანონიტი, უახლოესი დროისაც კი, იპოვდებიან მიიჩნევენ განსაკუთრებული (მეოთხე) ხარისხის ღვთისმსახურად სასულიერო იერარქიაში, და არა ეკლესიის მსახურად, როგორც ეს სინამდვილეშია.

პანოვო 26 (35)*

განჩინებულია, რომ არაფერს გაყიდოს საეკლესიო საკუთრება; მაგრამ თუ ამ საკუთრებას არ მოაქვს შემოსავალი და დიდი გაჭირვება დგას, მაშინ წარედგინოს ამის შესახებ სამთავროს პირველ (უპირატეს) ეპისკოპოსს, და ეპისკოპოსთა განსაზღვრულმა რაოდენობამ მოითათბიროს, თუ რა უნდა მოიმოქმედონ. ხოლო თუკი ისეთი გაჭირვებაა ეკლესიაში, რომ შეუძლებელია მოთათბირება (საკუთრების) გაყიდვამდე, მაშინ მოუწოდოს ეპისკოპოსმა მოწმეებად თუნდაც მეზობელ ეპისკოპოსებს და იზრუნოს იმისთვის, რომ წარედგინოს კრებას ყველა ის გარემოება, რომელთა გამოც ეკლესია იძულებული იყო ეს გაეკეთებინა. თუ ამას არ იქმს, დაე, ღმერთისა და კრების წინაშე ბრალეულად წარმოსდგეს (საეკლესიო საკუთრების) გამყიდველი, და მოაკლდეს თავის პატივს.

(მოც. 38, 39, 40, 73; IV მსოფ. 24, 26; ტრულ. 35, 49; VII მსოფ. 11, 12, 13; ანკირ. 15; ანტიოქ. 24, 25; კართ. 35, 70; კირილე ალექსანდრიელის 2; თეოფილე ალექსანდრიელის 10)

იმასთან დაკავშირებით, რომ საეკლესიო ქონება ყოველთვის ეკლესიის განმგებლობის ქვეშ უნდა იყოს და ხელშეუხებლად ინახებოდეს, ბევრი კანონი ლაპარა-

*კართაგენის 401 წლის კრების მე-5 კანონი.

კობს და მათ შორის, VII მსოფლიო კრების მე-12 კანონიც, რომლის განმარტებასაც უნდა მივაქციოთ აქ ყურადღება. კართაგენის წინამდებარე კანონში ეს განწესება კატეგორიულად არის გამოხატული: არაფერს გაყიდოს საეკლესიო საკუთრება. თუ ეკლესიაში უკიდურესი ნაკლულევეანაც შეიქმნება და ამ დროს ეკლესიის საკუთრებაში იქნება გარკვეული ქონება, რომელსაც არანაირი შემოსავალი არ შემოაქვს, მაგრამ რომლის გაყიდვიდანაც შესაძლებელი გახდება ნაკლულევეანების შევსება, ასეთ შემთხვევაში კანონი უშვებს საერთო ნორმიდან გამონაკლისს და ადგენს, თუ როგორ უნდა მოიქცნენ ამ ქონების გაყიდვისას; კერძოდ, კანონი განაწესებს, რომ მმართველმა ეპისკოპოსმა ყველაფერი ეს მიტროპოლიტს უნდა შეატყობინოს, რომელიც მასზე დაქვემდებარებულ ეპისკოპოსებთან შეთანხმებით გადაწყვეტს, თუ რა უნდა მოიმოქმედოს. თუკი საქმე იმდენად სასწრაფო გადაწყვეტას მოითხოვს, რომ მმართველი ეპისკოპოსი ვერ ასწრებს მიტროპოლიტისათვის შეტყობინებას, მაშინ მან, უკიდურეს შემთხვევაში, მოწმეებად უნდა მიიწვიოს ტერიტორიულად უახლოესი ეპისკოპოსები იმის დასადასტურებლად, რომ თავსმოწეული გასაჭირი მართლაც გადაუღებელ გადაწყვეტილებას მოითხოვს, ხოლო საეკლესიო ქონება შემოსავალს არ იძლევა და, მაშასადამე, თავისუფლად შეიძლება მისი გაყიდვა ეკლესიის საჭიროებისათვის; მხოლოდ ამის შემდეგ შეუძლება მას გაყიდოს. თუმცა, ასეთ შემთხვევაში, ეპისკოპოსი ვალდებულია, როგორც კი საეკლესიო სამთავროს კრება შედგება, წარუდგინოს მას ამ საქმის შესახებ ანგარიში და კრების წინაშე თავი გაიმართლოს. თუ ამგვარად არ მოიქცევა, — დამნაშევე იქნება ღმრთის წინაშე (იხ. მოც. 38-ე კან.), კრებამ კი მას ასეთი ქმედებისათვის ის პატივი უნდა აყაროს, რომლითაც სარგებლობდა, ანუ ეპისკოპოსობიდან განკვეთოს.

კანონი 27 (36)*

ასევე დამტკიცდა, რომ არ უნდა მოხდეს იმ მღვდლებისა და დიაკვნების ხელთდადება, ვითარცა მონანულთა ან ვითარცა მორწმუნე ერისკაცთა, რომლებსაც მძიმე ცოდვების გამო ჩამოერთვათ მღვდელმსახურების უფლება; არ უნდა დაიშვას მათი ხელმეორედ მონათვლა და კლირიკოსის ხარისხში ამადლება.

(მოც. 25, 47, 68; ტრულ. 21; კართ. 48; ბასილი დიდის 3, 32, 51)

ზოგიერთი მღვდელი და დიაკონი, როდესაც გარკვეული დანაშაულისათვის ხარისხიდან განკვეთდნენ და ერისკაცთა რიგში ჩამოიყვანდნენ, ცდილობდა კვლავ შესულიყო კლირიკოსთა რაიონში და დაეკავებინა, მაგალითად, წიგნის მკითხველის ან ეკლესიის მსახურის სხვა ადგილი, რომელიც ქიროტესისის გზით მიიღებოდა. ამასთან, ისინი ამტკიცებდნენ, რომ რაკი მათ მოინანიეს და ერთგულმორწმუნე ერისკაცთა რიგებში ჩადგნენ, ამიტომ ამ უკანასკნელთა მსგავსად, მათაც შეუძლიათ ეკლესიის მსახურები გახდნენ. კანონი არ ცნობს ასეთ არგუმენტებს და მისი განწესებით ეპისკოპოსებმა არ უნდა აიყვანონ ასეთი განკვეთილი პირები კლირი-

*კართაგენის 401 წლის კრების მე-12 კანონი.

კოსთა რაიმე ხარისხში – მიუხედავად იმისა, რომ მონინიეს და ეკლესიაში ერისკაცთა რანგით არინ მიღებულნი. მიზეზი შემდეგია: გარკვეული დანაშაულისათვის სამღვდლო ან საეკლესიო დასიდან განკვეთილი პირი, ველარასოდეს გახდება კლირიკოსი (ანუ რომელიმე ამ დასის წევრი – სასულიერო ან საეკლესიო). ამ განწესებიდან გამომდინარეობს მნიშვნელოვანი კანონიკური წესი, რომლის თანახმადაც, ვინც კანონიერად იქნა თავისი იერარქიული ხარისხიდან ერთხელ განკვეთილი, ის ველარასოდეს შეასრულებს კლირიკოსის რაიმე მსახურებას, იმის უფლებაც კი არა აქვს, – როგორც ბალსამონი ამბობს, – წაიკოთხოს ამბიონიდან, ან ვინმეს ლოცვა წაუკოთხოს, ან კურთხევა გადასცეს.*

ამ კანონის დასკენით ნაწილს ბერძენი კომენტატორები იმ აზრით იგებენ, რომ განკვეთილი კლირიკოსების მიღება დასში არ შეიძლება იმ შემთხვევაშიც კი, თუ ისინი ხელმეორედ მოინათლებოდნენ, იმიტომ, რომ უპირველეს ყოვლისა, ნათლისღების მიღება მხოლოდ ერთხელ შეიძლება.** ეს სიტყვები, იმ სახით, როგორც ისინი კანონშია მოყვანილი, თითქოს უფრო სწორი იქნებოდა ისე გაგვეგო, რომ მათში მოიაზრებიან არა ისინი, ვისაც მართლა ხელმეორედ უნდოდა მონათვლა, ანუ მკაცრი გაგებით – მოუნათლავნი, არამედ ისინი, რომლებიც სინანულით განიბანნენ, რაც, აგრეთვე, ნათლისღებად იწოდებოდა. შესაბამისად, უფრო სწორი იქნება ის პირები ვიგულისხმოთ, რომლებიც ამტკიცებდნენ, რომ ისინი უკვე ცოდვისგან განწმენდილები არიან და როგორც ახალმონათლულები, შეიძლება მიღებულ იქნენ დასში.

კანონი 28 (37)

ასევე განჩინებულ იქნა, რომ როცა მღვდლები და დიაკვნები, ასევე ეკლესიის სხვა დაბალი ხარისხის მსახურნი, ჩივიან თავიანთი საქმეების გამო ეპისკოპოსების მიერ განაჩენზე, დაე, მოუსმინონ მათ მეზობელმა ეპისკოპოსებმა, და რომ მათი საკუთარი ეპისკოპოსების თანხმობით შეწყვიტონ მათ შორის აღმოცენებული უთანხმოებანი მათ მიერ მოწვეულმა ეპისკოპოსებმა. ხოლო თუკი ამის გამო მათგანაც უმაღლეს სამსჯავროში ისურვებენ საქმის გადატანას, მაშინ, დაე, სასამართლოს ზღვის გადაღმა მხარეს კი ნუ გადაიტანენ,** არამედ – თავიანთი სამთავროების უპირატეს ეპისკოპოსებთან, როგორც ეს მრავალგზის იქნა განჩინებული ეპისკოპოსთათვისაც. ხოლო, რომელნიც ზღვის გადაღმა მხარეს გადაიტანენ საქმეს განსასჯელად, დაე, ნურავინ მიიღებს მათ თანაზიარებაში აფრიკის ეკლესიებში.

(II მსოფ. 6; IV მსოფ. 9; ანტიოქ. 4; კართ. 10, 11, 12, 14, 15, 20, 23, 105, 125)

იმასთან დაკავშირებით, რომ თითოეული მღვდლის, დიაკვნისა და დანარჩენი დაბალი ხარისხის კლირიკოსების განსასჯელი რწმუნებული სამსჯავრო არის იმ

*ათონის სინტაგმა, III, 373; იხ. ტრულის კრების 21-ე კანონის განმარტება.

**ზონარა, ბალსამონი და არისტინე (ათონის სინტაგმა, III, 375-377).

***ანუ იტალიასა და რომში

ეპისკოპოსის სასამართლო, რომელსაც ყველა ეს პირი ემორჩილება, არაერთხელ ითქვა სხვადასხვა კანონში. ზუსტად ასევე, ბევრი კანონი ლაპარაკობს იმის შესახებ, რომ ყველა ამ პირს თავისუფლად შეუძლია აპელაციით მიმართოს სამთავრო კრებას, თუ ჩათვლის, რომ მის მიმართ სასამართლომ არასწორი განაჩენი გამოიტანა. ამ კრების კანონებში, ჩვეულებრივი სამთავრო კრების, — როგორც მეორე ინსტანციის სასამართლოს, — ნაცვლად, არაერთხელაა მოხსენიებული ტერიტორიულად უახლოესი რამდენიმე ეპისკოპოსებისაგან შემდგარი განსაკუთრებული სასამართლო. უმეტესწილად, ეს იმ შემთხვევაში ხდება, როდესაც რაიმე წინააღმდეგობის გამო ვერ ხერხდება დადგენილი სამთავრო კრების მოწვევა (იხ. ამავე კრების მე-11, მე-12, მე-14, მე-20 და 125-ე კანონები). ამ კანონებიდან — მე-12, მე-14 და მე-20 — განსაზღვრავენ იმ უახლოეს ეპისკოპოსთა რიცხოვნობასაც, რომლებმაც სასამართლო უნდა შეადგინონ, კერძოდ — მღვდლებისთვის 6 ან 5 ეპისკოპოსი, დიაკვნისთვის კი 3 ეპისკოპოსი, იმ პირის მმართველ ეპისკოპოსთან ერთად, რომელიც უკმაყოფილოა გამოტანილი განაჩენით; მე-11, 125-ე და წინამდებარე (28-ე) კანონები კი არაფერს ამბობენ ეპისკოპოსების რიცხოვნობაზე და მხოლოდ იმას მიუთითებენ, რომ აუცილებელია რამდენიმე უახლოესი ეპისკოპოსის მიწვევა, რა თქმა უნდა, იმ პირის შეხედულებისამებრ, ვისაც საჩივარი შეაქვს, მაგრამ ყველა შემთხვევაში, მმართველი ეპისკოპოსის ნებართვით (იხ. 125-ე კან.). როგორც კანონი ამბობს, ასეთი სასამართლოს დადგენილებამ საქმე საბოლოოდ უნდა გადაწყვიტოს. თუკი ეს პირები, ამ სასამართლოების გადაწყვეტილებებითაც უკმაყოფილონი დარჩებიან და კვლავ გააგრძელებენ გამართლების მიღწევას, მაშინ, ასეთ შემთხვევაში, უნდა მიმართონ მმართველ მიტროპოლიტს, რომელიც თავის ეპისკოპოსებთან ერთად სამთავროს რიგით კრებაზე გამოიტანს საბოლოო განაჩენს. ამით წინამდებარე კანონი ადასტურებს ეკლესიის საერთო ნორმას იმის შესახებ, რომ ნებისმიერი სასამართლო პროცესი განხილული და გადაწყვეტილი უნდა იქნეს იმ საეკლესიო სამთავროს ფარგლებში, სადაც ეს საქმე წარმოიშვა და მისი უმაღლესი იერარქების ხელმწიფებით. ითვალისწინებს რა იმ ფაქტს, რომ ზოგიერთი მღვდელი და აფრიკული ეკლესიის სხვა კლირიკოსები თავს ნებას აძლევდნენ უგულვებლყოთ თავიანთი ეკლესიის სასამართლო და საჩივრით მიემართათ „ზღვის გაღმა“, ანუ რომში, და იქ ეთხოვათ აფრიკული ეკლესიის ხელისუფლების გადაწყვეტილებების გაუქმება და ახალი სასამართლო განხილვა (ჩვენ ეს ვიხილეთ მღვდელ აპიარიოსის მაგალითზე, ვის გამოც მოიწვიეს კიდევ ეს, 419 წლის კრება), კანონი შეგვახსენებს, რომ თუკი ეპისკოპოსებს მკაცრად ეკრძალებათ სამართალი რომში ეძიონ, მაშინ მით უფრო უნდა ეკრძალებოდეს ეს მღვდლებსა და დანარჩენ კლირიკოსებს. ეს აკრძალვა და, საერთოდ, კანონწინააღმდეგობა იმისა, რომ ერთი ადგილობრივი ეკლესიის იერარქები შეიძლება ჩაერიონ მეორე, ასეთივე ადგილობრივი ეკლესიის სასამართლო საქმეებში და შეცვალონ მისი სასამართლო გადაწყვეტილებები, საზეიმოდ იქნა გაცხადებული ამ კრების მამების მიერ თავიანთ ეპისტოლეში პაპ კელესტინეს მიმართ, რომლის შესახებაც ჩვენ უკვე ვისაუბრეთ I მსოფლიო კრების მე-5 კანონის განმარტებაში და რომელიც შემდგომში სრულად მოგვყავს. იმათ შესახებ კი, ვინც დაარღვეეს ამ განწესებას და გადაწყვეტს აფრიკული ეკლესიიდან რომს მიმართოს ახალი სასამართლო გადაწყვეტილების

მისაღწევად, კანონი განაწესებს, რომ მათგან არაეინ მიიღოს აფრიკულ ეკლესიაში თანაზიარებისათვის. ამ განწესებასთან დაკავშირებით ბალსამონი შენიშნავს: „ამგვარად, თუკი რომს არ აქვს უფლება აფრიკული ეკლესიის საჩივრები განიხილოს (რომელიც თავისი გეოგრაფიული ადგილმდებარეობით უახლოესია რომთან), მაშინ მით ნაკლებად შეიძლება მას ჰქონდეს ამის უფლება სხვა საზღვრებთან მიმართებით* თუმცაღა, რომში კარგად გაიგეს ამ კანონიკური დადგენილების მნიშვნელობა, რომელიც მკაცრად იყო შედგენილი როგორც ღვთაებრივი სულით, ისე ქრისტიანული ეკლესიის კანონიკური განწესებით და ამიტომ, თავის ოფიციალურ კანონიკურ კრებულში, კართაგენის კრების ეს კანონი თავის ყაიდაზე გადააკეთეს – კანონის ტექსტს რამდენიმე სიტყვა შესძინეს, რის გამოც განწესებამ სულ სხვა აზრი მიიღო. სიტყვები: „ზღვის გაღმა მხარეს“, მათ ისე გადმოსცეს, თითქოს აქ საუბარი იყოს იტალიის ჩვეულებრივი საეკლესიო სასამართლოების – და არა რომის საყდრის სასამართლოს – შესახებ, და, რომ ეს უკეთედ გამოეხატათ, კანონის ბოლოს დაამატეს: „თუკი მხოლოდ რომის საყდარს არ მიმართავენ“.

კანონი 29 (38)

სათნოა მთელი კრებისთვის, რომ თავისი დაუდევრობის გამო ზიარებისაგან განყენებული ეპისკოპოსი ან ნებისმიერი სხვა კლირიკოსი, რომელიც თავისი ამ განყენების განმავლობაში, მისი გამართლების მოსმენის უწინარეს, გაკადნიერდება და ზიარებას მიეხსლება, აღიარებულ იქნეს საკუთარი თავის მიმართ განკითხვის განაჩენის წარმოთქმულად.

(მოც. 28; I მსოფ. 5; II მსოფ. 6; IV მსოფ. 29; ანტიოქ. 4, 12, 15; სარდ. 3, 4, 5, 14; კართ. 19, 65; ბასილი დიდის 88)

წინამდებარე კანონში ძირითადად ხდება სარდიკიის კრების მე-14 (მისივე მსგავსი კანონის) განწესების აღორძინება. მოხსენიებული კანონი ლაპარაკობს ეპისკოპოსის შესახებ, რომელმაც აღვზნებულმა და გულისწყრომის მდგომარეობაში მყოფმა, რომელიმე მასზე დამორჩილებული კლირიკოსი დაუქვემდებარა საეკლესიო სასჯელს, თანაც აძლევს ამ კლირიკოსს უმაღლეს სასამართლოში აპელაციის უფლებას, თუმცა, მოხსენიებული კანონი იქვე დასძენს, რომ დასჯილ კლირიკოსს ეკრძალება საეკლესიო თანაზიარება იქამდე, ვიდრე უმაღლესი საეკლესიო სასამართლო თავის განაჩენს არ გამოიტანს.

კართაგენის წინამდებარე კანონში საუბარია პირველი ინსტანციის ჩვეულებრივ საეკლესიო სასამართლოზე, რომელმაც გაასამართლა ეპისკოპოსი ან სხვა კლირიკოსი, ამასთან, მსჯავრდებულებს უფლება ეძლევათ მიმართონ უმაღლეს საეკლესიო სასამართლოს. ეს კანონი, ისევე, როგორც სარდიკიის კრების მოხსენიებული კანონი, განაწესებს, რომ პირველ ინსტანციაში გასამართლებული თითოეული პირი უნდა დარჩეს იმავე სასჯელქვეშ, რომელიც მის მიმართ ამ პირველმა სასამართლომ გამოიტანა, და ეს იქამდე, ვიდრე უმაღლესი სასამართლო არ გააუქმებს მის

*ათენის სინტაგმა, III, 379.

მიმართ გამოტანილ განაჩენს. თუკი მსჯავრდებული შეეწინააღმდეგება პირველი სასამართლოს გადაწყვეტილებას, ანუ უმაღლესი სასამართლოს განაჩენის გამოტანამდე უგულუბელყოფს მის (პირველი სასამართლოს) მიერ გამოტანილ მსჯავრს, ასეთ შემთხვევაში ამით იგი, — როგორც კანონი ამბობს, — თავად არის საკუთარი თავის წინააღმდეგ განაჩენის გამომტანი, რადგან კარგავს აპელაციის უფლებას. ამ კანონის განწესება ფრიად მნიშვნელოვანია იმასთან დამოკიდებულებით, რომ იგი აცხადებს მტკიცედ და უცვალებლად ყოველი ჩვეულებრივი საეკლესიო სასამართლოს განაჩენისადმი დაქვემდებარებას იმ დრომდე, სანამ ეს იგი არ იქნება შეცვლილი უმაღლესი საეკლესიო სასამართლოს მიერ.

კანონი 30 (39)

განჩინებულია: ბრალდებულმა ან ბრალმდებელმა, რომელიც გარკვეულ ძალადობას მოელის შფოთიანი ხალხმრავლობის გამო იმ ადგილას, სადაც ბრალდებული იმყოფება, ამოირჩიოს თავისთვის უახლოესი ადგილი, სადაც მისთვის ძნელი არ იქნება მოწმეთა წარდგენა და სადაც დამთავრდება მისი საქმე.

(მოც. 15; I მსოფ. 15, 16; IV მსოფ. 5, 10, 20, 23; ტრულ. 17, 18; VII მსოფ. 10, 15; ანკირ. 18; ანტიოქ. 3; სარდ. 17)

ამ კანონში რომ საუბარია კლირიკოსთა შესახებ, რომელთა შორისაც სადავო პროცესი წარმოიშვა და ერთი მათგანი ბრალმდებელია, მეორე კი ბრალდებული, ჩანს იმ კავშირიდან, რომელიც ამ კანონს მის წინა და სამ მომდევნო კანონთან აქვს. ყველა აღნიშნული კანონი მიიღეს ამ კრების 419 წლის 25 მაისის სხდომაზე; ჩანს, აგრეთვე, ამის შესახებ ზონარას შესხენებიდანაც, როდესაც იგი ამ კანონს განმარტავს.

კანონიდან არ ჩანს, თუ რომელი სახის სასამართლოზე საუბრობენ კართაგენელი მამები, თუკი მივიღებთ მხედველობაში იმას, რომ ისინი საუბრობენ უახლოესი ადგილის შესახებ, სადაც უნდა მოხდეს საქმის გამოკვლევა და გადაწყვეტა, ანუ, სადაც, შესაბამისად, მდებარეობდა ჩვეულებრივი სასამართლო. ვეარაუდობთ, რომ აქ არ შეიძლება საუბარი ეხებოდეს მიტროპოლიტის, პირველმღვდელთმთავრის (პრიმასის) ან პატრიარქის სასამართლოს, რადგან არ შეიძლება ერთმანეთს შორის უახლოესი ადგილი ეწოდოს მიტროპოლიტის, ან პირველმღვდელთმთავრისა და პატრიარქის ჩვეულებრივ ადგილსამყოფელს. არ შეიძლება აგრეთვე ამის თქმა ეპარქიალურ (სამთავროს) ეპისკოპოსთა სასამართლოზეც, რადგან მათი ჩვეულებრივი ადგილსამყოფელი, თუ ახლანდელი ეპარქიალური მოწყობით ვიმსჯელებთ, ერთმანეთთან ისე ახლოს არ იყო განლაგებული, რომ შესაძლებელი ყოფილიყო ადვილად უზრუნველყოთ სასამართლოზე ყველა მოწმის დასწრება, როგორც ამას კანონი მოითხოვს. ამის დაშვება შეიძლება მხოლოდ ჩრდილოეთ აფრიკის ეკლესიასთან მიმართებით, რომელიც მრავალ (466) საეპისკოპოსო კათედრას აერთიანებდა. ასე რომ, თითოეულ დიდ დასახლებულ ადგილს თავისი ეპისკოპოსი ჰყავდა და, შესაბამისად, თავისი ეპარქიალური სასამართლო. თავისთავად გასაგებია, რომ კლირიკოსებს შორის პროცესის ასეთი გადატანა სხვა ადგილას, დასაშვები იქნებოდა მხოლოდ მმართველ ეპისკოპოსთან შეთანხმებით.

კანონი 31 (40)

განიჩინა ასევე: თუ ეკლესიის ზოგიერთნი დაბალ მსახურთაგან და დიაკვანთაგან ეურჩებიან საკუთარ ეპისკოპოსებს, რომელთაც თავანთი ეკლესიების აუცილებელ გარემოებათა გამო სურთ უფრო მაღალ საფეხურზე აიყვანონ ისინი თავის ეკლესიაში, – ესევეთარნი ნულარ იმსახურებენ იმ ხარისხშიც, რომლიდანაც უფრო მაღალ საფეხურზე ასვლა არ მოისურვებს.

(მოც. 39, 55; IV მსოფ. 8; ტრულ. 34; ლაოდ. 57; ბასილი დიდის 89)

თითოეული სასულიერო პირის (დაწყებული მღვდლიდან და ქვევით) კანონიკური მორჩილების შესახებ თავის ეპისკოპოსთან მიმართებით, როგორც უკვე ვიხილეთ, არაერთი კანონი ლაპარაკობს. ამ მორჩილების საფუძვლად, ზონარას მოჰყავს წმინდა წერილიდან ის ადგილი, სადაც განიწესება წინამძღვრისადმი მორჩილება და დაქვემდებარება (იხ. ებრ. 13, 17).* წინამდებარე კანონში საუბარია ყველა იმ პირზე, ვინც მიეკუთვნება სამღვდელო თუ საეკლესიო დასს, ვინც დამოკიდებულია მმართველ ეპისკოპოსზე. დიაკონი აქ უფრო ფართო მნიშვნელობით არის მოხსენიებული არა როგორც იერარქიულ ხარისხის მატარებელი ან საკურთხეულის მსახური, არამედ, ზოგადად, როგორც ეკლესიის მსახური, ანუ გარკვეული საეკლესიო მსახურების აღმსრულებელი; ეს თვით კანონის ტექსტში გამოყენებული სიტყვიდან ჩანს: „იმსახურებენ“ („დიაკონენ“).** ეკლესიის ყველა ასეთი მსახურის მიმართ კანონი განაწესებს, რომ ისინი უნდა დაემორჩილონ თავიანთ ეპისკოპოსს, როდესაც ეს უკანასკნელი, ეკლესიის მნიშვნელოვანი საჭიროების გამო, მათ მაღალ პატივში აღზევებას მოინდომებს, ანუ ერთი ხარისხიდან სხვა, უფრო მაღალ ხარისხში აყვანას. თუ ეკლესიის რომელიმე მსახური შეეწინააღმდეგება ამას და არ მოისურვებს დაემორჩილოს თავის ეპისკოპოსს, შესაძლოა იმ მიზეზით, რომ დაკავებულ ხარისხში დარჩენა მისთვის უფრო სარგებელიანია დიდი ფულადი შემოსავლის გამო, ან იმ მიზეზით, რომ არ სურს თავის თავზე აიღოს დიდი ჯაფის შემცველი სამუშაო, ასეთ შემთხვევაში კანონი განაწესებს მათთვის იმ მსახურების ჩამორთმევასაც, რომელსაც ისინი ძველ ხარისხში ასრულებდნენ. კანონში ნათქვამია, რომ ასე უნდა დაისაჯოს ეკლესიის ის მსახურები, რომლებიც არ მოისურვებენ დაემორჩილონ მმართველ ეპისკოპოსს, როდესაც ის განიზრახავს მათ უფრო მაღალ ხარისხში აყვანას ეკლესიისათვის აუცილებელი ვითარებიდან გამომდინარე; მაგრამ თუკი ასეთი აუცილებელი საჭიროება არ არის? ასეთ შემთხვევაშიც ეპისკოპოსს, ეკლესიაში დადგენილი წესის საფუძველზე, სრული უფლება აქვს აიყვანოს თავისი კლირიკოსები უფრო მაღალ ხარისხებში, თუნდაც მათ ეს არ სურდეთ.***

*ამ კანონის განმარტება იხ. ათენის სინტაგმაში, III, 383.

**სონარას განმარტება იხ. ათენის სინტაგმაში, III, 383.

***ამ კანონთან დაკავშირებით იხ. მასზე ბალსამონის განმარტება ათენის სინტაგმაში, III, 383-386, რადგან ზოგადად საეკლესიო ხარისხებში აყვანის საკითხთან მიმართებით, ეს განმარტება კანონიკური საქარლისათვის ფრიად მნიშვნელოვანია.

კანონი 32 (41)

განჩინებულია: თუ ეპისკოპოსები, მღვდლები, დიაკვნები ან სხვა რომელიმე კლირიკოსი, რომლებსაც თავიანთი დადგინებისას არავითარი საკუთრება არ გააჩნიათ და თავიანთი ეპისკოპოსობის ან კლირიკოსობის დროს, თავის სახელზე იყიდიან მიწებს, ან რაიმე საეარგულებს, — მაშინ, დაე, ჩაითვალოს უფლის ქონების მიმტაცებლებად, გარდა იმ შემთხვევებისა, როცა შეგონების მიღების შემდეგ, ეკლესიას გადასცემენ მათ. ხოლო თუკი რამე მათ საკუთრებაში აღმოჩნდება ვინმესგან ჩუქების გზით, ან ნათესავთაგან მემკვიდრეობით, ის, დაე, თავიანთი შეხედულებისამებრ განკარგონ. ხოლო თუკი რაიმე ქონების ეკლესიისათვის გადაცემას გადაწყვეტენ, მაგრამ მერე უკან მიიქცვიან, ასეთები, დაე, საეკლესიო პატივის უღირსებად და განკვეთილებად გამოცხადდნენ.

(მოც. 4, 38, 40, 41; IV მსოფ. 22; ტრულ. 23, 35; ანტიოქ. 24, 25; კართ. 22, 26, 81; ორგ. 7)

ეპისკოპოსებთან დაკავშირებით, ჯერ კიდევ მოციქულთა კანონით იქნა დადგენილი, რომ ყოველთვის ზუსტად უნდა იყოს განსაზღვრული, თუ რა შეადგენს მათ საკუთრებას და რა — ეკლესიისას. ამასთანავე, რამდენად თავისუფლად შეუძლიათ მათ განკარგონ საკუთარი სურვილისამებრ თავიანთი კუთვნილი ქონება, რამდენად უნდა დაიცვან საეკლესიო საკუთრება და ყოველთვის ახსოვდეთ, რომ მათ ქმედებას ღმერთი ადევნებს თვალყურს (იხ. მოციქულთა მე-40 და ანტიოქიის კრების 24-ე კანონები). მაგრამ ეპისკოპოსის ამ პირად საკუთრებაში უნდა განეკუთვნებოდეს ის, რაც მან მოიპოვა თავისი ეპისკოპოსად მსახურების პერიოდში იმისგან, რაც — ამ მსახურებისგან დამოუკიდებლად. ის ქონება, რომელიც მან მოიპოვა მემკვიდრეობით ან სხვა კერძო, კანონიერი გზით (ეპისკოპოსობამდე), მას შეეძლო განეკარგა საკუთარი შეხედულებისამებრ, ხოლო იმას, რაც თავისი საეკლესიო მსახურების შემოსავლიდან მოიპოვა, იგი საკუთარი სურვილისამებრ ვერ განკარგავს, არამედ ვალდებულია გადასცეს ეკლესიას თავის სიცოცხლეშივე ან ანდერძით სიკვდილის შემდეგ.* ყველაფერი, რაც ამასთან დაკავშირებით ეპისკოპოსებისთვის იყო დადგენილი, კართაგენის კრების წინამდებარე კანონით ვრცელდება ეკლესიაში მომსახურე ყველა სასულიერო პირზე. ქრისტიანობის პირველ ხანებში, სასულიერო პირებს უფლება არ ჰქონდათ ეკლესიაში მათზე დაკისრებული ვალდებულებების შესრულებისათვის — რა მსახურებაც არ უნდა შეესრულებინათ — გასამრჯელო მოეთხოვათ. VII საუკუნეშიც კი, წოდებიდან განკვეთით სჯიდნენ ყველა იმ სასულიერო პირს, ვინც ფულს ან სხვა რაიმე სახის ანაზღაურებას მოითხოვდა წმინდა საიდუმლოს აღსრულებისათვის (იხ. ტრულის კრების 23-ე კანონი). სახსრები, სამღვდელოების შესანახად, იმ საერთო საეკლესიო შემოსავლიდან გამოიყოფებოდა, რომელსაც ერთგულ მორწმუნეთა ნებაყოფლობითი შემონაწირი და, აგრეთვე, ეკლესიის სამფლობელო მიწებიდან მიღებული შემოსავალი შეადგენდა. ამასთან, სამღვდელოების შესანახად ეპისკოპოსი ზრუნავდა თავის თანაშემწეებთან ერთად,

*ათენის სინტაგმა, I, 239-241.

და თითოეულს თავისი საჭიროებისამებრ აძლევდა (იხ. მოციქულთა მე-4 კანონი). აქედან გამომდინარე, სამღვდელეობას ვერ ექნებოდა იმდენი ფული, რომ ადგილმამულები შეეძინა, და მით უფრო ნაკლებად ექნებოდა ამის საშუალება, თუკი, – როგორც კანონი ამბობს, – ეპისკოპოსს ან სხვა სასულიერო პირს დასში შესვლისას თავისი პირადი არაფერი გააჩნდა. თუ გამოჩნდებოდა ისეთი ეპისკოპოსი ან დასის სხვა წევრი, რომელიც მანამდე ლატაკი იყო და მსახურების პერიოდში იმდენად გამდიდრდა, რომ თავის სახელზე რაიმე უძრავი ქონება შეიძინა, მაშინ ჩნდება ეჭვი: ხომ არ შეიძინა მან ეს ეკლესიის ფულით? რის გამოც, კანონის სიტყვებით, იგი უნდა ჩაითვალოს უფლის საკუთრების მიმტაცებლად, და როგორც ასეთი, სასჯელის ქვეშ უნდა იმყოფებოდეს მანამ, ვიდრე არ შეიგონებს მმართველი ხელისუფლებისას და არ დაუთმობს ეკლესიას ყველაფერ იმას, რაც მის მიერ იქნა შეძენილი. კანონი მხოლოდ ვინმეს მიერ შეძენილ უძრავ ქონებას მოიხსენიებს, თუმცა, აქ, როგორც ბალსამონი ამბობს, უნდა ვიგულისხმობთ – მოძრავიც, რადგან სადაც საქმე ყიდვას ეხება, იქ აღარ არის განსხვავება უძრავსა და მოძრავ ქონებას შორის.* ყველაფერს, რაც კართაგენელი მამების მიერ ამ კანონშია ნათქვამი, დიდი მნიშვნელობა აქვს იმ სასულიერო პირთათვის, რომლებიც თავიანთი მსახურებისას მხოლოდ იმაზე ფიქრობენ, რომ რაც შეიძლება მეტი მიწა შეიძინონ, აიშენონ სახლები და, საერთოდ, რაც შეიძლება მეტად გამდიდრდნენ. ასეთ პირებთან მიმართებით ნეტარი ივრონიმე ამბობს, მათ როგორც შავი ჭირს, ისე მოერიდეთო.**

დასის წევრების კერძო ქონებასთან დაკავშირებით, რომელიც მათ ვინმესგან საჩუქრად ან მემკვიდრეობით მიიღეს, კანონი ძირითად აღორძინებს მოციქულთა მე-40 კანონს. თუ ვინმემ ამ ქონების გარკვეული ნაწილის ეკლესიისათვის შეწირვა გადაწყვიტა და ამის შესახებ განაცხადა, მაგრამ შემდეგ დაენანა და თავისი სიტყვები უკან წაიღო, ასეთ პირს საეკლესიო ღირსება ერთმევა, ანუ დასიდან ირიცხება, როგორც უღირსი.

კანონი 33 (42)

განჩინებულია აგრეთვე, რომ მღვდლებმა თავიანთი ეპისკოპოსების ნებართვის გარეშე არ გაყიდონ ეკლესიისათვის შემოწირული ნივთები. ასევე ეპისკოპოსებსაც არა აქვთ უფლება გაყიდონ ეკლესიის მიწები კრებასთან ან თავიანთ მღვდლებთან შეუთანხმებლად. ამის გამო, უკიდურესი საჭიროების გარდა, ეპისკოპოსებსაც არ აქვთ უფლება გახარჯონ ეკლესიის ნუსხაში შეტანილი ნივთები.

(მოც. 38, 39, 41; IV მსოფ. 25, 26; ტრულ. 35; VII მსოფ. 11, 12; ლანგ. 7, 8; ანტიოქ. 24, 25; კართ. 26; ორგ. ხ. 7; თეოფილე ალექსანდრიელის 10; კირილე ალექსანდრიელის 2)

*ამ კანონის განმარტება იხ. ათენის სინტაგმაში, III, 383.

**„დავინებით გთხოვ... და ყოველთვის კვლავ და კვლავ შეგაგონებ, რომ კლირიკოსის მოვალეობა მსახურების ერთ-ერთ მრავალსახეობად არ ჩათვალო, ანუ იმ სამსახურის მსგავს სამსახურად, რომლითაც მანამდე იყავი დაკავებული; არ ეძებო ქრისტეს სამსახურში ამ წუთისოფლის სარგებელი... კლირიკოს-მოვაჭრეს კი, რომელიც ლატაკიდან მდიდარი გამხდარა, უჩინოდან – ყველასათვის საჩინო, მოერიდე, როგორც ერთგვარ შავ ჭირს“.

ეს კანონი ძირითადად ამ კრების 26-ე კანონის დამატებას წარმოადგენს. როგორც არც ერთ ეპისკოპოსს არა აქვს საეკლესიო ქონების გაყიდვის უფლება შესაბამისი საეპისკოპოსო კრების თანხმობის გარეშე, ზუსტად ასევე, ვერც ერთი მღვდელი ვერ გაყიდის იმ ეკლესიის კუთვნილებას, რომელშიც მსახურობს, ეპარქიის მმართველი ეპისკოპოსის უნებართვით.

როდესაც ეპისკოპოსზე საუბრობს, კანონი შეგვახსენებს, რომ მან არ უნდა გაასხვისოს საეკლესიო ქონება გარდა ისეთი შემთხვევებისა, როდესაც ამას ეკლესიის უკიდურესი გაჭირვება აიძულებს; მაშასადამე, საჭიროების შემთხვევაში მას შეუძლია ეს გააკეთოს. ამასთან დაკავშირებით უნდა გავასხვაოთ მოძრავი ქონება უძრავისგან. ამ უკნასკნელის გასხვისება დაუშვებელია ეპისკოპოსთა კრებასთან ან, უკიდურეს შემთხვევაში, თავის სამღვდელო საბჭოსთან შეუთანხმებლად; თუ მას გადაუდებელი საეკლესიო საჭიროება აიძულებს ამ წესს გვერდი აუაროს და დამოუკიდებლად იმოქმედოს, მაშინ მან შემდგომში ამ გადაწყვეტილების აუცილებლობა და მართებულება საფუძვლიანად უნდა დაუმტკიცოს კრებას, რათა მისგან კეთილად იქნეს შეწყნარებული მის მიერ აღსრულებული ქმედება. თუ საქმე მოძრავ ქონებას ეხება, მაშინ ასეთი შემთხვევისათვის მოქმედებს მოციქულთა 41-ე კანონის განწესება, რომლის თანახმადაც, ეპისკოპოსს ხელეწიფება აუცილებლობიდან გამომდინარე, გაყიდოს ის და ამის შესახებ არ განუცხადოს კრებას და არც თავისი სამღვდელო საბჭოს აზრი მოისმინოს. ეს კართაგენის წინამდებარე კანონიდანაც ჩანს, სადაც მხოლოდ საეკლესიო მიწები მოიხსენიება, ანუ უძრავი ქონება, რომელიც ეპისკოპოსმა არ უნდა გაყიდოს კრებასთან ან თავის მღვდლებთან შეუთანხმებლად, მაშინ, როდესაც, მოძრავი ქონება საერთოდ არ მოიხსენიება, რომელიც შეიძლება გაფუჭდეს და ეკლესიაში მოსახმარებლად უფარგისი გახდეს, მაგრამ გაყიდვის შემთხვევაში შეიძლება რამე შემოსავალი შემოიტანოს, რადგან ფასი ჰქონდეს როგორც მასალას და არა – ნივთს. ეკლესიის ამ სახის საკუთრება პირადად ეპისკოპოსს თავისუფლად შეუძლია გაყიდოს, თემცა, თავისთავად ცხადია, მხოლოდ ეკლესიის სასარგებლოდ და ეკლესიის საჭიროებისათვის.

კანონი 34 (43)

მასზედ, რომ იპონის კრებაზე განჩინებულთაგან არაფერს სტირდება შესწორება.

ეპილონიოს ეპისკოპოსმა თქვა: იპონის კრების საქმეებიდან ამოკრებილ ამ შემოკლებაში* ვერაფერს ვხედავ ისეთს, რაც შეიძლება შესწორებას ან დამატებას მოითხოვდეს, გარდა იმისა, რომ წმინდა ადღგომის დღე წინასწარ იქნეს უწყებული კრების დროს.**

(მოც. 7, 64, 70, 71; II მსოფ. 7; ტრულ. 11; ლაოდ. 7, 37, 38; კართ. 51, 73, 106)

*განჩინებების შემოკლებულ ნუსხაში.

**სემიოთ მოყვანილი ხუთი კანონი (29-33) კართაგენის 419 წლის კრებამ მიიღო თავისი 25 მანისი სხდომაზე. ისინი კანონთა კრებულის წიგნში შეტანილია ნომრებით – 38-42. პიდალიონში – 37-41. წინამდებარე (34-ე) კანონი შეადგენს კართაგენის 397 წლის კრების მე-5 კანონის დასაწყისს. პიდალიონში ის არ შედის, კანონთა კრებულის წიგნში კი შედის 43-ე ნომრით.

I მსოფლიო კრების განწესების ძალით, ალექსანდრიის ეპისკოპოსს ყოველწლოურად გარკვეულ დროს უნდა გაეცხადებინა ყველა ეკლესიისათვის იმ დღის შესახებ, რომელ დღესაც უნდა ედღესასწაულათ ქრისტეს აღდგომა. აფრიკულ ეკლესიებთან მიმართებით იპონის 393 წლის კრებამ დაადგინა, რომ ყველა სამთავრო ეკლესიამ უნდა იზრუნოს, რომ კართაგენის ეკლესიიდან დროულად მიიღოს შეტყობინება ამ დღესასწაულის დღესთან დაკავშირებით.* ეს დამტკიცდა, აგრეთვე, კართაგენის 397 და 419 წლების კრებებზე. ჩვეულებრივ, აფრიკული ეკლესიის საერთო კრება დგებოდა აგვისტოს თვის მეორე ნახევარში (იხ. 73-ე კანონი), შესაბამისად, საკმაოდ დიდი ხნით ადრე შეიძლებოდა იმის გაგება, თუ მომავალი წლის რომელ დღეს უნდა ედღესასწაულათ ქრისტეს აღდგომა.

კანონი 35 (44)

ეპისკოპოსები და სხვა სასულიერო პირები ნუ გაუშვებენ მოწიფული ასაკის შეილებს ცალკე საცხოვრებლად, თუ დარწმუნებულნი არ იქნებიან მათ კეთილ ზნეობაში, რათა შემდგომში მათი ცოდვები თავად მშობლებს არ მოეკითხოს.**

(მოც. 5, 17, 26, 51; I მსოფ. 3; IV მსოფ. 14; ტრულ. 5, 6, 12, 13, 30; VII მსოფ. 18; ანკირ. 19; ნეოკეს. 1, 8; ლანგ. 4, 15; კართ. 3, 4, 25, 70; ბასილი დიდის 12, 27, 88; ტიმოთე ალექსანდრიელის 5, 13)

ეს კანონი იმით არის მნიშვნელოვანი, რომ აჩვენებს, რამდენად უსაფუძვლოა ლათინური ეკლესიის მტკიცებულება იმის შესახებ, რომ თითქოს კართაგენის კრებამ თავისი მე-3, მე-4, 25-ე და 70-ე კანონებით დადგინა სამღვდელოების ცვლილებათა კართაგენის კრებას რომ მართლაც დაეწესებინა სასულიერო პირთა ცვლილებათა, მაშინ ისმის შეკითხვა: საიდან ეყოლებოდათ ეპისკოპოსებსა და სამღვდელო დასის სხვა წევრებს შეილები?

მშობლების ზედამხედველობისგან შეილების გათავისუფლება და მათთვის დამოუკიდებლობის (სრულუფლებიანობის) მინიჭება განეკუთვნებოდა სამოქალაქო სამართლის სფეროს და აღესრულებოდა სათანადო სასამართლოს მიერ კანონიერი აქტით. მსგავსი ემანსიპაცია შეიძლება დამდგარიყო მაშინ, როდესაც ბე მიაღწევდა მეტ-ნაკლებად მოწიფულ ასაკს, მაგრამ ხშირად ხდებოდა, — როგორც ეს ახლაც ხდება, — რომ თავისუფლების მიმღებელი გონიერულად ვერ იყენებდნენ თავიანთ სრულუფლებიან მდგომარეობას და, ამდენად, თავისუფლება მათ მხოლოდ და მხოლოდ ზიანს აყენებდა. კართაგენელი მამები სამოქალაქო სამართლის ამ დადგენილებაზე მიაქცევენ ეპისკოპოსებისა და დანარჩენი სამღვდელო დასის წევრთა უზრადლებას, და რეკომენდაციას აძლევენ მათ, არ მიანიჭონ შეილებს თავისუფლება იქამდე, ვიდრე ისინი არ შეიძენენ თავშეკავების უნარს და არ

*იმის შესახებ, თუ რამელი იყო ეს ეკლესიები, იხ. I მსოფლიო კრების მე-6 და კართაგენის კრების მე-18 კანონების განმარტებები.

**იპონის 393 წლის კრების მე-13 კანონი.

შესძლებენ იმოქმედონ თავიანთი მდგომარეობის შესაბამისად. ის პასუხისმგებლობა, რომელსაც კანონი მშობლებს აკისრებს შვილების ცოდვებისათვის, ღმრთის სამსჯავროსა და სულიერ სასჯელს უნდა დაეუკავშიროთ, რამეთუ, - როგორც ბალსამონი ამბობს,* - თავისი შვილების ცოდვებისათვის, იქნება ისინი ჩადენილი შვილების მშობლებთან ცხოვრებისას თუ ამის გარეშე, მშობლებს ვერც ბრალი წარედგინებათ და ვერც დაისჯებიან, რადგან, კანონის აზრით, ცოდეა თავს მიჰყევა** ეს კანონი იმითაც არის მნიშვნელოვანი, რომ აჩვენებს თუ რაზომ ზრუნავს საეკლესიო ხელისუფლება არამხოლოდ თვით სასულიერო პირებზე, არამედ მათ შვილებსა და, ზოგადად, ყველა მათ ნათესაზე (შდრ. კართაგენის კრების 36-ე კან.)

კანონი 36 (45)

ეპისკოპოსები, მღვდლები და დიაკვნები მანამდე ნუ დადგინდებიან, სანამ თავიანთ სახლეულთაგან ყველას არ მოაქცევენ მართლმადიდებლობაზე.***
(მოც. 58, 80; ტრულ. 19; სარდ. 11; კართ. 121, 123)

ამ კანონის აზრი სავსებით გასაგებია. თუკი სასულიერო პირი, უწინარეს ყოვლისა, სარწმუნოების მასწავლებელი უნდა იყოს და იზრუნოს არა მხოლოდ იმაზე, რომ თითოეული განამტკიცოს მართლმადიდებლურ სარწმუნოებაში, არამედ ამ სარწმუნოების ყოველგან გავრცელებაზეც, სადაც კი ხელეწიფება, მაშინ, რაოდენ სარწმუნო იქნება, რომ ამ წმინდა მოვალეობას შეასრულებს ისეთი ადამიანი, რომელსაც აქვს სურვილი წმინდა დასში შევიდეს და, იმავდროულად, ჰყავს ისეთი შინაური, რომელიც არ აღიარებს მართლმადიდებლურ სარწმუნოებას და არ შეუძლია მისი ჭეშმარიტებისაკენ მოქცევა? ყურდნობა რა ამას, კანონი კრძალავს სამღვდელო დასში იმ პირის მიღებას, ვისი ოჯახის წევრიც მართლმადიდებლურ სარწმუნოების აღმსარებელი არ არის.

კანონი 37 (46)

წმიდათა წმიდაში (საკურთხეველში) ნურაფერი შეიწირება, გარდა უფლის ხორცისა და სისხლისა, როგორც ეს თავად უფალმა გადმოგვცა, ანუ - გარდა პურისა და წყლით განზავებული ღვინისა. ხოლო პირველი ნაყოფები, გინდაც თაფლი, გინდაც რძე, ჩვეულების თანახმად, შეიწირებოდეს ერთ განსაზღვრულ დღეს, როგორც ჩვილთათვის განჩინებული საიდუმლო ნიში. თუმცა ეს ნაყოფები საკურთხეველთან მიიტანება, მაგრამ მათ, დაე, თავისი საკუთარი კურთხევა ჰქონდეთ, გამოყოფილი უფლის ხორცისა და სისხლისგან. ხოლო პირველ ნაყოფთაგან ყურძნისა და ხორბლის გარდა სხვას ნურაფერს მიიტანენ.****
(მოც. 3, 4; ტრულ. 28, 32, 57, 99.)

*ამ კანონის განმარტება იხ. ათენის სინტაგმაში, III, 398.

**ანუ ცოდეა პიროვნულია და თითოეული პირი თავად აგებს პასუხს საკუთარ ცოდვაზე.

***იონის 393 წლის კრების მე-17 კანონი.

****იონის 393 წლის კრების 23-ე კანონი.

ამ კანონის განწესების შესახებ, ჩვენ ძირითადად უკვე ვისაუბრეთ მოციქულთა მე-3 კანონის განმარტებაში; რაც შეეხება კანონის დადგენილებას იმის თაობაზე, რომ წმინდა ევქარისტის საიდუმლოსათვის სხვა არაფერი უნდა შეიწირებოდეს, გარდა პურისა და წყალთან შერეული ღვინისა, იგი ტრულის კრებამ თავისი 32-ე კანონით ააღორძინა.

წინამდებარე კანონი მოიხსენიებს თაფლსა და რძეს; ჩეულების თანახმად, ისინი ერთ გარკვეულ დღეს შეიწირებოდა და საკურთხეველთან მიიტანებოდა, როგორც ჩვილთათვის დაწესებული საიდუმლო ნიშანი. ეს რომ გავიგოთ, ამისათვის აუცილებელია გავიხსენოთ ეკლესიაში დამკვიდრებული ძველი ჩეულება, რომლის მიხედვითაც ახალნათელღებულ პირებს, როგორც ქრისტეში აღმოშობილ ბავშვებს – ჩვილებს, აძლევდნენ თაფლსა და რძეს. ეს ჩეულება, სხვათა შორის, ეფუძნებოდა წმინდა წერილის სიტყვებს: „**ვითარცა აწინდელ შობილთა ყრმათა, სიტყვერისა მის უზაკუველისა სძისა გსუროდენ, რადით მას შინა აღპორძნდეთ**“ (1 პეტ. 2, 2). ამ ჩეულების შესახებ გვიმოწმებენ აგრეთვე ტერტულიანე და იერონიმე. ეს რძე და თაფლი ეკლესიაში მიჰქონდათ ქრისტეს აღდგომის დღისათვის; სწორედ ამ დღეს ხდებოდა ძირითადად კათაქმეველთა ნათლობა. რძესა და თაფლს აგებდნენ საკურთხეველში ტრაპეზზე ქრისტეს ხორცისა და სისხლის წმინდა საიდუმლოებებთან ერთად და აკურთხებდნენ ისევე, როგორც პურსა და ღვინოს. ამის შემდეგ მათ აძლევდნენ ახალნათელღებულებს წმინდა ზიარებასთან ერთად (ანუ წმინდა ზიარების სახით). წინამდებარე კანონით კართაგენელი მამები აუქმებენ ამ ჩეულებას, თუმცა, უშვებენ საკურთხეველში თაფლისა და რძის შეწირვას, მაგრამ, ამავე დროს, განაწესებენ, რომ ისინი ცალკე, ქრისტეს ხორცისა და სისხლისგან გამოყოფილად იკურთხოს. ტრულის კრება კი, თავისი 57-ე კანონით, საერთოდ კრძალავს საკურთხეველში თაფლისა და რძის შეწირვას.

კანონი 38 (47)

კლირიკოსები ან კრძალულები, ქვრივებთან და ქალწულებთან ნუ შევლენ, თუ არა მხოლოდ თავიანთი ეპისკოპოსის ან მღვდლების ნებართვითა და თანხმობით; თუმცა, ამ შემთხვევაშიც, დაე, შევიდნენ არა მარტონი, არამედ სხვა კლირიკოსებთან ან იმათთან ერთად, რომლებთან ერთადაც ეპისკოპოსს ან მხოლოდ მღვდლებს მიესვლებათ ასეთ დედებთან; ანდა ისაუბრონ მათთან იქ, სადაც კლირიკოსები იმყოფებიან, ან სხვა პატივცემული ქრისტიანები.*

(IV მსოფ. 3, 16; ტრულ. 4, 46, 47; VII მსოფ. 18, 20, 22)

წინამდებარე კანონში მოხსენიებულ „კლირიკოსებში“, დანარჩენი ტექსტით თუ ვიმსჯელებთ, უნდა ვიგულისხმოთ უქორწინებელი პირები – დიაკონიდან და ქვევით; „კრძალულებში“ იგულისხმება მონოზენები (იხ. ბასილი დიდის მე-19 კან.). შესა-

*აღონის 393 წლის კრების 24-ე კანონი.

ბამისად, ამ კლირიკოსებსა და კრძალულებს კანონი უკრძალავს ქვრივებთან და ქალწულებთან შესვლას. „ქალწულებში“, – ამბობს ზონარა, – უნდა ვიგულისხმოთ შეწირული ქალწულები,* რომელთა შესახებაც ჩვენ საუბარი ვეკონდა IV მსოფლიო კრების მე-16 და ტრულის კრების მე-4 კანონების განმარტებებში. რაც შეეხება ამ კანონში მოხსენიებულ „ქვრივებს“, ისინი იყვნენ ეკლესიის განსაკუთრებული ზედამხედველობის ქვეშ მყოფი დედაკაცები, რომლებზეც ეკლესია ზრუნავდა (იხ. IV მსოფლიო კრების მე-3 კან.) და განუწყესებდა მათ ტაძრებში გარკვეულ მოვალეობების შესრულებას. რაიმე სახის ეჭვისა და დაბრკოლების თავიდან ასაცილებლად (შდრ. 1 კორ. 10, 32), კანონი განაწესებს, რომ ასეთ ქალებთან კლირიკოსები და კრძალულები შეიძლება შევიდნენ მხოლოდ მმართველი ეპისკოპოსის კურთხევით, ან, მისი არყოფნის შემთხვევაში, იმ მღვდლების ნებართვით, რომლებიც ეპისკოპოსთან მსახურობენ და მისი საბჭოს წევრები არიან. თუმცა, ნებართვის მიღების შემთხვევაშიც კი, მოხსენიებულ ქალებთან შესვლა მათ შეუძლიათ სხვა არანაირად, თუ არა სხვა კლირიკოსების ან იმ პირთა თანხლებით, რომლებთან ერთადაც მათთან მოსანახულებლად შედის ეპისკოპოსი; და მათთან საუბარიც, ასევე შეუძლიათ სხვა კლირიკოსების ან საპატიცემულო ქრისტიანების თანდასწრებით.

კანონი 39 (48)

პირველმოსაყდრე ეპისკოპოსი ნუ იწოდება სამღვდელთა ეგზარქოსად, ან უმაღლეს მღვდლად, ანდა რამე ამდაგვარი სახელწოდებით, არამედ იწოდოს ოდენ პირველი საყდრის ეპისკოპოსად.**

(მოც. 34; IV მსოფ. 9; სარდ. 6)

როგორც ამ კრების მე-17 კანონის განმარტებაში ვიხილეთ, აფრიკულ ეკლესიაში ბევრი უპირატესი კათედრა (ანუ სამიტროპოლიტო ეკლესია) იყო. მართალია, ამ უპირატესი კათედრების ეპისკოპოსები აფრიკაში სხვადასხვაგვარად იწოდებოდნენ, მაგრამ ყველა მათგანი ყოველთვის მაღალ ტიტულს ფლობდა.*** ამ საპატიო წოდებების გამო ხშირად ხდებოდა მათ შორის კამათი და დავა; განსაკუთრებით კი იმის გამო, რომ კართაგენის ეპისკოპოსის შემდეგ, რომელსაც აფრიკის პირველიერარქი ეწოდებოდა, პირველ ეპისკოპოს-პრიმასად ითვლებოდა ქიროტონით უხუცესი. დავის აღსაკვეცად, აგრეთვე ამაოებისა და ამპარტანების გამომწვევი მიზეზების აღმოსაფხვრელად, კანონი უკრძალავს უპირატესი კათედრის ეპისკოპოსს იწოდებოდეს სამღვდელთა ეგზარქოსად ან უმაღლეს მღვდლად (მღვდელთა ზედამდგომელად), და ტოვებს მისთვის მხოლოდ პირველი საყდრის ეპისკოპოსის („პრიმასის“ ანუ უპირველესის) ტიტულს.****

*ამ კანონის განმარტება იხ. ათენის სინტაგმაში, III, 402.

**იპონის 393 წლის კრების 25-ე კანონი.

***იხ. ამ კანონის განმარტება ათენის სინტაგმაში, III, 404.

****იხ. ამ კანონის განმარტება „კორმიაიაში“ (საბუთამკრობელი), I, 133.

კანონი 40 (49)

კლირიკოსები ნუ შევლენ საჭმელ-სასმელად სამიკიტნობებში, თუ არა მხოლოდ დანაყრების აუცილებლობით იძულებულნი გზაზე დგომისას.*
(მოც. 54; ტრულ. 9; ლაოდ. 24)

იხ. მოციქულთა 54-ე კანონის განმარტება.

კანონი 41 (50)

საკურთხეველის წმიდა საიდუმლო, დაე, უზმოზე მყოფ ადამიანთა მიერ აღესრულებოდეს. აქედან გამონაკლისია ერთი დღე წელიწადში, როცა უფლის სერობა აღესრულება. ხოლო თუკი საღამო ხანს აღასრულებენ გარდაცვლილ ეპისკოპოსთა ან სხვათა ხსენებას და ამ დროს აღმსრულებლები ნაფახშმევენი არიან, მაშინ იგი მხოლოდ ღოცვებით აღესრულოს.**

(მოც. 69; ტრულ. 29; ლაოდ. 50; ანტიოქ. 1; კართ. 47; ტიმოთე აღექსანდრიელის 16)

ის, რომ იესო ქრისტემ ევქარისტიის საიდუმლო დააწესა სერობის (ვახშმობის) შემდეგ, ანუ საკვების მიღების შემდეგ და არა სერობამდე, – მოწმობს როგორც წმინდა წერილი (იხ. ლუკ. 22,20; 1 კორ. 11,25), ასევე ეკლესიის მრავალი მამა და მოძღვარი. თუმცა, იმავდროულად, ეკლესიის მამები და მოძღვრები მოწმობენ იმისაც, რომ წმინდა ევქარისტიის საიდუმლო ეკლესიის დასაბამიდანვე აღესრულებოდა ყველას მიერ მხოლოდ უზმოზე. როგორც ჩანს, აფრიკულ ეკლესიაში ისეთი პირებიც იყვნენ, რომლებიც ამ წესს არ იცავდნენ, რის გამოც მიიღეს წინამდებარე კანონი, რომელიც განაწესებს, რომ საკურთხეველის საღმრთო მსახურება მხოლოდ უზმოზე შეიძლება.

ამ კანონის განსაკუთრებულობა იმაში მდგომარეობს, რომ ის უშეუბნებლად ევქარისტული საიდუმლოს აღსრულებას წელიწადში ერთხელ საჭმლის მიღების შემდეგაც, კერძოდ – დიდ ხუთშაბათს. სავარაუდოა, რომ ასეთ დაშვებას კავშირი ჰქონდეს მცირე აზიის ეკლესიების ჩვეულებასთან, შეწყვეტონ მარხვა პირველი თვის (ნისანის) მე-14 დღეს, როდესაც აღესრულებოდა უფლის სერობის ხსენება და რომლის აღსანიშნავადაც აწყობდნენ განსაკუთრებულ ტრაპეზს – სერობას (ვახშმას), იმის მსგავსს, რომელიც იესო ქრისტემ თავის მოწაფეებთან ერთად მოაწყო, და ამის შემდეგ ეთარებოდნენ წმინდა საიდუმლოს (იხ. ანტიოქიის კრების 1 კანონის განმარტება). ყველაფერი, ჩვენ მიერ თქმული, დასტურდება ნეტარი ავგუსტინეს სიტყვებით მის ეპისტოლეში იანუარის მიმართ: „სოგს ფრიად ეამა ის ნამდვილად მოსაწონი წესი, რომლის თანახმადაც, წელიწადის მხოლოდ ერთ დღეს, როდესაც უფალმა სერობა გამართა, ვახშმობის შემდეგ შეიძლებოდა შეთავაზება და მიღება უფლის ხორცისა და სისხლის, ერთგვარად,

*იპონის 393 წლის კრების 26-ე კანონი.

**იპონის 393 წლის კრების 28-ე კანონი.

უფრო ნათელი მოგონებისათვის...“. ეს წესი, ვგონებ, ეკლესიაში გრძელდებოდა VII საუკუნემდე, როდესაც ის გადაჭრით აიკრძალა ტრულის კრების 29-ე კანონით.

განაგრბობს რა დადგენილებას იმის შესახებ, რომ ეექარისტია ყოველთვის (დიდი ხუთშაბათის გარდა) უზმოზე უნდა აღესრულებოდეს, კანონი განიხილავს, აგრეთვე, ისეთ შემთხვევასაც, როდესაც ტრაპეზის შემდეგ ხდება გარდაცვლილთა სულების მოსახსენებელი პანაშვიდის ჩატარება (ამ დროს, ჩვეულების თანახმად, წირვასაც აღასრულებდნენ). ამასთან დაკავშირებით კანონი ადგენს, რომ ლიტურგია უნდა აღასრულოს უზმოზე მყოფმა მღვდელმსახურმა, ხოლო თუ ის უზმოზე არ არის, მაშინ მოსახსენებელი პანაშვიდი მხოლოდ ლოცვებით უნდა შემოიფარგლოს, ლიტურგიის გარეშე.

კანონი 42 (51)

ეპისკოპოსები ან სხვა კლირიკოსები ეკლესიაში ნუ ინადიმებენ, გარდა იმ შემთხვევისა, როდესაც მოგზაურობისას იძულებულნი გახდებიან მოსახსენებლად ტაძარში გაჩერდნენ. ერისკაცებსაც, რამდენადაც ეს შესაძლებელია, აეკრძალოთ ამის გაკეთება.*

(მოც. 73; ტრულ. 74, 76, 97; ღანგ. 11; ლაოდ. 27, 28)

ეს არის იპონის 393 წლის კრების 29-ე კანონი და მიღებულ იქნა ნეტარი ავგუსტინეს წინადადებით. მანამდე იგი ბევრს წერდა ეკლესიაში შეჭრილი იმ ბოროტი ჩვეულების წინააღმდეგ, რომლის თანახმადაც, ტაძრებში ზოგჯერ აწყობდნენ (განსაკუთრებით სადღესასწაულო დღეებში) ერთგვარ ნადიმს. თავიდან ეს წვეულებები და ურთიერთგამასაპინძლეები კეთილი განზრახვით იწყებოდა: მასში იღო ალაპის (სიყვარულის ტრაპეზის) შინაარსი, და ლატაკ თანამოძმეთა დაპურებას ემსახურებოდა, მაგრამ ყველაფერი ეს, ჩვეულებრივ, მთავრდებოდა სიმთვრალეთა და დებოშით. იგივე მოხდა ალაპებთან დაკავშირებით; ამის შესახებ საუბრობს ლაოდიკიის კრების 28-ე კანონი და კრძალავს მათ, მსგავსად იმისა, როგორც კართაგენის კრების ეს კანონი ამტკიცებს იპონის კრების დადგენილებას და კრძალავს ამ ნადიმებს. იქიდან, რომ კანონი უშვებს, მიუხედავად ყოველივე ამისა, გამღვლეი მგზავრის ტაძარში გამასაპინძლებას, ჩანს, თუ რამდენად ღრმად ჰქონდა გამდგარი ფესვი აზრს იმის შესახებ, რომ ღმერთის სახლში შეიძლებოდა ჭამა და სმა. გადაჭრით უკვე, მსგავსი ნადიმების აკრძალვა არამხოლოდ ეკლესიაში, არამედ მის გაღაფანშიც, მიიღო ტრულის კრებამ თავისი 74-ე კანონით.

კანონი 43 (52)

ღრო სინანულისათვის მონანულთ, მათი ცოდვებისა მიხედვით, დაუწესდეთ ეპისკოპოსთა მსჯავრით (განაჩენით, გადაწყვეტილებით); მღვდელი კი, ეპისკოპოსის უნებართვოდ, ნუ შეიწყნარებს მონანულს, გარდა ისეთი შემთხ-

*იპონის 393 წლის კრების 29-ე კანონი.

ვევებისა, როცა საჭიროების გამო იქმნ ამას ეპისკოპოსის არყოფნისას. ზოგადად კი, ყველა მონანულს, თუკი მისი ბრალი აშკარა და ყველასათვის ცნობილი იყო, და აღაშფოთებდა მთელ ეკლესიას, ხელი დაადონ ეკლესიის კარიბჭეში.*

(მოც. 52; I მსოფ. 11, 13; ტრულ. 102; ნეოკეს. 2; კართ. 6, 7; ბასილი დიდის 73, გრიგოლ ნოსელის 2, 5)

წინამდებარე კანონი სამ საკითხზე საუბრობს. პირველი – მონანულთათვის სინანულის დროის განსზღერა მათი ცოდვების გეგარობისა და ხარისხის მიხედვით, ხელეწიფება მხოლოდ ეპისკოპოსს. ამის შესახებ ტრულის 102-ე კანონიც ლაპარაკობს. მეორე – მღვდელს მხოლოდ უკიდურეს შემთხვევაში შეუძლია შეუნდოს მონანულ ცოდვილს და ისიც ეპისკოპოსის არყოფნისას, რომლის ხელმწიფებაშიც შედის ეს უფლება (იხ. კართაგენის კრების მე-7 კან.) მესამე – დიდი ცოდვილები, რომელთა დანაშაულიც ყველასათვის იყო გაცხადებული და საზოგადოების ცდუნებას ემსახურებოდა, მათთვის განჩინებული სინანულის ვადის გასვლის შემდეგ, შენდობას იღებენ საჯაროდ ეკლესიის კარიბჭის წინ, და მხოლოდ მას შემდეგ, რაც ღმობიერ-პყოფენ საღმრთო სამართალს, დაიშვებიან ეკლესიაში ერთგულ მორწმუნეებთან ერთად.

კანონი 44 (53)

ღმერთისათვის შეწირული ქალწულები, როცა თავიანთ მშობელ მამებს – მათ შემკრძალველებს განეშორებიან, ეპისკოპოსის მზრუნველობით, ან მისი არყოფნისას – მღვდლის მეურვეობით, დაე, მიბარებულ იქნენ უპატიოსნეს დედებთან; ანდა ერთად იცხოვრონ და თანაზიარად დაიცვან ერთურთი, რათა აქეთ-იქით მოგზაურობისას (მიმოსვლისას) არ შებღალონ ეკლესიის კეთილი სახელი.**

(IV მსოფ. 16; ტრულ. 4; კართ. 6, 126; ბასილი დიდის 18)

ტრულის კრების მე-4 კანონის განმარტებიდან ვიცით, თუ ვინ იყვნენ ეს შეწირული ქალწულები, რომელთა შესახებაც წინამდებარე კანონი ლაპარაკობს. ხოლო ამავე კრების (კართაგენის) მე-9 კანონში ვიხილეთ, რომ ქალწულების შეწირვის უფლება, რომლებმაც თავიანთი თავი ღმერთს მიუძღვნეს, მხოლოდ ეპისკოპოსს ეკუთვნოდა. წინამდებარე კანონი მიუთითებს, თუ როგორ უნდა იცხოვრონ ამ ღმერთს შეწირულმა ქალწულებმა; კერძოდ, როდესაც ისინი საკუთარ მშობლებს დაშორდებიან, რომლებიც მათზე ზრუნავდნენ და ზედამხედველობას უწყევდნენ სახლში ცხოვრების პერიოდში, მას შემდეგ, რაც შეწირვის კურთხევას მიიღებენ, არ უნდა დარჩნენ საკუთარი თავის ანაბარა, არამედ ეპისკოპოსმა, ან, მისი არყოფ-

*იონის 393 წლის კრების 30-ე კანონი; კანონთა კრებულში – 52-ე; პიდალონში – 50-ე.

**იონის 393 წლის კრების 31-ე კანონი.

ნის შემთხვევაში ამის უფლების მქონე მღვდელმა, საზედამხედველოდ უნდა ჩააბაროს ისინი ღვთისმოსიშ დედაკაცებს, რომლებიც ყურადღებას მიაქცევენ, რომ იცხოვრონ მიცემული აღთქმის შესასიტყვისად. თუკი ღმერთისთვის შეწირული ქალწულები ერთად ცხოვრობენ ზოგადსაცხოვრებელში, მაშინ კანონი განუწესებს ერთმანეთზე ზრუნვას, ცხადია, ეპისკოპოსის, მღვდლის ან სულიერი მოძღვრის ზედამხედველობის პირობებში. როგორც კანონიდან ჩანს, ეს საეკლესიო ზედამხედველობა არ იყო საკმარისად მკაცრი, რამეთუ, მათ შეეძლოთ ეცხოვრათ ცალკე და საკუთარი შეხედულებისამებრ აერჩიათ საცხოვრებელი ადგილი. ეს, ზოგიერთი მათგანის მიმართ, ეჭვს ბადებდა და ძირს უთხრიდა ეკლესიის ავტორიტეტს. ამის გამო, იპონის 393 წლის კრებამ მიიღო წინამდებარე კანონი, რომელიც კართაგენის წმინდა ადგილობრივი კრების (ჩატარდა 419 წელს) მამებმაც გაიზიარეს.

კანონი 45 (54-55)

54. სნეულნი, რომლებსაც არ შეუძლიათ საკუთარი თავის გამო სიტყვის მიგება, დაე, მაშინ მონათლონ, როცა, მათი ნების შესაბამისად, სხვები თავიანთი პასუხისმგებლობით დაამოწმებენ მათზე.

55. სამარცხვინო სანახაობების მსახიობები და მჭირდველნი (მკრეხელები) და სხვა ასეთი პირები, ან განდგომილები, რომლებიც შეინანებენ და ღმერთისაკენ მოიქცევიან, დაე, ნუ მოაკლდებიან შემორიგების მადლს.*

(მოც. 46, 47, 49, 52, 61, 75, 80; I მსოფ. 2, 9, 11, 12; ტრულ. 24, 51, 95, 102; VII მსოფ. 8; ლაოდ. 2, 3, 12, 17, 47, 75; ნეოკეს. 12; კართ. 63; ორგ. 17; ბასილი დიდის 1, 5, 88; კირილე ალექსანდრიელის 4, 5; გრიგოლ ნოსელის 1, 4)

წინამდებარე კანონი ორ ცალკეულ განწესებას შეიცავს:

1) ზრდასრულ ადამიანთა ნათლისღება (რამეთუ ასეთებზეა ამ კანონში საუბარი) სრულფასოვანი რომ იყოს, ამისათვის საჭიროა მათ ამ საიდუმლოს აზრი ესმოდეთ და გულწრფელად სწამდეთ (შდრ. VII მსოფლ. 8). ამიტომ არ შეიძლება იმ პირის მონათვლა, რომელიც იმდენად მძიმე ავადმყოფია, რომ პასუხის გაცემა არ შეუძლია. ამ აზრს კატეგორიულად გამოხატავს ეს (45-ე) კანონი. იგი უშვებს ასეთი პირების მონათვლას მხოლოდ იმ შემთხვევაში, თუ ვინმე ისეთი პირი გამოჩნდება, რომელიც, ერთი მხრივ, ეკლესიის ნდობას იმსახურებს და, მეორე მხრივ, დაამოწმებს, რომ ავადმყოფს მართლაც სურდა მონათვლა და როცა ის გონზე იყო, ეს სურვილი მისთვის განუცხადებია. ამგვარ შემთხვევაში კანონი უშვებს ავადმყოფის მონათვლას, მაგრამ აუცილებლად იმ პირის პირადი პასუხისმგებლობით, რომელმაც დაამოწმა ავადმყოფის სურვილი ამის თაობაზე და თავდებად უდგება, რომ გამოჯანმრთელების შემთხვევაში იგი ნამდვილად იქნება მართლმადიდებელი ეკლესიის ჭეშმარიტი წევრი. რაც შეეხება თვით ნათლისღების საიდუმლოს აღსრულებას ავადმყოფებზე, ამის თაობაზე იხ. ნეოკესარიის მე-12 და ლაოდიკის 47-ე კანონების განმარტებები.

*იპონის 393 წლის კრების 32-ე და 33-ე კანონები.

2) მსახიობები და ტაკიმასხარები ამ კანონში გათანაბრებულნი არიან ქრისტეს სარწმუნოებიდან განდგომილებთან. რა თქმა უნდა, აქ ის მსახიობები და კომიკოსები იგულისხმება, რომლებიც კანონში აღწერილ ქმედებებს წარმოაჩენენ სხვადასხვა სცენაზე და რომელთა შესახებაც საუბარია ტრულის კრების 24-ე და 51-ე კანონების განმარტებებში. ყველა ამ ცოდვილთა მიმართებით კანონი განაწესებს, რომ თუკი ისინი შეინანებენ საკუთარ ცოდვებს და ღმერთისკენ მიიქცევიან, ანუ მოითმენენ მათთვის განსაზღვრულ სისანულის ვადას (იხ. I მსოფლო კრების მე-11 კან.), მაშინ მათ არ უნდა აეკრძალოთ საღმრთო მადლი და ეკლესიასთან შემოვივება.

კანონი 46 (56)

ნებადართულია მომავალშიც იკითხებოდეს მოწამეთა მარტვილობანი იმ დღეებში, როცა მათი ყოველწლიური ხსენება აღესრულება.*

(მოც. 60; ტრულ. 63; ათანასე აღექსანდრიელის „დღესასწაულების შესახებ“)

ამ კრების 24-ე კანონის განმარტებაში ჩვენ აღვნიშნეთ, რომ ის შედგენილია იპონის კრების 36-ე კანონიდან. მასში ჩამოთვლილი იყო წმინდა წერილის ის წიგნები, რომლებიც კანონიკურად მიღებულია ეკლესიაში საკითხავად, ამასთან, დასკვნაში (იპონის კრების 36-ე კანონის) ნათქვამი იყო, რომ გარკვეულ დროს ეკლესიაში შეიძლება იკითხებოდეს მოწამეთა ცხოვრებები, რომლებიც მათ ღვაწლსა და წამებას ასახავენ. სწორედ ამ დასკვნის საფუძველზეა შედგენილი კართაგენის წინამდებარე (46-ე) კანონი. მოხსენიებული 24-ე კანონით განიწესება, წმინდა წერილის რომელი წიგნები შეიძლება, ჩვეულებრივ, იკითხებოდეს ეკლესიაში, და ჩამოთვლილის გარდა იკრძალება სხვა ნებისმიერი წიგნის წაკითხვა. ეს (46-ე) კანონი კი უშეებს წელიწადის იმ დღეებში, როდესაც აღესრულება წმინდა მოწამეთა ხსენება, იკითხებოდეს მათი წამების აღწერა.

კანონი 47 (57-58)

57. დონატისტებისა და მათ მიერ მონათლული ბავშვების შესახებ. კეთილად განვსაჯეთ ჩვენ, რომ ჩვენს ძმებსა და თანამწირველთ – სიროკონს და სიმპლიკიანონს ვკითხოთ დონატისტების მიერ მონათლული ჩვილების შესახებ, რათა იმან, რაც მათზე აღასრულებს არა მათი ნებელობით, არამედ მშობლების ცდომილების მიზეზით, ხელი არ შეუშალოს მათ კურთხევას წმინდა საკურთხეველის მსახურებად, როცა ღვთის ეკლესიისკენ მოიქცევიან მაცხოვრებელი განწყობით.

58. ონორატოსმა და ორბანოსმა, სტიფენის მავრიტანიის ქვეყნის ეპისკოპოსებმა, თქვეს: ჩვენ გვსმენია ნიკეის კრების სარწმუნოების აღსაარე-

*იპონის 393 წლის კრების 36-ე კანონი.

ბიდან ნაშუადღევს აღსრულებული მღვდელმოქმედების შესახებ, რომ ჭეშმარიტად ასეა: უჭმელის მიერ ღირსეულად აღესრულება. და მაშინ დამტკიცებულ იქნა ესეც.*

(ტრულ. 29; ანკორ. 3; კართ. 1, 41, 57, 67, 68, 69, 91, 99, 117, 118, 119, 124; ბასილი დიდის 1)

წინამდებარე კანონი ორ სრულიად სხვადასხვა საკითხზე საუბრობს: კანონის პირველი ნაწილი დონატისტების შესახებ განწესებას შეიცავს, მეორე – წმინდა ზიარების საიდუმლოს ეხება.

1) IV საუკუნის მეორე ათწლეულიდან მოყოლებული, დონატისტების შესახებ საკითხი რამდენიმე კრებაზე იქნა წამოჭრილი. როგორც ჩანს, დონატისტები, ეკლესიაში ოდესმე არსებულ სქიზმატებს შორის, ყველაზე კადნიერები ყოფილან. ეს განხეთქილება აფრიკის საკონსულოში წარმოიშვა მაშინვე, როგორც კი დასრულდა დიოკლეტიანეს დევნილობის ხანა. რამდენიმე ეპისკოპოსმა, ნუმიდიის პრიმასის, სეკუნდის მეთაურობით გაილაშქრეს ზოგიერთი სასულიერო პირის წინააღმდეგ და განიკითხავენ მათ იმის გამო, რომ არასაკმაო შემართებით მიდიოდნენ ტანჯვაზე დევნილობისას, და თუმცა ყოველთვის ინარჩუნებდნენ თავიანთი სარწმუნოებას, მიუხედავად ამისა, სხვადასხვა ხერხს მიმართავდნენ, რათა თავი დაეღწიათ მღვდნელებისგან, რაც, სხვათაშორის, სხვებით პასუხობდა კანონს მოწამეობის შესახებ (იხ. ანკირიის მე-3 კან.). ის შეუპოვრობა, როგორთაც მოხსენიებული ეპისკოპოსები თავიანთ შეხედულებას იცავდნენ, საბოლოოდ გადაიზარდა სასტიკ ფანატიზმში, და იქამდე მივიდა, რომ ისინი საეკლესიო ერთობასაც კი გაუბრუნდნენ იმ პირებთან, რომლებიც არ იზიარებდნენ მათ შეხედულებას, და ასეთებს სარწმუნოების მოღალატეებად თვლიდნენ. სხვებთან ერთად, სარწმუნოების ღალატში ისინი ბრალს სდებდნენ აგრეთვე კეთილმსახურ და ეკლესიის სასიკეთოდ დამაშვრალ კართაგენელ ეპისკოპოსს მანსურის, იმ მიზეზით, რომ დევნილობის ჟამს, წამების თავიდან ასაცილებლად, მან მღვდნელებს ბიბლიის მაგივრად რაღაც მწავლებლური წიგნები შეაჩენა. მათი დაუინებელი მოთხოვნით, ამ საქმის გამოსადიებლად და მანსურის გასასამართლებლად, დაინიშნა საგანგებო კომისია. ამ დროს მანსური გარდაიცვალა; კართაგენის ეკლესიის მმართველობა დროებით მისი პირველი თანაშემწის, სწავლული და კეთილმსახური ცეცილიანეს ხელში გადავიდა. ფანატიკოსების მხრიდან მოთხოვნილი კომისია შეიკრიბა კართაგენში 312 წელს; თავმჯდომარეობდა ამ ფანატიკოსების მფარველის, ნუმიდიის ეპისკოპოს სეკუნდის წარმომადგენელი დონატოს, ეპისკოპოსი Casis de nigris. კომისიამ, რა თქმა უნდა, დაადანაშაულა გარდაცვლილი მანსური, რამაც მართლმადიდებლების უკიდურესი აღშფოთება გამოიწვია და მათ შეწყვიტეს ფანატიკოსებთან ყოველგვარი ურთიერთობა. დონატისტებმა კი ამ დროისათვის აფრიკაში უკვე ბევრის გადაბირება მოასწრეს და თავისი მხრიდანაც შეწყვიტეს ყოველგვარი კავშირი მართლმადიდებლებთან, განსაკუთრებით მას შემდეგ, რაც კართაგენის

*ეს კანონი შეადგენს იპონის 393 წლის კრების 37-ე კანონისა და კართაგენის 397 წლის I კანონის დასაწყისის ერთობლიობას.

ეპისკოპოსად ცეცილიანე იქნა დადგინებული. იმავე წლის შემოდგომაზე, კართაგენში, თავისი მიმდევრების მონაწილეობით, დონატისტებმა საკმაოდ მრავალრიცხოვანი კრება მოიწვიეს, სადაც ცეცილიანე უღირს ეპიკოპოსად გამოაცხადეს და თავად გამოირჩიეს კართაგენის ეკლესიის კათედრისათვის მათი თანამზრახველი მაიორინი. იმავე კრებაზე დაამტკიცეს, რომ ჭეშმარიტ ქრისტიანად მხოლოდ ის უნდა ყოფილიყო აღიარებული, ვინც მათ სწავლებას იზიარებდა, – ყველა დანარჩენი მწვალებლად გამოაცხადდა. ამავე დროს, „ადმოაჩინეს“, რომ წმინდა საიდუმლო ყველგან შეერყვნათ და, სწორად, თურმე, მას მხოლოდ მათი სასულიერო პირები ასრულებდნენ. ამიტომ, ამის საფუძველზე დაადგინეს, თავიდან მოენათლათ ყველა ის პირი, ვინც მათთან თანაზიარებას გადაწყვეტდა. ასევე, თავიდან ახდენდნენ იმ სასულიერო პირების ხელდასხმას, რომლებიც მათთან ერთობაში გადაწყვეტდნენ მღვდლად ან ეპისკოპოსად მსახურებას და, საერთოდ, თავიდან ატარებდნენ ყველა იმ საიდუმლოს, რომელიც ვინმეს მიმართ აღსრულებული იყო მათი საზოგადოების გარეთ. ასე წარმოიშვა ეკლესიაში განხეთქილება. მაიორინმა ამის შემდეგ ძალიან ცოტა ხანს იცოცხალა და მის ადგილზე ვინმე დონატი აირჩიეს. ამ დონატის (მას შემდგომში დიდი უწოდეს) და სხვა – ყოფილი Casis de m̄tris ეპისკოპოსის სახელებიდან მიიღეს ამ სქიზმატებმა სახელწოდება დონატისტები. ისინი საკმაოდ მჭიდროდ გაერთიანდნენ და ძლიერ წინააღმდეგობას უწევდნენ როგორც მართლმადიდებლებს აფრიკაში, ისე სახელმწიფო ხელისუფლებასაც, რომელიც არ იწონებდა მათ ფანატიზმს. მალე მათ შორის უთანხმოებამ იჩინა თავი და გარკვეული დროის შემდეგ, მათ უკვე ეხებავთ სექტებად დაყოფილებს: ცირკუმცელიანელი, პრიმიანიტოველი, მაქსიმიანიტელი და ა. შ. მიუხედავად რამდენიმე სექტად დაყოფისა, ისინი ერთსულოვანი იყვნენ მართლმადიდებლებთან მტრობაში. ბუნებრივია, რომ ასეთი განხეთქილება ზიანის გარდა ვერაფერს მოუტანდა ეკლესიას. მიიღეს რა ყველაფერი ეს მხედველობაში, მით უმეტეს, რომ დონატისტები საწმუნოების საფუძველში არაფერს სცოდავდნენ, მართლმადიდებელმა ეპისკოპოსებმა თავიდანვე და, მით უფრო, მას შემდეგ, რაც მართლმადიდებელი ეკლესიის დასაცავად იპონის ეპისკოპოსი ნეტარი ავგუსტინე გამოვიდა, გადაწყვიტეს სქიზმატებს მოქცეოდნენ რაც შეიძლება ღმობიერად, გამოეყენებინათ ყველაზე რბილი საშუალება თანაზიარებაში მათ დასაბრუნებლად და საეკლესიო მშვიდობის აღსადგენად (იხ. კართაგენის 66-ე კან. და სხვა). მშვიდობის აღდგენა ძალიან ძნელად ხდებოდა და არცთუ იშვიათად მართლმადიდებლები იძულებულნი ხდებოდნენ დახმარებისათვის სახელმწიფო ხელისუფლებისათვის მიემართათ. ამ კრების კანონებიდან ბევრია ისეთი, რომელიც დონატისტების საკითხს ეხება, – როგორც ამას შემდგომში ვიხილავთ, – და ყოველთვის ჩვენ მიერ აღნიშნული აზრით. კართაგენის წინამდებარე (47-ე) კანონი ლაპარაკობს დონატისტების მონათლვაზე. ხელმძღვანელობენ რა იმ პრინციპით, რომ საჭიროა ღმობიერად მიუდგნენ ამ ფანატიკოს-სქიზმატებს, კანონი აღიარებს მათ ნათლობას და უშვებს მართლმადიდებლურ დასში მათგან იმ პირების მიღებას, რომლებიც, როგორც ყრმები, მონათლნენ დონატისტებთან, რადგან კანონის სიტყვებით, შვილებს ბრალი არ მიუძღვით მშობლების ცდომილებაში და, თანაც, მათი ცდომილება არ ეხებოდა ქრისტიანული სარწმუნოების საფუძველებს. თუმცაღა,

კანონი დასძენს, რომ ეს შესაძლებელია მხოლოდ იმ შემთხვევაში, თუ კონკრეტული პირი მაცხოვრებელი განწყობით მიმართავს საღმრთო ეკლესიას და, აღიარებს რა მშობლების შეცდომას, დაგმობს მათ.

2) ამ კანონის მეორე ნაწილში კრების მამები საუბრობენ იმის შესახებ, რომ ნიკეის დადგენილებით, როგორც მათთვის ცნობილია, საღმრთო ლიტურგიის აღსრულება მხოლოდ უზმოზე შეიძლება, რასაც წინამდებარე კანონით ადასტურებენ. ნიკეის კრების (I მსოფ.) კანონებს შორის ასეთი დადგენილება არ არის, მაგრამ შესაძლოა ამის შესახებ ემსჯელათ ნიკეის კრებაზე, ისევე როგორც იმსჯელეს ადღეომის დღესასწაულის დღისა და მღვდლებისთვის დაქოწინების ნებართვასთან დაკავშირებით და გაეკეთებინათ შესაბამისი დასკვნა, რომელიც იმ აქტებში ყოფილიყო ასახული, რომლებიც აღნიშნული კრებიდან აფრიკელმა მამებმა ჩამოიტანეს (იხ. კართ. 1); მაგრამ ჩვენ ვერ ვიპოვებთ, რომ ამ კანონით კართაგენელ მამებს სურდათ დაემოწმებინათ 41-ე კანონით გამოცემული განწყება იმის თაობაზე, რომ დიდ ხუთშაბათს ლიტურგიის აღსრულება შეიძლება საჯმლის მიღების შემდეგაც, - როგორც ამას არქიმანდრიტი იოანე ამტკიცებს თავისეულ განმარტებაში. პირველ რიგში იმიტომ, რომ ეს (47-ე) კანონი მიღებულია კრების იმავე სხდომაზე (419 წლის 25 მაისის), რომელ სხდომაზეც - დასახელებული 41-ე კანონი, რის გამოც გაუგებარი იქნებოდა, ერთი კანონის მიღების შემდეგ, რატომ უნდა მიეღოთ კრების მამებს იმავე დღეს და იმავე სხდომაზე მისი გამაბათილებელი კანონი; მეორეც, დასახელებული (41-ე) კანონი რომ თვით კართაგენელ მამებს გაუქმებინათ, მაშინ ტრულის კრების მამებისთვის სრულიად ზედმეტი იქნებოდა თავიანთი 29-ე კანონით ასე მძაფრად გაენადგურებინათ კართაგენის კრების 41-ე კანონის განწყება. ჩვენ ვეარაუდობთ, რომ ამ (47-ე) კანონით, ეყრდნობოდნენ რა I მსოფლიო კრების დადგენილებას, კართაგენელ მამებს იმის დადასტურება სურდათ, რომ საღმრთო ლიტურგია ზოგადად მხოლოდ უზმოზე უნდა აღესრულოს და სხვა არანაირად; რაც შეეხება დიდ ხუთშაბათთან დაკავშირებით გამონაკლისის დაშვებას, ეს შემდგომშიაც გრძელდებოდა და ამიტომ მისი გაუქმება ტრულის კრებას მოუხდა.

კანონი 48 (59)

ჩვენთვის მოცემული დავალებით, გათავაზობთ ამასაც, განჩინებულს კაპუიში შემდგარ კრებაზე, რამეთუ დაუშვებელია ხელმეორედ მონათვლა ან ხელმეორედ ხელდასხმა, ანდა ეპისკოპოსების გადასვლა სხვა საყდარზე. რეგტენსის მხარის ეპისკოპოს რეკტენიოსმა უგულვებელყო და მიატოვა თავისი სამწყსო, შეიჭრა ვიკენის ეკლესიაში და დღემდე, მიუხედავად კანონთა შესაბამისად მისი მრავალი შეგონებისა, მაინც არ ისურვა იმ ეკლესიის დატოვება, რომელიც მიიტაცა. ამის შესახებ ჩვენ მოვისმინეთ ზემოთ უწყებული, როგორც სარწმუნო, და ჩვენთვის მოცემული დავალების შესაბამისად, ვითხოვთ თქვენს კეთილნებას მოგვეცეს ჩვენ უფლება, რომ აუცილებლობის შემთხვევაში, მის დასაცხრომად, მივმართოთ ქვეყნის მთავარს, სახელოვან მეფეთა ბრძანებებისამებრ, რათა ის, ვინც არ ისურვა

დამორჩილებოდა თქვენი სიწმინდის მშვიდ შეგონებას და გამოვეწვრებიანა ყოვლადდაუთმენელი ქმედება, დაუყოვნებლივ იქნეს შეჩერებული მთავრობის ძალაუფლებით.

ავრილიოს ეპისკოპოსმა თქვა: დადგენილი წესის თანახმად, ესევეთარი, დაე, არ ჩაითვალოს, რომ მიეკუთვნება კრებას, ვინაიდან არ მოისურვა, თქვენი სიყვარულით მშვიდად შევედრებულმა, დაეტოვებინა მიტაცებული ადგილი; ახლა კი უკვე, თავისი ამპარტაგნებითა და ურჩობით საერო ხელისუფლების ხელთ აღმოჩნდეს. ეპისკოპოსებმა ონორატოსმა და ორბანოსმა იკითხეს: არის თუ არა ამაზე ნება ყველასი? ყველა ეპისკოპოსმა მიუგო: სამართლიანია, გვენებაეს.*

(მოც. 14, 47, 68; ანტიოქ. 5; ორგ. ზ. 91)

უწინარეს ყოვლისა, ამ კანონით დასტურდება მოციქულთა 47-ე კანონი ნათლისღების განუახლებლობის შესახებ, შემდეგ – მოციქულთა 68-ე კანონი სწორად აღსრულებული ხელდასხმის განუახლებლობაზე და, ბოლოს, მოციქულთა მე-14 კანონის განწესება, რომელიც ეპისკოპოსს უკრძალავს თავისი კათედრის დატოვებას და თვითნებურად სხვა კათედრის დაკავებას. ყველა ეს განწესება კაპუიშიც იქნა დამტკიცებული 391 წელს, შემდეგ – 419 წლის კრებაზე. უკანასკნელ საკითხთან დაკავშირებით, კანონი მოიხსენიებს რეკტენისის ეპისკოპოს რეკტენისთან დაკავშირებულ შემთხვევას, რომელმაც მიატოვა თავისი მსახურების ადგილი და ძალადობრივი გზით დაიკავა ტუზუნის (ზოგან „იუკენის“) გამოთავისუფლებული საეპისკოპოსო კათედრა. რადგან დასახელებული ეპისკოპოსი არ დაეთანხმა კრების დადგენილებას, დაბრუნებულიყო თავის ძველ კათედრაზე, ამიტომ კანონი განაწესებს მის გადაცემას სახელმწიფო ხელისუფლებისათვის, რომელსაც შეუძლია მოექცეს მას თავისი (სამოქალაქო) კანონების შესაბამისად. თუმცა, ეს არ უნდა იყოს გაგებული იმგვარად, თითქოს ეპისკოპოსი, როგორც ასეთი, დასასჯელად გადაეცა სახელმწიფო ხელისუფლებას. კანონში ავრელიოსის სიტყვებით ნათქვამია: „დადგენილი წესის თანახმად, – ვინაიდან რეკტენისისმა არ მოისურვა დამორჩილება – დაე, არ ჩაითვალოს რომ მიეკუთვნება კრებას“.

ეს ნიშნავს, რომ თუ ყველაფერი დაცული იქნება, რასაც ასეთ შემთხვევებში კანონი ითვალისწინებს, ანუ გარკვეული ეპისკოპოსი (ამ კონკრეტულ შემთხვევაში – რეკტენისი) სწორად, წესების დაცვით მიიწვიეს სასამართლოზე და მას გააცნეს ყველა ის უარყოფითი შედეგი, რაც შეიძლებოდა მის სიჯიუტეს მოპყლოდა, რის შემდეგაც მან მინც არ მოისურვა საეკლესიო სასამართლოს დამორჩილებოდა, მაშინ ითვლება, რომ მას უკვე კრება აღარ განაგებს, რაც ნიშნავს, რომ ეპისკოპოსად აღარ უნდა ჩაითვალოს. ამიტომ, როგორც ასეთი, ანუ აღზოცილი საღვთისმსახურ.ო დაეთარიდან, შესაბამისად – განკვეთილი, აუცილებლად უნდა გადაეცეს სამოქალაქო ხელისუფლებას, რამეთუ არ შეიძლება აღნიშნულ ხელისუფლებას დაასჯელად გადაეცეს სასულიერო პირი, რომელიც წინასწარ არ იქნება ხარისხაყრილი. სამოქალაქო ხელისუფლება კი მას უკვე – სასულიერო წოდება-

*კართაგენის 397 წლის 1 კანონი.

ჩამორთმეულს — სჯის, როგორც საკლესიო ხელისუფლებისათვის ჯიუტად ხელის-
შემშლელ პირს. აქ, დაახლოებით იგივე აზრია ჩადებული, რასაც ანტიოქიის
კრების მე-5 და ორგზისის კრების მე-9 კანონები განაწესებენ.*

კანონი 49 (60)

დაე, დაცულ იქნეს უძველესი წესი: სამ ეპისკოპოსზე ნაკლები, როგორც
ეს კანონებშია განსაზღვრული, ნუ იქნება მიჩნეული ეპისკოპოსის დადგ-
ინებისათვის საკმარისად.**

(I მსოფ. 4; VII მსოფ. 3; ანტიოქ. 19,23; ლაოდ. 12; სარდ. 6; კართ. 13,15)

ამ კანონის სრული ტექსტიდან ჩანს, როგორც ის მოყვანილია სერბულ გამოცე-
მაში (ბერძნულიდან თარგმნილში),*** რომ ნუმიდიის ეკლესიაში დაცული იყო
კანონი, რომლის თანახმადაც, ხელდასხმა (ქიროტონია) აღესრულებოდა მხოლოდ
და მხოლოდ თორმეტი ეპისკოპოსის თანდასწრებით. ეს საკითხი განიხილებოდა
კართაგენის 397 წლის კრებაზე და რადგან აღმოჩნდა, რომ ახალი ეპისკოპოსის
დასადგინებლად ასეთი რიცხოვნობით ეპისკოპოსების შეკრება ყოველთვის შესა-
ძლებელი არ იყო, გადაწყდა, რომ ხელდასხმის საიდუმლოს აღსრულებაში საკმა-
რისია სამი ეპისკოპოსის მონაწილეობა. ამ გადაწყვეტილების საფუძველზე მიიღეს
მაშინ ეს კანონი, ხოლო, თავის მხრივ, კართაგენელმა მამებმაც, 419 წელს, იგივე
შინაარსით შეიწყნარეს (შდრ. მოციქულთა I კანონის განმარტებას).

კანონი 50 (61)

ამის განჩინებაც გემათებს: თუკი ეპისკოპოსის გამორჩევისას წარმო-
იშვება გარკვეული წინააღმდეგობა, — რამეთუ გექონია ჩვენ განსახილვე-
ლად ასეთი შემთხვევები, — კადნიერება იქნება, თუ მხოლოდ სამი ეპისკო-
პოსი შეიკრიბება ხელდასასხმელის გასასამართლებლად, ამიტომ ზემო-
დასახელებულ რაოდენობას დაემატოს ერთი ან ორი ეპისკოპოსი, და მორ-
წმუნე ერის თანდასწრებით, ვისთვისაც გამორჩეული დაიდგინება ეპისკო-
პოსად, უპირველეს ყოვლისა, გამოძიებულ იქნეს მოდავე (მოწინააღმდეგე)
პირთა შესახებ; შემდეგ დაერთოს გამოძიებას მათ მიერ გაცხადებული, და
როცა უბიწო წარმოჩინდება ერის წინაშე, მაშინ უკვე, დაე, ხელნი დაასხან.
ყველა ეპისკოპოსმა თქვა: სავსებით ვეთანხმებით.****

(I მსოფ. 4,6; VII მსოფ. 3; ანტიოქ. 19,23; ლაოდ. 12,13; სარდ. 6; კართ. 13,49,55)

წინამდებარე კანონი საკმაოდ დიდი მნიშვნელობისაა, ის ადასტურებს იმას,
რაც ჩვენ მიერ ნათქვამია I მსოფლიო კრების მე-4 კანონის განმარტებაში,

*იხ. "სონარას განმარტება ათენის სინტაგმაში, III, 420.

**კართაგენის 397 წლის მე-2 კანონი.

***ქართულ დიდი სჯულისკანონშიც სრული ტექსტია მოყვანილი.

****კართაგენის 397 წლის მე-3 კანონი.

კერძოდ, ეს არის მრევლის კუთვნილი უფლება აქტიური მონაწილეობა მიიღოს თავისთვის ეპისკოპოსის დადგინების საქმეში. მრევლის უფლება – თავის ეპისკოპოსად გამოირჩიოს მისთვის სასურველი პირი, შესაფერისად ეს პირი ეპისკოპოსთა კრებას აუცილებელი კანონიკური გამოცდისათვის, შემდგომი დამტკიცებისა და ქიროტონისათვის (იხ. კართ. 55-ე კან.) – წინამდებარე კანონს მიაჩნია ბუნებრივად და უცილობელ ფაქტად, მაგრამ, ამავე დროს, ყურადღებას ამახვილებს იმ შესაძლო დაპირისპირებაზე, რომელიც შეიძლება ერში წარმოიშვას ეპისკოპოსის დადგინებასთან დაკავშირებით. ასეთ შემთხვევაში, – კანონის სიტყვებით, – უდიდესი სითამამე იქნებოდა ამ სამი ეპისკოპოსის მხრიდან თავად გადაეწყვიტათ ესოდენ მნიშვნელოვანი საკითხი, ამიტომ აუცილებელია, რომ მათ შეუერთდნენ ერთი ან ორი ეპისკოპოსი და ყველამ ერთად (ხუთმა, ან უკიდურეს შემთხვევაში, ოთხმა) მრევლის თანდასწრებით, რომლისთვისაც კონკრეტულად დგინდება ეპისკოპოსი, გაიგონ წარმოდგენილი კანდიდატის მიმართ გამოვლენილი წინააღმდეგობის მიზეზი. უპირველეს ყოვლისა, კანონი მოითხოვს ცნობილი გახდეს იმ პირთა შესახებ, რომლებმაც ხმა აიმაღლეს წარმოჩენილი კანდიდატის წინააღმდეგ, აქვთ თუ არა მათ ხმის უფლება ეპისკოპოსის გამოჩენის დროს და, საერთოდ, ფლობენ თუ არა ისინი იმ თვისებებს, რომლებიც კანონით მოეთხოვება თითოეულ იმ პირს, ვისაც განზრახული აქვს ბრალმდებლად გამოვიდეს სასულიერო პირების წინააღმდეგ საექლესიო საქმეებთან დაკავშირებით (იხ. II მსოფლ. მე-9, კართ. 128-ე, 129, 130-ე კანონები). თუკი ნამდვილად დამტკიცდება, რომ მოწინააღმდეგეებს აქვთ საამისოდ ყველა აუცილებელი მონაცემი, მაშინ, როგორც ამას კანონი განაწესებს, უნდა გაიგონ რა არგუმენტები მოჰყავთ მათ წარმოდგენილი კანდიდატის წინააღმდეგ, და თუ ეს არგუმენტები უსაფუძვლო იქნება და, შესაბამისად, კანდიდატი სრულიად სუფთა აღმოჩნდება ერის წინაშე, მაშინ, დაე, შესრულდეს მასზე ქიროტონია. ხოლო, თუკი დამტკიცდება, რომ მოწინააღმდეგეთა არგუმენტები საკმაოდ საფუძვლიანია, მაშინ, რა თქმა უნდა, მართებული იქნება, რომ ახალ გამორჩევას შეუდგნენ.

ამის შესახებ უფრო დაწვრილებით შეგვიძლია წავიკითხოთ XIV ტიტლოვანი ნომოკანონის I ტიტულის მე-8 თავში, სადაც მოყვანილია დადგენილებები CXXIII (c. 2) და CXXVII (c. 3) იმპერატორ იუსტინიანეს ნოველიდან, რომელიც შევიდა რა ნომოკანონში, მიიღო მთელი ეკლესიისათვის საკანონმდებლო ძალა.*

კანონი 51 (62)

როგორც გვახსოვს, უკვე დიდი ხანია გადაწყვიტეთ, რომ ყოველ წელიწადს შევიკრიბოთ ბჭობისათვის, ამიტომ, როცა ერთად შევიკრიბებით, მაშინ იქნეს გამოცხადებული აღდგომის დღე კრებაზე დამსწრე აღვლილმცველთა მიერ.**

(მოც. 7, 65, 70, 71; II მსოფ. 7; ტრულ. 11; ლაოდ. 7, 37, 38; კართ. 34, 73, 106)

ამ კრების მე-18 კანონით დადგინდა, რომ აფრიკის თითოეულ ეპარქიას (სამიტრიპოლიტო სამთავრო) თავისი წარმომადგენლების სახით უნდა წარეგზავნა ორ-

*ათენის სინტაგმა, I, 46.

**კართაგენის 397 წლის მე-4 კანონის პირველი ნაწილი.

ორი ეპისკოპოსი აფრიკული ეკლესიის ყოველწლიურ საერთო კრებაზე. წინამდებარე კანონი ამატებს, რომ ამ წარმომადგენლების მეშვეობით, ყველასთვის უნდა გაცხადდეს, თუ რომელ დღეს უნდა იდღესასწაულონ მიმდინარე წელს ქრისტეს აღდგომა. დანარჩენთან დაკავშირებით იხ. ამ კრების 34-ე კანონის განმარტება.

კანონი 52 (63)

ეპისკოპოსებმა ონორატოსმა და ორბანოსმა თქვეს: სიტყვიერად გვაქვს, ასევე, დავალებული ვითხოვოთ, რომ რადგანაც იპონის კრების განწესებით კრების დროს მონახულეზულ უნდა იქნეს ყოველი სამთავრო, რიგის მიხედვით მონახულთ მავრიტანიაც, რასაც თქვენ წლიდან წლამდე გადასდებდით. ეპისკოპოსმა ავრილიოსმა თქვა: მაშინ ჩვენ არაფერი განგვიწესებია მავრიტანიის ქვეყნისათვის, რადგან იგი აფრიკის განაპირას მდებარეობს და ბარბაროსთა ქვეყანას ესაზღვრება. ღმერთმა მოგვმადლოს, რომ დაუპირებლად შევძლოთ სიჭარბით აღვასრულოთ ეს და ჩამოვიდეთ თქვენს ქვეყანაში.*

(მოც. 58; ტრულ. 19; სარდ. 11; ლაოდ. 19; კართ. 71, 121, 123)

ყოველი ადგილისა და ეკლესიის მონახულება, და მათზე ზედამხედველობა, წარმოადგენს – როგორც ეს ეკლესიის დასაბამიდანვე იყო დაწესებული – თითოეული ეპისკოპოსის ერთ-ერთ უპირველეს მოვალეობას.** ამ კანონით იგივე ევალება მიტროპოლიტსაც, თანაც განეწესება ყოველწლიურად, კრების ჩატარების პერიოდში, თავად ან მისმა თამაშემწემ ყველა საეპისკოპოსო ეკლესია მოიაროს თავის სამიტროპოლიტოში, ისე რომ ამ მონახულებისას მოავგაროს ადგილებზე არსებული ყველა უთანხმოება და გაუგებრობა.***

*ქართაგენის 397 წლის მე-4 კანონის მეორე ნაწილი.

**ეპისკოპოსების მიერ მათზე დაქვემდებარებული ეკლესიების მონახულების ვალდებულება საფუძველს იღებს თვით მაცხოვრისა (იხ. მთ. 9, 35) და წმინდა მოციქულების სამწყსო მოგზაურობების მაგალითებიდან. საეკლესიო ისტორიამ შემოგვინახა რამდენიმე ბრწყინვალე მაგალითი ცნობილი ეპისკოპოსების ცხოვრებიდან, რომლებიც თავიანთი ეპარქიების ეკლესიების მოშურნე მონახულებლები და ზედამხედველები იყვნენ. ასე, მაგალითად, ბასილი დიდთან მიმართებით, სოკრატე წერს, რომ იგი დადიოდა თავისი ეპარქიის ქალაქებსა და სოფლებში, ყველგან ამტკიცებდა რწმენაში დაუშლურებულთ. ნეტარი ავგუსტინე ერთ-ერთ თავის ეპისტოლეში წერს: „მე ვაღდებული ვიყავი აუცილებლად მონახულებინა ყველა ჩემი მსრუნველობის ქვეშ მყოფი ეკლესია“. ხოლო, რადგან ერთ-ერთი ეკლესია მისი კათედრიდან ძალიან შორს მდებარეობდა, ამიტომ მან მოახერხა, რომ იმ ეკლესიისათვის დაედინათ სხვა ეპისკოპოსი მხოლოდ იმის გამო, რომ ის ეკლესია უშუალო ზედამხედველობის გარეშე არ დარჩენილიყო: „რადგან დასახელებული სიმარტე იპონიდან 40 მილთი იყო დაშორებული [1 მილი = 1478 მ], ამიტომ, როდესაც დაეინახე, რომ მომიწვედა მძახე წმინდა გაემგზავრებულყავი, ვიდრე შესაძლებელია იქაური მოსახლეობის მართვა... მე ვიზრუნე, რომ იქ სხვა ეპისკოპოსი დამედგინა“.

***იხ. ზონარას განმარტება ათინის სინტაგმაში, III, 31.

კანონი 53 (64)

ეპისკოპოსმა ეპილონემ თქვა: ბევრ კრებაზე სამღვდელთა მიერ განწესებულია, რომ ერმა, რომელიც სამრევლოებში ეპისკოპოსებზეა დამოკიდებული და რომელსაც არასდროს ჰყოლია საგანგებო ეპისკოპოსი, სხვაგვარად არ მიიღოს თავისი მმართველები, ანუ ეპისკოპოსები, თუ არა იმ ეპისკოპოსის თანხმობით, ვისაც თავიდან ემორჩილებოდა. რამეთუ ზოგიერთები იწყებენ რა რომელიმე ადგილის ძალადობრივ მფლობელობას, ძმებთან თანაზიარებას გაურბიან; ხოლო როცა ამისთვის პასუხს თხოვენ, მაშინ თითქოსდა მფლობელობის რაღაც ძველი უფლებით ინარჩუნებენ თავისთვის მეუფებას. ბევრი მღვდელი კი, გოროზი და უგუნური, ქედს იმაღლებს საკუთარი ეპისკოპოსის წინააღმდეგ, გამასპინძლებითა და ბოროტგანზრახვითი რჩევებით აღძრავს ერს, რომ მან, უწესო განწყობით, თავად ისინი დაადგინოს მმართველებად. უერთგულესო ძმაო ავრილიოს, შენს კეთილგონიერებას უნდა ვუმაძღვოდეთ ჩვენ იმ განსაკუთრებულად სასურველ შედეგს, რომ ასეთი მცდელობები მრავალგზის დარჩენილა განუხორციელებელი. ასეთი ადამიანების ბოროტი განზრახვების, უჯერო რჩევებისა და შთქმულებების საპირისპიროდ, გთავაზობთ შემდეგს: უმართებულოდ მივიჩნიოთ საგანგებო მმართველის მიღება იმ ერისათვის, რომელიც ეგრეთ წოდებულ საზღვრებში უნდა დაემორჩილოს უწინდელ ეპისკოპოსს და არასდროს ჰყოლია საგანგებო ეპისკოპოსი; თუ მთელ უწმინდეს კრებას სათნო გამოუჩნდება ჩემ მიერ შემოთავაზებული, დაე, დამტკიცებულ იქნეს. ავრილიოს ეპისკოპოსმა თქვა: ჩვენი ძმისა და თანაეპისკოპოსის გადმოცემულს არ ვეწინააღმდეგები, არამედ ვაღიარებ, რომ ამას ვაკეთებდი და კვლავაც გავაკეთებ; ასეთ შეთქმულებებს ვამხილებ არა მხოლოდ კართაგენის ეკლესიაში, არამედ მთელ სამღვდელო განსაკუთრებულში. რამეთუ საკმაოდ ბევრი არიან, თავიანთ სამწყსოსთან რომ თანამზრახველობენ, რომელიც მათ, როგორც ითქვა, შეცდომაში შეჰყავთ, აამებენ მათ სმენას და ალერსით იზიდავენ თავისკენ საძრახისი ცხოვრების მქონე ადამიანებს; უფრო კი ზესთამჩნებენ და ამის გამო განეშორებიან ჩვენს წოდებას, ეყრდნობიან რა თავიანთ მრევლს, ისინი, მრავალგზის მოწვეულნი კრებაზე, უარს ამბობენ მოსვლაზე, რათა არ გამოქვლავდნენ მათი შეუსაბამოებანი. ამისთვის, თუ სათნოდ გიჩანთ, გთავაზობთ: გემართებს, ყველანაირად ვიღვაწოთ მათ წინააღმდეგ, რათა მათ ხელმწიფებაში არ დარჩეს არამხოლოდ ასეთი, მათ მიერ ძალადობით მიტაცებული სამთავროები, არამედ მათი საკუთარი ეკლესიებიც, რომლებიც უმართებულოდ მოხვდნენ მათ დაქვემდებარებაში; დაე, ხელმწიფებით იქნენ ისინი გაძევებულნი ღიად და თვით უპირატეს ეპისკოპოსთა საყდარმა უარყოს ისინი. რამეთუ სამართლიანობა მოითხოვს, რომ შეერთებულნი ყველა ძმასთან და მთელ კრებასთან არამხოლოდ ინარჩუნებდნენ თავისთვის თავიანთ საყდარს, არამედ ხელმწიფებაში მიიღებდნენ ასეთ სადავო სამთავროებსაც; და პირიქით, იმათ, რომელთაც ჰკონიათ კმაყოფილება იქნებიან თავიანთ სამწყსოსთან და უგულებელყოფენ ძმათა სიყვარულს, არამხოლოდ მათ მიერ მიტაცებული სამთავროები

ჩამოერთვათ, არამედ, როგორც ვთქვი, მათი საკუთარი ადგილებიც წაერთვათ საერო მთავრების ხელმწიფებით, როგორც შფოთის შემომტანთ. ეპისკოპოსებმა ონორატოსმა და ორბანოსმა თქვეს: თქვენი სიწმინდის უდიდესი განსჯადობა ყველას გონებაში ჩაგვეწერება, და ვგონებთ, რომ მართებული იქნება ყველას პასუხით დავამტკიცოთ თქვენი წინადადება. ყველა ეპისკოპოსმა თქვა: თანახმა ვართ, ვეთანხმებით.*

(მოც. 31, 34; I მსოფ. 8; II მსოფ. 6; III მსოფ. 3, 8; IV მსოფ. 17, 18; ტრულ. 25, 31, 34, 38; ანკირ. 13; ნოკეს. 14; ლანგ. 6; ანტიოქ. 5, 8, 10; ლაოდ. 57; სარდ. 6, 14; კართ. 10, 11, 56; ორგ. 13, 14, 15)

ბევრი კანონი საუბრობს იმის შესახებ, რომ ეპისკოპოსები არ უნდა დადგინდნენ მცირე დასახლებების ადგილებში, სადაც ერთი მღვდელიც საკმარისია (იხ. ლაოდიკის კრების 57-ე, სარდიკის კრების მე-8 და სხვ. კანონები). თუკი დროის ან ადგილის პირობები მოითხოვს, რომ გაიხსნას ახალი საეპისკოპოსო კათედრა (იხ. IV მსოფლიო კრების მე-17 და ტრულის კრების 38-ე კანონები), მაშინ ეს უნდა მოხდეს აუცილებლად იმ ეპისკოპოსის ნებართვით, რომელსაც იქამდე ის ადგილი ან სამთავრო ექვემდებარებოდა. კართაგენელი მამები იძულებულნი გახდნენ, აელორძინებინათ ეს ძირითადი საეკლესიო კანონი, რომელიც ირღვეოდა აფრიკის ეკლესიის ზოგიერთი მთავრობისმოყვარე ეპისკოპოსისა და მღვდლის მხრიდან. იფიწყებდნენ რა ამ კანონს, ბევრი ეპისკოპოსი ძალადობრივი გზით ითვისებდა სხვა ეპისკოპოსის დაქვემდებარებაში მყოფ დასახლებულ ადგილს და საკუთარ ქმედებებს იმით ამართლებდა, რომ ეს ადგილი თითქოს მას ეკუთვნოდა რაღაც მის მიერვე გამოგონილი ხანდაზმულობის უფლებით. როდესაც მმართველი ეპისკოპოსები მიუთითებდნენ მათ თავიანთი კანონიერი უფლების დარღვევაზე, ეს მთავრობისმოყვარენი ამპარტავენულად უარყოფდნენ წაყენებულ ბრალდებებს და, — როგორც კანონი ამბობს, — ძმებთან ურთიერთობებსაც კი წყვეტდნენ. ეპისკოპოსების გარდა, აღნიშნულ საეკლესიო კანონს ზოგიერთი მღვდელიც არღვევდა, და უფრო მეტადაც კი: იმ დროს მრევლს, როგორც ვიცით, უფლება ჰქონდა გაეცხადებინა, თუ ვინ სურდა ეხილა ეპისკოპოსად (იხ. კართ. 50-ე კან.). ამიტომ ზოგიერთი მღვდელი, — „გოროზნი და უგუნურნი“, — ხელმწიფების ხელში ჩასაგდებად, თავიანთი კანონიერი ეპისკოპოსების წინააღმდეგ გამოდიოდნენ და ცდილობდნენ ადგილობრივი მრევლიც მათ საწინააღმდეგოდ განეწყით; იმავდროულად, მოსყიდვისა და ყველანაირი ხრიკებით დარწმუნების გზით, იმავე მრევლს აიძულებდნენ თვითონ ისინი გამოერჩიათ ეპისკოპოსებად, რასაც ზოგჯერ ახერხებდნენ კიდევ. კართაგენელი მამები მთელი სიმკაცრით ილაშქრებენ მსგავსი შემთხვევების წინააღმდეგ, — რამეთუ ისინი ძირს უთხრიდნენ თვით საეკლესიო წესრიგის საფუძველს, — და განაწესებენ, რომ ასეთ პირებს ძალით (ანუ სახელმწიფო ხელისუფლების ჩარევით) უნდა ჩამოერთვათ თავიანთი უფლებამოსილება; აგრეთვე, უკანონოდ მითვისებული ადგილების მმართველობის უფლება და უფრო მეტიც — თვით იმ ადგილებზე მსახურების უფლებაც კი, სადაც მანამდე მსახურობდნენ ეპისკოპოსე-

*კართაგენის 397 წლის მე-4 კანონის მეორე ნაწილი.

ბის ან მღვდლების ხარისხში საკუთარი თავის საზიანოდ. ამასთან, პირველი საყდრის მმართველმა ეპისკოპოსმა სამუდამოდ უნდა აუკრძალოს მათ მღვდელმოქმედება, რამეთუ ისინი სახელმწიფო ხელისუფლებას გადაეცემიან დასასჯელად, — როგორც მუამბოხენი და მშვიდობისა და წესრიგის დამრღვეენი.

კანონი 54 (65)

დაე, ნურც ერთი ეპისკოპოსი ნუ შეიწყნარებს უცხო კლირიკოსს მისი უწინდელი ეპისკოპოსის განჩინების გარეშე.*

(მოც. 15, 35; I მსოფ. 15, 16; IV მსოფ. 5, 10, 20, 23; ტრულ. 17, 18; ანტიოქ. 3; სარდ. 15, 16; კართ. 50, 90)

წინამდებარე კანონით ხდება აღორძინება I მსოფლიო კრების მე-16 კანონის განწესებისა, იმასთან დაკავშირებით, რომ არც ერთმა ეპისკოპოსმა არ უნდა მიიღოს და ხელნი დაასხას თავის ეკლესიაში კლირიკოსს, რომელიც სხვა ეპისკოპოსის იურისდიქციაში შედის. დასახელებული ნიკეის კრების კანონის ჩვენეული განმარტება, კართაგენის ამ კანონის განმარტებასაც ემსახურება. ამ კანონის სრული ტექსტის საფუძველზე (ანუ კართაგენის 397 წლის მე-6 კანონის) შეიძლება დავგვესკვნა, რომ ამ კრების მამებისთვის ცნობილი არ იყო ნიკეის კრების მოხსენიებული განწესება, და რომ, საერთოდ, ეს საკითხი, — კართაგენის მამებისათვის ახალი, — აღიძრა მხოლოდ მას შემდეგ, რაც ეპისკოპოსმა ეპილონემ საჩივარი შეიტანა ეპისკოპოს იულიანეს წინააღმდეგ, რადგან ამ უკანასკნელმა თავისთან გადაიბირა ერთ-ერთი მისი კლირიკოსი და დიაკვნად აკურთხა. ამ აზრს თვით კრების გადაწყვეტილებაც ადასტურებს იმ სახით, როგორითაც ის კანონშია გადმოცემული, და კრების მოთხოვნილება, რომ ეს გადაწყვეტილება, რომელიც საზოგადო გახდა, გავრცელდეს ყველა ეპარქიაზე.

კანონი 55 (66)

აგრილიოს ეპისკოპოსმა თქვა: ჩემი სიტყვა მიიღეთ, ძემებო. მრავალგზის მომხდარა, რომ ეკლესიებს გამოუთხოვიათ ჩემთვის დიაკვნები, მღვდლები თუ ეპისკოპოსები. მახსოვს რა კანონები, ვიცავ მათ: მიემართავ მოთხოვნილი მღვდელმსახურის ეპისკოპოსს და ვუცხადებ, რომ მის მღვდელმსახურს ითხოვს ესა თუ ის ეკლესია. დღემდე წინააღმდეგი არავინ ყოფილა. მაგრამ იმისათვის, რომ მომავალშიც არ მოხდეს ეს, ანუ რომ არ შემეწინააღმდეგონ ჩემ მიერ თხოვილნი (რამეთუ თქვენც იცით, რომ მე მრავალ ეკლესიაზე და ხელდასხმებზე ვზრუნავ), როდესაც რომელიმე თანამწყემსთაგანისადმი მომიწევს მიმართვა თქვენი წოდებიდან ორი ან სამი მოწმის თანდასწრებით, თუკი მოთხოვნილი პირი უღირსი არ აღმოჩნდება; მართებული იქნება თქვენმა სიყვარულმა განსაჯოს, თუ როგორ უნდა მოვიქცე.

*კართაგენის 397 წლის მე-6 კანონი.

რამეთუ მე, როგორც თქვენ იცით, ძმებო, ღვთის ნებით, მრავალ ეკლესიაზე მაკისრია მზრუნველობა. ნუმიდის ეპისკოპოსმა თქვა: ამ საყდარს ყოველთვის ეკუთვნოდა ეს უფლებამოსილება, რათა თითოეული ეკლესიის სურვილით დაადგინოს ეპისკოპოსი, საიდანაც ენებება და ვინც არ უნდა იყოს მისთვის დასახელებული. ეპისკოპოსმა ეპილონემ თქვა: კეთილი ნება ზომიერ-ჰყოფს ხელმწიფებას, რამეთუ შენ, ძმაო, ნაკლებად კადნიერი ხარ, ვიდრე ძალგამს იყო, უჩვენებ რა ყველას შენს სიკეთესა და კაცთმოყვარეობას. შენს განმსჯელობას წინ უძღვის თითოეული ეპისკოპოსის მიმართ პატივისცემის გამოვლინება, მაგრამ მათთან პირველი და ერთჯერადი ურთიერთობისას, თუკი კეთილად ინებებ, მტკიცედ მოითხოვე ის, რაც ამ საყდრის ხელმწიფებაში შედის, რადგან აუცილებლობა გაქვს ყველა ეკლესია განამტკიცო. ამიტომ კი არ გაძლევთ შენ ხელმწიფებას, არამედ დაგებუდავთ მას შენის ნებართვით, რომ შენ ჩვენგან ნება გეძლევა ყოველთვის წარიყვანო ვისაც კი მოისურვებ, და დაუდგინო წინამძღვრები ეკლესიას, და სხვა მოთხოვნილნი, საიდანაც კეთილად და საჭიროდ ჩათვლი. ეპისკოპოსმა პისტუმიტიანოსმა თქვა: თუკი ვინმეს მხოლოდ ერთი მღვდელი ჰყავს, ნუთუ ისიც უნდა წაერთვას? აგრილიოს ეპისკოპოსმა თქვა: ღმერთის წყალობით, ერთ ეპისკოპოსს შეუძლია მრავალი მღვდელი დაადგინოს, ხოლო ეპისკოპოსობის შემძლებელი მღვდელი ადვილად არ მოიძებნება. ამიტომ, ვისაც მხოლოდ ერთი მღვდელი ჰყავს და, ამასთან – ღირსიც ეპისკოპოსობისა, მაშინ ეს ერთიც უნდა მისცეს ხელდასხმისათვის. ეპისკოპოსმა პისტუმიტიანოსმა თქვა: მაგრამ თუ ერთ ეპისკოპოსს ბევრი მღვდელი ჰყავს, სხვისი ეს სიმრავლე მოვალეა დამეხმაროს მე. აგრილიოს ეპისკოპოსმა თქვა: ნამდვილად, როგორადაც შენ დაეხმარე სხვა ეკლესიას, ამგვარადვე, კლირიკოსთა უფრო დიდი რიცხვნობის მქონე აღძრული იქნება იმად, რომ მათი რიცხვიდან გამოგიყოს შენ ხელდასხმისათვის.*

(მოც. 15, 16; IV მსოფ. 5, 10, 20, 23; ტრულ. 17, 18; ანტიოქ. 3; სარდ. 15, 16; კართ. 54, 90)

ამ კრების წინა (54-ე) კანონით დადგინდა, რომ არც ერთ ეპისკოპოსს არა აქვს უფლება თავისი ეპარქიისათვის აკურთხოს კლირიკოსი, რომელიც სხვა ეპარქიას მიეკუთვნება. ამის გაკეთება მას შეუძლია მხოლოდ იმ მმართველი ეპისკოპოსის თანხმობით, რომლის იურისდიქციაშიც იმყოფება განსახილველი კლირიკოსი. ეს არის საერთო კანონიკური განწესება ყველა ეპარქიალური ეპისკოპოსისათვის. ამ განწესებით მართებულია სარგებლობა იმ შემთხვევაშიც, როდესაც ხდება რომელიმე ეპარქიის ეპისკოპოსად ხელდასხმა სასულიერო პირისა, რომელიც არ მიეკუთვნება იმ სამიტროპოლიტო სამთავროს, რომლის შემადგენლობაშიც აღნიშნული ეპარქია შედის. თუკი იმის აუცილებლობა იქნება, რომ სხვა სამიტროპოლიტო (ან საპატრიარქო) სამთავროდან მოიწვიონ კანდიდატი გამოთავისუფლებულ საეპისკოპოსო კათედრაზე დასადგინებლად, მაშინ ამ სამთავროს მმართველმა მიტრო-

პოლიტმა (ან პატრიარქმა) უნდა მიმართოს იმ მიტროპოლიტს, რომელსაც კანონიკურად ექვემდებარება კანდიდატად გამორჩეული აღნიშნული სასულიერო პირი, და მისგან ითხოვოს სათანადო თანხმობა. ამ საერთო კანონიკური ნორმიდან იყო გათავისუფლებული კრების მიმდინარეობის დროს კართაგენის ეპისკოპოსი, — როგორც *primas totus Afrिकाe*, — რომელსაც კრება, უდასტურებს რა წინამდებარე კანონით ამ პრივილეგიას, უფლებას აძლევს ხელნი დაასხას გამოთავისუფლებულ საეპისკოპოსო კათედრაზე ნებისმიერს, ვისაც მოისურვებს (სხვა სამთავროდანაც), იმ მოთხოვნის გვერდის ავლით, რომლის თანახმადაც მას თანხმობა უნდა ეთხოვა იმ ეპისკოპოსისათვის, რომლის დაქვემდებარებაშიც აღმოჩნდებოდა მის მიერ შერჩეული საეპისკოპოსო კანდიდატი. მსგავსი პრივილეგია ვერ ჩაითვლებოდა საერთო კანონის განწესებად: ყველა სხვა სამთავრო ეკლესიისათვის, რომელთა წინამძღვრებსაც ასეთი პრივილეგია არ გააჩნდათ, ძალა ჰქონდა საერთო კანონის განწესებას. ამგვარად, თუკი აუცილებელი გახდება გამოთავისუფლებულ საეპისკოპოსო კათედრაზე მოწვეულ იქნეს სხვა სამთავროს სასულიერო პირი, მაშინ ამ სამთავროს მთვრობამ, ანუ სინოდმა, უნდა სთხოვოს და მიიღოს თანხმობა იმ წინამძღვრისაგან, რომლის იურისდიქციის ქვეშაც მსახურობს ეპისკოპოსობის კანდიდატად შერჩეული სასულიერო პირი. ამ განწესების შეუსრულებლობა იქნებოდა კანონიკური განწესების დარღვევა.

კანონი 56 (67)

ითოვებული ეპისკოპოსისათვის დაქვემდებარებული სამრევლო დაცულთა განწესებით, კერძოდ, გარკვეულ სამრევლოს შემადგენლობას არც ერთი ადგილი არ უნდა ჩამოერთვას და მისი მმართველი ეპისკოპოსის თანხმობის გარეშე არ უნდა დადგინდეს იქ საგანგებო ეპისკოპოსი; თუკი ის დაუშვებს, რომ გარკვეულმა რაიონმა თავისი ეპისკოპოსი მიიღოს, მაშინ ამ ადგილზე დადგინებულმა, არ უნდა გაავრცელოს თავისი ხელმწიფება სხვა მეზობელ რაიონებზე, რადგან მხოლოდ ეს ერთი იყო გაყოფილი სხვათა შემადგენლობიდან და პატივდებული იმით, რომ ჰყოლოდა თავისი საგანგებო ეპისკოპოსი.*

(მოც. 31, 34; I მსოფ. 8; II მსოფ. 6; III მსოფ. 3, 8; IV მსოფ. 17, 18; ტრულ. 25, 31, 34, 38; ანკირ. 13; ნეოკეს. 14; ლანგ. 6; ანტიოქ. 5, 8, 10; ლაოდ. 57; სარდ. 6, 14; კართ. 10, 11, 53, 98; ორგ. 13, 14, 15)

სარდიკიის კრების მე-6 კანონის განწესების თანახმად, ისეთ პატარა ქალაქსა თუ სოფელში, სადაც ერთი მღვდელიც საკმარისია, ეპისკოპოსი არ უნდა დგინდებოდეს. ამ კანონს კი მოჰყავს შემთხვევა, როდესაც ეპარქიის მთავარი ქალაქის მმართველი ეპისკოპოსის სურვილით, გარკვეული სამრევლოების მქონე ერთ-ერთ პატარა ქალაქში დგინდება საგანგებო ეპისკოპოსი. მსგავსი შემთხვევისათვის

*კართაგენის 397 წლის მე-6 კანონი.

კანონი განაწესებს, რომ ამ ეპისკოპოსს შეუძლია იურისდიქციით ისარგებლოს მხოლოდ ამ ქალაქში და, ასევე, იმ სამრევლოებში, რომლებიც მას კრებამ დაუქვემდებარა, და არასეზით გააერცვლოს თავისი ხელისუფლება სხვა ახლო სამრევლოებზე, რათა არ დაარღვიოს იმ ეპისკოპოსის უფლებანი, რომლის თანხმობითაც მას ზუსტად განესაზღვრა მართვის რაიონი. ამ განწესების დამრღვევი ეპისკოპოსი სასჯელს იმსახურებს ამავე კრების 53-ე კანონის განაჩენით, კერძოდ, უფლებას კარგავს არამხოლოდ უკანონოდ მითვისებულ სამრევლოებზე, არამედ იმათზეც, რომლებიც კრების დადგენილებით შედიოდა მის მმართველობაში. ამასთანავე, სამოქალაქო ხელისუფლებისგანაც ექვემდებარება სასჯელს, როგორც სხვისი საკუთრების მიმთვისებელი.

კანონი 57 (68)

თქვენს ერთსულოვნებას ჩემთან ერთად* ახსოვს წინამორბედ კრებაზე განსაზღვრული: მცირეწლოვანებისას დონატისტების მიერ მონათლულნი, რომლებსაც მაშინ არ შეეძლოთ იმის შეცნობა, თუ რა დამღუპველია მათი ცდომილება, მაგრამ რომლებმაც განსჯის უნარის შეძენა ასაკის მიღწევის შემდეგ, შეიცნეს ჭეშმარიტება და მოიბაგეს მათი ცდომილება, დაე, უძველესი წესის მიხედვით – ხელდადებით იქნენ მიღებული ღმერთის კათოლიკე, მთელ ქვეყნიერებაზე გავრცობილ ეკლესიაში. უწინდელი ცდომილების სახელწოდება არ უნდა იყოს დაბრკოლება მათი მიღებისათვის სამღვდლო ხარისხში, როცა ისინი, შეუდგენ რა სარწმუნოებას, ჭეშმარიტი ეკლესია თავისად აღიარეს და მასში ქრისტე იწამეს, მიიღეს სამების საიდუმლონი, რომელნიც, ცხადია, ჭეშმარიტი, წმიდა და ღვთაებრივია, და რომლებზეც დამყარებულია სულის მთელი სასოება, მიუხედავად იმისა, რომ მწვალებელთა წინანდელი კადნიერება უგუნურად ესწრაფოდა ჭეშმარიტების სახელით გადმოეცა (ექადაგა) რალაც საწინააღმდეგო. ეს მართივითა, როგორც წმინდა მოციქული გვასწავლის, როდესაც ამბობს: „ერთ არს უფალ, ერთ სარწმუნოება, ერთ ნათლი-სლება“ (ეფეს. 4, 5), და ის, რაც ერთხელ უნდა მიეცეთ, დაუშვებელია ხელახლა მიიღონ. ამიტომ, მას შემდეგ, რაც ცდომილების (მწვალებლობის) სახელწოდებას შეაჩვენებენ, დაე, ხელდადებით მიღებულ იქნენ ერთიან ეკლესიაში, რომელიც, დაწერილისამებრ, არის მტრული (ზღრ. ქებათა ქება, 2, 10), ერთადერთი დედა ქრისტიანეთა, და რომელიც საცხოვნებლად გვანიჭებს ყველა საუკუნო და ცხოველმყოფელ საიდუმლოს, ხოლო მწვალებლობაში მყოფებზე დიდი სასჯელით განკითხვას მოაწევს. რაც ჭეშმარიტების ნათელში მათი წინამძღოლი შეიძლება ყოფილიყო საუკუნო ცხოვრებისაკენ, ის კიდევ უფრო დამაბნელებელი და განმკითხველი ხდება მათთვის ცდომილებაში ყოფნისას. ეს ზოგიერთებმა აიცილეს თავიდან, და შეიცნეს რა დედის – კათოლიკე ეკლესიის პირდაპირი (მართალი) გზა, ყველა სხვა წმინდა საიდუმლოც,

*ამას. კრებაზე, აერლიოსი წარმოთქვამს, კართაგენის ეპისკოპოსი.

ჭეშმარიტების სიყვარულით ირწმუნეს და მიიღეს. ვერავინ შეძლებს იმის უარყოფას, რომ ესევეთარნი, როცა ყოველივეს მათი კეთილი ცხოვრების შესახებ მოწმობაც დაემატება, უეჭველად მართებულად იქნებიან დადგინებულნი სამღვდელთა წოდებაში წმინდა საიდუმლოთა მსახურებისათვის, განსაკუთრებით ესოდენ მძიმე ვითარებაში. ხოლო თუკი იმავე, ანუ დონატის სწავლების მიმდევარი კლირიკოსები მოისურვებენ თავიანთ მრევლთან ერთად შემოგვიერთდნენ ჩვენ, და თავიანთ ხარისხებში, პატივმოყვარეობისა გამო, რათა ერს ცხოვრებაში რჩევები მისცენ, და ცხოვრებისათვის ხარისხები შეინარჩუნონ, გვონებ, შეიძლება მათთვის ამ მდგომარეობის დატოვება სანამ ზემოხსენებული ძმები* ძალზე ყურადღებიანი განსჯის შემდეგ, თავიანთ შეხედულებას არ მოგვაწვდიან, რათა მათ თავიანთი უკეთილგონიერესი ბჭობით გამოიძიონ ჩვენი წინადადების საგანი და ღირსგვყონ იმაში განსამტკიცებლად, თუ რისი დადგინებაა საჭირო ამ საქმესთან დაკავშირებით. ამჯერად კი შემოვიფარგლებით მხოლოდ დონატისტების მიერ ჩვილობაში მონათლულებით, დაე, თანხმობა განაცხადონ ზემოხსენებულმა ძმებმა ჩვენს გადაწყვეტილებაზე, თუკი სათნოდ უჩანთ, რათა ხელნი დაეასხათ ხოლმე ესევეთართ.**

(მოც. 46, 47, 68; I მსოფ. 8; II მსოფ. 7; ტრულ. 95; კართ. 47, 66, 67, 68, 69, 92, 93, 94, 99, 117, 118, 119, 124)

47-ე კანონის პირველი ნაწილის განმარტებაში, უმთავრესად საუბარი იყო იმის შესახებაც, თუ რა შეადგენს ამ კანონის განსახილველ საგანს, რომელშიც ნათლისღების საიდუმლოსთან დაკავშირებით გამოთქმულია შესანიშნავი აზრი, რომ საიდუმლოთა დანიშნულებისა და მნიშვნელობის საცესებას მაშინ აქვს ადგილი, როდესაც ისინი მართლმადიდებელ ეკლესიაში აღესრულება.

საკითხი იმის შესახებ, უნდა მიიღებოდნენ თუ არა მართლმადიდებელ სამღვდელთა დასში დონატისტული კლირიკოსები თავიანთი იერარქიული ხარისხის შენარჩუნებით, რის შესახებაც ამ კრების 68-ე კანონიც საუბრობს, ავრილიოსის აზრით (რომელიც ამ (57-ე) კანონის მიღების წინადადებით შემოვიდა) განსახილველად უნდა გადაეცეს ზემოხსენებულ უფროს ძმობას, რომელმაც თავისი აზრი უნდა გამოთქვას ამასთან დაკავშირებით. ამ ძმობის წევრები იყვნენ რომის ეპისკოპოსი ანასტასი და მილანის ეპისკოპოსი ვევირი. ისინი გაცვილებით მკაცრად მსჯელობდნენ დონატისტებთან მიმართებით, ვიდრე აფრიკელი ძმები და უარყოფდნენ მართლმადიდებელ ეკლესიაში მიღებისას მათი იერარქიული ხარისხების აღიარების აუცილებლობას. კრების შეკითხვაზე ანასტასი რომაელმა განსაკუთრებული წერილით გამოთქვა თავისი მოსაზრება და ის 401 წლის კრების 13

*ანუ რომელთა შეხედულებებსა და რჩევებს მოელის აქ კრება, როგორც ეს ავრილიოსის წინარე სიტყვიდან ჩანს ამ კრების საქმეებში: ესენი არიან ანასტასი, — რომის ეპისკოპოსი და ვევირი, — მედიოლანის ეპისკოპოსი. ამ ორი საყდრის შეხედულება ავრილიოსის საჭიროდ მიაჩნია საეკლესიო ვითარებების შესანარჩუნებლად, იმიტომ, რომ რომისა და მედიოლანის ეპისკოპოსები მანამდე ფიქრობდნენ, რომ არ მიეღოთ ყოფილი დონატისტები სამღვდელთა წოდებაში.

**კართ. 401 წლის კრების 1 კანონი.

სექტემბრის სხდომაზე იქნა წაკითხული, — როგორც ეს ჩვენთვის ცნობილია ამ კრების საქმეთა შესავალი ნაწილიდან.* წერილის შინაარსი ცნობილი არ არის, მაგრამ შესავალი სიტყვიდან ჩანს, რომ ანასტასი არ იწონებს აფრიკელი მამების დათმობაზე წასვლას და ურჩევს ერიდონ ვერაგობასა და თავხედობას მწვალებლებისა და სქიზმატ-დონატისტების მხრიდან, რომლებმაც ეგ ზომ ბოროტება მოუტანეს აფრიკულ ეკლესიას. აფრიკელმა მამებმა ამისთვის მადლიერება გამოხატეს ანასტასის მიმართ, მაგრამ რადგანაც მდგომარეობა აიძულებდა მათ ღმობიერად მოპყრობოდნენ დონატისტებს (იხ. 66-ე კან.), ამიტომ გადაწყდა მიეღოთ მართლმადიდებელი ეკლესიის დასში დონატისტელი კლირიკოსები (კან. 68).

კანონი 58 (69)

გემართებს, თხოვნით მიემართოთ უკეთილმსახურეს მეფეებს, რათა ბრძანონ, სრულიად აღმოფხვრან კერპების ნარჩენები მთელ აფრიკაში (რამეთუ ბევრ ზღვისპირა ადგილებში და სხვადასხვა სამფლობელოებში ჯერ კიდევ შენარჩუნებულია ამ ცდომილების უკეთური ძალა). დაე, მცნებად იქნეს დადებული, რომ კერპებიც მოისპოს და მათი საკერპე ბომონებიც, უსახურად მდგარნი სოფლებსა და დაფარულ ადგილებში; ყველა საშუალებით დაინგრეს ისინი.**

(კართ. 8)

მოყვანილი ტექსტი, არსებითად, სრულიადაც არ არის კანონი, არამედ — ბრძანების (наказ) ერთ-ერთი პუნქტი, „შეხსენება“ (напоминание, commonitorium) კრების მიერ იმპერატორებთან (არკადისთან და ჰონორესთან) წარგზავნილი დელეგატებისათვის, თუ რის შესახებ უნდა იშუამდგომლონ მათ წინაშე. დელეგატებისთვის გადაცემული ბრძანების დანარჩენი პუნქტები შეადგენს შემდეგ ექვს კანონს (59-64). ხოლო, რაც შეეხება ამ კანონის (58-ე) შემცველ თხოვნას, მოესპოთ აფრიკაში კერპების ნაშთები, დაკმაყოფილებულ იქნა და გამოიცა ამის შესაბამისი კანონები. სახელმწიფო ხელისუფლებისადმი კართაგენის კრების ეს მიმართვა დახმარების აღმოსაჩინად, ზოგადად წარმოადგენს ეკლესიასა და სახელმწიფოს შორის იმ ძირითად პრინციპს, რომელიც სწორი დამოკიდებულების შემთხვევაში უნდა არსებობდეს ქვეყანაში საერთო კეთილდღეობის დასამყარებლად. გარდა ამისა, აქედან ჩანს, რომ ერში რწმენისა და ზნეობრიობის შესანარჩუნებლად, ეკლესია საჭიროებს სახელმწიფო ხელისუფლების დახმარებას და ელოდება მას, უმთავრესად იმ შემთხვევებში, როდესაც არასაკმარისია უშუალოდ ეკლესიის ზნეობრივი ზემოქმედება. თავისი პირადი ინტერესებიდან გამომდინარე, სახელმწიფო ხელისუფლება ეკლესიის თხოვნას ყოველთვის ეხმაურებოდა და უწყვედა იმ დახმარებას, რომელიც შეეძლო გაეწია იმის გათვალისწინებით, რომ მის ხელთ იყო შეიარაღებული ძალები და შეეძლო გამოეყენებინა ისინი საეკლესიო ხელისუ-

*ათენის სინტაგმა, III, 474.

**კართ. 401 წლის კრების მე-2 კანონი.

ფლები იმ დადგენილებათა ძალით შესასრულებლად, რომლებიც მიმართული იყო სარწმუნოების განმტკიცებისა და მშვიდობიანი წესრიგის შენარჩუნებისაკენ, მაშინ, როდესაც თავად ეკლესია, თავისი თვისებიდან გამომდინარე, მხოლოდ ზნეობრივ საშუალებებს ფლობს. ეკლესიასა და სახელმწიფოს შორის ამგვარი დამოკიდებულების შედეგად დაწესდა მნიშვნელოვანი კანონი, უფრო სწორად – სახელმწიფო ხელისუფლების ვალდებულება, დაიცვას ეკლესიის უფლებები და კანონები, დაიცვას საწმუნოება და იზრუნოს იმაზე, რომ საეკლესიო ცხოვრებაში შენარჩუნებულ იქნეს მშვიდობა და წესრიგი.

კანონი 59 (70)

გემართებს, თხოვნით მიემართოთ უკეთილმსახურეს მეფეებს, რათა კეთილად ინებონ ამის დაკანონებაც: თუკი ზოგიერთნი ისურვებენ რაიმე საქმის განხილვას ეკლესიის სამსჯავროში იმ სამოციქულო უფლების თანახმად, რომელიც ეკლესიებს აქვთ, და თუ, ვინძლო, ერთ-ერთი მხარე უკმაყოფილო დარჩება სამღვდელთა გადაწყვეტილებით, მაშინ ნუ იქნება ნებადართული სამსჯავროზე მოწმედ იმ სამღვდელთა მოწოდება, რომელიც მანამდე განიხილავდა საქმეს, ან მის განხილვას ესწრებოდა, და საეკლესიო პირის თვით სახელეულთაგანაც ნურავინ იქნება მიყვანილი სასამართლოში მოწმის ვალდებულებით.*

(მოც. 74, 75; IV მსოფ. 9; კართ. 131)

ამ კანონის, უფრო ზუსტად – იმპერატორებისადმი თხოვნების, უკეთ გასაგებად, აუცილებლად უნდა გვახსოვდეს, რომ იმპერატორ კონსტანტინე დიდის ნებართვით, თითოეულ ქრისტიანს უფლება ჰქონდა კერძო უფლების საკითხებთან დაკავშირებით მიემართა საეკლესიო სასამართლოსათვის, თანაც, ამ სასამართლოს გადაწყვეტილებას ისეთივე ძალა ჰქონდა, როგორც – სამოქალაქო სასამართლოს განაჩენს. საეკლესიო სასამართლოს ეს პრივილეგია შემდგომში შეზღუდა იმპერატორმა პონორომე, თავისი 399 წლის კანონით: „როდესაც საქმე რელიგიას ეხება, სასამართლო ეპისკოპოსებმა უნდა აწარმოონ, მაგრამ დანარჩენი საქმენი, რომლებიც ჩვეულებრივი სასამართლო მოხელის კომპეტენციაში შედის ან განეკუთვნება ჩვეულებრივი სამართლის სფეროს, უნდა მოისმინებოდეს კანონიერი წესით“. იმპერატორის ამ დადგენილების შედეგად, საეკლესიო სასამართლოს საერთოდ ჩამოერთვა უფლება ეწარმოებინა ქრისტიანებს შორის კერძო სადავო საკითხებთან დაკავშირებული საქმეები. თავიანთ „შეხსენებაში“, კართაგენელი მამები შეახსენებენ დელეგატებს, რომ მათ უნდა იშუამდგომლონ იმპერატორების წინაშე საეკლესიო სასამართლოებისათვის ამ საქმეების წარმოების უფლების გადაცემაზე, და რომ მათ მიერ გამოტანილი განაჩენი საბოლოო უნდა ყოფილიყო და ამის შემდეგ ვერც ერთ მხარეს ვეღარ უნდა მიემართა სხვა სასამართლოსათვის ამ საკითხზე. თავიანთ თხოვნას კართაგენელი მამები ამართლებენ მოციქულთა კანონით.

*კართ. 401 წლის კრების მე-3 კანონი.

ნით, კერძოდ, ეყრდნობიან პავლე მოციქულის დადგენილებას (იხ. I კორ. 6, 1-5) იმის თაობაზე, რომ ქრისტიანებმა ყველა სადავო საკითხი უნდა გადაწყვიტონ საეკლესიო სასამართლოში. გამოაქვთ რა ასეთი დადგენილება, კართაგენელი მამები იმასაც ითვალისწინებენ, რომ ზოგიერთი პირი მიმართავდა ჯერ საეკლესიო სასამართლოს და შემდეგ, განაჩენით უკაყოფილო, იმავე საქმით სამოქალაქო სასამართლოში მიდიოდა, თანაც ითხოვდა იქ, მოწმის სახით, იმ სასულიერო პირების გამოძახებას, რომლებიც მანამდე საეკლესიო სასამართლო პროცესში იყვნენ ჩართულნი, ან – მათი ნათესაუბრისას. იმისათვის, რომ წინააღმდეგობა გაუწიონ საქმის ასეთ არასწორ მსვლელობას, მამები თავიანთ „შესხენებაში“ დღევნაობებს ასხენებენ, რომ იმპერატორებს ამის შესახებაც უნდა სთხოვონ.

კანონი 60 (71)

გემართებს, ვთხოვოთ ქრისტიან მეფეებს ესეც: რადგანაც საღმრთო მცნებების საწინააღმდეგოდ ბევრ ადგილებში აღესრულება წარმართული ცდომილებიდან შემოტანილი ღრეობები, ისე, რომ წარმართთა მიერ ქრისტიანებიც მიიზიდებიან ფარულად მათში მონაწილეობისათვის, ამიტომ, დაე, ბრძანონ ამგვარი ღრეობების აკრძალვა ქალაქებშიც და სოფლებშიც, და მეტადრე იმიტომ, რომ ზოგიერთ ქალაქში არ ეშინიათ ამგვარად შესცოდონ თვით ნეტარი მოწამეების ხსენების დღეებშიც და თანაც წმინდა ადგილებში. ამ დღეებში, – სათქმელადაც კი სირცხვილია, – მინდვრებსა და მოედნებზე უჯერო როკებს ასრულებენ და უხამსი სიტყვებით შეურაცხყოფენ ოჯახის დედათა ღირსებას და სხვა ურიცხვი კეთილმორწმუნე დედის უბიწოებას, რომლებიც წმინდა დღეებში იკრიბებიან, ისე, რომ ლამის გაქცევა ხდება საჭირო თვით წმინდა სარწმუნოების სავანიდან.*

(ტრულ. 24, 51, 62, 65; ლაოდ. 54; კართ. 15, 45, 63)

იხ. ტრულის კრების 24-ე და 62-ე კანონების განმარტებები.

კანონი 61 (72)

გემართებს, აგრეთვე, ვითხოვოთ ისიც, რომ აიკრძალოს სამარცხვინო თამაშების წარმოადგენა კვირა დღეს და ქრისტიანული სარწმუნოების სხვა ნათელ დღეებში, მით უმეტეს, რომ წმინდა ადგილის რვა დღის განმავლობაში ხალხი უფრო ცხენების ჯირითის ადგილას იკრიბება, ვიდრე ეკლესიაში. საჭიროა შეიცვალოს სამარცხვინო სანახაობებისათვის განკუთვნილი დღეები, როცა ისინი ემთხვევა (ეკლესიის) სადღესასწაულო დღეებს, და ქრისტიანთაგან არავის აიძულონ ამ სანახაობებზე წასვლა.**

(მოც. 9; ტრულ. 24, 66; ანტიოქ. 2)

იხ. ტრულის კრების 66-ე კანონის განმარტება.

*კართ. 401 წლის კრების მე-4 კანონი.

**კართ. 401 წლის კრების მე-5 კანონი.

კანონი 62 (73)

გემართებს, ვითხოვთ ესეც, რათა კეთილად ინებონ დააკანონონ, რომ ნებისმიერი ხარისხის სამღვდელოს გამოქომაგების ნება, განსჯილისა რაიმე დანაშაულისათვის ეპისკოპოსთა სამსჯავროს მიერ, არ მიეცეს არც იმ ეკლესიას, სადაც ის მსახურობდა, არც რომელიმე ადამიანს, და რათა სასჯელად ამისთვის დადგენილ იქნეს ფულადი ზღვევინება, ანდა პატივის აყრა, და რათა ბრძანონ, რომ ამაში გასასამართლებლად არ იქნეს მხედველობაში მიღებული არც ასაკი, არც სქესი.*

(მოც. 28; I მსოფ. 5; II მსოფ. 6; IV მსოფ. 9; ანტიოქ. 12, 14, 15; კართ. 29, 65, 129)

ამ კანონით მტკიცდება საერთო საეკლესიო ნორმა იმასთან დაკავშირებით, რომ რომელ იერარქიულ ხარისხშიც არ უნდა იყოს კლირიკოსი, მმართველ ეპისკოპოსს აქვს მისი გასამართლების უფლება. თუ კლირიკოსს, გასამართლების შემთხვევაში მოეჩვენება, რომ მის მიმართ გამოტანილი განაჩენი არ არის სამართლიანი, მას უფლება ეძლევა მიმართოს უმაღლეს საეკლესიო სასამართლოს და იქ ეძებოს თავისი სიმართლე. საეკლესიო სასამართლოს მიერ გამოცხადებული განაჩენი შეუცვლელი უნდა დარჩეს და ვერაინ გახედოს მსჯავრდებულის თავისი დაცვის ქვეშ აყვანა და მისი სასჯელისაგან გათავისუფლების მოთხოვნის წამოყენება. თუმცაღა, ზოგჯერ ადგილი ჰქონდა ისეთ შემთხვევებს, როდესაც მსჯავრდებული თავიანთი დაცვის ქვეშ აპყავდათ იმ ეკლესიის კლირიკოსებს, სადაც ის მანამდე მსახურობდა, ან სხვა რომელიმე ცნობილი პირს. ამის გამო, კართაგენელი მამები წინამდებარე კანონით შეამდგომლობენ იმპერატორების წინაშე და თხოვენ, გამოსცენ კანონი მსგავსი დაუპატიუბელი ადვოკატების წინააღმდეგ, რამეთუ ისინი ამით მხოლოდ საეკლესიო სასამართლოს ავტორიტეტს უთხრიან ძირს და ხელს უშლიან მათი გადაწყვეტილებების აღსრულებას, რისთვისაც მართებული იქნება მათი შესაბამისად დასჯა. ეს სასჯელი, მათი აზრით, უნდა იყოს ფულადი გადასახადი ან – პატივის აყრა (უპატიოება). ამასთან, ასეთი პირები საკუთარი თავის გამართლებას და პასუხისმგებლობისგან თავის დაძვრენას არ უნდა ეცადონ ასაკის მომიზეზებით (ხადაზმულობის ან ახალგაზრდობის გამო), არც სქესის – თე ეს ქალის მიერ არის ჩადენილი.

ამ კანონში კართაგენელი მამები საუბრობენ ფულადი ჯარიმების შესახებ, რომელიც სახელმწიფო ხელისუფლებამ უნდა დააკისროს იმ პირს, ვინც ეპისკოპოსების მიერ გასამართლებული მსჯავრდებულის დაცვას დაიწყებს; ვინც არ უნდა იყოს იგი, – როგორც ბალსამონი განმარტავს, – სასულიერო თუ საერო პირი. კანონი ამბობს, რომ მმართველი ეპისკოპოსის სასამართლოთი, რომელსაც უფლება ექნება ასეთი სახის დამნაშავენი თავისთან გამოიძახოს, ფულადი ჯარიმები მათ არ ეკისრებათ, მაგრამ ამ სასამართლოს თხოვნით, სასჯელს, ფულადი ჯარიმის სახით, აკისრებს სახელმწიფო ხელისუფლება. აქედან ჩანს ამ სასჯელის ხასიათი, რომ იგი წარმოადგენს სამოქალაქო და არა საეკლესიო სასჯელს; რადგანაც ეკლესია არ ითვისებს უფლებას დაადოს დამნაშავეს რაიმე საერო

*კართ. 401 წლის კრების მე-6 კანონი.

სასჯელი, ამიტომ არც ფულადი ჯარიმების გადახდისას ითვისებს ამას. ეს საესე-
 ბით უთანხმება მართლმადიდებლური საეკლესიო სამართლის საერთო სწავლებას
 იმის შესახებ, თუ რა სასჯელები შეიძლება გამოიტანოს საეკლესიო სასამართლო
 დამნაშავეთა მიმართ. ფულადი ჯარიმა, როგორც სამოქალაქო ხასიათის შემცველი
 სასჯელი, შეიძლება დააკისროს მხოლოდ სამოქალაქო ხელისუფლებამ. თუკი საეკ-
 ლესიო მთავრობა თავისი სასამართლო მოღვაწეობის ზოგიერთ შემთხვევაში შეხ-
 ვდება იმის აუცილებლობას, რომ ასეთ სასჯელს დაუქვემდებაროს რომელიმე
 სასულიერო ან საერო პირი, — რაიმე ისეთი დანაშაულისათვის, რომელიც საეკლესიო
 სასამართლოს მიერ არის განსახილველი, — მაშინ, რადგან თვითონ არ ფლობს
 არავითარი ფიზიკური ძალების საშუალებებს, ამიტომ მიმართავს სამოქალაქო
 ხელისუფლებას, რომელიც გამოიყენებს იმ საშუალებებს, რაც მის ხელთ არის
 იმისათვის, რომ აიძულოს დამნაშავე შესარულოს მის მიმართ გამოტანილი განა-
 ჩენი. უახლეს საეკლესიო-სასამართლო პრაქტიკაში, ეს ფულადი სასჯელი ითვლეს
 როგორც სრულიად დამოუკიდებელი სასჯელი, რომელიც დამნაშავეს ეკისრება
 საეკლესიო სასამართლოს მიერაც, მაგრამ მისი მხრიდან ამ სასჯელის გამოტანას
 შეიძლება ჰქონდეს აღმასრულებელი ძალა არა თავისთავად, არამედ იმიტომ, რომ
 შესაბამისი თანამედროვე საეკლესიო-სასამართლო წესდებებმა მიიღეს სახელმწი-
 ფო სანქცია, რის საფუძველზეც სახელმწიფო ხელისუფლებამ საეკლესიო სასა-
 მართლოს დაუთმო ერთ-ერთი თავისი უფლება სისხლის სამართლის საქმის სასა-
 მართლო წარმოებისას.

კანონში საუბარია დამნაშავეთა სხვა სასჯელის შესახებაც, კერძოდ, პატივის
 აყრის შესახებ, რომელიც აქ წარმოდგენილია ისევე, როგორც სამოქალაქო (და
 არა საეკლესიო) სისხლის სამართლის სასჯელი. ეს სწორედ რომ სამოქალაქო
 სასჯელი არის, რომელიც რომაულ სამართალში იმ „სამოქალაქო უფლებების (ან
 ჩამორთმევის) შეზღუდვის“-ის ნუსხაში შედიოდა, რომლის მიხედვითაც დამნაშავე,
 გარკვეული დანაშაულისათვის, კარგავდა ყველა სამოქალაქო უფლებას ან მის
 ნაწილს,* და საზოგადოებისათვის ხდებოდა „უპატიო“, რის გამოც თვით სასჯელს
 ეწოდება „უპატიობა“. ეს სასჯელი საეკლესიო სისხლის სამართლის კანონმდებ-
 ლობაბამც მიიღო და საეკლესიო სამართალში კიდევ მეტი მნიშვნელობა ჰპოვა,
 ვიდრე მას რომაულ სამართალში ჰქონდა, — ეკლესიის წმინდა ხასიათიდან გამომ-
 დინარე, რომლის ყოველი წევრიც თავისუფალი უნდა იყოს ყველაფერ იმისგან,
 რასაც შეუძლია დააკენოს მისი ღირსება და შეურაცხოს საზოგადოებაში მისი
 კეთილი სახელი. როგორც სასჯელი, საეკლესიო სამართლის თანახმად, ის მოიცავს
 სრულ ან ნაწილობრივ ჩამორთმევას საეკლესიო პრივილეგიებისა და უფლებებისა,
 და ეკლესიის მიერ იგი იმ პირის მიმართ გამოიტანება, რომელმაც თავისი არაქრის-
 ტიანული ყოფაქცევით აჩვენა, რომ არ არის ღირსი ამ უფლებების და პრივილე-
 გიების; მას უკვე, ამ კრების 129-ე კანონის განწესების თანახმად, აღარ აქვს
 უფლება რამე სახის საჩივარი შეიტანოს სამოქალაქო საქმეების მწარმოებელ
 სასამართლოში.

*რომის სამართალში „უპატიობა“ (ინჟამა) შეიძლება ყოფილიყო მაქსიმალური, საშუალო
 და მინიმალური; ზუსტად ასევე საეკლესიო სამართალშიც. იხ. XIV ტიტლოვანი ნოჰიკანონი,
 IX, 27; XIII, 21.

კანონი 63 (74)

გემართებს, ვითხოვთ ესეც: თუ ვინმე, მსახიობობით გატაცებულთაგან, მოისურვებს ქრისტიანობის მადლს მიეახლოს და გათავისუფლდეს იმ ბიწისაგან, მაშინ, დაე, ნურავის მიეცემა უფლება კვლავაც მიდრიკოს ან აიძულოს იგი იმავე საქმიანობას დაუბრუნდეს.*

(მოც. 52; ტრულ. 24, 51; კართ. 45)

ქრისტიან მსახიობებთან დაკავშირებით, ჩვენ ვიხილეთ ამ კრების 45-ე კანონის დადგენილება, რომელიც განაწესებს მათ ეკლესიასთან შერიგებას და მათთვის წმინდა ზიარების პატივიმეებას, თუ ისინი შეინანებენ და სამსახურს მიატოვებენ. წინამდებარე კანონში კი საუბარია იმ მსახიობების შესახებ, რომლებიც ქრისტიანები არ ყოფილან, მაგრამ გამოხატეს ნათლისღების სურვილი. მსახიობების სამსახური, გარკვეულწილად მუდმივი იყო და ვინც ერთხელ მათ რიგებში ჩაეწერებოდა, თავაურიდებლად ბოლომდე უნდა ემსახურა, რადგან, მაშინდელი სამოქალაქო კანონმდებლობით, ვინც თავის დროზე სამსახურში არ გამოცხადდებოდა, ისჯებოდა. კართაგენელი მამები ამ კანონით შეახსენებენ თავიანთ დელეგატებს, იშუამდგომლონ იმპერატორების წინაშე ისეთი კანონის გამოსაცემად, რომელიც აკრძალავდა იმ პირების თეატრალური მსახურების იძულებას, რომლებიც ქრისტიანობისკენ მოექცნენ, ნათლობა მიიღეს და სურთ წმინდად შეინარჩუნონ თავი მსგავსი უწმინდურობისაგან.

კანონი 64 (75)

ეკლესიაში (მონის) გათავისუფლების (გააზატების) გამოცხადების შესახებ თუკი მოკვლეული იქნება, რომ ამას აკეთებენ ჩვენი თანამწირველნი იტალიაში, მაშინ, მათდამი ნდობით, ჩვენც ეჭვშეურევნელად მივსდით მათ წესგანგებას; ამის მოკვლევაც დაევალოთ ჩვენ მიერ წარგზავნილ ადგილისმცველს. რაც შეიძლება აღსრულდეს როგორც სარწმუნოების შესაბამისი ეკლესიის საკეთილდღეოდ და სულების საცხონებლად, იმას ჩვენც ქება-დიდებათ შევიწყნარებთ უფლის წინაშე.**

(მოც. 82; IV მსოფ. 4; ტრულ. 85; ლანგ. 3; კართ. 82)

საკითხი, რომლის შესახებაც წინამდებარე კანონშია საუბარი, კერძოდ, ეკლესიის მიერ მონების გათავისუფლება, ეხება იმ დროს, როდესაც ქრისტიანებს შორის ჯერ კიდევ არსებობდა მონობა.

ამ კანონით მთავრდება „შეხსენება“ (напоминание, commonitorium), რომელიც დელეგატებმა – რომლებიც ეკლესიის საქმეების მოსაგვარებლად იმპერატორებთან, არკადისთან და ჰონორესთან უნდა გამგზავრებულიყვნენ – კრებისგან მიიღეს, ამ „შეხსენების“ დამატებას წარმოადგენს შემდეგი, 65-ე კანონი.

*კართ. 491 წლის კრების მე-7 კანონი.

**კართ. 491 წლის კრების მე-8 კანონი.

კანონი 65 (76)

აერილიოს ეპისკოპოსმა თქვა: ასევე მიმარნია, რომ იტალიაში წარგზავნილმა ადგილისმცველმა ყურადღების გარეშე არ უნდა დატოვოს ეკვიტის საქმე, რომელიც დიდი წინ იქნა განსჯილი ეპისკოპოსთა სამართლიანი განჩინებით. თუ წარგზავნილს მოუხდება მისი ნახვა იმ ადგილებში, მაშინ, დაე, ამ ძმამ (წარგზავნილმა) იზრუნოს საეკლესიო კეთილწესიერების დასაცავად და იმოქმედოს მის (განსჯილი ეპისკოპოსის) წინააღმდეგ ჯერონად და სადაც შეეძლება. ყველა ეპისკოპოსმა მიუგო: ფრიად ვეთანხმებით ამ წინადადებას.*

(მოც. 28; I მსოფ. 5; II მსოფ. 6; IV მსოფ. 9; ანტიოქ. 12, 14, 15; კართ. 29, 62, 78, 93)

ვინმე ეკვიტი – ეპისკოპოსი (არისტინეს სიტყვებით: „აონის კათედრის ეპისკოპოსი“),** გასამართლებული და განკვეთილი იყო სათანადო კრების მიერ, მაგრამ ის არ დაემორჩილა კრების გადაწყვეტილებას და აფრიკიდან იტალიაში გაემგზავრა. იქ მან ხალხი აამბოხა და უწესრიგობანი მოაწყო. კართაგენელი მამები, ადგენენ რა სახელმძღვანელო ბრძანებას – რომელიც გადმოცემულია ზემომოყვანილ კანონებში (58-65) – თავიანთი დელეგატებისათვის, რომლებსაც იმპერატორებთან აგზავნიან, ამ კანონით განაწესებენ, რომ თუკი მათ მოუწევთ მოხსენიებულ ეკვიტისთან შეხვედრა, მაშინ მათ უნდა იმოქმედონ მის წინააღმდეგ და ეკლესიის ავტორიტეტისა და წესრიგისათვის ყველა ზომა გამოიყენონ მის განსაღვენათ, რათა მან შეწყვიტოს ეკლესიაში მშვიდობის რღვევა.

კანონი 66 (77)

დონატისტებთან მშვიდი ურთიერთობის შესახებ. ყოველივეს მოკვლევისა და გამოძიების შემდეგ, რამაც კი შეიძლება ხელი შეუწყოს ეკლესიის სარგებლობას, სულიწმინდის მინიშნებითა და კარნახით, ჩვენ უმჯობესად მივიჩნევთ, რომ უწყინარად და მშვიდად ვიმოქმედოთ ზემოხსენებულ ადამიანებთან მიმართებით, მიუხედავად იმისა, რომ ისინი თავიანთი განსხვავებული შეხედულებებით ძალზე განეშორებიან უფლის სხეულის ერთიანობას. ამგვარად, ჩვენი ძალისხმევის კვალობაზე, დაე, ყველასთვის სრულიად ცნობილი გახდეს – მთელ იმ აფრიკულ სამთავროებში, რომლებიც მონადირებულ იქნენ მათთან ურთიერთობებითა და მეგობრობით, თუ რა საეკლესიო ცდომილებით შეუბოროკათ თავი. ვინძლო მაშინ, როცა ჩვენ სიმშვიდით შემოვიკრებთ სხვაგვარად მოაზროვნეთ, მოციქულის სიტყვისამებრ, ღმერთი მისცემს მათ სინანულს ჭეშმარიტების გულისხმისსაყოფად, და აღმოვლენ ეშმაკის ბადეთაგან, რომელშიც მონადირებულ იქნენ თავიანთი ნებით (შდრ. 2 ტიმოთე, 2, 25, 26).***

(კართ. 47, 57, 67-69, 91-94, 99, 117-119, 124)

*კართ. 401 წლის კრების მე-9 კანონი.

**ათენის სინტაგმა, III, 474.

***კართ. 401 წლის კრების 1 კანონი.

კანონი 67 (78)

კეთილად იქნა განსჯილი, რომ ჩვენი კრების სახელით სიგელები (წერილები) წარგვეგზავნა მთავრებთან აფრიკაში, და ჯეროვნად ვცანით გვეთხოვა მათთვის, დაეხმარონ ჩვენს საერთო დედას – კათოლიკე ეკლესიას იმ შემთხვევებში, როცა ეპისკოპოსთა ხელისუფლება უგულვებელ-იყოფა ქალაქებში, ანუ თავიანთი ხელმწიფებრივი უფლებამოსილებითა და მზრუნველობით, და ქრისტიანული სარწმუნოებისადმი გულმოდგინებით მოახდინონ მომხდარის გამოძიება ყველა იმ ადგილის შესახებ, სადაც ეკლესიები მაქსიმე-ანელებმა დაიპყრეს, და ასევე იმ ადგილებისა, რომლებიც მათ მიერ ჩამოცილებულია (განყენებულია დედა-ეკლესიიდან), და ამ მოვლენების შესახებ ყველასათვის უტყუარი ცნობების შეტანა უბრძანონ სამოქალაქო საქმეების ჩანაწერებში.*

(კართ. 47, 57, 66, 68, 69, 91-94, 117-119, 124)

კანონი 68 (79)

დონატისტი სამღვდელოების მიღების შესახებ კათოლიკე ეკლესიის სამღვდლო დასში. ბოლოს კეთილად იქნა განსჯილი სიგელების (წერილების) გაგზავნა ჩვენი ძმებისა და თანა-ეპისკოპოსებისათვის, და უფრორე სამოციქულო საყდრისათვის, რომელსაც წინამძღვრობს ხსენებული ღირსად პატივდებული ძმა და თანამსახური ჩვენი, ანასტასი; მასზედ, რომ როგორც მისთვისაც არის ცნობილი, აფრიკის დიდი საჭიროებისათვის, ეკლესიის სიმშვიდისა და სარგებლობისთვის, თვით დონატისტების იმ სამღვდლოთაგან, რომელთაც გამოასწორეს საკუთარი განწყობა და კათოლიკე ერთობაში შემოსვლა მოისურვეს, თოთოეული კათოლიკე ეპისკოპოსის განმსჯელობითა და ნებელობით, რომელიც იმ ადგილზე განაგებს ეკლესიას, მიღებულ იქნენ მღვდელმსახურნი მღვდლობის თავ-თავიანთ ხარისხებში, თუკი ეს ხელს შეუწყობს ქრისტიანთა მშვიდობას. ცნობილია, რომ უწინდელ დროშიც ასე ეპყრობოდნენ ამ განხეთქილებას, რასაც ბევრი იმ მხარისა და აფრიკის თითქმის ყველა ეკლესიის მაგალითები (გამოცდილება) მოწმობს, სადაც კი ეს ცდომილება აღმოცენდა. ეს კეთდება არა იმ კრების საწინააღმდეგოდ, რომელიც ამ საკითხთან დაკავშირებით შედგა ზღვის იქით მდებარე ქვეყნებში, არამედ რათა ეს შენარჩუნებულიყო იმათ სასარგებლოდ, ვისაც სურს ამგვარად გადმოვიდეს კათოლიკე ეკლესიაში და არანაირი დაბრკოლება შეექმნას მათ ერთიანობას. ვინც თავის საცხოვრებელ ადგილებში შემჩნეული იქნება ყოველმხრივ თანამდგომისა და შემწყობაში კათოლიკე-საყოველთაო ერთიანობისათვის, რათა ძმათა სულელებს აშკარად არგოს, მათთვის ნუ იქნება დაბრკოლება მათი ხარისხების წინააღმდეგ ზღვის გაღმა კრებაზე მიღებული განჩინება, რამეთუ ცხონება არც ერთი პირისაგან დახშული არ არის. ანუ თუკი დონატისტების მიერ ხელდა-

*კართ. 401 წლის კრების 1 კანონი.

სხმულნი მოისურებენ შეუერთდნენ კათოლიკე ეკლესიას, დაე, ნუ მოაკლდებიან მიღებას თავიანთ ხარისხებში, ზღვის იქითა კრებაზე მიღებული განჩინების მიხედვით, არამედ, დაე, იქნან ისინი შეწყნარებულნი, რამეთუ ეს ხელშეწყობა იქნება კათოლიკე ერთიანობისათვის.*

(კართ. 47, 57, 66, 67, 69, 91-94, 99, 117-119, 124)

კანონი 69 (80)

დონატისტებთან წარსაგზავნი ელჩობის დანიშვნის შესახებ სამშვიდობო შეთანხმების მისაღწევად.

მერმე განგებულ იქნა, რომ ამ ქმედებათა კვალად, მშვიდობისა და ერთიანობის მისაღწევად, რომელთა გარეშეც შეუძლებელია აღსრულდეს ქრისტიანთა ცხოვნება, ჩვენგან წარგზავნონ ადგილისმცველნი თავად დონატისტების ეპისკოპოსებთან, თუკი მათ ჰყავთ ასეთები, ანდა მათ ერისკაცებთან. ამ ადგილისმცველთა მეშვეობით, დაე, ყველასთვის ცნობილი გახდეს, რომ დონატისტების მოქმედებას კათოლიკე ეკლესიის წინააღმდეგ არც გამართლება აქვს და არც კურთხევა. უფრო კი, უცილობელი დამტკიცებისათვის, დაე, ყველასთვის ცხადი გახდეს, ქალაქის საქმეთა ჩანაწერების მეშვეობით, თუ როგორ მოექცნენ ისინი მაქსიმეანელებს, მათგანვე განდგომილებს. ამ შემთხვევაში, თუკი სურთ გულისხმისყოფა, ღმერთმა აჩვენა მათ, რომ რაზომ უკეთურადაც თავად ისინი განეშორნენ მაშინ საეკლესიო ერთობას, ასევე უკეთურად, როგორც თვითონ დალაღებენ, აწ განვარდნენ მათგან მაქსიმეანელები. იმათი რიცხვიდან რომელნიც მათ (დონატისტებმა) განიკითხეს საკუთარი ზრახვის განცხადებული ხელმწიფებით, შემდეგში ზოგიერთებს იღებდნენ მღვდლობის იმ ხარისხებში, რაც მათ ჰქონდათ, და აღიარებდნენ იმ ნათლობებს, რომლებსაც მათ მიერ განიკითხული და განგებული მაქსიმეანელები აღასრულებდნენ. ამით მტკიცდება, თუ რაოდენ უგუნური გულით ეწინააღმდეგებიან ისინი მთელ ქვეყნიერებაზე გავრცელებულ ეკლესიის მშვიდობას, და ამგვარად მოქმედებენ დონატის სასარგებლოდ, და არ მიიჩნევენ რა თავს შებილწულებად იმათთან თანაზიარებით, რომლებიც იძულების გამო ამგვარად მიუღიათ მშვიდობით, ხოლო ამავედროს ჩვენ გვექიშებიან, ანუ კათოლიკე ეკლესიას, ქვეყნიერების უკიდურეს საზღვრებამდე გავრცელებულს, და ვერ შესძლეს შეეგონათ იმათთან არაწმინდა ურთიერთობის მეშვეობით, რომელთაც მანამდე თავადვე განიკითხავდნენ.**

(კართ. 47, 57, 66-68, 91-94, 99, 117-119, 124)

ზემომოყვანილი ოთხი კანონის ტექსტი (66-69) თავისთავად საკმაოდ ნათელია. ყველა ოთხი კანონი მხოლოდ და მხოლოდ დონატისტებს ეხება, რომელთა შესახ-

*კართ. 401 წლის კრების მე-2 კანონი.

**კართ. 401 წლის კრების მე-3 კანონი.

ებაც საკმარისად ითქვა კართაგენის 47-ე და 57-ე კანონების განმარტებებში. რაზე ლაპარაკობს ეს ოთხი კანონი, თვით ტექსტებიდან ჩანს.

კანონი 70 (81)

კეთილად იქნა განგებული, რომ ეპისკოპოსებმა, მღვდლებმა და დიაკვნებმა, მათი ხარისხებისათვის შესაფერისი წესებისამებრ თავი უნდა შეიკავონ ცოლებთან კავშირისაგან, რომლებიც უკვე ჰყავთ. თუ ამას არ გააკეთებენ, დაე, განიკეთონ საეკლესიო ხარისხიდან. სხვა კლირიკოსები დაე, ნუ იქნებიან ამის ვალდებული, მაგრამ მათაც მართებთ თითოეული ეკლესიის ჩვეულების დაცვა.*

(მოც. 5, 17, 26, 51; I მსოფ. 3; IV მსოფ. 14; ტრულ. 5, 6, 12, 13, 30; VII მსოფ. 18; ანკირ. 19; ნეოკეს. 1, 8; ლანგ. 4; კართ. 3, 4, 25, 38; დიონისე ალექსანდრიელის 3; ბასილი დიდის 12, 27, 88)

ამ კანონის განწესების შესახებ, ჩვენ უკვე ვისაუბრეთ რამდენიმე კანონის, და განსაკუთრებით ვრცლად – ტრულის კრების მე-12 და მე-13 კანონების განმარტებებში. იმასთან დაკავშირებით, რომ ცოლ-ქმარმა გარკვეულ დროს, ლოცვის გამო, ერთმანეთისგან თავი უნდა შეიკავონ, ჯერ კიდევ III საუკუნეში საუბრობდა ალექსანდრიის ეპისკოპოსი დიონისე თავის ეპისტოლეში ბასილიდის მიმართ (იხ. მე-3 კან.). კართაგენის მამები ამ განწესებას მიმართავენ ეპისკოპოსების, მღვდლების, დიაკვნებისა და იპოდიაკვნებისადმი, და ამით ადასტურებენ მათ მიერ უკვე გამოცემულ განწესებას (იხ. 25-ე კან.). წინამდებარე კანონი მხოლოდ იმას ამატებს, რომ აღნიშნულ იერარქიულ ხარისხებში მყოფი სასულიერო პირების თავშეკავებასთან დაკავშირებული განწესება არ ვრცელდება დაბალი რანგის კლირიკოსებზე, რამეთუ ისინი სიწმინდეებს არ ეხებიან. ამიტომ ამ საკითხში ისინი თავიანთი ეკლესიების ჩვეულებებს უნდა მიჰყვნენ.

კანონი 71 (82)

კეთილად იქნა განგებული, რომ არც ერთ ეპისკოპოსს არ მიეცეს უფლება მიატოვოს თავისი კათედრის მთავარი ადგილი და განვიდეს მის ეპარქიაში შემავალ რომელიმე სხვა ეკლესიაში, ანდა სათანადოზე მეტად დაშვებოდეს თავის კერძო საქმეში და არ ზრუნავდეს და გულმოდგინედეს თავისი საყდრისათვის.**

(მოც. 52; IV მსოფ. 25; ტრულ. 19; სარდ. 11, 12; ლაოდ. 19; კართ. 121, 123; ორგ. 16)

*კართ. 401 წლის კრების მე-4 კანონი.

**კართ. 401 წლის კრების მე-6 კანონი.

ამ კანონის მიზანია, თითოეულ ცალკე აღებულ საეპისკოპოსო სამთავროში, ეპისკოპოსის რეზიდენცია დაამტკიცოს კათედრალურ საეპისკოპოსო ეკლესიასთან, ანუ იმ ქალაქში, რომელიც თავისი მნიშვნელობით საეპისკოპოსო კათედრის ღირსიქმნა. ამასთან შესაბამისობაში, კანონი უკრძალავს თითოეულ ეპისკოპოსს იმ ადგილის დატოვებას, რომელიც მისთვის თავიდანვე იყო განსაზღვრული მუდმივ ადგილსამყოფელად, და მის მიერ მართულ სამთავროში სხვა ადგილზე დამკვიდრებას. ზოგიერთი ეპისკოპოსი ამას პირადი გამორჩენის მიზნით აკეთებდა, რადგან სხვა რომელიმე ადგილას ეს მისთვის ზოგჯერ უფრო მოსახერხებელი იყო, ვიდრე თავის მუდმივ რეზიდენციაში. ამიტომ კანონი საყვედურობს იმ ეპისკოპოსებს, რომლებიც იმის გამო, რომ პირად საქმეებს ზედმეტ ყურადღებას უთმობენ, თავის კათედრაზე ნაკლებად ზრუნავენ.

კანონი 72 (83)

ყრმათათვის, როცა არ მოიძებნებიან სარწმუნო მოწმეები იმისა, რომ ისინი ნამდვილად მონათლულები არიან, და თავიდანც თავიანთი ასაკის გამო არ ძალუძთ დამაკმაყოფილებლად გვიპასუხონ მათზე აღსრულებული საიდუმლოს შესახებ, განვსაჯეთ, რომ მართებული იქნება ყოველგვარი შეეჭვების გარეშე მოვნათლოთ ისინი, რათა მსგავსმა ეჭვმა არ მოაკლოს მათ განწმედა ამ სიწმინდით. ეს ჩვენმა მავრიტანელმა ადგილისმცველებმა გვირჩიეს, იმიტომ, რომ მრავალ ასეთ ყრმას ყიდულობენ ბარბაროსთაგან.*
(მოც. 49, 50; II მსოფ. 7; ტრულ. 84; VII მსოფ. 8; კართ. 45, 48, 110; ბასილი დიდის 1, 91)

როგორც კანონიდან ჩანს, პედობაპტიზმი [ბავშვთა ნათლობა] იმ დროს (401 წ.) ითვლებოდა საერთო წესად აფრიკულ ეკლესიაში. ამიტომ კანონი განაწესებს თითოეული ბავშვის მონათვლას, რომელთა შესახებაც არ არის ცნობილი, იყო იგი მანამდე მონათლული თუ არა; რა თქმა უნდა, იმ შემთხვევაში, როცა მცირე ასაკის გამო ბავშვი თავად ვერ ატყობინებს მიიღო თუ არა ნათლობა და არც ვინმე ისეთი პირი არის, ვინც ამას დაამოწმებდა. კართაგენელი მამები ასეთ დადგენილებას მოტივად უდებენ იმას, რომ არ შეიძლება არცოდნის გამო ბავშვი მოაკლო ისეთი სიწმინდით განწმენდას, როგორცაა ნათლისღების საიდუმლო. ამ კანონის მიღების მიზეზი გახდა ბევრი ქრისტიანის მხრიდან არაქრისტიანი ერისგან მონების შესყიდვა, რომელთა შორის არცთუ იშვიათად ბავშვებიც ხვდებოდნენ და იმისათვის, რომ მათ საშუალება ჰქონოდათ ეკლესიის ჭეშმარიტი წევრები გამხდარიყვნენ, აუცილებელი გახდა დასახელებული დადგენილების შექმნა.** ამ-

*კართ. 401 წლის კრების მე-7 კანონი.

**იხ. VII მსოფლიო კრების მე-8 კანონის განმარტება.

ჟამად ამ დადგენილებას მნიშვნელობა აქვს უმთავრესად მიტოვებული ან „მიგდებული“ ბავშვებისათვის.*

კანონი 73 (84)

კეთილად იქნა განგებული აგრეთვე, რომ აღდგომის თაყვანისცემის დღე ყველასთვის უწყებულ იქნეს მინაწერით კრების განჩინებაზე. კრების დღედ კი აღიარონ სწორედ ის, რომელიც დაინიშნა იპონის კრებაზე, ანუ ოცდაერთი აგვისტო. და ამის შესახებ უნდა მივწეროთ ყველა სამთავროს პირველ ეპისკოპოსს, რათა როცა კრებას მოიწვევენ თავისთან, ეს დღე ხელშეუხებელი დატოვონ.**

(მოც. 37; I მსოფ. 5; IV მსოფ. 18; VII მსოფ. 6; ანტიოქ. 20; კართ. 34, 51, 95, 106)

ამ კრების 51-ე კანონის განწესების საფუძველზე, აფრიკის საკონსულოს ყველა ეკლესიისათვის, ყოველწლიური კრების შემდეგ, რომელიც, როგორც წესი, კართაგენში იმართებოდა, უნდა გაეცხადებინათ თუ რომელ დღეს იდღესასწაულებოდა იმ წელიწადს ქრისტეს აღდგომა. ეს ჯერ კიდევ იპონის 393 წლის კრებაზე დამტკიცდა და შემდეგ აღორძინდა ამ, 419 წლის კრების 34-ე, 51-ე და წინამდებარე (73-ე) კანონებით. იმავე იპონის კრებაზე დადგინდა, რა დროს უნდა შეიკრიბოს მთელი აფრიკული ეკლესიის ყოველწლიური საეპისკოპოსო კრება. იგივე დასტურდება ამ კრებითაც, თანაც შეკრების დღედ ინიშნება 21 აგვისტო.*** ამავ კანონში კართაგენელი მამები განუწესებენ ყველა პირველ ეპისკოპოსს (მიტროპოლიტებს) მკაცრად დაცვან ეს დღე თავიანთ სამთავროებში, ანუ თავიანთი ჩვეულებრივი კრებები იმ ანგარიშით მოიწვიონ, რომ აღნიშნული დღისათვის, როდესაც საერთო კრებაზე მართებთ ერთობლივი შეკრება, ყველა საქმე უკვე დამთავრებული კქონდეთ.

*როცა ხდება რომელიმე „მიგდებული“ ბავშვის ნათლობა, რომლის შესახებაც არ არის ცნობილი იყო თუ არა იგი მონათლული, ასეთ დროს ჩვეულებრივ გამოიყენება შემდეგი ფორმულა: „ინათლება მონა ღვთისა (სახელი), თუ აქამდე არ იყო მონათლული, სახელითა მამისათა...“ და ასე შემდეგ (იხ. § 86-ის შენიშვნა წიგნიდან „О должностях пресвитеров приходских“). თუმცა, პეტრე მოვილა თავის კურთხევანში (Требник) ამ ფორმულას უწევს რეკომენდაციას, მაგრამ ეს რეკომენდაცია არ შეიძლება გამართლებული იყოს, რადგან ის არ ეფუძვლება მართლმადიდებელი ეკლესიის კანონიკური სამართლის არც ერთ დადგენილებას და აღებულია ლათინური ეკლესიის კანონიკური სამართლიდან. ლათინურ ეკლესიაში არ იყო ეს ფორმულა ცნობილი XII საუკუნემდე, ვიდრე პაპ ალექსანდრე III-მ (1159-1164) არ გამოცხადა დადგენილება, რომ ყველა, ვისი ნათლობაც ეჭვს იწვევს, უნდა მოინათლოს შემდეგი სახით: „თუ მონათლული ხარ, არ გნათლავ, თუ არა ხარ მონათლული, — გნათლავ და ასე შემდეგ— *cretal. Gregorii IX, III, 42, c. 2 (Corpus juris can., II, p. 619. ed. Richter, 1839).* მას შემდეგ ეს ფორმულა მუდამ იყო დაცული ლათინურ ეკლესიაში. რადგანაც პეტრე მოვილა თავისი კურთხევანისათვის იქიდან ბევრი რამ დაისხსნა (იხ. მაგ. § 44 ჩემს თხზულებაში „მართლმადიდებლური საეკლესიო სამართალი“ შენიშვნა 14), ამიტომ სავსებით სარწმუნოა, რომ მან ეს ფორმულაც შეიტანა იმ პირთა ნათლობისათვის, რომელთა მიმართაც უსტად არ იყო ცნობილი, იყენენ თუ არა მონათლულნი.

**კართ. 401 წლის კრების მე-8 კანონი.

***ხონარასა და ბალსამონის განმარტებები იხ. ათენის სინტაგმაში, III, 489.

კანონი 74 (85)

ასევე განჩინებულ იქნა, რომ დროებით მმართველ ეპისკოპოსთაგან არავის მიეცეს ნება შეინარჩუნოს ის საყდარი, რომელიც მას მიენდო როგორც დროებით მმართველს, ერში მოსალოდნელი უთანხმოებისა და შუღლის მიზეზით, არამედ, ეცადოს, რომ ერთი წლის განმავლობაში ერისთვის არჩეულ იქნეს ეპისკოპოსი. ხოლო თუკი არ იგულმოდგინებს ამისთვის, მაშინ წლის გასრულების შემდეგ, დაე, სხვა დროებითი მმართველი აირჩიონ.*

(მოც. 36; IV მსოფ. 25; ტრულ. 35)

ჩვეულებრივ, დაქვრივებულ ეკლესიას მართავდა მისი დასი, იქამდე, ვიდრე ახალი ეპისკოპოსი არ დადგინდებოდა (იხ. პარალელური კანონები), მაგრამ თუ აღმოჩნდებოდა, რომ ამ დასს არ შეუძლია იქ სათანადო წესრიგის შენარჩუნება და ხალხში რაღაც დაჯგუფებები გამოჩნდებოდა, რომლებსაც ერთმანეთში უთანხმოებები ჰქონდათ საეპისკოპოსო კანდიდატებთან დაკავშირებით, მაშინ მიტროპოლიტი აგზავნიდა იქ რომელიმე უახლოეს ეპისკოპოსს. ეს ეპისკოპოსი თავის თავზე იღებდა დაქვრივებული ეკლესიის დროებით მართვას და ინარჩუნებდა იქ სიმშვიდესა და წესრიგს, სანამ მუდმივი ეპისკოპოსი არ დადგინდებოდა. თუმცაღა, ადგილი ჰქონდა შემთხვევებს, როდესაც ის ეპისკოპოსები, რომლებსაც ხალხში სიყვარული უნდა შეენარჩუნებინათ და ხელი შეეწყობათ ახალი ეპისკოპოსის გამორჩევისათვის, პირიქით, უწესრიგობებს უწყობდნენ ხელს და უთანხმოებას აღძრავდნენ იმ მიზნით, რომ შემდგომშიც მუდმივი ეპისკოპოსის გარეშე დარჩენილიყო ეკლესია, ხოლო მათ შესაძლებლობა მისცემოდათ მეტი დროის განმავლობაში ემართათ ის. მსგავსი ბოროტად გამოყენების ასალაგმავად, კართაგენელი მამები განაწესებენ, რომ დროებით მმართველი ეპისკოპოსი დაქვრივებულ ეკლესიაში წელიწადზე მეტ ხანს არ უნდა დარჩეს. თუ ის ამ ხნის განმავლობაში ვერ შესძლებს ყველაფერი მოამზადოს ახალი ეპისკოპოსის დასადგინებლად, მაშინ მას ერთმევა მმართველობა და ის გადაეცემა სხვა ეპისკოსს – ახალ დროებით მმართველს.

კანონი 75 (86)

ყველამ კეთილად განსაჯა, რომ ღარიბ-ღატაკთა შევიწროების მიზეზით, რომლებიც ამის გამო განუწყვეტლივ აწუხებენ ეკლესიას საჩივრებით, ეთხოვით მეფეებს არჩეულ იქნენ მათთვის, ეპისკოპოსთა ზედამხედველობით, დამცველები მდიდართა მიმძლავრებისაგან.**

(IV მსოფ. 2, 23; კართ. 97)

ეპისკოპოსის მოვალეობას, – ამბობს ამ კანონის განმარტებაში ზონარა, – შეადგენს არამხოლოდ მისთვის რწმუნებული ხალხის განსწავლა, არამედ მათი გამოქომამებაც, როდესაც ისინი უსამართლობას განიცდიან, და შეძლებისდაგვარად

*კართ. 401 წლის კრების მე-9 კანონი.

**კართ. 401 წლის კრების მე-10 კანონი.

მათი დაცვა.* იმის გამო, რომ ზოგიერთი მდიდარი ავიწროებდა გლახაკებს და ყოველმხრივ ბოროტად ექცეოდა, ხოლო ეპისკოპოსებს არ ჰქონდა საკმარისი ხელმწიფება ძალადობისაგან მათ დასაცავად, კართაგენელი მამები ამ კანონით აღგენენ იშუამდგომლონ იმპერატორების წინაშე საგანგებო ვექილების – ეკლიკების დასანიშნად („ეკლესიის ბჭე“, „თანამოსაჯული“), რომლებსაც საშუალება მიეცემოდათ დაეცვათ ღარიბ-ღატაკი მდიდრების მხრიდან ჩაგვრისაგან და ამით ეკლესიაც გაეთავისუფლებინათ იმ მუდმივი საჩივრებისაგან, რომლებითაც მას მდიდრებისგან შევიწროებული ხალხი მიმართავდა. იგივე შუამდგომლობა კვლავ იქნა მიღებული ამ კრების 97-ე კანონით. მამების თხოვნა დააკმაყოფილეს იმპერატორებმა თეოდოსიმ და პონორემ, რომლებმაც თავის მხრივ დაადგინეს, რომ თითოეულ საეპისკოპოსო კათედრასთან უნდა მსახურობდეს განსაკუთრებული ნაფიცო ვექილი, რომელსაც აირჩევენ ეპისკოპოსები და სხვა სასულიერო პირები, აგრეთვე ერის საპატრიარქო მოქალაქეები.**

კანონი 76 (87)

განვაჩინეთ, რომ ყოველთვის, როცა კრება დაინიშნება, დროულად უნდა მოდიოდნენ მასზე ეპისკოპოსები, რომელთაც ხელს არ უშლით არც ხანდაზმულობა, არც სნეულება, არც სხვა რამ გადაუდებელი აუცილებლობა; და ეუწყეთ პირველ ეპისკოპოსთ, თითოეულს თავის სამთავროში ყველა ეპისკოპოსის შესახებ, – ორ ადგილას დგება მათი კრებები თუ სამ ადგილას, – და თითოეული ამ კერძო კრებიდან რიგითობით არჩეულები, დაე, უსათუოდ მოვიდნენ კრებაზე დასასწრებლად. როცა მოსვლას ვერ შესძლებენ რაღაც მიზეზთა გამო, მაშინ, თუკი არ განუმარტავენ თავიანთ უპირატეს ეპისკოპოსს მოსვლის ხელშემშლელ მიზეზს, მაშინ ესევეთარნი უნდა დაკმაყოფილდნენ თანაზიარებით მხოლოდ თავიანთ ეკლესიებში.***

(მოც. 37; I მსოფ. 5; IV მსოფ. 19; ტრულ. 8; VII მსოფ. 6; ანტიოქ. 20; ლაოდ. 40; კართ. 18, 73, 77, 95)

აქ საუბარია ისეთი კრების შესახებ, რომელზედაც ჩვენ ვსაუბრობდით ამ კრების მე-18 კანონის შესამე ნაწილის განმარტებაში, ანუ – აფრიკული ეკლესიის საერთო კრების შესახებ. ეს ეკლესია ეპისკოპოსების მრავალრიცხოვნობით გამოირჩეოდა, მათი რიცხვი იმდენად დიდი იყო, რომ საერთო კრებაზე ყველა მათგანი, რა თქმა უნდა, ვერ შეიკრიბებოდა. ამიტომ ყოველი ეპარქიიდან ჩამოდიოდნენ საგანგებოდ ამისათვის არჩეული წარმომადგენლები (იხ. მე-18 კან.). ამ კანონიდანვე ჩანს, რომ მიტროპოლიტები, თავიანთ სამთავროებში, მათზე დაქვემდებარებულ ეპისკოპოსებს ორ ან სამ ჯგუფად ყოფდნენ და საერთო კრებაზე ყველა ამ ჯგუფიდან აგზავნიდნენ წარმომადგენლებს, რომლებსაც რიგრიგობით ირჩევდნენ.

*ათენის სინტაგმა, III, 494.

**ეკლიკების შესახებ იხ. IV მსოფლიო კრების 23-ე კანონის განმარტება.

***კართ. 401 წლის კრების მე-11 კანონი.

ეს ამორჩეული წარმომადგენლები აუცილებლად უნდა დასწრებოდნენ კრებას, იმ გამონაკლისი შემთხვევების გარდა, როდესაც ამას ვერ შეძლებდნენ რაიმე საპატიო მიზეზით. ამასთან, ისინი პატიებას იღებდნენ მხოლოდ იმ შემთხვევაში, თუ მიზეზის შესახებ წინასწარ აცნობებდნენ თავის მმართველ მიტროპოლიტს. სხვაგვარად, როგორც კანონი განაწესებს, მხოლოდ საკუთარ ეკლესიასთან თანაზიარებით უნდა დაკმაყოფილებულიყვნენ. ეს ნიშნავს, რომ ისინი მღვდელმოქმედების უფლებას ინარჩუნებდნენ, მაგრამ გარკვეული დროით განიყენებოდნენ სხვა ეპისკოპოსებთან თანაზიარებიდან.* IV მსოფლიო კრების მე-19 კანონის განწესებით, ყველა ის ეპისკოპოსი, რომელიც კრებაზე არ გამოცხადდებოდა, ექვემდებარებოდა საყვედურს – ძმური სიყვარულით გულისწყრომის გამოცხადებას.

კანონი 77 (88)

კრესკონიოს ვილარეკენსიელის მიმართ კეთილად იქნა განსჯილი ყველას მიერ შემდეგი: აქედან ეუწყოს ნუმიდიის პირველ ეპისკოპოსს, რომ თავისი სიგელით შეაგონოს ზემოსხენებული კრესკონიოსი ჩამოსვლის თაობაზე, რათა არ გადადოს აფრიკის უახლოეს საერთო კრებაზე წარმოდგომა. ხოლო თუკი უგულვებელყოფს და არ მოვა, იცოდეს, რომ მის მიმართ განჩინება იქნება გამოტანილი.**

(მოც. 37; I მსოფ. 5; IV მსოფ. 19; ტრულ. 8; VII მსოფ. 6; ანტიოქ. 20; ლაოდ. 40; კართ. 18, 48, 73, 76, 95)

კრესკონიოსი, რომლის შესახებაც წინამდებარე კანონი საუბრობს, უკვე მოიხსენიებოდა ამ კრების 48-ე კანონში, მაგრამ, რადგანაც ეს ეპისკოპოსი ამის შემდეგაც ჯიუტად არ თმობდა უკანონოდ დაკავებულ კათედრას, ამიტომ კართაგენელი მამები წინამდებარე კანონით განუწესებენ მას საერთო კრების წინაშე წარდგომას; წინააღმდეგ შემთხვევაში განაჩენი უიმისოდ გამოცხადდება.

კანონი 78 (89)

იპონის ეკლესიის დატოვება მმართველთა გარეშე არ უნდა იქნეს დიდი ხნით გადადებული; და რადგან იქაური ეკლესიები იმათი ხელისუფლების ქვეშ არიან, რომელნიც განეშორნენ უკანონო თანაზიარებას ეკვიტისტანს, ამიტომ კეთილად იქნა განჩინებული, რომ ამ კრების მიერ წარგზავნილ იქნენ ეპისკოპოსები: რიგინოსი, ალვიპი, ავეუსტინოსი (ავეუსტინე), მატერნოსი, თეასი, ევოდი, პლაკიანე, ურვანოსი, ვალერიოსი, ამვიგი, ფურტუნატე, კუოდევულატე, ონორატოსი, იანუარი, აპტუ, ონორატე, ამპელიოსი, ვიკტორიანე, ევანგელოსი და როპატიანე, რათა მათ შეპყრიბონ და შეაგონონ ისინი, – რომელნიც თავიანთი სიჯიუტით გააკიცხვის ღირსნი, ფიქრობენ დაელო-

*იხ. ბალსამონის განმარტება აფენის სინტაგმაში, III, 498.

**კართ. 401 წლის კრების მე-11 კანონის დამატება.

ღონ სანამ იგივე ეკვიტი არ გაიქცევა, – და საერთო ლოცვით დაუდგინონ მათ ეპისკოპოსი. ხოლო თუკი ისინი არც კი ისურვებენ მშვიდობაზე იფიქრონ, მაშინ ნუ შეეწინააღმდეგებიან წინამძღვრის არჩევას, რათა იგი დადგენილ იქნეს ეკლესიის სარგებლობისათვის, ეგზომ დიდხანს რომ რჩებოდა უეპისკოპოსოდ.*

(მოც. 58; IV მსოფ. 25; ტრულ. 19; სარდ. 11; კართ. 65, 71, 74, 93, 121, 123)

კანონში საუბარია გასამართლებულ ეპისკოპოს ეკვიტიზე, რომლის შესახებაც ერთხელ უკვე იყო საუბარი ამ კრების 65-ე კანონში. წინამდებარე კანონი ადგენს, რომ იპონში გაიგზავნოს რამდენიმე ეპისკოპოსი ეკვიტის მიერ დარღვეული მშვიდობის აღსადგენად და იქ ახალი ეპისკოპოსის დასადგინებლად. ამ წარგზავნილ ეპისკოპოსებს შორის ნეტარი ავგუსტინეც მოიხსენიება, იპონის ეპისკოპოსი. გაუგებრობის თავიდან ასაცილებლად ყურადღება უნდა მივაპყროთ იმას, რომ აფრიკაში ამ სახელწოდებით ორი ქალაქი იყო, ერთი ნუმიდიაში, სადაც ეპისკოპოსი ავგუსტინე იყო, მეორე – სადაც ეკვიტი იმყოფებოდა.

კანონი 79 (90)

განჩინებულ იქნას ესეც: როცა სასულიერო პირებზე შესმენა შემოვა და გამოცხადდება ზოგიერთი ბრალდება, მაშინ, ერთი მხრივ, ეკლესიის მიმართ გამოთქმული საყვედურების უარსაყოფად, მეორე მხრივ, სამღვდელო დასის წვერთა ღირსების დასაცავად, რა მიზეზითაც გამოვუვლენთ კიდევ მათ შეწყნარებას, ნაწილობრივ კი მწვალებელთა და წარმართთა ამპარტავნული ღვარძლისა და ნიშნის მოგების თავიდან ასაცილებლად, – თუკი სურთ სათანადოდ დაიცვან თავიანთი საქმე და იზრუნონ საკუთარი უდანაშაულობის დასამტკიცებლად, – დაე, მოიმოქმედონ ეს ერთ წელიწადში, რომლის განმავლობაში ისინი განყენებულნი უნდა იყვნენ ზიარებიდან, ხოლო თუკი წლის განმავლობაში უგულვებლყოფენ თავიანთი საქმის განწმენას, მაშინ მათგან არანაირი საჩივარი არ იქნეს მიღებული.**

(მოც. 74; II მსოფ. 6; IV მსოფ. 9)

თითოეულ კლირიკოსს, – ამბობს ნეტარი ავგუსტინე, – ყოველთვის ორი რამ უნდა ედგას თვალწინ; სინდისი და კეთილი სახელი. თავად ჩვენთვის საკმარისია სინდისი, მაგრამ სხვებისთვის ჩვენ აუცილებლად გვჭირდება კეთილი სახელი: „სინდისი შენთვის, კეთილი სახელი კი შენი მოყვასისთვის“. რადგან, ყოველი კლირიკოსი კეთილი სახელით უნდა სარგებლობდეს, ამიტომ კანონი, მიღებული ამასთან დაკავშირებით, განაწესებს შემდეგს: თუკი კლირიკოსზე, რაიმე დანაშაულის შედეგად, საჯაროდ არის შეტანილი საჩივარი ან საზოგადოებაში ხმა დაირხა, რომ რაღაც დანაშაული ჩაიდინა, მაშინ მან, თავისი კეთილი სახელისა და ეკლესი-

*კართ. 401 წლის კრების მე-13 კანონის დამატება.

**კართ. 401 წლის კრების მე-13 კანონი.

ის ავტორიტეტისათვის, ყველა ღონე უნდა იხმაროს, რომ ერთი წლის განმავლობაში თავი გაიმართლოს საეკლესიო სასამართლოზე და, ამასთანავე, აჩვენოს საზოგადოების აზრის წინაშე თავისი უდანაშაულობა. თუ ამას ვერ შეძლებს განსაზღვრული დროის განმავლობაში, მაშინ კარგავს თავის გამართლების უფლებას და გადაეცემა სასამართლოს. ის, რომ კანონი ასეთ კლირიკოსებს ამ ერთი წლის განმავლობაში უზიარებლობას განუწესებს, — ზონარას სიტყვებით ამ კანონის განმარტებიდან, — არ ნიშნავს, რომ ეს მათ განეწესებათ იმის გამო, თითქოს შეტანილი საჩივრის საფუძველზე დამნაშავეებად ცნეს (ასეთ შემთხვევაში მათ განკვეთდნენ), ეს მხოლოდ იმიტომ განეწესებათ, რომ ხალხს ეჭვის საფუძველი მისცეს მათში დამნაშავენი დაენახათ.*

კანონი 80 (91)

განვაჩინეთ ესეც: თუ რომელიმე ეპისკოპოსი მიიღებს ვინმეს სხვისი მონასტრიდან და მოისურვებს მის შეყვანას თავის სამღვდელთა დასში, ან დაადგენს თავისი მონასტრის ილუმენად, მაშინ ამის ჩამდენი ეპისკოპოსი, დაე, განყენებულ იქნას სხვებთან თანაზიარებისგან და დაკმაყოფილდეს თანაზიარებით მხოლოდ თავის სამწყსოსთან; ხოლო ის ნუ დარჩება ნურც კლირიკოსად და ნურც ილუმენად.**

(მოც. 14, 15, 16; I მსოფ. 15, 16; IV მსოფ. 4, 5, 10, 20, 23; ტრულ. 17, 18, 20; VII მსოფ. 19, 21; სარდ. 1, 2, 13, 15, 16; კართ. 54, 90; ორგ. 2, 3, 4)

ზუსტად იმ სასჯელით, რომლითაც ამ კრების 76-ე კანონი, ეს კანონიც ყველა იმ ეპისკოპოსს სჯის, რომელიც სხვა ეპისკოპოსის დაქვემდებარებაში მყოფ მონაზონს მიიღებს თავის დასში ჩასარიცხად ან თავისი რომელიმე მონასტრის ილუმენად დასადგენად, თუ იმ მონაზონს თავისი მმართველი ეპისკოპოსისგან თან არა აქვს „განსატყეველი წიგნი“. ხოლო თუ ხელთ აქვს ეს მოწერილობა, ანუ თავისი ეპისკოპოსისგან სხვა ეპარქიაში გადასვლის ნებართვის დამადასტურებელი მოწმობა, მაშინ მას თავისუფლად შეუძლია კლირიკოსიც გახდეს და ილუმენიც.*** ამასთან დაკავშირებით იხ. I მსოფლიო კრების მე-16 კანონის განმარტება. წინამდებარე კანონში, ისევე, როგორც ამ კრების 76-ე კანონში, საუბარია ერთ განსაკუთრებულ სასჯელზე, რომელსაც შეიძლება გარკვეული დანაშაულისათვის დაექვემდებაროს ეპისკოპოსი, კერძოდ: თანაზიარების შეზღუდვა „მხოლოდ თავის სამწყსოსთან“ ერთობით. ეპისკოპოსის ეს სასჯელი მოხსენიებულია ამ კრების 123-ე და 133-ე კანონებშიც. იგი იმაში მდგომარეობდა, რომ ეპისკოპოსი გარკვეული დროით განიყენებოდა სხვა ეპისკოპოსებთან ერთობიდან; აღნიშნული საჯელი, თანახმად დასავლურ საეკლესიო კრებებზე გამოყენებული ტერმინებისა, იწოდებოდა „ძმურ განყენებად“. აღმოსავლური ეკლესიის სხვა არც ერთ კანონში ნახსენები არ არის

*ათენის სინტაგმა, III, 502.

**კართ. 401 წლის კრების მე-14 კანონი.

***იხ. ბალსამონის განმარტება ათენის სინტაგმაში, III, 503.

ეპისკოპოსისათვის მსგავსი სასჯელი, ასევე უცნობია (ყოველ შემთხვევაში ჩემთვის), რომ ის ოდესმე პრაქტიკაში ყოფილიყო მართლმადიდებელ ეკლესიაში, გარდა ძველი კართაგენის ეკლესიისა, რის გამოც ეს სასჯელი შეიძლება მივიჩნიოთ კართაგენის ეკლესიის თავისებურებად.

კანონი 81 (92)

განჩინებულ იქნა ესეც: თუ რომელიმე ეპისკოპოსი თავის მემკვიდრეებად მწვალებლებს ან წარმართებს დატოვებს – სულ ერთია ისინი მისი ნათესავები იქნებიან თუ არა – და ეკლესიას მათ ამჯობინებს, ესევეთარი, დაე, მისი სიკვდილის შემდეგაც შეჩვენებულ იყოს და მისი სახელის ხსენება ნურასდროს აღევლინება ღვთის მღვდელთა მიერ. ვერც ის გაამართლებს მას, თუ ანდერძის დაუტოვებლად აღესრულა, რამეთუ იყო რა დადგინებული ეპისკოპოსად, წესისამებრ უნდა დაეტოვებინა თავისი წოდების შესაფერისი ანდერძი საკუთარი ქონების განსაკარგავად.*

(მოც. 38, 40; IV მსოფ. 22; ტრულ. 35; კართ. 22, 32)

ამ კრების 22-ე კანონით ეპისკოპოსებს და, ზოგადად, სასულიერო პირებს ეკრძალებათ საკუთარი ქონების არაქრისტიანებისათვის მემკვიდრეობით დატოვება, თუნდაც ისინი მისი ნათესავები იყვნენ, ხოლო ამვე კრების 32-ე კანონი რეკომენდაციას აძლევს მათ ყველაფერი ეკლესიას დაუტოვონ, რაც კი მათ საკუთრებაში აღმოჩნდა, – იქნება ეს მემკვიდრეობით თუ სხვა რამე სახით შეძენილი ქონება. წინამდებარე კანონშიც საუბარი პირად საკუთრებას ეხება, თანაც, დაწვრილებით გადმოგვცემს 22-ე კანონის განწესებას იმ ეპისკოპოსების შესახებ, რომლებიც თავიანთ მემკვიდრეებად არაქრისტიან პირებს ადგენენ; კერძოდ – მწვალებლებს ან წარმართებს, თუნდაც მათთან ნათესაობა აკავშირებდეთ. იმასთან დამოკიდებულებით, რომ ეპისკოპოსებს უფლება ჰქონდათ თავიანთი კერძო ქონება პირადი შეხედულებისამებრ განეკარგათ, ჩვენ ვიხილეთ მოციქულთა მე-40 კანონის განწესებაში (მდრ. ანტიოქ. 24-ე კან.), რომლის თანახმადაც, ეპისკოპოსს, ამ მიზნით, უნდა ჩაეტარებინა პირადი ქონების აღწერა და ის საეკლესიო ქონებიდან გამოცალკავებული ჰქონოდა. ამაზე კართაგენის წინამდებარე კანონის დასკვნით ნაწილიც საუბრობს. ამდენად, ეპისკოპოსი, რომელიც თავს უფლებას მისცემდა თავისი სიკვდილის შემდეგ რომელიმე მწვალებლის ან წარმართისთვის, – თუნდაც ის მისი ნათესავი ყოფილიყო, – საკუთარი ქონება მემკვიდრეობით დაეტოვებინა, კანონის განწესებით ექვემდებარება საშინელ სასჯელს – შეჩვენებას, და მის სახელს საეკლესიო დიატიქში აღარ მოიხსენიებენ.** თუ რას ნიშნავს „შეჩვენება“

*კართ. 401 წლის კრების მე-15 კანონი.

**დიატიქონი – სიხგან, ძელისგან ან ლთიონისგან დამსადებელი ორი დასაკეცი დაფა, შეკრთებული თასმით ან ზონარით, წიგნის მსგავსად აკინძული, გარედან გლუვი ან ჩუქურთმებით შემკობილი, შიგნიდან კი სანთლის ფენით დაფარული და ირგვლივ ნაპირებზე წერილი ამბუზიცული კანტით შემოვლებული, რომელსედაც შეიძლება წერა, უფრო სწორად, ამოკაწერა

(ანათემა) – ჩვენთვის ცნობილია II მსოფლიო კრების I კანონის განმარტებიდან, წინამდებარე კანონში ის ცხადდება უკვე გარდაცვლილი ეპისკოპოსის მიმართ. საეკლესიო ისტორიიდან მრავალი მაგალითი ვიცით, როდესაც ზოგიერთი პირის შეჩვენება ხდებოდა მათი სიკვდილის შემდეგ*** თუმცა, მიცვალებულის მიმართ გაცხადებული ანათემა არ არის ეკლესიიდან ის მოკეცვა, რომელიც უშიძმისი საეკლესიო სასჯელია და, ჩვეულებრივ, ცნობილი დამნაშავეების მიმართ გამოიყენება. შეჩვენება, ისევე, როგორც სხვა ნებისმიერი სასჯელი, შეიძლება გამოტანილ იქნეს საეკლესიო მთავრობის მიერ მხოლოდ იმ პირების მიმართ, რომლებიც მის ოურისდიქციაში შედიან, ანუ მხოლოდ ეკლესიის ცოცხალი წევრების მიმართ. მიცვალებულები კი რომლებიც აღარ არიან მებრძოლი ეკლესიის წევრები და უკვე აღარ შედიან მის ოურისდიქციაში, ექვემდებარებიან უმაღლეს სამსჯავროს.****

ფოლადის წვეტიანი ჩხირით. ძველი ბერძენები და რომაელები იყენებდნენ ჩასაწერ წიგნაკებად. კონსტანტინე დიდის დროიდან მათ „დიპტიქონი“ ეწოდათ. თუ მას ორზე მეტი დაფა ჰქონდა, ეწოდებოდა ტრიპტიქი, ტეტრაპტიქი და ა. შ. ძველ რომში განსაკუთრებით გავრცელებული იყო ე. წ. „კონსულთა დიფტიქონები“. ისინი ჩვეულებრივზე უფრო დიდები იყო (დაახლ. 40 სმ. სიგრძისა), ამხადებდნენ მხოლოდ სპილოს ძვლისაგან, მხატვრულად აფორმებდნენ და წარმოადგენდნენ ძვირფას საჩუქარს. როდესაც რომის იმპერიაში ქრისტიანობამ გაიმარჯვა, დიპტიქები გამოიყენებულ იქნა საეკლესიო მოხმარებისათვის. მხარობდნენ მას სახარების გარეკანისათვის, ამკობდნენ ოქროზღვდულობით, ძვირფასი თვლებით და მინაქრით, სხვა ეგზემპლარებს იყენებდნენ საკურთხევის მოსართავად: მთავარი დანიშნულება დიპტიქისა მაინც ის იყო, რომ მათ ამავე დროს იყენებდნენ საღვთისმსახურო ლოცვების, აგრეთვე მიცვალებულთა და ცოცხლების მოსახსენებლების ჩასაწერად და საკითხავად. IV ს. ჩნდება სპეციალურად დამოსადებული დიპტიქები ეკლესიაში ღვთისმსახურებაზე გამოსაყენებლად, რომლებიც გაფორმებული იყო ბიბლიური სიუჟეტებით. მათზე იწერებოდა გარდაცვლილთა და ეკლესიის წინაშე დამსახურების მქონე ცოცხალი პირების სიები, ეგრეთ წოდებული სინოდიკონები. ამიტომ გაჩნდა სამგვარი დიპტიქი: 1. საეპისკოპოსო დიპტიქები, ადგილობრივ იერარქთა მოსახსენებლად; 2. დიპტიქები ცოცხალ პირთა (მეფეებისა, იერარქთა, შემომწირველთა); 3. დიპტიქები მიცვალებულ საეკლესიო მოღვაწეთა და ქველმოქმედთათვის. დიპტიქები ხშირად ასრულებდნენ ხატების მაგიერობას მღვდელმსახურთა და მორწმუნეთა მგზავრობის დროს სალოცავად. ასეთი დიპტიქები მომრავლდა IX საუკუნიდან, ხატმებრძოლობის შემდეგ. ფიქრობენ, რომ ასეთ დანიშნულებას ხელი შეუწყო ხატების დენამა. – „საქართველოში მართლმადიდებელი ეკლესიის ენციკლოპედიური ლექსიკონი“, თბილისი, 2007, ავტორ-შემდგენელი ენრიკო გაბიძაშვილი, მაია მამაცაშვილი, ანა დამბაშიძე.

***მაგალითად, ორიგენი თავისი სიკვდილიდან 150 წლის შემდეგ იქნა ანათემირებული თეოფილე ალექსანდრიელის მიერ და შემდეგ, ხელმოკრედ – კონსტანტინოპოლის 543 წლის კრებაზე; ასევე, თეოდორე მომსუსესტელი – V მსოფლიო კრებაზე; პაპი პონორე – VI მსოფლიო კრებაზე. თავის ერთ-ერთ ეპისტოლეში (185-ე) ნეტარი ავგუსტინე ბონიფაცე კომიტს (კომიტ – რომის იმპერიაში ერთ-ერთი უმაღლესი სამოქალაქო თანამდებობა) წერს: „იმა რომ ნამდვილად ჰქონოდა ადგილი, რასაც დონატისტები ცეცილიანეს აბრალუბდნენ (კართაგენის ეპისკოპოსს) და მათ რომ შესძლებოდათ ეს ჩვენთვის ერთხელ მაინც დაემტკიცებინათ, მაშინ ჩვენ მას უკვე გარდაცვლილსაც შევაჩვენებდით“.

****აღმოსავლელ პატრიარქთა ეპისტოლეს მე-10 წევრი. ლეონ I თავის მე-18 ეპისტოლეში წერს: „რაც ადამიანს სხეულში ყოფნისას არ მყოლია, ის არ შეიძლება მას გააქვეს სხეულის დატოვების შემდეგ. არ არის იმის აუცილებლობა, რომ ჩვენ განსჯათ გარდაცვლილთა შეცოდებანი და ქმედებანი, რამეთუ თვით უფალი დემონი ჩვენი, რომლის განჩინებანი მიუწვდომელია, თავის მართლმსაჯულებისათვის იტოვებს იმას, რისი შესრულებაც სამღვდლოებამ ვერ შეძლო“.

ზოგადად, საეკლესიო სასჯელი უმთავრესად იმ მიზნით გამოიტანება, რომ გამოსწორდეს და სიკეთისაკენ მიიქცეს ეკლესიის წევრები, რომლებიც შეცდნენ და ჭეშმარიტი გზიდან გადაუხვიეს. ეს მიზანი კი ვერასვლით იქნება მიღწეული მიცვალებულების მიმართ. მათი ანათემირება, რაც კართაგენის ამ კრების კანონში გვხვდება და ზოგიერთ სხვა საეკლესიო ხელისუფლების კანონიკურ გადაწყვეტილებებშიც, ხდება ეკლესიის ცოცხალ წევრთა სარგებელისათვის, რომლებსაც ამის საშუალებით მიეთითებათ, რომ კონკრეტული მიცვალებული, თავისი დანაშაულებების გამო, რომლებიც მხოლოდ მისი სიკვდილის შემდგომ გახდა ცნობილი, უღირსი იყო ეკლესიური ერთობისა და ამიტომ მათთან უნდა შეწყვიტონ სულიერი კავშირი, არ ილოცონ და არ შესწირონ მისთვის. თანაც მისი სახელი უნდა წარისოცოს საეკლესიო დიაკრიქებიდან, ხოლო თუ შესაძლებელია, არც დასაფლავების ეკლესიური ადგილი მიეცეს. ამგვარად, ეკლესიის მიზანი, რომელიმე გარდაცვლილის შექვენებისას, მდგომარეობს იმაში, რომ მისმა ცოცხალმა წევრებმა დაინახონ მის მიერ სიცოცხლეში ჩადენილი დანაშაულის მთელი სიმძიმე და გაფრთხილდნენ, რომ თავად არ ჩაეზრდნენ მსგავს ცოდვაში, უმთავრესად კი იმიტომ, რომ თუ ეკლესია არ განსჯიდა ცუდ მავალით, შეიძლება ცოცხალ წევრებს მიებაძთ მისთვის.

საეკლესიო დიაკრიქების გამოყენების შესახებ საუბარია, აგრეთვე, მოციქულთა განწესებებში (VIII, 12). კანონის სიტყვები: „მისი სახელის ხსენება (ცნობილი ცოდვილის) ნურასდროს აღეველინება ღვთის მღვდელთა მიერ“, გულისხმობს მისი სახელის ამოშლას „საუპისკოპოსო დიაკრიქიდან“ და მოუხსენიებლობას ღვთისმსახურების დროს. ზუსტად ასეთივე განწესება გამოსცა მეხუთე მსოფლიო კრებამაც თეოდორე მოფსუესტელის მისამართით*

კანონის მეორე ნაწილში საუბარია იმის შესახებ, რომ არ შეიძლება ანათემიდან განთავისუფლებულ იქნეს ის ეპისკოპოსი, რომელიც სულიერი ანდერძის გარეშე გარდაიცვალა, რის გამოც მისი ქონება საერთო წესის თანახმად მისმა ნათესავებმა დაიმკვიდრეს – მწვალებლებმა ან წარმართებმა, რადგან, როგორც კანონი ამბობს, იგი ვალდებული იყო ამის შესახებ წინასწარ ეზრუნა და ქონება კანონისამებრ განეკარგა, როგორც ეს მის წოდებას შეეფერება.**

კანონი 82 (93)

განეაჩინეთ, აგრეთვე მონობიდან გათავისუფლების შესახებაც, რაც ეკლესიაში ხდება, რომ ამის თაობაზე თხოვნა-ვედრება გაიგზავნოს ხელმწიფესთან.***

(მოც. 72; IV მსოფ. 4; ტრულ. 85; კართ. 64)

ამ კანონით ხდება კართაგენის 64-ე კანონის აღორძინება იმასთან დაკავშირებით, რომ აუცილებელია სახელმწიფო ხელისუფლებისათვის შუამდგომლობით მიმართვა, რათა მან სცნოს ეკლესიის უფლება მონების გათავისუფლებასთან დაკავშირებით.

*იხ. მსოფლიო კრებების საქმენი, V, 189, 191.

**იხ. მოც. მე-40; ანტიოქ. 24-ე, და კართ. 32-ე კანონები.

***კართ. 401 წლის კრების მე-16 კანონი.

კანონი 83 (94)

განვაჩინეთ ესეც: ყველგან, მინდერებსა თუ ბალ-ვენახებში, სადაც კი, ვითომცდა მოწამეთა მოსახსენებლად, აღმართულია საკურთხეველები, რომლებშიც არ აღმოჩნდება დასვენებული მოწამეთა სხეულები თუ წმიდა ნაწილები, უნდა დაინგრეს, თუ ეს შესაძლებელია – ადგილობრივი ეპისკოპოსის მიერ. ხოლო თუკი ამას არ დაუშვებს ხალხის მღელვარება, უკიდურეს შემთხვევაში, დამოძღვრელი მაინც იქნეს ერი, რათა აღარ შეიკრიბოს აღნიშნულ ადგილებში და მართლმადიდებლურად მოაზროვნენი ცრურწმენით არ მიეჯაჭვონ მსგავს ადგილებს. მოწამეთა ხსენება სრულებითაც არ უნდა აღინიშნებოდეს ისეთ ადგილებში, სადაც არ განისვენებენ მათი სხეულები ან წმიდა ნაწილები, ან თუ არ არის იქ ძველი და მართალი გადმოცემის თანახმად მათი საცხოვრებელი, მოღვაწეობის ან მარტვილობის ადგილი. ხოლო საკურთხეველები, სადაც არ უნდა იყოს ისინი აღმართული ზოგიერთი ადამიანის სიზმრებისა თუ ამო გამოცხადებების კარნახით, დაე, ყოველმხრივ უარყოფილ იქნეს.*

(მოც. 31; IV მსოფ. 4; ტრულ. 31; VII მსოფ. 7; ანტიოქ. 5)

რამდენიმე კანონის განწესების თანახმად (ტრულ. 31-ე და პარალ. კანონები), არც ერთი ეკლესია არ შეიძლება აიგოს მმართველი ეპისკოპოსის ნებართვის გარეშე, რომელმაც უშუალოდ ან სხვისი მეშვეობით უნდა აკურთხოს ის, საკურთხეველის საფუძველში წმინდა მოწამეების წმინდა ნაწილების დაბრძანებით. როგორც კანონიდან ჩანს, ზოგიერთები თავიანთ მინდერებსა და ვენახებში აგებდნენ საკურთხეველებს და ამას იმით ხსნიდნენ, რომ სიზმარში რაღაც სასწაული იხილეს ან გაეცხადათ ეს ზოგიერთთა წინასწარმეტყველური ნიჭით. ამით შეცდომაში შეჰყავდათ უბრალო ხალხი და ზიანს აყენებდნენ მართლმადიდებლურ სარწმუნოებას. ამიტომ კანონი განაწესებს ეპისკოპოსის განკარგულებით თითოეული ასეთი საკურთხეველის დანგრევას, რომელიც თითქოსდა აშენებულია მოწამეთა სადიდებლად, სინამდვილეში კი საკურთხეველის ქვეშ არამცთუ წმინდა ნაწილები არა აქვთ, არამედ არცკი ახსოვს ვინმეს, რომ იქ ოდესმე წმინდანი ეწამათ. თუკი ხალხი წინ აღუდგება საკურთხეველის დანგრევას და ამბოხს მოაწყობს, მაშინ, როგორც კანონი ამბობს, აუცილებელია განემარტოს მას, შეეგონოს, რომ ასეთ ადგილებში მართლმადიდებლების შეკრება ცოდვაა, ისინი არ უნდა გააჰყენენ ცრურწმენას და ამით შეურაცხონ თვით ქრისტეს ჭეშმარიტი მოწამეების ხსოვნა.

კანონი 84 (95)

კეთილად განვაჩინეთ ისიც, რომ ეთხოვით უდიდებულეს მეფეებს ყველანაირად აღმოფხვრან კერპთთაყვანისმცემლობის ნაშთები – არამხოლოდ გამოძერწილი ქანდაკებები, არამედ რაღაც ადგილების, ჭაღებისა თუ ხეების სახითაც არსებული.**

(კართ. 58)

*კართ. 401 წლის კრების მე-17 კანონი.

**კართ. 401 წლის კრების მე-18 კანონი.

ეს კანონი აღორძინებს კართაგენის 58-ე კანონის განწესებას იმასთან მიმართებით, რომ აუცილებელია სახელმწიფო ხელისუფლების წინაშე შუამდგომლობა აფრიკაში იმ დროს ჯერ კიდევ არსებული კერძო ნაშთების გასანადგურებლად.

კანონი 85 (96)

ყველა ეპისკოპოსმა თქვა: თუ კეთილად იქნება განსჯილი გარკვეული სიგელების დაწერა კრებაზე, მაშინ, დაე, ღირსად პატივდებულმა ეპისკოპოსმა, თავმჯდომარემ ამ საყდარზე, კეთილინებოს და ყველას სახელით დაწეროს სიგელები, რომელთა გაგზავნასაც გადავწყვეტთ და ხელიც მოაწეროს. აგრეთვე, იმ ადგილისმცველ ეპისკოპოსებს, რომლებიც უნდა წარგზავნონ აფრიკის სამთავროებში დონატისტების საქმის გამო, დაე, მიეცეთ სიგელები, რომლებშიც განსაზღვრული იქნება მათთვის მიცემული დავალების ძალა, და ამ ძალისგან არ უნდა გადაიხარონ.*

(კართ. 55)

ნეტარი ავეუსტინე ერთ-ერთ თავის თხზულებაში საუბრობს რომისა და კართაგენის ეკლესიების ერთნაირ მნიშვნელობაზე და ორივე მათგანს ბრწყინვალე ეკლესიებს უწოდებს. გარდა ამისა, ამ კრების 55-ე კანონიდან ჩვენ ვხედავთ, რომ კართაგენის ეპისკოპოსი აფრილიოსი ამბობს, რომ მას აწევს მოვალეობა იზრუნოს აფრიკის ყველა ეკლესიაზე, რის საფუძველზეც აფრიკის ეკლესიებში ეს ეპისკოპოსი აღიარებული იყო სრულიად აფრიკის პრიმასად. ამ მდგომარეობის ძალით, კართაგენის ეპისკოპოსი მრავალი პრივილეგიით სარგებლობდა; ერთ-ერთი მათგანი ამ კანონშია მოხსენიებული, კერძოდ ის, რომ იგი ყველას სახელით ადგენს და ხელს აწერს ყველა იმ სიგელს, რომელიც კრების სახელით იგზავნება.

კანონი 86 (97)

რადგან საერთოა ეს საქმე, რომელსაც ამჟამად ყურადღება მიაპყრო ჩვენმა ძმამ და თანამწირველმა, დაე, უწყოდეს თითოეულმა ჩვენგანმა მისთვის ღმერთისგან განსაზღვრული წეს-განგება, რომ სხვათა შემდგომად დადგინებულებმა უპირატესობა მიანიჭონ მათზე უადრეს დადგინებულებს და ნუ გაკადნიერდებიან რამე მოიმოქმედონ მათი ნების გაუთვალისწინებლად; ამისთვის გთავაზობთ ჩემს მოსაზრებას: გემართებს, მთელი კრების ძალისხმევით ავლაგმით შესაფერისად ყოველი, რომელიც უგულვებელყოფს მასზე უადრესად დადგინებულებს და მათ მიმართ გარკვეულ კადნიერებას ავლენს. ნუმიდიის პირველი საყდრის ეპისკოპოს სანკტიპიოსმა, თქვა: რას იტყვით ამაზე აქ მყოფი ძმები, მოისმინეთ რა ჩენი ძმისა და თანამწირველის – აფრილიოსის მოსაზრება? ეპისკოპოს დატიმოთსმა თქვა: რაც ძველი

*კართ. 401 წლის კრების მე-19 კანონი.

დროის მამათა შეხედულებებით იქნა განჩინებული, ის შემოგვთავაზეს თანხმობის მისაცემად; კართაგენის ეკლესიის უწინდელი კრებების საქმენი რასაც შეიცავენ, დაე, ის ყოველივე თქვენი თანხმობით დადასტურდეს და ყველას მიერ აღსრულდეს. ყველა ეპისკოპოსმა თქვა: ეს წესი, დაცული იყო მამათა და ძველთა მიერ, და ჩვენგანაც, ღმრთის ნებით, აღსრულდება. მაგრამ, ამასთანავე, დაე, შენარჩუნებულ იქნეს ნუმიდიისა და მავრიტანიის ეპისკოპოსთა უფლება, ნუმიდიის წერილთსაცავისა და საყდართა ნუსხების საფუძველზე. მერმე ყველა ეპისკოპოსმა, რომელთაც ხელი მოაწერეს ამ კრების განწყობებას, ისურვა, რომ საყდართა ნუსხაც და ნუმიდიის თავდაპირველი დადგენილებაც ინახებოდეს კონსტანტინოპოლის სამიტროპოლიტოს პირველ საყდარში.*

(მოც. 34; I მსოფ. 4, 6, 7, 18; II მსოფ. 2, 3; III მსოფ. 8, 9; IV მსოფ. 9, 17, 28; ტრულ. 7, 36, 39; ანტიოქ. 9; ლაოდ. 20, 56; სარდ. 3, 4, 5; კართ. 17, 39, 89)

აფრიკული ეკლესიის ძველი ჩვეულების თანახმად, პირველ ეპისკოპოსად ის ითვლებოდა, რომელიც უწინ იყო ხელდასხმული. ამას, ამ კანონის მოტივირებისას, კატეგორიულად ამტკიცებს ეპისკოპოსი აფრილიოსიც. თუმცა, ბევრი ეპისკოპოსი არ ეთანხმებოდა ამ აზრს და ცდილობდა თავისი კათედრის პრივილეგია და მნიშვნელობა წინა პლანზე წარმოეჩინა. ისინი ეპისკოპოსთა საერთო კრებაზე ცდილობდნენ მცირე კათედრის ეპისკოპოსებზე მაღლა დაეკავენინათ დასაჯდომელები, მიუხედავად იმისა, რომ ეს უკანასკნელნი კურთხევით მათზე უფროსები იყვნენ. სწორედ ამ მიზეზით მიიღეს წინამდებარე კანონი, თანაც, კრების ერთობლივი ხმით დამტკიცდა მთელი აფრიკული ეკლესიისათვის უკვე არსებული პრაქტიკის კანონიკური მნიშვნელობა. იმ მიზნით, რომ მომავალში ადგილი აღარ ჰქონოდა პირველობისათვის დავას, ამ კრებამ თავისი 89-ე კანონით დაადგინა, რომ თითოეულმა ეპისკოპოსმა კურთხევისას უნდა მიიღოს მაკურთხებელთაგან საგანგებო სიგელი მათი ხელმოწერებით, სადაც ზუსტად იქნება აღნიშნული მისი ეპისკოპოსად კურთხევის დღე.

ზოგიერთი აფრიკული ეკლესიის უპირველეს კათედრასთან მიმართებით, კანონი უშეგებს გამონაკლისს, რაც გამოხატულია მის დასკვნით ნაწილში მავრიტანიასა და ნუმიდიასთან დაკავშირებით.

კანონი 87 (98)

კუოდუულტდეოსა და კენტვირის შესახებ. რადგანაც მისი მოწინააღმდეგის თხოვნის შემდეგ, რომ ჩვენი კრებისთვის წარმოგვედგინა ის, მიეცა შეკითხვა, სურდა თუ არა ეპისკოპოსების წინაშე განსჯილიყო მისი საქმე, თავიდან დათანხმდა, მაგრამ მეორე დღეს მოგვიგო, რომ არ სურდა ეს, და გაგვშორდა, ამიტომ ყველა ეპისკოპოსს სათნოდ უჩანს, რომ არაუინ მიიღოს ერთობაში ეს კუოდუულტდეო, სანამ მისი საქმე არ დასრულდება. რამეთუ

*შილეიანის 402 წლის კრების 1 კანონი.

მის შესახებ საქმის დამთავრებამდე მისთვის ეპისკოპოსობის ჩამორთმევა არც ერთი ქრისტიანისთვის მისაღები არ იქნებოდა.*

(მოც. 74; II მსოფ. 6; IV მსოფ. 9, 17, 19, 21; ტრულ. 8; ანტიოქ. 14; ლაოდ. 40; სარდ. 4; კართ. 8, 12, 15, 19, 96, 121, 128, 129, 130; ორგ ზ. 13, 16)

ეპისკოპოსმა კუოდვეულტდელსმა, შეკითხვაზე, სურს თუ არა გამოცხადდეს კრებაზე თავის ბრალმდებელთან დასაპირისპირებლად, რომელსაც საჩივარი პქონდა მის წინაღმდეგ შეტანილი, თავიდან თანხმობა განაცხადა, მაგრამ შემდეგ უარი თქვა და სასამართლოზე მისვლას თავი აარიდა. ამის გამო, კრებამ დაადგინა შეეწყვიტათ ეპისკოპოს კუოდვეულტდელსთან ერთობა იქამდე, ვიდრე მის საქმეს სასამართლო არ განიხილავდა. მიუხედავად ამისა, კრება მას ეპისკოპოსობიდან არ განკვეთს, მაგრამ ამის გაკეთებას აპირებს მხოლოდ იმ შემთხვევაში, თუ სასამართლოზე მისი ბრალდება დამტკიცდება, როგორც ეს დაწესებულია საერთო საეკლესიო კანონებით.

კანონი 88 (99)

ვალატენის ეპისკოპოს მაქსიმიანეს შესახებ, განჩინებულია: კრების სახელით გაეგზავნოს სიგელები მასაც და მის სამწყვსოსაც, რათა მან დატოვოს ეპისკოპოსობა, იმათ კი სხვა ეძიონ თავისთვის.**

(III მსოფ. 9; ორგ ზ. 16; პეტრე ალექსანდრიელის 10; კირილე ალექსანდრიელის 2, 3)

როდესაც ვალატენის საღმრთო ერმა არ მოისურვა მაქსიმიანეს ეპისკოპოსად მიღება, რომელიც განხეთქილებიდან მოქცეული ყოფილი დონატისტი იყო, მან საეკლესიო მშვიდობის შენარჩუნების მიზნით უარი თქვა თავის კათედრაზე და ეს კრებას განუცხადა. კრებამ საერთო მშვიდობისათვის მოიწონა მაქსიმიანეს გადაწყვეტილება და მიიღო მისი გადადგომა, მის ნაცვლად კი სხვისი დადგინება განაწესა.***

კანონი 89 (100)

კეთილად განვაჩინეთ ესეც: ამიერიდან აფრიკის სამთავროებში ხელდასხმულებმა, დაე, მიიღონ თავიანთი ხელთდამსხმელებისაგან სიგელები,

*მილევანის 402 წლის კრების მე-2 კანონის პირველი ნაწილი.

**მილევანის 402 წლის კრების მე-2 კანონის მეორე ნაწილი.

***ამასთან დაკავშირებით ნეტარი ავგუსტინე შენიშნავს: „მნიშვნელოვნად უფრო სასახელია მოისხნა ეპისკოპოსობის ტვირთი იმ მიზნით, რომ ეკლესიას ხიყვათ აარიდო, ვიდრე ის მის სამართავად აიღო. რამეთუ ეპისკოპოსობის პატივის ღირსეულად ტვირთსიღვას ის ამტკიცებს, ვინც იმ დროს, როდესაც ეკლესიის მშვიდობას სჭირდება, თავისუფლად დათმობს თავის კათედრას.“

მათივე ხელმოწერით, კონსულის ანუ ხელდასხმის წლისა და დღის აღნიშვნით, რათა არანაირი ეჭვი არ წარმოიშვას უმცროს-უფროსობის გამო.*
(კართ. 86)

კანონი საკვებით ნათელია; ის მიიღეს, რათა კიდევ ერთხელ დამტკიცებინათ ამ კრების 86-ე კანონი, რომელიც განაწესებს, რომ ეპისკოპოსთა კრებაზე პირველობა ეკუთვნის იმ ეპისკოპოსს, რომელმაც დროში უფრო ადრე მიიღო ქიროტონია. ამ კანონში მოხსენიებული სიგელები სხვა არაფერა, თუ არა ახლანდელი სინგელიები, რომლებიც ეპისკოპოსებს მმართველი სინოდისაგან ეძლევათ. მათში აღნიშნება ქიროტონიის მიღების დრო და ადგილი, და დაბეჭდილია (დამტკიცებულია) მიტროპოლიტისა და სინოდის სხვა ნამდვილი წევრების ხელმოწერით.**

კანონი 90 (101)

განჩინებულია ესეც: ვისაც თუნდაც ერთხელ წაუკითხავს ეკლესიაში, იგი სხვა ეკლესიის მიერ, დაე, ნუ მიიღება დასში***
(ტრულ. 33; VII მსოფ. 14; ლაოდ. 15)

VII მსოფლიო კრების მე-14 კანონის განმარტებიდან ჩვენ ვიხილეთ, რომ ეკლესიის მედავითნენი ეპისკოპოსისგან მანამდე იღებდნენ კურთხევას, ვიდრე თავის მსახურებას შეუდგებოდნენ გარკვეულ ეკლესიაში, და მხოლოდ ამ კურთხევის ძალით ხდებოდნენ ეკლესიის დასის წევრები გარკვეული ეპარქიისა და ემორჩილებოდნენ მმართველი ეპარქიალური ეპისკოპოსის ხელმწიფებას. როგორც გარკვეული ეპარქიის კლირიკოსებს, მათ უკვე აღარ შეეძლოთ თვითნებურად გადასულიყვნენ სხვა ეპარქიის ეკლესიის დასში, ისევე, როგორც სხვა ეპარქიის ეპისკოპოსი ვერ მიიღებდა მას იმ ეპისკოპოსის განსატყევებელი სიგელის გარეშე, რომელმაც ის წიგნის მკითხველად აკურთხა და რომლის ეკლესიის დასსაც მიეკუთვნება. მაშასადამე, მედავითნისათვის, ისევე, როგორც ეკლესიის დასის სხვა წევრებისთვის, ძალაში იყო ერთი ეპარქიიდან მეორეში გადასვლასთან დაკავშირებული საერთო კანონიკური ნორმა.

კანონის სიტყვებიდან – „ვისაც თუნდაც ერთხელ წაუკითხავს ეკლესიაში“ შეიძლება დაგვესკვნა, რომ აკრძალულია სხვა ეპარქიაში მიღება მხოლოდ იმ მკითხველისა, რომლებიც უკვე შეუდგნენ თავიანთი მოვალეობის შესრულებას ეკლესიაში, მიუხედავად იმისა, იყენენ თუ არა კანონიერად დადგინებულნი და, შესაბამისად, შეიძლება მათი მიღება სხვა ეპარქიაში მმართველი ეპისკოპოსის ნებართვის გარეშეც, თუკი მათ სულ ახლახან მიიღეს კურთხევა თავისი ეპისკოპოსისგან და ჯერ კიდევ არ შედგომიან თავიანთ სამსახურებრივ მოვალეობას (მედავითნობას) მის ეპარქიაში. ამ აზრით, – როგორც ბალსამონი განმარტავს, –

*მილევიანის 402 წლის კრების მე-3 კანონი.

**ამ სიგელების ფორმების შესახებ იხ. ათენის სინტაგმაში, V, 544 და შემდგ.

***მილევიანის 402 წლის კრების მე-4 კანონი.

გაიგებოდა ზოგიერთების მხრიდან კანონის ზემომოყვანილი სიტყვები, თუმცა, მისი შეხედულებით, უფრო სწორი იქნებოდა ეს კანონი გავეგო იმ მოსაზრებით, რომ თითოეული, ვინც გარკვეულ ეპარქიაში მკითხველად ეკურთხა, ამის შემდეგ ვეღარ შესძლებს მმართველი ეპისკოპოსის ნებართვის გარეშე სხვა ეპარქიაში გადასვლას, რადგან იმ ეპარქიის დასის წევრია, სადაც ის აკურთხეს. ბალსამონის ეს განმარტება ჩვენ საესებით სწორად მიგვანია, მით უფრო, რომ თვით კითხვის აქტი წარმოადგენს დადგინების შემადგენელ ნაწილს, რომლის დროსაც ეპისკოპოსი კონკრეტულ პირს გადასცემს „სამოციქულოს“, საიდანაც იგი (წიგნის მკითხველად დადგინებული) კითხულობს გარკვეულ ამონარიდებს. ამის გამო, კანონის ზემომოყვანილი სიტყვები უნდა გაეიგოთ დადგინების აზრით, დამოუკიდებლად იმისგან, შეუდგა თუ არა დასის ახალი წევრი თავის მოვალეობის შესრულებას გარკვეულ ეკლესიაში.

კანონი 91 (102)

თქვენ ყველამ აღთქმა დადეთ და ვგარაუდობდით, რომ თითოეული ჩვენგანი თავის ქალაქში ან ერთი-ერთი მდინე საგანგებოდ, ურთიერთობაში შევიდოდა დონატისტების წინამძღვრებთან, ანდა შემოიკავშირებდა სხვა, მეზობელ ეპისკოპოსებს, რათა მათი დახმარებით დაგვემყარებინა მათთან ურთიერთობა ყველა ქალაქსა და ადგილზე, იმ ადგილების მმართველებისა თუ პირველების მეშვეობით. ყველასათვის არის თუ არა ეს სათნო, გვეცნობოს. ყველა ეპისკოპოსმა თქვა: ყველასათვის სათნოა.*
(კართ. 47, 57, 66-69, 92-94, 99, 117-119, 124)

კანონი 92 (103)

კათოლიკე ეკლესიის ეპისკოპოსმა** თქვა: მოწვევა, რომელიც თქვენი პატიოსნების მიერ უნდა წარგზავნოს დონატისტებს, კეთილინებეთ მოისმინოთ და კრების საქმეებში ჩაერთოთ, და მათთან გაგზავნოთ, რათა მერმე მათი პასუხიც თქვენი (კრების) საქმეთა მეშვეობით ჩვენთვის ცნობილი გახდეს.

რჯულიერად შემოვდივართ თქვენთან ურთიერთობაში, წარმოგზავნილნი ჩვენი კანონიერი კრებისგან, გვსურს რა განვიხაროთ თქვენი გამოსწორების გამო. რამეთუ ვუწყით ჩვენ სიყვარული უფლისა ჩვენი, რომელმა თქვა: „ნეტარ იყენენ მშვედობისმყოფელნი, რამეთუ ისინი ძედ ღმრთისად იწოდნენ“ (მათე 5, 9). მოისხენია მან აგრეთვე წინასწარმეტყველის მეშვეობითაც, რათა იმათაც კი, ვისაც არ სურს ჩვენს ძმად იწოდებოდეს, ვუთხრათ – ჩვენი ძმები ხართ! ამგვარად, ნუ დააკინებთ ამას, ჩვენი მშვიდობისმყოფელი სიყვარულიდან მომდინარე შეხსენებას. თუ ჰგონებთ, რომ ჭეშმარი-

* კართაგენის 403 წლის კრების I კანონი.

** კართაგენის ეპისკოპოსი ავირილიოსი.

იტი გაქეთ რამე, შეუეჭვებლად დაციავით ის: ანუ მოიწვიეთ თქვენი კრება, ამოირჩიეთ თქვენგან ისინი, რომელთაც მიანდობთ თქვენი გამართლების საქმეს; ჩვენც შეგვიძლია იგივე მოვიმოქმედოთ, ანუ ჩვენი კრებიდანაც იქნენ ამორჩეულნი, რომლებიც გარკვეულ ადგილას და განსაზღვრულ დროს თქვენი წრიდან ამორჩეულებთან ერთად მშვიდად გამოიკვლევენ ყოველივეს, რაც კითხვის ქვეშ დგას და რაც თქვენ ჩვენთან თანაზიარებისაგან განგაშორებთ, და ჩვენი უფალი ღმერთის შეწევნით, თუნდაც დაგვიანებით, ბოლო მოეღოს ამ გაჭიანურებულ გაურკვევლობას, რათა კაცობრივ რწმუნებებს შედგომილი უძღური და უმცარი სულები არ წარწყმდენ მკრებელურ დაყოფაში. რამეთუ თუკი ძმურად მიიღებთ ამას, მაშინ ჭეშმარიტება სწრაფად გამოჩნდება; ხოლო თუკი არ ისურვებთ ამის ქმნას, მაშინ თქვენი ურწმუნობაც უმაღვე საცნაური გახდება.

ამ ნიშნის წაკითხვის შემდეგაც ყველა ეპისკოპოსმა თქვა: სავსებით ვეთანხმებით, დაე, ასე იყოს.*

(კართ. 47, 57, 66-69, 91, 93, 94, 99, 117-119, 124)

პანონი 93 (104)

კომონიტორი** ძმებს, თეასიოსსა და ევოდოსს, კართაგენის კრების მიერ წარგზავნილებად დანიშნულთ უსახელოვანეს და უკეთილმსახურეს თეთმპყრობელთადმი. როცა უფლის შეწევნით მიეხლებიან ისინი უკეთილმსახურეს მიეფებს, გამოუცხადონ მათ, თუ როგორი სრული თავისუფლებით, სამოქალაქო შეტყობინებათა მეშვეობით იქნენ გასული წლის კრების დროს მოწვეულნი დონატისტების უხუცესნი ჩვენთან შესაკრებად, რათა, თუკი აქეთ კადნიერება თავიანთი შეხედულების დასაცავად, ამოერჩიათ თავიანთი წრიდან მავანნი, უნარის მქონენი და მშვიდობიანად შეგვპაექრობდნენ ჩვენ, და ქრისტიანული სიმშვიდით შეუეჭვებლად ეჩვენებინათ, თუკი რამე შეინარჩუნეს ჭეშმარიტებისაგან, რათა ამგეარად კათოლიკე სიწრფელე, ძველთაგანვე გამობრწყინებული გარდასულ დროებში, ახლაც მსგავსადვე ყოფილიყო შეცნობილი მოწინააღმდეგის დაბნეულობასა და სიჯოუტეში. მაგრამ რადგანაც ისინი ღამის უიმედობამ მოიცვა, პასუხადაც ვერაფრის თქმა გაბედეს. ამრიგად, რადგან გამოყენებულ იქნა მოქმედების საეპისკოპოსო და მშვიდობიანი საშუალებანი ესეეთართა მიმართ და მათაც, არ შეეძლოთ რა სიტყვის მიგება ჭეშმარიტების წინააღმდეგ, უაზრო ძალადობრივი ქმედებები დაიწყეს, ისე, რომ ბევრი ეპისკოპოსი და მრავალი კლირიკოსი (ერისკაცებზე აღარაფერს ვამბობთ) შეაჭირვეს დაბეზლებებით, და ზოგიერთ ეკლესიაში შეიჭრნენ კიდევ, ხოლო სხვაგან კი - სცადეს შეჭრა, ამიტომ ხელმწიფეთა კაცთმოყვარეობამ უნდა იჩქაროს, რათა კათოლიკე ეკლესია, ქრისტესთვის მათი მშობელი თავისი კეთილპატიოსანი წიაღიდან

*კართაგენის 403 წლის კრების მე-2 კანონი.

**შემასხენებელი წერილი, ერთგვარი სახელმძღვანელო, ინსტრუქცია.

და მტკიცე რწმენით აღმზრდელი, დაცული იყოს მათი ზრახვებისაგან, რათა მათი კეთილმსახური ზეობისას კადნიერი ადამიანები არ გაბატონდნენ უძლურ ერზე ერთგვარი დაშინების მეშვეობით, როცა შეგონების გზით ვერ ახერხებენ მის შეცდენას. რამეთუ ცნობილია და მრავალგზის კანონებითაც გამოცხადებულა, თუ რას აღმოაცენებენ განხეთქილების შემომღებთა საძაგელი ჯგროები. ეს მრავალგზის ყოფილა დაგმობილი ზემოხსენებულ კეთილმსახურ თვითმპყრობელთა ბრძანებებითაც. ამიტომ ამ განხეთქილების შემომღებთა მძვინვარების წინააღმდეგ, გთხოვთ, მოგვცეთ საღმრთო შეწევნა — არც უჩვეულო და არც უცხო წმინდა წერილისათვის. რამეთუ მოციქულმა პავლემ, როგორც ეს მოციქულთა ჭეშმარიტ საქმეებშია ნაჩვენები, უწესო ადამიანთა თვითნებური განზრახვები მხედართა შეწევნით დაამარცხა. ამგვარად, ჩვენც იმას ვითხოვთ, რომ განუხრელად ეძლეოდეს მფარველობა ეკლესიათა კათოლიკე წესებს თითოეულ ქალაქსა და სხვადასხვა ადგილებში, თითოეულ სამფლობელოს რომ ესაზღვრებიან. მართებული იქნება ერთობლივად ვთხოვთ ესეც უკეთილმსახურეს თვითმპყრობელთ, რომ დაცივან მათი ნეტარსენებული მამის, თეოდოსის მიერ გამოცემული კანონი ხელდამსხმელი და ხელდასხმული მწვალებლებისაგან ათ-ათი გირვანქი ოქროს ზღვევინების შესახებ, აგრეთვე სამფლობელოთა მთავრებისაგანაც, სადაც შემჩნეული იქნება მათი შეკრება. ამასთან, დაე, ბრძანონ აღნიშნული კანონის დადასტურება, მათი მოქმედების ძალის განვრცობით იმათზე, ვისი დასმენების წინააღმდეგაც წარმოადგინეს მოწმობები იმათ, რომლებმაც მზრუნველობა იკისრეს კათოლიკე ეკლესიაზე, რათა, უკიდურეს შემთხვევაში, ამის შიშით მაინც იქნენ შეკავებულნი განხეთქილებათა შემოღებისაგან და მწვალებლური უგუნურებისაგან ისინი, რომელნიც გადასდებენ თავიანთ განწმედასა და გამოსწორებას, რადგან თავს არ იწუხებენ საუკუნო სასჯელზე ფიქრით. კიდევ იმის თხოვნა გვმართებს, რომ მათმა კეთილმსახურებამ აღადგინოს აქამდე არსებული კანონი, რომელიც უფლებას ართმევს მწვალებლებს რამე გადაახდევინონ ხელდასხმის დროს, ან ანდერძების მიხედვით, ანდა რაიმე დატოვონ, და უბრალოდ რომ ითქვას, თავიანთი უგუნური ცრუ-რწმენებით დაბრმავებულთ და დონატისტების შეცთომილებაში ყოფნის მსურველთ, დაე, წაერთვათ ხელმწიფება რაიმეს ანდერძით დატოვებისა ან საკუთარის გადახდევინებისა. ხოლო იმათ, რომელნიც ერთიანობაზე და მშვიდობაზე ფიქრით ისურვებენ გამოსწორებას, დაე, ნება მიეცეთ ასეთი კანონის არსებობის პირობებშიც მიიღონ მემკვიდრეობა, რომელიც მათ საჩუქრად ან მემკვიდრეობით ერგოთ ჯერ კიდევ მანამდე, როცა ისინი მწვალებლურ ცთომილებაში იმყოფებოდნენ, იმათ გარდა, რომელთაც სამსჯავროზე მოწოდების შემდეგ, საჭიროდ მიიჩნიეს კათოლიკე ეკლესიაში გადმოსულიყვნენ. რამეთუ ესევეითართათთვის უნდა ვიფიქროთ, რომ მათ ზეციური სამსჯავროს შიშით კი არ ისურვეს კათოლიკე ეკლესიასთან ერთიანობა, არამედ მიწიერი სარგებლის წყურვილით მოისურვეს კათოლიკე ერთიანობა. ყოველივე ამის გარდა, საჭიროა კიდევ შეწევნა თითოეული ოლქის ხელისუფალთაგან. მაგრამ თუკი ადგ-

ილისმცველნი, რომელნიც საეკლესიო სარგებლობისათვის იღვწიან, სხვა რამესაც მიიჩნევენ საჭიროდ, იმის გაკეთებისა და აღსრულების უფლება-მოსილებასაც ვაძლევთ.*

(კართ. 47, 57, 66-69, 91, 92, 94, 99, 117-119, 124)

კანონი 94 (105)

რადგანაც მხოლოდ კართაგენში აღსრულდა გაერთიანება, ამიტომ გაიგზავნოს სიგელები მმართველებთან, რათა სხვა ეპარქიებსა და ქალაქებშიც უბრძანონ ამ მმართველებმა გულმოდგინების გამოჩენა ერთიანობისათვის. სამეფო სასახლეში კართაგენის ეკლესიიდან მთელი აფრიკის სახელით გაიგზავნოს მადლობა ეპისკოპოსთა სიგელებით დონატისტების უარყოფისათვის.**

(კართ. 47, 57, 66-69, 91-93, 99, 117-119, 124)

ზემომოყვანილი ოთხ კანონი (91-94) ეხებათ დონატისტებს, რომელთა შესახებაც საუბარი იყო კართაგენის 47-ე კანონის განმარტებაში.

კანონი 95 (106)

მასზედ, რომ არ უნდა იქნეს მოწვეული საერთო და სრული კრება, თუ არა მხოლოდ აუცილებლობის მიზეზით.

განვაჩინეთ, რომ არ არის საჭირო მომავალშიც ყოველწლიურად შეეაწუხოთ ძმები, არამედ — როცა ამას მოითხოვს საერთო, ანუ სრულიად აფრიკის საჭიროება; როდესაც საიდანმე ამ საყდრის მიმართ სიგელები შემოვა, მაშინ გემართებს კრების მოწვევა იმ სამთავროში, სადაც საჭიროება და საშუალება მოგვიხმობს. ხოლო საქმეები, რომლებიც საერთო ხასიათის არ არის, დაე, თითოეულ სამთავროში ცალკეულად განისაჯოს***

(მოც. 37; I მსოფ. 5; IV მსოფ. 19; ტრულ. 8; VII მსოფ. 6; ანტიოქ. 20; ლაოდ. 40; კართ. 18, 51, 73, 76)

ჩვენ ვნახეთ, რომ ამ კრების მე-18, 51-ე და 73-ე კანონები განაწესებენ აფრიკული ეკლესიის საერთო კრების მოწვევას ყოველწლიურად ერთ გარკვეულ დროს, კერძოდ 21 აგვისტოს. წინამდებარე კანონი აუქმებს ამ განწესებებს და ადგენს, რომ საერთო კრებები მხოლოდ იმ შემთხვევებში უნდა იქნეს მოწვეული, როდესაც ამას მოითხოვს მთელი აფრიკული ეკლესიისათვის რაიმე აუცილებელი საქმე. სხვა შემთხვევაში, ყოველწლიურად უნდა შედგეს ჩვეულებრივი ეპარქიალური კრებები ყველა იმ საქმის გადასაწყვეტად, რომლებიც ყველასათვის საერთო არ

*კართაგენის 404 წლის კრების კანონი.

**კართაგენის 405 წლის კრების კანონი.

***კართაგენის 407 წლის კრების I კანონი.

არის. საერთო საქმეების ქვეშ, — ბალსამონის განმარტებით, — იგულისხმება დოგმატური საკითხები, ყველა სხვა დანარჩენი იწოდება „კერძო“ საქმედ და მათი გადაწყვეტა მართებულია სამთავროების დონეზე.* მიზეზი, რისთვისაც კართაგენელი მამები ამ კანონს იღებენ, საკმაოდ საპატიოა, სახელდობრ: რათა ამოიღო არ შეაწუხოთ ეპისკოპოსები და უკიდურესი საჭიროების გარეშე, არ მოუწიოთ საღვთო ერის მწყემსების გარეშე დატოვება.

კანონი 96 (107-108)

107. საქმეების გადატანის აკრძალვის შესახებ ნებაყოფლობით არჩეული მსაჯულებისაგან.

თუ მოხდება საქმის გადატანა უმაღლეს სამსჯავროში და პირველი გადაწყვეტილებით უკმაყოფილო პირი აირჩევს მსაჯულებს, ხოლო მასთან ერთად ისიც, ვის წინააღმდეგაც მოითხოვს იგი ახალ სამსჯავროს, მაშინ, ამის შემდეგ ნურც ერთ მათგანს ნუ მიეცემა ნება სხვა სამსჯავროში გადაიტანოს საქმე.

108. საეკლესიო აღმასრულებელთა შესახებ. გარდა ამისა, კეთილად განესაჯეთ გვეთხოვა, რომ არჩეულ იქნეს ყველა საეკლესიო საჭიროებისათვის ხუთი აღმასრულებელი, რომელნიც სხვადასხვა სამთავროებზე უნდა განაწილდნენ.**

(მოც. 74; II მსოფ. 6; IV მსოფ. 9; კართ. 15, 100, 122)

ეს კანონი სამ ნაწილად იყოფა

1) კანონის პირველი ნაწილი, რომელიც წარმოადგენს ამავე კრების 95-ე კანონის ერთგვარ დამატებას, ამბობს, რომ ყველა საქმე, რომლებიც არ არის საერთო მნიშვნელობის, უნდა გადაწყვიტოს შესაბამისმა ეპარქიალურმა კრებებმა; რადგან წინა კანონში არ ახსენებენ აპელაციის შემთხვევებს, ამიტომ წინამდებარე კანონი ადგენს, რომ ეპარქიალურ კრებებზე გადაწყვეტილი ზოგიერთი საქმე შეიძლება გადახედული და ხელმეორედ გადაწყვეტილი იქნეს. ამასთან, განიწესება, რომ ურთიერთ შეთანხმებით არჩეული მოსამართლეების განაჩენის შემდეგ, აღარ შეიძლება უმაღლესი სასამართლოსთვის მიმართვა. ასეთი განაჩენის მნიშვნელობა აღიარებულია IV მსოფლიო კრების მე-9 კანონითაც და დადასტურებულია, ასევე, კართაგენის კრების მე-15 და 122-ე კანონებით.

*ათენის სინტაგმა, III, 536.

**„კანონთა კრებულში“ [საიდანაც არის აღებული კანონების რუსული ტექსტი] არ შედის 107-ე კანონის მეორე ნაწილი, რომელიც ბერძნულიდან რუსულ ენაზე თარგმანით ასე გამოითქმის: „სხვადასხვა ეპარქიათა ადგილისმცველებს სიხარულით შევიწყნარებთ, კერძოდ — ნუმიდიელთა, ვისაკინელთა, სიტოფენის მავრიტანელთა, მათთან ერთად კესარიანელთა და ტრიპოლელთა“. — ათენის სინტაგმა, III, 537.

კართაგენის 407 წლის კრების მე-2 კანონი.

2) კანონის მეორე ნაწილში ნახსენებია კრების მიერ სიხარულით მიღებული აფრიკული ეკლესიის სხვადასხვა სამთავროს მიერ წარმოგზავნილი დელეგატები.*

3) კანონის მესამე ნაწილი საუბრობს აღმასრულებელთა (მოურნეთა) შესახებ, რომლებსაც ეკისრებოდათ ეკლესიის საჭიროებისათვის ზრუნვა, განსაკუთრებით საეკლესიო შემოსავლების მოკრება იმ შემთხვევებში, როდესაც გარკვეული პირი უარს ამბობდა ნებაყოფლობით გადახდაზე. კანონი ადგენს, იშუამდგომლონ სახელმწიფო ხელისუფლების წინაშე ხუთი ასეთი აღმასრულებლის დასანიშნად და აფრიკის ეკლესიის სხვადასხვა ეპარქიაში მათ გასანაწილებლად.

კანონი 97 (109-110)

109. კვლავ კეთილად განვაჩინეთ, რომ ყველა ეპარქიის სახელით წარგზავნილებმა – ვიდეკტიოსმა და ფურტუნატიანოსმა სთხოვეს ყოველადიდებულ მეფეებს, რათა ბრძანონ სწავლულ ეკლიკტა („ბრძენ მოსაჯულთა“) დაფუძნება, რომელთა მოვალეობაც იქნებოდა საქმეთა დაცვა, და რომლებსაც, როგორც ეპარქიების მღვდელმსახურთ, – თავთ იდებდნენ რა ეშუამდგომლათ ეკლესიის საქმეებზე, – თავისუფლად შეეძლებოდათ, საჭიროებიდან გამომდინარე, შესულიყვნენ სასამართლოში შეპასუხებათა უარსაყოფად და იმის წარსადგენად, რაც საჭიროა.

110. განვაჩინეთ, რომ თავისუფალი ადგილისმცველობა ჰქონდეთ მეფის კარზე წარგზავნილ ადგილისმცველებს.*

(IV მსოფ. 2, 23; კართ. 75, 93)

ეს კანონიც სამ ნაწილად იყოფა

1) კანონის პირველი ნაწილი აღადგენს ამ კრების 75-ე კანონს იმის შესახებ, რომ აუცილებელია სახელმწიფო ხელისუფლების წინაშე შუამდგომლობა ეკლიკტის დასადგენად, რათა მათ დაიცვან ეკლესიისა და ასევე, უქონელთა ინტერესები.

2) იმპერატორის კარზე გაგზავნილ კრების დელეგატებს – ადგილისმცველებს (პოტირიტისებს) (იხ. 93-ე კან.) კრება მოქმედების სრულ თავისუფლებას ანიჭებს; იმპერატორთან საუბარში მათ უფლება ეძლევათ არამხოლოდ ის გამოიკითხონ და მოახსენონ, რასაც მათ კრება ავალებს, არამედ ყველაფერი ის, რასაც თავად ჩათვლიან ეკლესიისათვის სასარგებლოდ.

*„კანონთა კრებულში“ არ შედის წინამდებარე კანონის მესამე ნაწილი, რომელიც ბერძნულიდან რუსულ ენაზე თარგმანით ასე გამოითქმის: „ცნობილია, რომ კესარიის მავრიტანიელებმა თავიანთ სიგელებში დაამოწმეს, რომ თებაიდელ სამოქალაქო ხელისუფალთა მეშვეობით პრიმოსო მოწვეული იყო, – იმპერატორის ბრძანების თანახმად, – კრების წინაშე დაუყოვნებლოდ წარმოსადგომად; მაგრამ, ამავე დროს, მიუხედავად საძებნი ღონისძიებების გატარებისა, მისი აღმოჩენა ვერ მოხერხდა, – როგორც ამის შესახებ დიაკვნებმა გვაცნობეს. ახლა კი, როცა მოხსენიებულმა მავრიტანიელებმა გუთხოვეს ამასთან დაკავშირებით გაგვეგზავნა სიგელები თავიანთსაცემი ძმის უხუცესი ინოკენტისოსის მიმართ, კეთილად განვსაჯეთ გატყუებულნი ასეთი სიგელები, რათა იცოდნენ, რომ ძებნილ პრიმოსოს კრებამ ვერ მიაკლავა“. – რუსული გამოცემის რედ.

*კართაგენის 407 წლის კრების მე-3 კანონი.

3) კანონის მესამე ნაწილში საუბარია ეპისკოპოს პრიმოსოზე. იგი კესარიის მავრიტანიიდან იყო კრებაზე წარგზავნილი დელეგატის სტატუსით, მაგრამ კრებაზე გამოცხადება არ ისურვა. კანონი ადგენს, ეცნობოს ამის შესახებ უხუცეს ინოკენტის, რომელიც მაშინ კესარიის მავრიტანიის პირველ ეპისკოპოსი (პრიმასი) იყო, მაგრამ სრულიადაც არ ეცნობოს ამის შესახებ, — როგორც ამ კანონის მისეულ განმარტებაში ამბობს ზონარა, — იმდროინდელი რომის პაპ ინოკენტის (402-417).*

კანონი 98 (111)

განჩინებულ იქნა ესეც: ვრს *(სამწყსოს)*, რომელსაც არასდროს ჰყოლია თავისი ეპისკოპოსი, არ მიეცეს იგი, თუ არა მხოლოდ თითოეული სამთავროს მთელი კრებისა და უპირატესი ეპისკოპოსის გადაწყვეტილებით, და იმ ეპისკოპოსის თანხმობით, რომლის საზღვრებშიც იმყოფებოდა აღნიშნული ეკლესია.**

(მოც. 34; სარდ. 6; კართ. 53, 56)

წინააღმდეგარე კანონი მოკლედ აღადგენს კართაგენის 397 წლის კრების ერთ-ერთ ადრინდელ შესაბამის კანონს. მოხსენიებული კანონი ჩვენ მიერ მოყვანილია კართაგენის 419 წლის კრების კანონების კრებულში 53-ე ნომრით და მისი განმარტება ზემოთ არის მოყვანილი. კანონის დადგენილება სავსებით ცხადია მისი ტექსტიდან. ახალი ეპარქია შეიძლება ჩამოყალიბდეს იმ პირობებში, თუ არსებობს სამიტროპოლიტო სამთავროს ეპისკოპოსთა კრების გადაწყვეტილება, რომელიც მიტროპოლიტის თავმჯდომარეობით გაიმართება და, ამასთან, ადგილობრივ ეპისკოპოსის თანხმობა იქნება, რომ მის იურისდიქციაში შემავალი ეპარქიის ტერიტორიის ნაწილი გამოეყოს ახალ ეპარქიას.

კანონი 99 (112)

დონატისტებისაგან მოქცეული ერისა და ეპარქიების შესახებ.

დონატისტებისაგან მოქცეული ვრი, რომელსაც კრების დაუდგინებლად ჰყავს ეპისკოპოსი, დაე, ღირსი იყოს მისი ყოლისა, — ყოველგვარ ეჭვგარეშე. იმ ვრს კი, რომელსაც ეპისკოპოსი ჰყავდა და მისი სიკვდილის შემდეგ არ ისურვა თავისი ეპისკოპოსის ყოლა, არამედ ინება წესის გამოყენებით შეერთებოდა სხვა რომელიმე ეპისკოპოსის ეპარქიას, არ უნდა ეთქვას ამაზე უარი. შემოთავაზებულ იქნა ესეც: რომ იმ ეპისკოპოსებმა, რომელთაც ერთიანობის შესახებ სამეფო კანონის გამოცხადებამდე მოაქციეს კათოლიკე სარწმუნოებისაკენ ვრი, რომელიც თავიანთ მმართველობაში ჰყავდათ, უნდა შეინარჩუნონ ხელისუფლება მასზე. ერთიანობის შესახებ კანონ-

*ათენის სინტაგმა, III, 541.

**კართაგენის 407 წლის კრების მე-4 კანონი.

ნის შემდგომ და მომავალში, ყველა ეკლესია და მათი საზღვრები, და ყოველივე ის, რაც შეიძლება აღმოჩნდეს მათი საკუთრება, — კანონიერად მითვისებული ამ ეკლესიების მიერ, — დაე, დაუმტკიცდეს კათოლიკე ეპისკოპოსებს იმ ადგილებში, რომლებსაც მწვალებლები დაუფლნენ — შემდგომში კათოლიკე საარწმუნოებისაკენ მოქცეულნი თუ არმოქცეულნი. და თუკი ზოგიერთმა მათგანმა სამეფო კანონის შემდეგ მიისაკუთრა რაიმე, ის უკან უნდა დაბრუნდეს.*

(მოც. 38; კართ. 47, 57, 66-69, 91-94, 117-119, 124)

წინამდებარე კანონში განიხილება დონატისტების საკითხი, რომელთა შესახებაც ჩვენ უკვე ვისაუბრეთ ამ კრების 47-ე კანონის განმარტებაში.

კანონი 100 (113)

ეპისკოპოსმა მავრენტიმ თქვა: გთხოვთ, მსაჯულებად დაინიშნონ: უწმინდესი უხუცესი ქსანთიპე, უწმინდესი ავეუსტინე, ფლორენტინე, თეასიოსი, სამფსვიქიონი, სეკუნდი და პოსიდონი; ბრძანეთ, რომ ეს განჩინება იყოს ჩემთვის. წმიდა კრება დაეთანხმა მოთხოვნილი მსაჯულების დანიშვნას, ხოლო სხვა მსაჯულებს, რომლებიც დაკანონებული რაოდენობაზე დასამატებლად იქნება საჭირო, უხუცესი ქსანთიპე თავად ახალი გერმანიის ყველაზე უხუცესებს აარჩევინებს.**

(მოც. 74; II მსოფ. 6; IV მსოფ. 9; კართ. 12, 15, 96, 121)

ამ კანონის სრული ტექსტიდან (იხ, ათენის სინტაგმა, III, 546-546),*** ჩანს რომ ახალი გერმანიიდან რამდენიმე ბერმა ნუმიდიაში საჩივარი შეიტანა თავიანთ ეპისკოპოს მავრენტიზე. საჩივრის შედეგად მავრენტი კრებაზე გამოცხადდა, მაგრამ ამ დროისათვის ბრალმდებლები მიიმალნენ. კრებამ ისინი სასჯელის ღირსად ჩათვალა, თუმცა, მაინც, „საეკლესიო სიმშვიდისათვის“, არ მოისურვა მათ მიმართ განაჩენის გამოტანა, და დაადგინა: იმისათვის, რომ დიდი ხნით არ ჩამოშორებოდა მავრენტი თავის ეკლესიას, მის მიმართ სასამართლო ჩაეტარებინათ იმ სამთავროში, რომელსაც ის, როგორც ეპისკოპოსი, მიეკუთვნებოდა და სადაც პირველ კათედრას უხუცესი (სენეხ, სხვაგვარად — პრიმასი) ქსანთიპე იკავებდა; ამასთანავე, თვით მავრენტის შესთავაზეს თავად აერჩია მოსამართლეები. მავრენტისმა აირჩია ქსანთიპე და კიდევ ექვსი სხვა მოსამართლე, რაზედაც კრება დათანხმდა, ხოლო სხვა მოსამართლეების არჩევა, კანონიკურად დადგენილი რიცხოვნობის შესაესებად, უხუცეს ქსანთიპეს მიანდო. ეს კანონიკური რიცხოვნობა ეპისკოპოსებისა, აუცილებელი იმისათვის, რომ ეპისკოპოსის მიმართ სასამართლო შედგეს, ამავე კრების მე-12 კანონის თანახმად არის — თორმეტი. შესაბამისად,

*კართაგენის 407 წლის კრების მე-5 კანონი.

**კართაგენის 407 წლის კრების მე-6 კანონი.

***ასევე ქართული „დიდი სჯულისჯანონი“.

მაგრენტის მიერ არჩეულ ეპისკოპოსებს უნდა დამატებოდეთ კიდევ ხუთი ეპისკოპოსი. ამ კანონში ფრიად მნიშვნელოვანია შენიშვნა იმის თაობაზე, რომ არ უნდა მიეყენოს შეურაცხყოფა ეპისკოპოსს იმის გამო, რომ ეს სურს მასზე დაქვემდებარებულ მრევლს.

კანონი 101 (114)

რომისა და ალექსანდრიის ეკლესიებს შორის მშვიდობისათვის.

რომისა და ალექსანდრიის ეკლესიებს შორის არსებული უთანხმოების თაობაზე კეთილად იქნა განსჯილი, მიეწეროს უწმინდეს პაპ ინოკენტის, რათა ორივე ეკლესია ერთობლივად იცავდეს უფლის მიერ მცნებად დადებულ მშვიდობას.*

დასავლელი კომენტატორების (ვან ესპენი, ჰეფელე) აზრით, კართაგენელი მამების წინამდებარე გადაწყვეტილება გამოიწვია რომისა და ალექსანდრიის ეკლესიებს შორის არსებულმა უთანხმოებამ და არაკეთილგანწყობამ. ამის მიზეზი კი ის იყო, რომ ალექსანდრიის ეპისკოპოსმა თეოფილემ განდევნა იოანე ოქროპირი, ხოლო რომის ეპისკოპოსმა ინოკენტიმ გადაჭრით განაყენა იგი (ალექსანდრიის ეპისკოპოსი) ასეთი გადაწყვეტილების მიღებისათვის ეკლესიის ერთობიდან. თუმცა, აფრიკელი ეპისკოპოსები აშკარად იოანე ოქროპირის მხარეს იჭერდნენ (განსაკუთრებით, ეპისკოპოსი აფრილიოსი), მაგრამ, მიუხედავად ამისა, პაპის, ინოკენტის ქმედება უადგილოდ მიიჩნეის. ამის გამო, კრებაზე მათ დაადგინეს მიეწერათ მისთვის და ეთხოვათ ორივე ეკლესიაში მშვიდობის დამკვიდრება, რამეთუ ეს უფლისგან მცნებად მოგვეცა (იხ. ინ. 14, 27). ის მეთოდი, როგორითაც კანონი არის ფორმულირებული, მოწმობს, რომ კართაგენის ეკლესია ყოველთვის იჩენდა თავის დამოუკიდებლობას რომის ეპისკოპოსებთან მიმართებით, რომლებსაც ფრიად უხალისოდ უხდებოდათ მისი დამოუკიდებლობის აღიარება და მუდმივად ცდილობდნენ ყველა ამისათვის მოსახერხებელ შემთხვევაში, თავიანთი ხელისუფლების უპირატესობა წარმოეჩინათ. სწორედ ეს იყო მიზეზი კართაგენის 419 წლის კრების მოწვევისა, რომელმაც ეს (101-ე) კანონი (თორმეტი წლით ადრე მიღებული კართაგენის ერთ-ერთ კრებაზე) თავის კანონდაც აღიარა.

კანონი 102 (115)

განვაჩინეთ: დაე, სახარებისა და მოციქულთა სწავლებისამებრ, ნურც ცოლისაგან მიტოვებული და ნურც ქმრისაგან გაშვებული ნუ შეეუღლება სხვა პირს, არამედ ან ასევე დარჩნენ (მარტონი), ანდა ერთმანეთს შეურთდნენ. ხოლო თუ უგულბებლყოფენ ამას, დაე, იიძულონ სინანულად მიიქცნენ. საჭიროა ვითხოვოთ, რომ ამის შესახებ გამოიცეს სამეფო კანონიც.**

(მოც. 48; ტრულ. 87, 93, 98; ანკორ. 20; ბასილი დიდის 9, 21, 31, 35, 36, 46, 77, 80)

*კართაგენის 407 წლის კრების მე-7 კანონი.

**კართაგენის 407 წლის კრების მე-8 კანონი.

წინამდებარე კანონის დადგენილების თანახმად, არ შეიძლება კანონიერი ქორწინების გაუქმება იმის საფუძველზე, რომ ქმარმა ან ცოლმა მიატოვა თავისი მეორე ნახევარი. ქორწინება თავისთავად ძალაში რჩება და თუ მეუღლეები არ შერიგდებიან, ისინი სამუდამოდ გაყრილებად რჩებიან სხვა პირთან ახალ ქორწინებაზე უფლების გარეშე. ამ შემთხვევაში, როგორც ჩანს, საუბარია ერთობლივი ქორწინებითი ცხოვრების თვითნებურ შეწყვეტაზე, — ქმრის ან ცოლის მხრიდან, — რაც სრულ თანხმობაშია წმინდა წერილისა და ჩვენი მართლმადიდებელი ეკლესიის სწავლებასთან. ერთობლივი ქორწინებითი ცხოვრების შეწყვეტის შესახებ, როდესაც ამის საპატიო მიზეზი არსებობს, ამ კანონში არაფერია ნათქვამი, რის გამოც შეიძლებოდა დაგვესკვნა, რომ ვერც ქმარი და ვერც ცოლი ვერასდროს შეიძლებენ მეორედ დაქორწინებას, თუნდაც რომ არსებობდეს რამე მიზეზი, რის გამოც მათ შეწყვიტეს ერთობლივი ქორწინებითი ცხოვრება. უეჭველია, სწორედ ასეთი პრაქტიკა არსებობდა კართაგენის ეკლესიაში V საუკუნის დასაწყისში, რასაც თვით ამ კანონის გადმოცემის წესი ამტკიცებს. თუმცაღა, დროთა განმავლობაში, ასეთმა პრაქტიკამ ცვლილება განიცადა და VII საუკუნის ბოლოს ჩვენ ვხედავთ, რომ ტრულის კრების ერთ-ერთი კანონი (87-ე) სასჯელს უქვემდებარებს იმ პირს, ვინც „უმიზეზოდ“ დაარღვევს ქორწინებრივ კავშირს, რაც, შესაბამისად, დასაშვებია ასეთი მიზეზის არსებობის შემთხვევაში. მაგრამ ასეთ შემთხვევაშიც, საეკლესიო სამართლის თანახმად, მეუღლეები ამას ვერ გააკეთებენ თვითნებურად, რადგან მიზეზი (ერთ-ერთი მათგანის დანაშაული) სასამართლომ უნდა დაამტკიცოს და თუ ის მართლაც საფუძვლიანი აღმოჩნდა, მაშინ ხდება განშორება, და ქორწინება არამცთუ გაუქმებულად ცხადდება, არამედ უდანაშაულო მხარეს თავისუფლადაც კი შეუძლია იქორწინოს სხვა პირთან. თვით მიზეზები, რომელთა გამოც შეიძლება ქორწინება გაუქმდეს, ნორმირებულია საეკლესიო და სამოქალაქო კანონმდებლობებით. ამის შესახებ შეგიძლიათ იხ. ტრულის კრების აღნიშნული კანონის განმარტება.

წინამდებარე კანონის დასკვნით ნაწილში, კართაგენელი მამები საუბრობენ აუცილებელი შუამდგომლობის შესახებ სახელმწიფო ხელისუფლების წინაშე, რათა გამოიცეს საგანგებო სამეფო ბრძანება მათ მიერ გამოცემულ განწესებასთან შესაბამისობაში. ეს მოწმობს, რომ ქრისტიანული ეკლესია ცნობს სამოქალაქო კანონმდებლობის უფლებად ქორწინების საკითხებთან დაკავშირებულ გარკვეულ კანონებს, მსგავსად იმისა, როგორც ეს იყო ძველი რომის იმპერიაში, და ეს იმიტომ, რომ მხოლოდ სახელმწიფოს შეუძლია ქორწინების ყველა სამოქალაქო შედეგის გარანტირება, როგორც, საერთოდ, ნებისმიერი სხვა იურიდიული ხელშეკრულებისა.

ჰანოვი 103 (116)

განვაჩინეთ ესეც: დაე, ყველას მიერ იქნეს აღსრულებული კრებაზე დამტკიცებული ლოცვები, როგორც საწყისნი, ასევე დასკენითნი, და ლოცვები წინადაგებისა თუ ხელდასხმისა; და ნურასდროს იქნება აღვლენილი სხვა

ლოცვები საწინააღმდეგოდ სარწმუნოებისა, არამედ ყოველთვის წარმოითქვას მხოლოდ ის ლოცვები, რომლებიც უგანათლებულესთა მიერაა შეკრებილი.*

(მოც. 60; ტრულ. 63; ლაოდ. 59)

ჯერ კიდევ ლაოდიკის კრების განწესების თანახმად (59-ე კან.), ეკლესიაში მხოლოდ იმის წაკითხვა შეიძლებოდა, რაც კანონებით იყო დამტკიცებული. კართაგენის წინამდებარე კანონი აღადგენს აღნიშნულ განწესებას და ადგენს, რომ ეკლესიაში მხოლოდ ის ლოცვები უნდა იკითხებოდეს, რომლებიც განხილულია კრებებზე და შეწყნარებულია ეკლესიებში გამოსაყენებლად. ამასთანავე, კრძალავს ყველა სხვა ლოცვების წაკითხვას, როგორც სარწმუნოებისათვის მიუღებელს. კანონს მხედველობაში აქვს ზოგადად ყველა ლოცვა, კერძოდ კი ისინი, რომლებითაც იწყება საღმრთო ლიტურგია, შემდეგ დაგების ლოცვები და ბოლოს ის ლოცვები, რომლებსაც ეპისკოპოსი წარმოთქვამს ხელდასხმისას. „კანონთა კრებულში“ ამათ გარდა, მოიხსენიება კიდევ განტყვევის ლოცვები.

კანონი 104 (117)

განვაჩინეთ: კლირიკოსი, რომელიც მეფეს შესთხოვს თავისი საქმის განხილვას საერო სამსჯავროებში, დაე, მოაკლდეს თავის ღირსებას. ხოლო თუკი მეფისგან თავისთვის ეპისკოპოსთა სამსჯავროს მოითხოვს, ნუ აეკრძალება ეს.**

(მოც. 74; II მსოფ. 6; IV მსოფ. 9; ანტიოქ. 12; კართ. 15, 96)

ამ კრების მე-15 კანონი განაწესებს, რომ სამღვდელო და საეკლესიო დასის წევრებს შორის წარმოქმნილი სადავო საკითხები მხოლოდ საეკლესიო სასამართლოს მიერ უნდა წყდებოდეს. ანტიოქიის კრების მე-12 კანონი კი შეიცავს განწესებას, რომელიც კრძალავს საეკლესიო სასამართლოს გადაწყვეტილებაზე იმპერატორისადმი საჩივრით მიმართვას. წინამდებარე კანონი ადასტურებს ორი ზემომოხსენიებული კანონის დადგენილებებს და განაწესებს, რომ მისთვის კუთვნილი პატივი ჩამოერთვას დასის იმ წევრს, რომელიც, რამე სადავო საკითხის წარმოშობის შემთხვევაში, უგულბეღყოფს სათანადო საეკლესიო სასამართლოს და საქმის გადასაწყვეტად მიმართავს სახელმწიფო ხელისუფლებასა და მის სამოქალაქო სასამართლოს.

თუმცაღა, კანონი დასძენს, რომ დასის ნებისმიერ წევრს თვისუფლად შეუძლია იშუამდგომლოს იმპერატორის წინაშე მისთვის საეპისკოპოსო სასამართლოს დანიშვნის თაობაზე; მაგრამ ეს მხოლოდ გამორჩეულად მნიშვნელოვან შემთხვევებში, რადგან IV მსოფლიო კრების მე-9 კანონის დადგენილებით, საეპისკოპოსო სასამართლო გარკვეულ დროს იხილავს ყველა სადავო საკითხს კლირიკოსთა შორის

*კართაგენის 407 წლის კრების მე-9 კანონი.

**კართაგენის 407 წლის კრების მე-10 კანონი)

და ამიტომ ისინი არ საჭიროებენ ამისთვის იმპერატორის წინაშე უშუალოდ მომლო-
ბის დაყენებას. ყოველ შემთხვევაში, ჩვენ არ ვიცით რაგვარი შეიძლება იყოს
გარემოება, რომელიც გამოიწვევდა იმპერატორის საგანგებო ბრძანებულების აუც-
ილებლობას საეპისკოპოსო კრების მოწვევასთან დაკავშირებით სასამართლოს
საწარმოებლად. რამეთუ ცნობილია, რომ ეპისკოპოსთა კრებების მოწვევა ხდება
ყოველწლიურად, უკიდურეს შემთხვევაში, წელიწადში ერთხელ მაინც, დასის წევრებთან
დაკავშირებულ უკლებლივ ყველა საქმის გადასაწყვეტად.

კანონი 105 (118)

თუკი ვინმე, განყენებული საეკლესიო თანაზიარებისაგან აფრიკაში, გაი-
პარება ზღვისიქითა ქვეყნებში, რათა მიღებულ იქნეს ეკლესიასთან ერთო-
ბაში, ესევეთარი, დაე, სამღვდელო დასისგან განიკეთოს.*

(მოც. 12, 13; I მსოფ. 5; IV მსოფ. 11, 13; ტრულ. 17; ანტიოქ. 6, 7, 8, 11; ლაოდ. 41, 4; სარდ. 9; კართ. 23)

მოციქულთა მე-12 კანონის განწესების თანახმად, სასჯელს ექვემდებარება
ყველა ის კლირიკოსი, რომელიც, მიუხედავად იმისა, რომ განყენებულია თავისი
ეპისკოპოსის მიერ, გადავა სხვა ეპარქიაში და იქ შეწყნარებული იქნება. მასთან
ერთად იგივე სასჯელი ეკუთვნის მის შემწყნარებელსაც. ამ კრების 23-ე კანონი
განაწესებს, რომ არც ერთი ეპისკოპოსი და, მაშასადამე, არც ერთი კლირიკოსი,
რომელიც აფრიკულ ეკლესიას მიეკუთვნება, არ უნდა გაემგზავროს იტალიაში და
რომში განსატყეველი სიგელის გარეშე, რომელიც ამოწმებს, რომ ის არ არის
განყენებული ეკლესიის ერთობიდან. ეფუძნება რა ზემოთყვანილ კანონებს, წინამდე-
ბარე კანონი აფრიკული ეკლესიის ყველა იმ კლირიკოსის დასიდან გარიცხვას
განაწესებს, რომელიც, მიუხედავად განყენებისა, ფარულად გადავა „ზღვისიქითა
ქვეყნებში“, ანუ იტალიაში, იმ მიზნით, რომ იქ მიიღოს ეკლესიასთან თანაზიარება.
აქედან გამომდინარეობს, რომ ზღვის გაღმა მოღვაწე ეპისკოპოსი, რომელიც გან-
სატყეველი სიგელის გარეშე შეიწყნარებს განყენებულ კლირიკოსს, თავად ექვემ-
დებარება განყენებას, თანახმად ზემოთ მოყვანილი მოციქულთა კანონისა.

კანონი 106 (119-120)

119. განჩინებულია: თუ ვინმე მოისურვებს სამეფო პალატაში წასვლას,
მაშინ ეს, აღინიშნოს რომის ეკლესიისადმი გასაგზავნად განტყევების სიგელ-
ში, და იქიდან კიდევ მიიღოს განტყევების სიგელი სამეფო კარისადმი.
ამისთვის, თუკი განტყევების სიგელის მხოლოდ რომამდე მიმღები არ გაამხ-
ელს იმ საჭიროებას, რამაც იგი აღძრა სამეფო კარზე წასასვლელად, და
მოისურვებს პირდაპირ მეფესთან მივიდეს, დაე, განყენებულ იქნეს ზიარე-
ბისაგან. ხოლო თუ იქ, რომში, გამჟღავნდება ანაზღვეული საჭიროება სამე-

*ქართულის 407 წლის კრების მე-11 კანონი.

ფო კარზე მისვლისა, მაშინ, დაე, გამოუცხადოს ეს საჭიროება რომის ეპისკოპოსს, და წაიღოს მისგან წერილი. განტყვევის სიგელებში, რომლებიც კლირიკოსებს ეძლევათ უპირატესი, ანდა სხვა ნებისმიერი ეპისკოპოსისგან, აღინიშნოს აღდგომის დღე. ხოლო თუკი იმ წლის აღდგომის დღე ჯერ არ არის ცნობილი, მაშინ აღინიშნოს გასული წლის აღდგომის დღე, მსგავსად იმისა, როგორც საერო ჩანაწერებში წერენ ხოლმე: „შემდგომად კონსულობისა“.

120. განჩინებულია ესეც: ამ პატიოსანი კრებისაგან წარგზავნილი ადგილისმცველნი, დაე, ყოველივე იმას სთხოვდნენ ყოვლადდიდებულ მეფეებს, რასაც სასარგებლოდ მიიჩნევენ დონატისტებისა და ელინების, და მათი ცრუსარწმუნოების წინააღმდეგ.*

(მოც. 12; ანტიოქ. 11; სარდ. 7, 9; კართ. 97)

„კანონთა კრებულში“ წინამდებარე კანონი სრულიად საფუძვლიანად გაყოფილია ორ კანონად (119-ე და 120-ე), რამეთუ საუბარია ორ განსხვავებულ საკითხზე.

1) კანონი უკრძალავს ეპისკოპოსებს აუცილებელი საჭიროების გარეშე მიმართონ იმპერატორის კარს (იხ. სარდ. მე-7 და მე-9 კანონები); ასეთი აუცილებლობის შემთხვევაში კი მათ ეს უნდა გააკეთონ სხვა არანაირად, თუ არა მმართველი პირველეპისკოპოსის ან მიტროპოლიტის თანხმობით, და ამისათვის საგანგებო სიგელის მიღების შემდეგ (იხ. ანტიოქ. მე-11 კან.). კართაგენის წინამდებარე კანონი ამტკიცებს ამ კანონებს და ამატებს შესაბამის განმარტებას. საუბარია ეპისკოპოსებსა და სხვა სასულიერო პირებზე, რომლებიც იმპერატორის კარზე მიემგზავრებიან, რომლის ტახტიც მაშინ რომში მდებარეობდა. ამასთან, კანონი განაწესებს თითოეული იმ პირისათვის, ვინც რომში მიემგზავრება, გაიცეს განსატყვევებელი სიგელი რომის ეპისკოპოსის სახელზე, რომელსაც, თავის მხრივ, ასეთივე სიგელი უნდა გაეცა უშუალოდ იმპერატორის კარზე მისასვლელად. თუკი რომელიმე სასულიერო პირი იმპერატორის სასახლეში ისე წარსდგებოდა, რომ წინასწარ არ წარუდგებოდა რომის ეპისკოპოსს, მაშინ ასეთ პირს კანონი განყენებას განუწესებს.

2) კანონის მეორე ნახევარში გამოორებულია ყველაფერი ის, რაც უკვე ნათქვამი იყო 97-ე კანონის მეორე პუნქტში იმ დელეგატებთან მიმართებით, რომლებიც წარიგზავნებიან იმპერატორის კარზე დონატისტებისა (იხ. 93-ე კან.) და წარმართების საწინააღმდეგო ბრალდებით.

კანონი 107 (121)

ამ კრებაზე დადგენილ იქნა, რომ მხოლოდ ერთი ეპისკოპოსის მსჯავრით გამოტანილი გადაწყვეტილება ნუ იქნება მიღებული.

*კართაგენის 407 წლის კრების მე-12 კანონი.

ამ კრების საქმენი არ იქნა დაწერილი იმიტომ, რომ მასზე განიხილეს ადგილობრივი, და არა საერთო მნიშვნელობის საქმეები.*

(მოც. 74; II მსოფ. 6; IV მსოფ. 9; კართ. 12, 15, 20, 96)

წინამდებარე კანონის განწესება არასკამარისად ნათელია, როგორც ეს კარგად არის შემწინეული რუსულ „კანონთა კრებულში“. ზონარას განმარტების თანახმად, კანონის აზრი ასეთია: როდესაც ორ ეპისკოპოსს ერთმანეთში დავა აქვთ, ან ერთ-ერთი კლირიკოსი რაიმეში ბრალს დებს ეპისკოპოსს, მაშინ ერთ ეპისკოპოსს არ შეუძლია თავისთავზე აიღოს საქმის გამოძიება და ეს საქმე უნდა გადაეცეს სამთავრო კრებას. ჩვენ მიგვაჩნია, რომ ამ შემთხვევაში გაცილებით სწორია ბალსამონის განმარტება, რომელიც მოყვანილია დასახელებულ „კანონთა კრებულში“, კერძოდ: „როდესაც ეპისკოპოსის მიერ გასამართლებული მღვდელი ამ განაჩენს ასაჩივრებს, მაშინ ეპისკოპოსმა არ უნდა დაიყინოს თავისი გადაწყვეტილების სისწორე და არ ეცადოს მისი სისრულეში მოყვანა, არამედ საქმე განსახილველად გადასცეს სრულ კრებას ან კანონებით განსაზღვრულ ეპისკოპოსთა სიმრავლეს“. თავის ასეთ განმარტებას ბალსამონი ხსნის კართაგენის მამვე კრების მე-11 კანონთან შესაბამისობაში.

კანონი 108 (122)

ამ დროს** გამოცემულ იქნა კანონი მასზედ, რომ თითოეულმა, დაე, თავისუფალი ნებით იტვირთოს ქრისტიანობის ღვაწლი.***

(მოც. 80; ნეოკეს. 12; კართ. 99)

წინამდებარე კანონი თავისი ტექსტის მიხედვით არ შეიცავს რაიმე კანონიკურ დადგენილებას. მისი აზრი შემდეგია: 409 წელს ატილა დაპყრობას უქადადა მთელ აფრიკის საკონსულს. იმპერატორმა პონორემ, დაშინებულმა იმით, რომ მართლმადიდებლებისადმი სიძულვილით დონატისტებს შეიძლება ბუნტი მოეწყოთ და ამით ატილასათვის აფრიკის დაპყრობის შესაძლებლობა გაეადვილებინათ, გამოსცა კანონი, რომლის ძალითაც დონატისტებს სახელმწიფოში ისეთივე თავისუფლებით შეეძლოთ ესარგებლათ, როგორითაც მართლმადიდებლები სარგებლობდნენ. შემდეგ წელიწადს (410), როდესაც მტრის საფრთხემ განვლო, აფრიკელმა მამებმა დონატისტების წინააღმდეგ კრება მოაწყვეს, სადაც მოხდა იმის კონსტატირება, რომ პონორეს მხრიდან გამოიცა კანონი იმასთან დაკავშირებით, რომ თითოეულ პირს შეუძლია თავის თავზე აიღოს „ქრისტიანობის ღვაწლი“, რაც ნიშნავს: ყველას ეძლევა თავისუფალი არჩევანი — იყოს მართლმადიდებელი ქრისტიანი თუ დონატისტი. ასეთია კანონი თავისი ტექსტით. ამ კანონიდან ზონარას საესეებით საფუძვლიანად გამოაქვს ქრისტიანული სარწმუნოების სწავლების ზოგადი კანონი.

*კართაგენის 409 წლის კრების კანონიდან.

**წინა კანონის მიღებიდან ერთი ან ორი წლის შემდეგ.

***კართაგენის 410 წლის კრების კანონიდან.

„სათნობა უნდა იყოს არჩევითი და არა იბუღებითი, არა უნებლიე, არამედ ნებსითი“.* ამიტომ, ქრისტიანობის მიმღების მსურველმა ეს თავისუფლად უნდა გააკეთოს, თავისი კეთილი ნებით, და არა ძალადობითა და რაიმე პრაგმატული აუცილებლობით, რამეთუ რაც აუცილებლობითა და ძალდატანებით კეთდება, ის არ არის მტკიცე და მუდმივი. ამის საფუძველზე ნეოკესარიის კრებაც თავის მე-12 კანონში ამბობს, რომ სამღვდელო დასში არ შეიძლება ისეთი პირის მიღება, რომელმაც მიწიერი ხიფათის ასარიდებლად მიიღო ნათლისღება, რადგან ასეთი პირის რწმენა არ არის დარწმუნებულობის შედეგი, არამედ – იმწუთიერი აუცილებლობიდან გამომდინარე ნაბიჯი.**

კანონი 109 (123)

კრება პელაგისა და კელესტის მწვალებლობის წინააღმდეგ.

კართაგენის ეკლესიის წმინდა კრებაზე წარმდგარი ყველა ეპისკოპოსის მიერ, რომელთა სახელები და ხელმოწერები შეტანილია საქმეებში, აღიარებულ იქნა, რომ ადამი ღმერთს მოკვდავი არ შეუქმნია. ხოლო თუ ვინმე იტყვის, რომ პირველქმნილი ადამიანი – ადამი მოკვდავი შექმნა ღმერთმა, ისე, რომ, გინდ შეეცოდა და გინდ – არა, მაინც მოკვდებოდა სხეულით, ანუ გამოვიდოდა სხეულიდან – არა სასჯელად ცოდვისათვის, არამედ ბუნებითი აუცილებლობით, – შერგენებულ იყოს.***

(III მსოფ. 1, 4; კართ. 110-116)

კანონი 110 (124)

ასევე განჩინებულია: ვინც უარყოფს ყრმათა და დედის მუცლიდან ახლადშობილ ჩვილთა მონათვლის საჭიროებას, ანდა ამბობს, რომ თუმცა კი ისინი ნათელს-იდებენ ცოდვათა მისატევებლად, მაგრამ ადამის პირველქმნილი ცოდვისაგან არ მიიღებენ არაფერს, რისი განბანვაც აუცილებელი იქნებოდა მეორედ შობის ემბაზში (საიდანაც დაასკენდნენ, რომ ნათლისღების სახე ცოდვათა მისატევებლად გამოიყენება მათზე არა ჭეშმარიტი, არამედ ცრუ მნიშვნელობით), შერგენებულ იყოს. რამეთუ ნათქვამია მოციქულის მიერ: „ვეითარცა-იგი ერთისა მის კაცისათუც ცოდვაჲ სოფლად შემოკდა და ცოდვისა ძლით – სიკუდილი, და ესრეთ ყოველთა კაცთა ზედა სიკუდილი მოიწია, რომლითა ყოველთა შესცოდეს“ (რომ. 5, 12), რაც უნდა გავიგოთ არა სხვაგვარად, არამედ მხოლოდ ისე, როგორც ეს ყოველთვის ესმოდა კათოლიკე ეკლესიას – ყოველგან განფენილსა და გავრცობილს. რამეთუ სარწმუნოების ამ კანონის მიხედვით, ყრმებიც, რომელთაც თავისით

* კურსივი ჩენია. – მთარგ.

** ათენის სინტაგმა, III, 559.

*** როგორც ეს, ისე შემდგომი შვიდი კანონი, 116-ის ჩათვლით, აღებულია კართაგენის 418 წლის კრების განწესებებიდან და შეადგენენ მის პირველ რვა კანონს.

ჯერ არანაირი ცოდვის ჩადენა არ ძალუძთ, ნათელს იღებენ ცოდვათა მისატყვევებლად, რათა მეორედ შობით განიწმიდონ იმისგან, რაც ძველი შობით მიუღიათ.

(III მსოფ. 1, 4; კართ. 109, 111-116)

კანონი 111 (125)

განჩინებულია ასევე: ვინც იტყვის, რომ მადლი ღმრთისა, რომლითაც ჩვენ განვმართლდებით ჩვენი უფლის იესო ქრისტეს მიერ, ნამდვილია მხოლოდ უკვე ჩადენილ ცოდვათა მისატყვევებლად, და ამის უმეტეს არ მოგვანიჭებს შეწვევას, რათა სხვა ცოდვები არ ჩავიდინოთ, ესეეთთარი, შეჩვენებულ იყოს. რამეთუ ღმრთის მადლი არამხოლოდ იმი ცოდნას გვაძლევს, თუ რისი ქმნა არის საჭირო, არამედ სიყვარულსაც შთაგებერავს, რათა იმის აღსრულებაც შეგვეძლოს, რასაც შევიცნობთ.

(III მსოფ. 1, 4; კართ. 109, 110, 112-116)

კანონი 112 (126)

ასევე, ვინც იტყვის, რომ იგივე მადლი ღმრთისა, რომელი არს ჩვენი უფლის იესო ქრისტეს მიერ, მხოლოდ იმისთვისაა, რომ არ ვცოდოთ, რადგან მისით გამოგვეცხადება და გვეძლევა ჩვენ ცოდვათა შეცნობა, რათა ვიცოდეთ, რას უნდა ვეძიებდეთ და რას — განვეშორებოდეთ, მაგრამ მისით არ გვეძლევა სიყვარული და ძალა იმის საქმნელად, რაც შეგვიცენია, რომ უნდა ვაკეთოთ, — ესეეთთარი, დაე, შეჩვენებულ იყოს. რამეთუ როცა მოციქული ამბობს „მეცნიერება განალაღებს, ხოლო სიყვარული აღაშენებს“ (1 კორინთ. 8, 1), მაშინ ძალზე უკეთური რამ იქნებოდა იმის რწმენა, რომ ჩვენი თავის ამადლებისათვის გვაქვს მონიჭებული საღმრთო მადლი, ხოლო აღშენებისათვის — არა; მაშინ, როდესაც ერთიცა და მეორეც ღმრთის საბოძერია, ანუ იმის ცოდნაც, თუ რისი ქმნა გვმართებს, და სიყვარულიც სიკეთისა, რომლის ქმნაც გვმართებს, რათა აღმშენებლობითი სიყვარულის დროს გონება არ ამპარტავნებდეს. რამეთუ, როგორც ღმრთისგანაა დაწერილი — „რომელი სწავლის თესლებსა, არა ნუ ამხილოსა, რომელმან ასწავის კაცთა მეცნიერებათ“ (ფსალმ. 93, 10), და ასევე ესეც წერილ არს, რომ „სიყვარული ღმრთისაგან არს“ (1 იოანე 4, 7).

(III მსოფ. 1, 4; კართ. 109-111, 113-116)

კანონი 113 (127)

ასევე განჩინებულ იქნა: ვინც იტყვის, რომ განმართლების მადლი ჩვენ იმისთვის მოგვეცა, რომ მადლის მეშვეობით უფრო მარჯვედ აღვასრულებდეთ იმას, რისი ქმნაც თავისუფალი ნებითაა შესაძლებელი, ისე, რომ, თითქოსდა, რომც არ მიგველო საღვთო მადლი, ჩვენ, მართალია, არცთუ

მარჯვედ, მაგრამ მაინც უმისოდაც შეგვეძლებოდა ღეთისგან მოცემული მცნებების აღსრულება, — ესევითარი, დაე, შეჩვენებულ იყოს. რამეთუ მცნებების ნაყოფთა შესახებ უფალმა ის კი არ თქვა, რომ უჩემოდ მარჯვედ ვერ შესძლებთ მცნებების აღსრულებასო, არამედ თქვა: „თუნიერ ჩემსა არარაჲ ძალგიც ყოფად არცა ერთი“ (იოანე 15, 5).

(III მსოფ. 1, 4; კართ. 109-112, 114, 116)

პანოგო 114 (128)

ასევე განჩინებულ იქნა წმიდა მოციქულ იოანეს ნათქვამის გამო: „უკუეთუ ვთქუათ, ვითარმედ ცოდვამ არა გუაქუს, თავთა თესთა ვაცთუნებთ და ჭეშმარიტებამ არა არს ჩუენ თანა“ (1 იოანე 1, 8). ვინც ამას ისე გაიგებს, თითქოსდა მოციქული ამბობდეს: „თავმდაბლობისა გამო არაჯეროვანია თქმა იმისა, რომ ცოდვები არ გვაქვსო“, და არა იმის გამო, რომ ეს ჭეშმარიტად ასეა, — დაე, შეჩვენებულ იყოს. რამეთუ მოციქული განაგრძობს და დასძენს: „უკუეთუ აღვიარნეთ ცოდვანი ჩუენნი, სარწმუნო არს მართალ, რათა მოგვტევენს ჩუენ ცოდვანი ჩუენნი და განგუწმიდნეს ყოვლისაგან სიკრუისა“ (1 იოანე 1, 9). აქ ძალზე ცხადად არის ნაჩვენები, რომ არამხოლოდ თავმდაბლობისა გამო ვაღიარებთ ცოდვებს, არამედ იმიტომაც, რომ ისინი ჭეშმარიტად გვაქვს. რამეთუ მოციქულს შეეძლო ეთქვა: „თუკი ვიტყვი, ცოდვა არა გვაქვსო, ამით თავს აღვიმალღებთ და თავმდაბლობა არ არის ჩვენშიო“, მაგრამ როცა მან თქვა: „თავს ვიცთუნებთ და ჭეშმარიტება არ არის ჩვენში“, მაშინ ამით ცხადად გვიჩვენა, რომ საკუთარ თავზე ვინც ამბობს, ცოდვები არ მაქვსო, ჭეშმარიტებას კი არ ამბობს, არამედ ცრუობს.

(III მსოფ. 1, 4; კართ. 109-113, 115, 116)

პანოგო 115 (129)

ასევე, განჩინებულ იქნა ესეც: ვინც იტყვის, რომ საუფლო ლოცვის აღლენისას, როცა წმინდანები ამბობენ — „მომიტევენ ჩუენ თანანადებნი ჩუენნი“ (მათე 6, 12), საკუთარი თავისთვის კი არ ღაღადებენ, არამედ თავიანთ ერში მყოფი სხვა ცოდვილებისთვისო, რამეთუ თავად მათ უკვე აღარ ესაჭიროებათ ცოდვათა მიტეებაო, და რომ წმინდანთაგან თითოეული განკერძოებით თავისთვის კი არ შესთხოვს — მომიტევე მე ჩემი თანანადებნი, არამედ მომიტევენ ჩვენ თანანადებნი ჩვენნიო, ისე, რომ მართლის ეს ვედრება სხვისთვის უფროა აღლენილი, ვიდრე თავად მისთვისო, — ესევითარი, დაე, შეჩვენებულ იყოს. წმინდა და მართალი იყო მოციქული იაკობი, როცა თქვა: „ფრიად ესცთებით ყოველნივე“ (იაკ. 3, 2). რამეთუ რისთვის არის დართული ეს სიტყვა — „ყოველნივე“, თუ არა იმისთვის, რომ ეს აზრი თანახმიერი იყოს ფსალმუნთან, რომელშიც ვკითხულობთ: „და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი“ (ფსალმ. 142, 2), და ბრძენი სოლომონის ლოცვასთ-

ან: „არა არს კაცი, რომელმან არა გცოდოს შენ“ (მესამე მეფ. 8, 46); და წმინდა იობის წიგნის სიტყვებთან: „ქელსა შინა ყოვლისა კაცისასა დანიშნავს, რათა ცნას ყოველმან კაცმან თვისი უძლურებაჲ“ (იობ. 37,7). ამიტომაც, ამგვარადვე, წმინდა და მართალი დანიელ წინასწარმეტყველიც თავის ლოცვაში მრავლობით რიცხვში დალაღებს – „*ეცოდეთ, ვიუსამართლოეთ, ვიუთნოეთ, და განესდევით, და მიესდევით მცნებათაგან შენთა, და მსჯავროთაგან შენთა*“ (დან. 9, 5) და მისთანები, რასაც იგი იქ თავმდაბლად და ჭეშმარიტებით აღიარებს. ხოლო ვინმეს რომ არ ეფიქრა – თავის ცოდვებზე კი არა, უფრო თავისი ერის ცოდვებზე ლაპარაკობსო, მან თქვა: „*და მერმე მზრახველობასაღა ჩემსა და მლოცველობასა, და აღმსაარებლობასა ცოდუათა ჩემთა, და ცოდუათა ერისა ჩემისა ისრაელისათა, და დაგდებასა შეწყალებისა ჩემისასა წინაშე უფლისა ღვთისა ჩემისა*“ (დან. 9, 20); არ უნდოდა ეთქვა: ცოდვანი ჩემნიო, არამედ თქვა ცოდვანი ერისა ჩემისაო და ცოდვანი ჩემნიო, რადგან წინასწარმეტყველი თითქოსდა ჭერეტდა, რომ ამგვარი აღამიანები, ამის ცუდად მზრახველნი, გამოჩნდებოდნენ.

(III მსოფ. 1, 4; კართ. 109-114, 116)

კანონი 116 (130)

განჩინებულ იქნა ესეც: ვინც პგონებს, რომ საუფლო ლოცვის სიტყვებს – „*და მომიტყვენ ჩუენ თანანადებნი ჩუენნი*“ – წმინდანები წარმოთქვამენ თავმდაბლობით, და არა – ჭეშმარიტებით, – შეჩვენებულ იყოს. რამეთუ ვინ მოითმენდა იმ მლოცველს, რომელიც აღამიანებს კი არა, თვით უფალს ეცრუებოდა? ანუ თავისი ბაგეებით იტყოდა – ცოდვების მოტყევა მინდაო, გულით კი საპირისპიროს იტყოდა – არა მაქვს ცოდვები, რომელთა მოტყევაც მესაჭიროებაო.

(III მსოფ. 1, 4; კართ. 109-115)

ყველა რვა ზემომოყვანილი კანონი (109-116) შეიცავს პელაგიანური სწავლების ცალკეული პუნქტების განსჯას. ამ სწავლებისა და მისი მთავარი მოძღვრების შესახებ ჩვენ ვისაუბრეთ III მსოფლიო კრების I კანონის განმარტებაში. კართაგენის კრების (418 წლის) მიერ პელაგიანელობის დაგმობის შესახებ, არსებობს ეპისტოლე – „*აერილიოსის ეპისტოლე ბიზანცენისა და არბუტიანის სამთავროების ყველა ეპისკოპოსს, პელაგისა და კელესტის დაგმობის შესახებ*“, რომელიც პაპ ადრიანე I-ის მიერ 774 წელს კარლოს დიდისადმი გაგზავნილ კანონიკურ კრებულში შედის.

კანონი 117 (131)

მანამდე რამდენიმე წლით ადრე, ამ ეკლესიაში, სრული კრების მიერ განჩინებულ იქნა, რომ განსაზღვრული არსებული ეკლესიები, რომლებიც დონატისტების შესახებ კანონების გამოცემამდე კათოლიკე გახდნენ, განეკუთვნონ იმ საყდრებს, ვისი ეპისკოპოსების მიერაც იქმნენ შეგონებულნი

დაბრუნებოდნენ კათოლიკე ერთიანობას; ხოლო კანონების გამოცემის შემდეგ შემოერთებულნი იმავე საყდრებს განეკუთვნონ, რომელთაც დონატისტების მხარეზე ყოფნისას ეკუთვნოდნენ. მაგრამ რადგანაც შემდგომში ეპისკოპოსებს შორის წარმოიშვებოდა და წარმოიშვება ბევრი ცილობა და უთანხმოება საზღვრების გამო, რომელთა უწინდელი მოწყობა არასრულყოფილად მიიჩნეოდა, ამიტომ ამჟამად ამ წმინდა კრებაზე განვაჩინებთ: თუ სადმე იყო კათოლიკე ეკლესია და იქვე დონატისტების მხარეზე გადასული სხვა ეკლესია, და ისინი სხვადასხვა საყდრებს განეკუთვნებოდნენ, მაშინ რა დროსაც არ უნდა მომხდარიყო ან მოხდეს იქ შეერთება, კანონების გამოცემამდე თუ შემდეგ, – დაე, იმ საყდარს ეკუთვნოდეს, რომელსაც ძველთაგანვე ეკუთვნოდა იქ მყოფი კათოლიკე ეკლესია.*

(*კართ. 47, 57, 66-69, 91-94, 118, 119, 124*)

კანონი 118 (132)

მასზედ, თუ როგორ გაინაწილებენ ეპარქიებს ერთმანეთს შორის კათოლიკე ეპისკოპოსები და დონატისტების მხრიდან მოქცეულნი.

გაინაწილებენ ასე: თუ ეპისკოპოსები დონატისტებისაგან კათოლიკე ერთიანობისაკენ მოიქცევიან, მაშინ თანაბრად გაინაწილონ ერთმანეთს შორის ამ მდგომარეობაში მყოფი საზღვრები, რომლებშიც ამა თუ იმ ქვეყნის ერია; ანუ ზოგი ადგილები მიეცეს ამ ეპისკოპოსს, სხვანი კი – მეორეს, ისე, რომ ეპისკოპოსობაში უფროსი ანაწილებდეს, უმცროსი კი – ირჩევდეს. ხოლო თუკი საქმე ერთ ადგილს შეეხება, დაე, იმას გადაეცეს, ვისთანაც უფრო ახლომდებარე აღმოჩნდება. ხოლო თუკი თანაბარ სიახლოვეში იქნება ორივე საყდართან, დაე, იმასთან გადავიდეს, ვისაც ერი აირჩევს. თუ მოხდება, რომ ძველთაგანვე კათოლიკე-მართლმადიდებელი ქრიატიანები თავის ეპისკოპოსს მოითხოვენ, ხოლო დონატის მხრისგან მოქცეულნი – თავისას, მაშინ, დაე, მეტი რაოდენობის ერისგან არჩევანს მიეცეს უპირატესობა ერის ნაკლები რაოდენობის არჩევანთან შედარებით. ხოლო თუ ორივე მხარე ამრჩევთა თანაბარი რაოდენობისა აღმოჩნდება, დაე, ადგილი მიეწეროს უპირატესი ეპისკოპოსის საზღვრებს. თუ რამდენიმე ადგილი იქნება, რომლებშიც ორივე მხარის ერია, მაგრამ შეუძლებელი აღმოჩნდება მათი თანაბრად გაყოფა, რადგან იმ ადგილების რიცხვი არაა თანაბარი, მაშინ, პირველად, თანაბარი რაოდენობისანი იქნეს გაყოფილი, მერმე კი დარჩენილ ადგილის მიმართ ისე მოიქცნენ, როგორც ზემოთაა ნათქვამი ერთი ადგილის შესახებ მსჯელობისას.**

(*კართ. 47, 57, 66-69, 91-94, 117, 119, 124*)

*კართაგენის 418 წლის მე-9 კანონი.

**კართაგენის 418 წლის მე-10 კანონი.

პანო60 119 (133)

განვაჩინეთ ესეც: თუ ვინმემ, კანონების გამოცემის შემდეგ, მოაქცია რომელიმე ადგილი კათოლიკე ერთიანობისაკენ და შემდეგ სამი წლის განმავლობაში თავის მმართველობაში ეპყრა, და არავის მოუთხოვია იგი მისთვის, მაშინ, ამის შემდეგ, დაე, ნუ ჩამოერთმევა მას ეს ადგილი, თუკი, ამასთან, ამ სამი წლის განმავლობაში არსებობდა ეპისკოპოსი, რომელიც მოვალე იყო მოუთხოვა, მაგრამ დუმდა. ხოლო თუკი არ იყო ასეთი ეპისკოპოსი, მაშინ, დაე, ეს ნუ შეექმნება დაბრკოლებად ამ ადგილის შეყვანის მოთხოვნას სამრევლოთა სიაში; მაგრამ როცა დაქვრივებული კათედრა ეპისკოპოსს მიიღებს, დაე, მიეცეს მას ნება მოითხოვოს ეს ადგილი სამი წლის განმავლობაში. ამგვარადე, თუკი დონატისტების მხარის ეპისკოპოსი კათოლიკე ეკლესიისაკენ მოქცევა, სამრევლოების ნუსხა, დაე, ნუ ექმნება მას საძრახისად განსაზღვრულ ვადამდე; ხოლო მოქცევის დღიდან უფლება აქვს სამი წლის განმავლობაში ეძიებდეს თავისი საყდრის კუთვნილ ადგილებს.*

(კართ. 47, 57, 66-69, 91-94, 117, 118, 124)

ზემომოყვანილი სამი კანონი (117-119) ეხება დონატისტებს, რომელთა შესახებაც იხ. ამ კრების 47-ე კანონის განმარტება.

პანო60 120 (134)

განჩინებულ იქნა ესეც: თუკი ზოგიერთი ეპისკოპოსები, სხვა ეპისკოპოსთა განჩინების გარეშე მოითხოვენ სამრევლოებს, რომლებსაც თავიანთი საყდრის კუთვნილად მიიჩნევენ, მაგრამ განავრცობენ ძალაუფლებას სხვა ეპისკოპოსისადმი დაქვემდებარებულ ერზე, გაუთვალისწინებლად იმისა, აქვს თუ არა იმ ერს ამის სურვილი, - ესეითარნი, დაე, დაისაჯონ თავიანთი საქმის დაკარგვით. ანუ, თუ ზოგიერთებმა ჩაიდინეს ეს, და თუ ეპისკოპოსებს შორის საქმე არ დასრულდა შეთანხმებით, არამედ ჯერ კიდევ დავა აქეთ მასზე, მაშინ, დაე, ჩამოერთვას სადავო ადგილი იმას, ვის მიმართაც დამტკიცდება, რომ ზურგი აქცია ეკლესიის მსაჯულებს და შუტრა მოახდინა. ნუ აცთუნებს ვინმე საკუთარ თავს იმით, რომ პირველი ეპისკოპოსისაგან აქვს სიგელი იმ ადგილის თავის დაქვემდებარებაში მიღებაზე, რამეთუ გინდ ჰქონდეს სიგელი და გინდაც არა, მაინც, დაე, მიმართოს იმას, ვისაც ეს ადგილი თავის მმართველობაში აქვს და მისგან მიიღოს სიგელი, რათა ცხადი იყოს, რომ მას მშვიდობიანად გადაეცა სადავო ეკლესია. ხოლო თუკი ის ეპისკოპოსიც განაცხადებს თავის უფლებას, მაშინ ესეც მსაჯული ეპისკოპოსების მიერ გადაწყდეს, რომელთაც ან

*კართაგენის 418 წლის მე-11 კანონი.

პირველი ეპისკოპოსი დაუნიშნავს მათ, ანდა თავად ისინი აირჩევენ მეზობელი ეპისკოპოსებისაგან.*

(I მსოფ. 6; IV მსოფ. 9, 17; ტრულ. 25)

წინამდებარე კანონის მიზანია აღმოფხვრას ზოგიერთ საეპისკოპოსო სამთავროსა და სამწყასოს საზღვრებთან დაკავშირებით ეპისკოპოსთა შორის წარმოქმნილი გაურკვეველობა. ასეთ გაურკვეველობებს განსაკუთრებით ხშირად ჰქონდა ადგილი დონატიისტებთან დავის შედეგად. კანონი განაწესებს, რომ არც ერთმა ეპისკოპოსმა არ გააგრძელოს თვითნებურად თავისი უფლება რომელიმე სამრევლოზე, რომელიც ფაქტიურად სხვა ეპისკოპოსის დაქვემდებარებაშია. თუკი ეპისკოპოსი ჩათვლის, რომ აქვს უფლება ამ სამრევლოზე, მაშინ უნდა მიმართოს ეპისკოპოსთა კრებას და გადაწყვეტილებას დაელოდოს. ესე იგი, თუ თვითნებურად მოიქცა, ისჯება პატივის ჩამორთმევით, ანუ ამ შემთხვევაში ეს ნიშნავს, რომ კარგავს სადავო სამრევლოზე ყოველგვარ შემდგომ უფლებას. შესაბამისად, წინამდებარე კანონის მთავარი აზრი იმაში მდგომარეობს, რომ არავის აქვს უფლება თვითნებურად (ან აღძრას ამისთვის მრევლი), უკანონო გზით მიითვისოს რამე ადგილი საეპისკოპოსო მართვისათვის, რომელიც სხვისი ხელმწიფების ქვეშ არის, რადგან, — როგორც ამ კანონის განმარტებაში ბალსამონი ამბობს, — სამოქალაქო კანონებითაც კი, უნდა ჩამოერთვას საკუთრება იმას, ვისაც თვითნებურად სურს მისი მიტაცება.** შემდეგ, კანონი ამბობს, რომ რომელიმე ადგილის დასასაკუთრებლად, რომელიც ფაქტიურად სხვისი ხელმწიფების ქვეშ იმყოფება, არ არის საკმარისი სამიტროპოლიტო სიგელი, რომელიც მას ამ ადგილზე უფლებას მისცემდა, არამედ საჭიროა ასეთი სიგელი სადავო ადგილის მმართველი ეპისკოპოსისგანაც მიიღოს. თანაც, ამ უკანასკნელმა თავის სიგელში უნდა დაამოწმოს, რომ პირველმა სწორად (ანუ, როგორც კანონი ამბობს — „მშვიდობიანად“) დაიკავა ის ეკლესია, რომელზედაც თავის უფლებებს აცხადებდა. თუკი ეპისკოპოსი, რომელიც ფაქტიურად მართავს სადავო სამრევლოს, ახალ დასაბუთებებს წარმოადგენს თავის სასარგებლოდ, მაშინ ეს არგუმენტები, — კანონის განწესების თანახმად, — უნდა განიხილოს ამაზე რწმუნების მქონე ეპისკოპოსების სასამართლომ.

კანონი 121 (135)

განვაჩინეთ ესეც: თუკი ზოგიერთნი არ გულმოდგინებენ თავიანთი საყდრის კუთვნილი ადგილების მოსაყვანად კათოლიკე ერთიანობაში, დაე, მხილებულ იქნენ მეზობელი გულმოდგინე ეპისკოპოსების მიერ, რათა არ გადაიდოს ეს საქმე. ამიტომ, თუკი ამის თაობაზე მოთათბირებიდან ექვსი თვის განმავლობაში არაფერს მოიმოქმედებენ, მაშინ ამის შემდეგ ის ადგილები იმ ეპისკოპოსს გადაეცეს, ვისაც შეუძლია მათი ეკლესიისთვის ფაქტიურად მოპოვება. მაგრამ, თუკი ის, ვისაც აღნიშნული ადგილები

*კართაგენის 418 წლის მე-12 კანონი.

**ათინის სინტაგმა, III, 578.

თავის კუთვნილებად მიიჩნია, დაამტკიცებს, რომ გარკვეული მოსაზრებით უმჯობესად ჩათვალა ჯერ არ ემოქმედა, რათა მწვალებელი ეპისკოპოსების მოქცევას აპირებდა უშფოთველად, ხოლო ამასობაში სხვა ეპისკოპოსმა დაასწრო მას ეს მოქმედება, — ანუ მწვალებელი ეპისკოპოსების განმგებლობასი არსებული ადგილების თავისი კათედრისათვის დაქვემდებარება, — მაშინ მსაჯული ეპისკოპოსების მიერ ამ საქმის განხილვის შემდეგ, ის ადგილები, დაე, დაუბრუნდეს მის საყდარს. როცა მსაჯული ეპისკოპოსები სხვადასხვა სამთავროებიდან უნდა იყვნენ, მაშინ მსაჯულებს ის უპირატესი ეპისკოპოსი დანიშნავს, რომლის სამთავროშიც მდებარეობს სადავო ადგილი. ხოლო თუკი საერთო თანხმობით მეზობელი ეპისკოპოსებისაგან აირჩევენ მსაჯულებს, მაშინ, დაე, ან ერთი იქნეს არჩეული, ან სამი. და თუ სამნი იქნებიან არჩეულნი და აღიარებულნი, მაშინ დაემორჩილონ ან ყველას გადაწყვეტილებას, ანდა — ორისას.*

(მოც. 58; ტრულ. 19; სარდ. 11; ლაოდ. 19; კართ. 47, 71, 123, 124)

წინამდებარე კანონი, ისევე, როგორც წინა, იხილავს დონატისტების მხრიდან აფრიკულ ეკლესიაში შექმნილ ვითარებას, და მიმართულია იმისკენ, რომ აღძრას ფიზიკური ეპისკოპოსები მთელი ძალისხმევის მოსაკრებლად დონატისტების კათოლიკე (საკოველთაო) ერთობაში მოსაყვანად. თუ მართლმადიდებელი ეპისკოპოსები ამას ვერ შეასრულებენ, მაშინ, როგორც კანონი ამბობს, ისინი თავიანთ დაუდევრობაში უნდა იყვნენ მხილებულნი უფრო ქმედითი მეზობელი ეპისკოპოსების მხრიდან, რაც იმას ნიშნავს, რომ ყოველწლოურ კრებაზე, კათოლიკე ერთობისათვის მოშურნე ეპისკოპოსებმა უნდა შეახსენონ მათ თავიანთი ვალდებულებების შესახებ.** თუ ეს უკანასკნელნი არ გამოსწორდებიან ექვსი თვის განმავლობაში, ამ შეხსენების შემდეგაც, და არაფერს მოიმოქმედებენ ერთობის სასარგებლოდ, მაშინ ყველა ის ადგილი, რომლებიც მათ კათედრებს ეკუთვნის და ჯერ კიდევ მოწამულია დონატისტების სწავლებით, უნდა გადავიდეს იმ სხვა ეპისკოპოსის მმართველობის ქვეშ, რომელსაც უნარი შესწევს წესრიგში მოიყვანოს ის, რაც მოოხრებული იყო მისი წინამორბედი ეპისკოპოსის დუღევრობით. თუმცაღა, კანონი უშვებს აღნიშნული განწესების მოქმედების შეჩერებას იმ შემთხვევაში, თუ დამტკიცდება, რომ დადანაშაულებული ეპისკოპოსი ასე მოიქცა არა დაუდევრობით, არამედ იმ განზრახვით, რომ მან უარი თქვა გადამჭრელ ზომებზე, რათა შემდგომში უფრო იოლად და დანამდილებით, ყოველგვარი ხმაურის გარეშე, მიეღწია დონატისტების მოქცევისათვის. ხოლო, რაც შეეხება იმას, თუ ვინ უნდა განსაჯოს ეს საქმე, საკმაოდ ნათლად არის კანონში გამოთქმული.

კანონი 122 (136)

ხოლო, საერთო თანხმობით არჩეული მსაჯულებისგან, დაე, ნუ იქნება ნებადართული, რომ საქმე უმაღლეს სამსჯავროში გადაიტანონ. თუკი ვინ-

*კართაგენის 418 წლის მე-13 კანონი.

**იხ. ბალსამონის განმარტება ათენის სინტაგმაში, III, 582.

მეზე მოიკვლევინ, რომ სიჯიუტით არ სურს დაემორჩილოს მსაჯულებს, მაშინ ამის შემტყობმა პირველი საყდრის ეპისკოპოსმა ამაზე გასცევს სიგელი, რომ ეპისკოპოსთაგან არავინ შეიწყნაროს იგი თანაზიარებაში, ვიდრე არ დამორჩილდება.*

(მოც. 58, 74; II მსოფ. 6; IV მსოფ. 9; კართ. 15, 96, 100)

წინამდებარე კანონი „პიდალიონში“ განთავსებულია არა ცალკე კანონად, არამედ შეადგენს 121-ე კანონის დასკვნით ნაწილს (პიდალიონში 131-ეს), რაც ჩვენ სრულიად საფუძვლიანად მიგვაჩნია, რადგან ეს (122-ე) კანონი საუბრობს იმ მსაჯულების შესახებ, რომლებიც აირჩიეს 121-ე კანონში განხილული საკითხის გადასაწყვეტად. ამასთანავე, ამტკიცებს ადრე გამოცემულ განწესებას (იხ. მე-15 და 96-ე კანონები) იმასთან დაკავშირებით, რომ არჩეული მსაჯულების მიერ ჩატარებული სასამართლოს შემდეგ, აღარ შეიძლება უმადლესი სასამართლოსთვის მიმართვა (სასჯელის მუქარით). წინამდებარე კანონი რომ 121-ე კანონის შემადგენელი ნაწილია, ამას აჩვენებს აგრეთვე სიტყვა „ხოლო“, რომლითაც ეს (122-ე) კანონი იწყება.

კანონი 123 (137)

თუ ეპისკოპოსი არ იზრუნებს ეკლესიისათვის აღნუსხული კუთვნილებისა და მწვალებლების მიერ მითვისებული კათედრების დაბრუნებაზე, მაშინ, დაე, შეაგონონ მას გულმოდგინე მეზობელმა ეპისკოპოსებმა და მიუთითონ მის უდიერებაზე, რათა თავის მართლება ველარ შესძლოს. ხოლო თუკი შეგონების დღიდან ექვსი თვის განმავლობაში, იმავე ეპარქიაში მყოფი, თავს არ იღებს მზრუნველობას კათოლიკე ერთიანობაში დასაბრუნებლად, ესევეთართან ნუ ექნებათ თანაზიარება, სანამ არ აღასრულებს ამას. ხოლო თუკი არ მოვა ამ ადგილებში თანამდგომი [საერო ხელისუფლების წარმომადგენელი, რომელიც მოვალეა დაეხმაროს ეპისკოპოსს. იხ. ამავე კრების 93-ე კან.] მაშინ ეპისკოპოსს ნუ შეერაცხება ბრალად უმოქმედობა.**

(მოც. 58; ტრულ. 19; სარდ. 11; კართ. 47, 57, 71, 121, 122, 124)

კანონი 124 (138)

ხოლო თუ დამტკიცდება, რომ ესევეთარმა ცრუდ აჩვენა ხსენებულთა, ანუ დონატისტების თანაზიარების შესახებ, თქვა რა, რომ ისინი ზიარებას შეუღებენ, მაშინ, როცა, როგორც დამტკიცებულია, არ შედგომიან, და მანაც იცოდა ამის შესახებ, – ესევეთარი, დაე, ეპისკოპოსობასაც მოაკლდეს.***

(მოც. 58; ტრულ. 19; სარდ. 11; კართ. 47, 57, 71, 121-123)

*კართაგენის 418 წლის მე-14 კანონი.

**კართაგენის 418 წლის მე-15 კანონი.

***კართაგენის 418 წლის მე-16 კანონი.

ორივე ეს კანონი (123-ე და 124-ე) კავშირშია ორ წინა კანონთან (121-ე და 122-ე) და ამიტებს ზოგიერთ დაზუსტებას დონატისტების მოქცევასთან დაკავშირებით იმაზე, რაც ამის შესახებ უკვე ითქვა ამ კრების 121-ე კანონში.

კანონი 125 (139)

განჩინებულ იქნა ესეც: თუ მღვდლები, დიაკვნები და სხვა დაბალი წოდების კლირიკოსები უკმაყოფილონი არიან თავიანთი ეპისკოპოსების გადაწყვეტილებით საკუთარი საქმეების თაობაზე, მაშინ, დაე, მეზობელმა ეპისკოპოსებმა მოუსმინონ მათ, და მათი შეპასუხებები გადაწყვიტონ მათ მიერ არჩეულებმა საკუთარი ეპისკოპოსების თანხმობით. ხოლო თუკი მათგანაც მოისურვებენ საქმის გადატანას უმაღლეს სამსჯავროში, დაე, გადაიტანონ, ოღონდ მხოლოდ აფრიკის კრებებზე, ანდა თავიანთი სამთავროების უპირატეს ეპისკოპოსებთან. ზღვის იქით საქმის გადატანის მსურველი კი, ნუ იქნება თანაზიარებაში მიღებული.*

(II მსოფ. 6; IV მსოფ. 9; ანტიოქ. 4; კართ. 10, 11, 12, 14, 15, 20, 23, 28, 105)

იხ. კართაგენის 28-ე კანონის განმარტება.

კანონი 126 (140)

განვაჩინეთ ესეც: თუკი აუცილებლობის გამო, როდესაც საქმე ქალწულის უბიწოებას ეხება: არსებობს საფუძვლიანი ეჭვი, რომ შეიძლება ის მოიტაცოს მავანმა მასზე ძლიერად შეყვარებულმა ან მავანმა მოძალადემ, ანდა თავად ქალწული გრძნობს სასიკვდილო საშიშროებას და ამ მიზეზით მისი მშობლები ან მეურვე თხოვნით მიმართავენ ეპისკოპოსს, შემოსოს იგი, ან უკვე შემოსა ღმერთისადმი შეწირულთა შესამოსელით ოცდახუთი წლის ასაკამდე, რათა არ გარდაცვლილიყო მონოზონობის ხატის მიუღებლად, — ასეთ შემთხვევაში, დაე, ნუ განუწესებს მას სასჯელს კრების დადგენილება, რომლის მიერაც განისაზღვრება შემოსვისასთვის დადგენილი ეს ასაკი.**

(IV მსოფ. 16; ტრულ. 4, 40; კართ. 6, 16, 44; ბასილი დიდის 18)

კრების დადგენილება, რომელსაც წინამდებარე კანონი მოიხსენიებს, იმასთან დაკავშირებით, რომ 25 წლამდე ასაკის ქალწული არ შეიძლება სამონოზონო ხარისხში იქნეს აყვანილი, სხვა არაფერია, თუ არა იპონის 393 წლის კრების დადგენილება, წინამდებარე კანონი კი უშვებს მოხსენიებული განწესებიდან გადახვევას იმ შემთხვევაში, როცა რომელიმე ქალწულის უბიწოებას საფრთხე ემუქრება, ანდა, როდესაც სიკვდილის პირას არის და თვითონ, ან მისი მშობლები, ან

*კართაგენის 418 წლის მე-17 კანონი.

**კართაგენის 418 წლის მე-18 კანონი.

მეურვეები ივედრებიან, რომ წყალობის ღირსყონ იგი და არ დაუშვან მისი სიკვდილი სამონოზენო წესის გარეშე. ასეთ შემთხვევაში, კანონი ნებას რთავს ეპისკოპოსს, რომელსაც უფლება აქვს მონოზენად აღკვეცოს ქალწულები, და რომლის ნებართვის გარეშეც საერთოდ ვერაინ გახდება მონოზონი,* შეიწყნაროს ქალწული და შემოსოს იგი სამონოზენო შესამოსელით მანამდე, ვიდრე 25 წელი შეუსრულდებოდეს; ეპისკოპოსის ასეთი ქმედება, მსგავს შემთხვევაში, განკითხვას არ ექვემდებარება. თუმცაღა, აქ, აუცილებელია მხედველობაში ვიქონიოთ ტრულის კრების მე-40 და ბასილი დიდის მე-18 კანონები და, ამასთან, სახელმძღვანელოდ გამოყენებულ უნდა იქნეს უფრო გვიანდელი განწესება, ანუ – ტრულის კრების დასახელებული კანონისა.

იმ ექვსი კანონის გარდა (1, 29-33), რომლებიც ნამდვილად ამ კრებამ (419 წლისამ) მიიღო, წინამდებარე (126-ე) კანონი არის ბოლო – აფრიკული ეკლესიის წინანდელი კრებების კანონებს შორის, რომლებიც განიხილა და მიიღო კართაგენის ამ (419 წლის) კრებამ მთელი აფრიკული ეკლესიისათვის. ყველა ეს კანონი წაიკითხეს და მიიღეს კრების პირველ სხდომაზე, 419 წლის 25 მარტს. იმის გამო, რომ ყველა წმინდა მამისთვის (რიცხოვნობით – 217), რომლებიც აქამდე კრებაზე იყვნენ, ძნელი იყო კართაგენში ყოფნის გაგრძელება კიდევ ზოგიერთი საკითხის გადასაწყვეტად, ამიტომ დადგინდა, რომ მუშაობის საბოლოო დამთავრებამდე დარჩენილიყო 15 ეპისკოპოსი, დანარჩენებს კი ნება მიეცათ თავ-თავიანთ ეპარქიებს დაბრუნებოდნენ. სწორედ ამ გადაწყვეტილებას შეიცავს შემდეგი, 127-ე კანონი.

კანონი 127 (141-142)

141. მთელ კრებას სათნოდ მიაჩნია, რომ იმისთვის, რათა დიდხანს არ შეყოვნდეს კრებაზე მოსული ყველა ეპისკოპოსი, თითოეული სამთავროდან არჩეულ იქნეს სამ-სამი მსაჯული.

142. ზოგიერთ საქმეთა დასრულების შემდეგ, როცა ბევრი ეპისკოპოსი წუხდა სხდომათა გაჭიანურების გამო, რომ სხვა საქმეები დასამთავრებელი იყო, მათ კი აღარ შეეძლოთ დარჩენა, რადგან თავიანთ ეკლესიებში დაბრუნებას ჩქარობდნენ, – მთელმა კრებამ ინება, რომ თითოეული სამთავროდან არჩეულნი ყოფილიყვნენ ისინი, რომელნიც უნდა დარჩენილიყვნენ კრებაზე სხვა საქმეების დასამთავრებლად, და ესეც აღსრულდა.**

აღნიშნული გადაწყვეტილების საფუძველზე, ყოველი მიტროპოლიიდან აირჩიეს სამ-სამი წარმომადგენელი, გარდა ტრიპოლის ეპარქიისა, საიდანაც ერთი წარმომადგენელი დატოვეს (იხ. მე-14 კან.). ყველა ამ წარმომადგენელს, ავრილიოსის თაემჯდომარეობით უნდა დაესრულებინა კრების საქმე.

ამ, 127-ე კანონის შემდეგ, „კანონთა კრებულის წიგნში“ კიდევ ერთი კანონია, სადაც ნათქვამია, რომ ბევრი ეპისკოპოსი ჩიოდა კართაგენში შემდგომი ყოფნის

*იხ. ბალსამონის განმარტება, III, 592.

**კართაგენის 418 წლის მე-19 კანონი.

სიძნელებზე, რის გამოც მათ ადგილზე კრებაზე დასასწრებად აირჩიეს შესაბამისი თანამშემწეები, ანუ ძირითადად კელაე საუბარია იმაზე, რაც უკვე ითქვა წინა (141-ე) კანონში. ეს კანონი დასახელებულ თხზულებაში შედგენილია ამ კრების შემდეგი ხსლომის (419 წლის 30 მაისის) შესავალი სიტყვის დასკვნითი ნაწილიდან.*

ქანონი 128 (143)

ყველას მიერ განჩინებულია: რადგანაც კრებების უწინდელ დადგენილებებში არის განჩინება იმ პირთა შესახებ, რომელთაგანაც არ უნდა იქნეს მიღებული შესმენა დასის წევრებზე, მაგრამ ზუსტად არ არის აღნიშნული, თუ რომელ პირთაგან არ მიიღონ ის, - ამისთვის განვაჩინებთ, რომ უმართებულოა შესმენის მიღება იმ პირისაგან, ვინც განყენებულია ზიარებიდან და დასმენის მომენტში კელაეა ცანყენებაში რჩება, - იქნება ის კლირიკოსი თუ ერისკაცი.

(მოც. 74; II მსოფ. 6; IV მსოფ. 9, 21; კართ. 8, 19, 30, 129, 130)

წინამდებარე კანონში მოხსენიებულია „დასის წევრები“, რომელთა წინააღმდეგაც გარკვეული პირისგან არ შეიძლება მიღებულ იქნეს საჩივარი. დასის ამ წევრებს შორის პირველ ადგილზე დგას ეპისკოპოსი, რის გამოც ეს კანონი შეგვიძლია მოვიყვანოთ კართაგენის მე-8 კანონთან კავშირში. რომელშიც მოხსენიებულია მხოლოდ ეპისკოპოსები, რომელთა წინააღმდეგაც ზოგიერთ პირს არა აქვს საჩივრის შეტანის უფლება. მისი (მე-8 კან.) მიხედვით, ეპისკოპოსზე საჩივარი არ მიიღება არაკეთილზნობრივი და საზოგადოებაში უწესოდ მიჩნეული პირისგან, მაშინ, როდესაც ამ (128-ე) კანონის თანახმად იგივე ეკრძალება ყველა იმ პირს (კლირიკოსი იქნება თუ ერისკაცი), რომელიც დასჯილია ეკლესიასთან ერთობის მოკლებით.

წინამდებარე კანონში არ არის ნათქვამი, საერთოდ ეკრძალებათ თუ არა განყენებულთ რამე სახის საჩივრის შეტანა კლირიკოსების წინააღმდეგ. თუმცა ეს განწესებულია სხვა კრების მიერ, რომელიც კართაგენის კრებამდე დიდი ხნით ადრე შედგა, კერძოდ, მეორე მსოფლიო (კონსტანტინოპოლის პირველი) კრების მე-6 კანონით, რომელიც ასხვავებს რა ერთმანეთისგან კერძო სახის საჩივარს საეკლესიო ხასიათის საჩივრისაგან, განაწესებს, რომ დასის წევრის მიმართ პირველი სახის საჩივრის შეტანა ნებისმიერს შეუძლია, დამოუკიდებლად მისი სარწმუნოებისა და საზოგადოებრივი მდგომარეობისა, რადგან, როგორც მოხსენიებული კანონი ამბობს, „ეპისკოპოსის სინდისი სუფთა და თავისუფალი უნდა იყოს და მომჩივანმაც სამართალი ჰპოვოს – რა სარწმუნოების მიმდევარიც არ უნდა იყოს იგი“. ხოლო როდესაც საქმე ეკლესიური ხასიათის ბრალდებას ეხება, მაშინ აუცილებელია მხედველობაში მიღებულ იქნეს ბრალმდებლის პიროვნება და ამასთან შესაბამისობაში გადაწყვიტოს, მიიღონ თუ არა მისგან საჩივარი. ამ აზრით უნდა გავიგოთ ის „შესმენა დასის წევრებზე“, რომლებზედაც საუბარია კართაგენის წინამდებ-

*ათენის სინტაგმა, III, 594-695.

ბარე კანონში. ამავე საკითხზე საუბრობს ამ კანონთან კავშირში მყოფი შემდეგი (129-ე) კანონიც.

კანონი 129 (144)

განჩინებულ იქნა ესეც: არ იქნეს მიღებული შესმენები მონებისგან, ასევე, თავისუფლებაზე გაშვებულთაგან – თუ ისინი ყოფილ პატრონებს ასმენენ, და ყველა იმათგან, ვისაც სამოქალაქო კანონები არ უშვებს ბრალმდებლად; აგრეთვე – ვისაც უპატივობის ჩირქი აქვს მოცხებული, ანუ სამარცხვინო საქმეთა მოქმედთაგან და იმ პირთაგან, რომლებიც შეხებაში არიან ბილწ საქმეებთან; არც მწვალებელთაგან, არც ელინელთაგან [წარმართთაგან] და არც იუდეველთაგან. თუმცა, ყველა ამათ, ვისგანაც არ დაიშვება ამგვარი ბრალდება, დაე, ნუ წაერთმევათ საჩივრების შემოტანის უფლება პირად საქმეებზე.

(მოც. 74; II მსოფ. 6; IV მსოფ. 9, 21; კართ. 8, 19, 30, 128, 130)

ამ კანონის მიზანია, სამღვდელო დასის წევრების დაცვა იმ პირთა საჩივრებისაგან, რომლებიც საზოგადოების ყურადღებასაც არ იმსახურებენ; ასეთია ყველა ის პირი, რომლებიც სამოქალაქო კანონმდებლობითაც არ დაიშვებიან მბრალდებლებად. კანონი დასის წევრებზე საჩივრის მიღებას კრძალავს განსაკუთრებით იმ პირებისგან, რომლებსაც უპატივობის ლაქა ადევთ. თუ რაში მდგომარეობდა „უპატივობა“, ვინ და რისთვის ექვემდებარებოდა პატივის ჩამორთმევას – „ინფამიას“, ამ თემებზე ჩვენ ვისაუბრეთ კართაგენის კრების 62-ე კანონის განმარტებაში. ყველაფერი, რაც იქ ითქვა იმ პირთა შესახებ, რომლებსაც არა აქვთ საჩივრის შეტანის უფლება სასულიერო პირების წინააღმდეგ, მნიშვნელოვანია ახლაც და მნიშვნელოვანი იქნება მანამ, სანამ ისეთი პირები იარსებებენ, ვისაც ეს ეკრძალება. ის, რაც კანონში მოხსენიებულ პირებს ეხებათ, მნიშვნელოვანი იყო ამ კანონის მიღების პერიოდში, როცა ჯერ კიდევ მონობა არსებობდა, თუმცა, ექვევარეშება, რომ ახლანდელ დროშიც მნიშვნელოვანი უნდა იყოს განწესება იმასთან დაკავშირებით, რომ არ უნდა მიიღებოდეს სამღვდელო დასის წევრებზე საჩივრები იმ პირთაგან, რომლებიც „შეხებაში არიან ბილწ საქმეებთან“.

კანონი 130 (145)

განვაჩინეთ ესეც: როცა სამღვდელო დასის წევრებზე ბევრი ბრალდებაა წარმოადგენილი, მაშინ თუ პირველი მათგანი არ დამტკიცდა საგანგებო გამოკვლევის მიუხედავად, მაშინ სხვა ბრალდებები ნუ იქნება მიღებული.

(მოც. 74; II მსოფ. 6; IV მსოფ. 9, 21; კართ. 8, 19, 30, 128, 129)

წინამდებარე კანონი მჭიდრო კავშირშია ამავე კრების 128-ე და 129-ე კანონებთან. თუ ვინმე ერთი და იგივე სასულიერო პირის წინააღმდეგ ერთდროულად რამდენიმე საჩივარს შეიტანს და პირველი მათგანი, როგორც მტკიცებულების

არმქონე, უარყოფილი იქნება, მაშინ ბრალმდებელი, კანონის განწესების თანხმად, არ უნდა დაიშვას სხვა საჩივრების შესატანად. ეს გადაწყვეტილება იყო შედეგი იმისა, რომ ძველი კანონების მიხედვით, ბრალმდებელს, ჩვეულებრივ, წერილობითი განცხადება შეჰქონდა იმის თაობაზე, რომ მზად იყო დაუმტკიცებლობის შემთხვევაში თავად მიეღო ის სასჯელი, რომელიც, დამტკიცების პირობებში ბრალდებულს დაეკისრებოდა. ამ საეკლესიო სასჯელის გარდა, ბრალმდებელი ითვლებოდა უპატივოდ და, შესაბამისად, კარგავდა ვინმეს წინააღმდეგ საჩივრის შეტანის უფლებას. ხოლო თუ ის წინასწარ არ წერდა მოხსენიებულ განცხადებას, საჩივარი კი უსაფუძვლო აღმოჩნდებოდა, იგი ცილისმწამებლად ითვლებოდა და, შესაბამისად, საჩივრის შეტანაზე უფლებამართმეულად.*

კანონი 131 (146)

მოწმებულ კი ნუ შეიწინარებიან ისინი, ვისგანაც არ შეიძლება შესმენების მიღება; ნურც ისინი, ვისაც თავად მომჩივანი წარმოადგენს თავისი სახლიდან. მოწმედ არ მიიღებიან, ასევე, თოთხმეტ წლამდე ასაკის მოზარდები.**

(მოც. 75; I მსოფ. 2; II მსოფ. 6; კართ. 8, 19, 30, 59, 128-130, 132)

რაც შეეხება სამღვდელო დასის წევრების წინააღმდეგ მოწმეებს, მათ შესახებ საუბარია მოციქულთა 75-ე კანონში. იქ ნათქვამია, რომ ბრალმდებლად მხოლოდ მწვალებლები არ მიიღებიან; რა თქმა უნდა, იგულისხმება ის საქმეები, რომლებიც არ განეკუთვნება სამოქალაქო სამართლის სფეროს. რაც შეეხება სამოქალაქო საქმეებს, მათში მონაწილეობის მისაღებად მწვალებლები დაშვებული არიან, როგორც ეს II მსოფლიო კრების მე-9 კანონიდან ჩანს, სადაც ბრალმდებლებზეა საუბარი. კართაგენის კრების წინამდებარე კანონი კი განაწესებს, რომ კლირიკოსების წინააღმდეგ მოწმეებად არ უნდა მიიღონ ის პირები, რომლებსაც ჩამორთმეული აქვთ მათ წინააღმდეგ საჩივრის უფლება; ასეთებია ყველა ის პირი, რომლებიც ამ კრების 128-130 კანონებში მოიხსენიებიან. ყველაფერ თქმულს კანონი უმატებს, რომ მოწმეებად არ მიიღებიან ის პირები, რომლებსაც ბრალმდებელი თავისი შინაურებიდან წარმოადგენს, შემდეგ – არასრულწლოვანი პირები, ანუ, როგორც კანონი ამბობს, თოთხმეტ წლამდე ასაკის მოზარდები. შემდგომი საეკლესიო-სამოქალაქო კანონმდებლობით ეს უკანასკნელი მოთხოვნა შეიცვალა და ახლანდელ დროში სწორედ ამის შესაბამისად უნდა ვიხელმძღვანელოთ.

კანონი 132 და 133 (147)

განვაჩინეთ ესეც: თუ ეპისკოპოსი ამბობს, რომ მავანმა მხოლოდ მის წინაშე აღიარა თავისი დანაშაული, ის კი არ აღიარებს ამას, მაშინ ეპისკოპოსი ნუ მიიღებს საწყენად, რომ მხოლოდ მის სიტყვას არ ერწმუნენ. ხოლო თუკი იტყვის, რომ თავისი სინდისის შემფოთების გამო არ

*იხ. ბალსამონის განმარტება ათენის სინტაგმაში, III, 599.

**„კორმიაიაში“ ეს კანონი გაყოფილია ორ კანონად – 131-ე, 132-ე.

სურს თანაზიარება პქონდეს არამლიარებელთან (132), მაშინ, სანამ ამ შემთხვევის გამო ზიარებიდან განყენებულს არ მიიღებს თანაზიარებაში მისი ეპისკოპოსი, მანამდე ამ ეპისკოპოსსაც ნუ შეიწყნარებენ თანაზიარებაში სხვა ეპისკოპოსები, რათა ამით უფრო გაფრთხილდეს ეპისკოპოსი, რომ არ თქვას ვინმეზე ისეთი რამ, რისი დამტკიცებაც სხვების წინაშე მტკიცებულებებით არ შეუძლია.

ბანო 132 (147)

(მოც. 75; კართ, 131)

„წამებასა ერთისა მოწამისასა ნუ თავს იღებთ კაცსა ზედა, რომელ წამებს ყოვლისავე უშჯულოებისათვს, და ყოვლისა ცოდვისათვს, რომლითა სცოდა რამეთუ პირითა ორისა და სამისა მოწამისათა, დაემტკიცების ყოველივე სიტყვა“ – ბრძანებს ძველათქმისეული წმინდა წერილი (მეორე შჯული, 19, 15). იგივეს გვაძლევს მცნებად იესო ქრისტე ახალ აღთქმაში (იხ. მთ. 8, 16; იხ. 8, 17). წმინდა წერილის ამ ძირითადმა განწესებამ, რომელიც ვრცელდება ყველაზე და თითოეულზე განურჩევლად, მათ შორის ეპისკოპოსებზეც, კანონიკური გამოხატულება პპოვა კართაგენის წინამდებარე კანონში. იგი უყურადღებოდ და უმნიშვნელოდ ტოვებს ერთი ეპისკოპოსის მოწმობას იმ შემთხვევაში, თუ იგი ამბობს, რომ მავანმა მას აღსარება ჩააბარა დანაშაულის ჩადენის შესახებ, რისი აღიარებაც აღსარების ჩამბარებელს სასამართლოზე არ სურს. ასეთ შემთხვევაში, ამბობს კანონი, ეპისკოპოსი ნუ განაწყენდება, რომ მისი, ერთის მოწმობა არ იქნება სარწმუნოდ მიღებული, თუნდაც იგი გათქმის მიზეზად იმას ასახელებდეს, რომ სინდისი ნებას არ აძლევს დამნაშავესთან მისი დანაშაულებრივი საიდუმლოს ზიარი იყოს, რომელმაც მას პირისპირ მოუთხრო თავისი დანაშაულის შესახებ, რამეთუ სახარების სწავლებით ორი ან სამი კაცის მოწმობით მტკიცდება საქმე (იხ. მთ. 18, 16; 2 კორ. 13, 1). ბალსამონი იხილავს ამ კანონის განწესებას ისეთ შემთხვევასთან კავშირში, როდესაც ეპისკოპოსი ან მღვდელი ამხელს ვინმეს აღსარებას, ანუ საიდუმლოდ ნათქვამ ცოდვას, და ამასთან დაკავშირებით იხსენებს კონსტანტინოპოლის პატრიარქ ლუკას (1156-1169) გადაწყვეტილებას, რომლის ძალითაც მან მღვდელმსახურება აუკრძალა გიროტროფის მონასტრის ილუმენს, იმ მიზეზით, რომ მან თავისი სულიერი შვილის მიერ აღსარებაში ნათქვამი ცოდვა გააცხადა.* ეს კანონი ისევე, როგორც მოხსენიებული პატრიარქის განჩინება, მოყვანილია დიდი კურთხევის ნომოკანონის 120-ე კანონში, სადაც ნათქვამია შემდეგი: „სულიერი მამა, რომელიც ვინმეს აღმსარებლის ცოდვას მოუყვება, შემდეგ ეპიტიმიას იმსახურებს: სამი წელი მღვდელმსახურებიდან განყენებული იყვეს,

*ათენის სინტაგმა, III, 604.

ეზიაროს მხოლოდ თეეში ერთხელ, და ყოველდღიურად ასი მეტანია გააკეთოს; სამოქალაქო კანონი კი ამბობს, ასეთს ენა უნდა ამოეძროს“.*

საიდუმლოს შენახვა, რომელსაც აღსარებაში ამბობენ, ახლაც უცილობელი კანონია ყოველი მღვდლისთვის.

კანონი 133 (147)

(მოც. 12, 16, 28, 32, 75; I მსოფ. 5; VII მსოფ. 4; ანტიოქ. 4, 6, 20; სარდ. 13, 14, 15; კართ. 9, 10, 11, 20, 29, 132)

წინამდებარე კანონი ლოგიკურ კავშირშია წინასთან (132-ე) და წარმოადგენს მის დამატებას. დასკვნითი სიტყვიდან, უფრო მეტად კი 132-ე კანონის სათაურიდან ჩანს,** რომ მავანი, რომელმაც ეპისკოპოსს პირისპირ თავისი დანაშაული ამცნო, მის მიერ განეყნებულ იქნა ეკლესიის ერთობიდან. ასეთი ქმედება თავისთავად უკანონოა, და სწორედ ამ უკანონობაზე საუბრობს წინამდებარე (133-ე) კანონი, კერძოდ, იგი განაწესებს, რომ ეპისკოპოსი, რომელიც ეკლესიასთან ერთობიდან განაყენებს ვინმეს იმ ცოდვისათვის, რომელიც მან აღსარებაში მოისმინა, თავად უნდა იქნეს იმავე სასჯელით დასჯილი სხვა ეპისკოპოსების მხრიდან და ეს იქამდე უნდა გაგრძელდეს, ვიდრე თანაზიარებაში არ შევა იმ პირთან, ვინც უკანონოდ განაყენა. კანონში ის საფუძვლებიც არის ნახსენები, რომელთა ძალითაც გამოტანილია ასეთი განწესება. კერძოდ, ეპისკოპოსი უნდა იყოს წინდახედული და სანამ ვინმეს ბრალს დადებდეს და ზიარებიდან განაკანონებდეს, ამისთვის საკმაოდ დასაბუთებული არგუმენტები უნდა ჰქონდეს. თუკი დამტკიცდება, რომ ეპისკოპოსმა ეკლესიის ერთობიდან ვინმე მხოლოდ პირადი ანგარიშსწორებით განაკანონა, მაშინ ასეთი ეპისკოპოსი, VII მსოფლიო კრების მე-4 კანონის თანახმად, კიდევ უფრო მძიმე სასჯელს იმსახურებს.

წინამდებარე კანონით მთავრდება კართაგენის 419 წლის კრების მუშაობა. ამის შემდეგ, იმ საკითხთან დაკავშირებით, რის გამოც შედგა აფრიკული ეკლესიის ეს დიდი კრება, ანუ აფრიკის ეკლესიების კრებების გადაწყვეტილებების რომში აპელაციასთან დაკავშირებით, ვაგზავნილ იქნა ანკონის ეპისკოპოსის ფავსტინისა და რომის მღვდლების ფილიპესა და ასელას ხელით (ისინი ამ კრებაზე რომის ეპისკოპოსის ადგილისმცველებს წარმოადგენდნენ) ქვემოთ მოყვანილი ეპისტოლე რომის ეპისკოპოსთან.

*დიდი კურთხევანის ნომოკანონი (ოქტომბერი 1872), გვ. 119. ნომოკანონში სამწლიანი ეპიტომია განსაზღვრულია ერთ-ერთი ძველი კანონის თანახმად, რომელსაც ეფრემ ასურს მიაწერენ. რაც შეეხება სულიერი მოძღვრისთვის ენის ამოძრობის სასჯელს აღსარებაზე თქმული ცოდვის გათქმისათვის, ეს სარწმუნოა, რომ აღებული იყოს პროქირონიდან (XXXIX, 46; შდრ. კომპილიაში თავ. 48), სადაც ეს სასჯელი დაწესებულია ცრუმოქმედისათვის.

**„ეპისკოპოსისათვის, რომელიც უსიარებლყოფს იმას, ვინც მხოლოდ მას უთხრა აღსარებაში თავისი დანაშაული“.

ეპისტოლე

რომის ეპლესიის ეპისკოპოს ბონიფაციუს მიმართ,
სრულიად აწრისის კრებისგან. რომის ეპლესიის
ადგილისმცველთა - ეპისკოპოს ფავსტიანესა,
და ხუცესების - ფილიპუსა და ასელის
მეშვეობით გაგზავნილი

უნეტარეს ბატონსა და უპატიოსნეს ძმას ბონიფაციუს: ავრილიოსი, ვალენტინი, პირველი კათედრის ეპისკოპოსი ნუმიდის ეპარქიაში, და სხვა ეპისკოპოსები, რიცხვით ორასჩვიდმეტნი, ჩამოსულნი სრულიად აფრიკის კრებაზე.

რადგანაც უფალს ენება, რომ იმის შესახებ, რაც ჩვენთან ერთად მოიმოქმედეს ჩვენმა უწმიდესმა ძმებმა - თანაეპისკოპოსმა ფავსტინემ და თანახუცესებმა ფილიპემ და ასელმა, ჩვენს მორჩილებას ექასუხა არა ნეტარსენებული ეპისკოპოსის ზოსიმესადმი, ვისგანაც მათ სიგელები და განაწესები მოგვიტანეს, არამედ შენი პატიოსნებისათვის, ვინაც, ღმერთის ნებით, მისი ადგილი დაიკავე, - ამიტომ ჩვენ ჩვენს მოვალეობად ვრაცხთ მოკლედ გამოგიცხადოთ ჩვენი ორმხრივი თანხმობით აღსრულებული, ისე, რომ არ შეეცხთ ყოველივე იმას, რასაც კრების საქმეთა ვრცელი გრაგნილები შეიცავენ და რაზეც ჩვენ დიდხანს ვჩერდებოდით, ვცდილობდით რა, ძნელი და ხანგრძლივი კამათებით, მაგრამ სიყვარულის შენარჩუნებით, შეგვეტანა აქტებში ყოველივე ის, რაც (ამ) საქმეს განეკუთვნება. და იგიც (ზოსიმა), ამ სხეულში რომ დარჩენილიყო, დიდი სიხარულით მიიღებდა, პოი, საყვარლო ძმაო, იმას, რასაც უფრო მეტი სიმშვიდით აღსრულებულად იხილავდა. ხუცესმა აპიარიუსმა, რომლის დადგინების, განკვეთისა და (კრებაზე) გამოძახების გამოც არამცირედი ჩოჩქოლი აღმოცენდა არამხოლოდ სიკსის ეკლესიაში, არამედ მთელ აფრიკაშიც, ყოველივეში შენდობა გამოითხოვა, რაშიც კი შეუტოლავს, და კვლავ მიღებაც თანაზიარებაში. მანამდე კი ჩვენმა თანაეპისკოპოსმა ურბან სიკსელმა ყოველგვარი ყოყმანის გარეშე გამოასწორა ის, რაც მას უნდა გამოესწორებინა. ხოლო რადგანაც ეკლესიის სიმშვიდესა და უშფოთველობაზე ზრუნვა გემართებდა არამხოლოდ აწინდელი, არამედ მომავალი დროისთვისაც, ამიტომ ჩვენ, იმის გამო, რომ ასეთი საქმეები უკვე ბევრჯერ წარმოშობილა და იმ მიზნითაც, რომ თავი დავიზღვიოთ მსგავსი და კიდევ უფრო მძიმე საქმეებისაგან, დავადგინეთ მღვდელ აპიარიუსის ჩამოშორება სიკსის ეკლესიიდან, მისთვის პატივისა და ხარისხის შენარჩუნებით, ისე, რომ მას, ჩვენგან სოგელის მიღების შემდეგ, შეძლებოდა ნებისმიერ სხვა ადგილას ემსახურა, თავისი სურვილისა და შესაძლებლობებისამებრ, და აღსრულებინა ყველაფერი ის, რაც მღვდლის წოდებას შეეფერება. ამაზე ჩვენ ყოველგვარი გართულების გარეშე დავთანხმდით თავად აპიარიუსის საკუთარი თხოვნისამე-

ბრ. მაგრამ მანამდე, სანამ საქმე მიყვანილი იქნებოდა ასეთ დაბოლოებამდე, ჩვენ, სხვათა შორის, იძულებულნი ვიყავით განგვეხილა სხვა საკითხებიც, რომლებიც ხანგრძლივ დავა-კამათში გვითრევდნენ.

რადგანაც საკითხების თვით არსობრიობა მოითხოვდა, რომ გვეთხოვა ჩვენი ძმებისთვის – ეპისკოპოს ფავსტინესა და თანახუცეცების – ფილიპესა და ასელისათვის, შეეტანათ საეკლესიო აქტებში ის, რისი გაკეთებაც მათ დავალებული ჰქონდათ ჩვენთან ერთად, ამიტომ მათ ზოგიერთი რამ სიტყვიერად განგვიცხადეს და არა წერილობით; ხოლო როცა ჩვენ დაჟინებით მოვითხოვეთ მათ მიერ მოტანილი წერილობითი განაწესი (ინსტრუქცია), მათ წარმოადგინეს ის, და ეს განაწესი, ჩვენ წინაშე წაკითხვის შემდეგ, ჩართულ იქნა აქტებში, რომლებსაც ახლა მათი ხელით გიგზავნით. მათში შეტანილი იყო ოთხი პუნქტი, რომლებიც მათ უნდა განეხილათ ჩვენთან ერთად: პირველი – ეპისკოპოსების აპელაციების შესახებ რომის ეკლესიის პირველმდებელმთავრისადმი, მეორე – მასზედ რომ, ეპისკოპოსები არ უნდა მიდიოდნენ სასახლეში, როცა მათ მოესურვებათ; მესამე – მასზედ, რომ მღვდლებისა და დიაკონების საქმეები განხილულიყო მეზობელი ეპისკოპოსების მიერ; მეოთხე – მასზედ, რომ ეპისკოპოსი ურბანი უნდა მოკლებულ იქნას თანაზიარებას და, გარდა ამისა, გამოძახებულიც რომში, თუკი არ გამოასწორებს იმას, რაც გამოსწორებას მოითხოვს. ამ პუნქტებიდან პირველსა და მესამეზე, ანუ მასზედ, რომ ეპისკოპოსებს ნება მიეცეთ საჩივარი შეიტანონ რომში და რომ კლირიკოსთა საქმეები საბოლოოდ გადაწყვიტონ ადგილობრივმა ეპისკოპოსებმა, ჩვენ ჯერ კიდევ გასულ წელს ვიზრუნეთ განგვემარტა იმავე ღირსპატიოსნად ხსენებულ ეპისკოპოს ზოსიმესადმი გაგზავნილ ჩვენს სიგელებში; კერძოდ, მივწერეთ, რომ მისთვის ყოველგვარი შეურაცხყოფის გარეშე, გარკვეული დროის განმავლობაში ჩვენ დავიცავთ და აღვასრულებთ ერთსაც და მეორესაც, – ვიდრე მოიძებნება ნიკეის კრების განჩინების ნამდვილი ნუსხები. ახლა კი თქვენს სიწმინდესაც ვთხოვთ, რომ როგორადაც ამაზე დადგენილ და განჩინებულ იქნა მამების მიერ ნიკეაში, იმგვარადვე აღსრულდეს ჩვენთანაც; მანდ კი თქვენთან, დაე, ის აღსრულდეს, რასაც ინსტრუქცია შეიცავს, კერძოდ: „თუ რომელიმე ეპისკოპოსზე შესმენა შემოვა, და გარშემო სამთავროების ეპისკოპოსები შეიკრიბებიან და ჩამოართმევენ მას ხარისხს, ის კი გადაიტანს საქმეს და რომის ეკლესიის უნეტარეს ეპისკოპოსს მიმართავს, ხოლო რომის მღვდელმთავარი ისურვებს მოუსმინოს მას და სამართლიანად აღიარებს მისი საქმის გამოძიების განახლებას, მაშინ ესეც უნდა დავადგინოთ, რომ კეთილად ინებოს და მისწეროს იმ სამთავროს მოსაზღვრე ეპისკოპოსებს, რათა გულმოდგინედ და ზედმიწევნით ჩასწვდნენ ყველა გარემოებას და ჭეშმარიტებაში დარწმუნების შემდეგ წარმოთქვან მსჯავრი მოცემულ საქმეზე. ხოლო თუ ვინმე მოითხოვს, რომ მისი საქმე ხელმოკრედ იქნეს მოსმენილი, და რომის ეპისკოპოსი მისი თხოვნით კეთილად განაგებს თავისი მღვდლები წარგზავნოს, მაშინ, დაე, ამ ეპისკოპოსის ხელმწიფებაში იყოს, რასაც უმჯობესად და საჭიროდ ჩათვლის

ეპისკოპოსებთან ერთად საქმის განსჯისათვის, და წარგზავნოს გამოგზავნის ადგილის მონაცვლენი. ანდა თუ საკმარისად მიიჩნევს უკვე ჩატარებულ განხილვას და მიღებულ გადაწყვეტილებას ამ ეპისკოპოსის საქმეზე, დაე, ის განაჩინოს, რასაც თავისი უკეთილგონიერესი განსჯით სასიკეთოდ ჩათვლის“.

ასევე, მღვდლებისა და დიაკვნების შესახებ: „თუ აღმოჩნდება რომელიმე ეპისკოპოსი, მიდრეკილი მრისხანებისაკენ (რასაც ასეთ კაცში ადგილი არ უნდა ჰქონდეს), და ანაზღად, მღვდელზე ან დიაკონზე განრისხებული, მოსურევებს ვინმეს გაძევებას ეკლესიიდან, — ჯერ-არს სიფრთხილედ გამოვიჩინოთ, რათა ესევეთარი მაშინვე არ იქნეს განსჯილი და თანაზიარებისგან განყენებული. ყველა ეპისკოპოსმა წარმოთქვა: დაე, განკვეთილს უფლება ჰქონდეს იმ სამთავროს სამიტროპოლიტოს ეპისკოპოსს მიმართოს, ხოლო თუ სამიტროპოლიტოს ეპისკოპოსი არ იმყოფება ადგილზე, მიმართოს საკუთარ ეპისკოპოსს და ევედროს, რომ გულმოდგინედ იქნეს გამოძიებული მისი საქმე. რამეთუ არ უნდა დავხშოთ სასმენელნი მთხოვნელის წინაშე. ხოლო იმ ეპისკოპოსმა, რომელმაც სამართლიანად თუ უსამართლოდ განაძევა ესევეთარი, სულგრძელად უნდა დაითმინოს, რომ საქმე გამოძიებულ იქნეს, და მისი განაჩენი ან დამტკიცდეს, ან გამოსწორდეს“. სწორედ ეს კანონები, ნიკეის კრების სარწმუნო ეგზემპლარების მიღებამდე, იქნა შეტანილი ჩვენი კრების საქმეებში და თუ კი იქ მართლაც არსებობს ეს კანონები, რომლებსაც შეიცავს ჩვენთვის სამოციქულო კათედრიდან მოვლინებული ძმების მიერ წარმოდგენილი ინსტრუქციები, და ასეთი წესი დაცული თქვენთან იტალიაში, მაშინ ჩვენ არანაირად არ უნდა გვაიძულონ იმის მიღება, რისი გახსენებაც კი არ გვსურს; მაგრამ გვწამს, რომ ჩვენი უფალი ღმერთის წყალობით, სანამ შენი სიწმინდე წინამძღვრობს რომის ეკლესიას, ჩვენ არ მოვითმენთ ასეთ ქედმაღლური უფლების განცხადებას (მთხოვნას), პირიქით, ჩვენთან მიმართებაში დაცული იქნება, ძმური სიყვარულით და ყოველგვარი შედავების გარეშე ჩვენი მხრიდან, ის კანონები, რომელთა აღსრულებასაც, შენთვის უზენაესის მიერ მოცემული სიბრძნითა და სამართლიანობით, შენ თავადაც აუცილებლად მიიჩნევ, თუკი სხვა რამეს არ შეიცავს ნიკეის კრების კანონები. რამეთუ, ჩვენ მრავალი წიგნი ვნახეთ და ნიკეის კრების (კანონების) არც ერთ ლათინურ ეგზემპლარში (ასლში) არ წაგვიკითხავს ისინი იმ სახით, როგორითაც გამოგზავნეს ზემოხსენებულ ინსტრუქციაში; მაგრამ, არ გვქონდა რა შესაძლებლობა მოგვეძიო აქ თუნდაც ერთი ბერძნული ეგზემპლარი, ჩვენ საგანგებოდ ვიზრუნეთ, რომ ისინი აღმოსავლეთის ეკლესიებიდან ჩამოეტანათ, სადაც, როგორც ამბობენ, სწორედ ამ განწესებათა დედნების მოძიება ამჟამადაც შესაძლებელია. ამიტომაც ვევედრებით თქვენს ღირსპატიოსნებას, რათა ინებო და შენი სახელითაც მისწერო იმ ქვეყნების მღვდელმთავრებს, ანუ ანტიოქიის, ალექსანდრიის, კონსტანტინოპოლისა და სხვა ეკლესიებს, თუ შენი სიწმინდისთვისაც სათნო იქნება, რათა იქიდან გამოგვიგზავნონ ნიკეაში წმინდა მამების მიერ დადგენილი კანონები. და შენც, უპირატესად,

შეგეფერება ასეთი კეთილმოქმედება აღმოუჩინო ღვთის შეწევნით დასავლეთის ეკლესიებს. რამეთუ, აბა, ვის შეეპარება ეჭვი იმაში, რომ ბერძნებთან ჩატარებული ნიკეის კრების ყველაზე სარწმუნო ნუსხა სწორედ ისინი იქნება, რომლებიც სხვადასხვა სახელოვანი ეკლესიებიდან ჩამოტანისა და ერთოვროთან შედარების შემდეგ თანახმიფერნი აღმოჩნდება? ხოლო სანამ ეს არ მოხდება, ჩვენ ვაცხადებთ, რომ დავიცავთ ყოველივე იმას, რასაც ზემოხსენებული ინსტრუქცია (განაწესი) შეიცავს ეპისკოპოსთა აპელაციების შესახებ რომის ეკლესიის მღვდელმთავრებთან და კლირიკოსთა საქმეების განხილვის შესახებ მათი ოლქების ეპისკოპოსებთან, და ვსასობთ, რომ შენი ნეტარება ღვთის ნებით შეგვეწევა ამაში. სხვა ყველაფერზე კი, რაც გაკეთდა და დამტკიცდა ჩვენს კრებაზე, თუ ინებზე, მოახსენებენ თქვენს სიწმინდეს ზემოხსენებული ძმები – ჩვენი თანაეპისკოპოსი ფავსტიანე და მღვდლები ფილიპე და ასელი, რადგან მათ კრების ყველა საქმე თან მოაქვთ.

და ხელი მოაწერეს: უფალმა ჩვენმა მრავალ წელს გვიმოფხოს შენი თავი, საყვარელო ძმაო.

ასევე ხელი მოაწერეს: ალიპიუსმა, აგვუსტინემ, პოსიდუუსმა, მარინმა და სხვა ეპისკოპოსებმა.

როგორც ჩვენთვის ცნობილია, აფრიკის საკონსულოს მღვდელი აპიარიოსი, სხვადასხვა დანაშაულის გამო, თავისმა ეპისკოპოსმა ურბან სიკსელმა განკვეთა. მაშინ მან შუამდგომლობით მიმართა რომის ეპისკოპოსს განაჩენის გაუქმებაზე. რომის ეპისკოპოსმა ზოსიმემ მიიღო აპიარიოსის საჩივარი და ერთ-ერთ თავის ეპისტოლეში კართაგენელ მამებს მისწერა თავისი უფლების შესახებ, რომლის ძალითაც, მისი აზრით, შეეძლო გადაეხედა აფრიკელის ეკლესიების მიერ განხილული საქმე და საკუთარი გადაწყვეტილება გამოეტანა. თავისი უფლების არგუმენტად მას მოჰყავდა სარდიკიის კრების კანონები, რომლებიც ზოსიმეს ნიკეის I მსოფლიო კრების კანონად მიაჩნდა. ამასთანავე, იგი სთხოვდა აფრიკელ მამებს დაწერილებით ეცნობებინათ განსახილველი საქმის შესახებ, რათა მას შესაძლებლობა ჰქონოდა თავისი განაჩენი არგუმენტურებულად გამოეტანა. ზოსიმემ ეს ეპისტოლე აფრიკელ მამებს ზემოთ დასახელებული თავისი ადგილისმცველების ხელით გაუგზავნა. ამ მიზეზით შედგა ეს, 419 წლის კრება. იმის შესახებ, თუ რა სამუშაო ჩაატარა ამ კრებამ და რატომ იქნა ეპისტოლე მომზადებული, ჩვენ უკვე ვისაუბრეთ ამ კრების I კანონის განმარტებაში. ამასობაში ზოსიმე გარდაიცვალა; მისი ადგილი ბონიფანტემ დაიკავა (418-422) და აფრიკელთა მიმართ თავისი წინამორბედის მსგავსი პოზიცია დაიკავა. ამდენად, აფრიკელმა მამებმა ბონიფანტეს ეპისტოლე გაუგზავნეს ზოსიმეს ეპისტოლეს პასუხად; ისინი მას მოკლედ აცნობებენ კრების მუშაობის შედეგებს. აპიარიოსთან დაკავშირებით კი წერენ, რომ თუმცა ნება დართეს მას მღვდლის პატივით ესარგებლა, – რადგან აღიარა თავისი შეცდომები, მოინანია და შენდობა ითხოვა, – მაგრამ ისინი ითხოვენ, რომ მან დატოვოს სიკისი ეკლესია და რომელიმე სხვა ეკლესიაში გადავიდეს. ზოსიმეს მიერ წამოჭრილ საკითხს რაც შეეხება, რომში აპელაციასთან დაკავშირებით,

აფრიკელი მამები აცხადებენ, რომ ამ საკითხზე არ შევლენ ისინი კამათში, სანამ არ მიიღებენ I მსოფლიო კრების კანონების დედანს, რომელსაც ზოსიმე ეყრდნობოდა, ხოლო მას შემდეგ, რაც მიიღებენ, დაიცავენ იმ წესს, რაც იქნება იმ კანონებით განწესებული. იმავდროულად, ისინი თხოვენ ბონიფანტეს მიმართოს აღმოსავლეთს და იქ მოიძიოს აღნიშნული კრების კანონების დედანი.

რამდენიმე თვის შემდეგ, კართაგენში მიიღეს ნიკეის კრების ნამდვილი აქტები კანონების იმავე რიცხვით და იგივე ტექსტით, როგორც ეს მანამდე იყო დაცული კართაგენში და რომელიც სავსებით პასუხობს ჩვენს ახლანდელ ტექსტს და კანონების რიცხვს. ეს აქტები, რომლებიც „კორმჩაიაში“ 136-ე და 137-ე კანონებს შეადგენენ, ბონიფანტეს გაეგზავნა 419 წლის 26 ნოემბერს.*

დაუდგრომელი მღვდელი აპიარიოსი, მას შემდეგ, რაც სიკიდან გაემგზავრა, დასახლდა თაბრაკენელებთან, მაგრამ იქ კვლავ დანაშაულები ჩაიდინა და მეორედ იქნა განკვეთილი. ამის შემდეგ, 423 წლის ბოლოს, კვლავ რომში გაემგზავრა აფრიკელი მამების გადაწყვეტილებაზე საჩივრით. რომის ეპისკოპოსი ამჯერად კელესტინე იყო, რომელმაც ბონიფანტეს შემდგომ დაიმკვიდრა კათედრა. მან მიიღო აპილიაროსი, დაუბრუნა მას ყველა ჩამორთმეული უფლება და კართაგენის სასულიერო ხელისუფლების გადაწყვეტილების საწინააღმდეგოდ, იგი ეპისკოპოს ფავსტიანეს თანხლებით და საკუთარი დადგენილებით – სადაც იგი ამ მღვდლის წინააღმდეგ მიღებულ ყველა გადაწყვეტილებას აუქმებდა – კართაგენში გამოამგზავრა. კართაგენში მაშინვე შეუდგნენ ამ საქმის განხილვას და დამთავრებისთანავე კელესტინეს გაუგზავნეს შემდეგი ეპისტოლე:

ეპისტოლე

აფრიკის კრებისა კელესტინეს, რომის პაპს
სამყარალ მუშუას და უპატრონეს ძმას კელესტინეს:
ავრილიოსი, პალატინოსი, ანტონიოსი, ტუტიოსი,
სერვუსდელი, ტარენტინოსი და სხვანი ყოველნი,
პოვნინი კართაგენის სამართო კრებაზე

როგორადაც თქვენმა სიწმიდემ გამოხატა სიხარული აპიარიოსის ჩამოსვლის გამო წერილითურთ, გამოგზავნილით ჩვენი თანამწირველის – ლეთონის მეშვეობით, ასევე ჩვენც ვისურვებდით, რომ ამავე სიხარულით იყოს გამოგზავნილი ეს წერილიც მის გასამართლებლად. რამეთუ ჭეშმარიტად ჩვენი განწყობაც და თქვენიც უცხო იყო უნდობლობისა, და გამომცდელი როდი იყო იგი, თავდაპირველად იმის სასარგებლოდ მიდრეკილი, ვისაც უკვე თითქოს მოუსმინეს, მაშინ როცა ჯერ არ უნდა დაკითხულიყო. ამრიგად, როცა ჩამოვიდა ჩვენთან უწმინდესი ძმა და თანამწირველი ეპისკოპოსი ჩვენი – ფავსტინე, ჩვენ კრება მოვიწვიეთ, და ვგონებდით, რომ იგი

*ათენის სინტაგმა, III, 615-617.

აპიარიოსთან ერთად წარმოგზავნილი იყო იმისთვის, რომ როგორადაც მისი მცდელობით იქნა აღდგენილი მღვდლობაში, ასევე ახლაც შესძლებდა მისივე მზრუნველობით გამართლებას ესოდენ ბრალდებათაგან, თაბრაკინის მცხოვრებლებმა რომ წაუყენეს. მაგრამ ჩვენმა მრავალრიცხოვანმა კრებამ იმდენად ბევრი ურჯულოება პპოვა აპიარიოსის თავს, რომ მათ გადასძალეს ზემოხსენებული ფავსტინეს მცდელობა, თუმცა ის მფარველობა უფრო იყო, ვიდრე სამსჯავრო, და ეკდიკისათვის დამახასიათებელი მეოხმყოფელობა უფრო, ვიდრე გამომეძიებისათვის ჩვეული სამართლიანობა. რამეთუ, პირველად, ფავსტინე ძალზე დაუპირისპირდა მთელ კრებას, მიაყენა რა მას სხვადასხვა შეურაცხყოფა, რათა, ეთომცდა, რომის ეკლესიის უპირატესობანი დაეცვა, და სურდა რა, რომ ჩვენ მიერ თანახიარებაში ყოფილიყო მიღებული აპიარიოსი, რომელიც თქვენმა სიწმიდემ შეიწყნარა თანახიარებაში, დაუჯერა მის ჩივილს, რისი დამტკიცებაც მას არ შეეძლო; თუმცა, ესეც ნაკლებად დაეხმარა მას, რასაც უკეთ შეიტყო, თუკი კრების საქმეებს წაიკითხავ. რამეთუ, როცა სამი დღის განმავლობაში მიმდინარეობდა სამსჯავრო, რომელზეც ჩვენ შემუსრივინი გამოვიძიებდით აპიარიოსის წინააღმდეგ წაყენებულ ბრალდებებს, მაშინ ღმერთმა, მართალმა მსაჯულმა, ძლიერმა და მრავალმოთმინემ, ანაზდად აღკვეთა ჩვენი თანაეპისკოპოსის – ფავსტინეს მიერ საქმის გაჭიანურება და თვით აპიარიოსის გერგილიანი თავისმართლებანი, რომლებითაც ის ცდილობდა დაეფარა თავისი სამარცხეინო ურჯულობანი. ამოო გახდა დასანანი და საძაგელი სიჯიუტე და ურცხვი გამოუტეხლობა, რომლითაც აპიარიოსს სურდა დაეფარა ესოდენ მრავალი ავხორცული საქმის ჭაობი. რამეთუ, როცა ღმერთმა ჩვენმა შეაჭირვა მისი სინდისი და ყოველთა ადამიანთა წინაშე გამოამჟღავნა მის გულში დაფარული, თითქოსდა უკვე განკითხული დანაშაულობათა თვით სისაძაგლით, მაშინ ამ მზაკვრულად გამოუტეხელისაგან ანაზდად ამოხეთქა აღიარებამ მისადმი წაყენებულ ყველა ბრალდებაში, და ბოლოს მან ნებაყოფლობით თავადვე ამხილა საკუთარი თავი ყველა, ძლივს დასაჯერებელ სიბილწეებში, და ამგვარად თვით ჩვენი იმედიც, რომელსაც ჩვენ მასზე ვამყარებდით, გესურდა რა, რომ მას განეწმიდა თავი ესოდენ სამარცხეინო ლაქებისაგან, გლოვად მიაქცია. ესოდენი ჩვენი მწუხარება მან მხოლოდ ერთი და ერთადერთი ნუგეშით შეარბილა, – იმით, რომ ჩვენც გაგვათავისუფლა გამუდმებული ჭმუნვის სიმძიმისაგან, და თავის საკუთარ წყლულებსაც, თუმც კი უნებლიეთ და თავის სინდისთან ჭიდილით, ბოლოსდაბოლოს განუმზადა კურნება თავის აღიარებაში. ამრიგად, პირველ ყოვლისა, აღვასრულებთ რა შესაფერის პატივმოგების ვალს, გვედრებით, მეუფეო და ძმაო, რომ მომავალში ადვილად არ მიუშვებდე შენს სმენამდე აქედან მოსულთ, და ნუ ინებებ ჩვენ მიერ განკვეთილების თანახაზიარებლად შეწყნარებას, რამეთუ შენი ღირსება მარჯვედ პოვებს, რომ სწორედ ეს ნიკეის კრების მიერაც არის განჩინებული. რამეთუ თუკი ეს წესი ეგზომ არის დაცული დაბალი წოდების სამღვდელოთა და ერისკაცებთან მიმართებით, მაშინ რაოდენგზის უფრო მეტად ნებავს კრებას, რომ

დაცული და აღსრულებული იყოს იგი ეპისკოპოსების მიმართაც. ამრიგად, ისინი, ვინც თავიანთ ეპარქიებში განყენებულნი არიან ზიარებიდან, დაე, ნუ იქნებიან შეწყნარებულნი თანაზიარებაში შენი სიწმინდის მიერ (რალაც) განზრახვით, რამეთუ არ არის ჯეროვანი ეს საქმე. მსგავსადვე, მღვდელთა და მათ მიმდევარ კლირიკოსთა ურცხვი გადმოპარვები, დაე, აღკვეთოს შენმა სიწმიდემ, როგორც ღირსშეგეფერება შენ ეს. რამეთუ არც არის ეს აკრძალული აფრიკის ეკლესიებისათვის მამათა არანაირი განჩინებით, და ასევე არც ნიკეის კრების განჩინებებითაც, რომ როგორც დაბალი წოდების სამღვდელონი, ასევე, თვით ეპისკოპოსნიც, უკანვე წარიგზავნებოდნენ მათ საკუთარ მიტროპოლიტებთან. გონიერულად და სამართლიანად აღიარა კრებამ, რომ რა საქმეებიც არ უნდა იყოს, ისინი თავის ადგილებში უნდა დასრულდეს. რამეთუ მამებმა განსაჯეს, რომ არც ერთ სამთავროს არ მოაკლდება სულიწმიდის მადლი, რომლის ძალითაც სიმართლე იხილვება და აღსრულება ქრისტეს მღვდელთმთავართა მიერ, და მეტადრე, როცა თითოეულს, თუ ეჭვი გაუჩნდება უახლოეს მსაჯულთა გადაწყვეტილებების მიმართ, ნება ეძლევა მიმართოს თავისი სამთავროს კრებას, და თვით მსოფლიო კრებასაც კი. განა არის ვინმე, ვინც ირწმუნებდა, რომ ჩვენს ღმერთს შეუძლია მხოლოდ ერთ ვინმეს შთაბაგონოს მართლმსაჯულება, ხოლო კრებაზე მოსულ უამრავ მღვდელთმთავარს უარი უთხრას ამაში?! ამასთან, მტკიცე როგორ იქნება საზღვარგარეთის კრება, რომლის წინაშეც ვერ წარსდგებიან აუცილებელი მოწმეები: შეუძლებლობის, უძლურებისა თუ მოხუცებულობის გამო, ან სხვა მრავალი დაბრკოლების მიზეზით? ხოლო იმის შესახებ, რომ ზოგიერთი თითქოსდა შენი სიწმინდის გვერდიდან უნდა იყვენენ წარმოგზავნილნი, ჩვენ მამათა ვერც ერთი კრების განსაზღვრება ვერ ვნახეთ. რამეთუ რაც მანამდე თქვენგან, იმავე ჩვენი თანაეპისკოპოსის – ფავსტინესაგან იქნა გამოგზავნილი ჩვენთან, თითქოსდა ნიკეის კრების დადგენილებისაგან, იმის მოძიება ჩვენ ვერ შევძელით ამ კრების დედნებიდან გადმოღებულ სარწმუნო ნუსხებში, რომლებიც უწმინდესი კირილესაგან, ალექსანდრიის ეკლესიის ჩვენი თანაეპისკოპოსისაგან, და ატიკესგან, კონსტანტინოპოლის თანამწირველი ეპისკოპოსისგან მივიღეთ, და რომლებიც ჯერ კიდევ მანამდეც, მღვდელ ინოკენტისა და იპოდიაკვან მარკელის, ჩვენთან მათი მომტანების მეშვეობით ჩვენგან ნეტარხსენებულ ეპისკოპოს ბონიფანტეს გაეგზავნა, თქვენს წინამორბედს. ამრიგად, ნუ ინებებთ, ზოგიერთების თხოვნით, თქვენს სამღვდელთა აქ წარმოგზავნას გამოძევილებად, და ნურც დაუშვებთ ამას, რათა არ წარმოსდგეთ ამა ქვეყნის კვაშილისებრი ქედმაღლობის შემომტანებად ქრისტეს ეკლესიაში, რომელიც უზაკველობის ნათელსა და თავმდაბლობის დღეს ანიჭებს ღმერთის ჭერეტის მსურველთ. ხოლო, რადგანაც ცრემლთა ღირსი აპიარიოსი თვით ჩვენი ძმის, ფავსტინეს მიერაც იქნა განკვეთილი ქრისტეს ეკლესიიდან, ამიტომ ჩვენ აღარ ვშიშობთ, რომ მომავალში ასეთი ჩარევის დათმენა, – თქვენი სიწმინდის ღვაწლისა და ზედმიწევნულობის წყალობით შენარჩუნებული ძმური სიყვარულის ძალით, – აფრიკას აღარ მოუწევს.

ხელმოწერა

ღმერთიმც დღეგრძელჰყოფს და დაიფარავს თქვენს სიწმიდეს, ჩვენს უფლისმიერ ძმას, ჩვენზე მლოცველს.

ეპისტოლე იმდენად ნათელი და საფუძვლიანია, რომ რომის არც ერთი ეპისკოპოსი ნიკოლოზ I-მდე (IX საუკუნის ნახევრამდე), არანაირ პრეტენზიებს აღარ გამოთქვამდა რამე უფლებებზე, როგორც ამას მანამდე ზოსიმე და კელესტინე აკეთებდნენ. ნიკოლოზ I-დან დაწყებული, დასაველეთში ამოქმედდა ახალი კანონიკური სამართალი, და იმ დროიდან მოყოლებული, ბუნებრივია, ყველაფერი სულ სხვა მიმართულებას იღებს, ვიდრე ეს იყო განუყოფელი ეკლესიის პერიოდში. რაც შეეხება უმაღლეს საეკლესიო ინსტანციებს, რომლებსაც სასამართლო საქმეებზე საბოლოო განაჩენის გამოტანის უფლება ჰქონდათ, ჩვენ უკვე ვისაუბრეთ II მსოფლო კრების მე-6 და IV მსოფლო კრების მე-9 და მე-17 კანონების განმარტებებში; ყველაფერი, რაც იქ არის ნათქვამი, ემსახურება აგრეთვე ეპისკოპოს კელესტინეს მიმართ აფრიკელი მამების ზემომოყვანილი ეპისტოლეს განმარტებას.

კონსტანტინოპოლის წმინდა ადგილობრივი კრება (სხვაგვარად - ორგზისი), რომელიც შედგა წმინდა მოციქულთა სახელობის ტაძარში

მეცხრე საუკუნე, - საუკუნე ნიკოლოზ I-სა და ფოტის, - რომელიც თავისი შედეგებით შეიძლება ჩაითვალოს ეკლესიისათვის ერთ-ერთ ყველაზე ბოხოქარ და, ამასთანავე, სამწუხარო პერიოდად. პატრიარქ ეგნატეს დამხობას და საპატრიარქო ტახტზე ფოტის აღსაყდრებას, აღმოსავლეთში დიდი შფოთი მოჰყვა, რამაც რომის პაპს საბაბი მისცა ჩარეულიყო კონსტანტინოპოლის საპატრიარქოს შიდა საქმეებში. მეორე მხრივ, თუმც ხატმბრძოლობა დაიგმო მეშვიდე მსოფლო კრებაზე, ის მაინც აგრძელებდა ამ საუკუნეშიც ეკლესიის მღელვარებას. იმისათვის, რომ საბოლოო განაჩენი გამოეტანათ ხატმბრძოლობისათვის და ეკლესიაში დარღვეული მშვიდობა აღედგინათ, გადაწყდა ეპისკოპოსთა დიდი კრების მოწვევა, რომელიც შედგა კედეც 881 წლის მაისის დასაწყისში - კონსტანტინოპოლში, წმინდა მოციქულთა სახელობის ტაძარში. კრებას ესწრებოდა იმპერატორი მიქაელ III; კრების მუშაობაში 318 ეპისკოპოსი იღებდა მონაწილეობას. რომის პაპს საგანგებო ლეგატები წარმოადგენდნენ. თავის პირველ შეკრებაზე კრებამ, არამართლმადიდებელთა მხრიდან აღშფოთების გამო, სასურველ შედეგს ვერ მიაღწია; მხოლოდ მეორე შეკრებაზე შეძლეს თავისუფლად ემოქმედათ. ორგზის შეკრების გამო, ის იწოდება პირველ-მეორე კრებად (ორგზისი). თავის მეორე შეკრებაზე კრებამ დაადასტურა ხატმბრძოლობის დაგმობა, შემდეგ - სწორად მიიჩნია და აღიარა პატრიარქ ფოტის დადგინება კონსტანტინოპოლის საპატრიარქო კათედრაზე, ბოლოს კი მიიღო 17 კანონი საეკლესიო დისციპლინის სფეროში.

კონსტანტინოპოლის წმინდა ალგილობრიძი კრების (სხვაგვარად - ორბზისი) კანონები

კანონი 1

მონასტრების შექმნა, ესოდენ მნიშვნელოვანი და ღირსსაქები საქმე, ჩვენი ნეტარი და ღირსი მამების მიერ ძველთაგანვე კეთილგონიერულად წამოწყებული, ამჟამად უჯერო საქმედ მოჩანს. რამეთუ ზოგიერთებმა, მისცეს რა თავიანთ მამულებსა და კარ-მიდამოებს მონასტრის სახელი და აღთქმაც დადეს, რომ ღმერთს მიუძღვნან ისინი, საკუთარ თავს მაინც მათ მფლობელებად აცხადებენ. მათ მზაკერულად განიზრახეს ღმერთისთვის მიეძღვნათ მხოლოდ სახელწოდება; რამეთუ არ რცხვენიათ შეწირვის შემდეგაც მიითვისონ ამ ქონებაზე იგივე უფლება, რაც მანამდე ჰქონდათ. და ისეთი უწესოება შეერთო ამ საქმეს, რომ მხილველთა გასაკვირად და სამწუხაროდ, ბევრი რამ ღმერთისათვის მიძღვნილთაგან განცხადებულად იყოლება თავად შემწირველთა მიერ. და მათში არათუ სინანული არ არის იმის გამო, რომ თავს ნებას აძლევენ დაეპატრონონ იმას, რაც ერთხელ უკვე ღმერთს მიუძღვნეს, არამედ შიშის გარეშე სხვებსაც გადასცემენ მას. ამისთვის წმინდა კრებამ განაწესა: ეპისკოპოსის უცნობელად და უნებართვოდ, დაე, ნურავის მიეცემა ნება მონასტერი დააფუძნოს, არამედ მისი მცნობელობითა და ნებართვით, სათანადო ღოცვის აღსრულებით დაფუძნდეს მონასტერი, როგორც ეს ძველთაგანვეა ღვთისსათნოდ დაკანონებული; ხოლო მონასტრისთვის მიკუთვნებული ყოველივე, თვით მასთან ერთად, შეტანილ იქნეს წიგნში, რომელიც შეინახონ ეპისკოპოსის არქივში (წიგნთსაცავში). შემწირველსაც, ეპისკოპოსის ნებართვის გარეშე, ნუ ექნება იმის კადნიერება, რომ ან საკუთარი თავი, ან თავის ნაცვლად სხვა ვინმე დაადგინოს იღუმენად. რამეთუ თუკი ერშიც არავის ძალუძს ეკლავაც იმის მფლობელი იყოს, რაც უკვე ადამიანს მიუძღვნა, მაშ, როგორღა შეიძლება ვინმეს ნება ჰქონდეს მიიტაცოს ფლობა იმისა, რაც ღმერთისთვის მიუძღვნია და შეუწირავს.

(IV მსოფ. 4, 8, 24; ტრულ. 49; VII მსოფ. 12, 13, 14, 17)

ამ კანონში ორი მთავარი საკითხი განიხილება და მტკიცდება, სახელდობრ, ვერც ერთი მონასტერი ვერ დაფუძნდება მმართველი ეპისკოპოსის გვერდის ავლით და მისი ღოცვა-კურთხევის გარეშე. კანონების თანახმად, უშუალოდ სწორედ ეპისკოპოსს ემორჩილება როგორც ყველა მონასტერი, ისე თითოეული მონაზონი; და რომ მონასტრები და სამონასტრო ქონება სამუდამოდ უნდა დარჩეს ხელშეუხებელი, ანუ არ შეიძლება მათი სხვა რამე მიზნით გამოყენება, ან კერძო საკუთრებაში გადაცემა. ეს დამტკიცებული იყო ჯერ კიდევ მანამდელ კრებებზე (იხ. პარალური კანონების განმარტებები). ამ ორგზისის კრებაზე კი გამეორებულ და უფრო მძაფრად იქნა გამოხატული – დროსთან შესაბამისად და აგრეთვე იმიტომ, რომ ბევრმა მხედველობიდან დაკარგა კანონიკური განწესებები მონასტრების დაფუძნებისა და სამონასტრო ქონების შესახებ.

მონასტრების აგება ანუ დაფუძნება ყოველთვის ითვლებოდა ღვთისსათნო საქმედ. ამ კრების მამები მას პატივის ღირს და საპატივცემულო საქმეს უწოდებენ. ვინც თავისი ღვთისმოსაობით მოისურვებდა მონასტრის აშენებას და მის შესანახად ყველა საჭირო სახსრებს გაიღებდა, ასეთ კეთილმსახურ ქრისტიანს ეკლესია ნებას რთავდა თავისი განზრახვა სისრულეში მოეყვანა და ამ საქმეს მას დამსახურებადაც კი უთვლიდა (იხ. VII მსოფ. მე-17). აგებული მონასტერი და ყველაფერი, რაც მის შესანახად იყო შემოწირული, მაშინვე მმართველი ეპისკოპოსის ხელმოწერებში გადადიოდა, რომელიც მონასტრის სწორი ტიპიკონით ცხოვრებაზე ზრუნავდა, აგრეთვე – მონასტრის ქონების ხელშეუხებლობასა და მის კანონიკურ განმგებლობაზე (იხ. IV მსოფ. 24-ე). თუმცა, იყვნენ ისეთებიც, რომლებიც წინამდებარე კანონის სიტყვებით, მონასტრებს აშენებდნენ და ამბობდნენ, რომ გარკვეულ ქონებასა და მიწას სწირავდნენ აშენებულ მონასტერს, მაგრამ, იმავედროულად, შემდგომშიაც საკუთარ თავს თვლიდნენ იმის მესპატრონედ, რაც შესწირეს, ზოგჯერ, დროთა განმავლობაში, კიდევ კიდევ. ასე რომ, მონასტერი ყველაფრის გარეშე რჩებოდა და საბოლოოდ იქაურობა ოხრდებოდა. ამის მხილველ ღვთისმოსავ ქრისტიანებში კი ეს გაკვირვებასა და გულისტკივილს იწვევდა. კრების მამები ყურადღებას მიაპყრობენ ასეთ უკანონობას და მოიხსენიებენ რა არსებულ კანონიკურ განწესებას ამის შესახებ, ადგენენ: არავინ ააშენოს მონასტერი მმართველი ეპისკოპოსის ნებართვისა და ლოცვა-კურთხევის გარეშე, როდესაც ეპისკოპოსი დაეთანხმება და მისცემს ვინმეს მონასტრის აგებისა და მისი მომარაგების უფლებას, რაც საჭიროა მისი ფუნქციონირებისათვის, მაშინ მონასტერი მთელი თავისი კუთვნილებით ჩაიწერება საინვენტარიზაციო წიგნში. ეს წიგნი ინახება ეპისკოპოსის არქივში, რათა საყოველღაობად ცნობილი იყოს, რომ შეადგენს სამონასტრო ქონებას და სამუდამოდ უნდა დარჩეს მის მფლობელობაში (იხ. IV მსოფ. 24-ე; ტრულ. 49-ე; VII მსოფ. მე-13). პირი, რომელიც მონასტერს საჭირო და აუცილებელით მოამარაგებს, უკვე ამით წყვეტს თავის მესაკუთრეობრივ უფლებას ამ ქონებაზე, და მით უფრო აღარ არის ის მონასტრის მესაკუთრე, როცა მას ეკლესიას სწირავს. რამეთუ, დასძენს კანონი, თუკი მავანი ვერ იქნება იმ საკუთრების მფლობელი, რაც სხვას აჩუქა, მაშინ როგორღა შეიძლება იმან, ვინც რაიმე ქონება ღმერთს შესწირა და მიუძღვნა, თავის თავს უფლება მისცეს კვლავ მისი მესაკუთრეობისათვის იბრძოლოს?

გარდა იმისა, რომ მონასტრის დამფუძნებელი (ქტიტორი, მაშენებელი) ითვისებდა მონასტრისა და მისი ქონების მფლობელობას, იგი ითვისებდა აგრეთვე უფლებას ან თავად დამდგარიყო მონასტრის ილუმინად, ან ვინმე დაენიშნა საკუთარი სურვილისამებრ. კანონი ამასაც გმობს, როგორც ბოროტადგამოყენებას, და განაწესებს, რომ გარკვეულ პირს – დამფუძნებელს (ქტიტორს, მაშენებელს) ამის გაკეთება შეუძლია მხოლოდ ადგილობრივი ეპისკოპოსის ნებართვით. თემად მცხოვრებთა მონასტრის წესდებით ილუმინს ირჩევს მისი საძმო და ამ არჩევანს ეპისკოპოსი ამტკიცებს (იხ. VII მსოფ. მე-7). წინამდებარე კანონიდან აშკარაა, რომ ადგილი ჰქონდა ისეთ გამონაკლის შემთხვევებს, როდესაც მონასტრის დამფუძნებელს თავად შეეძლო ილუმინის დადგინება, – რა თქმა უნდა, ადგილობრივი ეპისკოპოსის ნებართვითა და კურთხევით. სხვა სიტყვებით, მონასტრის დამფუძნებელს უფლება

ჰქონდა ეპისკოპოსისთვის წარედგინა ის პირი, ვინც მას მონასტრის იღუმენად სურდა. ამ უპირატესობას ეკლესია ცნობდა ცალკეული, განსაკუთრებული ყურადღების ღირსი დამფუძნებლების მიმართ, როგორც კეთილი საქმისათვის ჯილდოს, და ამ უპირატესობის ასახვა ხდებოდა დამფუძნებელ (ქტიტორულ) წესდებაში (ტიპიკონში).* ამ დამფუძნებელ ანუ ქტიტორულ წესდებებზე ამ კანონის განმარტებაში ყურადღებას ამახვილებს ბალსამონი; მას მოჰყავს სხვადასხვა აზრი მასთან მიმართებით, რომელთა შორისაც არის ისეთიც, რომელიც აჩვენებს, რომ ბოროტგამომყენებლობა, რომელზედაც კანონი საუბრობს, თვით ამ დამფუძნებელ წესდებებშიც აღწევდა. ბალსამონი ქტიტორის უფლებად აღიარებს მის მიერ აშენებული მონასტრისათვის ტიპიკონის შედგენას, ოღონდ მასში ყველაფერი უნდა იყოს მონასტრების შესახებ კანონიკურ განწესებებთან შესაბამისობაში. თუ ამ წესდებებში რამე კანონსაწინააღმდეგო და არაკანონიკური აღმოჩნდა, მაშინ მას ძალა არ გააჩნია და უქმია.** მონასტრის დამფუძნებელი წესდება, ჩვეულებრივ, აღწერის შემდეგ – როგორ დაფუძნდა მონასტერი, ვინ დააფუძნა და რა შესწირა – შეიცავს განაწესს მონასტრის ცხოვრების ყველა საკითხთან დაკავშირებით, ეს არის: ღვთისმსახურება, საჭმელ-სასმელის მიღება, მარხვები და დღესასწაულები, მონასტრის მართვა და ღვთისმსახური პირების დადგინება, მონოზენების სამონასტრო ცხოვრების პირობები, მიცვალებულთა მოსახსენიებელი მსახურება ქტიტორისა და ძმებისთვის, სამონოზენო ხარისხში ახალი ძმის მიღება, მოწყალების გაღება გლახაკთათვის, საავადმყოფოებისა და ავადმყოფებისთვის, ტიპიკონის მოთხოვნილებების დაცვა და იმის შესახებ, რომ მონასტრის წესდება (ტიპიკონი) უნდა იკითხებოდეს ყოველი თვის დასაწყისში.***

ტანონი 2

ზოგიერთი ბერ-მონოზენური ცხოვრების მხოლოდ გარეგან სახეს იღებენ, და იღებენ არა იმისთვის, რომ სიწმინდით ემსახურონ ღმერთს, არამედ იმისთვის, რომ პატივსაცემი შესამოსელისაგან მიიღონ კეთილმსახურთა დიდება და ამით თავიანთი სიამოვნებებით დაუბრკოლებელი ტკობა შეიძინონ. ისინი მხოლოდ თმებს შეიკვეცენ და საკუთარ სახლებში რჩებიან, სადაც არ ასრულებენ არანაირ სამონოზენო ღვაწლსა და წესდებულებას. ამისთვის წმინდა კრებამ დაადგინა: არავინ გახდეს საბერმონაზენო ხატის ღირსი იმ პირის დაუსწრებლად, რომელმაც თავის მორჩილებაში უნდა მიიღოს იგი, მთავრობა ჰქონდეს მასზე და მზრუნველობა იტვირთოს მის სულიერ სიწმინდეზე. ასეთი, დაე, ღვთისმოყვარე კაცი იყოს, მონასტრის

*მხოლოდ იმ მონასტრებს შეეძლოთ დამოუკიდებლად აერჩიათ და დაედგინათ იღუმენები, რომლებიც სპეციალური სამეფო ბრძანებულებით სარგებლობდნენ განსაკუთრებული უპირატესობით.

**ათენის სინტაგმა, II, 551. შდრ. XIV ტიტ. ნომოკანონი, II, 1 (ათენის სინტაგმა, I, 88).

***ასეთია ზოგადად ხილანდარის ტიპიკონი. ასეთია ძირითადად სხვა მონასტრების ტიპიკონებიც (დამფუძნებელი წესდებები).

წინამძღვარი, შემძლებელი იმისა, რომ იხსნას ქრისტესადმი ახლად მოყვანილი სული. ხოლო თუ აღმოჩნდება ვინმე მავანის ბერად აღმკვეცი ილუმინის დაუსწრებლად, რომელსაც მართებს მორჩილებაში მიიღოს იგი, ესევეითარი, დაე, განკვეთილ იქნეს თავისი წოდებიდან, როგორც კანონთა ურჩიც და კეთილმოწესების დამრღვევი; ხოლო უკანონოდ და უწესოდ აღკვეცილი იმ მონასტერს გადაეცეს მორჩილებაში, რომლისთვისაც მის გადაცემას ადგილობრივი ეპისკოპოსი კეთილად იხებებს. რამეთუ განუსჯელი და მცდარი აღკვეციებით დაუშვენ საბერ-მონოზენო ხატის უპატიყოფა და ამით ქრისტეს სახელს გმობა შეამთხვიეს.

(IV მსოფ. 4, 24; ტრულ. 40-49; VII მსოფ. 17-21; ლანგ. 3; კართ. 63; ორგზ. 3-7)

ხატმბრძოლობის პერიოდში მონოზენობა განსაკუთრებით გავრცელებული იყო აღმოსავლეთში და მართლმადიდებლობის დაცვის საქმეში თავისი დამსახურებისათვის დიდი პატივით სარგებლობდა. თუმცა, თავისი პატივისა და მნიშვნელობის შენარჩუნება ყველა მონოზონს არ შეეძლო, როგორც ეს მათ თავიანთი წმინდა ჩინებულობით მართებდათ. ბევრი უწესრიგობა გამოჩნდა როგორც ცალკეული მონოზენის ცხოვრებაში, ისე მთელი რიგი მონასტრების ცხოვრებებში ჯერ კიდევ მაშინ, როდესაც ხატმბრძოლობამ მხოლოდ დაიწყო დამარცხება. ამიტომ VII მსოფლიო კრება იძულებული გახდა მიეღო რამდენიმე კანონი მონოზენობაში კეთილწესიერების აღსადგენად (იხ. 17-22). თუმცა უწესრიგობები შემდგომშიც გრძელდებოდა, ასე რომ, წინამძღვარე კრებაც იძულებული გახდა შეეხსენებინა საეკლესიო საზოგადოებისათვის ადრე არსებული კანონიკური განწესებების შესახებ მონოზენებთან მიმართებით და რამდენიმე ახალიც დაემატებინა. მიზეზი, რამაც კრება ამ კანონის მისაღებად აღძრა, გამოხატულია მის დასკვნით ნაწილში, კერძოდ, სამონოზენო ხარისხის მნიშვნელობა დაეცა, რის გამოც შეურაცხყოფა მიეყენებოდა თვით ქრისტეს სახელს. სამონოზენო ცხოვრების სხვა უწესრიგობათა შორის, კანონი ყურადღებას მიაპყრობს ბევრი პირის ნაჩქარევ და წინდაუხედავ მიღებას სამონოზენო წესში. მსგავსად იმისა, როგორც მღვდელმსახურთა მიმართებით არსებობდა კანონი, რომ არავის ხელდასხმა შეიძლებოდა გარკვეულ ადგილზე მსახურებისათვის დაწესების გარეშე (იხ. IV მსოფლიო კრების მენკან.), ასევე მონოზენების მიმართაც, ანუ არავის მონოზენად აღკვეცა არ შეიძლება მისთვის მონასტრის განსაზღვრის გარეშე, სადაც იგი სამომში იქნება მიღებული. არსებობდა აგრეთვე, ჯერ კიდევ ბასილი დიდის მიერ გამოცემული კანონი, რომლის მიხედვითაც, მონოზენად აღკვეცის საიდუმლოს აუცილებლად უნდა დასწრებოდა ერთ-ერთი უხუცესი მონოზენი; მას უნდა მიეღო ახალაღკვეცილი მორჩილებაში, განესწავლა და განემტკიცებინა სამონოზენო ცხოვრებაში. ბევრი უგულვებლყოფა ყველაფერ ამას, და არ გააჩნდათ რა სულ მცირე ჩინებაც კი მონოზენური ცხოვრებისაკენ, მაინც იკვეცებოდნენ და იმოსებოდნენ სამონოზენო შესამოსელით. თუმცა, სრულიადაც არა იმისთვის, რომ – კანონის გამოთქმით – „სიწმინდეში ემსახურათ ღვთის წინაშე“, არამედ, რათა საზოგადოებაში მოეხევათ მონოზენის სახელი და პატივი, რომ ადვილად მიეღოთ „საკუთარი კმაყოფილებით ტკობა“. ისინი ცხოვრობდნენ მონასტერს გარეთ, კერძო სახლებში და მონოზ-

ენურს არაფერს ასრულებდნენ. ასეთი უწესრიგობების თავიდან ასაცილებლად, კანონი განაწესებს – არაფინ მიიღებოდას სამონოზენო წესში, ანუ არაფინ ჰყონ აღკვეციის ღირსად იმ მონასტრის ილუმენის დაუსწრებლად, რომელ მონასტრის სამოსაც ახალაღკვეცილი უნდა შეუერთდეს, ასევე, საგანგებო უხუცესი მონოზენის გარეშე, რომელმაც უნდა მიიღოს ის თავისი უშუალო ხელმძღვანელობის ქვეშ, ასწავლოს და განამტკიცოს ყველა მონოზენური წესის ზუსტ აღსრულებაში. ეს უხუცესი მონოზონი „კორმჩაიაში“ წოდებულია „შუამავლად“, დიდი კურთხევის 79-ე კანონში კი – „მიმრქმელად“, მსგავსად ნათლისა, რომელიც ნათლობისას თავის თავზე იღებს ნათლულის აღზრდაზე ზრუნვას. წინამდებარე კანონი დაუმორჩილებლობისთვისაც აწესებს სასჯელს, კერძოდ: განკვეთა ემუქრება იმას, ვინც სამონოზენო დასში მიიღებს ვინმეს დადგენილი წესების დაუცველად, და – სხვა მონასტერში მორჩილად გადაყვანა იმას, ვინც არაკანონიერად აღკვეცეს მონოზენად.

კანონი 3

განვაჩინეთ შემდეგი დაუწყობლობის გამოსწორებაც, რომელიც დაშვებულ იქნა და, რაც უარესია, მიუხედაობითა და დაუდევრობით ვრცელდება კიდევ. თუ მონასტრის რომელიმე წინამძღვარი დიდი გულმოდგინებით არ დაიწყებს თავის მორჩილებაში მყოფი გაქცეული მონოზენების მოძიებას, ანდა როცა იპოვნის, არ შეიწყნარებს და გულმოდგინედ არ იშრომებს დაცემულის აღდგინებისა და განმტკიცებისათვის ჯეროვანი და მისი სენისათვის შესაბამისი კურნებით, მაშინ წმინდა კრებამ განსაზღვრა ესევე-თარის განყენება საიდუმლოთაგან. რამეთუ თუკი პირუტყვთა ზედამხედველად დადგინებულიც არ რჩება დაუსჯელი, როცა არ იგულმოდგინებს სამწყსოსათვის, მაშ, როგორღა არ ეწიოს დასჯას თავისი კადნიერებისათვის ის, ვისაც სამწყემსო მთავრობა მიუღია ქრისტეს სამწყსოზე და თავისი უდებობითა და მცონარებით ფლანგავს მათ ცხონებას? ხოლო თუ დაბრუნებად მოწოდებული მონოზონი არ დამორჩილდება, დაე, განყენებულ იქნეს ეპისკოპოსის მიერ.

(IV მსოფ. 4; ტრულ. 46; VII მსოფ. 21; კართ. 8; ორგ. 2, 4)

წინამდებარე კანონში მეორდება ტრულის 46-ე და VII მსოფლიო კრების 21-ე კანონების განწესებანი. ამ კანონით განწესება სასჯელი აგრეთვე იმ ილუმენსაც, რომელიც არ ზრუნავს მონასტრიდან წასული მონოზენების დასაბრუნებლად, კერძოდ, იგი ისჯება განყენებით. „პიდალიონში“, ისევე, როგორც „კანონთა წიგნში“, აღნიშნულია ამ კანონით განწესებული სასჯელი იმ მონოზენისთვისაც, რომელმაც თავისი მონასტერი დატოვა და უკან დაბრუნება აღარ სურს. „ათენის სინტაგმაში“ არ არის ეს დამატება, მაგრამ სინტაგმაში (ისევე, როგორც კანონთა სხვა კრებულებში) ის შედის ამ კრების შემდეგ (მე-4) კანონში.



ქანონი 4

მრავალგვარად ცდილობდა მზაკეარი შეეგინებინა მონოზონობის ღირსად პატივდებული სახე და ამისთვის უდიდესი შეწევნა ჰპოვა უწინდელ დროში არსებულ მწვალებლობაში. რამეთუ მწვალებლობისაგან შეჭირვებული ბერ-მონოზენები ტოვებდნენ თავიანთ საგანებს, სახლდებოდნენ სხვა საგანებში, ხოლო ზოგიერთნი ერისკაცთა საცხოვრებლებშიც. მაგრამ რასაც ისინი მაშინ კეთილმსახურებისათვის იქმოდნენ, და რაც ამიტომ ნეტარყოფის ღირსად ხდიდა მათ, — ის, როცა განუსჯელ ჩვეულებად იქცევა, დაცინვის ღირსად წარმოაჩენს. რამეთუ ჯერ კიდევ ახლაც, როცა კეთილმსახურება უკვე ყოველგან განივრცო, და ეკლესიამ აირიდა საცთურნი, ზოგიერთები განემორებინან თავიანთ მონასტრებს, და როგორც რაღაც შეუკავებელი ნაკადი, აქეთ-იქით რომ აწყდება და ნაპირს გადადის, მსგავსად იმისა, მრავალი უსახურობით აღავესებენ საგანებს, შეაქეთ მათში დიდი უწესრიგობა, და არდევვენ და სპობენ მორჩილების კეთილმშენიერებას. მათი არამდგრადი და ურჩი მისწრაფების აღსაკვეთად წმინდა კრებამ განაჩინა: თუკი რომელიმე მონოზონი გაიქცევა თავისი საგანიდან, გადავა სხვა მონასტერში ან ერისკაცთა საცხოვრებელში შესახლდება, — ესეითარი, ისევე, როგორც მისი შემფარებელი, დაე, განყენებულ იქნეს საეკლესიო ერთობისაგან, სანამ გაქცეული არ დაბრუნდება საგანში, საიდანაც დანაშაულებრივად წამოსულა. თუმცა, თუკი ზოგიერთ ისეთ მონოზონთა ეპისკოპოსი, რომელთა კეთილმსახურებასა და პატიოსან ცხოვრებას მავანნი მოწმობენ, ისურვებს მათ გადაყვანას სხვა მონასტერში საგანის კეთილმოწყობისათვის, ანდა კეთილად განსჯის მათ გაგზავნას საერო სახლში იქ მცხოვრებთა ხსნისათვის, ანდა კეთილად ინებებს მათ დადგინებას სხვა რომელიმე ადგილას, — ამის გამო, ნუ იქნებიან ბრალეულინი ნურც ეს ბერ-მონოზენები და ნურც მათი მიმღებნი.

(IV მსოფ. 4, 23; ტრულ. 23, 41; VII მსოფ. 13, 21; კართ. 80; ორგზ. 2, 3. 6)

სამონოზონო ცხოვრებაში წარმოშობილი უწესრიგობის მიზეზი, რომელთა შესახებაც ამ კანონშია საუბარი, იგივეა, რომელმაც გამოიწვია VII მსოფლიო კრების მე-13 კანონის მიღება, კერძოდ, ეს არის — ხატმრძოლობა. ზოგადად, წინამდებარე კანონი იმ საკითხზე საუბრობს, რაზედაც — ამავე კრების წინა კანონი, თანაც განყენებას უქვემდებარებს ყველა იმ მონოზონს, ვინც თავის მონასტერს დატოვებს და ზუსტად ასევე — ვინც მას თავისთან მიიღებს. ტრულის კრების 23-ე კანონის თანახმად კი ასეთი მონოზონი, თუ თავის მონასტერში დაბრუნებას არ მოინდომებს, იმ ეკლესიის ეკდიკის მხრიდან, რომელ ეკლესიასაც ის მიეკუთვნება, ქალაქიდან ძალით განდევნასა და მონასტერში დაბრუნებას ექვემდებარება.

ძალიან მნიშვნელოვანია ის განწყობა, რომელსაც კანონის დასკვნითი ნაწილი შეიცავს. საერთოდ, კანონების თანახმად (იხ. პარალ. კანონები), მონოზონი სამუდამოდ უნდა დარჩეს თავის მონასტერში. აქედან გამონაკლისის შესახებ საუბარია წინამდებარე კანონის დასკვნაში, რომლის თანახმადაც, ეპისკოპოსს თავისი შეხედულებისამებრ შეუძლია მონოზონს მონასტრის გარეთ ცხოვრების უფლება მისცეს

და არასამონასტრო მსახურებაც დააკისროს. ამის შესახებ ჩვენ უკვე ვისაუბრეთ IV მსოფლიო კრების მე-4 კანონის განმარტებაში. ბალსამონი, კონსტანტინოპოლის კრების ამ კანონის განმარტებისას, დაწვრილებით საუბრობს ეპისკოპოსის ამ უფლების შესახებ და დასკვნის სახით დასძენს, რომ ეპისკოპოსის ნებართვითა და მისი შეხედულებით მონოზონი შეიძლება ნებისმიერი სახის არამონასტრული მსახურებით იყვეს დაკავებული.*

ქანონი 5

სამონოზონო კეთილწესიერებას დიდ ზიანს აყენებენ ისინი, რომელნიც განსჯისა და გამოცდის გარეშე განეშორებიან ამა ქვეყანას. რამეთუ ზოგიერთნი დაუდევრად იტვირთავენ ხოლმე მონოზონურ ცხოვრებას, და უგულვებელყოფენ რა მოსაგრეობის სიმკაცრესა და შრომას, კვლავ უბადრუკად მიიქცევიან ხორცისათვის საამო და გემოთმოყვარე ცხოვრებისაკენ. ამის გამო, წმინდა კრებამ განაჩინა: არავინ გახადონ ღირსი მონოზონური ხატის მიღებისა, ვიდრე გამოსაცდელად დაწესებული სამწლიანი ვადა არ გამოაველენს მათ ასეთი ცხოვრების შემძლეად და ღირსად, და კრებამ ბრძანა ამ წესის ყოველმხრივ დაცვა, გარდა იმ შემთხვევისა, როცა მოწვეული რაღაც მძიმე ავადმყოფობა აიძულებთ შეამოკლონ გამოცდის დრო, ანდა თუკი იქნება ვინმე კეთილმოშიში კაცი, რომელიც ერისკაცის შესამოსელშიც მონოზონურ ცხოვრებას ატარებს. რამეთუ ასეთი კაცის სრულყოფილი გამოცდისათვის ექვსთვიანი ვადაც საკმარისია. ხოლო თუკი ვინმე ამის საწინააღმდეგოდ მოიქცევა, მაშინ ილუმენს, წინამძღვრობის ჩამორთმევის შემდეგ, სხვათა მორჩილების მდგომარეობა ექმნას სასჯელად წესისაგან განდგომის გამო; ხოლო მონოზონობაში შესული, დაე, სხვა მონასტერში გადავიდეს, რომელშიც მკაცრადაა დაცული საბერმონოზონო წესდებულება.

(ტრულ. 40; კართ. 126; ბასილი დიდის 18; ორგ. 2)

როგორც ამ კრების მე-2, ასევე ეს კანონიც მიმართულია სამონოზონო წესში გაუფრთხილებელი და ნაჩქარევი არჩევანის წინააღმდეგ. ბევრი იწყებდა მონოზონურ ცხოვრებას, მაგრამ შემდეგ ნანობდა და ერისკაცობას უბრუნდებოდა. ამით კი ერში დაბრკოლებას წარმოშობდა და მონოზონობის მნიშვნელობას აკნინებდა. ამის თავიდან ასაცილებლად, წინამდებარე კანონი განაწესებს, რომ არავის მიეცეს მონოზონის წოდება, სანამ მონასტერში სამწლიან გამოცდას არ გაივლის და საქმით არ დაამტკიცებს, რომ მისი გადწყვეტილება, — შეუდგეს მონოზონურ ცხოვრებას, — ურყევა, და რომ იგი ღირსია ამ წოდებისა. გამონაკლისი დასაშვებია, თუ გამოსაცდელი პირი მძიმედ დაავადდა და მაშინ ილუმენს შეუძლია იგი დაუყოვნებლივ აღკვეცოს. ასევე, გამონაკლისი დასაშვებია, როდესაც ამის გადაწყვეტილებას იღებს ერში სამაგალითო ცხოვრებით გამოჩეული ღვთისმოსავი პი-

*ათენის სინტაგმა, II, 662.

რი; ასეთი პირის მიმართ კანონი უშუებს, რომ მისი გამოსაცდელი ვადა შეიძლება ექვს თვემდე იქნეს შემცირებული. იმ შემთხვევაში, თუ ილუმენი ამ კანონის განწესების საწინააღმდეგოდ მოქმედებს, მაშინ კანონი მას ხარისხის ჩამორთმევასა და მონოზენობის დაბალ რანგში ჩამოქვეითებას განუწესებს. ხოლო საკმარი-სი გამოცდის გარეშე აღკვეცილ პირს – სხვა მონასტერში გადაყვანას, სადაც მკაცრად იცავენ სამონოზენო წესებს.

ამ კანონის განმარტებაში, ასევევე სტატიაში „შემოსილთა შესახებ“, ბალსამონი იხილავს საკითხს, თუ რა სამოსელი უნდა ეცვას მორჩილს. ამასთან, იგი შენიშნავს, რომ ზოგიერთი მორჩილი სამონოზენო შესამოსელს იცვამდა, შემდეგ კი, როდესაც გადაიფიქრებდა მონოზენად აღკვეცას, გაიხდიდა და ერში ბრუნდებოდა, ბუნებრივია, ერისკაცის ტანსაცმლით. ბალსამონი მათ საქციელს განიკითხავს როგორც უწესოს, რომელიც მხოლოდ მონოზენის წოდების შერცხვენას ემსახურება და შენიშნავს, რომ მორჩილმა, თავისი მორჩილების პერიოდში, ერისკაცის სამოსელი უნდა ატაროს. თუკი მორჩილი, როგორცაა შეიძლოს მონოზენის შესამოსელით და მონოზენურად ცხოვრობს, მაშინ მას აღარ აქვს ერში დაბრუნების უფლება და ამიტომ თუ შემდგომში აღკვეცას აღარ მოისურვებს, იგი ძალდატანებით უნდა იქნეს აღკვეცილი. ბალსამონის ეს აზრი ეკლესიამ გაიზიარა და, სხვათა შორის, დიდი კურთხევანის მე-80 კანონში ვკითხულობთ: „გამოსაცდელი პირი (რომელსაც მონოზენად აღკვეცა სურს) საერო სამოსლით უნდა იყოს, და არა – სამონოზენო“.*

კანონი 6

ბერ-მონაზენებს არაფერი ჰქონდეთ საკუთარი, არამედ მათი კუთვნილი ყველაფერი, დაე, მონასტრის კუთვნილებად იქნეს დამტკიცებული. რამეთუ ნეტარი ლუკა ასე ამბობს ქრისტეს მორწმუნეთა შესახებ, რომელნიც თავისი თავით მონოზენური სცხოვრების სახეს წარმოადგენენ: „და არცა ერთმან ვინ თქვს მონაგები მისი თუსად, არამედ იყო ყოველივე მათდა ზოგად“ (საქმე მოციქ. 4, 32). ამიტომ მონოზენობის მსურველთ თავისუფლება ენიჭებათ თავიანთი ქონება-მამულის წინდაწინვე ანდერძით დატოვებაში და მის გადაცემაში იმათთვის, ვისაც ისურვებენ, ანუ ვისთვისაც კანონი არ კრძალავს გადაცემას. რამეთუ მონასტერში შესვლის შემდეგ, მონასტერს ხელმწიფება აქვს მთელს მათ ქონებაზე, და მათ არა აქვთ უფლება რაიმე საკუთრებას განკარგაუდნენ, ან ანდერძით გადასცემდნენ. ხოლო თუ ვინმე აღმოჩნდება რაიმე მოსახვეჭელის მიმთვისებელი, ისე, რომ არ გადაუცია იგი მონასტრისათვის და დამონებია მომხვეჭელობის ვნებას, – ესევეთარს ილუმენმა ან ეპისკოპოსმა, დაე, ჩამოართვას ის მონახვეჭი, მრავალთა თანდასწრებით გაყიდოს და ღარიბ-გლახაკთ და შეჭირვებულთ დაურიგოს. ხოლო ვინც, ძველი დროის მავანი ანანიას მსგავსად, გულში ჩაიდებს დამალოს თავისი მონაგები, კრებამ განაჩინა მისი შეგონება

*ა. პაელოვის დასახ. თხზ., გვ. 92.

შესაფერისი ეპიტიმით. ხოლო ცხადია, რომ წმინდა კრების მიერ ბერებისათვის დადგენილი კანონები სამართლიანად იქნა აღიარებული მონოზონი დედებისთვისაც.

(მოც. 40; IV მსოფ. 22; ტრულ. 35; VII მსოფ. 19; ანტიოქ. 19; კართ. 22, 26, 81; ორგ. 4)

ერთ-ერთი აღთქმა, რომელსაც მონოზონი აღკვეცისას დებს, არის – უპოვარება. ბასილი დიდი, მონოზონების შესახებ თავის კანონებში, განაწესებს, სხვათა შორის, რომ მონოზონებს საკუთარი არაფერი ჰქონდეთ, და თავის ამ განწესებას აფუძნებს წმინდა წერილზე (იხ. საქმ. 4, 32)*. წინამდებარე კანონი იმეორებს ბასილი დიდის ამ განწესებას და, ამასთან, დაწერილებით ანვითარებს მას. კერძოდ, ეს კანონი ადგენს, რომ პირს, რომელიც მონოზონად აღკვეცას აპირებს, სრული უფლება აქვს წინასწარ განკარგოს საკუთარი ქონება თავისი შეხედულებისამებრ და გადასცეს იმათ, ვისაც სურს, თუ კი მხოლოდ ამ უკანასკნელთ შეუძლიათ, კანონის შესაბამისად, მისი მიღება (იხ. კართ. 22, 81). თუ მან აღკვეცამდე არ განკარგა თავისი ქონება, მაშინ აღკვეცის შემდეგ ის კარგავს ქონების უცხოებზე გადაცემის უფლებას; ეს ქონება გადადის მონასტრის საკუთრებაში. იმ შემთხვევაში, თუ მონოზონი მოინდომებს თავისი ქონების ან მისი ნაწილის თავის საკუთრებაში დატოვებას, მაშინ იღუპენმა ან ეპისკოპოსმა უნდა ჩამოართვას ეს ქონება, საჯაროდ გაყიდოს და აღებული თანხა გლახაკებს დაურიგოს. ხოლო თუ მონოზონი ამ ქონებიდან მინც გადამაღლავს რაიმეს თავისთვის, მაშინ იგი სამაგალითოდ უნდა დაისაჯოს; ეს სასჯელი კი, ბასილი დიდის მე-13 კანონის თანახმად, რომელიც მონოზონების ეპიტიმის შესახებ განწესებას შეიცავს, არის – ეკლესიის ერთობიდან განყენება.

წინამდებარე კანონის დასკენითი ნაწილი შეიცავს შენიშვნას, რომ ყველაფერ იმას, რასაც ეს კრება ადგენს და განაწესებს მამაკაცი-მონოზონებისათვის (2-6), იგივე ძალა და მნიშვნელობა აქვს დედაკაცი-მონოზონებისთვისაც.

წინამდებარე კანონი (მე-6), როგორც ჩანს, საუბრობს ზოგადად იმ პირზე, რომელსაც ერში რაიმე ქონება აქვს და მონოზონად აღკვეცას აპირებს, მაგრამ ეს არ ეხება იმ შემთხვევებს: 1) როდესაც ასეთ პირს ჰყავს შვილები და მშობლები და 2) როდესაც იგი მემკვიდრეობით რაიმე ქონებას მიიღებს მონოზონობის წოდების მიღების შემდეგ. პირველ შემთხვევასთან დაკავშირებით, მოქმედებდა სამოქალაქო სამართლის კანონები, რომლებსაც წინამდებარე კანონი იღებს და აღიარებს; მეორესთან დაკავშირებით კი შემდგომში გამოიცა შესაბამისი საგანგებო განკარგულება.

იმ პირთან მიმართებით, რომელსაც მონოზონობა სურს და, ამასთანავე, ცოცხალი ჰყავს ცოლ-შვილი, იუსტინიანეს CXXIII ნოველა განაწესებს, რომ მისი ქონება უნდა განაწილდეს, კანონის თანახმად, შვილებს შორის, და მხოლოდ ნაწილი, ამ გაყოფის შემდეგ, უნდა გადავიდეს მონასტრის საკუთრებაში. იგივე ხდება მშობლების შემთხვევაშიც.** რაც შეეხება მეორე შემთხვევას, – ანუ როგორ უნდა განკარგონ

*მცირე კანონები. კანონი (კითხვა) 85-ე.

**ბალსამონის განმარტება ათენის სინტაგმაში, II, 670.

ქონება, რომელსაც მონოზონი მეპეკიდრობით მიიღებს, ან სხვა რომელიმე კანონიერი გზით, — ამასთან დაკავშირებით იმპერატორმა ლეონ ბრძენმა (886-911) გამოსცა სპეციალური ნოველა, რომლის თანახმადაც მონოზენებს, რომლებიც რაიმეს მიიღებენ მონოზენად აღკვეცის შემდეგ, შეუძლიათ განკარგონ ის თავისი სურვილისამებრ, თუკი მონასტერს უკვე შესწირეს როდესაც იქ მივიდნენ. ხოლო თუ არაფერი მიუტანიათ, მაშინ იმის ერთი მესამედი, რაც შემდეგ მიიღეს, მონასტრის საკუთრებაში უნდა გადასცენ, დანარჩენი კი შეუძლიათ თავისი შეხედულებისამებრ განკარგონ. მიქაელ ატალიატმა, XI საუკუნის მეორე ნახევარში ეს ნოველა თავის „სამართლიან საქმეში“ შეიტანა, როგორც ყველასათვის სავალდებულო, — იმპერატორ მიქაელ XII დუკის ბრძანებით. ზუსტად ასევე მოჰყავს ეს ნოველა ბალსამონსაც, ამ კანონის განმარტებაში.*

კანონი 7

ვხედავთ, რომ ბევრი საეპისკოპოსო დაკნინებულია და სრული გაუკაცრიელების საშიშროების წინაშე დგას იმის გამო, რომ მათი წინამძღვრები თავიანთ მონასტრებზე ზრუნვისა და გულმოდგინების ნაცვლად, მთელ ძალისხმევას ახალი მონასტრების დაფუძნებისკენ მიაქცევენ, და გამოლევენ რა საეპისკოპოსოების სახსრებს და სხვადასხვა ხრიკებით მიითვისებენ შემოსავლებს, ცდილობენ მონასტრები შეიმატონ. ამის გამო წმინდა კრებამ განაჩინა: დაე, ეპისკოპოსთაგან ნურავის მიეცემა უფლება დააფუძნოს თავისთვის განსაკუთრებული მონასტერი თავისი საეპისკოპოსოს საზიანოდ და გასატიალებლად. ხოლო თუ ვინმე აღმოჩნდება კადნიერად ამის ჩამდენი, ესევეთარი, დაე, შესაფერის ეპიტიმიას დაექვემდებაროს, მისი ახალი ნაგებობა კი, რომელსაც მართებული დასაბამიც კი არ ჰქონია, მიეკუთვნოს საეპისკოპოსოს, როგორც მისი საკუთრება. რამეთუ კანონისა და წესრიგის საწინააღმდეგოდ შემოპარულს არაფერს ძალუქს მიიტაცოს იმ საქმეთა უპირატესობა, რომლებიც წესებისა და კანონების თანახმად აღესრულება.

(მოც. 38; IV მსოფ. 26; VII მსოფ. 1. 12; ანკირ. 15; ღანგ. 7; ანტიოქ. 24. 25; კართ. 26, 33; თეოფილე ალექსანდრიელის 10; კირილე ალექსანდრიელის 2)

ბევრი კანონი განუწესებს ეპისკოპოსს, რომ მან ხელშეუხებლად შეინახოს იმ ეკლესიის ქონება, რომლის მმართველადც დადგინებულია (იხ. მოციქულთა 38-ე და სხვა პარალ. კანონები). წინამდებარე კანონში საგანგებოდ არის საუბარი საეპისკოპოსოს შესახებ, ანუ კათედრალურ საეპისკოპოსო ეკლესიაზე და ეპისკოპოსის ადგილსამყოფელ სახლზე. საეპისკოპოსოს ქონებაზე, რომლის შემოსავლითაც ხდებოდა ეკლესიის, ეპისკოპოსისა და მისი რეზიდენციის შენახვა. ზოგიერთი ეპისკოპოსი ამ შემოსავალს არ ახმარდა საეპისკოპოსოს საჭიროებას, არამედ იშენებდნენ სახლებს საკუთარი საჭიროებისათვის, და ამ სახლებს მონასტრის

*ამჟამად ეს საკითხი ცალკეულ სახელმწიფოებში დარეგულირებულია სპეციალური კანონებით.

სახელს არკმედეგენ. ამის წინააღმდეგ გამოდის წარმოდგენილი კანონი და განაწესებს, რომ ეპისკოპოსი, რომელიც საეპისკოპოსოს საზარალოდ ააგებს მონასტერს, შესაბამის სასჯელს უნდა დაეკვემდებაროს. თვით ასეთი მონასტრები კი, როგორც არაკანონიკური გზით ნაგები, მონასტრებად არც უნდა ჩაითვალოს – ისინი უნდა მიეწეროს საეპისკოპოსოს, როგორც მისი საკუთრება.

კანონი 8

წმიდა მოციქულთა საღმრთო და წმინდა კანონი თვითმკვლელებად აღიარებს საკუთარ თავთა დამსაჭურისებლებს, და თუკი ასეთნი მღვდელმსახურნი არიან, წოდებიდან განკვეთს მათ, ხოლო თუ არ არიან, უკრძალავს სამღვდელო ხარისხში აღსვლას. აქედან ცხადია, რომ თუკი საკუთარი თავის დამსაჭურისებელი თვითმკვლელია, მაშინ სხვისი დამსაჭურისებელი, უეჭველად, არის ნამდვილი მკვლელი. შეიძლება სამართლიანად ითქვას, რომ ესევეთარი თვით ღმერთის ქმნილებას შეურაცხყოფს. ამის გამო წმინდა კრებამ განაჩინა: თუ რომელიმე ეპისკოპოსი, მღვდელი ან დიაკონი მხილებული იქნება იმაში, რომ ვინმე დაასაჭურისა – ან საკუთარი ხელით, ანდა ბრძანების გაცემით, ესევეთარი, დაე, განიკვეთოს თავისი წოდებიდან; ხოლო თუ ასეთი ერისკაცი იქნება, განკანონდეს საეკლესიო ერთობისგან, გარდა იმ შემთხვევისა, როცა მოწვევული სნეულება აიძულებს სნეულის დასაჭურისებას. რამეთუ როგორადაც ნიკეის კრების პირველი კანონი არ სჯის სნეულების მიზეზით სნეულის წევრთა მომკვეთთ სწორედ მათი სნეულების გამო, ასევე არც ჩვენც განვიკითხავთ არც მღვდელმსახურებს, სნეულთა დასაჭურისებას რომ ბრძანებენ, და არც ერისკაცთ ვდებთ ბრალს, საკუთარი ხელით რომ ისაჭურისებენ თავისთავს მსგავს შემთხვევაში, რადგან ამას სნეულების განკურნებად ვაღიარებთ, და არა ბოროტგანზრახულ ქმედებად ქმნილების წინააღმდეგ და არც დაძრახვად შემოქმედებითი საქმისა.

(მოც. 22, 23, 24; I მსოფ. 1)

იხ. პარალ. კანონების განმარტებები.

კანონი 9

სამოციქულო და საღმრთო კანონი წოდებიდან განკვეთას უქვემდებარებს იმ მღვდელმსახურებს, რომლებიც კადნიერდებიან გვემონ შემცოდელ მორწმუნენი, ანდა ურწმუნონი, რომელთაც წყენა მიაყენეს ვინმეს. საკუთარი მრისხანების მზაკერულად მაამებელნი მამახინჯებენ სამოციქულო განწესებას, იგებენ რა მას როგორც ნათქვამად მხოლოდ საკუთარი ხელით მგვემელებზე, თუმცა აღნიშნული კანონი არაფერს მსგავს არ გულისხმობს და სწორი აზრი ამგვარ აღქმას არ დაუშვებს. რამეთუ ჭეშმარიტების თანახმად, უგუნური მსჯელობა და მეტად მცდარი შეხედულება იქნებოდა

ის, რომ საკუთარი ხელით ვინმეს სამი თუ ოთხი დარტყმა მიეყენებინა ვინმესთვის და ამის გამო განკვეთით დაესაჯათ, ხოლო, იმავდროულად, ვინც ბრძანების მეშვეობით მიანიჭებს მავანს თავისუფლებას სასტიკად და თვით სიკვდილამდეც კი გვემოს ვინმე, დაუსჯელი დარჩენილიყო. ამრიგად, რადგან ამ კანონით განსაზღვრულია სასჯელი საერთოდ გვემისათვის (ფიზიკური დასჯისათვის), ამიტომ ჩვენც ამის თანახმიერად განვაჩინებთ; მართებულია ღმერთის მღვდელმსახურმა დამოძღვრითა და შეგონებებით მოიყვანოს გონს უზნეო კაცი, ზოგჯერ საეკლესიო ეპიტომიებითაც, და არა როზგითა და ცემით მივარდეს ადამიანთა სხეულებს. ხოლო თუკი ზოგიერთნი სრულიად დაუმორჩილებელნი იქნებიან და ვერ შეგონდებიან ეპიტომიების მეშვეობით, ესევეთართა შეგონებას ადგილობრივ სამოქალაქო მთავართა სამსჯავროზე გადაცემით არავენ კრძალავს. რამეთუ ანტიოქიის კრების მეხუთე კანონით დადგენილია, რომ ეკლესიაში შფოთისა და ჯანყის შემომტანნი წესრიგისაკენ იქნენ მოწოდებულნი გარეგანი, სამოქალაქო ხელმწიფებით.

(მოც. 27; ანტიოქ. 5)

მოციქულთა 27-ე კანონის განმარტებაში ჩვენ ვიხილეთ, რომ ახალი აღთქმის წმინდა წერილის თანახმად, არ შეიძლება მღვდელმსახურმა ვინმეს სცემოს. წიგნში „სამრევლო მღვდლების მოვალეობათა შესახებ“, მოყვანილია (§ 60) იოანე ოქროპირის სიტყვები ტიტეს მიმართ პაულე მოციქულის ეპისტოლეს განმარტებიდან: „მოძღვარი სულის მკურნალია; მკურნალი კი არ სცემს, არამედ სნეულსა და მოწყულს ექიმობს და კურნავს“. როგორც წინამდებარე კანონიდან ირკვევა, ზოგიერთი ცდილობდა სხვაგვარად გაეგო მოციქულთა 27-ე კანონის განწესება, და ირწმუნებოდა, რომ ის გამოცემულია იმათ საწინააღმდეგოდ, ვინც საკუთარი ხელით სცემს სხვას, ხოლო რაც შეეხება უბრძანო სხვას ვინმეს გალახვა, ამაზე კანონში არაფერია ნათქვამი და, ამდენად, არც აკრძალული არისო. ამ გზით ასეთი მღვდელმსახურები ცდილობდნენ გაქცეოდნენ სასჯელს, რომელსაც მოციქულთა მოხსენიებული კანონი განაწესებს და, იმავდროულად, საკუთარი მრისხანებისთვისაც გამოსავალი მიეცათ და ცემისადმი მიდრეკილებაც დაემკაყოფილებინათ. სწორედ ასეთი მღვდელმსახურების საწინააღმდეგოდ არის მიღებული წინამდებარე კანონი, რომელიც მოციქულთა კანონის ჭეშმარიტ აზრს განმარტავს და განკვეთის მუქარით უკრძალავს მღვდელმსახურებს ვინმეს ცემას საკუთარი ხელით იქნება ეს თუ სხვა პირების მეშვეობით. შემდეგ, კანონი მოუთითებს, როგორ უნდა მოექცნენ დაუმორჩილებელს; თუ ზნეობრივი ზომები და სულიერი სახის სასჯელები ვერაფერ შედეგს გამოიღებენ, მაშინ ეს ურჩი პირი სასჯელისთვის სამოქალაქო ხელისუფლებას უნდა გადაეცეს, მღვდელმა კი არც თვითონ სცემოს, არც სხვას გაალახვინოს.

წინამდებარე კანონი კიცხავს საეკლესიო სასამართლოების ისეთ პრაქტიკას, როდესაც განსაკუთრებული სახის დამნაშავეების მიმართ გამოიყენებოდა (უმეტესწილად შუასაუკუნეებში) ფიზიკური სასჯელი, რაც კანონის სიტყვებიდან ჩანს: „ვინც ბრძანების მეშვეობით ცემის უფლება მისცა“, ანუ იმათ, ვინც ბრძანებას

გასცემდა, რომ გარკვეული დამნაშავენი ფიზიკურად დაესაჯათ. რომის სამართალში არსებობდა ფიზიკური სასჯელი, შემდგომში კი — ბიზანტიურშიც. ამ სამართალიდან ფიზიკური სასჯელი საეკლესიო მსაჯულთა პრაქტიკაშიც გადავიდა — ჯერ დასავლურ, მერე კი აღმოსავლურ ეკლესიაში. ეს განსაკუთრებით მაშინ მოხდა, როდესაც სახელმწიფო ხელისუფლების მხრიდან სასულიერო სასამართლოებს გადაეცათ სხვადასხვა საქმეების დამოუკიდებლად წარმოების უფლება. საეკლესიო სასამართლოებში ეს შემოიღეს ხელისუფლების ბოროტადგამოყენების შედეგად, თანაც დამნაშავეთა ასეთი დასჯა ზოგჯერ საშინელი წამების სახეს იღებდა. ეს, ჩვეულებრივ, მონასტრებში ხდებოდა, სადაც დამნაშავეებს ეპიტიმებიისთვის აგზავნიდნენ; იქ კი მათ როზგებითა და მთრახებით სცემდნენ და თან ისე ძლიერად, რომ დასჯილი ხშირად ცემისგან კვდებოდა; ამასთან, გამონაკლისი არ კეთდებოდა ავაღმყოფებისა და მოხუცებულთა შემთხვევებშიც კი. მაგრამ ეს რომ დიდი ბოროტადგამოყენება იყო და ფიზიკური სასჯელი რომ საძულველია როგორც საღმრთო, ისე საეკლესიო სამართლისთვისაც, — ამის შესახებ საუბრობს წინამდებარე კანონი და კიდევ უფრო უკეთ და ნათლად — მოციქულთა 27-ე კანონი.

კანონი 10

თავიანთ ვნებებს აშკარად მიცემულნი არამცთუ არ ძრწუნდებიან წმიდა კანონებით განსაზღვრული სასჯელების წინაშე, არამედ კადნიერდებიან აბუზად აიგდონ კიდევ ისინი. რამეთუ გარდააქცევენ მათ და თავიანთი ვნებიანი ნების დასაკმაყოფილებლად ამახინჯებენ მათ მნიშვნელობას, რათა ვნებისმიერი ცთუნების სიჭარბით, როგორც გრიგოლ ღვთისმეტყველს აქვს ნათქვამი, ბოროტება მოჩანდეს მათთან არამცთუ გასაკიცხ რამედ, არამედ — ღვთაებრივადაც კი. სამოციქულო კანონი გვიღალადებს: ნაკურთხ ოქროს ან ვერცხლის ჭურჭელს, ანდა კრეტსაბმელს, დაე, ნურავინ აიღებს საკუთარი სარგებელისათვის, რამეთუ ეს ურჯულოებაა. ხოლო თუ ვინმე შემინეული იქნება ამაში, ესეითარი, დაე, განყენებით დაისაჯოს. გადმოსცემენ რა ამ კანონს თავიანთი ურჯულოებების გასამართლებლად, ისინი ამბობენ, რომ არ უნდა განისაჯონ ეკლესიიდან განკვეთის ღირსად არც ისინი, რომელნიც საყდრის წმინდა შესამოსელს საკუთარ პერანგად გადააქცევენ, ანდა რაღაც სხვა სამოსად, და არც თვით ისინიც კი, რომელნი წმიდა ბარძიშს, — ჰოი, უკეთურბა! — ანდა საღმრთო ფეშხუმსა თუ ამის მსგავსს (საეკლესიო ჭურჭელს) საკუთარი მოხმარებისთვის იყენებენ, ანდა შებილწავენ. რამეთუ, — ამბობენ ისინი, — კანონი სამართლიანად მიიჩნევს ამ დანაშაულში შთავარდნილთა განყენებას, და არა განკვეთასო. მაგრამ ვის შეუძლია აიტანოს ესოდენ დიდი მკრეხელობა და უკეთურება? რამეთუ კანონი განყენებას უქვემდებარებს ნაკურთხის მხოლოდ მოხმარებისათვის წამდებთ, და არა სრულიად მიმტაცებელთ; ისინი კი წმიდათა წმიდის მიმტაცებელთაც და სიწმიდეთმკრეხელთაც ათავისუფლებენ განკვეთისაგან, აგრეთვე ღირსადპატივისაღები ფეშხუმებისა თუ წმინდა ბარძიმების გამოყენებელთ ჩვეულებრივი საზრდოსათვის აღიარებენ განკვეთას დაუ-

ქვემდებარებულად, მაშინ, როდესაც ეს აშკარა შეზღუდვა სიწმინდეებისა, და ცხადია, რომ ამის ჩამდინი არამხოლოდ განკვეთას იმსახურებენ, არამედ დადანაშაულებასაც უკიდურეს უკეთურებაში. ამის გამო წმინდა კრებამ განაჩინა: ისინი, რომელნიც საკუთარი ანგარებისთვის მიიტაცებენ ანდა გამოსაყენებლად მიაქცევენ წმინდა ბარძიშს, ფეშხუმს, კოვზს, საყდრის ტრაპეზის ღირსად პატივდებულ შესამოსელს, ან პერექელს, ანთუ საკურთხეველში არსებულ სხვა სამღვდელო და წმიდა ჭურჭელსა და შესამოსელს, რაც არ უნდა იყოს ეს, დაე, სრულ განკვეთას დაექვემდებარონ თავიანთი წოდებიდან. რამეთუ ამათგან ერთი არის სიწმინდის შეზღუდვა, მეორე კი – მკრეხელობა. ხოლო ვინც თავისთვის ან სხვებისთვის იღებს საეკლესიო ჭურჭელსა თუ შესამოსელს არა სამღვდელმსახურთ გამოყენებისათვის, არამედ საკურთხეველის გარეთ მოხმარებისათვის, იმათ კანონიც განაყენებს და ჩვენც ყველანი ერთად განვაყენებთ; მათ სრულიად მიიტაცებულებს კი ჩვენ მკრეხელთა სასჯელს ვუქვემდებარებთ.

(მოც. 25, 38, 72, 73; ანტიოქ. 25; გრიგოლ ღთისმეტყველის 8; კირილე ალექსანდრიელის 2)

მოციქულთა 73-ე კანონის თანახმად, რომლის შინაარსიც წინამდებარე კანონში მეორდება, განკანონებას ექვემდებარება ყოველი, ვისაც ეკლესიიდან სახლში, შინაური მოხმარებისათვის მიაქვს რაიმე წმინდა ნივთი. მოციქულთა ამ კანონს ზოგიერთები თავისებურად განმარტავდნენ, რადგან მიეჩივნენ პირადი ან არასაეკლესიო მიზნებისთვის გამოყენებინათ საეკლესიო ჭურჭელი, და ამაში, – გრიგოლ ღთისმეტყველის მე-8 კანონის სიტყვებით, – იქამდე გაუკუღმართდნენ, რომ ბოროტება სიკეთედ მიაჩნდათ. ეყრდნობდნენ რა მოციქულთა დასახელებულ კანონს, ისინი ამართლებდნენ ასეთ პირებს, და ამბობდნენ, რომ ისინი ექვემდებარებიან არა განკვეთას, არამედ განყენებას და მათ შორის ისინიც კი, რომლებიც წმინდა ტრაპეზის საფარველისგან თავისთვის კაბას იკერავენ, წმინდა ბარძიშს შინაური გამოყენებისათვის ხმარობენ და, საერთოდ, ითვისებენ ეკლესიის ნივთებს და ამ დროს სრულიადაც არ ფიქრობენ, წმინდა არის თუ არა ეს ნივთები, ემსახურებიან ეკლესიის მორთვას თუ მის შინაარსს. სწორედ ასეთების წინააღმდეგ, – რომლებიც აუკუღმართებენ მოციქულთა მოხსენიებული კანონის აზრს, – გამოდის წინამდებარე კანონი. ის ერთმანეთისგან ასხვავებს სახლში გამოყენებას ზოგიერთი საეკლესიო ნივთისა და ამ ნივთების მითვისებას. ამ უკანასკნელს უწოდებს ქურდობას, მიტაცებას, ეკლესიის გაძარცვას და, განმარტავს და ავსებს რა მოციქულთა მოხსენიებული კანონის აზრს, უქვემდებარებს სრულ განკვეთას ყველა იმ პირს, ვინც იმდენად გაკადნიერდება, რომ აიღებს და მიითვისებს ეკლესიის რაც არ უნდა იყოს ნივთს და, შესაბამისად, შეზღუდვას მას, რამეთუ ასეთები მიეკუთვნებიან მკრეხელებს; განყენებას კი კანონი იმ პირებს უქვემდებარებს, რომლებიც საკურთხეველს გარეთ მყოფ ეკლესიის მოსართავ ან ეკლესიის სხვა საჭიროებისათვის გამოსაყენებელი ნივთებით სარგებლობენ, თუმცა არ ითვისებენ არასაეკლესიო, არაწმინდა მიზნებისათვის; იმათ, შესაბამისად, ვინც არ შეიძლება იწოდოს „მკრეხელად“ – ამ სიტყვის მკაცრი მნიშვნელობით.

კანონი 11

მღვდლებს ან დიაკვნებს, რომელნიც საერო მთავრობის თანამდებობებს ან მზრუნველობებს კისრულობენ, ანდა მმართველ-ერისკაცთა სახლებში იღებენ მოურავთა წოდებას, საღმრთო და წმინდა კანონები განკვეთას უქვემდებარებენ. იგივეს ვადასტურებთ ჩვენც სამღვდელო დასის სხვა წევრთათვისაც და განუაწესებთ: თუ რომელიმე მთავანი საერო მმართველობის თანამდებობაში შევა, ან მმართველი პირების სახლებსა თუ ქალაქის გარე სანახებში მიიღებს მმართველის წოდებას, ესევეთარი, დაე, განგდებულ იქნეს თავისი სამღვდელო დასიდან. რამეთუ თავად ქრისტეს, ჩვენი ჭეშმარიტი ღმერთის ნათქვამისა და უტყუარი სიტყვის თანახმად, „ვერვის ქელეწიყების ორთა უფალთა მონებად“ (მათე, 6, 24).

(მოც. 6, 20, 81, 83; IV მსოფ. 3, 7; VII მსოფ. 10; კართ. 16)

იხ. მოციქულთა 81-ე, IV მსოფლიო კრების მე-3 და სხვა პარალელური კანონები. წინამდებარე კანონში მხოლოდ დამატება კეთდება, რომლის თანახმადაც, დაბალი საფეხურის კლირიკოსებსაც არ შეუძლიათ საერო საქმეებით დაკავდნენ; შესაბამისად – არავის, ვინც შეტანილია სამღვდელო-საეკლესიო მსახურების დაეთარში.

კანონი 12

წმინდა მეექვსე მსოფლიო კრება სამღვდელო დასიდან განგდებას უქვემდებარებს იმთ, რომელნიც ეპისკოპოსის ნებართვის გარეშე აღასრულებენ საღმრთო ლიტურგიას ანდა ნათლობებს კარის ეკლესიებში. ჩვენც ამის თანახმიერად განუაჩინებთ. რამეთუ მაშინ, როდესაც წმიდა ეკლესია სამართლიანად წარმართავს ჭეშმარიტების სიტყვას, ქადაგებს მას და იცავს, პატიოსანი ცხოვრება უპყრია და მას ასწავლის, უჯერო საქმე და დანაშაულებრივიც იქნებოდა, თუკი ნებას მიეცემდით უმღვდელმთავროდ და სასჯელის გარეშე მცხოვრებთ სახლებში შეყუჟულიყვენ და დაერღვიათ ეკლესიის კეთილწესიერება, და ექმნათ ეს მრავალი შფოთისა და ცთუნების შემოტანით. ამისთვის აწინდელმა წმინდა და ღმრთივშეწვევულმა კრებამ, წმინდა მსოფლიო მეექვსე კრების თანახმიერად, განაჩინა: დაე, დანიშნულ იქნან სახლებში მოწყობილ სამლოცველოებში ლიტურგიის აღმასრულებელი, ხოლო ცხადია, რომ ეს დანიშვნა მათ იმ ადგილის ეპისკოპოსის მიერ ეძლევათ, და თუკი მათ გარდა ვინმე სხვა, ეპისკოპოსის ნებადაურთველად, შეიჭრება სახლებში და გაკადნიერდება შეუდგეს ლიტურგიის აღსრულებას, ესევეთარი, დაე, განკვეთილ იქნეს, ხოლო მასთან თანაზიარებაში მყოფნი – განყენებულნი.

(მოც. 31; IV მსოფ. 18, 31; ტრულ. 31, 34, 59; VII მსოფ. 7, 10; ლანგ. 6; ანტიოქ. 5; ლაოდ. 58)

წინამდებარე კანონში მეორდება ტრულის კრების 31-ე კანონის განწესება, რომლის თანახმადაც, მღვდლებს არა აქვთ უფლება ადგილობრივი ეპარქიალური

ეპისკოპოსის ნებართვის გარეშე აღასრულონ წირვა ან ნათლისღების საიდუმლო კარის ეკლესიაში. ურჩობის შემთხვევაში ბრალდებული განკვეთას ექვემდებარება. წინამდებარე კანონიკური განწესება ახსნილი იყო ზემოთ მოხსენიებული ტრულის კრების კანონის განმარტებაში. მის განწესებას ეს (მე-12) კანონი აეგებს იმის დადგენილებით, რომ მმართველმა ეპისკოპოსმა საგანგებოდ უნდა დააწესოს მღვდლები კარის ეკლესიაში სხვადასხვა მსახურების ჩასატარებლად, და ამ დაწესებისათვის უნდა არსებობდეს ეპისკოპოსის წერილობითი ნებართვა. ამჟამად კარის ეკლესიები არსებობენ საავადმყოფოებთან, ციხეებთან, სასწავლებლებთან და საქველმოქმედო დაწესებულებებთან, სადაც მსახურობენ საგანგებოდ ამისთვის დაწესებული მღვდლები.

კანონი 13

ყოვლადმზაკვარმა, დათესა რა ქრისტეს ეკლესიაში მწვალებლობის ღვრძლი და იხილა რა, რომ ისინი სულიერი მახვილით ძირფეხვიანად აღმოიფხვრებიან, გადაწყვიტა თავის მანქანებათა სხვა გზას დასდგომოდა, და აწ ცდილობს განხეთქილების შემომღებთა უზურებით დაფლითოს ქრისტეს სხეული; მაგრამ მისი ამ თავდასხმის გასაუენებელყოფადაც წმინდა კრება აწ განაჩინებს: თუ რომელიმე მღვდელი ან დიაკონი ზოგიერთი ბრალდებით ეჭვს მიიტანს და დაადანაშაულებს თავის ეპისკოპოსს და საკრებო გამოძიებისა და განხილვის უწინარეს, – მის სრულ გასამართლებამდე, – გაკადნიერდება განეშოროს მასთან თანაზიარებას და აღარ მოიხსენიებს, მის სახელს ლოცვაში ლიტურგიებზე, როგორც ამას საეკლესიო გადმოცემა ავალდებულებს, – ესეითარი განკვეთას დაექვემდებაროს და მოაკლდეს ყოველგვარ სამღვდლო პატივს. რამეთუ მღვდლის წოდებაში დადგინებული და მიტროპოლიტებისათვის მინიჭებული მსჯავრის მიმტაცებელი, რომელიც კადნიერდება საეკლესიო სამსჯავროს აღსრულებამდე თვითონვე განსაჯოს და განიკითხოს თავისი მამა და ეპისკოპოსი, არ არის ღირსი მღვდლის არც პატივისა და არც სახელწოდებისა. ესეითარს შედგომილნი კი, თუკი მავანნი სამღვდლო წოდებიდან არიან, ასევე მოაკლდნენ თავიანთ პატივს, ხოლო თუკი მავანნი მონოზენები ან ერისკაცები არიან, დაე, სრულიად განკანონდნენ ეკლესიიდან, ვიდრე არ უარყოფენ თანაზიარებას განხეთქილებაში მყოფებთან და დაუბრუნდებიან თავიანთ ეპისკოპოსს.

(მოც. 31; II მსოფ. 6; III მსოფ. 3; IV მსოფ. 18; ტრულ. 31, 34; ღანგ. 6; სარღ. 14; ანტიოქ. 5; კართ. 10, 11; ორგზ. 14, 15)

განწესებას, თავისი ეპისკოპოსისადმი საეკლესიო დასის სავალდებულო მორჩილების შესახებ, მრავალი კანონი შეიცავს – დაწესებული მოციქულთა და ამ, IX საუკუნის კრებამდე (იხ. პარალ. კანონები). ძველ დროში ადგილი ჰქონდა ცალკეული მღვდლების არასამართლიან ბრალდებებს თავიანთი ეპისკოპოსის წინააღმდეგ: თითქოს მისი საქმიანობა მიმართული იყო კეთილმსახურებისა და სიმართლის საწინააღმდეგოდ; ამ საბაბით გამოეყოფდნენ ხოლმე მას და განხეთქილებას წარ-

მოზობდნენ. ამის გამო, როგორც ეს მღვდლები, ისე მათი ხელშემწყობნი მკაცრად ისჯებოდნენ (იხ. მოც. 31-ე კან.). როდესაც მსგავს დაუდგრომელ მღვდლებს არ გამოსდიოდათ თავისი ეპისკოპოსის მწვალებლობის დამტკიცება, ამის საფუძველზე კი მისაგნ გამოყოფა და დამორჩილებაზე უარის თქმა, მაშინ ისინი ეძებდნენ მიზეზს ბრალი დაედოთ სხვა რამე დანაშაულში, მაგრამ გამოძიებასა და დამტკიცებას არ ელოდებოდნენ, თვითნებურად წყვეტდნენ მასთან საეკლესიო ერთობას, აღარ იხსენიებდნენ ღვთისმსახურებისას, და ამგვარად ქმნიდნენ განხეთქილებას. ასეთი დაუდგრომელი მღვდლების წინააღმდეგ არის მიღებული წინამდებარე მე-13 კანონი; ის განაწესებს, რომ განიკვეთონ და ყოველგვარ სამღვდელმსახურო პატივს უნდა მოაკლდნენ ის მღვდლები და დიაკვნები, რომლებიც გაბედავენ დაუმორჩილებლობა გამოუცხადონ თავიანთ ეპისკოპოსს მანამდე, ვიდრე მისი დანაშაული განხილული და დამტკიცებული არ იქნება, ვიდრე სათანადო საეკლესიო სასამართლო არ გამოიტანს თავის საბოლოო განაჩენს. რამეთუ, – ამბობს კანონი, – არ არის პატივის ღირსი, არც მღვდლის სახელისა ის, ვინც ხმამაღლა და სასამართლო განხილვის გარეშე ბრალს სდებს თავის ეპისკოპოსსა და მამას, და ამით თვისებს მიტროპოლიტის ხელმწიფებას, რომელიც გამორჩეულად არის მოწოდებული განსაჯოს ეპისკოპოსების დანაშაულობანი. ასეთ სასჯელს განუწესებს წინამდებარე კანონი ყველა სხვა კლირიკოსსაც, რომლებიც განხეთქილებაში მყოფ მღვდლებს შეუერთდებიან. რაც შეეხება მონოზუნებსა და ერისკაცებს, კანონი მათ მიმართ განაწესებს, რომ განყენებულ უნდა იქნენ ეკლესიის ერთობიდან, სანამ გონს არ მოეგებიან და დაუბრუნდებიან თავიანთ კანონიერ ეპისკოპოსს.

კანონი 14

თუ რომელიმე ეპისკოპოსი საბაბად თავისი მიტროპოლიტის ბრალეულობას წარმოადგენს და საკრებო განხილვამდე განეშორება მასთან თანაზიარებას, აღარ მოიხსენებს რა, ჩვეულებისამებრ, მის სახელს საღმრთო საიდუმლოს აღსრულებისას, ესევეთარისთვის წმინდა კრებამ განაჩინა: დაე, განკვეთილი იქნეს ხარისხიდან, ოღონდ თუკი ნამდვილად იქნება მხილებული, რომ განუდგა თავის მიტროპოლიტს და განხეთქილება შემოიღო. რამეთუ თითოეულმა უნდა იცოდეს თავისი საზომი: და ნურც მღვდელი უგულებელყოფს თავის ეპისკოპოსს, და ნურც ეპისკოპოსი – თავის მიტროპოლიტს.

(მოც. 31; II მსოფ. 6; II მსოფ. 3; IV მსოფ. 18; ტრულ. 31, 34; ღანგ. 6; სარდ. 14; ანტიოქ. 5; კართ. 10, 11, 62; ორგზ. 13, 15)

რასაც ამ კრების მე-13 კანონი ამბობს მღვდლებისა და სხვა დანარჩენი კლირიკოსების ურთიერთობასთან დაკავშირებით თავიანთი ეპისკოპოსის მიმართ, იგივეს განაწესებს წინამდებარე (მე-14) კანონი მიტროპოლიტისადმი ეპისკოპოსის დამოკიდებულებაზე.

ქანონი 15

რაც განიწესა მღვდლების, ეპისკოპოსებისა და მიტროპოლიტებისათვის, ის ამგვარადვე, და უფრო მეტადაც, შეეფერებათ პატრიარქებს. ამიტომ, თუკი რომელიმე მღვდელი, ეპისკოპოსი ან მიტროპოლიტი გაკადნიერდება განეშოროს თანაზიარებას თავის პატრიარქთან და აღარ აღავლენს (არ მოიხსენიებს) მის სახელს განსაზღვრული და დადგენილი წესისამებრ საღმრთო საიდუმლოთ-მოქმედებისას (ლიტურგიაზე), და საკრებო გამოცხადებამდე და მის სრულყოფილ განსჯამდე შემოიღებს განხეთქილებას ეკლესიაში, ესევეთარისთვის წმინდა კრებამ განაჩინა, რომ იგი სრულიად უცხო ეყოს მღვდლობას, ოღონდ თუკი ნამდვილად იქნება მხილებული ამ ურჯულოებაში. თუმცა, ეს განისაზღვრა და დამტკიცდა იმათთვის, რომელნიც ზოგიერთ ბრალდებათა საბაბით განუდგებიან თავიანთ წინამძღვრებს, განხეთქილება შემოაქვთ ეკლესიაში და არღვევენ მის ერთიანობას. რადგან, თუკი მღვდლები იმის გამო განუდგებიან ეპისკოპოსს, რომ იგი რომელიმე მწვალებლობას, დაგმობილს წმინდა კრების თუ მამების მიერ, საჯაროდ ქადაგებს ეკლესიაში, და ასეთ ეპისკოპოსთან თანაზიარებისაგან თავს შემოიზღუდავენ საკრებო განხილვამდე, ესევეთარნი არამცთუ კანონებით დადგენილ ეპიტიმias არ იმსახურებენ, არამედ, პირიქით, მართლმადიდებელთათვის შესაფერ პატრისაც მიიღებენ, რამეთუ მათ ეპისკოპოსები კი არ განუკითხავთ, არამედ – ცრუ-ეპისკოპოსები და ცრუ-მძღვრები, და განხეთქილებით კი არ აღუმართავენ ეკლესიის ერთიანობაზე ხელი, არამედ, პირიქით, გულმოდგინება გამოიჩინეს ეკლესიის დასაცავად განხეთქილებებისა და გაყოფისაგან.

(მოკ. 31; II მსოფ. 6; II მსოფ. 3; IV მსოფ. 18; ტრულ. 31, 34; ღანგ. 6; სარდ. 14; ანტიოქ. 5; კართ. 10, 11, 62; ორგზ. 13, 14)

აესებს რა ამ კრების მე-13 და მე-14 კანონებს, წინამდებარე (მე-15) კანონი განაწესებს, რომ თუკი აღნიშნული დამოკიდებულება უნდა არსებობდეს მღვდლისა ეპისკოპოსისადმი, და ეპისკოპოსისა მიტროპოლიტისადმი, მაშინ ასეთი დამოკიდებულება მით უფრო უნდა არსებობდეს პატრიარქისადმი, რომლის კანონიკურ მორჩილებაშიც შედის ყველა ის მიტროპოლიტი, ეპისკოპოსი, მღვდელი და სხვა კლორიკოსები, რომლებიც მის მიერ მართულ საპატრიარქოს ტიპიკონალურ დაქვემდებარებაში არიან.

განაწესა რა ეს პატრიარქისადმი დამორჩილებასთან დაკავშირებით, წინამდებარე კანონი აკეთებს საერთო შენიშვნას სამივე კონსტანტინოპოლისის (13-15): კერძოდ, ყველა ამ განწესებას ძალა აქვს მხოლოდ იმ შემთხვევისათვის, რაღუდაც განხეთქილება წარმოიშვება პატრიარქის, მიტროპოლიტისა და ეპისკოპოსის შორის დაუმტკიცებელი ბრალდების გამო. ხოლო თუ რაიმე სახის პატრიარქი, მიტროპოლიტი ან ეპისკოპოსი დაიწყებს მართლმადიდებელთათვის მუდმივად რაიმე მწვალებლური სწავლების ქადაგებას, მაშინ დაიბრუნეს საეკლესიო და საკლესიო მსახურებს შეუძლიათ – და ვადგებულნიც არიან – განუკიცან ასეთ ეპისკოპოსს, მიტროპოლიტსა და პატრიარქს. თანაც, ამისთვის არაქალაქ რაიმე კანონიკურ სახელს

არ მიიღებენ, პირიქით, შექებას დაიმსახურებენ. რამეთუ ამით ისინი არ გამოსულან ნამდვილი, კანონიერი ეპისკოპოსების წინააღმდეგ და არ განუსჯიათ ისინი, არამედ — ცრუეპისკოპოსებისა და ცრუმოძღვრების წინააღმდეგ, და განხეთქილება კი არ შეუქმნიათ ეკლესიაში, პირიქით — საკუთარი ძალისხმევით ისინეს ეკლესია განხეთქილებისა და გაყოფისაგან. არქიმანდრიტი იოანე (შემდგომში სმოლენსკის ეპისკოპოსი) ამ კანონის განმარტებისას, რუსული ეკლესიის ისტორიული მდგომარეობიდან გამომდინარე, საესებით სწორად და კანონიკურ მეცნიერებასთან სრულ შესაბამისობაში შენიშნავს, რომ მღვდელი არ იქნება დამნაშავე და პირიქით, შექებას დაიმსახურებს თავისი ეპისკოპოსისაგან განდგომისათვის, თუ ეს უკანასკნელი „ქადაგებს მართლმადიდებელი ეკლესიის საწინააღმდეგო რამე მწვალებლურ სწავლებას“, თანაც, თუკი ა) ქადაგებს სწავლებას, რომელიც კათოლიკე ეკლესიის საწინააღმდეგოა და უკვე დაგმობილია წმინდა მამების ან წმინდა საეკლესიო კრებების მიერ, და არა რამე კერძო აზრს, რომელიც შეიძლება ვინმეს მოჩვენებოდა არასწორად და რომელიც თავისთავში არ არის განსაკუთრებული მნიშვნელობის შემცველი; ასე რომ, ადვილად შეიძლება გამოსწორებული იქნეს განზრახულ არამართლმადიდებლობაში ბრალდების გარეშე; შემდეგ ბ) თუ ცრუსწავლება მის მიერ ეკლესიაში იქადაგება ღიად და საჯაროდ, მაშინ ეს უკვე წარმოადგენს გააზრებულ ქმედებას და აშკარად მიმართულია ეკლესიის საწინააღმდეგოდ. ესე იგი, ის აღარ წარმოადგენს მხოლოდ კერძო გამონათქვამს, რადგან კერძო გამონათქვამი შეიძლება იმხილოს და უარყოფილ იქნეს ეკლესიის მშვიდობის დაურღვევლად.* თუ სახეზე არ არის ეს პირობები, ანუ, მაგალითად, რომელიმე ეპისკოპოსი გამოთქვამს რაიმე თავის კერძო აზრს, — სარწმუნოებასა და ზნეობრიობასთან დაკავშირებით, — რომელიც შეიძლება ვინმეს არასწორად მოჩვენოს, მაგრამ რომელიც არ არის განსაკუთრებული მნიშვნელობის და შეიძლება ადვილად გამოსწორდეს. ასეთ დროს ეპისკოპოსს ჯერ კიდევ არ შეიძლება ბრალი დაედოს განზრახ არამართლმადიდებლობაში; ან თუ ეპისკოპოსი ცალკეულ პირთა ვიწრო წრეში გამოთქვამს თავის ცდომილ აზრს, რომელიც იქვე შეიძლება გამოსწორებულ იქნეს საეკლესიო მშვიდობის დაურღვევლად, ასეთ შემთხვევაში არც ერთ მღვდელს არ აქვს უფლება თვითნებურად გამოეყოს თავის ეპისკოპოსს და შექმნას განხეთქილება. ურჩობის შემთხვევაში კი დაექვემდებარება სასჯელს მოციქულთა 31-ე კანონთან შესაბამისობაში.

კანონი 16

ეკლესიაში დროდადრო ჩამოვარდნილი ქიშპობისა და შფოთვის გამოაუცილებელია ამის განჩინებაც: არაფრით შეიძლება იმ ეკლესიაში იქნეს დადგინებული ეპისკოპოსი, რომლის წინამძღვარიც ჯერ კიდევ ცოცხალია და თავის ღირსებაშია, თუკი თავადვე ნებაყოფლობით არ იტყვის უარს ეპისკოპოსობაზე. რამეთუ ჯერ ბოლომდე უნდა იქნეს მიყვანილი იმ ბრალეულობის კანონიერი გამოძიება, რომლისთვისაც იგი შეიძლება ჩამოშორე-

*დასახ. თხზ. II, 567-568.

ბულ იქნეს ეპისკოპოსობას და მხოლოდ მაშინ, მისი გადაყენების შემდეგ, შეიძლება აყვანილ იქნეს საეპისკოპოსო კათედრაზე მის ნაცვლად სხვა. ხოლო თუ ეპისკოპოსთაგან ვინმე, თავის ღირსებაში მყოფი, უარს არ ამბობს თავის წოდებაზე, მაგრამ, ამასთან, არ სურს თავისი ერის მწყემსვა, არამედ განეშორება რა თავის საეპისკოპოსოს, ექვს თვეზე მეტ ხანს რჩება სხვა ადგილას, სადაც მას არც სამეფო ბრძანება აკავებს, არც თავისი პატრიარქის დავალებათა შესრულება, არც მიძიმე სწეულება, რომელიც სრულიად უმოძრაოს ხდის, – მაშინ არც ერთ ამ ზემოდასახელებულ მიზეზთაგან შეყოვნებული, მაგრამ მაინც განშორებული თავისი ეპარქიისაგან და სხვა ადგილზე დარჩენილი ექვს თვეზე მეტი ხნის განმავლობაში, დაე, სრულიად უცხო ეყოს ეპისკოპოსის პატივსა და ღირსებას. რამეთუ ვინც მისთვის მინდობილ სამწყსოზე არ ზრუნავს, და სხვა ადგილზე ექვს თვეზე მეტი ხნის განმავლობაშია დადგრომილი, წმინდა კრებამ განაჩინა, რომ იგი სრულიად უცხო იქმნეს მღვდელმთავრობისაგან, რომლის ძალითაც მწყემსობა ერწმუნა მას და მის საეპისკოპოსო ადგილზე სხვა იქნეს მის ნაცვლად დადგინებული.

(III მსოფ. 9; ანტიოქ. 17; სარდ. 12; კართ. 71; პეტრე ალექსანდრიელის 10; კირილე ალექსანდრიელის 3)

წინამდებარე კანონი ორ კანონიკურ საკითხს განიხილავს: ეპისკოპოსის გადადგომას თავისი კათედრიდან და ეპისკოპოსის არყოფნის ხანგრძლივობას თავის ეპარქიაში.

პირველ საკითხთან დაკავშირებით, კანონი განაწესებს, რომ ეპარქიაში არ შეიძლება ახალი ეპისკოპოსის დადგინება, სანამ მისი ეპისკოპოსი ცოცხალია და თავის პატივშია. ახალი ეპისკოპოსის დადგინება მაშინაც კი არ შეიძლება, როდესაც კანონიერი ეპისკოპოსი ნებაყოფლობით იტყვის უარს თავის ეპარქიაზე; ასეთ შემთხვევაში მართებულია წინასწარ მოხდეს კანონიკური გზით იმ მიზეზების შესწავლა, რამაც ეპისკოპოსი კათედრიდან გადასადგომად აღძრა, და მხოლოდ მას შემდეგ, რაც ეპისკოპოსთა სათანადო კრების, ანუ წმინდა სინოდის წინაშე დამტკიცდება, რომ ის რაიმეში დამნაშავეა და კათედრიდან განკანონდება, შეიძლება მის ადგილზე სხვა ეპისკოპოსის დადგინება. სხვაგვარად რომ ეთქვას, საეპისკოპოსო კათედრა ითვლება თავისუფლად მხოლოდ იმ შემთხვევაში, თუ მისი ეპისკოპოსი გარდაიცვალა, ან – ეპისკოპოსთა კრებამ განკეთა. იმისათვის, რომ საეპისკოპოსო კათედრა გამოთავისუფლდეს, არ არის საკმარისი მისი მმართველი ეპისკოპოსის ნებაყოფლობითი გადადგომა თავისი კათედრიდან: ამისათვის საჭიროა, ადგილობრივ სინოდში დამტკიცდეს მისი კანონიკური დანაშაული, რის შემდეგაც იგი განიკვეთება და ეპისკოპოსის პატივი ჩამოერთმევა. ამ საკითხის შესახებ საკმაოდ ითქვა პამფილიის კრების მიმართ III მსოფლიო კრების ეპისტოლეს განმარტებაში. ამის შესახებ საუბარია, ასევე, კირილე ალექსანდრიელის მე-3 და პეტრე ალექსანდრიელის მე-10 კანონებში. მოიხსენიებს რა ვინმე პეტრეს, რომელმაც თავის კათედრაზე უარი განაცხადა, კირილე ალექსანდრიელი დასახელებულ კანონში შენიშნავს, რომ „საეკლესიო დადგენილებებთან შეუსაბამოა,

როდესაც საღვთო საქმის აღმსრულებელნი წარმოადგენენ გადადგომის თხოვნას, რადგან თუ უღირსნი არიან, მსახურებიდან უნდა წავიდნენ არა გადადგომით, არამედ დანაშაულისათვის გასამართლების გზით“. ესე იგი, უნდა დეტოვონ კათედრა მაშინ, როდესაც ისეთ დანაშაულს ჩაიდინენ, რომლისთვისაც ეპისკოპოსთა კრება გაასამართლებს მათ და განაკეთოს. ბალსამონი, როდესაც ამ (მე-16) კანონს განმარტავს, მოიხსენიებს კირილე ალექსანდრიელის კანონს, იწონებს მას და ამბობს: „რადგან, თუ მიღებული იქნება ეპისკოპოსის გადადგომა მიზეზების განუხილავად, მაშინ, საქმის არანორმალური მსვლელობის გამო, ექსკომიკოპოსები უფრო მეტი იქნებიან, ვიდრე ეპისკოპოსები, რაც უდიდესი ზიანის მომტანი იქნება ეკლესიის კეთილმოწყობისათვის, და გავკადნიერდები და ვიტყვი – თვით ღმერთის შეურაცხმყოფელი“.

რამდენსაც არ უნდა განიკითხავდნენ ძველი საეკლესიო კანონები ეპისკოპოსის გადადგომას თავისი კათედრიდან, ორგზისის კრება, თავისი წინამდებარე კანონით, მაინც უშვებს კათედრიდან ეპისკოპოსის ნებაყოფლობითი გადადგომის შესაძლებლობას. როგორ უნდა დასრულდეს საქმე იმ შემთხვევაში, როდესაც ეპისკოპოსი რაიმე განსაკუთრებული გარემოების შედეგად, წარადგენს კათედრიდან გადადგომის თხოვნას, მაგრამ ადგილობრივი სინოდი ვერ მიიღებს ამ გადადგომას იმ მიზეზით, რომ არა გააჩნია მის მიმართ კანონიკური ხასიათის ბრალდება და ამიტომ არ შეუძლია მსჯავრი გამოუტანოს – განკვეთოს და ეპისკოპოსის პატივი ჩამოართვას? ან როგორ უნდა მოიქცეს ეპისკოპოსი, რომელიც ზემოთ აღნიშნული მიზეზის გამო კათედრიდან გადადგომის თხოვნით შედის, მთელი იმ დროის განმავლობაში, სანამ მმართველი სინოდი ბოლომდე მიიყვანს ბრალდების კანონიკურ გამოძიებას, რისთვისაც – ამ კანონის გამოთქმით – იგი უნდა განიკეთოს ეპისკოპოსობისაგან? ორივე ამ კითხვაზე პასუხი – მართლმადიდებელი ეკლესიის სამართლის საერთო კანონიკური განწესებების საფუძველზე – საკმაოდ მოკლეა. პირველ შემთხვევაში, თუ სინოდმა ეპისკოპოსის გადადგომა არ მიიღო, იმის გამო, რომ მისი ბრალი ვერ იპოვა და ამიტომ ვერც განკვეთა, მაშინ მან უნდა გააგრძელოს ეპარქიის მართვა და განახორციელოს თავისი მღვდელმთავრული მოვალეობანი. თუკი ეპისკოპოსი უარს იტყვის ეპარქიის მართვაზე, მაშინ მოციქულთა 36-ე კანონის განწესებით იგი ექვემდებარება განკვეთას და ეპისკოპოსობის პატივისა და ღირსების სამუდამოდ აყრას. მეორე შემთხვევაში, ახალი ეპისკოპოსის დადგინება საეპისკოპოსო კათედრაზე მხოლოდ იმ მიზეზით, რომ აღნიშნულ კათედრიდან მისმა მმართველმა უბრალოდ გადადგომის თხოვნა დაწერა, არ შეიძლება. ამისთვის ჯერ სინოდმა უნდა ჩაატაროს გადადგომის მიზეზების კანონიკური გამოძიება. ზემომოყვანილი საკითხების ორივე ეს გადაწყვეტა განპირობებულია იმ დამოკიდებულებით, რომელიც არსებობს კანონიკურად დადგინებული ეპისკოპოსის ხელმწიფობრივ (მმართველ) და სულიერ ხელისუფლებებს შორის. ეპისკოპოსის ადმინისტრაციული მმართველობა (ხელმწიფება) დამოკიდებულია მის სულიერ ხელისუფლებაზე, რომელსაც იგი ქიროტონიისას იღებს. ეს ხელმწიფება შეიძლება შეწყდეს მხოლოდ მაშინ, როდესაც მმართველ ეპისკოპოსს ჩამოერთმევა იგი სინოდის გადაწყვეტილებით, ანუ როცა ის განიკვეთება. თუ მას სულიერი ხელისუფლება ჩამოერთმეული არა აქვს სინოდის დადგენილებით, ანუ

მღვდელმოქმედების უფლება, მაშინ ვერ იქნება ადმინისტრაციული მმართველობა-ჩამორთმეული მანამ, ვიდრე ადგილი არ ექნება მისი მხრიდან ისეთ დანაშაულს, რომელიც თავისი სიმძიმიდან გამომდინარე, მის განკვეთას გამოიწვევდა.

ყველაფერი, რაც აქამდე ითქვა, ეხება მხოლოდ იმ ეპისკოპოსს, რომელსაც ეპარქიის მმართველობიდან გადადგომა სურს, რამე განსაკუთრებულად მძიმე გარემოების შედეგად, როდესაც ეს შექმნილი გარემოება ხელს უშლის მას მშვიდად მართოს ქრისტეს სამწყსო და თავისუფლად შეასრულოს თავისი მწყემსმთავრული მოვალეობანი. თუკი ეპისკოპოსს თავისი ეპარქიის მმართველობიდან გადადგომა სურს აუხსენელი თვითნებურებით, ან იმ მიზეზით, რომ გათავისუფლდეს მწყემსმთავრული მოვალეობის თანმდევი მძიმე შრომისგან, რათა საშუალება მიეცეს დაწყნარებულად იცხოვროს უშრომელად და უზრუნველად, ასეთ შემთხვევაში მას აღარ აქვს მღვდელმოქმედების უფლება, რამეთუ მსგავსი საქციელისათვის იგი სამღვდელო წოდების ჩამორთმევას იმსახურებს. პეტრე ალექსანდრიელის მე-10 კანონის განმარტებაში, ბალსამონს მოჰყავს XII საუკუნის პირველი ნახევრიდან ეპისკოპოს ნიკოლოზ მუზოლონის მაგალითი, რომელმაც ყოველგვარი აუცილებლობის გარეშე უარი თქვა თავის კათედრაზე და რამდენიმე წელიწადი წყნარად იცხოვრა კონსტანტინოპოლში. ამასთან, დაუბრკოლებლად აღასრულებდა ყველა მღვდელმოქმედებას და სარგებლობდა ეპისკოპოსის პატივით. ამის შემდგომ, ეპისკოპოსი მუზოლონი დაადგინეს კონსტანტინოპოლის პატრიარქის კათედრაზე და რამდენიმე წელი პატრიარქად დაჰყო. ამ შემთხვევას ბალსამონი მკაცრად განიკითხავს და ამტკიცებს, რომ მუზოლონი იმსახურებს ყველაზე მკაცრ საეკლესიო საჯერს, რადგან დატოვა თავისი კათედრა თავისთვის მშვიდი გარემოს შესაქმნელად, და ამ დროს ის დააჯილდოვეს – დაადგინეს რა კონსტანტინოპოლის პატრიარქად. ბალსამონის ასეთ მსჯელობას არ შეიძლება არ ვუწოდოთ სასებით სწორი და კანონიკურად დასაბუთებული.

წინამდებარე კანონი მოიხსენიებს აგრეთვე უქმად მყოფ ეპისკოპოსებს; საეკლესიო ცხოვრებაში, თუმცა იშვიათად, მაგრამ მაინც აქვს ადგილი ისეთ არანორმალურ შემთხვევებს, როდესაც გარემოება ხელს უშლის ეპისკოპოსს შეასრულოს თავისი მღვდელმთავრული მოვალეობა თავის სამთავროში (მაგალითად, როდესაც წარმართები დაეუფლებიან ეკლესიას, – ზონარასა და ბალსამონის სიტყვებით ანტიოქიის კრების მე-16 კანონის განმარტებიდან). თუმცა, ასეთ დროსაც ეს დროებით უქმად მყოფი ეპისკოპოსი ფლობს ყველა მმართველ უფლებას თავის სამთავროზე; პირველ რიგში ეს არის თავის ეპარქიაში მღვდელმსახურების ხელთაღსხმისა და დადგინების უფლება.

მეორე საკითხი, რაზედაც ორგზისის კრების წინამდებარე (მე-16) კანონი ლაპარაკობს, ეს არის, თუ რაოდენ დიდხანს შეუძლია ეპისკოპოსს დატოვოს თავისი ეპარქია. ამის შესახებ საუბარი იყო სარდიკიის კრების მე-11 და მე-12 კანონების განმარტებებში. წინამდებარე კანონი კი განსაზღვრავს ეპისკოპოსის თავის ეპარქიაში არყოფნის ექვსთვიან უკიდურეს ვადას, – თუ რამე საეკლესიო საქმით არ იქნა იგი კიდევ უფრო მეტი ვადით დაყოვნებული. თუ კი არ არის ასეთი საქმე და ეპისკოპოსიც ჯანმრთელია, და მაინც რჩება თავისი ეპარქიის

გარეთ ექვს თვეზე მეტ ხანს, ასეთ შემთხვევაში კანონი განაწესებს მისთვის მღვდელმთავრობის ჩამორთმევას და მის კათედრაზე სხვა ეპისკოპოსის დადგინებას.

პანონი 17

ვიღვწით და ვზრუნავთ რა საეკლესიო კეთილწესიერებისათვის ყოველივეში, ჩვენ აუცილებლად მივიჩნით ამის განჩინებაც: მომავალში არავინ ერისკაცთაგან თუ მონოზონთაგან უეცრად არ იქნეს აყვანილი ეპისკოპოსის სიმალემდე, არამედ ყოველმა კანდიდატმა საეკლესიო ხარისხებში გამოცდის შემდეგ მიიღოს ეპისკოპოსად ხელდასხმა. რამეთუ, მართალია, დღემდეც მონოზონთაგან თუ ერისკაცთაგან ზოგიერთნი, საჭიროებიდან გამომდინარე, ღირსნი გამხდარან სწრაფად მიეღოთ საეპისკოპოსო პატივი და შემდეგ სხვებსაც აღმატებიან სათნოებებით და აღუმაღლებიათ კიდევ მათთვის მინდობილი ეკლესიები, მაგრამ, იმისათვის, რომ იშვიათი შემთხვევები ეკლესიას კანონად არ დაეუწესოთ, ამიტომ ჩვენ განვაჩინეთ, რომ ამიერიდან ასეთი რამ უკვე აღარ მოხდეს, არამედ საეპისკოპოსო კანდიდატს გავლილი უნდა ჰქონდეს სამღვდელო ხარისხის ყველა საფეხური და თითოეულ მათგანზე – კანონით დადგენილი დრო ნამსახურები, რის შემდეგაც შეიძლება მისი კანონიერად ხელდასხმა.

(მოც. 80; VII მსოფ. 2; ნიკეის. 12; ლაოდ. 3, 12; სარდ. 10; კირილუ ალექსანდრიელის 4)

ამ კრების მამები ყურადღებას მიაპყრობენ იმას, რომ ზოგიერთი ერისკაცი ან მონოზონი, „უეცრად“ იქნა დადგინებული ეპისკოპოსად, ისე, რომ არ გაუგლია კანონით განსაზღვრული დრო მღვდელმსახურების ყველა დაბალ საფეხურზე, რასაც მამები ეკლესიური კეთილმსახურებისათვის საზიანოდ მიიჩნევენ. თუმცა, ასეთი პრაქტიკა დაგმობილია სხვა კანონებითაც, კერძოდ, მოციქულთა მე-20 და სარდიკიის კრების მე-10 კანონებით. ეს უკანასკნელი ამის შესახებ დაწვრილებით საუბრობს და ჩვენც, მის განმარტებაში, ყველაფერი ვთქვით, რაც საჭიროა ამ კანონიკური საკითხის გასაცნობიერებლად. მოციქულთა მე-80 კანონის განმარტებაში ჩვენ მაგალითობიც მოვიყვანეთ, როდესაც ზოგიერთები, წარმართობიდან ქრისტიანობაში მოქცევის შემდეგ, მაშინვე დგინდებოდნენ ეპისკოპოსებად და, მინც, წინამდებარე კანონის გამოთქმით, „ბევრს გაასწრეს სათნოებებით და აამაღლეს მათთვის ჩაბარებული ეკლესიები“. თუმცაღა, ის „რაც იშვიათად ხდება“, არ შეიძლება საეკლესიო კანონად იქცეს – ამ კანონის სიტყვებით – და ამიტომაც განიწესება, რომ თითოეულმა ხელდასხმულმა ყოველ სამღვდელმსახურო საფეხურზე დაჰყოს „კანონით დაწესებული დრო“. რამდენად ხანგრძლივი უნდა იყოს ეს „კანონით დაწესებული დრო“ (ვადა), ჩვენ შევეცადეთ აგვეხსნა სარდიკიის კრების მე-10 კანონის განმარტებაში. ამ (მე-17) კანონის განმარტებაში ბალსამონი მოიხსენიებს გრიგოლ ღვთისმეტყველის ქადაგებას სულთმოფენობის დღესასწაულზე, სადაც ეს წმინდა მამა ამბობს, რომ „მღვდელი დგება შეიდ დღეში“, და ამის

საფუძეველზე ბალსამონი ასკენის, რომ „ხელდასხმა ყოველ საფეხურზე, აუცილებლობიდან გამომდინარე, უნდა შედგეს შეიღლიანი ინტერვალით, და მით უფრო, რომ ეს მიღებულია ეკლესიის დაუწერელი ჩვეულებით, რომელიც უშვებს ასეთ ხელდასხმას ყოველ საფეხურზე“. ბალსამონის ეს დასკვნა შეიძლება შეთვისებული ყოფილიყო, მაგრამ მხოლოდ საგანგებო მდგომარეობისათვის; ნორმალური პირობებში კი, ვფიქრობთ, წესი ისეთი უნდა იყოს, როგორიც ჩვენ მივუთითეთ სარდიკიის კრების მე-10 კანონის განმარტებაში.



კონსტანტინოპოლის ფინდა აღბილობრივი კრება (ფინდა სოფიას ტაძრის)

მშვიდობა, რომელიც ეკლესიაში 881 წელს დამყარდა, მალე კვლავ დაირღვა. ეს იყო შედეგი სრულიად განსაკუთრებული მოვლენებისა; მშვიდობა აღდგენილ იქნა მხოლოდ ყოფილი პატრიარქის, ეგნატეს გარდაცვალების შემდეგ, როდესაც რომში აღსაყრდა პაპი იოანე VIII. 879 წელს კონსტანტინოპოლის წმინდა სოფიას ტაძარში შედგა კრება, რომელსაც საზეიმოდ უნდა დაემტკიცებინა აღდგენილი მშვიდობა ორ – აღმოსავლურ და დასავლურ ეკლესიებს შორის. კრების მუშაობაში ეკლესიის 383 მამა იღებდა მონაწილეობას. რომის პაპს სამი საგანგებო ლეგატი წარმოადგენდა. აღმოსავლეთისა და დასავლეთის ეკლესიებს შორის მშვიდობის დამყარების საზეიმოდ გამოცხადების შემდეგ, კრებამ 3 კანონი მიიღო.

კანონები ფინდა აღბილობრივი კრებისა, რომელიც შედგა ღვთის სიტყვის სიბრძნის (სოფიას) ტაძარში

კანონი 1

წმიდა და მსოფლიო კრებამ განაჩინა: თუ ვინმე იტალიელ სამღვდელთა, ერისკაცთა თუ ეპისკოპოსთაგან, მცხოვრებნი აზიაში, ევროპასა თუ ლიბიაში, საიდუმლოთაგან განყენების, თავისი წოდებიდან განკვეთის სასჯელს ან ანათემას სწევია (დაქვემდებარებია) უწმინდესი პაპის იოანესაგან, – ის კონსტანტინოპოლის პატრიარქის, უწმინდესი ფოტისაგანაც საეკლესიო სასჯელის იმავე ხარისხს დაექვემდებაროს, ანუ იქნეს წოდებიდან განკვეთილი, შერყენებული ან განყენებული ზიარებისგან. და რომელ კლერიკოსს, ერისკაცს, სამღვდელთაგან თუ სამღვდელო წოდების პირს, – რა საზღვრებშიც არ უნდა იყვნენ ისინი, – დაუქვემდებარებს ზიარებიდან განყენებას, წოდებიდან განკვეთასა თუ შერყენებას უწმინდესი პატრიარქი ფოტი, ის, დაე, უწმინდესმა პაპმა იოანემაც, და მასთან ერთად რომის წმინდა საღმრთო ეკლესიამაც, აღიაროს იმავე ეპიტიმით დასჯილად. ამასთან, რომის ეკლესიის უწმინდესი საყდრისა და მისი ზედამხედველობის კუთვნილ უპირატესობებში, დაე, ნუ იქნება ნურანაირი სიახლე შემოღებული, – ნურც ახლა და ნურც მომავალში.

(*მოც. 12, 13, 32; I მსოფ. 6; II მსოფ. 3; IV მსოფ. 28; ტრულ. 36; ანტიოქ. 6; სარდ. 14; კართ. 11, 29*)

წინამდებარე კრება, რომელმაც მიიღო ეს და ამის შემდეგი კანონი, თავის თავს (ამ კანონის დასაწყისში) უწოდებს მსოფლიო კრებას. თავისი შემადგენლობიდან გამომდინარე, ანუ იმის მიხედვით, რომ ამ კრებას ესწრებოდა მაშინდელი ქრისტიანული სამყაროს ყველა ადგილობრივი ეკლესიის წარმომადგენელი, იგი შეიძლება ჩაითვალოს მსოფლიო კრებად, ზუსტად ასევე შეიძლება ის ასეთად ჩაითვა-

ლოს იმ მთავარი საკითხიდან გამომდინარე, რის გამოც შედგა, კერძოდ: დასავლური ეკლესიის აღმოსავლურთან შესარიგებლად. დასავლეთის კანონთა კოდექსებში იგი იწოდება კიდევ მსოფლიო კრებად. ეს სახელწოდება (მსოფლიო) ამ კრებაში ვერ შეინარჩუნა შემდგომში რომსა და აღმოსავლურ ეკლესიას შორის განვითარებული მოვლენების შედეგად. აღმოსავლური ეკლესიის კანონიკურ კრებულებში ის შედის ადგილობრივ კრებებს შორის და მისი კანონები მიღებული და აღიარებულია მთელი მართლმადიდებელი ეკლესიის მიერ.

შერიგებას, რომლის შესახებაც ეს კანონი საუბრობს და რომელიც მან დაამტკიცა, თავობდა პაპი იოანე VIII. მას სურდა წაეშალა იმ უსამართლობის კვალი, რაც რომმა კონსტანტინოპოლის პატრიარქ ფოტის და მთელ აღმოსავლურ ეკლესიას მიაყენა. საამისოდ მას რომის ეკლესიის ინტერესი ამოძრავებდა, რათა არ დაეტოვებინა თავისი შედარებით მცირე ეკლესია ცალკე მოწყვეტლად დიდი აღმოსავლური ეკლესიისაგან, რომელიც მთლიანად ერთმუჭად იყო შეკრული პატრიარქ ფოტის ირგვლივ. რომის პაპის ხელმწიფების ქვეშ, იმ დროს, IX საუკუნის მეორე ნახევარში, უშუალოდ იმყოფებოდა მხოლოდ 229 საეპისკოპოსო კათედრა, ხოლო მისი მეშვეობით იმართებოდა კიდევ – 268, შესაბამისად, სულ 497 საეპისკოპოსო კათედრა. ამ დროს, აღმოსავლეთში იყო 1087 საეპისკოპოსო კათედრა, აქედან 656 კონსტანტინოპოლის პატრიარქის უშუალო მმართველობის ქვეშ, ანუ 159 კათედრით მეტი. თუ ანგარიშში შევიყვანთ ყველა საეპისკოპოსო კათედრას, რომლებიც როგორც უშუალოდ, ისე მის მეშვეობით შედიოდა რომის პაპის მართველობაში, ესე იგი, სულ 497-ს, მაინც აღმოსავლეთში ორჯერ მეტი იყო, ანუ 590 კათედრით მეტი, ვიდრე რომის პაპის განმგებლობის ქვეშ.* მსოფლიო ეკლესიის ინტერესები ფოტის აიძულებდა დაევიწყებინა ძველი უსამართლობანი და შეწეოდა ეკლესიაში მშვიდობის აღდგენას. ეს მშვიდობა ახლა დამტკიცებულ იქნა ამ კრებაზე 383 ეპისკოპოსის ერთსულოვანი ხმით, რომლებიც ქრისტიანული სამყაროს ყველა კუთხიდან შეიკრიბნენ და მიიღეს წინამდებარე კანონი.

მოყოლებული პაპ ნიკოლოზ I-ის დროიდან, რომისა და კონსტანტინოპოლის ეკლესიებს შორის ურთიერთობა დაიძაბა. ხშირი ჰქონდა ადგილი შემთხვევებს, როდესაც ერთ ეკლესიაში რამე დანაშაულისათვის გასამართლებული მღვდელმსახურები თავშესაფარს მეორეში პოულობდნენ. ასეთი არაკანონიკური ქმედებები კიდევ უფრო ამწვავებდა ურთიერთობას და ამ ორ ეკლესიას ერთმანეთისადმი მტრულად განაწყობდა. ახლა კი, რაკი სურვილი ჰქონდათ, რომ წინანდელი გაუგებრობები დაევიწყებინათ და სწორი ურთიერთობა ჩამოეყალიბებინათ ერთმანეთში რომისა და კონსტანტინოპოლის ეკლესიებს, ამიტომ ამ კანონით დადგინდა, რომ პატრიარქ ფოტის მიერ გარკვეული დანაშაულისათვის გასამართლებულნი, ასეთივე დანაშავედ ჩაითავადლოს პაპ იოანეს მხრიდანაც და, პირიქით, რაიმე დანაშაულისათვის პაპ იოანეს მიერ გასამართლებულნი ასეთივედ უნდა ჩათვლილიყო პატრიარქ ფოტის მხრიდანაც. იმის გამო, რომ იოანეს ცალკეული წინამორბედნი

*იმ დროს აფრიკა უკვე ანგარიშში ვერ შევიდოდა, რადგან ვანდალებისა და სარაცილების თავდასხმების შემდეგ, ოდესღაც აფრიკის მრავალრიცხოვანი ეკლესიები თითქმის განადგურებული იყო.

პრეტენზიას აცხადებდნენ რაღაც, იმ დრომდე უცნობ უფლებებზე მთელ ეკლესიაზე, წინამდებარე კანონმა დაადასტურა რა წინა კრებების განწესებები რომის კათედრის უპირატესობასთან დაკავშირებით, განაწესა, რომ არაფერი დაემატოს ამ უპირატესობას, არც ახლა, არც შემდეგ, არც არასდროს. ხოლო, თუ რაგვარი იყო ეს უპირატესობა, ნაჩვენებია I მსოფლიო კრების მე-6, II მსოფლიო კრების მე-3, IV მსოფლიო კრების 28-ე და ტრულის კრების 36-ე კანონებში. მაგრამ ეს იყო მაშინ, ამბობს ზონარა ამ კანონის განმარტებაში, როცა რომის ეკლესიას ჯერ კიდევ არ შეუცოდავს სარწმუნოების მიმართ და არ ჰქონდა კამათი ჩვენთან; ახლა კი ჩვენთვის შეუძლებელია მათთან თანხმობა.*

პანონი 2

თუმცა, აქამდე ზოგიერთი მღვდელმთავარი, დამდაბლდებოდა რა მონოზენის ხატებამდე, ცდილობდა კვლავაც მღვდელმთავრობის მაღალ მსახურებაში დარჩენილიყო და მათი ამგვარი ქმედებები უყურადღებოდ რჩებოდა, მაგრამ, ასეთი დაუხედაობის აღსაკვეთად და ამ, უწესრიგოდ შესრულებული ქმედების საეკლესიო წესდებულებათა საზღვრებში მოსაქცევად, ამ წმინდა და მსოფლიო კრებამ განაჩინა: თუ რომელიმე ეპისკოპოსი, ან სამღვდელმთავრო წოდების მქონე სხვა პირი, მოისურვებს შთახდომას სამონოზენო ცხოვრებაში და სინანულის ადგილზე დადგომას, ესეითარი მომავალში, დაე, ნულარ ეძიებს სამღვდელმთავრო ღირსებით სარგებლობას. რამეთუ მონოზონთა აღთქმები შეიცავენ მორჩილებისა და მოწაფეობის მოვალეობას, და არა – მოძღვრობისა თუ მთავრობისას; ისინი აღთქმას დებენ არა სხვები მწყემსონ, არამედ თავად იყვნენ დამწყესილნი. ამის გამო, როგორც ზემოთ ითქვა, დავადგენთ: მღვდელმთავართა და მწყემსთა წოდებისაგან, დაე, ნურავინ დაიმდაბლებს თავს დამწყემსვადთა და მონანულთა ადგილზე დაყენებით. ხოლო თუ ვინმე გაკადნიერდება აწ წარმოთქმული განჩინების გამოცხადებისა და მისი ყველასთვის გაცნობის შემდეგ ჩაიდინოს ეს, დაე, ნულარ დაუბრუნდება, ვითარცა საკუთარი თავის განმაყენებელი, თავის უწინდელ ღირსებას, რომელსაც თვით საქმით მოკლებია.

(IV მსოფ. 4; ტრულ. 43; ორგ. ზ. 5)

როგორც ჩანს, ზოგიერთი ეპისკოპოსი, რომლებიც ეპისკოპოსად ხელდასხმულ იქნენ ერისკაცთა ან ქალწულთა რიგებიდან (იხ. ტრულის კრების მე-12 კან. განმარტება), იღებდნენ მონოზენობას და, შესაბამისად, მონოზენებისათვის დამახასიათებელ აღთქმებს დებდნენ. წინამდებარე კრება, მიიჩნევს რა ასეთ პრაქტიკას უწესრიგობად, რომელიც ეკლესიაში დამკვიდრდა (ეკლესიის განწესებების საწინააღმდეგოდ) უყურადღებობის შედეგად, შენიშნავს, რომ მორჩილებისა და მოწაფეობის მონოზენური აღთქმები არ ეთანხმება ეპისკოპოსის წოდებას, რომელიც თავად უნდა იყოს სხვისი მოძღვარი, მთავარი და მწყემსი, – საწინააღმდეგოდ

*ათენის სინტაგმა, II, 706.

მონოზენისა, რომელსაც მწყემსის მორჩილებასა და დაქვემდებარებაში ყოფნა მართებს და მთელი თავისი ცხოვრების სინანულში გატარება. რადგანაც სამონოზენო აღთქმები ყველა მონოზენისთვის უპირობოდ სავალდებულოა და, ამასთან, ეს აღთქმები შეუსაბამოა ეპისკოპოსის, როგორც მოძღვრისა და მწყემსმთავრის მდგომარეობასთან, ამიტომ კრება თავისი კანონით განაწესებს, რომ ეპისკოპოსმა არ უნდა დადოს სამონოზენო აღთქმები და ამგვარად არ დაიმცროს თავი მღვდელთმთავრის სიმბლლიდან სამწყესოსა და მონანულთა თანრიგამდე. იმ შემთხვევაში, თუ რომელიმე ეპიკოპოსი ამას გააკეთებს, ის იმ წუთიდანვე აღარ არის ეპისკოპოსი და აღარასოდეს ექნება მას უფლება მღვდელმთავრის ღირსების მისაკუთრებისა. მას შემდეგ ეს კანონი ძალმოსილია მთელ ეკლესიაში, როგორც აღმოსავლურში, ისე დასავლურში. ანკირიის კრების მე-3 კანონის განმარტებაში, ბალსამონს მოჰყავს შემთხვევა ლაკონიის ამიკლიელი ეპისკოპოსის ნიკოლოზ მუზოლონის ცხოვრებიდან, რომელიც საერო ხელისუფლების განკარგულებით მონოზენად იქნა აღკვეცილი და შემდგომში ყველაფერი მოიმოქმედა იმისათვის, რომ სამონოზენო აღთქმებისაგან განთავისუფლებულიყო და კვლავ სრულუფლებიანი ეპისკოპოსი გამხდარიყო. ბოლოსდაბოლოს ამ მიზნით იგი კონსტანტინოპოლის სინოდში გამოცხადდა. პატრიარქ ლუკამ (1156-1169) დაინახა რა ნიკოლოზი ეპისკოპოსის სამოსელში, უარი უთხრა მას თხოვნაზე და უთხრა, რომ თუმც შეიძლება მისთვის დახმარების გაწევა, მას რომ სინოდის გადაწყვეტილებისათვის დაეცადა, მაგრამ ახლა, რაკი მან არსებული წესების საწინააღმდეგოდ, თავად გაიხადა სამონოზენო სამოსელი, რომლითაც მართალია ძალით იქნა შემოსილი, მისთვის უკვე დახმარება შეუძლებელია.* ეს შემთხვევა გვაჩვენებს, თუ რაოდენ მკაცრად იცავდნენ ამ კანონს XII საუკუნეში. თუმცადა, პატრიარქ ლუკას გარდაცვალების შემდეგ, პატრიარქ მიქაელ III-მ (1169-1177) შეიწყნარა ეპისკოპოს ნიკოლოზის თხოვნა და საგანგებო სინოდალური სიგელით დაუბრუნა მას ეპისკოპოსის უფლება** ამ კანონის განმარტებაში ბალსამონი ეხება, ასევე, ეპისკოპოსის საკითხს მონოზენებიდან, თანაც, აღიარებს, როგორც წესი და რიგია, წინამდებარე კანონის ძალას, და შენიშნავს, რომ ასეთი ეპისკოპოსებისათვის ამ კანონის მისადაგება მხოლოდ მაშინ შეიძლებოდა, თუ ისინი დიდ სქემას მიიღებდნენ – ასეთ შემთხვევაში უკვე აღარ იქნებოდნენ ეპისკოპოსები.*** იგივეს ამბობს დიდი კურთხევის 90-ე კანონიც.

კანონი 3

თუ რომელიმე ერისკაცი იმძლავრებს და, უგულვებელყოფს რა ღმერთისა და მეფის ბრძანებებს და შეურაცხყოფს კეთილკრძალულების ღირს საეკლესიო წესდებულებებსა და კანონებს, გაკადნიერდება ეპისკოპოსის ცემით

*ათენის სინტაგმა, III, 27.

**იხ. ბალსამონის განმარტებები ანკირიის კრების მე-3 და კართაგენის კრების 50-ე კანონებზე ათენის სინტაგმაში, III, 427.

***ათენის სინტაგმა, II, 709.

ან საპყრობილეში მისი ჩააგდებით, — უმიზეზოდ, ანდა ბრალდების მოგონილი საბაბით, — ესევეთარი, შეჩვენებულ იყოს.

(მოც. 55; IV მსოფ. 18; ტრულ. 34)

ეკლესიისა და მისი მსახურების იმუნიტეტი (ხელშეუხებლობა), კერძოდ, ეპისკოპოსის, — სახელმწიფო ხელისუფლების მიერ აღიარებულ იქნა ჯერ კიდევ იმ დროს და მაშინვე, როგორც კი ის ქრისტიანული გახდა. არსებობს 313 წლის განწესება კონსტანტინე იმპერატორისა, რომლითაც ის სახელმწიფოში სამღვდელეობის იმუნიტეტს აცხადებს, რათა ის თავისუფლად და დაუბრკოლებლად ემსახუროს ღმერთს. დროთა განმავლობაში ეს იმუნიტეტი სულ უფრო და უფრო იზრდებოდა, თანაც ბერძენი და რომაელი იმპერატორები, შეიძლება ითქვას, ერთმანეთს ეჯიბრებოდნენ, თუ ვინ მეტ უპირატესობას მიანიჭებდა ეკლესიასა და მის მსახურებს. განსაკუთრებული გულუხვობით გამოირჩეოდნენ იმპერატორები ეპისკოპოსების მიმართ. სამოქალაქო ხელისუფლებას, სხვათა შორის, აკრძალული ჰქონდა სასამართლოში ეპისკოპოსების მიწვევა, თავიანთი სასამართლოსათვის მათი დაქვემდებარება და მით უფრო — დასჯა. თუ შემთხვევით სამოქალაქო ხელისუფლება რომელიმე ეპისკოპოსს შეურაცხყოფას მიაყენებდა, ეს უკვე მთელი ეკლესიის შეურაცხყოფად ითვლებოდა და დამნაშავე მკაცრად ისჯებოდა. ამას კი უფრო იმ შემთხვევებში ჰქონდა ადგილი, როცა მსგავს საქციელს ერისკაცი ჩაიდინდა. სწორედ სამოქალაქო ხელისუფლების ეს სხვადასხვა განწესება სამღვდელეობის და, კერძოდ, ეპისკოპოსების იმუნიტეტთან დაკავშირებული, აქვს მხედველობაში ამ კრებას თავის წინამდებარე კანონში. ეს კანონი გვახსენებს საღმრთო მცნებებს: „*მთავარსა ერისა შენისასა არა პრქუა ბოროტი*“ (საქ. 23, 5). იმ პატივის შესახებ, რომელიც თითოეულმა უნდა მიაგოს ეპისკოპოსს, ეგნატე ღმერთშემოსილი წერს: „*პატივი მიავე ღმერთსა და ეპისკოპოსს. ვინც პატივს სცემს ეპისკოპოსს, ის პატივცემული იქნება ღმერთისგან; ვინც ფარულად ვნებს ეპისკოპოსს, ის ეშმაკს ემსახურება*“.* სახელმწიფო ხელისუფლების არსებული ბრძანებულებებისა და ეკლესიის სწავლების საფუძველზე, კრებამ მიიღო წინამდებარე კანონი; ის შეაჩვენებს ყველას, ვინც გაბედავს ეპისკოპოსის ცემას ან საპყრობილეში ჩასმას. სასჯელი საშინელია, რამეთუ დამნაშავე არამხოლოდ ეკლესიიდან განიკვეთება, არამედ თვით ღმერთისგანაც, და ხდება ეშმაკის მსხვერპლი.** ეს საეკლესიო დამსახურებული სასჯელია, რადგან თუკი სახელმწიფო კანონები ხელშეუხებლად თვლიან მოწიერ მთაერებს, მაშ, როგორღა არ უნდა ჩაითვალოს ასეთებად საღმრთო პირები, რომლებსაც ღმერთისგან გარდამოსული ხელდასხმა აქვთ მიღებული და ყველა სხვა ადამიანისაგან გამოირჩევიან წმინდა ჩინებითა და თავიანთი დანიშნულებით? სამღვდელონი და, განსაკუთრებით, ეპისკოპოსები, არსებითად წმინდა პირები არიან, რომელთა შესახებაც ფსალმუნთმცალობელი ამბობს: „*ნუ შეეხებით ცხებულსა ჩემსა*“ (ფს. 104, 15), ასევე, წინასწარმეტყველიც: „*შემხები თქუენი, ვითარცა შემხებელნი გუგასა თვალისა მისისასა*“ (ზაქ. 2, 8), ამიტომ, ღვთის სასჯელი უღმობელად მოეწევა ყველას, ვინც გაბედავს ღვთისმსახურის ხელშეხებას.

*იხ. შენიშვნა ამ კანონთან „პიდალიონში“

**ათენის სინტაგმა, II, 711.

კანონში ნათქვამია, რომ ანათემას გადაეცემა ყოველი, ვინც გაკადნიერდება სცემოს ან საპყრობილეში ჩასვას ეპისკოპოსი უმიზეზოდ, ან შეთხზული მიზეზით. ამ სიტყვებიდან, – შენიშნავეს ბალსამონი განმარტებაში* – არ შეიძლება დაეცეს, თითქოს სამოქალაქო ხელისუფლების ჩინოსნებს უფლება ჰქონდეთ მათ ხელთ არსებული კურთხეული მიზეზის შემთხვევაში სცემონ ან თავისუფლება აღუკვეთონ ეპისკოპოსს, რამეთუ სხვა განწესებებიდან და სახელმწიფო კანონებიდან ცნობილია, რომ სახელმწიფო ხელისუფლების ჩინოსნებს არა აქვთ უფლება ეპისკოპოსების გასამართლებისა, ამიტომ საერო ჩინოსანი, რომელიც მოინდომებდა ეცემა ან საპყრობილეში მოეთავსებინა ეპისკოპოსი, თუნდაც მას ამისათვის ყველაზე კურთხეული (კანონიერი) მიზეზი ჰქონოდა და თუნდაც მისი უფლებამოსილება ფრიად ფართო ყოფილიყო, – მაინც უნდა დასჯილიყო. კურთხეული მიზეზი არასდროს გაამართლებს ასეთ ერისკაცს, რადგან მხოლოდ კრებების უფლებაში შედის მღვდელთმთავართა დასჯა. ხოლო კანონის სიტყვა – „უმიზეზოდ“, მოყვანილია ანათემის გამო, რომელსაც ის განაწესებს. იმ შემთხვევაში, თუ რომელიმე საერო ჩინოსანი ეპისკოპოსს ისე მოექცევა, როგორც ეს კანონშია ნათქვამი, მაგრამ, ამასთან, დრწმუნებული იქნება, რომ რამე მძიმე დანაშაულის გამო ეპისკოპოსი ამას სავსებით იმსახურებს, მაშინ ასეთ შემთხვევაში იგი ანათემას არ გადაეცემა, მხოლოდ წმინდა ზიარებიდან განიყენება, თანაც ამ სასჯელისგან გათავისუფლება ანუ წმინდა ზიარებაზე მისი დაშვება, შეუძლია მხოლოდ და მხოლოდ მისივე სამთავრო ეკლესიის უმაღლეს სასულიერო ხელისუფლებას, თუმცა – მკაცრი ეპიტიმის შემდეგ.

*ათენის სინტაგმა, II, 712.

წმინდა მამების კანონები

წმინდა მამების კანონების შესახებ

ტრულის კრების მე-2 კანონში მოიხსენიება თორმეტი მამა, რომელთა კანონები სავალდებულოა მთელი ეკლესიისათვის. ეს მამებია: 1. დიონისე ალექსანდრიელი, 2. გრიგოლ ნეოკესარიელი, 3. პეტრე ალექსანდრიელი, 4. ათანასე დიდი, 5. ბასილი დიდი, 6. ტიმოთე ალექსანდრიელი, 7. გრიგოლ ღვთისმეტყველი, 8. ამფილოქე იკონიელი, 9. გრიგოლ ნოსელი, 10. თეოფილე ალექსანდრიელი, 11. კირილე ალექსანდრიელი, 12. გენადი კონსტანტინოპოლელი; ასევე, სავალდებულო ძალა აქვს კონსტანტინოპოლელ პატრიარქ ტარასის ეპისტოლეს სიმონის შესახებ.

როგორც წმინდა წერილებისა და ეკლესიის გადმოცემებში გამოხატული ძირითადი იურიდიული ნორმების განმმარტებლები იყვნენ წმინდა მსოფლიო საეკლესიო კრებები, ასევე იყვნენ კრებების განმმარტებლები ცალკეული მამები. კრებების კანონები წარმოადგენს საერთო განწესებებს, რომლებიც ამა თუ იმ ადგილობრივი ეკლესიის მწყემსებმა თავიანთი შეხედულებითა და პირადი პასუხისმგებლობით უნდა გამოიყენონ ცალკეულ შემთხვევებში და შექმნილ მდგომარეობასთან შესაბამისობაში. საეკლესიო განწესებების პრაქტიკული გამოყენება, ცალკეული მწყემსების მხრიდან, ხშირად თვალნათლივ ხდებოდა სამწყსოებისადმი მიმართულ საზოგადო ეპისტოლეებში, ერთი რომელიმე მწყემსის კანონიკურ ეპისტოლეში სხვა მწყემსის მიმართ, კანონიკურ პასუხებში მათ წინაშე დაყენებულ კითხვებზე და ასე შემდეგ. კანონების ღრმა ცოდნამ სხვადასხვა მწყემსებს საყოველთაო აღიარება და პატივისცემა მოუტანა ეკლესიაში. მათი ეპისტოლეებიდან ან თხზულებებიდან დასესხებულია შესაბამისი ადგილები, რომლებიც საკუთრივ წარმოადგენენ სამწყემსო მმართველობის ამაღლებულ კანონებს და მოწონებული და მიღებულია მთელი ეკლესიისათვის, და კრების კანონებთან ერთად შესულია საერთო საეკლესიო კანონიკური კრებულების შემადგენლობაში. კრებისა და მამების კანონებს შორის განსხვავებას სავსებით ზუსტად აღწერს ახალი დროის ერთ-ერთი საუკეთესო კანონიკი: „ეს განსხვავება, კრებისა და მამების კანონებს შორის, იმაში მდგომარეობს, რომ კრებები თავიანთ კანონმდებლობით ხელმწიფებას ავრცელებდნენ ეკლესიაში უმაღლეს მხარეებზე, განაწესებდნენ თვით მისი მმართველობის წესრიგსა და კანონებს, ეხებოდნენ მის იურარქიას, ახორციელებდნენ თავიანთ უმაღლეს სამსჯავროს ეკლესიის მმართველი პირების მიმართ; მამები კი თავიანთ განწესებებს ცალკე ნაწილებად გადმოგვცემდნენ სხვადასხვა კერძო საკითხებთან დაკავშირებით და მეტადრე იმ პირებთან მიმართებით, რომლებიც ეკლესიის იურარქების მმართველობას ემორჩილებიან. მათი განწესებები უფრო სულიერ სამსჯავროს ეხება, ვიდრე – გარეგანს, ოფიციალურს; მამები არა იმდენად ეკლესიის ხელისუფლებასთან დაკავშირებულ საკითხებს ეხებიან, რამდენადაც ეკლესიის წევრთა ზნეობრივ მხარესა და საქმეებს“.

*არქიმანდრიტი იოანე, (ელადიმერ სოკოლოვი, 1866 წლიდან სმოლენსკის ეპისკოპოსი, † 1869) „Опыт курса церковного законовeдения“, II, 1-2.

მამების კანონები თავიდან არ იყო გამოცემული ცალკეული საკანონმდებლო განწყობების სახით; ისინი წარმოადგენდნენ ან ამონარიდებს მამათა სხვადასხვა თხზულებებიდან, ან კიდევ, უმთავრესად, ეს იყო მათ მიერ ცალკეული პირების მიმართ გაგზავნილი ეპისტოლენი, რომლებსაც მათი შინაარსობრივი დატვირთვიდან გამომდინარე, ეწოდათ „კანონიკური ეპისტოლენი“. დროთა განმავლობაში, ისინი დაყოფილ იქნენ რამდენიმე კანონად (შინაარსობრივი შემცველობის შესაბამისად) და ამ სახით შევიდნენ ზოგადსაეკლესიო კანონთა კრებულებში. პირველი იყო იოანე სქოლასტიკოსი (VI ს.) რომელმაც თავის კრებულში შეიტანა ბასილი დიდის ორი ეპისტოლე ამფილოქე იკონიელის მიმართ; მას შემდეგ ზოგადსაეკლესიო კანონთა კრებულებში ჩვენ ვხვდავთ მამების კანონებს, განსაკუთრებით ტრულის კრების შემდეგ, რომელმაც დაამტკიცა კიდევ მათი კანონიკური მნიშვნელობა.

დიონისე ალექსანდრიელი († 265). ალექსანდრიის სკოლის აღსაზრდელი, შემდეგ ამავე სკოლის ხელმძღვანელი, თავისი ღრმა გასწავლეულობისა და მთელი ეკლესიის წინაშე დამსახურებისათვის – განსაკუთრებით საბელიოსთან და პავლე სამოსათელთან ბრძოლაში, – წოდებულ იქნა „დიდად“ და „მსოფლიო ეკლესიის მოძღვრად“.

კანონები, რომელნიც შესულია ზოგადსაეკლესიო კანონთა კრებულში დიონისეს სახელით, შეადგენს კანონიკურ ეპისტოლეს მის მიერ 260 წელს ლიბიაში ეპისკოპოს ბასილის მიმართ ოთხი კითხვის პასუხად გაგზავნილს, რომლებიც ამ უკანასკნელმა მის წინაშე გადასატყველად დააყენა. ამ კითხვებზე პასუხების მიხედვით დიონისეს ეპისტოლე ოთხ კანონად არის დაყოფილი, რომელთა სრული ტექსტი მოყვანილია „კანონთა წიგნში“ და „პიდალიონში“, ბოლოში კი მიერთებულია კიდევ ეპისტოლეს დასკვნა.

გრიგოლ ნეოკესარიელი, სასწაულთმოქმედი († 270). ალექსანდრიის სკოლაში აღზრდილი გრიგოლი სიღრმისეული გონებითა და უაღრესი კეთილმსახურებით გამოირჩეოდა. იმ მრავალი სასწაულებისთვის, რომლებსაც იგი განსაკუთრებით ნეოკესარიაში თავისი ეპისკოპოსობის დროს აღასრულებდა, თანამედროვეებმა მას „სასაწაულთმოქმედი“ უწოდეს. იგი დიდი მოშურნეობით გამოირჩეოდა წარმართების ქრისტეს სარწმუნოებაზე მოქცევის საქმეში; ისტორია გვიმოწმებს, რომ ნეოკესარიაში, როდესაც იგი ეპისკოპოსად აღსაყვრდა, სულ 17 ქრისტიანი იყო, ხოლო როდესაც გარდაიცვალა, მხოლოდ 17 წარმართი იყო დარჩენილი – ყველა სხვა ქრისტიანი გახდა. გრიგოლის ბევრ თხზულებათაგან, ჩვენთვის ფრიად მნიშვნელოვანია ის კანონიკური ეპისტოლე, რომელიც მან 258 წელს თავის ეპარქიაში დააგზავნა* ამ ეპისტოლეს საბაბი თვით მის სათაურშია გამოტანილი; ეს საბაბი, კერძოდ, იმაში მდგომარეობდა, რომ როდესაც გრიგოლ ნეოკესარიელი ეპისკოპოსი იყო, ბარბაროსული ტომები თავს დაესხნენ პონტოს და ქალაქი მოაოხრეს. ამ ბარბაროსული შემოსევებისას ქრისტიანები თავისი სახელისათვის შეუფერებ-

* „კანონთა წიგნში“ მოყვანილი შენიშვნა (1843 წ. გამოც. გვ. 271, 1862 წ. გამოც. გვ. 477), რომ ეს ეპისტოლე გაგზავნილია ალექსანდრიის მთავარეპისკოპოსის მიმართ, არ არის ზუსტი. ამის შესახებ იხ. საფუძვლიანი შენიშვნა: პიტრა, I, 566.

ლი უღირსობით იქცეოდნენ; ბევრი მათგანი ბარბაროსებს ეხმარებოდა და მძიმე ცოდვაში ჩავარდა. პონტოს მთავარეპისკოპოსმა, გრიგოლმა გამოსცა თავისი ზემოაღნიშნული ეპისტოლე, სადაც იგი განმარტავს ჩადენილი ცოდვების სიმძიმეს და მათთვის შესაბამის სასჯელებს აკისრებს.

ეპისტოლე რამდენიმე კანონადაა დაყოფილი. თუმცა, კანონიკურ კრებულებში ჩვენ მათ სხვადასხვა რიცხოვნობით ვხვდებით: „ათენის სინტაგმაში“ 11 კანონად შედის, „კანონთა წიგნში“ და „პიდალიონში“ მათი რიცხვი 12-ია, „ეპორმზიაში“ (28-ე თავ.) – 13. თვით განწესება, საკუთრივ, შეადგენს პირველ ათ კანონს სინტაგმის ათენური გამოცემით, ან პირველ 11 კანონს „კანონთა წიგნისა“ და „პიდალიონის“ მიხედვით, ხოლო უკანასკნელი კანონი არ არის თვით ეპისტოლეს შემადგენელი ნაწილი, არამედ შემდგომში მიმატებული და წარმოადგენს ბასილი დიდის კანონიდან სინანულის ხარისხებთან დაკავშირებული ნაწილის დამატებას. ამიტომ მე-11 კანონის თარგმანში სიტყვის: „ამბობს“ შემდეგ, ჩვენ ფრჩხილებში ჩავსვით – ვინ ამბობს, კერძოდ, ბასილი დიდი თავის 75-ე კანონში, ხოლო რადგანაც ეს დამატება ანუ მე-11 კანონი „სინოპსისში“ არ შედის, ამიტომ ამით აიხსნება, თუ რატომ არ შედის იგი „ეპორმზიაში, რომელიც „სინოპსისის“ მიხედვით არის შედგენილი. პირველ კანონებს შორის რიცხოვნობითი განსხვავება გამოწვეულია იმით, რომ ჩვენი გამოცემის პირველი კანონი იმ კრებულებში გაყოფილია ორად, და ათ სხვა კანონთან ერთად იქ აღმოჩნდა თერთმეტი კანონი. „ეპორმზიაში“ კი, როგორც აღვნიშნეთ, ეს დამატება არ არის, ხოლო რიცხოვნობა – 13, იქ იმით აიხსნება, რომ ჩვენი გამოცემის მე-2 და მე-4 კანონები იქ თითოეული ორად არის გაყოფილი.

პეტრე, ალექსანდრიის მთავარეპისკოპოსი († 311). პეტრემ, თავისი განსწავლულობით გამორჩეულმა, 295 წელს ალექსანდრიის სკოლის ხელმძღვანელობა ჩაიბარა და მას ხუთი წლის განმავლობაში მართავდა. 300 წელს პეტრეს ხელნი დაასხეს ალექსანდრიის მთავარეპისკოპოსად, რომლის მშვიდობიანი მმართველობაც მხოლოდ სამი წელი გაგრძელდა. 303 წელს კი, როდესაც დიოკლეტიანემ ქრისტიანების დევნის ბრძანება გამოსცა, უკვე დიდი განსაცდელი იწყება ალექსანდრიის მწყემსისთვის, რაც მისი მოწამეობრივი სიკვდილით დასრულდა. დევნილობის ჟამს ბევრი ქრისტიანი განუდგა სარწმუნოებას და ყველა ძაღლონეს მიმართავდა ტანჯვისაგან თავის დასაღწევად. უმრავლესობა, განდგომისათვის სინანულის შეწირვით, მაინც უბრუნდებოდა ეკლესიას. პეტრემ ყურადღება მიაქცია ამ გარემოებას; ქრისტიანული სიყვარულით განმსჭვალულს, სურდა დახმარება აღმოეჩინა იმათთვის, ვინც უძლურებით განუდგა ქრისტეს და ეკლესიას, და ახლა სინანულის გზით კვლავ ბრუნდებოდა ეკლესიის წიაღში. ამ მიზნით მან 306 წელს დაწერა სიტყვა სინანულის შესახებ, სადაც მიუთითებს მეთოდს, თუ როგორ უნდა მოხდეს ეკლესიიდან განდგომილთათვის ეკლესიის ერთობაში დაბრუნება. პეტრეს ეს სიტყვა, რომელიც 14 კანონადაა დაყოფილი, შევიდა ზოგადსაეკლესიო კანონთა კრებულში. ასეთივე რიცხოვნობით არის ის შესული „კანონთა წიგნში“ და „პიდალიონში“. „ეპორმზიაში“ (27-ე თავ.) კანონთა რაოდენობა, როგორც „სინოპსისში“ – არის 13, რადგან ჩვენი გამოცემის მე-6 და მე-7 კანონები მასში ერთ (მე-6)

კანონს შეადგენს. ბოლო (მე-15) კანონი, ისევე, როგორც სამ დასახელებულ კრებულში, ოთხშაბათისა და პარასკევის მარხვის შესახებ, აღებულია პასექთან დაკავშირებით დაწერილ პეტრეს სიტყვიდან.*

ათანასე დიდი († 373). ათანასემ ღრმად შეისწავლა ქრისტიანული სარწმუნოების ჭეშმარიტებანი და სამარადისო დიდება მოიხვეჭა, როგორც არიანელობისაგან მართლმადიდებლობის დამცველმა, ამისთვის იგი სამართლიანად იწოდა „მართლმადიდებლობის მამად“ და „დიდად“. ეკლესიის სასარგებლოდ თავისი მოღვაწეობის განვითარება მან გაძლიერებულად დაიწყო იმ დროიდან მოყოლებული, როდესაც არიანელობა წარმოიშვა, და თანმიმდევრულად განაგრძობდა თავისი ცხოვრების ბოლომდე.

ათანასე დიდმა მრავალი თხზულება დაგიტოვა – აპოლეგეტიური, პოლემიკური, ისტორიულ-დოგმატიკური და ზნეობრივი ხასიათის. ეკლესიის სამართლისათვის მნიშვნელოვანია სამი მათგანი, კერძოდ: მისი ეპისტოლე ამონის მიმართ, XXXIX ეპისტოლე დღესასწაულების შესახებ და ეპისტოლე რუფინიანეს მიმართ. პირველი ეპისტოლე დაწერილია დაახლოებით 356 წელს მონოზონ ამონისადმი პასუხად, რომელმაც ათანასეს კითხვით მიმართა, თუ როგორ განესაჯა დამსხვეული უნებლიე ხორცშებილწვა. მეორე დაწერილია 367 წელს და შეიცავს წმინდა წერილის კანონიკური წიგნების შესახებ მსჯელობას. ამ ეპისტოლემ ჩვენამდე არასრული სახით მოაღწია, დასაწყისის გარეშე. ამის აღსანიშნავად ეპისტოლეს დასაწყისში ჩვენ რამდენიმე წერტილი დავსვით. მესამე ეპისტოლე დაწერილია 370 წელს ეპისკოპოს რუფინიანეს მიმართ, პასუხად კითხვაზე, თუ როგორ უნდა მიიღებოდნენ მწვალებლები, როდესაც ეკლესიისკენ ექცევიან.

ამ ეპისტოლეების რიგითობა, რომელიც დაცულია „ათენის სინტაგმაში“ და ჩვენს „კრებულში“, იგივეა რაც „კორმზაისა“ და „ჰიდალიონში“; „კანონთა წიგნში“ ყველაზე უწინ დგას ამონის მიმართ ეპისტოლე, შემდეგ – რუფინიანეს მიმართ, და ბოლოს – დღესასწაულების შესახებ. „კორმზაისაში“ (29-ე თავ.) რუფინიანეს მიმართ ეპისტოლეს შემდეგ მოყვანილია კიდევ ერთი ნაწყვეტი სათაურით: „მისივე სხვა ეპისტოლედან“, და საუბარია ქალწულობის ამალგებულობაზე. თუმცა, ეს არ არის რამე სხვა ახალი ეპისტოლე, არამედ მხოლოდ ამონარიდი ამონის მიმართ ეპისტოლედან.

ბასილი დიდი († 379). ყველა წმინდა მამათა და ეკლესიის მოძღვართა შორის, საეკლესიო სამართლისა და, ზოგადად, საეკლესიო დისციპლინისათვის, ყველაზე მეტი მნიშვნელობა ბასილი დიდს ენიჭება. თავისი მეცნიერული განათლება მან ათენში დაასრულა, სადაც იმავე დროს სწავლობდა გრიგოლ ღვთისმეტყველი, რომელთანაც ბასილი დიდს მჭიდრო მეგობრული ურთიერთობა აკავშირებდა. ამის შემდეგ მან იმოგზაურა ეგვიპტეში, პალესტინასა და მესოპოტამიაში. მოგზაურობისას ბასილი დიდი მრავალ წმინდა კაცს გაეცნო (მაკარის, პაუნუტის და სხვ.), რომლებმაც მასში მონოზენური ცხოვრებისადმი ღრმა პატივისცემა

*ქართულ „დიდი სჯულისკანონშიც“, ასევე, 15 კანონადაა შესული.

აღძრეს. როდესაც ის დაბრუნდა, მთლიანად განმხოლოებულ ცხოვრებას მიეცა და ერთ-ერთ სრულიად უდაბნო ადგილას დასახლდა; იქ მან გრიგოლთან ერთად საკმაოდ დიდი დრო დაჰყო. 370 წელს დადგინებულ იქნა კესარიის სამღვდელთ-მოაერო კათედრაზე. მასში იმდენად გამოვლინდა მოშურნეობა ქრისტეს სადიდებლად, მართლმადიდებლური სარწმუნოების განსამტკიცებლად – მაშინდელ შფოთთან დროს – და ეკლესიაში წესრიგისა და სწეობის დასამკვიდრებლად, რომ დაიმსახურა სახელწოდება „ადი“ და „ეკლესიის დიდება და მშვენება“.

ბასილი დიდისგან ზოგადსაეკლესიო კანონთა კრებულში შევიდა 92 კანონი. ისინი შედგენილია მისი რვა ეპისტოლეუდან და აგრეთვე მისი წიგნიდან „სულიწმიდის შესახებ“. პირველი 85 კანონი სამ ეპისტოლეს შეადგენს, რომლებიც ბასილმა იკონიის ეპისკოპოს ამფილოქეს გაუგზავნა. ამფილოქე ბასილის მიმართ განსაკუთრებული პატივით იყო განმსჭვალული და გარდა მასთან წარმოებული კერძო მსჯელობებისა – ეკლესიის კეთილდღეობის შესახებ, იგი ხშირად წერილობითი კითხვებითაც მიმართავდა მას საეკლესიო მმართველობასა და ზოგადად, ეკლესიურ დისციპლინასთან დაკავშირებით; თხოვდა აგრეთვე, წმინდა წერილოდან ზოგიერთი მისთვის გაუგებარი ადგილის განმარტებასაც. ამფილოქეს ამ კითხვებზე პასუხები წარმოადგენს სწორედ ბასილი დიდის პირველი 85 კანონის შინაარსს. შემდეგი (86-ე) კანონი – ეს არის კელაჲ ამონარიდი ერთ-ერთი ეპისტოლეუდან, რომელიც წმინდა ბასილმა 376 წელს გაუგზავნა ამფილოქეს. 87-ე კანონი წარმოადგენს ტარსის ეპისკოპოს დიოდორეს მიმართ ეპისტოლეს. ბასილი დიდის ხელში აღმოჩნდა მისი სახელით ხელმოწერილი წერილი, სადაც დიოდორე თავს ესხმოდა ბასილი დიდის ერთ-ერთ განწესებას ნათესაობასთან დაკავშირებით. 88-ე კანონი წარმოადგენს ბასილი დიდის გადაწყვეტილებას მღვდელ გრიგოლთან მიმართებით, რომელსაც სახელში უცხო ქალი ჰყავდა. 89-ე კანონი არის ქორეპისკოპოსების მიმართ ეპისტოლე, რომლებმაც თავიანთი ხელმოწიფების საზღვარი დაარღვიეს. მისი ქვეშევრდომი ეპისკოპოსების მიმართ აღძრული ეჭვების გამო, თითქოს ისინი სიმონიტები იყვნენ, ბასილი დიდმა დაწერა საგანგებო ეპისტოლე, რომელიც 90-ე კანონს შეადგენს. ბოლო ორი (91-ე და 92-ე) კანონი ამოკრებილია ბასილის განთქმული თხზულებიდან „სულიწმინდის შესახებ“, რომელიც დაწერილია მის მიმართ გამოთქმული ბრალდების გამო (თითქოს იგი სულიწმინდის ღმრთეებრიობას არ აღიარებდა). ეს ეპისტოლეც ამფილოქეს მიმართ არის დაწერილი, რამეთუ მან აღძრა იგი მის დასაწერად.

მამების კანონებიდან კანონთა კრებულებში პირველი ბასილი დიდის კანონები შევიდა და შემდეგ უკვე – სხვა მამების. ეს კანონები ყველა ახლანდელ კრებულშია შეტანილი. განსხვავება არსებობს მხოლოდ რიცხოვნობაში. „პიდალიონსა“ და „კანონთა წიგნი“ ერთნარი რიცხოვნობაა, ისევე, როგორც „ათენის სინტაგმასა“ და ჩვენს „კრებულში“. „კორმჩაიაში“ 91 კანონი შედის; ეს იმიტომ, რომ ამფილოქეს მიმართ მესამე ეპისტოლეს დასკვნითი ნაწილი იქ არ არის, ხოლო პირველი სამი ეპისტოლე 84 კანონად არის დაყოფილი.

„კორმჩაიაში“ ბასილი დიდის კანონები შეადგენს 21-ე, 22-ე, 23-ე, 24-ე და 25-ე თავებს.

ტიმოთე ალექსანდრიელი († 355). ტიმოთე იყო ათანასე დიდის მოწაფე და თავისი ძმის, პეტრეს მემკვიდრე ალექსანდრიის კათედრაზე. მისი ცხოვრების შესახებ ბევრი არაფერია ცნობილი, გარდა იმის, რომ ესწრებოდა II მსოფლიო კრებას და ცხოველ მონაწილეობას იღებდა კონსტანტინოპოლის კათედრესთან დაკავშირებული სადავო საკითხის განხილვაში.

ჩვენამდე ბევრმა მისმა კანონიკურმა პასუხმა მოაღწია იმ კითხვებზე, რომლებითაც მას ეპისკოპოსები და სხვა კლირიკოსები მიმართავდნენ. ამ პასუხებიდან ზოგადსაეკლესიო კანონთა კრებულში შევიდა 18 კანონი. ასეთი რიცხოვნობით არიან ისინი შესული „პიდალიონსა“ და „კანონთა წიგნშიც“.

გრიგოლ ღვთისმეტყველი († 389). მიუხედავად იმისა, რომ გრიგოლი – განმხოლოებული ცხოვრების ერთგული და ღრმად კეთილმსახური – თავის თავს მღვდელმსახურობის უღირსად თვლიდა, იგი დაჰყვა საერთო ნებას და 381 წელს კონსტანტინოპოლის სამღვდელმთავრო საყდარი ჩაიბარა. მალე მან შეინშნა, რომ ზოგიერთებს არ მოეწონათ მისი აღსაყდრება, ამიტომ მაშინვე უარი თქვა მღვდელმთავრობაზე და ნახიანში წავიდა, სადაც დაეუღებულ ცხოვრებასა და წიგნებთან მუშაობაში გაატარა თავისი ცხოვრების უკანასკნელი წლები.

თხულებებს გრიგოლი წერდა ხან პროზაში, ხან პოეზიაში. როგორც თვითონ ამბობდა, ლექსებით გადმოცემის მეთოდით უმეტესწილად იმიტომ სარგებლობდა, რომ დაეცვა ქრისტიანული ჭეშმარიტება აპოლინარელთაგან, რომლებიც ლექსებით ავრცელებდნენ თავიანთ ცრუსწავლებას. გრიგოლის ასეთი პოეტური ნაწარმოებებიდან ზოგადსაეკლესიო კანონთა კრებულში მიღებულია მისი ლექსები წმინდა წერილის ძველი და ახალი აღთქმის წიგნების შესახებ. „კანონთა წიგნი“ და „პიდალიონში“ ისინი თავთავიანთ ადგილებზეა განთავსებული. „კორმჩაიაში“ ამფილოქეს ლექსებთან ერთად იგივე საკითხზე ისინი 30-ე თავს შეადგენს.

ამფილოქე იკონიელი († 395). ამფილოქე მონაწილეობას იღებდა II მსოფლიო კრების მუშაობაში, სადაც დიდი მოშურნეობით იცავდა მართლმადიდებლობას სულიწმინდის მგმობელთაგან. სიკვდილამდე ერთი წლით ადრე კი მონაწილეობა მიიღო კონსტანტინოპოლის 394 წლის კრების მუშაობაში, რომელიც შედგა ალაპისა და ვალადის საკითხთან დაკავშირებით, და სადაც მნიშვნელოვანი წვლილი შეიტანა საეპისკოპოსო ღირსების ავტორიტეტის გამყარებისათვის.

ამფილოქეს ეპისტოლე სელევკის მიმართ წმინდა წერილის კანონიკური წიგნების შესახებ, შევიდა ზოგადსაეკლესიო კანონთა კრებულში და დგას თავის ადგილზე „პიდალიონშიც“ და „კანონთა წიგნშიც“. „კორმჩაიაში“ იგი შეადგენს 30-ე თავს იგივე საკითხზე გრიგოლ ღვთისმეტყველის ლექსებთან ერთად.

გრიგოლ ნოსელი († 395), ბასილი დიდის უმცროსი ძმა, გამოირჩეოდა ცხოვრების მკაცრი წესით, განსწავლულობით, განათლებული მოშურნეობით მართლმადიდებლობისადმი და მჭერმეტყველობის ნიჭით. როგორც ნოსის ეპისკოპოსი, იგი მონაწილეობდა II მსოფლიო კრების მუშაობაში და თავისი მოშურნეობისა და მართლმადიდებლობის დაცვისათვის წოდებულ იქნა „მართლმადიდებლობის სვეტად“.

შემდეგ მონაწილეობდა კონსტანტინოპოლის 394 წლის კრების მუშაობაში ნეკტარიოსის დროს, რომელიც შედგა ბოსტრიის სამიტროპოლიტოს ცნობილ საკითხთან დაკავშირებით.

მისი მრავალრიცხოვანი თხზულებებიდან კანონიკურ კრებულებში შევიდა ეპისტოლე სომხეთის მელიტინის ეპისკოპოს ლიტოს მიმართ. ამ უკანასკნელმა გრიგოლს შეკითხვით მიმართა ეპიტიმეის შესახებ სხვადასხვა ცოდვისათვის. პასუხად გრიგოლმა ეს ეპისტოლე გაუგზავნა, სადაც თავის ღრმა ფსიქოლოგიურ ცოდნას ამჟღავნებს და, ამასთანავე, აჩვენებს, რომ ცოვებისათვის უფრო მკაცრი სასჯელის მომხრეა, ვიდრე მისი წინამორბედი.

ეს ეპისტოლე 8 კანონად არის დაყოფილი და ასეთი რიცხოვნობით შედის „პიდალიონში“, „კანონთა წიგნსა“ და „კორმჩაიაში“.

თეოფილე ალექსანდრიელი († 412). თეოფილე ალექსანდრიელი ცნობილია თავისი არაკეთილგანწყობით იოანე ოქროპირის მიმართ. ჩვენამდე მოაღწია მისმა საპასუხო სიტყვამ, რამდენიმე ეპისტოლემ და კანონმა. ამ ეპისტოლეებში შედის: ა) მისი ერთი განწესება, რომელიც ეხება საკითხს, როდესაც ღმრთის განცხადების მწუხრი კვირა დღეს ემთხვევა; ბ) შეგონება ამონისადმი განსაკუთრებული ხასიათის შემცველ სხვადასხვა საკითხთან მიმართებით, რომლებიც საეკლესიო წესებს უკავშირდება; გ) შეგონება კათარების საეკლესიო დასში მიღების შესახებ; დ) შეგონება ეპისკოპოს მინასადმი. პირველი, ღმრთისგანცხადების შესახებ შეადგენს ერთ კანონს, ამონისადმი შეგონება 10 კანონად არის დაყოფილი, დანარჩენი შეგონებანი შეადგენს თითოეული თითო კანონს, შესაბამისად, სულ – 14 კანონი.

კირილე ალექსანდრიელი († 444). კირილე ალექსანდრიელი, რომელიც თეოფილე ალექსანდრიელის დისშვილი იყო, არ იზიარებდა მის აზრს ოქროპირის შესახებ და ამ უკანასკნელისადმი ღრმა პატივისცემას გრძნობდა, განსაკუთრებით უკანასკნელ ხანებში. მთავარეპისკოპოსად კირილე ხელდასხმულ იქნა 412 წელს და იმ დროიდან დიდ მოშურნეობას იჩენდა როგორც წმინდა მართლმადიდებლობის აპოლოგეტი, ეგზეგეტიკოსი და ეკლესიის ბრძენი მმართველი. განსაკუთრებით სახელი გაითქვა ნესტორიანელობასთან ბრძოლითა და ენერგიული მოღვაწეობით III მსოფლიო კრებაზე.

კანონიკური თვალსაზრისით მნიშვნელოვანია კირილეს რამდენიმე კანონი, რომლებიც მისი ორი ეპისტოლესგან შედგება, ესენია: პირველი, ანტიოქიის მთავარეპისკოპოს დომნას მიმართ ეპისკოპოს პეტრესთან დაკავშირებით, რომელიც ჩიოდა, რომ იძულებული იყო უარი ეთქვა თავის კათედრაზე. მეორე – ლიბისა და პენტაპოლისის ეპისკოპოსების მიმართ უკანონო ხელდასხმასთან დაკავშირებით. ამ ორი ეპისტოლედან შედგა 5 კანონი, რომლებიც შევიდა ზოგადსაეკლესიო კანონთა კრებულში. მათგან სამი – პირველი ეპისტოლედან, და ორიც – მეორედან.

გენადი კონსტანტინოპოლელი († 471). დაადგინეს რა კონსტანტინოპოლის კათედრაზე, გენადიმ ძლიერ აამაღლა მისი ავტორიტეტი, რომელიც მანამდე შეზღუდული იყო იმ მიზეზით, რომ მისი ცალკეული საჭეთმყრობელნი ცრუსწავლებებს

აერცვლებდნენ. ღრმა კეთილმსახურებით გამორჩეული გენადი, განსაკუთრებით იმაზე წუხდა, რომ ბევრ ეპისკოპოსთა შორის გავრცელებული იყო სიმონია, რაც არაკეთილმოსურნეთ საბაბს აძლევდა თვით ეკლესიის მოწყობა განეკითხათ. იმისათვის, რომ ეკლესიაში შეჭრილ ამ უდიდეს ბოროტებას შეწინააღმდეგებოდა, გენადიმ 459 წელს კონსტანტინოპოლში კრება მოიწვია – 81 ეპისკოპოსის შემადგენლობით. ამ კრებაზე შეადგინეს ცირკულარი ეპისტოლე სიმონიის წინააღმდეგ, რომელიც შემდგომში ყველა კანონიკურ კრებულში შევიდა. როგორც სათაურიდან ჩანს, ის მიემართებოდა აღმოსავლეთის ყველა ეპისკოპოსსა და აგრეთვე რომის პაპს.

ტარასი კონსტანტინოპოლელი († 471). ტარასის კონსტანტინოპოლის კათედრაზე ხელნი დაასხეს 786 წელს. დედოფალ ირინესა და კონსტანტინე პორფიროდიმის მიმართ თავისი დაუჩინებელი თხოვნისათვის – VII მსოფლიო კრების მოსაწვევად, რომელსაც ხატმბრძოლობისათვის წერტილი უნდა დაესვა – ტარასიმ სამარადჯამო დიდება მოიხვეჭა ეკლესიაში.

მისი მრავალი თხოვნებიდან კანონიკური მნიშვნელობა პპოვა მისმა ეპისტოლემ რომის პაპ ადრიანეს მიმართ სიმონიის შესახებ, რომელიც (სიმონია) ასე ბილწავდა ქრისტეს ეკლესიას და, ზოგადად, სასულიერო პირთა ღირსების ავტორიტეტს ჩრდილს აყენებდა.

დამატებითი კანონების შესახებ

ტარასის ეპისტოლეთი მთავრდება მართლმადიდებელი ეკლესიის ძირითადი კანონიკური კრებული. მას მოსდევს დამატებანი, კერძოდ:

1. იოანე მმარხველის († 595) კანონიკონი. იოანე კონსტანტინოპოლის პატრიარქი გახდა 582 წელს და ერში განსაკუთრებული პატივი მოიხვეჭა. იმის გამო, რომ მარხვებს მუდამ განსაკუთრებულად მკაცრად იცავდა, მას „მმარხველი“ უწოდეს. საეკლესიო სამართალისთვის მისი ნაწარმოებებიდან მნიშვნელოვანია „კანონიკონი“, სადაც იგი აღმსარებლებს შეაგონებს თუ როგორ უნდა მოიქცნენ აღსარების ჩაბარების დროს და როგორ უნდა გამოიყენებოდეს შესაბამისი კანონები სხვადასხვა ცოდვის შემთხვევაში. მთელი რიგი საუკუნეების მანძილზე ეს წიგნი დიდი პატივისცემით სარგებლობდა. XIV საუკუნეში ბლასტარმა მისგან შეადგინა სახელმძღვანელო აღმსარებელთათვის. ბლასტარის ეს სახელმძღვანელო წიგნი, იოანე მმარხველის კანონიკონიდან შედგენილი, ბერძნულ კანონიკურ კრებულებში გადავიდა, უპირველესად – „პიდალიონში“, მერე – „ათენის სინტაგმაში“. იოანე მმარხველის „კანონიკონი“ აღმოჩნდა საფუძველი „ნომოკანონისათვის“, რომელიც შედის სლავურ დიდ კურთხევანში.

2. ნიკიფორე აღმსარებლის († 818) კანონები. ნიკიფორე კონსტანტინოპოლის პატრიარქად დაადგინეს 806 წელს და ეკლესიას 815 წლამდე მართავდა, ვიდრე კათედრიდან განკვეთდა ხატმბრძოლი იმპერატორი ლეონ სომეხი, იმისათვის, რომ იგი VII მსოფლიო კრების განწესებების ერთგული რჩებოდა; ნიკიფორე საპყრობილეში გარდაიცვალა. მისი მრავალი თხოვნებიდან, ზოგიერთი მნიშვნელოვანია

საეკლესიო სამართლისათვის. ასეთად ჩვენთვის ცნობილია: ა) კანონი პირველი ექვსი მსოფლიო კრების შესახებ; ბ) კანონიკური განწესებანი სხვადასხვა საკითხებზე; გ) კანონები, ამოკრებილი მისი ტიპიკონიდან; დ) კანონები, ამოკრებილი იმ საეკლესიო განწესებებიდან, რომლებიც მან სხვა წმინდა მამებთან ერთად გამოცა. ნიკიფორეს ყველა კანონიდან ბლასტარმა შეკრება 37 მთავარი, რომლებიც „პიდალიონში“ შევიდა, სხვა ხელნაწერიდან კი 38 შევიდა „ათენის სინტაგმაში“. ორივე ამ კრებულში დამატებულია კიდევ 7 კანონი; შემდეგ, „ათენის სინტაგმაში“ კიდევ 9 კანონი – ნიკიფორეს საერთო საეკლესიო განწესებებიდან, და 17 კანონიკური კითხვა-პასუხი მისი ერთ-ერთი კანონიკური ეპისტოლეედან. „კორმზაიაში“ (57-ე თავ.) შევიდა ბლასტარის მიერ შეკრებილი 23 კანონი.

3. ნიკოლოზ კონსტანტინოპოლელის სინოდალური პასუხები. ამ პატრიარქის საკეთმპყრობელობისას (1086-1111), წმინდა მთის (ათონის) ბერებმა კონსტანტინოპოლის საპატრიარქო სინოდს მიმართეს საეკლესიო მსახურების საკითხებთან დაკავშირებული სხვადასხვა შეკითხვით. სწორედ ამ საკითხების გადაწყვეტა წარმოადგენს მოხსენიებულ პასუხებს.* პიდალიონში, ისევე, როგორც ათენის სინტაგმაში, შედის 11 კითხვა და ამდენივე პასუხი. ამ უკანასკნელში მოყვანილია აგრეთვე ცალკეული პასუხის განმარტება.

4. კანონიკური განწესებანი: ა) ბასილი დიდის „სიკეთეში დადგრომილობისათვის“, ამოკრებილი ბასილი დიდის ეპისტოლეედან ნიკოპოლისელთა მიმართ; ბ) იოანე ოქროპირის „დამნაშავეთა გამოსასწორებლად“; გ) „წმინდა საიდუმლოთა მიღების ჟამზე“; დ) წმინდა ანასტასის ერთი კანონიკური პასუხი; ე) ბასილი დიდის კანონიკური განწესება, რომელსაც მისი ეპისტოლეე შეიცავს** და ვ) განწესება იმავე საკითხზე იოანე ოქროპირის განმარტებიდან პავლე მოციქულის ეპისტოლეებზე ეფესელთა და ებრაელთა მიმართ;*** ზ) იმის შესახებ, თუ როგორ უნდა იქცეოდეს მღვდელი ეკლესიაში, – ბასილი დიდის შეგონებელი სიტყვა მღვდლებისადმი.****

*ათენის სინტაგმაში ეს კითხვა-პასუხები შემდგენიარად სათაურდება: „კითხვები ქალაქის [კონსტანტინოპოლის] გარეთ მოხარვე ბერებისა და კონსტანტინოპოლის სინოდის პასუხები მათზე, უწმინდესი პატრიარქის ნიკოლოზის დროს და მარადმოსახსენიებელი იმპერატორის ალექსი კომნენის ზეობისას, ანტიოქიის პატრიარქის თეოდორე ბალსამონის განმარტებებით“.

**ეს ეპისტოლეე დაწერილია 372 წელს.

***პიტრა კიდევ აღნიშნავს იოანე ოქროპირის შემდეგ კანონებს, რომლებიც შედის მის მრავალრიცხოვან თხზულებებში: 1) ცოდვების მიტევების შესახებ (50-ე ფსალმუნზე); 2) აღსარების შესახებ (იოანეს სახარების განმარტებიდან); 3) იმის შესახებ, რომ ერისკაცებმა ვერ უნდა გაბედონ მღვდლის შეურაცხყოფა და განკითხვა (იოანეს სახარების განმარტებიდან); 4) ქრისტესა და მღვდლის შესახებ (თესალონიკელთა მიმართ ეპისტოლეეს განმარტებიდან); 5) მღვდლების, მათი თვისებებისა და მოვალეობების შესახებ (ტიმოთეს მიმართ ეპისტოლეეს განმარტებიდან); 6) მღვდლების შესახებ (სიტყვიდან „მღვდლობის შესახებ“); 7) კვლეე იმათ შესახებ (იმავე სიტყვიდან); 8) 143-ე კანონი, რომლითაც დაენიშნებათ სასჯელუბი სხვადასხვა დანაშაულისათვის; 9) შემაგონებელი მუხლები.

****ათენის სინტაგმა, IV, 391-392.

ქანონიკური ეპისტოლე წმინდისა მამისა ჩვენისა
დიონისესი, ალექსანდრიის მთავარეპისკოპოსისა
ეპისკოპოს ვასილიდის მიმართ

ქანონი 1

ეპისტოლეში ჩემ მომართ, ჩემო უერთგულესო და უგანათლებულესო შვილო, მეკითხებოდი: რომელ ჟამს უნდა შევწყვიტოთ მარხვა აღდგომის დღის წინ? რამეთუ ძმათაგან ზოგიერთნი ამტკიცებენ, როგორც შენ ამბობ, რომ ეს უნდა გაგვაკეთოთ მამლის ყვილისას, სხვანი — მწუხრიდანო. რომში მყოფი ძმები, როგორც ამბობენ, მამლის ყვილს მოელიან, ხოლო აქ მყოფთა შესახებ შენ თქვი, რომ ისინი უფრო ადრე წყვეტენ მარხვას. შენ მოითხოვ ზუსტი დროის დადგენას — საესებით განსაზღვრულ ჟამს, მაგრამ ეს არც მარჯვეა და არც უხიფათო. რამეთუ უფლის მკედრებით აღდგომის ჟამის შემდეგ რომ დღესასწაულობისა და მხიარულების დაწყებაა ჯეროვანი, ხოლო მანამდე სულთა დამდაბლება და დამორჩილება, — ამას ყველანი ერთად აღიარებენ. მაგრამ შენს ეპისტოლეში ჩემდამი შენ საკმაოდ ჯანსაღად დაამტკიცე, — თანახმიერად ღვთაებრივ სახარებათა ცნებასთან, — რომ მათში არაფერი არ არის განსაზღვრულად ნათქვამი აღდგომის ჟამისათვის. რამეთუ მახარებლებმა სხვადასხვაგვარად აღწერეს საფლავთან სხვადასხვა დროს მოსულნი, და თქვეს, რომ მათ ყველამ უკვე მკედრებით აღმდგარი კპოვეს უფალი. „მწუხრი შაბათთასა, რომელი განთენდებოდა ერთშაბათად“, — როგორც თქვა მათემ (28, 1); „განთიად, ვიდრე ბნელა იყო“, — როგორც წერს იოანე (20, 1); „ციკარსა მსთუად“, — როგორც (ამბობს) ლუკა (24, 1), „და ნიად განთიადსა... მერმეცა აღმოსლვასა ოდენ მზისასა“, — როგორც ამბობს მარკოზი (16, 2). მაგრამ საკუთრივ როდის აღდგა უფალი მკედრებით, ამას არც ერთი მათგანი ცხადად და ზედმიწევნითი სიზუსტით არ გვიჩვენებს. ხოლო უმჯველია ის, რომ შაბათის ღამეს, რომელიც თენდებოდა ერთშაბათის დღედ, საფლავად მოსულებმა უკვე ვერ ნახეს უფალი მასში მდებარე. და ნუ წარმოვადგენთ მახარებლებს ნურც შეუთანხმებლებად ერთმანეთთან, ნურც წინააღმდეგობაში მყოფებად ურთიერთისადმი. მაგრამ თუ გვეჩვენება კიდევ რაღაც სხვადასხვასიტყვაობა წაკითხულიდან გამომდინარე, და თუ ყველანი, თანახმიერად შეთანხმებულნი, რომ იმ ღამეს აღმოხდა ნათელი მსოფლიოსი — უფალი ჩვენი, სხვადასხვაგვარად ამბობენ ჟამის შესახებ, მაშინ ვეცადოთ კეთილგონიერულად და სწორად შევათანხმოთ ერთმანეთთან მათი ნათქვამი. მათეს მიერ გამოთქმული იკითხება ასე: „ხოლო მწუხრი შაბათთასა, რომელი განთენდებოდა ერთშაბათად, მოვიდა მარიამ მაგდანელი და სხუამ იგი მარიამ ხილვად საფლავისა მის. და აჰა, ძრვამ იყო დიდი, რამეთუ ანგელოზი უფლისამ გარდამოქდა ზეცით, მოვიდა და გარდააგორვა ღოდი იგი კარისა მისგან საფლავისა და დაჯდა მას ზედა. ხოლო იყო ხილვამ მისი ვითარცა ელვამ, და სამოსელი მისი — სპეტაკი, ვითარცა თოვლი.“

ხოლო საშინელებსაგან მისისა შეძრწუნდეს მცველნი იგი და იქმნნეს, ვითარცა მკუდარი. მიუგო ანგელოზმან მან და პრქუა დედათა მათ: „ნუ გეშინი თქვენ! ვიცი, რამეთუ იესუს ნაზარეველსა ჯუარცუმულსა ეძიებთ. არა არს აქა, რამეთუ აღდგა, ვითარცა თქუა“ (მათე 28, 1-6). ზოგიერთნი იფიქრებენ, რომ სიტყვა „მწუხრი“ მისი საერთო გამოყენებით აღნიშნავს შაბათის საღამოს, მაგრამ უფრო გონიერად ჩაკვირვებულნი იტყვიან – არა ამას, არამედ ღრმა ღამესო, რამეთუ „მწუხრი“ აღნიშნავს შენელებულ და ხანგრძლივ დროს. და სწორედ ამის აღსანიშნავად, რომ ღამეზე ლაპარაკობს და არა – დღეზე, (მახარებელმა) დასძინა: „რომელი განთენდებოდა ერთშაბათად“-ო. და მოვიდნენ (საფლავად) ჯერ არა ნელსაცხებელთა მოსატანად, როგორც სხვა მახარებლებმა თქვეს, არამედ საფლავის სანახავად, და პპოვეს მომხდარი მიწისძვრა და ლოდზე მჯდარი ანგელოზი, რომლისგანაც ესმათ: „არ არს აქა, რამეთუ აღდგა“. მსგავსადვე იოანეც ამბობს: „ერთსა მას შაბათსა მოვიდა მარიამ მაგდანელი განთიად, ვიდრე ბნელა იყო, საფლავსა მას ზედა და იხილა ლოდი იგი აღებული კარისა მისგან საფლავისა“ (20, 1). ამრიგად, ამ მახარებლის მიხედვით, მარიამი საფლავად მივიდა იმ დროს, „ვიდრე ბნელა იყო“. ლუკა კი ამბობს: „და შაბათი იგი და-ღა-იდუმეს მცნებისა მისთვის. ხოლო ერთსა მას შაბათსა, ცისკარსა მსთუად მოვიდეს საფლავსა მას და მოაქუნდა, რამ-იგი მოემზადა სულნელი და ნელსაცხებელი... და პოვეს ლოდი იგი გარდაგორებული საფლავისა მისგან“ (23, 56-24, 1, 2). „ცისკარსა მსთუად“, შესაძლოა, ნიშნავს შვიდეულის პირველი დღის აღიონის გამონათების დაწყებას, რამეთუ უკვე საესებით გასულა შაბათი, მთელი მისი მომდევნო ღამით, და იწყება მეორე დღე, როცა მოვიდნენ სურნელებათა და ნელსაცხებელთა მომტანნი. საიდანაც ცხადია, რომ უფალი მანამდე დიდი ხნით ადრე აღდგა მკედრეთით. ამასვე მიჰყვება მარკოზიც, ამბობს რა: „იყიდეს ნელსაცხებელი, რამათ მოვიდენ და სცხონ მას. და ნიად განთიადსა მას ერთშაბათისასა მოვიდეს საფლავსა მას ზედა მერმეცა აღმოსლვასა ოდენ მზისასა“ (16, 1, 2); ამანაც თქვა: „ნიად განთიადსა“-ო, რაც ერთმნიშვნელოვანია გამოთქმისა „ცისკარსა მსთუად“, და დასძინა: „აღმოსლვასა ოდენ მზისასა“-ო. ცხადია, მათი გამოსვლა და გზაზე დადგომა დაიწყო ღრმა დღით, „ნიად განთიადსა“; ხოლო მსველელობასა და საფლავთან დაყოვნებაში განლიეს მათ დრო მზის ამოსვლამდე. და მაშინ სპეტაკი თოვლივით თეთრი სამოსით შემოსილმა ჭაბუკმა – ანგელოზმა უთხრა მათ: „აღდგა, არა არს აქა“ (მარკ. 16, 6). დაუდგენთ რა, რომ ეს სწორედ ასეა, ჩვენ შემდეგს მივუგებთ იმის ზუსტი გადაწყვეტის მომთხოვნით, თუ საკუთრივ რომელ საათზე (ქამს), რომელი საათის ნახევარზე თუ რომელი საათის მეოთხედშია ჯეროვანი მხიარულების დაწყება ჩვენი უფლის მკედრეთით აღდგომის გამო: ჩვენ არ ვიწონებთ იმათ, რომლებიც ზედმეტად ჩქარობენ და შუალამის დადგომამდე, თუნდაც სულ მცირედიდაც ადრე, წყვეტენ მარხვას, – როგორც სულმოკლეთ და თავშეუკავებელთ, როგორც ბოლომდე ცურვამიუყვანელთ. რამეთუ როგორც ბრძენი კაცი ამბობს, ცხოვრებაში სულაც არ არის ნაკლებ-

ნიშნელოვანი ის, როცა რაიმეს მცირედს აკლებენ. ხოლო იმათ, რომელთაც სურთ უკანასკნელნი იყვნენ მარხვის შეწყვეტაში და მომდევნო ზღვრამდე — მეოთხე სახუმილაგამდე (ღამის მეოთხე სადარაჯომდე) ითმენენ, რომელშიც ჩვენი მაცხოვარი ზღვაზე სღვით გამოეცხადა ნაჲში მყოფ მოწაფეებს, — ვიწონებთ, ვითარცა მხნეთ და შრომისმოყვარეთ. დიდად არც იმათ გაეკიცხავთ, რომელნიც თავიანთი განსაკუთრებული აღძვრითა თუ შესაძლებლობით, ამასთან, სხვა დროსაც დასცხრებინ მარხვისაგან. რამეთუ მარხვის ექვს დღესაც ყველანი როდი ატარებენ თანასწორად და ერთნაირად: არამედ ერთნი უსაჭმელოდ დაჰყოფენ, და ასე განლევენ ყველა ამ დღეს, სხვანი ორს, კიდევ სხვანი სამს და სხვანი ოთხ დღეს მარხულობენ, ზოგნი კი — არც ერთ დღეს. სრულიად დამაშვრალთ ყველა დღის უსაჭმელოდ გატარებაში, მერმე გათანგულთ და ღამის მთლიანად ძალადკარგულთ, ეპატიებათ მალე თუ იგემებენ საზრდოს. ხოლო რომელთაც არათუ უსაჭმელოდ არ გაუტარებათ დღეები, არამედ საერთოდ არც უმარხულიათ, ანდა ფუფუნებითაც (ნებიერადაც) კი ყოფილან წინამავალ ოთხ დღეს, შემდეგ კი ბოლო ორ დღეს მიწვეწულნი მხოლოდ ამ ორ დღეს — პარასკევსა და შაბათს ატარებენ უჭმელად, და ჰგონიათ, რაღაც დიდი და ნათელი აღვასრულეთო, როცა აღლინამდე დაჰყოფენ მარხვით, — არა მგონია, რომ ესევეთართ იმათი თანასწორი ღვაწლი ჰქონდეთ აღსრულებული, რომლებიც დღეთა დიდი რაოდენობის განმავლობაში იღვწოდნენ მარხვით. ეს მე, ჩემი გულისხმის-ყოფით, მოგწერე რჩევის მოსაცემად.

(მოც. 66; ტრულ. 89)

წინამდებარე 1 კანონი, მის შემდგომ სამ კანონთან ერთად, შეადგენს დიონისეს ეპისტოლეს ლიბიის პენტაპოლისის ეპისკოპოს ვასილიდის მიმართ. ეს არის პასუხი ამ უკანასკნელის თხოვნაზე, განემარტათ მისთვის ის საკითხები, რომლებსაც აღნიშნული ეპისტოლე განიხილავს. დიონისეს ეს კანონი დაედო საფუძვლად ტრულის კრების 89-ე კანონს, რომელსაც დაწვრილებით განმარტავს დიონისეს წინამდებარე კანონი.

კანონი 2

დედაკაცთათვის, რომელნიც განწმედის წესში არიან, ნებადართულია თუ არა ასეთ მდგომარეობაში შესვლა ღმერთის სახლში, — ეს შეკითხვაც კი ზედმეტად მიმარჩნია. რამეთუ არა ეპკონებ, რომ ისინი, თუკი ერთგული მორწმუნენი და კეთილმსახურნი არიან, ამ ყოფაში მყოფნი, გაკადნიერდნენ ან წმინდა ტრაპეზთან მიახლებით, ანდა ქრისტეს სისხლსა და ხორცთან შეხებით. რამეთუ თორმეტწლიანი სისხლმდინარეობის მქონე დედაკაციც თავისი განკურნებისათვის თავად უფალს კი არ შეეხო, არამედ მისი სამოსის კალთას. ლოცვა, უფლის ხსენება და შეწვევის თხოვნა, რა მდგომარეობაშიც არ უნდა იყოს ადამიანი და როგორც არ უნდა იყოს განწყო-

ბილი, არ არის აკრძალული. მაგრამ მიახლება იმასთან, რაც არის წმიდათა წმიდა, დაე, აეკრძალოს არც თუ მთლად განწმენდილს სულითა და სხეულით.

(ტრულ. 69; ლაოდ. 19, 44; ტიმოთე ალექსანდრიელის 6, 7)

საუბარია ქალების შესახებ, რომლებსაც ბუნებრივად ახასიათებთ თვიური განწმენდა. კანონი უკრძალავს მათ დედობრივი წესის მოქმედების დროს ეკლესიაში შესვლას და მით უფრო – წმინდა ზიარებას, სანამ სხეულითაც სავსებით განწმენდილნი არ იქნებიან.

საეკლესიო საკითხებთან დაკავშირებით, ბიზანტიურ კანონმდებლობაში არსებობს კანონი, რომელსაც პირდაპირი კავშირი აქვს წინამდებარე კანონის განწმენდასთან, კერძოდ, ნამშობიარებს შეეძლო ზიარებულყოფი მხოლოდ ორმოცი დღის გასვლის შემდგომ, ანუ, როდესაც სხეულითაც განიწმინდებოდა. ახალშობილებთან დაკავშირებით არსებობდა მოთხოვნა, რომ ისინი, თუ ავადმყოფობა არ ემუქრებოდათ, უნდა მონათლულიყვნენ მერვე დღეს, ხოლო თუ სიკვდილი ემუქრებოდათ, მაშინ მათზე ნათლისღების საიდუმლოს ჩატარება რვა დღის გასვლამდეც შეიძლებოდა.* ჩვილების ნათლობასთან დაკავშირებით ის ჩვენი განმარტება I მსოფლიო კრების მე-14 კანონზე, ხოლო ამ ჩვეულების წარმოშობის შესახებ – კართაგენის 72-ე კანონის განმარტებაში.

კანონი 3

დაქორწინებულნი თავადვე უნდა იყვნენ საკუთარ თავთა სრული მსაჯულები. რამეთუ მათ სმენიათ პავლესი, რომელიც წერს, რომ საჭიროა ურთიერთშეთანხმებით ერთმანეთისგან თავშეკავება „უამ რაედენმე, რაძთა მოიცალოთ ლოცვად და მარხვად; და კულად ურთიერთასვე იყვნით“ (1 კორ. 7, 5).

(ტრულ. 13; კართ. 3, 4, 25; ტიმოთე ალექსანდრიელის 5, 13)

წინამდებარე კანონის მოთხოვნილების საფუძვლიანობისათვის, დიონისე ეყრდნობა პავლე მოციქულს, რომლის მიხედვითაც ცოლ-ქმარმა ერთობლივი შეთანხმებით უნდა შეიკავონ თავი სქესობრივი ურთიერთობისაგან იმ დროის განმავლობაში, რომელიც ლოცვისთვის არის განსაზღვრული; ურჩებისათვის კი მსაჯული, დაე, მათი სინდისი ყოფილიყოს.

კანონი 4

ასევე ისინიც, რომელთაც უნებლიე ღამისეული დენა შეემთხვევათ, დაე, თავიანთ სინდისს მიენდონ და თავად განიხილონ – განიკითხავენ თუ არა ამისთვის საკუთარ თავს, მსგავსად იმისა, როგორც საზრდოს შესახებ ამბობს მოციქული: „ხოლო რომელი-იგი ორგულებდეს, დაღაცათუ ჭამოს,

*ათენის სინტაგმა, IV, 7.

და-ვე-შვილ არს, რამეთუ არა სარწმუნოებით ჭამს“ (რომ. 14, 23). ამ შემთხვევაშიც ყოველ ადამიანს, ვინც ღმერთს მიეახლება, დაე, დაწყნარებული სინდისი და კეთილი კადნიერება პქონდეს საკუთარი განსჯით.

ეს შეკითხვები შენ, საყვარელო შვილო, შემოგვთავაზე ვითარცა პატრიის-მომგებელმა ჩვენმა (და უეჭველია, არა როგორც არმცოდნემ), განგვაწყობ რა ვიყოთ ერთი აზრისანი და ერთსულოვანი შენთან, ვითარცა ვართ კიდევ. ხოლო მე, არა როგორც მოძღვარმა, არამედ როგორც შეგვეფერება ჩვენ ერთმანეთთან საუბარი, მთელი უბრალოებით, შემოგთავაზე ჩემი შეხედულება. განსაჯე ეს, ჩემო უკეთილგონიერესო ძეო, და მომწერე, თუ რა წარმოგიდგენია უფრო სამართლიანად და უმჯობესად, თუმცა როგორც გადაწყვეტ, ისე იყოს. გისურვებ, საყვარელო ძეო, სიმრთელეს და უფლის წინაშე მშვიდობით მსახურებას.

(ათანასე დიდის 1; ტიმოთე ალექსანდრიელის 12)

ღამისეულ უნებლიე დენაში, რომლის შესახებაც წინამდებარე კანონი ლაპარაკობს, იგულისხმება თესლის დენა. ათანასეს პირველ კანონში, სხვაგვარად ამონის მიმართ ეპისტოლეში, ამას „ბუნებრივი დენა“ ეწოდება და იქ ამის შესახებ დაწერილებითაა საუბარი. ამასთან დაკავშირებით შდრ. „სიტყვა იმათ შესახებ, ვისაც ბუნებრივი თესლდენა შებილწვად მიაჩნია“.* ასევე, ბალსამონის მე-10 კანონიკური პასუხი.** წინამდებარე კანონის მეორე ნაწილი წარმოადგენს ეპისკოპოს ვასილიდის მიმართ დიონისეს ეპისტოლეს ბოლო ნაწილს.

*ათენის სინტაგმა, IV, 598 და შემდგ.

**ათენის სინტაგმა, IV, 455.

კანონიკური ეპისტოლე წმინდისა ბრიგოლისა,
ნემოქსარიის მთავარეპისკოპოსისა,
სასწავლთმოქმედისა

კანონი 1 (1-2)

1. ჩვენ არ გვამძიმებს საზრდო, ყოვლადუსამღვდელოესო პაპო,* თუმცა, ჭამდნენ კიდევ ტყვეები მათთვის მათი მფლობელებისაგან შეთავაზებულ საჭმელს, განსაკუთრებით, როცა ყველანი ერთხმად ამბობენ, რომ ჩვენს ქვეყნებზე შემოსეული ბარბაროსები მსხვერპლს არ შესწირავენდენ კერპებს. ხოლო მოციქული ამბობს: „საზრდელი მუცლისათვის და მუცელი საზრდელისათვის; ხოლო ღმერთმან იგიცა და ესეცა განაქარვოს“ (1 კორ. 6, 13). მაცხოვარმაც, რომელი განსწმედს ყოველგვარ საზრდოს, თქვა: „არათუ პირით შემავალი შეაგინებს კაცსა, არამედ პირით გამომავალი შეაგინებს კაცსა“ (მთ. 15, 11).

2. სამძიმო არც ის არის, რომ დატყვევებული ქალები განიხრწნენ ბარბაროსთაგან, რომლებმაც შეაგინეს მათი სხეულები. მაგრამ თუკი მანამდეც საძრახისი იყო ზოგიერთი მათგანის ცხოვრება, რომელნი ვლენან მემრუშეთა თვალთა წინაშე, – როგორც ამბობს საღმრთო წერილი, – მაშინ ცხადია, რომ მათი მრუში განწყობა ეჭვს იწვევს ტყვეობის დროსაც, და ესეითარნი არცთუ მაღე უნდა იქნენ დაშვებულნი ღოცვითი ერთობისათვის. ხოლო თუ რომელიმე ქალი, სრულ კეთილკრძალებულებაში მცხოვრები, რომელმაც თავისი უწინდელი ცხოვრება უბიწო და ყოველგვარი ეჭვისაგან თავისუფალი წარმოაჩინა, აწ შეგინებას ეწია ძალადობითა და იძულებით, ასეთი შემთხვევისათვის მეორე რჯულის წიგნში ყრმა ქალის მაგალითი გვაქვს, რომელიც ვიღაც კაცმა იპოვა ველად და ძალდატანებით დაეუფლა მას: „ხოლო ქალსა მას ნურასა ვინ ავენებ, – ამბობს რჯული, – რამეთუ არა თანა აცს მას ბრალი სიკუდილისა, ვითარცა უკუემ ვინმცა აღდგა მოყუასსა თუსა ზედა, და მოჰკლა სული მისი, ეგრეთ არს საქმე ესე ვინათგან ველსა ზედა იპოვა იგი: კმა ყო ქალმან მან დაწინდულმან და არა იყო შემწე მისა“ (მეორე სჯული 22, 26, 27). ასეთივეა ის შემთხვევებიც.

(მოც. 62, 67; I მსოფ. 11; IV მსოფ. 27; ანკეირ. 4, 5; პეტრე ალექსანდრიელის 14; ბასილი დიდის 49)

წინამდებარე კანონი, მის შემდგომ ცხრა კანონთან ერთად, შეადგენს გრიგოლის კანონიკურ ეპისტოლეს. იგი მიემართება პონტოს ერთ-ერთ ეპისკოპოსს, – რომელსაც გრიგოლი „ყოვლადუსამღვდელოეს პაპს“ უწოდებს, როგორც, ზოგადად, იმ დროში ეპისკოპოსებს მიმართავენდენ ხალხში, – თუმცა, ეპისტოლე განკუთვნილია პონტოს ყველა ეპისკოპოსისათვის. იგი იმათ ეხება, ვინც ბარბაროსების შემოსევისას (მაგალითად, გოთების), კერპებისთვის შენაწირი შეჭამეს ან სხვა შეცოდებე-

*ეპისტოლე მიწერილია ალექსანდრიის მთავარეპისკოპოსისადმი, რომელიც, ძველი ჩვეულებებისამებრ, პაპადაც იწოდება.

ბი ჩაიდინეს, როგორც ეს თვით ეპისტოლეს სათაურშია აღნიშნული,* და 10 ცალკეული კანონით შესაბამის სასჯელებს განუწესებს მათ.

წინამდებარე კანონი თავიდან იმ ქრისტიან ტყვეებზე საუბრობს, რომლებიც ბარბაროსებთან ჭამდნენ, შემდეგ კი იმ ტყვე ქალებზე, რომლებიც ბარბაროსებმა ხორციელად შებილწეს. იმ ორი საკითხის შესაბამისად, რომელთა შესახებაც წინამდებარე კანონი საუბრობს, ის „კანონთა წიგნში“ და ასევე „პიდალიონში“ ორად არის გაყოფილი.

პირველთან დაკავშირებით, ანკვირიის კრებამ თავისი მე-4 და მე-5 კანონებით ეპიტიმიას დაუქვემდებარა ის ქრისტიანები, რომლებმაც კერპისთვის მსხვერპლად შეწირული ჭამეს, თუნდაც მათ ეს გაეკეთებინათ მტანჯველების მხრიდან ძალის გამოყენებით. ამ საკითხთან დაკავშირებით, წმინდა გრიგოლი მხედველობაში იღებს იმას, რომ ქრისტიანებს, რომლებიც ბარბაროსებთან ერთად ჭამდნენ, შეიძლება ეჭამათ მხოლოდ შიმშილის მოსაკლავად და არა როგორც კერპისთვის შეწირული მსხვერპლი; ასეთ შემთხვევაში მათ არ მიიჩნევა შემცოდებლებად და არ აკისრებს რამე სასჯელს, რამეთუ ეყრდნობა წმინდა წერილიდან მაცხოვრის სიტყვებს: „*ართუ პირით შემავალი შეაგინებს კაცსა, არამედ პირით გამოძეული შეაგინებს კაცსა.*“ რაც შეეხება ბარბაროსების მიერ დატყვევებულ ქალებს და მრუშობით შებილწულებს, წმინდა მამა ამ კანონის მეორე ნაწილში (ან „კანონთა წიგნის“ რედაქციით მე-2 კანონში), ერთმანეთისგან ასხვავებს ქალებს, რომელთა ცხოვრებაც მანამდე წმინდა და ყოველგვარი ეჭვისგან თავისუფალი იყო, და მხოლოდ ახლა იქნა ბარბაროსების მიერ გაუპატიურებული, – იმ ქალებისაგან, რომლებიც მსუბუქი ყოფაქცევით იყვნენ ცნობილნი და მანამდეც სამარცხვინოდ ცხოვრობდნენ. პირველებს არ თვლის იგი დამნაშავედ და არ უწესებს რაიმე სასჯელს, მეორეთა შესახებ კი ამბობს, რომ ისინი „*არცთუ მალე*“ დაიშვებიან ღოცვით ერთობაში და, მაშასადამე, უნდა დაექვემდებარონ შესაბამის ეპიტიმებს. განწესებას იმის შესახებ, რომ მრუშობით შებილწული ქალი (ძალადობის მსვერპლი) სასჯელს არ იმსახურებს, ბასილი დიდის 49-ე კანონშიც ვხვდებით.

კანონი 2 (3)

მაგრამ მძიმე საქმეა ანგარება, და შეუძლებელია ერთ ეპისტოლეში გადმოვცეთ საღმრთო წერილის ყველა ის ადგილი, სადაც არა მხოლოდ მძარცველობა, არამედ საერთოდაც მომხვეჭელობა და სხვისი საკუთრების მითვისება საძაგელი მონაგარისთვის გამოცხადებულია საზოგადო და საშინელ საქმედ, და მასში ბრალეული ადამიანი ექვემდებარება ღმერთის ეკლესიიდან გაძევებას. ხოლო ის, რომ ბარბაროსთა შემოსევისას, ესოდენი ჭირისა და გოდების ჟამს, ზოგიერთნი გაკადნიერდნენ ეს დრო, ყველას დადუპებით რომ ემუქრება, საკუთარი გამდიდრების დროდ მიენჩიათ, – დამახასიათებელია უკეთური და ღმერთმოძულე ადამიანებისთვის, რომ-

* „ბარბაროსების შემოსევისას კერპებისთვის შეწირული საკვების მჭამელთა და სხვა რაიმეში შემცოდებელთა შესახებ“.

ლებიც სისაძაგლის უკიდურეს ზღვრამდე მისულან. ამიტომ სამართლიან-ადაა აღიარებული ყველა ასეთი ადამიანის განდევნა ეკლესიიდან, რათა მთელს ერს არ ეწიოს (ღმერთის) რისხვა, და პირველ ყოვლისა თავად (ეკლესიის) წინამძღვრებს, რომლებიც შემცოდებლებს პასუხს არ სთხოვენ ამისთვის. მეშინია, ღმერთმა არა წარსწყმიდოს მართალი უღმრთოსა თანა, როგორც ამის შესახებ წმინდა წერილშია ნათქვამი (იხ. დაბ. 18, 23), რადგან წერია აგრეთვე, რომ „ყოველსა მეძავსა და არაწმიდასა და ანგ-აქრსა, რომელ არს კერპთ-მსახური, არა აქუს მკედრობა სასუფეველსა ქრისტესსა და ღმერთისასა“ და „ამისთვის მიიწევის რისხვამ ღმრთისამ ნაშობთა მათ ზედა ურჩებისათა. ნუუკუე იქმნებით მსგავს მათა, რამეთუ იყვენით ოდესმე ბნელ, ხოლო აწ ნათელი ხართ უფლისა მიერ; ვითარცა შეიღნი ნათლისანი, ვიდოდეთ, რამეთუ ნაყოფი სულისამ ყოველითა კეთილ-ითა და სიმართლითა და ტეშმარტებითა. გამოიცადეთ, რამ-იგი არს სათნო უფლისა, და ნუ თანა-ეზიარებით საქმეთა მათ უნაყოფოთა ბნელისათა, არამედ უფრომსლა ამხილებდითცა. რამეთუ რამ-იგი ფარულად იქმნების მათ მიერ, საბაველ არს სიტყუადცა. ხოლო ყოველივე მხილებული ნათლის-აგან გამოცხადნების, რამეთუ ყოველივე განცხადებული ნათელ არს“ (ეფეს. 5, 5-13), – ასე ამბობს მოციქული. ხოლო თუკი ზოგიერთნი, რომლებსაც უწინდელი მომხვეჭელობისათვის სასჯელი დაედოთ, როდესაც მშვიდობა სუფევედა, ახლა – მრისხანების ჟამს – კვლავ მიექცევიან მომხვეჭელო-ბისაკენ და საკუთარ ანგარებას ეძებენ ლტოლვილი ადამიანების სისხლ-სა და დაღუპვაში, ან ტყვეების მოკვდინებაში, – მაშინ სხვას რას უნდა ველოდოთ, თუ არა იმას, რომ მომხვეჭელობას შეევრდომილნი (ღვთის) რისხვას მოიწევენ საკუთარ თავზეც და მთელ ერზეც?

(კართ. 5; გრიგოლ ნოსელი 6)

წინამდებარე კანონში საუბარია „ანგარებაზე“, რომელიც პავლე მოციქულის სიტყვებით (კოლ. 3, 5), ყველა ბოროტებისა და მოყვასთა ქონების წინააღმდეგ სხვა დანაშაულებათა ფესვია. გრიგოლ ნოსელის მე-9 კანონის განმარტებაში ჩვენ უფრო ვრცლად შევჩერდებით ანგარების საკითხზე. იმ ქრისტიანებთან მიმართე-ბით, რომლებმაც პონტოსზე ბარბაროსების შემოტევისას ანგარებისადმი ლტოლვა გამოამჟღავნეს, – ცდილობდნენ რა მიეტაცებინათ სხვისი საკუთრება საძაგელი მონაგარისათვის, – წმინდა გრიგოლ ნეოკესარიელი, თავის ამ კანონში ამბობს, რომ ყველა ისინი უნდა მოიკეთონ ეკლესიიდან ანუ, უქვემდებარებს მათ ყველაზე უმძიმეს სასჯელს, რაც კი შეიძლება განეწესოს ერისკაცს მძიმე დანაშაულისთვის.

კანონი 3 (4)

განა ამ აქარმა, ზარას ნათესავისაგან, არ შესცოდა შეცოდებით, როდესაც აიღო „შერევენებულისა მისგან“ და განარისხა „გულის წყრომითა უფალი ძეთა ზედა ისრაელისათა“ (ისუ ნავესი 7, 1, 2)? მხოლოდ მან ერთმა შესცოდა, მაგრამ მარტო არ მომკვდარა თავის ცოდვაში. ჩვენც ახლა

ასევე გემართებს ჩვენთვის შეჩვენებულად ჩავთვალოთ ყოველგვარი ქონება, რაც სხვისია და არა — ჩვენი. რამეთუ როგორც აქარმა აიღო ნადავლისაგან, ამგვარადვე ნადავლისგან იღებენ ახლა ესენიც, ოღონდ იმან მტრისა იღო, ესენი კი ახლა ძმათა მიმართ ანგარებენ. დამლუპველი ანგარებაა.

(მოც. 72; ორგ. 10; ბასილი დიდის 61; გრიგოლ ნოსელის 6, 8)

წინამდებარე კანონი „შეჩვენებულს“ უწოდებს ყველა იმ ნივთს, რომელიც ჩვენი არ არის, სხვისია, და ვითვისებთ თვითანგარების მიზნით. ამ ტერმინს აქ წმინდა მამა იყენებს იმ ფაქტთან ანალოგიით, რომელსაც ადგილი ჰქონდა ისო ნავეს დროს. როდესაც ებრაელებმა იერიქონი ალყაში მოიქციეს, ისო ნავეს ძემ გამოაცხადა, რომ ქალაქის მთელი ნადავლი ღმერთისთვის უნდა შეეწირათ. მიუხედავად ამისა, ვინმე აქარმა, ბრძოლით მოპოვებული ქონებიდან, რამდენიმე ძვირფასი ნივთი მიითვისა. როდესაც ეს ამბავი გამჟღავნდა, ის თავის ცოლ-შვილთან ერთად ქვებით ჩაქოლეს, მთელი მათი ქონება კი გაანადგურეს. კიდევ უფრო მძიმე სასჯელს უნდა დაექვემდებარონ ის ქრისტიანები, — წინამდებარე კანონის თანახმად, — რომლებმაც სამხედრო ნადავლიდან რამე მიითვისეს ბარბაროსების შემოსევისას, რამეთუ აქარმა მიითვისა მტრის კუთვნილი ნივთები, ამათ კი — ძმების საკუთრება. სხვა სიტყვებით, მძიმე სასჯელს ექვემდებარება ყველა ის პირი, ვინც სამხედრო ნადავლიდან მიითვისებს რამე ისეთ ნივთს, რაც მტერს არ ეკუთვნოდა. თუკი სამხედრო ნადავლი მტრის კუთვნილებას წარმოადგენდა, მაგრამ წინასწარ იყო განპირობებული, რომ ის მთლიანად ეკლესიას უნდა გადასცემოდა და, შესაბამისად, ღმერთის შესაწირი იყო, ასეთ შემთხვევაში ის პირები, რომლებიც ამ ნადავლიდან რაიმეს მოიპარავენ, ასევე ექვემდებარებიან მძიმე სასჯელს, თუმცა, მანც, — წმინდა მამის აზრით, — არც იმდენად მძიმეს, როგორც პირველ შემთხვევაში.

კანონი 4 (5)

დაე, ნურავინ იცთუნებს თავს იმით, რაც იშოვა: რამეთუ არ შეიძლება ანგარებას ეწეოდნენ ნაპოვნითაც. მეორე რჯულის წიგნში ნათქვამია: „ნუ უბუღებელს ჰყოფ ზროხასა, გინა ცხოვარსა შეცთომილსა ძმისა შენისასა, ნუ უღებ ჰყოფ მას, არამედ მოქცევით მოაქციო იგი და მისცე ძმასავე მას შენსა. უკეთუ შორს იყოს ძმა იგი შენი, ადგილ, უბანსა ნუ დაუბრუნებ მას, არამედ მოიყუანე იგი სახიდ შენდა, და რაჟამს ეძიებდეს ძმა იგი შენი მიეც მას. ეგრეცა კარაული მისი ჰყო, ეგრეცა სამოსელი მისი ჰყო, ეგრეცა ყოველივე რაიცა წარწყმედილ იყოს ძმისა შენისა, რაჟამს ჰპოო იგი, არა უბუღებელს ჰყო იგი, არამედ აღიღო იგი და მისცე მას. ნუ უბუღებელს ჰყოფ კარაულსა ძმისა შენისსა ანუ კარსა, რომელი დაცემულ იყოს შეეწიო მას და აღადგინო იგი“ (მეორე რჯ. 22, 1-4), — ასე გვილადადებს მეორე რჯული. გამოსვლათა წიგნში კი არამხოლოდ ძმის (მოყვანის) საკუთრების მპოვნელზეა ნათქვამი, არამედ მტრისაზეც — როცა სხვისას იპოვი, უნდა „მოაქციო და მისცე იგი“ პატრონს (გამოსვ. 23, 4, 5). ხოლო თუკი დაუშვებელია მშვიდობის დროს ანგარებდე შენი უზრუნველი და ფუფუნებაში

მყოფი ძმისა თუ მტრის დაუდევრობით დაკარგული საკუთრების მიმართ, მაშინ რაოდენ მეტადრე დაუშვებელია უბედურებაში მყოფის, მტრისაგან ლტოლვილის მიმართ იქმოდენ ამას, რომელიც იძულებით ტოვებს თავის საკუთრებას.

(გრიგოლ ნოსელის 6)

ჩვენთვის ცნობილია მე-2 კანონის განწესება, რომლის თანახმადაც, ეკლესიიდან მოიკვეთება ყოველი, ვინც მხილებულ იქნება ანგარებაში, ანუ ვინც რაიმე გზით ცდილობს მიითვისოს ის, რაც მას არ ეკუთვნის – რაზედაც კანონიერი უფლება არა აქვს. წინამდებარე კანონით ისჯება ის პირიც, ვინც მიითვისებს გზაზე ნაპოვნ ნივთს, რომელიც მას არ ეკუთვნის. მტკიცებულებისათვის წმინდა მამას მოჰყავს ორი ადგილი ძველი აღთქმიდან. მსგავსი ქმედება ისჯება როგორც ძველი, ისე ახალი სამოქალაქო კანონებითაც. ყოველგვარი უკანონო მიითვისებისათვის იმ ნივთისა, რაზედაც უფლება არ გაგვაჩნია, ანტიოქიის კრება თავისი 25-ე კანონით კანონიკურ სასჯელს განუწესებს ეკლესიის დასის წევრებს ზოგადად. და ეპისკოპოსებს – კერძოდ. იგივე საგანზე საუბრობს კიდევ ამ წმინდა მამის მე-5, მე-9, და მე-10 კანონები.

კანონი 5 (6)

სხვანი კი თავს იმით იცთუნებენ, რომ ინახავენ ნაპოვნ სხვის საკუთრებას, ნაცვლად თავისი დაკარგულისა. ამგვარად, რადგანაც ვორადები და გოთები მტრულად ექცეოდნენ მათ, ამიტომ ისინიც სხვებისთვის ვორადებად და გოთებად იქცნენ. ამისთვის ჩვენ წარმოგივლინეთ ჩვენი ძმა და თანამოღვაწე ბერი ეფუროსინოსი, რათა მან მოქმედების აქაური წესის მაგალითისამებრ, მანდაც დააწესოს მსგავსი, და დაადგინოს, თუ ვისგან არის ჯეროვანი ბრალდებების მიღება და ვინ უნდა განიყენოს ლოცვებიდან.

(მოც. 74; II მსოფ. 6; კართ. 30, 128, 129; გრიგოლ ნეოკესარიელის 2, 3)

სასჯელს ექვემდებარებიან ისინიც, ვინც სხვისი, ნაპოვნი ნივთის მიითვისებას იმით ამართლებს, რომ მიითვისა ის მანამდე მის მიერ დაკარგული ნივთის საზღაურად. თუმცა, ასეთნაირი თავის მართლება სხვა არაფერია, თუ არა მოპარვის გამართლება, ამიტომ მსგავსი დანაშაულისათვის სასჯელი საცხებით კანონიერია.

წინამდებარე კანონში წმინდა მამა ამატებს, რომ იგი პონტოს ეპისკოპოსთან, რომელსაც წინამდებარე კანონიკური ეპისტოლე მიემართება, აგზავნის ძმას ეფუროსინოსს, რომელიც იმათ გააცნობს, თუ როგორ იქცევა ის თავის ეპარქიაში მსგავსი შემთხვევებისას, შემდეგ – ვისგან არის მართებული საჩივრების მიღება ზოგიერთი პირის წინააღმდეგ, დაბოლოს – ვინ უნდა განკანონდეს ლოცვებიდან ბრალდების დამტკიცების შემთხვევაში, ანუ გაძევდეს ეკლესიიდან – როგორც ზონარა განმარტავს კანონის გამოთქმას: „განიყენებას“ – და გამოცალკეოდნენ ერთგული მორწმუნეებისგან, რათა არ ილოცონ მათთან ერთად. თუმცა, რაგვარად მოქმედებდა ეს წმინდა მამა თავის საეკლესიო სამთავროში ბრალმდებლებთან

დაკავშირებული საკითხების გადაწყვეტისას (ეს იყო III საუკუნის მეორე ნახევარი), — ამ კანონიდან არ ჩანს. ხოლო შემდგომი საეკლესიო კანონმდებლობის შესახებ აღნიშნულ საკითხთან დაკავშირებით, ჩვენ ვისაუბრეთ II მსოფლიო კრების მე-6 და კართაგენის კრების 30-ე, 128-ე და 129-ე კანონების განმარტებებში.

კანონი 6 (7)

გვეუწყა აგრეთვე რაღაც დაუჯერებელი რამ, რაც ჩვენს ქვეყანაში მომხდარა, უეჭველია, ურწმუნო და უკეთურ ადამიანთაგან, რომელთაც უფლის სახელიც კი არ შეუცვნიათ: რომ თითქოს ზოგიერთნი ისეთ სისასტიკემდე და არაადამიანურობამდე მისულან, რომ თავისთან მონობაში ჰყავთ ბარბაროსთა ტყვეობისაგან გამოქცეულნი. წარგზავნეთ იმ მხარეში ვინმე ამის გამოსაძიებლად, რათა მეხი არ დაეცეთ ამის ჩამდენთ.

(ტრულ. 85; ლანგ. 3; კართ. 64)

წინამდებარე კანონი თავისთავად ნათელია. ზოგიერთი მართლმადიდებელი თავისთვის იტოვებდა, მონების სახით, სამხედრო-ტყვეებს, რომლებმაც ძლივს ბარბაროსებს დააღწიეს თავი. უწოდებს რა ამას სისასტიკესა და არაადამიანურობას, წმინდა მამა განაწესებს საქმის გამოძიებას და თუ დამნაშავენი აღმოჩნდებიან, უნდა დაისაჯონ ისინი მათი უკეთური საქციელებისათვის.

კანონი 7 (8)

ხოლო რომელნი თანაშეერაცხნენ ბარბაროსებს და მათთან ერთად, თავიანთი ტყვეობის დროს, დაივიწყეს რა, რომ პონტოელები და ქრისტიანები იყვნენ, იმ ზომამდე გასასტიკდნენ, რომ საკუთარ თანატომელებს ხელკეტებითა თუ მოშობით ხოცავდნენ, ასევე უმეტარ ბარბაროსებს გზებსა და სახლებს უჩვენებდნენ, — ასეთებს მსმენელთა რიგში შესვლაც კი აეკრძალოთ, ვიდრე მათთვის რამეს არ გადაწყვიტენ ერთად შეკრებილი წმინდა მამები, და უწინარეს მათა — სულიწმინდა.

(ანკვირ. 9; ბასილი დიდის 11, 13; გრიგოლ ნოსელის 5)

წინამდებარე კანონში საუბარია სახელმწიფო მოღალატეების შესახებ, რომლებიც მტრის მხარეს გადავიდნენ და ეხმარებიან მათ თავისიანების წინააღმდეგ. უფრო მეტიც, ებრძვიან თავისიანებს, როგორც ნამდვილი მტრები. ასეთ ქრისტიანებთან მიმართებით, რომლებმაც თავი შეირცხვინეს აღნიშნული ბოროტმოქმედებით, კანონი განაწესებს, რომ არ შეიძლება მათი დაშვება მეორე ხარისხის მონანულებთანაც კი, ანუ მსმენელთა რიგში; მათ უნდა დაჰყონ შეტირილებს შორის, ესე იგი, უნდა იდგნენ ტაძრის გარეთ და ტირილით ევედრონ ტაძარში შემავალ ერთგულ მორწმუნეებს ილოცონ ღმერთის წინაშე მათთვის ცოდვების მიტევებისათვის. სინანულის ამ საფეხურზე კი იქამდე უნდა დარჩნენ, სანამ ეპისკოპოსთა კრება არ გადაწყვეტს, თუ რა სასჯელს დაუქვემდებარონ ისინი. კანონის დასკვნით ნაწილში ნათქვამია სულიწმინდის შესახებ, რომელიც შთააგონებს

ეპისკოპოსებს, როდესაც კრებაზე იქნებიან, და შეაგონებს მათ, რაგვარად გაასამართლონ მსგავსი დამნაშავენი. ამაზე ზონარა, ამ კანონის თავისეულ განმარტებაში, შენიშნავს, რომ ამით წმინდა მამა აჩვენებს, რომ ყველაფერი, რასაც ეპისკოპოსები საერთო ბჭობით აწყობენ, ან ზოგადად, ერთგული მორწმუნენი, მათ სულიწმინდის მიერ შთაგონებით.

კანონი 8 (9)

თუკი სხვათა სახლებზე თავდასასხმელად გაკადნიერებულნი ბრალის წაყენების შემდეგ მხილებულ იქნებიან ამაში, დაე, წმინდა წერილის მსმენელთა რიგში დადგომის ღირსნიც ნუ გახდებიან. მაგრამ თუკი თავადვე განაცხადებენ საკუთარი დანაშაულის შესახებ და მიტაცებულსაც დააბრუნებენ, მაშინ, დაე, მონანულთათვის განწესებული შეწყნარების წესით შეუვრდნენ.

(ბასილი დიდის 61; გრიგოლ ნეოკესარიელის 2; გრიგოლ ნოსელის 6)

როგორც მე-7, ისე წინამდებარე და შემდგომ კანონშიც წმინდა მამა განაწესებს სასჯელებს შესაბამისი დანაშაულებებისათვის. აქ საუბარია ქურდობის მიზნით სხვის სახლებზე თავდასხმელთა შესახებ; კანონი ადგენს, რომ დამნაშავეებს, – თუ მათ არა საკუთარი ნებით აღიარეს ცოდვები, არამედ მხილებულ იქნენ სასამართლოზე, – სასჯელის სახით განეწესოს *შეტირილთა* რიგში დგომა, ესე იგი, უნდა დადგნენ სინანულის ყველაზე დაბალ საფეხურზე. ხოლო, თუკი თავად აღიარეს ჩადენილი დანაშაული და მოპარული მის კანონიერ მფლობელს დაუბრუნეს, მაშინ, ასეთ შემთხვევაში, ისინი უნდა განწესდნენ სინანულის მესამე საფეხურზე, *შევრდომილთა* რიგში. რაც ნიშნავს, რომ ეკლესიაში შეიქცეოთ ყოფილიყვნენ მორწმუნეებთან ერთად, მაგრამ – მუხლმოდრეკილნი, და მხოლოდ – კათაკმეველთათვის ლოცვამდე, რომლის შემდეგაც ტაძარი უნდა დაეტოვებინათ.*

კანონი 9 (10)

ხოლო რომლებიც ველზე ან საკუთარ სახლებში ბარბაროსებისგან დარჩენილ რაიმე ნივთს მიიხვეჭენ,** და ამაში ბრალდების წაყენების შემდეგ იმხილებიან, დაე, დადგინდნენ *შევრდომილთა* რიგში, ხოლო, თუკი თავადვე განაცხადებენ და ნაპოვნს დააბრუნებენ, მაშინ ლოცვის ღირსნიც გახდნენ.

(ბასილი დიდის 61; გრიგოლ ნეოკესარიელის 2, 5, 8; გრიგოლ ნოსელის 6)

**შევრდომილნი* მუხლმოდრეკილნი იდგნენ მორწმუნეებთან ერთად ამბიონის დასავლეთ ნაწილში. მსმენელთა ეკლესიიდან გასვლისთანავე (*მსმენელები* კათაკმეველებთან ერთად გამოდიოდნენ ეკლესიიდან), ისინი დაემხობოდნენ მიწაზე; ეპისკოპოსი ლოცულობდა მათთვის და შემდეგ ისინი გადიოდნენ ეკლესიიდან – „დიდი სჯულისკანონი“, გამოცემლობა „მეტანიურება“, 1975, გვ. 596.

**ცხადია, არა ბარბაროსების საკუთრებაზეა საუბარი, არამედ მათ მიერ ადგილზე მიტაცებული შესახებ. – *მთარგ.*

ამ კანონში, ისევე, როგორც მე-4 და მე-5 კანონებში, საუბარია ვინმეს მიერ ნაპოვნ და მითვისებულ ნივთებზე. თანაც, თუ მოკუნელი არ დააბრუნებს ნივთებს კუთვნილებისამებრ და არ აღირებს მითვისებას, საქმე კი სასამართლოს გადაეცემა და იქ იგი მხილებული აღმოჩნდება, ასეთ შემთხვევაში მას, სასჯელის სახით, *შეერდომილთა* რიგებში ყოფნა განეწესება. ხოლო თუ განაცხადებს ნაპოვნის შესახებ და დააბრუნებს მას, მაშინ დამნაშავე არ არის, თუმცა კანონი ასეთის მიმართაც ამბობს, რომ მხოლოდ ლოცვით ერთობაში უნდა დარჩეს (*თანამდგომარე*) და წმინდა ზიარების უფლება არ აქვს. სასჯელი, ერთი შეხედვით, გაუპართლებელია, ამიტომაც ბალსამონი მისეულ განმარტებაში შენიშნავს, რომ ეს რაღაც ახალია, რამეთუ ის უმაღლ მადლობას იმსახურებს იმისათვის, რომ შეინახა ტყვედყოფილის ქონება და დააბრუნა იგი.

კანონი 10 (11)

ამ მცნების აღმსრულებლებმა ყოველგვარი ბილწი მომხვეჭელობის გარეშე უნდა აღასრულონ ის, და არ მოითხოვონ საზღაური აღნიშნული ნივთების დაბრუნებისათვის, არც მათი შენახვისათვის, არც პოვნისათვის თუ სხვა რაიმესათვის, რა სახელიც არ უნდა უწოდონ ამის საბაბს.

(*გრიგოლ ნეოკესარიელის 4, 5; გრიგოლ ნოსელის 6*)

ეს კანონი განაწესებს, რომ ის, ვინც რაიმე ნივთს იპოვის, არ უნდა მოითხოვოს იმის სანაცვლოდ, რომ განაცხადა და დააბრუნა, რაიმე სახის ჯილდო, რადგან ასეთ შემთხვევაში იგი დაამტკიცებდა რომ „სიბილწის მომხვეჭელს“ წარმოადგენს. მან ეს უნდა გააკეთოს კეთილი ნებითა და ქრისტიანული ზნეობის მოთხოვნილების საფუძველზე. თუმცა, ეს მხოლოდ იმ შემთხვევას ეხება, რომლის შესახებაც წმინდა გრიგოლ ნეოკესარიელის კანონები ლაპარაკობს. ხოლო როდესაც ვინმე იპოვის ნივთს, რომლის მფლობელმაც ის შემთხვევით ან დაუდევრობით დაკარგა, მაშინ არანაირ „სიბილწის მომხვეჭელობას“ არ ექნება ადგილი, თუკი მოკუნელი დაკარგულ ნივთს მის კანონიერ მფლობელს დაუბრუნებს და ამისთვის დასაჩუქრებას მოითხოვს.

კანონი 11 (12)

შეტირება სამლოცველო ტაძრის კარიბჭის გარეთ ხდება, სადაც შემცოდებელი უნდა იდგას და მისთვის ლოცვას ევედროს (ტაძარში) შემსულელ მორწმუნეებს. *მსმენელობა* ტაძრის კარიბჭის შიგნით ხდება – სტოაში, სადაც ცოდევილი უნდა იდგეს კათაკმეველთათვის ლოცვამდე, ხოლო ამის შემდეგ გარეთ გავიდეს. რამეთუ წესი გვიღადადებს: მოისმენს რა წერილსა და დამოძღვრას, დაე, განვიდეს, და ნუ იქნება ღირსი ლოცვისა. *შეერდომილთა* წესი ის არის, როცა მონანული ტაძრის შიგნით დგას და კათაკმეველებთან ერთად გადის ტაძრიდან. ხოლო *თანამდგომარეთა* წესი – როცა მონანული მართლმორწმუნეებთან ერთად დგას ტაძარში და არ

გადის კათაკმეველებთან ერთად. საბოლოო კი არის წმინდა საიდუმლოთა ზიარება.

(*1 მსოფ. 11; ანკეირ. 4, 8, 9; ბასილი დიდის 22, 56, 75, 81, 83*)

წინამდებარე კანონი წარმოადგენს გრიგოლ ნეოკესარიელის ეპისტოლეს უფრო გვიანდელ დამატებას, რომელიც 10 კანონს მოიცავს; თუმცა, ყველა ძველ კანონიკურ კრებულში ეს კანონი მიჩნეულია ეპისტოლეს შემადგენელ ნაწილად. ჩვენ ასევე აღვნიშნეთ, რომ წინამდებარე (მე-11) კანონი შედგენილია იგივე საკითხთან დაკავშირებით ბასილი დიდის განწესებიდან, კერძოდ, ბასილი დიდის 75-ე კანონიდან. დაწერილებით სინანულის ხარისხების შესახებ ნათქვამია „კანონების მიმოხილვაში“, რომელიც დაბეჭდილია „ათენის სინტაგმაში“ (IV, 405) და ეს იქ დგას ბასილი დიდის სახელით. იგივეს ვხვდებით „კორმჩაიაშიც“ (თავ. 23-ე), სადაც მოხსენიებულია, როგორც ამ კანონში, სინანულის ოთხი ხარისხი: „შეტირება“, „მსმენელობა“, „შეერდობა“ და „ერთგულებთან თანამდგომარე-ყოფა“. წინამდებარე კანონის განწესების შესახებ ჩვენ მიერ უკვე ნათქვამია, რაოდენიც საჭიროა, I მსოფლიო კრების მე-11 კანონის განმარტებაში. უფრო მეტი ცნობიერებისათვის შეგიძლიათ იხ. იქვე მოყვანილი ძველი ქრისტიანული ეკლესიის გეგმის გამოსახულება.



**კანონები წმინდა პეტრესი, ალექსანდრიის
მთავარეპისკოპოსისა და მოწამისა, მისი სიტყვიდან
სინანულის შესახებ**

კანონი 1

რადგანაც უკვე მეოთხე პასეკი ახლოვდება დევნილობის დასრულებიდან, ამიტომ საკმარისია განყენების დრო იმათთვის, რომელნიც დასმენას ეწივნენ, საპურობილეში იყვნენ ჩაგდებულნი, სასტიკი ტანჯვა-წამება და აუტანელი ჭრილობები და ბევრი სხვა მიძიმე შეჭირვება დაითმინეს და რომელთაც, ბოლოს, სხეულის უძღურებამ უღალატა. მართალია, ისინი თავიდან არ იყვნენ შეწყნარებულნი ეკლესიაში მათი უმძიმესი დაცემის გამო, მაგრამ რადგანაც მათ ბევრი იღვაწეს და დიდხანს ეწინააღმდეგებოდნენ მტერს (რადგან რწმენას გარდახდნენ არა თავიანთი ნებით, არამედ იმის გამო, რომ სხეულის უძღურებამ დააღალატა ისინი, რამეთუ იესოსნაირ ჭრილობებსაც კი წარმოაჩენენ ხოლმე თავიანთ სხეულებზე და ზოგიერთი მათგანი უკვე მესამე წელია შეტირილთა რიგში დგას), ამიტომ მათ ამ ეპიტიმიას კიდევ ორმოცი დღე დაემატოს, იმის გახსენებით, თუ როდის მიეახლნენ ისინი ეკლესიას. ამ რაოდენობის დღეთა განმავლობაში უფალი და მაცხოვარი ჩვენი იმარხვიდა ნათლის-ღების შემდეგ და მერმე გამოცდილ იქნა ეშმაკისგან. ამ რაოდენობის დღეთა განმავლობაში, დაე, ესენიც დაშვრებოდნენ და უფრო გულმოდგინედ მარხულობდნენ, ამასთან ლოცვებში მღვიბარებდნენ და განუწყვეტლივ ფიქრობდნენ იმ სიტყვებზე, უფალმა რომ უთხრა მაცთურს, რომელიც მისგან თავის თავყანისცემას მოითხოვდა: „წარყედე ჩემგან მართლუკუნ, სატანა, რამეთუ წერილ არს: „უფალსა ღმერთსა შენსა თაყუანის-სცე და მას მხოლოსა კმსახურებდე“ (მთ. 4, 10).

(მოც. 62; I მსოფ. 10; ანკვირ. 4; გრიგოლ ნოსელის 2)

წინამდებარე და შემდგომი 13 კანონი, რომლებსაც ლათინურ გამოცემებში „სინანულის კანონები“ ეწოდებათ, შედგენილია პეტრეს სიტყვიდან „სინანულის შესახებ“, რომელიც მან ალექსანდრიაში დაწერა მაქსიმიანეს დევნილობიდან მე-4 წელიწადს – ანუ ქრისტიანული ერის 306 წელს – იმათთვის, ვინც დევნილობის ჟამს დაეცა, და განაწესებს, თუ რა სახის ეპიტიმეებს უნდა დაეკემდებარონ ისინი სინანულში მოსვლის შემთხვევაში.

წმინდა პეტრე ალექსანდრიელის ყველა ეს კანონი, ზოგადად, შეიცავს იმას, რასაც ანკვირიის კრების პირველი 9 კანონი, რომლის სხდომაც შედგა მხოლოდ 8 წლის თავზე იმის შემდეგ, რაც ამ წმინდა მამამ დაწერა თავისი სიტყვა „სინანულის შესახებ“, რომლისგანაც შედგენილია წინამდებარე კანონები. მოხსენიებული ანკვირიის კრების კანონებში ჩვენ საკმაოდ ვისაუბრეთ იმათ შესახებ, ვინც დევნილობისას განუდგა ქრისტიანობას, მათი განდგომის ხარისხებსა და მიზეზებზე, ასევე იმ სასჯელებზე, რომლებსაც უნდა დაეკემდებარებოდნენ შემდგომში, როდესაც დევნილობა შეწყდებოდა და ისინი კვლავ ქრისტიანობას დაუბრუნდებოდნენ.

ამის გამო ჩვენ ვტოვებთ ამ წმინდა მამის ყველა 14 კანონს სპეციალური განმარტების გარეშე, რამეთუ ანკვირიის კრების შესაბამისი კანონების მოხსენიებული განმარტებანი იმავდროულად ემსახურება ამ კანონების განმარტებასაც. მართლმადიდებელი ეკლესიის სწავლების სისტემატიზირებული გადმოცემა ქრისტიანობიდან განდგომის შესახებ კი ჩვენ წარმოვადგინეთ სხვა ადგილას.*

კანონი 2

იმათთვის, რომლებიც შეპყრობისა და საპყრობილის ჭირთა და სიმყრალის დათმენის შემდეგ, თითქოსდა მტრისაგან გარემოცულნი, შემდგომში უბრძოლველად, სატანჯველთა დათმენის გარეშე გახდნენ ტყვეები და შეიმუსრნენ ძალთა უკიდურესი სიმწირისა და ერთგვარი სიბრძავის გამო, — საკმარისია წინამავალ დროზე ერთი წლის დამატება, რამეთუ ისინი მთლიანად მიეცნენ სატანჯველს ქრისტეს სახელისათვის, თუმც კი დიდ ნუგეშს იღებდნენ საპყრობილეში ძმებისგან. ამისთვის, სურთ რა გათავისუფლდნენ ეშმაკის უმწარესი ტყვეობისაგან, დაე, ბევრად აღმატებული მიუზღან, გაიხსენებენ რა უმჯობესად მეტყველს: „სული უფლისამ ჩემ ზედა, რომლისათვის მცხო მე მახარებელად გლახაკთა, მომავლინა მე განკურნებად შემუსრვილთა გულითა, ქადაგებად ტყუეთა განტყვეებისა და ბრმათა აღხილვად, განვლინებად მომსრვალთა განტყვეებითა, და ქადაგებად წელიწადი უფლისამ შეწყნარებული“ (ეს. 61, 1, 2; ლუკ. 4, 18, 19)

(მოც. 62; I მსოფ. 10; ანკვირ. 1, 2, 3, 9, 12; ბასილი დიდის 73, 81; გრიგოლ ნოსელის 2, 5)

კანონი 3

ხოლო რომელთაც არაფერი ასეთი არ გადაუტანიათ და არ უჩვენებიათ რწმენის ნაყოფი, არამედ ნებაყოფლობით გაქცეულან ბოროტის მხარეს, ვისაც სულმოკლეობისა და შიშის გამო ჩაბარებიან, აწ კი სინანულად მოსულან, — ჯერ არს და შეეფერებათ მიუწყნოთ იგავი უნაყოფო ლელვის შესახებ, როგორც უფალი ამბობს: „ლელვ ვისმე ედგა ნერგი სავენაქესა თუსსა; მოვიდა და ეძიებდა ნაყოფსა მისგან და არა პოვა. და პრქუა ვენაქისმოქმედსა მას: „აჰა ესერა, სამი წელი არს, ვინამთგან მოვალ და ვეძიებ ნაყოფსა ლელუსა ამას შინა და არა ვპოვებ. მოჰკუეთე ეგე, რამსათუს ქვეუანამცა დაუპყრიეს უქმად?“ ხოლო მან მიუგო და პრქუა: „უფალო, უტვეე ეგე ამასცა წელსა, ვიდრემდე მოუთოცნო მას გარემო და სკორე დაუდგა, ყოს ხოლო თუ ნაყოფი; უკუეთუ არა, მერმე მოჰკუეთე იგი“ (ლუკ. 13, 6-9). ექნებათ რა ეს იგავი თვალწინ და წარმოაჩინენ სინანულის ღირს ნაყოფს იმავე დროის, ანუ ოთხი წლის განმავლობაში, ამისგან უდიდეს სარგებელს მიიღებენ.

(მოც. 62; ანკვირ. 6, 9; გრიგოლ ნოსელის 2)

*იხ. ჩები: „Црквено казнено право“ (Мостар, 1911), стр. 344-352.

კანონი 4

ხოლო სრულიად სასოწარკვეთილთა და შეუნანებელთათვის, რომელთაც კანის მუდმივი სიშავე და ფოცხეერის სიჭრელე შეუძინათ, დაე, სხვა ლელვის მიმართ გამოთქმული განაჩენი იქნას გამოყენებული: „ნულარა იყოფინ ნაყოფი შენგან საუკუნოდ“ (მათე 21, 19), რის გამოც იგი მაშინვე გახმა. მათზე ეკლესიასტეს ნათქვამიც აღესრულება: „გარდაქცეული არა შესაძლებელ არს შემკობად, და ნაკლული არა შესაძლებელ არს აღრიცხვად“ (ეკლესიასტე 1, 15). რამეთუ გარდაქცეულისათვის (გარყენილ-დამახინჯებულისათვის) შეუძლებელია გამშვენიერდეს, თუ ჯერ არ გამოსწორდა, და ნაკლულიც შეუძლებელია აღირაცხოს, თუკი ჯერ არ შეივსება. ამიტომაც, ბოლოს, მათ შეიძლება ის შეემთხვათ, რაც წინასწარმეტყველ ესაიას მიერ არის ნათქვამი: „და განვიდენ და იხილონ ძველები კაცთა, გარდამავალთა ჩემდამო, რამეთუ მატლი მათი არა დაესრულოს და ცეცხლი მათი არა დაშრტეს, და იყენენ სახილველ ყოვლისა ქორცისა“ (ეს. 66, 24), და კიდევ „ხოლო ცრუნი ვითარცა ზღვა აღდულებული ეგრეთ იღელვებოდინ, და განსუშნებად ვერ შემძლებელ იყუნენ. არა არს სიხარული უთნოთა, იტყუს უფალი ღმერთი“ (ეს. 57, 20, 21).

(მოც. 62; I მსოფ. 10; ანკვირ. 9; ბასილი დიდის 84, 85; გრიგოლ ნოსელის 2)

კანონი 5

ზოგიერთნი თავს დავითის მსგავსად მოაჩვენებდნენ, რომელიც სულელად იკატუნებდა თავს სიკვდილისაგან გადასარჩენად, თუმცა კი სულაც არ იყო გონებანაკლული. მათ პირდაპირ არ მოუწერიათ ხელი რწმენისაგან განდგომაზე, არამედ მეტად მძიმე გარემოებებში შეაგინეს მტრების მანქანებანი, მსგავსად იმისა, როგორც გონიერი და მოხერხებული ბავშვები დასცინიან ხოლმე უგუნურ ბავშვებს, — ანუ მათ გვერდით ჩაუარეს საკერპე სამსხვერპლოებს, ან ხელწერილი მისცეს, ანდა წარმართები დააყენეს თავიანთ სანაცვლოდ. მართალია, ზოგიერთ მათგანს, როგორც მსმენია, გამოუვლინეს კიდევ შემწყნარებლობა ცალკეულმა აღმსარებლებმა, რადგანაც ისინი დიდი გულმოდგინებით ცდილობდნენ თავიდან აეცილებინათ ცეცხლის დანთება და კმევა არაწმიდა დემონებისათვის საკუთარი ხელით, და მართალია, ვერ შენიშნეს და მიუხედავრელობით გააკეთეს ეს, მაგრამ მაინც დაეკისრათ ექვსთვიანი ვადა სინანულისათვის ღმერთისკენ მოსაქცევად. რამეთუ ასე ესენიც უფრო მეტ სარგებელს მიიღებენ, იფიქრებენ რა წინასწარმეტყველის ნათქვამზე: „რამეთუ ყრმა იშვა ჩუშნდა ძე, და მოგუშცა ჩუშნ; რომლისა მთავრობა იქმნა მკარსა ზედა მისსა; და ჰქვან სახელი მისი, დიდისა განზრახვისა ანგელოზი; საკურველი თანა განმზრახი ღმერთი ძლიერი ქელმწიფე მთავარი მშუდობისა; მამა მერმეთა საუკუნოსა“ (ეს. 9, 6). ეს ყრმა, როგორც იცით, ჩასახული ექვსი თვის შემდეგ სხვა ყრმის ჩასახვიდან, რომელიც მისი გამოსვლის წინ ქადაგებდა სინანულს მისატყვევებლად ცოდვათა, ჩასახულ იქნა ასევე იმისთვის, რომ

სინანული ექადაგა. რამეთუ გვესმის ორივე მქადაგებელისა, პირველ ყოვლისა, არამხოლოდ სინანულისათვის, არამედ ცათა სასუფეველისათვის, რომელიც, როგორც გვასწავლეს, შორის ჩუენსა არს (შდრ. ლუკ. 17, 21), რადგანაც „მახლობელ შენდა არს სიტყუამ ევე პირსა შენსა და გულსა შენსა, ესე იგი არს, სიტყუამ საარწმუნოებისამ, რომელსა ვქადაგებთ, ვითარმედ აღ-თუ-იარო პირითა შენითა უფალი იესუ და გრწმენეს გულითა შენითა, რამეთუ ღმერთმან აღადგინა იგი მკუდრეთით, სცხონდე“ (რომ. 10, 8, 9).

(მოც. 62; ანკვირ. 1, 6; პეტრე ალექსანდრიელის 7; გრიგოლ ნოსელის 2)

კანონი 6

ზოგიერთებმა ქრისტიანი მონები თავიანთ სანაცვლოდ დააყენეს (დევნილობის ჟამს), მონები კი, როგორც ხელქვეითნი და გარკვეული სახით თავადაც თავიანთი ბატონების ტყვეობაში მყოფნი, მათი მუქარისა და შიშის გამო იქნენ მიყვანილნი კერპთმსახურებად და დაეცნენ. ასეთმა მონებმა, დაე, ერთი წლის განმავლობაში გამოაჩინონ სინანულის საქმენი, და ისწავლონ ამიერიდან, როგორც ქრისტეს მონებმა, რომ ღმერთის ნება უნდა აღასრულონ და მისი ეშინოდეთ, განსაკუთრებით კი ის ისმინონ, რომ „რამცა ვინ ქმნეს კაცად-კაცადმან კეთილი, იგიცა მოიღოს უფლისა მიერ, გინა თუ მონამან გინა თუ აზნაურმან“ (ეფეს. 6, 8).

(მოც. 62; ანკვირ. 3; გრიგოლ ნოსელის 2)

კანონი 7

აზნაურნი (თავისუფალნი) კი, დაე, სამი წლის განმავლობაში გამოიცდებოდნენ სინანულში, — იმიტომაც, რომ თვალთმაქცობდნენ, და იმიტომაც, რომ აიძულეს თავიანთი (უფლისმიერი) თანამონები მსხვერპლი შეეწირათ კერპებისათვის, რამეთუ ამის ჩადენით მათ არ შეისმინეს მოციქულისა, რომელსაც სურს, რომ „უფალნი (ბატონნი) ევე ეგრეთვე ჰყოფდით მათა (მონათა) მიმართ, შეუნდობდით რისხვასა, უწყოდეთ, რამეთუ თქუენი და მათი უფალი ცათა შინა არს, და თუაღთ-ღება არა არს მის თანა“ (ეფეს. 6, 9); ხოლო თუკი ჩვენ ერთი, მიუკერძოებელი უფალი გეყავს, — რადგან „არა არს წარმართ და პურია, ... ბარბაროზ, სკეთელ, მონება, აზნაურება, არამედ ყოვლად ყოველსა შინა ქრისტე“ (კოლ. 3, 11), მაშინ რომელთაც საკუთარი სულის ცხონება სურთ, უნდა შეხედონ, თუ რა ჩაიდინეს, როცა კერპთმსახურებაში ჩააგდეს თავიანთი (უფლისმიერი) თანამონები, რომლებსაც ასევე შეეძლებოდათ თავიდან აეცილებინათ ეს, თუკი მათი ბატონები „სამართალსა და სწორსა (თანასწორობას) მისცემდით მონათა მათ“, — როგორც კვლავაც იტყვის მოციქული (კოლ. 4,1).

(მოც. 62; ანკვირ. 1, 6; პეტრე ალექსანდრიელის 5; გრიგოლ ნოსელის 2)

ბანონი 8

რომლებიც გაცემულ იქნენ და დაეცნენ, მაგრამ თავად მოვიდნენ ღვაწლად, თავი ქრისტიანებად აღიარეს და ჩაგდებულ იქნენ საპყრობილეში და ეწამნენ, სამართლიანი იქნება განვამტკიცოთ გულის მხიარულებაში და ყოველივეში გვქონდეს მათთან ერთობა, — როგორც ლოცვებში, ასევე ქრისტეს ხორცისა და სისხლის ზიარებაში, და სიტყვით ნუგეშინის-ცემაში, რათა განუწყვეტელი ღვაწლით ისინიც ღირს იქმნენ გარეგანი წოდების პატივისა. რამეთუ ნათქვამია: „შუდ ვზის დაეცეს მართალი და აღდგეს“ (იგავ. 24, 16). ყოველი დაცემული რომ ამგვარად მოქცეულიყო, ამით სრულყოფილ და უგულმოდგინეს სინანულს წარმოაჩენდა.

(მოც. 62; I მსოფ. 12; ანკირ. 3; პეტრე ალექსანდრიელის 9; ბასილი დიდის 3)

ბანონი 9

ერთობა უნდა გვქონდეს იმათთანაც, რომლებიც, თითქოსდა ძილისგან გამოფხიზლდნენო, დიდი მოშურნეობით შეუდგნენ ღვაწლს, მაშინ, როცა ის (განსაცდელი) ჯერ არ გაცხადებულა, არამედ მხოლოდ ემზადებოდა მათ მისაზიდად და თავადვე მოაწიეს საკუთარ თავზე მსგავსი ზღვის ძლიერი მღელვარებისა; განსაკუთრებით ძლიერად ძმების მიმართ აღაგზნეს ცოდვილთა ნაკვერცხალი. ასეთნი, თუმც, ქრისტეს სახელით ეძლევიან ამას (განსაცდელს), მაგრამ არ შეისმენენ მის სიტყვებს, რომლებითაც იგი განგვსწავლის: „იღუპებით და ილოცვებით, რაითა არა შეხვდეთ განსაცდელსა“ (მთ. 26, 41), და კვლავაც ლოცვით შევლაღებდეთ მამას: „და ნუ შემოყვანებ ჩუენ განსაცდელსა; არამედ მიკსნენ ჩუენ ბოროტისაგან“ (ლუკა 11, 4). შესაძლოა მათ არც კი იციან, რომ ჩვენი სახლის უფალი და მოძღვარი ხშირად არიდებდა თავს იმათ, რომელთაც მისი ცილშეწამება სურდათ, და რომ ზოგჯერ მათი გულისთვის არც ვიდოდა განცხადებულად, და როცა მისი ვნების დრო მოახლოვდა, თავად კი არ მისცა თავი, არამედ ელოდა, სანამ მახვილითა და წათებით არ მივიდნენ მის შესაპყრობად, და მაშინღა უთხრა მათ: „ერთარცა ავაზაკსა ზედა გამოხუედით თქუენ მახვილითა და წათებითა შეპყრობად ჩემდა“ (მარკ. 14, 48). ხოლო მათ, — ამბობს მახარებელი. — პილატეს გადასცეს იგი. მის მსგავსად, ეგნენ მისი მიზნისკენ მავალნიც, ახსოვდათ რა მისი ღვთაებრივი სიტყვები, რომლებითაც განგვამტკიცებს ჩვენ, ლაპარაკობს რა დევნილობებზე: „ეკრძალებოდეთ კაცთაგან, რამეთუ მიგცემდნენ თქუენ კრებულსა, და შორის შესაკრებელთა მათთა გტანჯვიდენ თქუენ“; — მიგცემდნენო, ამბობს, და არა თავად მისცემთ თავსო; — „და წინაშე მთავართა და მეფეთა მიგიყვანნენ თქუენ ჩემთჳს საწამებელად მათდა და წარმართთა“ (მთ. 10, 17, 18), და არა თავად მიხვალთო. რამეთუ მას სურს, რომ მისი სახელისთვის დევნილობის დათმინისას, ერთი ადგილიდან მეორე ადგილზე გადავდიოდეთ, როგორც გვესმის ამის შესახებ მისი სიტყვები, როცა ამბობს: „რატჳმს გდევნიდენ თქუენ ამიერ ქალაქით, მიივლტოდეთ სხუად“ (მთ. 10, 23), რადგანაც მას არ

ნებაეს, რომ ჩვენ თავად მივებალოთ ეშმაკის საჭურველთმტივითველთ და შუბონნებს, რათა მათთვის მრავალი სიკვდილის მიზეზნი არ გაეხდეთ, როცა თითქოსდა ვაბიძულებთ მათ უფრო მეტ გასასტიკებას და მომაკვდინებელ საქმეთა აღსრულებას, არამედ (სურს, რომ) მოველოდეთ და თავი ჩაეუკიროდებოდეთ, ვმღვიპარებდეთ და ვლოცულობდეთ, რათა არ შევიდეთ განსაცდელში. ასე, სტეფანე, რომელმაც მის კვალად პირველმა მიიღო სატანჯველი, ურჯულოებმა შეიპყრეს იერუსალიმში, მიიყვანეს საკრებულოში, სადაც ჩაიქოლა უფალ იესო ქრისტეს სახელისათვის, განდიდდა და ასე ღოცულობდა: „*უფალო, ნუ შეურაცხ ამათ ცოდვასა ამას*“ (საქ. 7, 60). ასევე, იაკობიც, მეორე შეიპყრო პეროდემ და თავი მოჰკვეთა. ასე, მოციქულთაგან რჩეული პეტრეც მრავალგზის იქნა შეპყრობილი, საპყრობილეში ჩადებულნი, შეგინებულნი და ბოლოს, რომში ჯვარცმული. ყოველადქებულ პავლესაც, მას შემდეგ, რაც მრავალგზის გასცეს იგი, ჭირნი დაითმინათ თვით სიკვდილამდე, ბევრი იღვაწა და იქადოდა მრავალი დევნითა და შეჭირვებებით, იმავე ქალაქში მოჰკვეთეს თავი მახვილით. იგიც, თავს იქებს რა დათმენილი ტანჯვით, დაასკვნის, რომ დამასკოში ღამით კალათით ჩაუშვეს გალაგნიდან „*და განვერი კელთაგან მისთა*“, ვისაც ჩემი შეპყრობა უნდოდაო (2 კორ. 11, 33). ვინაიდან მათი მთავარი საქმე ღვთის სიტყვის ქადაგება და დამოძღვრა იყო, რითაც ძმებს რწმენაში განამტკიცებდნენ და იმასაც ამბობდნენ, რომ „*მრავლითა ჭირითა ჯერ-არს ჩუნდა შესლგამ სასუფეველსა ღმრთისასა*“ (საქ. 14, 22), რამეთუ ისინი სარგებელს თავისთვის კი არ ეძებდნენ, არამედ მრავალთათვის, რათა ცხონება მიეღოთ. და კიდევ ბევრი რამის თქმა შეიძლებოდა ასეთი ადამიანებისათვის, რათა გონიერულად მოქცეულიყვნენ, მაგრამ როგორც მოციქული ამბობს, „*დამაკლებს მე ჟამი ესე მითხრობად*“* (ებრ. 11, 32).

(მოც. 62; ანკვირ. 3, 5; პეტრე ალექსანდრიელის 8; გრიგოლ ნოსელის 2)

კანონი 10

ამიტომ, ვინც სამღვდელთაგან ნებაყოფლობით გავიდა სამოღვაწეოდ, ღაცვა და კვლავ განაახლა ღვაწლი, არ არის მართებული, რომ შემდგომში მღვდელმსახურებაში დარჩეს, რამეთუ მიატოვა უფლის სამწყსო და შეიგინა თავი, რაც არც ერთ მოციქულს არ გაუკეთებია. რამეთუ, მართალია, მრავალდევნაგამოვიღებდა და მოღვაწეობაში მრავალი გამარჯვებით გამორჩეულმა ნეტარმა მოციქულმა პავლემ იცოდა, რომ უმჯობესია მოკვდე და ქრისტესთან იყო** მაგრამ მაინც დასძენა და თქვა: „*ხოლო დადგრომაჲ კორცთა შინა უნებელადრე თქუნთუს*“ (ფილიპ. 1, 24). რამეთუ მხედველობაში მუდამ ჰქონდა არა საკუთარი სარგებლობა, არამედ — მრავალთა, რათა ცხონდნენ; საკუთარ სიმშვიდეზე უფრო საჭიროდ მიიჩნედა ძმებთან

*ანუ, დრო არ მეყოფა უფრო მეტის მოსათხრობადო.

**ჩემდა ცხონება ქრისტე არს, და სიკუდილი — შესაძინელ“, — ფილიპ. 1, 21.

ყოფნას და მათზე ზრუნვას. იგი მოძღვარსაც მოძღვრობაში ყოფნას უბრძანებს და მართლმორწმუნეთათვის მაგალითის მიცემას. ამიტომაც ისინი, რომლებიც დაცემისა და საპყრობილეში ღვაწლის განახლების შემდეგ, მღვდელმოქმედების უფლებას ეძიებენ თავისთვის, სრულიად არაგონიერულად იქცევიან. რამეთუ როგორ მოითხოვენ იმას, რაც თავადვე მიატოვეს მაშინ, როცა შეეძლოთ სასარგებლონი ყოფილიყვნენ ძმებისთვის ასეთ დროს? სანამ ისინი შეურყეველნი იყვნენ, შენდობა პქონდათ თავიანთ განუხჯელ საქციელში, მაგრამ როცა დაეცნენ, ამის შემდეგ უკვე აღარ ძალუძთ მღვდელმოქმედება, როგორც უწესობის ჩამდენთ და საკუთარი თავის შემაგინებლთ. ამრიგად, გვერდზე გადაღონ ქედმაღლობა და თავმდაბლობით იზრუნონ განსაკუთრებით იმისთვის, თუ როგორ დაასრულებენ თავიანთ მსვლელობას. რამეთუ სავსებით საკმარისია მათთვის გულმოდგინებითა და ზედმიწევნით აღსრულებული ერთობა (ეკლესიასთან), ორი მიზეზის გამო: იმისთვისაც, რომ მწუხარება არ ეწიოთ და მისგან თავის დაღწევა არ გაუჭირდეთ, და იმისთვისაც, რომ დაცემულთაგან ზოგიერთს საბაბი არ მიეცეთ იფიქრონ, თითქოსდა ისინი, მოსალოდნელ ეპიტიმიათა შიშით, სულით მოუძღვრდნენ. ასეთები სხვებზე მეტად შერცხვებიან და შეიგინებიან, მსგავსად იმ კაცისა, რომელმაც (გოდოლს) საფუძველი ჩაუყარა და ველარ შეძლო (მშენებლობის) დასრულება, რამეთუ, როგორც ნათქვამია, „ყოველნი, რომელნი ხედვიდენ მას, იწყონ კიცხევად მისა და თქუნ, ვითარმედ: „კაცმან ამან იწყო შენებად და ვერ შეუძლო აღსრულება“ (ლუკ. 14, 29, 30).

(მოც. 62; I მსოფ. 10; ანკვირ. 1, 2; ათანასე დიდის 3; ბასილი დიდის 10; თეოფილე ალექსანდრიელის 2)

კანონი 11

ზოგიერთებმა, დასაწყისში, თავადვე ჩაიგდეს თავი მძებნარე დევნილობაში: იდგნენ რა სამსჯავროთა შორიახლოს და ხედავდნენ უმაღლესი წოდების პატივისაკენ მოსწრაფე წმინდა მოწამეებს, კეთილმოშურნეობით აღიძრნენ და დიდი კადნიერებით თავადაც მიეცნენ მოწამეობრივ ღვაწლს; განსაკუთრებით მაშინ, როცა მრავალს ხედავდნენ მტრის მიერ გატაცებული და რწმენისგან განდგომილთ. შინაგანად ანთებულნი და ქედმაღალი მტრისთვის წინააღმდეგობის გასაწყევად შინაგანი ხმით მოწოდებულნი, ისინი ჩქარობდნენ ამაზე წასვლას, რათა მოწინააღმდეგე თავად არ წარმოჩენილიყო საკუთარი თავის წინაშე ბრძენად, იმიტომ, რომ იგი ფიქრობდა მზაკერობით ეძლია ისინი (მოწამენი), მაშინ, როდესაც თავისდა შეუმჩნეველად მარცხდებოდა მათი მხრიდან ხორცთა ფლეთისა და გვემის, მახვილის, ცეცხლისა და წყალში დახრჩობის ახოვანი დათმენით. ამგვართათვის, ან საპყრობილეში ვნებულთა და ძლეულთათვის შიმშილითა და წყურვილით, ანდა საპყრობილის გარეთ ტანჯულთათვის სხეულის დაფლეთითა და გვემით, დაბოლოს, ძლეულთათვის სხეულის უძღვრების მიზეზით, — როცა

მათთვის ზოგიერთები რწმენით ითხოვენ ღოცვისა და ვედრების აღვლენას, მართებული იქნება დავეთანხმოთ მათ. რამეთუ სულაც არ არის ვინმესთვის საზიანო თანაგრძობა და თანაღობა აღმოუჩინონ მშობლების, ძმებისა თუ შვილებისათვის მოტირალებსა და მკენესარებს, რომლებიც მონდომებით იღვწოდნენ, მაგრამ ბოროტმა და მზაკვარმა ეშმაკმა დიდი ძალისხმევით დაამარცხა. ჩვენ ვუწყით, რომ სხვების რწმენითაც მიუღიათ ზოგიერთებს ღვთის სიკეთე ცოდვათა შენდობაში, სხეულის სიჯანსაღესა და მკვდართა აღდგინებაშიც. ამრიგად, მოვისხენიებთ რა ქრისტეს სახელისათვის მათ მიერ დათმენილ ღვაწლსა და ჭირს, და არა მხოლოდ ამას, არამედ იმასაც, რომ მათ შეინანეს, და იმ ქმედებას, რომლითაც უღალატეს საკუთარ თავს, დასტირიან სხეულის გათანგვითა და მოკვდინებით, და რომ განეშორნენ ამა ქვეყანას და კეთილი მოწმობა აქვთ თავიანთი ცხოვრების შესახებ, ჩვენც მათთან ერთად ვლოცულობთ და ვითხოვთ მათ განწმედასა და სხვა შესაფერის სიკეთებს უფლისგან, რომელიც მეოხი გვეყო მამის წინაშე და მოწყალებისათვის მისი მომდრეკელი ჩვენი ცოდვების მოსატევებლად, რამეთუ ნათქვამია: „უკუეთუ ვინმე ცოდოს, ნუგეშინის-მცემელი გუვის მამისა მიმართ ქრისტე იესუ მართალი. და იგი არს მომტვევებელი ცოდვათა ჩუენთა“ (1 იოანე 2, 1, 2).

(მოც. 62; ანკვირ. 4; პეტრე ალექსანდრიელის 9; გრიგოლ ნოსელის 2, 5)

კანონი 12

იმათ, რომელთაც ვერცხლი მისცეს, რათა არანაირი ბოროტებით არ შეეწუხებინათ ისინი, ნუ შეერაცხებათ ეს ბრალად. რამეთუ მათ ზარალი და ფულის დაკარგვა იწინიეს, რათა არ განმდგარიყვნენ და არ დაეღუპათ თავიანთი სული, რაც სხვებს არ გაუკეთებიათ ანგარებისმოყვარების გამო, თუმცა კი ამბობს უფალი: „რამ სარგებელ ეყოს კაცსა, უკუეთუ სოფელი ყოველი შეიძინოს და სული თუკი იზღვიოს?“ (მთ. 16, 26); და ასევე: „ვერ კელ-ეწიფების ღმრთისა მონებად და მამონაძსა“ (ლკ. 16, 13). რამეთუ მდევნელთა წინაშე ისინი წარმოჩნდნენ ღმრთის მსახურებად, რომელთაც მოიძულეს და ფეხით გათელეს ვერცხლი, უგულბებელჰყვეს ის და ამით აღასრულეს წერილი: „სახსრდ სულისა კაცისა სიმდიდრე თუკი მას“ (იგავ. 13, 8). რამეთუ „საქმე მოციქულთაში“ ეკითხულობთ, რომ თესალონიკში პავლესთან და შილასთან ერთად ქალაქის თავთან სამსჯავროზე წაყვანილნი, სათანადო საფასურის გადახდის სანაცვლოდ იქნენ გათავისუფლებულნი: მას შემდეგ, რაც ძალიან გააბოროტეს წარმართები ქრისტეს სახელის ქადაგებით და აღაშფოთეს ერი და ქალაქის თავნი, „მოჰხადეს თავსა-მდები იასონს, და მაშინ-ღა განუტყვენეს იგი. ხოლო ძმათა მეყსეულად ღამე წარგზავნენს პავლე და შილა ბერიად“ (საქმე მოციქ. 17, 9, 10).

(მოც. 62; ანკვირ. 5)

კანონი 13

ამიტომ, რომლებმაც ყველაფერი მიატოვეს სულის ხსნისათვის და იქაურობას განეშორნენ, დაე, ნუ იქნებიან დადანაშაულებულნი იმაში, რომ მათ ნაცვლად სხვები შეიპყრეს. რამეთუ ეფესოშიც პავლეს ნაცვლად მისი მხლებელნი — გაიოზი და არისტარქო წაიყვანეს სამსჯავროზე თეატრონში, და როცა მას ხალხში გამოსვლა უნდოდა, — რადგანაც შფოთი მისი მიზეზით მოხდა, ხალხის დიდი სიმრავლის კეთილმსახურად მოქცევის გამო, — მაშინ, როგორც ნათქვამია: „არა უტევეს მოწაფეთა. და რომელნიმე ასიამა მთავარნი მეგობარ იყვნეს მისა, მიველინნეს მისა და პლოციედეს, რამთა არა მისცეს თავი თუხი სახილველსა მას“ (საქ. 19, 30, 31). ხოლო, თუკი ზოგიერთნი გაჯიუტდებიან და შეედავებიან იმათ, რომლებიც გულწრფელად შეისმინენ ნათქვამს: „ცხოვნებით აცხოვნე სული შენი, ნუ უკმოიხედავ“ (დაბ. 19, 17), — ასეთებმა მოციქულთა შორის რჩეული პეტრე გაიხსენონ, უკვე ჩაგდებული საპურობილეში, სადაც მას თექვსმეტი მცველი — „ოთხთა ოთხეულთა ერისბანთა დაუყენეს ცვაღ“ (საქ. 12, 4), მაგრამ საიდანაც მან თავი დააღწია პეროდეს მომაკვდინებელ ხელს და იუდეველთა ყველა მოლოდინის საწინააღმდეგოდ, გამოსხნილ იქნა უფლის ანგელოზის ბრძანებით: „და ვითარცა განთენა, არა მცირედი შეზრუნება იყო ერის კაცთამ მათ, ვითარმედ: რამე იქნა პეტრე? და პეროდე ეძიებდა მას და პოუა. მაშინ განიკითხნა მცველნი იგი და ბრძანა მოკლვამ მათი“ (საქ. 12, 18, 19); მაგრამ მათ გამო არანაირი ბრალი არ ედება პეტრეს. რამეთუ იმათ, ყოველივე იხილეს და შეეძლოთ გაქცეულიყვნენ, ისევე, როგორც ბეთლემსა და მის სანახებში მყოფ ყრმებს, თუკი მათს მშობლებს ეცოდინებოდათ, — რა მოელოდათ; მაგრამ ისინი მოსწყდნენ ბილწი მკვლელის პეროდეს მიერ მისგან მოსაკლავად ძებნილი ერთი ყრმისთვის, რომელიც ასევე ილტვოდა უფლის ანგელოზის ბრძანებით და რომელმაც სწრაფად იწყო დატყვევება და მიტაცება, მისთვის წოდებული სახელის შესაბამისად, როგორც დაწერილია: „უწოდე სახელი მისი მალიად წარმოტყუხნე, მსწრაფლ იავარ ყავ მით რამეთუ პირველ ვიდრე ცნობადმდე ყრმისა ხდად მამისა ანუ დედისა, მოილო ძალი დამასკისა და ნატყვენაზნი სამარიახნი, წინაშე მეფისა ასურასტანელთასა“ (ეს. 8, 3, 4). ამიტომაც მოგვები, როგორც უკვე დატყვევებულნი და ნადავლად ქმნილნი (მიტაცებულნი), მორჩილად და მოწიწებით ეთაყვანებიან ყრმას, ხსნიან თავიანთ საუნჯეს და მართმევენ მას, როგორც მეფეს, ღმერთსა და ადამიანს, უდიდებულეს და ყველაზე შესაფერის ძღვენს: ოქროს, გუნდრუკსა და მურს. ამიტომაც, საღმრთო განგებულებისაგან შეწვენილებმა, აღარ ისურვეს ასურასტანელთა მეფესთან დაბრუნება.* „და მოიღეს ბრძანებაჲ ჩუენებით, — ამბობს სახარება. — რამთა არა მიაქციონ პეროდესა, არამედ სხუთ გზით წარვიდენ სოფლად თუხა“ (მთ. 2, 12). ამიტომ მძვინვარე პეროდემ, დაინახა რა, „რამეთუ

*ასურეთის მეფედ აქ წმინდა პეტრე სახელდება პეროდეს, ზემოთ მოყვანილი ესაიას წინასწარმეტყველების შესაბამისად, როგორც საღმრთო ყრმის მტერს და მისგან დამარცხებულს.

მოიციცხა მოგუთა მათგან, განრისხნა ფრიად; წარაველინნა და მოსწყვედა ყოველი ყრმები, რომელნი იყვნეს ბეთლემს და ყოველთა საზღვართა მისთა, ორით წლითგანი და უდარესი, მსგავსად მის ჟამისა, ვითარცა გამოიკიოხა მოგუთა მათგან“ (მთ. 2, 16); მასთან ერთად სხვა ყრმასაც ეძებდა მოსაკლავად, მის უწინარეს შობილს ქვეყნად, და რაკი ვერ იპოვა, მამამისი ზაქარია მოკლა ეკლესიასა და საკურთხეველს შორის, მაშინ, როდესაც ყრმა თავის დედასთან — ელისაბედთან ერთად გაიქცა, მაგრამ ამისთვის არაფერ კიცხავს მათ.

(მოც. 62; ანკვირ. 3, 5; გრიგოლ ნოსელის 2)

პანონი 14

ხოლო თუკი ზოგიერთებმა ბევრი ძალადობა და შევიწროება დაითმინეს — რკინის (ლაგამის) ამოდებაც პირში, ბორკილების დადებაც — და მიანც შეურყეველნი დარჩნენ რწმენის სიყვარულით, მხნედ დაითმინეს უწმინდური მსხვერპლისკენ ძალით გაწვდილი ხელების დაწვაც, როგორც ლიბიაში მყოფთა შესახებ მომწერეს საპყრობილედან ყოვლადნეტარმა მოწამეებმა და, ასევე, სხვა თანამუშაებმა, — ასეთებს, განსაკუთრებით მაშინ, როცა მათთვის სხვა ძმები მოწმობენ, შეუძლიათ მღვდელმსახურებაში დაჰყონ და აღმსარებელთა შორისაც შეირაცხონ, იმათ მსგავსად, რომლებიც მრავალი ტანჯვით ლამის სიკვდილამდე დაუძღურდნენ და უკვე აღარც სიტყვის წარმოთქმა ძალუძთ, აღარც ხმის გაღება და აღარც წინააღმდეგობის გაწევა ამოდ მოძალადეთათვის. რამეთუ ისინი არ დათანხმდნენ მათ სისაძაგლეს, როგორც ეკლავ თანამუშაეთაგან მოვისმინე. დაე, აღმსარებელთა შორის შეირაცხოს ყველა სხვაც, ვინც ტიმოთეს მაგალითისამებრ ცხოვრობს და მორჩილია იმისი, რომელმაც მოგვიწოდა: „შეუდგე სიმატლესა, ღმრთის მსახურებასა, სარწმუნოებასა, სიყვარულსა, მოთმინებასა, სიმშვედესა; მოიღუაწე ღუაწლი იგი კეთილი სარწმუნოებისაჲ, შეიტკეპე საუკუნომ იგი ცხოვრებაჲ, რომელსაცა ირინე, და აღიარე კეთილი იგი აღსარებაჲ წინაშე მრავალთა მოწამეთა“ (1 ტიმ. 6, 11, 12).

(მოც. 62; ანკვირ. 3, 5)

პანონი 15

მისივე. პანაქის სიტყვილან

დაე, ნურავინ გვისაყვედურებს ჩვენ ოთხშაბათისა და პარასკევის დაცვისათვის, რომელთა განმავლობაშიც კურთხეულად მოგვეცა ჩვენ მცნებად მარხვის შენახვა — გადმოცემით. ოთხშაბათს — იუდეველთა მიერ უფლის გასაცემად მოწყობილი შეკრების მიზეზით, პარასკევს კი იმიტომ, რომ უფალი ამ დღეს ევნო ჩვენთვის. ხოლო კვირა დღეს ჩვენ ვატარებთ როგორც სიხარულის დღეს, ამ დღეს მკვდრეთით აღმდგარის პატივსაცემად; ამ დღეს ჩვენ მუხლმოდრეკასაც არ ვიწყნარებთ.

(მოც. 66, 69; ტრულ. 29, 89; ლაოდ. 49, 51; ბასილი დიდის 91; ნიკოლოზ კონსტანტინოპოლელის 2)

წინამდებარე კანონი იგივეს შეიცავს, რასაც წმინდა მოციქულთა 66-ე და 69-ე კანონები, ანუ მარხვა უნდა შეეინახოთ ოთხშაბათსა და პარასკევს და ვიდრესასწაულთ კვირა დღეს; შესაბამისად, კვირას მარხვა არ შეიძლება და ღოცების დროს – მუხლებზე დგომა. კანონში იმაზეც არის საუბარი, თუ რატომ უნდა მოქმედებდნენ ქრისტიანნი ამგვარად, სახელდობრ: ასე არის ნამცნები გადმოცემით. თუ რომელია ეს გადმოცემა, ამის შესახებ ჩვენ უკვე ვისაუბრეთ მოციქულთა დასახელებული კანონების განმარტებებში. გარდა ამისა, ჩვენ იქ ვთქვით, რომ გარდა გადმოცემისა, მარხვა ქრისტიანებისათვის განწესებულია წმინდა წერილითაც. ხოლო, თუ რატომ არ უნდა დავდგეთ კვირაობით ღოცვის დროს მუხლებზე, ეს განმარტებულია ბასილი დიდის მიერ მის წიგნში სულიწმინდის შესახებ, რომლის საფუძველზეც არის შედგენილი მისივე 91-ე კანონი.



ეპისტოლე წმინდისა ათანასე დიდისა,
ალექსანდრიის მთავარეპისკოპოსისა
მონოზონ ამონის მიმართ

პანონი 1

ღმერთის ყველა ქმნილება კეთილი და წმინდაა. რამეთუ არაფერი უსარგებლო ან არაწმინდა არ შეუქმნია ღმერთის სიტყვას. „რამეთუ ქრისტეს სურნელებანი ვართ ღმერთისა მიერ ცხორებულთა მათ შორის და წარწყმედულთა“ (2 კორ. 2, 15), – როგორც მოციქული ამბობს. ხოლო რადგანაც განსხვავებული და მრეაღფეროვანია ეშმაკის ისრები და უბიწოდ მზრახველნი მას აღშოთებადმდე მიჰყავს, განაშორებს ძმებს ჩვეულებრივ ღვაწლთაგან, თესავს მათში არაწმიდა და ბილწ ზრახვებს, ამიტომ, ჩვენი მაცხოვრის მადლით და მოკლე სიტყვით, მზაკერის ცოუნებაც უკუვაგდოთ და უმარტივესთა აზრიც დავამტკიცოთ. „რამეთუ ყოველივე წმიდა არს წმიდათათვის, ხოლო შეგინებულთათვის და ურწმუნოთა არარაჲ არს წმიდა, არამედ შეგინებულ არს მათი გულიცა და გონებაცა“ (ტიტე 1, 15). ხოლო მაკვირვებს ეშმაკის მანქანება, რომელიც, არის რა თავად გარყვნილება და წარწყმედა, აშკარად (გარეგნულად) სიწმინდის ზრახვებს ნერგავს. მაგრამ მის მიერ მოქმედებული უფრო ცილისწამებაა, ანდა საცთური. რამეთუ, როგორც ვთქვი, იმისთვის, რომ განაშოროს მოსაგრეები ჩვეული და მაცხოვრებელი მზრუნველობისაგან, და ყოველივეში, როგორც ჰგონია, დაამარცხოს ისინი; ამ მიზნის მისაღწევად იგი აღძრავს ისეთ ხმას (შეხედულებას), რომელსაც არანაირი სარგებლობა არ მოაქვს ცხოვრებისათვის, არამედ მხოლოდ ამაო შეკითხვებს და ფუჭსიტყვაობას იწვევს, რომელთაც უნდა ვერიდოთ. რამეთუ მითხარ მე, საყვარელო და კეთილკრძალულო, რა აქვს ცოდვისა თუ არაწმიდებისა რომელიმე ბუნებრივ გამონადენს? ეს იგივეა, მაგალითად, ვინმემ რომ ისურვოს ბრალად შერაცხოს სისველის წამოდენა ნესტოებიდან და ნერწყვის გადმოსვლა ბაგეთაგან. შეიძლება ვისაუბროთ ამაზე მეტზეც, მუცლიდან გამონაყოფებზეც, რაც აუცილებელია ყოველი ცოცხალი არსების სიცოცხლისათვის. გარდა ამისა, რაკი გვწამს საღმრთო წერილისა, რომ აღადმიანი ღმერთის ხელთა საქმეა, მაშინ როგორ შეიძლება ბოდა დაგვეჯერებინა, რომ წმინდა ძალისგან შეიძლება შებილწული საქმე წარმოიშვას?! ხოლო რადგან ჩვენ „ნათესავცა ვართ“ ღმერთისა, წმინდა წერილის თანახმად (საქ. 17, 28), მაშინ, ცხადია, არაწმიდა არაფერი გვაქვს საკუთარ არსებაში. რამეთუ ჩვენ მხოლოდ მაშინ ვიბილწებით, როცა ცოდვას – ყოველგვარ სიმყარაღზე უარესს – ჩავდივართ. ხოლო როცა (ორგანიზმიდან) რაიმე ბუნებრივი და უნებლიე გამოყოფა ხდება, ამას ჩვენც, სხვებთან ერთად, როგორც ზემოთ ითქვა, ვექვემდებარებით ბუნებრივი აუცილებლობით. მაგრამ რადგანაც იმათ, რომელთაც სურთ მხოლოდ შეეწინააღმდეგონ სამართლიან სიტყვებს, უფრო მეტად კი ღმერთის მიერ

შექმნილს, არასწორად მოჰყავთ სახარების სიტყვებიც იმის შესახებ, რომ არა (პირით) შემავალი შებილწავს ადამიანს, არამედ (პირიდან) გამოშავალი,* — ამიტომ საჭიროა მათი ეს უაზრობაც ვამხილოთ. ჯერ ერთი, ისინი საღმრთო წერილსაც, თავიანთი უმეცრებით, ვითარცა სარწმუნოებაში განუმტკიცებულნი, დამახინჯებულად იყენებენ. ხოლო ღვთაებრივი სიტყვის გონიერი გაგება შემდეგია: როცა ზოგიერთნი, ამით მსგავსად, ორჭოფობდნენ საზრდელის გამო, მაშინ თავად უფალმა, რათა გადაეჭრა მათი უმეცრება, ანდა, უფრო მეტიც, ემხილებინა მათი ცდომილება, თქვა: „არა თუ პირით შემავალი შეაგინებს კაცსა, არამედ პირით გამოშავალი შეაგინებს კაცსა“ (მთ. 15, 11). და დასძენს ამასაც: საიდან გამოშავალი? — გულიდან. რამეთუ უწყის, რომ მასშია ბილწ ზრახვათა და სხვა ცოდვათა ბოროტი საუნჯეები. უფრო მოკლედ კი ამაში განსწავლული მოციქული ამბობს: „საჭმელმან ჩვენ არა წარგუადგინნეს ღმრთისა“ (1 კორ. 8, 8). ამ შემთხვევაში სამართლიანად შეუძლია მავანს თქვას: გარკვეული ბუნებრივი გამონაყოფიც არ მიგვიყვანს ჩვენ სასჯელამდეო. შესაძლოა, მეკრნალებმაც (დაე, გარეშეთაგან მაინც დარწმუნდნენ მოკამათენი) ამის დასაცავად თქვან, რომ ცოცხალ არსებას მიცემული აქვს რაღაც აუცილებელი გამოსავალნი ზედმეტი სითხის გამოსადეგნად, რაც თითოეული ჩვენგანის ორგანოებში გროვდება, როგორებიცაა თავის თმის ზედმეტობები და თავისაგან გამოყოფილი სინოტივე, და მუცლიდან გამონაყოფი, ასევე გარკვეული სიჭარბე თესლოვან სადინარებში. ამდენად, ღვთისსაყვარელო მოხუცო, რა ცოდვია აქ ღმერთის წინაშე, როცა ცოცხალი არსების შემქმნელმა უფალმა თავად ინება და შექმნა ისე, რომ ამ ორგანოებს ასეთი გამონაყოფები ჰქონოდათ? მაგრამ საჭიროა დავასწოროთ მზაკვართა საწინააღმდეგო სიტყვებს. რამეთუ შეიძლება გვითხრან: ამიტომაც ცოდვა არ იქნება თვით გამოყენებაც, როცა იარაღები (საშუალებები) შემოქმედის მიერაა მოწყობილი. ამგვარი შეკითხვის ავტორებს დადუმებას ვაიძულებთ, მიუვებთ რა შემდეგს: რომელ გამოყენებაზე ლაპარაკობ? რჯულიერზე ხომ არა? იმაზე ხომ არა, რომლის ნებაც ღმერთმა დაგვრთო, როდესაც გვითხრა: „აღორძნით და განმრაველიო, და აღაესეთ ქუწყანაი“ (დაბ. 1, 28)? ან იმაზე ხომ არა, მოციქულმა რომ დაუშვა, როცა თქვა: „პატიოსან არს ქორწილი ყოვლითავე და საწოლი შეუგინებელ“ (ებრ. 13, 4)? ან იქნებ იმაზე, რომელიც ადამიანებს შორის ხდება ხოლმე, მაგრამ სრულდება ფარულად და მრუშობით? რამეთუ ცხოვრების სხვა შემთხვევებშიც ვპოვებთ განსხვავებას, რაც ზოგიერთ გარემოებებში იჩენს თავს, მაგალითად: ნებადართული არ არის მოკვლა, მაგრამ მტრების მოკვლა ომში რჯულიერიცაა და შექებასაც იმსახურებს. ისეთი დიდი პატივის ღირსნი იქმნებიან ბრძოლისას სიმამაცით თავგამოჩენილნი, რომ მათი აღმატებული საქმეების წარმოსაჩენად, ხშირად ძეგლებსაც კი აღმართავენ ხოლმე. ამდენად, ერთი და იგივე საქმე, დროისა და ზოგჯერ გარემოებათა გათვალისწინებით — ზოგჯერ ნებადართული არ

*იხ. მთ. 15, 11.

არის, ხოლო სხვა გარემოებებში – კეთილდროულიცაა, დაშვებულიც და ნებადართულიც. ამგვარადვე უნდა ვიმსჯელოთ ადამიანთა შორის ხორციელი კავშირის შესახებაც. ნეტარია, ვინც სიჭაბუკიდანვე თავისუფალ ოჯახს შექმნის და ბუნებრივ მოთხოვნილებას შეიღების გაჩენისათვის გამოიყენებს. ხოლო თუკი – ავხორციობისათვის, მაშინ მეძახნი და მემრუშენი მოციქულის მიერ ნაუწყებ სასჯელს მოიწვევენ (იხ. ებრ. 13, 4). რამეთუ ორი გზაა ცხოვრებაში ამ საგანთან მიმართებით. ერთია – ჩვეულებრივი და ცხოვრებისეული გზა, ანუ ქორწინება; მეორე კი – ანგელოზებრივი, რომელზე უფრო აღმატებული არაფერია, ანუ – ქალწულება. თუ ვინმემ საერო გზა აირჩია, ანუ ქორწინება, არ იმსახურებს გაკიცხვას, მაგრამ ვერ მიიღებს იმოდენა მადლს, თუმცა, მაინც მიიღებს გარკვეულწილად, რამეთუ მასაც მოაქვს ოცდაათმაგი ნაყოფი. ხოლო თუ ვინმემ წმინდა და ყოელადმშვიდობიანი გზა აირჩია, მიუხედავად იმისა, რომ მისი გზა პირველზე უფრო სასტიკი და ძნელია, იგი უფრო საკვირველ მადლს მიიღებს, რამეთუ სრულყოფილი ნაყოფი გამოიღო – ასმაგი. ასე რომ, მათ უწმინდურ და მზაკერულ შეკითხვებს თავისი გადაწყვეტა აქვს, – საღმრთო წერილებით ძველთაგანვე წინასწარ განმზადებული. ამრიგად, განამტკიცე, მამაო, შენდამი დაქვემდებარებული სამწყსო სამოციქულო შეგონებებით, სახარებისეული ნუგეშინისცემით, ფსალმუნთა რჩევებით და უღალადე უფალს: „*მაცხოვრე მე სიტყვასაბერ შენისა*“ (ფსალმ. 118, 25). ხოლო მისი ეს სიტყვა მდგომარეობს მისდამი მსახურებაში წრფელი გულით. რამეთუ იცის რა ეს, იგივე წინასწარმეტყველი, თითქოსდა, თავისსავე სიტყვებს განმარტავსო, ამბობს: „*გული წმიდამ დაჰბადე ჩემ თანა, ღმერთო*“ (ფსალმ. 50, 12), რათა ბილწმა ზრახვებმა და გულისთქმებმა არ აღმაშფოთოსო, და შემდეგ: „*სულითა მთავრობისადთა დამამტკიცე მე*“ (ფსალმ. 50, 14), რათა, თუკი გულისთქმები მაინც აღმაშფოთებენ, მაშინ რაღაც დიდმა ძალამ, შენგან გამომავალმა, განმამტკიცოს მე – როგორც ერთგვარმა სიმტკიცემ. მისცემ რა ასეთ და მსგავს რჩევებს, შენც ასე უთხარი იმათ, რომელნიც ძნელად ემორჩილებიან ჭეშმარიტებას: „*ვასწავლენე უშჯულოთა გზანი შენნი*“ (ფსალმ. 50, 15), და მას შემდეგ, რაც უფლის სასოებით დაარწმუნებ მათ განეშორნონ ასეთ ბოროტებას, უგალოზე ღმერთს: „*და უღმრთონი შენდა მოიქცენ*“ (ფსალმ. 50, 15). დაე, დასცხრნენ ბოროტგანზრახვით შემკითხველნი ასეთი ამაო შრომისაგან, ხოლო თავიანთი უბრალოებით შეეჭვებულნი, დაე, განმტკიცდნენ სულითა მთავრობისადთა; თქვენ კი, რომლებმაც მტკიცედ იცით ჭეშმარიტება, დაურღვევლად და შეურყვევლად გეჰყრათ იგი, ჩვენი უფლის, იესო ქრისტეს მიერ, რომლისა მამისა თანა არს დიდება და ხელმწიფება და სიმტკიცე სულიწმიდითურთ, უკუნითი უკუნისამდე. ამინ.

(მოც. 5, 51; ტრულ. 4, 13; დიონისე ალექსანდრიელის 4; ტიმოთე ალექსანდრიელის 12)

ათანასე დიდის წინამდებარე ეპისტოლე, რომელიც 356 წლამდეა დაწერილი, ცნობილ ნიტრიელ მონოზონ ამონს მიემართება. ზოგიერთი მონოზონი დააბრკოლა

ლამით ნანახმა სხვადასხვანაირმა სიზმარმა; კერძოდ, ღამით, როდესაც ადგილი ჰქონდა ხოლმე ეკრიზისს, ისინი ამას ხორციელ შებილწევად თვლიდნენ, რის გამოც რჩევისათვის ამონს მიმართეს. მან კი, თავის მხრივ, ათანასეს დაუსვა შეკითხვა, რომელმაც ამ ეპისტოლეთი უპასუხა; იგი თავის თავში შეიცავს დიონისე ალექსანდრიელის მე-4 კანონის დაწერილებით განმარტებას. საინტერესოა, რომ ეპისტოლეს ბოლოში ათანასე მოიხსენიებს ცხოვრების ორ – ქორწინებისა და ქალწულობის – გზას; ქორწინებას იწონებს, მაგრამ გაცილებით აღმატებულად ქალწულებას მიიჩნევს, რამეთუ ქორწინებას ადამიანისთვის ოცდაათი წილი ნაყოფი მოაქვსო, – ამბობს, – ქალწულებას კი – ასი წილი. თავის ამ სწავლას ათანასე დიდი აფუძნებს წმინდა წერილზე (იხ. მთ. 19, 29; მარკ. 10, 29, 39; 1 კორ. 7, 1, 32-36 და სხვ.)*

**წმინდისა ათანასე დიდისა, ალექსანდრიის
მთავარეპისკოპოსისა დღესასწაულების
შესახებ 39-ე ეპისტოლეად**

კანონი 2

რადგანაც მოვიხსენიე მე მწვალებლები, ვითარცა მკვდრები, ხოლო თავად ჩვენ, როგორც ცხოვნებისათვის საჭირო საღმრთო წერილის მქონებლები, „მეშინის“, – როგორც კორინთელებს მისწერა პავლე მოციქულმა (2 კორ. 11, 3), – რომ ზოგიერთი გულწრფელი კაცი ადამიანთა ხრიკებით არ ცდუნდეს და არ განეშოროს სიწრფელსა და სიწმინდეს, და შემდეგ არ დაიწყოს სხვა – ეგრეთ წოდებული აპოკრიფული წიგნების** შესწავლა, მოტყუებულმა მათი ჭეშმარიტი წიგნების მსგავსი სახელწოდებით. ამიტომ გვეუბრებით, მოითმინოთ, თუკი თქვენთვის უკვე ცნობილის შესახებ მეც ვიტყვი ეკლესიის საჭიროებისა და სარგებლობისათვის. მსურს რა ვისაუბრო ამის შესახებ, ჩემი კადნიერების გასამართლებლად გამოვიყენებ მახარებელ ლუკას სიტყვებს და მეც ვიტყვი: რადგანაც ზოგიერთებმა თავისთვის ეგრეთ წოდებული აპოკრიფული წიგნების შედგენა დაიწყეს და ურევნ მათ ღვთიესულიერ წერილთან, რომელიც ჩვენ დარწმუნებით ვიცით, როგორც ეს თავიდანვე გადმოსცეს მამებს სიტყვის თვითმხილველებმა და მსახურებმა, ამიტომ მეც მოვიწოდებე, აღძრულმა ჭეშმარიტი ძმების მიერ და ხელახლა გამომეძიებულმა ამისა, თანმიმდევრულად გადმომეცა, თუ რომელი წიგნებია მიღებული კანონში, თანახმად წერილისა; რომელი წიგნები მიიჩნევა ღვთიესულიერად, რათა ყოველმა შეცდომილმა უარყოს მაცთურნი და თითოეულმა მათგანმა, შეურყვენელად დარჩენილმა, განიხაროს ამ ახალი გაფრთხილებით. ამრიგად, ძველი აღთქმის წიგნები რიცხოვნობით ოცდაო-

*იხ. ზონარას განმარტება ათენის სინტაგმაში, IV, 70 და შემდგ.

**ბერძნულად ნიშნავს: „ადჰარულნი“, – ასე უწოდებდნენ მათ მწვალებლები, რათა სხვები დაერწმუნებინათ მათ ნამდვილობაში.

რია, რამეთუ, როგორც მსმენია, ამდენივე ასონიშანი გამოიყენება ებრაელთა მიერ. ხოლო რიგის მიხედვით და სახელწოდებებით ეს წიგნები შემდეგია: პირველად დაბადება, მერე გამოსვლათა, შემდგომ ლევიტიელთა, ამის მერე რიცხვთა და ბოლოს – მეორე რჯული; ამათ მოსდევს: ისუ ნავესი, მსაჯულთა და შემდეგ რუთის წიგნი; ამის შემდეგ რიგის მიხედვით მოდის მეფეთა ოთხი წიგნი, რომელთაგანაც როგორც პირველი და მეორე ითვლება ერთ წიგნად, ასევე მესამე და მეოთხეც – ერთად; ამათ შემდეგ – პარალიპომენონი (ნეშტთა) პირველი და მეორე, რომლებიც ასევე ითვლება ერთ წიგნად; შემდგომ ეზრასი – პირველი და მეორე, ასევე ერთ წიგნად მიჩნეულნი; ამათ შემდეგ – წიგნი ფსალმუნთა და მერმე იგავნი, შემდეგ ეკლესიასტე და ქებათა ქება; ამათ შემდეგ – იობი; და ბოლოს წინასწარმეტყველნი – თორმეტნი, რომლებიც ერთ წიგნად ითვლება; შემდეგ ესაია, იერემია და მასთან – ბარუქი, გოდება და ეპისტოლე; ხოლო ამათ შემდგომ – ეზეკიელი და დანიელი. ეს წიგნები შეადგენენ ძველ აღთქმას.

აქვე, დაუსადებლად უნდა ვთქვათ ახალი აღთქმის წიგნების შესახებაც. ისინი შემდეგია: ოთხი სახარება: მათესი, მარკოზისა, ლუკასი და იოანესი; ამათ შემდგომ საქმე მოციქულთა და შვიდი ეგრეთ წოდებული კათოლიკე (საზოგადო) ეპისტოლე მოციქულებისა: იაკობისა – ერთი, პეტრესი – ორი, მერმე იოანესი – სამი, და იუდასი – ერთი; ამათთან თოთხმეტი ეპისტოლე მოციქულ პავლესი, რომლებიც იწერება შემდეგი თანმიმდევრობით: პირველი – რომაელთა მიმართ, მერმე კორინთოელთა მიმართ – ორი ეპისტოლე, ამათ შემდეგ – გალატეელთა მიმართ, მერმე ეფესოელთა მიმართ, შემდეგ ფილიპელთა მიმართ, კოლასელთა მიმართ, თესალონიკეელთა მიმართ – ორი, ებრაელთა მიმართ, ტიმოთეს მიმართ – ორი და ტიტუს მიმართ – ერთი და უკანასკნელი ეპისტოლე – ფილიმონის მიმართ. და ბოლოს აპოკალიფსისი (გამოცხადება) იოანესი.

ესენია ცხონების წყარო, რათა მათში არსებული სიტყვებით დაიცხროს მწყურვალმა წყურვილი, რამეთუ მათში მხოლოდ კეთილმსახურების სწავლებაა ხარებული. ამათ ნურავინ დაუმატებს და მოაკლებს რამეს. ასეთებისთვის ამობობა უფალი, როდესაც სადუქეველებს არცხვენდა: „სცთებით, რამეთუ არა იცნით წიგნნი, არცა ძალი ღმრთისაჲ“ (მთ. 22, 29), იუდეველებს კი შეაგონებდა: „გამოეძიებდით წიგნთა, რამეთუ თქვენ ჰგონებთ, ვითარმედ გაქუს ცხორებაჲ საუკუნომ მათ შინა; და იგინი არიან, რომელნი წამებენ ჩემთვის“ (ინ. 5, 39). ხოლო მეტი სიზუსტისათვის, რადგანაც ვწერ ამას საჭიროების გამო, დავსძენ იმასაც, რომ ამათ გარდა, სხვა წიგნებიცაა, არშეტანილნი კანონში, მაგრამ მამების მიერ საკითხავად დაწესებულნი ახალმოქცეულთათვის, და კეთილმსახურების სიტყვით განმზადების მოსურნეთათვის. ესენია: სიბრძნე სოლომონისი, სიბრძნე ზირაქისი, ესთერი, ივლითი, ტობია და ეგრეთ წოდებული „მოციქულთა სწავლა“ (დიდაქე) და „მწყემსი“. საყვარელნო, ამ საკითხავ (არაკანონიკურ) და კანონიკურ წიგნებს შორის, არსად მოიხსენიება აპოკრიფული წიგნები, რადგან ისინი მწვალებლთა ჩანაფიქრია, რომლებიც წერენ მათ, როცა სურთ, აწესებენ წასაკითხ-

ად და უმატებენ ხანს, რათა წარმოაჩინონ ისინი როგორც ძველი წიგნები და სარწმუნო გახადონ გულუბრყვილოთა საცთუნებლად.

(მოც. 60, 85; ლაოდ. 60; კართ. 24; გრიგოლ ღვთისმეტყველისა და ამფილოქისა წმინდა წერილის წიგნების შესახებ)

წინამდებარე კანონი: „დღესასწაულების შესახებ 39-ე ეპისტოლედან“, ათანასე დიდის მიერ დაწერილია 367 წელს; ის დიდი მნიშვნელობის შემცველია, ვინაიდან განმარტავს მართლმადიდებლური ქრისტიანული სარწმუნოების საფუძველსა და პირველწყაროს. ამ ეპისტოლეს ეფუძნება – და ასევე იმას, რასაც ამ საკითხზე ამბობს კირილე იერუსალიმელი, გრიგოლ ღვთისმეტყველი, ამფილოქე და ლაოდიკის მე-60 კანონი – ახლანდელი სწავლება მართლმადიდებელი ეკლესიისა წმინდა წერილისა და იმ წიგნების შესახებ, რომლებიც მას შეადგენენ. როგორც ამ ეპისტოლეში წმინდა წერილის წიგნების რიცხოვნობაზე საუბარია, აგრეთვე, „საღმრთო წერილის მოკლე მიმოხილვაში“, რომელმაც ჩვენამდე მოაღწია ათანასეს სახელით, ასევე იოანე დამასკელის „მართლმადიდებლური სარწმუნოების ზედმიწევნით გადმოცემაში“ (წიგ. IV, თავ. 17).

წინამდებარე ეპისტოლეში ათანასე ლაპარაკობს წმინდა წერილის კანონიკურ, შემდეგ არაკანონიკურ და ბოლოს, აპოკრიფულ წიგნებზე.

კანონიკურ წიგნებთან დაკავშირებით, ანუ რომლებიც რჯულისკანონში შევიდნენ, წმინდა ათანასე ამბობს, რომ ისინი გადმოცემის სახით მის დრომდე დაცულია ეკლესიაში, რომ ისინი ღვთივსულიერი წიგნებია და გადარჩენის წყაროს წარმოადგენს, რამეთუ მხოლოდ მათშია გადმოცემული კეთილმსახურების მეცნიერება და ამიტომ არავის აქვს უფლება მათ რამე დაამატოს ან გამოაკლოს. ხაზს უსვამს რა წმინდა წერილის კანონიკური წიგნების დიდ მნიშვნელობას, წმინდა ათანასე რიგის მიხედვით ჩამოთვლის ამ წიგნებს, თავიდან ძველი აღთქმისას, რომელთა შესახებაც ამბობს რომ ისინი რიცხოვნობით – ოცდაორია (ებრაული აღფაბეტის ასოთა რაოდენობის მიხედვით; ამდენსავე ითვლიდნენ ებრაელებიც, თვლიდნენ რა ერთ წიგნად ორ და მეტ წიგნს), შემდეგ კი – ახალი აღთქმის წიგნებს, იმ რიგითობით და რიცხოვნობით, როგორც მათ ამჟამადაც აღიარებს და იწყნარებს მართლმადიდებელი ეკლესია.

ძველათქმისეული წიგნებიდან წმინდა ათანასეს ცალკე მოჰყავს წიგნი „მსაჯულთა“ და ცალკე – „რუთი“, და ეს იმიტომ, რომ წიგნი „ესთერი“ მოხსენიებული არ აქვს,* რის გამოც წიგნების საერთო რიცხოვნობა 22 გამოდის, როგორც ეს ლაოდიკის კრების მე-60 კანონშია გადმოცემული.

* კირილე იერუსალიმელთან წიგნი „რუთი“ შეერთებულია წიგნთან „მსაჯულთა“, წიგნი „ესთერი“ კი ცალკეა ჩათვლილი კანონიკურ წიგნებს შორის. ათანასე დიდთან წიგნი „ესთერი“ არ მოიხსენიება, ასევე – არც გრიგოლ ღვთისმეტყველთან და არც მელიტონ სარდიკიელთან, რადგან ქრისტიანულ ეკლესიაში ყველგან არ იყო დამტკიცებული ყველა (პალესტინისა და ალექსანდრიის) ებრაელთან ითვლებოდა თუ არა ის კანონიკურ წიგნად, ვინაიდან ეკლესიის ბევრი მამა ამ კრიტერიუმს უმთავრესად თვლიდა წიგნის კანონიკურად ან არაკანონიკურად აღიარებისათვის. ამფილოქეს, ისევე, როგორც იოანე დამასკელს, ეს წიგნი კანონიკური წიგნების სიაში აქვს შეტანილი, ზუსტად ასევე – კირილე იერუსალიმელსაც, ასევე ჩვენს კატეხიზმოშიც („ვერცელი ქრისტიანული კატეხიზმო“, 1889 წ.

ახალდათქმისეული წიგნებიდან კი წმინდა ათანასე მოიხსენიებს 27 წიგნს, ამდენივეა ამფილოქესთან, იოანე დამასკელთან და ჩვენს კატეხიზმოში.

ჩამოთვლის რა ძველი და ახალი აღთქმის კანონიკურ წიგნებს, წმინდა ათანასეს შემდეგ მოჰყავს არაკანონიკური წიგნები, რომლებიც, შეაბამისად, რჯულისკანონში არ შესულან, მაგრამ რომლებსაც იგი მიიჩნევს ასევე საჭირო და სასარგებლო საკითხავ წიგნებად და განსაკუთრებით იმათთვის, ვისაც უნდა ქრისტიანი გახდეს და კეთილმსახურების მეცნიერებას გაეცნოს. ასეთ არაკანონიკურ წიგნებად ათანასე დიდი ასახელებს ხუთს ძველი აღთქმიდან და ორს ახალი აღთქმიდან, სახელები:

1. სიბრძნე სოლომონისი,
2. სიბრძნე ზირაქისი,
3. ესთერი,
4. ივდითი,
5. ტობია,
6. „მოციქულთა სწავლად“ წოდებული,
7. მწყემსი (ჰიმენი – ბერძნულად).

წიგნი „ესთერი“ არაკანონიკურ წიგნებთან ალბათ იმიტომ დგას, რომ იმ დროს აღექვანდრიელი ებრაელები ჯერ კიდევ არ ეთახმებოდნენ პალესტინელ ებრაელებს ამ წიგნის კანონიკურად შერაცხვაზე და მას ისეთად თვლიდნენ, როგორადაც აღმოსავლეთის ეკლესიასთვის მიაჩნდა იგი კირილე იერუსალიმელს* სხვა დანარჩენი ოთხი წიგნი: სიბრძნე სოლომონისი, სიბრძნე ზირაქისი, ივდითი და ტობია აღმოსავლურ მართლმადიდებელ ეკლესიაში ყოველთვის არაკანონიკურად იყო აღიარებული, მაგრამ მაინც – ფრიად კეთილ, განმასწავლებელ და წმინდად.** დაბოლოს, ორი უკანასკნელი წიგნი – „მოციქულთა სწავლა“ და „მწყემსი“, ეკლესიის მიერ აღიარებული იყო როგორც ფრიად კეთილი და კათაქმეველთათვის სასარგებლო წიგნები.

პირველ წიგნთან დაკავშირებით („მოციქულთა სწავლა“) ზონარა შენიშნავს, რომ ზოგიერთები ამბობენ, ეს კლიმენტის მიერ შეკრებილი მოციქულთა განწესებები არისო; ტრულის კრებამ თავისი მე-2 კანონით აკრძალა მათი კითხვა.*** „მოციქულთა სწავლა“ ძველ დროში იგივედებოდა „მოციქულთა განწესებებთან“**** ამიტომ შეიძლება ჰგონებოდათ, რომ წმინდა ათანასეც მიიჩნევდა „სწავლებას“ (დიდაქე – ბერძნულად) მოციქულთა განწესებად. უახლოესი დროის მეცნიერულმა გამოკვლევებმა აჩვენეს, რომ ეს ასე არ არის. „დიდაქეში“ წმინდა ათანასე არ გულისხმობს მოციქულთა განწესებებს, არამედ სრულიად სხვა წიგნს, რომელიც

*იხ. წინა სქოლიო.

**გარდა ოთხი მოხსენიებული ძველი აღთქმის არაკანონიკური წიგნისა, მართლმადიდებელი ეკლესიის წავლების თანახმად, არაკანონიკურად ითვლება კიდევ ესდრას მე-2 და მე-3 წიგნი (ხოლო ზემოთ კანონიკურად მოხსენიებულ ესდრას მე-2 წიგნში, უნდა ვიგულისხმობთ „ნემიას“ წიგნი), მაკაბელთა ყველა სამი წიგნი, ასევე ზოგიერთი ადგილი ძველი აღთქმის კანონიკური წიგნებიდან. იხ. ყოვლადგანწმენდილი მაკარის „Введение в православное богословие“, 3 127.

***იხ. ამ ეპისტოლეს განმარტება ათენის სინტაგმაში, IV, 81.

****ამასთან დაკავშირებით იხ. I ტომში ტრულის კრების მე-2 კან. განმარტება.

რედაქტირებული იყო ეგვიპტეში II საუკუნის პირველ ნახევარში (სხვა ვერსიით — სირიაში ან პალესტინაში). ამ წიგნის შინაარსი ცნობილია. ეს არის სრულიად დამოუკიდებელი თხზულება, რომელსაც მოციქულთა განწესებებთან ის საერთო აქვს, რომ გამოყენებულ იქნა მოციქულთა განწესებების VII წიგნის პირველი განყოფილების (თავ. 1-32) წყაროდ. ხოლო იმის მტკიცებულებას, რომ წმინდა ათანასე ამ თავის ეპისტოლეში გულისხმობდა სწორედ „დიდაქეს“ და არა მოციქულთა განწესებებს, ემსახურება ის, რომ როგორც დღეს არის ცნობილი, ათანასე თავად სარგებლობდა ამ თხზულებით და, კერძოდ, „სწავლა, გადმოცემული მონოზენებისათვის“, რომელმაც ჩვენამდე ათანასეს სახელით მოაღწია, თავის პირველ ნაწილში სხვა არაფერია თუ არა „დიდაქეს“ დამუშავებული გამოცემა.

წიგნი „მწყემსი“, ერმას მიერ შედგენილი II საუკუნის დასაწყისში, შინაარსობრივად, გარკვეულწილად, „დიდაქესთან“ მჭიდრო კავშირში დგას და ძველ ეკლესიაში უაღრესად ფასობდა. ორიგენე მას „ლეთვისულიერადაც“ კი მიიჩნევდა. „მწყემსის“ ასეთი მნიშვნელობიდან გამომდინარე, წმინდა ათანასეს შექმლო რეკომენდაცია გაეწია მისთვის „დიდაქესთან“ ერთად, როგორც კათაკმეველთათვის სულის სასარგებლო წიგნისათვის.

წმინდა ათანასე, იმის შემდეგ, რაც თავის ეპისტოლეში ჩამოთვლის ძველი და ახალი აღთქმების კანონიკურ წიგნებს, და მერე იმ წიგნებს, რომლებიც რჯულისკანონში არ შევიდნენ, მაგრამ სასარგებლოა კათაკმეველთათვის, — საუბრობს „აპოკრიფული წიგნების“ შესახებაც, რომლებიც მწვალებლებმა შეადგინეს იმ მიზნით, რომ გულუბრიყვილონი ჭეშმარიტების გზიდან გადაეცდინათ; ისინი თავიანთ წიგნებს ძველ ქრისტიანულ წიგნებად ასაღებდნენ, სინამდვილეში კი მათი წიგნები ქრისტიანული სწავლების შერყენილ სახეს წარმოადგენდა. სწორედ იმისათვის, რომ ერთგული მორწმუნენი ამ ცრუ, მწვალებლურ წიგნებს მოარიდოს, წმინდა ათანასემ დაწერა ეს ეპისტოლე, — როგორც თავად ამბობს. ამ წიგნების შესახებ ჩვენ ვისაუბრეთ, რაოდენიც საჭიროა, მოციქულთა მე-11 კანონის განმარტებაში.

**ეპისტოლე წმინდისა ათანასე დიდისა,
ალექსანდრიის მთავარეპისკოპოსისა,
რუფინიანეს მიმართ**

კანონი 3

ჩემს ძესა და უსასურველეს თანამწირველს, უფალ რუფინიანეს, ათანასესგან, გიხაროდენ უფლის მიერ.

შენ მე, მამას, ისე მწერ, როგორც საყვარელ ძეს შეეფერება. წერილის მეშვეობით მოახლებულს, გულში გიკრავ, ყველაზე მეტად სასურველო რუფინიანე. მეც შექმელო შენთვის, როგორც ძისადმი, მომწერა დასაწყისშიც, შუაშიც და მაშინაც, როცა საქმე ბოლოსკენ მიდიოდა, მაგრამ თავი შევიკავე, რადგან წერილებით არ შეიცნობა თანაზიარება და მოწმობა. რამეთუ

შენ ხარ ჩემი წიგნი, საღმრთო წერილში ნათქვამისაებრ (2 კორ. 3, 2), უწყებული და აღმოკითხული ჩემს გულში. ვარ რა შენდამი ამგვარად განწყობილი (მერწმუნე მე, პოი, მერწმუნე), გიწვევ და გარწმუნებ მომწერო, რამეთუ ამის ქმნით მცირედ კი არა, დიდად მანუგეშებ. ხოლო რადგანაც ღმერთის სიყვარულითა და ეკლესიურად მეკითხები (როგორც ეს შენს კეთილმსახურებას შეშვენის) შეჭირვებით გატაცებულთა, მაგრამ ბოროტ-მორწმუნებით წარუხდენელთა შესახებ, და სურვილი გამოხატე, რომ მომეწერა შენთვის, თუ რა არის დადგენილი მათ შესახებ კრებებზე და ყველგან, ამიტომ იცოდე, ჩემო სასურველო უფალო, რომ თავიდან, არსებული ძალადობის (არიოზელთაგან მომძლავრების) შეწყვეტის შემდეგ, შედგა გარე ქვეყნიებიდან შეკრებილ ეპისკოპოსთა კრება; შედგა, ასევე, ელადში მცხოვრებ თანამწირველთა კრება, ზუსტად ასევე შეიკრიბნენ ესპანეთსა და გალიაში მოღვაწენიც. დადგენილ იქნა, როგორც აქ, ისე ყველა სხვა ადგილას, რომ დაცემულებსა და უკეთურების* შემწევებს (წინამძღვრებს) თუკი შეინანებენ, შემწყნარებლობა გამოუვუვლინოთ, მაგრამ არ მიეცეთ მათ ადგილი სამღვდელო დასში; ხოლო იმათ, ვინც არ იყო უკეთურების თვითხელმწიფებრივად მოქმედი, არამედ შეჭირვებითა და ძალადობით იქნა მიტაცებული, შენდობა მიეცეთ, და ადგილიც შეეუნარჩუნოთ მათ კლირიკოსთა შორის; განსაკუთრებით მაშინ, როცა მათ რწმენის ღირსი გამართლება მოუტანიათ, და ეს დადგინდა, ცხადია, გარკვეული კეთილგანზრახულობით. რამეთუ ასეთები ამტკიცებდნენ, რომ არ ცთუნებულან უკეთურებაში შთავარდნით, მაგრამ იმ მიზნით, რომ ზოგიერთებს, უკიდურეს უკეთურებამდე მისულთ, არ მოეშალათ ეკლესიები, უმჯობესად ჩათვალეს დაეთმოთ ძალადობისათვის და სიმძიმე ეტვირთათ, ვიდრე ერი დაეღუპათ. ყვებოდნენ რა ყოველივე ამას, ისინი, ჩვენი აზრითაც, შეწყნარებას იმსახურებდნენ, ვინაიდან თავის გასამართლებლად, მოსეს ძმის, აარონის მაგალითი მოიყვანეს, რომელმაც უდაბნოში დაუთმო ერის დანაშაულებრივ მოთხოვნას, მაგრამ გამართლება ჰქონდა მის განზრახვებს: ერი ეგვიპტეში არ უნდა დაბრუნებულიყო და კერპთმსახურებაში არ დარჩენილიყო: ფრიად სარწმუნოდ ჩანდა, რომ თუ უდაბნოში დარჩებოდნენ, ერი უწმინდურებას განეშორებოდა, ხოლო ეგვიპტეში დაბრუნების შემთხვევაში, ერში უწმინდურება კიდევ უფრო გაიზრდებოდა და გაძლიერდებოდა. ამ მიზეზით ნებადართულია ასეთების მიღება სამღვდელო დასში, რადგან ცთუნებულთ და ძალადობის დამთმენთ შენდობა ეძლევათ. ეს შენს კეთილკრძალულებასაც გამოეცხადა, და მე ვსასოებ, რომ შენი კეთილმსახურებაც შეიწყნარებს განწესებულს და არ განიკითხავს იმათ ღმობიერებას, რომლებიც ამაზე შეთანხმდნენ. ღირს ჰყავი ამის წაკითხვა სამღვდელთა წინაშეც და

* უკეთურება - ესე იგი, არიოსელობა; დაცემული - რომლებიც ქრისტეს განუდგნენ და არიანელობაში გადავიდნენ; უკეთურების შემწენი - არიანელობისკენ მიქცეულნი და ამაში სხვების მაცთუნებელნიც.

შენდამი დაქვემდებარებული ერის წინაშეც, რათა ისინიც, ეცოდინებათ რა ეს, არ დრტვინავდნენ იმის გამო, რომ შენ ამგვარად ხარ განწყობილი ასეთების მიმართ. რამეთუ ჩემთვის შეუფერებელი იქნებოდა მიმეწერა მაშინ, როცა შენს კეთილკრძალულებას თავად შეუძლია ჩენი მათდამი კეთილგანწყობაც აუწყოს მათ და ყოვლივე დაკლებულიც შეავსოს. მაღლობა უფალს, რომელმაც აღგავსო შენ ყოვლითა სიტყვითა და მეცნიერებით. ხოლო მონაწილეებმა, დაე, გაცხადებულად შეაჩვენონ სახელების ხსენებით ევდუქსიოსი და ევზოიოსი — ბოროტმორწმუნენი. რამეთუ ამ პირებმა, მკრეხელურად უწოდებენ რა ღმერთის სიტყვას ქმნილებას, თავიანთი თავი არიოზის მწვალებლობის დამცველებად წარმოაჩინეს; მაშ, დაე, აღიარონ ნიკეაში მამათაგან აღიარებული სარწმუნოება, და ნურც ერთ სხვა კრებას ნუ ამჯობინებენ აღნიშნულ კრებას. მომიკითხე შენთან მყოფი ძმები, ხოლო ჩვენთან მყოფნი უფლის მიერ მოგიკითხავენ შენ.

(მოც. 62; I მსოფ. 10; ანკვირ. 1, 2, 3, 5, 8; პეტრე ალექსანდრიელის 10, 14; თოფოილე ალექსანდრიელის 2)

იმ დროში, როდესაც არიანელობა ძალაში იყო და ის ამ მწვალებლობის დამცველი იმპერატორების მფარველობით სარგებლობდა, — განსაკუთრებით, იმპერატორ ვალენტინოსისა, — ბევრ სასულიერო პირს ძალით უხდებოდა არიანული სწავლების აღიარება. შემდგომში, როცა ძალადობა შეწყდა და მართლმადიდებლებს საშუალება მიეცათ თავისუფლად ეადმსარებლათ საკუთარი სარწმუნოება, იმ სასულიერო პირთაგან ბევრმა დატოვა მწვალებლობა და კვლავ მართლმადიდებელ ეკლესიას დაუბრუნდა. ამის შედეგად, დღის წესრიგში დადგა საკითხი, რაგვარად დაებრუნებინათ ისინი ეკლესიაში, რაკი საერთო განწყობა ამის თაობაზე არ არსებობდა. საკითხის გადასაჭრელად, ეპისკოპოსმა რუფინიანემ 370 წელს მიმართა ათანასე დიდს, რომელსაც, როგორც ჩანს, რუფინიანეს გარდა სხვა ბევრიც მიმართავდა აღნიშნული საკითხის გასარკვევად. ათანასემ საგანგებო ეპისტოლეთი უპასუხა და სწორედ ეს ეპისტოლე შეადგენს წინამდებარე კანონს. ათანასე მოიხსენიებს ამავე საკითხის გადასაჭრელად ესპანეთში, გალიასა და ელადაში შემდგარ კრებებს, კერძოდ კი იმ კრებას, რომელიც საზღვარგარეთელი ეპისკოპოსების მონაწილეობით შედგა და მიიღო სპეციალური კანონი. ეს არის — ალექსანდრიის 362 წლის კრება, მოწვეული ათანასეს თავმჯდომარეობით ეკლესიაში მშვიდობისა და ქრისტიანებს შორის ერთიანობის აღსადგენად, რაც არიანელობამ დაარღვია. ამ კრებაზე, სხვათა შორის, დადგინდა, რომ ყველა იმ პირს, რომლებიც იძულებით გადავიდნენ არიანელების მხარეს, მაგრამ საქმითა და საკუთარი შეხედულებებით ასეთები არ იყვნენ, უნდა მიეტევოთ და ნება მიეცეთ დარჩნენ საეკლესიო იერარქიის იმ ხარისხებში, რომლებშიაც იყვნენ არიანელობაში გადასვლამდე; მთავრები და მწვალებლობის აქტიური დამცველებიც, მათი მოქცევისა და მონაწილების შემთხვევაში, ასევე შეიძლება მიღებულ იქნენ ეკლესიაში, მაგრამ კლერიკოსები უკვე ვეღარ გახდებიან. ალექსანდრიის კრების ამ განწყობას წმინდა ათანასე ატყობინებს რუფინიანეს სახელმძღვანელოდ. იმის გამო,

რომ იმ დროს წარმოჩნდნენ – როგორც არიოზის სწავლების მოშურნე მომხრენი – ევდუქსიოსი, კონსტანტინოპოლის ეპისკოპოსი (360-370) და ევზოიოსი, ანტიოქიის ეპისკოპოსი (364-376), რომლებმაც არიანული მწვალებლობა მართლმადიდებლურ სწავლებად გამოაცხადეს, წმინდა ათანასე თავის ამ ეპისტოლეში შეახსენებს რუფინიანეს, რომ მან ყველასგან, ვინც ეკლესიაში არიანელობისგან მოექცევა, მოითხოვოს: შეაჩვენონ დასახელებული ორი ეპისკოპოსის მოძღვრება და საზეიმოდ აღიარონ ნიკეის წმინდა პირველი მსოფლიო საეკლესიო კრების მრწამსი.*

*ბასილი დიდის ეპისტოლედან ნეოკესარიელთა მიმართ (ეპ. 204, 6), ჩანს, რომ ათანასე დიდი ამის შესახებ ბასილი დიდსაც წერდა.

წმინდა ბასილი დიდის კანონები
პირველი კანონიკური ეპისტოლე წმინდისა მაქსიმისა
ჩვენი სასილისი. კესარია-კაპადოქიის
მთავარეპისკოპოსისა იკონიის ეპისკოპოს.
ამჟილოქეს მიმართ

შესავალი

უგუნურს, — როგორც წმინდა წერილშია ნათქვამი, — სიბრძნის შესახებ შეკითხვა, სიბრძნედ შეერაცხება (იხ. იგავნი, 17, 28), ხოლო ბრძენის შეკითხვა, როგორც ვფიქრობ, უგუნურსაც აბრძნობს. ღვთის მადლით, ეს ჩვენ ყოველთვის გვემართება, როდესაც შენი შრომისმოყვარე სულის წერილებს ვიღებთ. რამეთუ მაშინ მე ვხდები საკუთარ თავზე უფრო მეტად მცოდნე და მოაზროვნე, და თვით შეკითხვიდან ბევრს ისეთს ვსწავლობ, რაც მანამდე არ ვიცოდი. პასუხზე ზრუნვა ჩემთვის სასწავლებელი ხდება. საკითხები, რომლებსაც შენი შეკითხვები შეიცავს, არასდროს ყოფილა ჩემი ფიქრის საგანი, ამიტომ, ჭეშმარიტად, ახლაც იძულებული ვარ განვიხილო ისინი მთელი სიზუსტით და გავიხსენო, რაც მათ შესახებ მსმენია უხუცესთაგან, და ჩემი მხრიდანაც ვიფიქრო შესაბამისად იმისა, რაც ვისწავლე.

კანონი 1

ამგვარად, კათარების შესახებ აღრეც იყო ნათქვამი, და შენ კეთილგონივრულად შენიშნე, რომ უნდა მიეყვეთ თითოეული ქვეყნის ჩვეულებას, რადგან მათი ნათლობის შესახებ თავის დროზე სხვადასხვაგვარად მსჯელობდნენ ამ საკითხით დაკავებული მამები. პეპუზიანელებს, როგორც ვფიქრობ, არაფერი გააჩნიათ თავის დასაცავად და მე მიკვირს როგორ ვერ შენიშნა ეს დიდმა დიონისემ, კანონებში ეგზომ გაცნობიერებულმა. რამეთუ ძველებმა დააწესეს მხოლოდ იმათი ნათლისღების შეწყნარება, რომლებიც არაფერში განდგომიან სარწმუნოებას; ამიტომ სხვას დაარქვეს მწვალებლობა, სხვას — განხეთქილება, სხვას კიდევ — თვითნებური თავყრილობა. მწვალებლები მათ უწოდეს სრულიად განშორებულებს და თვით სარწმუნოებაში გაუცხოებულებს. სქიზმატები (განხეთქილებაში მყოფნი) — ვისაც საეკლესიო და, ასევე, მიკურნალობას დაქვემდებარებულ საკითხებში განსხვავებული აზრები აქვთ; ხოლო კიდევ შესაკრებელი — ეს არის დაუმორჩლებელი მღვდლები ან ეპისკოპოსების და მათთან ერთად განუსწავლელი მრევლის შეკრება. მაგალითად, თუკი ვინმე, ცოლვაში მხილებული და მღვდელმსახურებიდან დაყენებული, არ დაემორჩილა კანონებს, არ დაუტევა მღვდელმსახურების უფლება და მასთან ერთად ზოგიერთი სხვაც განუდგა კათოლიკე ეკლესიას, — ეს არის თვითნებური თავყრილობა. სინანულის შესახებ სხვაანაირი აზროვნება, ვიდრე ეს ეკლესიაშია დამკვიდრებული — არის განხე-

თქილება. მწვალებლობა კი არის, მაგალითად, მანიქევეური, ვალენტინანური, მარკიონიტური და თვით ეს პეპუზიანური. ვინაიდან აქ ადგილი აქვს განსხვავებას თვით ღმერთის რწმენაში. აი, რატომაც უარყვეს მამებმა თავიდანვე მწვალებელთა მიერ აღსრულებული ნათლისღება; სქიზმატების ნათლისღება შეიწყნარება, რადგან ეკლესიისთვის ისინი გაუცხოებულნი ჯერ კიდევ არ არიან. ხოლო ვინც თვითნებურ თავყრილობაშია — გამოსწორებულ იქნენ შესაფერისი სინანულითა და მოქცევით, და კვლავ შემოუერთდნენ ეკლესიას. ამგვარად, საეკლესიო ხარისხებში მყოფნიც კი, რომლებიც ურჩებთან ერთად განდგნენ, როდესაც მოინანიებენ, არცთუ იშვიათად მიიღებიან ისევ იმავე ხარისხში. პეპუზიანელები კი აშკარად მწვალებლები არიან. რამეთუ მათ გმობა წარმოთქვეს სულიწმინდაზე, — უკეთურად და უსიკრებლოდ მიაკუთვნეს რა ნუგეშისმცემლის სახელწოდება მონტანს და პრისკილეს. ამიტომ რაკი აღმერთებენ ისინი ადამიანს, — ამისთვის განკითხვას იმსახურებენ; შეურაცხყოფენ თუ არა სულიწმინდას, როდესაც ადარებენ მას ადამიანებს? — ამ შემთხვევაშიც მარადიულ სასჯელს იმსახურებენ, რამეთუ სულიწმინდის გმობა მიუტევებელია. როგორი შესაბამისობა იქნებოდა იმათი ნათლისღების შეწყნარება, რომლებიც ნათლავენ სახელითა მამისათა, და ძისათა, და მონტანისათა ან პრისკილისათა? რამეთუ არსებითად მონათლულნი არც არიან ვინც იმ ნათლობით ინათლება, რაც ჩვენ გადმოცემით არ მიგვიღია. ამიტომ, თუმც დიდმა დიონისემ ეს ვერ შეამჩნია, მაგრამ ჩვენ არ უნდა ვიყოთ არასწორის მიმბაძველები, რამეთუ უაზრობა თავისთავად ნათელია და ყველასთვის ცხადია, ვისაც კი ოდნავ განსჯის უნარი აქვს. კათარები სქიზმატთა რიცხვიდან არიან. თუმცა, სათნოდ მიიჩნიეს ძველებმა, — როგორც ეს კვიპრიანემ და ჩვენმა ფირმილიანემ, — რომ ერთი განწესების ქვეშ დაეყენებინათ ყველა ისინი: კათარები, ენკრატიტები, პიდროპარასტატები და აპოტაკტიტები. რადგან, თუმც განდგომა განხეთქილების მეშვეობით დაიწყო, მაგრამ ეკლესიიდან განდგომილებს უკვე აღარ გააჩნდათ სულიწმინდის მადლი. რამეთუ მოიკლო მადლის გადმოსვლამ, იმიტომ, რომ შეწყდა კანონიერი მემკვიდრეობითობა. ვინაიდან პირველმა განდგომილებმა მიიღეს კურთხევა მამებისგან და მათგან ხელდასხმის გზით — სულიერი ნიჭი. მაგრამ მას შემდეგ, რაც განდგნენ, გახდნენ ერისკაცნი და აღარ გააჩნდათ ხელმწიფება არც ნათლობის, არც ხელდასხმის, და აღარ შეეძლოთ სხვებისთვის გადაეცათ სულიწმინდის მადლი, რომელსაც თვითონ მოაკლდნენ. აი, რატომაც, მათგან ეკლესიაში მოსულებს, როგორც ერისკაცების მიერ მონათლულთ, ძველები ბრძანებდნენ კვლავ გაწმენდას ჭეშმარიტი ეკლესიური ნათლისღებით. მაგრამ, რადგანაც ასიაში ბევრს გადაჭრით სურდა, მრავალთა აღსაშენებლად, მიეღო მათი ნათლისღება, ამიტომ, დაე, მიღებულ იქნეს იგი. ჩვენ უნდა შევნიშნოთ ენკრატიტების ცბიერება. ისინი თავიანთ თავს ეკლესიისთვის მიუღებლად ჰყოფენ, ჩაიფიქრეს რა საკუთარი, ნაჩქარევი ნათლისღება ჩაეტარებინათ, რითაც თავიანთ ჩვეულებას უღალატეს. ამდენად, რადგანაც მათ შესახებ აშკარად არაფერი თქმულა, ვგონებ, რომ

შეგვშენის მათი ნათლისღების უარყოფა. და თუ ვინმე მათგანს ის მიუღია, მაშინ ესევეთარი, ეკლესიაში მოქცევისას – მონათლოს. მაგრამ თუ ეს დაბრკოლების მიზეზი ხდება საერთო კეთილშენებისათვის, მაშინ საჭიროა კვლავ ჩვეულებას მივსდეთ და მამებს მივეყვით, რომლებმაც კეთილგანჭვრეტით მოაწყვეს ჩვენი საქმეები. რამეთუ ვმისობ, რომ იმ დროს, როდესაც გვინდა ისინი ნაჩქარევი ნათლობისგან შევაკავოთ, სრულიად არ გავიუცხოთ. თუ ისინი ინარჩუნებენ ჩვენს ნათლობას, ამან ჩვენ არ უნდა შეგვარცხინოს, რამეთუ ჩვენ ვაღდებულნი ვართ არა მადლობა მივაგოთ მათ ამისთვის, არამედ ზუსტად დავემორჩილოთ კანონებს. აუცილებლად უნდა დაწესდეს, რომ მათი ნათლობის შემდეგ ეკლესიაში მოქცეულნი, ცხებულ იქნენ ერთგულთა მიერ და ისე მოხდეს საიდუმლოებზე მათი დაშვება. თუმცა, ვიცი, რომ ზოისა და სატორნის ძმები, რომლებიც მათ საზოგადოებაში იყვნენ, ჩვენ მივიღეთ საეპისკოპოსო კათედრაზე, ამიტომ მათთან ერთობაში მყოფთ, ჩვენ უკვე მკაცრი სასჯელით ვერ გავაუცხოებთ ეკლესიისგან, რადგან ეპისკოპოსების შეწყნარებით გარკვეული წესი მივიღეთ მათთან ერთობისა.

(მოც. 46, 47; I მსოფ. 8; II მსოფ. 7; ტრულ. 95; ლაოდ. 7; ბასილი დიდის 47)

წინამდებარე და შემდგომი კანონები, მე-16-ის ჩათვლით, შეადგენენ ბასილი დიდის 374 წლის პირველ კანონიკურ ეპისტოლეს ფრიგიის იკონიის ეპისკოპოს ამფილოქეს მიმართ. მასში ბასილი დიდი იძლევა პასუხებს მის წინაშე ამფილოქეს მიერ დაყენებულ ზოგიერთ კანონიკურ კითხვაზე და თხოვნის თანახმად განუმარტავს მას წმინდა წერილის ზოგიერთ ადგილს. ეპისტოლე იწყება სიტყვებით: „*უგზურსა კითხე სწავლისათჳს, სიბრძნედ შეერაცხოს*“ (იგავნი, 17, 28). – პირველი კითხვა, რომელიც ამფილოქემ ბასილი დიდს დაუსვა, იყო შეკითხვა ნათლობის შესახებ, კერძოდ, როგორ უნდა ვიმსჯელოთ ცალკეულ არამართლმადიდებელ თემში აღსრულებულ ნათლისღებაზე, ანუ საჭიროა თუ არა იმ პირების გადანათლება, რომლებიც ამ თემებიდან მართლმადიდებელი ეკლესიისკენ მოექცევიან? ბასილი დიდის პასუხი შეადგენს წინამდებარე პირველ კანონს.

იმისათვის, რომ შეგვეძლოს ვიმსჯელოთ, თუ რამდენად ჭეშმარიტად არის აღსრულებული ნათლისღება ამა თუ იმ არამართლმადიდებელ საზოგადოებაში და, შესაბამისად, ვიცოდეთ როგორ უნდა მივიღოთ მართლმადიდებელ ეკლესიაში იქიდან მოქცეული პირი, ბასილი დიდი მიუთითებს, რომ ყურადღება უნდა მიექცეს იმას, თუ რამდენად არის ესა თუ ის თემი მართლმადიდებელ ეკლესიას განშორებული, – როგორც ამას წინა დროის წმინდა მამები განაწესებენ, – და ამის შესაბამისად იმოქმედონ. მართლმადიდებელი ეკლესიიდან ყველა განდგომილი იყოფა: 1) მწვალებლებად, 2) სქიზმატებად [ეკლესიასთან განხეთქილებაში მყოფებად] და 3) პარასინაგოგებად [კიდევშესაკრებლობაში მყოფებად]* ეყრდნობა რა ძველი მამების დადგენილებებს, წმინდა ბასილი მკაფიოდ განასხვავებს ერთმანეთისგან ამ განდგომილებს.

* „კიდევშესაკრებელი – ეკლესიისაგან გამოყოფით თვითნებური შეკრება სალოცავად ურჩი ეპისკოპოსის ან ხუცის თაოსნობით“ – დიდი სჯულისკანონიდან.

მწვალებლები არიან ის პირები, რომლებიც სრულიად მოსწყდნენ ეკლესიას და თვით სარწმუნოება დაკარგეს. ეფუძნება რა ბასილი დიდის წინამდებარე კანონს, ზონარა უფრო დაწერილებით განმარტავს: „არსობრივად მწვალებელი არის ყველა ის პირი, ვინც მართლმადიდებელ სარწმუნოებასთან შეუსაბამოდ აზროვნებს და ამ დროს არა აქვს მნიშვნელობა როდის განკანონდნენ ისინი ეკლესიიდან – დიდი ხნის წინათ თუ სულ ახლახან; ძველი ერესის მიმდევრები არიან, თუ – ახლის“.* მართლმადიდებლური სარწმუნოებისათვის მიუღებელი სწავლება, სრულებითაც არ არის აუცილებელი, რომ მაინდამაინც მართლმადიდებლური სწავლების საფუძვლებს ეხებოდეს იმისათვის, რომ მისი მიმდევარი მწვალებლად ჩაითვალოს, – საკმარისია მან თუნდაც ერთ დოგმატში შესცოდოს და იგი უკვე მწვალებელია. „მწვალებლებში იგულისხმებიან ვინც ჩვენ საიდუმლოებებს აღიარებენ, მაგრამ სწავლების ზოგიერთ ნაწილებში ცვლილებებს და მართლმადიდებლებს არ ეთანხმებიან“ – ამბობს ზონარა IV მსოფლიო კრების მე-14 კანონის განმარტებაში.** ზოგადად, მართლმადიდებელი ეკლესიის კანონიკური სწავლებით, ვინც მართლმადიდებელი არ არის, ის მწვალებელია.***

სქიზმატებს ისინი წარმოადგენენ, რომლებიც სხვაგვარად ფიქრობენ ზოგიერთი საეკლესიო საკითხის შესახებ, მაგრამ რომელთა შემორიგებაც ადვილად შეიძლება. ასე ამბობს ბასილი დიდი წინამდებარე კანონში. როდესაც ის აცხადებს, რომ უნდა აღიარონ სქიზმატების ნათლობა, მას მხედველობაში აქვს, რომ ისინი ეკლესიას მიეკუთვნებიან. II მსოფლიო კრების მე-6 კანონის განმარტებაში ზონარა იმეორებს ბასილი დიდის ამ სიტყვებს განხეთქილების შესახებ,**** ლაოდიკის კრების 33-ე კანონის განმარტებაში კი დასძენს: „სქიზმატები ეწოდებათ იმ პირებს, რომლებიც სარწმუნოებასა და დოგმატებთან მიმართებით საღად აზროვნებენ, მაგრამ ზოგიერთი მიზეზის გამო, გამოიყენენ და ცალკე თავიანთი საკრებულოები მოაწყვენ“***** საერთოდ, განხეთქილებას ეკლესია ყოველთვის უყურებდა, როგორც ერთ-ერთ ყველაზე დიდ დანაშაულს მის წინაშე. ასე, მაგალითად, ოპტატოს მიღვეიტელი (IV საუკუნე) განხეთქილებას უდიდეს ბოროტებად მიიჩნევდა, იმაზე უფრო მეტ ბოროტებად, ვიდრე მკვლელობა და კერძოაყვანისმცემლობაა. ეკლესიას კათოლიკედ ქმნის – (წერს ოპტატოს) – მარტივი და ჭეშმარიტი ცნობიერება, სახელდობრ, უმაგალითო და ჭეშმარიტი საიდუმლოებების გაცნობიერება და სულების ერთობა.

ადარებს რა განხეთქილებას მწვალებლობასთან, წმინდა იოანე ოქროპირი ამბობს, რომ ეკლესიის ერთობისა და საესების დარღვევა (განხეთქილება) არანაკლებ ბოროტებაა, ვიდრე მწვალებლობის დაარსება. აქედან გამომდინარე, რაკი განხეთქილება გმობას იმსახურებს, თავისი შედეგების გამო ის უფრო მეტი განკითხვის ღირსია, ვინაიდან საბოლოოდ ყველა განხეთქილება მწვალებლობაში გადა-

*II მსოფ. კრების მე-6 კან. განმარტება ათენის სინტაგმაში, II, 182.

**ათენის სინტაგმა, II, 252.

***ათენის სინტაგმა, VI, 74.

****ათენის სინტაგმა, II, 183.

*****ათენის სინტაგმა, II, 183.

იზრდება. იერონიმესა და ავგუსტინეს შესაბამისი მოსაზრებები ჩვენ მოვიყვანეთ II მსოფლო კრების მე-7 კანონის განმარტებაში.

პარასინაგოგა ეწოდება, როდესაც რომელიმე დაუმორჩილებელი ეპისკოპოსი ან მღვდელი და მასთან ერთად უბრალო ხალხი ეკლესიისგან განცალკევებით სალოცავად იკრიბებიან. მაგალითად, როდესაც სასულიერო პირი, რომელსაც მმართველი ხელისუფლების მიერ აკრძალული აქვს მღვდელმსახურება, არ მოისურვებს დამორჩილებას, გამოეყოფა კათოლიკე ეკლესიას, თავის ირგვლივ კიდევ სხვებსაც დაიმორჩილებას, გამოეყოფა კათოლიკე ეკლესიას, თავის ირგვლივ კიდევ სხვებსაც შემოიკრებს და თვითნებურად დაიწყებს მღვდელმოქმედებას. ბასილი დიდის განსაზღვრება მოგვაგონებს საეკლესიო ხელისუფლებას დაუმორჩილებელ იმ სასულიერო პირებს, რომლებსაც თავიანთი კანონიერი ეპისკოპოსების გვერდის ავლით თვითნებურად სურთ იმსახურონ ეკლესიაში და რომელთა წინააღმდეგაც მრავალი კანონი ყოფილა მიღებული (მოც. 31; IV მსოფ. 18; ტრულ. 31 და ასე შემდეგ). როგორც ვხედავთ, პარასინაგოგა მცირედით თუ განსხვავდება განხეთქილებისაგან, როგორც დახასიათებულია ისინი ბასილი დიდთან. ამიტომაც არ არის I მსოფლიო კრების მე-7 კანონში პარასინაგოგა ნახსენები, და მხოლოდ ის არის ნათქვამი, თუ როგორ უნდა მიიღონ ეკლესიაში მწვალებლები და სქიზმატები, ამ უკანასკნელებში კი პარასინაგოგებიც იგულისხმება, რომლებსაც, სხეთა შორის, ბევრი სხვა კანონის განწესებებიც მიემართება.

მას შემდეგ, რაც ჩამოთვლის მართლმადიდებელი ეკლესიიდან განდგომილთა ყველა კატეგორიას, ბასილი დიდი ამფილოქეს არიგებს, თუ როგორ უნდა მიიღონ ეს განდგომილები ეკლესიასთან ერთობაში. შემდგომში ეს აზრი არსებითად მიიღო და დაამტკიცა ტრულის კრებამ (95-ე კან.), რომლის განწესება ამჟამადაც ძალმოსილია ჩვენს ეკლესიაში.

თავის წინამდებარე კანონში ბასილი დიდი ჩამოთვლის მართლმადიდებელი ეკლესიიდან ყველა განდგომილი დაჯგუფების (სექტის) სახელწოდებას: პუპუზიანელებს, მანიქეველებს, ვალენტიანელებს და მარკიონიტებს – როგორც ერეტოკოსებს, ხოლო კათარებს, ეკრატიტებს, პიდროპარასტატებს და აპოტაკტიტებს – როგორც სქიზმატებს.

პაპუზიანელების შესახებ ჩვენ უკვე ვისაუბრეთ II მსოფლიო კრების მე-7 კანონის განმარტებაში. რაც შეეხება მანიქეველებს, ისინი დასაბამს იღებენ ვინმე მანესიდან, რომელიც II საუკუნეში ცხოვრობდა და თავის სწავლებას თავიდან სპარსეთში ქადაგებდა, საიდანაც ის უკვე ევროპაშიც გავრცელდა. მანესი გნოსტიკოსთა იმ ჯგუფს მიეკუთვნებოდა, რომელიც იუდაიზმს ებრძოდა და თითქოსდა ქრისტიანული სწავლების აღორძინება სურდა მთელი თავისი სიწმინდითა და დამოუკიდებლობით, და მისი მსოფლიოს ერთადერთ რელიგიად გადაქცევა. მანესმა საკუთარი სისტემა ააგო ძველსპარსულ ზოროასტრას დუალიზმზე: ნათელსა და ბნელზე, რასაც გარკვეული თანდათანობითობით ეონებს უკავშირებდა. იგი თვლიდა, რომ მოციქულებმა თითქოს ქრისტეს სწავლება გააუკუღმართეს და საკუთარ თავს მოციქულების მიერ შერყენილი ქრისტეს მოძღვრების განსაწმენდელად წარმოგზავნილ ნუგეშინისმცემელად აღიქვამდა. ამის გამო მან ახალი აღთქმიდან ამოიღო ყოველივე ის, რაც მის სისტემას არ შეესაბამებოდა. მანიქეველობამ VII საუკუნემდე იარსება, თუმცა ფარულად შემდგომ პერიოდშიც

გეხედება (იხ. ტრულ. 95-ე კან.). იმავე იუდაიზმის საწინააღმდეგო მიმართულებისა იყვნენ მარკიონიტებიც; ისინი თავიანთ დასაბამს პონტოელი მარკიონისგან იღებდნენ. მარკიონმა თავისი სწავლება ჯერ რომში იქადაგა (II საუკუნე) საიდანაც შემდგომ მთელ იტალიაში, ეგვიპტესა და ბოლოს აღმოსავლეთში გავრცელდა. მისი საწინააღმდეგო მიმართულების იყო, ანუ – იუდაიზმური, ვალენტინიანური გნოსტიციზმი, რომელმაც დასაბამი ეგვიპტელი ვალენტინისგან მიიღო, დაახლოებით II საუკუნის შუანახევარში. ვალენტინის სისტემა არ ყოფილა დუალისტური – აღმოსავლური გაგებით, მაგრამ მან განავითარა პარალელიზმი ზეციურ, იდეალურსა და მიწიერ, ხილულ სამყაროებს შორის, და ეს ისეთი ფორმით გააკეთა, რომელიც შეიძლება ჩაითვალოს ყველაზე სრულ და სრულყოფილად ყველა სხვა გნოსტიკურ სისტემებს შორის. ვალენტინის სისტემა, როგორც ასეთი, თავის დროზე პატივისცემით სარგებლობდა. მისი სკოლიდან ბევრი ცნობილი ადამიანი გამოვიდა, რომლებმაც მრავალი აცდუნეს და ამიტომ ქრისტიანობისათვის საფრთხეს წარმოადგენდნენ.

ბასილი დიდის მიერ წინამდებარე კანონში მოხსენიებულ სქიზმატთაგან, ჩვენ ვისაუბრეთ კათარების შესახებ I მსოფ. კრების მე-8 კანონის განმარტებაში და პიდროპარასტატების შესახებ – ტრულის კრების 32-ე კანონის განმარტებაში. რაც შეეხება ენკრტიკებსა და აპოტაკტიკებს – ამ სექციების წარმოშობა უკავშირდება ასურელი ტატიანეს გნოსტიკურ სკოლას (II საუკუნის მეორე ნახ.). სამყაროს წარმოშობის შესახებ გნოსტიკურ სწავლებასთან ერთად, რომელიც ძირითადად ვალენტინის სისტემის მსგავსი იყო, ტატიანე ქადაგებდა, ასევე, მკაცრ ასკეტიზმს, რათა ადამიანის სული მატერიისგან გათავისუფლებულიყო და ღმერთს მიახლოებოდა. ზნეობრიობის შესახებ მისი სწავლების თანახმად, ნამდვილი ქრისტიანი ვალდებულია ყოველგვარ მიწიერს ეკრძალოს, განსაკუთრებით – ქორწინებას, ხორცსა და ღვინოს, როგორც ბოროტ და უწმინდურ საგნებს, რომლებიც ადამიანს მხოლოდ და მხოლოდ აუცხოებენ ღმერთისგან და მატერიასთან აჯაჭვებენ. ამ თვითკრძალების (თავშეკაების) გამო, ტატიანეს მოწაფეები იწოდებოდნენ ენკრტიკებად, ხოლო იმის გამო, რომ ისინი სიტყვასიტყვით მიჰყებოდნენ ქრისტეს მოძღვრებას ამქვეყნიურისაგან განშორების შესახებ (მდრ. ლუკ. 14, 33) მათ უწოდებდნენ აპოტაკტიკებს (პირდაპირი მნიშვნელობით: „უარმყოფელნი“). დაბოლოს, იმის გამო, რომ წმინდა ზიარებაში ღვინის ნაცვლად წყალს იყენებდნენ, იწოდებოდნენ პიდროპარასტატებად („წყლის დამცველები“).

ამ უკანასკნელებთან დაკავშირებით (კათარები და სხვა სქიზმატები) ბასილი დიდი წინამდებარე კანონში ამბობს, რომ მათ თემებში მღვდლის მიერ შესრულებული ნათლობა უნდა ჩაითვალოს როგორც ერისკაცის მიერ შესრულებული, ამასთან ხაზს უსვამს წმინდა იერარქიის შესახებ ეკლესიის ერთ-ერთ მთავარ კანონიკურ აზრს, კერძოდ – რა შემთხვევაში შეიძლება ჩაითვალოს ეს იერარქია კანონიერად. კანონში მოხსენიებულ სქიზმატებთან დაკავშირებით, ბასილი დიდი ამბობს: „განდგომა განხეთქილების მეშვეობით დაიწყო, მაგრამ ეკლესიიდან განდგომილებს უკვე აღარ გააჩნდათ სულიწმინდის მადლი. რამეთუ მოიკლო მადლის გადმოსვლამ, იმიტომ, რომ შეწყდა კანონიერი მემკვიდრეობა. ვინაიდან პირველმა განდგომილებმა მიიღეს კურთხევა მამებისგან და მათგან ხელ-

დასხმის გზით — სულიერი ნიჭი. მაგრამ მას შემდეგ, რაც განდგნენ, გახდნენ ერისკაცნი და აღარ გააჩნდათ ხელმწიფება არც ნათლობის, არც ხელდასხმის, და აღარ შეეძლოთ სხეებისთვის გადაეცათ სულიწმინდის მადლი, რომელსაც თითონ მოაკლდნენ⁴. ამგვარად, ეპისკოპოსის უფლებამოსილება (აღასრულოს სხეისი ხელდასხმა, გადასცეს მას სამღვდლო მადლი) დამოკიდებულია მემკვიდრეობაზე, ანუ იმაზე, თუ რამდენად მიიღო, დამკვიდრა ეს ხელმწიფება მმართველმა ეპისკოპოსმა იმ პირობისგან, რომლებსაც შეეძლოთ ეს მისთვის კანონიერად გადაეცათ, და რამდენად შეუძლია მას, თავად, გაუფრთხილდეს ამ მემკვიდრეობით მიღებულ ხელმწიფებას, თავის მხრივ კი, მემკვიდრეობით გადასცეს იგი სხვას. თუკი ეპისკოპოსი ამ ხელმწიფებას დაკარგავს განხეთქილების ან მწვალებლობის მიზეზით, მაშინ, თავისთავად ცხადია, რომ მას უკვე აღარ ძალუქს მისი სხეისთვის გადაცემა, რადგან ასეთ ეპისკოპოსში მემკვიდრეობითობა შეწყდა, ანუ მან დაკარგა მემკვიდრეობა, რომლის თანამონაწილევც იგი მანამდე — მსგავსად სხვა მართლმადიდებელი ეპისკოპოსებისა — ქოროტონის გზით გახდა. ეკლესიაში წმინდა იერარქის შესახებ ეს კანონიკური აზრი, რომელიც ბასილი დიდს წინამდებარე კანონში მოჰყავს, სხვა არაფერია, თუ არა ამის შესახებ წმინდა წერილის, წმინდა მამებისა და ეკლესიის მოძღვრების მოკლედ ჩამოყალიბებული სწავლება.

მოციქულთა 47-ე და 68-ე კანონებში უკვე ითქვა, რომ კანონიერი სამღვდლოების საფუძველს წარმოადგენს იერარქიული ხელისუფლების უწყვეტი მემკვიდრეობითობა მოციქულებიდან მოყოლებული ვიდრე დღემდე. ეს ხელმწიფება მოციქულებმა ეპისკოპოსებს გადასცეს — თავიანთ უშუალო მემკვიდრეებს; ამ უკანასკნელებმა კი, თავისი მხრიდან, თავიანთ მემკვიდრეებს და ასე, მთელი საუკუნეების განმავლობაში ვიდრე დღევანდელ დღემდე. ამგვარად, ეპისკოპოსი არის მოციქულის მემკვიდრე, რომელმაც მისგან მემკვიდრეობითი წესით მიიღო იგივე ხელმწიფება.*

თავისი აღდგომის შემდეგ, იესო ქრისტე მოძღვრავს მოციქულებს ამქვეყნად მათი უდიდესი მისიის შესახებ (იხ. ლუკ. 24, 46-48; საქმ. 1, 8), ანიჭებს მათ ცოდვების მიტევების ხელმწიფებას (იხ. ინ. 20, 23), აძლევს მცნებას რომ წავიდნენ და განსწავლონ ერები, და ნათლისღების გზით შეიყვანონ ისინი მის სასუფეველში; აღუთქვამს მათთან ყოფნას ყოველთა დღეთა და ვიდრე აღსასრულადმდე სოფლისა (მთ. 28. 20). როდესაც ქრისტე ამაღლდა, მოციქულებმა, ძველი რიცხონობის შესავსებად, მაშინვე აირჩიეს ახალი თანამოციქული დაღუპული იუდას ნაცვლად (იხ. საქმ. 1, 21-26). ხოლო ამის შემდეგ, როგორც კი მიიღეს აღთქმული სულიწმინდა (იხ. საქმ. 2, 4), დაუყოვნებლივ შეუდგნენ ქრისტესგან მათთვის მინდობილი მსახურების შესრულებას; დაიწყეს იერუსალიმიდან, სადაც დააფუძნეს და დაამტკიცეს პირველი ქრისტიანული თემი (იხ. საქმ. 2, 41-44), რომლის სათავეშიც მოციქული იაკობი დადგინდა (იხ. საქმ. 21, 18; გალ. 1, 19), დანარჩენი მოციქულები კი წარემართნენ სხვა თემების დასაფუძნებლად პალესტინის გარეთაც, და ყველა მათგანზე განუწყვეტლივ ზრუნავდნენ (იხ. 2 კორ. 11, 28). შემდგომში, როდესაც ქრისტიანობა თანდათანობით შორს გავრცელდა, ისე, რომ თავად მოციქულებსაც

*მდრ. „აღმოსავლელ პატრიარქთა ეპისტოლე“, მე-10 წერი.

აღარ შეეძლოთ თავის მიერვე დაარსებულ თემებზე უშუალოდ ეზრუნათ, მათ გამოირჩიეს რწმენაში გამოცდილ ადამიანთაგან თანაშემწენი* ამ შორეული ეკლესიებისათვის, და გადასცეს მათ ხელმწიფება მათი სახელით შეესრულებინათ ყოველივე შესაძლებელი სარწმუნოების განმტკიცებისა და ქრისტიანული ცხოვრების კეთილმოწყობისათვის (იხ. 1 ტიმ. 1, 2, 4; 5, 19-22; ტიტ. 1, 3, 5; 2, 15). მოციქულთა ეს თანაშემწენი ცალკეული ეკლესიებისათვის სახელწოდებულ იქნენ ეპისკოპოსებად („ზედამხედველი“). ყოველ ეკლესიას ერთი ეპისკოპოსი ჰყავდა და თითოეული მათგანი რომელიმე გარკვეული მოციქულისგან იყო უფლებამოსილი და მის უშუალო მემკვიდრედ ითვლებოდა. ამასთან, თავადაც იწოდებოდა მოციქულად (იხ. ფილიპ. 2, 25). ასეთ, მოციქულთა მემკვიდრე ეპისკოპოსებს რამდენიმეს თვით წმინდა წერილშიც ვხვდებით: ტიტეს – კუნძულ კრეტაზე, რომელსაც პავლე მოციქული წერს, რომ მან უნდა დაადგინოს ყველა ქალაქის მღვდლები (იხ. ტიტე 1, 5); ტიმოთეს – ეფესოში (იხ. ეფ. 5, 19-22), ეპაფროდიტეს – ფილიპიაში (იხ. ფილიპ. 2, 254); დიოტროფეს (იხ. 3 ინ. 1, 9). მცირე აზიის შვიდი ეკლესიის ეპისკოპოსებს (იხ. გამოცხ. 1, 20). ყოველივე ამის საფუძველზე, რაც მხოლოდ ნაწილობრივ არის მოყვანილი წმინდა წერილიდან, აგებულია ჩვენი ეკლესიის კანონიკური სწავლება მოციქულებისგან ეპისკოპოსების მემკვიდრეობითი ხელმწიფების შესახებ.

ამ საკითხთან დაკავშირებით წმინდა წერილის სწავლება შემდგომში ყოველმხრივ სრულყოფილად განმარტეს ეკლესიის მამებმა და მოძღვრებმა. ასე, მაგალითად, მოციქულის მოწაფე, რომის ეპისკოპოსი კლიმენტი თავის ეპისტოლეში კორინთოელთა მიმართ წერს: „ჩვენმა მოციქულებმაც იცოდნენ იესო ქრისტესგან, რომ უთახმოებას ექნებოდა ადგილი ეპისკოპოსის სახელის გამო. ამ მიზეზით, – მოიპოვეს რა სრულყოფილი წინასწარმჭერტეგლობა, – დაადგინეს ზემოდასახელებული (ეპისკოპოსები) და შემდეგ დაუმატეს კანონი, რომ, როდესაც ისინი გარდაიცვლებიან, სხვა გამოცდილმა კაცებმა აიღონ თავის თავზე მათი მსახურება“. II საუკუნის საეკლესიო მწერალმა, ეგეზიპემ, თავის „სამახსოვრო ჩანაწერებში“ (რომელსაც ვესები და იერონიმე მოიხსენიებენ), შემოგვინახა ეკლესიის ცხოვრებაში მოციქულთა სწავლების ფაქტიური გამოყენების კვალი, მოციქულებისგან ეპისკოპოსობის მემკვიდრეობითად მიღების შესახებ. მან, კერძოდ, შემოგვინახა რამდენიმე ეკლესიის ეპისკოპოსთა თანმიმდევრული სია, დაწყებული მოციქულებიდან, და გვიჩვენა, თუ როგორ გადადიოდა კონკრეტულ ეკლესიაში ეპისკოპოსებზე უწყვეტად სამოციქულო ხელმწიფება. ირინეოს ლიონელი, როდესაც ამხილებდა თავისი დროის მწვალებლებს, სთავაზობდა მათ დაემტკიცებინათ, რომ მათ ეპისკოპოსებსაც იმავე მემკვიდრეობითი გზით ჰქონდათ მიღებული საეპისკოპოსო უფლება მოციქულებისგან, როგორც ეს მართლმადიდებელ მღვდელთმთავრებს. ერთ ადგილას, თავის ცნობილ თხზულებაში მწვალებლობის წინააღმდეგ, ირინეოსი წერს: „ყველას, ვისაც სურს ჭეშმარიტება იხილოს, შეუძლია ყოველ ეკლესიაში გაიგოს მთელ მსოფლიოში გაცხადებული მოციქულების გადმოცემა; და ჩვენ შეგვიძლია ჩამოვთვალოთ მოციქულების მიერ ეკლესიებში დადგინებული ეპისკო-

* „თანამუშაქნი“, სიტყვიდან: „სინერგია“.

პოსები და მათი მემკვიდრენი უშუალოდ ჩვენამდე...“ კიდევ: „უნდა ვემორჩილებოდეთ იმათ, რომლებმაც მამის ნებით ეპისკოპოსობასთან ერთად ჭეშმარიტების უეტველი ქარიზმა (მადლის ნიჭი) მიიღეს, ხოლო იმათ, რომლებიც გაურბიან დასაბამიდან მომდინარე მემკვიდრეობას, ეტკით უნდა შევხედოთ, როგორც მწვალებლებს ან ავაღდანწყობილ ადამიანებს“. და კიდევ: „მოციქულთა სწავლება, ეკლესიის ძველი მოწყობა და ქრისტეს სხეულის ხატება მიუღ მსოფლიოში გამოცნობა ეპისკოპოსების მემკვიდრეობითობით, რომლებსაც მოციქულებმა ეს ეკლესია გადასცეს ყოველ ადგილზე“. ირინეოსის გარდა, იგივეს ამბობს ტერტულიანეც, რომელიც ამხელს რა მწვალებლებს, სთავაზობს დაამტკიცონ თავიანთი ეპისკოპოსების მემკვიდრეობითობა რომელიმე მოციქულისგან, ან, თუნდაც – მოციქულის მოწაფისგან, როგორც ეს შეუძლიათ დაამტკიცონ მართლმადიდებლური სარწმუნოების აღმსაარებელ ეკლესიებს“.

კლასიკური საეკლესიო მწერალი ეკლესიის ერთიანობის შესახებ, ცნობილი კვიპრიანე წერს: „ყველაზე მეტად ჩვენ ვშრომობთ და უნდა ვიშრომოთ იმისათვის, რომ რამდენადაც ეს ჩვენს ძალებშია, შევინარჩუნოთ ერთობა, რომელიც უფლისგან მოციქულების მეშვეობით მოგვეცა ჩვენ, მათ მემკვიდრეებს“; კიდევ: „ცოდვების მიტევების ხელმწიფება მიცემული აქვთ მოციქულებსაც და ეკლესიასაც, რომლებმაც, როგორც ქრისტეს წარუზაფინილებმა, ისინი დააარსეს; ასევე, ეპისკოპოსებსაც, რომლებიც ხელდასხმის გზით გახდნენ მოციქულთა მემკვიდრენი“. იერონიმე ამბობს: „მოციქულების ადგილი ჩვენთან ეპისკოპოსებს უკავიათ“; და კიდევ: „ყველა ეპისკოპოსი მოციქულის მემკვიდრეა“. აფუსტინეს სიტყვებია: „მოციქულების ადგილზე მან [უფალმა] ჩვენ დაგვაღვინა“. შეგვეძლო კიდევ უამრავი მოწმობა მოგვეყვანა წმინდა მამებისეული ლიტერატურიდან, რომლებიც დაგვანახებდნენ, რომ ეკლესიაში ეპისკოპოსთა მმართველობა იმიტომ არის კანონიერი, რომ დაცულია უწყვეტი მემკვიდრეობითობა მოყოლებული მოციქულებიდან, ან მოციქულთა მოწაფეებიდან – ვიდრე დღევანდელ დღემდე. ამის შესახებ ჩვენი ეკლესიის სიმბოლური სწავლება გადმოცემულია „აღმოსავლელ პატრიარქთა ეპისტოლეს“ მე-10 წევრში. მას დღესაც აქვს გადაწყვეტი ძალა მართლმადიდებელ ეკლესიაში, და მას მიმართავენ ყოველ კონკრეტულ შემთხვევაში, როდესაც წამოიჭრება საკითხი იმის შესახებ, უნდა სცნონ თუ არა სხვა სარწმუნოების ამა თუ იმ რელიგიური საზოგადოების სამღვდლოება, როგორც ეს ვიხილეთ მოციქულთა 47-ე კანონის განმარტებაში.

კანონი 2

ვინც განზრახ მოიწყვეტს მუცლიდან ჩასახულ ნაყოფს, განზრახ მკვლევლობისათვის სასჯელს ექვემდებარება. ზუსტი განსხვავება ჩამოყალიბებულია უკვე ნაყოფი თუ არა, – ჩვენ არა გვაქვს. რამეთუ აქ სასჯელი განიწესება არამარტო იმის გამო, ვინც უნდა დაბადებულიყო, არამედ იმისთვისაც, რომ თავის თავს აენო, რადგან დედაკაცები, ასეთი მცდელობისას, საკმაოდ ხშირად კედლებიან. ამას ემატება ნაყოფის დაღუპვა, როგორც მეორე მკვლევლობა, – ამაზე განზრახ გაკადნიერებულია მხრიდან. მაგრამ

სიცოცხლის ბოლომდე არ უნდა გაგრძელდეს მათი სინანული, არამედ უნდა მოხდეს ესევეითარათა შეწყნარება საეკლესიო ერთობაში ათწლიანი ეპიტიმის შემდეგ. მკურნალობა კი განიზომოს არა დროით, არამედ სინანულის ხარისხით.

(მოც. 65; ტრულ. 91; ანკვირ. 21; ბასილი დიდის 8, 33, 52)

წინამდებარე კანონში ბასილი დიდი იმეორებს ანკვირიის კრების 21-ე კანონის განწესებას, რომელიც შემდგომში ტრულის კრებამაც დაამტკიცა თავისი 91-ე კანონით. წმინდა ბასილი შეგვახსენებს, რომ აღნიშნულ დანაშაულთან მიმართებით მართლმადიდებელ ეკლესიაში არ კეთდება განხსხაება, მიიღო თუ არა ნაყოფმა მუცელში ადამიანური სახე. ამით იგი ჩრდილავს ძველალთქმისეული ეკლესიის განწესებას, სადაც განსხვავებას ჰქონდა ადგილი, ამიტომაც დანაშაულის შესახებ სხვაგვარად მსჯელობდნენ. „გამოსლვათა“ წიგნში წერია: „უკუეთუ იბრძოდიან ორნი კაცნი, და სცნენ დედაკაცსა მიდგომილსა და მოურყუნენ ყრმა მისი არღა გამოხატული, ზღვევით იზღუეს რაცა იგი დასდევას ქმარმან მის დედაკაცისმან მისცეს მას ვედრებით უკუეთუ გამოხატული იყოს, მისცეს მას სული სულისა წილ“ (21, 22, 23). პირველ შემთხვევაში დამნაშავეს უნდა გადაეხადა ფულადი ჯარიმა, მეორე შემთხვევაში – სიკვდილით ისჯებოდა. ქრისტიანობა ფულად ჯარიმას არ აწესებს, მაგრამ დედაკაცი, რომელიც განზრახ მუცლის მოწყვეტით ნაყოფს მოკლავს, კაცისმკვლელის თანაბრად ისჯება. პირველ რიგში იმიტომ, რომ ნაყოფი მოაკვდინა, მეორე რიგში – თავი სასიკვდილო საფრთხეში ჩაიგდო, რადგან ხშირ შემთხვევაში ამ დროს თვითონვე კვდებიან.* მსგავს დამნაშავე ქალებს ბასილი დიდი ათწლიან ეპიტიმას უფარდებს, თუმცა, ამასთან, სასჯელის ვადის შემცირებასაც უშვებს, თუკი დამნაშავე თავის ცოდვას გულწრფელად მონანიებს. მე-8 კანონში იგი იმ ქალებსაც უქვემდებარებს სასჯელს, რომლებიც სხვებს აძლევენ მუცლის მოსაშლელ წამალს (იხ. ანკვირ. 21-ე კან. განმარტება).

აღნიშნული დანაშაული ითვლება განქორწინების მიზეზად. თუკი ქმარი გაიგებს, რომ ცოლმა განზრახ მოაკვდინა მუცელში ნაყოფი, მაშინ მას შეუძლია მოითხოვოს მასთან ქორწინების გაუქმება. ეს ჯერ კიდევ იმპერატორ იუსტინიანეს მიერ იყო განწესებული, შემდგომში კი საგანგებო ნოველით (XXXI) გაიმეორა იმპერატორმა ლეონ ბრძენმა. სწორედ ამ ნოველას მოიხსენიებს ბალსამონი ტრულის კრების 91-ე კანონის განმარტებაში.** განქორწინების ეს მიზეზი დღესაც ძალაშია მართლმადიდებელ ეკლესიაში.

კანონი 3

ღიაკონი, რომელიც ღიაკენად კურთხევის შემდეგ ისიძვებს, თუმც უნდა განიკვეთოს ღიაკენობიდან, მაგრამ ერისკაცობამდე დამცრობის მერე, ღაე,

*სონარას განმარტება ათენის სინტაგმაში, IV, 304.

**ათენის სინტაგმა, II, 520.

ნუ განიყენება ზიარებიდან. რამეთუ ძველი კანონია: სასულიერო ხარისხიდან განკვეთილები მხოლოდ ამ სახის სასჯელს დაექვემდებარონ, რაშიაც, როგორც, ვფიქრობ, ძველები მიყვნენ შემდეგ კანონს: „არ შურ იგო ორ გზის ერთბამად ჭირსა შინა“ (ნაუმ. 1, 9). ამის სხვა მიზეზიც არსებობს: ერისკაცის ხარისხში მყოფი, თუ ერთგულთა რიგებიდან განიკვეთა, კვლავ მიიღება იმ ადგილზე, საიდანაც დაემხო, დიაკონი კი თავისი ხარისხიდან სამუდამოდ განკვეთილი რჩება. ამდენად, ისინი შემოიფარგლნენ ამ ერთი სასჯელით, რადგან მას უკვე დიაკონობა აღარ უბრუნდება. ასეა წესებით. საერთოდ კი, ყველაზე ჭეშმარიტი მკურნალობა ეს არის ცოდვისგან განრიდება. ასე რომ, ხორციელი სიამოვნებისათვის მადლის უარყოფელი, იმ შემთხვევაში გვირვენებს თავისი განკურნების სრულ მტკიცებულებას, თუკი შემუსვრილი გულით და თავშეკაების გზით, ხორცის ყოველმხრივი დამორჩილებით, განეშორება იმ სიამოვნებას, რითაც შეიწყენა. ამგვარად, ჩვენ გვმართებს ერთიც ვიცოდეთ და მეორეც: რაც სინანულის სრულყოფილებას ეხება და რაც ჩვეულებად არის მიღებული; იმათთან დამოკიდებულებით, ვინც სინანულის სრულყოფილებას ვერ მიაღწევს, გადმოცემულ წესს უნდა მიეყვებო.

(მოც. 25; IV მსოფ. 15, 16; ტრულ. 4, 21, 44; ანკეირ. 19; კართ. 27; ბასილი დიდის 6, 18, 32, 44, 51, 60, 69. 70)

წინამდებარე კანონით ბასილი დიდი იმეორებს მოციქულთა 25-ე კანონის განწესებას, რომლის თანახმადაც მრუშობაში მხილებული სასულიერო პირი უნდა განიკვეთოს, ანუ ჩამოერთვას სასულიერო ხარისხი, მაგრამ, ამავე დროს, არ უნდა განიკვეთოს ეკლესიის ერთობიდან. ამ განწესების საფუძვლად მას მოჰყავს იგივე ადგილი წმინდა წერილიდან (ნაუმ. 1, 9), რომელიც მოყვანილი იყო მოციქულთა აღნიშნულ კანონში. ბასილი დიდის ამ კანონზე დაყრდნობით, მართლმადიდებელ ეკლესიაში დადგინდა სასჯელებში განსხვავება სასულიერო პირებისა და ერისკაცებისათვის, რაზედაც ჩვენ უკვე ვისაუბრეთ მოციქულთა მე-5 კანონის განმარტებაში (იხ. I ტომი).

კანონი 4

მესამედ და მრავალგზის ქორწინებულთათვის ჩვენ იგივე კანონი დავაწესეთ, როგორიც მეორედ ქორწინებულთათვის, სინანულის ზომისამებრ. მეორედ დაქორწინებულებს ერთნი განაყენებენ ერთი წლით, მეორენი — ორი წლით, მესამედ დაქორწინებულებს — სამი წლით, ხშირად — ოთხი წლითაც, და ასეთ კავშირს უწოდებენ უკვე არა ქორწინებას, არამედ — მრავალცოლიანობას, ან უფრო — სიძვით დასჯას. ამიტომ უფალმაც, სამარტელ დედაკაცს, რომელმაც ხუთი ქმარი გამოიცვალა, უთხრა: „ის, რომელიც ახლა გყავს, შენი ქმარი არ არის“ (იოანე, 4, 18), რითაც აჩვენა, რომ მეორე ქორწინების ზღვარს ვინც გადალახავს, უკვე არ არის ღირსი ქმრად ან ცოლად იწოდებოდეს. ჩვენ კი არა კანონიდან, არამედ წინაპართა მიბაძვით მივიღეთ ჩვეულება: მესამედ დაქორწინებულნი განვაყენოთ ხუთი

წლით. ამასთან, არ არის საჭირო სრულიად დაუუზმით მათ ეკლესიის კარი, არამედ ნება დავრთოთ ისმინონ წმინდა წერილი ორი ან სამი წელი, რის შემდეგაც დაუუზმათ დგომად, მაგრამ სიწმინდესთან ზიარების გარეშე, და ამგვარად გამოავლენენ რა ერთგვარ სინანულის ნაყოფს, დაშვებულ იქნენ ერთობის ადგილზე.

(მოც. 17; I მსოფ. 8; ტრულ. 3, 87; ანკვირ. 19; ნეოკეს. 3, 7; ლაოდ. 1; ბასილი დიდის 12, 30, 41, 50, 53, 80, 87)

ქორწინებისათვის კანონიერ ზღვრად ბასილი დიდი აწესებს მეორე ქორწინებას და შენიშნავს, რომ ქმრისა და ცოლის სახელის ღირსნი არ არიან ის პირები, რომლებიც ამ ზღვარს გადავლენ, მაგრამ ამ მეორე ქორწინებასაც იგი მიიჩნევს მხოლოდ დათმობად ადამიანური სისუსტისადმი. თუმცაღა, იყენენ ისეთი ადამიანები, რომლებიც ყურადღებას არ აქცევენდენ ეკლესიის მიერ დადგენილ ამ ზღვარს, და ქორწინდებოდნენ მესამედ და მეოთხედაც კი. სწორედ მათზე აჩერებს თავის ყურადღებას წმინდა ბასილი წარმოდგენილ კანონში (ასევე, 50-ე და მე-80 კანონებში). განაწესა რა მეორედ დაქორწინებულთათვის ერთი ან ორწლიანი ეპიტიმია, — სინანულის ხარისხის მიხედვით (იხ. ლაოდიკის კრების 1 კანონის განმარტება), — წმინდა ბასილი თავის 50-ე კანონში აღნიშნავს, რომ მესამედ დაქორწინება კანონით აკრძალულია, ხოლო თუ მანაც, რამე მიზეზით ვინმე მესამედ იქორწინებს, მათთვის ხუთწლიან ეპიტიმას განაწესებს. მეოთხე ქორწინებას, თავის მე-80 კანონში, იგი მიიჩნევს უფრო მეტ ცოდვად, ვიდრე არის სიძვა, და უფრო მეტიც, მას პირუტყვეულ ცოდვას უწოდებს. ბასილი დიდის ეს სწავლება იმავდროულად ეკლესიის სწავლებასაც წარმოადგენდა, რომლის დაცვასაც ასევე სავალდებულოდ მიიჩნევდა თავისთვის ბერძნულ-რომაული კანონმდებლობაც.

X საუკუნის დასაწყისში კი მოხდა შემთხვევა, რომლის გამოც დამახინჯდა ეკლესიის აღნიშნული სწავლება. შედეგად, ეკლესია იძულებული გახდა კვლავ დაბრუნებოდა ამ საკითხს კანონშემოქმედებითად და განესაზღვრა: რამდენი ქორწინება არის დასაშვები დაქვრივებულ პირათთვის. მოხსენიებული შემთხვევა უდიდესი მნიშვნელობის შემცველია, რამეთუ მან საკმაოდ დიდი შფოთი გამოიწვია ეკლესიაში. იმპერატორმა ლეონ ბრძენმა ხანმოკლე დროის განმავლობაში (სულ რაღაც რამოდენიმე წელიწადში) ორი ცოლი დაკარგა და მესამედ დაქორწინდა. მაგრამ იმავე წელს მისი მესამე ცოლიც გარდაიცვალა. ლეონი ამ დროს ახალგაზრდა იყო, არც კანონიერი მექვიდრე ჰყავდა და მეოთხედ დაქორწინება გადაწყვიტა, თანაც იმ ქალზე, რომელთანაც ქორწინების გარეშე ჰყავდა შვილი. კონსტანტინოპოლის პატრიარქს, ნიკოლოზ I-ს, არ სურდა ამ ქორწინებაზე კურთხევა გაეცა, რადგან ასეთი ქმედება საეკლესიო განწესებას ეწინააღმდეგებოდა. იმპერატორმა პასუხად სამეფო კარის მოძღვარს უბრძანა გვირგვინის კურთხევა, რაც მან შეასრულა კიდეც. ამას პატრიარქის მხრიდან იმპერატორის ეკლესიის ერთობიდან განაყენება და მღვდლის ხარისხიდან განკვეთა მოჰყვა. იმპერატორმა თავი შეურაცხყოფილად იგრძნო და პატრიარქის ექსორიაში გაგზავნა ბრძანა. გარდა ამისა, მოიწვიეს საეკლესიო კრება (908 წ.) რომელიც იმპერატორის მხარდამჭერი ეპისკოპოსებისგან შედგებოდა; კრების მუშაობაში ასევე იღებდნენ მონაწილეობას საგა-

ნგებოდ ამისთვის პაპი სერგი III-ის მიერ წარმოგზავნილი ლეგატები. კრებამ ნიკოლოზს პატრიარქის ღირსება ჩამოართვა და ახალი პატრიარქი (ეფთვიმე) დაადგინა, იმპერატორის ქორწინება კი კანონიერად გამოაცხადა. ამ ამბავმა ყველა იმ ეპისკოპოსის გულსწყრომა გამოიწვია, რომლებიც პატივს სცემდნენ კანონიკური განწესებების სიწმინდეს და მომხდარში სახელმწიფოს მხრიდან ეკლესიის უფლებების დარღვევა დაინახეს. ამ ყველაფერმა უაღრესად აღაშფოთა თანამედროვენი და გამოიწვია მწვავე დაპირისპირება ეკლესიასა და სახელმწიფოს შორის. დედაქალაქს ამბოხება დაემუქრა. საფრთხის თავიდან ასაცილებლად, იმპერატორმა პატრიარქი ნიკოლოზი გადასახლებიდან დააბრუნა. მიუხედავად ამისა, შფოთი მაინც არ დაცხრა. გარდაიცვალა იმპერატორი ლეონი, მისმა მემკვიდრემ, იმპერატორმა ალექსანდრემ, როგორც კი აღსაყდრდა (912 წელს), მაშინვე ეპისკოპოსთა კრება მოწვია. კრების გადაწყვეტილებით ნიკოლოზი პატრიარქის კათედრაზე დაბრუნდა, ეფთვიმე კი – განიკეთა. პატრიარქ ნიკოლოზის მცდელობამ, დაეშოშმინებინა აღშფოთებული საზოგადოება, ნაყოფი მხოლოდ მრავალწლიანი ღვაწლის შემდეგ გამოიღო. იმპერატორების – კონსტანტინე VII-ისა და რომან I-ის ზეობის ხანაში, პატრიარქმა ნიკოლოზმა კონსტანტინოპოლის დიდი კრება მოიწვია (920 წ.), სადაც დაგმეს ყოველივე, რასაც ადგილი ჰქონდა 908 წლის კრებაზე ეკლესიის კანონიკური განწესების წინააღმდეგ, და დაამტკიცეს საეკლესიო სამართლის ისტორიაში ცნობლი „ტომუს უნიონი“, ანუ სახელმწიფოს ეკლესიასთან შეერიგების ქარტია.*

ეს „ტომოსი“ („ტომუსი“), შესავლის გარდა, კიდევ 7 კანონს შეიცავს. პირველი 3 კანონი იმ საკითხს ეხება, რაც აღნიშნული კრების მოწვევის მიზეზი გახდა. 1 კანონში ნათქვამია, რომ ამიერიდან არავის მიეცეს მეოთხედ დაქორწინების უფლება; ასეთი ქორწინების აღიარება არ უნდა მოხდეს, ხოლო დამნაშავე არამცთუ ეკლესიის ერთობიდან უნდა განიყენოს, არამედ საერთოდ აეკრძალოს ეკლესიაში შესვლა სანამ ასეთ უკანონო ქორწინებაში რჩება. მე-2 კანონი საუბრობს მესამე ქორწინებაზე და შეგვახსენებს, რომ ზოგადად ისიც აკრძალულად ითვლება, თუმცა, გარკვეულ შემთხვევებში გამონაკლისი დასაშვებია. კერძოდ, მესამე ქორწინების შესახებ ეს კანონი განაწესებს: ა) 40 წლის უშვილო ადამიანს, რომელიც მესამედ დაქორწინებას მოისურვებს, ხუთი წლის განმავლობაში ეკრძალება წმინდა ზიარების მიღება; ბ) 40 წლის ასაკის ადამიანს, რომელსაც შვილები ჰყავს, მესამედ დაქორწინება ეკრძალება; გ) 30 წლის ასაკისას, თუ მას წინა ქორწინებებიდან შვილები ჰყავს და მესამედ დაქორწინებას გადაწყვეტს, ოთხი წლის განმავლობაში ეკრძალება წმინდა ზიარების მიღება; დ) 30 წლის ასაკის უშვილო ადამიანს აქვს მესამედ დაქორწინების უფლება, მაგრამ – ეპიტიმის შესრულების ვალდებულებით. მე-3 კანონი შეიღწევიან ეპიტიმის განსაზღვრავს პირველი და მეორე ქორწინებისთვისაც, თუ დამტკიცდება, რომ მამაკაცმა ცოლი გაიტაცა ან ქორწინებამდეც იმყოფებოდა მასთან უკანონო კავშირში. ამას კიდევ ისიც ემატება, რომ მღვდელი, რომელიც მოცემული კანონის განწესებების დარღვევით გასცემს წმინდა ზიარებას, მაშინვე კარგავს მღვდელმოქმედების უფლებას და ეკისრება

*ამის შესახებ დაწვრილებით იხ. ათენის სიტაგმა, VI, 159-161.

შვიდწლიანი ეპიტიმია. აი, ამ სამ კანონს შეიცავს აღნიშნული „ტომოსი“, რომელიც ზემოთ მოხსენიებულმა იმპერატორებმა დაამტკიცეს და სახელმწიფო კანონად გამოაცხადეს.

თუმცაღა, წინამდებარე განწესებამაც ვერ დაკმაყოფილა წმინდა კანონების მკაცრი დამკველები, ვინაიდან მასში დაინახეს სახელმწიფო ხელისუფლებისადმი დათმობა მესამე ქორწინების დაშვებით, ამიტომაც გაუწიეს მას წინააღმდეგობა. მხოლოდ პატრიარქ სისინიოსის და იმპერატორების – ბასილი II-ისა და კონსტანტინე VII-ის დროს, 997 წელს, მოხდა სიმშვიდის მიღწევა. აღნიშნულ წელს „ტომოსი“ წარედგინა დიდ კრებას და საზეიმოდ დამტკიცდა; ამასთან, მას კიდევ ოთხი კანონი დაემატა. მათგან 1 (მე-4) შეაჩვენებს ყველას, ვინც გაბედავს რაიმე სიახლის შემოტანას ეკლესიის ტრადიციულ სწავლებაში; მე-2 (მე-5) კანონი შეაჩვენებს იმათ, ვინც ეკლესიას თავისი პრინციპების დათმობაში სდებს ბრალს, ვინაიდან საეკლესიო მშვიდობისათვის მოხდა იმპერატორ ლეონ ბრძენის მეოთხე ქორწინების აღიარება; მე-3 (მე-6) კანონი ასევე გადასცემს ანათემას იმათ, ვინც გაბედავს თქმას, რომ წმინდა ეკლესიამ არ დაიცვა წმინდად და შეურყენელად მისთვის გადმოცემული სწვლება; დაბოლოს, მე-4 (მე-7) კანონი შეაჩვენებს იმათ, ვინც არ შეიწყნარებს მანამდე მიღებულ და მთელი ეკლესიის მიერ აღიარებულ რომელიმე კანონს.* ამის შემდეგ ეკლესიაში პროტესტები შეწყდა და „ტომოსი“ საყოველთაოდ იქნა მიღებული და აღიარებული, ხოლო მისი განწესებები მთელი მართლმადიდებელი ეკლესიისთვის სავალდებულო გახდა დღევანდელ დღემდე.

ამგვარად, მეოთხე ქორწინება მართლმადიდებელი ეკლესიის კანონიკური სამართლის თანახმად, სრულიად აკრძალულია, მესამე კი შეიძლება დაიშვას მხოლოდ გამონაკლის შემთხვევებში და, თანაც, მმართველი ეპისკოპოსის ნებართვით.

კანონი 5

მწვალებლები შეიწყნარებიან სინანულის ვადის გასვლის შემდეგ, ცხადია, არა განუსჯელად, არამედ გამოცდით: აჩვენებენ თუ არა ჭეშმარიტ სინანულს, და აქვთ თუ არა სინანულის ნაყოფნი, რომლებიც დაამოწმებენ ცხოვნების გულმოდინებას.

(I მსოფ. 2,14; II მსოფ. 7; ტრულ. 78,96; ნეოკეს. 12; ლაოდ. 19,47; კართ. 45)

მართლმადიდებლობაში მოქცეული მწვალებლების შეწყნარება, კანონების თანახმად, ხდება სხვადასხვა ჯგუფებისათვის მათთვის დადგენილი წესის შესაბამისად (იხ. II მსოფ. მე-7 კან.). ეს პროცესი განსაკუთრებით უნდა დაჩქარდეს, როდესაც სულის ხსნის მსურველი მწვალებელი სიკვდილის პირას იმყოფება. ამის შესახებ საუბრობს ბასილი დიდიც წარმოდგენილ კანონში. ამასთან, დასძენს, რომ საჭიროა გამოიცადოს, ნამდვილად გმობს თუ არა შესაწყნარებელი პირი იმ მწვალებლობას, რომელსაც მანამდე აღიარებდა, ასევე, თუკი ცოცხალი გადარჩება, იქნება თუ არა ერთგული მართლმადიდებლური სარწმუნოებისა. წინააღმდეგ შემთხვევაში მწვალებელი არც სიკვდილის წინ უნდა აზიარონ.

*ათენის სინტაგმა, V, 9-10.

კანონი 6

ღვთისთვის შეწირული პირებისათვის სიძვაში ცხოვრება ქორწინებად არ უნდა იქცეს, პირიქით, ყოველნაირი მცდელობაა საჭირო მათი კავშირის გასაწყვეტად. რამეთუ ეს ეკლესიის სიმტკიცისთვისაც სასარგებლოა და მწვალებლებსაც არ მიეცემათ საყვედურის საბაბი, თითქოს ჩვენკენ ვიზიდავდეთ ცოდვების უბუღბელყოფით.

(მოც. 25, 26; IV მსოფ. 14, 15, 16; ტრულ. 4, 6, 44; ანკეირ. 19; ბასილი დიდის 3, 18, 20, 32, 44, 60, 70)

ღვთისთვის შეწირულ პირებში, რომლებიც კანონში მოიხსენიებიან, იგულისხმება უქორწინებელი კლირიკოსები (იხ. მოც. 26-ე კან.), შემდეგ მონოზენები, როგორც ქალწულობის აღთქმის დამდებნი. სიძვის ცოდვაში ჩავარდნილი სასულიერო პირი კარგავს თავის ხარისხს (იხ. მოც. 25-ე კან.). თუმცაღა, იყვნენ ისეთი პირები, რომლებიც ამის შემდეგ უკვე მოითხოვდნენ, რომ ნება დაერთოთ შეუღლებულ-იყვნენ იმ ქალთან, ვის გამოც სასულიერო ხარისხი დაკარგეს და ამტკიცებდნენ, რომ თითქოს ასეთი ქორწინების აკრძალვა დაუშვებელია.* იგივეს მოითხოვდნენ მონოზენებიც. წმინდა ბასილი ყურდლებას ამახვილებს ყოველივე ამაზე და საეკლესიო წესრიგისა და სამღვდლო ღირსების ინტერესებიდან გამომდინარე, — ასევე, სამონოზენო წესის ღირსების დაცვის მიზნით, და იმისათვის, რომ ისეთ მწვალებლებს, როგორც, მაგალითად, ეესტათიანელები იყვნენ (იხ. ღანგ. 1, 4 და სხვ.) ეკლესიის სასაყვედურო საბაბი არ მისცემოდათ, — განაწესებს, რომ იმათაგან, ვინც კანონით არის შეკრული (ანუ ღმერთს მიუძღვნა თავი), არავის მიეცეს იმ ქალთან თანაცხოვრების გაგრძელების უფლება, ვისთანაც სიძვით დაეცა და კიდევ უფრო ნაკლებად — მასთან კანონიერი ქორწინებისა. იგი ამბობს, რომ პირიქით, ყოველმხრივ უნდა ეცადონ მათ დაშორებას და უკანონო და ცოდვილი კავშირის შეწყვეტას.

კანონი 7

მამათმავლები და პირუტყვთმავლები, მკვლელები, მომწამელელები, მემრუშენი და კერპთაყვანისმცემელები — ერთნაირ სასჯელს იმსახურებენ. ამიტომ კანონი, რომელიც სხვათა მიმართ გაქვს, ამათ შესახებაც დაიცავი. ხოლო ეჭვის შეტანა იმაში არ გემართება, რომ ოცდაათწლიანი სინანულის შემდეგ უნდა შევიწყნაროთ ისინი, ვინც უწმინდურება უმეცრებით ჩაიდინა. რამეთუ უმეცრებაც ჰყოფს მათ სულგრძელობის ღირსად, და ნებაყოფლობითი აღსარებაც და ესოდენ დიდი დროც სინანულისა, რადგან ისინი ადამიანური ცხოვრების მთელი დრო სატანის ტყვეობაში იყვნენ, დაე, ისწავლონ, რომ არ მოიქცნენ უწესოდ. ამიტომ უბრძანე უკვე დაუყოვნებლოვ შეიწყნარონ ისინი, და მით უფრო თუ ცრემლი აქვთ, — ლმობიერებისაკენ შენი მიმდრეკელი, — და ავლენენ შენდობის ღირს ცხოვრებას.

*იხ. ზონარას განმარტება ათენის სინტაგმაში, IV, 108.

(ტრულ. 61, 87; ანკვირ. 16, 17, 20, 22, 24; ბასილი დიდის 58, 62, 63, 65; გრიგოლ ნოსელის 4)

წინამდებარე კანონი მიძიმე საეკლესიო სასჯელს ადებს გარკვეული სახის დამნაშავეებს, რომელთა შორის პირველ ადგილზე მოხსენიებულია მამათმავლები. ასეთ პირთა დანაშაული ყველაზე მდაბალი და სამარცხვინოა ყველა სიბილწოთა შორის და განეკუთვნება ეგრეთ წოდებული ბუნების საწინააღმდეგო დანაშაულებებს. სხვაგვარად ამ დანაშაულს სოდომური ცოდვა ეწოდება, ბიბლიური ქალაქის – სოდომის მიხედვით, რომლის მცხოვრებლებმაც ყველანაირი სახის გარყვნილობით ღვთის რისხვა გამოიწვიეს (იხ. დაბ. 18, 20 და შემდგ.). ცოდვას, რომელიც გამოიხატება მამაკაცის მხრიდან მამრობითი სქესის მიმართ ჩადენილი სიბილწოთა, ბასილი დიდი თავის 62-ე კანონშიც მოიხსენიებს, თანაც, ისეთივე სასჯელს განუწესებს, როგორსაც – მრუშობისათვის. წმინდა გრიგოლ ნოსელი, თავის მე-4 კანონში, ამ დანაშაულს „მედერასტიას“ უწოდებს.

აშის შემდეგ, ბასილი დიდი წინამდებარე კანონში მოიხსენიებს პირუტყვთან დაცემის ცოდვას, ან, როგორც თავის 63-ე კანონში ამბობს: „პირუტყვზე ნაჩვენებ უწმინდურებას“. ძველლათქმისეული კანონმდებლობა მსგავსი სახის დამნაშავეებისათვის სასიკვდილო სასჯელს განაწესებდა (იხ. ლევ. 20, 15, 16). წინამდებარე კანონი კი მათ მემრუშების თანაბრად სჯის. ამის შემდეგ კანონში საუბარია მკვლელებზე და განსაკუთრებით – მკვლელობის განზრახ ჩამდენთა შესახებ და მათ ზემოხსენებულ დამნაშავეების თანაბრად სჯის. კაცთმკვლელების შესახებ დაწვრილებით ნათქვამია მომდევნო, მე-8 კანონში. იგივე სასჯელს ექვემდებარებიან მომწამვლელებიც – ისინი გათანაბრებულნი არიან განზრახმკვლელებთან. ამის შემდეგ საუბარია მრუშების შესახებ, რომელთათვისაც წმინდა მამა თხოუმეტწლიან ეპიტიმას განაწესებს. მათ შესახებ ბასილი დიდი საუბრობს კიდევ მე-9 დ 21-ე კანონებში. დაბოლოს, წინამდებარე კანონში მოიხსენიებიან, ასევე, კერპთაყვანისმცემლები, რომელთათვისაც იგივე სასჯელი განიწესება, როგორიც – მრუშობისათვის. ზონარას სიტყვებით – ამ კანონის განმარტებიდან – კერპთაყვანისმცემლებში აქ არ უნდა ვიგულისხმოთ კერპებისათვის მსხვერპლის შემწირველნი (რამეთუ კერპის შემწირველი ქრისტიანი სინანულის ეპიტიმით ისჯება თავისი ცხოვრების ბოლომდე), არამედ – გრძნეულნი (ჯადოს მკეთებელნი) და ყველა ის, ვინც მსგავსი ბნელი საქმეებითა დაკავებული, რადგან ასეთი ქმედებებისას ისინი დასახმარებლად ეშმაკს იხმობენ და ამით მას ემსახურებიან და პატივს მიაგებენ.* ამ სახის კერპთაყვანისმცემლებთან მიმართებით, ისევე როგორც სხვა ცოდვილების მიმართ, ბასილი დიდი ამბობს, რომ ისინი ერთნაირ სასჯელს იმსახურებენ. ამის შემდგომ კანონში საუბარია იმათ შესახებ, ვინც უწმინდურებაში რჩებიან, რომელშიც უმეცრებით ჩავარდნენ, რისთვისაც ოცდაათი წელი უნდა დააყოთ სინანულის ეპიტიმის ქვეშ. ბალსამონი, წინამდებარე კანონის განმარტებაში, შენიშნავს, რომ ამ უწმინდურებაში უნდა ვიგულისხმოთ სისხლადრევა და არა სხვა რაიმე ცოდვა, ვინაიდან სხვა ცოდვები, თავისი ბუნებით, არ მიეკუთვნებიან უმეცრებით ჩადენილი ცოდვის სახეობას.**

*ათენის სინტაგმა, IV, 110.

**ათენის სინტაგმა, IV, 112.

კანონი 8

ვინც რისხვაში თავისი ცოლის წინააღმდეგ ცულს გამოიყენებს, — მკვლელობა. სამართლიანად და შენი კეთილგონიერებისათვის ფრიად ღირსეულად შემახსენე, და ვიტყვი ამის შესახებ უფრო ვრცლად, რამეთუ დიდი განსხვავებაა უნებლიე და განზრახ ქმედებებს შორის. თუკი ვინმე ქვას ესურის ძაღლს ან ხეს და ადამიანს მოხვდება, — ეს არის სრულიად უნებლიე საქმე, რომელიც არ ყოფილა ამ ქმედების ჩამდენის განზრახვაში, რადგან მისი განზრახვა იყო მოეგერიებინა მხეცი ან ჩამოეგდო ხიდან ნაყოფი. ხოლო, ვინც დარტყმა მიიღო, ის თვითონ გავიდა მასზე, რადგან გვერდით გაიარა. ამდენად, ეს არის უნებლიე ქმედება. უნებლიე არის, ასევე, ისიც, თუ ვინმე, გამოსწორების მიზნით, დაარტყამს სხვას ქამარს ან მსუბუქ კვერთხს, და იგი მოკვდება, რადგან აქ განიხილება განზრახვა, რომ დარტყმის მიმყენებელს შემცოდებლის გამოსწორება ეწადა, და არა — მოკვლა. მსგავსადვე, უნებლიე მკვლელობას მიეკუთვნება ისიც, თუკი ვინმე ჩხუბში თავს იცავს, და ამ დროს ხელით ან ჯოხით დაუზოგავად დაარტყამს მოწინააღმდეგს საშიშ ადგილას, იმ განზრახვით, რომ ტკივილი მიაყენოს, და არა სულ მოკლას, მაგრამ ეს უკვე უახლოვდება ნებსით მკვლელობას; რამეთუ თავდაცვისათვის ასეთი იარაღის გამოყენება ან დაუზოგავად მიყენებული დარტყმა, აშკარა მაჩვენებელია იმისა, რომ ვნებით შეპყრობილმა არ დაინდო ადამიანი. მსგავსადვე, იარაღად მძიმე შეშისა და ქვის გამოყენება, რომლის დარტყმასაც ადამიანის ძალა ვერ გაუძლებს, ითვლება უნებლიე მკვლელობად, ვინაიდან განზრახვა ერთი იყო, ქმედება კი — მეორე, და განრისხებულმა ისეთი დარტყმა მიაყენა, რომ დაზარალებული გარდაიცვალა. თუმცა, შესაძლოა მისი მიზანი იყო დაეჭრა და არა სულ მოკვლა. მაგრამ, ვინც მახვილი ან რაიმე ამდაგვარი გამოიყენა, მას არაერთარი პატიება არა აქვს, და განსაკუთრებით, თუ ცული ესროლა. რამეთუ მას ხელიდან კი არ მიუყენებია დარტყმა, რომ დარტყმის სიძლიერე მასზე ყოფილიყო დამოკიდებული, არამედ ესროლა ისე, რომ დარტყმა — გამომდინარე რკინის სიმძიმიდან, მისი სიბასრიდან, დიდი მანძილიდან ნასროლის სისწრაფიდან — აუცილებლად ყოფილიყო სასიკვდილო. ზუსტად ასევე არის განზრახ (ნებსითი) დანაშაული, რასაც ავაზაკები სჩადიან, ან მტრის თავდასხმისას ხდება, და ამაში ეჭვის შეტანა შეუძლებელია. რამეთუ ავაზაკი კლავს ფულისთვის და ცდილობს დამალოს ბოროტმოქმედების სამხილი, ხოლო ომში მიდიან მოწინააღმდეგის განადგურების აშკარა განზრახვით: არც შესაშინებლად და არც შესაგონებლად, არამედ გასაჟლეტად. კიდევ, თუ ვინმე დაალეუინებს სხვას ფარულ შენარევს (თუნდაც სხვა რაიმე მიზნით) და მოაკვდინებს, — ესევეთარს ვაღიარებთ განზრახ მკვლელად. ამას ხშირად დედაკაცები აკეთებენ, — ცდილობენ რა ერთგვარი ჯადოთი და გრძნეულებით გარკვეულ პირს თავი შეაყვარონ, და აძლევენ მათ გონების დასაბნელებელი წამლის შემადგენლობას. თუმცა, მიაყენეს რა სიკვდილი, ქმნეს არა ის, რისი განზრახვაც ჰქონდათ, მაგრამ გრძნეულობისა და აკრძალული ქმედებისათვის მიეკუთვნებიან ნებსით

მკვლევლებს. ამიტომ, ვინც მუცლისმოსაწყვეტ საშუალებას აძლევს, – მკვლელია; ზუსტად ასევე – ვინც ნაყოფისმომამკვდინებელ საწამლავეს მიიღებს. ასევე აქამდეც.

(მოც. 65; ტრულ. 91; ანკვირ. 21, 22, 23; ბასილი დიდის 2, 8, 11, 43, 54, 56, 57; გრიგოლ ნოსელის 5)

წინამდებარე კანონში ბასილი დიდი საუბრობს ადამიანის მკვლევლობის გვარობაზე – განზრახ, უნებლიე და ისეთ მკვლევლობაზე, რომელიც ახლოა განზრახ მკვლევლობასთან; განსხვავება გულისხმობს მკვლევლობის ჩამდენის განწყობას. მკვლევლობის სხვადასხვაგვარობა გვხვდება ძველ რომაულ სამართალში, რომლის თანახმადაც, განზრახ მკვლევლობის მიზეზად სახელდება დამნაშავეის ბოროტი განზრახვა, ხოლო უნებლიე მკვლევლობისა – გაუფრთხილებლობა (დაუდევრობა, წინდაუხედაობა, უყურადღებობა). უნებლიე მკვლევლობასთან ახლო დგას შემთხვევითი მკვლევლობა. აქედან განისაზღვრება მკვლევლობის კატეგორიები: განზრახვითი, გაუფრთხილებლობითი და შემთხვევითი. მკვლევლობების ზუსტად ასეთ დაყოფას აკეთებს გრიგოლ ნოსელიც თავის მე-5 კანონში, როგორც ამას ქვემოთ ვიხილავთ.

წინამდებარე კანონის თანახმად, განზრახ მკვლევლობა ჰქვია, როდესაც ადამიანი (ქალი იქნება ის თუ კაცი) შეგნებულად და წინასწარგანზრახვით გამოასალმებს ვინმეს სიცოცხლეს. თუ რა სახის მკვლევლობებს მიაკუთვნებს ბასილი დიდი ამ კატეგორიას, ეს თვით კანონიდან ჩანს. ამ კატეგორიასვე აკუთვნებს იგი ომში მებრძოლთა მკვლევლობასაც, რომლებიც „ომში მიდიან მოწინააღმდეგის განადგურების აშკარა განზრახვით: არც შესაშინებლად და არც შესაგონებლად, არამედ გასაჟლეტად“, და მათ იგივე სასჯელს უწევსებს, როგორსაც სხვა განზრახ მკვლევლებს. თუმცა, როგორც ქვემოთ ვიხილავთ, იგივე წმინდა მამა თავის მე-13 კანონში არბილებს ამ კანონში წარმოდგენილ მკაცრ მსჯელობას მეომრების შესახებ, რომლებიც მტრებს ომში კლავენ.

თვით კანონიდან კარგად ჩანს – რა სახის მკვლევლობები შედის ამ წმინდა მამის განსაზღვრებით გაუფრთხილებელ (უნებურ) და განზრახულთან ახლომდგომ კატეგორიებში.

მკვლევლობების კვალიფიკაციის დროს მხედველობაში მიიღება – როგორც ეს ზემოთ ითქვა – უმთავრესად მოტივი, რის გამოც დანაშაული მოხდა, შესაბამისად, ეს არის მკვლელის სუბიექტური მხარე, კერძოდ: ჩადენილია თუ არა დანაშაული ბოროტგანზრახვით, თუ გაუფრთხილებლობითა და დაუდევრობით, ან იქნებ – შემთხვევით. პირველ შემთხვევაში მკვლევლობა არის ნებსითი, შეგნებული (განზრახული) დარღვევა არსებული კანონისა, რომლის მეშვეობითაც (დანაშაულის გზით) ვინმე ისწრაფვის მიაღწიოს იმას, რაც კანონით ერძალება. აქ მთავარია – კანონსაწინააღმდეგო ნება, რომელიც დანაშაულებრივ ქმედებას აღასრულებს. ეს კანონსაწინააღმდეგო ნება იმსახურებს სასჯელს არამხოლოდ მაშინ, როდესაც ბოროტება ჩადენილია, არამედ მაშინაც კი, თუ ის (ბოროტება) სისრულეში არ არის მოყვანილი და, შესაბამისად, თუნდაც სახეზე არ იყოს დაზარალებული. დაუდევრობა ან გაუფრთხილებლობა გარკვეულ პირს დანაშაულად ეთვლება იმ შემთხვევაში, როდესაც, უყურადღებობის შედეგად, განზრახველად, ჩაიდინს რაიმე დანაშაულებრივ ქმედებას,

რომლის შესახებაც ის მანამდე სრულებითაც არ ფიქრობდა, მაგრამ რომლის თავიდან აცილებაც – მუდმივი ყურადღებისა და სიფხიზლის პირობებში – საესე-ბით შესაძლებელი იყო. ეს ოურიდიული საწყისი, რომელიც რომის სამართალში უხსოვარი დროიდან არსებობდა, ეკლესიამაც მიიღო. მით უმეტეს, რომ მისი კანონ-მდებლობის მიზანი იყო, არამარტო ის, რომ კანონის განწყვეტები შეესრულებინა მის ყველა წევრს, რათა კეთილი წესრიგი დამყარებულიყო ეკლესიაში, არამედ მის თითოეულ წევრს ყურადღება მიექცია იმისათვის, რომ ისეთი არაფერი მომხდ-არიყო, რაც საზიანო იქნებოდა როგორც საზოგადოებისთვის მთლიანობაში, ისე მისი ცალკეული წევრებისთვისაც, რათა, შესაბამისად, სწორად წარმართულიყო საზოგადოებრივი ცხოვრების განვითარება. აღნიშნულის თანახმად, ნებისმიერი ზიანი, რომელიც საზოგადოებას ან ცალკეულ პირს ადგება, ვინმეს წინდაუხედაო-ბის მიზეზით, თუმც კი განისჯება უფრო ლმობიერად, ვიდრე წინასწარგანზრახუ-ლი დანაშაული, მაგრამ მაინც ისჯება, და განსაკუთრებით იმ შემთხვევაში, თუ მსგავსი წინდაუხედაობის შედეგი მძიმეა და წინდაუხედაობაც დიდი დაუდევრო-ბით არის გამოწვეული. ასეთ დროს წინდაუხედაობა (გაუფრთხილებლობა) ბოროტ განზრახვას ესაზღვრება, რის გამოც განსაკუთრებული დაუდევრობის შედეგად ჩადენილი დანაშაული ხშირად ისჯება, როგორც ბოროტგანზრახული. შემთხვევით ჩადენილი დანაშაული არ ისჯება, თუმცა, თუკი ეს შემთხვევა რაიმე ქმედების შედეგად, რომელიც თავისთავად სასჯელს არ იმსახურებს, გახდება დასჯადი ქმედების მიზეზი, მაშინ სასამართლო ამ კონკრეტულ პირს აღნიშნულ ქმედებას ბრალდებად წაუყენებს და იგი დაექვემდებარება შესაბამის სასჯელს – თუნდაც სულ მცირეს.

კანონი 9

უფლის სიტყვა, რომ ქორწინების დარღვევა დაუშვებელია, გარდა მრუ-შობის მიზეზისა (იხ. მათე, 5, 32), მისი შინაარსიდან გამომდინარე, ერთ-ნიარად მიესადაგება როგორც ქმრებს, ისე – ცოლებს, მაგრამ ასე არ არის ჩვეულებაში. ცოლების შესახებ ბევრ მკაცრ გამონათქვამს ვხვდებით. მოციქული ბრძანებს: „რომელი შეეყოს მეძავსა, ერთ ქორც არიან“ (1 კორინ. 6, 16); და იერემიაც: (იერ. 3, 1), და კვლავ: (იგანნი, 18, 23). ცოლებს კი ჩვეულება აიძულებთ შეინარჩუნონ თავიანთი ქმრები, თუნდაც ისინი მრუშობდნენ და სიძვაში ცხოვრობდნენ. ამიტომ, არც კი ვიცით, შეიძლება თუ არა პირდაპირ მრუშად იწოდებოდეს იმ მამაკაცთან მცხოვრები დედაცაცი, რომელიც თავის ცოლმა მიატოვა, რადგან აქ ბრალი ედება ქმრის მიმ-ტოვებელს, რა მიზეზით დაარღვია ქორწინებითი კავშირი? თუკი იმ მიზეზ-ით, რომ ცემდა და ვერ დათმინა, უფრო მართებდა დათმენა, ვიდრე მეუღლეს-თან დაშორება; თუ იმიტომ, რომ ქონება გაანიავა, ვერც ეს გამოდგება საპატიო მიზეზად. თუკი, თუნდაც იმიტომ, რომ ქმარი სიძვობს, არც ასეთი მაგალითები გვაქვს საეკლესიო ჩვეულებით: მოლაღატე ქმრისგანაც არ აქვს ცოლს განშორების უფლება, არამედ უნდა დარჩეს მასთან, რამეთუ არ იცის ამას რა მოჰყვება: „რამეთუ რა იცი, ჯდედაცაცი, აცხოვნო თუ ქმარი

შენი?" (1 კორინ. 7, 16). ამიტომ ცოლი, რომელიც ქმარს მიატოვებს, არის მემრუშე – თუ სხვა ქმართან შეუღლდა, ხოლო მიტოვებული ქმარი ღმობიერების ღირსია და მასთან თანამცხოვრები არ განიკითხება. თუკი ქმარი დაშორდება ცოლს და სხვასთან დაიწყებს ცხოვრებას, მაშინ თვითონაც არის მემრუშე, – რადგან ცოლყოფილს იძულებით ამრუშებს, – და მასთან თანამცხოვრებიც მემრუშეა, რამეთუ სხვისი ქმარი მიიზიდა.

(მოც. 48; ტრულ. 87, 93; ანკვირ. 20; კართ. 102; ბასილი დიდის 18, 21, 35, 77)

მართლმადიდებელი ეკლესიის სწავლებას განქორწინების შესახებ, ჩვენ გავეცანით ტრულის კრების 87-ე კანონის განმარტებაში. მასში ტრულის კრების მამები ეყრდნობიან ბასილი დიდის წინამდებარე კანონს და, აგრეთვე, წმინდა წერილის იმ ადგილებს, რომლებიც წმინდა ბასილს მოჰყავს. ამფილოქეს კითხვაზე, ცოლსაც შეუძლია თუ არა განქორწინების მოთხოვნა, როდესაც მისი ქმარი მრუშობაშია მხილებული, – როგორც ეს ქმარს შეუძლია მრუშში ცოლის შემთხვევაში, – წმინდა ბასილს პასუხად მოჰყავს იესო ქრისტეს სიტყვები (მთ. 5, 32) და შენიშნავს, რომ ეს მცნება ერთნაირად ეხება როგორც ქმარს, ისე – ცოლს. ანუ როგორც ქმარს შეუძლია განქორწინება მიიღოს ცოლის მრუშობის შემთხვევაში, ზუსტად ასევე შეუძლია ცოლსაც – მოითხოვოს განქორწინება, თუ მისი ქმარი მრუშია. ბასილი დიდის ნათქვამი წმინდა წერილიდან მოყვანილი ადგილის საფუძველზე, მტკიცდება მისი სხვა ადგილებითაც. როდესაც ფარისეველები სცდიდნენ უფალს და ლამობდნენ იგი შეცდომაში ემხილებინათ, ეკითხებოდნენ განქორწინების შესახებაც. მან ისინი მოსეს რჯულთან გაბზავნა, რომელიც მათი გულის სისასტიკის მიზეზით ნებას რთავდა ქმარს ცოლი გაეშვა, მაგრამ იქვე დასძინა: ეს ასე თაიდან არ ყოფილა, ასე რომ, მრუშობს ისიც, ვინც განქორწინებულს შეირთავსო (შდრ. მთ. 19, 3-9), რითაც ქორწინებაში ქმრისთვის დაღატი მთლიანად გაუთანაბრა ცოლისთვის დაღატს (იხ. მარკ. 10, 11, 12). ამასთან, ეკლესიის ეს სწავლება ქმრისა და ცოლის მეუღლეობრივი უფლების თანასწორობის შესახებ, რომელიც საღმრთო სამართალზე განისვენებს და რომელიც წმინდა ბასილს კანონის დასაწყისში მოჰყავს, დიდ ხანს ვერ მკვიდრდებოდა ქრისტიანულ საზოგადოებაში, მაგრამ, სამაგიეროდ, მტკიცედ იყო შენარჩუნებული ქრისტიანობამდელი ჩვეულება, რომლის თანახმადაც, მხოლოდ ქმარს შეეძლო გაეწვიტა ქორწინებითი კავშირი ცოლის მხრიდან დაღატის შემთხვევაში, ცოლს კი მრუშში ქმარი უნდა დაეთმინა. სწორედ ამ ჩვეულებას მოიხსენიებს ბასილი დიდი წარმოადგენილ კანონში და შენიშნავს, რომ ის ძალაში იყო ჯერ კიდევ მის დროს.

ქრისტიანობამდელი რომაული კანონების მიხედვით, ცოლი საზოგადოების უფლებო წევრი იყო, – ყველაფერში ქმარს დამორჩილებული. სწორედ ქმრის ეს ძალაუფლება იყო ჩადებული იმ დროის საზოგადოების კეთილმოწყობის საფუძველში. კანონმდებლობა, ზოგადად, ქმრის უფლებების დაცვას ემსახურებოდა, ცოლის უფლებებზე კი საერთოდ არავინ ფიქრობდა. ამის გამო ქორწინებით კავშირში კანონი მხოლოდ ქმრის უფლებებს იცავდა და ცოლის დაღატი ისჯებოდა როგორც მრუშობა, მაშინ, როდესაც ქმრის დაღატი კანონით არ ისჯებოდა, და ცოლი, როგორც უუფლებო პირი, უნდა დამორჩილებოდა ქმრისა და მისი ნათესავების

დესპოტურ ხელისუფლებას – დაეთმინა და შეგუებოდა ქმრის ღალატს, რომელიც ზოგჯერ ყოველგვარ ზღვარს სცილდებოდა. ამ მხრივ, ზოგიერთი ცვლილებები დაიწყო კეისარ ავგუსტინეს დროს, ან, უკეთ რომ ვთქვათ, ადგილი ჰქონდა მცდელობებს რაიმე გაუმჯობესებინათ ამ თვალსაზრისით. კერძოდ, გამოიცა „ოულიუსის კანონი მრუშობის აღკვეთის შესახებ“, რომელმაც ძალა გამოაცავა ბევრ მანამდე გამოცემულ ისეთ კანონს, რომლებიც კანონიერი ცოლის გარდა, ქმარს აგრეთვე სხვა, უცხო ქალებთან ურთიერთობის თავისუფლებას ანიჭებდნენ. აღნიშნულმა კანონმა კანონსაწინააღმდეგოდ და დასჯად ქმედებად გამოაცხადა მესამე პირთან ყოველგვარი კავშირი როგორც ქმრის, ისე ცოლის მხრიდან. შეიძლება გვეფიქრა, რომ ამ კანონის მიღებით რომაულ საზოგადოებაში შეწყდებოდა გარყვნილობა და დამტკიცდებოდა ქმრისა და ცოლის თანასწორუფლებიანობა ქორწინებით კავშირში, – თანასწორუფლებიანობა, რომელსაც მოითხოვს როგორც საღმრთო რჯული, ასევე ადამიანის ბუნება, და რომლითაც განპირობებულია თვით ოჯახის ბედნიერება და კეთილდღეობა. თუმცა, საზოგადოებრივ გარყვნილებას იმდენად ღრმად ჰქონდა ფესვები გადგმული, რომ ვერც ავგუსტინეს ამ კანონმა – მრუშობისათვის მასში გათვალისწინებული სასჯელით – შეძლო ბოროტი ჩვეულების აღმოფხვრა, და რაც ამ შემთხვევაში ყველაზე ცუდია, ეს მანიკერება გადმოვიდა ქრისტიანულ საზოგადოებაში იმ პირების ძალისხმევით, ვინც ქრისტიანობაში მოექცნენ რომაულ-წარმართულ საზოგადოებიდან. ქრისტიანულ საზოგადოებაში, რა თქმა უნდა, იგმობოდა ქორწინებით კავშირის ყოველგვარი ღალატი – როგორც ცოლის, ზუსტად ასევე, ქმრის მხრიდანაც, თუმცა ტრადიციული მოსაზრებიდან გამომდინარე, რაც ქმრისადმი ცოლის მორჩილებასა და ქორწინებაში ქმრის უპირატესობას გულისხმობდა, ქმრის მხრიდან ღალატი გაცილებით ღმობიერად ისჯებოდა, ვიდრე ცოლის მხრიდან; ქმარი მხოლოდ მეძავად იწოდებოდა, ცოლი – კი მრუშად (იხ. ბასილი დიდის 21-ე კან.). ეკლესიის მამები მკაცრად განიკითხავდნენ ასეთ გაუკუღმართებულ მოსაზრებას ქმრისა და ცოლის მუდღეობრივი უფლებების შესახებ. III საუკუნეში ამის წინააღმდეგ ხმა აღიმართა ტერტულიანემ. მან მრუშად უწოდა ყველა იმ პირს, „ვინც შეეყოფა სხვა სხუელს, გარდა იმისა, რომელთანაც ღმერთმა შეაერთა ის ერთხორცად, ან ვისთანაც უკვე შეუსწრო შეერთებულს“. შემდგომში ეკლესიის დასახმარებლად მოვიდა სამოქალაქო კანონმდებლობა: კონსტანტინე დიდის კანონი სიკვდილით დასჯას განუწყობდა მრუშობაში მხილებულთ. მომდევნო საუკუნეების ეკლესიის მამები თავიანთ თხზულებებში დაუღალავად ასწავლიდნენ დაქორწინებულ პირებს მუდღეობა უფლებებს. ათანასე დიდი, როდესაც ეპასუხება იმით, რომლებიც უარყოფენ ცოლის უფლებას, უჩივლოს მოღალატე ქმარს, განმარტავს, რომ მრუშობის ცოდვას ყოველთვის აქვს ადგილი დამოუკიდებლად იმისა, მრუშობს ქმარი სხვა ქალთან, თუ ცოლი – უცხო კაცთან. იონანე ოქროპირი უფრო მკაცრად და გადაჭრით ამბობს: „მრუშობას აქვს ადგილი არამარტო მაშინ, როდესაც დაქორწინებული მამაკაცი გათხოვილ ქალთან სძივობს, არამედ მაშინაც, როდესაც იგი ისიძვის გაუთხოვარ და დაუწინავე ქალთანაც“. ბასილი დიდიც რომ ამ საკითხზე ისევე მსჯელობს, როგორც ეკლესიის სხვა მამები და მოძღვრები, ამას მოწმობს ამ კანონის დასაწყისიც და შემდგომი სიტყვებიც იმის შესახებ, რომ მრუშია ქმრის მოღალატე ყველა ქალი, და

მრუშია ყველა ქმარი, რომელიც ცოლს დალატობს. იგივეა ნათქვამი ბასილი დიდის 77-ე კანონშიც, სადაც მრუშობისათვის იგმოზა ყოველი, ვინც თავის ცოლს ულაღატებს, თანაც, როგორც ამის საფუძველი, მოიხსენიება წმინდა წერილის სწორედ ზემოაღნიშნული ადგილი (მათე, 19, 9). შესაბამისად, ბასილი დიდის სწავლით, ისევე როგორც ეკლესიის სხვა მამებისა და მოძღვრების მიხედვით, მრუშობა წარმოადგენს განქორწინების მიზეზს როგორც ცოლის, ისე ქმრისთვისაც. რაც შეეხება რომაულ ჩვეულებას, – ჯერ კიდევ ბასილი დიდის დროს არსებულს (IVსაუკუნე), რომლის თანახმადაც ქორწინებით კავშირში ქმარს ყველა უფლება ჰქონდა, ცოლს კი არავითარი, – წმინდა ბასილი, რა თქმა უნდა, არ იწონებს და მას მხოლოდ იმიტომ მოიხსენიებს, რომ აღნიშნული ჩვეულება მის დროსაც არსებობდა; ხოლო ეს რომ ნამდვილად ასე იყო, ამას მოწმობს როგორც საკითხისადმი მიდგომა, ასევე ის გაურკვევლობა, როგორითაც ის საერთოდ ამის შესახებ ლაპარაკობს. თუმცა, ამაზე ჩვენ კიდევ ვისაუბრებთ ბასილი დიდის 21-ე კანონში.

კანონი 10

ფიცის დამდებნი ნუ მიიღებიან ხელდასასხმელად, ხოლო როდესაც ფიცს დადებენ, დაე, ნუ იძულებიან, რომ დაარღვიონ იგი. მაგრამ, ვგონებ, არსებობს რომელიღაც კანონი, რომელიც ღმობიერებას იჩენს ესევეითარა მიმართ, თუმცა, გამოცდილებით ვიცით, რომ კეთილად არ წაუვა საქმე ფიცის დამრღვევს. გამოძიებულ უნდა იქნეს ასევე ფიცის გეარობა, მისი შემცველი სიტყვები და განწყობა, რომლითაც მათ დაიფიცეს, და სიტყვების აქცენტიც კი; და თუ არ არსებობს არც ერთი მხრიდან ფიცის ძალისგან რაიმე შემამსუბუქებელი გარემოება, მაშინ სრულიად უნდა დაუტევონ ესევეითარნი. სევირის საქმეში კი, ან მის მიერ დადგინებული მღვდლისა, ჩემი აზრით (თუ შენი აზრიც თანახმიერია) შეიძლება ფიცის ერთგვარად გახსნა შემდგენაირად: ის სოფელი, რომელშიც დადგინებულია ეს კაცი, და აქამდე მისთვის ექვემდებარება, ბრძანე, მასადას შეუერთდეს. რამეთუ ამგვარად არც ის იქნება ფიცისდამრღვევი, ვინაიდან ადგილს არ გამოიცვლის, და ღონგინოზიც – ეყოლება რა თავისთან კვირიაკე – არ დახურავს ეკლესიას და არ აენებს საკუთარ სულს მისი მოღმობისათვის განკითხვით. არც ჩვენ ვიქნებით იძულებული რაიმეში უკანონო ვყოთ ვირიაკესადმი ღმობიერების გამოჩენით, რომელმაც მინდნაებში ყოფნის ფიცი დადო, მაგრამ მერე იქიდან გადასვლაზე დათანხმდა. რამეთუ მისი დაბრუნება ფიცის დაცვა იქნება, ვინაიდან მის ფიცში არ იყო დამატებული, რომ მოკლე დროითაც არ დატოვებს მინდნებს და მთელი დარჩენილი ცხოვრება მუდამ იქ იქნება. სევირს კი, რომელმაც გულმამიწყოებისათვის მოიბოდიშა, ჩვენ შეგუნდობთ და ვეტყვით, რომ, რომელმა იცის დაფარული, არ დაუშვებს, მისმა ეკლესიამ ზიანი მიიღოს იმისგან, ვინც თავიდან არაკანონიერად მოიქცა და თვითონვე შეიკრა თავი ფიცით სახარების საწინააღმდეგოდ, ვინც გადაადგილების გზით ასწავლიდა ფიცის დარღვევას, ახლა კი ცრუობს მოჩვენებითი გულმამიწყოებით. მაგრამ რამდენადაც ჩვენ

გულთა მსაჯულნი არა ვართ, არამედ მოსმენილით ვმსჯელობთ, ამიტომ უფალს მივანდოთ შურისგება, თავად კი ეჭვშეურენელად შევიწყნარებთ მას, მიუცემთ რა შენდობას გულმაიწყოხისათვის, როგორც ადამიანის სისუსტეს. (მოც. 25; ტრულ. 95; ბასილი დიდის 17, 28, 29, 64, 81, 82)

თავის რამდენიმე კანონში ბასილი დიდი საუბრობს ფიცის, მისი მნიშვნელობისა და აგრეთვე იმათ შესახებ, ვინც მიცემულ ფიცს არღვევს. წინამდებარე კანონში ამ უკნასკნელთა შესახებ არის საუბარი, ხოლო 64-ე კანონში წმინდა ბასილი მათთვის უკვე სასჯელებს განსახდერავს, რომლის განმარტებაშიც ჩვენ ამ საკითხზე ვისაუბრებთ.

წინამდებარე კანონში ბასილი დიდი აცნობს ამფილოქეს თავის აზრს ვინმე კვირიაკეს მიერ მიცემულ ფიცთან მიმართებით; ფიცის არსი იმაში მდგომარეობდა, რომ მისი მიმცემი, კვირიაკე, სამუდამოდ დარჩებოდა ერთ გარკვეულ სოფელში მღვდლად. ეკლესიის პირველ ხანებში ხდებოდა, რომ ზოგიერთები ფიცს დებდნენ, რომ არასდროს მიიღებდნენ სამღვდლო ხარისხს, ხოლო თუკი მიიღებდნენ, არასდროს დატოვებდნენ სოფელს ან იმ ადგილს, რომლისთვისაც მღვდლად იქნენ ხელდასხმულნი, და რომ, შესაბამისად, არ მიიღებენ არავითარ უმაღლეს იერარქიულ პატივს. ამას ბევრი იმის შიშით აკეთებდა, რომ შემდგომში იძულებულნი არ გამხდარიყვნენ მიელოთ ეპისკოპოსის წოდება, ვინაიდან ასეთ უმაღლეს იერარქიულ ხარისხში მსახურებას რთულად თვლიდნენ და თავიც უღირსად მიაჩნდათ. მათი აღთქმა, ანუ ფიცი, საყოველთაოდ ცნობილი ხდებოდა, რის გამოც, შემდგომში ამის გათვალისწინება უხდებოდათ. ასეთ ფიცს, თავისთავად, არ შეიძლებოდა განსაკუთრებული მნიშვნელობა ჰქონოდა, რადგან ძნელი იყო მისთვის გონიერული ახსნის მიცემა და, შესაბამისად, მისი დამრღვევი ვერ დაეკემდებარებოდა მკაცრ კანონიკურ სასჯელს, რომელიც განწესებულია საზეიმოდ მიცემული აღთქმის დამრღვევათვის (იხ. მოციქულთა 25-ე კან.). მაგრამ ბასილი დიდი არ იწონებს ამგვარი ფიცის გატეხვასაც, რადგან გამოცდილებით ვიცით, — ამბობს იგი, — რომ იშვიათად წაუვა საქმე კეთილად იმას, ვინც თავის აღთქმებს არ ასრულებს; თუმცადა, დასძენს წმინდა ბასილი, მსგავს შემთხვევებში მხედველობაში უნდა მივიღოთ, თუ როგორ იქნა ფიცი მიცემული: ხომ არ ჰქონდა ადგილი ღვთის სახელის მოხმობას, რა სიტყვებით იყო ფიცი გამოხატული, როგორი იყო სულიერი მდგომარეობა ფიცის მიმცემისა, და ყველაფერ ამის საფუძველზე უნდა ვიმსჯელოთ თვით ფიცის შესახებ. ასეთი წინასწარი შენიშვნების შემდეგ, წმინდა ბასილი იძლევა თავის დასკვნას კვირიაკეს მიერ მიცემულ ფიცთან დაკავშირებით, რაც მას ამფილოქემ სთხოვა. საქმე შემდეგში მდგომარეობდა: ვინმე ლონგინოზმა, თავისი სახსრებით ააგო ტაძარი სოფელ მინდანებში, მისთვის ეპარქიაში. მასადის ეპისკოპოსმა სევირმა, ამ ეკლესიის მღვდლად აკურთხა კვირიაკე, რომელმაც აღთქმა დადო, რომ მუდამ იმ ტაძარში იმსახურებდა. მაგრამ მისთვის ეპისკოპოსმა კვირიაკეს აუკრძალა იქ მსახურება, ვინაიდან მისი ხელთაღსხმა სხვა ეპისკოპოსმა აღასრულა და არა მან — ეპარქიის ეპისკოპოსმა. ამის შედეგად კვირიაკე სამღვდელმსახუროდ გადადის სხვა ეკლესიაში, ხოლო განაწყენებული ქტიტორი ლონგინოზი თავისი სახსრებით აშენებული ტაძრის დახურვით იმუქრება. ეს უნდა

აღკვეთილიყო და სწორედ ამიტომ ბასილი დიდი ასკენის, რომ მინდანები უნდა დაექვემდებაროს მასადის ეპარქიას, თუმცა მანამდე სხვა ეპარქიას მიეკუთვნებოდა. კვირიაკე კი უნდა დაუბრუნდეს მინდანების ტაძარს და ამგვარად თეოფანაც თავისი სიტყვის ერთგული დარჩება, და აღარც ლონგინოსს ექნება ტაძრის დახურვის მიზეზი და თავის სულსაც ზიანს არ მიაყენებს. ამ საქმეში დამნაშავე ეპისკოპოსი სევერიც გამოვიდა, რომელმაც სხვის ეპარქიაში დაადგინა ეკლესიისათვის მღვდელი, მაგრამ რადგან სევერმა თავი იმით გაიმართლა, რომ არ ახსოვდა თუ საკამათო ტაძარი მისი ეპარქიის საზღვრებში არ შედიოდა, ამიტომ ბასილი დიდმა ეს ახსნა-განმარტება საპატიოდ ჩათვალა, თუმცა, ამასთან, ღვთის სამსჯავროს მიანდო თავისგასამართლებლად მოყვანილი არგუმენტის ნამდვილობის გამოცდა.*

კანონი 11

მკვლელობის უნებლიეთ ჩამდენმა საკმარისი სასჯელი მოიხადა, — იყო რა განყენებული თერთმეტი წლის განმავლობაში. რამეთუ აშკარაა, რომ ჭრილობის მიმღებთა შესახებ უნდა დავიცვათ მოსეს რჯული (გამოვ. 21, 18, 19), და ჭრილობებისგან ლოგინში ჩაწოლილი, რომელმაც მერე კვლავ დაიწყო სიარული ყვარჯენების დახმარებით, არ უნდა ჩაითვალოს მოკვლად; ხოლო თუნდაც არ ამდგარიყო ჭრილობების შემდეგ, მაინც იმის გამო, რომ მის მცემელს არ უნდოდა მისი მოკვლა, თუმც კი არის იგი მკვლელი, მაგრამ განზრახვის მიხედვით — უნებლიე.

(მოც. 65; ანკირ. 23; ორგ. 9; ბასილი დიდის 2, 8, 13, 54, 57; გრიგოლ ნოსელის 5)

თავის 57-ე კანონში ბასილი დიდი ათწლიან ეპიტიმიას უქვემდებარებს განუზრახველ, უნებლიე მკვლელს; აქ კი, ამფილოქეს შეკითხვაზე, პასუხობს, რომ უნებლიე მკვლელი, რომელიც თერთმეტი წლით იყო წმინდა ზიარებიდან განკანონებული, მით უფრო ღირსია ზიარების მიღებისა.

კანონი 12

მეორედ დაქორწინებულებს კანონმა (მოციქულთა მე-17) საერთოდ აუკრძალა ეკლესიის მსახურებაში ყოფნა.

(მოც. 17; ტრულ. 3; ნეოკეს. 7)

აქ ბასილი დიდი ეყრდნობა მოციქულთა მე-17 კანონს, რომლის განმარტებაშიც ჩვენ აღვნიშნეთ, რომ საღმრთო სამართლის თანახმად, მღვდელმსახური შეიძლება იყოს მხოლოდ ერთხელ დაქორწინებული პირი. ეს განწესება მართლმადიდებელ ეკლესიაში ყოველთვის ძალაში იყო და ახლაც ძალაშია. ეპისკოპოსი კი, რომელიც მეორედ დაქორწინებულს აკურთხებს მღვდლად, განკვეთას ექვემდებარება.**

*იხ. ზონარას განმარტება ათენის სინტაგმაში, IV, 125.

**მდრ. კონსტანტინოპოლის პატრიარქ ალექსის განწესება ათენის სინტაგმაში, V, 28.

კანონი 13

ომში მოკვლისათვის ჩვენი მამები მკვლევლობის ბრალდებას არ უყენებდნენ, პატიობდნენ, როგორც ვფიქრობ, უბიწოებისა და კეთილმსახურების დამცველებს. მაგრამ, იქნებ, კეთილი საქმე ყოფილიყო რჩევა მიგვეცა, რომ მათ, როგორც უსუფთო ხელების მქონეთ, სამი წელი თავი შეეკავებინათ წმინდა ზიარებიდან.

(ანკვირ. 22, 23; ათანასე დიდის 1; ბასილი დიდის 8, 43, 55; გრიგოლ ნოსელის 5)

„მკვლევობა დაუშვებელია, მაგრამ ბრძოლაში მტრის მოკვლა კანონიერიც არის და ქებასაც იმსახურებს“, – ამბობს ათანასე დიდი ეპისტოლეში ამუნის მიმართ (1 კან.). სწორედ ამას გულისხმობს აქ ბასილი დიდი, როდესაც ჩვენს მამებს მოიხსენიებს. წმინდა ბასილი აქვე დასძენს, რომ მაინც არ არის საჭირო ადამიანის სისხლის დამღვრელი მეომრების წმინდა ზიარებაზე დაშვება სამი წლის განმავლობაში. ამ რჩევას ბასილი დიდი ძველადღქმისეული ეკლესიის მაგალითებით ამყარებს (იხ. რიცხვ. 31, 17-24); ის ამით ცდილობს მეომრებს შეეშუბუქოს ადამიანის დაღვრელი სისხლით გამოწვეული სულიერი სიმძიმე. თუმცა, ზონარასა და ბალსამონის ვარაუდით, წმინდა ბასილის ეს რჩევა არსად სრულდებოდა, ხოლო სახელმძღვანელოდ გამოიყენებოდა ბასილი დიდის მიერ მოყვანილი ათანასე დიდის სიტყვები. ბალსამონს, ამასთან, მოჰყავს ზოგიერთი სასულიერო პირის მაგალითი, რომლებიც ბრძოლაში მონაწილეობდნენ და, შესაბამისად, ადამიანებს კლავდნენ, და ამის გამო არამცთუ მღვდელმოქმედების უფლება არ დაუკარგავთ, არამედ, პირიქით, ჯილდოს ღირსნიც კი გახდნენ.*

კანონი 14

მევახშენი, თუ მოისურვებენ უსამართლო მონაგარის დატაკებზე დახარჯვას და მომავალში მომხვეჭველობის სენისგან გათავისუფლებას, შეიძლება სამღვდელეობაში იქნენ მიღებულნი.

(მოც. 44; I მსოფ. 17; ტრულ. 10; ლაოდ. 4; კართ. 5; გრიგოლ ნოსელის 6)

იმის შესახებ, რომ სასულიერო პირთათვის მევახშეობა ყოველად დაუშვებელია და რომ ამ საქმეში მხილებულნი ხარისხიდან უნდა განიკვეთონ, – მრავალი კანონი ლაპარაკობს (იხ. მოციქულთა 44-ე და I მსოფლიო კრების მე-17 კანონების განმარტებები). აქედან გამომდინარე, სავსებით ბუნებრივი იყო არ მიეღოთ სასულიერო დასში ის ერისკაცები, რომლებიც მევახშეობას ეწეოდნენ. ამფილოქეს ამ შეკითხვაზე, ბასილი დიდი წინამდებარე კანონში პასუხობს, რომ მევახშეობით დაკავებული ერისკაცი მხოლოდ იმ შემთხვევაში შეიძლება გახდეს სასულიერო პირი, თუკი უსამართლოდ – მევახშეობის გზით – მოხვეჭილ ქონებას დატაკებს დაურიგებს იმ დაპირებით, რომ მევახშეობას საშუალოდ თავს დაანებებს.

*ათენის სინტაგმა, IV, 132, 133.

კანონი 15

მიკვირს, რომ წმინდა წერილისგან შენ სიტყვასიტყვით სიზუსტეს მოითხოვ და ფიქრობ, რომ მისი თარგმანის სიტყვები იძულებითია, როდესაც ისინი კარგად გამოხატავენ მის მიერ აღნიშნულ საგანს, მაგრამ არ არის გადმოცემული საკუთრივ ებრაული სიტყვის მნიშვნელობა. თუმცაღა, არ შეიძლება უყურადღებოდ დავტოვოთ ცნობისმოყვარე კაცების მიერ დასმული შეკითხვა. ცის ფრინველებსა და ზღვის თევზებსაც, სამყაროს შექმნის დროსაც ერთნაირი წარმომავლობა ჰქონდათ, რადგან ცხოველთა ეს ორივე სახეობა წყლიდან არის ამოყვანილი; ამის მიზეზი ის არის, რომ ორივე ერთი და იგივე თვისება აქვს. რამეთუ ერთნი ცურავენ წყალში, მეორენი – ჰაერში. ამიტომაც მოიხსენიებიან ისინი ერთად. ფსალმუნის შემადგენელი სიტყვები* კი არაზუსტია თევზებთან მიმართებით, მაგრამ წყალში მცხოვრებ ყველა ქმნილებასთან მიმართებით სავსებით სწორია. რამეთუ აღამიანს ემორჩილებიან ცის ფრინველებიც და ზღვის თევზებიც, და არა მხოლოდ ესენი, არამედ ყველა ქმნილება, რომელიც ზღვის გზებით დადის. რამეთუ ზღვაში ყველა ბინადარი თევზი არ არის: ვეშაპის ჯიშის ცხოველები, ვეშაპები, ზვიგენები, დელფინები, სელაპები, კიდევ არიან ცხენები, ძაღლები, ხერხა და ხმალ თევზები, და ზღვის ძროხები; და თუ გნებავს, ჭინჭარი და საეარცხელი, და კუნაირები, რომელთაგან არც ერთი არ არის თევზი, მაგრამ ყველა მათგანი ზღაში დადის. ამგვარად, სამი სახეობაა: ცის ფრინველები, ზღვის თევზები და ის ცხოველები, რომლებიც წყლებში ბინადრობენ და რომლებიც განსხვავდებიან თევზებისგან, მაგრამ ასევე დადიან ზღვის გზებით.

სხვათა შორის, ამფილოქემ ისიც სთხოვა ბასილი დიდს, რომ განემარტა მისთვის, თუ როგორ უნდა გაეგო დავითის სიტყვები: „მფრინველნი ცისანი და თევზნი ზღვისანი, როდენნი ვლენან ალაგებსა მას ზღუათასა“. (ფს. 8, 9). წმინდა ბასილის პასუხი ამ კითხვაზე შეადგენს წინამდებარე კანონს, რომელიც არ შეიცავს თავისთავში რამე კანონიკურ განწესებას.

კანონი 16

ნეემენი დიდია არა უფალთან, არამედ თავის ბატონთან (მეოთხე მეფეთა, 5, 1), ანუ ისიც იყო ასურეთის მეფის ერთი მთავართაგანი. ამდენად, სიზუსტით გამოიკვლიე წმინდა წერილი, და თავად მოიძიებ მასში შეკითხვებზე პასუხს.

ბასილი დიდის წინამდებარე კანონიც არის პასუხი ამფილოქეს შეკითხვაზე ნეემენის შესახებ (იხ. 4 მეფ. 5, 1). ამასთან, როგორც მე-15 კანონი, ესეც არ შეიცავს თავისთავში რამე კანონიკურ განწესებას.

*ეს ეხება მე-8 ფსალმუნის მე-9 მუხლის ბერძნულ სიტყვებს: „მფრინველნი ცისანი და თევზნი ზღვისანი, როდენნი ვლენან ალაგებსა მას ზღუათასა“. ამ სიტყვების გრამატიკულმა შესაბამობამ გამოიწვია წმინდა ამფილოქეს შეკითხვა.

მეორე კანონიკური ეპისტოლე ფინდისა მაგისა
ჩვენისა ბასილისი, კესარია-კაბაღუქიის
ეთავარეპისკოპოსისა იკონიის
ეპისკოპოს აფილოქს მამართ

შესავალი

დიდი ხანია დავწერე რა პასუხები შენი კეთილმსახურების მიერ შემოთავაზებულ კითხვებზე, არ გამომიგზანია მე ეს წერილი; შემაყოვნა ნაწილობრივ ავადმყოფობამ, — ხანგრძლივმა და სახიფათომ, ნაწილობრივ კი მსახურთა უკმარისობამ. რამეთუ არა გვყავს ჩვენ ბევრი ისეთი ადამიანი, ვინც გზაც იცის და ასეთი მორჩილების მზადყოფნაც აქვს. ამიტომ, შეიტყობ რა შეყოვნების მიზეზებს, მომეცი მე ამაში შენდობა. გამაკვირვა მე შენმა სიყვარულმა სწავლების მიმართ და ამასთანავე შენმა თავმდაბლობამ. რამეთუ შენ გსურს ისწავლო, როდესაც მინდობილი გაქვს მასწავლებლის ხარისხი, და თანაც ისწავლო ჩვენგან, როდესაც ჩვენ დიდი არაფერი გაგვარჩნია, შემეცნებასთან მიმართებით. თუმცაღა, რამდენადაც შენ, ღვთის შიშის გამო, უარს არ ამბობ ისეთი საქმე ქმნა, რაც სხვებისთვის იოლი გასაკეთებელი არ იქნებოდა, ამიტომ ჩვენც მთელი ძალისხმევით უნდა შევეწიოთ შენს კეთილგანწყობასა და გულმოდგინებას.

კანონი 17

გვეკითხებოდი მღვდელ ვიანორის შესახებ, შეიძლება თუ არა მისი მიღება სამღვდელო დასში ფიცის დადების შემდეგ? მასსოვს, რომ ანტიოქიის დახისათვის მე უკვე გამოვეცი ერთგვარი საერთო განწყობა ყველას შესახებ, ვინც მათთან ერთად დაიფიცა; რაც იმაში მდგომარეობს, რომ საჯარო შეკრებიდან ისინი უნდა განიყენონ, კერძო სახით კი შეუძლიათ მღვდელმოქმედება. ამით მასაც ეძლევა თავისი მსახურების უფლება, რადგან მისი სამღვდელოება არა ანტიოქიაში, არამედ იკონიაშია, რომელიც, როგორც შენ გვწერდი, მან საცხოვრებლად აირჩია ანტიოქიის ნაცვლად. ასე რომ, შეიძლება შეწყნარებულ იყოს ეს კაცი, მხოლოდ შენმა კეთილმსახურებამ მოითხოვოს მისგან სინანული ფიცისკენ მიდრეკილების გამო, რომელიც მან ურწმუნო ადამიანს მისცა, რამეთუ სულმოკლეობა გამოიჩინა მცირე გასაჭირში.

(მოც. 25; ტრულ. 95; ბასილი დიდის 10, 28, 29, 64, 81, 82)

წინამდებარე და მისი შემდგომი 33 კანონი (17-50) შედგენილია ბასილი დიდის 375 წლის მეორე კანონიკური ეპისტოლედან იმავე ამფილოქეს, იკონიის ეპისკოპოსის მიმართ, რომელსაც მიემართებოდა პირველი ეპისტოლეც. ზემომოყვანილი შესავლის შემდეგ, ბასილი დიდი იწყებს პასუხის გაცემას ამფილოქეს ყველა კითხვასზე.

წარმოდგენილი კანონი წარმოადგენს პასუხს შემდეგ კითხვაზე: შეიძლება თუ არა სასულიერო დასში მიიღონ ვინმე ვიანორი, რომელმაც კვირიაკოზის მსგავსი აღთქმა მისცა, რაზედაც საუბარი იყო ბასილი დიდის მე-10 კანონში. წინამდებარე კანონის ტექსტიდან საკმაო სიცხადით არ ჩანს, თუ კონკრეტულად რაში იყო საქმე. მაგრამ წინამდებარე კანონის ზონარასული განმარტებიდან ჩანს, რომ მავანმა ურჯულო ანტიოქიელმა მთავარმა მუქარით აიძულა ზოგიერთი იქაური მღვდელი ფიცი დაედოთ, რომ აღრ შეასრულებდნენ სამღვდლო მსახურებას. იმ მღვდლებს შორის, რომლებიც მთავარს დაემორჩილნენ, იყო მღვდელი ვიანორიც. ნანობდა რა ჩადენილ საქციელს, ვიანორი ანტიოქიიდან იკონიაში გადავიდა და ეპისკოპოს ამფილოქეს სთხოვა მიეღოთ იგი იკონიის ეკლესიის სამღვდლო დასში. ამფილოქეს კითხვაზე – როგორ უნდა მოიქცეს არსებულ ვითარებაში, წმინდა ბასილი პასუხობს, რომ მან უკვე გამოსცა ერთი საერთო განწესება ყველა ანტიოქელ კლერიკოსთან მიმართებით, რომლებმაც ვიანორთან ერთად მისცეს აღნიშნული ფიცი, სახელდობრ, ამ განწესების მიხედვით მათ არ უნდა ემსახურათ აშკარად, არამედ შეეძლოთ აღესრულებინათ სასენაკო, ანუ კერძო მსახურება შინ (служить келейно). წმინდა ბასილმა ამგვარად იმიტომ განაწესა, რომ ეს მღვდლები ერისთვის საცდურად არ ქცეულიყვნენ, რომელსაც შეიძლება სცოდნოდა, რომ მათ ფიცი დადეს არ ემსახურათ, ახლა კი, მიუხედავად ამისა, კვლავ იმსახურებდნენ და, შესაბამისად, ფიცის დამრღვევებად წარმოჩნდებოდნენ. ამიტომ ბასილი დიდი ვიანორს ნებას რთავს იმსახუროს მღვდლის ხარისხში, – მით უმეტეს, რომ მას არ ჰქონდა განზრახული ანტიოქიაში დაბრუნება, სადაც აღნიშნული ფიცი დადო, – მაგრამ იმსახუროს იკონიაში, სადაც დასახლდა; თუმცა, იმ პირობით, რომ იტვირთეს შესაბამის ეპიტიმიას იმის გამო, რომ სულმოკლეობით იჩქარა აღნიშნული ფიცის მიცემა.* რაც შეეხება ნებართვას, რომელიც ბასილი დიდმა ანტიოქელ მღვდლებს მისცა, რომ ემსახურათ არა აშკარად, არამედ სენაკებში, უნდა შეეხედოთ როგორც საერთო წესიდან გამონაკლისს. ლაოდიკიის კრების 58-ე კანონის თანახმად, არამხოლოდ მღვდლებს, არამედ ეპისკოპოსებსაც ეკრძალებათ წმინდა მსხვერპლის შეწირვა სასენაკო მსახურებისას, კერძო სახლებში. შემდგომში, როდესაც ეპისკოპოსის ლოცვა-კურთხევით უკვე შესაძლებელი გახდა „კარის ეკლესიების“ გახსნა, ტრულის კრების 31-ე კანონით მასში მსახურება აეკრძალათ მღვდლებს ეპისკოპოსის ნებართვის გარეშე. მღვდლების ამ მსახურებას კერძო სახლებში თვით ბასილი დიდიც კრძალავს და გმობს (1 კან.), როგორც ამას ეკლესიის სხვა მამები და მოძღვრები აკეთებდნენ. ანტიოქიელ მღვდლებს წმინდა ბასილმა ამის უფლება მისცა განსაკუთრებული ვითარებიდან გამომდინარე, – რომელიც ზემოხსენებულმა მთავარმა ანტიოქიაში შექმნა, – რათა ეხსნა ისინი დევნისაგან.

კანონი 18

დაცემულ ქალწულთა შესახებ, რომლებმაც უფლის წინაშე სიწმინდეში ცხოვრების აღთქმა დადეს, მაგრამ შემდეგ ჩავარდნენ ზორციელ ვნებაში

*იხ. ზონარას განმარტება ათენის სინტაგმაში, IV, 139.

და აღთქმები დაარღვიეს, ჩვენმა მამებმა, მარტივად და მშვიდად – დაბრკოლებულთა მიმართ სულგრძელობით – განაჩინეს, რომ შეწყნარებულ იქნენ ისინი ერთი წლის შემდეგ; დააწესეს ასე მეორედ დაქორწინებულთა მაგალითისამებრ. მაგრამ, რადგანაც, ქრისტეს მადლით, ეკლესია დროთა განმავლობაში უფრო მტკიცე ხდება, ქალწულთა დასი კი ამჟამად მრავლდება, ამიტომ, ეგონებ, მართებული იქნება ვითარებაში ზუსტად გარკვევა, თვით მის შესახებ..., რამეთუ ქვრივობა ქალწულობაზე დაბალია, და ქვრივთა ცოდვა ბევრად უფრო მსუბუქია ქალწულთა ცოდვაზე. ვნახოთ რას წერს პაველე მოციქული ტიმოთეს: „ხოლო ქვრივთა ჭაბუკთა განეშორე, რამეთუ რაჟამს დაიმღერნიან ქრისტესნი იგი, ქორწინების უნებნ. აქუს მათ საშჯელი, რამეთუ პირველი იგი სარწმუნოებამ შეურაცხყევს“ (1 ტიმ. 5, 11, 12). ამდენად, თუკი ქვრივი ექვემდებარება უმძიმეს სასჯელს, როგორც, ერთგვარად, ქრისტეს სარწმუნოების უარყოფელი, მაშინ რა უნდა დავასკვნათ ჩვენ ქალწულთან მიმართებით, რომელიც არის ქრისტეს სასძლო და უფლისთვის შეწირული წმინდა ჭურჭელი? დიდია ცოდვა, როდესაც მონაქალი ფარულად იქორწინებს, სახლს გარყვნილობით აავსებს და უწესო ცხოვრებით მის პატრონს შეურაცხყოფს, მაგრამ გაცილებით მძიმეა, როდესაც სასძლო მემრუშე გახდება, შერყვნის სიძესთან თავის კავშირს და აღვირახსნილ სიამტკბილობას მიეცემა. ამდენად, ქვრივი განიკთხება როგორც გარყვნილი მონაქალი, ქალწული კი მრუშის სასჯელს იმსახურებს. როგორც სხვის ცოლთან შეყოფილს მრუშს ეუწოდებთ, და მანამ არ ვიღებთ ეკლესიის ერთობაში, ვიდრე ცოდვას არ განეშორება, – ასეთნაირადვე ვიმოქმედოთ დაცემულ ქალწულთან მიმართებითაც. ახლა კი გემართებს იმის გაცხადება, რომ ქალწულად იწოდება ნებაყოფლობით უფალს შეწირული ქალწული, რომელმაც უარყო ქორწინება და სიწმინდეში ცხოვრება ირჩია. აღთქმებს კი მაშინ ვაღიარებთ ჭეშმარიტად, როდესაც ასაკმა სრულ გონიერულ ნებას მიაღწია, რამეთუ ბავშვური სიტყვები ამ საქმეში არ შეიძლება საეხებით მტკიცედ იქნეს მიჩნეული. მაგრამ თექვსმეტი-ჩვიდმეტი წლის ასაკისანი, რომლებიც თავიანთ აზროვნებაზე უფლებენ, დიდხანს გამოიცდებოდნენ, განმტკიცებულნი არიან განზრახვაში და ვერღებთ ითხოვენ მიღებას, საჭიროა, საბოლოოდ, მივიღოთ ქალწულთა დასში, და ესევეთართა აღთქმები დავამტკიცოთ, დარღვევისათვის კი გადაუდებლად დავსაჯოთ. ხოლო იმის გამო, რომ ბევრი მათგანი თავიანთ მშობლებსა და ძმებს, და ზოგიერთ ნათესავს, ჯერ კიდევ სრულწლოვანობამდე მოჰყავთ უქორწინებლობის შესახებ არა საკუთრივ მათი გადწყვეტილებით, არამედ იმიტომ, რომ ამის საშუალებით რაღაც სარგებელის მიღწევას თავისთვის იზრახვენ, ამიტომ ასეთები ადვილად იქამდე არ მივიღოთ, ვიდრე ნათლად არ გვეცოდინება მათი საკუთარი განწყობა.

(I მსოფ. 19; IV მსოფ. 15, 16; ტრულ. 4, 40, 44; ანკირ. 19; კართ. 6, 44, 126; ორგ. ხ. 5; ბასილი დიდის 44, 58, 60)

აქ საუბარი ეხება არა მონოზონ დედებს, არამედ შეწირულ ქალწულებს, რომლებიც მოიხსენიებიან კართაგენის კრების მე-44-ე კანონებში და რომელთა

შესახებაც ჩვენ, სხვათა შორის, ვისაუბრეთ ტრულის კრების მე-4 კანონის განმარტებაში. ამფილოქეს კითხვაზე, როგორ უნდა მოექცნენ იმ ქალწულებს, რომლებმაც დაარღვიეს საზეიმოდ მიცემული ქალწულობის აღთქმა და სიძვაში ჩავარდნენ, წმინდა ბასილი პასუხობს, რომ ძველი დროის განწესებების თანახმად, ასეთები ექვემდებარებიან ერთწლიან ეპიტიმიას, როგორც მეორედ დაქორწინებულები (იხ. ანკვირ. მე-19 კან.). ასე იყო დადგენილი ადამიანთა სისუსტისადმი ანგარიშგაწვეით. ასევე იმიტომ, რომ ქრისტეს ეკლესია იმ დროს ჯერ კიდევ არ იყო საკმარისად განვითარებული და შეწირულ ქალწულთა წოდება მხოლოდ ჩანასახში იმყოფებოდა, მაგრამ ახლა, როდესაც ყველაფერი სხვაგვარად არის, წმინდა ბასილი განაწესებს, რომ სიძვაში ჩავარდნილი ქალწული მრუშობისათვის სასჯელს იმსახურებს, კერძოდ – თხუთმეტწლიან ეპიტიმიას (იხ. ბასილი დიდის 58-ე და მე-60 კანონები). იმისათვის, რომ გაამყაროს თავისი წინამდებარე განწესება, წმინდა ბასილი ეყრდნობა წმინდა წერილს და შენიშნავს, რომ ქვრივის მდგომარეობა თავისი მნიშვნელობით, უფრო დაბალ საფეხურზე დგას, ვიდრე ქალწულების, ამიტომ, თუკი სასჯელს ექვემდებარება სიძვის ცოდვაში ჩავარდნილი ქვრივი, მაშინ რაზომ უმეტესად უნდა დაისაჯოს თავისი აღთქმის დამრღვევი ქალწული. ამასთან, იგი ქვრივს მონა ქალთან ადარებს, ქალწულს კი – თავისუფალი ადამიანის სასძლოსთან, და აქედან აკეთებს დასკვნას შეწირული და სიძვით დაცემული ქალწულისათვის აღნიშნული სასჯელის დადების საფუძვლიანობისათვის. ხოლო, მომავალში რომ მსგავსი არ განმეორდეს, ამისათვის წმინდა ბასილი განაწესებს, რომ შეწირულ ქალწულთა რიგებში მიიღონ მხოლოდ 17 წლის ასაკს მიღწეული პირები, უკიდურეს შემთხვევაში – 16-ს; ანუ ისეთი ასაკის გოგონები, რომლებიც საკუთარ გონებასა და ნებას ფლობენ, რამეთუ აღთქმები, რომლებსაც ადრეულ ასაკში იძლევიან, სხვა არააფერია, თუ არა ცარიელი ბავშვური სიტყვები, რომლებზეც დაყრდნობა შეუძლებელია. თანაც, ხდება, რომ შშობლები და სხვა ნათესავები, საკუთარი ანგარების მიზნით, ადრეულ ასაკში აიძულებენ ქალწულებს შეწირულ ქალწულთა დასში შესვლას, ამავე დროს, მათ არ შეუძლიათ თქვან, შეძლებენ თუ არა ქორწინების გარეშე ცხოვრებას, რის გამოც ხშირად ასეთი ქალწულებისგან, როდესაც ისინი უკვე სრულასაკოვანნი ხდებიან, ეკლესიას ზიანი აღტება.

კანონი 19

მამაკაცთა აღთქმები სხვა არ ვიცით, თუ არა იმათი, რომლებიც მონოზონთა წესში ჩაირიცხნენ, რომლებიც მდუმარებით ადასტურებენ, რომ აღიარებენ უქორწინებლობას. მაგრამ მათთვისაც, ვგონებ, შესაფერისი იქნება წინასწარ გამოკითხონ, და საზეიმოდ იქნეს მიღებული ქალწულობის აღთქმა, და თუ შეირყეებიან ზორცისთვის სათნო და სიამტკბილობითი ცხოვრებით, – დაე, დაექვემდებარონ მძებვეობისათვის დაწესებულ ეპიტიმიას.

(მოც. 26; IV მსოფ. 7, 16; ტრულ. 44; ანკვირ. 19; ბასილი დიდის 6, 18, 20, 60)

ქალწულობის ანუ უქორწინებლობის აღთქმის დადება ნებისმიერს შეუძლია, რომელს საზოგადოების ფენასაც ის უნდა ეკუთვნოდეს. მაგრამ ქალწულობა ან

უქორწინებლობა სავალდებულო პირობა არის მხოლოდ მონოზენებისთვის, რადგან მონოზონი, როდესაც სამონოზენო აღკვეცას იღებს, ამით უკვე თავისთავად აღთქმას დებს, თუნდაც ეს საზეიმოდ არ იქნეს წარმოთქმული. აღთქმის წარმოთქმა, რომელსაც ამჟამად თითოეულ სამონოზენო წესში შემსვლელთაგან მოითხოვენ, ბასილი დიდის დროს ჯერ კიდევ არ იყო განწესებული, რითაც აიხსნება დასაწყისში მოყვანილი სიტყვები: „რომლებიც მდუმარებით ადასტურებენ, რომ აღიარებენ უქორწინებლობას“. წმინდა ბასილის მაინც მიანიჩა, რომ მათაც უნდა დადონ უქორწინებლობის საზეიმო აღთქმა, რათა შემდგომში, მისი დარღვევის შემთხვევაში, შესაძლებელი იყოს მათი დასჯა. ეს არის საერთო წესი მონოზენების შესახებ, გამოცემული ბასილი დიდის მიერ ამფილოქეს კონკრეტულ კითხვასთან დაკავშირებით. თუმცაღა, ბასილი დიდმა მონოზენებისა და სამონოზენო ცხოვრების შესახებ მრავალი სხვა კანონი გამოსცა, რომლებსაც ახლაც აქვთ ძალა მართლმადიდებელ ეკლესიაში.

მონოზენობა ეკლესიაში არსებობდა ბასილი დიდის მოღვაწეობამდე, მაგრამ ის არ იყო რეგლამენტირებული საერთო წესებით და სხვადასხვა მონასტრის მონოზენები იმართებოდნენ თავიანთი ილუმენების განაწესებითა და დარიგებებით. ბასილი დიდს ეკუთვნის სამონაზენო ცხოვრების რეგლამენტირების პატივი. ბასილი დიდის თხზულებებს შორის, რომლებმაც ჩვენამდე მოაღწია, ვხვდებით მთელ რიგ წერილობით სერიებს დასათაურებულთ „ასკეტიკური თხზულებები“, რომლებიც მეტწილობადად ეხება მონოზენობას. ვიდრე მონოზენობის შესახებ თავის კანონს გამოსცემდა, წმინდა ბასილმა სამი მოკლე თხზულება დაწერა: ქრისტეს მხედრის (მონოზენის) ამაღლებული წოდების, სულიერი სრულყოფილებისა და სამონოზენო ცხოვრების შესახებ. საკმაოდ ვრცელი მსჯელობის შემდეგ, საღმრთო სამჯავროსა და სარწმუნოების შესახებ, ბასილი დიდმა ამ თხზულებებს მიუმატა 80 წესი ქრისტიანული ზნეობის შესახებ, რომელთაგან ზოგიერთი რამდენიმე პარაგრაფს შეიცავს (მაგალითად, 70-ე კანონი – 36 პარაგრაფს), თანაც ყოველ წესთან და პარაგრაფთან მოყვანილია შესაბამისი ადგილები წმინდა წერილის ძველი და ახალი აღთქმების წიგნებიდან. ზოგიერთი მათგანი ისეთ საკითხებს ეხება, რომლებიც საერთო კანონიკურ სამართალში შედის, მაგ., წმინდა ჭურჭლის სიწმინდის შესახებ (30-ე და 31-ე კანონები), სიმონის შესახებ (58-ე კან.), სასულიერო პირების პატივისცემის შესახებ (61-ე კან.), ეპისკოპოსების შესახებ (70-ე კან.), განქორწინების შესახებ (73-ე კან.) და სხვა. მას შემდეგ, რაც გამოსცა ეს საერთო ზნეობრივი წესები, ბასილი დიდმა გამოსცა მონოზენობის შესახებ ორი ჯგუფი სპეციალური კანონებისა – ვრცელი და მოკლე. მათგან ვრცელი შეიცავს 55 კანონს, მოკლე – 313. ყველა ისინი შედგენილია კითხვა-პასუხის ფორმით. პირველი მათგანი, ვრცელი, გადმოსცემს სამონოზენო ცხოვრების საფუძვლებს; მეორე, მოკლე, ეხება კერძო საკითხებს – თუ როგორ უნდა იცხოვროს მონოზონმა. ამ კანონებს წმინდა ბასილმა დაუმატა ეპიტიმოები მონოზენებისათვის, ამა თუ იმ კანონის დარღვევისათვის. მათ შორის 60 მონოზონ მამებს ეხებათ, 19 კი – მონოზონ დედებს. ყველა ამ კანონს ეპიტიმოის შესახებ, ბასილი დიდმა შემდგომში ერთ კრებულში მოუყარა თავი, სათაურით: „ასკეტიკური განწესებანი“; კრებული 34 თავს შეიცავს. იმისათვის, რომ წინამდებარე მე-19 კანონი სათანადოდ გავაც-

ნობიეროთ, ყველა შემთხვევაში უნდა გავეცნოთ ბასილი დიდის „ასკეტიკურ თხზულებებს“ და შევისწავლოთ იგი, ვინაიდან მხოლოდ მაშინ გახდება შესაძლებელი გავიგოთ ჭეშმარიტი მონოზენური ცხოვრების მთელი აღმატებულება.

პანონი 20

თუ ვინმე ქალთა სქესიდან მწვალებლობაში იყოს, ქალწულობის აღთქმა დადო, მაგრამ შემდეგ ქორწინება აირჩია, ესევეთარნი, ვფიქრობ, არ უნდა დაისაჯონ: „რამეთუ რაოდენსა შჯული იტყვს, მათ ეტყვს, რომელნი-იგი შჯულსა ქუეშე არიან“ (რომ. 3, 19). მაგრამ იმათ, რომლებსაც ჯერ არ უტვირთიათ ქრისტეს უღელი, არ იციან არც უფლის მცნებები. ამიტომ ისინი შეიძლება შეწყნარებულ იქნენ ყველასთან ერთად ეკლესიაში და მიიღონ ამ შემთხვევაში მიტევება ქრისტეს რწმენის საშუალებით, და საერთოდ, რაც კათაქმეველობის დროს გააკეთეს, არ ექვემდებარება სასჯელს. ცხადია, რომ ეკლესიაში არ მიიღებიან ესევეთარნი ნათლისღების გარეშე. ამიტომ მათთვის აუცილებელ საჭიროებას წარმოადგენს აღმოშობის უპირატესობა.

(I მსოფ. 14; II მსოფ. 7; ნეოკეს. 5; ლაოდ. 19; ტიმოთე ალექსანდრიელის 6; კირილე ალექსანდრიელის 5)

იმისათვის, რომ რომელიმე აღთქმა ეკლესიამ აღიაროს, ის უნდა იყოს მიცემული ეკლესიაში და ეკლესიის კანონების თანახმად. თუკი აღთქმის დამდები პირი ეკლესიის წევრი არ არის და, შესაბამისად, მისი აღთქმა ეკლესიაში არ არის დადებული, ეკლესიისათვის ძალისშემცველი ის ვერ იქნება. ამიტომ ასეთი აღთქმის დარღვევა საეკლესიო სასჯელს არ ექვემდებარება. ქალმა, რომელიც მწვალებლურ სექტას ეკუთვნოდა, ქალწულობის აღთქმა დადო, შემდეგ ეს აღთქმა დაარღვია და გათხოვდა, მაგრამ დროთა განმავლობაში მწვალებლობა მიატოვა და მართლმადიდებლობის მიღება გადაწყვიტა. სწორედ მის მიერ მიცემული აღთქმის შესახებ ეკითხებიან ბასილი დიდს და მას პასუხად მოჰყავს პაეღე მოციქულის სიტყვები (რომ. 3, 19), რომლის თანახმადაც კანონი თუკი რამეს ამბობს, ამბობს კანონისქვეშ მყოფათათვის და, შესაბამისად, ვინც ამ კანონის გარეთ არის, ვინც არ აღიარებს მართლმადიდებლურ სარწმუნოებას, ის არც არის კანონით შეკრული, რომელიც არ იცის. ამის მიხედვით, წმინდა ბასილი ადგენს, რომ მოხსენიებული დედაკაცის შეწყნარება ეკლესიაში შეიძლება, ვინაიდან ქრისტეს რწმენით იღებს იგი ყველა ცოდვის მიტევებას, მათ შორის ზემოთ აღნიშნულსაც. წმინდა ბასილი აქ ასხენებს ნათლისღებას და, მაშასადამე, გულისხმობს მწვალებლებს, რომელთა ეკლესიაში მიღება შეიძლება მხოლოდ ნათლისღების გზით.

პანონი 21

ქმარი, რომელიც თავის ცოლთან ცხოვრობს, არ დაკმაყოფილდება ქორწინებით და სიძვის ცოდვას ჩაიდენს, ესევეთარს მეძავედ ვთვლით და

დიდი ხნით ვტოვებთ ეპიტიმის ქვეშ. თუმცა, არა გვაქვს კანონი, რომ დაუჭვემდებაროთ იგი მრუშობისათვის სასჯელს, თუ ცოდეა ჩადენილია ქორწინებიდან თავისუფალ დედაკაცთან. რამეთუ ნათქვამია: „უკეთო განაგებინოს ქმარმან ცოლი თესი. და წარვიდეს მისგან და იქმნეს ქმრისა სხუსა, ნუ მოქცევით მოიქცევა მისდამი მერვე? არა შეგინებით შეიგინოსა დედაკაცი იგი?“ (იერ. 3, 1), ასევე: „რომელმან დაიყენოს მემრუშე, უგუნურ და უღმრთო არს“ (იგავნი, 18, 23). მაგრამ სიძვისმოქმედი არ განიშორება თავის ცოლთან თანაცხოვრებას, და ცოლმა უნდა მიიღოს სიძვისგან მოქცეული თავისი ქმარი; თუმცა, ამასთან, ქმარი შებილწულ ცოლს სახლიდან განაძეგებს. ამის მიზეზის ახსნა იოლი არ არის, მაგრამ ასეა ჩვეულებად მიღებული.

(ბასილი დიდის 9, 19, 21, 26, 34, 37, 39, 58, 59, 77, 79, 80; გრიგოლ ნოსელის 4)

აქაც აქვს ადგილი იმ გაურკვევლობას, რაც ვიხილეთ ბასილი დიდის მე-9 კანონში, თანაც აქ ის უფრო შესამჩნევია. ბასილი დიდი საუბრობს მის დროს არსებული ჩვეულების შესახებ, როგორც მე-9 კანონში. ოღონდ აქ იგი ხაზს უსვამს მის უსაფუძვლობას და შენიშნავს, რომ მისი არსებობისათვის ძნელია გამართლების მოძებნა. აღნიშნული ჩვეულების თანახმად, ცოლის მოღალატე ქმარი ისჯებოდა როგორც მეძავი, და არა – როგორც მრუში, თუკი მხოლოდ ქორწინებითი კავშირისაგან თავისუფალ ქალთან და, შესაბამისად, უქმროსთან შესცოდავდა. ამასთან, კანონიერ ცოლს არ ჰქონდა უფლება გაშორებოდა თავის მოღალატე ქმარს. იმავედროულად, ქალთან მიმართებით ყველაფერი პირიქით იყო: ცოლი, რომელიც ქმარს უღალატებდა, ცოლიან თუ უცოლო მამაკაცთან, ისჯებოდა როგორც მრუში, ქმარი კი მისი თავიდან მოშორების უფლებას ფლობდა. ეს ჩვეულება რომ ქრისტიანობაში წარმართული რომაული კანონმდებლობიდან გადმოვიდა (რომლის მიხედვითაც ყველა მეუღლებრივი უფლება მხოლოდ ქმარს ეკუთვნოდა, ცოლი კი თითქმის უუფლებო იყო), ჩვენ უკვე აღვნიშნეთ ბასილი დიდის მე-9 კანონის განმარტებაში. იქვე შევნიშნეთ, რომ ეკლესიის მამები და მოძღვრები ყოველთვის განიკითხავენ ამ ჩვეულებას. თავის წინამდებარე (21-ე) კანონში ბასილი დიდი ხაზს უსვამს ასეთი ჩვეულების უსაფუძვლობას, რომელიც IV საუკუნეში მინც არსებობდა, და რომლის შესახებაც XII საუკუნეში ზონარა ამ კანონის განმარტებაში ამბობს, რომ იგი მოკლებულია გონიერულ საფუძველს.* ქმარი დამნაშავეა მრუშობაში, თუ თავის ცოლს უღალატა და ამ დროს არა აქვს მნიშვნელობა ქრიაინია თუ უქმრო ის ქალი, ვისთანაც უღალატა. ზუსტად ასევე, ქალსაც მრუშობის ცოდეად ეთვლება ქმრის ღალატი სხვა მამაკაცთან. მრუშობის შედეგი ერთნაირია როგორც ქმრის, ისე ცოლისთვის. ეს არის სახარებისეული და წმინდამამებისეული სწავლება, რომელმაც ზუსტი გამოხატულება ბასილი დიდის უმცროსი ძმის გრიგოლ ნოსელის მე-4 კანონში პპოვა. ეს მამა მრუშობას აძლევს შემდეგ განსაზღვრებას: „სხვისთვის მიყენებული შეურაცხყოფა და წყენინება“. ბერძნულ-რომაულ კანონმდებლობაში მხოლოდ VI საუკუნეში შეაღწია ეკლესიის სწავლებამ მეუღლე-

*ათენის სინაგამა, IV, 149.

თა თანასწორობის შესახებ. იუსტინიანე უკვე ცოლს აძლევს სხვათა შორის იმის უფლებასაც, რომ მოითხოვოს ქმრისგან განქორწინება, თუკი დაამტკიცებს, რომ ქმარი უკანონო კავშირშია სხვა ქალთან და არ სურს აღნიშნული კავშირის გაწყვეტა. ეკლესიის ამ სწავლებლისა და, კერძოდ, გრიგოლ ნოსელის მე-4 კანონის საფუძველზე, ჩვენ განვსაზღვრეთ მრუშობა, როგორც უკანონო კავშირი სხვის ცოლთან ან სხვის ქმართან.

კანონი 22

თუ ვინმემ მოტაცების გზით მოიყვანა ცოლი, რომელიც სხვის მიერ იყო დაწინდული, მაშინ ესეეთათვის მიღება სინანულად დაუშვებელია, ვიდრე მისგან მას არ წაიყვანენ, და მის პირვანდელ დაშვინდველს არ მიეცემა თავის დაწინდულზე უფლება – ან მიიღოს, თუ სურს, ან გაუშვას. ხოლო თუ ვინმე დაწინდავს მოტაცებს, მაშინ მას იგი უნდა წაერთვას, დაუბრუნდეს ნათესაებს და მისიანების ნებით გადაწყდეს, – იქნებიან ესენი მშობლები, ძმები თუ სხვა ვინმე მზრუნველები ქალწულზე; და თუ ინებებენ მისცენ მას, მაშინ დაე, მტკიცე იყოს მათი თანაცხოვრება, ხოლო თუ არ დათანხმდებიან, მაშინ დაე, არ იიძულონ. ცოლის მოიყვანმა, მისი შერყვნის შემდეგ, ან ფარულად, ან ძალადობით, აუცილებლად უნდა მიიღოს სიძვისთვის დაწესებული საეკლესიო სასჯელი. სასჯელი კი, მეძავთათვის, განწესებულია ოთხი წლის ვადით: პირველი უნდა გაატარონ ლოცვისაგან განყენებაში და ეკლესიის კარიბჭესთან ტირილში. მეორე წელიწადს მიიღებიან წმინდა წერილის მოსასმენად. მესამე – სინანულისთვის. მეოთხე – მრევლთან დგომისთვის, მაგრამ ზიარების გარეშე. მხოლოდ ამის მერე დაიშვებიან ისინი წმინდა საიდუმლოს ზიარებაზე.

(მოც. 67; IV მსოფ. 27; ტრულ. 92, 98; ანკვირ. 11; ბასილი დიდის 25, 26, 30, 38, 40, 42, 69)

წინამდებარე კანონში პირველ რიგში საუბარია იმათ შესახებ, ვინც სხვასთან დაწინდულ ქალწულს გატაცების გზით ისაკუთრებს, ამის შემდეგ კი – ვინც გაიტაცებს თავისუფალ, დაწინდავ ქალწულს. ყოველივე ამის შესახებ საკმარისად არის ნათქვამი პარალელური – კერძოდ, IV მსოფლიო კრების 27-ე და ბასილი დიდის 30-ე – კანონების განმარტებებში. ასეთი სახის დამნაშავეთათვის წმინდა ბასილი განაწესებს, რომ ყველა ისინი უნდა დაექვემდებარონ ეპიტიმობებს თანახმად არსებული კანონებისა. პირველი სახის დამნაშავეებთან მიმართებით, ანუ ვინც სხვისი საცოლვე გაიტაცა, წმინდა ბასილი ამბობს, რომ მათი დაშვება წმინდა ზიარებაზე შეიძლება მხოლოდ მას შემდეგ, რაც განეშორება ის სხვის საცოლეს და ეს უკანასკნელი დაუბრუნდება თავის ნამდვილ საქმროს, რომლის უფლებაშიც შედის – მიიღოს ან არ მიიღოს იგი. იმათთან მიმართებით კი, ვინც თავისუფალი ქალწული გაიტაცა, წმინდა ბასილი განაწესებს, რომ ის უნდა წაერთვას გამტაცებელს და დაუბრუნდეს თავის მშობლებს ან მეურვეებს, და უკვე იმათ უნდა გადაწყვიტონ, მისცენ თუ არა გამტაცებელს გატაცებული ცოლად (ზონარას შენიშვნის

თანახმად, თუ თავის თანხმობას ქალწულიც მისცემს)* მიუხედავად იმისა, შედგება თუ არ შედგება ასეთი ქორწინება (მშობლებისა და ქალწულის თანხმობით), გამტაცებელი, რომელმაც ფარულად ან ძალით შეიძლება გატაცებული, მაინც უნდა დაექვემდებაროს სიძვისმოქმედთათვის დაწესებულ ოთხწლიან ეპიტიმას, და მხოლოდ ამის შემდეგ შეიძლება ეზიაროს წმინდა საიდუმლოს. თუმცადა, ბასილი დიდის წარმოდგენილი განწესება გამტაცებლის მიმართ, თავისი შინაარსით საკმაოდ ლმობიერი, საეკლესიო პრაქტიკაში ვერ დამკვიდრდა. როგორც ჩანს, იმიტომ, რომ თავიდან აცილებინათ დიდი ბოროტება და დაეცვათ ოჯახური სიმყუდროვე, საეკლესიო პრაქტიკაში უპირატესობა მიიღო IV მსოფ. კრების 27-ე კანონმა, რომელიც შემდგომში ტრულის კრების მამუბმა თავიანთი 92-ე კანონით გაიმეორეს; მისი მიხედვით ქალწულის გამტაცებული ანათემას გადაეცემა. კომენტატორებს კი მოჰყავთ, როგორც ძალმოხილი კანონი, ბერძნულ-რომაული კანონმდებლობის განწესება, რომლის თანახმადაც გამტაცებლის ქორწინება გატაცებულ ქალწულთან დაუშვებელია იმ შემთხვევაშიც კი, თუ ამაზე გატაცებულის მშობლები დათანხმდებიან.**

კანონი 23

იმათ შესახებ, ვინც ორ დასთან შეუღლდა ან – ორ ძმასთან, ჩვენგან გამოცემულია ეპისტოლე, რომლის ასლიც ჩვენ გამოვგზავნეთ შენს კეთილმსახურებასთან. ხოლო თავისი ძმის ცოლის მოწყვანი, მიიღება არა უადრეს, ვიდრე მას დატოვებს.

(მოც. 19; ტრულ. 26, 54; ნეოკეს. 2; ბასილი დიდის 68, 76, 78, 87; თეოფილე ალექსანდრიელის 5; ტიმოთე ალექსანდრიელის 11)

კითხვაზე იმის შესახებ, შეუძლია თუ არა ქვრივ მამაკაცს თავისი გარდაცვლილი ცოლის დასთან იქორწინოს (ან ქვრივ დედაკაცს – გარდაცვლილი ქმრის ძმასთან), წმინდა ბასილი პასუხობს, რომ მან ამის შესახებ უკვე გამოსცა ეპისტოლე ტარსის ეპისკოპოს დიოდორეს მიმართ, რომელიც მოყვანილია მის 87-ე კანონში და სადაც იგი მკაცრად გმობს მსგავსი სახის ქორწინებას. ხოლო თუ ვინმე შემთხვევით შევა მსგავს ქორწინებაში, მაშინ იგი სინანულისათვის დაიშვება მხოლოდ მას შემდეგ, რაც აღნიშნული უკანონო ქორწინება გაუქმდება. სხვა დანარჩენის შესახებ იხ. ბასილი დიდის 87-ე კანონის განმარტებაში.

კანონი 24

ქვრივი, რომელიც ქვრივთა რიცხვში ითვლება, ანუ ეკლესიის მზრუნველობის ქვეშ არის, მოციქული ბრძანებს, რომ ზრუნვის გარეშე უნდა დარჩეს, თუ ქმარს მოინდომებს. ხოლო დაქვრივებული ქმრისთვის კანონი

*ათენის სინტაგმა, IV, 151.

**იხ. ზონარას, ბალსამონისა და არისტინეს განმარტებები ათენის სინტაგმაში, IV, 152-153.

არ არის დადებული: მოქმედებს მის მიმართ მეორედ დაქორწინებულისთვის ეპიტიმია. სამოცი წლის ქვრივი, თუკი კვლავ მონიდომებს ქმართან ცხოვრებას, დაე, უღირსი იქმნეს სიწმინდესთან ზიარებისა, ვიდრე არ განეშორება უწმინდურ ვნებას. ხოლო თუ სამოც წლამდე შევიყვანთ მას ქვრივთა რიცხვში, მაშინ ჩვენი ბრალია, და არა ამ დედაკაცის.

(IV მსოფ. 3; ტრულ. 40; კართ. 38; თეოფილე ალექსანდრიელის 11; ბასილი დიდის 4, 41)

ქვრივებს, რომლებიც არაღისზე არიან დამოკიდებულნი, ქორწინების უფლება რომ აქვთ, – ეს ცნობილია წმინდა წერილის ახალი აღთქმის წიგნებიდან (იხ. რომ. 7, 3; 1 კორ. 7, 39). ამასვე ამბობს ბასილი დიდიც თავის 41-ე კანონში. თუმცაღა, იყვნენ განსაკუთრებული სახის ქვრივები, რომლებსაც ეკლესია ინახავდა; ისინი ერთგვარ ორდენს შეადგენდნენ და ეკლესიის ქვრივებად იწოდებოდნენ. ასეთებს წმინდა წერილიც მოიხსენიებს და თანაც – მოწონებით (იხ. 1 ტიმ. 5, 3, 5, 16), თუმცა, ნებას არ იძლევა, რომ ისინი ეკლესიის მზრუნველობის ქვეშ აიყვანონ ახალგაზრდა ასაკში (იხ. 1 ტიმ. 5, 11), არამედ მას შემდეგ, რაც 60 წელი შეუსრულდებათ (იხ. 1 ტიმ. 5, 9). სწორედ ასეთი ქვრივების შესახებ საუბრობს ბასილი დიდი წინამდებარე კანონში; თანაც განაწესებს, რომ თუ ისინი ეკლესიაში 60 წლის ასაკამდე მიიღეს, მაშინ მათ დაუბრკოლებლად შეუძლიათ გათხოვდნენ, და ამისთვის მხოლოდ მეორედ დაქორწინებულთათვის დაწესებული ეპიტიმის ტვირთვა მოუწევთ, ისევე, როგორც ჩვეულებრივ ქვრივ მამაკაცს, რომელიც მეორედ დაქორწინებას გადაწყვეტს. თუკი ისეთი „ეკლესიის ქვრივი“ მონიდომებს გათხოვებას, რომელიც ეკლესიის მზრუნველობის ქვეშ ჯეროვან, ანუ 60 წლის ასაკში მივიდა, მაშინ ასეთ გონგადასულ დედაკაცს წმინდა ზიარება უნდა აეკრძალოს იქამდე, ვიდრე ბოღვას არ შეწყვეტს და უწმინდური ვნებისგან არ განიკურნება, რამეთუ მხოლოდ უწმინდური შეიძლება ეწოდოს იმას, როდესაც 60 წლის მოხუც დედაკაცს მამაკაცთან ურთიერთობა მოაფიქრდება.

კანონი 25

ვისაც მის მიერ გარყვნილი ჰყავს ცოლად, გარყვნისათვის ეპიტიმიას ექვემდებარება, მაგრამ, ამასთან, დაე, მიეცეს მას უფლება იყოლოს იგი ცოლად.

(მოც. 67; ბასილი დიდის 22)

ბალსამონის სიტყვებით, წინამდებარე კანონის განმარტებიდან, გარყვნა (შეზღუდვა) სიტყვის ჭეშმარიტი, მნიშვნელობით უკავშირდება არასრულწლოვან ქალწულებს.* ამგვარად, ამ დანაშაულში დამნაშავეს წარმოადგენს ის, ვინც გააუპატიური ყრმა, უმწიფარი ქალწული ძალადობის გზით. მსგავსი დანაშაულისათვის დამნაშავე ისჯება უზიარებლობით (მოც. 67-ე კან.), ხოლო ბასილი დიდის 22-ე

*ათენის სინტაგმა, IV, 158.

კანონის თანახმად, ეს უზიარებლობა ოთხი წლით არის განსაზღვრული. ეპიტიმის შემდეგ მას შეუძლია მასზე იქორწინოს, — თუ, რა თქმა უნდა, ამისთვის სხვა წინააღმდეგ არ არსებობს, — მაგრამ სხვაზე უკვე ვეღარ იქორწინებს (იხ. მოც. 67-ე კან.).

კანონი 26

სიძვა არ არის ქორწინება, და არც ქორწინების დასაწყისი. ამიტომ სიძვით შეერთებულთა განშორება უკეთესია, თუკი შესაძლებელია. ხოლო თუ ყველა ზომას მიმართავენ, რომ თანაცხოვრება შეინარჩუნონ, მაშინ მიიღონ სიძვის ეპიტიმია, და დარჩნენ ქორწინებით ცხოვრებაში, რათა უარესი არ მოხდეს.

(ბასილი დიდის 4, 21, 26, 59, 79, 80)

წინამდებარე კანონში საუბარია თავისუფალ მამაკაცსა და თავისუფალ დედაკაცზე, რომლებიც სიძვის გზით ხორციელად თანაცხოვრობენ, რადგან არ არიან კანონიერი ქორწინებით ერთმანეთთან შეუღლებულნი და ამიტომ, არსებობდა, ერთმანეთის მიმართ ცოლსა და ქმარს არ წამოადგენენ. მათთან მიმართებით ბასილი დიდი ამბობს, რომ საჭიროა ძალისხმევის გამოჩენა მათ დასაშორებლად, რადგან სიძვა არ არის არც ქორწინება და არც ქორწინების დასაწყისი, ანუ — ზონარას გამოთქმით — სიძვა არ შეიძლება ჩაითვალოს ქორწინების საბაბად.* იმ შემთხვევაში, თუკი ვერ მოხერხდა მათი ერთმანეთისგან დაცილება ან მათ შორის კანონიერი ქორწინების მიღწევა, მაშინ ისინი მეძავეობისათვის უნდა დაისაჯონ და დაე, გააგრძელონ თანაცხოვრება, რათა არ მოხდეს რაიმე უარესი, ანუ, ზონარას გამოთქმით, ძალით დაშორების შემთხვევაში არ დაიწყონ ფარული შეხვედრები და ცოდვები, ან რათა ქალი, რომელიც მერე იძულებული გახდება სხვაზე გათხოვდეს, შემდგომში არ ჩავარდეს მრუშობის ცოდვაში, დაბოლოს, რათა არ მოხდეს თვითმკვლელობა, რაც შესაძლებელია ჩაიდინონ საყვარელებმა, როდესაც მათ ხელს შეუშლიან ურთიერთსიყვარულით ტკობაში.**

იმისათვის, რომ სათანადოდ გავაცნობიეროთ წარმოდგენილი განწესება, უნდა გავიხსენოთ დრო — როდის არის ის გამოცემული და რა შეხედულებები ბატონობდნენ მაშინ ბერძნულ-რომაული კანონმდებლობის მფარველობით საზოგადოებრივ ცხოვრებაში. მრავალი საუკუნე უნდა გასულიყო, ვიდრე ქრისტიანულ საზოგადოებაში დამკვიდრდებოდა ცნობიერება, რომ კანონიერი არის მხოლოდ ეკლესიის მიერ კურთხეული ქორწინება. ამის რეგლამენტირება მოხდა მხოლოდ IX საუკუნეში, როდესაც ლეონ ბრძენმა გამოსცა თავისი LXXXIX ნოველა, რომლის თანახმადაც კანონიერად ითვლებოდა ერთადერთი ეკლესიის მიერ კურთხეული ქორწინება. მანამდე, განსაკუთრებით უფრო ადრეულ საუკუნეებში, ქორწინება დარეგულირებული იყო მარტოოდენ ბერძნულ-რომაული კანონმდებლობით, რომლის განწესებაც, გარდა კანონიერი ქორწინებისა, უშვებდა, აგრეთვე, ორი თავისუ-

*ათენის სინტაგმა, IV, 159.

**ათენის სინტაგმა, IV, 160.

ფალი პირის ერთად ცხოვრების სხვა გვარობასაც — კანონიერი ქორწინების კავშირის გარეშე. ასეთი თანაცხოვრება რომაულ საზოგადოებაში სხვადასხვა გარემოებით იყო გამოწვეული, უმთავრესად — საზოგადოებაში არსებული მკვეთრი ფენობრივი განსხვავებით, რაც ხშირად უშლიდა ხელს შეყვარებულების ქორწინებას. იმპერატორმა იუსტინიანემ „კონკუბინატს“ (თანაცხოვრება) მისცა ერთგვარი კანონებრივი ფორმა: თუკი ქალი და მამაკაცი საჯაროდ, მოწმეების თანდასწრებით, ერთობლივი ცხოვრების სურვილს გამოთქვამდნენ და, ამასთანავე, ეს მათი ერთობლივი ცხოვრება კანონს არაფერში ეწინააღმდეგებოდა, მაშინ, იუსტინიანეს კანონმდებლობით, ასეთი კავშირი ნებადართულად უნდა ჩათვლილიყო და გარკვეულ შემთხვევებში მსგავსი თანაცხოვრების შედეგად დაბადებული ბავშვების ლეგალიზაცია (დაკანონება) ხდებოდა. ხოლო თვით „კონკუბინა“ (თანამცხოვრები ქალი) მემკვიდრეობით უფლებას იღებდა თანამცხოვრები კაცის ქონებაზე მისი გარდაცვალების შემდეგ. სწორედ ამ სახის ქორწინებას გულისხმობს ბასილი დიდი წინამდებარე (26-ე) კანონში. როგორც, ზოგადად, ყოველთვის ითვალისწინებს იგი სამოქალაქო კანონმდებლობის არსებულ ნორმებს, ასევე მოქმედებს აქაც, თუმცა, ეკლესიის შეხედულებებიდან გამომდინარე, მას არ სურს და არც შეუძლია აღიაროს „კონკუბინატისადმი“ რაიმე იურიდიული უფლება, მაგრამ მაინც, უკიდურეს შემთხვევებში, ითმენს ასეთ დაშვებებს, რათა უფრო უარესი არ მოხდეს. კონკუბინატს, როგორც კაცისა და ქალის ერთად ცხოვრების კანონით აღიარებულ ფორმას, თავისი პირვანდელი მნიშვნელობა მხოლოდ VIII საუკუნეში ჩამოერთვა, როცა გამოიცა იმპერატორების ლეონ ისავრიელისა და კონსტანტინე კოპრონიძის „ეკლოგია“. შემდგომში, IX საუკუნეში, იმპერატორმა ბასილი მაკედონელმა გამოსცა განწესება, რომლის თანახმადაც არავის ჰქონდა უფლება სახლში ჰყოლოდა „კონკუბინა“ — ან უნდა დაქორწინებულიყო მასზე და იგი მისი კანონიერი ცოლი ხდებოდა, ან — სახლიდან გაეშვა. როდესაც კონკუბინატმა ბერძნულ-რომაული კანონმდებლობით დაკარგა ყოველგვარი კანონიერი მნიშვნელობა და როდესაც იმპერატორ ლეონ ბრძენის ზემოთ მოხსენიებული ნოველით გამოცხადდა მხოლოდ ეკლესიის მიერ კურთხეული ქორწინების კანონიერება, მაშინ შეწყდა, რა თქმა უნდა, ბასილი დიდის წინამდებარე კანონის განწესების ძალმოსილება. ასე რომ, უპირობოდ უნდა გაწყდეს ყოველგვარი კავშირი მამაკაცსა და ქალს შორის, გარდა კანონიერი ქორწინებისა.

კანონი 27

მღვდლის შესახებ, რომელიც უმეტრებით შეიკრა არასწორი ქორწინებით, მე განვაწესე, როგორ უნდა იყოს, ანუ: სამღვდელო დასაჯდომელით ისარგებლოს, სხვა სამღვდელო მოქმედებებიდან, დაე, დაეყენოს, რამეთუ ესევეთარისათვის შენდობა საკმარისია. სხვისი კურთხევა კი იმისთვის, ვინც საკუთარი წყლულების მკურნალობას საჭიროებს, არ არის მართებული. რამეთუ კურთხევა არის განწმენდის გადაცემა. მაგრამ ვისაც ეს არ გააჩნია, უმეტრების ცოდვის მიზეზით, მაშ, როგორღა გადასცემს სხვას? ამის გამო, დაე, არ აკურთხოს არც საჯაროდ, არც ცალკე, და ქრისტეს

ხორცი არ გაუნაწილოს სხვებს, არც სხვა რაიმე მსახურება შეასრულოს, ახამედ, დაკმაყოფილდეს მღვდელმსახურის ადგილით, და იტიროს სხვებისა და უფლის წინაშე, რათა მიეტყოს მას უმეტერების ცოდვა.

(მოც. 19; ტრულ. 3, 26, 54; ნეოკეს. 9)

ბასილი დიდის წინამდებარე კანონი სიტყვასიტყვით არის შეტანილი ტრულის კრების 26-ე კანონში, რომლის თანახმადაც უმეტერებით არასწორად დაქორწინებულ მღვდელს ერთმევა წმინდა მსახურების უფლება; მას მხოლოდ სამღვდელო წოდება უნარჩუნდება და შეუძლია, აგრეთვე, სამღვდელოებას შორის დასაჯდომელის პატივით ისარგებლოს. თუმცა, ყოველივე ესეც იმ პირობით, — როგორც ტრულის კრების აღნიშნული კანონი დასძენს, — თუკი განწყევტს ქორწინებას, რომელშიც კანონის განწესების საწინააღმდეგოდ უმეტერებით აღმოჩნდა, ხოლო თუ იცოდა შესაბამისი კანონის განწესება და განგებ დაქორწინდა, მაშინ სამღვდელო წოდებასაც კარგავს და ექვემდებარება არასწორი და დაუსებელი ქორწინებების შესახებ სამოქალაქო სამართლით გათვალისწინებულ განაჩენს.* რომის სამართლით, აკრძალულ ქორწინებებს ბალსამონი სამ ჯგუფად ჰყოფს: უწესო, დასაგმობი და უკანონო. პირველ ჯგუფს ისეთ ქორწინებებს მიაკუთვნებს, რომლებიც სამოქალაქო სამართლის განწესებებს ეწინააღმდეგება, მაგალითად, მეურვისა — სამეურვეო პირთან; მეორე ჯგუფში შედის მონოზენებთან და შეწირულ ქალწულებთან ქორწინება და მესამე ჯგუფი, ეს არის ქორწინება, რომელიც ნათესაური ხარისხებით არის აკრძალული.** თუმცა, კანონიკური სამართლის ტერმინოლოგიით, ყველა აკრძალული ქორწინება ჩვეულებრივ იწოდება არასწორ ქორწინებად, როგორც ეს ბასილი დიდის წინამდებარე კანონშია წოდებული. გამოსცემს რა წარმოდგენილ განწესებას იმ მღვდლების წინააღმდეგ, რომლებიც თუნდაც უმეტერებით დაქორწინდნენ არასწორად, წმინდა ბასილი ამართლებს სასჯელის სიმკაცრეს და შენიშნავს, რომ უხერხულია სხვები აკურთხოს პირმა, რომელმაც თავად შესცოდა და, შესაბამისად, ვადლებულია მთელი თავისი ცხოვრების განმავლობაში ღმრთის წინაშე ვედრებით ცოდვის მიტევება გამოითხოვოს. სიმკაცრე გამართლებულია თვით მღვდლის წოდებით და მისი საზოგადოებრივი მდგომარეობითაც, ვინაიდან, უპირველესად იმას მოეთხოვება სულისა და სხეულის სრული სიწმინდე, ვინც მოწოდებულია ღვთის წმინდა საკურთხეველს ემსახუროს და საიდუმლონი აღასრულოს. ამ დროს კი ისე არაფერი ეწინააღმდეგება ამ სიწმინდეს, როგორც ხორციელი უწმინდურება, რომლის საფუძველიც უკანონო ქორწინებაში დევს, სადაც ქმარი და ცოლი, რომლებიც ერთხორც არიან, თვით ქორწინების ბუნებიდან გამომდინარე, ასე ვთქვათ, ერთიმეორეს უწმინდურებით წამლავენ. შემდეგ, ეს სიმკაცრე განპირობებულია თვით მღვდლის მსახურებით, რომელიც ღოცვისა და მღვდელმოქმედების გზით მადლმოსილი განწმენდის გადასაცემად არის მოწოდებული. მაგრამ, როგორ შეუძლია მღვდელს ეს გააკეთოს, თუ იგი ცოდვაში ჩავარდნით თავად მოაკლდა ამ განწმენდას? მართალია, ყოველგვარი განწმენდის წყაროს

*იხ. ბალსამონის განმარტება ათენის სინტაგმაში, IV, 163.

**ათენის სინტაგმა, IV, 162.

ღვთის მადლი წარმოადგენს, რომლის მხოლოდ იარაღი არის მღვდელი, რომლის მეშვეობითაც მადლი ადამიანებზე მოქმედებს, მაგრამ ის, ვინც არასწორად და კანონის განწესებების საწინააღმდეგოდ იქნა მღვდლად დადგინებული და, შესაბამისად, საიდუმლოს აღასრულებს არასამართლიანად, ვერ იქნება სხვებისთვის მადლმოსილი განწმენდის წმინდა და ჭეშმარიტი იარაღი. დაბოლოს, ეს სიმკაცრე გამართლებულია არასწორი ქორწინებების გარდაუვალი შედეგით მღვდლებისთვის – როგორც ოჯახში, ისე საზოგადოებაში, რადგან, უკანონო ქორწინებაში უკანონო ბავშვები იბადებიან. ასე რომ, მთელ ოჯახზე რჩება სამარცხვინო ლაქა და მღვდელს, როგორი სამაგალითოც არ უნდა იყოს თავისი მსახურებით, ვერასდროს ექნება საზოგადოებაში ის დაფასება და მნიშვნელობა, რაც მას თავისი მდგომარეობით ეკუთვნის – როგორც მღვდელსა და მწყემსს. აი, რატომაც განაწესებს წმინდა წერილი ყურადღება მიექცეს სამღვდლო კანდიდატის ოჯახურ ცხოვრებას, რომელიც უნდა იყოს წმინდა და შეუბილწავი, და სამღვდლო წოდების ღირსებისათვის ყოელმხრივ შესაფერისი (იხ. 1 ტიმ. 3, 2 და შემდეგ).

კანონი 28

ეს მე სასაცილოდ მომიჩვენა, რომ მავანმა ღორის ხორცისგან განკრძალვის აღთქმა დადო. ამიტომ კეთილად ინებე ასწავლო მათ, რომ განკრძალონ უგუნურ ფიცსა და აღთქმებს, და დაუშვი მიიღონ უცოდველი საგნები. რამეთუ „ყოველი დაბადებული ღმრთისამ კეთილ არს, და არარაჲ არს განსაგდებელ მადლობით მიღებული“ (1 ტიმ. 4, 4). აქედან, რადგანაც აღთქმა სიცილს იმსახურებს, ამიტომ თავშეკავებაც არ არის საჭირო.

წარმოდგენილი კანონი თავისთავად ცხადია.

კანონი 29

მმართველები, რომლებიც იფიცებენ, რომ მათზე დაქვემდებარებულებს ბოროტებას შეამთხვევენ, უაღრეს მკურნალობას საჭიროებენ. მკურნალობა კი მათი ორმაგი სახისაა: ერთი – უნდა ისწავლონ, რომ ნაჩქარევად არ დაიფიცონ; მეორე – არ შეინარჩუნონ ბოროტი განზრახვა. აქედან გამომდინარე, თუ ვინმე შემჩნეული იქნება ფიცით სხვის მიმართ ბოროტების ჩადენაში, დაე, მოინანიოს კადნიერი ფიცის მიცემა, მაგრამ ფიცისადმი კეთილკრძალულების საბაბით, ნუ გამყარდება ბოროტებაში. ფიცის დაცვას ჰეროდესთვის სარგებელი არ მოუტანია, რომელიც, იმის გამო, რომ ფიცი არ დაერღვია, წინასწარმეტყველის მკვლელად იქცა. ფიცი საერთოდაც აკრძალულია, მით უფრო განკითხვას იმსახურებს ბოროტების ჩასადენად მიცემული ფიცი. ამიტომ, ფიცის დამდებმა თავისი აზრები უნდა გამოასწოროს, და არა – თავისი ურჯულოების დამტკიცებას ეცადოს. გამოიძიე დაწერილებით ეს შეუსაბამობა. თუ ვინმემ დაიფიცა, თავის ძმას თვალი ამოთხაროს – კეთილი იქნებოდა მისთვის ამ ფიცის შესრულება? თუ ვინმემ დაიფიცა

მკვლევლობა ჩაიდინოს, ან რომელიმე მცნება დაარღვიოს? „*ეფუჟე და გადაწვევით, არა ცოდა ჩამედინა, არამედ დამეცვა მე განკითხვანი სიმაართლისა შენისანი*“ (ფსალმ. 118, 106). როგორც მცნებაში განმტკიცება მართებული უცვალებელი განზრახვით, ცოდაც ასეთივე განზრახვით უნდა განიკეთოს და აღმოიფხვრას.

(*მოც. 25; ტრულ. 95; ბასილი დიდის 10, 17, 28, 64, 81, 82*)

ფიცი საერთოდაც აკრძალულია, მით უფრო განკითხვას იმსახურებს – ამბობს ბასილი დიდი, – ბოროტების ჩასადენად მიცემული ფიცი.

ამფილოქეს კითხვაზე, თუ როგორ უნდა მოექცეს თავისი ერის უზუცესებს, რომლებმაც დაიფიცეს ბოროტება უყონ თავიანთ ქვეშევრდომებს, – ეს კი მათ გააკეთეს, სხვა მიზეზთა შორის იმის გამოც, რომ მიცემული ფიცი არ დაერღვიათ. – წმინდა ბასილი პასუხობს, რომ მან უნდა ასწავლოს იმათ, რომ ბოროტება არ უნდა ჩაიდინონ, და რომ მათ მიერ მიცემული ფიცი თავისთავად არის ურჯულოება. ამის შემდეგ წმინდა ბასილი განუმარტავს ნათქვამს და ამყარებს მას მაგალითებით.

ბასილი დიდის ზემოთ მოყვანილი სიტყვებიდან არ უნდა დავასკვნათ, თითქოს უპირობოდ ყველა ფიცი აკრძალულია, არამედ წინამდებარე კანონის განწესება ფიცის შესახებ უნდა განვიხილოთ ამავე მამის სხვა კანონებთან კავშირში და ამის გათვალისწინებით ვიმსჯელოთ წამოჭრილ საკითხზე. სხვათა შორის, თავის 64-ე კანონში ბასილი დიდი ათწლიან ეპიტიმას განაწესებს ფიცის დარღვევისათვის. ამგვარად, თუკი ფიცის დარღვევისათვის წმინდა ბასილი სასჯელს აწესებს, ეს ნიშნავს, რომ იგი აღიარებს ფიცს, როგორც, საკუთრივ, ნებადართულს. ეს ასეც უნდა იყოს საღმრთო სამართლითაც. ფიცს ძველი აღთქმაც აწესებს: „*ფიცი ღმრთისაჲ იყოს შორის ორთავე*“, – ამცნობს ღმერთი ისრაელიანებს მოსეს მეშვეობით (გამოს. 22, 11). როდესაც აბრაამთან აღთქმას ამტკიცებს, ავიმელაქი მას ეუბნება: „*აწ უკუე მეფუჟე მე, ღმერთსა... მე უკუე გეფუცო შენ... მუნ იფიცენს ურთიერთას*“ (დაბ. 21, 23-31). დავითი წერს: „*ეფუჟე და დაეამტკიცე, რამთა დავიცენე მე განკითხვანი სიმაართლისა შენისანი*“ (ფს. 118, 106). ახალ აღთქმაში იესო ქრისტე სასამართლოზე თავად ამტკიცებს ღმერთის სახელით ფიცს, როდესაც მღვდელმთავრის კითხვაზე „*გაფუცებ შენ ღმრთისა ცხოველისა, რამთა მითხრა ჩუენ, უკუეთუ შენ ხარ ქრისტე, ძე ღმრთისაჲ*“, პასუხობს: „*შენ სთქუ*“ (მთ. 26, 63, 64), ვინაიდან ებრაელებს წეს-ჩვეულებად ჰქონდათ, რომ სასამართლოზე მსაჯულს უნდა წარმოეთქვა ფიცის გარკვეული ფორმულა, ხოლო ვისაც ფიცი უნდა დაედო, ის მხოლოდ პასუხობდა: „*ამენ*“, ან „*შენ სთქუ*“. წმინდა წერილი, როგორც ძველი, ისე ახალი აღთქმის წიგნებით უშვებს ფიცს ღმერთის სახელით, მაგრამ განიკითხავს და მკაცრად სჯის ცრუ ფიცისთვის: „*და არა კფუცვიდეთ სახელითა ჩემითა ნაცვლად და არა შეგებინოთ სახელი უფლისა ღმრთისა თქუენისაჲ. მე ვარ უფალი ღმერთი თქუენი*“ (ლევ. 19, 12), – მცნებად აძლევს ღმერთი თავის ერს. წინასწარმეტყველ ზაქარიას მეშვეობით ღმერთი ამცნობს იუდას სახლს: „*იტყოდეთ ჭეშმარიტსა კაცადი მოყუსისა მიმართ თვისსა და საშჯელი მშვედობითი სიმაართლით*

საჯეთ ბჭეთა შორის თქუნთა. და თითოეული უკეთურებასა მოყუსისა თუსისა ნუ მსიტყუავთ გულთა შინა თქუნთა და ფიცი ცრუმ ნუ გიყუარსყე; მით, რამეთუ ესე ყოველნი მოვიბუღენ, — იტყვს უფალი, ყოვლისა მპყრობელი“ (ზაქ. 8, 16, 17). ცნობილია ფარისეველთა სხვადასხვა ფიცი, რომლითაც მზაკერულად ცდილობდნენ შეეცვალათ ძველი აღთქმის ფიცი, ასევე ცნობილია ამისათვის ქრისტეს მხრიდან მათი დაგმობა (იხ. მთ. 5, 33-37; 23, 16-22). იესო ქრისტე ყოველთვის განიკითხავდა როგორც ცრუ ფიცისთვის, ასევე იმათ, ვინც იგონებდა მათ ჭეშმარიტების საზიანოდ; გმობდა აგრეთვე ამაოდ მიცემულ ფიცს, რჯულის თანახმად: „არა მოიღო სახელი უფლისა ღმერთისა შენისამ ამაო სახედ“. მთაზე ქადაგებაში (მთ. 5, 3) ქრისტე ასწავლის თავის მოწაფეებს, მათი მეშვეობით კი მთელ მსოფლიოს, ქრისტიანული ზნეობის სრულყოფილებაზე ზოგადად და, კერძოდ, ფიცის შესახებ. ქრისტეს ამ სიტყვების თანახმად, განკითხვის ღირსია სიცრუეზე მფიცავი, როდესაც ფიცით იძლევა რაიმე დაპირებას და არ ასრულებს, როდესაც იფიცებს არა ღმერთის სახელით, არამედ სხვა რაიმეთი იმ მიზეზით, რომ ფიცით ნაკლებად იყოს შეკრული, დაბოლოს, როდესაც იფიცებს ღმერთის სახელით საჭიროების გარეშე და ფუჭად. ამ დროს, ყველაზე უმაღლესი საფეხური ზნეობრივი სრულყოფილებისა იქნებოდა, როდესაც ქრისტიანი არასდროს დაიფიცებდა, ანუ როდესაც იგი იმდენად მართალი და კეთილშობილი იქნებოდა, რომ მას ყველა დაუჯერებდა, რაკი მისი: „*ამჲ*“ „*ამჲ*“ იქნებოდა და — „*არამ*“ „*არამ*“ (მათე 5, 37). ამის დამადასტურებელია იაკობ მოციქულის დამოძღვრება ამ საკითხთან დაკავშირებით: „*ყოვლისა წინა, ძმანო ჩემნო, ნუ ჰფუცავთ ნუცა ცასა, ნუცა ქუეყანასა, ნუცა სხუასა რომელსამე ფიცსა, არამედ იყავნ თქუენი ჰეი ჰეი და არამ არა, რამთა არა ორგულებასა შესცვეთ*“ (იაკ. 5, 12). სხვა სიტყვებით: ნუ დაიფიცებთ რამე ფიცით, როგორც ეს არაქრისტიანული ჩვევით ხდება, და ხშირად ყოველგვარი საჭიროების გარეშე, რათა დამფიცებელმა არ დაივიწყოს, არ დაარღვიოს ფიცი და შედეგად ღუთის წინაშე დამნაშავე არ აღმოჩნდეს. მაგრამ, ამასთანავე, საჭირო და მნიშვნელოვან ვითარებებში ფიცის გამოყენება, თანაც, ჭეშმარიტი ფიცისა, საღმრთო სამართალს არამცთუ არ აუკრძალავს, არამედ გარკვეულ შემთხვევებში განაწესა კიდევც, როგორც ეს ზემოთ ვიხილეთ. ამ აზრით უნდა გავგოთ წინამდებარე (29-ე) კანონში ბასილი დიდის სიტყვები, რომლებიც ჩვენ განმარტების დასაწყისში მოვიყვანეთ. საღმრთო სამართლის წინამდებარე განწესების სულისკვეთებითაა გამოცემული სამოქალაქო კანონმდებლობის დადგენილებებიც ფიცის შესახებ. იმპერატორ კონსტანტინეს დროში შემოვიდა უკვე ქრისტიანული ფიცის დადება საზეიმო შემთხვევებში, შემდგომ ეს დაამტკიცა იუსტინიანეს კანონმდებლობამაც. ერთ-ერთ თავის ნოველაში იუსტინიანემ დაადგინა, რომ თითოეულმა მსაჯულმა უნდა დაიფიცოს წმინდა სახარებაზე;* ზუსტად ასევე უნდა დაიფიცოს წმინდა სახარებაზე თითოეულმა ეპისკოპოსმა, რომ არ დაემონება სიმონიას.**

*Nov. CXXIV, 1.

**Nov. CXXIII, 1; CXXVII, 2.

კანონი 30

ცოლის მომტაცებელთა შესახებ, ჩვენ ძველი კანონი არ გაგვანჩინა, მაგრამ ჩამოვაყალიბეთ კერძო აზრი: ისინიც და მათი დამხმარენიც, დაე, განკანონდნენ საერთო ლოცვებიდან სამი წლის ვადით. თუ ძალადობის გარეშე მოხდა, მაშინ სასჯელი არ ეკუთვნით, თუკი არ ჰქონია ადგილი გარყვნას ან ქურდობას. ხოლო ქვრივს, თავის თავზე აქვს უფლება და მასზეა დამოკიდებული გაჰყვება თუ არა გამტაცებელს. ჩვენი საზრუნავი არ არის საქმის გარეგნული მხარეები.

(მოც. 67; IV მსოფ. 27; ტრულ. 92, 98; ანკვირ. 11; ბასილი დიდის 4, 22, 25, 26, 38, 40, 41, 42, 53, 69)

როდესაც ქალის მოტაცებაზე საუბრობს, ბასილი დიდი ერთმანეთისგან განასხვავებს ძალადობით და მის გარეშე მოტაცებებს. პირველთან მიმართებით ის ამბობს, რომ გამოთქვამს თავის კერძო აზრს, როდესაც გამტაცებლისათვის სამწლიან ეპიტიმიას განაწესებს, და ზუსტად ამდენსავე – გატაცებაში მონაწილეთათვის. თუ როგორ უნდა გავიგოთ ეს სასჯელი, ჩვენ ამის შესახებ ვისაუბრეთ ბასილი დიდის 22-ე კანონის განმარტებაში. მეორესთან მიმართებით, ბასილი დიდი არანაირ სასჯელს არ აწესებს, თუკი ქალი თავისი ნებით გაჰყვა ვინმეს, თანაც თუ ადგილი არ ჰქონია არც შერყვნას და არც გაქურდვას, ანუ მომტაცებელს ქალწულთან არ უცხოვრია, ვიდრე სახლში არ მიიყვანა; ანდა თუ მანამდე არ იმყოფებოდა მასთან ფარულ ცოლვით კავშირში. წმინდა ბასილის ეს განწესება რომ შემდგომში შეიცვალა, ამას გვეუბნება IV მსოფლიო კრების 27-ე და ტრულის კრების 92-ე კანონები. თუმცა, მეორე სახის მოტაცება არც ბასილი დიდის მიხედვით არის თავისუფალი კანონიკური სასჯელისგან იმ შემთხვევაში, თუკი მოტაცებული ქალი ვინმეს მორჩილებაში იმყოფებოდა და, შესაბამისად, არ იყო დამოუკიდებელი, რადგან, როგორც სხვაზე დამორჩილებულს, უფლება არ ჰქონდა დაქორწინებულიყო და ამიტომ, იმას, ვისაც ის ეკუთვნოდა, შეუძლია თავისი შეხედულებებისამებრ დაიბრუნოს იგი თავის სახლში (იხ. ბასილი დიდის 38-ე და 42-ე კანონები). აქედან გამომდინარე, ბასილი დიდი წინამდებარე კანონში მიიჩნევს, რომ თავისუფალ ქვრივს შეუძლია თავისი ნებით გაჰყვეს მომტაცებელს, და ასეთ შემთხვევაში მისი მომტაცებელი არ დაისჯება. წარმოდგენილი კანონი მთავრდება შენიშვნით იმის თაობაზე, რომ ჩვენ ყურადღება არ უნდა მივაქციოთ თუ როგორ ჩანს გარეგნულად ქმედება. ეს კი, – ამ კანონის ბალსამონისეული განმარტებით, – ნიშნავს, რომ „თუ ქალს ესირცხვილება ცოლად გაჰყვეს მის მოსიყვარულე ან თავის შეყვარებულ ადამიანს იმ მიზეზით, რომ ის დაბალი ფენის წარმოშობისაა და ამიტომ ისე მოაჩვენა ყველას, თითქოს მოტაცებულია, სინამდვილეში კი თავის ნებით გაჰყვა, მაშინ ჩვენ არ გვანტერვსებს ის, რაც მოჩვენებითად კეთდება, არამედ მხოლოდ ჭეშმარიტებას მივაპყრობთ ყურადღებას“.*

*ათენის სინტაგმა, IV, 167.

კანონი 31

სხვაგან გამგზავრებული და უმისამართოდ გადაკარგული ქმრის ცოლი, თუ სხვასთან შეუღლდება მანამ, ვიდრე ქმრის სიკვდილის ამბავს შეიტყობდეს, — მრუშობს.

(ტრულ. 93; ბასილი დიდის 36, 46)

იხ. ტრულის კრების 93-ე კანონის განმარტება, რომელშიც შედის ბასილი დიდის წინამდებარე კანონი.

კანონი 32

ის კლირიკოსები, რომლებმაც სასიკვდილო ცოდვით შესცოდეს, თავიანთი ხარისხიდან განიკვეთებიან, მაგრამ არ ეკრძალებათ ერისკაცებთან ერთად ზიარება. რამეთუ „არა შურ იგო ორ გზის ერთბამად ჭირსა შინა“ (ნაუმ. 1, 9).

(მოც. 25, 29, 30; I მსოფ. 9; ტრულ. 4, 21; ნეოკეს. 1, 8; კართ. 27; ბასილი დიდის 3, 51, 70, 82)

წინამდებარე კანონში ბასილი დიდი იმეორებს მოციქულთა 25-ე კანონის განწესებას, იმის თაობაზე, რომ გარკვეული სახის დანაშაულისათვის სასულიერო პირები უნდა განიკვეთონ ხარისხიდან, მაგრამ, ამასთან, არ უნდა განკანონდნენ წმინდა ზიარებიდან. ეს ეფუძნება საერთო კანონიკურ პრინციპს სასულიერო პირთა დასჯის შესახებ, რაზედაც ჩვენ ვისაუბრეთ მოციქულთა მე-5 და 25-ე კანონების განმარტებებში და რასაც, ასევე, ეყრდნობა ბასილი დიდი თავის წინამდებარე კანონში.

წმინდა ბასილი აქ სასულიერო პირის მიერ ჩადენილ დანაშაულს სასიკვდილო ცოდვას უწოდებს. ასევე უწოდებს წმინდა წერილიც ზოგიერთ ცოდვას და ამით მათ არასასიკვდილო ცოდვისაგან განასხვავებს (იხ. I ინ. 5, 16, 17). განმარტავს რა ამ ადგილს, ზონარა ამბობს, რომ სასიკვდილო ცოდვა არის სისრულეში მოყვანილი ცოდვა, ხოლო არასასიკვდილო, რომელიც ვინმემ ჩაიფიქრა, მაგრამ საქმით არ შეუსრულებია.* ამის საფუძველზე შეგვიძლია ვიმსჯელოთ, თუ რომელ ცოდვებს გულისხმობს ბასილი დიდი წარმოდგენილ კანონში, და თუ მათ შევადარებთ იმას, რასაც იგი თავისი 69-ე და 70-ე კანონებით განუწესებს კლერიკოსებს სხვადასხვა დანაშაულისათვის, რისთვისაც იქ ნაკლებად მკაცრი სასჯელია განწესებული, მაშინ უნდა დავასკვნათ, რომ წინამდებარე (32-ე) კანონში იგი გულისხმობს მძიმე ცოდვებს, რომელთა გამოც უკვე განაწესებს მათში მხილებულთა საბოლოო განკვეთას. თუმცა, არ უნდა ვიფიქროთ, თითქოს აქ ბასილი დიდი გულისხმობდეს ყველაზე მძიმე ცოდვებს, რომელთა ჩადენაც კლერიკოსებს შეუძლიათ, რამეთუ მათ გამო ისინი არამხოლოდ განიკვეთებიან, არამედ განიყნებიან კიდევაც საერისკაცო ეკლესიური ერთობიდანაც, მაგალითად, სიმონისთვის (იხ. მოც. 29, 30).

*ათენის სინტაგმა, IV, 173.

კანონი 33

დედაკაცი, რომელიც გზაში შობს, და ახალშობილს უგულბებელყოფს, დაე, მკვლელობისათვის სასჯელს დაეჭვემდებაროს.

(ბასილი დიდის 52)

აქ არ უნდა ვიგულისხმოდ ფეხმძიმე დედაკაცი, რომელიც გზაში შობს და ბავშვს სასიკვდილოდ მიატოვებს, რამეთუ არავითარ ეჭვს არ იწვევს, რომ ასეთი არის მკვლელი და, შესაბამისად, მსგავსი შემთხვევისათვის არავითარი კანონი საჭირო არ არის. მაგრამ ბასილი დიდი აქ მკვლელის სასჯელს უფარდებს ისეთ დედაკაცსაც, რომელმაც გზაში დაბადა, ბავშვი თავის ბედს მიანდო, შემდეგ კი იგი სხვამ აიყვანა და სიცოცხლე შეუნარჩუნა.* სწორედ ამაში მდგომარეობს წარმოდგენილი კანონის არსი. უფრო დაწვრილებით ახსნას ამის შესახებ, ბასილი დიდი იძლევა თავის 52-ე კანონში.

კანონი 34

იმ დედაკაცების ცოდვის სააშკარაოზე გამოტანა, რომლებმაც იმრუშეს და აღიარეს, — ღვთისმოსიშებით ან რამე სახის მხილების შედეგად, — ჩვენმა მამებმა აკრძალეს, რათა მხილებულთ სასიკვდილო მიზეზი არ მიეცეთ; მათ ბრძანეს, რომ შეუძლიათ ერთგულ მორწმუნეების გვერდით იდგნენ ზიარების გარეშე, ვიდრე არ ამოიწურება სინანულის ვადა.

(მოც. 48; ტრულ. 87, 93, 98; ანკეირ. 20; კართ. 102; ბასილი დიდის 21, 31, 35, 46, 48, 77, 80)

წინამდებარე კანონი წარმოადგენს ბასილი დიდის 58-ე კანონიდან დაშვებულ გამონაკლისს. მრუშობისათვის წმინდა ბასილი იქ განაწესებს თხუთმეტწლიან ეპიტიმias, რომელიც საჯაროდ უნდა მოიხადოს დამნაშავემ გარკვეული თანმიმდევრობით. წინამდებარე კანონში კი საჯაროობა არ მოითხოვება, რაკი საქმე ეხება დედაკაცს, რომელმაც იმრუშა, მაგრამ მისი ცოდვა არ გახმაურებულა და მის შესახებ სულიერმა მოძღვარმა თავად ცოდვილისგან გაიგო აღსარების გზით; აქ უკვე მნიშვნელობა არა აქვს — ნებაყოფლობით მოხდა აღსარების ჩაბარება თუ გარემოებებმა აიძულეს იგი. მსგავსი შემთხვევებისათვის ბასილი დიდი განაწესებს, რომ ასეთი დედაკაცი მაინც ექვემდებარება ეპიტიმias, თანაც, ეკრძალება წმინდა ზიარება იმ დროის განამელობაში, რა დროც (ვადაც) არის დაწესებული მრუშებისათვის. მაგრამ ამ ეპიტიმias ის არ იხდის საჯაროდ (საჯაროობაში იგულისხმება ცოდვილის დგომა სხვა ცოდვილებთან ერთად სინანულის გარკვეულ საფეხურებზე); მას ეძლევა საშუალება იდგეს ეკლესიაში ღოვცვაზე სხვა ერთგული მორწმუნეების გვერდით, რათა არ გამოჩნდეს, რომ მან მძიმე ცოდვა ჩაიდინა. ასე განაწესებს წმინდა ბასილი, რამეთუ მხედველობაში იღებს ქალის სისუსტეს ზოგადად, და ცდილობს გახმაურებას მოარიდოს ქალის ამგვარი ცოდვა; წინააღმდეგ შემთხ-

*იხ. ბალსამონის განმარტება ათენის სინტაგმაში, IV, 176.

ვევაში შეიძლება ეს საზიანოდ აისახოს როგორც მის ოჯახზე, ისე თვით საზოგადოებაზეც. აქვე აღვნიშნავთ, რომ მრუშობისათვის ეპიტიმია შემცირებულია ტრულის კრების 87-ე კანონით.

კანონი 35

თუ ცოლმა ქმარი მიატოვა, საჭიროა მიტოვების მიზეზის გამოკვლევა, და თუ აღმოჩნდება, რომ უმიზეზოდ მიატოვა, მაშინ ქმარი სულგრძელობას იმსახურებს, ცოლი კი – ეპიტიმას. ქმრის მიმართ გამოჩენილი სულგრძელობა გამოიხატება ეკლესიის ერთობაში მისი დაშვებით.

(მოც. 48; ტრულ. 87, 93, 98; ანკვირ. 20; კართ. 102; ბასილი დიდის 9, 21, 77)

ბასილი დიდის წინამდებარე კანონი ტრულის კრებამ შეიტანა თავის 87-ე კანონში, რომლის განმარტებაც ამ კანონის განმარტებასაც ემსახურება.

კანონი 36

უბოუკველოდ დაკარგულ ჯარისკაცთა ცოლები, რომლებიც სხვებთან შეუღლდნენ, იმავე სასჯელს ექვემდებარებიან, რასაც ისინი, რომლებიც არ დაელოდნენ სხვაგან გამგზავრებული ქმრების დაბრუნებას. თუმცა, ასეთი შემთხვევა გარკვეულ ღმობიერებას იმსახურებს, ვინაიდან უფრო სარწმუნოა, რომ ადგილი ჰქონდეს ქმრის გარდაცვალებას.

(ტრულ. 93; ბასილი დიდის 31, 46)

ბასილი დიდის წინამდებარე კანონი, მისივე 31-ე და 46-ე კანონებთან ერთად, შესულია ტრულის კრების 93-ე კანონში, რომლის განმარტებაც ამ კანონის განმარტებასაც ემსახურება.

კანონი 37

ვინც დაქორწინდება მისთვის სხვისი ქალის წართმევის შემდეგ, პირველი ქმედებისთვის დაე, მრუშობისათვის სასჯელი დაედოს, მეორისთვის კი – უდანაშაულოა.

(ტრულ. 87; ბასილი დიდის 21, 34, 39, 48, 58, 77)

ამ კანონში მოხსენიებულ „სხვის ქალში“ იგულისხმება ან კანონიერი ქორწინების კავშირით შეკრული დედაკაცი, ან ვინმესთან კანონიერად დაწინდული ქალწული.*

შესაბამისად, ვინც იმრუშებს ასეთ „სხვის ქალთან“ და კანონიერი განაჩენით ამ ქალს მისგან წაიყვანენ, – იქნება ის სხვისი ცოლი თუ საცოლე, – და იგი, ამ

*იხ. ბალსამონის განმარტება ათენის სინტაგმაში, IV, 181.

თანამცხოვრებს ჩამოშორებული, დაქორწინდება სხვაზე (თავისუფალ, უქმრო დედაკაცზე), მაშინ, წინამდებარე კანონის თანახმად, იგი უნდა დაექვემდებაროს მრუშებისათვის განსაზღვრულ ეპიტიმიას – სხვის ცოლთან ან საცოლესთან თანაცხოვრებისათვის, ხოლო იმ ქალთან კავშირისათვის, რომელზედაც დაქორწინდა, სასჯელს არ იმსახურებს. თუმცა, ეს უკანასკნელი უნდა მოვიასროთ არა როგორც საეკლესიო ქორწინება, არამედ – თანაცხოვრება, რომლის შესახებაც საუბარია ბასილი დიდის 26-ე კანონის განმარტებაში. ანუ – „კონკუბატის“ მნიშვნელობით. ვინაიდან, აქ რომ საუბარი ყოფილიყო კანონიერ საეკლესიო ქორწინებაზე, მაშინ მრუშობის ცოდვაში ჩავარდნილს შეეძლო ხელახლა დაქორწინებულიყო დაქვრივების შემდეგ, თუ თხუთმეტწლიან ეპიტიმიას მოიხდიდა (იხ. ბასილი დიდის 58-ე კან.), ან – შეიდწლიანს (იხ. ტრულის კრების 87-ე კან.); ხოლო თუ თავისი მრუშობით ვინმეს განქორწინების საბაბი მისცა, მაშინ ის ხელმეორედ ვედარასოდეს დაქორწინდება (იხ. ბასილი დიდის 48-ე კან.).

კანონი 38

მამის ნებართვის გარეშე გათხოვილი ყმაწვილქალები, – სიძვობენ. მაგრამ მშობლებთან შერიგებით ვითარება, ვგონებ, განკურნებადია. თუმცა, ზიარებაზე ისინი მაშინვე არ დაიშვებიან, არამედ სამი წლით განიყენებიან. (ბასილი დიდის 22, 40, 42)

ძველ რომაულ სამართალში არსებობდა კანონი, რომლის თანახმადაც ქორწინების კანონიერებისათვის უფროსების თანხმობაც იყო საჭირო: მშობლების, მეურვეების, ბატონების; ქორწინება, რომელიც ამ პირობების დაუცველად შედგებოდა, კანონიერად ვერ ჩაითვლებოდა. რომის სამართლის ეს განწესება ეფუძნებოდა იმ ურთიერთობებს, რომლებსაც ბუნება და საღმრთო რჯული განსაზღვრავდა მშობლებსა და შეიღებს შორის, უფროსებსა და უმცროსებს შორის. და თუმცა, რომის სამართლის აღნიშნულ განწესებას ეკლესია მისი დაფუძნებიდანვე პატივს სცემდა, მაგრამ მაინც, იმის გამო, რომ საეკლესიო კანონმდებლობაში არ არსებობდა კატეგორიული განწესება, ჩნდებოდა ეჭვი – აქვს თუ არა რომის სამართლის აღნიშნულ განწესებას ეკლესიისთვისაც სავალდებულო ძალა. ამიტომ ამფილოქე მიმართავს ბასილი დიდს წამოჭრილი საკითხის განმარტებისათვის, რაზედაც წმინდა ბასილმა უპასუხა თავის 22-ე კანონში, უფრო დაწვრილებით კი წინამდებარე (38-ე), მე-40 და 42-ე კანონებში.

„მამის ნებართვის გარეშე გათხოვილი ყმაწვილქალები, – სიძვობენ“, – ამბობს ბასილი დიდი წინამდებარე კანონში და ამით აჩვენებს, თუ რაზომ მნიშვნელოვან პირობას წარმოადგენს კანონიერი ქორწინებისათვის მშობლების თანხმობა. იმ ქალწულებთან დაკავშირებით, რომლებიც მშობლების თანხმობის გარეშე გათხოვდნენ, ბასილი დიდი განაწესებს აეკრძალოთ მათ წმინდა ზიარება სამი წლის ვადით, თანაც მხოლოდ იმ შემთხვევაში, თუ მშობლებმა დამატებით მისცეს მათ თანხმობა უკვე შემდგარ ქორწინებაზე, წინააღმდეგ შემთხვევაში ასეთი ქორწინება უნდა გაუქმდეს, როგორც უკანონო. სხვა დანარჩენთან დაკავშირებით იხ. ამავე მამის მე-40 და 42-ე კანონების განმარტებები.

კანონი 39

მრუშთან მცხოვრები, მრუშია მთელი მასთან თანაცხოვრების განმავლობაში.

(მოკ. 48; ტრულ. 87, 93, 98; ანკერ. 20; კართ. 102; ბასილი დიდის 21, 34, 37, 58, 77)

ამ კანონის ბალსამონისეული განმარტების თანახმად, აქ არ უნდა ვიფიქროთ, რომ მრუშთან მცხოვრები ყველა ქალი, გამონაკლისის გარეშე – მრუშია, რადგან, მაგალითად, მრუშის კანონიერი ცოლი, თუმც მასთან ცხოვრობს, მაინც არ იმსახურებს ამისთვის რაიმე სახის ეპიტიმias; აქ უნდა ვიგულისხმოთ გათხოვილი დედაკაცი, რომელმაც კანონიერ ქმარს უღალატა და ვიგულისხმობთ დაიჭირა კავშირი. ერთ-ერთმა ასეთმა ქალმა, კანონიერი მეუღლის გარდაცვალების შემდეგ, გადაწყვიტა იმ მრუშთან შეუღლებულიყო, წმინდა ბასილი კი ამაზე თავისი განწყობებით პასუხობს, რომ არ შეიძლება მას ამის უფლება მიეცეს, და რომ ის უნდა დარჩეს ეპიტიმის ქვეშ მანამ, ვიდრე მრუშთან ცხოვრობს, თუნდაც მას თხოუმეტყლიანი ეპიტიმია უკვე ჰქონდეს მოხდელი მრუშობისათვის, ვინაიდან, ფაქტიურად, ეპიტიმიას იხდის და შენდობას იღებს ის, ვინც თავს ანებებს ბოროტებას, ხოლო ვინც ბოროტებას განაგრძობს, ის სამუდამოდ ეპიტიმის ქვეშ უნდა დარჩეს.

კანონი 40

ვინც თავისი ბატონის ნებართვის გარეშე ქმარს მიეცემა – სიძობს. თუკი ამის შემდეგ, ნებართვით დაქორწინდება, მაშინ ითვლება კანონიერ შეუღლებულად. ამიტომ, პირველი არის სიძეა, უკანსკელი კი – ქორწინება. რამეთუ პირობას, რომელსაც სხვის სრულუფლებიან დამოკიდებულებაში მყოფი პირი იძლევა, არანაირი სიმტკიცე არ გააჩნია.

(მოკ. 82; IV მსოფ. 4; ტრულ. 85; ლანგ. 3; კართ. 82; ბასილი დიდის 22, 38, 42, 53)

წინამდებარე კანონი წარმოადგენს ბასილი დიდის 38-ე კანონის შემდგომდროინდელ დამატებას. რომის სამართლის შინაარსიდან გამომდინარე, რომლის თანახმადც სხვებზე დამოკიდებულ პირთა შეთანხმებებს კანონიერი ძალა არ გააჩნია,* – წმინდა ბასილი საქორწინო შეთანხმებას მიიჩნევს ფუჭს, არაფრისმთქმელ შეთანხმებად, თუ ის მონა ქალის მხრიდან არის ვინმესთან დადებული და ასეთ ქალს მეძავედ აცხადებს, მის ქორწინებას კი – სიძეად. თუკი შემდგომში ეს ქალი მიიღებს თავისუფლებას ან ქორწინებაზე თავისი ბატონის თანხმობას, მაშინ ბასილი დიდი უშვებს, რომ მათი მანამდელი ურთიერთობა ჩაითვალოს ქორწინებად, თუმცა, რა თქმა უნდა, არ ათავისუფლებს მათ მეძავეებისათვის დაწესებული ეპიტიმისაგან, მათი ძველი არაკანონიერი კავშირის გამო.

*ძველი რომაული სამართლის სწავლეებით „მონა – სრულიად უუფლებოა, არამხოლოდ სამოქალაქო, არამედ საერთაშორისო სამართლის ნორმებითაც. მონა არ ითვლება პიროვნებად (ადამიანად), მონობა აშორებს მას უფლების მქონე არსებათა წრეს, იგი მას ნიუთად აქცევს, საქონლის მსგავსად, მისი ბატონის საკუთრებისა და თვითნებურად განკარგვის საგნად“.

კანონი 41

ქერიობაში თავის თავზე უფლების მქონეს, შეუძლია უდანაშაულოდ შეუღლდეს, თუკი არაეინაა, ვინც ამ თანაცხოვრებას დაარღვევს. რამეთუ მოციქული ამბობს: „დედაკაცი შეკრულ არს შჯელთა, რაოდენ ჟამ ცოცხალ არს ქმარი მისი. ხოლო უკუეთუ მოკუდეს ქმარი იგი, თავისუფალ არს, უნდეს თუ ქორწინება, გარნა ხოლო უფლისა მიერ“ (რომ. 7, 2; 1 კორ. 7, 39).

(მოც. 17; I მხოფ. 8; ტრულ. 3, 87; ანკვირ. 19; ნეოკეს. 3, 7; ლაოდ. 1; ბასილი დიდის 4, 12, 22, 30, 53, 87)

ქერივს, რომელიც არ არის დამოკიდებული უფროსებზე, მშობლებზე ან მეურვეებზე, რომლებსაც მასზე გარკვეული უფლება ექნებოდათ, შეუძლია მეორედ იქორწინოს ყოველგვარი წინაღობის გარეშე. სწორედ ამას განაწესებს ბასილი დიდი წინამდებარე კანონში და აფუძნებს მას საღმრთო სამართალზე (იხ. რომ. 7, 2; 1 კორ. 7, 39). თუმცა, ამ განწესებას, სხვა კანონების განწესებებთან კავშირში, თავისი საზღვრები აქვს, კერძოდ: 1) ქერივი, რომელიც მეორედ დაქორწინდება, ზოგადად მეორედ დაქორწინებულთათვის განწესებულ ეპიტიმას უნდა დაექვემდებაროს (იხ. ბასილი დიდის მე-4 კან.), და 2) მას შეუძლია დაქორწინდეს ისეთ პირთან, რომელსაც, თავის მხრივ, კანონიერი ქორწინების უფლება აქვს; მაგალითად, მართლმადიდებელი ქერივი ცოლად ვერ გააყვება არამართლმადიდებელს (იხ. ტრულ. 72-ე, ლაოდ. 31-ე, კართ. 21-ე კანონები) და, ამას გარდა, ბალსამონის განმარტებით, ვერ გააყვება ცოლად ისეთ ადამიანს, რომელიც მისი წარმომავლობის ღირსი არ არის.* კანონიკური თვალსაზრისით ეს ეხება პირს, რომელიც არ არის თავისუფალი ან არ ცხოვრობს პატიოსანი შრომით (შდრ. ტრულ. 51, 62; კართ. 45, 58; ბასილი დიდის 42, 53); სამოქალაქო სამართლის თვალსაზრისით კი მართლმადიდებელ ქერივს არა აქვს ეგრეთ წოდებული მორგანიტული ქორწინების უფლება. ასე ეწოდება ქორწინებას ორ სხვადასხვა საზოგადოებრივი ფენის წარმომადგენლებს შორის. ასეთი ქორწინებისას ცოლი და ქმარი, ასევე, შვილები, ვერ სარგებლობენ ყველა იმ ოჯახური და მემკვიდრეობითი უფლებებით, რომლებითაც ისარგებლებდნენ ქორწინების ჩვეულებრივ, ნორმალურ პირობებში. აღნიშნულ ქორწინებას არაკეთილგანწყობით უყურებდნენ ჯერ კიდევ ძველ-რომაულ სამართალში, თუმცა მოსათმენი იყო, ისევე, როგორც ითმენენ მას ყველა შემდგომ დროში. გერმანელებთან მორგანიტული ქორწინება ასე იმიტომ იწოდება, რომ ცოლი, თავის შვილებთან ერთად, უნდა დაკმაყოფილებულიყო ქმრის ქონების იმ ნაწილით, რასაც საჩუქრად მიიღებდა ქორწინების პირველი ღამის შემდეგ.**

*ათენის სინტაგმა, IV, 189.

**ამგვარად ქორწინებას კიდევ უწოდებდნენ „სალიკური კანონით ქორწინებას“, რადგან ყველაზე ხშირად ასეთ ქორწინებებს ადგილი ჰქონდა სალიკელ ფრანკებში; ეწოდება ასევე, „მარცხენა ხელიდან დაქორწინება“, რითაც სიმბოლურად სურდათ მიენიშნებინათ, რომ ცოლი არ მიიღება ქმრის ოჯახის სრულუფლებიან წევრად და მისი სრული მფარველობის ქვეშ. შესაბამისად, არც მისი საზოგადოებრივი და წოდებრივი უწყალებით სარგებლობს. ასევე, შვილებსაც არ აქვთ უფლება ისარგებლონ მამის სახელითა და ქონებით.

მსგავს ქორწინებას, თუკი ის კანონიკური განწესებების დაცვით შედგებოდა, ეკლესია კანონიერად თვლიდა და სრულიად უთანაბრებდა სხვა, სწორად შემდგარ ქორწინებებს.

კანონი 42

მფლობელთა ნების საწინააღმდეგო ქორწინებები, თავისი არსით – სიძვა. მამის ან ბატონის სიცოცხლეში, შეუღლებულნი უდანაშაულონი ვერ იქნებიან, ვიდრე მათზე უფლების მქონე, თანხმობას არ გამოთქვამს მათ თანაცხოვრებაზე. რამეთუ მხოლოდ ამის შემდეგ იძენს ქორწინება სიმტკიცეს.

(მოც. 82; IV მსოფ. 4; ტრულ. 85; ღანგ. 3; კართ. 82; ბასილი დიდის 22, 38, 40)

თავის 38-ე კანონში ბასილი დიდი ქალწულს უკრძალავს მამის ნებართვის გარეშე ქორწინებას, ხოლო მე-40 კანონში – მონებს, მათი ბატონების გარეშე. წინამდებარე კანონში მას მოჰყავს ორივე ეს განწესება ერთად, და კიდევ ერთხელ ამტკიცებს, რომ უფლებამოსილთა თანხმობის გარეშე დაქორწინება არ შეიძლება. ურჩობის შემთხვევაში კი ასეთი კავშირი სიძვად უნდა ჩაითვალოს. როდესაც ქალწულზე საუბრობს, ბასილი დიდი აქ გულისხმობს საერთოდ ოჯახის შვილებს – ასულებსა და ძეებს, რომლის უფროსიც არის მამა. მამის თანხმობა განაპირობებდა ქორწინების კანონიერებას იუსტინიანეს კანონმდებლობითაც. შემდგომში ბერძნულ-რომაულმა კანონმდებლობამაც მოითხოვა ზოგადად მშობლების თანხმობა. თუმცა, IX საუკუნეში კვლავ აღდგა იუსტინიანეს კანონდებულება და თანაც, ამ საკითხთან დაკავშირებით, უფრო დაწვრილებითი დადგენილება გამოიცა. იგი შესაბამისობაშია ბასილი დიდის წინამდებარე და 38-ე კანონებთან, და ყველა მომდევნო საუკუნეში გამოიყენებოდა აღმოსავლური მართლმადიდებელი ეკლესიის პრაქტიკაში.

კანონი 43

ვინც მოყვასს სასიკვდილო დარტყმას მიაყენებს, ის მკვლელია, – მიუხედავად იმისა, პირველი დაარტყამს, თუ უპასუხებს.

(მოც. 65; ტრულ. 91; ანკვირ. 21, 22, 23; ბასილი დიდის 2, 8, 11, 13, 33, 52, 54, 56, 57; გრიგოლ ნოსელის 5)

ეს კანონი მკვლელების შესახებ ბასილი დიდის მრავალ სხვა კანონს უკავშირდება (იხ. პარალ. კანონები).

კანონი 44

დედათდიაკონი, რომელიც წარმართთან ისიძეებს, შეიძლება მიღებულ იქნეს ლოცვით ერთობაში, მაგრამ წმინდა საიდუმლოსთან საზიარებლად მხოლოდ მეშვიდე წელიწადს დაიშვება, – თუკი ის წმინდეში იცხოვრებს. წარმართი კი, რომელიც სარწმუნოების მიღების შემდეგ, კვლავ მკრეხელო-

ბას მიჰყოფს ხელს, ამით თავის ნათხევარს უბრუნდება. ამიტომ ჩვენ დედათღვთაყვინის სხეულს, როგორც შეწირულს, აღარ ვრთავთ ნებას ხორციელი სარგებლობისათვის გამოიყენებოდეს.

(მოც. 25; IV მსოფ. 15; ტრულ. 4, 6, 14, 21, 40; კართ. 27; ბასილი დიდის 32, 51, 70)

დედათღვთაყვინებისა და მათ მიერ ქალწულობის მკაცრი აღთქმის დადების შესახებ, რომელიც შეჩვენების მუქარით სიცოცხლის ბოლომდე უნდა დაეცვათ, — ჩვენ საუბარი გვქონდა IV მსოფ. კრების მე-15 კანონის განმარტებაში. ბასილი დიდის დროს დედათღვთაყვინის ასეთი მკაცრი კანონი ჯერ კიდევ არ არსებობდა. ამიტომ ხშირად ხდებოდა, რომ ისინი ყოველთვის არ იმარხავდნენ ქალწულობის აღთქმას, და როგორც ვხედავთ, არცთუ იშვიათად ვარდებოდნენ (წარმართებთანაც კი) სიძვის ცოდვაში. ერთ-ერთი მსგავსი შემთხვევა შეახსენა ამფილოქემ ბასილი დიდს. კერძოდ: ერთ-ერთმა დედათღვთაყვინმა წარმართთან ისიძვა, რის გამოც ამფილოქემ იგი თავისი წოდებიდან განკვეთა და საერთოდ განაყენა წმინდა ზიარებიდან. ამავე დროს, აღნიშნულმა წარმართმა ქრისტიანული სარწმუნოება მიიღო და მოისურვა ცოლად მოეყვანა ეს ყოფილი დედათღვთაყვინი. მისი აზრით, გახდებოდა რა ქრისტიანი, შეეძლო კანონიერად დაქორწინებულიყო იმაზე, ვინც უკვე აღარ იყო დედათღვთაყვინი და, შესაბამისად, მისი აზრით, კანონიერი ქორწინების უფლება ჰქონდა. ამ შემთხვევასთან დაკავშირებით, პასუხობს რა ამფილოქეს, ბასილი დიდი წინამდებარე კანონში ამბობს, რომ დედათღვთაყვინი სწორად იყო განკვეთილი მეძავეობის გამო, თუმცაღა, არ არის საჭირო მისი სრულიად განყენება ეკლესიისგან, რამეთუ საკმარისად არის დასჯილი იმითაც, რომ დაკარგა ღვთის მადლი, რომლის ღირსიც იქმნა დედათღვთაყვინობით. წმინდა ბასილი განაწესებს, რომ მან უნდა დაჰყო ეპიტიმიის ქვეშ შვიდი წელი და თუ მთელი ამ ხნის განმავლობაში წმინდად შეინახავს თავს და წრფელად მოინანიებს საკუთარ ცოდვას, მაშინ მიეცეს მას წმინდა ზიარება, ამასთან, რა თქმა უნდა, ოდესმე გათხოვების უფლების გარეშე. იმ წარმართის შესახებ, რომელმაც ქრისტიანობა მიიღო და ყოფილი დედათღვთაყვინის ცოლად მოეყვანა განიზრახა, ბასილი დიდი ამბობს, რომ ამით ის სიწმინდეს შებილწავდა და როგორც ძალღი, თავის ნათხევარს მიუბრუნდებოდა, ანუ — თავის ძველ წარმართობას და ისეთ საქციელს, რომელიც მხოლოდ წარმართობაში — და არა ქრისტიანობაში — იქნებოდა მოსათმენი. ვინაიდან, — ამბობს ბასილი დიდი, — ჩვენ არ უნდა დავეშვათ, რომ დედათღვთაყვინის სხეული, როგორც ერთხელ შეწირული, კვლავ სქესობრივ კავშირს ემსახურებოდეს. ეს უკანასკნელი განწესება ეფუძნება იმ საერთო ძირითად კანონს, რომელიც ასე გამოითქმის: რაც წმინდაა, ის არ შეიძლება შებილწულ იქნეს.* ამას გადამწყვეტი მნიშვნელობა აქვს იმ საკითხში, რომლის დაცვასაც ზოგიერთები ცდილობენ, რომ თითქოს დაქვრივებულ სასულიერო პირებს შეუძლიათ დაქორწინდნენ, რაკი მათ უკვე სასულიერო წოდება ჩამოერთვათ, — რის შესახებაც ჩვენ საგანგებოდ ვისაუბრეთ ტრულის კრების მე-6 კანონის განმარტებაში.

*ათენის სინტაგმა, IV, 193.

კანონი 45

თუ ვინმე, მიიღო რა ქრისტიანის სახელი, ქრისტეს გმობს, ასეთს არანაირი ხარგებელი არა აქვს სახელწოდებისგან.

სიტყვასიტყვით რომ გავგვეგო კანონში ნათქვამი: „ქრისტეს გმობს“, მაშინ უნდა გვეფიქრა, რომ კანონი განიკთხავს ღვთისგმობას, რისთვისაც წმინდა წერილი ცოდვილებს ღმერთის შურისგებით ემუქრება.* ბიზანტიური კანონმდებლობა მკაცრად სჯის ღვთისმგმობელობის დანაშაულს, გამომდინარე იქიდან, რომ როგორც იუსტინიანეს ერთ-ერთ ნოველაშია ნათქვამი, თუკი ადამიანების საწინააღმდეგო ბოროტსიტყვაობა არ რჩება დაუსჯელი, მაშინ, მით უფრო იმსახურებენ სასჯელს ისინი, ვინც ღმერთის მიმართ ბოროტსიტყვაობენ. სლავურ „კორმჩაიაში“ (თავ. მე-10) გვხვდება ბიზანტიური კანონმდებლობის დადგენილება, რომელიც ღმერთისმგმობელი ადამიანისთვის ენის მოჭრას ბრძანებს.

თუმცაღა, ბერძენი კომენტატორები სხვა ახსნას აძლევენ ქრისტეს „გმობას“, რომლის შესახებაც ბასილი დიდის წინამდებარე კანონშია ნათქვამი, კერძოდ, ისინი ამბობენ, რომ ამ კანონში განიკთხება ის პირები, რომლებიც არ ცხოვრობენ საღმრთო მცნებებთან თანხმობაში, არღვევენ მათ და ამით ღმერთს, რომლის სახელსაც ატარებენ, – შეურაცხყოფას აყენებენ. ამ განმარტებასაც თავისი საფუძველი აქვს.

ვინც ქრისტიანის სახელს ატარებს, მაგრამ არ ასრულებს იმას, რასაც ქრისტიანობა მოითხოვს, და ამით, შესაბამისად, ქრისტეს შეურაცხყოფს, – ასეთი პირი ვერ ისარგებლებს მადლმოსილი ძღვენით, რომელსაც ეკლესია თავის ერთგულებს ანიჭებს და ამდენად, ის ეკლესიის გარეყოფად (გარეწარი, უცხო) უნდა ითვლებოდეს. წინამდებარე კანონი არის ბასილი დიდის მე-7 ზნეობრივი წესის მოკლე ფორმა, რომელიც სრულად ასე გამოითქმის: „ვინც ცდილობს თავი უფლის აღმსაარებლად და მისი მოძღვრების მიმდევრად წარმოაჩინოს, მაგრამ მისი მცნებებისამებრ არ იქცევა, ის განსჯილია, თუნდაც მას, განსაკუთრებული საღმრთო განგებულებით, მრავალი სულიერი ნიჭი ჰქონდეს მიმადლებული“. ამასთანავე, იქვე მოყვანილია შესაბამისი ადგილები წმინდა წერილიდან (მათე 7,21-23; ლუკა 6,46; ტიტე 1, 16). იგივეს ამბობს ბასილი დიდი ესაია წინასწარმეტყველის წიგნის განმარტებაში: „არავინ აცდუნოს საკუთარი თავი სიტყვებით: თუმც მე ცოდვილი ვარ, მაგრამ – ქრისტიანი, ამიტომ არ მოეხვდები გეჰენიაში, სადაც კერპთაყვანისმცემლების ადგილია, რამეთუ მე თავად ქრისტიანის სახელი შემეწევა, თუნდაც რომ ქრისტეს მცნებები არ შემესრულებინა“.

კანონი 46

ღროებით თავისი ცოლის მიერ დატოვებულთან უმეცრებით შეერთებული, შემდეგ კი პირველი ცოლის დაბრუნების მიზეზით გაშვებული, სიძვობ-

*იხ. მთ. 12, 31; 15, 19; 28, 65; ლკ. 5, 21; ინ. 10, 33.

და ასეთი კავშირით, თუმცა – უმეცრებით. ამიტომ ქორწინება მას არ ეკრძალება, მაგრამ უკეთესია, თუ ასე დარჩება.

(მოც. 93; ბასილი დიდის 9, 31, 36)

წინამდებარე კანონი შევიდა ტრულის კრების 93-ე კანონში, რომლის განმარტებაშიც ძირითადად განმარტებულია ბასილი დიდის წინამდებარე კანონიც. ზონარა, ამ კანონის კომენტარებისას, ყურადღებას ამახვილებს მსგავს განწესებაზე ბასილი დიდის მე-9 კანონიდან, სადაც წმინდა მამა ამბობს, რომ მრუშია ყველა ის ქალი, ვინც თავის ქმარს დატოვებს და სხვა მამაკაცთან წაება. მის მიერ მიტოვებული ქმარი კი სულგრძელობის ღირსია; ასევე, ქალი, რომელიც ამის შემდეგ მასთან იცხოვრებს, დამნაშავე არ არის. წინამდებარე კანონში კი ის ამბობს, რომ მრუშია ყოველი ქალი, რომელიც, თუნდაც უმეცრებით, გაჰყვება ისეთ კაცს, ვინც, თუნდაც დროებით, კანონიერმა ცოლმა მიატოვა, და შემდგომში, როდესაც ის (კანონიერი ცოლი) დაბრუნდება, მას გაუშვებენ. იქ (მე-9 კანონში) ბასილი დიდი საუბრობს მამაკაცზე, რომელიც ცოლმა სულ დატოვა და აღარ სურს მასთან დაბრუნება, ამიტომაც ბასილი დიდი სულგრძელობას იჩენს ასეთი ქმრის მიმართ და არ განიკითხავს დედაკაცსაც, რომელიც მასთან მეორედ იქორწინებს. წინამდებარე კანონში კი საუბარია დედაკაცზე, რომელმაც რაიმე მიზეზით დროებით მიატოვა თავისი ქმარი. ამიტომ, თუ რომელიმე ქალი მიტოვებულ მამაკაცთან იქორწინებს, რომლის კანონიერმა ცოლმაც იგი დროებით მიატოვა და ამის შესახებ მან იცოდა, ასეთ შემთხვევაში იგი მრუშიაშობა დამნაშავე, ვინაიდან სხვისი ქმარი მითთვისა, – როგორც ეს ნათქვამია ბასილი დიდის მე-9 კანონის ბოლოში. ხოლო, თუ მან ამის შესახებ არაფერი იცოდა (შესაძლებელია, სხვა მხარის მკვიდრი იყოს), მომავალში კი ქმრის დროებით მიმტოვებელი ცოლი დაბრუნდება და მათ შორის პირველი ქორწინება აღდგება, მაშინ მეორე ცოლი, თუმცა უმეცრებით, მაგრამ მაინც სიძვაშია დამნაშავე. ხოლო იმის გამო, რომ ამ ქალს არ ჰქონდა სიძვის განზრახვა, არამედ კანონიერი გათხოვება სურდა, ამიტომ არ ეკრძალება მას სხვა მამაკაცთან ქორწინება. თუმცაღა, უკეთესი იქნებოდა, რომ ის ამ მდგომარეობაში დარჩენილიყო, ანუ საერთოდ აღარ გათხოვილიყო, – ამბობს ბასილი დიდი, – რაშიც იგი, სხვათა შორის, ეთანხმება სამოქალაქო კანონმდებლობის დადგენილებასაც, რომლის თანახმადაც, დაქორწინების დროს ყურადღება უნდა მიექცეს იმდენად არა იმას, რაც ნებადართულია, რამდენადაც იმას, რაც პატიოსანია.

კანონი 47

ენკრატიტები,* საკოფორები** და აპოტაქტიტები*** იგივე სასჯელს ექვემდებარებიან, როგორსაც ნოვატიანელები, რადგან ამათაგან ზოგიერთთა შესახებ მიღებულია კანონი, თუმცა არა ერთგვაროვანი; სხვების

*თეშემკავებლები.

**ძამით მოსილები.

***განყენებულები.

შესახებ კი არაფერია თქმული. ხოლო ჩვენ, ერთნაირ სასჯელს წარმოვთქვამთ და ასეთებს თავიდან ვნათლავთ. და თუმცა ჩვენთან არ არის მიღებული გადანათელის ეს ჩვეულება, მსგავსად რომაელებისა, ზოგიერთი კეთილშეხედულებიდან გამომდინარე, მაგრამ ჩვენი მტკიცებულება ბრალდებისა, დაე, ძალაში იყოს. რამდენადაც მათი მწვალებლობა არის ერთგვარად მარკიონიტების მწვალებლობის ამონაყარი, რომელიც იბაგებს ქორწინებას, უარყოფს ღვინის მიღებას და ღვთის შექმნილს სიბილწეს უწოდებს, ამიტომ ჩვენ არ ვიწყნარებთ მათ ეკლესიაში, თუ არ ინათლებიან ჩვენი ნათლისღებით. დაე, ნუ იტყვიან, რომ ნათელიღეს სახელითა მამისათა და ძისათა და სულისა წმიდისათა, როდესაც ისინი, მარკიონისა და სხვა მწვალებლების მსგავსად, ღმერთს წარმოადგენენ ბოროტების შემოქმედად. ამდენად, თუ სათნოდ გიჩანთ, უნდა შედგეს ეპისკოპოსთა სიმრავლის შეკრება და გამოიცეს კანონი, რათა მოქმედიც უხიფათო იყოს და პასუხის მიმცემსაც ამგვართა შესახებ შეითხვებზე, კქონდეს პასუხის ღირსსარწმუნო საფუძველი.

(მოც. 46, 47, 48; I მსოფ. 8, 19; II მსოფ. 7; ტრულ. 95; ლაოდ. 7, 8; კართ. 57; ბასილი დიდის 1, 5)

ენკრატიტებისა და სხვა მწვალებლების შესახებ, რომლებიც წინამდებარე კანონში მოიხსენიებიან, ბასილი დიდი საუბრობს თავის I კანონშიც, თანაც, შენიშნავს, რომ მათი მონათვლა საჭირო, როდესაც მართლმადიდებელ ეკლესიაში გადმოდიან. თუმცა, იქვე დასძენს, რომ ასეთია მისი კერძო აზრი, ხოლო კანონიკურ განწესებას ამის შესახებ გამოსცემს ეპისკოპოსთა კრება, რომელიც მსგავს საკითხებს განაგებს. სწორედ ეს კანონიკურ განწესება გამოსცა II მსოფლიო კრებამ; იგი შეიკრება ბასილი დიდის გარდაცვალებიდან ორი წლის შემდეგ და ზუსტად განსაზღვრა, თუ რომელი მწვალებლების მონათვლა არის საჭირო მართლმადიდებლობაში მოქცევისა და რომლის – არა.

კანონი 48

ქმრისგან დატოვებული, ჩემი აზრით, უქორწინებელი უნდა დარჩეს. რადგან, როდესაც უფალმა თქვა, რომ თუ ვინმე გაუშვებს თავის ცოლს, გარდა სიძეაში ბრალდებისა, მას ამით მრუშობის საბაბს აძლევსო (იხ. მათე, 5, 32), მაშინ უწოდა რა მას მრუში, ამით მას აუკრძალა სხვასთან თანაცხოვრება. რამეთუ, როგორ შეიძლება ქმარი დამნაშავე იყოს, როგორც მრუშობის მიზეზი, ცოლი კი უდანაშაულო, თუ იგი უფლისგან მრუშად იწოდება სხვა მამაკაცთან შეერთებისათვის?

(მოც. 48; ტრულ. 87, 93, 98; ანკვირ. 20; კართ. 102; ბასილი დიდის 9, 21, 31, 36, 46, 77, 80)

აქაც ბასილი დიდი გამოთქვამს თავის კერძო აზრს დედაკაცის შესახებ, რომელიც ქმარმა სასლიდან განუტევა, ამასთან, შენიშნავს, რომ მას აღარ აქვს გათხოვების უფლება; თუ იგი ვინმე სხვა მამაკაცთან თანაცხოვრებას დაიწყებს,

მაშინ მრუშად უნდა ჩაითვალოს. თავის ამ აზრს წმინდა ბასილი აფუძნებს იესო ქრისტეს სიტყვებზე (მთ. 5, 32), რომლებიც კანონში მოჰყავს, და შენიშნავს, რომ რაკი ქრისტემ იმ დედაკაცს მრუში უწოდა, ეს ნიშნავს, რომ მას არა აქვს თანაცხოვრების უფლება სხვა მამაკაცთან, ვინაიდან თუ ქმარი დამნაშავეა იმაში, რომ ცოლს მრუშობისაკენ უბიძგა, მაშინ მრუშობისათვის ცოლიც უნდა დაისაჯოს, რომელიც თვით უფლის მიერ არის მრუშად წოდებული.* სხვა დანარჩენის შესახებ იხ. ტრულის კრების 87-ე და 93-ე კანონების განმარტებები – დედაკაცების შესახებ, რომლებიც ქმრებს შორდებიან და მამაკაცების შესახებ, რომლებიც ასევე ცოლებს ტოვებენ.

კანონი 49

თუ ვინმე ძალადობით შეიბილწება, დაე, ბრალდებას არ დაექვემდებაროს; ამიტომ მონა-ქალი, თუ გაუპატიურებული იქნება თავისი ბატონის მიერ, – უდანაშაულოა.

(ანკვირ. 11; გრიგოლ ნოსელის 1; ბასილი დიდის 30)

მავანმა ბატონმა ერთ-ერთი თავისი მონა ქალწული გააუპატიურა; ამფილოქეს კითხვაზე, ექვემდებარება თუ არა ეს ქალწული მეძაეთათვის განწესებულ ეპიტიმიას, ბასილი დიდი თავის წინამდებარე კანონში პასუხობს, რომ იგი არანაირ ეპიტიმიას არ იმსახურებს, მსგავსად იმისა, როგორც საერთოდ არანაირ სასჯელს არ იმსახურებენ ქალწულები, რომლებიც იძულებულნი ხდებიან დაუშვან, რომ ვინმემ ისინი ძალდატანებით შეიბილწოს.

კანონი 50

მესამე ქორწინებაზე არ არის კანონი, ამიტომ მესამე ქორწინება კანონით არ იკუთხება. ასეთ საქმეებს ვუყურებთ, როგორც უწმინდურებას ეკლესიაში, მაგრამ საჯარო განკითხვას მათ არ ვუქვემდებარებთ, როგორც უმჯობესს, ვიდრე გარყვნილი მეძავეობაა.

(ნეოკეს. 2; ბასილი დიდის 4, 80)

ამ კანონიდან ჩანს, რომ ამფილოქე ვერ დააკმაყოფილა პასუხმა მესამე ქორწინების შესახებ (იხ. მე-4 კან.), ამიტომ სვამს ამ კითხვას მეორედ. წმინდა ბასილი თავის წინამდებარე კანონში პასუხობს, რომ არ არსებობს კანონი, რომელიც მესამედ ქორწინების ნებას დართავდა, რა თქმა უნდა, იგულისხმება ასეთი საეკლესიო კანონი, რამეთუ ამის შესახებ სამოქალაქო კანონის დადგენილება დიდი ხანია არსებობს.** მსგავსად იმისა, როგორც თავის მე-4 კანონში მან მესამე ქორწინებას უწოდა „დასასჯელი სიძვა“ და იგი პოლიგამიას შეადარა, ასევე აქ.

*იხ. ზონარას განმარტება ათენის სინტაგმაში, IV, 199.

**იხ. ბალსამონის განმარტება ათენის სინტაგმაში, IV, 204.

წინამდებარე კანონშიც იგივე აზრს იმეორებს, და მესამე ქორწინებას უწოდებს უწმინდურებას ეკლესიაში. მაგრამ, რადგანაც მესამე ქორწინება ფართოდ იყო საზოგადოებაში გავრცელებული და ეკლესია უმეტესი ბოროტების თავიდან ასაც-
ილებლად ითმენდა მას, ამიტომ წმინდა ბასილი ამბობს, რომ მესამედ დაქორწინებ-
ული პირების საჯაროდ დასჯა არ არის საჭირო; ხუთწლიანი ეპიტიმით (მე-4
კან.) ნება მიეცემა მათ ილოცონ ეკლესიაში ერთგულ მორწმუნეებთან ერთად. წმინ-
და ბასილი ამას იმიტომ განაწესებს, რომ მესამე ქორწინება მაინც უკეთესად
ითვლება, ვიდრე აღვირახსნილი მეძაეეობა. ესე იგი, სჯობს რომელიმე კონკრეტულ
პირს მესამედ ქორწინების უფლება მიეცეს, ვიდრე მან თავისი სორციელი ჟინი
სხვადასხვა დედაკაცებთან ურთიერთობით დაიკმაყოფილოს. სხვა დანარჩენთან
დაკავშირებით ის. ამავე წმინდა მამის მე-4 კანონის განმარტება.



**მესამე კანონიკური ეპისტოლე ფინიქიისა მაგინსა
ჩვენისა ბასილისი, კესარია-კაპადოკიის
მთავარეპისკოპოსისა იკონიის
ეპისკოპოსის, ავფილოქოს მიმართ**

კანონი 51

კლერიკოსთა შესახებ კანონი დადგენილია განურჩევლად. იგი ბრძანებს დაცემულებს განეწესოთ ერთი სასჯელი – მსახურებიდან განკვეთა; იქნებიან ის სამღვდელო ხარისხებში, თუ მსახურებას ასრულებენ სამღვდელო ხელდასხმის გარეშე.

(მოც. 25, 30; ტრულ. 4; კართ. 27; ბასილი დიდის 3, 32, 44)

როგორც უკვე აღვნიშნეთ, ბასილი დიდმა ამფილოქე იკონიელს გაუგზავნა ორი კანონიკური ეპისტოლე, რომლებმაც შეადგინეს ზემოთყვანილი 50 კანონი. წმინდა ბასილისგან ეპისტოლეების მიღების შემდეგ, ამფილოქემ კვლავ მიმართა მას სხვადასხვა კანონიკური ხასიათის შემცველი კითხვით, რაზედაც ბასილი დიდმა ახალი ეპისტოლეთი უპასუხა, რომელიც, თავის მხრივ, 35 კანონად იყოფა. მათგან პირველს წარმოადგენს წინამდებარე (51-ე) კანონი. მოკლე შესავლის შემდეგ, წმინდა ბასილი პასუხობს თითოეულ დასმულ კითხვაზე ცალ-ცალკე, და პირველ ყოვლისა, შეკითხვაზე იმის შესახებ, არსებობს თუ არა განსხვავება კლერიკოსთა დასჯაში მათი ხარისხებიდან გამომდინარე.

კლერიკოსებს ბასილი დიდი მიაკუთვნებს ეკლესიის ყველა მსახურს ზოგადად, მსგავსად იმისა, როგორც ეს ნათქვამია I მსოფლიო კრების მე-16 კანონში, სადაც კლერიკოსები შემდეგნაირად აღინიშნებიან: „დავთარში შესულნი“, ან „ეკლესიის დასის წევრები“, შესაბამისად, ეს ის პირებია, რომლებიც ეკლესიის მსახურებისათვის არიან დადგინებულნი ქიროტონიის ან ქიროტესიის წესით. აღნიშნულ კლერიკოსებთან მიმართებით, – ამ სიტყვის ყველაზე ფართო მნიშვნელობით, – ბასილი დიდი, იმეორებს რა თავის 32-ე კანონით გამოცემულ განწესებას, ამბობს, რომ დანაშაულის ჩადენის შემთხვევაში, ისინი მსახურებიდან დაყენებას ექვემდებარებიან, ეს კი ნიშნავს, რომ განკვეთით ისჯებიან.* ეგ განწესება უნდა გავიაზროთ წმინდა ბასილის 32-ე კანონთან კავშირში, რომლის თანახმადაც კლერიკოსი საკმარისად არის დასჯილი წოდებიდან განკვეთით, ამიტომ აღარ არის საჭირო მისი განყენება ეკლესიის ერთგული ერისკაცების ერთობიდანაც. სხვა დანარჩენთან დაკავშირებით იხ. წმინდა ბასილის 32-ე და სხვა პარალელური კანონების განმარტებები.

კანონში მოყვანილ დაყოფასთან დაკავშირებით, ერთი მხრივ, იმათზე, ვინც „სამღვდელო ხარისხშია“ და, მეორე მხრივ – ვინც „მსახურებას სამღვდელო ხელდასხმის გარეშე ასრულებს“, – წინამდებარე კანონის განმარტებაში როგორც

*იხ. ბალსამონის განმარტება ათენის სინტაგმაში, IV, 206.

ზონარა, ისე ბალსამონი, წერენ: „უფრო ძლიერად არ სჯის იმით, ვისაც უმადლესი ხარისხი აქვს, სახელდობრ, მღვდლებს, დიაკვნებსა და იპოდიაკვნებს, რომლებსაც ხელდასხმა აქვთ მიღებული“ (ზონარა); „ყველა კლერიკოსი ერთნაირად ისჯება – ერთადერთი განაკვეთის გზით, ანუ თავიანთი წმინდა მსახურებიდან დაკენებით, მიუხედავად იმისა, ხელდასხმულნი არიან როგორც მღვდლები, დიაკვნები და იპოდიაკვნები, თუ ასრულებენ საეკლესიო მსახურებას მხოლოდ კურთხევის გზით, რაკორც წიგნის მკითხველები, მგალობლები, ზედამხედველები და მსგავსნი“ (ბალსამონი). როგორც ჩანს, ეს ორი ბერძენი კომენტატორი მტკიცედ დგას იმ თვალსაზრისზე, რომ იპოდიაკვნებიც უმადლეს სასულიერო იერარქიას მიეკუთვნებიან და მასში შეადგენენ ცალკე სამღვდლო ხარისხს, მსგავსად დიაკვნებისა და მღვდლებისა (და ეპისკოპოსებისა), რამეთუ ისინიც დადგინებულნი არიან ხელდასხმის (ქიროტონის) და არა მხოლოდ ხელთდადების (ქიროტესის) გზით, როგორც ეს ხდება უმაღლესი იერარქის წვერების, ანუ წიგნის მკითხველების, მგალობლებისა და სხვა მსგავსთა შემთხვევებში. ტრულის კრების მე-9 კანონის განმარტებაში ჩვენ ვაჩვენებთ ოპოდიაკვნის ხარისხთან მიმართებით ამ ბერძენი კომენტატორების მსჯელობის სრული უმართებულება და ამას აქაც ვიმეორებთ. გაცილებით სწორია ის, რასაც ვკითხოვლობთ ამ კანონის არისტინესეულ განმარტებაში: „ეკლესიის მსახურნი, იქნებიან ისინი მღვდლების, დიაკვნების, იპოდიაკვნების, მგალობლებისა და წიგნის მკითხველების ხარისხში, თუ არ ექნებათ მიღებული ხელდასხმა, როგორებიც არიან ზედამხედველნი, მნათენი და ისინი, ვისაც წმინდა საკურთხეველის კარის დაცვა ევალებათ, – თუკი სიძეაში ჩავარდებიან, ერთი სასჯელი ეკუთვნის ყველას – თავისი მსახურებიდან განკვეთა“. ეს უფრო სწორია იმიტომ, რომ აქ კეთდება განსხვავება ერთი მხრივ, იმ კლერიკოსებს შორის, რომლებიც უშუალოდ ღვთისმსახურებაში იღებენ მონაწილეობას, და მეორე მხრივ – რომლებიც საეკლესიო ღვთისმსახურებისას ეკლესიაში მხოლოდ მატერიალურ მსახურებას ეწევიან. ასეთი განმარტება, ჩვენი აზრით, უფრო მეტად პასუხობს იმ აზრს, რომლის გამოთქმაც ბასილი დიდს სურდა თავის წინამდებარე კანონში. რომელიც, ამასთან, არის მკაცრად კანონიკური, ვიდრე ორი ზემომოხსენიებული კომენტატორის განმარტება.

კანონი 52

ქალი, რომელიც გზაში მის მიერ შობილს უგულებელყოფს, შეეძლო გაფრთხილებოდა და უფურადღებოდ დატოვებს, ან ამით ცოდვის დაფარვას განიზრახავს, ან საესებით მხეცურ და არაადამიანურ ზრახვას გაჰყვება, დაე, დაისაჯოს ვითარცა კაცისმკვლელი. ხოლო, იმ შემთხვევაში, თუკი ვერ მოუფრთხილდა, უდაბური ადგილის ან აუცილებელის უკმარისობის გამო და ახალშობილი გარდაიცვალა, მაშინ დედა ღმობიერების იმსახურებს.

(ბასილი დიდის 33)

წინამდებარე კანონით ბასილი დიდი უფრო დაწერილებით ახსნას აძლევს თავის განწესებას, რომელსაც 33-ე კანონი გამოსცემს. იგი ადასტურებს, რომ დედა, რომელიც თავისი ნებით დაუშვებს გზაში დაბადებული ბავშვის სიკვდილს, უნდა

დაისაჯოს როგორც მკელელი. ასეთი დედის მიმართ ის შემწყნარებლურ დამოკიდებულებას უშვებს მხოლოდ იმ შემთხვევაში, თუ იგი ვერაფრით შესძლებდა მისი სიცოცხლის გადარჩენას და, ამასთან, შეუძლია დაამტკიცოს, რომ ცდილობდა მისთვის სიცოცხლე შეენარჩუნებინა.

კანონი 53

დაქვრივებულ მონა ქალს არცთუ ბევრი შეუცოდავს, როდესაც მეორედ ქორწინებას დათანხმდა მოტაცების იმიტაციით. ამიტომ სრულიადაც არ არის საჭირო ამისთვის მისი დადანაშაულება. რამეთუ ისჯება არა გარედან დანახული ქმედებები, არამედ – განზრახვები. ცხადია მხოლოდ ის, რომ მეორე ქორწინებისათვის განწესებულ ეპიტიმიას ექვემდებარება.

(მოც. 82; IV მსოფ. 14; ტრულ. 85; ლანგ. 3; კარტ. 82; ბასილი დიდის 22, 28, 40, 42)

მაყანმა მონა-ქალმა, დაქვრივების შემდეგ კვლავ გათხოვება გადაწყვიტა; მაგრამ ბავშვების გამო იყო, თუ პირველი ქმრის ნათესავებისა შეეშინდა, აშკარად ამის გაკეთებას მოერიდა. ამიტომ ყველას ისე მოაჩვენა თავი, თითქოს იგი იმ კაცმა მოიტაცა, ვისუცდაც გათხოვებას აპირებდა. წარმოდგენილი კანონის მიხედვით, ასეთი საქციელის გამო ეს ქალი არ ისჯება, რადგან ფაქტიურად მოტაცებას ადგილი არ აქონია, და ეს მხოლოდ მოსაჩვენებლად გათამაშდა იმ მიზნით, რომ მეორედ დაქორწინებულიყო. ბასილი დიდი ამას შემდგენიარად ხსნის: „ისჯება არა გარედან დანახული ქმედებები, არამედ – განზრახვები“. ყოველ შემთხვევაში, კანონი მოითხოვს, რომ ასეთ დროს დედაკაცი დაექვემდებაროს მეორედ დაქორწინებულსათვის განსაზღვრულ ეპიტიმიას.

კანონი 54

რამდენადაც მახსოვს, უნებლიე მკვლელობების შესახებ, ჩემი ძაღლებისამებრ, ადრე მოვწერე შენს კეთილმსახურებას. შენი კეთილგონიერების საქმე იქნება, შემთხვევის თავისებურებიდან გამომდინარე, გაუგრძელო სასჯელი თუ შეუმსუბუქო.

(მოც. 65; ტრულ. 91; ანკერ. 21, 22, 23; ბასილი დიდის 2, 8, 11, 43. 56, 57; გრიგოლ ნოსელის 5)

ამფილოქეს კითხვაზე, რა სასულიერო სასჯელს იმსახურებს უნებლიე მკვლელობის ჩამდენი პირი, ბასილი დიდი აგზავნის იმასთან, რაც ამ საკითხთან დაკავშირებით მის მიერ ითქვა პირველ ეპისტოლეში, ანუ თავის მე-8 კანონთან. ბასილი დიდი ამასთანავე დასძენს, რომ გარემოებებისა და პირადი შეხედულებების გათვალისწინებით, ამფილოქეს, როგორც ეპისკოპოსს, უნებლიე მკვლელისათვის განწესებული სასჯელი შეუძლია დაუმძიმოს ან შეუმსუბუქოს.

კანონი 55

თუ ვინმემ ავაზაკი მასზე თავდასხმისას მოკლა, და თავად საეკლესიო მსახური არ არის, დაე, წმინდა ზიარებიდან განკანონდეს; ხოლო თუ კლერიკოსია – ხარისხიდან განიკვეთოს; რამეთუ ნათქვამია: „ყოველთა, რომელთა აღიღონ მახელი, მახელითა წარწყმდენ“ (მათე, 26, 52).

(ანკვირ. 22, 23; ათანასე დიდის 1; ბასილი დიდის 8, 13, 43; გრიგოლ ნოსელის 6)

თავის მე-13 კანონში წმინდა ბასილი საუბრობს ომში მოწინააღმდეგის მოკლასზე, და თუმცა ასეთ მკვლელობას არ განიკითხავს, მაინც განაწესებს, რომ ჯარისკაცს არ მიეცეს წმინდა ზიარება 3 წლის განმავლობაში, რამეთუ ხელები ადამიანის სისხლში აქვს გასვრილი. წინამდებარე კანონში კი საუბრობს ავაზაკების შესახებ და განაწესებს, რომ ერისკაცი, რომელიც მასთან ორთაბრძალაში ჩაებმება და მოკლავს მას, წმინდა ზიარებიდან განიკენება, ხოლო კლერიკოსი – განკვეთას ექვემდებარება. ამ თავის განწესებას ბასილი დიდი აფუძნებს წმინდა წერილზე: „ყოველთა, რომელთა აღიღონ მახელი, მახელითა წარწყმდენ“ (მათე, 26, 52). „ეს კანონი მიძიება, – შენიშნავს ზონარა,* რადგან ძნელია ადამიანმა თავი შეიკავოს. როდესაც მას ყაჩაღები სიკვდილით ემუქრებიან და კიდევ ბევრ სხვასაც ბოროტებას უქადიან“.

კანონი 56

განზრახ მკვლელი, და შემდგომ სინანულში მოსული, დაე, ოცი წელი წმინდა საიდუმლოთა ზიარების გარეშე დარჩეს. ეს ოცი წელიწადი მას შემდეგნაირად უნდა გადაუნაწილდეს: ოთხი წელი შეტირილად დაჰყოს, იდგეს სამლოცველო ტაძრის კარიბჭის გარეთ და მასში შემავალი ერთგული მორწმუნეებისაგან თავისთვის ღოცვა ითხოვოს, ამასთან, საკუთარ დანაშაულსაც აღიარებდეს. ოთხი წლის შემდეგ, დაე, წმინდა წერილის მსმენელთა შორის იქნეს შეწყნარებული და ხუთი წელი მათთან დაჰყოს. შვიდი წელი შევრდომილებთან გაატაროს და ილოცოს. ოთხი წერილი ერთგულებთან იდგეს, მაგრამ ზიარების გარეშე. ყოველივე ამის აღსრულების შემდგომ, დაე, ეზიაროს წმინდა საიდუმლოს.

(მოც. 65; ტრულ. 91; ანკვირ. 21, 22, 23; ბასილი დიდის 2, 8, 11, 43, 54, 57; გრიგოლ ნოსელის 5)

წინამდებარე კანონი ეპიტიმias განუწესებს იმ პირებს, რომლებიც განზრახ მკვლელობას ჩაიდენენ და შემდეგ მოინანიებენ. ეს სასჯელი მათ საჯაროდ უნდა მოიხადონ 20 წლის განმავლობაში, რაც იმაში გამოიხატება, რომ თანდათანობით უნდა გაიარონ დადგენილი სინანულის საფეხურები, კერძოდ: 4 წელი დაჰყონ პირველ საფეხურზე, 5 წელი – მეორეზე, 7 – მესამეზე და 4 წელი მეოთხე საფეხურზე. სინანულის ამ ხარისხების შესახებ ჩვენ ვისაუბრეთ I მსოფ. კრების მე-11 კანონის განმარტებაში.

*ათენის სინტაგმა, IV, 212.

კანონი 57

უნებლიე მკვლეელი ათი წელი დარჩეს წმინდა საიდუმლოთა ზიარების გარეშე. განაწილება კი მისთვის ამ ათი წელიწადისა, დაე, შემდეგი იყოს: ორი წელი იტიროს, სამი წელი მსმენელთა შორის დაჰყოს, ოთხი წელი – შევრდომილებთან, წელიწადი მხოლოდ იდგეს ერთგულების გვერდით, და მერმე მიიღოს წმინდა ზიარება.

(მოც. 65; ტრულ. 91; ანკვირ. 21, 22, 23; ბასილი დიდის 2; 8, 11, 43, 54, 56; გრიგოლ ნოსელის 5)

56-ე კანონთან დაკავშირებით, აქ ეპიტიმია განიწესება უნებლიე მკვლელობისათვის, კერძოდ – ათწლიანი.

კანონი 58

მემრუშენი თხუთმეტი წლით განიყნონ წმინდა ზიარებიდან. გადანაწილება კი ამ თხუთმეტი წლისა, მათთვის ასეთნაირია: ოთხი წელი შეტირილებად უნდა დაჰყონ, ხუთი წელი – წმინდა წერილის მსმენელებად, ოთხი წელი – შევრდომილებად; ორი წელიც ერთგულებთან ერთად იდგნენ ზიარების გარეშე.

(ტრულ. 87; ანკვირ. 20; ბასილი დიდის 9, 21, 34, 37, 39, 77; გრიგოლ ნოსელის 4)

სოგადად, რა არის მრუშობა, – ჩვენ ავხსენით რამდენიმე კანონის განმარტებაში, კერძოდ, ბასილი დიდის 21-ე კანონის განმარტებაში. მრუშობის ცოდვაში დაშნაშავე, თხუთმეწლიან ეპიტიმიას ექვემდებარება.

კანონი 59

მეძავი, დაე, შვიდი წელი არ ეზიაროს წმინდა საიდუმლოს: ორი წელი, დაე, იტიროს; ორი, დაე, ისმინოს, ორიც შევრდომილი იყოს, და ერთი წელი, დაე, მხოლოდ იდგეს ერთგულებთან, მერვე წელს დაშეებულ იქნეს წმინდა ზიარებაზე.

(ბასილი დიდის 4, 21, 22, 26, 79, 80)

წინამდებარე კანონით შეიდწლიანი ეპიტიმია განიწესება მეძავთათვის.

კანონი 60

ქალწულობის აღთქმის დამდებელთ და თავისი აღთქმისაგან განდგომილთ, დაე, მეძავთათვის განწესებული სასჯელის ვადა შეეფარდოს; ხოლო აღნიშნული ვადა მისი ცხოვრებიდან გამომდინარე გადანაწილდეს. იგივე განეწესოს ვინც მონოზენობის აღთქმა დადო, მაგრამ დაეცა.

(IV მხოფ. 16; ტრულ. 44; ანკვირ. 19; კართ. 16; ბასილი დიდის 6, 18, 19, 20, 44)

ანკეირიის კრების მე-19 კანონით ერთწლიან ან ორწლიან ეპიტიმიას ექვემდებარება (მეორეად დაქორწინებული მსგავსად) პირი, რომელიც ქალწულობის აღთქმას დადებს და მერე სიძვის ცოდვით დაეცემა. ბასილი დიდის წარმოდგენილი კანონი კი ასეთ პირებს, – ისევე, როგორც სიძვაში ჩავარდნილ მონოზენებს, – ისეთ ეპიტიმიას განუწესებს, როგორც განსაზღვრულია მრუშობისათვის, ანუ – თხუთმეტწლიან სინანულს. „ძალაში უნდა დარჩეს ბასილი დიდის წინამდებარე კანონის განწესება, – ამბობს ბალსამონი, – რადგან გამოცემულია გაცილებით გვიან, ვიდრე ანკეირიის კრების აღნიშნული კანონი“.*

კანონი 61

მპარავი, რომელიც მოინანიებს და თავად აღიარებს დანაშაულს, დაე, ერთი წლით განიყენოს მხოლოდ წმინდა ზიარებიდან; ხოლო თუ მხილებული იქნება, მაშინ – ორი წლით, ეს დრო კი მისთვის განაწილდეს შვერდომასა და ერთგულებთან დგომაში, მერე კი ეღირსოს ზიარებას.

(გრიგოლ ნეოკესარიელის 3, 4, 5; გრიგოლ ნოსელის 6)

თავისი ცოდვის მომნანიებელი მპარავი ერთწლიან ეპიტიმიას ექვემდებარება, ხოლო თუ თავად არ აღიარა და სხვამ ამხილა, ასეთ შემთხვევაში ორი წლით განიკანონება წმინდა ზიარებიდან. თუმცა ეპიტიმია მისგან არ აღხოცავს ზნეობრივ ღაქას, რომლითაც საზოგადოებაში თავი შეიკრძებინა, „რადგან, – ამბობს ბალსამონი, ეყრდნობა რა ბერძნულ-რომაული კანონმდებლობის შესაბამის ადგილს, – მპარავი, თუნდაც მან მოინანიოს და მოპარული პატრონს დაუბრუნოს, მიიც მპარავად რჩება“***

კანონი 62

ვინც მამათა აღრევის უშვერობა ჩაიდინოს, სინანულის ვადა იმავე სახით მოიხადოს, როგორც ეს მრუშობისათვის არის განწესებული.

(ბასილი დიდის 7; გრიგოლ ნოსელის 4)

წარმოდგენილ კანონში აღნიშნული საძაგელი ცოდვისათვის ბასილი დიდი განაწესებს თხუთმეტწლიან ეპიტიმიას, ისევე, როგორც მრუშობისათვის.

კანონი 63

ვინც თავისი უწმინდურება პირუტყვთან გამოავლინა, სინანულის შემთხვევაში იგივე დრო დაჰყოს აკრძალვაში.

(ანკეირ. 16, 17; ბასილი დიდის 6; გრიგოლ ნოსელის 4)

ზუსტად ისევე, ამ საძაგელი ცოდვისათვის განიწესება თხუთმეტწლიანი ეპიტიმია.

*ათენის სინტაგმა, IV, 218.

**ათენის სინტაგმა, IV, 219.

კანონი 64

ფიცისდამრღვევი ათი წელი არ ეზიაროს: ორი წელი შეტირილთა შორის იყოს, სამი – წმინდა წერილის მსმენელთა რიგებში, ოთხი – შეერდომილებთან, ერთიც – ერთგულებთან იდგეს, და შემდეგ ელიროს ზიარებას. (მოც. 25; ტრულ. 94; ბასილი დიდის 10, 17, 29, 82)

წინამდებარე კანონში ათწლიანი ეპიტიმია განეწესებათ პირებს, რომლებიც ფიცს დაარღვევენ. აქ იგულისხმება ღმერთის სახელით მიცემული ფიცი. ფიცის დარღვევის ცოდვა უთანაბრდება ღვთისმგმობელობის ცოდვას. თავის 29-ე კანონში ბასილი დიდი ამბობს, რომ ფიცი საერთოდაც აკრძალულია და ეყრდნობა წმინდა წერილის იმ ადგილს, სადაც საუბარია თითოეული ქრისტიანის ზნეობრივ სრულყოფაზე, რომელიც იმდენად მართალი და დადებითი პიროვნება უნდა იყოს, რომ მისი ყველას სჯეროდეს და მისგან საკმარისი უნდა იყოს: პო ან არა. თუმცაღა, წმინდა წერილი უშვებს ფიცს მნიშვნელოვან შემთხვევებში, მაგრამ ეს ფიცი უნდა იყოს წესიერი და ეფუძნებოდეს ჭეშმარიტებას; აკრძალულია დაუფიქრებელი და ცრუ ფიცი. ამ ჭეშმარიტ ფიცს გულისხმობს წმინდა ბასილი თავის წინამდებარე კანონში, როდესაც მის დამრღვევს სასჯელს განუწესებს, რადგან ფიცს იძლევიან ღმერთის მოწმედ მოხმობით, იმ ჭეშმარიტების დასადასტურებლად, რასაც კონკრეტული პირი ამტკიცებს ან დაპირებას იძლევა, რისთვისაც პასუხისმგებელი ხდება ღმერთის წინაშე. საეკლესიო კანონები მით უფრო განიკთხავენ ფიცის დამრღვევს, რაც უფრო საზიემოდ იყო ის დადებული და რაც უფრო მნიშვნელოვანია საქმე, რის გამოც ფიცი დაიდო. თუკი მკაცრად იხვევა ფიცის დარღვევისათვის ერისკაცი, მაშინ მით უფრო მკაცრად უნდა დაისაჯოს ასეთი ცოდვისათვის მღვდელმსახური, რამეთუ, ასეთი სიმკაცრე რომ არ არსებობდეს მღვდელმსახურთა მიმართ ფიცის დარღვევისათვის, მაშინ ეს მორწმუნეებს საცდურს შეუქმნიდა და ისინი დაუსჯელად დაარღვევდნენ მიცემულ ფიცს. ამიტომ, მოციქულთა 25-ე კანონი ეკლესიის დასის ყოველი წევრისათვის განკვეთას განაწესებს მიცემული ფიცის დარღვევისათვის. სლავური „კორმჩაია“ შეიცავს ბიზანტიური კანონმდებლობის განწესებას ფიცის დამრღვევთა წინააღმდეგ, სადაც ნათქვამია: „დაე, მოეჭრას მას ენა“.

კანონი 65

ვინც თავისი გრძნეულობა ან მომწამვლელობა მოინანიოს, დაე, კაცი-სმკვლელისთვის განწესებული ვადა გაატაროს სინანულში, და ეს იმის შესაბამისად გადაუნაწილდეს, როგორც საკუთარი თავი ამხილა თითოეულ ცოდვაში.

(ტრულ. 61, 65; ლაოდ. 36; ბასილი დიდის 72, 83; გრიგოლ ნოსელის 3)

იგივე სასჯელს, როგორსაც მკვლელობისათვის, ანუ თირამეტწლიან ეპიტიმიას, განუწესებს წინამდებარე კანონი გრძნეულებსა და მომწამვლელებს იმ შემთხვევაში, თუ ცოდვა თავად აღიარეს და მოინანიეს; ხოლო თუკი არ აღიარებიათ და

სხვებმა ამხილეს, ასეთ შემთხვევაში ისინი ექვემდებარებიან ზიარებიდან განყენებას სიციოცხლის ბოლომდე, და მხოლოდ სიკვდილის წინ, თუ მოინანიებენ, შეეძლებათ მიიღონ წმინდა ზიარება. იგივე სასჯელს განაწესებს ერისკაცთათვის ტრულის კრების 64-ე და 65-ე კანონები, სასულიერო პირთათვის კი – განკვეთას. სასჯელის სიმკაცრე იმით აისხნება, რომ გრძნეულები და მომწამვლელები ცდილობენ ადამიანში ჩაკლან სულიერი შესაძლებლობები, რითაც მას, შესაბამისად, სულიერ სიკვდილს უქადიან. გრძნეულება მდგომარეობდა ბოროტი სულების მოხმობასა და დაწყევლაში, რათა მოყვასისათვის ბოროტება მიეყენებინათ. მომწამვლელობა კი – სხვადასხვა ბალახეულის გამოყენებაში იმ მიზნით, რომ მოყვასისათვის აზროვნების უნარი წაერთყათ. ბიზანტიური კანონმდებლობა ამ კატეგორიის დამნაშავეებს სასიკვდილო განაჩენს უწესებს.

კანონი 66

ვინც საფლავი გათხაროს გაძარცვის მიზნით, დაე, არ ეზიაროს წმინდა საიდუმლოს ათი წლის განმავლობაში: ორი – დაე, იტიროს, სამი – დაე, ისმინოს, ოთხი – დაე, შეუვრდეს, ერთი წელი, დაე, ერთგულებთან იდგეს, და მერმე უკვე მიეახლოს.

(გრიგოლ ნოსელის 7)

საფლავთმთხრელობა ეწოდება, როდესაც ვინმე მიცვალებულის საფლავს თხრის და იქიდან ძვირფასეულობას იპარავს. ამავე დანაშაულზე საუბრობს გრიგოლ ნოსელიც თავის მე-7 კანონში და დამნაშავეებს ისევე, როგორც ბასილი დიდის წარმოდგენილი კანონი, ათწლიან ეპიტიმias განუწესებს. ამ კანონის ზონარასეულ განმარტებაში ნათქვამია, რომ იგივე სასჯელს იმსახურებს საფლავის ქვების წამღებიც.* თუმცა, ამის შესახებ სხვაგვარად საუბრობს გრიგოლ ნოსელის მოხსენიებული კანონი, როგორც ამას ქვემოთ ვიხილავთ.

კანონი 67

ძმასა და დას შორის სისხლისაღრევა მკვლელებისათვის დადებულ სინანულის დროს მოითხოვს.

(ბასილი დიდის 75)

წინამდებარე კანონი საუბრობს სიძვის ცოდვაზე და-ძმას შორის, ერთი დედამამის შეილებაზე, რაც წარმოადგენს „ნათესაურ სისხლაღრევას“ – ამ სიტყვის სრული მნიშვნელობით. დამნაშავეებს ისეთივე სასჯელი განეწესებათ, როგორც განზრახ მკვლელებს, ანუ ოცწლიანი განყენება წმინდა ზიარებიდან. რა თქმა უნდა, იმ შემთხვევაში, თუ მათ თავი დაანებეს ამ უწმინდურ საქმეს. ეს წმინდა მამა თავისი 76-ე კანონით და-ძმას, მაგრამ არა ერთი დედ-მამის შეილებს, მსგავსი დანაშაულისათვის სხვა სასჯელს უწესებს.

*ათენის სინტაგმა, IV, 222.

კანონი 68

ქორწინებით ადამიანთა შეუძლებლობა, რომლებიც ამისთვის აკრძალულ ნათესაურ კავშირში იმყოფებიან, თუკი შემჩნეული იქნება მომხდარი, როგორც ადამიანური ცოდვა, ექვემდებარება მრუშობისათვის განწესებულ ეპიტიმიას.

(მოც. 19; ტრულ. 26, 54; ნიკეკეს. 2; ბასილი დიდის 23, 27, 75, 76, 78, 79, 87; ტიმოთე აღიქსანდრიელის 11; თეოფილე აღიქსანდრიელის 5)

ნათესაობის რომელ ხარისხებშია ქორწინება აკრძალული, — ამის შესახებ ჩვენ ვისაუბრეთ ტრულის კრების 54-ე კანონში. ბასილი დიდი აქ განაწესებს, რომ ყველა ის პირი უნდა დაუქვემდებაროს სასჯელს, როგორც მრუშობისათვის, ვინც იცოდა, რომ არსებობდა მისი ქორწინებისათვის კანონიკური წინაღობა და მაინც დაქორწინდა; სასჯელი კი ითვალისწინებს წმინდა ზიარებიდან თხოუმეტყლიან განკანონებას.

კანონი 69

წიგნის მკითხველი, თუ ქორწინებამდე შეერთდება თავის დაწინდულთან, ერთი წლით მსახურებიდან განყენების შემდეგ, შეუდგეს კითხვას, მაგრამ დარჩეს მაღალ ხარისხებში აყვანის გარეშე. ხოლო თუ დაწინდვის გარეშე ფარულად შეერთდება, მაშინ დაე, მსხურებიდან განიძიოს. ასევე აპოლიკონიც.

(მოც. 26; IV მსოფ. 14; ტრულ. 6, 13, 30; კართ. 16; ბასილი დიდის 3, 6, 32, 51, 70)

წიგნის მკითხველი, რომელსაც სქესობრივი კავშირი ექნება თავის საცოლესთან (მისივე თანხმობით), არ შეიძლება მეძავედ ჩაითვალოს ამ სიტყვის მკაცრი მნიშვნელობით, რადგან ის არ ჩაგარდნილა ცოდვაში მისთვის სრულიად უცხო ქალთან; თუმცა იმის გამო, რომ არ დაელოდა დაქორწინებას, უნდა დაისაჯოს ერთწლიანი ეპიტიმით და მსახურებიდან განკანონდეს. ეპიტიმის შემდეგ კვლავ შეიძლება იმავე ადგილზე მისი დაბრუნება, მაგრამ უფრო მაღალი ხარისხის მიღებას უკვე ვეღარ შეძლებს, ვინაიდან აღნიშნული მაგალითით აჩვენა, რომ არ არის მტკიცე სნეობრივი პრინციპების მატარებელი. თუ რომელმე მკითხველი სქესობრივ კავშირს ამყარებს სხვა ვინმესთან, — არა თავის საცოლესთან, — მაშინ მისი საეკლესიო მსახურებაზე დატოვება საერთოდ აღარ შეიძლება და მაშინვე უნდა განძევდეს, იმ შემთხვევაშიც კი, თუ იმ ქალთან მომავალში კანონიერად იქორწინებს. ამასთან, კანონი დასძენს, რომ ყველაფერი ეს ეხება აგრეთვე აპოლიკონსაც, თუმცა ტრულის კრებიდან მოყოლებული (მე-9 კანონით) აპოლიკონებისათვის ამ საკითხმა სხვა მიმართულება მიიღო, კერძოდ: მათ აკრძალათ დაქორწინება და, შესაბამისად, დაწინდვაც აპოლიკონის ხარისხის მიღების შემდეგ.

წინამდებარე კანონში მოხსენიებულია გარკვეული დანაშაულისათვის ერთი საგანგებო სასჯელი დასის წევრების მიმართ, კერძოდ ის, რომ სასჯელის მოხდის შემდეგ კლერიკოსი უნდა დარჩეს იგივე ხარისხში, რომელშიც იყო დანაშაულის ჩადენის მომენტში — ხარისხში ამადლების უფლების გარეშე. აღნიშნულ სასჯელს კანონი უფარდებს წიგნის მკითხველებსა და აპოლიკონებს. ტრულის კრების მე-3

კანონი კი მსგავსი დანაშაულისათვის ასეთივე სასჯელს ადებს დიაკვნებსაც და მღვდლებსაც, და განაწესებს რომ „ყველა ასეთი პირი ისჯება ღვთისმსახურებოდან მოკლევადიანი განყენებით, ხოლო სასჯელის მოხდის შემდეგ კვლავ აღედგინონ თავიანთ წოდებაში, მაგრამ სხვა, უფრო მაღალ ხარისხში აყვანის აკრძალვით“. მსგავსი სასჯელია განწესებული იუსტინიანეს ერთ-ერთი ნოველითაც, რომელიც აღმოსავლური ეკლესიის კანონიკურ კრებულებშიც შევიდა, მაგრამ ეს სასჯელი, როგორც ჩანს, დავიწყებულია ამ ეკლესიის სასამართლო პრაქტიკაში.

კანონი 70

დიაკონს, რომელიც ბაგეებით შესცოდავს და აღიარებს, დაე, აეკრძალოს მღვდელმსახურება, მაგრამ დიაკვნებთან ერთად ზიარების ღირსი დარჩეს. ზუსტად ასევე მღვდელსაც. ხოლო თუ ამაზე მეტ ცოდვაში იქნება ვინმე შემჩნეული, რომელ ხარისხშიც არ უნდა იყოს, დაე, განიკეთოს.

(მოც. 25; IV მსოფ. 16; ტრულ. 4, 40, 44; ანკვირ. 19; ნეოკეს. 4; 16; ბასილი დიდის 3, 6, 32, 51, 69)

ზონარას განმარტების თანხმად, წინამდებარე კანონიკური სასჯელი განეწესება დიაკონს, რომელიც ქალთან თავის ურთიერთობაში მივიდა ვნებიან, სასიყვარულო კოცნამდე.* ბალსამონის მიხედვით, ეს ნიშნავს რაღაც უფრო უარესს, რაზედაც მიდიან აფროდიტეს ცეცხლით გახურებული ადამიანები, რომლებიც თავიანთ ბაგეებს იბილწავენ ქალთან კავშირში განსაკუთრებული სისაძაგელით.** იმ სასჯელის სიმძიმით თუ ვიმსჯელებთ, რომელსაც წინამდებარე კანონი თავისი ბაგეების შემბილწველ დიაკონს უფარდებს, ვფიქრობთ, რომ მისაღებია ზონარას აზრი, ვინაიდან, ბალსამონის აზრს თუ გავიზიარებთ, მაშინ მსგავსი ცოდვისათვის დიაკონი საერთოდ ქრისტიანის სახელის ღირსიც არ არის, რამეთუ ასეთი საქციელის წარმოდგენა ძნელია თვით უბრალო და ყველაზე გახრწნილი ერისკაცის შემთხვევაშიც კი. თანაც, ეს იმის მაჩვენებელი იქნებოდა, რომ ასეთი დიაკონი მთლიანად გახრწნილია სულითაც და ხორციითაც. სასჯელი, რომელსაც მსგავსი დანაშაულისათვის კანონი განუწესებს დიაკონს ან მღვდელს, მდგომარეობს მსახურების აკრძალვაში თავისი წოდების პატივისა და თანამუშაებთან ერთად წმინდა ზიარების უფლების შენარჩუნებით. თუკი დიაკონი ან მღვდელი ჩაიდენს მსგავსი სახის უფრო დიდ ცოდვას, მაშინ სრულიად უნდა განიკეთოს თავისი წოდებიდან და გადავიდეს ერისკაცთა რიგში. პირველ სასჯელთან დაკავშირებით, ზონარა ამბობს, რომ ის უნდა მოვიაზროთ, როგორც დიაკვნობის დროებითი აკრძალვა, რამეთუ ეს საესებით საქმარისი სასჯელია მსგავსი ცოდვისათვის. თავის შეხედულებას იგი იმით ამტკიცებს, რომ კანონი დიაკვნობას საბოლოოდ უკრძალავს პირს, უფრო დიდი ცოდვისათვის და, შესაბამისად, იგივე სასჯელს ვერ დაუქვემდებარებს იმას,

*ათინის სინტაგმა, IV, 228.

**ათინის სინტაგმა, IV, 229-230.

ვინც ჩაიდენს აღნიშნულ ნაკლებ ცოდვას. სასჯელის ხანგრძლივობა კი, დროებით დიაკნობის (მღვდელმოქმედების) აკრძალვა დამოკიდებულია მმართველი ეპისკოპოსის შეხედულებაზე. ზონარას ასეთი მსჯელობა, ნაკლები ცოდვისათვის სასჯელთან დაკავშირებით (თუ მივიღებთ, რომ ცოდვა იმაში მდგომარეობს, რაშიც მას კომენტატორი ხედავს), გამართლებულია ნეოკესარიის მე-4 კანონითაც, რომლის თანახმადაც საღმრთო მადლს უნდა მიეწეროს, როდესაც ადამიანი მძიმე ცოდვაში არ ვარდება.*

ქანონი 71

რომელიმე ზემოდასახელებულ ცოდვასთან შეხებაში მყოფი, რომელმაც არ აღიარა, მაგრამ მხილებულ იქნა, დაე, იმდენივე დრო ღარჩეს ეპიტიმის ქვეშ, რამდენსაც ბოროტების ჩამდენი იხდის.

ეს კანონი წარმოადგენს წინა კანონების (51-70) ერთგვარ, დასკვნით ნაწილს, და განაწესებს, რომ თითოეული იმათგანი, ვინც იცის ვინმეს მიერ ჩადენილი ისეთი ცოდვის შესახებ, რომლებიც ზემოაღნიშნულ კანონებშია მოხსენიებული, და არ სურს ეპისკოპოსს აცნობოს, ფარავს და ხელს უწყობს ცოდვილს, — ექვემდებარება იგივე სასჯელს, რასაც იმ ცოდვის ჩამდენი იმსახურებს.

წინამდებარე კანონი შეიცავს სამოქალაქო სისხლის სამართლის ძალიან მნიშვნელოვან განწესებას. წინა კანონებში ჩამოთვლილი დანაშაულებისათვის დამნაშავენი დადგენილ სასჯელს ექვემდებარებიან, მაგრამ იგივე სასჯელით ისჯებიან ისინიც, ვინც დანაშაულთან შეხებაში იყო. ანუ, ანკვირიის კრების 25-ე კანონის გამოთქმით — „თანადამნაშავენი“. თანამონაწილეობის შესახებ სწავლება განვითარებულია რომის სამართალში, და ამ სწავლებამ გამოხატულება ჰპოვა წინამდებარე კანონში. თანამონაწილედ, ზოგადი გაგებით, ითვლება ყოველი, ვინც შეგნებულად ეხმარება მთავარ დამნაშავეს სისხლის სამართლის დანაშაულის ჩადენაში. თანამონაწილეობა შეიძლება იყოს ორგანიზაციის სახის: უშუალო, როდესაც გარკვეული პირი იწონებს და აქტიურად ეხმარება დამნაშავეს თავისი დანაშაულებრივი განზრახვის შესრულებაში, და — მეშვეობითი ან ინტელექტუალური, როდესაც პირი შეგნებულად უბიძგებს ვინმეს დანაშაულის ჩადენისაკენ. თანამონაწილეობა ისიც, როდესაც პირი დამნაშავეს ეხმარება ისეთი ქმედებით, რომელიც კავშირშია დანაშაულებრივ საქმესთან და სრულდება მისი უფრო იოლად აღსრულებისათვის, ან დანაშაულის დასაფარავად და დამნაშავის სასჯელისაგან დასახსნელად. თანამონაწილეობაში არიან დამნაშავენი ის პირებიც, რომლებიც მაღავენ ამა თუ იმ დამნაშავეს, მის შესახებ არ ატყობინებენ მმართველ ხელისუფლებას და ყოველმხრივ ცდილობენ, მისგან სასჯელის არიდებას.

*ზრახვით ამისთვის უკვე გამსაძებელი.

კანონი 72

ვინც გრძნეულებს ენდობა ან სხვა ვინმე მსგავსს, დაე, იმდენივე დრო დაჰყოს ეპიტიმის ქვეშ, რამდენიც მკელელისთვის არის განსაზღვრული.

(ტრულ. 61, 65; ანკვირ. 24; ლაოდ. 36; ბასილი დიდის 7, 65, 81, 83; გროგოლ ნოსელის 3)

ვინც გრძნეულებთან და მათ მსგავსებთან ეძებს დახმარებას, თორმეტწლიანი ეპიტიმით ისჯება.

კანონი 73

ვინც ქრისტეს განუდგა და დამნაშავე გახდა გამოხსნის საიდუმლოს წინააღმდეგ, იგი მთელი თავის ცხოვრება შეტირილთა რიგებში უნდა დარჩეს, და აღიაროს; ხოლო სიკვდილის წინ ეღირსოს სიწმინდეთა ზიარებას, თუ ღვთის კაცთმოყვარეობის რწმენა ექნება.

(მოც. 62; I მსოფ. 10; ანკვირ. 1, 2, 3, 12; პეტრე ალექსანდრიელის 8, 10, 14)

განდგომილებთან მიმართებით, ანკვირიისა და პეტრე ალექსანდრიელის კანონები ისე მკაცრი არ არის, როგორც ბასილი დიდის წარმოდგენილი კანონი, რომელიც განაწესებს, რომ ქრისტესგან განდგომილი მთელი ცხოვრება უნდა დარჩეს სინანულის პირველ საფეხურზე, რაც ნიშნავს, რომ საეკლესიო მსახურებისას ყოველთვის უნდა იდგეს ეკლესიის კარიბჭის გარეთ და ცრემლით ევედროს ერთგულ მორწმუნეებს ილოცონ ღმერთის წინაშე მისთვის, და მხოლოდ სიკვდილის წინ შეუძლია ესიაროს იმის რწმენით, რომ ღმერთი ცოდეებს შეუნდობს. ეს სიმკაცრე, ან სხვაგვარად რომ ვთქვათ, ანკვირიის კრებისა და პეტრე ალექსანდრიელის უფრო მეტი ღმობიერება განდგომილთა მიმართ, აიხსნება დროის ვითარებით, კერძოდ იმით, რომ ბასილი დიდის დროს ქრისტიანული სარწმუნოება უკვე განმტკიცებული იყო მსოფლიოში, ამიტომ, შესაბამისად, განდგომილების უფრო მკაცრად დასჯა შეიძლებოდა, ვიდრე IV საუკუნის დასაწყისში, როდესაც ეკლესია ჯერ კიდევ იდევნებოდა და ბევრს ძალის გამოყენებით აიძულებდნენ განდგომას.

კანონი 74

ვინც არ უნდა იყოს ზემოაღწერილ ცოცხებაში დაცემული, თუკი აღიარებს და გამოხსნის მოშურნე შეიქმნება, მაშინ ის, რომელმაც კაცთმოყვარე ღმერთისგან გახსნისა და შეკერის ხელმწიფება მიიღო, განკითხვას არ დაიმსახურებს, — როცა დაინახავს რა შემცოდებლის უაღრესად გულწრფელ აღსარებას, გახდება მის მიმართ უფრო მოწყალე და ეპიტიმისა შეუმცირებს. რამეთუ წმინდა წერილის მონათხრობები გვიჩვენებს, თუ რაზომ სწრაფად იღებენ საღმრთო გულმოწყალებას აღსარების დიდ ღვაწლს შედგომილნი.

(I მსოფ. 12; IV მსოფ. 16; ტრულ. 102; ანკვირ. 5)

წინამდებარე კანონი მიეკუთვნება წმინდა ბასილის ამ ეპისტოლეში ჩამოთვლილ კანონთა (51-73) ჯგუფს. განაწესა რა ზემოთ ჩამოთვლილ კანონებში ეპიტიმები სხვადასხვა ცოდვისათვის, ბასილი დიდი წინამდებარე კანონით უფლებას აძლევს ეპისკოპოსს, — რომელსაც ღმერთისგან მიეცა ხელმწიფება შეკერისა და გახსნის, — მიუტეოს ცოდვილს, თუ იგი გულწრფელად ინანიებს და, შესაბამისად, შეუმტყროს მის მიერ განწესებული ეპიტიმის ვადები. ამის შესახებ იხ. აგრეთვე I მსოფლიო კრების მე-12 და ტრულის კრების 102-ე კანონების განმარტებები.

კანონი 75

ვინც თავის დასთან — მამის ან დედის მხრიდან — შეიბღწა, მას არ მიეცეს სამლოცველოში შესვლის უფლება, ვიდრე არ მიატოვებს ურჯულო და საძაბელ ქმედებას. ხოლო მას შემდეგ, რაც გააცნობიერებს საშინელ ცოდვას, სამი წელი დაე, იტიროს მან, სამლოცველო სახლის კარებთან მდგომმა, და სალოცავად შემსვლელთაგან ითხოვოს, რათა თითოეულმა თანაგრძნობით შესწიროს უფალს მისთვის გულმხურვალე ლოცვები. ამის შემდეგ, მომდევნო სამი წლით დაე, დაშვებულ იქნეს მხოლოდ წმინდა წერილის მოსასმენად, მოსმენისა და სწავლის შემდეგ კი, დაე, განიდევნოს ეკლესიიდან, და არ იქნეს ლოცვებში ერთობის ღირსი. მერმე, თუ კი ცრემლებით იქნება უფლისადმი შევერდომილი, შემუსვრილი გულითა და ღრმა სიმდაბლით, მიეცეს მას სხვა სამი წელი შევერდომისათვის. და ამგვარად, როდესაც გამოჩნდება ნაყოფი ღირსნი სინანულისა, მათე წელიწადს დაე, მიღებულ იქნეს ერთგულებთან ლოცვისათვის, ზიარების გარეშე: ორი წელი იდგეს ლოცვების დროს ერთგულების გვერდით, დაბოლოს, ყოველივე ამის შემდეგ, ეღირსოს წმინდა ზიარებას. (ბასილი დიდის 67; გრიგოლ ნეოკეს. 11)

თავისი 67-ე კანონით ბასილი დიდი განაწესებს ოცწლიან ეპიტიმას და-ძმას შორის სისხლის აღრევის ცოდვისათვის. წინამდებარე კანონით იგი თორმეტწლიან ეპიტიმას განუწესებს ძმას იგივე ცოდვისათვის, — თუ მხოლოდ დედით ან მამით არიან და-ძმანი. ეს სასჯელი ცოდვილმა საჯაროდ უნდა მოიხადოს, ანუ თანმიმდევრულად გაიაროს სინანულის თითოეული, ოთხივე საფეხური.

კანონი 76

იგივე განეწესება თავის რძალთან შეგინებულს.

(მოც. 19; ტრულ. 26, 54; ნეოკეს. 2; ბასილი დიდის 23, 27, 67, 68, 75, 78, 79, 87; ტიმოთე ალექსანდრიელის 11; თეოფილე ალექსანდრიელის 5)

ბასილი დიდი თორმეტწლიან ეპიტიმას ავრცელებს აგრეთვე იმ პირების მიმართაც, რომლებიც თავიანთ რძლებთან ირყენებიან.

კანონი 77

ვინც კანონიერად შეუდლებულ ცოლს მიატოვებს და სხვას მოიყვანს, უფლის განჩინებისამებრ მრუშობისათვის სასჯელს ექვემდებარება (იხ. მათე, 19, 9). ჩვენი მამების კანონებით კი დადებულია, რომ ასეთმა ერთი წელი იტირონ, ორი წელი ისმინონ, სამი – შეერდომაში გაატარონ, მეშვიდე წელი კი ერთგულებთან იდგნენ, და ასე იქმნენ ღირსნი წმინდა ზიარებისა, თუკი ცრემლებით მოინანიებენ.

(მოც. 48; ტრულ. 87, 93; ანკვირ. 20; კართ. 102; ბასილი დიდის 9, 21, 35, 48, 58; ტიმოთე ალექსანდრიელის 15)

იხ. სხვათა შორის, მოც. 48-ე კანონის განმარტება. წინამდებარე კანონში ბასილი დიდი მოიხსენიებს ჩვენი მამების ძველ განწყებას, რომლის თანახმადაც შეიდწლიან ეპიტიმias ექვემდებარება ყოველი, ვინც კანონიერ ცოლს დაუტევეს და სხვას მოიყვანს ცოლად. ბასილი დიდი იგივე ცოდვისათვის, უფლის სიტყვების საფუძველზე (მთ. 19, 9), განაწესებს თხუთმეტწლიან ეპიტიმias, როგორც მრუშობისათვის.

კანონი 78

იგივე განწყება იქნეს დაცული იმის მიმართაც, ვინც თანამცხოვრებად ორ დას მოიყვანს, თუნდაც სხვადასხვა დროს.

(მოც. 19; ტრულ. 26, 54; ნეოკეს. 2; ბასილი დიდის 23, 87; თეოფილე ალექსანდრიელის 5)

თხუთმეტწლიანი ეპიტიმით ისჯება, ვინც თავისი ყოფილი ცოლის დაზე დაქორწინდება. ამის შესახებ იხ. ამავე წმინდა მამის 87-ე კანონის განმარტება.

კანონი 79

თავის დედინაცვალთან შერყვნილი, იგივე კანონით ისჯება, როგორითაც თავის დასთან შერყვნილი.

(ბასილი დიდის 67, 75)

ბასილი დიდი იმას, ვინც თავის დედინაცვალთან ისიძეებს, თავის დასთან იგივე ცოდვის ჩამდენთან ათანბრებს, ან მკვლელთან, და უქვემდებარებს ოცწლიან ეპიტიმias.

კანონი 80

მრავალცოლიანობაზე მამებს არაფერი უთქვამთ, რადგან ეს არის პირუტყვეული საქმე და სრულიად უცხო კაცთა მოდგმისათვის. ჩვენ კი ეს ცოდვა სიძვაზე უმძიმესად გვესახება. ამიტომ კეთილად განსჯილი იქნება

ასეთების დასჯა წესების თანახმად, ანუ ერთი წელი შეტირილებად დაჰყონ, სამი წელი — შევრდომილებად, და ამის შემდგომ შეიძლება მათი მიღება. (მოც. 48; ტრულ. 87; ბასილი დიდის 4, 9, 50, 77)

მრავალცოლიანობას კანონი უწოდებს არა მხოლოდ იმას, როდესაც ვინმეს ერთდროულად მრავალი ცოლი ჰყავს, არამედ, იმასაც, როდესაც გარკვეული პირი მრავალჯერ ქორწინდება. კანონების თანახმად, მხოლოდ პირველი ქორწინება ითვლება წმინდად და ღვთიეკურთხეულად; მეორედ დაქორწინებული იმსახურებს კანონიკურ სასჯელს; მესამე ქორწინება ეკლესიაში უკვე ითვლება უწმინდურად და შეიძლება მხოლოდ მოთმენილ იქნეს, რამეთუ ის მაინც უკეთესია, ვიდრე აღვირახსნილი სიძვა (იხ. ბასილი დიდის 4, 50). ყოველ შემდგომ ქორწინებას ეწოდება მრავალცოლიანობა და ბასილი დიდი მას პირუტყვეულ და არაადამიანურ საქმედ თვლის, და მას სიძვაზე უარეს ცოდვად მიიჩნევს. მრავალცოლიანობისათვის, ანუ ყოველი ქორწინებისათვის მესამის შემდეგ, წმინდა ბასილი ოთხწლიანი ეპიტიმით სჯის. თუმცა, არ უნდა ვიფიქროთ, რომ ეს ოთხი წელი არის სრული ეპიტიმია მრავალცოლიანობისათვის. ზონარას განმარტების თანახმად, ამ ოთხი წლიდან პირველ წელიწადს ცოდვილები ატარებდნენ სინანულის პირველ საფეხურზე, დანარჩენი სამი წელიწადი უნდა მდგარიყვნენ შევრდომილებთან ერთად, კათაკმეველთათვის ლოცვების შემდეგ კი, ტაძრიდან გასულიყვნენ. მხოლოდ ოთხწლიანი ეპიტიმის შემდეგ დაიშვებოდნენ ისინი ტაძარში ერთგულ მორწმუნეებთან ერთად ლოცვაზე, ანუ სინანულის მეოთხე საფეხურზე, სადაც ისინი იქამდე უნდა დარჩენილიყვნენ, სანამ ამას მათი ეპისკოპოსი ჩათვლიდა საჭიროდ, რომელიც გამოიკვლევდა მონანულის სიწრფელებსა და გულმოდგინებას, და მხოლოდ ამის შემდეგ აძლევდა წმინდა ზიარების მიღების უფლებას.*

კანონი 81

რადგანაც ბარბაროსების შემოსევისას, ბევრმა ჩაიდინა ღვთის რწმენის საწინააღმდეგო დანაშაული, იფიცებოდნენ რა წარმართული ფიცით და ჭამდნენ მოგვების მიერ კერპებისათვის შეწირულ სხვადასხვა შებიღწულ საჭმელს, ამიტომ ასეთებს უნდა მოვეპყრათ მამების მიერ უკვე გამოცემული კანონებისა და განწესებებისამებრ. ვისაც მძიმე სატანჯველი შეემთხვა, ვერ გაუძლო და ქრისტეს უარყოფამდე მივიდა, სამი წელი დაე, მიუღებელნი იყვნენ ეკლესიაში, რის შემდეგაც ორი წელი წმინდა წერილი ისმინონ, სამი — დაე, შეუვრდნენ, და მაშინ შეიძლება მიღებულ იქნენ ერთობაში. ხოლო ვინც დიდი შეჭირვების გარეშე უღალატა ღვთის რწმენას, შეეხო ეშმაკის ტაბლას და წარმართული ფიცით იფიცებოდა, ასეთებმა, დაე, სამი წელი ეკლესიიდან განკვეთაში დაჰყონ, ორი — წმინდა წერილის მსმენელებად, სამი წელი დაე, შევრდომილებთან ილოცონ, სხვა სამი წელი ლოცვების დროს ერთგულებთან დადგნენ, და ამის შემდეგ, უკვე, შეიძლება მათი მიღება წმინდა საიდუმლოთა საზიარებლად.

*ათენის სინტაგმა, IV, 243.

(მოც. 62; 1 მსოფ. 10, 11, 12; ანკვირ. 1-9; პეტრე ალექსანდრიელის 2 და შემდგ.: ბასილი დიდის 73, 82)

განდგომილებთან მიმართებით, რომლებიც ინანიებენ და ეკლესიას უბრუნდებიან, ბასილი დიდი განაწესებს, რომ იმ კანონებს უნდა ჰქონდეთ ძალა, რომლებიც უკვე გამოცემულია ჩვენი მამების მიერ, კერძოდ: ანკვირიის კრების კანონებს, სადაც დაწვრილებით არის ნათქვამი, როგორ უნდა მოეპყრან იმათ, რომლებმაც დევნილობის უამს კერპებს სცეს თავიანი. ამ განდგომილებში, – რომელთა შესახებაც წინამდებარე კანონში ბასილი დიდი საუბრობს და რომლებსაც ანკვირიის კრების კანონებთან თანხმობაში შესაბამის ეპიტიმებს განუწესებს, – ისეთები იგულისხმებიან, რომლებმაც სასტიკი დევნა გადაიტანეს და საკუთარი სისუსტით დაუთმეს ძალადობას, თუმცა, ზოგიერთ შემთხვევაში, შეიძლება არცთუ ძლიერ ძალადობას ჰქონოდა ადგილი; იმ განდგომილთა მიმართ კი, რომლებმაც ძალადობის გარეშე, საკუთარი ნებით უარყვეს ქრისტე, ბასილი დიდი თავისი 73-ე კანონით განაწესებს სინანულს მთელი ცხოვრების განმავლობაში და მხოლოდ სიკვდილის წინ აძლევს მათ წმინდა ზიარების მიღების უფლებას.

კანონი 82

რაც შეეხება ფიცის დამრღვევებს, თუკი ძალადობითა და შეჭირვებით დაარღვიეს ის, ექვემდებარებიან ნაკლებად მძიმე სასჯელს, და ექვსი წლის შემდეგ შეიძლება სრულ ერთობაში იქნენ მიღებულნი. შეჭირვების გარეშე თავისი სარწმუნოების მოღალატემ კი, ორი წელი დაე, შეტირილად დაჰყოს, და ორი – მსმენელად. მეხუთე წელს დაე, ილოცოს შევრდომილებთან ერთად, და კიდევ ორი წელი ღოცვით ერთობაში მიიღებოდეს – ზიარების გარეშე, და ამგვარად, აჩვენებს რა ღირსეულ სინანულს, საბოლოოდ აამაღლებენ მას უფლის ხორცის საზიარებლად.

(მოც. 25; ტრულ. 94; ბასილი დიდის 10, 17, 29, 64)

თავის 64-ე კანონში, ბასილი დიდი ათწლიან ეპიტიმას განუწესებს ფიცის დამრღვევებს; წინამდებარე კანონში კი იგი განასხვავებს: იმათ, ვინც ძალდატანებით დაარღვია ფიცი, ექვსწლიან ეპიტიმას განუწესებს, ხოლო, ვინც ყოველგვარი ძალადობის გარეშე – თერთმეტწლიანს.

კანონი 83

გრძნების მოქმენდი და წარმართულ ჩვეულებათა მიმდევარნი, ან ასეთების საკუთარ სახლში შემომყვანებელნი – მისნობისა და განწმენდისათვის, დაე, ექვსწლიან განწესებას დაექვემდებარონ: წელიწადი შეტირილბად დაჰყონ, წელიწადი – მსმენელბად, სამი წელი – შევრდომილბად, და ერთი წელი ერთგულების გვერდით იღვნენ, და ამგვარად მიიღებოდნენ.

(ტრულ. 61, 65; ანკვირ. 24; ლაოდ. 36; ბასილი დიდის 65, 72)

წარმოდგენილი კანონის თანახმად, ვისაც გრძნეულების სჯერა, ექვსწლიან ეპიტიმიას იმსახურებს, ხოლო ამავე წმინდა მამის 65-ე კანონით, ოცწლიანი ეპიტიმით ისჯება ის, ვინც თავად იყო ამ საქმიანობით დაკავებული.

კანონი 84

ყოველივე ამას ვწერთ იმის გამო, რომ სინანული გამოიცადოს. რამეთუ ჩვენ არამარტო დროით ვმსჯელობთ ამის შესახებ, არამედ სინანულის ხარისხსაც ვუმზერთ. თუკი ვინმე დაუბღველად დგას თავის ზნეობაზე და ურჩევნია ხორცის სიამოვნებას ემსახუროს, ვიდრე უფალს, და არ იწყნარებს სახარებისეულ ცხოვრებას, მაშინ ასეთთან ჩვენ საერთო არაფერი გვაქვს. რამეთუ დაუმორჩილებელ და მოღავე ერში ჩვენ ამის მოსმენა გვისწავლია: „ცხოვნებით აცხოვნე სული შენი“ (დაბადება, 19, 17)

(I მსოფ. 12; ტრულ. 102; ბასილი დიდის 3, 74, 85; გრიგოლ ნოსელის 4, 5)

თავის 74-ე კანონში ბასილი დიდი ეპიკოპოსების ხელმწიფებას გადასცემს ეპიტიმიის ვადების შემცირებას იმათთვის, ვინც გულწრფელად მოინანი. წინამდებარე კანონში კი განაწესებს, რომ ეპიტიმიიდან არ გაათავისუფლონ ის პირები, რომლებიც არ ამჟღავნებენ წმინდა სინანულის ნაყოფს, და დატოვონ ეპიტიმის ქვეშ, უფრო მეტიც, — ასეთი გამოუსწორებელი ცოდვილები საერთოდ უნდა მიატოვონ ბედის ანაბარა, რადგან მათთან მუდმივი ურთიერთობის დროს, შეიძლება საკუთარი სულის საფრთხეში ჩაგდება (შდრ. დაბ. 19, 17).

კანონი 85

ამდენად, კი ნუ დავეუშვებთ, რომ ასეთთან ერთად ჩვენც წარვწყმდეთ, არამედ გვეწინოდეს მძიმე სასჯელისა, თვალწინ გვედგას საშინელი დღე უფლის მისაგებელისა და ნუ მოვინდომებთ სხვის ცოდვებთან ერთად დაღუპვას. უკუეთუ ვერ განვსწავლულვართ უფლის საშინელი განჩინებებით, და ამდენმა დარტყმებმა გონს ვერ მოგვიყვანა და ვერ შეგვაგონა, რომ ჩვენი ურჯულოების გამო მიგვატოვა უფალმა და ბარბაროსების ხელთ გადაგვცა, და რომ ხალხი ტყვედ წაასხა მტერმა და გაუხანტა, ვინაიდან ასეთ საქმეებზე გაკადნიერდნენ ქრისტეს სახელის მატარებელნი; უკუეთუ ვერც გააცნობიერა, ვერც მიხვდა, რომ ამისთვის გარდამოვიდა ჩვენზედ ღვთის რისხვა, მაშინ რაღა გვაქვს მათთან საერთო? მაგრამ დღისითაც და ღამითაც, საჯაროდაც და ცალკეც, ჩვენ უნდა დავეუბოწოთ მათ ჭეშმარიტება; მაგრამ, ნუ იყოფინ, რომ გატაცებულ ვიქნეთ მათი ურჯულოებით, უმეტესად კი ვილოცოთ, რათა შევიძინოთ ისინი და ამოვიყვანოთ მზაკერის მახედან. ხოლო, თუ ამას ვერ შევძლებთ, ვისწარაფვოთ, უკიდურეს შემთხვევაში, ჩვენი სულები მაინც ვიხსნათ საუკუნო სასჯელისაგან.

(I მსოფ. 12; ტრულ. 102; ბასილი დიდის 3, 84)

წინამდებარე კანონი წარმოადგენს 84-ე კანონის გაგრძელებას, ამიტომ რუსულ „კორმჩაიაში“ ორივე კანონი ერთ (84-ე) კანონადაა გაერთიანებული.* ისინი წარმოადგენს ამფილოქეს მიმართ ბასილი დიდის მესამე კანონიკური ეპისტოლეს დასკვნით ნაწილს. წინამდებარე 85-ე კანონი შეიცავს ეპისკოპოსების მიმართ დარიცხვას იმის თაობაზე, თუ როგორ უნდა მოექცნენ ცოდვილებს, კერძოდ: მტკიცედ უნდა იდგნენ წმინდა კანონების განწესებათა ნიადაგზე და ყოველმხრივ იზრუნონ მათი გადარჩენისათვის, ხოლო წარუმატებლობის შემთხვევაში უნდა ეცადონ, რომ თავად არ დასნებოვნდნენ ცოდვით და მარადიული სატანჯველისაგან, უკადურეს შემთხვევაში, საკუთარი სული მანაც გადაირჩინონ.

სხვა კანონიკური ეპისტოლედან წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა იკონიის ეპისკოპოსის, ამფილოქეს მიმართ

კანონი 86

გამორჩეულ ენკრტიკებს (თავშემკავებლებს) მათ მნიშვნელოვან შესიტყვევაზე, თუ რატომ არც ჩვენ ვჭამთ ყოველივეს, ასეთი პასუხი უნდა გაეცეთ: ჩვენ ჩვენი გამონაყოფიც გვძაგს. რამეთუ ღირსების მიხედვით, ჩვენთვის ბალახეული მწვანილიც ისეთივეა, როგორც ხორცი. მაგრამ, რაც შეეხება სასარგებლოს, როგორც მწვანილში ვარჩევთ ერთმანეთისგან მავნებელსა და მარგებელს, ისევე გამოვყოფთ ხორციშიც — მარგებელს მავნებელისგან. ვინაიდან კონიონიც მწვანილია და ძერის ხორციც ხორცია, მაგრამ საღი აზროვნების მქონე არავინ შეჭამას ღენცოფას, არც ძაღლის ხორცს მიეკარება, თუ არა უდიდეს გაჭირვებაში. ამიტომ მის მჭამელს არ შეუცოდავს.

(მოც. 51, 53; ანკვირ. 14; ღანგ. 2; ბასილი დიდის 1, 28, 47)

წინამდებარე კანონი აღებულია ბასილი დიდის ეპისტოლედან, რომელიც მის მიერ გაგზავნილია ამფილოქე იკონიელის მიმართ 376 წელს. ის ეხება იმავე ენკრტიკებს, რომელთა შესახებაც წმინდა ბასილი საუბრობს თავის 1 და 47-ე კანონებში. ენკრტიკები თავს იკავებდნენ ხორცის ჭამისგან, იმავდროულად, მართლმადიდებლებს საყვედურობდნენ, რომ ისინიც ერიდებიან ზოგიერთ კერძს. სწორედ ამ ცილისწამების უარყოფას შეიცავს წინამდებარე კანონი.

*ანალოგიურად არის ქართულ „დიდ სჯულისკანონშიც“.

ეპისტოლე წმინდისა მამისა ჩვენისა ბასილისი.
 კესარია-კაბაღუკიის მთავარეპისკოპოსისა ტარსის
 ეპისკოპოს დიოდორეს მიმართ

შესავალი

ჩვენამდე მოვიდა წერილი, რომელსაც დიოდორეს ხელმოწერა ჰქონდა; დანარჩენი მასში სხვა ვინმეს უფრო შეეფერებოდა, ვიდრე დიოდორეს. რამეთუ ვგონებ, ვინმე ცბიერმა, შენი სახელის მითვისებით გადაწყვიტა მსმენელის წინაშე თავისი სიტყვები სარწმუნო გაეხადა. მას მაგანი ეკითხება, დასაშვებია თუ არა გარდაცვლილი ცოლის დასთან შეუღლება. და იმის ნაცვლად, რომ ამ შეკითხვას შეეძრწუნებინა, იგი გულგრილად იღებს გაგონილს და შემკითხველს საკმაოდ გაბედულად და ძალისხმევით უბამს მხარს ამ სამარცხვინო გულისთქმაში. ახლა რომ ეს წერილი მქონდეს, აუცილებლად გამოვიგზავნიდი და საკუთარი ძალებით დაიცავდი შენს თავსაც და ჭეშმარიტებასაც. მაგრამ, რამდენადაც იმან, ვინც წერილი მაჩვენა, უკან წაიღო, და როგორც ჩემზე გამარჯვების ერთგვარ ნიშანს, — რომელიც მანამდე მსგავს ქორწინებებს ვრძალავდი, — ყველგან თან დაატარებს და ამბობს, რომ აქვს ამაზე წერილობითი ნებართვა. ამიტომ გწერ ამჟამად, რომ საკუთარი ხელით შევიარაღდეთ ამ ყალბი წერილის წინააღმდეგ და გამოვაცალოთ მას ყოველგვარი ძალა, რათა ვერ შეხდლოს იოლად აენოს მკითხველს.

კანონი 87

ამდენად, პირველი, და თანაც ამგვარ საქმეებში ფრიად მნიშვნელოვანი, რაც შეგვიძლია შევთავაზოთ, ეს არის ჩვენთან დაცული ჩვეულება, რომელსაც კანონის ძალა აქვს, რადგან ეს დადგენილებანი წმინდა მამებისგან გადმოგვეცა. ჩვეულება კი ასეთია: თუ ვინმე, უწმინდური ვნებით შეპყრობილი, ჩაუარდება უწესო კავშირის ცოდვაში ორ დასთან, მაშინ ეს ქორწინებად არც კი ითვლება და ეკლესიის შეკრებაში ასეთები მანამ არ მიიღებიან, ვიდრე ერთმანეთს არ დაშორდებიან. ამიტომ, სხვა არაფრის თქმაც რომ არ შეიძლებოდეს, ეს ჩვეულებაც საკმარისია ბოროტების საწინააღმდეგოდ. მაგრამ რადგანაც წერილის დამწერს მცდელობა ჰქონდა, რომ ცრუ დასაბუთებით ცხოვრების წესად ექცია მსგავსი სისაძაგლე, ამიტომ გვმართებს გონიერება მოვიკრიბოთ, თუმცა დღესავით ნათელ საქმეებში წინასწარი აზრი ყველასათვის უფრო ძლიერია, ვიდრე ფხიზელი მსჯელობა. ასე, ლევიტელთა წიგნში წერია, ამბობს იგი: „და ცოლად დამ ცოლისა შენისა შენსა არა მოიყვანო საწოლსა ზედა ხარჭად სიცოცხლესა მისსა გამოცხადებად სარცხუშენელი მისი“ (ლევ. 18, 18), და აქედან თითქოს ცხადი ხდება, რომ ნებადართულია ცოლის სიკვდილის შემდეგ მისი ღის შერთვა. ამაზე პირველ რიგში იმას ვუპასუხებ, რომ „რაოდენსა შჯული

იტყვს, მათ ეტყვს, რომელინი-იგი შჯულსა ქვეშე არიან“ (რომ. 3, 19). რამეთუ სხვაგვარად ჩვენ წინადაცვეთა უნდა ჩაგვეტარებინა, შაბათის უქმობა დაგვეცვა და ზოგიერთ კერძსაც მოვრიდებოდით. მაგრამ, ნუთუ ჩვენ, როდესაც ჩვენი სიამტკიბილობის დასაკმაყოფილებლად რამე გვჭირდება, რჯულის უღელს უნდა დავემორჩილოთ, ხოლო როცა რომელიმე მისი განწესება ძნელი მოგვეჩვენება, მაშინ ქრისტეში არსებული თავისუფლებისკენ მივემართოთ? ჩვენ გვეკითხებოდნენ, იძლევა თუ არა წმინდა წერილი ცოლის შემდეგ მის დაზე დაქორწინების უფლებას? ჩვენ ვპასუხობდით: არა, — რაც უხიფათოც არის ჩვენთვის და ჭეშმარიტებაც; მაგრამ კეთილად მოჩვენებული დასკვნით აზრის დაწესება იმის თაობაზე, რაზედაც საღმრთო წერილი ღუმს, ეს ნიშნავს რჯულმდებლობას და არა რჯულის დამოწმებას. რამეთუ ამის დაწესებით, ვინმე კადნიერს ნება მიეცემოდა ცოლის სიცოცხლეშიც შეერთო მისი და, რადგან ასეთი ცრუმსჯელობის მისადაგება ამ შემთხვევისთვისაც შეიძლება. დაწერილიაო, იტყვის იგი: „არა მოიყვანო საწოლსა ზედა ხარჭად“, შესაბამისად, რჯული არ კრძალავს მოიყვანო, თუ ეჭვიანი არ არის* ამიტომ ვნების დამცველი ამბობს, რომ დებს არა აქვთ ეჭვიანი ხასიათით. ამდენად, როდესაც არ არსებობს ორივესთან თანაცხოვრების ამკრძალავი მიზეზი, მაშინ რა უშლის ხელს ორივე დასთან შეუღლებას? ეს არ წერიაო, ვიტყვით ჩვენ, მაგრამ არც ის არის განსაზღვრული. ამ დასკვნიდან გამომავალი აზრი კი ერთის ნებასაც იძლევა და მეორისაც. გემართებდა ოდნავ უკან მიბრუნება, იქით, რაც წინ უსწრებს რჯულის ამ გამონათქვამს და ამით გაგვეფანტა ეს გაურკვეველობა. რამეთუ შენიშნულია, რომ რჯულმდებელი ცოდვის ყველა სახეს არ განიხილავს, არამედ საგანგებოდ ეხება ეგვიპტელთა ცოდვებს, — საიდანაც გამოვიდა ისრაელი, და ქანაანელთა, — სადაც იგი უნდა შესულიყო. რადგან იკითხება ასე: „მსგავსად სლეათა მათ ქუშყანას ეგვიპტელთასა, რომელთა შორის დამკვდრებულ იყუნით თქუმს, ეგრე არა ჰყოთ მსგავსად სლეისა მის ქუშყანასა ქანაანელთასა, ვიდრე იგი შეგიყვანნე თქუმს მუნ, არა ჰყოთ, და შჯულსა მათსა არა ხეიდოდით“ (ლევ. 18, 3). როგორც ჩანს, ცოდვის ამ სახეს არ პქონია მაშინ ადგილი წარმართთა ცხოვრებაში, ამიტომაც რჯულმდებელს არ დასჭირებია ერის მისგან დაცვა, — საკმარისი იყო სწავლების წინმსწრები ჩვეულება ამ სისაძაგლის უარსაყოფად. მაგრამ რატომ დადუმდა ნაკლებზე, როდესაც აკრძალა უმეტესი? იმიტომ, რომ ბევრ ხორცისმოყვარეს, პატრიარქის მაგალითში, — ცოლის სიცოცხლეშივე მისი დის შერთვასთან დაკავშირებით, — თავისთვის საზიანო დაენახა. ჩვენ კი რისი ქნა გვმართებს? დაწერილი ვილაპარაკოთ, თუ დადუმებული ვეძიოთ? რამეთუ აღნიშნულ კანონებში არც ის წერია, რომ მამა და ძე ერთ ხარჭთან არ უნდა შევიდნენ, მაგრამ წინასწარმეტყველთან ეს უდიდეს სასჯელს იმსახურებს. ამბობს: „ძე და მამა მისი შევიდოდეს მისევე მკველისა მიმართ,

*სათარგმნ წყაროში ნაცვლად: „ხარჭად“, გვევლება: „ეჭვიანი მეტოქე“, „ревнивая соперница“.

რათა შეაბილწონ სახელი ღუთისა მათისა“ (ამოსი 2, 7). და კიდევ რამდენი უწმინდური ვნების სახე მოიგონა ეშმაკის სასწავლებელმა, რომელთა შესახებაც წმინდა წერილი დუმს? არ სურდა რა დაერღვია თავისი წმინდა მნიშვნელობა სისაძაგლეებისათვის სახელწოდებების მინიჭებით, მან უწმინდურობას ზოგადი სახელი მისცა, როგორც ამას პავლე მოციქული ამბობს: „სიძვამ და ყოველი არაწმიდებამ გინა ანგაპირებამ ნუცარა სახელ-უღებთან თქვენ შორის, ვითარცა შუენის წმიდათა“ (ეფეს. 5, 3). „არაწმიდების“ სახელქვეშ იგი აერთიანებს მამაკაცებისა და დედაკაცების სხვადასხვა ქმედებებს, რომლებიც სახელწოდების ღირსიც კი არ არიან. ასე რომ, დუმილი არ იძლევა სიამტკბილობის უფლებას. მე კი ვიტყვი, რომ რჯულმდებელი არ დადუმებულა ურჯულოების ამ სახეობაზე, არამედ ძალიან მკაცრადაც აკრძალა იგი. რამეთუ სიტყვები: „კაცად კაცადი ყოველივე თვისა კორცსა არა მოუხდეს გამოცხადებად მარცხუწნელისა“ (ლევ 18, 6), ამ სახის ნათესაობას მოიცავს. რადგან ქმრისთვის ვინ უნდა იყოს თავის ცოლზე უფრო ახლობელი, ანუ – თავის ხორცზე? ისინი ხომ უკვე ორნი კი არა, ერთხორც არიან. ამგვარად, ცოლის მეშვეობით, მისი დამ უნათესავედება ქმარს: როგორც არ შეუძლია მას თავისი ცოლის დედაზე იქორწინოს, ან მის ასულზე, რადგან არ შეუძლია – საკუთარ დედაზე ან მის ასულზე, ასევე არ შეუძლია თავისი ცოლის დის მოყვანა, იმიტომ, რომ არ შეუძლია საკუთარი დის მოყვანა; და პირიქით, ცოლისთვისაც დაუშვებელია ქმრის ნათესაებთან თანაცხოვრება, რადგან ნათესაობის სამართალი ორივესთვის საერთოა. მე კი თითოეულს, ვინც ქორწინებასთან დაკავშირებით რჩევას მეკითხება, ვუმოწმებ, რომ „წარმავალ არს ხატი ამის სოფლისაჲ. ჟამი ესე შემოკლებულ არს ამიერითგან; და რაითა რომელთა ესხნენ ცოლ, ესრეთ იყვნენ, ვითარმცა არა ესხნეს“ (1 კორ. 7, 31, 29). თუკი ვინმე შემეპასუხება და შემდეგ ნათქვამს წარმომიდგენს: „აღორძინდით და განმრავლდით“ (დაბ. 1, 28), მაშინ მე გამეცინება იმაზე, ვინც ვერ ასხვავებს რჯულის დადების ჟამს. მეორედ ქორწინება არის სიძვის წინააღმდეგ სამკურნალო საშუალება, და არა – სიამტკბილობის წაქეზება. ნათქვამი: „უკუეთუ ვერ დაითმენენ, იქორწინენ“ (1 კორ. 7, 9). მაგრამ ამ შემთხვევაშიც არ უნდა იურჯულონ. ხოლო ისინი, რომლებიც სულს იბილწავენ უწმინდური ვნებებით, არც ბუნებას აქცევენ ყურადღებას, ძველთაგანვე რომ ასხვავებდა ნათესაობის გეარობას. საინტერესოა, რა გეარობის ნათესავეებს დაარქმევენ ორი ასეთი ქორწინებიდან დაბადებულებს? ძმებს უწოდებენ მათ თუ დეიდაშვილებს, რადგან აღრევის მიზეზით მათთვის ერთის წოდებაც შეიძლება და მეორისაც. არ ჰყო, ადამიანო, შენი შვილების დეიდა მათ დედინაცვალად, და იმას, ვინც გარდაცვლილი დედის ნაცვლად უნდა მოეფეროს მათ, ნუ აღჭურვავ დაუცხრომელი ეჭვით. რადგან დედინაცვალის ერთი ეჭვი საფლავს იქითაც ავრცელებს სიძულვილს, ან უფრო მეტიც: ყოფილი მტრები მკვდრებს ურიგდებიან, დედინაცვალნი კი სიკვდილით იწყებენ სიძულვილს. ხოლო მთავარი ზემოთქმულიდან შემდეგია: ვისაც კანონიერი ქორწინება სურს, მისთვის მთელი სამყარო ხსნილია;

მაგრამ თუკი მის სურვილს ვნება მართავს, მაშინ მით უმეტეს უნდა აეკრძალოს მას ქორწინება, რათა ისწავლოს „თავისი თვისსა ჭურჭელი მოგებად სიწმიდით და პატივით, ნუ ვნებითა გულის თქუმისადათ“ (1 თეს. 4, 4, 5). მინდა მეტი ვთქვა, მაგრამ წერილის ზომა მაკავებს. ვისურვებდი, რომ ან ჩემი შეგონება აღმოჩნდეს ვნებაზე ძლიერი, ან ეს ურჯულოება არ დათესილიყო ჩვენს სამთავროში, არამედ დარჩენილიყოს იმ ადგილებში, სადაც მასზე გაკადნიერდნენ.

(მოც. 19; ტრულ. 26, 54; ნეოკეს. 2; ბასილი დიდის 23, 68, 76, 78; ტიმოთე ალექსანდრიელის 11)

წინამდებარე კანონი შედგენილია ტარსელი ეპისკოპოსის დიოდორეს მიმართ ბასილი დიდის ერთი ეპისტოლედან (დაახ. 373 წ.). ბალსამონის სიტყვებით, მავანი შეეკითხა ეპისკოპოს დიოდორეს, შეუძლია თუ არა თავისი ცოლის გარდაცვალების შემდეგ მის დასთან იქორწინოს. ეპისკოპოსმა წერილობით უპასუხა, რომ შეუძლია, რამეთუ არ არსებობს ამისთვის რაიმე კანონიკური წინაღობა.* იმავდროულად, ბასილი დიდმა გამოსცა მსგავსი ქორწინებების აკრძალვის მკაცრი განწესება და ამ დროს მას აცნობეს თუ რა დაწერა ამის შესახებ დიოდორემ. ამ ეპისტოლეს შესავალში, ბასილი დიდი თავს ისე აჩვენებს, თითქოს არ სჯერა, რომ ეს დიოდორემ დაწერა და არა სხვა ვინმემ. აქ წმინდა ბასილი საფუძლიანად ამტკიცებს, რომ უპირობოდ უნდა აეკრძალოს ქვრივ მამაკაცს გარდაცვლილი ცოლის დასთან ქორწინება.

ეს აკრძალვა რომ საღმრთო სამართალს ეფუძნება, ჩვენ უკვე ვიხილეთ მოციქულთა მე-19 კანონის განმარტებაში, ხოლო პირი, რომელიც ასეთ ქორწინებაზე გაკადნიერდება, სიცოცხლის ბოლომდე რომ წმინდა ზიარებას ვერ ეღირსება, ამას გვეუბნება ანკვირიის კრების მე-2 კანონი. აღნიშნული ქორწინების უკანონობას ბასილი დიდი ამტკიცებს, პირველ რიგში, ეკლესიაში დამკვიდრებული ჩვეულებით, შემდეგ წმინდა წერილიდან მოხმობილი ციტატებით, დაბოლოს, არასწორი ოჯახური ურთიერთობებით, რაც, შეიძლება, ასეთი სახის ქორწინებამ გამოიწვიოს.

ჩვეულებასთან დაკავშირებით, ბასილი დიდი ამბობს, რომ პირველი და ყველაზე მნიშვნელოვანი ამ საკითხში არის – ყურადღების გამახვილება ჩვეულებაზე, რადგან ჩვეულებას კანონის ძალა აქვს. მას ეკლესიაში ყოველთვის კანონის თანაბარი მნიშვნელობა ჰქონდა, თუკი ეკლესია მის გამამართლებელ საფუძველს ხედავდა და თუ იგი განწმენდილი იყო ხანგრძლივი პრაქტიკული გამოცნებით. ჩვეულების კანონიერი ძალისა და მისი მნიშვნელობის შესახებ მსჯელობის წესად მიღებული იყო ბერძნულ-რომაული კანონმდებლობის განწესებანი, რომელთაგან ზონარა თავის განმარტებაში რამდენიმეს იშველიებს.** ჩვეულებრივი სამართლის

*ათენის სინტაგმა, IV, 259.

**მაგალითად: „რასთან დაკავშირებითაც არ არსებობს დაწერილი კანონი, უნდა იყოს დაცული ჩვეულება... ძველი ჩვეულებები გამოიყენება კანონის თანასწორად... ხანგრძლივი ჩვეულებებს კანონის ძალა აქვთ იქ, სადაც არ არის კანონები წერილობითი სახით... ხანგრძლივი ჩვეულებით დამტკიცებული და მრავალი წლის განმავლობაში შენარჩუნებული, დაწერილ კანონებზე არანაკლებ მნიშვნელობისაა“. ათენის სინტაგმა, I, 39.

მიხედვით, წმინდა ბასილის სიტყვებით, ორ დასთან ქორწინებას უკანონო ურთიერთობა ეწოდება და არასდროს ითვლებოდა ქორწინებად. ის, ვინც ერთ დაზე იყო დაქორწინებული და მისი გარდაცვალების შემდეგ მეორე დაზე დაქორწინდა, ეკლესიაში შესვლის უფლებასაც კი კარგავდა, ვიდრე არ განეშორებოდა იმას, ვისთანაც უკანონოდ ცხოვრობდა. მარტო ამის საფუძველზეც კი, სხვა მტკიცებულებაც რომ არ არსებობდეს, – აგრძელებს ბასილი დიდი, – ყველასათვის ცხადი ხდება, თუ რაზომ ბოროტებაა ამგვარი ქორწინება. იმის გამო, რომ თავისი აზრის გასამართლებლად დიოდორე ეყრდნობა წმინდა წერილის ზოგიერთ ადგილს, ამიტომ ბასილი დიდიც წმინდა წერილს მიმართავს და დახვეწილად აანალიზებს შესაბამის ადგილებს.

დიოდორემ მოიყვანა სიტყვები ლევიტელთა წიგნიდან (18, 18), სადაც ნათქვამია, რომ მამაკაცმა არ უნდა მოიყვანოს ცოლად ის, ვინც თავისი დის მიმართ იეჭვიანებს, არც იურთიერთის ასეთთან, ვიდრე მისი და ცოცხალია, და აქედან დასკვნა გამოიტანა, რომ ცოლის გარდაცვალების შემდეგ შეიძლება მის დაზე დაქორწინება. ამაზე ბასილი დიდი უპირველესად პასუხობს პავლე მოციქულის სიტყვებით (რომ. 3, 19), რომ რჯული, თუკი რამეს ამბობს, რჯულქვეშ მყოფთათვის ამბობს, რადგან ეს რომ ასე არ ყოფილიყო, მაშინ ჩვენ წინადაცვეთა უნდა ჩაგვეტარებინა, შაბათის უქმე გვედღესასწაულა და გარკვეული კერძებისაგან თავი შეგვეკავებინა. ეს კი იმის ნიშანი იქნებოდა, რომ ძველი აღთქმიდან გვსურს იმის მიღება, რაც მოგვწონს, სხვა დანარჩენი კი, რაც არ მოგვწონს, გვერღზე გვინდა გადავდოთ და ქრისტეს რჯულით შევცვალოთ. კითხვა დამისვეს, – აგრძელებს წმინდა ბასილი, – იძლევა თუ არა წმინდა წერილი ყოფილი ცოლის დაზე დაქორწინების უფლებას, და მე ვუპასუხე, რომ არ იძლევა, და ეს წმინდა სიმართლეა; ხოლო იქიდან, რაც „უთქმელია“, გამოჰყავს დასკვნა, ანუ ამბობს: „თუკი კანონი კრძალავს ჯერ კიდევ ცოცხალი ცოლის დაზე დაქორწინებას, რათა ეჭვი არ გააღვივოს, მაშინ, აქედან გამომდინარე, ამის გაკეთება შეიძლება, როდესაც ის მოკვდება, რამეთუ მაშინ ეჭვის მიზეზი აღარ ექნება, – ხომ არ ნიშნავს ეს თავის თავზე კანონმდებლის როლის აღებას, საკუთარი კანონების შემოღებას და არსებული კანონების უგულებელყოფას? ვინაიდან, თუ ჩვენ ქმარს ნებას მივცემთ პირველი ცოლის გარდაცვალების შემდეგ მის დაზე დაქორწინდეს, იმის გამო, რომ მაშინ, უკვე ეჭვის ადგილი აღარ რჩება, ასეთ შემთხვევაში ჩვენ ამის ნება შეგვიძლია მივცეთ ცოლის სიცოცხლეშიც, – თუ გვეცოდინება, რომ თავიანთი ბუნებით ეს დები ეჭვიანები არ არიან. შეიძლება შემოგვედავონ, რომ ეს არ არის წმინდა წერილში ნათქვამი, მაგრამ წმინდა წერილში არც ის არის ნათქვამი, რომ ცოლის გარდაცვალების შემდეგ ქმარს შეუძლია მის დაზე იქორწინოს“. ამის მერე ბასილი დიდი დასძენს, რომ აზრის სიცხადისათვის ყურადღება უნდა მივაპყრობთ იმ გარემოებას, თუ რა პირობებში დააწესა ეს მოსემ. რჯულმდებელს არ ჰქონია განზრახვა ცოდვის ყველა გვარობა გამოემულავენებინა, არამედ მხოლოდ ეგვიპტელების ცოდვა, ვისთანაც ადრე ებრაელი ერი ცხოვრობდა, და – ქანაანელების, ვისთანაც შემდგომში ამ ერს ურთიერთობა მოუწევდა. სარწმუნოა, რჯულმდებელმა ეს ცოდვა იმიტომ აკრძალა [დიოდორეს მიერ მოსხენიებული], რომ ზოგიერთებმა მიონდომეს პატრიარქ იაკობის მაგალითს მიჰყოლოდნენ, რომელიც ერთდროულად ორ

დასთან – ლიასთან და რაქელთან ცხოვრობდა. რჯულში, – ამბობს ბასილი დიდი, – ბევრი რამ „უთქმელია“, მაგრამ მაინც აკრძალულია; ასე მაგალითად, რჯულში არ არის ნათქვამი, რომ მამამ და ძემ ერთდროულად ერთი და იგივე ხარჭი არ უნდა იყოლიონ, მაგრამ წინასწარმეტყველმა ეს აკრძალა, როგორც უკანონო ქმედება (იხ. ამოსი, 2, 7). „ეშმაკის სასწავლებელმა“ ადამიანებს ბევრი ცოდვა და უკეთური ვნება ასწავლა, მაგრამ წმინდა წერილმა არ ინება ყველა ისინი ჩამოეთვალა, და მათ ერთი საერთო სახელი – უწმინდურება („არაწმიდებამ“) უწოდა, რათა საძაგელი სიტყვებით არ შებილწოს საკუთარი სიწმინდე, როგორც ამის შესახებ პავლე მოციქული საუბრობს (იხ. ეფეს. 5, 3); და თუ ამის გამო არაფერია ნათქვამი ზოგიერთი ცოდვის შესახებ, ეს მაინც არავის აძლევს უფლებას უხამსი საქმეები ჩაიდინოს. თუმცა, ეს ცოდვა არ არის „უთქმელი“ წმინდა წერილში, – ამბობს ბასილი დიდი, – ვინაიდან, თუკი რჯულმდებელი იტყვის, რომ არავინ მიუახლოვდეს თავის ხორციელ ნათესავს იმ მიზნით, რომ მისი სიწმიდე იხილოს (ლევ. 18, 6), ამით აღნიშნული სახის ცოდვაც იკრძალება. თუკი ცოლი და ქმარი ერთხორც არიან, როგორც ამას წმინდა წერილი ამბობს, მაშინ ყველამ უნდა აღიაროს, რომ ნათესაურად ქმარი ძალიან ახლოს არის თავისი ცოლის დასთან; და მსგავსად იმისა, როგორც არავის შეუძლია დაქორწინდეს თავისი გარდაცვლილი ცოლის დედაზე, ან თავის გერზე (რადგან ისინი გაიგივებულია საკუთარ დედასთან და ასულთან), ასევე, ვერავინ დაქორწინდება თავისი გარდაცვლილი ცოლის დასთან, რამეთუ ვერ დაქორწინდება საკუთარ დასთან. ამგვარი ქორწინების დამცველთა მიერ მოყვანილ სიტყვებს წმინდა წერილიდან „აღორძინდით და განმრავლდით“ (დაბადება, 1, 28), ბასილი დიდი პასუხობს, რომ მას მსგავსი ადამიანები სასაცილოდ ეჩვენება, რამეთუ ისინი ერთმანეთისგან ვერ ასხვავებენ იმ დროს, – როდესაც ეს სიტყვები იყო ნათქვამი, – და დღევანდელ დროს. აღნიშნული სიტყვები მიემართებოდა პირველ წყვილს, მაშინ როდესაც ადამიანები დედამიწაზე ძალიან ცოტანი იყვნენ. ამიტომ სავსებით ბუნებრივი იყო, რომ ადამის შვილებს ერთმანეთში უნდა ექორწინათ, მაგრამ, ნუთუ ამ სიტყვებიდან გამომდინარეობს, რომ ახლაც უნდა დაქორწინდნენ ერთმანეთზე ღვიძლი დები და ძმები? ზუსტად ასევე, ბასილი დიდი უარყოფს მოწინააღმდეგეთა სხვა შეხედულებასაც, თითქოს მეორედ დაქორწინება ნებადართული ყოფილიყო. ის ამბობს, რომ მეორე ქორწინება მხოლოდ სიძვის თავიდან ასაცილებლად არის ნებადართული, და არა – ავხორცეული ჭინის დასაკმაყოფილებლად. თუკი პავლე მოციქული ამის უფლებას იძლევა (იხ. 1 კორ. 7, 9), ის მაინც არ იძლევა მისი საშუალებით ურჯულოებაში ჩავარდნის ნებას. ეს ქორწინება კი, რომლის გამართლებასაც ცდილობდნენ, სწორედ რომ ურჯულოებაა.

წმინდა წერილის იმ ციტატების გარჩევის შემდეგ, რომლებითაც დიოდორე აღნიშნულ ქორწინებაზე თავის მიერ გაცემული ნებართვის გამართლებას ცდილობდა, ბასილი დიდი ყურადღებას მიაპყრობს ოჯახურ ურთიერთობებსაც და ამბობს, რომ მსგავსი ქორწინებების შემთხვევაში ისინი ერთმანეთში გადაიხლართებოდა. მაგალითად, თუ გარდაცვლილ ცოლის დაზე დაქორწინებულ პირს შვილები ეყოლება როგორც პირველი, ისე მეორე ცოლისგან, მაშინ რა სახის ნათესაობას ექნება მათ შორის ადგილი? ისინი ერთმანეთის მიმართ ძმებიც (დები, და-ძმა)

იქნებიან და დეიდაშვილებიც; ღვიძლი ძმები (დები, და-ძმა) იქნებიან მამის მხრიდან, ხოლო დეიდაშვილები – დედის მხრიდან. განა ეს ბუნების საწინააღმდეგო არ არის? კიდევ, ბასილი დიდი ჩერდება შვილების მდგომარეობაზე პირველი ქორწინებიდან, რომლებსაც დედინაცვლად ეყოლებათ საკუთარი დეიდა, ამასთან დაკავშირებით, ზემომოყვანილ კანონში იძლევა ბრწყინვალე რჩევას: „ნუ გახდი, ადამიანი, შვილების დეიდას მათ დედინაცვლად“ და ა. შ. (იხ. ზემოთ).*

ბასილი დიდის ამ კანონთან, ანუ ეპისტოლესთან მიმართებით, ბალსამონი წერს: „დიდი მამის ეპისტოლე დიოდორეს მიმართ, თუმც საესება ყოველგვარი სიბრძნითა და ჭეშმარიტი მჭერმეტყველებით და მასში ისმის ყოვლადწმიდა სულის სიმების ხმა, ახლანდელი დროის (XII ს.) პრაქტიკაში მანც გამოუყენებელია: იგი აკანონებს, რომ არავინ იყოლიოს ცოლად ორი და, რაც ღვთის მადლით, ამჟამად არც ერთ ქრისტიანს აზრადაც არ მოუვა... მაგრამ ყოველთვის გახსოვდეს ეს საღმრთო ეპისტოლე, რამეთუ ის, რაც მასში განწესებულია, მართალია, დღევანდელი ცხოვრებისათვის მიუსადაგებელია, მაგრამ მასში გადმოცემული დასკვნა, მსჯელობა და შედარებები, განსაკუთრებით ის რაც შედგენილია და არგუმენტად არის მოყვანილი ძველი აღთქმისა და დიდი პაულე მოციქულის სიტყვების საფუძველზე, საკმაოდ სასარგებლოა სხვა მიზნებისათვის“.**

ეპისტოლე წმინდისა მამისა ჩვენისა ბასილისი, კესარია-კაზაღშქის მთავარეპისკოპოსისა ბრიტოლ გვგლის მიმართ

კანონი 88

უდიდესი მოთმინებით წაეკითხე შენი წერილი და გამიკვირდა, რომ შენ, შეგეძლო რა იოლად გაგემართლებინა თავი ჩემ წინაშე საქმით, ამჯობინებ იმაში დარჩე, რაშიც ბრალი დაგედო და ცდილობ მრავალსიტყვაობით განკურნო განუკურნებელი. პოი, გრიგოლ, ჩვენ არც პირველები ვართ და არც ერთადერთი კანონმდებელნი. ნუ იყოფინ ქალი და კაცი ერთ ჭერქვეშ. წაიკითხე კანონი ნიკეის კრებაზე ჩვენი წმინდა მამების მიერ განცხადებული, რომელიც აშკარად კრძალავს თანასახლეულად დედაკაცის ყოლას; უქორწინებლობის ღირსება სწორედ იმაშია, რომ დედაკაცისგან განცალკევებით იცხოვრო. ხოლო ისინი, ვინც ქალწულების სახელით წარმოდგებიან, სინამდვილეში კი იმას აკეთებენ, რასაც ქალებთან მცხოვრებნი, ასეთებს, როგორც ჩანს, მხოლოდ სახელით უნდათ ქალწულობის პატივის მოპოვება, საქმით კი არ სურთ სასირცხვილო სიამტკბილობა დაუტეონ. მით უფრო გამართებდა შენ ჩემი თხოვნა შეგესრულებინა, რაკი თვითონ ამბობ, რომ თავისუფალი ხარ ყოველგვარი ხორციელი ვნებისგან. არ ვფიქრობ, რომ

*ამ კანონთან დაკავშირებით იხ. ზონარას განმარტება ათენის სინტაგმაში, IV, 264-268.

**ათენის სინტაგმა, IV, 268.

სამოცდაათი წლის ადამიანი დედაკაცთან ვნებით ცხოვრობდეს და, რაც ჩვენ დავადგინეთ, დავადგინეთ არა რაიმე სრულიად უკანონო ქმედებისათვის, არამედ იმისათვის, რომ მოციქულთაგან ვისწავლეთ: არ შეიძლება ძმას მიეცეთ დაბრკოლებისა და საცდურის მიზეზი (იხ. რომ. 14, 13) და ვიცოდეთ, რომ ზოგიერთი რამ ერთისთვის უაღრესად წმინდა, მეორესთვის შეიძლება ცოდვის მიზეზი გახდეს. ამიტომაც დავადგინეთ, მიეყვებით რა წმინდა მამათა განწესებებს, რომ შენ იმ ქალს უნდა დაშორდე; და რად სდებ ბრალს ქორეპისკოპოსს და იხსენებ ძველ წყენას? რატომ გვსაყვედურობ, თითქოს იოლად ვისმენდეთ ცილისწამებებს და ამ დროს არ საყვედურობ საკუთარ თავს იმისათვის, რომ არ შეგიძლია შეეღიო მიჩვეულ ქალს? ასე რომ, გაიყვანე ის შენი სახლიდან და მონასტერში გაამწყსე. დაე, ქალწულებთან იყოს, შენ კი მამაკაცები მოგემსახურონ, რომ თქვენგან ღვთის სახელი არ იქნეს შეგინებული (შდრ. რომ. 2, 24), და სანამ ამას არ შეასრულებ, ათასი გამართლებაც არ გიშველის, რასაც წერილში მოიყვან; თანაც იცოდე, მოკვდები როგორც უმოქმედო და, ღმერთის წინაშე პასუხს აგებ მოუმუშაკებლობისათვის; ხოლო თუ არ გამოსწორდები და სამღვდელო მსახურებას ისე განიზრახავ, შეჩვენებულ იქნები მთელი ერის წინაშე, შენი შემწყნარებელი კი ეკლესიიდან განიკვეთებიან“.

(I მსოფ. 3; ტრულ. 5, 12, 13; VII მსოფ. 18; კართ. 3, 38, 70)

იხ. I მსოფლო კრების მე-3 კანონის განმარტება, სადაც წინამდებარე კანონის, ანუ გრიგოლის მიმართ ეპისტოლეს შესახებ იყო საუბარი.

კანონიკური ეპისტოლე წმინდისა მამისა ჩვენისა ბასილიისი, კესარია-კაპადოკიის მთავარეპისკოპოსისა ქორეპისკოპოსების მიმართ

კანონი 89

ძალიან ეწუხვარ, რომ მამათა კანონები დატყვევებულია და ყოველგვარი სიმკაცრე განდევნილია ეკლესიიდან. ვშიშობ, რომ საეკლესიო საქმენი სრულ არეულობაში არ მოვიდეს, როდესაც ეს გულგრილობა ნელ-ნელა თავისი გზით წავა. საღმრთო ეკლესიებში ძველთაგანვე დამკვიდრებული ჩვეულების თანახმად, ეკლესიის მსახურებად მიიღებოდნენ მკაცრი გამოცდით და ყველა მათი საქციელი გულმოდგინედ გამოიძიებოდა: ხომ არ არიან ბოროტისმეტყველნი, მემთვრალენი, შფოთისკენ მიდრეკილნი, კრძალვით თუ ატარებენ სიჭაბუკეს? – რათა შეუდგენენ სიწმინდეს, „რომლისა თუნეიერ ვერეინ იხილოს უფალი“ (ებრ. 12, 14) და ამას იკლევდნენ მათ ახლომახლო მცხოვრები მღვდლები და დიაკვნები, შედეგებს კი ქორეპისკოპოსებს აუწყებდნენ. ისინი კი, მიიღებდნენ რა უტყუარ ცნობებს ჭეშმარიტი მოწმეებისაგან, წარუდგენდნენ ეპისკოპოსებს, ამგვარად ხდებოდა მათი ჩარიცხვა

წმინდა დასში. ამჟამად კი, უპირველესად ჩვენ უარგვეყავით, შეტყობინებასაც აღარ თვლით საჭიროდ და მთელი ხელისუფლება ხელში გაქვთ ჩაგდებული. შემდეგ, იჩნთ რა დაუდევრობას ამ საქმეში, მღვდლებსა და დიაკვნებს უფლება მიეცით ვინც მოესურვებათ, მათი ცხოვრების გამოუძიებლად, მაგრამ მიკერძობით – ან ნათესაობის, ან სხვა რამე სახის მეგობრობის მიზეზით – თუნდაც უღირსნი, შეიყვანონ ეკლესიაში. ამიტომაც ბევრი ეკლესიის მსახურია თითოეულ სოფელში, მაგრამ არავენაბა საკურთხეველის ღირსეული მსახური, როგორც ამას თავადვე მოწმობთ, როდესაც ამბობთ, რომ ვერ პოულობთ სამღვდელოდ ასარჩევ მამაკაცებს. რადგან ამ საქმემ საბოლოოდ მიიღო განუკურნებელი ხასიათი, განსაკუთრებით ახლა, როცა ძალიან ბევრი სამხედრო სამსახურში გამოძახების შიშით მიდის ეკლესიის მსახურად, ამიტომ მე, აუცილებლობიდან გამომდინარე, მოვითხოვ მამათა კანონების აღდგენას. ამასთან დაკავშირებით, მოგმართავთ, რომ გამომიგზავნოთ თითოეული სოფლის ეკლესიის მსახურთა ნუსხა, იმის ჩვენებით, ვინ ვის მიერ არის დადგინებული და როგორია მისი ცხოვრების წესი. თქვენც იქონიეთ ასეთი ნუსხები, რათა შესაძლებელი იყოს ჩემთან არსებულ ჩანაწერებთან შედარება, რომ არავის მიეცეს საშუალება საკუთარი თავის ჩაწერა, როცა მოესურვება. ამგვარად, რომლებიც მღვდლების მიერ არიან მიღებულნი პირველი ინდიქტიონის შემდეგ, დაე, ერისკაცთა რიგებში იქნენ გადაყვანილნი და მხოლოდ თქვენგან ჩატარებული გამოცდის შემდეგ, თუკი ღირსნი აღმოჩნდებიან, მიღებულ იქნენ კვლავ თქვენი გადაწყვეტილებით. განწმინდეთ ეკლესია, განაძევეთ მისი მსახურებიდან უღირსნი, და შემდგომში ღირსეულნი გამოსცადეთ და მიიღეთ, მაგრამ დასში არ ჩარიცხოთ, ვიდრე მე არ წარმომიდგენთ. სხვაგვარად, იცოდეთ, ვინც საეკლესიო მსახურებაში ჩემი ნებართვის გარეშე იქნება მიღებული, ერისკაცად ჩაითვლება.

(I მსოფ. 8; VII მსოფ. 14; ნეოკეს. 14; ანტიოქ. 8, 10; ლაოდ. 57; თეოფილე აღლქსანდრიელის 7)

წინამდებარე კანონი შედგენილია ბასილი დიდის ეპისტოლედან თავისი ქორეპისკოპოსების მიმართ, რომელიც მან დაწერა კესარიის კათედრაზე თავისი დადგინების პირველ წელიწადს, შესაბამისად – 370 წელს. ქორეპისკოპოსებისა და ეკლესიაში მათი მნიშვნელობის შესახებ, ჩვენ ვისაუბრეთ ანკვირიის კრების მე-13 კანონის განმარტებაში. ზოგიერთი სხვა კანონების განმარტებაში კი (იხ. პარალ. კანონები), ჩვენ ვნახეთ, თუ როგორ ცდილობდნენ ქორეპისკოპოსები უკანონოდ მიეთვისებინათ ქალაქის ეპისკოპოსის ზოგიერთი უფლება. წარმოდგენილი კანონის დასაწყისში, ბასილი დიდი იხსენებს მამების კანონებს ამ საკითხთან მიმართებით და დანაწევრებით ამბობს, რომ ქორეპისკოპოსებმა დაივიწყეს ისინი. ეხება რა იმ უწესრიგობებს, რაც ყოველივე ამას მოჰყვება ხოლმე, შენიშნავს, რომ ამის უმთავრესი მიზეზი დასში სხვადასხვა პირის განურჩევლად მიღებაა. ამის შემდეგ, წმინდა ბასილი განუწყობს მასზე დაქვემდებარებულ ქორეპისკოპოსებს, შემდგომში მკაცრად გამოსცადონ კლირიკოსობის მსურველი თითოეული პირი და როდესაც ვინმეს

ღირსად ჩათვლიან, გააკეთონ მისი წარდგენა, ხოლო ბასილი თავად გადაწყვეტს, მიიღონ თუ არა აღებულნი პირი სასულიერო დასში.

**წმინდისა მამისა ჩვენისა ბასილისი,
ქესარიის-კაპადოქიის მთავარეპისკოპოსისა მასზე
დაქვემდებარებულნი ეპისკოპოსების მიმართ**

კანონი 90

იმ საქმის უცნაურობამ, რომლის შესახებაც გწერთ, და რომელიც საერთოდ გახდა ეჭვებისა და მოარული ხმების საგანი, ჩემი სული მწუხარებით ააესო; თუმცაღა, მე ეს დაუჯერებლად მომეჩვენა. ამდენად, ეს წერილი დამნაშავეებმა მიიღონ, როგორც სამკურნალო; უდანაშაულებმა — როგორც გაფრთხილება; ხოლო ვინც ერთნაირად გულგრილია კეთილისა და ბოროტის მიმართ, რისი აღმოჩენაც თქვენში არ მინდა, — როგორც მოწმობა თავის წინააღმდეგ. რა არის ეს, რის შესახებაც ვსაურობ? მავანნი ამბობენ, რომ ზოგიერთი თქვენგანი ფულს იღებს თქვენ მიერ ხელდასხმული პირისგან, და ამას კეთილმსახურების სახელით ნიღბავს, — რაც კიდევ უფრო უარესია. რადგან, თუკი ვინმე ბოროტებას სჩადის, კეთილს ამოფარებული, ესევეითარი განსაკუთრებული სასჯელის ღირსია; იმისთვისაც, რომ არაკეთილს იქმს, და იმისთვისაც, რომ იყენებს კეთილს, — ასე ვთქვათ, — დამხმარედ ცოდვის აღსრულებაში. თუკი ეს ასეა — ამიერიდან აღარ იყოს, დაე, გამოსწორდეს. ვერცხლის ამღებს უნდა ვთქვას ის, რაც მოციქულებმა უთხრეს ვერცხლის მიცემის მსურველს, რომელსაც ამით სულიწმიდის მადლის ყიდვა უნდოდა: „ვეცხლი ვგე შენი შენთანავე იყავნ წარსაწყმედელად შენდა“ (საქ. 8, 20). რამეთუ ნაკლებად სცოდავს ის, ვისაც უმეცრებით სურს იყიდოს ღვთის ნიჭი, ვიდრე მისი გამყიდველი, — ეს სწორედ რომ გაყიდვა არის. და თუ უსასყიდლოდ მიღებულს ჰყიდი, ეს იგივეა, რომ სატანაზე მიგიყიდი, ამიტომაც წაგერთმევა ბოძებული. რამეთუ შენ უკანონო ვაჭრობა შემოგაქვეს სასულიერო საქმიეებსა და ეკლესიაში, სადაც ჩვენ ქრისტეს ხორცი და სისხლი მოგვანდეს. ყოვლად დაუშვებელია ამასთან ასეთი ქმედება. გეტყვით რაში მდგომარეობს ცბიერება. ფიქრობენ, რომ არ სცოდავენ, როდესაც იღებენ არა უშუალოდ ხელდასხმისას, არამედ — მერე. ქრთამი, როდესაც არ უნდა მოხდეს მისი აღება, ყოველთვის ქრთამია. ასე რომ, გვედრებით, მიატოვეთ ეს შემოსავალი, ან უფრო სწორედ, გეპენიაში შესასვლელი ეს კარი, და ნუ ჰყოფთ თქვენს თავს წმინდა საიდუმლოთა აღსრულების უღირსად, — ასეთი ქრთამით ხელების შებიღწევით. შემინდეთ, რომ თავიდან თითქოსდა არ მჯეროდა, შემდეგ, თითქოსდა, დავიჯერე, და ახლა გემუქრებით: თუკი ვინმე ამ ჩემი ეპისტოლეს შემდეგ რაიმე მსგავსს ჩაიდენს, დაე, მოშორდეს აქაურ საკურთხ-

ველებს და სხვაგან ეძებოს ადგილები, სადაც შესძლებს იყიდოს და გაყიდოს ღვთის ნიჭი. რამეთუ ჩვენ და საღმრთო ეკლესიას ასეთი ჩვეულება არა გვაქვს (შდრ. 1 კორინ. 11, 16). ერთსაც დაესძენ და დავასრულებ: ეს ხდება ვერცხლისმოყვარეობიდან, ვერცხლისმოყვარეობა კი ყველა ბოროტების ფესვია (იხ. 1 ტიმოთ. 6, 10), და იწოდება კერპთმსახურებად (იხ. კოლას. 3, 5). ამდენად, ნუ გაცვლით ქრისტეს კერპებში ვერცხლის სანაცვლოდ, და უფრო მეტიც: ნუ მიბაძავთ იუდას მექრთამეობაში; მეორედ ნუ გაყიდით ერთხელ უკვე ჩვენთვის ჯვარცმულს, რამეთუ ასეთი ნაყოფის გამოძღვებულთა სოფლებსაც და ხელებსაც აკელდამა დაერქმევა.

(მოც. 29; IV მსოფ. 2; ტრულ. 22; VII მსოფ. 19; გენადის ეპისტოლე; ტარასის ეპისტოლე)

ეს კანონიც შედგენილია ბასილი დიდის მიერ თავისი მღვდელმთავრობის პირველ წელიწადს დაწერილი ეპისტოლედან, მასზე დაქვემდებარებული ეპისკოპოსების მიმართ.

IV საუკუნის მეორე ნახევარში, როგორც ჩანს, სიმონია არამტუ ფართოდ იყო გავრცელებული ეკლესიაში, არამედ მისი გამართლებისათვის ბევრი პირი არგუმენტებსაც კი იშველიებდა. ეპისკოპოსები, რომლებსაც წინამდებარე ეპისტოლე მიემართებათ, თავს იმით იმართლებდნენ, რომ ფულს ხელდასხმის დროს კი არ იღებდნენ, არამედ მის შემდეგ და, შესაბამისად – არ სცოდავდნენ. ამაზე ბასილი დიდი პასუხობს, რომ ქრთამი ყოველთვის ქრთამია, როდესაც არ უნდა აიღო. ამიტომ მკაცრად განიკითხავს მათ და დამნაშავეებს მღვდელმოქმედების აკრძალვით ემუქრება, ამასთანავე, ეუბნება, რომ ასეთმა პირებმა თავისთვის სხვა ადგილი მოძებნონ, სადაც შესძლებდნენ ღვთის ნიჭის ფულით ყიდვა-გაყიდვას. სიმონიის წყაროა ვერცხლისმოყვარეობა – ყოველგვარი ბოროტების ძირი (იხ. 1 ტიმ. 6, 10), ვერცხლისმოყვარეობა კი კერპთაყვანისმცემლობაა (იხ. კოლ. 3, 5), და აქედან გამომდინარე, ვინც ვერცხლისმოყვარეობით ჰყიდის ღმერთის ძღვენს, ის ამით აჩვენებს, რომ კერპებს უფრო სიამოვნებით სცემს თავყვანს, ვიდრე ღმერთს და, ამგვარად, ემსგავსება იუდას; რამეთუ, როგორც იუდამ გაყიდა ქრისტე ვერცხლის გამო, ასევე სიმონიტი ყიდის ხელმეორედ ჩვენთვის ჯვარცმულ ქრისტეს. ხელთადასხმისათვის სიმონიტის მიერ აღებულ ქრთამს უნდა იწოდოს აკელდამა („სისხლის დაბა“, იხ. საქმ. 1, 19), ვინაიდან, როგორც ის მიწა, ფულით ნაყიდი და იუდას მიერ ქრისტეს გაცემისათვის მიღებული იწოდა სისხლის საფასურად, ასევე უნდა იწოდებოდეს ის ფულიც, რომელსაც სიმონიტები იღებენ ღმერთის მადლის გაყიდვით, და ის ადგილებიც, რომლებსთვისაც ხარისხში აჰყავთ ფულის გადამხდელეები. ბასილი დიდის წინამდებარე კანონი თავის ეპისტოლეში მოჰყავს კონსტანტინოპოლის პატრიარქ ტარასისაც (იხ. ქვემოთ).

წმინდა ბასილის, ნეტარი აფვილოქესადმი
სულიწმიდის შესახებ დაწერილი
წიგნის 27-ე თავიდან

კანონი 91

ეკლესიაში დაცულ დოგმატებსა და ქადაგებებს შორის ზოგიერთი წერილობითი დამოძღვრებით გვაქვს, ზოგიერთი კი მოციქულთა გადმოცემით გვაქვს მიღებული, საიდუმლოდ. ერთსაც და მეორესაც ერთნაირი ძალა აქვს კეთილმსახურებისათვის, და ამას არავინ ხდის საკამათოს, ვინც კი ოდნავ მაინც გაცნობიერებულია საეკლესიო განწესებებში. რადგან, თუკი უარყოფთ დაუწერელ ჩვეულებებს, როგორც დიდი ძალის არმქონეთ, მაშინ აუცილებლად ვაენებთ სახარებას მნიშვნელოვან საკითხებში, ან უფრო მეტიც – ჩვენი ქადაგება შეიკვეცება და მხოლოდ სახელწოდება დაგვრჩება. მაგალითისთვის დავასახელებ უპირველესსა და საერთოს: ჩვენი უფლის, იესო ქრისტეს მსასობელებმა პირჯვარი რომ უნდა გამოისახონ, ვინ გვასწავლა ეს წერილით? აღმოსავლეთისკენ პირშექცევით ღოცვა რომელმა წერილმა გვასწავლა? მოხმობის სიტყვები პურის გარდაქცევისას ევქარისტიაში და კურთხევის ბარძიმში, რომელმა წმინდანმა დაგვიტოვა წერილობით? რამეთუ ჩვენ არ მივიჩნევთ საკმარისად იმ სიტყვებს, რომლებსაც მოხსენიებს მოციქული ან სახარება, და მანამდე ან მის შემდეგ წარმოვთქვამთ სხვა სიტყვებსაც, როგორც საიდუმლოში უდიდესი ძალის შემცველს, და რომლებიც მიგვიღებენ დაუწერელი ქადაგებით. რომელი წერილით ვაკურთხებთ, ასევე, ნათლისღების წყალს და მირონცხების ზეთს, და თვით ნათლისმღებელთ? დაფარული და საიდუმლო გადმოცემით ხომ არა? და კიდევ რა? თვით ზეთისცხება რომელმა დაწერილმა სიტყვამ გვასწავლა? საიდან არის მიღებული ადამიანის სამგზის შთაფლვა? და სხვა, რაც ნათლისღებისას სრულდება: სატანისა და მისი ანგელოზებისაგან განდგომა, რომელი წერილიდან არის აღებული? იმ გამოუქვეყნებელი და გამოუჩინებელი სწავლებიდან ხომ არა, რომელიც ჩვენმა მამებმა შემოინახეს ცნობისმოყვარეთათვის მიუწვდომელი და გამოუკვლეველი მდუმარებით, რამეთუ ჯანსაღად იყვნენ განსწავლულნი წმინდა საიდუმლოთა დაცვაში? რადგან, რარიგ შესაფერისი იქნებოდა წერილობითი გაცხადება სწავლებისა იმის შესახებ, რაზედაც საიდუმლოში განუსწავლევლებისა და შეუწირველებისათვის შეხედვაც კი დაუშვებელია? და ასე შემდეგ. ეს არის დაუწერელი გადმოცემის მიზეზი, რადგან დოგმატების მრავალგზისი შესწავლით, ბევრმა შეიძლება კეთილკრძალოლება დაკარგოს, როგორც სჩვევიათ. რამეთუ სხვა არის დოგმატი, და სხვა არის ქადაგება. დოგმატის შესახებ დუმან, ქადაგება კი გამოაშკარავებულია. დადუმების სახე არის ასევე გამოუჩინებლობა, რომელსაც იყენებს წმინდა წერილი, როცა იგი დოგმატებს გონებისათვის საჭკვრეტად მიუწვდომელს ხდის, თვით მკითხველის სასარგებლოდ. ამიტომაც აღმოსავლეთისაკენ ვიმზირებით ყველანი

ლოცვის დროს, მაგრამ ცოტა ვინმემ თუ იცის, რომ ამის საშუალებით ვეძებთ უძველეს სამშობლოს – სამოთხეს, რომელიც ღმერთმა ედემში დანერგა, აღმოსავლეთში (იხ. დაბადება, 2, 8). ასევე, ფეხზედგომით ვასრულებთ ლოცვებს ერთშაბათს, მაგრამ ამის მიზეზი ყველამ არ ვიცით. რამეთუ არამხოლოდ როგორც ქრისტესთან აღდგომილნი და ზეციურის მაძიებელნი, კვირა დღეს ლოცვების დროს ფეხზედგომით საკუთარ თავს ვახსენებთ ბოძებული მადლის შესახებ, არამედ, აგრეთვე, იმიტომ ვმოქმედებთ ასე, რომ ეს დღე წარმოადგენს მოსალოდნელი საუკუნის ერთგვარ ხატებას. ამიტომაც, როგორც დღეთა დასაბამი, მოსესთან იგი სახელდებულია არა პირველად, არამედ – ერთად. „და იქნა, –ამბობს, – მწუხრი. და იქნა განთიად, დღე ერთი“ (დაბადება, 1, 15): თითქოსდა ერთი და იგივე დღე მრავალჯერ მოქცეოდა. ამდენად, ერთი, რომელიც იმავდროულად მერვეც არის, აღნიშნავს იმ არსებითად ერთ და ჭეშმარიტ მერვე დღეს, რომელსაც ფსალმუნთმგალობელი მოიხსენიებს ფსალმუნის ზოგიერთ ზედწარწერილში, და რომელიც თავის მხრივ აღნიშნავს ამ საუკუნის შემდგომ მდგომარეობას, მოუკლებელ დაუღამებელ დღეს, უცვლელ, დაუსრულებელ და დაუბერებელ საუკუნეს. ასე საფუძვლიანად ასწავლის ეკლესია თავის აღსაზრდელებს, რომ ამ დღეს ილოცონ მდგომარედ აღმართულებმა, რათა ხშირი ხსენებით დაუსრულებელი საუკუნის შესახებ, დაუდევარი არ დაერჩეთ იქ მიმყვანებელი საგზლის მიმართ; და მთელი დრო სულიწმინდის მოფენის დღეებისა, ასევე არის აღდგომის შესხენება, რომელსაც მომავალ საუკუნეში მოველით. რამეთუ ერთი და პირველი დღე, შეიდჯერ შეიდწილქმნილი, შეადგენს წმინდა ერგასის შეიდ შეიდუულს. ერგასი, დაწყებული შეიდუულის პირველი დღით, იმავეთი სრულდება; ორმოცდაათჯერ მოქცევა მსგავს დღეებს შორის, რითაც ამ ბრუნავს საუკუნის სახე ეძლევა, როგორც თითქოსდა წრიული მოძრაობის მქონე ერთი და იგივე წერტილ-ნიშნებიდან დაწყებული და მათზევე დასრულებული. საეკლესიო განწესებანი გვასწავლიან ჩვენ ამ დღეს უპირატესობა მივანიჭოთ სხეულის ზეაღმართულ მდგომარეობას ლოცვებისას, და ამით, აშკარა შესხენებით ერთგვარად გადააქვს ჩვენი გონება ახლანდელიდან მომავალში. ხოლო ყოველი მუხლდრეკისა და წამოდგომისას, ჩვენ ქმედებით ვაჩვენებთ იმასაც, რომ ცოდვით დავეცით მიწაზე, და იმასაც, რომ შემოქმედის კაცთ-მოყვარებით, კვლავ ზეცაში ვართ ხმობილნი. მაგრამ დრო არ მეყოფა ვილაპარაკო ეკლესიის ყველა დაუწერელ საიდუმლოზე. ამიტომ დანარჩენს ვტოვებ. თვით სარწმუნოების აღმსარებლობა, რომ უნდა გვწამდეს მამა და ძე და სულიწმიდა, რომელი წერილიდან გვაქვს? თუკი კეთილმსახური გონების დასკვნით, ვადლებულნი ვართ ისე გვწამდეს, როგორც პირჯვარს ვისახავთ, ნათლისღების შესახებ გადმოცემიდან ვადგენთ სარწმუნოების აღმსარებლობას, ნათლისღებაში საიდუმლოს აღსრულებისას წარმოთქმულის შესაბამისად, მაშინ უფლება უნდა მოგვეცეს, ამავე დასკვნის თანახმად, სარწმუნოების აღსაარებაში შესაბამისი დიდებისმეტყველებაც აღვაუ-ლინოთ. მაგრამ თუკი დიდებისმეტყველების ამ სახეს უარყოფენ, როგორც

დაუწერელს, მაშინ წარმოგვიდგინონ წერილობითი მტკიცებულება როგორც სარწმუნოების აღმსარებლობისა, ისე სხვათა, რაც ჩვენ ჩამოვთვალეთ. ამგვარად, რაკი ეგზომ ბევრია დაუწერელი, და იგი ძალამოსილია მხოლოდ კეთილმსახურების საიდუმლოში, მაშინ ნუთუ ერთის გამოთქმის შეწყნარების უფლებას არ მოგვცემენ, რომელიც მამათაგან გადმოგვეცა, რომელიც შეუთხზავი ჩვეულებიდან დაუზიანებლად შევინარჩუნეთ ეკლესიებში და რომელიც არცთუ მცირე მნიშვნელობისაა და არცთუ მცირე სარგებლობა მოაქვს საიდუმლოს ძალისთვის?

(I მსოფ. 19; ტრულ. 102; VII მსოფ. 7; ბასილი დიდის 87)

წინამდებარე (91-ე) კანონი და ამის შემდგომი (92-ე), აღებულია ბასილი დიდის წიგნიდან სულიწმიდის შესახებ. ეს წიგნი წმინდა ბასილმა დაწერა დაახლოებით 375 წელს შემდეგი მიზეზით: ერთ-ერთ დღესასწაულზე ბასილი დიდი თავის ეკლესიაში საღმრთო ლიტურგიას აღაველენდა; მსახურებას ესწრებოდა იკონიის ეპისკოპოსი ნეტარი ამფილოქე და უამრავი მართლმორწმუნე. იქვე მრავლად იყვნენ მწვალებლებიც; მათ სძულდათ წმინდა მღვდელმთავარი და მოხერხებულ შემთხვევას ეძებდნენ, რომ თუნდაც რამე წერილმანში დაედოთ ბრალი. ლოცვის დროს, შესაბამის ადგილებზე, წმინდა ბასილი ასამაღლებელი სიტყვების წარმოთქმისას ხან ამბობდა: „დიდება მამას ძისა მიერ სულიწმიდაში“, ხან კიდევ: „დიდება მამას ძესთან სულიწმიდითურთ“. ამან მწვალებლებს საბაბი მისცა ბრალი დაედოთ ბასილი დიდისათვის იმაში, რომ იგი არ აღიარებს სულიწმიდის ჰემმარტ ღმრთეებას. ამფილოქემ ამაზე მიაპყრო წმინდა ბასილის ყურადღება, და მან პასუხად დაწერა წიგნი სულიწმინდის შესახებ, სადაც ამართლებას გამოთქმას: „სულიწმიდითურთ“ და ამტკიცებს, რომ ერთნაირი დიდება შეეფერება ძესა და სულიწმინდას, ისევე, როგორც მამას, რამეთუ ისინი ერთი არსისანი არიან მასთან ერთად. მიზეზის შესახებ, რამაც ის აღნიშნული წიგნის დასაწერად აღძრა, ნათქვამია წიგნის პირველ თავში, სადაც, სხვათა შორის, წმინდა ბასილი საუბრობს ზეპირი გადმოცემის შესახებ, რომელსაც უდიდესი მნიშვნელობა აქვს საეკლესიო სწავლების ბევრი საკითხის გადასაწყვეტად. ამ წიგნის იმ ნაწილებიდან, სადაც ის ზეპირი გადმოცემის დიდმნიშვნელობას ამტკიცებს, შედგენილია ორი წინამდებარე კანონი (91-ე და 92-ე), კერძოდ, 27-ე და 29-ე თავებიდან.

პირველ მათგანში (91-ე) წმინდა ბასილი ამბობს, რომ დოგმატები და ქადაგებები გამომდინარეობენ ორი წყაროდან – წერილობითი სწავლებიდან ან მოციქულთა გადმოცემიდან, რომელიც საიდუმლოდ არის მიღებული და დაცული. თანაც, ორივე ეს წყარო კეთილმსახურებისათვის ერთნაირი მნიშვნელობის შემცველია. კანონის მეორე ნახევარში წმინდა ბასილი განმარტავს, რატომ არის გადმოცემით ბევრი რამ შენარჩუნებული მოციქულებისა და მათი მემკვიდრეებისგან, და როგორ არის ამ გადმოცემაზე დაფუძნებული ეკლესიის ბევრი ჩვეულება. ზოგადად, ჩვეულებების მნიშვნელობაზე, ბასილი დიდი საუბრობს თავის ეპისტოლეში დიოდორეს მიმართ, და მის, ან სხვაგვარად – 87-ე კანონის, განმარტებაში ჩვენ ვთქვით ამის შესახებ რაოდენიც საჭირო იყო. წინამდებარე (91-ე) კანონში ბასილი დიდი კიდევ უფრო წინ სწევს ჩვეულების მნიშვნელობას. თუ ჩვენ უარყ-

ოფთ, — ამბობს, — დაწერილ ჩვეულებებს და ვიტყვი, რომ მათ დიდი ძალა არ გააჩნიათ, ამით ჩვენ განზრახ დავაკინებთ სახარების მნიშვნელობას მათვარ საკითხებთან დამოკიდებულებით, ან უფრო მარტივად რომ ვთქვათ, იქ ნათქვამს დავიყვანთ უბრალო სიტყვების თამაშამდე. ამასთანავე, კეთილმსახურების იმ საკითხებიდან, რომლებიც ეკლესიაში დაცულია დაუწერილი ჩვეულების (გადმოცემის) გზით, ბასილი დიდის რამდენიმე მაგალითი მოჰყავს. უპირველესად მოიხსენიებს პირველის გამოსახვის ჩვეულებას, რომლითაც ჩვენ გამოვხატავთ მუდმივ სასოებას ღმერთზე. ამის შემდეგ საუბრობს ჩვეულებაზე, რომლის მიხედვითაც, ლოცვისას მიმართულნი ვართ აღმოსავლეთისაკენ. საუბრობს, აგრეთვე, ექვარისტულ მსხვერპლზე და პურისა და ღვინის უფლის ხორცად და სისხლად გარდაქცევის მომენტზე, და მოჰყავს ეკლესიის სწავლება ამასთან დაკავშირებით, რომელიც ასევე აღებულია დაუწერილი სწავლებიდან; წმინდა ბასილი ამბობს, რომ პავლე მოციქულთან და, აგრეთვე, სახარებაში მოყვანილი სიტყვები საიდუმლოს დაწესების შესახებ (იხ. 1 კორ. 11, 23-25; მთ. 26, 26-28; მარკ. 14, 22-24; ლკ. 22, 19-22), არ არის საკმარისი გარდაქცევის აღსრულებისათვის, — საჭიროა სხვა ლოცვებიც, რომლებსაც მღვდელმსახურები კითხულობენ ჯერ საიდუმლო წესამდე და მერე მის შემდეგ. კერძოდ, საჭიროა სულიწმინდის მოხმობის სიტყვები თვით გარდაქცევის მომენტში.* გადმოცემის მეშვეობით ეკლესიაში დაცული კეთილმსახურების

*იხ. ზონარას განმარტება ათენის სინტაგმაში, IV, 284. წმინდა ბასილი დიდის ეს დამოძღვრა, რომლის თანახმადაც პურისა და ღვინის ქრისტეს ხორცად და სისხლად გარდაქცევისათვის ექვარისტის საიდუმლოს დაწესების სიტყვების გარდა, კიდევ საჭიროა სულიწმინდის მოსახმობი ლოცვის თქმა, ეკლესიის დასაბამიდანვე დაუფლებულია წმინდა გადმოცემაზე. როდესაც ზოგიერთმა არამართლმადიდებელმა XIII და XIV საუკუნეებში დაიწყო იმის მტკიცება, თითქოს სულიწმინდის მოსახმობი ლოცვა ზედმეტია, მათ საპასუხოდ წმინდა სვიმეონ თესალონიკელმა დაწერა შემდეგი: „ზოგიერთი არასწორად მოაზროვნე, სულიწმინდის მოხმობასა და ძღვენის შეწირვასთან დაკავშირებით, გაკვირვებას გამოთქვამს, უფრო სწორად, გამოდის იმის წინააღმდეგ, რაც გადმოგვცა მაცხოვრისა და მისი მოციქულებისაგან, ასევე, მათი მემკვიდრე ღმერთშემოსილი მამებისაგან. ისინი გვეკამათებიან და გვეკითხებიან: საღმრთო ძღვენის შეწირვისას რატომ არ ვემაყოფილებით მხოლოდ უფლის სიტყვებით და საკუთარი ლოცვების აღვლენაზე ვკადნიერდებით? ამით ისინი თავხედურად და მკრთხელურად უარყოფენ სულიწმინდის მოხმობის საჭიროებას და უარყოფენ — სათქმელადაც კი საშინელია! — მის მოქმედ ძალას, რომელიც აღთქმული და ჭეშმარიტად მოცემულია თვით მაცხოვრისგან მოციქულებისათვის. მოციქულები მის მიერ იქნენ ხელდასხმულნი მღვდელმსახურებად და მწყემსებად სწორედ იმ დროს, როდესაც სულიწმინდა გარდამოვიდა მათზე და ცეცხლოვანი ენების საშუალებით დაამკვიდრა მათში თავიანი ძალა — მაკურნებელი და სასწაულომოქმედი. ექვარისტის დროს ძალმოსილია არა თავისთავად სიტყვები: „და ჰყავ უკუე პური ესე პატიოსან ხორც ქრისტეს შენისა“ და სხვა, არამედ ის, რომ მღვდელმსახური ამას წარმოთქვამს სულიწმინდით, ანუ მადლით, ან, სხვაგვარად — სამღვდელო ძალით. აქედან ცხადია, რომ თუნდაც ათიათასობით ადამიანმა, თუნდაც ყველა მართლმორწმუნემ ერთად, ვინც კი არის მთელ დედამიწაზე, წარმოთქვას უფლის სიტყვები და ყველა საღმრთო მოწოდება, — აქედან მაინც არაფერი გამოვა, თუ იქ მღვდელი არ იქნება; მათ მიერ შეწირული ძღვენი არ განიწმინდება და ქრისტეს ხორცად და სისხლად არ გარდაიქცევა, რადგან ამ დროს იქ უნდა იმოქმედოს არა კაცმა, არამედ ღმერთმა მღვდლის მეშვეობით, რომელიც, თავის მხრივ, სულიწმინდის მადლს იხმობს, და ის, რასაც მღვდელი ამბობს, მოქმედებს არა მისი ძალით: ეს არის ღმერთის ძალა, რომელიც არ გააჩნია სხვა არც ერთ მორწმუნეს, გარდა

სამღვდელმსახურო ხელდასხმის მიმდებელია. მის თითოეულ ლოცვას აღმასრულებელი ძალა აქვს მხოლოდ საღმრთო მადლით. ხოლო ვისაც ეს არ სწამს და არ აღიარებს, ის არ აღიარებს არც ნათლისუებას, არც მირონცხებას, არც სამღვდელო წოდებების ხელდასხმას, არც ცოდვების მიტევებას. არც სამონაზვნო წესის წმინდა ლოცვებს; იგი უახლოვდება ურწმუნოებს და განაშორებს საკუთარ თავს ქრისტეს წოდებულთაგან, ვინაიდან, ყოველივე ჩამოთვლილი აღესრულება სამღვდელო პირთა ლოცვებით. ამიტომ, ნათლისუებას აღვისრულებით გადმოცემისამებრ და ვნათლავთ სახელითა მამისათა, და ძისათა, და სულისა წმიდისათა, და განუწმინდთ მისანათლავ პირს წმინდა სამების მოხმობით; არ ეკმარებთ მხოლოდ მაცხოვრის მიერ გადმოცემულ სიტყვებს, არამედ მანამდე ებეჭდავთ ჯვრის გამოხახვითა და სულის შებერვით, და მოსანათლავ პირს წინასწარ განუწმინდთ სატანისგან განდგომით, ქრისტესთან შეერდომით, ლოცვებით, ნაკურთხი ზეთის ცხებით, ჯვრის გამოსახვით, სულის შებერვით და წმინდა სამების მოხმობით. თვით ნათლისუის წყალსაც ვწმინდთ ჯვრის გამოსახვებით და სულიწმინდის მორღებით. მსგავსად იმისა, როგორც წმინდა მირონი იკურთხება სამთავარებისკოპოსო ლოცვებითა და ჯვრის გადასახვით, ხოლო ნათლისუების შემდეგ ახალმონათლულზე და მირონცხებულზე წმინდა ლოცვებს ვკითხულობთ, ზუსტად ასევე, მტკიცედ გვწამს, რომ პურისა და ღვინის ქრისტეს ხორცად და სისხლად გარდაქცევა აღესრულება მღვდელმსახურის ლოცვებით, ჯვრის გადასახვითა და სულიწმინდის მოხმობით მოყოლებული იქიდან, რაც უფლის სიტყვებით: „მიიღეთ და პჯამეთ... და სუთ ამისუგან ყოველთა...“, ასევე: „ამას ჰყოფდით მოსახსენებელად ჩემდა“, ერთხელ და სამსუღაბოდ ებოძათ მოციქულებსა და მათ მემკვიდრეებს ლოცვების საშუალებით ამის შესრულების უფლების მადლი. ამიტომ, მიმართავს რა მამა ღმერთს და აღიდებს სულის აღმშენებლობით საქმეს, მღვდელი პირველად გამოთქვამს ქრისტეს საღმრთო სიტყვებს და ეუბნება, რომ მან ეს გადმოგვცა და ამიტომ შემოგწირავთ შენ ამ ძღვენს ყველას სახელით, — მისი მცნებისამებრ, — და გვედგურებთ შენ, გარდამოაზნელ სული შენი ჩემზე და შემოწირულ ძღვენს და სულთ შენით წმინთ გარდაქცევი ისინი მის ხორცად და სისხლად — როგორც მან თქვა. ამ სიტყვებთან ერთად, მღვდელი ჯვარს სახავს წმინდა ძღვენს და სწამს, რომ სამგზისი გადასახვის შემდეგ, პური და ღვინო, თავისი არსით, უკვე ქრისტეს ხორცი და სისხლია, და როგორც თვით ქრისტე აქ თავად არის შემწირველიც და შეწირულიც, მღვდელმოქმედი და სამღვდელმოქმედიც, მიმღებელიც და დამრიგებელიც, ჩვენც ასევე ვაბოძებ დიდი შესვლისა წმინდა ლოცვებით. იმისათვის, რომ ეს ნათლად აჩვენოს, მღვდელი იმ დროს, როდესაც ამბობს: „მიიღეთ და პჯამეთ... და სუთ ამისუგან ყოველთა...“, ჯვრით არ სახავს ძღვენს. ამ სიტყვებს, როგორც უკვე ვთქვით, მღვდელი მიმართავს მამისადმი, და მის შემდეგ ძღვენი ჯერ კიდევ გარდაუქცეველია, როგორც ამას ბასილი დიდი ამბობს. მაგრამ, ძღვენის შეწირვის, სიტყვების „შენი შენთაგან“ და სულიწმინდის მადლის მოხმობის შემდეგ, მღვდელი (მას სწამს, რომ სწორედ ამ დროს ხდება მისი გარდამოსვლა სამღვდელო ლოცვის ხმით) აღდგება, ჯვარს გადასახვით საღმრთო ძღვენს, იტყვის: „და ჰყავ უკვე პური ეს პატრიოსან ხორც ქრისტეს შენისა“, და აკურთხებს პურს; შემდეგ ამბობს: „პატრიოსან ამას შინა, პატრიოსან სისხლ ქრისტეს შენისესა“, აკურთხებს ბარძიმსაც; მესამედ აკურთხებს ერთსაც და მეორესაც და ამბობს: „შესცვალე სულითა შენითა წმიდითა — ამინ“, ამით ადასტურებს საიდუმლოს აღსრულებას და კადნიერად აღიარებს, რომ შეწირული ძღვენი არსებითად არის ქრისტეს ხორცი და სისხლი — მისი (ძის), მამის და სულიწმინდის ძალით. აქ არაფერია ადამიანური, ყველაფერი საღმრთო მადლით აღესრულება. ამიტომ ძღვენის შემწირველი არის პირი, რომელსაც ხელდასხმა აქვს მიღებული; ტრაპეზი, სადაც ძღვენი (მსხვერპლი) შეიწირება, ნაკურთხია და ამის გარეშე არაფერი განიწმინდება. ამდენად, უფლის სიტყვები, როგორც აღვნიშნეთ, წარმოადგენს მღვდელმოქმედების პირველ საფუძველს, მაგრამ ქმედებაში ისინი მოდიან მღვდლის ლოცვებით. თუცა, იქ მოქმედებს არა ადამიანი, მიუხედავად იმისა, რომ მღვდელი ადამიანია, არამედ ქრისტე სულიწმინდაში მღვდლის სამღვდელო ქმედებით. მსგავსად იმისა, როგორც ღმერთსა ერთხელ თქვა: „აღმომორჩინე ქვეყანამან“ და სიტყვა მისი ჭეშმარიტია, ასე რომ მივა აღმოამორჩებ, ან როდესაც თქვა: „იქმინინ ნათელი“ და ყოველთვის ის ქმნება ნათელი, — ზუსტად ასევე მან თქვა: „ამას

პყოფილი მოსახსენებლად ჩემდა“ და მისი სიტყვა ყოველთვის მოქმედებს მღვდლების მეშვეობით. ამიტომ სიტყვები: „და ჰყავ უკუე პური ესე პატიოსან ხორც ქრისტეს შენისა“, ქმედებაში მოდის სამღვდლეობის საშუალებით. სწორედ ამიტომაც აღსრულებული მღვდელმოქმედების შემდეგ, ჰქმნა რიტუალად ეილებო ქრისტეს ხორცსა და სისხლს, და არა ხატონად, რამეთუ თავად მოქმედებს მღვდლების მეშვეობით, და თავად მოგვცა მცნება, რომ ის ასე უნდა იყოს, ანუ ლოცვის მღვდელმოქმედება. როგორც დაწერილია, მან აიღო პური, აღიხილნა თვალნი სუცად, მამა ღმერთს მადლობა აღუვლინა, განტეხა და მისცა თავის მოწაფეებს სიტყვებით: „მიიღეთ და ჰჭამეთ... და... სუთ ამისგანა ყოველთა“ და ასე შემდეგ. ასე რომ, თვითონაც მღვდელმოქმედებდა ლოცვების გზით, თუმცა, როგორც ყოველის შემდეგ ღმერთი, იგი მას არ საჭიროებდა, მაგრამ ამით ჩვენ გვიანებდა, რომ სამების ძალა ერთია, და რომ, რადეცა თვის თავზე აღასრულებს მღვდელმოქმედებას, ამაზე მას აქვს მამის თანაკურთხევა და სულიწმინდის თანაქმედება, როგორც ამას ადგოლი ჰქონდა მისი ღვთაებრივი განკაცებისას. შესაბამისად, ვინც უარყოფს სამღვდლო ლოცვებს საიდუმლოს აღსრულებისას, ის არ აღიარებს არც სხვა აღმასრულებელ ლოცვას წმინდა საიდუმლოებების შესრულებისას; ის ქრისტიანიც კი არ არის, რადგან, როგორც ზემოთ ითქვა, არ აღიარებს არც ნათლისცხებას, არც მიორსცხებას, არც სინანულს... რამეთუ ყოველივე ეს სამღვდლო ლოცვებით სრულდება. ასეთი: დე, საერთოდ ნუ იტყვის ლოცვას, ნურც მღვდელმოქმედების წინ, ნურც მის შემდეგ, და ამდენად, ნუ მოიხმობს სულიწმინდის მადლს, რათა არ ჰქონდეს ქრისტესთან ერთობა, ასევე, ნუ მოიხმობს სულიწმინდის მადლს ნათლისცხებაზეც, არც სხვა მღვდელმოქმედებისას, და საერთოდ ნუ იქნება ქრისტიანი, ან უწოდებს რა თავის თავს ქრისტიანს და აღიარებს მღვდლების ლოცვებს, მაშინ ეს აღმასრულებელი ლოცვებიც მიიღოს, რომლებიც მიმართულია მამა ღმერთისადმი და თავის თავში შეიცავს სულიწმინდის მოხმობას, როგორც ეს გვიამცნო საიდუმლოს აღსრულების ჟამს თვით ქრისტემ, როდესაც მადლობა აღუვლინა მამას. ამას თავიანთი მაგალითებით გვასწავლიან მოციქულებიც: ისინი ერთად ასრულებდნენ ევქარისტიას და პურის განტეხვას. იგივე გადმოგვცეს მამებმაც – ბასილმა და ოქროპორმაც... ვიმარჯვებო რა ჩვენ მიერ მიღებულ გადმოცემას, რომელიც თავად უფალმა გვიანდერძა მოციქულებისა და წმინდა მამების მეშვეობით, ჩვენ აღვასრულებთ საშინელი ზიარების საიდუმლოს ღმრთებრივი სულის მოხმობით, უფლის სიტყვების გამოთქმით და სამღვდლო ლოცვით; და გეწამს, – საღმრთო გადმოცემის თანახმად, – რომ ყველა ღვთაებრივი მღვდელმოქმედება იღებს სავსებას მღვდლის ლოცვით, საღმრთო მოხმობითა და ჯერის გამოსახვით“ (Migne, s. g., t. 155, p. 88, col. 733-740). როგორც ვხედავთ, ის, რასაც თესალონიკელი წმინდა მღვდელმთავარი ამბობს, წარმოადგენს ბასილი დიდის წინამდებარე (91-ე) კანონში გამოხატული აზრის საუკეთესო და სრულ განმარტებას, ასევე – მართლმადიდებელი ეკლესიის სწავლებისასაც, რომელსაც ყოველთვის ასე სწამდა. განსხვავებით აღმოსავლური ეკლესიისა, – სადაც ყოველთვის ერთი და იგივე სწავლება იყო დამკვიდრებული ლიტურგიაზე წმინდა ძღვენის გარდაქცევისათვის სულიწმინდის მოსახმობელი ლოცვის მნიშვნელობასთან დაკავშირებით, – დასავლურ ეკლესიაში, XIII საუკუნიდან მოყოლებული, ამის შესახებ სხვადასხვა მოსაზრება იჩენდა თავს, რომელთა ერთ აზრამდე შეჯერება დღემდე ვერ მოხერხდა.

საკითხებიდან, წმინდა ბასილი მოიხსენიებს კიდევ წყლის კურთხევას ნათლობისათვის და ზეთის კურთხევას მირონის საცხებლად, წყალში შთაფლვას და სატანისაგან განდგომას ნათლისცხების დროს, ასევე, ლოცვებისას დგომას ან მუხლმოდრეკას. დაბოლოს, კანონის ბოლოში მოიხსენიებს დიდებისმეტყველებას, რომლის შესახებაც არ წერია თუ როგორ უნდა იკითხებოდეს, მაგრამ რომელიც წმინდა ბასილმა წარმოთქვა ორნაირად (როგორც ეს ნათქვამია ამ კანონის განმარტების დასაწყისში) და რისთვისაც მტრებმა მისი დადანაშაულება მოინდომეს. ბასილი დიდი, ამასთან, აღნიშნავს, რომ სიტყვა: „ურთ“ („თან“) დიდებისმეტყველებაში სავსებით

ჯეროვანია და რომ იგი ეკლესიებში შეინარჩუნეს მართლმადიდებლურად მორწმუნე ადამიანებმა უწყვეტი გადმოცემის (ჩვეულების) გზით. ბასილი დიდის წინამდებარე კანონი, მართალია, კანონიკური სამართალისთვის მნიშვნელოვანია, რამეთუ მასში წარმოჩენილია გადმოცემისა და ჩვეულების დიდმნიშვნელობა, მაგრამ უფრო მნიშვნელოვანია იგი უშუალოდ საღვთისმეტყველო მეცნიერებისათვის.

**წმინდისა მამისა ჩვენისა ბასილისი,
კესარიის-კაბაღოქიის მთავარეპისკოპოსისა
იმავმ თხზულების 29-თავიდან**

კანონი 92

შემოპასუხებაზე, რომ დიდებისმეტყველებაში „სულიწმიდითურთ“ (ასამაღლებელ ლოცვაში: „დიდება მამასა და ძესა და წმინდასა სულსა“) დამოწმებული არ არის და წმინდა წერილით დადასტურებული, ვპასუხობთ: თუ სხვა არაფერი შეიწყნარება წმინდა წერილის გარეშე, მაშინ არც ეს მიიღებოდეს, მაგრამ თუკი საიდუმლოთაგან საკმაოდ ბევრი დამკვიდრებულია ჩვენთან წმინდა წერილის გარეშე, მაშინ სხვა მრავალთან ერთად ესეც შევიწყნაროთ. ვგონებ, რომ მოციქულთაგან არის ესეც, რომ დავიცვათ დაუწერელი გადმოცემანი. რამეთუ „გაქებ თქვენ, ძმანო, – ამბობს მოციქული, – რამეთუ ჩემი ყოველივე გაცხოვს, და ვითარცა-იგი მიგეც თქვენ, მოძღურება იგი შეიკრძალებ“ (1 კორინ. 11, 2). და სხვა ადგილას: „შეიკრძალებ მოძღურება იესე, რომელიცა გისწავიეს გინა სიტყვთა, გინა წიგნითა ჩუენითა“ (2 თესალ. 2, 15); ერთი ამათგან მით უფრო არის ის, რომლის შესახებაც ვმსჯელობთ, რომელიც პირველდამდებლებმა თავის მემკვიდრეებს გადასცეს, და დროთა განმავლობაში მისი ხანგრძლივი გამოყენებით და ჩვეულებით ეკლესიაში დამკვიდრდა. ამდენად, თუკი ჩვენ, თითქოსდა სამსჯავროზე ვიყოთ, არასაკმარისი წერილობითი მტკიცებულების პირობებში, ჩვენი საქმის სასარგებლოდ წარმოვადგინეთ უამრავი მოწმე, ნუთუ არ მივიღებთ თქვენგან გამამართლებელ განაჩენს? მე ასე ვფიქრობ. რამეთუ ორი ან სამი მოწმით მტკიცდება ყოველი სიტყვა (იხ. მეორე შჯული, 19, 15). თუკი მიგითითებთ თქვენ ხანდაზმულობაზეც, რომელიც აშკარად ჩვენს სასარგებლოდ მეტყველებს, ნუთუ არ წარმოვჩნდებით თქვენ წინაშე უფლებამოსილნი ვთქვათ, რომ ჩვენ წინააღმდეგ დავა წარმატებული ვერ იქნება? რამეთუ უძველესი დოგმატები, ერთგვარ კეთილკრძალულებას შთაგვაგონებენ, წარმოგვიდგენენ რა თავიანთ სიძველეში, როგორც ერთგვარ სიჭაღარავეში, პატივსაცემ სახეს.

(I მსოფ. 19; ტრულ. 102; VII მსოფ. 7; ბასილი დიდის 87)

წინა (91-ე) კანონის განმარტება, ბასილი დიდის წინამდებარე (92-ე) კანონის განმარტებასაც ემსახურება.

**კანონიკური პასუხები ჟინდა ტიმოთისი,
ალექსანდრიის ეპისკოპოსისა, რომელიც იყო
ერთ-ერთი მამათაგანი კონსტანტინოპოლში
შეკრებილ ასორმოცდათთა შორის**

კანონი 1

კითხვა 1. თუ ყრმა კათაკმეველი, შეიდიოდე წლისა, ან სრულწლოვანი ადამიანი, დროს გამონახავს ლიტურგიის აღსრულებაზე დასასწრებლად და თავისი გაუცნობიერებლობით ეზიარება, როგორ უნდა მოვექცეთ ასეთს? პასუხი. უნდა განვანათლოთ იგი ნათლისღებით, რამეთუ მოწოდებულია ღმერთის მიერ.

(1 მსოფ. 2, 14; ტრულ. 78, 96; ლაოდ. 19, 46)

ტიმოთე ალექსანდრიელის როგორც წინამდებარე, ისე მისი სხვა კანონები, ეს არსებითად არის მისი კანონიკური პასუხები ზოგიერთი ეპისკოპოსებისა და კლერიკოსების დასმულ შეკითხვებზე.

კანონი 2

კითხვა 2. თუ კათაკმეველი ეშმაკეული იქნება და თვითონ ისურვებს, ან მისი ნათესავები ინდომებენ წმინდა ნათლობა მიიღოს, უნდა მონათლოს თუ არა, და განსაკუთრებით – თუკი მომაკვდავი იქნება?

პასუხი. თუ ეშმაკეული ჯერ არ განწმენდილა არაწმიდა სულისაგან, მას არ შეუძლია მიიღოს წმინდა ნათლობა, მაგრამ თუ სიკვდილის პირასაა, – ინათლება.

(მოც. 79; ტრულ. 7; ტიმოთე ალექსანდრიელის 3, 4, 15)

კანონი 3

კითხვა 3. თუ რომელიმე მართალი მორწმუნე ეშმაკის მიერაა შეპყრობილი, უნდა ეზიაროს თუ არა წმინდა საიდუმლოთ?

პასუხი. თუკი არ არღვევს საიდუმლოს, არ გამობს ღმერთს რაღაც სხვა სახით, მაშინ, დაე, ეზიაროს, ოღონდ არა ყოველდღე: საკმარისი იქნება მისთვის მხოლოდ დროდადრო თუ ეზიარება.

(მოც. 79; ტრულ. 7; ტიმოთე ალექსანდრიელის 2, 4, 15)

კანონი 4

კითხვა 4. თუ ვინმე კათაკმეველთაგან, სნეულებაში მყოფი, საღ აზრს მოაკლდება და არ შეეძლება თავად წარმოთქვას სარწმუნოების აღიარება,

ხოლო მისი ახლობლები ითხოვენ, სანამ ცოცხალია მოინათლოსო, – უნდა ნათელ-ილოს თუ არა?

პასუხი. უნდა ნათელ-ილოს, თუკი არ გამოიცდება არაწმიდა სულის მიერ.

(მოც. 79; ტრულ. 60; ნეოკეს. 12; ლაოდ. 47; კართ. 45; ბასილი დიდის 5; ტიმოთე ალექსანდრიელის 2, 3, 14, 15; კირილე ალექსანდრიელის 5)

პანონი 5

კითხვა 5. თუ ცოლი ღამეს თავის ქმართან იქნება, ანდა ქმარი – თავის ცოლთან, და დილით ღვთისმსახურება აღესრულება, შეიძლება თუ არა მათთვის ზიარება?

პასუხი. არ შეიძლება. რადგანაც მოციქული ამბობს: „ნუ განეშორებით ურთიერთას, გარნა თუ შეთქუმით რამზე, ჟამ რავდენმე, რადათა მოიცალოთ ლოცვად და მარხვად; და კუალად ურთიერთასვე იყვენით, რადათა არა განცვადნეს თქვენ ეშმაკმან უთმინობითა თქუენითა“ (1 კორ. 7, 5).

(დიონისე ალექსანდრიელის 3; ტიმოთე ალექსანდრიელის 13)

პანონი 6

კითხვა 6. თუკი კათაკმეველმა ცოლმა თავისი სახელი ნათლისღები-სათვის ჩაწერა, ხოლო ნათლობის დღისათვის მას ქალთა ჩვეული წესი შეემთხვევა, შეიძლება ასეთის მონათვლა იმ დღეს, თუ უნდა გადაიდოს ნათლობა, და თუ გადაიდოს, რამდენი ხნით?

პასუხი. უნდა გადაიდოს, სანამ არ განიწმიდება.

(დიონისე ალექსანდრიელის 2; ტიმოთე ალექსანდრიელის 7)

პანონი 7

კითხვა 7. თუ ქალი ნახავს, რომ მას ქალებისათვის ჩვეული (წესი) რამ შეემთხვევა, უნდა მიეახლოს თუ არა იმ დღეს წმინდა საიდუმლოთ?

პასუხი. არ უნდა მიეახლოს, სანამ არ განიწმიდება.

(დიონისე ალექსანდრიელის 2; ტიმოთე ალექსანდრიელის 6)

პანონი 8

კითხვა 8. თუ ქალი შვილს შობს წმინდა აღდგომის წინ, ანუ დიდ შეიდეულში, უნდა იმარხულოს და არ დალიოს ღვინო, თუ თავისუფლდება მარხვისაგან და ღვინის დალევის აკრძალვისაგან იმის გამო, რომ იმშობი-არა?

პასუხი. მარხვა დაწესებულია ჩვენი სხეულის დასაოკებლად. ასე, რომ როცა სხეული დაოკებულია და უძლურებაშია, მაშინ იგი უნდა იღებდეს საჭმელ-სასმელს, როგორც ისურვებს და რისი მიღებაც შეუძლია.

(მოც. 69; ტრულ. 29, 89; ლაოდ. 49, 50; დიონისე ალექსანდრიელის 1; ტიმოთე ალექსანდრიელის 10)

პანონი 9

კითხვა 9. უნდა ილოცოს თუ არა მღვდელმსახურმა არიანელთა ან სხვა მწვალებელთა თანდასწრებით? თუ არანაირად საზიანო არ იქნება მისთვის ის, როცა მათი თანდასწრებით აღასრულებს თავის ლოცვას ან მღვდელმომქმედებას?

პასუხი. საღმრთო ლიტურგიის დროს დიაკვანი ამბორის-ყოფის წინ ლაღადებს: უზიარებელნო, განვედით! ამიტომ ასეთნი არ უნდა ესწრებოდნენ, თუკი პირობას არ დებენ, რომ შეინანებენ და მიატოვებენ მწვალებლობას.

(მოც. 45, 64; ლაოდ. 6, 9, 32, 33, 34)

მოციქულთა 45-ე და 64-ე კანონების განმარტებებში ჩვენ ვისაუბრეთ მწვალებლებთან ლოცვითი ურთიერთობის აკრძალვასთან დაკავშირებით. წინამდებარე კანონში კი მღვდლებს ეკრძალებათ ლოცვა მწვალებლების თანდასწრებით, ანუ — ბალსამონის განმარტებით — უსისხლო მსხვერპლშეწირვა. არამართლმადიდებელთაგან თუ ვის მიიჩნევს ეკლესია მწვალებლებად, — ამის შესახებ ჩვენ ვისაუბრეთ II მსოფლიო კრების მე-7 და მე-7 კანონების განმარტებებში. როდესაც ეკლესიაში წინდა ლიტურგია აღესრულება, შეიძლება სხვა სარწმუნოების მიმდევრებიც ესწრებოდნენ მართალთა ლიტურგიაში, ე. ი. სანამ დიაკონი იტყვის: „კათაკმეველნო, განვედით!“ ან, როგორც ამ კანონშია ნათქვამი: „უზიარებელნო, განვედით!“ და მაშინ ყველა არამართლმორწმუნე უნდა დატოვოს ტაძარი. კანონი აქვე დასძენს, რომ შეიძლება მათი დატოვება, „თუ ისინი შენანებისა და მწვალებლობისაგან განდგომის აღთქმას დებენ“. ამასთან დაკავშირებით ბალსამონი შენიშნავს, რომ მათ ნება უნდა მიეცეთ დარჩნენ არა უშუალოდ ტაძარში, არამედ — გარეთ, კათაკმეველებთან ერთად, ხოლო თუ არ დებენ მწვალებლობიდან განდგომის აღთქმას, მაშინ არც კათაკმეველებთან უნდა იდგენენ და საერთოდ უნდა განიძეონ.

პანონი 10

კითხვა 10. თუ ვინმე ავად არის და მძაფრი სნეულებისაგან სრულიად გამოფიტულია, ამასთან წმინდა აღდგომა ახლოვდება, უსათუოდ უნდა იმარხულოს ასეთმა, თუ მისი დიდი მოუძლურების გამო მღვდელმსახური ნებას დართავს იხმოს, რისი მიღებაც შეუძლია — ზეთი და ღვინო?

პასუხი. სნეულს ნება უნდა მიეცეთ მიიღოს საჭმელ-სასმელი იმისდა მიხედვით, რისი ხმეცა მას შეუძლია. რამეთუ სრულიად გამოფიტულისთვის ზეთის გამოყენება — მართებული საქმეა.

(მოც. 69; ტრულ. 29, 89; ლაოდ. 49, 50; დიონისე ალექსანდრიელის 1; ტიმოთე ალექსანდრიელის 8)

კანონი 11

კითხვა 11. თუ ვინმე მღვდელმსახურს სთხოვს ქორწინების კურთხევას, და ის გაიგებს, რომ ეს ქორწინება ურჯულაა, ანდა სისხლის აღრევითაა, — მაგალითად, შესაუღლებელი არის დამ გარდაცვლილი ცოლისა, — მაშინ უნდა ისმინოს მღვდელმსახურმა მათი, თუ მათთვის მსხვერპლშეწირვა აღასრულოს?

პასუხი. გადაჭრით თქვით: თუ მღვდელმსახური გაიგებს ქორწინების უკანონობის შესახებ, და თუ ქორწინება ნამდვილად არასჯულიერია; ასეთ შემთხვევაში მღვდელმსახური არ უნდა ეზიაროს სხვის ცოდვებს.

(ტრულ. 53, 54)

წინამდებარე კანონი საუბრობს უკანონო ქორწინების შესახებ; ასეთია ყველა ის ქორწინება, რომელიც სამოქალაქო სამართლის დადგენილებების საწინააღმდეგოა, აგრეთვე „სისხლარევითი“ ქორწინება, რაშიც უნდა ვიგულისხმოთ ის ქორწინებები, რომლებიც შედგება სულიერი და ხორციელი ნათესაობითი ხარისხების დარღვევით. ასეა ნათქვამი შეკითხვაში, პასუხში კი მოიხსენიება მხოლოდ უკანონო ქორწინება, რომლის კურთხევაც მღვდელს ეკრძალება, ასე რომ, აქედან შეიძლება დავასკვნათ: მღვდელს ეკრძალება ზოგადად ყველა იმ ქორწინების კურთხევა, რომელიც არღვევს როგორც სამოქალაქო, ისე საეკლესიო სამართლის განწესებებს, შესაბამისად, ყველა აკრძალული ქორწინების კურთხევა. პასუხში არაფერია ნათქვამია სასჯელის შესახებ, რომელსაც აკრძალული ქორწინების მაკურთხებელი მღვდელი უნდა დაექვემდებაროს და გაკეთებულია მხოლოდ მინიშნება, რომ იგი არ უნდა „ეზიაროს სხვის ცოდვებს“; აქედან თავისთავად გამომდინარეობს, რომ იგი ექვემდებარება საეკლესიო სასჯელს, ასევე, შეიძლება სამოქალაქო წესით დასჯასაც, როგორც სხვისი დანაშაულის თანამონაწილე ანუ — როგორც ბასილი დიდი ამბობს თავის 71-ე კანონში — სხვის ცოდვასთან შეხებაში მყოფი.*

კანონი 12

კითხვა 12. თუკი ერისკაცი, რომელსაც უწმინდური სიზმარი ჰქონდა, სთხოვს მღვდელმსახურს, უნდა დაუშვას თუ არა იგი საზიარებლად?

პასუხი. თუ ქალის მოსურვებას დაექვემდებარა, მაშინ არ უნდა ეზიაროს; ხოლო თუ სატანა აცთუნებს, რათა ამ მიზეზით მოაკლდეს საღმრთო საიდუმლოთა ზიარებას, მაშინ უნდა ეზიაროს. რამეთუ სხვაგვარად მაცთური არ შეწყვეტს მასზე თავდასხმას იმ დროს, როცა იგი უნდა ეზიაროს.

(ათანასე დიდის 1; დიონისე ალექსანდრიელის 4)

*დიდი კურთხევანის ნომოკანონის 53-ე კანონით განკვეთა განწესება იმ მღვდელს, რომ ღმაც იცოდა უკანონო ქორწინების შესახებ და, მიუხედავად ამისა, აკურთხა ის.

პანოგო 13

კითხვა 13. დაქორწინებულებმა შეიდეულის რომელ დღეებში უნდა შეიკრძალონ თავი ერთმანეთთან შეერთებისაგან და რომელ დღეებში აქვთ მათ ამის უფლება?

პასუხი. უწინაც მითქვამს და ახლაც ვამბობ, რომ მოციქული ამბობს: „ნუ განეშორებით ურთიერთას, გარნა თუ შეთქუმით რამე, ჟამ რავდენმე, რამთა მოიკალოთ ღოცვად და მარხვად; და კუალად ურთიერთსავე იყვენით, რამთა არა განგცადნეს თქვენ ეშმაკმან უთმინობითა თქუენითა“ (1 კორინ. 7, 5). თუმცა, აუცილებლად უნდა შეიკავონ თავი შაბათს და კვირას, იმიტომ, რომ ამ დღეებში სულიერი მსხვერპლი შეიწირება უფლისადმი.
(დიონისე ალექსანდრიელის 3; ტიმოთე ალექსანდრიელის 5)

პანოგო 14

კითხვა 14. თუკი ვინმე, იქნება რა შეურაცხადი, თავს მოიკლავს, ანდა სიმაღლიდან გადაიგდებს თავს, ესევეთარისთვის შეიძლება თუ არა მსხვერპლის შეწირვა (ღოცვა, ლიტურგიის აღსრულება)?

პასუხი. ასეთის შესახებ მღვდელმსახურმა უნდა გამოკვლიოს, ნამდვილად გონებაშეშლილმა გააკეთა მან ეს, თუ არა. რამეთუ ხშირად ვნებულის ახლობლები, სურთ რა მიაღწიონ მისთვის მსხვერპლის შეწირვასა და ღოცვის აღდგენას, სიმართლეს არ აღიარებენ და ამბობენ, რომ იგი შეურაცხადი იყო. მაგრამ შესაძლოა მან ეს ადამიანთაგან მიყენებული შეურაცხყოფის მიზეზით გააკეთა, ანდა სულმოკლეობით სხვა რამ შემთხვევის გამო, – ასეთისათვის არ არის მართებული მსხვერპლის შეწირვა, რამეთუ თვითმკვლელია. იმიტომ მღვდელმსახურმა უსათუოდ მთელი გულმოდგინებით უნდა გამოიძიოს, რათა სასჯელს (განკითხვას) არ ეწიოს.

(მოც. 65; ანკირ. 23; ბასილი დიდის 8, 11; გრიგოლ ნოსელის 5)

მსგავსად იმისა, როგორც სასჯელს იმსახურებს სხვისი სიცოცხლის მომსწრაფველი, ზუსტად ასევე იმსახურებს საჯელს თვითმკვლეელი; და როგორც მკვლელობა შეიძლება იყოს განზრახ და უნებლიე, ასევეა თვითმკვლელობის შემთხვევაშიც. განზრახ თვითმკვლელობად იწოდება ისეთი თვითმკვლელობა, როდესაც ვინმე სიცოცხლეს მოისწრაფებს – ამ კანონის გამოთქმით – „ადამინთაგან შეურაცხყოფის მიზეზით, ანდა სულმოკლეობით სხვა რამ მიზეზის გამო“, ხოლო უნებლიე – როდესაც ეს პირი „გონებაშეშლილ მდგომარეობაშია“. თვითმკვლეელი უკვე აღარ არის ეკლესიის ცოცხალი წევრი, იმიტომ ეკლესიას არ შეუძლია დაუქვემდებაროს იგი რაიმე ისეთ სასჯელს, რომელიც მისი ცოცხალი წევრებისთვის არის დადგენილი. თუმცა, დანაშაულის სუბიექტებად, გარკვეულ გარემოებაში, ეკლესია აღიარებს ცოცხალი პირების გარდა გარდაცვლილებსაც, მაგალითად, სხვადასხვა მწვალებლობის მამამთაყრებს მათი სიკვდილის შემთხვევაში მანამ, ვიდრე მათ საბოლოოდ დაგმობდნენ; იმიტომ მათთან მიმართებით გამოიყენებს გარკვეულ სასჯელებს. აღებულ შემთხვევაში, წინამდებარე კანონი განზრახ თვითმკვლელთან

მიმართებით განაწესებს, რომ „ასეთისათვის არ არის მართებული მსხვერპლის შეწირვა“, ესე იგი, არ უნდა აღესრულოს ეკლესიაში მათთვის წესის აგება და სულის განსასვენებელი ლიტურგია და, შესაბამისად, არ უნდა დაიკრძალონ ნაკურთხ სასაფლაოზე. სასჯელს იმსახურებს თვითმკვლელობის მცდელობაც, როგორც პატრიარქ ნიკიფორეს ერთ-ერთი კანონი ამბობს, რომლის თანახმადაც თორმეტწლიანი ეპიტიმია ეკისრება იმას, ვინც თვითმკვლელობა სცადა, მაგრამ წარუმატებლად. იმ თვითმკვლელებთან მიმართებით, რომლებმაც სიცოცხლე გონებაშეშლილობის აფექტში ჩაიდინეს, უკონო მღვთმარეობაში, რაკი ასეთი პირი არ არის საკუთარ ქმედებებზე პასუხისმგებელი, ეკლესია მღვდელს უფლებას აძლევს ილოცოს მისი სულის განსასვენებლად, თუკი, რა თქმა უნდა, ის ამის ღირსია.

კანონი 15

კითხვა 15. თუ ვინმეს ცოლი ბოროტი სულითაა შეპყრობილი იმ ზომამდე, რომ ბორკილებს ატარებს, მისი ქმარი კი ამბობს – თავშეკავება არ შემიძლიაო და სხვისი მოყვანა სურს ცოლად, უნდა შეირთოს ასეთმა სხვა, თუ არა?

პასუხი. ამ საქმეში მრუშობაა დაფარული. და არ მაქვს პასუხი და არც ვიცი, რა გითხრათ ამაზე.

(ტრულ. 87; ანკვირ. 20; კართ. 102; ბასილი დიდის 9, 21, 35, 39, 77)

აქ საუბარია ცოლის გონებაშეშლილობაზე, როგორც განქორწინების მიზეზზე, კერძოდ: აქვს თუ არა უფლება ქმარს, რომლის მეუღლეც ბოროტი სულით არის შეპყრობილი და საერთოდ ჭკუაზე აღარ არის, განქორწინდეს მასთან და სხვა ქალთან იქორწინოს? ასეთ შემთხვევაში ტიმოთე ხედავს მრუშობას და თვლის, რომ ქმარი, რომელიც კანონიერი ცოლის სიცოცხლეში სხვასთან იქორწინებს, მრუშობას სჩადის და ამიტომ მსგავსი ქორწინება აკრძალულად ითვლება. რადგან არ არსებობს სხვა კანონი, რომელიც ამას განქორწინების მიზეზად ჩათვლიდა, ამიტომ მართლმადიდებელი ეკლესიის კანონიკური სამართლის მიხედვით, კანონიერი ქორწინება არ შეიძლება დარღვეულ იქნეს რომელიმე მეუღლის გონებაშეშლილობის მიზეზით, თუნდაც ეს განუკურნებელი სენი იყოს. ბიზანტიური კანონმდებლობა ამას სხვაგვარად უყურებდა და ბალსამონი, ამ კანონის განმარტებაში, მოიხსენიებს იმპერატორ ლეონ ბრძენის ნოველას, რომელიც ქმარს, რომლის ცოლიც განუწყვეტლად იგვემბა ბოროტი სულისგან, განქორწინების უფლებას აძლევს; ქორწინების დარღვევის შემდეგ კი შეუძლია კანონიერად შეუღლდეს სხვასთან.*

*ათენის სინტაგმა, IV, 340.

პანონი 16

კითხვა 16. თუ ვინმე, მარხულობს რა წმინდა საიდუმლოთა ზიარებისათვის და პირის დაბანისას ან აბანოში ყოფნისას უნებლიედ გადასცდება წყალი, უნდა ეზიაროს თუ არა?

პასუხი. უნდა ეზიაროს, რამეთუ სხვაგვარად სატანა, კპოვებს რა შემთხვევას განაშოროს იგი ზიარებისგან, უფრო სწირად გააკეთებს ხოლმე ამას.

(მოც. 69; ტრულ. 29, 89; ლაოდ. 50; კართ. 41)

პანონი 17

კითხვა 17. სწირად ვისმენთ რა ღვთის სიტყვას და არ აღვასრულებთ, ამით თავს განკითხვაში ხომ არ ვიგდებთ?

პასუხი. მართალია, არ აღვასრულებთ, მაგრამ არ შეიძლება თავს არ ვეციხავდეთ, რომ ვისმენთ და არ ვემორჩილებით. ხოლო საკუთარი თავის გაკიცხვა ცხონების ნაწილია.

(1 მსოფ. 12; ლაოდ. 2; კართ. 43; ბასილი დიდის 84; გრიგოლ ნოსელის 4, 5)

პანონი 18

კითხვა 18. ადამიანის რომელი ასაკიდან განისჯება მისი ცოდვები ღმერთისგან?

პასუხი. თითოეულის შემეცნებისა და განსჯადობის ზომისაებრ; ზოგნი ათი წლის ასაკიდან განისჯებიან, სხვები კი — შემდგომი წლებიდან.

(მოც. 52; კართ. 110)

წინამდებარე კანონში საუბარია არასრულწლოვნებზე: არიან თუ არა ისინი პასუხისმგებელნი თავიანთი დანაშაულებრივი ქმედებისათვის; თანაც ნათქვამია, რომ ამ პასუხისმგებლობის შესახებ უნდა ვიმსჯელოთ „თითოეულის შემეცნებისა და განსჯადობის ზომისამებრ“, ზოგადად, დაწყებული ათი წლის ასაკიდან. ეს უკანასკნელი მხოლოდ იმ შემთხვევაში, თუ არასრულწლოვანი, თავისი გონებრივი განვითარებით, მზად არის გააცნობიეროს, რომ დაუშვებელს სჩადის, და თუ აცნობიერებს, ასეთ შემთხვევაში მას ეკისრება შესაბამისი სასჯელი. ბალსამონი, თავის 50-ე კანონიკურ პასუხში პატრიარქ მარკოზისადმი, ამბობს, რომ არასრულწლოვნად უნდა ჩაითვალოს 14 წლამდე ასაკისანი, თუ მამრობითი სქესის არიან, და 12 წლისანი, თუ — მდედრობითი სქესის.* ეს შეიძლება განმარტებად მოემსახუროს წინამდებარე კანონის სიტყვებს: „ზოგიერთები კი შემდგომი წლებიდან“.

*ათენის სინტაგმა, IV, 484.

**წმინდისა ბრიგოლ ღვთისმეტყველისა,
იშის შესახებ. თუ კველი და ახალი აღთქმის რომილი
წიგნები უნდა იკითხებოდეს**

იმისათვის, რომ შენი გონება უცხო წიგნებით არ ცდუნდეს, რამეთუ მრავალი ცრუთხზულება გამოჩნდა, არასწორი ზედწარწერილობით, მიიღე, საყვარელო, ჩემი ეს სარწმუნო ჩამონათვალი. ძველი ებრაელური სიბრძნის ისტორიული წიგნი სულ თორმეტია. პირველი არის შესაქმე (დაბადება), შემდეგ – გამოსელათა, ლევიტელთა, შემდეგ – რიცხეთა, ამის შემდეგ – მეორე რჯული; მერმე მოდის ისუ და მსაჯულთა, მერვე არის რუთი, მეცხრე და მეათეა მეფეთა საქმენი, პარალიპამენონი (ნეშტთა) და ბოლოა ეზდრა. პოეტური წიგნი ხუთია: პირველი იობის, შემდეგ – დავითის, ამის შემდეგ სამი სოლომონის: ეკლესიასტე, ქებათა ქება და იგავნი. ასევე ხუთია წინასწარმეტყველური სულის შემცველი. ერთ წიგნად არის გაერთიანებული შემდეგი თორმეტი: ოსე, ამოსი და მესამე მიქია, შემდეგ – იოველი, ამის შემდეგ – იონა, აბდია, ნაუმი, ამბაკუმი, სოფონია, ანგია, მერმე მოდის ზაქარია და მალაკია. ეს ყველა ერთი წიგნია. მეორე კი ესაიასი არის, მის შემდეგ ჩვილობიდან ხმობილი იერემიასი, შემდეგ მოდიან ეზეკიელი და დანიელი მადლიერი. შემოგთავაზე ძველი აღთქმის ოცდაორი წიგნი, იმდენივე, რამდენი ასოცაა ებრაულ ანბანში. ამის შემდეგ აღრიცხე ახალი საიდუმლოს წიგნები. მათემ დაწერა ქრისტეს სასწაულების შესახებ ებრაელთათვის, მარკოზმა – იტალიისათვის, ლუკამ – აქაიასათვის, ყველასათვის კი – იოანემ, დიდმა მქადაგებელმა და ცადმავალმა. მათ მოსდევს საქმენი ბრძენ მოციქულთა, თოთხმეტი ეპისტოლე პავლესი, შეიდი კათოლიკე, რომელთაგან ერთი არის იაკობის, ორი – პეტრესი, შემდეგ, სამი – იოანესი, მეშვიდე – იუდასი; ეს არის სულ. ამათ გარდა რაც არის, შეუწყნარებელია.

(მოც. 85; ლაოდ. 60; კართ. 24; ათანასე დიდის 2; ამფილოქესი)

ეს კანონი შედგენილია ძველი და ახალი აღთქმის კანონიკური წიგნების შესახებ გრიგოლ ღვთისმეტყველის პოეტური თხზულებებიდან. ზემოთ უკვე აღვნიშნეთ, რომ წმინდა გრიგოლ ღვთისმეტყველი (სხვაგვარად: ნაზიანზელი) თავის თხზულებებს უმეტესწილად ლექსების სახით წერდა. ათანასე დიდის მსგავსად (კან. მე-2), ეს წმინდა მამაც ჩამოთვლის კანონიკურ წიგნებს, რათა ადამიანის გონება არ იქნეს გატაცებული გარეშე წიგნებით, რომლებიც ცრუსათაურებს ატარებდნენ და სინამდვილეში აპოკრიფული წიგნები წარმოადგენდნენ.

ძველი აღთქმის კანონიკური წიგნების რიცხოვნობა წინამდებარე კანონში იგივეა, რაც ათანასე დიდთან. გრიგოლ ღვთისმეტყველი ძველი აღთქმის ყველა წიგნს ებრაელების მსგავსად სამ ჯგუფად ჰყოფს; ეს ჯგუფებია: ისტორიული, პოეტური და წინასწარმეტყველური,* სულ – 22 წიგნი. „წიგნი ესთერის“ არ შეუტანია იმავე მიზეზით, რა მიზეზითაც ეს ათანასე დიდმა გააკეთა.

*შემდგომში მიღებულ იქნა კანონიკური წიგნების სხვაგვარი დაყოფა, სახელდობრ: 1) რჯულმდებლური, 2) ისტორიული; 3) სამოძღვრო) და 4) წინასწარმეტყველური. იხ. „მართლმადიდებლურ ქრისტიანულ კატეხისმიში“ თავი „წმინდა წერილის შესახებ“.

ახალალექმისეული წიგნებიდან წმინდა გრიგოლ ღვთისმეტყველი მოიხსენიებს 26 წიგნს. მასთანაც, ისევე, როგორც ლაოლოკიის კრების მე-60 კანონში, „აკოკალიფსისი“ არ შედის იმ მიზეზით, რომ ეს წიგნი ჯერ კიდევ არ იყო დასული ყველა ადგილობრივ ეკლესიამდე და, შესაბამისად, ყველა ადგილობრივი ეკლესიის მიერ არ იყო აღიარებული.

წმინდისა ავფილოქე ეპისკოპოსისა სელევიკის მიმართ, იმის შესახებ, თუ რომელი წიგნებია მისაღები

უაღრესად საჭიროა იცოდეთ, რომ ყველა წიგნი, რომელმაც მოიპოვა წმინდა წერილის საპატივცემულო სახელი, არ არის ღირსსარწმუნო. რამეთუ ზოგჯერ გვხვდება ცრუსათაურიანი წიგნები, ზოგი ნამდვილის მსგავსია და, ასე ვთქვათ, ახლოს დგას ჭეშმარიტების სიტყვებთან, სხვები კი ყალბია და მაცდუნებელი, როგორც ყალბი მონეტებია ხოლმე: სამეფო ზედწარწერილობა აქვს, მაგრამ თავისი შემადგენლობით ნამდვილი არ არის. ამიტომ დაგისახელებ თითოეულ ღვთიესულიერ წიგნს. მაგრამ, იმისათვის, რომ ცალ-ცალკე შეისწავლო, ჯერ ჩამოგითვლი ძველი აღთქმის წიგნებს. ხუთწიგნეული შეიცავს: შესაქმეს, შემდეგ გამოსვლათას, და ლევიტელთა შუა წიგნს; მათ მოსდევს რიცხვთა და მერმე მეორე რჯული. ამათ მიუმატე ისუ და მსაჯულთა, შემდეგ – რუთი, ოთხი წიგნი მეფეთა, და ორი – ნეშტა. მერმედ – ეზდრას პირველი და მეორე წიგნი. ამის შემდეგ დაგისახელებ ლექსად შექმნილ ხუთ წიგნს, ესენია: ღვაწლმოსილი და მრავალენებული იობის, სულის დამატკობელი და მაკურნებელი ფსალმუნთა წიგნი, ყოვლადბრძენი სოლომონის სამი წიგნი – იგავნი, ეკლესიასტე და ქებათა ქება. ამათ დაუმატე თორმეტი წინასწარმეტყველი: პირველი ოსე, შემდეგ ამოსი, მიქია, იოველი, აბდია და იოანა – სამდღიანი სიკვდილის წინასახე; მათ მოსდევს ნაუმი, ამბაკუმი, შემდეგ – სოფონია, ანგია და ზაქარია, და სახელოვანი კეთილმაუწყებელი მალაქია. ამათ შემდეგ შეისწავლე ოთხი წინასწარმეტყველი: დიდი ესაია – კადნიერად მეტყველი, თანამტკბონი იერემია, იღუმალი ეზეკიელი და ბოლოს – დანიელი, საქმითა და სიტყვით ყოვლადბრძენი. ზოგიერთი ამათ უმატებს ესთერს. ახლა დროა ახალი აღთქმის წიგნები დაგისახელო: მიიღე მხოლოდ ოთხი მახარებელი – მათე, შემდეგ მარკოზი, მათ შეუერთე მესამე – ლუკა, იოანე ჩათვალე დროის მიხედვით მეოთხედ, მაგრამ ის პირველია დომატების სიმადლით; ეინაიდან, მართებულად არის იგი ქუხილის ძედ წოდებული, რამეთუ დიდებულად იქუხა (იქადაგა) ღმერთი-სიტყვა. მიიღე მეორე წიგნიც ლუკასი: მოციქულთა კათოლიკე საქმენი. ამათ მერმე დაუმატე რჩეული ჭურჭელი, წარმართთა ქადაგი და მოციქული პავლე, რომელმაც საოცარი სიბრძნით მისწერა ეკლესიებს თოთხმეტი ეპისტოლე: ერთი რომაელთა, ორი კორინთელთა, გალატელთა და ეფესელთა მიმართ; ამათ შემდეგ – ფილიპიაში მცხო-

ვრებთ, შემდეგ კოლასელებს, თესალონიკელებს – ორი, ტიმოთეს – ორი, ტიტესა და ფილემონს – თითოეულს თითო, და ერთი ეპისტოლეითაც ებრაელებს მიმართა. ამ უკანასკნელს ყალბს უწოდებენ არაკეთილგანზრახვით, მაგრამ მასში ჭეშმარიტი მადლია. ბოლოს, რა გითხრა კათოლიკე ეპისტოლეების შესახებ? ზოგი ამბობს, რომ შვიდია მათგან მისალებით, ზოგიც მხოლოდ სამს ასახელებს, ესენია: ერთი იაკობის, ერთი პეტრესი, ერთი იოანესი. ზოგიერთი იოანესგან სამი ეპისტოლეც იწყნარებს, მათ გარდა კი – პეტრესგან ორს და მეშვიდეს იუდასგან. იოანეს „გამოცხადება“ ზოგიერთებს წმინდა წერილის წიგნებში შეაქვთ, ზოგიერთს კი ნამდვილ წიგნად არ მიაჩნია.

დაე, ეს იყოს შენთვის უტყუარი კანონი ღვთივსულიერი წერილის აღრიცხვისა.

(მოც. 85; ლაოდ. 60; კართ. 24; ათანასე დიდის 2; გრიგოლ ღვთისმეტყველისა)

სელევიკის მიმართ თავის ეპისტოლეში, რასაც წინამდებარე კანონი შეადგენს, ამფილოქე ჩამოთვლის როგორც ძველი, ისე ახალი აღთქმის ღვთივსულიერ წიგნებს, რომლებსაც ჩვენი მართლმადიდებელი ეკლესია კანონიკურად აღიარებს; კერძოდ, ეს წიგნებია: 22 ძველი და 27 ახალი აღთქმის, სულ 49 წიგნი.*

*მისათან შესაბამისობაში, რომ, როგორც ათანასე დიდის მე-2 კანონის განმარტებაში აღვნიშნეთ, ძველადღებულ კანონში ზოგჯერ ორი ან მეტი წიგნი ერთ წიგნად არის გაერთიანებული, საერთო რიცხონობა ძველი და ახალი აღთქმის კანონიკური წიგნებისა 68-ს აღწევს, კერძოდ: 1) დაბადება, 2) გამოსლვათა, 3) ლევიტელთა, 4) რიცხვთა, 5) მეორე რჯული, 6) ისუ ნავეს ძისა, 7) მსაჯულთა, 8) რუთისა, 9) ესთერისა, 10) პირველი მეფეთა, 11) მეორე მეფეთა, 12) მესამე მეფეთა, 13) მეოთხე მეფეთა, 14) პირველი ნეშტა, 15) მეორე ნეშტა, 16) პირველი ეზდრასი, 17) მეორე ეზდრასი, 18) ფსალმუნის, 19) იგავნი სოლომონისი, 20) ეკლესიასტესი, 21) ქებათა ქება, 22) იობისი, 23) წინასწარმეტყველისა ესაიასი, 24) წინასწარმეტყველისა იერემიასი, 25) გოდება იერემიასი, 26) ეპისტოლე იერემიასი, 27) ბარუქისი, 28) წინასწარმეტყველისა ეზეკიელისა, 29) დანიელისა, 30) ოსიასი, 31) იოველისი, 32) ამოსისი, 33) აბდიასი, 34) იონასი, 35) მიქაისი, 36) ნაუშისი, 37) ამბაკუმისი, 38) სოფონიასი, 39) ანგაისი, 40) ზაქარიაისი, 41) მალაქიასი, 42) სახარება მათესაგან, 43) სახარება მარკოსისაგან, 44) სახარება ლუკასაგან, 45) სახარება იოანესაგან, 46) საქმენი მოციქულთა, 47) ეპისტოლე იაკობისი, 48) 1 ეპისტოლე პეტრესი, 49) 2 ეპისტოლე პეტრესი, 50) 1 ეპისტოლე იოანესი, 51) 2 ეპისტოლე იოანესი, 52) 3 ეპისტოლე იოანესი, 53) იუდასი, 54) ეპისტოლე რომელთა მიმართ, 55) 1 ეპისტოლე კორინთელთა მიმართ, 56) 2 ეპისტოლე კორინთელთა მიმართ, 57) ეპისტოლე გალატელთა მიმართ, 58) ეფესელთა მიმართ, 59) ფილიპელთა მიმართ, 60) კოლასელთა მიმართ, 61) 1 ეპისტოლე თესალონიკელთა მიმართ, 62) 2 ეპისტოლე თესალონიკელთა მიმართ, 63) 1 ეპისტოლე ტიმოთეს მიმართ, 64) 2 ეპისტოლე ტიმოთეს მიმართ, 65) ტიტეს მიმართ, 66) ფილიმონის მიმართ, 67) ებრაელთა მიმართ და 68) აპოკალიფსისი (გამოცხადება იოანესი). უახლესი დროის ბერძნულ ეკლესიაში ითვლება მხოლოდ 33 კანონიკური წიგნი ძველი და ახალი აღთქმებისა, იესო ქრისტეს მიწიერი ცხოვრების წლების შესაბამისად. მათგან 22 ძველი აღთქმიდან, ისევე, როგორც ეს ჩვენს მართლმადიდებლურ ქრისტიანულ კატეხიზმშია შეტანილი, და 11 – ახალი აღთქმიდან, სადაც ერთ წიგნად ითვლება პავლე მოციქულის 14 ეპისტოლე, ერთ წიგნად – პეტრეს ორი ეპისტოლე, ასევე ერთ წიგნად – იოანეს სამი ეპისტოლე. იხ. მიტროფანე კრიტოპულისის „აღმსარებლობა“ (VII თავ. ეკლესიის შესახებ).

წინამდებარე ეპისტოლედან კარგად ჩანს, თუ როგორ მერყეობდნენ ცალკეული ადგილობრივი ეკლესიები წმინდა წერილის ამა თუ იმ წიგნის კანონიკურობასთან დაკავშირებით, რის შესახებაც ჩვენ ვისაუბრეთ რამდენიმე პარალელური კანონის განმარტებებში. ამფილოქე მოიხსენიებს მერყეობას, რომელიც ეხებოდა ძველი აღთქმის ერთ წიგნს – ესთერისას, და ახალი აღთქმის ექვს წიგნს: პავლე მოციქულის ეპისტოლეს ებრაელთა მიმართ, იოანე მოციქულის მეორე და მესამე ეპისტოლეებს, პეტრე მოციქულის მეორე ეპისტოლეს, მოციქულ იუდას ეპისტოლეს და მოციქულ იოანეს გამოცხადებას. თუმცაღა თავად ამფილოქე თავისი სიტყვის დასკვნით ნაწილში აღნიშნავს, რომ ყველა ზემოჩამოთვლილი წიგნი შეადგენს სავსებით ჭეშმარიტ კანონს, თუმც კი ზოგიერთებს ეჭვი შეაქვთ მათ კანონიკურობაშიო; და ეს განსაკუთრებით მნიშვნელოვანია, რადგან ეს არის IV საუკუნის ეკლესიის მამის მოწმობა.



პანონიკური ეპისტოლე წმინდისა ბრიგოლისა,
ნოსელი ეპისკოპოსისა ეელიტინის
ეპისკოპოს ლიტონის მიმართ

პანონი 1

1. ისიცაა წმინდა დღესასწაულის ერთ-ერთი კუთვნილება, რომ ჩვენ გულისხმავყოთ მოქმედების რჯულიერი და მართებული სახე შეცოდებულთა მიმართ, რათა ყოველგვარი სულიერი სნეულება განიკურნოს, აღმოცენებული რომელიმე ცოდვისაგან. შესაქმეს ეს საყოველთაო დღესასწაული, რომელიც დაწესებულია წლიური წრის მოქცევის მიხედვით და ყოველწლიურად აღესრულება მთელ მსოფლიოში, იდღესასწაულება დაცემულის აღდგომის მიზეზით. მაგრამ დაცემა არის ცოდვა, ხოლო აღდგომა არის წამოდგომა ცოდვიანი დაცემისაგან. ამრიგად, კეთილშესაფერისი იქნება ამ დღეს არამარტო ღმერთთან მიყვანა ემბაზის მადლის მეშვეობით აღმოშობით განახლებული ადამიანებისა, არამედ მკვლარ საქმეთაგან ცხოვრების გზაზე მოქცევისა და სინანულის მეშვეობით კვლავ დაბრუნებულთა წინამძღვრობაც მაცხოვრებელი სასოებისაკენ, რომლისგანაც ისინი ცოდვის მიზეზით გაუცხოვდნენ. არცთუ მცირედი საქმეა, რომ სიტყვები ამის შესახებ განგებულ იქნეს სამართლიანი და გამოცდილი კანონის მსჯავრით, მცნებისამებრ წინასწარმეტყველისა, რომელიც გვიბრძანებს სიტყვების განგებას სამსჯავროზე („განაგნეს სიტყუანი მისნი საშჯელსა შინა“), რათა საღმრთო წერილის ნათქვამისამებრ, „არა შეირყიოს, სახსენებელად საუკუნოდ იყოს მართალი“ (ფსალმ. 111, 5, 6). რამეთუ როგორც სხეულებრივ მკურნალობაში სამკურნალო ხელოვნების მიზანი ერთია: ჯანმრთელობის დაბრუნება სნეულისათვის, ხოლო მკურნალობის სახეები განსხვავებულია, რამეთუ სხვადასხვა სნეულებათა კვალობაზე თითოეულ სნეულებას მკურნალობის შესაბამისი ხერხი მიესადაგება, ასევე სულიერ სნეულებებშიც, ვნებების სიმრავლისა და მრავალფეროვნების კვალობაზე, აუცილებელი ხდება მრავალფეროვანი საკურნებელი მზრუნველობა, რომელიც სნეულების გვარობიდან გამომდინარე, ახდენს კურნებას. მაგრამ იმისთვის, რომ გარკვეული მართებულობით განვიხილოთ წინამდებარე საგანი, შემდეგნაირად დავაწყოთ სიტყვა:

ჩვენს სულში, თავდაპირველი დაყოფის მიხედვით, იხილება სამი ძალა: გონების ძალა, მოსურნეობის (წადილის, გულისთქმის) ძალა და გაღიზიანების (გულისწყრომის) ძალა. ამ ძალებში აღესრულება კეთილად მცხოვრებთა ღვაწლნიც და ბოროტისაკენ მიდრეკილთა დაცემაც. ამიტომ ვისაც სურს შესაფერისი კურნება გამოიყენოს სულის სნეული ნაწილისათვის, პირველ ყოვლისა, უნდა განიხილოს, თუ რომელ ნაწილში აღმოცენდა სნეულება, და შემდეგ ვნებულს უმკურნალოს შესაფერისად, ისე, რომ საკურნებელი საშუალების არცოდნის გამო კურნება ერთ ნაწილს არ მიეცეს, მაშინ, როცა სნეულება სხვა ნაწილშია, როგორც ამას სინამდვილეშიც ვხედავთ ბევრ მკურნალთან, რომლებიც, თავიდანვე ვერ გამოიცილობენ რა სხეულის

სნეულ ნაწილს, თავიანთი მკურნალობით კიდევ უფრო ამძაფრებენ სნეულე-
ბას. სნეულეობა ხშირად წარმოიშობა სიცხის სიჭარბისაგან, მაგრამ რამ-
დენადაც ზედმეტი სიცვიისაგან დაუძღურებულთათვის სასარგებლოა თბილი
და გამათბობელი, ამდენადვე იგივე საშუალება, ბუნებრივად სარგებლობის
მომტანი ესეეთათათვის, წინდაუხედავად გამოყენებული უკიდურესი სიცხით
მოწყულთათვის, უკურნებელად აქცევს სნეულეობას. ამგვარად, როგორც
მკურნალთათვისაა აღიარებული ყველაზე საჭიროდ სხეულებრივ დასაბამ-
თა თვისებების შეცნობა, რათა ვნებულ ანდა არავენებულ ნაწილთაგან
გამოსწორებას სწორედ ის იღებდეს, რომელიც არაბუნებრივ მდგომარე-
ობაში იმყოფება, ამგვარადვე ჩვენც, მივმართაეთ რა სულში არსებულ
ძალთა ამ (გარკვეულ) დაყოფას, საერთო მოხილვა დავადგინოთ ვნებების
შესაბამისი კურნების საფუძველად. ამრიგად, სულისათვის დამახასიათებ-
ელი მოძრაობების სამმაგი დაყოფის მიხედვით, როგორც ვთქვით, გონების,
მოსურნეობისა და გაღიზიანების ძალებად, გონების ძალის კეთილი მო-
ქმედებანი სულში შემდეგია: ღვთაებრივის კეთილმსახური გაგება, კეთილ-
ისა და ბოროტის გარჩევის ხელოვნება, ცხადი და შეურყენელი მსჯელობა
საგნების თვისებებზე – თუ არსებულთაგან რომელნი არიან ღირსნი არჩე-
ვისა და რომელნი უარყოფისა და ზურგის შექცევისა. დაპირისპირების
მიხედვით, შეჭველია, იხილვება აგრეთვე ბოროტი მიმართულებაც სულის
ამ თვისებისა, როცა მასში ღვთაებრივ საგნებთან მიმართებაში იქნება
უკეთურება, ჭეშმარიტად კეთილთან მიმართებაში – განუსჯელობა, საგანთა
ბუნების დამახინჯებული და ცრუ გაგება, ისე, რომ „იტყვიან ბოროტსა
კეთილად და კეთილსა ბოროტად, დასდებენ ბნელსა ნათელად და ნათ-
ელსა ბნელად“, – როგორც საღმრთო წერილი ამბობს (ესაია 5, 20). მოსურ-
ნეობის ძალის კეთილმოქმედი მიმართულება არის სურვილის მისწრაფება
არსებითად სასურველისადმი და ჭეშმარიტად მშვენიერისადმი, და ჩვენში
არსებული სიყვარულის მთელი ძალისა და განწყობის განმსჭვალვა იმაში
დაჯერებულობით, რომ არაფერი სხვა არ არსებობს თავისი ბუნებით სას-
ურველი, გარდა სათნოებისა, სიკეთისა და იმ ბუნებისა, რომელიც სათნოე-
ბას, კეთილმოქმედებას წარმოადგენს. ხოლო ამ უნარის განდრეკა (დამახ-
ინჯება) და ცოდვიანი მოძრაობა მაშინ არის, როცა ვინმე მოსურნეობას
ოცნებისმიერი ქედმაღლობისაკენ ანდა აყვავებული სხეულებრივი სილამ-
აზისაკენ მიაქცევს. აქედან აღმოცენდება: ვერცხლისმოყვარება, დიდების-
მოყვარება, და ამის მსგავსი მანიკერებანი, რომელთაც თავიანთ დასაბამად
ბოროტების ეს სახეობა აქვთ. დაბოლოს, გაღიზიანების ძალის კეთილი
მოქმედება არის ბოროტების სიძულვილი, ბრძოლა ვნებების წინააღმდეგ
და სულის განმტკიცება მხნეობაში, რათა სარწმუნოებისა და სათნოები-
სათვის მოღვაწე არ შეუშინდეს ყოველივე იმას, რაც მრავალთ საშიში
ერგენებათ, არამედ სისხლის დაქცევამდე იღვწოდეს ცოდვის წინააღმდეგ,
უგულეებელყოფდეს სიკვდილის საფრთხეს, უმძიმეს სატანჯველთ და გან-
შორებას იმისაგან, რაც ყველაზე სასიამოვნოა, – და ერთი სიტყვით, იყოს
ყოველივე იმაზე მაღლა, რაც ბევრს ვნებების ტყვეობაში ამყოფებს ჩვეულ-

ბებისა და ცრუ შეხედულებების მიერ. ხოლო ამ ძალის დამახინჯებული მოძრაობები ყველასთვის აშკარაა: შური, სიძულვილი, მტრობა, ბოროტსიტყვაობა, თანამზრახველობა, იჭენუელი და შურისმაძიებლური განწყობა, დიდ დროზე გაწეილი ძვირისმხსენებლობა, რომელსაც ბევრნი მიჰყავს მკვლელობამდე და სისხლის დაღვრამდე. რამეთუ განუწვრთნიელი ზრახვა, რომელმაც არ იცის, სარგებლობით როგორ გამოიყენოს იარაღი, საკუთარი თავის წინააღმდეგ მიატყვევს რკინის მახვილს, და მაშინ ღმერთისგან ჩვენს დასაცავად მოცემული იარაღი, დამღუპველად ექცევათ მის ბოროტად გამოყენებულთ.

(მოც. 52; ტრულ. 102)

გრიგოლ ნოსელის ეპისტოლე, რომლიც მან 390 წელს მისწერა ლიტონის, მელოტინის ეპისკოპოსს, შეადგენს ამ რვა კანონს, რომლებიც სულიერი მოძღვრების სახელმძღვანელოს წარმოადგენს – თუ როგორ უნდა განსაჯონ სხვადასხვა ცოდვა და რა სახის ეპიტიმები განუწესონ მათთვის დამნაშავეს. გრიგოლ ნოსელი ყველა ცოდვას სამ ჯგუფად ჰყოფს, სულის სამი ძალისა და თვისების შესაბამისად, რომლებსაც ის კანონში მოიხსენიებს და რომლებისგანაც გამომდინარეობს როგორც ყველა სათნოება, ასევე ყველა ცოდვა. სულის ძალების ეს დაყოფა, როგორც ბევრრგვია აღნიშნავს,* წმინდა გრიგოლმა აიღო პლატონის ფილოსოფიიდან, და ამით აიხსნება ის, რომ იგი კანონში ამბობს, ასეთივე იყო პირველადი დაყოფაო. სულიერმა მკურნალმა, როდესაც ვინმეში რამე ცოდვას შენიშნავს, წინასწარ უნდა გამოიკვლიოს სულის რომელი ძალიდან გამომდინარეობს ის, და მასთან შესაბამისობაში გამოუწეროს შესაფერისი წამალი, რათა შემთხვევით არ შესცდეს და სხვა წამალი არ მისცეს იმის ნაცვლად, რასაც მისი ავადმყოფობა მოითხოვს. დებს რა ამას საფუძვლად, წმინდა გრიგოლი ამის შემდგომ იძლევა საკუთარ რჩევებს, თუ რაგვარი მოქმედებაა საჭირო ცოდვების გამოკვლევისა და მათი მკურნალობისას. სწორედ ეს შეადგენს გრიგოლ ნოსელის ყველა კანონის ერთობლივ შინაარსს, რომელთა შორისაც პირველი წარმოადგენს დანარჩენი შვიდი კანონის შესავალს.

კანონი 2

ამრიგად, ზემოთქმული წესით ცოდვების დაყოფის მიხედვით, ის ცოდვები, რომლებიც განეკუთვნება სულის აზროვნებით უნარს, მამების მიერ აღიარებულნი არიან უმძიმესებად და უფრო მეტ, ხანგრძლივ და უმკაცრეს სინანულს მოითხოვენ. მაგალითად, თუ ვინმე განუდგა ქრისტეს და ან იუდეველობას მიექცა, ან კერპთაყვანისმცემლობას, მანიქეველობასა თუ სხვა რამე სახის უკეთურებას, ასეთს, თუკი თავისი ნებით მიქცევია ბოროტებას, მაგრამ შემდეგ შეუნანია, თავისი სიცოცხლის მთელი ხანგრძლივობა უნდა ჰქონდეს სინანულის დროდ. რამეთუ იგი საიდუმლო ღოცვის აღსრულებ-

*E. sine Pandectae, II, Annotat, p. 228.

ისას არასდროს გახდება ღირსი მრევლთან ერთად თავყვანი სცეს ღმერთს, არამედ, დაე, განმარტოებით ლოცულობდეს, ხოლო წმინდა საიდუმლოთა ზიარებას, დაე, სრულიად განეყენოს. მაგრამ ამა ცხოვრებისაგან განსვლი-
სას, დაე, ღირსიქმნას ზიარებისა. ხოლო თუკი, მოლოდინის საწინააღმდე-
გოდ, იგი ცოცხალი დარჩება, მაშინ კვლავც იმავე სასჯელში იცხოვროს
და თავის აღსასრულამდე უღირსად დარჩეს წმინდა საიდუმლოთა მიღებ-
ისა (სიკვდილის წინ კი ეზიაროს). ხოლო ისინი, რომელნიც ტანჯვითა და
სინდისის სასტიკი ქენჯინით იქნენ იძულებულნი (განდგომოდნენ ქრისტეს),
განსზღვრული დროით ექვემდებარებიან ეპიტიმებს. რამეთუ წმინდა მა-
მებმა ასეთი კაცთმოყვარეობა იმიტომ გამოუშლავნეს მათ, რომ მათი სული
კი არ დაქვემდებარებია დაცემას, არამედ სხეულებრივმა უძღურებამ ვერ
შესძლო წინააღდგომოდა სატანჯველთ. ამის მიზეზით ძალადობრივი და
ტანჯვის გამო იძულებითი განდგომისათვის, ეპიტიმის ზომა დაცემულის
სინანულად მოქცევის შემდგომ, განისაზღვრება სიძვით შემცოდეთა მამა-
ლოთისამებრ.

(მოც. 62; I მსოფ. 10, 11, 12, 14; ტრულ. 102; ანკეირ. 1-9, 21; ლაოდ. 2, 19; კართ. 43; გრიგოლ ნეოკესარიელის 2, 11; ბასილი დიდის 3, 73, 74, 75, 81, 84; პეტრე ალექსანდრიელის 2, 3; გრიგოლ ნოსელის 3)

ამ კანონში, ისევე, როგორც ამის შემდგომ კანონში (მე-3 კან.) წმინდა გრიგოლი განიხილავს იმ ცოდვებს, რომლებიც გამომდინარეობენ სულის გონიერი შესაძლებ-
ლობებიდან (ნაწილიდან); იგი ასეთებს მიიჩნევს ყველაზე მძიმე ცოდვებად და
რჩევას იძლევა, რომ მათთვის განიწესოს უმკაცრესი ეპიტიმები. ამ სახის ცოდ-
ვებს უპირველესად განეკუთვნება ცოდვები წმინდა სარწმუნოების წინააღმდეგ,
კერძოდ, როდესაც ვინმე უარყოფს ქრისტეს და იუდეველობაში ან წარმართობაში
გადადის, ან — ეკლესიის მიერ დაგმობილ რომელიმე მწვალებლობაში, ვინაიდან
სწორედ ეს აღნიშნავს სიტყვებს — „ან სხვა რამე სახის უკეთურებას“. თუკი ვინმე
განზრახ (შეგნებულად) მოიქცა ასეთნაირად, გარეგანი ძალდატანების გარეშე, და
შემდგომში მოინანია, ის უნდა დარჩეს სასჯელის ქვეშ მთელი თავისი სიცოცხ-
ლის განმავლობაში წმინდა ზიარების მიუღებლად. ხოლო თუ იგი სარწმუნოებას
განუდგა გარეგანი ძალდატანებით, ფიზიკური ზემოქმედების შედეგად, მაშინ იგი
ისეთივე სასჯელით უნდა დაისაჯოს, როგორც ამ წმინდა მამის მიერ განწესებუ-
ლია მეძავთათვის.

კანონი 3

ისინი კი, ვინც გრძნეულებთან, ან მკითხავეებთან მიდიან, ანდა იმათთან,
რომლებიც ღემონების მეშვეობით პირლებიან რაღაც განწმენდასა თუ ზიანის
თავიდან აცილებას, დაე, დაწვრილებით იქნან გამოკითხულნი და გამოცდილნი:
ქრისტეს რწმენაში თუ რჩებოდნენ ამ დროს და შეჭირვების მიზეზით ხომ
არ იქნენ მიზიდულნი ასეთი ცოდვისაკენ, იძულებულნი რაღაც უბედურე-
ბით ან აუტანელი გაჭირვებით, თუ სრულიად უზულებელყვეს ჩვენ მიერ

მათთვის მინდობილი აღმსარებლობა და ამ სახით მიმართეს დემონების დახმარებას. რამეთუ თუ ეს რწმენის უარყოფით ჩაიდინეს და იმისთვის, რომ არ ეწამათ, რომ ღმერთი არის ქრისტიანთაგან თაყვანცემული, მაშინ ისინი უეტველად დაექვემდებარებიან განკითხვას რწმენისაგან განდგომილებთან ერთად. ხოლო თუკი აუტანელმა გაჭირვებამ მიიყვანა ისინი ამ ზომამდე, ეუფლა რა მათ სუსტ სულს და აცთუნა რაღაც ცრუ იმედით, მაშინ მათაც კაცთმოყვარება უნდა გამოუველინოთ იმათ მსგავსად, რომლებმაც აღმსარებლობის დროს ვერ შესძლეს წინაღდგომოდნენ ტანჯვა-წამებას.

(ტრულ. 61, 65; ანკეირ. 24; ლაოდ. 36; ბასილი დიდის 7, 65, 72, 81, 83; გრიგოლ ნოსელის 2)

ვინც მისნობით, მარიჩელობითა და მსგავსი საქმეებით არის დაკავებული და სწამს ყოველივე ამისი, ის ამით აჩვენებს, რომ ღმერთის რწმენა არ გააჩნია და, შესაბამისად, წმინდა სარწმუნოების მოღალატეა. აქედან გამომდინრივ, წმინდა გრიგოლი ამ სახის ცოდვის სათავედ სულის იგივე ძალას (ნაწილს) მიიჩნევს, რომლისგანაც გამომდინარეობს განდგომა და რომლის შესახებაც მე-2 კანონი ლაპარაკობს, და ამ სახის შემცოდებელთათვის (მათი მონანიების შემთხვევაში) იგივე ეპიტიმიას განაწესებს, რასაც ამ კანონში მოხსენიებულ განდგომილთათვის.

კანონი 4

მოსურნეობისა და ავხორცობისაგან მომდინარე ცოდვები შემდეგნაირად განიყოფა: ერთნი მრუშობად იწოდება, სხვანი – სიძვად. ზოგიერთმა გამოწველილვით გამომეძიებელმა, კეთილად ინება სიძვის ცოდვისთვისაც მრუშება ეწოდებინა, რადგან ერთია კანონიერი კავშირი: ცოლისა – ქმართან, და ქმრისა – ცოლთან. ამრიგად, ყოველივე არაკანონიერი უკვე რჯულის საწინააღმდეგოა, და არათავისის ამღები აშკარად სხვისას ითვისებს. რამეთუ ადამიანს ღმერთისგან ერთი შემწე მიეცა, და ცოლსაც ერთი თავი ჰყავს დადგენილი. ამრიგად, თუ ვინმეს თავისი საკუთარი ჭურჭელი შეუძინა, როგორც ღვთაებრივი პავლე ამბობს (1 თეს. 4, 4), იმას ბუნებითი რჯული მისი სამართლიანი გამოყენების უფლებას ანიჭებს. მაგრამ თუ ვინმე არათავისას მიექცევა, ასეთი, უეტველია, სხვისას მიიტაცებს. ყველასთვის სხვისი არის ის, რაც არ არის მისი საკუთარი, თუნდაც არ ჩანდეს ამ მისაკუთრებული მფლობელი. ამიტომაც, ამ საგნის უფრო მკაცრად გამომეძიებელთათვის სიძვა არც თუ დიდად ნაკლებ ცოდვად წარმოსდგება, ვიდრე მრუშობა, რამეთუ საღმრთო წერილი ამბობს: „ნუ დაიყოენბ უცხოთა თანა დედაკაცისა“ (იგავნი 5, 20). მაგრამ, რადგანაც ყველაზე უძლურთა მიმართ მამები ერთგვარ შემწყნარებლობას ავლენდნენ, ამიტომ ამ ცოდვაში დადგენილ იქნა ასეთი საერთო გარჩევა: სიძვად იწოდება გულისთქმის შესრულება, ვინმესთან ჩადენილი სხვისი შეურაცხყოფის გარეშე, ხოლო მრუშობად – სხვისი კავშირის ხელყოფა და შეურაცხყოფა. ამასვე მიაკუთვნებენ პირუტყვთმავლობას და მამათმავლობას, იმიტომ, რომ ეს

ცოდვებიც ბუნების საწინააღმდეგო მრუშობას განეკუთვნებიან, რამდენადაც შეურაცხყოფა მიაღებება სხვის გვარს, და ამასთან – ბუნების საწინააღმდეგოდ. ამგვარ სახეობებად დაყოფისას, ამ ცოდვის საერთო კურნებაც იმაში მდგომარეობს, რომ ადამიანი სინანულის მეშვეობით განიწმიდოს ვნებისმიერი სიშმაგისაგან ხორცის ასე საამებლად. ხოლო რამდენადაც სიძვეთი შებილწულის შემთხვევაში ამ ცოდვასთან არ არის შერწყმული სხვისი შეურაცხყოფა, ამიტომ სინანულის ორმაგი დრო არის განსაზღვრული იმათთვის, რომელთაც თავი მრუშობით ანდა სხვა მძიმე ცოდვებით შეიბილწეს, როგორებიცაა: პირუტყვებთან აღრევა ან შმაგი ლტოლვა მამრობითი სქესისადმი. რამეთუ ამ შემთხვევებში, როგორც ვთქვი, ცოდვა ორმაგი ხდება: ერთი მდგომარეობს ნებადაურთველ, დაუშვებელ ავხორცობაში, მეორე კი – სხვისთვის მიყენებულ შეურაცხყოფაში. ამიტომ, დაე, სინანულის სახეობის რაღაც სხვაობა იყოს ავხორცობის ცოდვებში. საკუთარი თავის თავადვე აღმძვრელი ცოდვების აღიარებად, როგორც თავისი სნეულების კურნების უკვე დამწყები იმით, რომ საკუთარი ნებელობით გადაწყვიტა თავისი საიდუმლოებების მამხილებელი ყოფილიყო, და როგორც უმჯობესისაკენ თავისი შეცვლის ნიშნის წარმომაჩინებელი, დაე, უფრო შემწყნარებლურ ეპიტიმიას დაექვემდებაროს, ხოლო ბოროტებაში შემჩნეული ან რაღაც ეჭვის მიტანითა თუ ბრალდებით უნებლიეთ მხილებული, ექვემდებარება უფრო ხანგრძლივ გამოსწორებას, რათა განიწმიდება რა სიმკაცრით, ამ სახით იქნას შეწყნარებული წმინდა საიდუმლოთა საზიარებლად. კანონი ამაზე ასეთია: სიძვეთი შებილწულნი სამი წლით იქნან სრულიად განშორებულნი საეკლესიო ღოცვას, მომდევნო სამი წლის განმავლობაში მონაწილეობა მიიღონ საღმრთო წერილის მხოლოდ მოსმენაში, სხვა სამი წელიწადი მონანულ შევრდომილებთან ერთად ილოცონ, შემდეგ კი, დაე, ეზიარონ წმინდა საიდუმლოებს. ხოლო სინანულში უფრო მეტი მოშურნეობით მყოფთათვის და თავიანთი ცხოვრებით კეთილისადმი დაბრუნების წარმომაჩინებელთა შემთხვევაში, – საეკლესიო აღმშენებლობის საქმეში სასარგებლო წვლილის შემტანისათვის ნებადართულია, მოსმენის დრო შეუმციროს და უფრო მალე მიიყვანოს ესევეთარნი მოქცევამდე; მსგავსადვე შეუმციროს ამის დროც და უფრო მალე დაუშვას ისინი ზიარების მისაღებად, იმის შესაბამისად, როგორადაც თავად იგი შეიცნობს საკუთარი გამომცდელობით განსაკურნებელის მდგომარეობას. რამეთუ, როგორც მარგალიტის დაყრა გვეკრძალება ღორებისათვის, ასევე უადგილო იქნებოდა ძვირფასი მარგალიტის მოკლება იმისთვის, ვინც ცოდვისაგან მოშორებით და განწმედით უკვე ადამიანი გამხდარა. ურჯულოება კი, ჩადენილი მრუშობით ანდა უწმინდურობის სხვა სახეობით, როგორც ზემოთ ითქვა, ყოველივეში დაე, იმავე მსჯავრით განიკურნოს, როგორც სიძვის ცოდვა, მაგრამ დროის (ეპიტიმიის ვადის) გაორმაგებით. ამასთან, დაე, გათვალისწინებულ იქნეს განსაკურნებელის განწყობა, ისევე, როგორც სიძვის უწმინდურობით შეპყრობილის შემთხვევაში, რათა, ადრე იქნება თუ გვიან, მიეცეთ მათ სიკეთესთან ზიარების საშუალება.

(მოც. 48, 61; ტრულ. 87, 93, 98; ანკვირ. 20; ნეოკეს. 1, 8; კართ. 102; ბასილი დიდის 3, 7, 9, 18, 21, 31, 37, 38, 39, 58, 59, 60, 62, 63, 77)

ამ კანონში წმინდა გრიგოლი ყურადღებას ამახვილებს იმ ცოდვებზე, რომლებიც სქესობრივი ჟინის დაკმაყოფილებისა და სიამისმოყვარეობის შედეგებია, კერძოდ: სიმძიმით პირველ ადგილზეა მრუშობა, რომელიც სქესობრივი ჟინის – აუხორციობის შედეგია, სიძვა კი გამომდინარეობს სიამისმოყვარეობიდან. წმინდა გრიგოლი არ ეთანხმება იმათ, ვინც სიძვასა და მრუშობას აიგივებენ და აღნიშნავს, რომ სიძვა უნდა ეწოდოს იმ ცოდვას, როდესაც ვინმე იკმაყოფილებს თავის ხორციელ ჟინს სხვა პირისათვის შეურაცხყოფის მიუყენებლად, ხოლო – მრუშობა, როდესაც ბოროტება და შეურაცხყოფა ადგება სხვა პირს. მეძავთათვის წმინდა გრიგოლი განაწესებს ცხრაწლიან ეპიტიმიას, ხოლო მრუშთათვის – ორმაგს და, შესაბამისად, თრამეტწლიანს; რა თქმა უნდა, იმ შემთხვევაში, თუ შემცოდებელმა მოინანია და ცოდვა დაუტევა. ორმაგს იმიტომ განაწესებს, რომ თავად ცოდვაა ორმაგი; ერთი მდგომარეობს აკრძალულ სიამისმოყვარეობაში, მეორე – მოყვასი-სადმი მიყენებულ შეურაცხყოფაში. სიძვით კი მესამე პირს შეურაცხყოფა არ მიეყენება. წმინდა მამა ფიქრობს, რომ მრუშობის შემთხვევაში ერთნაირ სასჯელს იმსახურებს როგორც ცოლის მოღალატე ქმარი, ისე ქმრის მოღალატე ცოლიც. როგორც ჩანს, ამ დანაშაულთან დაკავშირებით, წმინდა გრიგოლის აზრი არ ეთანხმება ბასილი დიდისას (იხ. ბასილი დიდის მე-9 და 21-ე კან.). წმინდა გრიგოლს რომ სწორედ ასეთი მოსაზრება აქვს მრუშობისათვის სასჯელთან მიმართებით, ამტკიცებს მისი სიტყვები: „მრუშობა ეწოდება სხვისი კავშირის ხელყოფასა და შეურაცხყოფას“. ხოლო სიტყვაში: „სხვისი“ რომ ცოლიც და ქმარიც უნდა ვიგულისხმოთ, ამას კანონის სიტყვები ამტკიცებენ: „რამეთუ ერთია კანონიერი კავშირი: ცოლისა – ქმართან, და ქმრისა – ცოლთან“.

წმინდა გრიგოლი მრუშობასთან ერთ კატეგორიაში აყენებს და შესაბამის სასჯელს უქვემდებარებს ბუნების საწინააღმდეგო ყველა მეძავურ ქმედებასაც, კერძოდ პირუტყვთან დაცემას, მამათმავლობას, ან სიშმაგეს მამაკაცის სქესისადმი, რომლის შესახებაც ვისაუბრეთ ბასილი დიდის მე-7 კანონის განმარტებაში.

პანონი 5

ამის შემდეგ გვრჩება გამოკვლევას დაუქვემდებაროთ გაღიზიანების (გულისწყრომის) სულიერი ძალა, როცა იგი, განდრეკილი განრისხების კეთილი გამოყენებისაგან, ცოდვაში ვარდება. გაღიზიანებისაგან მრავალი ცოდვის საქმე და ყოველგვარი ბოროტება მომდინარეობს. მაგრამ ჩვენს მამებს ენებათ ზოგიერთი მათგანის გამო არ შესულიყვნენ ბევრ გამოწვლილვაში და არ აღიარეს საჭიროდ დიდი მზრუნველობა გაღიზიანებისაგან მომდინარე შეცოდებების საკურნებელად. საღმრთო წერილი კრძალავს არამხოლოდ მსუბუქ ჭრილობას, არამედ ყოველგვარ ბოროტსიტყვაობასა თუ გმობას (კოლას. 3, 8; ეფეს. 4, 31), და ყველაფერ ამის მსგავსს, მომდინარეს გაღიზიანებისაგან, მაგრამ მამებმა მხოლოდ მკვლელობის

ბოროტმოქმედების საწინააღმდეგოდ დაადგინეს დაცვა ეპიტიმებში. ხოლო განიყოფა ეს ბოროტმოქმედება საკუთარი ნებით ჩადენილი და უნებლიე მკვლელობების განსხვავების კვალობაზე. საკუთარი ნებით ჩადენილი მკვლელობა, პირველ ყოვლისა, არის ის, რომლის ჩასადენდაც განზრახ გაკადნიერებულა ამ ბოროტმოქმედებაზე წასული ადამიანი, რომელმაც ამის გაკეთება გადაწყვიტა; კვალად, ისიც მიეკუთვნება ნებსით ჩადენილ მკვლელობებს, როცა ვინმე, ორთაბრძოლისას, როცა პევემს სხვას და თავადაც იგვემება სხვისგან, ხელით გარკვეულ სახიფათო დარტყმას მიაყენებს მოწინააღმდეგეს. რამეთუ ერთხელ მრისხანებით მოცული და მრისხანების კეთებისაგან ძლეული, ვნების მძვინვარების დროს გონებაში აღარ მიიღებს არაფერს, რასაც ბოროტების შეჩერება შეეძლებოდა. ამრიგად, ურთიერთჭიდილისას მომხდარი მკვლელობა ნებელობის მოქმედებას მიეწერება, და არა — შემთხვევითობისას. უნებლიე მკვლელობებს კი ცნობილი ნიშან-თვისებები აქვთ, როცა ვინმე, განზრახული აქვს რა რაღაც სხვა, შემთხვევით ჩაიდენს მძიმე ბოროტებას. ამათგან, საკუთარი ნებით ჩადენილი მკვლელობა მოითხოვს დროის სამმაგ ხანგრძლივობას იმათთვის, რომელნიც სინანულში მოქცევით მკურნალობენ ნებსით დანაშაულს. მათთვის დადგენილია სამი ცხრაწლეული, ცხრა-ცხრა წლის დაწესებით სინანულის თითოეული საფეხურისათვის. მონანულმა, დაე, სრულ განყენებაში გაატაროს პირველი 9 წელიწადი, ისე, რომ ეკლესიაში შესვლაც აღეკვეთოს. ამდენივე მომდევნო წელიწადი, დაე, მსმენელთა ხარისხში დაჰყოს, ღირსიქმნება რა მხოლოდ მოუსმინოს მოძღვრებასა და საღმრთო წერილს; მესამე ცხრაწლეულში კი, დაე, სინანულით შევრდომილებთან ერთად იყოს, — და შემდეგ მიეახლოს წმინდა საიდუმლოს საზიარებლად. ხოლო, ცხადია, რომ ასეთ ადამიანსაც დააკვირდება ეკლესიაში სულის აღმშენებლობის აღმსრულებელი, და ცოდვილის მოქცევის შესაბამისად შემოკლდება მისთვის ეპიტიმიათა ხანგრძლიობა, ისე, რომ ნაცვლად ცხრა წლისა — სინანულის თითოეული საფეხურისათვის, განწესებული იქნება მისთვის რვა წელი, ან შვიდი, ანდა ექვსი, ან კიდევ მხოლოდ ხუთი წელი, თუკი სინანულის სიდიდით, იგი წინ უსწრებს დროს და საკუთარი თავის გამოსწორების მოშურნეობით აღემატება იმათ, რომელნიც ხანგრძლივი დროის განმავლობაში ნაკლებ ქმედითად განიწმენდენ თავს სიბილწეთაგან. ხოლო უნებლიე მკვლელობა აღიარებულია სულგრძელების ღირსად, ოღონდ — არა ქების. ეს მე ვთქვი იმის ნათელსაყოფად, რომ თუ ვინმე, თუნდაც უნებლიეთ, შეიბილწება მკვლელობის ჩადენით, ესეეთიარო, როგორც უკვე არაწმინდად ქცეული არაწმინდა საქმის გამო, კანონმა აღიარა უღირსად წმინდა მადლის მიღებისა. ხოლო რა დროც არის დაწესებული უბრალო სიძვისაგან განსაწმენდად, ასეთივე დრო იქნა კეთილად განგებული უნებლიე მკვლელებისათვის, აქაც მონანულის სულიერი განწყობის გათავალისწინებით. ამგვარად, თუკი ჭეშმარიტი იქნება მოქცევა, მაშინ, დაე, ნუ დაიცავენ წელთა რიცხვს, არამედ დროის შემცირებით მიიყვანებოდეს მონანული ეკლესიაში დაბრუნებისა და წმინდა საიდუმლოთა ზიარებისათვის. ხოლო თუკი ვინმე,

რომელსაც ჯერ არ შესრულება სინანულისთვის კანონით განსაზღვრული ვადა, სიკვდილის პირას აღმოჩნდება, მაშინ მამების კაცთმოყვარეობა გვიბრძანებს ვაზიაროთ იგი წმიდა საიდუმლოთ, რათა საგზლის გარეშე არ გაემართოს უკანასკნელ და შორეულ მოგზაურობაში. მაგრამ, იმ შემთხვევაში, თუ წმინდა საიდუმლოთ ზიარებული, კვლავ მოუბრუნდება სიცოცხლეს, მაშინ, დაე, დაელოდოს დადგენილი ვადის ამოწურვას იმავე საფეხურიდან, რომელზეც მისთვის აუცილებლობის გამო მიცემულ ზიარებამდე იმყოფებოდა.

(მოც. 65; ტრულ. 91; ანკერ. 21, 22, 23; ბასილი დიდის 8, 11, 56, 57)

განიხილა რა მე-2, მე-3 და მე-4 კანონებში სულის ორი მხარე, ადამიანის სულიერი ძალების 1 კანონში დადგენილი დაყოფების შესაბამისად, წინამდებარე კანონში წმინდა გრიგოლი იწყებს იმ ცოდვების განხილვას, რომელთა სათავეც სულის მესამე შესაძლებლობაა (ნაწილი) – ეს არის „გალიზიანების ძალა“ („снуга паздражениа“, „irascentem partem“). ამ სახის ცოდვებს შორის წმინდა გრიგოლი მოიხსენიებს მკვლელობას, და ამ დანაშაულში ასხვავებს ერთმანეთისგან განზრახ და უნებლიე მკვლელობებს; ამასთან, ერთისთვისაც და მეორისთვისაც განაწესებს შესაბამის სასჯელებს. მკვლელობის შესახებ ჩვენ საკმარისად ვისაუბრეთ ბასილი დიდის მე-8 კანონის განმარტებაში.

კანონი 6

ხოლო კერპთმსახურების სხვა სახეობა, – რამეთუ ასე უწოდებს წმინდა მოციქული ანგარებას (კოლას. 3, 5), არც კი ვიცი რატომ დატოვეს ჩვენმა მამებმა კურნების მიუთითებლად. ეს ბოროტება, როგორც მე ვგონებ, არის სულის სნეულება სამგვარი მიმართებით: რამეთუ გონება, – შეცთომილი სიკეთის განსჯაში, – ოცნებობს, თითქოსდა, სიკეთე ნივთიერებაში მდგომარეობდეს, და არ უჭკვრეტს უნივთო სიმშვენიერეს; მოსურნეობა ამქვეყნიურს მიესწრაფვის, – განეშორება რა ჭეშმარიტად სასურველს. სწორედ ამ მიზეზით მიიღებს ხოლმე სულის ჭირვეული და გაღიზიანებითი განწყობა ბევრ ასეთ შემთხვევას. და საერთოდ, შეიძლება ითქვას, რომ ასეთი სნეულება შეესატყვისება ანგარების მოციქულისმიერ აღწერას. რამეთუ ღვთაებრივმა მოციქულმა იგი არამხოლოდ კერპთმსახურებად აღიარა, არამედ ყველა ბოროტების „ძირადაც“ (1 ტიმოთ. 6, 10). მაგრამ, მიუხედავად ამისა, ცოდვის ეს გვარობა დატოვებულ იქნა საგანგებო განხილვისა და კურნების გარეშე, რის გამოც ეს სენი მრავლდება ეკლესიებში, და არავინ გამოსცდის სამღვდელო დასში მისაღებ პირებს იმაში, შებილწულან თუ არა ისინი კერპთმსახურების ამ სახეობით. თუმცა, რადგანაც ჩვენს მამებს არ უხსენებიათ იგი, ამიტომ საკმარისად მივიჩნევთ ამის კურნებას, რამდენადაც შესაძლებელია, საჯაროდ დასამოძღვრავი სიტყვით, და ანგარებისმოყვარეობის სნეულებანიც, როგორც ერთგვარი ავადმყოფობა მოჭარბებული კეთილდღეობისგან, ჩვენ უნდა განვწმიდოთ გონივრული განსჯადობით. ჩვენ მს-

ოლოდ ქურდობას, საფლავთმხრასა და სიწმიდეთმკრეხელობას ვთვლით მძიმე სნეულებად, იმიტომ, რომ ამის შესახებ მემკვიდრეობითი გადმოცემა გვაქვს მამებისაგან. საღმრთო წერილის მიხედვითაც აკრძალულ საქმეთა რიცხვს განეკუთვნება ვახში და აღნადგინები, და სხვისი საკუთრების საკუთარ მონაგარზე მიმატება ერთგვარი დაუფლებით, თუნდაც ეს ხელშეკრულების სახით იყოს გაფორმებული. ამრიგად, რადგანაც ჩვენი შეხედულება სარწმუნოა იმისათვის, რომ კანონებისათვის დამახასიათებელი ძალა ჰქონდეს, იმიტომ უკვე ნათქვამს დაფურთავთ მსჯელობას კანონების მიხედვით უდავოდ აკრძალული საგნების შესახებ. ქურდობა განიყოფება ავაზაკობად და ხერელის გაყვანად (ფარულ პარედ). ორივეს მიზანი ერთია — სხვისი კუთვნილების წართმევა, მაგრამ მათ შორის უდიდესი განსხვავებაა სულის განწყობაში. რამეთუ ავაზაკი, თავისი განზრახვის სისრულეში მოსაყვანად, კაცისკვლასაც იყენებს, და ამისთვის იარაღითაც ემზადება, თავისი მსგავსი ადამიანების შეგროვებითაც და შესაფერისი ადგილების შერჩევითაც, რის გამოც ესევეთარი კაცის მკვლელის მსჯავრს უნდა დაექვემდებაროს, — თუკი სინანულის გზით დაუბრუნდება ღვთის ეკლესიას. ხოლო სხვისი ქონების ფარული მიტაცების გზით მიმოვისებელმა და შემდეგ აღსარების მეშვეობით თავისი ცოდვის მღვდლისათვის გამომცხადებელმა, დაე, იმ საშუალებით უმკურნალოს თავის სენს, რომელიც მისი ვნების საპირისპიროა, ანუ ქონების დარიგებით ღარიბ-გლახაკათათვის, რათა გაიღებს რა იმას, რაც აქვს, ანგარების სენისაგან განწმედილად წარმოაჩინოს თავი. ხოლო იმას, ვისაც არაფერი აქვს, გარდა საკუთარი სხეულისა, მოციქული უბრძანებს სხეულებრივი შრომით უმკურნალოს ამ ვნებას. ეს ბრძანება ასე იკითხება: „*მპარავი იგი ნულარა იპარავნ, არამედ უფრომსლა შურებოდენ და იქმოდენ კეთილსა თვისთა კელითა, რადთა აქუნდეს მიცემა, ვის-იგი უკმდეს*“ (ეფეს. 4, 28).

(მოც. 25, 72; კართ, 5; გრიგოლ ნოეკესარიელის 2, 3, 4, 5; ბასილი დიდის 61)

სხვა ცოდვა, რომელიც სულის იმავე გალიზიანებული მდგომარეობიდან (ნაწილიდან) გამომდინარეობს, რის შესახებაც მე-5 კანონში იყო საუბარი, ეს არის — ანგარებისმოყვარეობა, რომლის შესახებაც, ეყრდნობა რა პაველ მოციქულის სიტყვებს (კოლას. 3, 5), წმინდა გრიგოლი შენიშნავს, რომ ის იგივეა, რაც კერპთაყვანისმცემლობა. თვით ანგარებისმოყვარეობიდან გამომდინარე ცოდვებს შორის წმინდა გრიგოლი მოიხსენიებს სამს: ქურდობას, საფლავთმხრებლობას და მკრეხელობას. ამათგან პირველ დანაშაულზე საუბრობს წინამდებარე კანონში, სხვა ორზე კი — ორ შემდგომ კანონში.

ძველ რომაულ სამართალთან შესაბამისობაში, წმინდა გრიგოლი ქურდობას ჰყოფს ძარცვასა და ჩასაფრებაზე. ამ უკანასკნელში იგულისხმება სხვისი უბრავე ქონების ბოროტგანზრახული მზაკერული მითვისება თავის სასარგებლოდ და თავის საკუთრებად. თუკი სხვისი ქონების მითვისებისას იარაღიც იქნება გამოყენებული, თანაც, ვინმეს, საკუთარი ქონების დამცველთაგანს დაჭრინ ან მოკლავენ, ასეთ შემთხვევაში ეს იქნება ყაჩაღობა, რომელიც ისეთივე დანაშაულად კვალი-

ფიციორდება, როგორც მკვლელობა. იგივე სასჯელს ექვემდებარება ჩასაფრებული დამნაშავეც, თუკი ის იარაღს გამოიყენებს მისატაცებელი ქონების მესაკუთრის წინააღმდეგ. იმ შემთხვევაში კი, თუ დამნაშავე დანაშაულს აღიარებს და მოინანიებს, მან უნდა დააბრუნოს არამართო მითვისებული, არამედ თავისი საკუთრებაც კი ღატაკებს უნდა დაურიგოს, და მხოლოდ მაშინ თავისუფლდება სასჯელისაგან. წმინდა მამა ქურდობას მიაკუთვნებს ასევე, „მევასშეობასაც და აღნადგინებასაც (პროცენტით გასესხება) და სხვის თანამონაწილედ აყვანას ძალდატანების გზით“. მევასშეობა ეწოდება ქმედებას, როდესაც ვინმეს სესხად აძლევენ გარკვეულ თანხას და შემდგომ მისგან მოითხოვენ გაცილებით მეტს; აღნადგინებო – როდესაც გამსესხებელი მოითხოვს დიდ პროცენტებს. სხვისი ქონების მითვისების შესამე ჯგუფს მიეკუთვნება ის შემთხვევა, როდესაც ვინმე თავად არ იყენებს არც ძალას, არც რაიმე საშუალებას სხვისი ქონების მისატაცებლად, არამედ – სხვა პირის მეშვეობით, ან თავისი თანამდებობრივი მდგომარეობისა და ხელისუფლების ბოროტად გამოყენებით. ამ უკანასკნელი ხერხით სხვისი ქონების მითვისების შესახებ საუბრობს სპეციალური მე-4 კანონი VII მსოფლიო კრებისა, რაც ზოგადად რომის სამართალში იწოდებოდა „იმ ფულთან დაკავშირებული დანაშაული, რომელიც უკან დაბრუნებას ექვემდებარება“ (როგორც უკანონოდ მიღებული).

კანონი 7

თვით საფლავითხრელობაც (საფლავის მმარცველობაც) განიყოფება შესანდობელად და შეუნდობელად. რამეთუ თუკი ვინმე, დაინდობს რა მკვდართა ღირსებას და არ შეეხება სამარეში დაფლულ სხეულს, რათა მზის წინაშე არ გამოჩნდეს ბუნების უსახურება, არამედ, მხოლოდ, საფლავად დადებულ ზოგიერთ ქვებს გამოიყენებს რამე შენობის ასაგებად, მაშინ ეს, თუმც საქები არ არის, მაგრამ მაინც, ჩვეულებრივ, შესანდობელია, რადგან ეს ნივთიერება (საგნები) რაღაც უფრო კარგისა და საერთო სარგებლობისათვის იქნა მიმართული. ხოლო მიწად მიქცეული სხეულის ნეშტის ქენჯნა და ძვლების შეწუხება იმის იმედით, რომ მიცვალებულთან ერთად დამარხულ რაღაც სამკაულს იპოვნიან, – ეს ცოდვა ისეთივე სასჯელს იმსახურებს, როგორსაც უბრალო სიძვა, იმ განსხვავების გათვალისწინებით, რომელიც წინამავალ სიტყვაში წარმოვაჩინეთ, ანუ: დაე, იმდენად ყურადღებით დააკვირდეს წინამძღვარი (მღვდელი) განსაკურნის მკურნალობას თვით მისი ცხოვრების მიხედვით, რომ შეეძლოს საჭიროების შემთხვევაში შეუმციროს კანონებით განსაზღვრული ეპიტიმიის ვადები.

(ბასილი დიდის ნწ)

ბასილი დიდის ნწ-ე კანონიდან ჩვენ ვიცით, რომ „საფლავების მთხრელი“ ექვემდებარებიან ათწლიან ეპიტიმას. იგივე დანაშაულზე საუბრობს წმინდა გრიგოლ ნოსელი წინამდებარე კანონში. ამასთან, საფლავითხრებლებს ჰყოფს „მისატყევებელზე“ და „არამისატყევებელზე“. სასჯელს არ ექვემდებარება ის, ვინც ცალკეულ

ქეებს აგროვებს საფლავიდან, თუკი მხოლოდ ის ამ ქეებს იყენებს რამე უფრო მიზანშეწონილი საქმისათვის, რასაც საზოგადოებრივი მნიშვნელობა აქვს. მაგალითად, ეკლესიის მშენებლობისათვის, ქველმოქმედებითი დაწესებულებებისთვის, და თუ ამასთან, არ დაუზიანებია საფლავში დასვენებული მიცვალებულის ნაწილები. მაგრამ თუ ვინმე თხრის საფლავებს და აწუხებს გარდაცვლილთა ძვლებს, მასში ჩამარხული რაიმე ძვირფასეულობის მიტაცების მიზნით, მაშინ, ასეთ შემთხვევაში, დამნაშავე იმსახურებს სიძვისთვის დაწესებულ სასჯელს, ანუ ცხრაწლიან ეპიტომიას. სასჯელის ეს ვადა შეიძლება შემცირებულ იქნეს, თუკი დამნაშავე, სასჯელის მოხდის პერიოდში, გამოავლენს გულის შემუსვრილობასა და კეთილ საქმეებს.

კანონი 8

მკრეხელობა ძველ აღთქმაში არანაკლები სასჯელის ღირსადაა შე-
 რაცხული, ვიდრე კაცისკვლა. რამეთუ მკვლევლობაში მხილებულსაც და
 ღმერთისათვის მიძღვნილის მიმტაცებელსაც ერთნაირად უქვემდებარებდ-
 ნენ ჩაქოლვას (იხ. ისო ნავ. თავი 7). საეკლესიო ჩვეულებებში კი, არ ვიცი
 როგორ, შემოვიდა გარკვეული შემწყნარებლობა და შერბილება, და მიჩ-
 ნეულ იქნა, რომ ამ სენის განწმედა უფრო იოლად არის შესაძლებელი.
 რამეთუ მამებისეული გადმოცემით ესევეითართათვის განწესებულია უფრო
 ნაკლები ხანგრძლივობის ეპიტომია, ვიდრე მრუშობისათვის. ხოლო დანა-
 შაულის ყოველგვარ სახეობაში პირველ ყოვლისა, უნდა მიეხედოთ, თუ
 როგორია განსაკურნებელის განწყობა, და კურნებისათვის საკმარისად
 მივიჩნით არა დრო (რამეთუ როგორი კურნება შეიძლება იყოს დროის-
 გან?), არამედ იმ ადამიანის ნებელობა, რომელიც სინანულით იკურნავს
 თავს. ამას შენ, ღვთის კაცო, დიდი მეცადინეობით შეკრებილს იმიგან, რაც
 ხელთა გვაქვს, გულმოდგინედ გიგზავნით, რადგანაც მორჩილნი უნდა ვი-
 ყოთ ძმათა ბრძანებებისა. შენ კი ნუ შესწყვეტ ღმერთისადმი ჩვეული
 ღოცვების აღვლენას ჩვენთვის, რამეთუ შენ, ვითარცა კეთილმზრახველმა
 ძემ, შენი ღოცვებით უნდა ასაზრდოო სიბერეში ღმრთის მიერ შენი მშობე-
 ლი, საღმრთო მცნებისამებრ, რომელიც მშობლების პატივისცემას გვიბრძა-
 ნებს, „*რაითა კეთილი გეყოს შენ და დღევრძელი იყო ქვეყანასა ზედა*“
 (გამოს. 20, 12). ხოლო სარწმუნოა ის, რომ ამ წერილს მიიღებ როგორც
 წმინდა საღმრთო ნიშს და არ უგულებელჰყოფ მოძღვნილს, დაე, თუნდაც
 იგი შენს მაღალ სულზე დაბალი იყოს.

(მოც. 72, 73; ანტიოქ. 25; ორგზ. 10; გრიგოლ ნეოკესარიელის 3; თეოფილე
 ალექსანდრიელის 14)

მკრეხელობად საეკლესიო სამართალში იწოდება ისეთი დანაშაული, როდესაც
 ვინმე დააზიანებს ან შებღალავს საღვთისმსახურო დანიშნულების წმინდა საგ-
 ნებს; ასეთად იწოდება აგრეთვე წმინდა საგნების მოპარვა ან რაიმე სახით
 მითვისება. ამ მეორე მნიშვნელობის მკრეხელობაზე საუბრობს წინამდებარე კანო-
 ნი და მოიხსენიებს წმინდა წერილიდან (ისო ნავ. მე-7 თავ.) ადამიანს, რომელმაც

მიიტაცა ღმერთისთვის შეწირული და ამისთვის დაიმსახურა სასჯელი, როგორც მკელელობისათვის. წმინდა გრიგოლ ნეოკესარიელის მე-3 კანონის თანახმად კი მსგავსი დანაშაულისათვის „დამნაშავე ისჯება ღვთის ეკლესიიდან განყენებით“, და ეს წმინდა მამაც (წმინდა გრიგოლ ნოსელი) მკრეხელობისათვის განაწესებს დაახლოებით იგივე სასჯელს.

წინამდებარე კანონის დასკვნა იმავდროულად არის ამ წმინდა მამის ეპისტოლეს დასკვნითი ნაწილი ეპისკოპოს ლიტონის მიმართ, რომელ ეპისტოლედანაც შედგენილია წმინდა გრიგოლის ზემომოყვანილი კანონები.



**კანონი თაოფილასი, ალექსანდრიის
მთავარეპისკოპოსისა მის მიერ წარმოთქმული სიტყვა
იმის შესახებ, თუ როგორ უნდა მოვიქცეთ, როდესაც
წმინდა ღმრთისგანცხადების დღესასწაულის წინა
ღღე კვირა ღღეს დაქმთხვევა**

კანონი 1

ჩვეულებაც და ვალდებულებაც მოითხოვს ჩვენგან, რომ პატივს მივაგებდეთ ყოველ კვირა ღღეს, და ვდღესასწაულობდეთ მას; რადგან ამ ღღეს უფალმა ჩვენმა იესო ქრისტემ მოგემადლა მეკდრუთით აღდგომა. ამიტომაც ეწოდება ამ ღღეს „პირველი“ წმინდა წერილში, რამეთუ ის ჩვენი ცხოვრების დასაწყისს წარმოადგენს, და – „მერვე“, როგორც იუდეველთა შაბათის შემდგომ დამდგარი. მაგრამ როდესაც ამ ღღეს წმინდა ღმრთისგანცხადების წინა მარხვა ემთხვევა, ჩვენ კეთილად უნდა დავაწესოთ და ბრძნულად მიუვდგეთ ამ ორივე გარემოებას. მცირედი ფინიკის მიღებით, თავიდან ავიცილებთ მწვალებლურ ჩვეულებას, რომელიც არად აგდებს ჩვენი უფლის იესო ქრისტეს აღდგომის ღღეს; ამით, ამასთანავე, სათანადო პატივს მივაგებთ მარხვის ღღეს სამწუხრო შეკრების მოლოდინში, რომელიც ღვთის ნებით ამ ღღეს აღესრულება. ამგვარად, ამ ღღეს შევიკრიბოთ მეცხრე უამიღან.

(მოც. 66; ტრულ. 55; ღანგ. 18)

თეოფილე აღექსანდრიელის კანონებისა და იმის შესახებ, თუ საიღან არის ისინი შედგენილი, ჩვენ ზემოთ უკვე ვისაუბრეთ. წინამდებარე კანონი (1) მრგვლიე-მოსავლელი {ცირკულარული} განცხადებაა იმის შესახებ, თუ როგორი მარხვაა მართებული ღმრთისგანცხადების (ნათლისღების) წინ, თუკი ეს ღღე დაემთხვევა კვირას, როდესაც კანონების თანახმად მარხვა აკრძალულია. თავის წინამდებარე „განცხადებაში“ თეოფილე განმარტავს, თუ როგორი იქნება მართებული ქმედება.

**შეგონება თაოფილასი, ალექსანდრიის
მთავარეპისკოპოსისა მიტემული ამონისათვის**

კანონი 2

იმათ მიმართ, რომლებიც არიანელებთან იყენენ ერთობაში და ღღემდევ ეკლესიების მართვაში იღებენ მონაწილეობას, ჩვეულების მიხედვით უნდა მოვიქცეთ, ანუ მათ ნაცვლად სხვები დავადგინოთ, ვინც უკვე გამოიცადა მართლმადიდებლობაში; ისინი კი დარჩნენ ერთობაში, ხოლო განკარგულე-ბა მათ შესახებ შესაბამისი იყოს იმასთან, როგორც თებაიდაში მოექცნენ ასეთებს მართლმადიდებელი ეპისკოპოსები. ვინც ეპისკოპოს აპოლონიო-

სის მიერ არის დადგინებული და ეკლესიების მქონე არიანელებთან შევა ერთობაში – განკანონდეს, თუ ეს თავისი ნებით ჩაიდინა; ხოლო – თუკი თავისი ეპისკოპოსის მორჩილებით, მაშინ დარჩეს ერთობაში, როგორც გაუცნობიერებელი იმისა, რომ უგუნურად მოიქცა. თუმცა, თუკი ასეთებს მთელი ერი უარყოფს სხვებთან ერთად, მაშინ მათ ნაცვლად, დაე, სხვები იქნენ ხელდასხმულნი, ხოლო თუ მათ მიიღებენ იმათთან ერთად, ვისთანაც ერთობაში იყვნენ, მაშინ მათ მიმართაც იქნენ გამოყენებული ის ჩვეულება, რომელსაც მიჰყვა ყველა თებაიდელი ეპისკოპოსი.

(მოც. 92; I მსოფ. 10; ანკეირ. 1, 2, 3, 9, 12; პეტრე ალექსანდრიელის 10, 14; ათანასე დიდის 3)

წინამდებარე და შემდგომი ცხრა კანონი (2-11) შედგენილია შეგონებიდან, რომელიც გადაეცა ამონს – თეოფილეს მიერ ლვიკოში წარგზავნილს. ამ დროს ლვიკოს ეპისკოპოსი იყო აპოლონიოსი; შეგონება მიზნად ისახავდა ზოგიერთი იმ საკითხის გადაწყვეტას, რომლებიც აპოლონიოსის მიერ იყო დასმული თეოფილეს წინაშე. ზოგიერთი მართლმადიდებელი მღვდელმსახური არიანელების შემოტევისას, მათთან საეკლესიო ერთობაში შევიდა, თუმცა თავად არ აღიარებდნენ არიონის სწავლებას. როდესაც არიანელთა შემოტევა დასრულდა, აღნიშნულმა სწავლებამ თავისი ძალა დაკარგა და მართლმადიდებლები ეკლესიებს დაუბრუნდნენ, რომლებიც მათ მწვალებლებმა ჩამოართვეს; ამის შემდეგაც ბევრ ეკლესიაში მღვდლებად ისეთი პირები მსახურობდნენ, ვინც, თუნდაც დროებით, არიანელთა მხარეს იყვნენ გადასულნი. კითხვაზე, თუ როგორ უნდა მოიქცნენ ასეთ მღვდლებთან მიმართებით, თეოფილე პასუხობს, რომ აღნიშნულ საკითხთან დაკავშირებით უნდა გაითვალისწინონ სხვა ქვეყნების პრაქტიკა, კერძოდ, თებაიდის, რაც იმაში მდგომარეობდა, რომ მართლმადიდებლობაში მერყეობისთვის მოხსენიებული მღვდელმსახურნი გაძევებულ უნდა იქნენ მსახურებიდან და მათ ადგილზე დადგინდნენ სხვა პირები, რომლებმაც საქმით დაამტკიცეს მართლმადიდებლობაში საკუთარი სიმტკიცე. ამასთან, მსახურებიდან გაძევებულებს უნდა შეუნარჩუნდნენ მღვდელმსახურის სახელიცა და პატივიც, მაგრამ შემდგომში ყოველგვარი იერარქიული ხარისხების მიღებაზე უფლების გარეშე. აპოლონიოსის მიერ დადგინებულ მღვდლებთან მიმართებით, რომლებიც, მიუხედავად ეპისკოპოსის შეგონებისა ურყევი დარჩენილიყვნენ სარწმუნოებაში, მიიღრიკენ არიანელობისაკენ, თეოფილე განაწესებს დაუქვემდებარონ ისინი შესაბამის სასჯელს. ხოლო რაც შეეხება იმ მღვდლებს, რომლებიც ასევე მიიღრიკენ არიანული მწვალებლობისაკენ, მაგრამ ამაში მიჰყვნენ თავიანთი ეპისკოპოსების რჩევებს, თეოფილე განაწესებს, რომ ასეთი მღვდლები, იმის გამო, რომ შეუძლებელია მათი სრული დადანაშაულება, არ უნდა დაისაჯონ, და უნდა დარჩნენ თავიანთ ადგილებზე – თუკი მართლმადიდებელი ერი არ იქნება ამის წინააღმდეგი. ამ კანონის უფრო დაწვრილებით განმარტებას ემსახურება ათანასე დიდის ეპისტოლე რუფინიანეს მიმართ, ანუ ათანასე დიდის მე-3 კანონი.

კანონი 3

ერში მღვდლად დადგინებული ვისტიოსის შესახებ, საჭიროა გამოძიება ჩატარდეს. თუკი მან ქმარს განშორებულ დედაკაცზე ძალადობა ქმრის სიცოცხლეშივე იხმარა, მაშინ მას მღვდლობა აეკრძალოს, რადგან, ასეთ შემთხვევაში იგი ეკლესიაში ვერ უნდა შევიდეს ერისკაცის სახელითაც კი, რამეთუ ეკლესია ასეთებს, ჩვეულებრივ, ერთობიდან განაყენებს. თუმცაღა, ეპისკოპოს აპოლონიოსს ეს არ უნდა წაეყენოს ბრალდებად, თუ მან იგი უმეცრებით დაადგინა. რამეთუ წმინდა კრებამ იმ უღირსების განკვეთა ბრძანა, რომელთა დანაშაულიც მათი ხელდასხმის შემდეგ გახდა ცნობილი.

(მოც. 25, 61; I მსოფ. 2, 9, 10; ნეოკეს. 9, 10; ორგზ. 17; ბასილი დიდის 89; თეოფილე ალექსანდრიელის 5, 6)

აპოლონიოსს მღვდლად დაედგინა ვინმე ვისტიოსი. შემდგომში აღმოჩნდა, რომ ვისტიოსს ხელდასხმამდე ჩადენილი ჰქონდა მძიმე დანაშაული, კერძოდ სქესობრივი კავშირი ჰქონდა დედაკაცთან, რომელიც ქმარგაშორებული ცხოვრობდა. ამასთან დაკავშირებით თეოფილე განაწესებს, რომ საქმე ყურადღებით უნდა იქნეს გამოძიებული და თუ დანაშაული სახეზე აღმოჩნდება, ვისტიოსს მაშინვე უნდა ჩამოერთვას ხარისხი. აპოლონიოსს კი, თუკი მან უმეცრებით დაადგინა ის მღვდლად, არ უნდა ჩაეთვალოს ეს დანაშაულად, რამეთუ ამას მოითხოვს წმინდა კრება, სახელდობრ – I მსოფლიო კრების მე-9 კანონი, რომლის განმარტებასაც მეტი თვალსაჩინოებისათვის უნდა მიემართოთ.

კანონი 4

სურთან დაკავშირებით, – ვინაიდან ეპისკოპოსი აპოლონიოსი ამტკიცებს, რომ განდევნა იგი და ეკლესიისთვის უცხოდ შერაცხა, – დაე, იყოს ისე, როგორც ეპისკოპოსმა განაჩინა; მაგრამ, დაე, მიეცეს მას საშუალება თავისი სიმართლის აღიარებისა, თუ სურს, და უკმაყოფილო თუ არის ეპისკოპოსის გადაწყვეტილებით.

(მოც. 28; I მსოფ. 5; IV მსოფ. 9; ანტიოქ. 4, 12, 20; სარდიკ. 3, 4, 5, 14; კართ. 29, 65; ბასილი დიდის 88)

გარკვეული დანაშაულის გამო მღვდელი სური განკვეთა ეპისკოპოსმა აპოლონიოსმა. იმის გამო, რომ სურის მრევლი ამით უკმაყოფილო დარჩა, თეოფილემ განაწესა, რომ მართალია, ეპისკოპოსის გადაწყვეტილება ძალაში უნდა დარჩენილიყო, მაგრამ სურს შეეძლო საჩივრით მიემართა მმართველი ეპარქიალური კრებისთვის, და იქ, თუ შეძლებდა, თავი გაემართლებინა. ამის შესახებ იხ. პარალელური ადგილების განმარტებანი.

პანონი 5

ლვიკოში დიაკვნად დადგინებულ პანუფთან დაკავშირებით, საჭიროა გამოძიება ჩატარდეს. თუ დამტკიცდება, რომ კათაქმეველობის პერიოდში თავის დედმამიშვილის ასულზე დაქორწინდა, მაშინ, რაკი ნათლისღების შემდეგ გაწვერიანდა სამღვდლო დასში, დაე, დარჩეს კლირიკოსად, თუკი მხოლოდ მისი მეუღლე გარდაცვლილია და ნათლისღების შემდეგ მასთან ხორციელი კავშირი აღარ პქონია. ხოლო, თუ აღმოჩნდება, რომ უკვე ქრისტიანად მონათვლის შემდეგ დაქორწინდა მასზე, ასეთ შემთხვევაში, დაე, უცხო იქმნეს სამღვდლო დასისთვის. ეპისკოპოს აპოლონიოსს კი, თუკი მან უმცრებით აღასრულა მისი ხელდასხმა, ეს ბრალად არ უნდა წაეყენოს.

(მოც. 19, 25, 61; I მსოფ. 2, 9; ანკეირ. 12; თეოფილე ალექსანდრიელის 3, 6)

საუბარია ლვიკოელ დიაკონ პანუფზე, რომლის დანაშაულიც მსგავსია იმ დანაშაულისა, რომელიც განხილულია თეოფილეს მე-3 კანონში. ნათლისღებამდე ჩადენილი დანაშაული მხედველობაში არ მიიღება საეკლესიო დასში მიღებისას, ვინაიდან ნათლისღება ყოველი ცოდვისგან განბანს; მის შემდგომ ჩადენილი დანაშაული კი, ხელის შემშლელია დასში გაწვერიანებისათვის. სწორედ ამასია თეოფილეს წინამდებარე კანონის აზრი.

პანონი 6

იაკობის შესახებ გამოძიებულ უნდა იქნეს. თუკი მან წიგნისმკითხველად მსახურებისას სიძვის ცოდვა ჩაიდინა და ამისთვის მღვდლებმა განკვეთეს, ხოლო შემდეგ ხელდასხმა მიიღო, დაე, განიკვეთოს თავისი ხარისხიდან, თუმცა, ეს უნდა მოხდეს გულმოდგინე გამოძიების შედეგად, და არა ცილისწამებისა და ბოროტსიტყვაობის ნიადაგზე აღძრული ეჭვის საფუძველზე. თუ დამნაშავე არ აღმოჩნდება, დაე, დარჩეს სამღვდლო დასში; რამეთუ ყურადღება არ უნდა მიექცეს ამას დასმენებს.

(მოც. 25, 61; I მსოფ. 2, 9, 10; ნეოკეს. 9, 10; ბასილი დიდის 69, 70, 89; ტიმოთე ალქსანდრიელის 3, 5)

მსგავსად იმისა, როგორც თავის მე-3 კანონში თეოფილე განაწესებს, რომ კლერიკოსის დასჯამდე წინასწარ უნდა მოხდეს მის წინააღმდეგ წაყენებული ბრალდების გამოძიება, ასევე განაწესებს იგი წინამდებარე კანონშიც, რომ გამოძიებულ იქნეს საჩივარი, რომლიც შესულია ვინმე იაკობ მკითხველის წინააღმდეგ, რის გამოც იგი მსახურებიდან დაითხოვეს, მერე კი, გარკვეული დროის შემდეგ, კვლავ აიყვანეს უმაღლეს ხარისხში. თუკი დანაშაული დამტკიცებულია, ასეთ შემთხვევაში იაკობი ხარისხის ჩამორთმევას ექვემდებარება, და პირიქით, თუ მას ცილი დასწამეს და მისი უდანაშაულობა დამტკიცდება, მაშინ, დაე, დარჩეს სასულიერო დასში.

ბანონი 7

ხელდასხმის მიღების მსურველთათვის ასეთი წესი დაიდოს: კანდიდატის გამორჩევასთან დაკავშირებით, მთელმა სამღვდლო კრებულმა გამოთქვას თანხმობა, რის შემდეგაც ეპისკოპოსმა გამოსცადოს და სამღვდლოებასთან შეთანხმებით და ერის თანდასწრებით აღსრულოს მისი ხელდასხმა შუა ტაძარში; ეპისკოპოსმა მიმართოს ერს, ამოწმებს თუ არა ისიც კანდიდატის ღირსებას. ფარულად კი ხელდასხმას ადგილი არ ჰქონდეს, რადგან, როდესაც ეკლესიაში მშვიდობა სუფევს, მაშინ ხელდასხმას შეშენის ეკლესიაში წმინდანების* თანდასწრებით აღსრულება. იმ ადგილებში კი, სადაც მორწმუნეების მწვალებლებთან თანაზიარებას აქვს ადგილი, ხელდასხმა აღსრულოს არა სხვაგვარად, თუ არა ჭეშმარიტად მართლმადიდებელი მღვდელმსახურების მხრიდან კანდიდატის გამოცდის შემდეგ, ასევე ეპისკოპოსის თანდასწრებით და მისი მიმართვით ერისადმი; მხოლოდ ამგვარად, რათა არ მოხდეს სწორი გზიდან რაიმენაირი გადახვევა.

(მოც. 2; I მსოფ. 9; ბასილი დიდის 89)

წინამდებარე კანონში არსებითად იგეგვა ნათქვამი, რასაც ბასილი დიდი ქორეპისკოპოსების მიმართ თავის ეპისტოლეში, სხვაგვარად, 89-ე კანონში მღვდლებსა და კლერიკოსების გამორჩევისა და დადგინების შესახებ საუბარში ამბობს. მთელი სამღვდლოება უნდა შეთანხმდეს და გამოირჩიოს პირი, რომელსაც ხელნი უნდა დაასხან. როდესაც კანდიდატად დასახელებული პირი მიიღებს იმ ეკლესიის ყველა სასულიერო პირის ხმას, რომლის დაქვემდებარებაშიც თავად იმყოფება, მაშინ ეპისკოპოსი უტარებს მას გამოცდას იმ მიზნით, რომ რომ პირადად დარწმუნდეს, ღირსია თუ არა ის სასულიერო ხარისხისა. თუკი ეპისკოპოსიც დარწმუნდა კანდიდატის ღირსებაში და, შეაბამისად, ეთანხმება სამღვდლოების აზრს, მაშინ იგი იწყებს მისი ხელდასხმის პროცედურას, თანაც ტაძრის შუაგულში და ერის თანდასწრებით, რათა, როდესაც ეპისკოპოსი განაცხადებს, რომ კანდიდატი ღირსია სამღვდლო ხარისხისა, ერსაც შეეძლოს ამის დამოწმება. ამდენად, სამღვდლო კანდიდატი რომ ხელთდასხმის ღირსი გახდეს, კანონის თანახმად საჭიროა, კონკრეტული ეკლესიის სამღვდლოება ურთიერთშეთანხმებაში მოვიდეს და გამოირჩიოს კანდიდატი, შემდეგ, ადგილობრივმა ეპისკოპოსმა გამოსცადოს და დაამტკიცოს გამორჩევა, დაბოლოს, თვით ხელდასხმის მომენტში, ერმა ეკლესიაში თავისი ხმით დაამოწმოს, რომ ეპისკოპოსის მიერ ღირსეულ კანდიდატად გამოცხადებული, ნამდვილად არის ხელდასხმის ღირსი. ეს კი ისე უნდა მოხდეს, ამბობს კანონი, „რათა არ მოხდეს სწორი გზიდან რაიმენაირი გადახვევა“. ანუ, რომ არ მოხდეს რაიმე სახის სიცრუე ხელთდასხმისას და მღვდლად არ ეკურთხოს უღირსი კანდიდატი. კანონი მოითხოვს, რომ ხელთდასხმა აღსრულოს აშკარად, გაცხადებულად და კრძალავს მის ფარულად ჩატარებას. ეს განწესება თავის დასაბამს იღებს ჯერ კიდევ ეკლესიის პიველი საუკუნეებიდან; მას უკვე ვხვდებით მოციქულთა განწესებებშიც (VIII, 4), და რადგანაც ის ეხებოდა მღვდლებისა და

*იგულისხმება მართლმორწმუნენი; შდრ. ებრ. 3, 1.

დიაკვნების ხელდასხმას, ამიტომ მით უფრო ესეობდა ეპისკოპოსების ქიროტონიასაც. გრიგოლ დვითიმეტყველი კონსტანტინოპოლის კათედრასთან დაკავშირებულ დავაში მაქსიმე კონსტანტინოპოლელს ყველაზე მეტად იმაში დებდა ბრალს, რომ ის არ იყო ხელთდასხმული ეკლესიაში საჯაროდ, ერის წინაშე, არამედ კერძო სახლში. რომელიც მხიარულების ადგილს წარმოადგენდა.* იგივეს ამბობს სოკრატე ურსინის შესახებ, რომელიც ცდილობდა დამასისთვის რომის კათედრა წაერთვა, რომ იგი უკანონოდ იყო ხელთდასხმული („არა ეკლესიაში, არამედ დაფარულ ადგილას“). ეკლესიის ეს საერთო განწყობა შემდგომში შევიდა მღვდელმთავრის მიერ ქიროტონირების წესში: ეპისკოპოსმა ხმამაღლა უნდა განაცხადოს, რომ სამღვდლო კანდიდატი ღირსია ხელდასხმისა, რაზედაც, სამღვდელოების შემდეგ, ეკლესიაში დამსწრე მრევლი მგალობლებთან ერთად პასუხობს: „აქსიოს, ღირსია“.

კანონი 8

უსისხლო მსვერპლისათვის შენაწირი, რაც საიდუმლოს აღსრულების შემდეგ დარჩება, ერთმანეთში უნდა გაინაწილონ დასის წევრებმა; არ შეჭამოს და არ შესვას იქიდან კათაკმეველმა, არამედ მხოლოდ კლერიკოსმა და მათთან თანაზიარმა ერთგულმა ძმებმა.

(მოც. 3, 4, 38, 41; ღანგ. 7, 8; კართ. 37)

იხ. მე-3 და მე-4 კანონების განმარტებები.

კანონი 9

ვინაიდან იერაქსი ამბობს: სიძვაში დადანაშაულებულთაგან არავინ დარჩეს სამღვდლო დასში, მაგრამ ეპისკოპოსი აპოლიონოსი მაშინ ამტკიცებდა, რომ მის წინამდევ [ვისაც იერაქსი ადანაშაულებდა] არც ერთი ბრალმდებელი არ გამოჩენილა, ამიტომ ჩატარდეს გამოძიება ამასთან დაკავშირებით. და თუ აღმოჩნდება ვინმე ღირსსარწმუნო ბრალმდებელი, და დანაშაული დამტკიცდება დამაჯერებელი მოწმეების ჩვენებებით, მაშინ, დაე, განიკვეთოს იგი ეკლესიიდან. ხოლო თუკი კლერიკოსობის ღირსი აღმოჩნდება და თავისი უბიწოების დამადასტურებელ მოწმობას წარმოადგენს, მაშინ, დაე, დარჩეს დასში.

(მოც. 25, 61; I მსოფ. 2, 9, 10; II მსოფ. 6; IV მსოფ. 21; კართ. 8, 128, 129, 130, 131)

ამ კანონში საუბარია ისეთ შემთხვევაზე, რომელიც მსგავსია თეოფილეს მე-3 კანონში განხილული შემთხვევისა. ვინმე იერაქსმა დაასმინა, რომ რომელიღაც მღვდელი სიძვის ცოდავში ჩავარდა და ამიტომ მას აღარ შეუძლია მღვდელმსახურება განაგრძოს. ეპისკოპოსმა აპოლონიოსმა კი, რომლის ეპარქიაშიც მსახურობდა აღნიშნული მღვდელი, განაცხადა, რომ მას ამის შესახებ არავითარი საჩივარი

*სავარაუდოდ, ეს იყო სახლი, სადაც სადღესასწაულო ტრაპეხი იმართებოდა. — მთარგ.

არ მიუღია. ამასთან დაკავშირებით, თეოფილე განაწესებს, რომ საქმე უნდა გამოიკვლიონ სასამართლო წესით და თუ აღმოჩნდება, რომ ბრალმდებელი ნდობას იმსახურებს და დანაშაულიც დამოწმებული იქნება სარწმუნო მოწმეებით, ასეთ შემთხვევაში ხსენებული მღვდელი იმსახურებს ეკლესიიდან განკვეთას; ხოლო თუ დანაშაული არ დამტკიცდა, მაშინ ის დასში უნდა დარჩეს.

კანონი 10

მთელი სამღვდელოების თანხმობით უნდა დაინიშნოს სხვა იკონომოსი, რომლის დადგინებაზე თანხმა იქნება ეპისკოპოსი აპოლონიოსიც, რათა სათანადოდ ხდებოდეს საეკლესიო ქონების განკარგვა.

(მოც. 38, 41; IV მსოფ. 25, 26; ტრულ. 35; VII მსოფ. 11, 12; ანკვირ. 15; ღანგ. 7, 8; ანტიოქ. 24, 25; კართ. 26, 33; ორგ. ზ. 7; თეოფილე ალექსანდრიელის 11)

მართლმადიდებელი ეკლესიის კანონებს შორის, დროის მიხედვით ეს პირველი კანონია, რომელიც საუბრობს იმის შესახებ, რომ თითოეულ ეპარქიალურ მმართველობასთან ეპარქიის საეკლესიო ქონების მართვისათვის უნდა არსებობდეს ეპარქიის სამღვდელოების მიერ შერჩეული იკონომოსი. ეს ეპარქიალური იკონომოსები რომ პატრიარქ თეოფილემდე არსებობდნენ, ანუ 412 წლამდე, როდესაც თეოფილე გარდაიცვალა, ჩანს წინამდებარე კანონიდან, რომელიც განაწესებს, რომ მღვიკოს ეპარქიაში დაინიშნოს სხვა იკონომოსი, ნაცვლად იმისა, რომელიც მანამდე იყო იქ აღნიშნულ თანამდებობაზე. შემდგომში იკონომოსების შესახებ მიიღეს შესაბამისი განაწესებანი IV მსოფ. კრების 26-ე და VII მსოფ. კრების მე-11 კანონებით, რომელთა განმარტებებშიც ჩვენ ვისაუბრეთ რაოდენ საჭიროც იყო აღნიშნულ საკითხთან დაკავშირებით.

კანონი 11

ქვრივებმა, უქონლებმა და მოსიარულე მწირებმა უნდა მიიღონ ყოველგვარი დახმარება; არავინ მიითვისოს ეკლესიის კუთვნილება.

(მოც. 38, 41; IV მსოფ. 25, 26; ტრულ. 35; VII მსოფ. 11, 12; ანკვირ. 15; ღანგ. 7, 8; ანტიოქ. 24, 25; კართ. 26, 33; თეოფილე ალექსანდრიელის 10)

წინამდებარე კანონი წარმოადგენს თეოფილეს მე-10 კანონის გაგრძელებას. მე-10 კანონი საუბრობს იმის შესახებ, რომ იკონომოსმა ზედამხედველობა უნდა გასწიოს, რომ საეკლესიო შემოსავალი გამოიყენებოდეს დანიშნულებისამებრ, ხოლო ამ (მე-11) კანონში ზუსტად არის მინიშნებული, თუ კონკრეტულად რაზე უნდა იხარჯებოდეს საეკლესიო შემოსავალი, კერძოდ: გარდა საეკლესიო დასის შენახვისა (იხ. მოც. 41-ე კან.), ის, ასევე, უნდა ხმარდებოდეს „ქვრივებს, უქონლებსა და მოსიარულე მწირებს“.

**ალექსანდრიის მთავარეპისკოპოსოს თეოფილესი,
ეპისკოპოსოს აფინგიონის მიმართ ეგრეთ ფოლკეულ
„განწმენდილთა“ შესახებ**

კანონი 12

განმიცხადა მე შენმა კეთილმსახურებამ, რომ ზოგიერთებმა იმათგან, რომლებიც თავიანთ თავს განწმენდილებს უწოდებენ, ეკლესიის ერთობაში შემოსვლა განიზრახეს. ხოლო, რადგანაც, ნიკეაში შემდგარი ჩვენი ნეტარი მამების დიდმა კრებამ განაწესა, თუ როგორ უნდა მოხდეს მოქცეული მწვალებლების ხელთდასხმა, ამიტომ კეთილი ინებე, შენც დადგენილი წესით აღასრულო ეკლესიასთან შემორიგების მსურველთა ხელდასხმა, თუკი მხოლოდ ცხოვრება მათი კეთილსინდისიერია, და არავითარი წინააღმდეგობა ამისთვის არ არსებობს.

(I მსოფ. 8; II მსოფ. 7; ტრულ. 95; ლაოდ. 7; ბასილი დიდის 1, 47)

წინამდებარე კანონი წარმოადგენს თეოფილეს საპასუხო ეპისტოლეს ეპისკოპოს აფინგიონის მიმართ, შეკითხვაზე იმის შესახებ, თუ როგორ უნდა მოექცნენ ეკლესიისკენ მოქცეულ კათარებს (ნოვატიანელებს, ე. წ. „განწმენდილებს“). ამასთან, თეოფილე შემკითხველ ეპისკოპოსს ურჩევს ყურადღება მიაქციოს I მსოფლიო კრების განწესებას, სახელდობრ – მის მე-8 კანონს.

**ალექსანდრიის მთავარეპისკოპოსოს თეოფილესი,
ეპისკოპოსოს აგათონის მიმართ**

კანონი 13

მაქსიმე ამტკიცებს, რომ ვინაიდან უკანონოდ დაქორწინდა საეკლესიო კანონების უმეცრებით, და რადგანაც მას აძრწუნებს ეკლესიის ერთობიდან განყენება, ამიტომ ირწმუნება, რომ ცოლის თანხმობით განეშორება მასთან უკანონო თანაცხოვრებას. თუკი დაინახავ, რომ ისინი ამას აკეთებენ ურთიერთთანხმობით და არ თვალთმაქცობენ, მაშინ, რაკი ათი წელი უკვე გავიდა მათი შეუღლებიდან, თუ კეთილგენებება დააყენო ისინი კათაქმეველებთან, გააკეთე ასე. ხოლო თუ შენიშნავ, რომ მოტყუება სურთ, მაშინ მათ წინააღმდეგ კიდევ უფრო მკაცრი ზომების მიღებაა საჭირო. აღასრულე ის, რასაც ღმერთი შეგაგონებს და ყველაფერში წინდახედულად იხელმძღვანელე. რამეთუ ადგილზე უფრო ზუსტად შეგიძლია შეაფასო მათი ნამდვილი განზრახვა.

(მოც. 48; ტრულ. 87, 93, 98; ანკვირ. 20; კართ. 102; ბასილი დიდის 9, 21, 31, 36, 46, 48, 77, 87)

წინამდებარე კანონში საუბარია ცოლ-ქმარს შორის ურთიერთშეთანხმებით განქორწინებაზე. განქორწინების ეს სახე დაშვებული იყო ბერძნულ-რომაული კანონმდებლობით, მაგრამ ეკლესია არასდროს აღიარებდა ასეთ განქორწინებას, გარდა ორი შემთხვევისა, კერძოდ, როდესაც მეუღლეები ისწრაფოდნენ უფრო სრულყოფილი ცხოვრებისაკენ, რაც ეკლესიის სწავლებით მონოზუნურ ღვაწლში მდგომარეობდა, ან, როდესაც ქმარი ეპისკოპოსად იქნებოდა გამორჩეული და ცოლი დათანხმდებოდა ქორწინების გაუქმებას. ამის შესახებ ჩვენ ვისაუბრეთ ტრულის 48-ე კანონის განმარტებაში. თუმცა, იქიდან გამომდინარე, რომ ეკლესია კრძალავს ქორწინების გაუქმებას ურთიერთშეთანხმებით (გარდა მოხსენიებული ორი შემთხვევისა), არ უნდა დავასკვნათ, რომ თეოფილე ალექსანდრიელის წინამდებარე (მე-13) კანონი თითქოს ეწინააღმდეგებოდეს განქორწინების შესახებ საეკლესიო სამართლის სწავლებას, ვინაიდან აღებულ შემთხვევაში საუბარია ვინმე მაქსიმეს უკანონო შეუღლებაზე, რის გამოც საეკლესიო სასამართლოს მიერ იგი განყენებულ იქნა ეკლესიის ერთობიდან. ის, როგორც ჩანს, სასამართლოს გადაწყვეტილების მიუხედავად, აგრძელებდა თავის ცოლთან უკანონო ქორწინებაში ცხოვრებას, ხოლო, როდესაც მასში სინდისი აღაპარაკდა და იგრძნო საეკლესიო სასჯელის სიმძიმე, მაშინ მოინანია და განაცხადა, რომ ცოლთან შეთანხმებით ის გაწყვეტს მასთან ქორწინებით კავშირს. შესაბამისად, აქ ადგილი არ ჰქონია შეთანხმებით განქორწინებას მაშინდელი სამოქალაქო სამართლის თვალსაზრისით, არამედ, ეს იყო საეკლესიო სასამართლოს გადაწყვეტილების შედეგი, რომელმაც სცნო აღნიშნული ქორწინების უკანონობა და, შესაბამისად, ის გაუქმებულად გამოაცხადა. პატრიარქი თეოფილე ურჩევს ეპისკოპოს აგათონს დარწმუნდეს არა იმაში, ჭეშმარიტია თუ არა შეთანხმებითი განქორწინება, არამედ – ჭეშმარიტია თუ არა ამ პირთა სინანული და ნამდვილად ემორჩილებიან თუ არა საეკლესიო სასამართლოს განაჩენს, – და თავისი დასკვნის შესაბამისად მოიქცეს.

ალექსანდრიის მთავარეპისკოპოს თეოფილესი, ეპისკოპოს მინას მიმართ

კანონი 14

რჯულიერი საქმე მოუშოქმედებით დაბა გემინიოს მღვდელმსახურებს, თუკი ჭეშმარიტებას ამბობს წერილის მომტანი ევსტათია. იგი ყვება, რომ კირადია, რომელიც წყენას აყენებდა სხეებს და არ სურდა უსამართლობა შეეწყვიტა, ეკლესიის ერთობიდან განაკანონეს. მაგრამ დავრწმუნდი, რომ იგი თავის სენს მკურნალობს და ეკლესიაში დაბრუნება სურს, ამიტომ შეეცადე განაწყო, უპირველესად, უსამართლობა შეწყვიტოს და სინანულში მოვიდეს, და თუკი დარწმუნდები, რომ ღვთის რჯულს უბრუნდება და საეკლესიო ერთობაში ყოფნა სურს, მაშინ ნება დართე მას მორწმუნე ერთან იყოს.

(I მსოფ. 12; IV მსოფ. 16; ტრულ. 102; ანკეირ. 5; ბასილი დიდის 74; გრიგოლ ნეოკესარიელის 3)

ვინმე ევსტათიამ თეოფილეს აცნობა იმის შესახებ, რომ ქალაქ გემინიონში ვინმე კირადია ბინძური ფულის მაქინაციებით იყო დაკავებული და ამ მიზეზით გემინიონელმა მღვდლებმა ის ეკლესიის ერთობიდან განაყენეს. თეოფილე იწონებს მღვდლების გადაწყვეტილებას; თუმცა, როცა დარწმუნდა, რომ მოხსენიებულმა კირადიამ მიატოვა ცოდვითი საქმიანობა და ეკლესიასთან ერთობის აღდგენის სურვილი გამოთქვა, იგი წერს მმართველ ეპისკოპოს მინას (სწორედ ეს წერილი შეადგენს წინამდებარე კანონს), რომ მან გამოიყენოს ძალისხმევა ამ დედაკაცის მოსაქცევად და მისი მხრიდან გულწრფელი მონანიების შემთხვევაში, მიიღოს უკან, ეკლესიის წიაღში. წინამდებარე კანონი მოჰყავთ გრიგოლ ნოსელის მე-8 კანონის განმარტებაში ზონარასა და ბალსამონს იმ მიზნით, რომ აჩვენონ თუ რაოდენი ძალა ჰქონდა ჯერ კიდევ IV საუკუნის საეკლესიო პრაქტიკაში გრიგოლ ნეოკესარიელის მე-3 კანონს მომხვეჭელობის წინააღმდეგ.

**კანონი ფმინდისა მამისა ჩვენისა კირილუსი,
ალექსანდრიის მთავარეპისკოპოსისა.
კანონიკური ეპისტოლე
ანტიოქიის პატრიარქ ღომნოს მიმართ**

კანონი 1

როდესაც ჩვენი ყოველი საქმე ღვთისსათნო წესების დაცვით ხორციელდება, მასინ ის ვერ იქნება ჩვენში შუოთის წარმოშობის მიზეზი, პირიქით, სხვათა საყვედურს გვახილავს თავიდან; უფრო მეტიც, კეთილმოაზროვნეთა მოწონებასაც გვახევეჭინებს. ვინ არ დაეთანხმება მიუყერძობულ შეფასებას, როცა მას ვინმე სამართლიანად გამოთქვამს? ამას ვწერ ახლა, როდესაც შენმა კეთილმსახურებამ თავის წერილში, — რომელიც მოგვემართება მე და მის ყოვლადღირსებასა და უკეთილმსახურეს ძმასა ჩვენსა და თანაეპისკოპოს პროკლეს, — პეტრეს უწოდა ყოვლადკეთილკრძალული და ღვთის უსაზღვროდმოსიყვარულე ეპისკოპოსი. ის კი, ამ დროს, გოდებს და თავის თავს უსამართლოდ ჩამოშორებულად მიიჩნევს მისთვის რწმუნებული ეკლესიისგან. ჯეროვანი კი იქნებოდა მღვდლობის სახელი თავის საქმესთან ერთად ჰქონოდა, ან თუ ღირსი არ არის ღვთის სამსხვერპლოს წინაშე წარდგომისა, მაშინ არც ეპისკოპოსის წოდებით ყოფილიყო პატივდებული. შეიძლება ჩემი სიტყვა შენს ღვთისმოყვარეობას მოეჩვენოს სასტიკი და ძმურ სიყვარულს მოკლებული, მაგრამ სინამდვილეში ის ასეთი არ არის. რამეთუ ჩვენ ვფიქრობთ ღმობიერნი ვიყოთ მოხუცის მიმართ, როცა მისთვის გესურს მხოლოდ წოდების შენარჩუნება, მაგრამ ბევრად უკეთესი იქნებოდა სხვა რამეზეც მიგვექცია ყურადღება:

იგი ამბობს, რომ თავის გამართლება შეუძლია, მაგრამ ამაზე მას დრო არ მიეცა, და არც არავინ შესთავაზა საქმის განხილვა კანონებთან შესაბამისობაში. საქმე რომ გამოძიებულიყო, მაშინ იმხილებოდა მასში დამნაშავე, დამტკიცებული და აღიარებული, და ამიტომ უკვე ველარ შეძლებდა ელპარაკა როგორც განაწყენებულს, ან კიდევ, გარკვევით გამოჩნდებოდა მისი უდანაშაულობა, რაც დაუბრუნებდა მას მისთვის მინდობილი ეკლესიის მმართველობას. იმის გამო, რომ ასეთი არაფერი ჩატარებულა, იგი დაღაძებს ყველაფერ ამის წინააღმდეგ და ჩივის, რომ აუტანელი გულისტკივილი განიცადა, რამეთუ არასწორად განკვეთეს. დასძენს აგრეთვე, რომ ყველაფერი, რაც საკუთარი ებადა, წაართვეს მას. ამდენად, შენი ღირსება მიიღებს რა საგულისხმოდ, თუ რას ითხოვს საღმრთო კანონები, და რა შეშენის ეკლესიასა და წმინდა მსახურებისათვის მასში დადგინებულთ, ამასთან, პატივს მიაგებს რა ჩვენს წერილსაც, გვჯერა, რომ შეუშრობს ცრემლებს მოხუც კაცს. ხოლო თუკი მიინდომებს იგი სასამართლო განსჯას იმათთან, რომლებმაც მის წინააღმდეგ ბრალდება აღძრეს, დაე, გასამართლდეს მიღებული ჩვეულების თანახმად შენი კეთილმსახურების წინაშე, ცხადია, შენი ქვეშევრდომი უკეთილმსახურესი ეპისკოპოსების თანდასწრებით, იმათ გარდა, რომლებსაც ვერ მიიღებს, როგორც ბრალდების მხარეს. ჩვენ არ ვვარაუდობთ, რომ რომელიმე უკეთილმსახურეს ეპისკოპოსს ძმის წინაშე მტრული აზრები ჰქონდეს, მაგრამ იმ მიზნით, რომ ეს არ აღმოჩნდეს საბაბი დანიშნული სასამართლოს ძალაში ეჭვშესატანად, თითქოს მისი შემაღვენლობა არ იყო სამართლიანი, ამიტომ ოდნავადაც არ იქნება შეურაცხმყოფელი, თუკი ზოგიერთები, მათ მიუკერძოებლობაში შეტანილი ეჭვის გამო, არ დაესწრებიან სასამართლო კრებას.

(მოკ. 28, 74; I მსოფ. 5; II მსოფ. 6; IV მსოფ. 9, 17; ანტიოქ. 4, 12, 14, 15; სარდ. 3, 4, 5; კართ. 19)

ალექსანდრიის მთავარეპისკოპოსმა კირილემ, ეპისკოპოს პეტრესთან დაკავშირებით, რომელსაც საეპისკოპოსო კათედრა ჩამოართვეს, მისწერა კანონიკური ეპისტოლე ანტიოქიის მთავარეპისკოპოს დომნოს. მანამდე, პეტრეს საქმის შესახებ, დომნომ თავად მიმართა კირილეს, ასევე – პროკლეს, კონსტანტინოპოლის მთავარეპისკოპოსს, და დაინტერესდა მათი აზრით აღნიშნულ საკითხთან დაკავშირებით. დომნოს ამ შეკითხვას კირილემ უპასუხა ეპისტოლეით, რომელიც შეადგენს ამ და შემდგომ ორ (მე-2 და მე-3) კანონს. მოხსენიებული ეპისკოპოსი პეტრე ჩიოდა იმის შესახებ, რომ კათედრა უსამართლოდ ჩამოართვეს, იმედროულად – მთელი თავისი ქონება, და იმისათვის, რომ ეს უკანონო ქმედება გაემართლებინათ, გადადგომა გამოსძალეს. ამ საჩივრის პირველი პუნქტის პასუხს წარმოადგენს წინამდებარე კანონი, რომელიც თვით ტექსტის შინაარსით საკმაოდ ნათელია.

მოხსენიებულ პეტრეს, როგორც ჩანს, დაატოვებინეს კათედრა კანონიერი სასამართლო განხილვის გარეშე, ამიტომ კანონის დასაწიასში კირილე აღნიშნავს, რომ ყოველი საქმე ისე უნდა წყდებოდეს, როგორც ამას კანონები განაწესებს, რამეთუ მხოლოდ ასეთ შემთხვევაშია შესაძლებელი ყოველგვარი გაუგებრობების თავიდან

აცოცხლება ეკლესიაში და მაშინ აღარ წამოიჭრება პეტრესთან დაკავშირებული საქმის მსგავსი გაურკვეველი საკითხები, პირიქით, ყველაფერში ფრიადი წესრიგი იქნება და ვერაინ გაბედავს იჩივლოს, როდესაც დაინახავს, რომ თითოეული საქმე სამართლიანად და კანონის გზით წყდება. ამასთან, კირილე გაკვირვებას გამოთქვამს, თუ როგორ შეეძლო დომნოს მოხსენიებული პეტრესთვის ეპისკოპოსი ეწოდებინა, როდესაც ამ უკანასკნელს თავის მმართველობაში ეკლესია არ გააჩნდა. ეს მნიშვნელოვანი შენიშვნაა. რაკი ეპისკოპოსი ეპისკოპოსად იწოდება, ის სინამდვილეშიც ასეთი უნდა იყოს, ანუ უნდა ჰქონდეს თავისი ეპარქია, სადაც ასრულებს თავის საეპისკოპოსო ხელმწიფებას – მთავარი მოძღვრის, მღვდელთმთავრისა და მწყემსმთავრის რანგში. თუკი რომელიმე ეპისკოპოსი არ არის ღირსი აღასრულოს ასეთი ხელმწიფება და იდგეს ეპარქიის სათავეში, მაშინ მან არც ეპისკოპოსის წოდება უნდა ატაროს და მმართველმა კრებამ უნდა გამოაცხადოს ის ეპისკოპოსობის უღირსად და ჩამოართვას წოდება. სხვა სიტყვებით – განკეთოს; მხოლოდ განსაკუთრებული სულგრძელებით, ისიც იმ შემთხვევაში, როდესაც კონკრეტული პირი ამას იმსახურებს, შეიძლება მისთვის დატოვებულ იქნეს, კირილეს აზრით, ეპისკოპოსის პატივი, როგორც ეს მოხდა პეტრესთან მიმართებით, მისი საპატიო ხანდაზმულობიდან გამომდინარე, რაც მისი უდანაშაულობის მაჩვენებელია. პეტრეს საეპისკოპოსო წოდებასთან დაკავშირებული ამ შენიშვნის შემდეგ, კირილე ასკენის, რომ მას საეპისკოპოსო კათედრა კანონიერი სასამართლოს გარეშე ჩამოერთვა, და რომ ახლანდელმა სასამართლომ უნდა გამოიტანოს განაჩენი შესაბამისად წმინდა კანონების განწესებებისა. ნორმალურ ვითარებაში ეპისკოპოსის გასამართლება შეუძლია იმ სამთავროს ეპისკოპოსთა კრებას, რომელსაც მიეკუთვნება ბრალდებული ეპისკოპოსი (ახ. მოც 74-ე და პარაღ. კანონები). კირილე ურჩევს დომნოს, რომ სწორედ ასეთ კრებას მიმართოს პეტრეს საქმის გადასაწყვეტად. კირილეს აზრით, პეტრეს მიმართ შესაძლებელია, მისი მოხუცებულობისა და ცრემლების გათვალისწინებით, გამოჩენილ იქნას ღმობიერება, რამდენადაც ამის უფლებას კანონი იძლევა, და მიეცეს მას საშუალება გასამართლდეს ისეთი კრების მიერ, რომლის შემადგენლობაშიც არ იქნებიან ის ეპისკოპოსები, რომელთა მიმართაც პეტრე ეჭვობს, რომ მასთან დამოკიდებულებაში ისინი ობიექტურნი არ არიან. თუმცაღა, თავის ამ რჩევას კირილე იქვე უმატებს ძალიან მნიშვნელოვან შენიშვნას, კერძოდ, მას არ სჯერა, რომ შეიძლება მოიძებნებოდეს ისეთი ეპისკოპოსი, რომელსაც სიძულვილი ექნებოდა თავისი ძმის – ეპისკოპოსის მიმართ, ხოლო ითქვა ეს იმიტომ, რომ ბრალდებულს არ მიეცეს საბაბი იჩივლოს სასამართლოს მიკერძოებულ დამოკიდებულებაზე, რასაც იმ შემთხვევაში ექნებოდა ადგილი, თუ კრების მუშაობაში ისეთი პირები მიიღებდნენ მონაწილეობას, რომლებიც მის მიმართ ასეთ დამოკიდებულებაში არიან ეჭვირვანი.

კანონი 2

რაც შეეხება მისთვის უსამართლოდ ჩამორთმეულ ქონებას, სამართლიანობა მოითხოვს, რომ დაუბრუნდეს მას ორი მიზეზით: პირველი ის არის, რომ ასეთი რამ არ უნდა მომხდარიყო, მეორეც, უკეთილმსახურეს ეპისკოპოსებს, მთელ დედამიწაზე, ფრიად გულისტკენთ და უკიდურეს უკმაყოფილებაში აგდებთ მათი ხარჯების ანგარიშის მოთხოვნა – იქნება ეს საეკლესიო

შემოსავალთან თუ ვინმეს მიერ შემოწირულთან დაკავშირებით. რამეთუ ყოველი ჩვენგანი თავის დროზე ჩააბარებს ანგარიშს ყოველთა მსაჯულს. ეკლესიის სიწმინდეები და უძრავი ქონება ეკლესიებმა გაუსხვისებლად უნდა დაიცვან. ხოლო, რაც შეეხება დროდადრო არსებულ შემოსავალს, მისი განკარგვა თავისუფლად შეუძლია საღმრთო სამღვდელთა მმართველს საკუთარი შეხედულებისამებრ.

(მოც. 38, 41; IV მსოფ. 26; VII მსოფ. 12; ანტიოქ. 24, 25; კართ. 26, 33)

პეტრეს მეორე საჩივარი იმაში მდგომარეობდა, რომ მას წაართვეს მთელი თავისი ფული კათედრასთან ერთად. კირილე ასეთ ქმედებას არასამართლიანად მიიჩნევს და აღნიშნავს, რომ პეტრეს უნდა დაუბრუნდეს ყველაფერი, რაც მასთან იპოვეს საეკლესიო შემოსავლიდან კათედრის ჩამორთმევის მომენტში. ამასთან, იგი იხსენებს მოციქულთა 38-ე კანონის პირველივე სიტყვებში გამოხატულ აზრს, რომ ეპისკოპოსი უნდა ზრუნავდეს ყველა საეკლესიო ნივთზე და ეკლესიის ქონებას მართავდეს თავისი სინდისით, თანაც ახსოვდეს, რომ ყველაფერში ღმერთის წინაშე მოუწევს პასუხისგება. თუმცა, რასაც კირილე ამბობს პეტრეს ფულთან დაკავშირებით, ყველაფერში არ ეთანხმება მოციქულთა მოხსენიებული კანონის განწესების შემდგომ ნაწილს, რამეთუ აღნიშნული კანონი მკაცრად უკრძალავს ეპისკოპოსს საეკლესიო უძრავ-მოძრავი ქონებიდან რაიმეს მითვისებას; ასევე, საეკლესიო შემოსავლიდან. პეტრეს მიმართ გამოჩენილი უდიდესი ღმობიერებით უნდა აიხსნას წინამდებარე კანონის განწესება. ყოველ შემთხვევაში იმითაც, რომ კირილე პეტრეს მიიჩნევდა კანონიერ ეპისკოპოსად, ვიდრე კრება არ გამოიტანდა მის მიმართ თავის განაჩენს (კან. 1) და, შესაბამისად, საეკლესიო შემოსავლების მთავარ განმგებლად.

კანონი 3

რაც შეეხება თავისი მოვალეობისაგან გადადგომის შესახებ ხელწერილს,* როგორც თავად ამბობს, საკუთარი ნებით არ მიუცია, არამედ იძულებით, შიშითა და ზოგიერთის მხრიდან მუქარით. მაგრამ, გარდა ამისა, საეკლესიო განწესებებთან შეუსაბამოა, რომ რომელიმე მღვდელმსახურმა გადადგომის ხელწერილი წარმოადგინოს. რადგან, თუკი ღირსია, დაე, იმსახუროს, ხოლო თუ უღირსია, მაშინ განიკვეთოს მსახურებიდან არა საკუთარი გადადგომის საფუძველზე, არამედ ქმედებების გამო გასამართლებით. ამის წინააღმდეგ შეიძლება ვინმე ხმამაღალი ღაღადით გამოვიდეს, რადგან ეს ქმედება ყოველგვარ წესს სცილდება.

(III მსოფ. 9; ორგ.ზ. 16; პეტრე ალექსანდრიელის 10)

იხ. III მსოფლიო კრების მე-9 კანონის განმარტება, სადაც კირილეს წინამდებარე კანონიც არის მოხსენიებული; ასევე, ორგზისი კრების მე-16 კანონის განმარტება.

* „ქარტა ჯმნისა, იხ. „დიდი სჯელისკანონი“, გამოცემლობა „მეცნიერება“, 1975, გვ. 603.

კირილესი, ალექსანდრიის მთავარეპისკოპოსისა,
ლიბიისა და პენტაპოლისის
ეპისკოპოსთა მიმართ

კანონი 4

გემართებს, ვიზრუნოთ ყველაფერ იმაზე, რაც სასარგებლო და აუცილებელია ერის სულიერი აღშენებისათვის, და რაც ემსახურება წმინდა ეკლესიის დიდებას, რამეთუ ნათქვამია წმინდა წერილში: „მოშიშ იქმნეთ ძენი ისრაელისნი“ (ლევ. 15, 31). თებაიდის მხარეში მოქმედი მონასტრის მამები, კეთილმოშიში მამაკაცები, რომლებიც საკვირველ მოღვაწეობას ეწევიან, როდესაც ალექსანდრიაში მოვიდნენ და მათ იქაური მონასტრული ცხოვრების შესახებ გამოგვითხე, განმიცხადეს, რომ იქ ბევრი ბრკოლდება შემდეგი მიზეზით: ზოგი ახალდაქორწინებული, შეიძლება ითქვას, საქორწილო სარეცელიდან ეს-ეს არის წამომდგარი, თავის ბადეში ახვევს ზოგიერთ უკეთილმსახურეს ეპისკოპოსს და, შეიძლება იმიტომ, რომ ვერავინ ამჩნევს მის შინაგან მდგომარეობას, მღვდელმსახურად იკვეცება, ანუ მღვდლად. სხვები, თვით მონასტრებიდან განდევნილები, ასევე იტაცებენ ხელდასხმას, და ახლა უკვე მღვდლის ხარისხით უბრუნდებიან იმავე მონასტერს, საიდანაც გააძევეს და სურთ უსისხლო მსხვერპლი შესწირონ და აღასრულონ ყოველივე ის, რაც მღვდელმსახურს ევალება. ამის გამო კი, ზოგიერთები, ვინც მას იცნობენ, საეკლესიო შეკრებებს გაურბიან და მათი მსახურებისას ზიარებაზე უარს ამბობენ. ამგვარად, ყველაფერი, რაც ჩემ მიერ ზემოთ ითქვა, უნდა შევასრულოთ ერის აღსაშენებლად: დაე, ამას ყურადღება მიაქციოს თქვენმა კეთილმოშიშებამ, და თუ ვინმეს მღვდელმსახურად ხელდასხმა სურს, გამოძიებულ იქნეს მისი ცხოვრება, ასევე, ჰყავს თუ არა ცოლი, როგორ და როდის შეირთო; ხომ არ არის განკვეთილთა შორის სხვა უკეთილმსახურესი ეპისკოპოსის მიერ, ან — მონასტრიდან გამოძევებული, და მხოლოდ იმ შემთხვევაში, თუკი უბიწო აღმოჩნდება, აღესრულოს მისი ხელთდასხმა. ასეთნაირად შეეძლებთ დავიცვათ შეუბღალავად ჩვენი სინდისი, და წმინდა და საპატრიო ღვთისმსახურება.

(მოც. 80; I მსოფ. 2; VII მსოფ. 2; ნეოკეს. 12; ლაოდ. 3, 12; სარდ. 10; ორგ. 17)

თებაიდელი მონოზენები ალექსანდრიაში საჩივრით ჩავიდნენ იმის შესახებ, რომ ლიბიასა და პენტაპოლისში ზოგიერთი ეპისკოპოსი ზოგჯერ მღვდლად აღვინებდა ამ წოდებისათვის უღირს პირს, რაც, თავის მხრივ, საცდურს წარმოშობდა, რის გამოც ბევრი მართლმორწმუნე, პირადად იცნობდა რა ასეთ პირებს, მათი მსახურებისას ეკლესიაში აღარ მიდიოდა ან არ ეზიარებოდა. ამ საჩივრის პასუხად კირილემ დააგზავნა მრველიემოსავლელი ეპისტოლე ლიბიისა და პენტაპოლისის ეპისკოპოსების მიმართ. სწორედ ეს ეპისტოლე შეადგენს წინამდებარე (მე-4) კანონს. კირილე ეპისკოპოსებს შეახსენებს, რომ ისინი პირველ რიგში მოწოდე-

ბულნი არიან იზრუნონ ყოველივე იმაზე, რაც ემსახურება ერის კეთილდღეობასა და ეკლესიის დიდებას, და რომ მათი მთავარი ამოცანაა, წმინდა წერილის სიტყვებისამებრ, ღვთისმოსიშად აღზარდონ მათდამი რწმუნებული ერი (იხ. ლევ. 15,31). კირილე, მონოზენების საჩივრიდან გამომდინარე, შენიშნავს, რომ არაგონივრულია მღვდლად ხელთდასხმა გამოუცდელი პირებისა, კერძოდ კი, არაგონივრულია ყურადღება არ მიექცეს კანდიდატების ქორწინების საკითხს და იმას, ხომ არ იმყოფებიან ისინი კანონიერი სასჯელის ქვეშ. ამის შედეგად, ის, როგორც ალექსანდრიის საეკლესიო სამთავროს (საპატრიარქოს) მეთაური, მოხსენიებული პროვინციების ეპისკოპოსებს განუწესებს მომავალში მკაცრი ყურადღება მიაქციონ, თუ ვის ადგინებენ მღვდლად, გულისხმით გამოიკვლიონ სამღვდელო კანდიდატების ცხოვრება და კერძოდ – რომელიმე მათგანს ხომ არ დაურღვევია მღვდლის ქორწინების შესახებ კანონი, ანდა ხომ არ არის ეპისკოპოსის, ან მონასტრის იღუმენის მიერ სამღვდელო მსახურებიდან განწყენებული. როდესაც დარწმუნდებიან, რომ კანდიდატი ყოველმხრივ შეუბღალავია, მხოლოდ ამის შემდეგ შეიძლება მისი ხელდასხმა. იმოქმედებენ რა ამგვარად, ეპისკოპოსები სუფთად დაიცავენ საკუთარ სინდისს და უმწიკვლოდ შეინარჩუნებენ წმინდა მსახურებას.

პანონი 5

თუ ზოგიერთი კათაქმეველი ცოდვით დაცემის მიზეზით განკანონებუ-
ლია და ამ მდგომარეობაში სასიკვდილო სარეცელზე აღმორჩნდება, დაე,
მოინათლოს; ნუ იყოფინ, ამ ცხოვრებიდან მადლის უზიარებელი გავიდეს,
ანუ – წმინდა საიდუმლოსთან თანაზიარების გარეშე. რამეთუ, ვგონებ, ესეც
თანახმიერია ეკლესიის წესდებებთან. მოიკითხეთ თქვენთან მყოფი ძმები.
ჩვენთან მყოფნი უფლისმიერ მოგიკითხავენ.

(I მსოფ. 13, 14; ლაოდ. 47; კართ. 45)

ეს არის წინა, მე-4 კანონში მოხსენიებული კირილეს მრგვლივმოსავლელი
ეპისტოლეს მეორე ნახევარი. აქ, უკვე არსებულ კანონებთან შესაბამისობაში, განი-
წესება, რომ საჭიროა მონათვლა და ზიარების მიცემა კათაქმეველთათვისაც, თუკი
ისინი სიკვდილის პირას არიან, და ნათლობისათვის მზადების პერიოდში, კათაქ-
მეველთა ხარისხში, ჩაიდინეს გარკვეული დანაშაული, რისთვისაც იხდიდნენ შესა-
ბამის ეპიტომიას.



**მრგვლივმოსავალი ეპისტოლე გენადისა,
კონსტანტინოპოლის პატრიარქისა და მასთან ერთად
წმინდა კრებისა, ყველა ყოვლადუსამღვდელოესი
მიტროპოლიტისა და რომის პაპის მიმართ**

ყოვლადღვთისსათნო თანამწირველს მოგმართავს გენადი და ახალ რომად წოდებულ სამეფო ქალაქში შემდგარი წმინდა კრება.

ჩვენმა მეუფემ და ღმერთმა და მაცხოვარმა იესო ქრისტემ, მისცა რა თავის წმინდა მოწაფეებს სახარების ქადაგების ხელმწიფება და წარგზავნა ისინი მთელ მსოფლიოში ადამიანთა დასამოძღვრად, ნათლად ამცნო მათ, რომ მისგან უსასყიდლოდ მიღებული ძღვენი, უსასყიდლოდვე უნდა გადაეცათ სხვებისთვის; სანაცვლოდ არ უნდა აეღოთ არც სპილენძი, არც ვერცხლი, არც ოქრო და, საერთოდ, ნივთიერი თუ მიწიერი მოსახვეჭელი. რამეთუ მიწიერი და ხრწნადი ვერ იქნება სანაცვლო ზეციურისა და სულიერის. ეს მცნება მან არამარტო იმათ მისცა, არამედ მათი მეშვეობით ჩვენც, რომლებიც ღირსგვეო მათი ხარისხებისა და ადგილის. და როგორც ისინი იმარხავდენ მაშინ ამ მცნებას, ჩვენც ზუსტად ისე გვმართებს ამჟამად მისი დამარხება და დაცვა. ამოაღბრძნობა არ არის საჭირო იმის მიმართ, რაც ვერ ითმენს ამოაღბრძნობას, ამიტომ არ უნდა გავკადნიერდეთ სახიფათო ზრახვაზე. „უსასყიდლოდ, – ამბობს, – მიგიღებოც, უსასყიდლოდ მისცემდით. ნუ მოიგებთ ოქროსა, ნუცა ვეცხლსა, ნუცა რვალსა* სარტყელთა თქუნთა“ (მთ. 10, 8, 9). მარტივი და ნათელია ამ მცნების სიტყვები; მასში არ არის ორაზროვნება, გაურკვეველობა და ისეთი რამ, რაც განმარტების ხელოვნებას მოითხოვს. ჩემგანო, – ამბობს, – თქვენ მიიღეთ სამღვდელო ღირსება, და თუ ამისთვის თქვენ ჩემთვის რამე გადაგიხდიათ, ცოტა ან ბევრი, და ეს ღირსება მე თქვენთვის მომიყიდია, მაშინ თქვენც მიჰყიდეთ ის სხვებს, ხოლო თუკი უსასყიდლოდ მიგიღიათ, თქვენც უსასყიდლოდ გაეცითო. რა არის ამ მცნებაზე უფრო ნათელი? და რა არის უფრო სასარგებლო იმისთვის, ვინც მას დაემორჩილება? ჭეშმარიტად, ვაი იმათ, ვისაც ჰგონიათ, რომ ღვთის ნიჭს ფულით იყიდნიან, ან ფულზე გაყიდნიან. რამეთუ ასეთები, წმინდა პეტრეს გამონათქვამისამებრ, თავიანთი ვერცხლისმოყვარეობით შეკრულნი ნაღველის სიმწარესა და ცოდვის ბორკილებში იმყოფებიან (შდრ. საქ. 8, 23). უფლის ამ კანონთან თანახმიერი კანონი მიიღეს ამ საკითხთან დაკავშირებით ქალკედონში შეკრებილმა წმინდა და ღვთაებრივმა მამებმა წმინდა და დიდ მსოფლიო საეკლესიო კრებაზე. იგი ნათლად არის ჩვენთვის გადმოცემული შემდეგი სიტყვებით: „ეპისკოპოსი, რომელიც ფულის სანაცვლოდ მოახდენს ხელდასხმას და, მადლს, რომელიც არ იყიდება, სავაჭრო საგნად აქცევს: ეპისკოპოსს, ქორეპისკოპოსს, მღვდელს, დიაკონს ან დასის სხვა წევრს ქრთამით დაადგინებს; საძაგელი

*სპილენძი.

ანგარებით აკურთხებს ვინმეს იკონომოსად, ეკლიკად, დეკანოზად ან საერთოდ რამე საეკლესიო მსახურებაზე, — ასეთ საქმეებში მხილებულ, ან თუნდაც მცდელობაში შემჩნეულ ეპისკოპოსს, ხარისხი უნდა აეყაროს; მის მიერ ამ გზით დადგინებული პირი კი ნაყიდი ხელდასხმისა და ადგილის გარეშე დარჩეს, ჩამოერთვას ფულით შექნილი პატივი და წოდება. შუამაელის მიმართ კი (თუ ასეთი აღმოაჩინეს) ვადგენთ: სამღვდელო პირი ხარისხიდან განიკვეთოს, ხოლო ერისკაცი ან მონოზონი ანათემას გადაეცეს“. მშენიერი და ფრიად კეთილი წმინდა მამების ამ კანონით ნამცნები — მას ძალუძს მოიგერიოს სატანის ყველა შემოტევა სულიერ ძღვენზე და გვიხსნას ეშმაკის ყოველგვარი ხელყოფისაგან. რამეთუ არც კი უშვებენ, რომ ხელთდასხმის აღსრულება შეიძლება მოხდეს ფულით, ანუ — სასულიერო ხარისხის მიღება ან გაცემა ფულის გადახდის გზით; ხელთდასხმადეც, მის შემდგომაც და თვით ხელთდასხმის დროსაც, ყოვლად დაუშვებელია რაიმე სახით ქრთამის აღებ-მიცემა. მაგრამ, რადგანაც, ახლანდელ დროში, მიუხედავად ასეთი აშკარა აკრძალვისა, გალატიაში ზოგიერთები შემჩნეულია იმაში, რომ ბილწი მონაგარისა და ვერცლისმოყვარეობის მიზეზით უგულვებელყოფენ და გარდადიან ამ მაცხოვრებელ და კაცთმოყვარე მცნებას, ამიტომ კეთილად მივიჩნევთ წმინდა კრებასთან ერთად, რომელიც ამ სამეფო ქალაქში — ახალ რომში შედგა, კვლავ აგველორძინებინა მოცემული მცნება, რათა ადგილი არ ჰქონდეს ვერაგობისა და ცრუბრძნობის რამე საბაბს, და ეს საძაგელი და უკეთური ჩვეულება, რომელმაც არაფინ იცის როგორ შემოადწია ეკლესიის სიწმინდეში, სრულიად აღმოიფხვრას, რათა ჭეშმარიტად მოუსყიდველი ქმედებისას, როდესაც მღვდელთმთავრები ხელდასახმელზე სულიწმინდას იხმობენ, გარდამოვიდეს მათზე ზეგარდამო მადლი სულიწმიდისა. ხოლო ახლა, ფულით აღსრულებული ხელთდასხმისას, და უწმინდური ხელებით მოქმედებისას, არც კი ვიცი, გარდამოდის სულიწმინდის მადლი ხარისხში ასაყვან პირზე თუ პირიქით — მიიქცევა მისგან. ამიტომ, იცოდე შენ, ყოვლად კეთილკრძალულო კაცო, რომ ყოველი, ვინც არ უნდა იყოს ის, რამე ამღაგვარში მხილებული, ეპისკოპოსი თუ ქორეპისკოპოსი, პერიოდევტი, მღვდელი თუ დიაკონი, ან სხვა ვინმე საეკლესიო მსახურებაში მყოფი, ან ერისკაცი, — შეირისხება ზოგადი განწესებითა და მღვდელთმთავართა საერთო განაჩენით, როგორც ამის შესახებ ზემოთ მოყვანილი წმინდა მამების კანონი ამბობს. რამეთუ მადლი მადლად უნდა რჩებოდეს და ვერცხლი არსად უნდა იყოს მისთვის შუამდგომელი. ამგვარად, განქიქებულ იყოს და არის კიდევაც, და ყოველგვარი სამღვდელო ღირსებისა და მსახურებისაგან უცხო, და შეჩვენების წყევით შერისხული როგორც ის, ვისაც ჰგონია, რომ სულიწმინდის მადლს ფულით მოიხვეჭს, ასევე ის, ვინც მის გადაცემას ფულის სანაცვლოდ პირდება, — კლერიკოსი იქნება ის თუ ერისკაცი, მხილებული იქნება ამ საქმეში თუ სხვებისთვის გაუმხილებელი, რამეთუ შეუძლებელია შეუმსგავსებელთა ოდესმე შემსგავსება და მამონას ღმერთთან შეთახმება, ან მისი მსახურისთვის ღმერთის მსახურება. უფლისა არის ეს უცვალებელი

განჩინებაც: „ვერ კელ-უწიფების ღმრთისა მონებად და მამონაჲსა“ (მთ. 6, 24). ამ სიტყვებით განმტკიცებულნი ჩვენი ძაღისამებრ, და მორჩილნი მათი, ამ სიტყვების გამომთქმელ უფალთან ერთად, განვაწესებთ განაჩენს ასეთ დანაშაულში დამნაშავეთათვის. იზრუნოს შენმა კეთილმსახურებამაც, მთელი ძაღისხმევით შესარულოს ეს, აუწყე შენს ქვეშევრდომ ღვთისმოყვარე ეპისკოპოსებსა და პერიოდივტებს და ყველა სხვას ამ ეპისტოლეს პირის გაგზავნით, რათა ერთბაშად ყველა ქრისტიანმა, ერთი სულითა და ერთი გულით, გაძლიერებულებმა საერთო მტრის წინააღმდეგ, ღვთის შეწევნით შეუძლოთ მტრის მიერ ჩვენ შორის დანერგილი ვერცხლისმოყვარეობის ფესვის ამოძირკვა თავისი ბოროტი გამონაზარდებითურთ. მოვიკითხავთ შენს ქრისტესმიერ სამოსს. უფლისგან განმტკიცებულმა ილოცე ჩვენზე, ღვთისმოყვარეო ძმაო.

ეპისტოლეს ამ სიტყვებს, გენადისთან ერთად, ხელს აწერს ასევე სამოც-დაცამეტი ეპისკოპოსი.

(მოც. 29; IV მსოფ. 2; ტრულ. 22, 23; VII მსოფ. 4, 5, 15, 19; ლაოდ. 12; სარდ. 2; ბასილი დიდის 90; ტარასის ეპისტოლე)

წინამდებარე ეპისტოლე გამოცემულია კონსტანტინოპოლში 459 წელს შემდგარი კრების სახელით, რომელსაც პატრიარქი გენადი თავმჯდომარეობდა. ის ყველა მიტროპოლიტს მიემართება და ასევე – რომის პაპს, კერძოდ, ეპისტოლე, – სადაც დაგმობილია სიმონია და განწესებულია სიმონიაში მხილებულ სასულიერო პირთა განკვეთა, ხოლო ერისკაცთათვის შეჩვენება, – ეყრდნობა წმინდა წერილის შესაბამის ადგილებს და, აგრეთვე, IV მსოფლიო კრების მე-2 კანონს. მოციქულთა 29-ე კანონიდან ჩვენ ვიცით, რომ აღნიშნული დანაშაულისათვის სასულიერო პირები ექვემდებარებიან ორმაგ სასჯელს: წოდებიდან განკვეთას და ეკლესიის ერთობიდან განყენებას.

ეპისტოლე ტარასისა, კონსტანტინოპოლის – ახალი რომის უფმინდესი პატრიარქისა, კველი რომის პაპის. აღრიანეს მიმართ

უწმინდეს და უნეტარეს ძმასა და თანამწირველს, უფალ აღრიანეს, ძველი რომის პაპს, მოგმართავს ტარასი, ღვთის წყალობით კონსტანტინოპოლის – ახალი რომის ეპისკოპოსი, უფლის მიერ გიხაროდენ.

მრავალმხრივ და მრავალგვარად განვისწავლებით მახარებლების, მოციქულებისა და ეკლესიის მამებისგან, რომ სამღვდელო ხელთდასხმისას ვიქონიით ზნე ვერცხლის უყვარებლობისა და არ ავიღოთ ვერცხლი ან ოქრო ნებისმიერი წმინდა კაცის სასულიერო ხარისხში აყვანისას, როგორც ამას ვაჩვენებთ წმინდა წერილის საღმრთო სიტყვებისა და მამათა მოძღვრე-

ბიდან ამონარიდების დამოწმებით. რამეთუ ხელთდამსხმელი სულიწმიდის მსახურია და არა მისი გამყიდველი. სულიწმიდის მადლის უსასყიდლოდ მიძღებულთ, სხვებზე უსასყიდლოდვე გადაცემა დააბალღებულეს იმათ, რომლებმაც უფლის სიტყვით მიიღეს ეს თავისუფლება. თუ ვინმე ოქროთი ყიდვაში იქნება მხილებული, ასეთი პირი სასულიერო ხარისხიდან განკვეთილად ცხადდება, რადგან, თუმც კი მიიღო მან სამღვდლო წოდება, მაგრამ სიტყვა არ შეესაბამება საქმეს. ვერავინ შესძლებს ერთდროულად მამონასაც ემსახუროს და ღმერთსაც, როგორც ამას სახარებიდან ვსწავლობთ (იხ. მთ. 6, 24), ვინაიდან გვესმის ღვთის სიტყვა, რომელიც წინაწარმეტყველის მეშვეობით შეგვაბონებს: „მღუდელნი ეტყოდეთ გულსა იერუსალიმისასა“ (ესაია 40, 2) და კვლავ: „ებგურმან* უკეთუ იხილოს მომავალი, და არა საყვირს სცეს საყვირსა და არა დაუნიშნოს ერსა და ერმან არა დაცუა ყოს და ზედა მოსრულმან მახვილმან მიიღოს მათგან სული, და იგი უკუშ ცოდვისათჳს თავისა თჳსისა მიღებულ იქნა, ხოლო სისხლი მისი ქელისაგან ებგურისა გამოვიდოი“ (ეზეკ. 33, 6), ამიტომ ჩვენ, გვაშინებს რა ღუმილისათვის განკითხვა, ყველა ჩვენი ეკლესიის წინამძღვარს ვამცნობთ, რათა კადიერებით შეგვეძლოს გამეორება ღვთაებრივი მოციქულის სიტყვებისა: „უბრალო ვარ მე (იმათ) სისხლისაგან“ (საქ. 20, 26), ვინც გარდავიდა დადგენილ წესებს, და განსაკუთრებით, ვინც ქრთამით დაადგინა ან დადგინდა მღვდლად. ღვთაებრივმა მოციქულმა პეტრემ, რომლის საყდარიც დაიმკვიდრა თქვენმა ძმურმა სიწმინდემ, თავისგან განაგდო ისეთნი, როგორც სიმონ მოგვი იყო. ამიტომ ჩვენ არ ვემერყობთ გაუწყობ ჭეშმარიტება, რომელსაც ვიცავთ და ვიმარხავთ, და რომელიც გადმოგვეცა წმინდა მოციქულებისა და ჩვენი სახელოვანი მამების კანონებში. და თუ ვინმე ამ ჭეშმარიტებას რაიმენაირად დაარღვევს, ჩვენ მათ გარემივაქცევთ. შენმა ძმურმა წმინდამშენიერმა ყოვლადუსამღვდელოესობამ, რჯულიერად და ღვთის ნებით წარმართა რა თავისი სამღვდელთმთავრობო მოღვაწეობა, დიდად გაითქვა სახელი. რამეთუ პირველმა და უდიდესმა მღვდელთმთავარმა ქრისტე ღმერთმა ჩვენმა, წინასწარმეტყველის მეშვეობით თქვა: „მადიდებელი ოდენ ჩემი ვადიდო“ (1 მფე. 2, 30). ხომ ხედავ, სულიერთა სასურველო კაცო, რომ მაკედონიოსისა და მის სულთმბრძოლთა მიმდევრების უკეთური მწვალებლობა ნაკლებად დაუთმენელია. რამეთუ ისინი ფუჭსიტყვაობენ, თითქოს სულიწმინდა არის ქმნილება და მონა ღმრთისა და მამისა, ესენი კი, როგორც ერვენებათ, თავიანთ მონად რაცხავენ მას (სულიწმინდას). ვინაიდან, ყოველი უფალი (პატრონი) ყველაფერს, რაც მისია, თუკი მოინდომებს – გაყიდის, მონა იქნება ის თუ მისი მონაპოვარიდან სხვა რამე; ასევე მყიდველიც – მოისურვებს რა იყოს შესყიდულის პატრონი, ვერცხლის ფასად იხვეჭს მას. ამგვარად, ვინც ამ ურჯულო საქმეს იქმს, ის სულიწმიდას აკნინებს, სცოდავს რა იმათთან ერთად, ვინც მკრეხელუ-

*ოქმის მეთვალყურე, რომელიც შორიდან ხედავდა მომავალ მტერს და ამის შესახებ მოსახლეობას ატყობინებდა.

რად ამბობდა, ქრისტე დემონებს ბელზებულთ დევნისო, ან, უფრო სამართლიანად რომ გამოვთქვათ, გამყიდველ იუდას ემსგავსებთან, რომელმაც ქრისტე ღვთისმკვლელ იუდეველებს ვერცხლის ფასად მიჰყიდა. რადგანაც სულიწმინდა ერთარსია ქრისტე ღმერთისა ჩვენისა, ამიტომ ყველასათვის ცხადია, რომ ესენიც იგივე ხვედრს მოიწვევენ, როგორც ეს დამტკიცებულია. და თუ არ იყიდება (რამეთუ აშკარაა, რომ – არც ერთ შემთხვევაში), მაშინ უეჭველია, მათში არ არის სულიწმიდის მადლი, ანუ სამღვდელოების სიწმინდე, და მათ არ მიუღიათ და არც გააჩნიათ იგი (შდრ. 1 კორინ. მე-9 თავ.). დაე, გაიხსენონ წმინდა პეტრე, რომელმაც ასეთ შესყიდვაზე გაკადნიერებულს უთხრა: „არა გიც შენ ნაწილი, არცა სამკურნებელი სიტყუასა ამას შინა“ (საქმე მოციქ. 8, 21). რადგან, თუკი სამღვდელო პატივი იყიდება, მაშინ რა თქმა უნდა, ზედმეტია მათთვის ცხოვრების ღვთისმოსიში წესი და სიწმინდითა და სათნოებებით მოღვაწეობა. ზედმეტია მათთვის პავლეც, ღვთაებრივი მიციქული, რომელმაც დაგემოძღვრა, რომ „ჯერ-არს ეპისკოპოსისა, რამთა უბრალო იყოს, ერთის ცოლის ქმარ, ფრთხილ, წმიდა, შემკულ, სტუმართ მოყუარე, სწავლულ, სარწმუნოებისა სიტყუასა, რამთა შემძლებელ იყოს ნუგეშინი-ცემადცა მოძღურებასა მას შინა სიცოცხლისასა და სიტყვის-მგებელთა მათ მამხილებელ“ (1 ტიმ. 3, 2; ტიტ. 1, 9). ყველაფერ ამას აზრი ეკარგება, თუ სამღვდელოების პატივის ყიდვა-გაყიდვა შეიძლება. ქვემოთყვანილი წმინდარჩეული ადგილები ამოწმებს, რომ სრულიად უცხობა სამღვდელოებისაგან ის, ვინც აძლევს ან იღებს საფასურს, რა დროსაც უნდა იყოს – ხელდასხმის წინ, თუ ხელთასხმის შემდგომ, რამეთუ ქრთამი, ყოველთვის ქრთამია. ასევე კრძალავენ ნებისმიერი სხვა საეკლესიო წესის შესრულებას ფულის სანაცვლოდ.

„სასულიერო ხარისხიდან უნდა განიკვეთოს ის ეპისკოპოსი, მღვდელი თუ დიაკონი, რომელიც ამ პატივს ფულით მიიღებს და მისი ხელთდამსხმელიც, და ეკლესიიდანაც სრულიად მოიკვეთოს, როგორც სიმონ მოგვიჩემგან, პეტრესგან“ (წმინდა მოციქულთა 29-ე კანონი).

„ვითარცა იხილა სიმონ, რამეთუ კელთ-დასხმითა მით მოციქულთადათა მოეცემის სული წმიდად, მიუპყრა მათ ფასი და. პრქუა: მომეცით მეცა კელმწიფებად ესე, რამთა, რომელსაცა დაავასხნე კელნი, მიაქუნდეს სული წმიდად. პრქუა მას პეტრე: ვეცხლი ეგე შენი შენთანავე იყავნ წარსაწყმედელად შენდა, რამეთუ ნიჭსა მას ღმრთისასა პკონებ ფასითა მოპონებდა. არა გიც შენ ნაწილი, არაცა სამკურნებელი სიტყუასა ამას შინა, რამეთუ გული შენი არა არს წრფელ წინაშე ღმრთისა. შეინანე უკუე უკეთურებისა ამისგან შენისა და ევედრე უფალსა, მი-ხოლო თუ-გებტოს შენ უსჯულოებად ეგე გულისა შენისა, რამეთუ სიმწარედ ნავლლისა და თანა შეკრულ ცოდვისა გხედავ შენ, რამეთუ ხარ“ (საქ. 8, 18-23).

„და შედგომად სიტყუასა ამის არავე მოიქცია იერობობამ სიბოროტისაგან თვისისა, და მიიქცა და ქმნა ზოგნი მის ერისაგან მღვდლად მაღალთა; რომელსა უნებნ აღავსის კელი მისი და იქმნის მღვდელ მაღალთა ზედა და იქმნა სიტყუა ესე ცოდვად სახლისა იერობობამისა, და მოსაპოლველად, და უჩინო მყოფელად პირისაგან ქუშყანისა“ (3 მეფ. 13, 33, 34).

„და მიიქცა ელისეს მიმართ თუთ, და ყოველი ბანაკი მისი, და მოვიდა და დადგა წინაშე მისსა, და პრქუა: აჰა აწ მიცნობიეს, რამეთუ არა არს ღმერთი ყოველსა შინა ქუყანასა, არამედ მხოლოდ ისრაელისა შორის, და აწ მიითვალე კურთხევა მონისაგან შენისა; და პრქუა ელისე: ცხოველ არს უფალი, რომლისა წინა ვდგევარ წინაშე მისსა, უკეთუ მივიღო; და აიძულებდა იგი მიღებად, და არა ისმინა და პრქუა ნემან: უკეთუმცა არა გნებავს მიღებად, ამად მოეც მონასა შენსა ტკრთი უღლეულთა ჯორთა მიწისა ამისგან, რამეთუ არა ქმნას მონამან შენმან ამიერთგან ყოველად დასაწუჭლი და მსხუშრპლი ღმერთთა სხუათა, არამედ ღუთისა ერთისა სიტყვასაებრ ამის, და ამათ თქმათათეს, და განწმინდოს უფალმან მონა შენი სიტყვასაებრ ამისა და პრქუა ელისე ნემანის მიმართ: წარვედ მშუდობით, და განვიდა მისგან ქაბრათსა ზედა ქუყანისასა და პრქუა გეზი ყრმამან ელისესმან: აჰა რიდა უფალმან ჩემმან ნემანს ასურსა ამის რომელ, არა რამ აღიღო კელისაგან მისისა რომელი მობრთუა მან; ცხოველ არს უფალი, რამეთუ მივირბინო უკანით მისსა, და აღულო მისგან რამე და მირბოდა გეზი უკანით ნემანისა, და იხილა იგი ნემან მსრბოლი უკანით მისსა, და მოაქცია ეტლი შემთხუშვად მისა, და პრქუა, მშუდობა არსა და პრქუა გეზი, მშუდობამ; უფალმან ჩემმან წარმომეზაუნა მე, მეტყუელმან: აჰა აწ მოვიდენ ჩემდა ორნი ყრმანი მთისგან ეფრემისა ძეთაგან წინასწარმეტყუელთასა, მოეც უკუშ ამათ ტალანტი ვეცხლი, და ორი საცვალი სამოსელი და პრქუა ნემან: აღიღე ორი ტალანტი ვეცხლი, და აღიღო მან ორი ტალანტი ორითა ტომარაკითა, და ორი საცვალი სამოსელი, და დაასხნა ორსა ზედა ყრმასა თესსა, და წარიღეს იგი წინაშე მისსა და მივიდეს მწუხრად და მიიღო კელთაგან მათთა, და დაფარა სახლსა შინა, და განუტევნა კაცნი იგი და თუთ შევიდა და წინ დაუდგა უფალსა თესსა, და პრქუა მას ელისე: საითგან მოხვედ გეზი; და პრქუა გეზი: არა გასულა მონა შენი არა სადა და პრქუა მას ელისე; არა ვიდოდა გული ჩემი შენთანა, ოდეს მოაქცია კაცმან მან ეტლი მისი შემთხუშვად შენდა; და აწ მოვიღებეს ვეცხლი, და სამოსელნი ცხოვარნი, და კარნი, და ყრმანი და მკვევალნი და კეთორცა ნემანისა მოეფინნეს შენ ზედა, და თესლსა შენსა უკუნისამდე, და განვიდა იგი პირისაგან მისისა კეთროვანი ვითარცა თოვლი“ (4 მფც. 5, 15-27).

„ღმერთმა მოგვცა რჯული შესაწევენელად, რომლის შესახებაც იტყვიან: არა არს სხვა სიტყვა, როგორც ეს, რომლისთვისაც შეუძლებელია საფასური გაიღო. ეს რჯული არ ჰგავს მუკლითმეზლაპრის მონაყოლს, რამეთუ გამოგონილი არ არის, როგორც ის – საცდუნებლად, არამედ – ჭეშმარიტების მოძღვარია. თანაც ეს მეზლაპრენი ვერცხლის საფასურად ყვებიან თავიანთ სიცრუეს; ეს სიცილს იმსახურებს, რადგან ცდუნებულნი მათ ვერცხლს უხდიან ჯილდოდ სიცრუისათვის. რჯულის სიტყვა კი ისეთი არ არის, რომ მასში ფული გადიხადო, რამეთუ მადლს არავინ ყიდის. „უსასყიდლოდ მიგიღებებს, – ამბობს, – უსასყიდლოდ მისცემდით“ (მთ. 10, 8). ხომ ნახე, როგორ განრიხსდა პეტრე სიმონის მიმართ, რომელმაც ვერცხლი შესთავაზა სულიწმინდის მადლისთვის? „ვეცხლი ვგე შენი, – ეუბნება, –

შენთანავე იყავნ წარსაწყმედელად შენდა, რამეთუ ნიჭსა ამას ღმრთისასა ჰკონებ ფასითა მოპოვნებად“ (საქ. 8, 20). ამდენად, სახარების სიტყვა არ იყოლება მუცლითმეზღაპრეთა სიტყვების მსგავსად. რამეთუ ვის შეუძლია მისი ღირსების ტოლფასი საზღაური გაიღოს? მოუსმინე დავითს, რომელიც გაკვირვებული ამბობს: „რამ მივბოლო უფალსა ყოვლისავეთუს, რომელი მომაგო მე“ (ფსალ. 115, 3)? ამიტომ შეუძლებელია, მიღებული მადლის ღირსი ძღვენის გაღება. ერთადერთი ძღვენია მისი ღირსი: შეინარჩუნო ბოძებული. ის, ვინც საუნჯე გიბოძა, მისთვის საფასურს კი არ ითხოვს შეგან, არამედ მის ღირსეულად შენარჩუნებას“ (ბასილი დიდის განმარტებიდან ესაია წინასწარმეტყველზე).

„პოვნით, თითქოს არ ცოდავენ, როდესაც იღებენ არა ხელდასხმისას, არამედ შემდგომ: ქრთამი, როცა არ უნდა აიღო, მაინც ქრთამია. ასე რომ, გემუდარებით მიატოვეთ ეს შემოსავალი, უფრო სწორედ — ეს გეჰენიაში შესავალი, და ნუ ჰყოფთ საკუთარ თავს, მომხვეჭელობაში ხელების გასვრით, წმინდა საიდუმლოთა აღსრულების უღირსად“ (მისივე ეპისტოლედან მისი ქვეშევრდომი ეპისკოპოსების მიმართ).

„მიადგა ყველა ეპისკოპოსს ჩვენი სიტყვის გაგრძელების მიზეზი, ევსებო, სხვა ექვსი ეპისკოპოსის ბრალმძებელი, და ითხოვა მიეღოთ იგი ერთობაში. ზოგიერთი ეპისკოპოსი წინააღმდეგ გამოვიდა: არ უნდა მივიღოთ იგი, როგორც ცილისმწამებელიო. ამაზე მან მუდარით უპასუხა: რადგან საქმე ორი წლის განმავლობაში ირკვევა და უმეტესწილად გამოძიებულია, და განხილვა გადატანილია მოწმების მიზეზით, ამიტომ ვთხოვ თქვენს ღვთისმოყვარეობას, მომეცეს უფლება ახლა წარმოგიდგინოთ მოწმები, ამავე ჟამს. რადგან, მართალია, გარდაიცვალა ეპისკოპოსი ანტონინი, რომელმაც ხელდასხმაში ოქრო აიღო, მაგრამ ცოცხლები რჩებიან ისინი, რომლებმაც ხელდასხმაში მიიჩნია შედგომოდა საქმის განხილვას. განხილვა იწყება ჩანაწერის წაკითხვით იმის შესახებ, რაც მანამდე იყო ქმედებული. შემოვიდნენ მოწმეები, შემოვიდნენ ის ექვსნიც, რომლებმაც გადაიხადეს და ხელდასხმა მიიღეს. ისინი თავიდან არ აღიარებდნენ, მაგრამ მოწმეები მტკიცედ იდგნენ თავისაზე, ერისკაცებიც და მღვდლებიც, რომელთა იმედიც, როგორც ჩანს, იმათ ჰქონდათ. მოწმეებმა დაუწყეს გახსენება დროისა და ადგილების, სადაც მათ ნივთები მისცეს, და მიცემული ნივთების სახეობებისა და რაოდენობის ჩამოთვლა. მაშინ მათი სინდისი აღშფოთდა და ნებაყოფლობით, ბევრი დაძალების გარეშე აღიარეს ყოველივე შემდეგი სიტყვებით: ვაღიარებთ, რომ მივეცი, მაგრამ ჩვენ გვეგონა, რომ ასეთი იყო წესი, რათა გაეთავისუფლებულიყავით სამოქალაქო. სამსახურიდან. ამაჟამად ვთხოვთ, თუ ღვთისმოსონებისათვის მიუღებელია ჩვენი მსახურება ეკლესიაში, მაშინ, უკიდურეს შემთხვევაში, უკან მივიღოთ ის ოქრო, რომელიც გადავიხადეთ, რადგან ჩვენ ცოლების სამკაულები მივეცი. ამაზე იოანემ აღუთქვა კრებას: მე გაეთავისუფლებ მათ სამოქალაქო მსჯავრისგან, შევთხოვ ამას მეფეს. თქვენ კი უბრძანეთ, რომ ანტონინის მემკვიდრეებმა დაუბრუნონ

ამათ ის, რაც ანტონინს მისცეს. კრებამ ბრძანა: ოქრო აიღონ მათ ანტონინის მემკვიდრეებისაგან, ეზიარონ საკურთხეველში, მაგრამ დარჩნენ სამღვდელთების გარეთ, რადგან თუ მათ ვაპატიებთ, არ იქცეს ეს იუდეველები ჩვევად, ან ეგვიპტელებისათვის – სამღვდლო პატივის ყიდვა-გაყიდვად. რადგან, ამბობენ, რომ იუდეველთა თვითმარქვია პატრიარქი ყოველწლიურად თუ ორ წელიწადში ერთხელ ცვლის სინაგოგის წინამძღვრებს ვერცხლის შესაგროვებლად, მსგავსადვე მოქმედებს მისი მიმბაძველი ეგვიპტელი იუდეველების პატრიარქი; დაე, აღესრულოს ნაწინასწარმეტყველები სიტყვა: „მღვდელი მისნი სასყიდლისა თანა მიუგებდეს, და წინასწარმეტყუძლნი მისნი ვეცხლისა თანა მისნობდეს“ (მიქ. 3, 11) (იოანე ოქროპირის ცხოვრებიდან).

„ეპისკოპოსი, რომელიც ფულის სანაცვლოდ აღასრულებს ხელდასხმას და, მადლს, რომელიც არ იყიდება, საეაჭრო საგნად აქცევს: ეპისკოპოსს, ქორეპისკოპოსს, მღვდელს, დიაკონს ან დასის სხვა წევრს ქრთამით დაადგინებს; საძაგელი ანგარებით აკურთხებს ვინმეს იკონომოსად, ეკლიკად, დეკანოზად ან სხვა რაიმე საეკლესიო მსახურებაზე, – ასეთ საქმეებში მხილებულ, ან თუნდაც მცდელობაში შემჩნეულ ეპისკოპოსს, ხარისხი უნდა აეყაროს; მის მიერ ამ გზით დადგინებული პირი კი ნაყიდი ხელდასხმისა და დადგინების გარეშე დარჩეს, ჩამოერთვას ფულით შეძენილი პატივი და წოდება. შუამდომელის მიმართ კი (თუ ასეთი აღმოაჩინეს) ვადგენთ: სამღვდლო პირი ხარისხიდან განიკვეთოს, ხოლო ერისკაცი ან მონოზონი ანათემას გადაეცეს“ (ქალკედონში შეკრებილ 630 წმინდა მამათა კანონებიდან).

„ამგვარად, განქიქებულ იყოს და არის კიდევაც, და ყოველგვარი სამღვდლო ღირსებისა და მსახურებისაგან უცხო, და შეჩვენების წყევით შერისხული როგორც ის, ვისაც ჰგონია, რომ სულიწმინდის მადლს ფულით მოიხვეჭს, ასევე ის, ვინც მის გადაცემას ფულის სანაცვლოდ პირდება, – კლერიკოსი იქნება ის თუ ერისკაცი, მხილებული იქნება ამ საქმეში თუ სხვებისთვის გაუმხილებელი, რამეთუ შეუძლებელია შეუმსგავსებელთა ოდესმე შემსგავსება და მამონას ღმერთთან შეთახმება, ან მისი მსახურისთვის ღმერთის მსახურება. უფლისა არის ეს უცვალებელი განჩინებაცა: „ვერც კელ-ეწიფების ღმრთისა მონებად და მამონაჲსა“ (მთ. 6, 24)“ (კონსტანტინოპოლის უწმინდესი მთავარეპისკოპოსის გენადის მრგვლივმოსავლელი ეპისტოლედან).

„ეპისკოპოსი ან სხვა ნებისმიერი ხარისხის სასულიერო პირი, რომელიც ფულით იქნა ხელდასხმული, და არა გამოცდითა და გამოორჩევით თავისი ღუთისსათნო ცხოვრების შედეგად, განკვეთილ იქნეს; განიკვეთოს, აგრეთვე, მისი ხელთდამსხმელიც“. (წმინდა VI მსოფლიო საეკლესიო კრების 22-ე კან.)

ყველამ მოვისმინოთ ეს, და შევიგონოთ არა მხოლოდ მღვდელთმთავრებმა, არამედ, ასევე, ყველა კლერიკოსმა და, საერთოდ, მსოფლიოს ყველა მცხოვრებმა. რამეთუ გვმართებს „უმეტესად კრძალვად ჩუენი, რომელთა-

ესე გუასმიეს, რამთა არა მოუძღურდეთ“ (ებრაელ. 2, 1); „რამეთუ არა განხრწნადითა ვეცხლითა გინა ოქროითა იკვნენით თქუენ ამამოსა მისგან მამათა მოცემულისა სღვისა, არამედ პატიოსნითა სისხლითა, ვითარცა ტარიგისა უბიწომისა და უმანკომისა ქრისტესითა“ (1 პეტ. 1, 18, 19). ასე დაგვემოძღვრე ჩვენც, უწმინდესო კაცო, რათა გავვევთ წმინდა წერილის, სახარების, მოციქულების, წმინდა კანონებისა და მამების მცნებებს. რამეთუ ჩვენ ვიდრიკებით თქვენს ბაგეთაგან გამოსული სიტყვების მოსასმენად. მოიქეც მაღლით, აღიმადლე ხმაი სიმტკიცით, ფართო-ყვენ სღვანი შენნი, იქადაგე კადნიერად, და აღმოიფხვრება და განადურდება საბოლოოდ ქრთამით ხელდასხმა და ყოველივე ის, რაც მისი თანამდევია ვერცხლისმოყვარებით, უსამართლობითა და საძაგელანგარებიანი მსყიდველობით. რადგან, როდესაც ეს და მისი მსგავსი უწმინდურებანი აღმოიფხვრება ქრისტეს სახელით წოდებულ რჩეულ ერში, რომელმაც უსასყიდლოდ მიიღო სიკვდილისაგან გამოსყიდვა, მაშინ ამ სენიდან მომდინარე ყველა სხვა სიბილწეც ამოიძირკება; მაშინ მღვდლები ფინიკივით აყვავდებიან, გადასარჩენ ერს ქრისტეს კეთილსურნელებას შთაბერავენ და ეკლესიაში გამარჯვების საგალობელს მიუთხრობენ: „მოძარცუნა უფალმან უსამართლოებანი შენნი“ (სოფ. 3, 15). ამგვარად მოწეული ნაყოფით დატკებებიან, და განამრავლებენ მათ სიბერესა სიპოხისას – აჩვენებენ რა მემკვიდრეებს წმინდა ცხოვრებით მიღებულ ნეტარებასა და უკვდავებას.

(მოც. 29; IV მსოფ. 2; ტრულ. 22, 23; VII მსოფ. 4, 5, 15, 19; ლაოდ. 12; სარდ. 2; ბასილი დიდის 90; გენადის ეპისტოლე)

სიმონია VIII საუკუნეშიც აგრძელებდა ქრისტეს ეკლესიის შებილწვას. ამიტომ კონსტანტინოპოლის დიდი პატრიარქი ტარასი VII მსოფლიო კრების შემდეგ, მაღევე, იძულებული გახდა ხმა აემალლებინა. თავის ეპისტოლეში, რომის პაპ ადრეანეს მიმართ, იგი თხოვს ამ უკანასკნელს დაეხმაროს ეკლესიაში ამ ბოროტების აღმოფხვრის საქმეში. როგორც თვით ეპისტოლეს ტექსტიდან ჩანს, ის წარმოადგენს ყველა იმ განწესებათა კრებულს, რაც კი წმინდა ტარასის დრომდე გამოცემული იყო სიმონიის საკითხთან დაკავშირებით.



ღაქატაქიტი კანონები

კანონები შინდისა იონა მმარხველისა

კანონი 1

ვინც ყოველგვარი იძულების გარეშე, თავისი უგუნურებით განუდგა ქრისტეს, მას შეუძლია — ბასილი დიდის 73-ე კანონის თანხმად — მხოლოდ სიკედელის წინ მიიღოს წმინდა ზიარება. ვერაინ გაათავისუფლებს მას ეპიტიმიიდან და ვერც ღმობიერებას გამოიჩენს ვინმე მის მიმართ. წმინდა გრიგოლ ნოსელი, როდესაც რიგის მიხედვით ჩამოთვლის ყოველივეს, რაც აპოსტატებს (განდგომილებს) ეხებათ, იგივე სასჯელს უქვემდებარებს ყველა იმას, ვინც ნებაყოფლობით გადადის სარწმუნოებიდან ცდომილებაში, ამასთან, განსაზღვრავს, რომ სასჯელის ვადა უნდა უთანაბრდებოდეს თითოეული შემცოდებლის მთელ დარჩენილ ცხოვრებას. იმ პირებს კი, რომლებიც იძულებით განდგნენ, მეძავთათვის განსაზღვრულ სასჯელს განუწესებს, ანუ ათწლიან ეპიტიმიას. აპოსტატების ზუსტად ასეთივე დაყოფას აკეთებს ანკვირიის კრება, ასევე, წმინდა მღვდელმთავრამე პეტრე აღექსანდრიელი და ბასილი დიდი თავისი 81-ე კანონით. თუმცაღა, ეკლესია ამჟამად მიჰყევება იმას, რაც დაადგინა და განაწესა კონსტანტინოპოლის უწმინდესმა პატრიარქმა მეთოდემ, და მასთან შესაბამისობაში მოქმედებს იმათთან დამოკიდებულებით, რომლებსაც ასე თუ ისე ბრალი მიუძღვით აღნიშნულ დანაშაულში. რამეთუ იგი (მეთოდი) ამბობს, რომ ვინც ბავშვობიდან შეიპყრო უკეთურმა სულმა და იგი შიშით, უმცერებით თუ სარწმუნოებაში გაუცნობიერებლობით იძულებული გახდა მამათა რწმენას განდგომოდა, მერმე კი, მოწიფულ ასაკში, კვლავ დაუბრუნდება ქრისტიანულ ცხოვრებას და კათოლიკე ეკლესიასთან ერთობაში შევა სინანულითა და აღსარებით, — დაე, ყოველდღიურად, მეშიდე დღემდე, ისმინოს მღვდელთან ოთხი დაწესებული ღოცვა, მერვე დღეს კი განიბანოს; შემდეგ თავისი სამოსელისგან განიძარცვოს და არდაგი მოირტყას წელზე, და ცხონ მას მირონი ახალნათელღებულის მსგავსად; ყოველივე ამის შემდეგ, ბოლოს, ღირსიქმნეს წმინდა ზიარების მიღებისა. შემდგომი რვა დღის განმავლობაში დაესწროს ეკლესიაში წმინდა ღვთისმსახურებას ახალნათელღებულის მსგავსად. ასეთივე კაცთმოყვარეობის ღირსი გახდეს ისიც, ვინც ზრდასრულ ასაკში შეიპყრეს უკეთურებმა და წამებით აიძულეს მამათა რწმენა უარეყო. ოღონდ, ასეთმა, მანამდე უნდა იმარხულოს ორჯერ ორმოცორმოცი დღე — თავი შეიკავოს ხორცის, ყველისა და კვერცხისგან, ამას გარდა, ყოველ შვიდეულში სამი დღე — ღვინისა და ზეთისგან. მელი ამ ხნის განმავლობაში ილოცოს და მუხლდრეკები ჰყოს, რამდენიც ამისთვის ძალა ექნება. მერმე, როცა ეს ვადა შესრულდება, — ორჯერ ორმოცორმოცი დღე, — შეიდი დღის განმავლობაში ყოველდღე მოისმინოს ღმობიერსაყოფი ღოცვები, მერვე დღეს კი, ზემონათქვამის მსგავსად, განი-

ბანოს, მირონი იცხოს და წმინდა ზიარებას ეღირსოს. შემდგომი რვა დღის განმავლობაში საეკლესიო მსახურებებს დაეწვროს. რაც შეეხება სარწმუნოებიდან ნებაყოფლობით განდგომილებს, მათ საშინელი სასჯელი მოელოთ, მაგრამ, ღვთის ენითგამოუთქმელი კაცთმოყვარებით, ასეთიც მოწყალებით უნდა განიკურნოს. ამიტომ, დაე, იმარხულოს მან ორი წელი – შეიკავოს თავი ხორცის, ყველისა და კვერცხისგან, და, ამას გარდა, ყოველ შვიდგულში სამ-სამი დღე – ზეთისა და ღვინისგან; ყოველდღიურად, ძალისამებრ, ასი ან ორასი მეტანია ჰყოს. როდესაც ორი წელიწადი შესრულდება, დაე, მანაც შეიდი დღე ღმობიერსაყოფი ღოცვები ისმინოს, დანარჩენში კი ისე უნდა მოექცნენ მას, როგორც ეს ზემოთ ითქვა.

(მოც. 62; I მსოფ. 10, 11, 12, 14; ტრულ. 102; ანკვირ. 1-9, 12, 21; ლაოდ. 2, 19; კართ. 43; გრიგოლ ნეოკესარიელის 2, 11; ბასილი დიდის 3, 73, 81, 84; პეტრე ალექსანდრიელის 1-14; გრიგოლ ნოსელის 2)

იოანე მმარხველის წინამდებარე და სხვა კანონები, რომლებიც აქ მოყვანილია „ათენის სინტაგმიდან“, თავისი ორიგინალური ტექსტის მიხედვით არ არის ის, რომელიც თავად მმარხველმა შეადგინა. თვით კანონები კი, ან უფრო ზუსტად, მმარხველის „კანონიკონი“, საეჭვოა, რომ თავისი პირველი რედაქციით დღეს უკვე არსებობდეს. „კანონიკონი“ სამაგიდო წიგნი იყო სულიერი მოძღვრებისათვის სხვადასხვა ცოდვებისათვის ეპიტიმების განსაზღვრისას. თანაც, ყოველი მოძღვარი ახდენდა ამ წიგნის გადაწერას საკუთარი გამოყენებისათვის და ამატებდა მას სხვა კანონებსაც იმ შემთხვევებისათვის, რომლებიც იოანეს არ ჰქონდა გათვალისწინებული. ამის შედეგად, მმარხველის „კანონიკონმა“ დროთა განმავლობაში იმდენად დაკარგა თავისი თავდაპირველი სახე, რომ მის მრავალრიცხოვან რედაქციათა შორის ძნელი საცნაური გახდა, რომელი იყო მათგან მმარხველის ნამდვილი „კანონიკონი“. ამიტომ ბევრმა დაიწყო მისი უგულებელყოფა და შედეგად, მისი ძველი ავტორიტეტი თანდათან დაეცა. XIV საუკუნეში მათე ბლასტარმა კვლავ აამაღლა იოანე მმარხველის წიგნის თავდაპირველი მნიშვნელობა. მან მისგან შეადგინა საკმაოდ ვრცელი სინოპსისი (48 კანონი) და მიუერთა იგი თავის ალფაბეტურ სინტაგმას. როგორც ბლასტარის ამ სინოპსისმა, ისე ალფაბეტურმა სინტაგმამ საყოველთაო აღიარება ჰპოვა აღმოსავლურ ეკლესიაში; აღნიშნული სინოპსისის მიხედვით იოანე მმარხველის კანონები კვლავ შევიდა საყოველთაო გამოყენებაში. მრავალ ძეგლებერძულ ხელნაწერთა შორის არის ბლასტარის სინოპსისიც, რომელიც ერთ-ერთი ამ ხელნაწერის მიხედვით დაიბეჭდა ათენის სინტაგმაში. იმავე სინოპსისის მიხედვით მმარხველის კანონები შევიდა ბლასტარის სინტაგმის ძეგლებერძულ ხელნაწერში, როგორც ამის შესახებ ამბობს პროფ. თ. დ. ფლორინსკი თავის წიგნში „სერბებისა და ბერძნების მეფის დუშანის კანონმდებლობითი მოღვაწეობის ძეგლები“ (კიევი, 1888, გვ. 309 და შემდგ.). მოყვანილი შენიშვნებიდან, რომლის წამძღვარებაც მმარხველის კანონების განმარტებისათვის ჩვენ საჭიროდ ჩავთვალეთ, იოლი გასაგები იქნება ყოველი ცალკეული კანონის აზრი, რომლებიც, ტექსტის მიხედვით თუ ვიმსჯელებთ, მკაცრი გავებით სავსებითაც არ არის მმარხველის კანონები.

წმინდა იოანე მმარხველის ყველა კანონი დაყოფილია სამ ჯგუფად, რაც შეესაბამება გრიგოლ ნოსელისეულ დაყოფას თავის პირველ კანონში სულის სამი ძალის მიხედვით: გულისსიტყვა (გონიერი, აზრობრივი), გულისთქმა (წადიერი, მოსურვეობითი) და გულისწყრომა (გალიზიანებითი, გაბრაზება, განრისხება), რომელთაგანაც შეიძლება წარმოიშვას სხვადასხვა ცოდვა. წმინდა გრიგოლ ნოსელის კანონების მსგავსად, წმინდა იოანე მმარხველიც ცოდვებს ჩამოთვლის ზემომოხსენიებული სულის ძალების სქემით. მისი „კანონიკონის“ კანონების ცალკეულ ჯგუფს ბლასტარის სინოპსისის ორიგინალში ქვეჯგუფების შესაბამისი საკუთარი სახელწოდებებიც აქვთ მინიჭებული. პირველ ჯგუფს ზედწარუწერება „გონის ძალა, გულისთქმის ძალა და გულისწყრომის ძალა“ და თავის თავში შეიცავს, როგორც გრიგოლ ნოსელთან, სარწმუნოების საწინააღმდეგო ცოდვების შესახებ კანონებს (1 და მე-2); მეორე ჯგუფი – „სულის მოაზროვნე ნაწილის შეცოდებანი“ შეიცავს კანონებს (4-30) ზნეობრიობის საწინააღმდეგო ცოდვების შესახებ; მესამე ჯგუფი კი – „გულისთქმის ნაწილის შესახებ“ გადმოცემს კანონებს (31-48), რომლებიც ეხება მოყვასის სიყვარულის საწინააღმდეგო ცოდვებს. სინოპსისის კანონიკონის შეიდი კანონის გარდა, ყველა დანარჩენი ეკუთვნის იოანე მმარხველს. ამ შეიდი კანონიდან 1-ში, მე-2-ში და მე-16-ში არის ჩართული ტექსტები მათე ბლასტარისგან, ხოლო 22, 23, 26 და 27 კანონები თვით ბლასტარმა შეადგინა. წინამდებარე პირველი კანონი ორი ნაწილისგან შედგება. პირველი, რომელშიც მოიხსენიება ანკვირიის კრებისა და წმინდა მამების – პეტრე ალექსანდრიელის, ბასილი დიდისა და გრიგოლ ნოსელის კანონები ქრისტესგან განდგომილთა შესახებ, ეკუთვნის წმინდა იოანე მმარხველს, რომელიც მიიჩნევს, რომ განდგომილთათვის სასჯელის განსაზღვრისას, მათი ეკლესიაში დაბრუნების შემთხვევაში, საჭიროა შესაბამისობა ზემომოხსენიებული კანონების განწესებებთან. კანონის მეორე ნაწილი კი მათე ბლასტარს ეკუთვნის, რომელმაც იოანე მმარხველის კანონი შეავსო კონსტანტინოპოლის კრების განწესებით; ეს კრება პატრიარქ მეთოდეს დროს (842-846) გაიმართა და მასში საუბარია ქრისტესგან განდგომილთა ეკლესიაში მიღების წესზე. სწორედ ასეთ წესი იყო ძალაში მათე ბლასტარის დროს.

კანონი 2

იმათ, ვინც გრძნეულებითა და მომწამვლელობით არს დაკავებული, ბასილი დიდი თავისი 65-ე კანონით მკვლევლებისათვის დაწესებულ სასჯელს უფარდებს, ანუ ოცწლიან ეპიტიმias. ზუსტად ასევე, 72-ე კანონის თანახმად, იმათაც, ვინც მკითხაობს, ან, უბრალოდ, სჯერა მათი. გრიგოლ ნოსელი კი, თავის მე-2 [მე-3] კანონში, ცოდვების მისეულ დაყოფასთან შესაბამისობაში, აპოსტატის (განდგომილის) მსგავსად სჯის ყველას, ვინც ტოვებენ ჩვენს სარწმუნოებას და მკითხავენს მიმართავენ. მეორე მხრივ, ვინც იძულებით მიდის მათთან ან სულმოკლეობით, ისჯება როგორც მემრუშე. VI მსოფლიო კრების 61-ე კანონი ამ უკანსკნელებს ექვსწლიან ეპიტიმias განუწესებს, ანკვირიის კრება კი ამ სასჯელს ხუთ წლამდე ამცირებს. წაიკითხე ლაოდიკიის 36-ე კანონი, სადაც დაწვრილებით არის განხილული

აღნიშნულ საკითხთან დაკავშირებული განსხვავება. გრძნეულებითა და მომწამვლელობით დაკავებულ პირებს იოანე მმარხველმა სასჯელი სამ წლამდე შეუმცირა, მაგრამ ეს იმ პირობით, თუ ისინი მკაცრად იმარხულებენ: იკმარებენ ყოველდღიურად, მეცხრე უამის შემდეგ, მშრალ და ხმელ საჭმელს, ანუ საკვებს მიიღებენ მხოლოდ იმისათვის, რომ იარსებონ; ამასთანავე, ყოველდღე ორას ორმოცდაათ მეტანიას შეასრულებენ და მოკრძალებით მიიტანენ შუბლს ზედ მიწამდე. იგივე სასჯელს განუსაზღვრავს თილისმანის მატარებელ და ჯადოს დამამზადებელ დედაკაცებსაც.

(ტრულ. 61, 65; ანკვირ. 24; ლაოდ. 36; ბასილი დიდის 7, 65, 72, 81, 83; გრიგოლ ნოსელის 3)

წინამდებარე კანონი შედგენილია მათე ბლასტარის მიერ იოანე მმარხველის შესაბამისი კანონის საფუძველზე. მასში თავიდან საუბარია კრებებისა და წმინდა მამების კანონების შესახებ იმათ წინააღმდეგ, ვინც ჯადოსნობით იყო დაკავებული. ამის შემდეგ კი მოყვანილია იოანე მმარხველის განწესება ასეთი შემცობლებების წინააღმდეგ.

კანონი 3

ის, რომ ჩვენ (ამბობს იოანე მმარხველი) ვამცირებთ სინანულის ვადებს, ვფიქრობ, რომ იმათ, ვინც სწორად სჯის, უსაფუძვლოდ არ მოეჩვენება. რაკი არც ბასილი დიდს, არც სხვა უფრო ძველი დროის ჩვენს ღვთაებრივ მამებს არ განუჩინიათ ცოდვილებისთვის მარხვები, მღვიძარება, მეტანიების რაოდენობა, არამედ, მხოლოდ — წმინდა ზიარებიდან განყენება, ამიტომ ჩვენ ვგონებთ, რომ იმათთვის, ვინც გულწრფელად ინანიებს და მზად არის მოაუძღუროს ხორცი თავისი მკაცრი მოღვაწეობით, იცხოვროს კეთილგონივრულად ისე, რომ ახალი ცხოვრება სრულიად საპირისპირო აღმოჩნდეს მისი ძველი ბიწიერი ცხოვრებისა, — მართებული იქნება, თავშეკავების საზომისამებრ, ზომიერების ფარგლებში შეუმცირდეთ სასჯელის ვადები. ასე, მაგალითად, თუკი ვინმე აღთქმას დადებს, რომ ღვინოს არ მიიღებს გარკვეულ დღეებში, მაშინ ჩვენ თანახმა ვართ შევუმციროთ მას ერთი წლით მამების მიერ მისი დანაშაულისათვის განსაზღვრული ეპიტიმის ვადა. ზუსტად ასევე, თუკი ასეთი პირი აღთქმას დადებს, რომ გარკვეულ დღეებში თავს შეიკავებს ხორცისგანაც, მაშინ ჩვენ თანახმა ვართ კიდევ ერთი წლით შევუმციროთ მას სასჯელის ვადა, ან მისი მხრიდან ყველისა და კვერცხისგან თავშეკავების შემთხვევაში, ან თევზისგან, ზეთისგან, — თანახმა ვართ, რომ თითოეული დასახელებული პროდუქტისგან თავშეკავების შემთხვევაში, კიდევ თითო წლით შეუმცირდეთ დაწესებული სასჯელი. ზუსტად ასე უნდა მოვექცეთ ყველა იმათგანს, ვინც ხშირი მეტანიებით ცდილობს ლმობიერჰყოს მის მიმართ ღმერთი და განსაკუთრებით, თუ ავლენს ძალდაუტანებელ გულმოდგინებას წყალობის გაცემაში. შემდეგ, ჩვენ თანახმა ვართ კიდევ უფრო შევუმციროთ სასჯელი ისეთ პირს, რომელიც

დაცემის შემდეგ იწყებს ღვთისმოსიშ და განმხოლოებულ ცხოვრებას და ყველა იმ ღვაწლს ტვირთულობს, რაც ამ სახის ცხოვრებას ახასიათებს.

(I მსოფ. 12; IV მსოფ. 16; ტრულ. 102; ანკვირ. 5; ბასილი დიდის 74)

იოანე მმარხველის მიერ სხვადასხვა ცოდვისთვის დაწესებულ ეპიტიმებს თუ შევადარებთ საეკლესიო კრებებისა და ძველი დროის წმინდა მამების მიერ განწესებულ ეპიტიმებს იმავე ცოდვებისათვის, დიდ სხვაობას დაინახავთ. ეს უკანასკნელნი საკმაოდ დიდი სიმკაცრით გამოირჩევიან, იოანეს მიერ განწესებული სასჯელები კი გაცილებით ლმობიერია. იმისათვის, რომ წმინდა მამებისეული განწესებების მოშურნეთაგან რისხვა არ დაემსახურებინა, წმინდა იოანემ საჭიროდ ჩათვალა აეხსნა, თუ რაში იყო საქმე და რატომ ამცირებდა სინანულის ვადებს სანახევროდ. იგი შენიშნავს, რომ ბასილი დიდი და სხვა წმინდა მამები, სხვადასხვა ცოდვებისათვის განაწესებდნენ ცოდვილების მხოლოდ განკენებას წმინდა ზიარებიდან, მეტი ან ნაკლები ხანგრძლივობით. ამასთან, მხედველობაში არ იღებდნენ მარხვას, მღვიძარებასა და მეტანიებს, როგორც სასჯელის ერთგვარ სახეს, რომლებიც გულწრფელი სინანულის პირობებში, შეიძლება დაეხმაროს მონანულს იმაზე ადრე გახდეს წმინდა ზიარების ღირსი, ვიდრე ამას დაიმსახურებდა, რომ არ დაქვემდებარებოდა მარხვას, მღვიძარებასა და მეტანიებს. იოანე მმარხველი ხაზს უსვამს ამ გარემოებას და შენიშნავს, რომ თუკი ის უმცირებს სინანულის ვადას ზოგიერთ ცოდვილს, რომლებიც თრგუნავენ საკუთარ ხორცს მარხვით, მღვიძარებითა და მეტანიებით, და ნებას აძლევს მათ მიიღონ წმინდა ზიარება ვადაზე ადრე, ვიდრე ეს წინანდელი კანონებით იყო გათვალისწინებული, სადაც ამ საშუალებათა შესახებ არაფერია ნათქვამი, მაშინ სინანულის ვადების შემცირება უნდა მიიჩნიოს საესებთო საფუძვლიანად ნებისმიერმა, ვისაც სურს სწორად განსაჯოს. მით უფრო, რომ ამაზე რწმუნებას იძლევა თვით ბასილი დიდოც თავისი 74-ე კანონით. ამის შემდეგ იოანე მმარხველს მოჰყავს მაგალითი. თუ როგორ შეაჯილბოდა ამა თუ იმ ცოდვილისათვის სინანულის ვადის ეს შემცირება გააზიარებულად სასჯელის გვარობიდან გამომდინარე. თუმცადა, სინანულის ვადების ეს შეკვრება, რაჰკლის შესახებაც იოანე მმარხველი საუბრობს, ეხება მხოლოდ ცოდვის რაჰკლნაზე სახეს, მაშინ, როდესაც ყველა სხვა დანარჩენი სახის ცოდვისათვის. ის საჯალბოებულად თვლის ადრინდელი მამების მიერ განწესებულ სასჯელს. ზუსტად ასევე, იგი აუცილებლად მიიჩნევს ამ ეპიტიმებს იმ ცოდვებისთვისაც, რაჰკლათვისაც ის განაწესებს ნაკლებად მკაცრ სასჯელებს, თუკი აღბეული პირი გულმოდგინედ არ ასრულებს მის განწესებას მარხვებსა და მეტანიებთან დაკავშირებით. როგორც ამას ქვემოთ ვიხილავთ.

ეს სრულიად სწორი და საფუძვლიანი მსჯელობა იოანე მმარხველისა, მაინც არ იყო სასურველი ეპიტიმების დადებისას ძველი განწესებებით სარგებლობის მომხრეთათვის. ისინი ირწმუნებოდნენ, რომ ბევრისთვის სახანაო იყო ცოდვილების მიმართ ასეთი ლმობიერება. ათონელი მონოხენების შეკითხვაზე, მისაღებია თუ არა ეპიტიმების დადებისას იოანე მმარხველის „კანონიკონი“ სარგებლობა, კონსტანტინოპოლის პატრიარქი ნიკოლოზ III (1084-1111) პასუხობს: – რასაც შემდგომში ვიხილავთ, – იმ ასრით, როგორც ჩვენ უკვე აღვნიშნეთ: კრძალვ. უპასუხა, რომ

თავისი უდიდესი ღმობიერებით ამ „კანონიკონმა“ ბევრი დაღუპა. თუმცაღა, თანდათან იოანე მმარხველის კანონების შესახებ ეს აზრი შეიცვალა, და დროთა განმავლობაში აღმოსავლურ ეკლესიაში საყოველთაოდ დაიწიეს მათი გამოყენება. ასე რომ, ამჟამად სულიერი მოძღვრები საბერძნეთში ვალდებულნი არიან შემცოდებელს, აღსარების შემდეგ, ეპიტიმია სწორედ ამ კანონების მიხედვით დააღონ.

კანონი 4

გულში უწმინდური აზრების მოქმედება, თუ ცოდვა ჯერ კიდევ არ არის ჩადენილი, სასჯელს არ ექვემდებარება.

ამ კანონში თავისი გამოხატულება ჰპოვა რომის სამართლის კანონმა, რომლის თანახმადაც, ჩაფიქრებული დანაშაული არ შეიძლება მხედველობაში იქნეს მიღებული იმისათვის, რომ მხოლოდ ამის საფუძველზე მიიღონ ზომები ვინმეს წინააღმდეგ. ჩაფიქრებული დანაშაული უნდა დასრულდეს კიდევ – დადებითად ან უარყოფითად, რათა შესაძლებელი გახდეს მასზე მსჯელობა, როგორც დასასჯელ ქმედებაზე.

მართალია, რაც ითქვა, ძალმოსილია საეკლესიო სასამართლოს გარეგან საქმეებში, მაგრამ ის მნიშვნელოვანია, აგრეთვე, შინაგანი საეკლესიო სასამართლოსთვისაც, კერძოდ, მოძღვრებისთვის წმინდა აღსარებისას, რომელთათვისაც, საკუთრივ, განკუთვნილია ეს კანონი. ამის შესახებ იხ. შემდეგი (მე-5) კანონი.

კანონი 5

გულის თანაგრძნობა ზრახვების მიმართ, თორმეტი მეტანიით იწმინდება.

მე-4 კანონში ნათქვამია, რომ ჩაფიქრებული დანაშაული არ ექვემდებარება სასჯელს, იმ ვარაუდით, რომ ჩაფიქრებულს ჰქონდა შემთხვევითი და წარმავალი მნიშვნელობა, და რომ მან ვერ დაიპყრო ადამიანის გული. თუმცა, თუკი ეს მოხდება, ანუ ბოროტი განზრახვა განმტკიცდება ადამიანში, მაგრამ არ გადაიზრდება რამე დანაშაულში მხოლოდ იმიტომ, რომ ამას ხელი შეუშალა მისგან დამოუკიდებელმა გარემოებამ, მაშინ სულიერ სასჯელს იმსახურებს თვით ბოროტი ზრახვაც, როგორც ნათქვამია წინამდებარე (მე-5) კანონში. რომის სამართალშიც ჰქონდა მას ძალა გარკვეულ ვითარებებში. ამასთან, აღნიშნულ სამართალში მხოლოდ პირობითად არის ნათქვამი: „განზრახვა შეიძლება დარჩეს დაუსჯელი“. ბოროტი განზრახვა შეიძლება დარჩეს დაუსჯელი, თუ, რა თქმა უნდა, სისხლის სამართლის დანაშაულში არ გადაიზარდა, მაგრამ ეს განზრახვა რომ ყოველთვის დაუსჯელი უნდა დარჩეს, ამის შესახებ რომის სამართალში არსადაა ნათქვამი.

კანონი 6

ბრძოლა (ვნებებთან) იმსახურებს ან ჯილდოს, ან სასჯელს.

ადამიანი ჯილდოს დაიმსახურებებს, თუ ვნებებთან ბრძოლაში არ დათმობს და გაიმარჯვებს მათზე. სასჯელს კი დაიმსახურებს იმ შემთხვევაში, თუ თავის თავში

ვერ იპოვის შეწინააღმდეგობის ძალას და ვნებებს დაემორჩილება. სასჯელი მას დაეკისრება ცოდვის სიმძიმის გათვალისწინებით.

კანონი 7

თანხმობა (უკეთურ აზრებთან) არის სასჯელის მიზეზიც და დასაწყისიც.

წინამდებარე კანონი წარმოადგენს წინა სამი კანონის (მე-4, მე-5 და მე-6) განმარტებას და ამბობს, რომ ადამიანი თავად არის დამნაშავე, თუ მოჰყვება სასჯელის ქვეშ იმისათვის, რომ ვერ იპოვა თავის თავში ძალა დაეპირისპირებინა სათნოება ვნებებისათვის. რამეთუ თავად დაიმსახურა სასჯელი იმით, რომ აღასრულა მის მიერვე ჩაფიქრებული დანაშაულებრივი საქმე.

კანონი 8

ვინც ძილში ეკრიზისით იბილწება, ერთი დღით აკლდება წმინდა ზიარებას, და ჩაითვლება უწმინდურობიდან განწმენდილად, თუ წაიკითხავს 50-ე ფსალმუნს და შეასრულებს 49 მეტანიას.

ათანასე დიდი თავის პირველ კანონში სვამს შეკითხვას: „რა აქვს ცოდვიანი ან უწმინდური ბუნებრივ გამონაყოფს?“ შესაბამისად, იგი ამისთვის სასჯელს არავის უქვემდებარებს. ასევე, დიონისე ალექსანდრიელიც, საუბრობს რა თავის მე-4 კანონში ღამის უნებლიე გამონაყოფზე (თესლდენა), შენიშნავს, რომ პირი, რომელსაც ეს შეემთხვევა, თვითონ არის საკუთარი თავის მსაჯული; მაგრამ სასჯელს ამისთვის არ ადებს. წინამდებარე კანონი კი, პირიქით, განაწესებს, რომ არ უნდა დაუშვან ის პირი ზიარებაზე, რომელიც წინა ღამით უწმინდურებით შეიბილწა, რამეთუ ის არ არის წმინდა და მხოლოდ შესაბამისი ეპიტიმით შეიძლება განიწმინდოს. ჩვენ მიგვაჩნია, რომ იოანე მმარხველის წინამდებარე კანონის განწესება კარგია და მართებული.

კანონი 9

ვინც მღვიძარე მდგომარეობაში შეიბილწება ეკრიზისით, ექვემდებარება შეიდდლიან განყენებას წმინდა ზიარებიდან, ამასთან, ყოველდღე უნდა წაიკითხოს 50-ე ფსალმუნი და შეასრულოს 49 მეტანია.

(დიონისე ალექსანდრიელის 4; ათანასე დიდის 1)

აქ უკვე საუბარია არა „ღამისეული თესლდენით“ შეიბილწით ძილში და, მაშასადამე, უნებლიე ცოდვაზე, არამედ, როდესაც ადამიანი მღვიძარე მდგომარეობაში იბილწება განზრახ, ნებსით. სასჯელი, რომელსაც ამ ცოდვისათვის განაწესებს წინამდებარე კანონი, დიდი არ არის, თუ მხედველობაში მივიღებთ იმას, თუ რა გარყვნილი ზნეობის ადამიანი უნდა იყოს ის, ვინც სრულ ცნობიერებაში მყოფი ნებას აძლევს თავის თავს ასეთი სამარცხვინო, ბუნების საწინააღმდეგო უწმინდურება ჩაიდინოს.

კანონი 10

ვინც მალაკიას ჩაიდენს (ჩუკენობა), ექვემდებარება ორმოცდღიან ეპიტიმიას, რომლის განმავლობაშიც მხოლოდ მშრალი საჭმელი უნდა მიიღოს, ამას გარდა ასი მეტანია ყოველდღიურად.

ჩუკენობა განკითხულია ჯერ კიდევ ძველი აღთქმის წმინდა წერილით, როდესაც ღმერთმა დასაჯა პატრიარქ იუდას ძე ონანი, რომელმაც მიწაზე დაღვარა თესლი (იხ. დაბ 38, 8-10), ამიტომაც ამ ბუნების საწინააღმდეგო საძაგელ ცოდვას, სხვაგვარად ონანიზმაც ეწოდება. სასჯელი, რომელსაც წინამდებარე (მე-10) კანონი ჩუკენობისათვის განაწესებს, ჩვენ საკმაოდ მსუბუქად მიგვაჩნია, რამეთუ ეს ცოდვა უშუალოდ ღმერთის მცნებას შეურაცხყოფს.

კანონი 11

როდესაც ორი ერთურთს უკეთებს მალაკიას, ისჯებიან როგორც ორმაგი მალაკიისთვის, ოთხმოცდღიანი ეპიტიმით.

იოანე მმარხველის წინამდებარე კანონს ჩვენ განვიხილავთ მამათმავლობის შესახებ მის 29-ე კანონთან კავშირში, რომელსაც მოიხსენიებს გრიგოლ ნოსელი თავის მე-4 კანონში, და რომლის შესახებაც ჩვენ ვსაუბრობთ ბასილი დიდის 62-ე კანონის განმარტებაში. თავის წინამდებარე კანონში, იოანე მმარხველი ამ სისაძაგელს უწოდებს ორმაგ ჩუკენობას, რაც არის ის კიდევაც სინამდვილეში, მაგრამ, მაინც, დამნაშავეებისათვის განაწესებს, დანაშაულის სიმძიმით რომ ვიმსჯელოთ, უმნიშვნელო სასჯელს, ბასილი დიდი ამ დანაშაულისთვის თხუთმეტწლიან ეპიტიმის აწესებს, ისევე, როგორც მრუშობისთვის; გრიგოლ ნოსელი კი, ზემომოხსენიებულ კანონში – თვრამეტწლიანს. ვფიქრობთ, საეკლესო პრაქტიკისათვის ძალაში უნდა იყოს სწორედ გრიგოლ ნოსელის განწესება და არაეითარ შემთხვევაში იოანე მმარხველისა მამათმავლობის შესახებ. თავის 29-ე კანონში წმინდა იოანე მმარხველმა მართალია სახეცვლილება შეიტანა წინამდებარე (მე-11) კანონის განწესებაში და ეპიტიმია სამ წლამდე გაზარდა, ხოლო მისი შესრულებისას გულმოდინების გამოუჩინებლობის შემთხვევაში – თხუთმეტ წლამდე, მაგრამ ამ უკანასკნელ შემთხვევაშიც კი ეს სასჯელი სამი წლით ნაკლებია ვიდრე გრიგოლ ნოსელს აქვს განწესებული. თუმცა, უნდა ითქვას, რომ იოანე მმარხველი მამათმავლობისათვის ვადებთან დაკავშირებულ ეპიტიმიას უერთებს ყოველდღიურ მძიმე ხორციელ ღვაწლსაც – მოუკლებელ გულშემუსვრილ ღოცვასა და მარხვას, საღამოობით კი დამნაშავე უნდა დაკმაყოფილდეს მშრალი საჭმელით და ყოველდღიურად შეასრულოს ორასი მეტანია.

კანონი 12

თუ რომელიმე კლირიკოსი სამღვდელიო ხელდასხმამდე ჩუკენობის ვნებით იყო შეპყრობილი და აქვს იმის შიში, რომ შეიძლება არ მიიღონ სამღვდელიო კრებულში, დაე, მიიღონ იგი დაუბრკოლებლად, მაგრამ შესა-

ბამისი ეპიტიმისი შემდეგ. თუკი სამღვდელო ხარისხის მიღების შემდეგაც ჩავარდება იგივე ცოდვაში, მაშინ ერთი წლით განკანონდეს მღვდელმსახურებიდან, რასაც შეიძლება კვლავ დაუბრუნდეს განწესებული სასჯელის მოხდის შემდეგ. ხოლო თუ თავისი ცოდვის გაცნობიერების შემდეგაც კვლავ, მეორედ და მესამედ მიეცემა იგივე ბიწიერებას, ასეთ შემთხვევაში მას უნდა ჩამოერთვას სამღვდელო ხარისხი და ჩამოქვეითდეს წიგნისმოკთხველთა რიგში.

ამ წმინდა მამის მე-3 კანონის განმარტებაში ჩვენ დადებითი შეფასება მიეცით სხვადასხვა ცოდვისათვის სასჯელების განსაზღვრისას მისი მხრიდან ღმობიერიების გამოვლენას. თუმცაღა, წინამდებარე (მე-12) კანონში გამოჩენილი ღმობიერება, ჩვენი აზრით, მეტისმეტია, თუ მხედველობაში მივიღებთ იმ ცოდვის სიმძიმეს, რომლის შესახებაც ეს კანონი ლაპარაკობს; ასევე იმას, რომ ეს ცოდვა ეწინააღმდეგება ადამიანის ბუნებასა და ღვთის მცნებებს, რაც ჩვენ უკვე აღვნიშნეთ ამ წმინდა მამის მე-10 კანონის განმარტებაში და განსაკუთრებით, როდესაც ამ ცოდვაში ვარდებიან სასულიერო პირები, რომლებსაც ეს კანონი მიემართება. ისეთი შთაბეჭდილება რჩება, თითქოს ეს წმინდა მამა არ თვლიდა ჩუკენობას იმდენად მძიმე ცოდვად, როგორსაც ის სინამდვილეში წარმოადგენს. იგი უშვებს სამღვდელო დასში ისეთი პირის დაუბრკოლებლად მიღებას, რომელიც ჩუკენობის ცოდვაში იყო ჩავარდნილი ხელდასხმამდე, თუკი მხოლოდ მან ორმოცდღიანი ეპიტიმია მოიხადა. ამავე ცოდვაში მეორედ ჩავარდნილობათვის განაწესებს სამღვდელო მსახურებიდან ერთწლიან განყენებას, და ამ ვადის გასვლის შემდეგ კვლავ უშვებს მღვდელმსახურის მოვალეობის შესასრულებლად. ჩუკენობა შედის ბუნებასწინააღმდეგო სიძვისა და სოდომის ცოდვის ყველაზე სამარცხვინო დანაშაულთა რიცხვში, და თუ თავად ღმერთმა განიკთხა სოდომის ცოდვა, რაც დასტურდება როგორც ძველალექსიეული, ისე ახალალექსიეული წმინდა წერილებით (იხ. დაბ. 18, 20 და შემდეგ.; რომ. 1, 26, 27; 1 კორ. 6, 9), მაშ, როგორღა შეიძლება მღვდელთა რიგებში ისეთ პირთა დათმენა, რომლებიც თუნდაც ერთხელ აღმოჩნდნენ აღნიშნულ ცოდვაში? წინამდებარე კანონი მხოლოდ იმ შემთხვევაში მოითხოვს ამ ცოდვისათვის სასულიერო პირის სამღვდელო დასიდან განკვეთას, როდესაც დამტკიცებული იქნება, რომ ის განაგრძობს აღნიშნულ ცოდვაში დაღვრომას.

კანონი 13

მალაკიისათვის ეპიტიმიას დედაკაციც ექვემდებარება, რომელიც ეამბორობა მამაკაცს და მასთან შეხებაში მოდის, თუნდაც, ამ დროს, საქმე შებილწვამდე არ მივიდეს.

სავსებით სამართლიანად სჯის წმინდა მამა დედაკაცსაც, რომელიც კოცნის მისთვის უცხო მამაკაცს და მასთან ახლოშეხებაში მოდის, თუნდაც რომ ასეთი ურთიერთობა სიძვის ცოდვით არ დამთავრდეს. რამეთუ ქალის ეს კოცნა უცხო

მამაკაცთან და მასთან ხორციელი შეხება სქესობრივ გალიზიანებას იწვევს და თუკლის გამოყოფით მთავრდება, ანუ – ბუნებასწინააღმდეგო სიძვით. აქ წმინდა მამა გულისხმობს, ეჭვგარეშეა, დაუქორწინებელ პირებს; წინააღმდეგ შემთხვევაში ეს მრუშობა იქნებოდა.

კანონი 14

მეძავი წმინდა ზიარებიდან განიყენება ცხრა წლით – წმინდა გრიგოლ ნოსელის მე-3 [მე-4] კანონით, ხოლო ბასილი დიდის 59-ე კანონით – შვიდი წლით.

(ბასილი დიდის 4, 21, 22, 26, 59, 79, 80; გრიგოლ ნოსელის 4)

კანონი 15

ბასილი დიდის 21-ე კანონი ამბობს, რომ თუ ცოლიანი მამაკაცი ჩავარდა სიძვაში, იგი უფრო მეტ სასჯელს იმსახურებს, ვიდრე იგივე ცოდვით დაცემული უცოლო მამაკაცი.

ბასილი დიდის 9, 19, 21, 26, 34, 37, 39, 58, 59, 77, 79, 80; გრიგოლ ნოსელის 4)

წინამდებარე კანონში ლაპარაკია მრუშობის შესახებ, თანაც, ქმრის მხრიდან; ცოლის მხრიდან ამის შესახებ კი, არაფერია ნათქვამი, ისევე, როგორც არაფერია ნათქვამი ამის შესახებ ბასილი დიდის 21-ე კანონში, რომლის შინაარსიც მოჰყავს წმინდა იოანე მმარხველს. მის წინამდებარე კანონს ჩვენ მოვიზარებთ როგორც მრუშის შესახებ განწესებულს, რამეთუ ვეყრდნობით თვით კანონის სიტყვებს, თუმცა, მოსხენიებულ კანონში ბასილი დიდი კანონიერი ცოლის მოღალატე კაცს უწოდებს მეძავს. ხოლო თუ რაგვარ სასჯელს ექვემდებარება მემრუშე, ამის შესახებ ნათქვამია გრიგოლ ნოსელის იმავე კანონში, რომელიც იოანე მმარხველს მოჰყავს თავის მე-14 კანონში, კერძოდ – თერამეტწლიან ეპიტიმias.

კანონი 16

ბასილი დიდის მე-60 კანონი მონოზენებს, ისევე, როგორც შეწირულ ქალებს, სიძვით დაცემისათვის უქვემდებარებს მრუშობისათვის დაწესებულ სასჯელს, რამეთუ მათ შებღალეს კავშირი თავიანთ სულიერ სიძესთან. ტრულის კრების 44-ე კანონი განაწესებს, რომ სიძვაში ჩავარდნილი მონოზონი დაისაჯოს ზუსტად ისე, როგორც ერისკაცი. ჩვენ კი (ამბობს იოანე მმარხველი) ვგონებთ, რომ თითოეულისათვის, ვიც ისიძვებს, საკმარისი იქნება წმინდა ზიარებიდან ორი წლით განკანონება, მაგრამ, ამასთან, მან უნდა იკმაროს საკვების მიღება მხოლოდ მეცხრე ჟამის შემდეგ, ისიც – მშრალი სახით, და ყოველდღე შეასრულოს ორას ორმოცდაათი მეტანია. თუ ამაში უდიერი აღმოჩნდება, მაშინ მამების მიერ განწესებული სასჯელის მთელი ვადა უნდა დაითმინოს.

(IV მსოფ. 16; ტრულ. 44; ანკვირ. 19; კართ. ბასილი დიდის 6, 18, 19, 20, 44, 60)

წინამდებარე კანონი საუბრობს მონოზენების შესახებ, რომელთაც არ მიუღიათ ხელდასხმა, და შეწირულ ქალებზე, ანუ ისეთ პირებზე, რომლებიც არ არიან ქორწინების კავშირით შეკრულნი, და რომლებიც ჩავარდნენ სიძვის ცოდვაში. ამის გამო, მათე ბლასტარმა საეგებთ მართებულად შეიტანა იოანეს ამ კანონში ტრულის კრების 44-ე კანონი, რომლის თანახმადაც სიძვაში ჩავარდნილი მონოზონი (ზუსტად ასევე, შეწირული ქალებიც, რომლებიც კრძალულებით მონოზენებს ემსაგავსებიან), ექვემდებარება მეძავისთვის განწესებულ სასჯელს, ანუ შეიდწლიან ეპიტიმias. იოანე მმარხველმა ეს სასჯელი მთელი შესამედით შეამცირა. მაგრამ ზონარა, ტრულის კრების მოხსენიებული კანონის განმარტებაში, შენიშნავს, რომ აუცილებელია ტრულის კრების განწესების დაცვა, როგორც უფრო გვიან მიღებულის, ვიდრე ბასილი დიდის მე-60 კანონია, რომელიც იოანე მმარხველმა თავის წინამდებარე (მე-16) კანონში მოიყვანა. ჩვენი აზრით, ზონარა ამ შემთხვევაში მართალია.

კანონი 17

მამების განწესების თანახმად, შებიღწვა, რომელიც ძალადობით ხდება სასტიკი ადამიანების ან მებატონეების მხრიდან, სასჯელს არ ექვემდებარება. ამის შესახებ, კერძოდ, საუბრობს ბასილი დიდი თავის 49-ე კანონში.
(ანკეირ. 11; გრიგოლ ნეოკეს. 2; ბასილი დიდის 30, 49)

კანონი 18

კლირიკოსებთან მიმართებით, რომლებიც სიძვობენ, ბასილი დიდი თავისი 32-ე კანონით განაწესებს, რომ ისინი უნდა განიკეთონ ხარისხიდან, მაგრამ ეკლესიასთან ერთობაში რჩებიან.
(მოც. 25, 29, 30; I მსოფ. 9; ტრულ. 4, 21; ნეოკეს. 1, 8; კართ. 27; ბასილი დიდის 3, 32, 51, 70, 82)

აქ მოყვანილ ბასილი დიდის 32-ე კანონში, მოხსენიებულია სასიკვდილო ცოდვა, რომლის გამოც, მასში ჩავარდნილი კლირიკოსი უნდა განიკეთოს. სასიკვდილო ცოდვეში შედის სიძვაც, ამიტომაც იოანე მმარხველის მხრიდან ბასილი დიდის კანონზე დაყრდნობა მართებულია, თუკი ვივარაუდებთ, რომ აქ იგულისხმება უქორწინებელი კლირიკოსები, რადგან წინააღმდეგ შემთხვევაში მათ მრუშობისათვის სასჯელი ეკუთვნის.

კანონი 19

თავის მე-4 კანონში ბასილი დიდი ამბობს, რომ მეორედ დაქორწინებულებს ზოგიერთები სჯიან ერთწლიანი, ზოგიერთებიც – ორწლიანი ეპიტიმით, შესამედ დაქორწინებულებს კი წმინდა ზიარებიდან განაყენებენ სამი და ოთხი წლით. ხოლო ჩვენ, ამბობს, ბასილი, წმინდა ზიარებიდან

განვაკანონებთ – ჩვეულების თანახმად – ხუთი წლის ვადით, თუმცა, ქორწინების დაურღვეველობის პირობით, – წინა ქორწინებებიდან შვილების არყოლის შემთხვევაში.

(მოც. 17; 1 მსოფ. 8; ტრულ. 3, 87; ანკვირ. 19; ნეოკეს. 3, 7; ლაოდ. 1; ბასილი დიდის 4, 12, 30, 41, 50, 53, 80, 87)

ბასილი დიდის მე-4 კანონზე დაყრდნობა აქ სავსებით სწორია. თუმცაღა, წინამდებარე კანონის განწესების გააზრებისათვის, საჭიროა მივმართოთ ბასილი დიდის მოხსენიებული (მე-4) კანონის ჩვენეულ განმარტებას. კანონის დასკვნა, რომ მესამედ დაქორწინებულთა ქორწინებითი კავშირი არ უქმდება, ეფუძნება ბასილი დიდის 50-ე კანონს, სადაც იგი ასეთ ქორწინებას თუმც კი უწოდებს „უწმინდურებას ეკლესიაში“, მაგრამ მიიჩნევს მას უკეთეს მდგომარეობად, ვიდრე „გარყენილი მეძავეობაა“.

კანონი 20

გრიგოლ ნოსელის მე-6 [მე-4] კანონი მრუშობისათვის წმინდა ზიარებიდან განაყენებს თვრამეტი წლით, ბასილი დიდის 38-ე კანონი – თხუთმეტით; ანკვირიის კრების მე-20 კანონი განაწესებს, რომ ეპიტიმია უნდა დასრულდეს შვიდი წლის შემდეგ. ხოლო ჩვენ (ამბობს მმარხველი) ვთვლით, რომ მრუშობით დაცემული შეიძლება წმინდა ზიარებას ეღიროსოს სამწლიანი ეპიტიმის შემდეგაც, თუკი, ამასთან, საკვებად იკმარებს მშრალ საჭმელს მეცხრე უამის შემდეგ და ყოველდღე ორას ორმოცდაათ მეტანიას შეასრულებს. თუ ამაში უდიერი აღმოჩნდება, მაშინ მამების მიერ დაწესებული ვადის დასრულებას დაელოდოს.

(მოც. 48; ტრულ. 87, 93, 98; ანკვირ. 20; კართ. 102; ბასილი დიდის 9, 21, 31, 35, 36, 46, 48, 58, 77, 80; გრიგოლ ნოსელის 4)

წინამდებარე კანონში მოიხსენიება მემრუშეთათვის დაწესებული სამი სხვადასხვა ვადის ეპიტიმია: შვიდწლიანი, თხუთმეტწლიანი და თვრამეტწლიანი. იოანე მმარხველი ამ ვადებს სამ წლამდე ამცირებს – ყოველდღიური ხორციელი ღვაწლის პირობების დამატებით. ვიღებთ რა მხედველობაში ქორწინების სიწმინდეს, რომელსაც ბილწავს როგორც მემრუშე ქმარი, ისევე – ცოლი, ყველაზე მართებულ სასჯელად ჩვენ ის სასჯელი მიგვაჩნია, რომელსაც გრიგოლ ნოსელი აწესებს.

კანონი 21

ნეოკესარიის კრების მე-8 კანონის თანახმად, სამღვდელო ხარისხს ვერ მიიღებს პირი, რომლის მეუღლეც მრუშობაში იმხილებოდა. შესაბამისად, სასულიერო პირმა, რომლის ცოლიც მისი ქიროტონიზაციის შემდგომ იქნა მრუშობაში შემჩნეული, მასთან ქორწინებითი კავშირი უნდა გაწყვიტოს, ან უარი თქვას მღვდელმსახურებაზე.

(მოც. 18; ტრულ. 3, 6, 13, 26; ნეოკეს. 8; ბასილი დიდის 27)

საესებით მართებულია ამ კანონში ნეოკესარიის მე-8 კანონზე დაყრდნობა. ამ უკანასკნელის განმარტებაში ჩვენ სხვათა შორის ვისაუბრეთ მღვდლის ცოლის შესახებაც, რომელმაც თავის ქმარს უღალატა.

კანონი 22

ტრულის კრების 98-ე კანონი იმ პირს, ვინც სხვასთან დაწინდულზე იქორწინებს, გმობს, როგორც შეძავს.

(ტრულ. 98; ანკეირ. 11; ბასილი დიდის 22, 69)

წინამდებარე კანონი იოანე მმარხველის კანონებში ჩართულია მათე ბლასტარის მიერ, როგორც ეს ზემოთ აღვნიშნეთ. დაწინდვის მნიშვნელობის შესახებ, როგორც სხვასთან დაქორწინების შემაკავებელი მიზეზისა, ჩვენ საკმარისად ვისაუბრეთ ტრულის კრების 98-ე კანონის განმარტებაში.

კანონი 23

ტრულის კრების 72-ე კანონის თანახმად, ქორწინება მართლმადიდებელ მამაკაცსა და მწვალებელ დედაკაცს შორის და, პირიქით, ითვლება არამტკიცედ და იგი უნდა გაუქმდეს, როგორც უკანონო თანაცხოვრება. ხოლო იმ შემთხვევაში, თუ მეუღლეები მაინც გადაწყვეტიენ ასეთ ქორწინებაში დარჩენას, ისინი წმინდა ზიარებიდან განყენებას დაიმსახურებენ.

(IV მსოფ. 14; ტრულ. 72; ლაოდ. 10, 11; კართ. 21)

ეს კანონიც მათე ბლასტარმა ჩართო წმინდა იოანე მმარხველის კანონებს შორის. ამ (23-ე) კანონში მოყვანილა ტრულის კრების 72-ე კანონის დასაწყისი ნაწილი, რომელიც კრძალავს ქორწინებას მართლმადიდებელსა და სხვა სარწმუნოების მქონე პირს შორის და განაწესებს, რომ ასეთი ქორწინება, თუ იგი უმეცრებით შედგა, უნდა გაუქმდეს. თუმცა, ტრულის მოხსენიებულ კანონში ასეთი ქორწინების, ეგრეთ წოდებული შერეული ქორწინების შესაძლებლობის პირობებზეც არის საუბარი – მართლმადიდებელსა და არამართლმადიდებელ პირებს შორის. ამის შესახებ, ისევე, როგორც იმ ნორმის შესახებ, რომელიც დაცული უნდა იყოს შერეული ქორწინებების კურთხევისას, ჩვენ ვისაუბრეთ ტრულის კრების 72-ე კანონის განმარტებაში და ის ნორმა ამჟამად იურიდიული ძალის მქონეა.

კანონი 24

სისხლადრევის ცოდვაში ჩაეარდნილებს, ბასილი დიდი წმინდა ზიარებიდან თხუთმეტი წლით განაყენებს, – როდესაც ადგილი აქვს სიძვას საკუთარ დასთან. ჩვენ კი განვაწესებთ, რომ ასეთი პირი ზიარების ღირსიქმნეს სამწლიანი ეპიტიმის შემდეგ, თუკი ყოველდღე იმარხულებს – იკმარებს რა საღამოობით მშრალ საჭმელს – და ხუთას მეტანიას შეასრულებს.

(ბასილი დიდის 67, 68, 75; გრიგოლ ნეოკესარიელის 11)

დადგენილება, რომელსაც წინამდებარე კანონი ეყრდნობა, არის ბასილი დიდის 67-ე კანონის განწესება, სადაც იგულისხმება ძმის მეძავეობა საკუთარ დასთან – დედამამიშვილთან, ვინაიდან სიძვის ცოდვა დასთან, რომელიც მხოლოდ დედით ან მხოლოდ მამით არის მისთვის დაამ, ბასილი დიდის 75-ე კანონით უფრო ნაკლები ეპიტიმით ისჯება, კერძოდ – თორმეტწლიანით. წმინდა იოანე მმარხველის წინამდებარე კანონში ეს განსხვავება არ არის გამოკვეთილი.

კანონი 25

ვინც თავის რძალთან ისიძვებს, ბასილი დიდის თანახმად თერთმეტი წლით განიკანონება წმინდა ზიარებიდან. ჩვენ კი, ასეთ პირს, მხოლოდ ორწლიან ეპიტიმობას ვუწესებთ, მაგრამ, ამასთან, ის ყოველდღიურად მშრალი საჭმელით უნდა დაკმაყოფილდეს, – მისი მეცხრე ჟამის შემდეგ მიღების პირობით, და ყოველდღე სამას-სამასი მეტანია შეასრულოს. თუ ამაში დაუდევრობას გამოიჩენს, მაშინ შეასრულოს ყოველივე ის, რაც მამებმა განაწესეს.

(მოც. 19; ტრულ. 26, 54; ნეოკეს. 2; ბასილი დიდის 23, 27, 67, 68, 75, 76, 78, 79, 87; ტიმოთე ალექსანდრიელის 11; თეოფილე ალექსანდრიელის 5)

წინამდებარე კანონში მოხსენიებული ბასილი დიდის კანონი – ეს არის 76-ე. თერთმეტწლიან ეპიტიმობას,* რომელსაც ბასილი დიდი განაწესებს საკუთარ რძალთან სიძვისათვის, იოანე მმარხველი ამცირებს ორ წლამდე – ყოველდღიური ხორციელი ღვაწლის პირობებში.

კანონი 26

იგივე ეპიტიმობებს ექვემდებარება ისიც, ვინც დარჩებოდა რა ქორწინებაში თავის ცოლთან, იმაედროულად, ვნებით იქნებოდა აღძრული სიდერის მიმართ; ეს იმ კანონის თანახმად, რომელიც ამბობს, რომ ის, რაც თავიდან არის დაფუძნებული, რაც არ უნდა მოხდეს, მაინც შეურყეველი უნდა დარჩეს. თუმცა, წმინდა და ღვთაებრივი კრება ამჟამად განაწესებს, რომ ის, ვინც ასეთ დაწყვეტილ ცოლვაში ჩავარდება, წმინდა ზიარებიდან უნდა განიკანონდეს ექვსი წლის ვადით, ამასთან, უნდა დაემორჩილოს შემდეგ წესს: პირველი ექვსი თვის განმავლობაში სრულიად უნდა შეიკავოს თავი ხორციანი კერძისგან, მუდმივად ესწრებოდეს ეკლესიაში წმინდა შეკრებებს, გარდა იმ შემთხვევებისა, როდესაც მიზეზი ავადმყოფობა ან რამე გადაუდებელი საქმეა; თანაც, უნდა დადგეს ეკლესიის შესასვლელს გარეთ და ცრემლით ევედროს ღმერთს ცოდვების მიტევება. ამ დროის განმავლობაში ის ვერ მიიღებს ანტიდორს, ვერ შესვამს ნაკურთხ წყალს, –

*ბასილი დიდის 75-ე და 76-ე კანონებში სასჯელის ვადად განწესებულია არა თერთმეტი წელი, არამედ – თორმეტი; იხ. შესაბამისი ადგ.

თუ ეს ღმრთისგანცხადების წინა პერიოდს დაემთხვევა, — შეუძლია მხოლოდ უბრალო პური მიიღოს მოკრძალებით წმინდა სამების სადიდებლად და როგორც საწინდარი, ღვთის კაცთმოყვარეობისა. ეკრძალება, ასევე, წმინდა ხატებზე მოხვევა, — შეუძლია მხოლოდ ხატის სადგამის ძირს ეამბოროს კეთილკრძალებული შიშით. იმავდროულად, მთელი ამ ექესი თვის განმავლობაში, ყოველდღე უნდა შეასრულოს ასი მეტანია შაბათისა და კვირის გარდა, ხოლო ყოველ ოთხშაბათს და პარასკევს მშრალი საჭმელი იკმაროს — თავი შეიკავოს თევზის, ღვინისა და ზეთისგან. ორი წლის განმავლობაში (პირველი ექესი თვის შემდგომი), შეუძლია ეკლესიაში ლოცვაზე დადგეს მგალობლების უკან და მოისმინოს ღვთაებრივი საგალობლები. დანარჩენი სამ წელიწად-ნახევარი შეუძლია ეკლესიაში დადგეს ერთგულ მორწმუნებთან ერთად და მათთან ილოცოს და, ამგვარად, ექვსწლიანი ეპიტიმის ამოწურვის შემდეგ ეღირსება წმინდა ზიარების მიღებას. გარდა ამისა, შესაძლებლობიდან გამომდინარე, უნდა გაიღოს მოწყალება, განსაკუთრებით მარხვის დღეებში, ანუ ოთხშაბათსა და პარასკევს; კერძოდ, ლატაკებს უნდა დაურიგოს ყოველივე ის, რაც კანონებით შეეძლო მას ეჭამა, სასჯელის ქვეშ რომ არ აღმოჩენილიყო, და ასეთნაირად აღძრას ისინი მისთვის სალოცავად. შემდეგ, თუკი მატერიალური სახსრები აქვს, ყოველ კვირა დღეს უნდა გააგზავნოს ეკლესიაში ლიტურგიისათვის საჭირო ნივთები. ყველაფერ ამასთან ერთად, თავი შეიკავოს სიკრუისა და ფიცისგან, რაც ხშირად იწვევს ფიცის გატეხვას. მძიმე ავადმყოფობის შემთხვევაში კი, შეუძლია მიიღოს წმინდა ზიარება, მაგრამ თუ გამოჯანმრთელდა, კვლავ სინანულის იმავე საფეხურს უნდა დაუბრუნდეს, რომელზეც ზიარებამდე იმყოფებოდა (რაც მას მხოლოდ უკიდურესი საჭიროების გამო მიეცა)* და ყოველმხრივ ეცადოს, როგორც შემუსვრილი გულით, ისე ცხელი ცრემლით განიბანოს სული მძიმე ცოდვისგან.

(ბასილი დიდის 87)

ესეც ერთ-ერთი იმ კანონთაგანია, რომელიც მათე ბლასტარმა შეიტანა იოანეს კანონიკონის სინოქსისში. იგივე სასჯელს, რომელსაც ბასილი დიდი განაწესებს რძალთან მრუშობისათვის (ბასილი დიდის 76-ე კან.), ბლასტარის აზრით, უნდა დაექვემდებაროს სიდედრთან მრუშობის ცოდვით დაცემულიც. თუმცა, აქვე მოიხსენიებს სინოდალურ განწესებასაც, რომელმაც ბასილი დიდის თორმეტწლიანი ეპიტიმია ექვს წლამდე შეამცირა, და ამბობს, რომ ეს განწესება ამჟამადაც, ანუ XIV საუკუნეშიც, არის ძალაში. აღნიშნული განწესება დამკიცხებულ იქნა 1232 წელს კონსტანტინოპოლის პატრიარქ გერმანე II-ს დროს.

*სიკვდილის შემთხვევაში უკანასკნელი საგზლის გარეშე რომ არ დარჩენილიყო.

კანონი 27

იგივე კანონი მოქმედებს გრძნეულების, მრუშების, კაცისმკვლელებისა და ყველა სხვათა მიმართ, ვინც მიძიმე ცოდვა ჩაიდინა; თუმცაღა, მათი გულმოდგინებისა და სინანულისადმი დამოკიდებულებიდან გამომდინარე, სასჯელი შეიძლება შემცირდეს ან გაიზარდოს.

წინამდებარე კანონით, რომელიც ბლასტარის მიერ არის შეტანილი იოანე მმარხველის კანონთა რიცხვში, კონსტანტინოპოლის პატრიარქ გერმანე II-ს დროდელი სინოდალური განჩინების თანახმად, წმინდა ზიარებიდან ექვსწლიანი განყენება განეწესებათ: გრძნეულებს, მრუშებს და კაცისმკვლელებს. ბასილი დიდის განწესებების თანახმად, რომლებიც წმინდა იოანე მმარხველის კანონების მთავარი წყაროა, გრძნეულები წმინდა ზიარებიდან განიყნებიან ოცი წლით (65-ე კან.), ხოლო ვისაც მათი სჯერა (მისნობის, მკითხაობის) – ექვსი წლით (83-ე კან.), მრუშები – თხუთმეტი წლით (58-ე კან.) და კაცისმკვლელები: უნებლოე მკვლელობისათვის – ათი წლით ((57-ე კან.), განზრახ მკვლელობისათვის – ოცი წლით (56-ე კან.). პირველთათვის მმარხველმა სასჯელი შეამცირა სამ წლამდე (მე-2 კან.), ასევე სხვებისთვისაც (მე-20 კან.), ხოლო განზრახ მკვლელებისათვის – ხუთ წლამდე, უნებლოე მკვლელებისათვის – სამ წლამდე (31-ე კან.). ყველა ამ ცოდვისათვის ბლასტარს მოჰყავს ზემომოხსენიებული სინოდალური განწესება.

კანონი 28

წმინდა დიონისეს მე-2 და ტიმოთეს მე-7 კანონები დედაკაცისგან, რომელიც „განწმენდაში“ იმყოფება, მოითხოვენ, რომ არაფერს მიეახლოს, რაც წმინდაა. ამას ძველი კანონიც განაწესებს [ძველი აღთქმა]; გარდა ამისა, ეკრძალება მას ქმართან ხორციელი კავშირიც, რადგან ისე ხდება, რომ ის რაც ითვისება, შემდგომში ხშირად გამოდის ავადმყოფური და სუსტი, რის გამოც, საღმრთო მოსე ქებით ჩაქოლვას განუწესებს ასეთი მახინჯი ნაყოფის მშობელ მამას, რადგან იგი, ცოლის თავშეუკავებლობის მიზეზით, არ დაელოდა მის განწმენდას. განიწესება, რომ ორმოცი დღე უზიარებელი დარჩეს დედაკაცი, რომელიც გაკადნიერდება და კანონის აკრძალვის მიუხედავად საღმრთო საიდუმლოს მიეახლება.

(ლაოდ. 44; დიონისე ალექსანდრიელის 2; ტიმოთე ალექსანდრიელის 6, 7)

არც წმინდა დიონისე ალექსანდრიელს და არც ტიმოთე ალექსანდრიელს, თავიანთ კანონებში, რომლებსაც ეყრდნობა წინამდებარე (28-ე) კანონი, არ განუსაზღვრიათ სასჯელი, რომელსაც უნდა დაქვემდებარებოდა „დედათა წესის“ დროს ეკლესიაში სიწმინდეებს მიახლებული დედაკაცი. აკეთებს რა ამ კანონებზე დამატებას, წმინდა იოანე მმარხველი განაწესებს, რომ დედაკაცი, რომელიც ამ კანონს უგულებელყოფს, წმინდა ზიარებიდან უნდა განიყნოს ორმოცდღიანი ვადით.

კანონი 29

ის, ვინც მამაკაცთან სამარცხენო კავშირს დაამყარებს, გრიგოლ ნოსელის მე-4 კანონის თანახმად, თერამეტი წლით განიყენება წმინდა ზიარებიდან, ბასილი დიდის თანახმად კი – თხუთმეტი წლით. ხოლო ჩვენ განვაწესებთ, რომ უზიარებელი დარჩეს იგი სამი წლის განმავლობაში, მხოლოდ იმ პირობით, რომ გულშემუსვრილი ილოცებს და იმარხულებს, საღამომობით კი მშრალი საკვებით დაკმაყოფილდება და ყოველდღიურად ორას მეტანიას შეასრულებს. თუ ამაში გულმოდგინებას არ გამოიჩენს, მაშინ თხუთმეწლიანი ეპიტიმია შეეფარდოს.

(ბასილი დიდის 7, 62; გრიგოლ ნოსელის 4)

იხ. ამ წმინდა მამის მე-11 კანონის განმარტება.

კანონი 30

ვინც ბავშვობაში ვინმეს მიერ შეიბილწა, მას არ შეუძლია სამღვდელო წოდება მიიღოს, რადგან, მიუხედავად იმისა, რომ მას, როგორც არასრულწლოვანს, არ შეუცოდავს, მაინც, მისი სხეული შეიბილწა და გამოუსადეგარი გახდა სამღვდელო მსახურებისათვის. ხოლო თუ მას, როგორც ბავშვს, უწმინდურება მიაღდა თეძოებში, მაშინ, შესაბამისი ეპიტიმიის შემდეგ, არ შეიძლება მისთვის სასულიერო დასში შესვლაზე უარის თქმა.

(გრიგოლ ნოსელის 4)

წინამდებარე კანონში საუბარია ბავშვთა გახრწანზე. კანონიდან ჩანს, რომ ეს ხდებოდა სხვადასხვა უსიტყვილო მეთოდებით, რომელთა შესახებაც ჩვენ არც კი ვილაპარაკებთ. კანონი განაწესებს, რომ ვიღაც მეძვის მიერ ბავშვობაში შებილწული პირი, არ შეიძლება სამღვდელო დასში მიღებულ იქნეს. გამონაკლისი კეთდება იმ პირთათვის, რომლებსაც ბავშვობაში უწმინდურება მიაყენეს თეძოებში (в детстве нечистота учинена была в бедра). მსგავსი შემთხვევისათვის კანონი განაწესებს, რომ შებილწული პირი უნდა დაექვემდებაროს შესაბამის ეპიტიმას, თუმცა ჩვენ არ გვესმის, რაშია დამნაშავე პირი, რომელიც ვიღაც წამხდარმა ბავშვობაში შებილწა.

კანონი 31

ძველი კანონი [ძველი აღთქმა] განაწესებს, რომ კაცისმკვლელი სიკვდილით უნდა დაისაჯოს; ხოლო ბასილი დიდი, თავისი 56-ე კანონით, ასეთ პირს ოცი წლით განაყენებს წმინდა ზიარებიდან ნებისმიერი განზრახ, და ათი წლით ნებისმიერი წინასწარგანზრახველი მკვლელობისათვის. ჩვენ წმინდა ზიარებიდან განვაყენებთ განზრახ მკვლელობისათვის ხუთი წლით, ხოლო უნებლიე მკვლელობისათვის – სამი წლით, მაგრამ იმ პირობით, რომ ის, ვინც საკუთარი ხელით მოკლა ადამიანი, ყოველდღე საღამომდე იმარხ-

ულებს, საღამოობით კი მშრალ საკვებს დასჯერდება და, თანაც, სამას მეტანას შეასრულებს. თუ ამაში უდიერებას გამოიჩენს, მაშინ, დაე, მამების განწესება აღასრულოს. ანკვირიის კრების 22-ე კანონში ნათქვამია, რომ ერთ-ერთი ძველი განწესების თანახმად, წმინდა ზიარებიდან შეიდი წლით უნდა განკანონდნენ ის პირები, რომლებიც უნებლიე მკვლელობას ჩაიდენენ, სხვა განწესების თანახმად – ხუთი წლით.

(მოც. 65; ტრულ. 91; ანკვირ. 21, 22, 23; ბასილი დიდის 2, 8, 11, 43, 54, 56, 57; გრიგოლ ნოსელის 5)

დაწყებული ამ 31-ე კანონიდან და 48-ე კანონის ჩათვლით, როგორც იოანე მმარხველის კანონიკონის ბლასტარისეულ სინოპსისშია ნათქვამი, განხილულია მოყვასის სიყვარულის საწინააღმდეგო ცოდვები.

წინამდებარე (31-ე) კანონში საუბარია კაცისმკვლელეზე, თანაც, მოიხსენიებს რა წინანდელ კანონიკურ განწესებებს ამ დამნაშავეთა წინააღმდეგ, იოანე მმარხველი უმცირებს მათ ეპიტიმის ვადებს: ხუთ წლამდე განზრახ მკვლელობისათვის და სამ წლამდე – უნებლიე მკვლელობისათვის, თუმცა, ჩვეულებრივ, უნიშნავს ყოველდღიურ მძიმე ხორციელ ღვაწლსაც. ათენის სინტაგმაში აღნიშნულია მხოლოდ შემდეგი: „ჩვენ კი ვუკრძალავთ ზიარებას სამი წლით“. ვინაიდან ამ ტექსტიდან გაუგებარია, იოანე მმარხველის თანახმად ვინ ექვემდებარება სამწლიან ეპიტიმას – უნებლიე თუ განზრახ მკვლელი, მაშინ, როდესაც მას სწორედ ამისთვის უნდოდა გამოეცა ეს განწესება, ამიტომ ჩვენ მოცემული ტექსტი შევავსეთ „პიდალიონიდან“, სადაც ნათქვამია: „ხუთი წლით განზრახ მკვლელობისათვის, ხოლო უნებლიე მკვლელობისათვის – სამი წლით“, და ჩვენს თარგმანში ეს დამატება ფრჩხილებში ჩავსეთ.

კანონი 32

ბასილი დიდი თავისი მე-13 კანონით სამი წლით უკრძალავს წმინდა ზიარებას იმ პირებს, რომლებიც ომში კლავდნენ, ხოლო 55-ე კანონით იმათაც, რომლებმაც თავდაცვის მიზნით მოკლეს თავდამსხმელი ყაჩაღები; კლირიკოსებს, მსგავსი დანაშაულებებისათვის, განკვეთით სჯის.

(ანკვირ. 22, 23; ათანასე დიდის 1; ბასილი დიდის 8, 43, 55; გრიგოლ ნოსელის 5)

წინამდებარე კანონის ავტორი, იზიარებს ბასილი დიდის შეხედულებებს, რომლებიც გამოხატულია აღნიშნული კანონების განწესებებში. მაშინ, როდესაც ბასილი დიდის ამ კანონების შუასაუკუნეების კომენტატორები შენიშნავენ, რომ ისინი ძნელად გამოსაყენებელია პრაქტიკულ ცხოვრებაში, რაც ჩვენ აღნიშნეთ კიდევ მათ განმარტებებში.

კანონი 33

დედაკაცს, რომელიც განზრახ კლავს ნაყოფს თავის მუცელში, და აძლევს ან იღებს საწამლავს ჩანასახის მოსაწამლავად და მუცლის მოსაშლელად, ბასილი დიდი, თავისი მე-2 და მე-8 კანონებით, ისეთივე სასჯელს უფარდებს, როგორსაც კაცისმკვლელებს. ჩვენ კი ვადგენთ, რომ ასეთებს განეწესოთ ხუთწლიანი ან სამწლიანი ეპიტიმია.

(მოც. 65; ტრულ. 91; ანკვირ. 22, 23; ბასილი დიდის 2, 8, 11, 43, 54, 56, 57; გრიგოლ ნოსელის 5)

ჩვენ გადამეტებულად მიგვაჩნია იოანე მმარხველის მიერ გამოჩენილი ღმობიერება ისეთ საშინელ ცოდვილთა მიმართ, როგორებიც არიან თავიანთ მუცელში ნაყოფის განზრახ მომაკვდინებელი დედაკაცები. ვგონებთ, მსგავს შემთხვევებში მკაცრად უნდა იქნეს გამოყენებული ბასილი დიდის მოხსენიებული კანონების განწესებანი. ამის ასხნას ემსახურება ჩვენ მიერ ბასილი დიდის მე-2 კანონის განმარტებაში ნათქვამი.

კანონი 34

ვისაც უნებლიედ მოეშლება მუცელი, ერთწლიან ეპიტიმias ექვემდებარება.

(ანკვირ. 23; ბასილი დიდის 2, 8, 11, 43, 54, 57; გრიგოლ ნოსელის 5)

კანონი 35

დედა, რომელიც ძილში თავის შვილს მოგუდავს, წმინდა ზიარებაზე დაიშვება მხოლოდ სამი წლის შემდეგ, თუკი, ამასთან, თავს შეიკავებს გარკვეულ დღებში ხორცისა და ყველის მიღებისაგან, და გულმოდგინედ გამოიღებს სინანულის სხვა ნაყოფსაც. თუ ეს მოხდა მშობლის დაუდევრობითა და უგულისყურობით, მაშინ ისჯება როგორც განზრახ მკვლელობა, ხოლო თუ უნებლიედ, შემთხვევით, მაშინ შეიძლება პატიებაც მიიღოს, მაგრამ მაინც საჭიროა შესაბამისი ეპიტიმია, რამეთუ მოხდა სხვა ცოდვების მიზეზით.

(ბასილი დიდის 8; გრიგოლ ნოსელის 5)

კანონი 36

დედა, რომელმაც უყურადღებობა გამოიჩინა ახლდაბადებული ჩვილის მიმართ, რის შედეგადაც ის მოკვდა, სასჯელს იმსახურებს განზრახ მკვლელობისათვის.

(ბასილი დიდის 33, 52)

კანონი 37

თუ მშობლების დაუდევრობით ჩველი მოუნათლავე გარდაიცვლება, მაშინ ისინი წმინდა ზიარებიდან განიყენებიან სამი წლის ვადით; ამ დროის განმავლობაში უნდა დასჯერდნენ მშრალ საკვებს და ლმობიერპყონ ღმერთი მეტანიებით, ტირილითა და შეძლებისდაგვარი მოწყალებით. თუ დაბადებიდან შვიდი დღის ჩველი მოუნათლავე გარდაიცვლება, მაშინ მშობლები წმინდა ზიარებას მოაკლდებიან ორმოც დღემდე, ამასთან, ამ ხნის განმავლობაში უნდა შემოიფარგლონ მშრალი კვებით და ყოველდღე ორმოცი მეტანია შეასრულონ.

(კართ. 72)

წინამდებარე კანონი სასჯელს განუწყესებს იმ მშობლებს, რომლებმაც თავიანთი დაუდევრობით დაუშვეს, რომ შვილი მოუნათლავე გარდაცვლილიყო. სხვათა შორის, ეს კანონი იმითაც არის გამართლებული, რომ სამოქალაქო კანონმდებლობაც, — როგორც ძველი, ისე ახალი, — სჯის იმ პირებს, რომლებმაც შვილების ნათელმიუღებლად გარდაცვალება დაუშვეს. სასჯელს იმსახურებს, ასევე, მღვდელიც — თუ ეს მისი დაუდევრობით მოხდა. კართაგენის კრების 72-ე კანონით ბავშვის მონათვლა განიწყესება ყოველთვის, როდესაც არის იმის ეჭვი, რომ იგი შეიძლება მონათული არ იყოს. პედობაპტიზმის შესახებ ჩვენ ვისაუბრეთ I მსოფლიო კრების მე-14 და ტრულის კრების 53-ე კანონების განმარტებებში.

კანონი 38

მონოზონი (დედაო), რომელიც სხვა პირთა მეშვეობით შეიტყობს მომხდარი მრუშობის ან ბავშვის გახრწნის შესახებ და საქმის ვითარებას არ აცნობებს მონასტრის წინამძვარს, ბასილი დიდის 71-ე კანონის თანახმად იგივე ეპიტიმიას ექვემდებარება, რასაც დაიმსახურებდა მას პირადად რომ ჩაედინა აღნიშნული დანაშაული.

(ბასილი დიდის 71)

წინამდებარე კანონის ტექსტიდან მკაფიოდ არ ჩანს, თუ ვინ წარმოადგენს მრუშობისა და ბავშვა გახრწნის სუბიექტს, რაზედაც ეს კანონი ლაპარაკობს. თუ მხედველობაში მივიღებთ, რომ მონოზონმა, რომელიც ამ ამბავს გაიგებს, ილუმენიას უნდა შეატყობინოს, მაშინ დანაშაულის სუბიექტს სხვა მონოზონი წარმოადგენს, და ასეთ შემთხვევაში მრუშობა არ უნდა გავიგოთ ამ სიტყვის პირდაპირი მნიშვნელობით, რადგან ასეთი სახის (მრუშობის) დანაშაულის ჩადენა მხოლოდ ქორწინების კავშირით შეკრულ პირს შეუძლია, რაც არ შეიძლება მონოზონს მიესადაგოს. თუკი ვივარაუდებთ, რომ მონოზონი დაეცა ვინმესთან სიძვის ცოდვით, ასეთ შემთხვევასი მრუშობა შეიძლება მხოლოდ ფიგურალურად მოიაზრებოდეს, ანუ, მან უღალატა თავის სულიერ სიძეს — იესო ქრისტეს, რომელსაც საკუთარი ქალწულობა მიუძღვნა. ამით აიხსნება კანონის აზრი, რამეთუ, ვიღებთ რა მხედველობაში, ვინ და ვის უნდა შეატყობინოს ჩადენილი დანაშაულის შესახებ, ძნელად სავარაუდოა,

რომ დანაშაულის სუბიექტი იყოს საერო პირი და არა — მონოზონი. მონოზონის ბრალი, რომელმაც იცოდა დანაშაულის შესახებ და არ შეატყობინა, იმაში მდგომარეობს, რომ მან დაფარა დანაშაული, ეს კი უკვე სასჯელს იმსახურებს და როგორც ვიცით, დანაშაულის მფარველები ისევე ისჯებიან, როგორც თვით დანაშაულის ჩამდენნი. ამ თვალსაზრისით შეიძლება, ერთგვარად, გამართლებული იყოს იოანე მმარხველის მიერ ბასილი დიდის 71-ე კანონის დამოწმება, თუმცაღა, წმინდა ბასილის აღნიშნული კანონი საგანგებოდ არ საუბრობს დანაშაულის მფარველობაზე, არამედ დანაშაულში თანამონაწილეობაზე; იოანე მმარხველის ეს (38-ე) კანონი კი დანაშაულში უშუალო მონაწილეობაზე არაფერს ამბობს.

კანონი 39

კანონით, მკვლეელი ტოლფასად ისჯება ყველა ის დედაკაცი, რომელიც ჩვილს ეკლესიის კარიბჭესთან მიაგდებს, თუნდაც შემდგომში ის ვინმემ აიყვანოს და გაზარდოს.

(ბასილი დიდის 33, 52)

ბასილი დიდის 33-ე კანონი, ისევე, როგორც 52-ე, ერთნაირ სასჯელს (როგორც მკვლელობისათვის) განუსაზღვრავს დედაკაცს, რომელიც გზაში იმშობიარებს და ახალშობილ შეიღს იქვე მიატოვებს — ბედის ანაბარა მიაგდებს. ზოგიერთი ქალები ფიქრობდნენ, რომ ღვთის წინაშე ნაკლებად შესცოდავდნენ, თუ ახალშობილს ტაძრის შესასვლელთან დატოვებდნენ იმ იმედით, რომ ვინმე გულმოწყალებას გამოიჩინდა და მას ტაძარში შეიყვანდა, სადაც სულიერად მინც აღიზრდებოდა. იოანე მმარხველი არ იწყნარებს თავის გამართლების ამ მიზეზს და ასეთ დედებს, მათი დანაშაულის გამჟღავნებისას, განუწყესებს განზრახ მკვლელობისათვის დაწესებულ სასჯელს.

კანონი 40

ყაჩაღები იგივე სასჯელს იმსახურებენ, როგორსაც კაცისმკვლელები, რადგან თავიანთი განზრახვის სისრულეში მოყვანისას, ხშირად მკვლელობესაც მიმართავენ.

(ანკვირ. 22, 23; ათანასე დიდის 1; ბასილი დიდის 8, 13, 43, 55)

კანონი 41

ვინც ნებაყოფლობით აღიარებს და მოინანიებს ქურდობას, ბასილი დიდის 61-ე კანონის თანახმად ერთი წლით განიყენება წმინდა ზიარებიდან, ხოლო თუ სხვისგან იმხილება — ორი წლით. ჩვენ კი განვაყენებთ ორმოცი დღით იმას, ვინც თავად მოინანიებს, და ექვსი თვით — ვისაც სხვა ამხელს ქურდობაში. ამასთან, მხოლოდ მშრალი საკვები მიიღოს მეცხრე ჟამის შემდეგ და ყოველდღე ასი მეტანია ჰყო.

(ბასილი დიდის 61; გრიგოლ ნოკესარიელის 3, 4, 5; გრიგოლ ნოსელის 6)

კანონი 42

ვინც საზოგადოებრივი ქონების ხელყოფაში იმხილება, რასაც არსებითად ქურდობა ჰქვია, მას აღარ აქვს უფლება სამღვდელო დასში გაწევრიანდეს. ხოლო თუ ქურდობაში შემჩნეული იქნება მღვდლის ხარისხის მიღების შემდეგ, მაშინ კარგავს მას მოციქულთა 25-ე კანონის საფუძველზე.

(მოც. 25, 72, 73; ორგ. 10; გრიგოლ ნოსელის 6, 8)

საზოგადოებრივი ქონების ქურდობაში უნდა ვიგულისხმოთ იმის მოპარვა, რაც ეკლესიასა და საქველმოქმედო დაწესებულებებს ეკუთვნით, და რასაც მკრეხელობა ეწოდება. ვინც ჯერ კიდევ ერისკაცობაში ჩაიდენს მსგავს დანაშაულებას, სასულიერო პირი ველარასოდეს გახდება, ხოლო თუ ამას სასულიერო პირი ჩაიდენს, მაშინ იგი თავისი წოდებიდან განიკვეთება. წინამდებარე კანონის განსახილველ საკითხთან დაკავშირებით, აუცილებელია მიმოვიხილოთ მოციქულთა 25-ე, 72-ე და 73-ე კანონების განმარტებები, ხოლო წმინდა ნივთებთან დაკავშირებით, კერძოდ, ორგონის მე-10 კანონის განმარტება, სადაც ნაჩვენებია განსხვავება წმინდა საკურთხეველის კუთვნილ ნივთებსა და საკურთხეველის გარეთ გამოსაყენებელ ნივთებს შორის, და მითითებულია შესაბამისი სასჯელი, როგორც ამ, ისე სხვა წმინდა და საკურთხევი ნივთების ქურდობისათვის.

კანონი 43

ბასილი დიდის 60-ე კანონით განიწესება, რომ ვინც საფლავს გათხრის გაძარცვის მიზნით, ათი წლით კარგავს წმინდა ზიარების მიღების უფლებას. ჩვენ კი ასეთ პირს განვაყენებთ ერთი წლით, ამასთან, ის უნდა დასჯერდეს მშრალ საკვებს მეცხრე ჟამის შემდგომ და ყოველდღიურად ორასი მეტანია შეასრულოს.

(ბასილი დიდის 60; გრიგოლ ნოსელის 7)

აქაც გადაჭარბებულ ღმობიერებად უნდა მივიჩნიოთ წმინდა იოანე მმარხველის დამოკიდებულება იმ დამნაშავეთა მიმართ, რომლებიც საფლავებს თხრიან და ძარცვავენ. ამიტომ ვთვლით წმინდა ზიარებიდან ათწლიან განაყენებას – რასაც განაწესებენ ბასილი დიდი თავისი 60-ე და გრიგოლ ნოსელი თავისი მე-7 კანონებით – საეკლესიო სამართლიანად. წმინდა ზიარებიდან ერთწლიანი განაყენება, რასაც წინამდებარე (43-ე) კანონი მოითხოვს, თუნდაც რომ მას უფრო მძიმე ფიზიკური ღვაწლი ახლდეს, ვიდრე ამას იოანე მმარხველი აწესებს, მაინც, ასეთი სასჯელი, ჩვენი აზრით, ზედმეტად ღმობიერია, თუკი მხედველობაში მივიღებთ დანაშაულის მთელ სიმძიმეს და დამნაშავეს ზნეობრივ გარყენილებას, რომელიც მკვდრებსაც კი შეურაცხყოფს.

პანონი 44

მკრეხელობა, გრიგოლ ნოსელის თანახმად, ისჯება ნაკლები ეპიტიმით, ვიდრე მრუშობა; ზოგადად კი სამი წლით ისჯება.

(მოც. 25, 38, 72, 73; ანტიოქ. 25; ორგ.ზ. 10; გრიგოლ ნოსელის 8; კირილე ალექსანდრიელის 2)

პანონი 45

ბასილი დიდის 82-ე კანონი განაწესებს, რომ პირი, რომელიც იძულებული გახდება ფიცი გატეხოს, წმინდა ზიარებას აკლდება სამი წლის ვადით, ხოლო ვინც გარედან ძალდატანების გარეშე დაარღვია ფიცი, წმინდა ზიარებას უნდა მოაკლდეს ათი წლით. ჩვენ კი ვგონებთ, რომ ისინი ერთი წლით უნდა განკანონდნენ, ამ ხნის განმავლობაში მიიღონ მხოლოდ მშრალი საჭმელი მეცხრე ჟამის შემდეგ და შეასრულონ ყოველდღიურად ორას ორმოცდაათი მეტანი.

(მოც. 25; ტრულ. 94; ბასილი დიდის 10, 17, 29, 64, 82)

ეს კანონი არ შეესაბამება ბასილი დიდის 82-ე კანონის განწესებას, რომელიც აქ მოიხსენიება. ვინაიდან ამ უკანსკნელში იმას, ვინც ფიცს დაარღვევს ვინმესგან იძულებული ანუ ძალადობის შედეგად, სასჯელად განეწესება ექვსწლიანი განყენება, ხოლო ვინც თავისი ნებით გააკეთებს ამას – თერთმეტწლიანი. იოანე მმარხველის წინამდებარე (45-ე) კანონში კი საქმე სხვაგვარად არის წარმოდგენილი: არ არის ნაჩვენები განსხვავება დანაშაულებს შორის, როდესაც, ერთი მხრივ, ის არის ჩადენილი გარეგანი ძალდატანებით და, მეორე მხრივ, ძალდაუტანებლად – საკუთარი ნებით. ორივე შემთხვევისათვის ერთნაირი სასჯელია განწესებული: ერთწლიანი განყენება და მძიმე ფიზიკური ღვაწლი, რაც ეპიტიმის თანამდევია, ჩვეულებრივ, იოანე მმარხველის კანონების განწესებებში.

პანონი 46

არც საერო დედაკაცი, არც მონოზონი ეკლესიის ერთობიდან არ განიყენებიან, არამედ მხოლოდ – წმინდა ზიარებიდან, რა ცოდვაც არ უნდა პქონდეთ ჩადენილი, რამეთუ კანონი ამბობს, ასე იმიტომ ემოქმედებთ, რომ ხშირი იყო შემთხვევები, როდესაც ბევრი შერცხვენილი დედაკაცი თვით-მკვლელობით ამთავრებდა სიცოცხლეს. ზუსტად ასევე, არც მღვდელი, არც დიაკონი, კანონის თანახმად: „არ შურ იგო ორ გზის ერთბამად ჭირსა შინა“ (ნაუმ. 1, 9).

(მოც. 25; ბასილი დიდის 34)

კანონი 47

თუ უწმინდური რამ ჩაეარდება ჭაში, ან ზეთში, ან ღვინოში, და ვინმე შესვაძს, მაშინ ასეთმა პირმა სამი დღის განმავლობაში თავი შეიკავოს ხორცისა და ყველისგან, და შეიდი დღის განმავლობაში არ ეზიაროს.

(მოც. 63: ტრულ. 67; ლანგ. 2)

კანონი 48

თუ ვინმეს წმინდა ზიარების შემდეგ პირღებინება დაემართება, რა მიზეზითაც არ უნდა იყოს, მას ორმოცი დღით ეკრძალება ზიარების მიღება. ამასთან, ყოველდღე უნდა იკითხოს 50-ე ფსალმუნის და ჰყოს ორმოცი მეტანია. და თუნდაც მან იცოდეს, რომ ამაში დამნაშავე არ არის, მაინც უნდა დაექვემდებაროს სასჯელს მისი სხვა შემთხვევითი ცოდვების გამო.

„პიდალონიში“ წმინდა იოანე მმარხველის სახელით გვხვდება კიდევ ქვემოთ მოყვანილი კანონები, რომლებიც მოგეყავს იმავე რიგითობით. ჩვენ მათ ვტოვებთ განსაკუთრებული განმარტებების გარეშე, რადგან მათში მოხსენიებული დანაშაულებების შესახებ, უკვე ვისაუბრეთ წმინდა მსოფლიო კრებებისა და წმინდა მამების სხვადასხვა კანონების განმარტებებში.

კანონი 49

ვინც თავის დედინაცვალთან ისიძეებს, ექვემდებარება სამწლიან ეპიტიმიას; თანაც ასეთმა პირმა ყოველდღიურად უნდა იმარხულოს, დასჯერდეს საღამოობით მშრალ საჭმელს და შეასრულოს ხუთას-ხუთასი მეტანია.

კანონი 50

ვინც ისიძეებს დედა-შვილთან, ექვემდებარება ოთხწლიან ეპიტიმიას, თანაც უნდა დასჯერდეს მეცხრე ეამის შემდეგ მშრალ საჭმელს და ყოველდღიურად შეასრულოს სამასი მეტანია.

კანონი 51

ვინც ისიძეებს ორ ძმასთან, ექვემდებარება იგივე ეპიტიმიას.

კანონი 52

ვინც თავის სიძესთან ისიძეებს, ექვემდებარება ოთწლიან ეპიტიმიას, თანაც, უნდა დასჯერდეს მეცხრე ეამის შემდეგ მშრალ საჭმელს და ყოველდღიურად შეასრულოს ორასი მეტანია.

კანონი 53

ვინც თავის ძმასთან ისიძეებს, ექვემდებარება რვაწლიან ეპიტიმიას, ამასთან, უნდა დასჯერდეს მეცხრე ჟამის შემდეგ მშრალ საჭმელს და ყოველდღიურად შეასრულოს ოთხასი მეტანია.

კანონი 54

თუ უფროსი ძმა უმცროსთან ისიძეებს, უკანასკნელი კი ამას არ იზამს, მაშინ უფროსი ძმა ექვემდებარება სამწლიან ეპიტიმიას, თანაც, უნდა დასჯერდეს მეცხრე ჟამის შემდეგ მშრალ საჭმელს და ყოველდღიურად შეასრულოს ასი მეტანია.

კანონი 55

თუ ვინმე ისიძეებს თავის ასულთან მხოლოდ ერთხელ, ექვემდებარება ხუთწლიან ეპიტიმიას, ხოლო მრავალგზის შემთხვევაში – ექვს-შვიდწლიანს; უნდა დასჯერდეს მშრალ საჭმელს მეცხრე ჟამის შემდეგ და შეასრულოს ყოველდღიურად ხუთასი მეტანია.

კანონი 56

თუ ვინმე ისიძეებს თავის დედასთან მხოლოდ ერთხელ, ექვემდებარება შვიდწლიან ეპიტიმიას, ხოლო თუ მრავალგზის – თორმეტწლიანს; ამასთან, უნდა დასჯერდეს მშრალ საჭმელს მეცხრე ჟამის შემდეგ და შეასრულოს ყოველდღიურად ხუთასი მეტანია.

კანონი 57

ვინც ისიძეებს თავის მონათლულთან (ქალთან) მხოლოდ ერთხელ, ექვემდებარება რვაწლიან ეპიტიმიას, ხოლო თუ მრავალჯერ, მაშინ – ათწლიანს; თანაც, უნდა დასჯერდეს მშრალ საჭმელს მეცხრე ჟამის შემდეგ და ყოველდღიურად შეასრულოს ხუთასი მეტანია.

კანონი 58

ვინც ისიძეებს თავისი ნათლულის დედასთან, ექვემდებარება რვაწლიან ეპიტიმიას, თანაც, უნდა დასჯერდეს მშრალ საჭმელს მეცხრე ჟამის შემდეგ და ყოველდღიურად შეასრულოს სამასი მეტანია.

კანონი 59

ვისაც ჰყავს ცოლი და, ამასთან, მრავალჯერ დაუშვებს „საზიზღრობას“ პირუტყვთან, ექვემდებარება რვაწლიან ეპიტიმიას; თუკი ცოლი არ ჰყავს და აღნიშნულ „საზიზღრობას“ დაუშვებს ერთხელ ან ორჯერ, ან ყველაზე ბევრი – სამჯერ, ექვემდებარება სამწლიან ეპიტიმიას; თანაც, უნდა დასჯერდეს მშრალ საჭმელს მეცხრე ჟამის შემდეგ და ყოველდღიურად შეასრულოს სამასი მეტანია. იგივე სასჯელს, იგივე დანაშაულისათვის, ექვემდებარება ცოლიც.

კანონი 60

ვინც თავის ძმისწულთან (ან დისწულთან) ისიძვებს, ექვემდებარება ორწლიან ეპიტიმიას, თანაც, უნდა დასჯერდეს მშრალ საჭმელს მეცხრე ჟამის შემდეგ და შეასრულოს ყოველდღიურად ხუთასი მეტანია.

კანონი 61

ვისაც კანონიერი ცოლი ჰყავს და, ამასთან, ისიძვებს წარმართთან, ან ებრაელთან, ან თურქთან (მუსულმანთან), ანდა მწვალებელთან, ექვემდებარება სამწლიან ეპიტიმიას; თანაც, უნდა დასჯერდეს მშრალ საჭმელს მეცხრე ჟამის შემდეგ და ყოველდღიურად შეასრულოს ორასი მეტანია. მსგავს სასჯელს დაექვემდებარება ცოლიც, რომელსაც კანონიერი ქმარი ჰყავს – თუ ისიძვებს ებრაელთან, ან თურქთან, ან მწვალებელთან, ან ლათინთან, ანდა სომეხთან. თუკი ქმარი, რომელსაც ცოლი ჰყავს, და ცოლი, რომელსაც კანონიერი ქმარი ჰყავს, ისიძვებენ რომელიმე წარმართთან ან მწვალებელთან, მაშინ დაექვემდებარებიან ეპიტიმიებს ოთხი ან ხუთი წლით, და უნდა დასჯერდნენ მეცხრე ჟამის შემდეგ მშრალ საჭმელს და ყოველდღიურად შეასრულონ ორას ორმოცდაათი მეტანია.

კანონი 62

თუ მღვდლის ან დიაკვნის ცოლი იმრუშებს, დაექვემდებარება სამწლიან ეპიტიმიას; თანაც, უნდა დასჯერდეს მშრალ საჭმელს მეცხრე ჟამის შემდეგ და ყოველდღიურად შეასრულოს სამასი მეტანია. ეს ცოლები უფრო მძიმე სასჯელს ექვემდებარებიან, ვიდრე სხვა მრუშები, იმიტომ, რომ დანაშავენი არიან თავიანთი ქმრების სულიერი სიკვდილისა, რომლებმაც მათი მრუშობს გამო შეიძლება დაკარგონ მღვდლობის ხარისხი, და დაკარგავენ კიდევ, თუკი მოინდომებენ გააგრძელონ ერთად ცხოვრება თავიანთ მემრუშე ცოლებთან. ხოლო თუ სურთ მღვდლობა შეინარჩუნონ, მაშინ დაუყოვნებლივ, როგორც კი მრუშობა მოხდება, უნდა შეწყვიტონ მათთან ქორწინებითი კავშირი – ნეოკესარიის კრების მე-8 კანონის შესაბამისად.

კანონი 63

ქალი, რომელიც ორ ძმასთან ისიძეებს, ექვემდებარება სამწლიან ეპიტ-
იმიას; ამასთანავე, უნდა დასჯერდეს მშრალ სატმელს მეცხრე ჟამის
შემდეგ და ყოველდღიურად შეასრულოს ორასი მეტანია.

კანონი 64

ქალი, რომელიც სატურისთან ისიძეებს, ექვემდებარება სამწლიან ეპიტ-
იმიას; თანაც, უნდა დასჯერდეს მშრალ სატმელს მეცხრე ჟამის შემდეგ და
ყოველდღიურად შეასრულოს სამასი მეტანია.

კანონი 65

ვინც არაბუნებრივი სახით შეეყოფა თავის ცოლს, ექვემდებარება რვაწლიან
ეპიტიმიას, ამასთან, უნდა დასჯერდეს მშრალ სატმელს მეცხრე ჟამის
შემდეგ და ყოველდღიურად შეასრულოს ორასი მეტანია.



კანონები ღმინდისა ნიკიფორე აღმსარებელისა

კანონი 1

თუ ვინმე უმეცრებით გარეცხავს ოდიკს, ამის შედეგად ის არ კარგავს კურთხევას და არ ხდება უწმინდური.

(მოც. 73; VII მსოფ. 7)

წინამდებარე და შემდგომი 37 კანონი, როგორც ზემოთ აღვნიშნეთ (იხ. 287 გვ.) შედგენილია სხვადასხვა საეკლესიო განწესებებიდან, რომლებიც გამოსცა პატრიარქმა ნიკიფორემ თავად ან კრებითად.

წმინდა ოდიკის მნიშვნელობის შესახებ, ჩვენ ვისაუბრეთ ტრულის კრების 31-ე კანონის განმარტებაში. წინამდებარე კანონი კი გულისხმობს შემთხვევას, როდესაც ვინმე, უმეცრებით, გარეცხავს მას, და შენიშნავს, რომ ის ამით თავის სიწმინდეს არ კარგავს, და ამიტომაც არ საჭიროებს ხელმეორედ კურთხევას, მსგავსად იმისა, როგორც არ იკურთხება თავიდან არც წმინდა ბარძიმი, არც სხვა რამ წმინდა ჭურჭელი, თუკი ხანგრძლივი გამოყენების შედეგად საჭირო გახდება მისი გასუფთავება.

კანონი 2

მეორედ დაქორწინებული არ გვირგვინდება; იგი ორი წლით განიყენება ყოვლადწმინდა საიდუმლოსგან, მესამედ დაქორწინებული კი — ხუთი წლით.

(მოც. 7; ტრულ. 3; ანკვირ. 19; ნეოკეს. 3, 7; ლაოდ. 1; ბასილი დიდის 4, 12)

კანონის დასაწყისი სიტყვები ნიშნავს, რომ ის, ვინც მეორედ ქორწინდება, გვირგვინით არ იმკობა, თავზე მას გვირგვინს არ ადგამენ. ქორწინების საიდუმლოს აღსრულების დროს, მთავარი მომენტი არის ის, როდესაც მღვდელი აკურთხებს რა ახალდაქორწინებულებს, ამბობს: „უფალო, ღმერთო ჩვენო, დიდებითა და პატივით დააგვირგვინე ესენი“. ამ სიტყვებს მღვდელი წარმოთქვამს მაშინვე, მას შემდეგ, რაც გვირგვინებს დაადგამს სასიძოსა და სასძლოს. ასე რომ, საიდუმლო, არსებითად, მაშინ აღსრულებულია. აქედან გამომდინარე, თვით საიდუმლოსაც ეწოდება „გვირგვინის კურთხევა“ („დაგვირგვინოსნება“, венчание). ამიტომ სიტყვები: „მეორედ დაქორწინებული არ გვირგვინდება“, ნიშნავს, რომ ის, ვისაც მეორედ დაქორწინების სურვილი აქვს, ვერ მიიღებს საეკლესიო კურთხევას. სხვა სიტყვებით: მასზე არ შეიძლება აღსრულდეს საეკლესიო წესი — „გვირგვინის კურთხევა“. შესაბამისად, წინამდებარე კანონის აზრის თანხმად, ეკლესია არ აკურთხებს მეორედ ქორწინებას და მას შეუწყნარებლად მიიჩნევს. სამოქალაქო სელისუფლება კი აღიარებდა ასეთი ქორწინების კანონიერებას, რითაც ბევრი ქრისტიანი სარეგბლობდა და მეორედ ქორწინდებოდა. ეკლესია ამას არ აპროტესტებდა, მაგრამ ასეთ პირებს ადებდა ეპიტომიას — განაყენებდა მათ წმინდა ზიარებიდან ერთი ან ორი წლით (იხ. ბასილი დიდის მე-4 კან.), რასაც წინამდებარე კანონში

იმეორებს წმინდა პატრიარქი ნიკიფორე; და თუ ის ასეთ ეპიტიმობს უქვემდებარებს მეორედ დაქორწინებულებს, მაშინ რაოდენ მეტად უნდა დაესაჯა მას მესამედ დაქორწინებულები? სწორედ ამის გამო განაწესებს, რომ ასეთები უნდა დაექვემდებარონ ხუთწლიან განაყენებას.

წინამდებარე კანონის განწესების გასაცნობიერებლად, — რომლის თანახმადაც მხოლოდ პირველი ქორწინება იმსახურებს საეკლესიო კურთხევისა და გვირგვინით შემკობას, და არა მეორე და კიდევ უფრო ნაკლებად — მესამე ქორწინება, — უნდა გავითვალისწინოთ პირველი საუკუნეების ეკლესიის მსჯელობა მეორედ ქორწინების შესახებ, რაზეც ჩვენ საუბარი გეჭონდა ლაოდის კრების I კანონის განმარტებაში. მეორედ ქორწინებაზე ასეთ მსჯელობას, როგორც ჩანს, აღმოსავლურ ეკლესიაში საყოველთაო მნიშვნელობა ჰქონდა IX საუკუნის დასაწყისში, როდესაც ცხოვრობდა და მოღვაწეობდა პატრიარქი ნიკიფორე. ის ძალაში რჩებოდა აგრეთვე X საუკუნეშიც, როგორც ეს კონსტანტინოპოლის პატრიარქ სისინიოს II-ს (995-998) „მეორედ დაქორწინებულების შესახებ კრებით დადგენილებიდან“ ჩანს, სადაც გამეორებულია ნიკიფორეს წინამდებარე კანონი. მხოლოდ შემდგომში, კერძოდ, XI ან XII საუკუნის დასაწყისში შეიცვალა ეკლესიის ასეთი დამოკიდებულება მეორედ ქორწინების შესახებ, როგორც ამას ვხედავთ ირაკლის მიტროპოლიტის ნიკიტას კანონიკური პასუხიდან ეპისკოპოს კონსტანტინეს შეკითხვაზე. თავის აღნიშნულ პასუხში, მიტროპოლიტი ნიკიტა ამბობს, რომ ეკლესიის ზუსტი სწავლებით, მეორედ დაქორწინებულს არ შეუძლია მიიღოს გვირგვინის დადგმა, რაც, თუმცა, კონსტანტინოპოლის ეკლესიაში მკაცრად არ არის დაცული, და გვირგვინს მეორედ დაქორწინებულებსაც ადგამენ. განსხვავება მხოლოდ იმაშია, რომ ისინი განიყენებიან წმინდა ზიარებიდან ერთი ან ორი წლით და მღვდელს ეკრძალება მათ საქორწილო ზეიმში მონაწილეობა.* იქიდან მოყოლებული, კონსტანტინოპოლის ეკლესიის ეს პრაქტიკა გახდა საყოველთაო, ამიტომაც შედგენილ იქნა შესაბამისი ეკლესიური ტიპიკონი (წესმიმდევრობა) მეორედ დაქორწინებულთათვის („последование о двоенрачном“), რომლის თანახმადაც, მათზე გვირგვინების თავდადგმა ისეთივე წესით ხდება, როგორც პირველად დაქორწინებულთათვის. ძველი საეკლესიო პრაქტიკიდან ამ გადახვევის გასამართლებლად, დიდ ბერძენ ევქოლოგიონელებთან მოყვანილია ტექსტობრივად როგორც პატრიარქ ნიკიფორეს წინამდებარე კანონი, ისე მიტროპოლიტ ნიკიტას კანონიკური პასუხიც.

კანონი 3

ვინც გაჭირვების გამო მცირე ხნით ეკლესიის სტოაში დასასვენებლად გაჩერდება, ის სასჯელს არ დაექვემდებარება; ხოლო თუ დიდი ხნით გადაწვევტს იქ დარჩენას, მაშინ იქიდან განიძეოს და ეპიტიმია დაედოს, ეკლესია კი თავისას აიღებს (а церковь возьмет свое).

(მოც. 73; ტრულ. 74, 76, 97)

*ათენის სინტაგმა, V, 441.

კანონი 4

მიღებულ უნდა იქნეს ღვთისსათნო ძღვენი, რომელიც შემოიწირება იმათ სასიკეთოდ, ვინც უანდერძოდ გარდაიცვალა და განსაკუთრებით, თუ მათ სიცოცხლეშივე ჰქონდათ ასეთი განზრახვა.

ეკლესია ყოველთვის ღოცულობდა და ღოცულობს თავისი გარდაცვლილი წევრებისათვის. ეს დადგენილია ჯერ კიდევ მოციქულთა განწესებებით, თანაც, ამისთვის საგანგებო დრო არის განსაზღვრული.* ამის გამო, მორწმუნენი ჯერ კიდევ სიცოცხლეშივე გამოუყოფდნენ ხოლმე თავიანთი ქონების გარკვეულ ნაწილს ეკლესიას, რაც საერთო ნორმად ითვლებოდა და მის კანონიერ ძალას სამოქალაქო სამართალიც აღიარებდა. იმ შემთხვევაში, თუ რომელიმე პირი ანდერძის გარეშე კვდებოდა, მაშინაც, მეგვიდრეობითი კანონის თანახმად, მისი ქონების გარკვეული ნაწილი ეკლესიას რჩებოდა მისი სულის მოსახსენიებლად. ხატმბრძოლობის პერიოდში ეკლესიას ამაზე უარი უთხრეს, და ეს აკრძალვა იმდენად შორს წავიდა, რომ ზოგიერთ ეკლესიაში შეუძლებელიც კი გახდა გარდაცვლილის სულისათვის შეწირულობის გაკეთება, თუ გარდაცვლილებს თავიანთ ანდერძში არ ჰქონდათ შესაბამისი განკარგულება ჩაწერილი. თავისი წინამდებარე კანონით, პატრიარქი ნიკიფორე ასწორებს სხვადასხვა ეკლესიისა და მათი მმართველების არასწორ ქმედებას და განაწესებს, რომ ეკლესიის მიერ დაუბრკოლებლად უნდა მიიღებოდეს ყველანაირი შესაწირი გარდაცვალებულის სულის საოხად, და არ უნდა ხდებოდეს იმის ძიება, დატოვა თუ არა გარდაცვლილმა თავის სიცოცხლეში ამის შესახებ რაიმე სახის განკარგულება. ამასთან დაკავშირებული სამოქალაქო ხელისუფლების დადგენილება იმის თაობაზე, რომ გარდაცვლილის სულის განსახსენებლად ანდერძის გარეშეც შეიძლება მისი დატოვებული ქონებიდან გარკვეული ნაწილის ეკლესიისთვის გადაცემა, — გამოსცა იმპერატორმა ლეონ ბრძენმა.

კანონი 5

თუკი ხარების დღესასწაული დაემთხვევა დიდ ხუთშაბათს ან დიდ პარასკევს, ჩვენ არ შევცოდავთ თუ ამ დღეს მივიღებთ ღვინოსა და თევზს. (მოც. 66; ტრულ. 52)

კანონი 6

იღუმენს, რომელსაც მღვდლის ხარისხი აქვს, შეუძლია თავის მონასტერში დაადგინოს წიგნის მკითხველი და კერძო დიაკონი. (ტრულ. 33; VII მსოფ. 14)

წმინდა ნიკიფორეს წინამდებარე კანონის თანახმად, იღუმენს, რომელსაც მღვდლის ხელდასხმაც აქვს მიღებული, შეუძლია თავის მონასტერში იპოლიაკონიც

*ათენის სინტაგმა, IV, 402.

აკურთხოს. ილუმენის ეს პრივილეგია კანონებში პირველად მოიხსენიება, რამეთუ VII მსოფლიო კრების მე-14 კანონის მიხედვით, ილუმენს თავის მონასტერში მხოლოდ წიგნის მკითხველის (მედაიონის) დადგინება შეუძლია და სხვა არავინ. ჩვენ არ ვიცით, თუ რის საფუძველზე აღიარებს წმინდა ნიკიფორე ილუმენის უფლებად იპოლიაკნის დადგინებასაც. შესაძლოა, ილუმენებს ამის ნებართვა მიეცათ ხატმბრძოლობის დროს კონსტანტინოპოლის ეკლესიაში, როდესაც მონოზენებმა ეკლესიას დიდი სამსახური გაუწიეს წმინდა ხატების პატივისცემის დაცვაში, და ჯილდოს სახით, შესაძლოა, მონასტრების წინამძღვრებს გადაეცათ აღნიშნული პრივილეგია. ამასთან, უნდა გვახსოვდეს, რომ კონსტანტინოპოლის პატრიარქი ნიკიფორე ცნობილი იყო როგორც ხატმბრძოლობის წინააღმდეგ დიდი შემართებით გამორჩეული და მაშინდელი მონოზენობის დიდი დამცველი. თავიანთ მონასტრებში იპოლიაკნად დადგინებას ჩვენ ვერ ვუწოდებთ არაკანონიკურს, როდესაც გავიხსენებთ განსხვავებას სასულიერო იერარქიის უმაღლეს და უმაღლეს ხარისხებს შორის. უმაღლეს იერარქიას მიეკუთვნებიან ეპისკოპოსები, მღვდლები და დიაკვნები. ისინი თავიანთ ხარისხს იღებენ სამღვდლო საიდუმლოს გზით (ხელთდასხმად). რაც შეეხება უმაღლეს იერარქიას, დაწყებული იპოლიაკნიდან და ქვემოთ, ასეთებად არ დგინდებიან ხელთდასხმის (ქიროტონის) გზით, არამედ – ხელთდადებით (ქიროტესით); თანაც, წმინდა საკურთხეველის გარეთ და ლიტურგიის დაწყებამდე, მაშინ, როდესაც უმაღლეს იერარქიაში თავიანთ ხელდასხმას იღებენ წმინდა საკურთხეველში და წმინდა ლიტურგიის მიმდინარეობის პროცესში. აქედან გამომდინარე, თუკი მოხსენიებული VII მსოფლიო კრება ილუმენს უფლებას აძლევს დაადგინოს თავის მონასტერში წიგნის მკითხველი, მაშინ მისთვის კერძო დიაკვნის დადგინების უფლების მიცემაც შეიძლებოდა, ვინაიდან ამ უკანასკნელებს, ისევე, როგორც მკითხველებს, არ გადაეცემათ საღვთო მადლი, რისი უფლებაც მხოლოდ ეპისკოპოსს აქვს. რამეთუ, იპოლიაკნად დადგინება, ისევე, როგორც მკითხველებისა, წმინდა საკურთხეველში არ აღესრულება. დანარჩენთან დაკავშირებით და აგრეთვე იპოლიაკონის ხარისხთან მიმართებით, იხ. ტრულის კრების მე-6 კანონის განმარტება.

კანონი 7

ვინც ოცი წელი, ან მეტი, გარყვნილ ცხოვრებაში გაატარა, სამღვდლო წოდებას ვერ მიიღებს, თუნდაც ამის შემდეგ მრავალი სათნო საქმე ეკეთებინოს; რამეთუ წმინდა შეუბილწავი უნდა იყოს.

(მოც. 61, 80; I მსოფ. 2; ნეოკეს. 12; ლაოდ. 3, 12; სარდ. 10; ორგ. ზ. 17; კირილე ალექსანდრიელის 4; ტიმოთე ალექსანდრიელის 6; ნიკიფორე აღმსარებლის 36)

წინამდებარე კანონით დასტურდება ნიკეამდელი დროის საეკლესიო ნორმა, რომლის თანახმადაც, მღვდლად ვერ ეკურთხებოდა პირი, რომელსაც ისეთი ცოდვა ჰქონდა ჩადენილი, რაც ირგვლივ ყველასთვის საცდურის შემცველი იყო. ამის შესახებ ლაპარაკობს, აგრეთვე, წმინდა კრებებისა და წმინდა მამების რამდენიმე კანონი. საგანგებოდ ამ საკითხზე ჩვენ ვისაუბრეთ მოციქულთა 61-ე კანონის განმარტებაში.

კანონი 8

ბავშვები, რომლებიც იშვებიან ხარჭისგან, ან მეორე და მესამე ქორწინების შედეგად, თუ მღვდლობის ღირსნი აღმოჩნდებიან, დაე, ხელდასხმულ იქნენ. (ტრულ. 33)

სამღვდლო კანდიდატის ღირსება არ განიპირობება იმით, თუ რომელ საზოგადოებრივ ფენას მიეკუთვნება, არამედ მისი პირადი ღირსებებით, კერძოდ: ის უნდა იყოს შეუბღალავი და მის სახელს ეჭვის ჩრდილიც არ უნდა ადგებოდეს რამე სათაკილო საქმეში გარეეით. ტრულის კრების 33-ე კანონი განაწესებს, რომ სამღვდლო კანდიდატის გამორჩევისას ყურადღება უნდა მიექცეს პირად ღირსებას და არა — წარმომავლობას. ითვალისწინებს რა ამ კანონიკურ განწესებას, წინამდებარე (მე-8) კანონი ამბობს, რომ არაფერი უშლის ხელს უკანონო ქორწინებაში დაბადებულ პირებს მღვდლად კურთხევაში, ზუსტად ასევე, იმ პირებს, რომელთა შშობლებიც მეორე და მესამე ქორწინებაში იმყოფებიან, თუკი მხოლოდ მღვდლობის ღირსნი აღმოჩნდებიან და სხვა მხრივ ყველა იმ პირობას დააკმაყოფილებენ, რაც მათ მოეთხოვებათ.*

კანონი 9

ავადმყოფისთვის, რომელსაც სიკვდილი ემუქრება, დასაშვებია წმინდა ზიარების მიცემა ჭამის შემდეგაც. (ტრულ. 29; კართ. 41)

ტრულის კრებამ თავის 29-ე კანონით განაწესა წმინდა ზიარების მიცემა მხოლოდ უზმოზე. ამ საყოველთაო განწესების შესრულებიდან წმინდა ნიკიფორე თავისი წინამდებარე (მე-9) კანონით ათავისუფლებს მხოლოდ იმ პირებს, რომლებსაც სიკვდილი ემუქრებათ, რათა ისინი არ დარჩნენ „უკანასკნელი და აუცილებელი საგზლის“ გარეშე, — I მსოფლიო კრების მე-13 კანონის გამოთქმით.

კანონი 10

კვირა დღეებში და მთელი ერგასის განმავლობაში მეტანიები არ სრულდება, შეიძლება მხოლოდ მუხლის მოყრა წმინდა ხატებზე მოხვევისას. (I მსოფ. 20; ტრულ. 90; პეტრე ალექსანდრიელის 15; ბასილი დიდის 91)

კანონი 11

ის არ შესცოდავს, ვინც სამისთვის ერთ სეფისკვერს შესწირავს, ან ერთ სანთელს აანთებს.

*იხ. ამ საკითხთან დაკავშირებით ბალსამონის 62-ე კანონიკური პასუხი ალექსანდრიის პატრიარქ მარკოზის მიმართ, ათენის სინტაგმაში, IV, 494.

როგორც ჩანს, არსებობდა ჩვეულება, რომლის თანახმადაც სამსხვერპლოზე ყველა იმ პირისათვის, ვისი მოხსენიებაც წმინდა ლიტურგიაზე სურდათ, ცალკეულად შეიწირებოდა თითო სფუისკვერი და ინთებოდა თითო სანთელი. თავის წინამდებარე კანონში წმინდა ნიკიფორე ლიტურგიის შესახებ ბასილი დიდის განწესებასაც ითვალისწინებს და შენიშნავს, რომ ერთი სფუისკვერი საკმარისია მაშინაც კი, როდესაც წმინდა ლიტურგიაზე უფრო მეტი პირის მოხსენიება სურთ, და რომ ერთი სანთელიც მრავალთათვის შეიძლება ენთოს.

კანონი 12

წმინდა ბარძიმის კურთხევა არ არის საჭირო, როდესაც წინადაგებულის ლოცვა იკითხება.

კანონი 13

მღვდელმა არ უნდა წიროს მღულარების გარეშე, გარდა გამონაკლისი შემთხვევებისა, როდესაც სრულიად შეუძლებელია მისი შოვნა.

(ტრულ. 32; კართ. 37)

წმინდა ლიტურგიაში მღულარების* გამოყენება დასაბამს იღებს ეკლესიის უძველესი დროიდან და თავისი საიდუმლო მნიშვნელობა აქვს. ეს მნიშვნელობა ნაჩვენებია ბალსამონის მიერ ტრულის კრების 32-ე კანონის განმარტებაში. ლათინები და სომხები ამტკიცებდნენ, თითქოს თბილი წყლის დამატება საჭირო არ იყო, რამეთუ ამას არ მოითხოვს არც სახარება, არც ეკლესიის კანონიკური განწესებანი. ბალსამონი პასუხობს: „შეზავებული სითბო არ ცვლის წყლისა და ღვინის შენაერთს წმინდა ბარძიმში და არ წარმოადგენს რაიმე განსხვავებულს წყლისაგან. ხოლო ისხმება იმის მეტი დამაჯერებლობისათვის, რომ ჩვენი უფლის იესო ქრისტეს წმინდა გვერდიდან გადმოდინებული სითხე, ანუ სისხლი და წყალი, არის ცხოველმყოფელი და არა უსიცოცხლო. ვინაიდან, არსებითად, ამით აიხსნება ამ სასწაულის სიდიადე, რამეთუ მაშინ, როდესაც მკვდარი სხეულიდან, ჩვეულებრივ, არ გადმოედინება თბილი სისხლი, უფლის სხეულიდან სიკვდილის შემდეგაც გადმოდინდა თბილი სისხლი და წყალი, როგორც ცხოველმყოფელი ცხოველმყოფელი სხეულიდან“.** ამასვე იმეორებს ბალსამონი თავის მე-19 კანონიკურ პასუხში, სადაც დასძენს: „ვინც ამას არ აკეთებს და წმინდა საიდუმლოს აღსრულებისას ღვინოსთან ერთად ცივ წყალს იყენებს, ის არ ადიდებს ისე, როგორც საჭიროა, თვით სასწაულის სიდიადეს. ამით ის აჩვენებს, რომ მას არ სწამს იმისა, რომ უფლის მაცხოვრებელი სიკვდილის შემდეგაც, მისმა სხეულმა შეინარჩუნა ღვთაებრიობა, არამედ ამით აჩვენებს, თითქოს იგი მისგან განშორებულიყოს და, შესაბამისად, მისი სხეული თითქოს ჩვენი სხეულის მსგავსი იყოს, ეს კი დიდი მწველე-

*თბილი, ანადუღები წყალი.

**ათინის სინტაგმა, II, 376-377.

ბლობის დაშვებას ნიშნავს... ვინც არ აკურთხებს საღმრთო ბარძიძს ცხელ წყალთან ერთად, ისინი მართლმადიდებელთა სამკვიდრებელიდან უნდა აღხოცონ, როგორც მწვალებლები“.*

კანონი 14

ვინც სამონოზენო წესი მიატოვა და მერე კვლავ დაბრუნდა (მონასტერში), თავიდან უნდა შეიმოსოს სამონოზენო შესამოსელით, მაგრამ დადგენილი ლოცვების წაკითხვის გარეშე.

(მოც. 81, 83; IV მსოფ. 3, 4, 6, 7; VII მსოფ. 10; კართ. 16; ორგ. 11)

წინამდებარე კანონი წმინდა ნიკოფორეს მიერ სხვა ადგილას უფრო დაწვრილებით არის გადმოცემული და შემდგენიარად გამოითქმის: „მონოზონი, რომელიც წმინდა სქემას დატოვებს და მერე კვლავ დაბრუნდება, ძმებმა უნდა განსწავლონ რაშიც საჭიროა, მაგრამ არა განსამზადებელი, არამედ თვით უფლის სიტყვებით; წყნარი ხმით იგალობოს სინანულის კანონი, მისი შესამოსელი კი უნდა დაიგოს საკურთხეველში წმინდა ტრაპეზის ფეხებთან, თითქოს ის პირველად იღებდეს აღკვეცას. ამის შემდგომ, ლიტურგიაზე წაკითხული სახარების მერმე, აღკვეცს მას იღუმენი და შემოსავს თავის შესამოსელით, მაგრამ ყოველგვარი ასამაღლებელის გარეშე“.**

კანონი 15

მონოზენებს (დედებს) შეუძლიათ შევიდნენ წმინდა საკურთხეველში სანთლებისა და კანდელის ასანთებად, ასევე, საკურთხეველის დასაალაგებლად და გამოსაგველად.

(ტრულ. 69; ლაოდ. 19, 44)

ჩვენი თარგმანი შესრულებულია „ათენის სინტაგმის“ ტექსტის მიხედვით. ხოლო „კორმჩაიაში“ წმინდა ნიკოფორეს წინამდებარე კანონი იმგვარად არის გადმოცემული, რომ მონოზონ დედებს ეკრძალებათ საკურთხეველში შესვლა: „არაჯეროვანია მონოზონ დედებისათვის საკურთხეველში შესვლა, არც სანთლების ანთება...“. არმენოკულოს კანონიკურ „ამონარიდებში“ ტექსტი ისეთივეა, როგორც „ათენის სინტაგმაში“. ჩვენ არ ვიცით, საიდან მოხვდა სლაფურ „კორმჩაიაში“ აღნიშნული თარგმანი წმინდა ნიკოფორეს წინამდებარე კანონიდან, მაგრამ, ყოველ შემთხვევაში, მიგვაჩნია, რომ მონოზონ დედებისათვის საკურთხეველში შესვლის აკრძალვა, როგორც ეს „კორმჩაიაშია“ ნათქვამი, გაცილებით უკეთ პასუხობს მართლმადიდებელი ეკლესიის სწავლებას, ვიდრე ნებართვა, რომელსაც კანონი შეიცავს ათენის სინტაგ-

*ათენის სინტაგმა, IV, 462-463; შდრ. ბლასტარის ალფაბეტურ სინტაგმასთან, E, 8 (ათენის სინტაგმა, VI, 321).

**ათენის სინტაგმა, IV, 431.

მის, არმენოპულოს, ასევე პიდალიონის* ტექსტების მიხედვით. ჩვენი მოსაზრების საფუძველად შეიძლება გამოდგეს მოწმობა, რომელიც მოვიყვანეთ – მიყვებით რა ზონარას – ლაოდიკიის კრების 44-ე კანონის განმარტებაში. ხოლო ჩვენი მოსაზრების მტკიცებულებას, ვუქრობთ, ემსახურება ათონის მონოზონთა ის კითხვაც, რომელიც მათ დააყენეს კონსტანტინოპოლის კრების წინაშე პატრიარქ ნიკოლოზ III-ის დროს, თითქმის 300 წლის შემდეგ პატრიარქ ნიკიფორედან: „შეუძლია თუ არა მონოზონს საკურთხეველში შევიდეს?“ კრებამ, როგორც ქვემოთ ვიხილავთ, უპასუხა, რომ მონოზონს შეუძლია საკურთხეველში შესვლა. ხოლო თუკი XII საუკუნეში საჭირო გახდა, რომ კრებას გადაეწყვიტა, შეუძლია თუა რა მონოზონ მამას საკურთხეველში შესვლა, მაშინ, მონოზონ დედებთან დაკავშირებით, ვუქრობთ, ეს თავისთავად ცხადი იყო; სახელდობრ, რომ არ შეუძლიათ. ვითვალისწინებთ რა ლაოდიკიის კრების 44-ე კანონის განწესებას, ჩვენ გაუგებრად გვეჩვენება, როგორ დართო ნება პატრიარქმა ნიკიფორემ IX საუკუნეში მონოზონ დედებს ის, რაც XII საუკუნეში პატრიარქ ნიკოლოზს უნდა გადაეწყვიტა მონოზონ მამებთან დაკავშირებით?! ყველაფერ ამის შედეგად, ჩვენ ვგონებთ, რომ წმინდა ნიკიფორეს წინამდებარე (მე-15) კანონის ტექსტი უფრო სწორია რუსულ „კორმჩაიაში“, ანუ იმ ბერძნულ მანუსკრიპტში, საიდანაც ის გადათარგმნილია „კორმჩაიასთვის“, ვიდრე ზემოხსენებულ ბერძნულ გამოცემებში.

კანონი 16

დიდ პარასკევს მონოზენებმა არ უნდა შეასრულონ მიწის სამუშაოები და ამ საბაბით მიიღონ ღვინო და ზეთი, რამეთუ ეს მუცლისმამამებლობაა.

კანონი 17

მონოზონს შეუძლია მონასტერი დატოვოს სამი მიზეზით: ა) თუ ილუმენი მწვალებელია; ბ) თუ ქალები (თავისუფლად) მოდიან მონასტერში და გ) თუ მონასტერში ერისკაცთა ბავშვები სწავლობენ.

კანონი 18

რამეთუ მიუღებელია, რომ მათი მეშვეობით ქვეყანას მოედოს ის, რაც მონასტერში კეთდება.

(IV მსოფ. 4; VII მსოფ. 21; კართ. 80; ორგ. ზ. 4)

ეს ორი კანონი (მე-16 და მე-17) კორმჩაიაში, ისევე, როგორც „პიდალიონში“, ერთ კანონს შეადგენს, და სახეებით სწორადაც, რადგან მე-18 კანონი სხვა არაფე-

* „პიდალიონის“ გამომცემლები დასტენენ, რომ მონოზონ დედებს საკურთხეველში შესვლის უფლება აქვთ მხოლოდ თავიანთ მონასტრებში, ამასთან, ეერდნობიან ტრულის კრების 69-ე კანონს, თუმცა ამ უკანასკნელს ნაკლებად აქვს საერთო მოცემულ საკითხთან.

რია, თუ არა მე-17 კანონის ბოლო პუნქტის დასაბუთება; კერძოდ, თუ რატომ ეძლევა მონოზონს მონასტრის დატოვების უფლება, როდესაც მასში (უფრო სწორედ – მის საერთო საცხოვრებელში) ერისკაცთა შვილები სწავლობენ. ნიკიფორეს კანონების სხვა კრებულში ორივე ეს კანონი ერთი ნომრით დგას, და იქვე ნათქვამია, რომ მონოზონს უფლება აქვს დატოვოს მონასტერი, თუ იქ ერისკაცთა შვილები სწავლობენ, იმიტომ, რომ არაჯეროვანია მთელ სოფელს მოედოს თუ რა სიკეთე კეთდება მონასტერში. ამასთან, ამას ემატება მათეს სახარებიდან ის ადგილი, სადაც ნათქვამია: *ხოლო რაჟამს იქმოდით ქველის-საქმესა, ნუ ჰქად-აგებ წინაშე შენსა* (მთ. 6, 2).*

კანონი 19

მონოზონებს, რომლებიც ეპიტიმის ქვეშ იმყოფებიან, სხვებთან ერთად შეუძლიათ ჭამონ და ილოცონ, მაგრამ რაც შეეხება კურთხეული პურის ან კატაკლასტონის მიღებას, ეს მხოლოდ აღსარების შემდეგ შეუძლიათ.

კურთხეულ პურზე ანუ ანტიდორზე ჩვენ ვისაუბრეთ ლაოდიკის კრების მე-14 კანონის განმარტებაში. ამ პურს ეწოდებოდა, ასევე, კატაკლასტონი.

კანონი 20

მონასტერში მცხოვრებ მონოზონებს წმინდა მოციქულებისა და წმინდა ფილიპეს მარხვის მთელ პერიოდში, ასევე ოთხშაბათობითა და პარასკევობით, შეუძლიათ საზრდელი მიიღონ დღეში ერთხელ, საღამოს; ხოლო, ვინც მინდვრის სამუშაოებითაა დაკავებული, შეუძლია მეექვსე ჟამის შემდეგ ისაღილოს და საღამოს ივახშმოს.

ყოველწლიური მარხვის შესახებ ჩვენ ვისაუბრეთ მოციქულთა 69-ე კანონის განმარტებაში. წმინდა ფილიპეს მარხვა – ეს არის შობის მარხვა, რომელიც იწყება წმინდა ფილიპეს ხსენების მეორე დღეს.

კანონი 21

მონოზონი (დედაო), რომელსაც ბარბაროსები ან უწესო ადამიანები შერყვნიან, თუ მისი წინანდელი ცხოვრება უბიწო იყო, მხოლოდ ორმოცდლი-ან ეპიტიმისა ექვემდებარება, ხოლო თუ არ ყოფილა შეუბღალავი მისი ადრინდელი ცხოვრება, მაშინ მას უნდა განეწესოს მრუშობისათვის განსაზღვრული ეპიტიმია.

(ბასილი დიდის 49; გრიგოლ ნეოკესარიელის 1)

*ათენის სინტაგმა, IV, 431.

თავის პირველ კანონში გრიგოლ ნეოკესარიელი ამბობს, რომ ეპიტიმის არ ექვემდებარებიან დედაკაცები, რომლებიც წამხდარმა ადამიანებმა შებილწეს; იგივეს ამბობს ბასილი დიდიც თავის 49-ე კანონში. წმინდა ნიკიფორე კი, საუბრობს რა მონოზონ დედებზე და მხედველობაში აქვს მათი წმინდა სხეული, განუწყესებს მათ ორმოცდლიან ეპიტიმის მისი (სხეულის) შებილწვისათვის. მაგრამ ის აქ გულისხმობს, რომ ისინი ძალადობის მსხვერპლნი გახდნენ. იმ შემთხვევაში კი, თუ მამაკაცის მხრიდან ძალადობას ადგილი არ ჰქონია, ხოლო მისი წინანდელი არცთუ შეუბღალავი ცხოვრებიდან შეიძლება დაეასკენათ, რომ რომ მან თავისი ნებით ისიძვა, მაშინ ასეთი მონოზონი სასჯელს ექვემდებარება როგორც სიძვისათვის – თვრამეტწლიან განაყენებას წმინდა ზიარებიდან, თანახმად გრიგოლ ნოსელის მე-4 კანონისა.

კანონი 22

ვინც იმიტომ მიიღო სამონოზენო ხარისხი, რომ სამხედრო ვალდებულება გაექცა, ან სხვა რაიმე ცბიერი ჩანაფიქრი ჰქონდა და შემდგომ, როდესაც საჭიროებამ გაიარა, მონოზენობა მიატოვა, ექვემდებარება ეპიტიმისა სამი ორმოცდლიანი ვადით, როგორც სამონოზენო წესის შეურაცხყოფელი, რის შემდეგაც შეიძლება დაშვებულ იქნეს წმინდა ზიარების მისაღებად.

აღებული პირი ექვემდებარება სამ ორმოცდლიან უზიარებლობას, ანუ წმინდა ზიარებიდან განიყენება ასოცი დღით.

კანონი 23

მონოზონი დედები არ უნდა ეზიარონ ახალგაზრდა მღვდელმონოზონთან, როდესაც ასეთი პირი ატარებს მსახურებას და აზიარებს.

(ტრულ. 47; VII მსოფ. 18, 20, 22)

მიზეზი, რამაც აღძრა ტრულის კრების მამები მიეღოთ 47-ე კანონი, რომლის თანახმადაც, არც დედაკაცებს მამათა მონასტერში და არც მამაკაცებს დედათა მონასტერში ლამის გათევის უფლება არა აქვთ, იგივეა, რამაც VII მსოფლიო კრების მამები – მე-18 კანონის მისაღებად, რომლის მიხედვითაც დედაკაცებს მამათა მონასტერში ყოფნა ეკრძალებათ, და ასევე – მე-20 კანონისა, რომლითაც აკრძალეს „ორმაგი მონასტრები“; ზუსტად ამათ აღძრა პატრიარქი ნიკიფორე წინამდებარე (23-ე) კანონის გამოსაცემად.

კანონი 24

იღუმენმა არ უნდა მოხადოს მოწაფეს კუნკული და გააძეოს.

„მოწაფეში“ იგულისხმება ყველა მონოზონი, რომელიც თავისი მდგომარეობით იღუმენზეა დამოკიდებული და ამიტომაც მის მოწაფედ ითვლება. „კუნკული“ – ეს არის თავსაბურავი, რომლითაც ძველად ყველა მონოზონი იფარავდა თავს. თანამედროვე ჩვეულებრივი მონოზონისათვის კი (ვინც მცირე სქემშია) – „ვითარცა ჯაჭვ იგი სარწმუნოებისა“ (1 თესალონ. 5, 8); ამჟამად კუნკული ეძლევათ მხოლოდ დიდი და ანგელოზებრივი ხარისხის მონოზონებს (დიდი სქემა). „შეიმოსა იგი კუნკული უბოროტებისა“ – ვკითხულობთ დიდ და ანგელოზებრივ ხარისხში აყვანის წესში.

კანონი 25

ვინც წმინდა ხარისხი (სამონოზონო) დაუტევა და არ გამოსწორდა, ჭერქვეშ არ მიიღება, არც მოკითხვით („გახაროდენ“) შეიძლება მასთან შეხვედრა.

(მოც. 81, 83; IV მსოფ. 7; ნიკიფორე აღმსარებლის 35)

ამ კანონის საფუძველზე, მონოზონი, რომელიც მონოზონურ ცხოვრებას დაუტევებდა, საერთოდ უნდა მიეტოვებინათ ბედის ანაბარა და მონასტერში აღარასოდეს მიეღოთ. თუმცადა, ეს იქნებოდა ამავე პატრიარქის 35-ე კანონის საწინააღმდეგო, რომლის თანახმადაც, მონოზონი, რომელიც თავის ხარისხს დაუტევებს, ძალით უნდა იქნეს დაბრუნებული და ჩაკეტილი თავის მონასტერში. ჩვენ არ ვიცით, თუ რა საფუძველი არსებობდა ამ 25-ე კანონისათვის; უფრო მზად ვართ ვაღიაროთ იგი როგორც ინტერპილიაცია* და სწორედ იმიტომ, რომ წმინდა ნიკიფორეს მოხსენიებული 35-ე კანონის გარდა, ჩვენ სხვა კრებულში ვპოულობთ მის კანონს 91-ე ნომრით, რომლის მიხედვითაც „განდგომილი“ მონოზონი ძალით უნდა იქნეს დაბრუნებული მონასტერში, გადაეცეს ანათემას და იქ სამუდამოდ ჩაიკეტოს. ამავე აზრში გვამტკიცებს ისიც, რომ თავისი ხარისხიდან განდგომილ მონოზონს, რომელიც სამოქალაქო სამსახურში გადავა, IV მსოფლიო კრების მე-7 კანონი ანათემას გადასცემს. ასევე მკაცრად უდგება „განდგომილ“ მონოზონებს ბიზანტიური კანონმდებლობაც, რომლის განწესებანიც მიღებულია მართლმადიდებელი ეკლესიის საეკლესიო-იურიდიულ კრებულებში.

კანონი 26

ვინც ავად არის და სურს მიიღოს ნათლისღება ან წმინდა ხარისხი (სამონოზონო), მას მაშინვე უნდა მიეცეს რასაც ითხოვს და მადლის მოქმედებას ხელი არ შეეშალოს.

(ტიმოთე ალექსანდრიელის 4; ტრულ. 43; კართ. 45)

* ავტორისაგან დამოუკიდებელი შემდგომი ჩამატება, ყველაზე ხშირად გადაწერის დროს.

იმის შესახებ, რომ უნდა მოინათლოს ყოველი, ვისაც ამის სურვილი აქვს, ან ვისზედაც ნათესავეები ითხოვენ, — ლაპარაკობენ კართაგენის 45-ე და ტიმოთე ალექსანდრიელის მე-4 კანონები, რაც ზემოთ აღინიშნა. თავის მხრივ, ტრულის 43-ე კანონი განაწესებს, რომ მონოზონთა რიგებში მიღებულ უნდა იქნეს ყოველი, ვისაც ამის სურვილი აქვს, მიუხედავად მისი ადრინდელი ცხოვრებისა და თუ, რა თქმა უნდა, არ არსებობს რაიმე ხელის შემშლელი გარემოება. ხოლო, რაც შეეხება მონოზენად აღკვეცისას მიღებულ „მადლს“, რომელიც მოიხსენიება წინამდებარე (26-ე) კანონში, ის უნდა მოვიაზროთ როგორც საფუძველი (მონოზენური ცხოვრების არჩევისათვის), მოყვანილი მოხსენიებულ ტრულის კრების კანონში.

კანონი 27

მღვდელმონოზონს არა აქვს უფლება მანტიის გარეშე იმსახუროს.

მანტიას* იღებს თითოეული მონოზონი „მცირე სქემის წესის“ შესაბამისად და მას ამჟამად იცვამენ ყველა საეკლესიო მსახურებისას იმ მონასტრებში, სადაც კანონები მკაცრად არის დაცული.

კანონი 28

სულიერმა მოძღვარმა, რომელიც აღსარებას იბარებს (მონანულთაგან), ზიარებიდან უნდა განაყენოს ისინი, რომლებიც დაფარულ ცოდვებს აღიარებენ, მაგრამ არ უნდა დაუშალოს არც ეკლესიაში სიარული, არც ცოდვების გაცხადება, არამედ მშვიდად დამოძღვროს და აღძრას სინანულისა და ლოცვისათვის; ეპიტომიები დანიშნოს თითოეულის სულიერი მდგომარეობის შესაბამისად.

(*კართ. 132; ბასილი დიდის 34*)

წინამდებარე კანონში მეორდება განწესება მღვდლის მხრიდან აღსარების საიდუმლოს შენახვის თაობაზე, რაზედაც ჩვენ უკვე ვისაუბრეთ კართაგენის კრების 132-ე კანონის განმარტებაში, და რასაც განაწესებს ბასილი დიდი თავისი 34-ე კანონით; წმინდა ბასილი მიუთითებს, აგრეთვე, აღსარების გაცემის აკრძალვის მოტივსაც: „არ მიეცეთ მხილებულთ სასიკვდილო მიზეზი“.

კანონი 29

მემრუშენი და პირუტყვთან დაცემულნი, ისევე, როგორც კაცისმკვლელები და მათი მსგავსნი, თუკი საკუთარი განზრახვით აღიარებენ ცოდვებს, რომლებიც საჯაროდ არ გახმაურებულა, წმინდა ზიარებიდან უნდა გან-

* „მაზრა“ — სამონოზენო მანტია.

კანონდნენ და დაექვემდებარონ ეპიტიმისას, ტაძარში კი დარჩნენ მხოლოდ კათაკმეველთა შესახებ ლოცვამდე; ხოლო, იმ შემთხვევაში, თუ მათი ცოდვები გამოსაშკარავდა, ეპიტიმები უნდა შეასრულონ საეკლესიო განწყობების თანახმად.

(ბასილი დიდის 34, 56, 58, 63, 74)

როგორც წინამდებარე კანონიდან ჩანს, სულიერმა მოძღვარმა საიდუმლოდ უნდა შეინახოს მისთვის აღსარებაში გამხელები ცოდვა, რაღაც მძიმე დანაშაულის შემცველიც ის არ უნდა იყოს. ერთადერთი, რითაც გარეშე პირებმა შეიძლება დაასკვნან, რომ კონკრეტული პირის სინდისი ცოდვით არის დამძიმებული, ეს არის მისი განყენება წმინდა ზიარებიდან და ტაძრიდან დათხოვნა კათაკმეველებთან ერთად. ხოლო, რაც შეეხება მის მიერ კანონდარღვევას, ეს საიდუმლოდ რჩება და უნდა დარჩეს გარეშე პირთათვის.

კანონი 30

ერისკაცებს, რომლებიც საკუთარი სურვილით აღიარებენ ცოდვებს, სულიერი მოძღვარი მთელი გულისყურით უნდა მოეპყრას.

(I მსოფ. 12; ბასილი დიდის 74; ტრულ. 102)

ეს არის ბრძნული კანონიკური განწყობა. ერისკაცები, კლირიკოსებისაგან განსხვავებით, არ არიან სავალდებულო კანონებით შეკრულნი საეკლესიო მცნებებისა და, საერთოდ, ზნეობრივი განწყობების შესასრულებლად. მცნებებისა და ზნეობრივი განწყობების შესრულება მათ კეთილ ნებაზეა დამოკიდებული და ამიტომ ეკლესია მთელი ყურადღებით უნდა მოეპყრას მათ, როდესაც ისინი ეკლესიაში მოდიან იმის მოსაყოლად, რაც მათ სინდისს ამძიმებს და ებებენ სულიერ ნუგეშს. ამ საკითხთან დაკავშირებით განსაკუთრებით მნიშვნელოვანია I მსოფლიო კრების მე-12 კანონის განწყობა და ბასილი დიდის 74-ე კანონი, ასევე ტრულის 102-ე კანონი.

კანონი 31

ეპისკოპოსის ნებართვით* მღვდელსაც შეუძლია აღასრულოს სტავროპიგის წესი.

(მოც. 31; IV მსოფ. 18; ტრულ. 31)

აქ „სტავროპიგიაში“ უნდა ვიგულისხმოთ ჯვრის აღმართვა ეკლესიის საძირკვლის კურთხევისას, რაც შეიძლება მღვდელმაც აღასრულოს, ვის წარგ ზაენასაც მღვდელთმთავარი კეთილინებებს, – ნათქვამია დიდ კურთხევანში (თავ. 105).

*ლოცვა-კურთხევით.

კანონი 32

არ შეიძლება მეფახშისთვის წმინდა ზიარების მიცემა, ან მასთან ჭამა, ვიდრე ჯიუტად რჩება თავის ურჯულოებაში.

(მოც. 44; I მსოფ. 17; ტრულ. 10; ლაოდ. 4; კართ. 5, 16; ბასილი დიდის 14; გრიგოლ ნოსელის 6)

მეფახშეობა რომ ეკლესიის მიერ ყოველთვის მკაცრად განიკითხებოდა, ამის შესახებ მრავალი საეკლესიო და წმინდამამებისეული კანონები ლაპარაკობენ (იხ. პარალ. კანონები). ხოლო, თუ როგორ მკაცრად უყურებდა აღმოსავლური ეკლესია IX საუკუნეში ამ დანაშაულს მეფახშეობაში მხილებულ ერისკაცთა შემთხვევაშიც, ეს კარგად ჩანს წმინდა ნიკიფორეს წინამდებარე კანონიდან, რომელიც განაწესებს, რომ ერთგულ მორწმუნეებს მათთან პირად ცხოვრებაშიც კი არ უნდა პქონდეთ რაიმე ურთიერთობა.

კანონი 33

მონოზენებმა უნდა იმარხულონ ყველიერის კვირაში ოთხშაბათსა და პარასკევს, პიველშეწირული ლიტურგიის დამთავრების შემდეგ კი შეუძლიათ იხმონ ყველი, – სადაც უნდა იმყოფებოდნენ, – იაკობის სწავლებისა და ტეტრადიტების მწვალებლობის უკუსაგდებად.

ტეტრადიტების შესახებ საუბარი იყო II მსოფლიო კრების მე-7 კანონის განმარტებაში. იაკობის სწავლების მიმდევრებში კი იგულისხმება იაკობიტები; ამ სახელით იწოდებიან მონოფიზიტები: კოპტები და სომეხები. ხოლო, ტეტრადიტებთან ერთად რომ სომეხი – იაკობიტებიც შერყენილად მსჯელობდნენ ყველის შესახებ, ამას გვეუბნება ტრულის 56-ე კანონი.

კანონი 34

იმ პირისგან, ვისაც სახლში ხარჭი უზის და არ სურს მისი გაშვება, და არც მღვდლისგან ითხოვს მისი თავისთან დატოვების კურთხევას, ეკლესიაში შესაწირის მიღება დაუშვებელია, რამეთუ თავისი საძაგელი საქმეებით იგი საღმრთო კანონებს შეურაცხყოფს.

(მოც. 17; ტრულ. 3; ბასილი დიდის 3)

IX საუკუნის მეორე ნახევრამდე ქორწინებითი კავშირის გარეშე თანაცხოვრება ჯერ კიდევ მოსათმენი იყო ბიზანტიის იმპერიაში. მხოლოდ აღნიშნულ პერიოდში გამოსცა ბასილი მაკედონელმა განწესება, რომლის თანხმაც, ვერაინ იყოლიებდა ხარჭას – ან უნდა დაქორწინებულყო მასზე, ან არადა, სახლიდან გაეშვა. ამ (34-ე) კანონიდან შეიძლება დავასკნათ, რომ ეკლესია IX საუკუნის დასაწყისში ჯერ კიდევ ითმენდა უკანონო თანაცხოვრებას და მხოლოდ იმას ითხოვდა, რომ აღებულ პირს მიემართა მღვდლისთვის ლოცვისა და კურთხევის მისაღებად

ასეთი თანაცხოვრების გასაგრძელებლად. თუმცაღა, წინამდებარე კანონმა აღნიშნული დროის (IX საუკ.) შემდეგ ყოველგვარი მნიშვნელობა დაკარგა.

კანონი 35

მონოზონი, რომელიც წმინდა ხარისხს დაუტევებს, ხორცის ჭამას დაიწყებს, ცოლს მოიყვანს და უკან დაბრუნებაზე საბოლოოდ უარს იტყვის, ანათემას უნდა გადასცენ, ძალით ჩააცვან მონოზონის შესამოსელი და მონასტერში დაამწყვდიონ.

(მოც. 81, 83; IV მსოფ. 7, 16; VII მსოფ. 10; კართ. 16; ორგ. 11)

წინამდებარე კანონი ჩვენ ვახსენებთ ამავე პატრიარქის, წმინდა ნიკიფორეს 25-ე კანონის განმარტებაში. ვფიქრობთ, რომ ამ (35-ე) კანონს ახლაც უნდა ჰქონდეს სრული ძალმოსილება.

კანონი 36

ვინც ერთხელ ისიძვა, მისი ხელდასხმა არ შეიძლება, თუნდაც მას დაეტევებინოს ეს ცოდვა, რამეთუ ბასილი დიდი ამბობს, ასეთმა მკედარიც რომ აღადგინოს, მაინც ნუ იქნება მღვდელმსახური.

(მოც. 18, 61; ტრულ. 3, 26; ბასილი დიდის 3; ნიკიფორე აღმსარებლის 7)

თავის მე-7 კანონში წმინდა ნიკიფორე განაწესებს, რომ ვინც დიდხანს ეწეოდა გარყენილ ცხოვრებას, არ შეიძლება ხელდასხმულ იქნეს. ამ (36-ე) კანონში კი იგი შეგვახსენებს, რომ არ შეიძლება არც ისეთი პირის ხელდასხმა, ვინც თუნდაც ერთხელ ისიძვა; ამასთან, ეყრდნობა ბასილი დიდის სიტყვებს, თუ რატომ არ შეიძლება აღნიშნული პირის მღვდლობა.

კანონი 37

მოციქული იტყვის: „უკუეთუ ვინმე ძმამ სახელ-დებულ იყოს მეძაგ... ესეთთარისა მის თანა არცაღა ჭამად“ (1 კორ. 5, 11). ასეთი მეძაგში უნდა ვიგულისხმოთ არა ის პირები, რომლებიც ვინმეს მიერ მხილებულნი არიან მეძაგეობაში, არამედ პირები, რომლებსაც ასე უწოდებენ და ყველასათვის გაცხადებულნი არიან, რამეთუ ცოდვები, რომლებიც უსირცხვილოდ აღესრულება, გაცილებით მეტ სასჯელს იმსახურებს.

(მოც. 25; ნეოკეს. 1; ბასილი დიდის 3, 32, 59, 70; გრიგოლ ნოსელის 4)

წინამდებარე კანონში წმინდა ნიკიფორე განმარტავს პავლე მოციქულის სიტყვებს 1 ეპისტოლეიდან კორინთელთა მიმართ (5, 11) და შენიშნავს, რომ ეს სიტყვები აღნიშნავს იმას, რომ კონკრეტული პირის მეძაგეობა ყველასათვის და თითოეულისთვის ეჭვშეუარებელად უნდა იყოს ცნობილი, და მხოლოდ ასეთ შემთხვევაში, – თანახმად მისივე 36-ე კანონისა, – იგი აღარ მიიღება სამღვდელო დასში.

კანონი 38

როდესაც დედაკაცი შობს, და ჩვილს სამი ან ხუთი დღის შემდეგ საშიშროება დაემუქრება, იგი სასწრაფოდ (მაშინვე) უნდა მოინათლოს და გამოსაკვებად სხვა დედაკაცს გადაეცეს – მონათლულსა და წმინდას. დედამისი კი არ შევიდეს ოთახში, სადაც ის იმყოფება, არ შეეხოს მას, ვიდრე ორმოცი დღე არ შეუსრულდება, ვიდრე საეცებით არ განიწმინდება და არ მიიღებს მღვდლისგან ლოცვებს.

(დიონისე ალექსანდრიელის 2; ტიმოთე ალექსანდრიელის 7)

კანონი 39

აუცილებელი საჭიროების ან იძულების გარეშე, კვირა დღეებში არ არის მართებული მოგზაურობა.

ეს და შემდეგი ექვსი კანონი (45-ის ჩათვლით) აღებულია წმინდა ნიკიფორეს კანონიკურ განწესებათა სხვა კრებულიდან.

კანონი 40

არ არის შესაწყნარებელი პავლეს აპოკალიფსისი, ასევე წიგნები: ვრონტოლოგია, სელინოდრომია და კალანდოლოგია, რამეთუ ყველა ეს უწმინდურია. (მოც. 60; ტრულ. 63; VII მსოფ. 9; ლაოდ. 59)

ახალალექმისეულ მრავალ აპოკრიფთა შორის გვხვდებოდა პავლეს აპოკალიფსისიც. იგი შედგენილი იყო უფრო გვიანდელ დროში პავლე მოციქულის სიტყვებზე 2 ეპისტოლეიდან კორინთელთა მიმართ (12, 1 და შემდეგ): „მოვიდე ხილვასა და გამოცხადებასა უფლისასა...“ ვრონტოლოგია – ეს არის წიგნი, რომელიც ქუხილის შესახებ მსჯელობს, სელინოდრომია – მთვარის, კალანდოლოგია კი – მომავალი წლის მოვლენებზე.

კანონი 41

არ არის შესაწყნარებელი აპოკალიფსისი ეზდრასი და ზოსიმესი, ორი აღწერა: წმინდა გიორგის მოწამეობისა და წმინდა მოწამეთა კვირიკესი და ივლიტასი, და მარკოზისა და დიადოხოს წიგნი, რამეთუ ესენი, ყველა, უარყოფილია და მიუღებელი.

(მოც. 60; ტრულ. 63; VII მსოფ. 9; ლაოდ. 59)

*იხ. ტ. I, მოციქულთა მე-60 კან. განმარტება.

კანონი 42

დაუშვებელია მუშაობა მთელი ბრწყინვალე შეიდეულის განმავლობაში, ასევე, საგალობლის: „უბიწონი“ (ფსალ. 118, 1) აღვლენა ბრწყინვალე შეიდეულის შაბათს, და ხუთშაბათის დღესასწაულობა.

(მოც. 66; ლაოდ. 29; თეოფილე ალექსანდრიელის 1)

კანონი 43

ვინც სცემს და განზრახ მოკლავს მშობელ მამას, ექვემდებარება მკვლელის სასჯელს – ოცდათხუთმეტწლიან ეპიტიმიას.

(მოც. 65; ანკვირ. 22; ბასილი დიდის 43, 56; გრიგოლ ნოსელის 5)

კანონებში არ არის საუბარი საგანგებოდ საკუთარი მამის მკვლელობის დანაშაულის შესახებ. დამნაშავეს, ასეთი დანაშაულისათვის, რომის სამართლის თანახმად, ცოცხალ გველთან ან ძაღლთან ერთად კრავდნენ და ზღვაში ან მდინარეში აგდებდნენ. ამდენად, საეკლესიო კანონმდებლობა არ საჭიროებდა რაიმე განსაკუთრებული განწესების გამოცემას ამასთან დაკავშირებით. იმ შემთხვევაში კი, თუ მამისმკვლეელი ეკლესიაში დაიწყოება თავშესაფრის ძებნას, და თუ ეკლესია იძულებული ხდებოდა გაესამართლებინა იგი, მაშინ, წმინდა ნიკიფორეს წინამდებარე კანონის თანხმად, დამნაშავე ისჯებოდა ოცდათხუთმეტწლიანი განკანონებით.

კანონი 44

აუცილებლობის შემთხვევაში უბრალო მონოზონსაც შეუძლია მონათლოს, ზუსტად ისე, როგორც საჭიროების დროს ნათლავს დიაკონი.

(მოც. 49, 50)

ნათლისღების საიდუმლოს აღსრულება ხელეწიფება ეპისკოპოსს ან მღვდელს; ამის შესახებ საუბარი გვქონდა მოციქულთა 49-ე კანონის განმარტებაში. წინამდებარე კანონში წმინდა ნიკიფორე ამბობს, რომ საჭიროების შემთხვევაში, დიაკონს და ასევე უბრალო მონოზონსაც შეუძლია ნათლისღების საიდუმლოს აღსრულება. ჩვენ კი, იმასთან დამატებით, რაც ვთქვით მოხსენიებული მოციქულთა კანონის განმარტებაში, დავსძენთ, რომ აუცილებლობის შემთხვევაში ნათლისღების საიდუმლოს აღსრულება შეუძლია თითოეულ ერისკაცს და ქალსაც კი.

კანონი 45

თუ რომელიმე ადგილას შეუძლებელი იქნება მღვდლის მოძიება, მაშინ მოუნათლავი ჩვილების მონათვლა შეუძლია ნებისმიერს, ვინც იქვე, ადგილზე აღმოჩნდება. არ არის ცოდვა: მონათლავს მშობელი მამა თუ სხვა ვინმე, მთავარია ქრისტიანი იყოს.

(მოც. 49, 50)

წინამდებარე კანონი არის დამატება წმინდა ნიკიფორეს 44-ე კანონზე. ამასთან, ის ამტკიცებს ჩვენ მიერ მოციქულთა 49-ე კანონის განმარტებაში ნათქვამს იმის შესახებ, თუ ვის შეუძლია, – მწვავე საჭიროების შემთხვევაში, – მონათლოს ჩვილი, როდესაც ადგილზე მღვდელი არ არის.

კანონი 46

მწვალებლების მიერ დაარსებულ ეკლესიაში შეიძლება შესვლა მხოლოდ საჭიროების გამო, როგორც უბრალო სახლში; ხოლო თუ ჯვარი შუაგულში დაიდგმება, იქ უკვე გალობაც შეიძლება. თუმცა, ამასთან, დაუშვებელია საკურთხეველში შესვლა, კმევა, ლოცვა, კანდელის ან სანთლების ანთება.

(მოც. 10, 11, 45, 46, 64; I მსოფ. 19; II მსოფ. 7; III მსოფ. 2, 4; ტრულ. 11, 95; ლაოდ. 6, 7, 8, 10, 14, 31, 32, 33, 34, 37; ბასილი დიდის 1, 47; ტიმოთე ალექსანდრიელის 9)

კანონი 47

არ არის მართებული ისეთ მღვდელთან ზიარება, რომელიც არ მარხულობს ოთხშაბათსა და პარასკეეს, თუნდაც ის მართლმადიდებელის შთაბეჭდილებას ტოვებდეს, რამეთუ ერთ საკითხში კეთილმსახური იყო, მეორეში კი იბილწებოდე – არ არის წმინდა საქმე.

(მოც. 69; ტრულ. 29, 56, 89; ღანგ. 19; ლაოდ. 49, 50, 51, 52; დიონისე ალექსანდრიელის 1; პეტრე ალექსანდრიელის 15; ტიმოთე ალექსანდრიელის 8, 10)

კანონი 48

მონოზენებს, რომლებიც წმინდა დიდმარხვაში სამუშაოს ასრულებენ, შეუძლიათ მცირეოდენი პური იხმიონ მეცხრე ჟამზე, საღამოს კი ივანშმონ.

წინამდებარე კანონით წმინდა ნიკიფორე ავებს თავისი მე-20 კანონის განწესებას წმინდა მოციქულების* და შობის მარხვების შესახებ.

კანონი 49

თუ ისე მოხდა, რომ რომელიმე ადგილას მღვდელიც, დიაკონიც და წიგნის მკითხველიც განკვეთის ქვეშ მოპყვენენ, ადგილზე კი მონოზონი აღმოჩნდება, დაე, მან აკურთხოს ტრაპეზი.

(მოც. 28; I მსოფ. 5; II მსოფ. 6; IV მსოფ. 29; სარდ. 14; ანტიოქ. 4, 12, 15; კართ. 29, 65; ბასილი დიდის 88)

*პეტრე-პავლობის.

აქ იკვლისხმება მონოზონი, რომელსაც არ გააჩნია რაიმე იერარქიული ხარისხი. კანონების თანახმად, ასეთ მონოზონს კურთხევის უფლება არა აქვს, ისევე, როგორც ამის უფლება არა აქვთ არც დიაკონს და არც წიგნის მკითხველს, რომლებსაც კანონი მოიხსენიებს. ამიტომ, როდესაც აქ ნათქვამია, რომ მონოზონი აკურთხებს, უნდა მოვიანოთ, რომ საუბარია ტრაპეზისწინა ლოცვაზე, რომლის წაკითხვის უფლება კეთილმსახურ ერისკაცსაც აქვს და, მით უმეტეს იმას, ვინც ღირსიქმნა წმინდა სამონოზვნო წესისა ეკლესიის ლოცვა-კურთხევის გზით.

ეს ბოლო ოთხი კანონი (46-49) აღებულია წმინდა ნიკიფორეს მეორე კრებულ-იდან, სადაც, თუკი „ათენის სინტაგმაში“ ზოგიერთი მათგანის ნუმერაციით ვიმსჯელებთ, მათი რიცხოვნობა გაცილებით მეტი იყო (ყოველ შემთხვევაში არანაკლებ 66-სა), თუმცა ისინი მთელი თავისი შემადგენლობით ჯერ არ დაბეჭდილა.*

„ათენის სინტაგმაში“ ზემომოყვანილ კანონებს მოსდევს წმინდა ნიკიფორეს ეპისტოლე 17 პასუხით, რომლის სათაურიც ზემოთ არის მოყვანილი (იხ. 288 გვ.) ძველი დროის მწერლები ამ ეპისტოლეს პატრიარქ ნიკიფორეს მიაწერდნენ. უნდა ვივარაუდოთ, რომ ასეთად, დედნად, მიიჩნევდნენ მას „ათენის სინტაგმის“ გამომცემლებიც, რადგან არავითარი შენიშვნა არ გაუკეთებიათ მის წარმომავლობაზე. თუმცაღა, დამტკიცებულია, რომ აღნიშნული ეპისტოლე ეკუთვნის არა პატრიარქ ნიკიფორეს, არამედ მის თანამედროვე თეოდორე სტუდიელს († 826). ამიტომაც მოგვყავს ჩვენ აქ ამ ეპისტოლეს თარგმანი ცალკე და სხვა სახით, ვიდრე წმინდა მამების სხვა ნამდვილი კანონები.

„ათენის სინტაგმაში“ არ არის ნათქვამი, თუ ვის მიემართება წინამდებარე ეპისტოლე, მაგრამ ეს ნათქვამია მინას (Migne) გამოცემაში, სადაც ის დაბეჭდილია ნომრით: CCXVI, კერძოდ – მონოზონ მეთოდეს. ეს უნდა გავითვალისწინოთ; წინააღმდეგ შემთხვევაში ეპისტოლეს დასაწყისი და დაბოლოება გაუგებარი დარჩებოდა.

გთავაზობთ წმინდა თეოდორე სტუდიელის ამ ეპისტოლეს მონოზონ მეთოდეს მიმართ.**

რაოდენ შენს ღირსებას სურს იხილოს ჩვენი სიმდაბლე, იმდენად, დარწმუნებულ იყავ, ჩვენც გვსურს პირისპირ საუბარი, მაგრამ რადგანც წერია: „*არცა რომელსა-იგი უნებს, არცა რომელი-იგი რბის, არამედ რომელი ეწყალის ღმერთსა*“ (რომ. 9, 16), ამიტომ მას დაეუთმეთ ეს სურვილი და მას მივანდოთ საზრუნავი, და იგი ყოს, როცა ინებებს „*ნებაჲ მოშიშთა მისთაჲ*“ (ფსალ. 144, 19). ახლა კი სათანადოდ უნდა ვუპასუხო შენი კეთილმსახურების მეშვეობით ჩვენი სულიერი ძმების, ილარიონისა და ევსტრატეს მიერ შემოთავაზებულ კითხვებს. ხოლო, იმისათვის, რომ ნათქვამი ადვილად გასაგები იყოს, პასუხსაც თითოეულ შემოთავაზებულ კითხვასთან განვათავებ.

*ათენის სინტაგმა, IV, 43.

**შემოთავაზებული რუსული თარგმანი დამოწმებულია სანკტ-პეტერბურგის სასულიერო აკადემიის გამოცემიდან „Творения преподобного Феодора Студита в русском переводе“ (1908), ტ. II, გვ. 622-627, ზოგიერთი შენიშვნებითა და უმნიშვნელო ცვლილებებით „ათენის სინტაგმის“ ტექსტთან მიმართებით. (რუსული გამოც. რედ.)

კითხვა 1. მღვდლების შესახებ, ხელდასხმულთა რომში, ნეაპოლსა და ლანგობარდიაში, მსახურების ადგილის განწესების გარეშე და მერე გაშეებულთა ნებისმიერ ადგილზე მსახურებისათვის: უნდა მივიღოთ თუ არა ესევეთარნი და ვიქონიოთ მათთან ერთობა – ერთად ვიტრაპეზოთ და ერთად ვილოცოთ?

პასუხი. მწვალებლობის პერიოდში, აუცილებლობიდან გამომდინარე, ყველაფერი არ აღესრულება ზუსტად იმ კანონების მიხედვით, რომლებიც მშვიდობის დროს არის დადგენილი. ჩვენ ვხედავთ, რომ ასე მოქმედებდნენ ნეტარი ათანასეც და უწმინდესი ეგსებიც, რომლებიც კანდიდატებზე ხელდასხმას ახორციელებდნენ არა საკუთარ სამთავროში. ახლაც, ვხედავთ, ამჟამინდელი ერესის პირობებშიც იგივე ხდება. ამდენად, თუ მოხსენიებულნი აშკარად განსჯილნი არ არიან, სრულებით დაუშვებელია მათი უარყოფა იმ მიზეზით, რომ ამგვარად არიან ხელდასხმულნი; ისინი უნდა მიიღებოდნენ ოთხი პირობის დაცვით.

კითხვა 2. მღვდლების შესახებ, ხელდასხმულთა სიცილიაში სხვის სამთავროში: უნდა მივიღოთ თუ არა ესეითარნი?

პასუხი. ეს კითხვა წინას მსგავსია, თუმცა განსხვავდება მისგან ადგილთან მიმართებით. ცხადია, რომ მას ისეთივე პასუხი ექნება.

კითხვა 3. ეკლესიების შესახებ, რომლებიც მღვდლებმა წაბილწეს მწვალებლობასთან ზიარებით და ახლა მათვე უპყრიათ: შეიძლება თუ არა იქ შესვლა ლოცვისა და ფსალმუნთაგლობისათვის?

პასუხი. აღნიშნული მიზნით ასეთ ეკლესიებში შესვლა ყოველად დაუშვებელია, რამეთუ წერილ არს: „აპა ესერა, დაეტოს თქუენგან სახლი თქუენი ოკრად“ (მთ. 23, 38). ჭეშმარიტად, როგორც კი შემოვიდა მწვალებლობა, მფარველმა ანგელოზმა მყისიერად დატოვა იქაურობა, როგორც ამას ბასილი დიდი იტყვის* და ასეთი ტაძარი ჩვეულებრივ სახლად იქცა. „მოვიძულე – ამბობს ფსალმუნთმგალობელი – კრებული უკეთურთა“ (ფსალ. (25, 5), და მოციქულიც ამბობს: „რამ სწორება არს ტაძრისა ღმრთისა კერძთა თანა?“ (2 კორ. 6, 16).

კითხვა 4. ეკლესიების შესახებ, წაბილწულთა იმავე მღვდლების მიერ, მაგრამ რომელნიც მათ არ უპყრიათ: შეიძლება თუ არა მათში გალობა და ლოცვა?

პასუხი. შეიძლება ასეთ ეკლესიებში შესვლა საგალობლად და სალოცავად, თუკი, მხოლოდ, ის აღარ იქნება მწვალებლების მიერ შებღალული, არამედ მართლმადიდებლები დაიკავებენ სამუდამოდ. თუმცა, ასეთი შემთხვევისათვის განწესებულია, რომ ეკლესიის ამოქმედება მოხდეს შეურყენელი ეპისკოპოსის ან მღვდლის მიერ, შესაბამისი ლოცვის წარმოთქმით. თუ ეს გაკეთდება, მაშინ იქ ჟამისწირვის აღსრულებაც არ არის აკრძალული. ამის თვალსაჩინო მაგალითს წარმოადგენს ჩვენთვის ათანასე დიდი: როდესაც მისგან იმპერატორმა კონსტანტინოსმა ერთი წყალობა ითხოვა, – არიანელებისათვის შესაკრებად აღექსანდრიის ერთი-ერთი ტაძარი დაეთმო, – მას უარი არ უთქვამს იმ პირობით, თუ თავადაც მიიღებდა

მსგავს წყალობას, ანუ თუ კონსტანტინოპოლში მართლმადიდებლებს შეეძლებოდათ არიანელების მიერ დაკავებულ ერთ რომელიმე ტაძარში შეკრება.

კითხვა 5. წმინდანთა წმინდა ნაწილების შესახებ: შეიძლება თუ არა მათ განსასვენებელში (აკლდამაში) შესვლა, ლოცვა და თაყვანისცემა, თუკი ეს განსასვენებლები უწმინდურ მღვდლებს უკავიათ?

პასუხი. კანონი უფლებას არ იძლევა ასეთ განსასვენებლებში შესვლას ზემომოყვანილი მიზნით, რამეთუ წერილ არს: „**რამდათჳს აზნაურებაა ჩემი განიკთხვის სხჳსა იჭჳსაგან?**“ (1 კორ. 10, 29); – მხოლოდ აუცილებლობიდან გამომდინარე შეიძლება შესვლა, მხოლოდ წმინდანთა წმინდა ნაწილების სათაყვანებლად.

კითხვა 6. უწმინდურ მღვდელთა მიერ მონოზენად აღკვეცილთა შესახებ: რაგვარად უნდა მიიღებოდნენ ესევეთარნი?

პასუხი. ისინი უნდა მიიღოთ მას შემდეგ, რაც აღიარებენ, რომ შესცოდეს და გარკვეულ ხანს ეპიტიმის ქვეშ დაჰყოფენ; ხოლო, შემდგომ ამისა, დაიბეჭდებიან (აღიკვეციებიან) შეურყენელი მღვდლის მიერ.

კითხვა 7. ხელისმომწერთა და იმავე მწვალებლობასთან თანაზიარქნილ მონოზონთა და კლერიკოსთა შესახებ: რაგვარად მიიღებიან ესევეთარნი, ეპიტიმით თუ მის გარეშე? თუკი ისინი აღთქმას დებენ, რომ აწ აღარ იმღვდელმსახურებენ, შეგვიძლია თუ არა მანც დავადოთ მათ ეპიტიმია?

პასუხი. ცხადია, რომ სათანადო ეპიტიმეებით, რამეთუ სინანულის ნაყოფის გამოუღებლად როგორღა შეიქმნებიან მართლმადიდებლურ სხეულთან შეერთების ღირსნი? ასეთებისათვის ეპიტიმეების დაწესება ჩვენთვისაც არ არის საძრახისი, რამეთუ წერილ არს: „**ურთიერთარს სიმძიმე იტკრთეთ და ესრეთ აღასრულეთ შჯული იგი ქრისტესი**“ (გალ. 6, 2).

კითხვა 8. მონოზენების შესახებ, რომელნიც განურჩევლად იქცევიან ყველა შემხვედრთან, ლოცულობენ და ჭამენ მათთან ერთად: შეიძლება თუ არა ესევეთართა დაშვება საერთო ტრაპეზსა და ფსალმუნთგალობაზე?

პასუხი. როდესაც მოციქული გამცნობთ „**განშორებად თქვენდა ყოლისავე მისგან ძმისა, რომელი უწესოდ ვიდოდის, და არა მოძღურებისა მისებრ, რომელი ისწავა ჩუენგან**“ (2 თესალ. 3, 6), – რატომ თავადვე ვერ სჯით კეთილგონიერულად? ამდენად, თუკი ისინი განეკრძალებიან ცოდვით ჩვევებს და შესაბამის ეპიტიმეებს მოიხდიან, მაშინ შეიძლება მიღება. თუმცა, საჭიროა გამოიკლიოთ, ვინ არიან ისინი, ვისაც თქვენ „ყველა შემხვედრს“ უწოდებთ – მწვალებლები არიან თუ აშკარა გასაკიცხნი თავიანთი ცხოვრებით? ესევეთართა შესახებ ამბობს მოციქული: „**უკუეთუ ვინმე ძმაა სახელ-დებულ იყოს შეძავ ანუ ანგაპრ, გინა კერპთ-მსახურ, და მისთ., ესევეთარისა მის თანა არცაღა ჭამად**“ (1 კორ. 5, 11).

კითხვა 9. მღვდლების შესახებ, რომლებსაც მწვალებლებთან ერთად მიუღიათ სატემელი ერთხელ ან ორჯერ, მაგრამ მათთან ერთობაში არ შესულან, ან ხელი არ მოუწერიათ, ან არ უმსახურიოთ ერთად: შეიძლება თუ არა ესევეთართა დაშვება საერთო ტრაპეზსა და ფსალმუნთგალობებზე, ბეჭდით (კუროთხევით) თუ მის გარეშე?

პასუხი. ასეთების მიმართ გამოკვლეულ უნდა იქნეს: აღნიშნულმა მღვდლებმა სატემელი ჭამის მწვალებელ მღვდლებთან თუ მწვალებელ ერისკაცებთან, და ცნობილ მწვალებლებთან თუ მართლმადიდებლურად მოაზროვნე, მაგრამ, იმავდროულად, მწვალებლებთან ურთიერთობის მქონე პირებთან? თუ მღვდლებთან ჰქონდათ აღნიშნული კავშირი, მაშინ მსჯავრი გაცდლებით მკაცრია. თუმცა, როგორც ერთ, ისე მეორე შემთხვევაშიც, სათანადო სინანულის პირობებში, შეიძლება მათი დაშვება სატემელზეც, ლოცვაზეც და ბეჭდითაც.

კითხვა 10. ერისკაცთა შესახებ, რომლებმაც მწვალებლობას მოაწერეს ხელი და მასთან თანაზიარება აქვთ: შეუძლიათ თუ არა ასეთ ერისკაცებთან მართლმადიდებელ ერისკაცებს სატემელის მიღება?

პასუხი. განურჩევლობა ბოროტების მიზეზია. „*შორის წმიდისა და ბილწისა არ განარჩევდეს*“, ნათქვამია წმინდა წერილში (ეზეკ. 22, 26). ამიტომ, თუკი მართლმადიდებლებს მოშურნეობა აქვთ, მათ არ უნდა დაუშვან ერთად ჭამა, სანამ ისინი წინასწარ არ დაექვემდებარებიან ეპიტომიებს უწმინდური ხელმოწერისათვის და ვიდრე უარს არ იტყვიან მწვალებლებთან ურთიერთობაზე. მაგრამ, რადგანაც, ზოგიერთი იბილწება მწვალებელთან ურთიერთობით შეჭირვებულ ვითარებაში, – გაურბის რა საშიშროებას, – ამიტომ შეიძლება მათი დაშვება სატემელის ერთად მიღებამდე, თუკი აღიარებენ, რომ ამას შემთხვევით აკეთებდნენ და ამჯერად ინანიებენ. თუმცა, მაშინაც არა განურჩევლად, არამედ ზოგიერთებთან, შესაბამისი პირობების დაცვით, რათა ეს დაშვება სარგებელის მომგანი იყოს როგორც ერთთა, ისე მეორეთათვის, და არა – სულის დამაზიანებელი.

კითხვა 11. ნათლისღების მსურველთათვის, როდესაც ვერ მოიძებნება მართლმადიდებელი მღვდელი ან ვინმე უმწიკვლო: შეიძლება თუ არა ისინი მონიათლონ მწვალებლებთან თანაზიარი მღვდლებისგან, ან ისეთებისგან, რომელთა შესახებაც არ ყოფილა ნაუწყები, განსაკუთრებით, როცა სიკვდილის საშიშროება დგას?

პასუხი. ამასთან დაკავშირებით, აღმსარებლების, იერარქებისა და იღუმენების მიერ ასეთი წესისა გაცხადებული: მღვდლებს, რომლებიც მღვდელმსახურებიდან დაყენებულნი არიან მწვალებლებთან თანაზიარებისათვის, იმ შემთხვევაში, როდესაც ადგილზე არ იმყოფება შეურყვნელი მღვდელი, ნება ეძლევათ ჩაატარონ ნათლობა და გადასცენ წმინდა საიდუმლო, რომელიც მანამდე ნაკურთხი იქნება უდანაშაულო მღვდლის მიერ; ასევე, აღკვეცოს მონოზენის ხარისხში, წაიკითხოს ლოცვები დაკრძალვაზე, ცისკარზე და შეასრულოს ღმრთისგანცხადების წყალკურთხევა, – შეჭირვებული გარემოებების გამო (როგორც ნათქვამია), – რათა ერი სრულიად არ მოსწყდეს სახარების მოსმენას და გაუნათლებელი არ დარჩეს. თუ თქვენ მოგწონთ, დაე, დაცულ იქნეს ეს წესი მაქაურ ადგილებშიც.

კითხვა 12. განდგომილთა და მერმედ სინანულით მოქცეულებთან დაკავშირებით: შეგვიძლია თუ არა ესევეთარებს ეპიტიმები დავადოთ, თუ პირდაპირ შევიწყნაროთ?

პასუხი. ზემოთ გადმოცემულში უკვე განმარტებულია, თუ რისი დადება შეიძლება; ზედმეტია ორჯერ ერთი და იგივეს გამეორება.

კითხვა 13. თუ ეპისტოპოსი დანაშაულს ჩაიდენს და კრება განკვეთს, ხოლო შემდეგ, უკვე განკვეთილი, ვინმეს მღვდლად აკურთხებს და ეს მღვდელი მოვა რა მონასტერში, დროებით ეპიტიმას მიიღებს თავისი ილუმენისგან, რის შემდეგაც მღვდელმოქმედებას შეუდგება, ასეთ ვითარებაში, გვსურს ვიცოდეთ, უნდა მივიღოთ თუ არა ეს მღვდელი, თუკი ის უდანაშაულოა?

პასუხი. რადგან აქ აშკარა უაზრობას აქვს ადგილი, ამიტომ თქვენ არც გმართებდათ გეკითხათ ასეთი დანაშაულის შესახებ. რამეთუ უფალმა თქვა: „არა არს... ხე ხენეში, რომელმან ყვის ნაყოფი კეთილი“ (ლკ. 6, 43). ამიტომ, ასეთი, თუნდაც რომელიმე წმინდანისგან, არამცთუ თავისი ილუმენისგან მიეღოს ეპიტიმია, მღვდელმსახურებაზე არ დაიშვება; იგი მღვდელი არ არის და მისი გამხსნელი წმინდანი არ არის. ასეთი გზით თუ ვიარეთ, დაემხოება და მოისპობა ყველა კანონიკური განწყება.

კითხვა 14. მღვდლების შესახებ, რომლებიც მართლმადიდებლების მიერ არიან ხელდასხმულნი, არ მოუწერიათ ხელი (მწვალებლობაზე) და არც თანაზიარება ჰქონიათ, მაგრამ მხოლოდ მიტროპოლიტ კონსტანტინესთან ერთად მიუღიათ საჭმელი.

პასუხი. ზემოთქმულში შემოთავაზებულია მსჯელობა ამის შესახებ. ამრიგად, კონსტანტინესთან ექნება ადგილი ამ საჭმელის ჭამას თუ სხვა ვინმე ურწმუნოსთან, მის მჭამელს, – სათანადო მონანიების შემდეგ, – ეხსნება დანაშაული არა მხოლოდ იმისთვის, რომ შეურყენლებთან ერთად შეეძლოს ჭამა, არამედ მღვდელმოქმედებაც აღასრულოს, რომლის ღირსიც იქმნა ის თავის დროზე. რაც შეეხება ეპიტიმის ზომებს, ცალსახად მისი განსაზღვრა შეუძლებელია, – ეს დამოკიდებულია კონკრეტული პირის თვისებებსა და ზნეობის ხარისხზე; ყოველ შემთხვევაში, საკმარისია მისთვის ეპიტიმის დანიშვნა ორი ან სამი ორმოცეულის განმავლობაში.*

კითხვა 15. მღვდლების შესახებ, ასევე, მართლმადიდებლების მიერ ხელდასხმულთა და უმეცრებით იმ მღვდლებთან ერთად მჭამელთა შესახებ, რომლებმაც იმავე მიტროპოლიტთან ერთად ჭამეს.

პასუხი. წერია, რომ უმეცრებით ჩადენილი ყოველი ცოდვა განიწმინდება (შდრ. ლევიტ. 4, 2). ამდენად, ისინი არავითარ ეპიტიმას არ იმსახურებენ.

კითხვა 16. მართლმადიდებელი მღვდლების, სახელდობრ ილარიონ და ევსტრატე მონოზენების შესახებ: აქვთ თუ არა მათ ხელმწიფება ეპიტიმების დანიშვნისა?

*ოთხმოცი ან ას ოცი დღის ვადით.

პასუხი. ზემოთ ითქვა, რომ მათ შეუძლიათ ეპიტომიების დანიშვნა. მაგრამ, რადგან კითხვა გამოხატავს, შეუძლია თუ არა მღვდლობის ხარისხის არმქონეს ეს გააკეთოს მღვდლის არყოფნის მიზეზითა და მოახლეულის რწმენით, მაშინ გეტყვით, რომ კანონების საწინააღმდეგო არ იქნება უბრალო მონოზენისთვისაც ეპიტომიის დანიშვნა.

კითხვა 17. მონოზენის შესახებ, რომელმაც წმინდა ხარისხი უმეცრებით მიიღო განკვეთილი ეპისკოპოსის მიერ ხელდასმული მღვდლისგან.

პასუხი. სხვა ადგილას ნათქვამია, რომ ყოველი ცოდვა, უმეცრებით ჩადენილი, განიწმინდება. ამიტომ, არ უნდა განვერიდოთ საჭმლის მიღებას ასეთ პირთან და არც სხვა რამე ისეთს, რაც ხელს შეუწყობს ურთიერთანხმობასა და მეგობრობას.

ეს ჩვენ შეძლებისდაგვარად განგიმარტეთ შენ, როგორც ერთსულოვანსა და თანამოღვაწეს ჩვენსას. „*არა ყოველთა არს სარწმუნოებაჲ*“ (2 თესალ. 3, 2), და არა მრავალთათვის არს გადმოცემული ესე, არამხოლოდ ურჯულოთა უგუნურების გამო, არამედ, აგრეთვე, ხელისუფლებისგან მომდინარე მიზეზითაც. ესოდენ ბევრი და მშვენიერი ამანათისთვის, რომლებიც უკეთილმსახურესმა ადამიანებმა მოგვიძღვნეს, დაე, ღმერთისგან მიეღოთ მათ საზღაური. ეს ორი პატარი კალათა გეგზავნებათ მეგობრობის სამახსოვროდ. იყავთ ჯანსაღნი უფლისმიერ, დიდად პატივცემულნი, ჰყავთ ღოცვა და გამოითხოვეთ ჩვენ ცოდვილთათვისაც „*უმჯობესი და მახლობელი ცხორებისა*“ (ებრ. 6, 9).



ნიკოლოზის, კონსტანტინოპოლის პატრიარქის კანონები

კანონი 1

კითხვა. შეუძლია თუ არა მონოზონს შევიდეს წმინდა საკურთხველში, რამეთუ ამას კრძალავს ტრულის წმინდა კრების 33-ე კანონი, რომელიც უფლებას არ აძლევს მკითხველად დაუდგინებელ მონოზონს ამბიონიდან იგალობოს და იკითხოს. ამას კრძალავს, ასევე, ლაოდიკიის კრების მე-15 და 21-ე და მეორე ნიკეის კრების მე-14 კანონები?

პასუხი. დაუდგინებელ მონოზონს ეკრძალება ამბიონზე შეასრულოს მკითხველის მოვალეობანი; თუმცადა, მონოზენური წესისადმი პატივისცემის ნიშნად, არა მგონია, რომ მონოზონს, რომელიც ყოველგვარი დანაშაულისაგან თავისუფლია, ეკრძალებოდეს საკურთხველში შესვლა სანთელისა და კანდელის ასანთებად.

(მოც. 33, 69; VII მსოფ. 14; ლაოდ. 15, 19, 21, 44)

როგორც ყველა სხვა, ისე პატრიარქ ნიკოლოზის წინამდებარე კანონებს ჩვენ ვთარგმნით „ათენის სინტაგმიდან“. აღნიშნულ კრებულში წინამდებარე კანონები ანუ კანონიკური პასუხები მოყვანილია სხვა რედაქციით, ვიდრე დანარჩენ კრებულებში; ნაკლებია რიცხოვნობითაც. შესაძლებელია, რომ უფრო ზუსტი რაოდენობა (17) პატრიარქ ნიკოლოზის ამ პასუხებისა, შესული იყოს გედრონის „კანონიკურ დადგენილებებში“, რასაც შეესაბამება მათი რიცხვი ჩვენს „კორმჩაიაშიც“ (თუმცა, არა თვით პასუხების რედაქციით). ჩვენ უფრო საფუძვლიანად მივიჩნიეთ აქაც მივეყოლოდით ათენისეულ კრებულს, მით უმეტეს, რომ ის თანხმობაშია ბევრეგვას გამოცემასთან, ხოლო არსებითში – „პიდალიონთანაც“.

პატრიარქ ნიკოლოზის ეს კანონები მოხსენიებული გვაქვს ტრულის 69-ე და პატრიარქ ნიკიფორუს მე-15 კანონების განმარტებებში; ხოლო, მისი უკეთ გაგებისათვის, საჭიროა დანარჩენი პარალელური კანონების განმარტებების შედარება.

კანონი 2

კითხვა. ნამდვილად არ შეიძლება შაბათს მუხლდრეკა, როგორც ეს კვირა დღესა და ერგასის განმავლობაშია აკრძალული*?

პასუხი. კანონით ეს აკრძალული არ არის; თუმცა, ბევრი არ იდრეკს მუხლს იმის გამო, რომ შაბათს არ მარხულობენ.

*ანუ აღდგომიდან სულთმოფენობამდე.

(მოც. 66; I მსოფ. 20; ტრულ. 55, 66, 90; ღანგ. 18; ლაოდ. 29; პეტრე ალექსანდრიელის 15; ბასილი დიდის 91; თეოფილე ალექსანდრიელის 1)

რადგანაც კანონებში შაბათი დღე მარხვასთან მიმართებით გათანაბრებულია კვირა დღესთან (იხ. მოც. 66-ე კან.), ამიტომ ბევრს ეგონა, რომ რაკი შაბათობით მარხვა არ შეიძლება, მაშინ არც მუხლდრეკა შეიძლება ისევე, როგორც არ შეიძლება ეს კვირაობით (იხ. I მსოფ. მე-20 კან.). წინამდებარე კანონში ნათქვამია, რომ კანონიკური განწესება, რომელიც შაბათობით მუხლდრეკას კრძალავს, არ არსებობს და, შეაბამისად, მუხლდრეკით არ სცოდავენ.

პანონი 3

კითხვა. უნდა დავიცვათ თუ არა მარხვა აგვისტოს თვეში?
პასუხი. ძველ დროში ამ მარხვას იცავდნენ. შემდგომში ის გადატანილ იქნა, რათა არ დამთხვეოდა წარმართულ მარხვებს, რომლებიც ამავე თვეში აღესრულებოდა. თუმცა, ბევრი ახლაც იცავს ამ მარხვას.

(ტრულ. 26, 56; ლაოდ. 49-52; პეტრე ალექსანდრიელის 15; ტიმოთე ალექსანდრიელის 8, 10)

კანონიკურ მარხვას წარმოადგენს პასექის დღესასწაულის წინა, წმინდა ორმოცეულის მარხვა, და ოთხშაბათს და პარასკევს ყოველ შვიდეულში. ეს არის მოციქულთა 69-ე კანონის განწესება. დროთა განმავლობაში სხვა მარხვებიც დადგინდა, რომელთა შორისაც არის ეგრეთ წოდებული „მიძინების მარხვა“* აგვისტოს თვეში. სწორედ ამ მარხვაზეა საუბარი პატრიარქ ნიკოლოზის წინამდებარე კანონში. როგორც ამ კანონიდან ჩანს, იმ დროს (XII საუკ. დასაწყისი) ამ მარხვის ხანგრძლივობის საკითხი სადავო იყო. ბალსამონი თავის 55-ე კანონიკურ პასუხში ალექსანდრიის პატრიარქ მარკოზის მიმართ, განმარტავს რა წინამდებარე (მე-3) კანონს, ამბობს, რომ ის არის სინოდალური დადგენილება ამ პატრიარქის (ნიკოლოზის) დროინდელი. ეს დადგენილება იმაში მდგომარეობდა, რომ წლის ყველა მარხვაში, მათ შორის მიძინების მარხვაშიც, მხოლოდ შვიდი დღე უნდა ყოფილიყო მარხვა, რადგან მხოლოდ ერთი მარხვა გრძელდებოდა ორმოცი დღე, სახელდობრ – მარხვა წმინდა დიდი პასექის წინ. თუმცა, თუ ვინმე მოისურვებს სხვა დღესასწაულების წინაც იმარხულოს, მათ შორის ყოველდღე წმინდა ღვთისმშობლის მიძინების წინ, შეიძლება დღეზე მეტ ხანს, ან თუ ეს რომელიმე ქტიტორული წესდებით არის განწესებული, – ამის უფლება მას აქვს.* პატრიარქ ნიკოლოზის წინამდებარე (მე-3) კანონი განიხილებოდა კონსტანტინოპოლის კრების სხდომაზე პატრიარქ ლუკას დროს (1156-1169). ბალსამონის ცნობით, ამ კრებაზე ზოგიერთები ამტკიცებდნენ, რომ არ არის ამ მარხვის დაცვა საჭირო, რადგან ის სხვა დროისთვის არის გადატანილი, როგორც ამას პატრიარქ ნიკოლოზის ეს პასუხი

*„მარიაშობის მარხვა“.

*ათენის სინტაგმა, IV, 488.

მოწმობსო. სხვები, პირიქით, ამტკიცებდნენ, რომ საჭიროა მისი დაცვა, რამეთუ თავად პასუხშია ნათქვამია, რომ ძველ დროში მას იცავდნენ და შემდგომში იქნა სხვა დროისთვის გადატანილიაო. თუმცა, როდის და სად მოხდა ეს, — პასუხში ნათქვამი არ არის. პატრიარქმა სხვა ეპისკოპოსებთან ერთად კრებაზე განაჩინა, რომ აღნიშნული მარხვა უპირობოდ უნდა იქნეს დაცული, ამასთან, ამის დასტურად, იმოწმებდნენ 921 წლის ცნობილ „ერთიანობის ტომოსს [ტომარი, გრაგნილი, ქართალი]“, სადაც ნათქვამია, რომ შესამედ დაქორწინებულებს შეუძლიათ წმინდა ზიარება მიიღონ წელიწადში სამჯერ, კერძოდ: აღდგომის, ყოვლადწმინდა ღვთისმშობლის მიძინებისა და ქრისტეშობის დღესასწაულებზე, ვინაიდან ამ დღესასწაულების წინ, ჩვეულებრივ, მარხულობენ. როდესაც მოწინააღმდეგებმა აღნიშნეს, რომ არსად წერია, თუ რამდენ ხანს უნდა გავრძელდეს მარხვა, ამაზე პატრიარქმა შენიშნა, რომ თუკი ამ მარხვაზე (მიძინების, ისევე, როგორც შობისაზე, არ არსებობს წერილობითი დადგენილება, მაშინ მინც, ჩვენ ყველანი უნდა მივყევთ ეკლესიის წერილობით გადმოცემას და დავიწყეთ ყოვლადწმინდა ღვთისმშობლის მიძინების მარხვა I აგვისტოს* ქრისტეშობის მარხვა კი — 15 ნოემბერს** პატრიარქ ლუკას ეს განწესება გახდა საყოველთაოდ მიღებული აღმოსავლურ ეკლესიაში; ასე რომ, მასთან შესაბამისობაში უნდა მოვიაზროთ პატრიარქ ნიკოლოზის წინამდებარე კანონიც.

კანონი 4

კითხვა. უნდა ვაზიაროთ თუ არა წმინდა საიდუმლოს ეშმაკეული, რამეთუ წმინდა ტიმოთე მისთვის დასმულ შეკითხვაზე სხვაგვარად პასუხობს, წმინდა მოციქულებისაგან განსხვავებით, და კიდევ სხვაგვარად უფრო გვინდელი მამები?

პასუხი. თუ ვინმე ბნელდაცემულ მდგომარეობაში იქნება ისე, რომ საფიქრალია, თითქოს უწმინდური სულით იყოს შეპყრობილი, ასეთებს არ შეიძლება ზიარება აეკრძალოთ; ხოლო თუ ის ნამდვილად ეშმაკეულია, მაშინ არასგზით შეიძლება იგი წმინდა ზიარების ღირსიქმნეს, რამეთუ „რამ ზიარებაა არს ნათლისა და ბნელისა“ (2 კორ. 6, 14)?

(მოც. 79; ტრულ. 60; ტიმოთე ალექსანდრიელის 2, 3, 4, 14)

კანონი 5

კითხვა. შეუძლია თუ არა მღვდელს გამოიყენოს განურჩევლად (თავისი შეხედულებისამებრ) და რაოდენიც სურს ეკლესიის შემოწირულობიდან, ანუ სეფისკვერი და ღვინო, და შეუძლია თუ არა სეფისკვერი ჭამოს ჩვეულებრივი პურის სახით, და თუ ყველაფერი ეს ბევრი შეგროვდა, რა ვუყოთ მას?

*ძვ. სტილი.

**ძვ. სტილი.

პასუხი. ნაწილები, რომელიც რჩება სამსხვერპლოზე შეწირული სეფისკვერიდან – არავითარ შემთხვევაში. აღნიშნული ნაწილების მიღება შეიძლება მხოლოდ ეკლესიაში და მთლიანად, მისგან ნეშტი არ უნდა დარჩეს. რაც შეეხება სხვა სეფისკვერს, ის ცალკე უნდა იჭმებოდეს და არავითარ შემთხვევაში რძესთან, ყველთან, კვერცხთან და თევზთან ერთად. (მოც. 3, 4, 38, 41; ღანგ. 7, 8; თეოფილე ალექსანდრიელის 8)

კანონი 6

კითხვა. თუკი მონოზონი, სადაც არ უნდა ჰქონდეს აღკვეცა მიღებული, რაიმეთი შეძრწუნებულია, რაც მის სულს ამძიმებს და ამიტომ მონასტრიდან წასვლა სურს, ილუმენი კი ამის გამო მას საკრველს დაადებს, ასეთ შემთხვევაში როგორ უნდა მოიქცეს იგი: ყურადღება არ მიაქციოს სულიერ შეძრწუნებას თუ საკრველს?

პასუხი. იგი ილუმენს უნდა მოუყვეს შერწუნების მიზეზს, და თუ მას ამისგან აშკარა საშიშროება მოელის, დაე, წავიდეს იქიდან, საკრველი კი უყურადღებოდ დატოვოს.

(IV მსოფ. 4; VII მსოფ. 19, 21; კართ. 13; ორგ. 2, 3, 4)

წინამდებარე კანონის აზრის უკეთ გასაგებად, ის ბევრწილად უნდა შევიდაროთ ორგზის კრების მე-3 და მე-4 კანონების განწესებებს – მონოზონების მონასტრებიდან წასვლის შესახებ. ის, რომ წინამდებარე კანონით მონოზონს შეუძლია უყურადღებოდ დატოვოს მის მიმართ ილუმენის მიერ გამოტანილი სასჯელი, არ უნდა გავიგოთ იმ აზრით, თითქოს მონოზონს შეეძლოს თავად მოისხნას მმართველი წინამძღვრის ეპიტიმია, არამედ იმ აზრით, რომ აღებული პირი, წავა რა მონასტრიდან, ვალდებულია ადგილობრივ მმართველ ეპისკოპოსთან მივიდეს, რომელიც მას განსჯის და თავისი შეხედულებისამებრ ნებას მისცემს არ დაბრუნდეს მონასტერში, რადგან, არსებითად, სწორედ ამაში მღვდმარეობდა მის მიმართ ილუმენის მიერ გამოტანილი სასჯელი, რომელიც კანონში აღნიშნულია სიტყვით: „საკრველი“.

კანონი 7

კითხვა. თუკი ილუმენი სიკვდილის წინ დატოვებს თავის შემცველს და დაავადებულებს მას არ დატოვოს თავისი ადგილი, შემცველი კი, გააცნობიერებს რა საკუთარ უძღვრებას, განეშორება, ასეთ შემთხვევაში როგორ უნდა მოიქცეს იგი აღებული ვალდებულების მიმართ?

პასუხი. ამ ვალდებულებას აზრი არა აქვს, შესაბამისად, ძალა არ გააჩნია. ამიტომ ის, ვინც აღნიშნული ვალდებულების საკრველით იყო შეკრული, მისგან გაისხნება, თუ მივა მღვდელთმთავართან და თავის შესახებ ყველაფერს მოუყვება.

(მოც. 32; სარდ. 14; კართ. 141)

შეიძლება ისე მოხდეს, რომ სიკვდილის პირას მისული რომელიმე ილუმენი მონასტრის საძმოდან ვინმესთვის მიისურვებს თავისი საილუმენო ხელმწიფების გადაცემას, ვინც მისთვის მისაღებია. იმ მიზნით, რომ კიდევ უფრო განამტკიცოს თავისი სურვილი, წერილობით ან ფიცით (რამეთუ ამას აღნიშნავს ამ შემთხვევაში კანონის სიტყვა: „საკრველი“) კრავს შერჩეულ ძმას აღთქმით იმის თაობაზე, რომ ის ნამდვილად იქნება მის შემდეგ ილუმენი და პირობის შეუსრულებლობის შემთხვევაში კანონიკურ სასჯელს დაექვემდებარება. ილუმენის სიკვდილის შემდეგ, მის მემკვიდრედ დადგინებული ძმა, პირობის თანახმად, ილუმენობას იღებს, მაგრამ გარკვეული დროის შემდეგ, რწმუნდება, რომ მმართველობა არ შეუძლია და უარს ამბობს ილუმენობაზე. აი, ამაში მდგომარეობდა კითხვა და ამ კითხვაზე კანონი პასუხობს, რომ აღნიშნული ილუმენის განკარგულება არ არის საფუძვლიანი და სავალდებულო, ამიტომ აზრსმოკლებილია, რასაც ასალი ილუმენი (ამაოდ) დაემორჩილა. ხოლო რადგანაც ვალდებულება მაინც არსებობდა, წერილობით ან ფიცის სახით, ამიტომ მისთვის ფორმალურად ძალა უნდა გამოეცლიათ, რისთვისაც კანონი ადგილობრივ ეპისკოპოსს, როგორც ხელისუფლების მქონეს, აძლევს ამის ნებას.

კანონი 8

კითხვა. შეუძლია თუ არა მღვდელს, რომელიც რამე დნაშაულის გამო განკვეთილი იყო, ან თვითონ, საკუთარი გადაწყვეტილებით უარი თქვა სამღვდლო წოდებაზე, მაგრამ შემდგომში აღიარა თავისი დანაშაული, — წარმოთქვას ასამაღლებელი: „კურთხეულ არს ღმერთი“, და „ღმერთო, წყალობა მოგვმადლე“, და „ქრისტე ჭეშმარიტი“, ასევე შეასრულოს კმევა ან ეზიაროს საკურთხეველში?

პასუხი. არა, ვინაიდან ის უკვე ერისკაცთა რიგში ითვლება.

(მოც. 62; I მსოფ. 9; III მსოფ. 9; ტრულ. 21, 26; ნეოკეს. 9; ბასილი დიდის 3, 27; კირილე ალექსანდრიელის 3)

საუბარია იმის შესახებ, შეუძლია თუ არა მღვდელმოქმედება აღასრულოს მღვდელმა, რომელიც გარკვეული დანაშაულის შედეგად განკვეთილი იყო, ან ნებაყოფლობით განდგა მღვდლობიდან. ამ კითხვაზე პასუხი აბსოლუტურად უარყოფითია, რამეთუ ასეთი პირი მღვდელი აღარ არის — ის უკვე ერისკაცია. ეს დასკვნა ეფუძნება ტრულის კრების 21-ე კანონს, რომლის შესახებაც ჩვენ დაწვრილებით ვისაუბრეთ თავის ადგილზე. შემდეგ, ეფუძნება მოციქულთა 62-ე კანონს იმ პირობა შესახებ, რომლებიც უარყოფენ კლირიკოსის სახელს, რის შესახებაც დაწვრილებით ითქვა ეფესოს კრების მე-9 კანონის განმარტებაში, ანუ ამ კრების ეპისტოლესა პამფილიის მიტროპოლიტ ეგსტათის მიმართ. ხოლო იმის შესახებ, რომ არც ერთ სასულიერო პირს, რომელიც კანონიკურად არის განკვეთილი, უფლება არა აქვს რამე სახის მღვდელმოქმედება აღასრულოს, და რომ წინააღმდეგ შემთხვევაში მის მღვდელმოქმედებას არც თავისთავად აქვს რამე მნიშვნელობა და არც იმისთვის, ვისთვისაც ის სრულდება, — ჩვენ დაწვრილებით ვისაუბრეთ ანტიოქიის კრების მე-4 კანონის განმარტებაში.

კანონი 9

კითხვა. რას ნიშნავს, როდესაც ბასილი დიდი ამბობს მცირე ეპიტიმეებში: დაე, მოაკლდეს კურთხევას დაცემის ზომისამებრ?

პასუხი. ე. ი. ვინმესთვის საეკლესიო კურთხევის მოკლებას.

საეკლესიო კურთხევა, რომელიც აქ მოიხსენიება, არის ის კურთხევა, რომელიც ეპისკოპოსებისა და მღვდლების მეშვეობით ერთგულ მორწმუნეებს ლოცვისათვის გადაეცემათ ან ღვთის შეწვევაში განმტკიცებისათვის. ამიტომ ამ კურთხევას მეტნაკლებად კარგავს ესა თუ ის ცოდვილი იმ ცოდვის ზომის შესაბამისად, რომელშიც ის ჩაუარდა.* მცირე ეპიტიმეები ეს ის სასჯელებია, რომლებიც ბასილი დიდმა განაწესა მცირე ცოდვებისათვის და რომლებიც შედის ბასილი დიდის სხვა საერთო ეპიტიმეების რიცხვში ნომრებით 11-დან 60-ის ჩათვლით (მინას (migne) გამოცემის მიხედვით).

კანონი 10

კითხვა. შეუძლია თუ არ სამსხვერპლოზე შემოწირული სეფისკვერის ნაწილი ჭამოს იმან, ვისაც ზიარება აკრძალული აქვს?

პასუხი. თეოდორე სიკეოტელი ცხვრებაში ნათქვამია, რომ მათ ეს ეკრძალებათ.

(მოც. 3, 4, 38, 41; დანგ. 7, 8; ლაოდ. 14; კართ. 37)

წმინდა თეოდორე სიკეოტელი, — რომლის ცხოვრებაშიც ნათქვამია, რომ ეკლესიაში ვერ მიიღებს ანტიდორს ის, ვინც წმინდა ზიარების ღირსი არ არის, — იყო რამდენიმე მონასტრის არქიმანდრიტი და ანასტასიოპოლის ეპისკოპოსი. გაბრწყინდა იგი მრავალი სასწაულებით და გარდაიცვალა 613 წელს.**

კანონი 11

კითხვა. საჭიროა თუ არა დასასჯელი პირისთვის მმარხველის კანონიკონით განწესებული ეპიტიმეების დადება?

პასუხი. აღნიშნულმა კანონიკონმა თავისი ღმობიერებით ბევრი დაღუპა; ამიტომ, ისინი, ვინც იციან თუ რა არის კეთილი და კეთილს განემორეზიან, დაე, გამოსწორდნენ.

ეს კანონი ჩვენ მოვიხსენიეთ წმინდა იოანე მმარხველის მე-3 კანონის განმარტებაში და ვიხილეთ, რომ მიუხედავად ასეთი უღმობელი შეფასებისა, მმარხველის კანონიკონი მაინც შევიდა აღმოსავლური ეკლესიის საყოველთაო მოხმარებაში, და მის საფუძველზე, უმთავრესწილად, შედგენილია ჩვენი დიდი კურთხევანის ნომოკანონი.

*ბალსამონის განმარტება ათენის სინტაგმაში, IV, 425.

**სხ. დღე 22 აპრილი, ძვ. სტ.

წმინდა ბასილი დიდის. წმინდა იოანე ოქროპირის და ანტიოქიის პატრიარქ ანასტასის სხვადასხვა კანონიკური განწესებანი

1. რა ბოროტება დავეთმინეთ ჩვენ? მხოლოდ ერთილა გვაქვს სადარდებელი, რომ არაფერი დაგვითმენია, ვერ გავხდით ღირსნი ტანჯვისა და გინებისა ქრისტეს სახელისათვის (შდრ. საქმ. 5, 41). თუ თქვენ იმას წუხართ, რომ სხვები სალოცავ სახლს ფლობენ, თქვენ კი ღია ცისქვეშ გიხდებათ თავყანისცემა ცისა და ქვეყნის შემოქმედისათვის, მაშინ გაიხსენეთ: თერთმეტმა მოწაფემ დაიმკვიდრა ზეციური სავანე, უფლის ჯვარცმელი იუდეველები კი ყოვლად ჩინებულ ტაძარში აღასრულებდნენ ღვთისმსახურებას. იუდა, რომელმაც სამარცხეინო ცხოვრებას თავის ჩამოხრჩობა ამჯობინა, კინალამ იმათზე უკეთესი აღმოჩნდა, რომლებიც ამჟამად გულგრილად იღებენ ადამიანთა საყვედურებს და უსირცხვილოდ მზად არიან ყოველგვარ საძაგელ საქმეზე წასასვლელად. არ ცდუნდეთ, მხოლოდ, მათი ცრუ ქადაგებებით, როდესაც თავისთვის მიიწერენ სარწმუნოების ჭეშმარიტებას; რამეთუ ისინი ქრისტეს გამყიდველნი არიან და არა — ქრისტიანენი; ამ ცხოვრებაში სასარგებლო მათ ყოველთვის ურჩევნიათ, ვიდრე ჭეშმარიტი ცხოვრება. როცა ჩაიფიქრეს აქაური ფუჭი ხელმწიფება მოეხევათ, ქრისტეს მტრებს შეურთდნენ, ხოლო როცა ერის მრისხანება იხილეს, კვლავ მართლმადიდებლობის ნიღაბი აიფარეს. ეპისკოპოსად არ ვაღიარებ და ქრისტეს მღვდელმსახურად არ მივიჩნევ იმას, ვინც სარწმუნოების შესარყენელად შებილწული ხელებით მოვიდა მთავრობაში. ასეთია ჩემი გადაწყვეტილება! თქვენ კი, თუკი ჩემთან რამე საერთო გაქვთ, ცხადია, ასეთივე აზრის იქნებით. თუ რამეს თქვენის მხრიდან თავად მოიფიქრებთ, ნება თქვენია — ნებისმიერი თავისუფალი საკუთარ აზრში, ჩვენ კი სუფთა ვართ ამ სისხლისაგან.*

ეს არის ამონარიდი ბასილი დიდის ერთ-ერთი (376 წლის) ეპისტოლედან (240 აღ. 192) ნიკოპოლის მღვდლების მიმართ. ვინმე ფრონტონი უკანონოდ იქნა დადგინებული ნიკოპოლის ეპისკოპოსად; იგი ცდილობდა ნებისმიერი საშუალებით, ძალით თუ ცბიერებით, მყარად მოეკიდა ფეხი ნიკოპოლის ეკლესიაში. თავისი მიზნის მისაღწევად ფრონტონი დევნიდა იმ მღვდლებს, რომლებიც მას ეპისკოპოსად არ აღიარებდნენ. წმინდა ბასილი მიესალმება მღვდლების ამ ნაწილს, ურჩევს მათ სულით არ დაეცნენ და ღმერთის შეწევნის იმედად დარჩნენ, რომელიც მათ გაათავისუფლებს იმ პირისაგან, რომლის შესახებაც თავად ამბობს, რომ ეპისკოპოსად მას არ აღიარებს.

2. კარგია და უაღრესად სასარგებლო ყოველ დღე ზიარება და საღმრთო საიდუმლოს მიღება, რამეთუ თავად ქრისტე ნათლად ამბობს: „რომე-

*ბერძნული ტექსტი იხ. ათენის სინტაგმაში, IV, 286.

ლი ჭამდეს ჯორცსა ჩემსა და სუმიდეს სისხლსა ჩემსა, აქუნდეს ცხოვრებაი საუკუნომ“ (ინ. 6, 54). თუმცა, ჩვენ ვეზიარებით ოთხჯერ, ყოველ შვიდეულში: საუფლო დღეს, ოთხშაბათს, პარასკევს და შაბათს, ასევე სხვა დღეებშიც, თუკი რომელიმე წმინდანის ხსენებაა. ხოლო ოდნავადაც საშიში რომ არ არის, თუ ვინმე, დევნილობის ჟამს, მღვდლის ან მსახურის არყოფნის შემთხვევაში, აუცილებლობიდან გამომდინარე თავისი ხელით მიიღებს ზიარებას, – ზედმეტი იქნებოდა ამის მტკიცება დაგვეწყო, რადგან დიდი ხნის ჩვეულება ამას თვით საქმით ადასტურებს. რამეთუ თითოეული მონოზონი, რომელიც უდაბნოში მოღვაწეობს, სადაც მღვდელი არ არის, ზიარებას სახლში ინახავს და თვითონ თავის თავს აზიარებს. ალექსანდრიასა და ეგვიპტეში კი, ყოველი ნათელღებული ქრისტიანი, უმეტესწილად, სახლში ინახავს ზიარებას და თავად ეზიარება, როცა მოისურვებს. რადგან, როდესაც მღვდელმა მსხვერპლშეწირვა ერთხელ აღასრულა, მისმა მიმღებელმა, როგორც ყოველამთელისა, ეზიარება რა ყოველდღიურად, სამართლიანად უნდა ირწმუნოს, რომ იღებს და ეზიარება თვით გადმოცემისგან (მღვდლისგან). ვინაიდან ეკლესიაშიც მღვდელი გადასცემს წმინდა ნაწილს, და მიმღებელსაც სრული უფლებით უჭირავს იგი და საკუთარი ხელით მიაქვს პირთან. ამიტომ ერთი ძალა აქვს – იღებს თუ ვინმე მღვდლისგან ერთ ნაწილს, თუ ბევრ ნაწილს ერთად.*

ესეც ასევე არის ბასილი დიდის ეპისტოლე (93 აღ. 289), რომლითაც მან 372 წელს ვინმე კესარის მიმართა. ეპისტოლე ორ საკითხს ეხება: 1) როგორ უნდა მოხდეს ქრისტეს წმინდა ხორცსა და სისხლთან ზიარება და 2) დევნილობის ჟამს, როდესაც მღვდელი არ არის, შეიძლება საკუთარი ხელიდან ზიარება. მეორე საკითხთან დაკავშირებით იხ. ტრულის კრების 58-ე და 101-ე კანონების განმარტება.

3. ეცადე, მღვდელმსახურო, იყო შეუბღალავი მოღვაწე, მართლად აღასრულებდე ჭეშმარიტების სიტყვას. არასოდეს მიხვიდე საეკლესიო მსახურებაზე, თუ ვინმესთან მტრობაში იმყოფები, რათა სულიწმინდამ არ დაგტოვოს მსხურების დღეს. არ იკამათო და არ იდავო იმ დღეს, არამედ იქნები რა ეკლესიაში, ილოცე და იკითხე, ვიდრე საღმრთო საიდუმლოს აღსრულების ჟამი დადგება, და მაშინ უკვე შემუსვრილი და წმინდა გულით მიეახლე წმინდა საკურთხეველს, ამასთან, აქეთ-იქით ყურებას ნუ დაიწყებ, არამედ ძრწოლითა და შიშით წარსდგეი ზეციური მეუფის წინაშე. კაცთმოთნეობის მიზეზით ნუ იჩქარებ და ნუ შეამცირებ ღოცვებს, ნუ მიაქცევ ადამინებს ყურადღებას, არამედ მიაპყარ მზერა შენი იქ დამსწრე მეუფესა (უფალს) და ირგვლივ წარმოდგენილ ზეციურ ძალებს. იყავ ღირსეული აღმსრულებელი წმინდა კანონებისა. ნუ იმსახურებ იმათთან, ვისაც ეს აკრძალული აქვთ. გახსოვდეს, ვის წინაშე დგახარ, ვის ემსახურები და ვის აზიარებ. ნუ დაივიწყებ უფლისა და წმინდა მოციქულების მცნებას,

*ბერძნული ტექსტი იხ. ათენის სინტაგმაში, IV, 389.

რომელიც გვეუბნება: „*ნუ მისცემთ სიწმიდესა ძაღლთა, ნუცა დაუფენთ მარგალიტსა თქუენსა წინაშე ღორთა*“ (მთ. 7, 6). გამოიცანით ძაღლები და სხვები. გულისხმაპყავ, რომ არ დაეცე კაცის შიშით, და ძე ღვთისა უღირსებს არ ჩაუგდო ხელში. იმ უამს ნუ შეგეშინდება მიწიერი მთაფრებისა და იმისაც კი, ვინც დიადემას ატარებს. ვინც საღმრთო ზიარების ღირსნი არიან, უსასყიდლოდ აზიარე, როგორ უსასყიდლოდაც თავად მიგიღებებს* იმათ კი, ვისაც საღმრთო კანონებით ეს ეკრძალებათ, ნუ აზიარებ, რამეთუ ისინი არიან ვითარცა წარმართნი, და თუ არ მოექცევიან, – ვაი, მათდა და იმათ, ვინც მათ აზიარებს. ყურადღებით იყავი, რომ შენი დაუდევრობით წმინდა ძღვენს არ მიეკაროს თავი ან სხვა რამე, რომ ძღვენი არ გაფუჭდეს, რომ კვამლისგან არ გაიმუროს, რომ არ შეეხოს უწმინდური და უღირსი ხელი. თუკი მუდამ გემახსოვრება ყოველივე ეს და სხვა მსგავსი, მაშინ შეგძლება საკუთარი თავის ხსნაც და – შენი მსმენელებისაც.**

„სიტყვა სამღვდლო კურთხევის წინ“ – ასე ეწოდება მინას გამოცემაში (მიგნე) ბასილი დიდის წინამდებარე შეგონებას მღვდლის მიმართ, რომელმაც წმინდა ლიტურგია უნდა აღასრულოს. ეს შეგონება წმინდა ბასილმა შეადგინა 375 წელს; ამასთან, უნდა ითქვას, რომ მის ასლს თითოეული მღვდელი იღებდა მაშინვე, ხელდასხმისას.

4. [ამ ადგილზე ავტორს მოყვანილი ჰყავს სახელმძღვანელო სულიერი მოძღვრებისათვის, ბერძნულიდან სერბულ ენაზე ნათარგმნი ათენის სინტაგმიდან (IV, 387), რომელიც ეკუთვნის წმინდა იოანე ოქროპირს და რომლის შესახებაც ზემოთ იყო საუბარი (იხ. 288 გვ.) და რომელიც მოყვანილია I მსოფლიო კრების მე-11 კანონის განმარტებაში. რუსული გამოც. რედ.]

5. ვამჩნევ, რომ ბევრი უბრალოდ, როგორც მოეხერხებათ, უფრო ჩვეულებისა და მიღებული წესის თანახმად ეზიარება ქრისტეს ხორცს, ვიდრე განსჯადობითა და გაცნობიერებით. ისინი ამბობენ, წმინდა ორმოცეულის დროა და წმინდა პასექის დღე, და ყველა – როგორც უნდა იყოს ის (შინაგანი განწყობით) – უნდა ეზიაროს წმინდა საიდუმლოსო. დღესასწაული შეიძლება არ იდღესასწაულო, სინდისი კი აუცილებლად უნდა განიწმინდო და მხოლოდ მას შემდეგ ეზიარო. ვინაიდან, ვინც წმინდა არ არის და უღირსია, უფლება არა აქვს დღესასწაულზე ეზიაროს წმინდა და უსაშინელებს ხორცს. გაიხსენე, რომ ძველად მსვერპლშეწირვაში მონაწილენი უპირველესად სიფრთხილეს იჩენდნენ. ისინი წინასწარ იწმინდებოდნენ და ყოველმხრივ წმინდად წარსდგებოდნენ ხოლმე. შენ კი, როდესაც მსვერპლს მიეახლები, რომლის წინაშეც ანგელოზებიც ძრწიან, ამ საქმის აღსრულებას გარკვეული დროით საზღვრავ და კადნიერდები უწმინდური ბაგეებითა და ხელე-

*მთ. 10, 8.

**ბერძნული ტექსტი იხ. ათენის სინტაგმაში, IV, 391-392.

ბით მიიღო ქრისტეს ხორცი? შენ მეფის ხელზე მთხვევასაც კი ვერ გაბედევ, თუ პირიდან ცუდი სუნი გდის, მაშ, როგორღა კადნიერდები ამბორი უყო ზეციურ მეუფეს მყარალი, ავსუნიათი სულით? ასეთი ქმედება შეურაცხყოფელია მისთვის. ამიტომ, თუ შენ ზიარების ღირსი არა ხარ, ასეთ შემთხვევაში არ მიეკუთვნები იმათ, რომლებიც დალოცვასა და საეკლესიო მსახურებაზე დასწრებას იმსახურებენ. მოუსმინე უფალს, რომელიც ამბობს, რომ მოვიდა წოდებად ცოდვილთა, რათა შეინანონ,* ხოლო, ვინც არ ეზიარება, ის სინანულში არ არის.**

წინამდებარე კანონიკური განწესება იმის შესახებ, თუ როგორ უნდა მიევახლოთ წმინდა ზიარებას, აღებულია წმინდა იოანე ოქროპირის საუბრიდან პავლე მოციქულის ეპისტოლეზე ეფესელთა მიმართ.

6. ბევრი ამ (წმინდა) მსხვერპლს ეზიარება წელიწადში ერთხელ, სხვები კი — რამდენჯერმე. ჩენი სიტყვა მიემართება ყველას, არა მხოლოდ აქ დამსწრეთ, არამედ უდაბნოში მყოფთაც, რამეთუ ისინი წელიწადში ერთხელ ეზიარებიან. ვისი მოქმედება მოვიწონოთ? იმათი, ვინც ერთხელ ეზიარება, თუ — ვინც ხშირად, ან იქნებ იმათი, ვინც — იშვიათად? არც პირველთა, არც მეორეთა და არც მესამეთა, არამედ იმათი, ვინც ეზიარება წმინდა სინდისით და შეუბღალავი ცხოვრებით. ასეთები, დაე, ყოველთვის მიეახლონ, ხოლო ვინც ასეთი არ არის — არც ერთხელ. რატომ? იმიტომ, რომ ისინი საკუთარ თავზე მოიწვევენ მსჯავრს, გასამართლებას, სასჯელსა და ტანჯვას. ნუ გაგიკვირდებათ: საჭმელს, თავისთავად, მკვებავე თვისება აქვს, მაგრამ, როდესაც აშლილ კუჭში მოხვდება, იწვევს ზიანს და მთელი სხეულის მოშლილობას და, ამდენად, ავადმყოფობის მიზეზი ხდება. ასევეა საშინელ (წმინდა) საიდუმლოს მიღების შემთხვევაშიც. შენ ღირსი ხდები სულიერი ტრაპეზისა, მერე კი კვლავ უწმინდურებით იბილწავ პირს; შენ იცხებ ეთიოლსურნელოვან ზეთს, მერე კი კვლავ სიმყარალით ივსები, ერთი წლის შემდეგ კი ზიარებას ეახლები. ხომ არ გგონია, რომ ორმოცი დღე შენთვის საკმარისია მთელი დროის განმავლობაში დაგროვილი შენი ცოდვების განსაწმენდად, ერთი კვირის შემდეგ რომ კვლავ ძველებურ ცხოვრებას უბრუნდები? მითხარი, შენ რომ ორმოცი დღის განმავლობაში ხანგრძლივი ავადმყოფობიდან გამოდიოდე, შემდეგ კი ისევ იმ საკვებს დაუბრუნდე, რომელმაც შენში ავადმყოფობა გამოიწვია, განა ამით მთელ შენს ნაღვალს წყალში არ გადაყრი და შენს თავს უფრო არ დაიღუპავ? თუკი ამგვარად ირყენება ბუნებრივი წესრიგი, მაშინ, მით უფრო — ზნეობრივი, რომელიც ნებისყოფაზეა დამოკიდებული. ორმოც დღეს სულიერი სიჯანსაღის აღდგენას ახმარ, შეიძლება ორმოც დღესაც არა, — და ამით ფიქრობ ღმერთის ღმობიერყოფას? მითხარი, ხომ არ ხუმრობ? იმიტომაც ამბობს დიაკონი ასამაღლებელს: „წმიდა არს წმიდათა“, ანუ ვინც წმინდა არ არის, ნუ

*იხ. ლუკ. 5, 32.

**ბერძნული ტექსტი იხ. ათენის სინტაგმაში, IV, 390.

მიეახლებათ. არ თქვა მხოლოდ: „ვინ არის წმინდა ცოდვისგან, და ვინ არის წმინდაო“.*

ეს კანონიკური განწესებაც წმინდა იოანე ოქროპირს ეკუთვნის; აღებულია მისი საუბრიდან პავლე მოციქულის ეპისტოლეზე ებრაელთა მიმართ.

7. კითხვა. რა არის უკეთესი: ხშირად ზიარება თუ იშვიათად?

პასუხი. მოციქული ამბობს: „გამო-ღაიცადენ კაცმან თავი თვისი და ესრეთ პურისა მისგან ჭამენ და სასუმელისა მისგან სუნ. ხოლო რომელი არა-ღირსად ჭამდეს და სუმიდეს, დასაშველად თავისა თვისისა ჭამს და სუამს, რამეთუ არა გამოიკითხნა კორცნი უფლისანი. ამისთვის მრავალ არიან თქუენ შორის უძღურ და სნეულ და წვანან მრავალნი. რამეთუ უკუეთუმცა თავთა თვსთა განვიკითხევდით, არამცა განვიკითხენით. ხოლო გა-თუ-ვიკითხვით, უფლისა მიერ განვისწავლებით, რადთა არა სოფლისა თანა დავისაჯნეთ“ (1 კორ. 11, 28-32). ცხადია, რომ ჩვენ წინასწარ უნდა განვიწმინდოთ და წმინდად წარვსდგეთ ყოველგვარი საწინააღმდეგო საქმეთაგან და მხოლოდ მაშინ მიევახლოთ საღმრთო საიდუმლოს, რათა არ გახდეს ის ჩვენი სულისა და ხორცის წარწყმედის მიზეზი. რამეთუ ღმერთი მოსეს პირით მიმართავს ისრაელს: „ყოველი კაცი, რომელი მოვიდეს ყოვლისაგან ნათესავისა თქუენისა სიწმიდესა მას, რაოდენ-რამ განწმიდონ ძეთა ისრაელისათა, ღმრთისა და არაწმიდებამ იგი მის თანა იყოს, მოისპოს სული იგი ჩემგან, მე ვარ უფალი“ (ლევ. 22, 3), და სხვა ადგილას: „და მოშიშქმნენით ძენი ისრაელისანი არაწმიდებათაგან მათთა და არა მოწყდენ არაწმიდებათა მათგან შეგინებითა მით მათითა კარავი იგი ჩემი, რომელ არს მათ შორის“ (ლევ. 22, 3). რამეთუ მოციქულიც ეუბნება უღირსად მაზიარებლებს, როგორც ზემოთ ითქვა, რომ ბევრი ჩვენგანი უძღური და სნეულია, და არცთუ ცოტა კედება, ანუ ავად არიან და კედებიან. ამიტომ საღმრთო დავითსა და მის თანმხლებთ, როდესაც მათ შეწირული პურის ჭამა მოინდომეს, რომელიც ქრისტეს ხორცის წინასახეს განასახიერებდა, მღვდელთმთავარმა უთხრა: „აწ წმიდა თუ არიან ყრმანი შენნი დედათაგან, მიიღეთ და ჭამეთ“ (1 მეფ. 21, 4).**

ეს კანონიკური პასუხი ეკუთვნის წმინდა ათანასეს, ანტიოქიის პატრიარქს (561 წ.). როგორც ჩანს, ეს პასუხი ეხება იმავე საკითხს, რომელსაც მიემართება ჩვენ მიერ ზემოთ მოყვანილი კანონიკური განწესებანი შემდეგი ნომრებით: 2, 5 და 6, ეს საკითხი, კერძოდ, მოიცავს კითხვას: როდის და როგორ უნდა მიიღებოდეს წმინდა ზიარება?

წმინდა კანონების დასასრული

*ბერძნული ტექსტი იხ. ათენის სინტაგმაში, IV, 390.

**ბერძნული ტექსტი იხ. ათენის სინტაგმაში, IV, 390.

წმინდა ადგილობრივი კრებების კანონები

წმინდა ადგილობრივი კრებების კანონების შესახებ	3
ანკირიის წმინდა ადგილობრივი კრების საეკლესიო კანონები	5
ნეოკესარიის წმინდა ადგილობრივი კრების საეკლესიო კანონები	25
ღანგრის წმინდა ადგილობრივი კრების საეკლესიო კანონები	35
ანტიოქიის წმინდა ადგილობრივი კრების საეკლესიო კანონები	45
ლაოდიკიის წმინდა ადგილობრივი კრების საეკლესიო კანონები	72
სარდიკიის წმინდა ადგილობრივი საეკლესიო კრების კანონები	103
კონსტანტინოპოლის წმინდა (მეშვიდე) ადგილობრივი კრების საეკლესიო კანონი	125
კართაგენის წმინდა ადგილობრივი კრების საეკლესიო კანონები	128
ეპისტოლე რომის ეკლესიის ეპისკოპოს ბონიფანტუს მიმართ, სრულიად აფრიკის კრებისგან, რომის ეკლესიის ადგილისმცველთა – ეპისკოპოს ფავსტიანესა, და ხუცეების – ფილიპესა და ასელის მეშვეობით გაგზავნილი	242
ეპისტოლე აფრიკის კრებისა კელესტინეს, რომის პაპს საყვარელ მეუფეს და უპატიოსნეს ძმას კელესტინეს: ავრილიოსი, პალატინოსი, ანტონიოსი, ტუტიოსი, სერგუსდელი, ტერენტოსი და სხვანი ყოველნი, პოვნილნი კართაგენის საერთო კრებაზე	246
კონსტანტინოპოლის წმინდა ადგილობრივი კრება (სხვაგვარად – ორგზისი), რომელიც შედგა წმინდა მოციქულთა სახელობის ტაძარში კონსტანტინოპოლის წმინდა ადგილობრივი კრების (სხვაგვარად – ორგზისი) კანონები ...	250

კანონები წმინდა ადგილობრივი კრებისა, რომელიც შედგა ღვთის სიტყვის სიბრძნის (სოფიას) ტაძარში.....	274
--	-----

წმინდა მამების კანონები

წმინდა მამების კანონების შესახებ	280
დამატებითი კანონების შესახებ.....	287
კანონიკური ეპისტოლე წმინდისა მამისა ჩვენისა დიონისესი, ალექსანდრიის მთავარეპისკოპოსისა ეპისკოპოს ვასილიდის მიმართ	289
კანონიკური ეპისტოლე წმინდისა გრიგოლისა, ნეოკესარიის მთავარეპისკოპოსისა, სასწაულთმოქმედისა	294
კანონები წმინდა პეტრესი, ალექსანდრიის მთავარეპისკოპოსისა და მოწამისა, მისი სიტყვიდან სინანულის შესახებ	303
ეპისტოლე წმინდისა ათანასე დიდისა, ალექსანდრიის მთავარეპისკოპოსისა მონოზონ ამონის მიმართ	314
წმინდისა ათანასე დიდისა, ალექსანდრიის მთავარეპისკოპოსისა დღესასწაულების შესახებ 39-ე ეპისტოლედან	317
ეპისტოლე წმინდისა ათანასე დიდისა, ალექსანდრიის მთავარეპისკოპოსისა, რუფინიანეს მიმართ	321
პირველი კანონიკური ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა იკონიის ეპისკოპოსს, ამფილოქეს მიმართ.....	325
მეორე კანონიკური ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა იკონიის ეპისკოპოსს ამფილოქეს მიმართ	351
მესამე კანონიკური ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა იკონიის ეპისკოპოსის, ამფილოქეს მიმართ	381

ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა ტარსის ეპისკოპოს დიოდორეს მიმართ	399
ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა გრიგოლ მღვდლის მიმართ	405
კანონიკური ეპისტოლე წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა ქორეპისკოპოსების მიმართ	406
წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა მასზე დაქვემდებარებული ეპისკოპოსების მიმართ	408
წმინდა ბასილისი, ნეტარი ამფილოქესადმი სულიწმიდის შესახებ დაწერილი წიგნის 27-ე თავიდან	410
წმინდისა მამისა ჩვენისა ბასილისი, კესარია-კაბადუკიის მთავარეპისკოპოსისა იმავე თხზულების 29-თავიდან	416
კანონიკური პასუხები წმინდა ტიმოთესი, ალექსანდრიის ეპისკოპოსისა, რომელიც იყო ერთ-ერთი მამათაგანი კონსტანტინოპოლში შეკრებილ ასორმოცდათთა შორის	417
წმინდისა გრიგოლ ღვთისმეტყველისა, იმის შესახებ, თუ ძველი და ახალი აღთქმის რომელი წიგნები უნდა იკითხებოდეს	424
წმინდისა ამფილოქე ეპისკოპოსისა სელეგკის მიმართ, იმის შესახებ, თუ რომელი წიგნებია მისაღები	425
კანონიკური ეპისტოლე წმინდისა გრიგოლისა, ნოსელი ეპისკოპოსისა მელიტინის ეპისკოპოს ლიტონის მიმართ	428
კანონი თეოფილესი, ალექსანდრიის მთავარეპისკოპოსისა მის მიერ წარმოთქმული სიტყვა იმის შესახებ, თუ როგორ უნდა მოვიქცეთ, როდესაც წმინდა ღმრთისგანცხადების დღესასწაულის წინა დღე კვირა დღეს დაემთხვევა	441
შეგონება თეოფილესი, ალექსანდრიის მთავარეპისკოპოსისა მიცემული ამონისათვის	441

ალექსანდრიის მთავარეპისკოპოს თეოფილესი, ეპისკოპოს აფინგიონის მიმართ ეგრეთ წოდებულ „განწმენდილთა“ შესახებ.....	448
ალექსანდრიის მთავარეპისკოპოს თეოფილესი, ეპისკოპოს აგათონის მიმართ	448
ალექსანდრიის მთავარეპისკოპოს თეოფილესი, ეპისკოპოს მინას მიმართ	449

კანონი წმინდისა შამისა ჩვენისა კირილესი, ალექსანდრიის მთავარეპისკოპოსისა. კანონიკური ეპისტოლე ანტიოქიის პატრიარქ დომნარს მიმართ	450
კირილესი, ალექსანდრიის მთავარეპისკოპოსისა, ლიბიისა და პენტაპოლისის ეპისკოპოსთა მიმართ	454

მრგვლივმოსავლელი ეპისტოლე გენადისა, კონსტანტინოპოლის პატრიარქისა და მასთან ერთად წმინდა კრებისა, ყველა ყოვლადუსამღვდელოესი მიტროპოლიტისა და რომის პაპის მიმართ.....	456
---	-----

ეპისტოლე ტარასისა, კონსტანტინოპოლის — ახალი რომის უწმინდესი პატრიარქისა, ძველი რომის პაპის, ადრიანეს მიმართ	458
---	-----

ღამატეპიტი კანონები

კანონები წმინდისა იოანე მმარხველისა	465
---	-----

კანონები წმინდისა ნიკიფორე აღმსარებელისა	492
--	-----

ნიკოლოზის, კონსტანტინოპოლის პატრიარქის კანონები	516
---	-----

წმინდა ბასილი დიდის, წმინდა იოანე ოქროპირის და ანტიოქიის პატრიარქ ანასტასის სხვადასხვა კანონიკური განწესებანი	522
---	-----